


Jag₁ 'mí₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a ma₂li' quian' Diu₄
New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 30 Dec 2021
5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	68
SAN LUCAS	109
SAN JUAN	177
HECHOS	228
ROMANOS	289
PRIMERA CORINTIOS	316
SEGUNDA CORINTIOS	342
GÁLATAS	359
EFESIOS	369
FILIPENSES	378
COLOSENSES	385
PRIMERA TESALONICENSES	391
SEGUNDA TESALONICENSES	397
PRIMERA TIMOTEO	400
SEGUNDA TIMOTEO	407
TITO	412
FILEMÓN	415
HEBREOS	417
SANTIAGO	438
PRIMERA PEDRO	445
SEGUNDA PEDRO	453
PRIMERA JUAN	458
SEGUNDA JUAN	465
TERCERA JUAN	466
JUDAS	467
APOCALIPSIS	469

Já_{g1} Dse₃ quió'₅ Diú₄ a₂ca₂tó'₂ San Mateo ne₄ Si₂

*Dsa₂ can'₅₄ quián₅ Jesucristo i₂jme₁chan₂ ma₂líg'₂
(Lucas 3:23-38)*

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lín₃ jmei₂ Isaac;
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ ríin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;
⁶ Isaí guë'₂ ca₂lín₃ jmei₂ Rag₅₄ David.
Rag₅₄ David guë'₂ ně₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quián₅ Urías le₂ñjá₅).

⁷ Salomón guë'₂ ca₂lín₃ jmei₂ Roboam;
Roboam guë'₂ ca₂lín₃ jmei₂ Abías;
Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;
Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;
Jotam guë'₂ ca₂lín₃ jmei₂ Acaz;
Acaz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;
Manasés guë'₂ ca₂lín₃ jmei₂ Amón;
Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ ríin'₅₄,
(lia'₂ con'₂ jmíg₄ jme₁ca₂i₃lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel ně₃ ca₂lín₃ jmei₂ Abiud;
Abiud guë'₂ ca₂lín₃ jmei₂ Eliaquim;
Eliaquim guë'₂ ca₂lín₃ jmei₂ Azor;

¹⁴ Azor ně₃ ca₂lín₃ jmei₂ Sadoc;

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

Sadoc guë'₂ ca₂lin₃ jmei₂ Aquim;

Aquim guë'₂ ca₂lin₃ jmei₂ Eliud;

¹⁵ Eliud guë'₂ ca₂lin₃ jmei₂ Eleazar,

i₂ca₂lin₃ jmei₂ Matán;

Matán guë'₂ ca₂lin₃ jmei₂ Jacob;

¹⁶ Jacob ně₃ ca₂lin₃ jmei₂ José, dsi₂i₂gu₂ María;

María guë'₂ ně₃ ca₂lin₃ chog₅₄ Jesús

i₂tě'₂ dsa₂ Cristo*.[†]

¹⁷ Jaun₂ ně₃, con'₂ guia₃-quén₂ tsi₁jon₂ dsa₂ ca₂ņí₂ ca₂le₃ jme₁chan₂ Abraham ca₂tě₂ jmi₄g₄ jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ņí₂ ca₂le₃ jme₁chan₂ David, ca₂tě₂ jmi₄g₄ jme₁ca₂tág₃ dsa₂ dsa₂ israelitas jui₅ 'uě₃ Babilonia; cang₂ jaun₂ guě₄ ně₃, con'₂ guia₃-quén₂ tsi₁jon₂ dsa₂ ca₂ņí₂ ca₂le₃ ca₂tág₃ dsa₂, ca₂tě₂ jmi₄g₄ jme₁ca₂rě₃chán₃ dsa₂ I₂rě₂'ín₁ quián₅ Diú₄.[‡]

A₂ lia'₂ ca₂lě₃ a₂ca₂rě₃chán₃ Jesús

(Lucas 2:1-7)

¹⁸ Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄ jág₁ a₂jéin'₂ gu₂ quian'₅₄ José; la₁ né'₃ guě₄ a₂tiaín'₃, María ně₃ ca₂can₃ guein₂ tē₂le₃ quian'₅₄ jui₅bí₂ quió'₅ Jme₂dsí₂ Jñi₅.

¹⁹ José dsa₂ ňe'₂ quiáin₅ ně₃ jme₁lín₄ jan₂ dsa₂ dsen₃, jaun₂ tsá₃ jme₁'nio₃ chein'₃ o₂guí'₃ María jua'₅₄ le₃ņi₅ dsa₂ juin₅; jnia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂ bá₄ con'₂ tsá₃ 'ein₂ ňi₅.

²⁰ Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃ a₂ca₂jme₃jnia₅ jan₂ ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María a₂lén₂ dsi₂i₂gog'₂, ia₁ guein₂ i₂le₃chan₂ quiáin₅ já₅ ja₁con₂ Jme₂dsí₂ Jñi₅.

²¹ Jaun₂ le₃chan₂ jan₂ guein₂ dsa₂ ňe'₂ quiáin₅, jaun₂ quiaín'₅₄ 'ne₂ JESÚS.Š Le₃chein₂ le₂ně₅ ia₁ a₂lióin₂ dsa₂ juig₂ quiáin₅ 'uig₅₄ dsáu₁.

²² Ca₂lě₃ ca₂le₃jě₃ a₂ně₅ ia₁jaun₂ le₃ti₃ ju₁lia'₂ ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ě₂ jág₁ quiáin₅, jme₁ca₂juá'₂:

²³ Cán₂ jan₂ dsa₂ mi₄ guein₂,

jaun₂ le₃chan₂ jan₂ guein₂ dsa₂ ňe'₂ quiáin₅,

jaun₂ le₃chein₂ Emanuel,*

co₂'nió'₄ a₂juá'₂: Quiong'₅₄ Diú₄ jniog₄.

²⁴ Jaun₂ jme₁ca₂ņé₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂ ángel quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂i₂gu₂.

²⁵ La₁ia₁ tsá₃ ca₂tiáin'₂ dsi₂jui₅ jme₁né₄, jua'₅₄ a₂ca₂rě₃cuin₂₃ r'in'₅₄, ca₂lia'₂ jme₁ca₂rě₃chán₃ guein₂ i₂le₂'uig₅₄ 'éi₂ quián₅ bá₄ María; jaun₂ ca₂quiaín₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂ jág₁

¹ Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmi₄g₄ lia'₂ con'₂ jme₁lín₄ Herodes rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂ tē₂le₃ ja₁'ia₂* 'iog₂, jaun₂ ca₂dsi₃lén₂ juig₂ Jerusalén.

[†] **1:16** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. [‡] **1:17** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías” quian'₅₄ jág₁ ňi'₅₄. **§ 1:21**

Lia'₂ chen₂ Jesús (hebreo: Yeshua) jein₅ jág₁: Lió₂ bá₄ Te₁gui'₅₄. * **1:23** Isaías 7:14. * **2:1** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

² Jaun₂ ca₂ŋag₃:

—¿Na₅ Rag₅₄ quián₅ dsa₂ judíos i₂ca₂rë₃chán₃? Ia₁ 'uë₃ të₂le₃ ja₁'ñia₂ 'iog₂, ma₂në₂jín₄ jnia'₅₄ nei₅ quián₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rë₃ŋi₅ Rag₅₄ Herodes jág₁ në₅, 'ñio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén.

⁴ Jaun₂ ně₃ ca₂tě'₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ të₅juá'₅ quián₅ dsa₂, jaun₂ ca₂ŋag₃ a₂já'₄ dsón'₂ lě₅ jág₁ le₃chan₂ dsa₂ I₂rë₂'ín₁ quián₅ Diú₄.

⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uë₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁'ě₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uë₃ Judá,

on₃jua'₅₄ 'ne₂ líng'₅ juig₂ i₂me'₂ guě₄

tě₂le₃ ne₄ jui₁lia'₂ dsa₂ i₂qui₂dsi₅ 'éi'₃ 'uë₃ ně₅;

ia₁ ja₁con'₂ 'ne₂ bá₄ o₃'in₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes ně₃ ca₂tě'₃ dsa₂ can'₅₄ 'éi₂ con'₂ jě₄ të₃co'₅₄, jaun₂ ca₂ŋag₃ líg'₂ 'e₂ jmig₄ të₃dsón'₂ ca₂rë₃jniá'₂ nei₅ jaun₂.‡

⁸ Jme₁ma₂në₂ŋag₃ dsa₂ 'éi₂ jaun₂ guě₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rë₂ të₂le₃ quió'₅ chi'₂ bē'₅₄ i₂'ín'₅ 'nia'₂ ně₅; jaun₂ jě₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá'₂ ján₃ i₂jme₁juin'₂.

⁹ Jme₁ma₂në₂néi₂ dsa₂ 'éi₂ jág₁ quió'₅ rag₅₄, jaun₂ ca₂i₃léin₂. Jaun₂ ně₃, nei₅ a₂ma₂ca₂jág₃a të₂le₃ 'uë₃ ja₁'ia₂a 'iog₂, ca₂ŋó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

¹⁰ Jme₁ca₂jág₃ jaun₂, § ca₂jmo₃ 'io'₂ 'ñio₅ lín₃;

¹¹ jaun₂ jme₁ca₂i₃toin'₅₄ dsi₂néi₂, ca₂jín₂ guein₂ bē'₅₄ quian'₅₄ chog₅₄ i₂chen₂ María. Jaun₂ ně₃, ca₂chi₃jnë₃ ca₂jme₃juin'₂ guein₂. Jaun₂ dsi₂jui₅ le₂jaun₂ qui₂ca₂niá'₃ tsí₁gu₅ quió'₅, ca₂cuë₃ cu₄nió₄, chen₂, no'₅₄ mirra ně₃.

¹² Cang₂ guě₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuing₃ Sě₄ quian'₅₄ María jui₅ 'uë₃ Egipto

¹³ Cang₂ guě₄ jaun₂, jme₁ma₂lén₃ dsa₂ can'₅₄ 'éi₂, ca₂qui₃ Sě₄ a₂ca₂jme₃jnia₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jñia₅ i₂bē'₅₄ quiáng'₂, chog₅₄ ně₃, cuing₅ 'nia'₂ jui₅ 'uë₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá'₂. Ia₁ 'nau'₂ Herodes 'nai'₂ guein₂ a₂ŋag₃.

¹⁴ A₂ca₂nau₂ jaun₂ Sě₄, ca₂tág₃ guein₂ quian'₅₄ chog₅₄ a₂'uë₂ jaun₂, ca₂i₃léin₂ jui₅ Egipto.

¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lě₃ le₂ně₅ ia₁jaun₂ le₃ti₃ jág₁ a₂ca₂juá'₂ Te₁gui'₅₄ të₂le₃ quian'₅₄ dsa₂ i₂jme₁'ě₂ jág₁ o₄quió'₄, jme₁ca₂juá'₂: “Tě₂ Egipto bá₄ ca₂tě₃ jniá'₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rë₃lí'₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rë₃'néi₃ 'ñio₅ lín₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tin₃

† 2:6 Miqueas 5:2. ‡ 2:7 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 2:10 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1.

ŋi₂, guein₂ i₂pí'₁ gué₄ ně₃ i₂chan₂ ma₂quián₅ Belén, lia'₂ con'₂ tí₅ ma₂ne₁ŋó₄ jmig₄ a₂ca₂juá'₂ dsa₂ can'₅₄ 'éi₂.

17 Jaun₂ le₂ně₅ ca₂rě₃ti₃ jág₁ a₂ca₂tó'₂ ne₄ si₂ Jeremías i₂jme'₁ě₂ jág₁ o₄quió'₄ Diú₄:

18 Ca₂né'₂ tē₁tsi'₅₄ co₂mi'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ gué₄ lin₃;

Raquel bá₄ 'éi₂ ca₂'o₃†

o₄quió'₄ chi'₂-guein₂ quián₅,

jaun₂ tsá₃ ca₂gue₃ jua'₅₄ 'ein₂ gué₃ jmo₃ lián'₂ dsí₅,

ia₁ ma₂ca₂dsan₃ bá₄ guein₂.‡

19 La₁ cang₂ gué₄ jaun₂, jme₁ma₂ca₂jon₃ Herodes, ca₂qui₃ Sě₄ a₂ca₂jme₃nia₅ táng₃ jan₂ ángel quián₅ Te₁gui'₅₄ ja₁coin₂ 'ein₅₄ Egipto,

20 Ca₂juá'₂ ángel:

—Nau₂, ŋhia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme'₁nio₃ jme₁ŋi'₃ guein₂.

21 A₂ca₂nau₂ jaun₂ táng₃ Sě₄, ca₂tág₃ chi'₂ quián₅, quian'₅₄ chog₅₄, jui₅ 'uě₃ Israel.

22 La₁ jme₁ca₂rě₃ŋi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jmei₂, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jē₄ qui₂₃, jaun₂ jui₅ 'uě₃ Galilea bá₄ ca₂ŋó₃.

23 Jme₁ca₂dsióg₃ ja₁jaun₂, ca₂ŋó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*'Ĕ₂ Juan₅₄ jág₁ caun₂ 'uě₃ quein₂ ja₁co₂'ŋiog₅
(Marcos 1:1-8; Lucas 3:1-18; Juan 1:19-28)*

1 Jmig₄ jaun₂ guan₃ Juan₅₄ i₂chon₅ dsa₂ jmig₂, caun₂ 'uě₃ quein₂ co₂'ŋiog₅ ja₁tén₄ 'uě₃ Judea, a₂'ě₂ jág₁,

2 a₂juá'₂:

—Jei₁'₅₄ 'nia'₂ 'au'₂, ia₁ ma₂ja₂quián₃ jmig₄ jē₁gon₃ Diú₄.

3 Juan₅₄ la₂ bá₄ 'éi₂ i₂ca₂'in₃ Isaías i₂jme'₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ŋiog₅, a₂juá'₂:

“Jmo₄ 'nia'₂ co₂ŋhia₅₄ jui₅ quió'₅ Te₁gui'₅₄;

nia₄ 'nia'₂ caun₂ jui₅ co₂dsau₅.”*

4 Ni₁tsin'₅₄ Juan₅₄ 'éi₂ jme'₁lě₄ 'mi'₂ a₂rě₂ta₄ quian'₅₄ ŋi₄ já'₂ camello; a₂jme'₁jén'₅ tú'₅ gué'₂ quian'₅₄ lo₄ já'₂; má₃ a₂jme₁gué'₅ gué'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂.

5 Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cuě₅ 'éi₂.

6 Jme₁ma₂ca₂lě₃ jmo₂₃ qui₂ŋi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ gué₄ ca₂cho₃ Juan₅₄ jmig₂† Cuá₃ Jordán.

7 La₁ jme₁ca₂jág₃ Juan₅₄ jun₅ lin₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmig₂,‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ĸ'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂'i₄ 'nei₂ dsí₅ Diú₄ a₂ja₂quián₃?

† 2:18 Raquel: 'io₅₄ quián₅ Jacob, Génesis 29. ‡ 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmig₂.” ‡ 3:7 lit. “tióg₂ Juan₅₄ jmig₂.”

8 Jmo₄ 'nia'₂ jaun₂ ju_{i1}le₂jniá₂ a₂léi₄ tē₃dsón'₂ a₂ma₂ca₂jein'₅₄ 'nia'₂ 'au'₂.

9 Tsá₃ o₁len'₂ 'nia'₂ jua'₅₄ lé₂le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tē₂ ni₁cang₁ tio'₅₄ la₂, lé₂le₃jmo₃ Diú₄ jmóí'₂ tsi₁jon₂ Abraham.

10 Ia₁ ma₂lě₅ co₂jnia₅₄ ŋi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ mǐg₂ 'ag₅, uín'₂ bá₄, dsi₂to'₅₄ si₂.

11 Jniá₂ ně₃, dsau₅ bá₄ ně₂tiáng₃ 'nia'₂ jmǐg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió₃ ně₃, 'éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tǐng₂ i₁quian₃. 'Éi₂ guě₄ ně₃, tióg₂ Jme₂dsí₂ Jnió₅, dsi₂si₂ ně₃.

12 Nē₂jag₄ bá₄ a₂ma₂chi₁chan'₂ ŋí₁ a₂quió'₅ mǐg₂ trigo, dsia₃ jma₃quén₅ quian'₅₄ jme₁qui₅. Jmá'₃ mǐg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁lǐg'₂ jmǐg₄ éi₃. §

Ca₂jñó₂ Jesús jmǐg₂

(Marcos 1:9-11; Lucas 3:21-22)

13 Jaun₂ ně₃, Jesús, o₂'in₃ 'uě₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmǐg₂.*

14 Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmǐg₂.† ¿'A₂ bá₄ lia'₂ 'ne₂ ŋe'₃ ja₁con₂ jniá₂?

15 La₁ ca₂juá'₂ Jesús:

—Ju_{i1}le₅₄ bá₄ le₂ně₅ tē₂ně₃, ia₁ dsi₂ten₅₄ de'₂ jmó₁ jniog₄ le₂ně₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

16 Jme₁ma₂lě₅ cho₅ Juan₅₄ jmǐg₂,‡ jaun₂ ca₂o₃'in₃ Jesús dsi₂jmǐg₂. Jaun₂ dsi₂ju_{i5} le₂jaun₂ ca₂niá₃ dsi₄ mi₂güig₃ ca₂lě₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂.

17 Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ŋí₄ lě₃ 'nióg₃ guě₄ lín₃. 'E₂ bá₄ 'ŋio₂ dsi₃ quiain'₅₄.

4

Ca₂caun₃ i₂sě₃dsen₃ táu₂ quió'₅ Jesús

(Marcos 1:12-13; Lucas 4:1-13)

1 Dsi₂ju_{i5} jaun₂ ca₂tě₃ Jme₂dsí₂ quián₅ Diú₄ ca₂tě'₃ Jesús caun₂ 'uě₃ quein₂ co₂'ŋiog₅ ia₁jaun₂ ja₁jaun₂ cáun₂ táu₂ i₂sě₃dsen₃.

2 Tē₂láu₃ jmǐg₄ tē₂láu₃ nei₅, ca₂jme₃'in₅₄ Jesús; cang₂ guě₄ jaun₂ ca₂lě₃ i₁cón'₅ 'ŋio₅ lín₃.

3 Jaun₂ ca₂jme₃quián₃ i₂sě₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ŋi'₅₄ Diú₄, jmo₄ ju_{i1}le₅₄ i₁ŋí'₄ ni₁cang₁ tio'₅₄ ně₅.

4 La₁ ca₂ŋag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ŋí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uě'₂ mi₂o₄ Diú₄.”*

5 Nó₃ jaun₂, ca₂jio₃ táng₃ i₂sě₃dsen₃ tē₂ ju_{i2} Jerusalén ciudad jnió₅, jaun₂ ca₂jio₃ tē₂ guei'₅₄ guá'₅ templo ja₁ŋei₅ 'ŋio₅ lín₃.

6 Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ŋi'₅₄ Diú₄, tian'₅₄ ja₁ně₅; ia₁ juá'₂ ne₄ Si₂:

§ 3:12 'Nio'₂ ja₁ton₅ Mateo 13:30. * 3:13 lit. “ia₁jaun₂ tióg₂ Juan₅₄ jmǐg₂.” † 3:14 lit. “tían'₄ 'ne₂ jmǐg₂.” ‡ 3:16 lit. “tióg₂ Juan₅₄ jmǐg₂.” * 4:4 Deuteronomio 8:3.

Chen₃ Diú₄ ángeles quiáin₅
ia₁jaun₂ jmo₃ 'í₁;

chó'₂ quian'₅₄ gu₂
ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

7 Jaun₂ ca₂ḡag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”‡

8 Con'₂ guě₄ siá'₂ táng₃ ca₂jiog₃ i₂sě₃dsen₃ jui₅ caun₂ má'₂ ja₁ḡei₅ 'ḡio₅ lin₃. Jaun₂ ca₂'ě₃ le₃jě₃ juig₂ a₂cha₂ mi₂güig₃ quian'₅₄ ca₂le₃jě₃ a₂jlá'₁ cha₂.

9 Jaun₂ ca₂tsí'₃ Jesús:

—Dsia₅₄ jniá₂ gog'₂ 'ne₂ ca₂le₃jě₃ a₂ně₅, nē₁juá'₂ ca₂chi₁jne'₄ ne₃ a₂jme₁juag'₂.

10 Jaun₂ ně₃ ca₂ḡag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jḡia'₅₄ lia'₂ ne₄ 'éi₂ bá₄ jme₁ti₁.”§

11 Jaun₂ ně₃ ca₂ḡá'₃ i₂sě₃dsen₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

*Ca₂jme₃lióg₃ Jesús ta₁ quió'₅, 'uě₃ Galilea
(Marcos 1:14-15; Lucas 4:14-15)*

12 Jme₁ca₂rě₃ḡi₅ Jesús a₂'en₅₄ Juan₅₄ né'₃ 'má₃, jaun₂ ḡó₃ jui₅ 'uě₃ Galilea.

13 Tsá₃ ca₂jḡia₃ jě₄ juig₂ Nazaret, ḡó₃ bá₄ ca₂i₁'i₅ tē₂ Capernaum, caun₂ juig₂ a₂niog₅ chei'₅₄ jmi₁ḡi'₄ 'uě₃ ja₁tén₄ Zabulón quian'₅₄ Neftalí.

14 Jaun₂ le₂ně₅ ca₂rě₃ti₃ jág₁ a₂ca₂tó'₂ ne₄ si₂ Isaías i₂jme₁'ě₂ jág₁ o₄quió'₄ Diú₄:

15 'Uě₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ḡi'₄,
'uě₃ Galilea le₃quió'₅ dsi₂nau₂:

16 dsa₂ i₂jme₁tián'₄ jě₄ qui₁né'₃

ma₂ca₂jág₃ caun₂ si₂ juě'₂;

dsa₂ i₂jme₁tián'₄ 'uě₃ ja₁'ei₅ 'én'₁ 'mú₃,

ne₄ quió'₅ ma₂ca₂'ág₂ si₂.*

17 Tě₂le₃ ne₄ jui₅ jaun₂ ca₂jme₃lióg₃ Jesús ca₂'ě₂ jág₁, ca₂juá'₂:

—Jei₅₄ 'nia'₂ 'au'₂, ia₁ ma₂ja₂quián₃ guá₂ 'éi'₃ quió'₅ Diú₄.

*Ca₂tě'₃ Jesús quén₂ dsa₂ i₂tsán'₂ ju₄
(Marcos 1:16-20; Lucas 5:1-11)*

18 Co₂ráun₂ ḡó₃ Jesús i₁ḡi₂ chei'₅₄ jmi₁ḡi'₄ Galilea. Ja₁jaun₂, ca₂jíin₂ Si₂mu₅₄ i₂tě'₂ dsa₂ Pe₄, quiain'₅₄ dsó₂ riin'₅₄ i₂chen₂ Drě₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ ně₃ jme₁tióin'₅₄ táun₂ 'má₅ dsi₂jmi₂g₂.

19 Jaun₂ ca₂juá'₂ Jesús:

—'Éin₃ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güig₃, ju₁lia'₂ chi₂liáng'₁ ju₄ ně₅.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃lén₂ quiong'₅₄.

21 Me'₂ guě₄ ne₄ jui₅ ja₁i₃lén₂ jaun₂, ca₂jíin₂ con'₂ guě₄ on₃ dsó₂: Jacobo quian'₅₄ Juan₅₄ riin'₅₄, ja₁ḡi'₅₄ Zebedeo. Jme₁tióin'₅₄ 'ḡió'₃ tsi₁mu₅ qui₂'méi₅ 'má₅ quió'₅, quiain'₅₄ jmei₂. Jaun₂ ca₂tě₃ Jesús,

22 jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂i₃lén₂ ca₂jme₃quiain'₅₄ Jesús.

*Ca₂jme₃tin₅ Jesús juin₅ lin₃ dsa₂
(Lucas 6:17-19)*

† 4:6 Salmo 91:11-12. ‡ 4:7 Deuteronomio 6:16. § 4:10 Deuteronomio 6:13. * 4:16 Isaías 9:1-2.

23 I₂ŋi₅₄ Jesús le₂tan₅₄ 'uë₃ Galilea, qui₂jme₂t₂in₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ŋi₅. Qui₂'ë₂ jág₁ dse₃ ju₁lia'₂ ja₁gon₂ Diú₄, ján₃ bá₄ qui₂jme₂lióin₂ dsa₂ ca₂le₃jě₃ ne₅₄ dso₄ 'e₂ niog₅ lín₅ dsa₂.

24 Le₂tan₅₄ 'uë₃ Siria ca₂i₃'ág₃ jág₁ 'a₂ lia'₂ lě₅ jmo₅ Jesús ŋi₂₃, jaun₂ ca₂o₃j₃nia₃ dsa₂ ca₂le₃jín₃ dsa₂ i₂le₁quian₅ ca₂le₃jě₃ ne₅₄ jmi₁uig₅, quian'₅₄ ju₁'ein₂ guě₃ i₂qui'₂ uig₅ quió'₅. Ca₂i₁quian₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

25 Ju₁n₅ lín₃ dsa₂ i₂chan₂ Galilea, dsa₂ i₂chan₂ ta₁guia₃ ju₁g₂ ja₁tě'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uë₃ Judea quian'₅₄ dsa₂ i₂tián'₅ le₂'ŋo'₅₄ Cuá₃ Jordán ně₃, ca₂jme₃quiong'₅₄ ca₂jme₃quian'₅₄ Jesús.

5

Jág₁ a₂ca₂cuë₃ Jesús má'₂ (Lucas 6:20-23)

1 Jín₂ Jesús dsa₂ ju₁n₅ 'éi₂, jaun₂ ca₂uig₂ caun₂ dsi₂con'₂ ja₁ŋei₅ guě₄, jaun₂ ca₂guá₂. Jaun₂ ca₂ŋi'₂ dsa₂ i₂quian'₅₄ le₃lág'₃ quió'₅.

2 Jaun₂ ca₂jme₃lióg₃ ca₂jme₃t₂in₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

3 —'E₂ guě₄ dsen₃ ju₁lia'₂ dsa₂ i₂rě₂lí'₄ qui₂chi₁quian₁₂ jmi₁g₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂t₂in₂ ja₁gon₂ Diú₄.

4 "E₂ guě₄ dsen₃ ju₁lia'₂ dsa₂ i₂ta'₂ 'lia'₂ dsí₅, ia₁ cuë₃ bá₄ Diú₄ lián'₂ dsí₅.

5 "E₂ guě₄ dsen₃ ju₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ t₂in₅₄, cuë₃ Diú₄.

6 "E₂ guě₄ dsen₃ ju₁lia'₂ dsa₂ i₂ŋi₄ lě₃ 'ín₅ dsí₅ jmo₃ a₂'ŋio₂ dsí₅ Diú₄, ia₁ lě₂ dsí₅ ně₂jag₄ bá₄ a₂i₁cón'₅, a₂rě₂quein₂ dsí₅ ně₃; ia₁ 'ág'₄ bá₄ dsí₅, jmo₃ Diú₄.

7 "E₂ guě₄ dsen₃ ju₁lia'₂ dsa₂ i₂ŋéi₂ dsí₅ dsa₂ sián'₂, ia₁ dsia₃ bá₄ Diú₄ ŋéi₂ dsí₅ guioin₅₄.

8 "E₂ guě₄ dsen₃ ju₁lia'₂ dsa₂ i₂qui₂le₁jě₃ dsí₅, ia₁ jín₂ bá₄ Diú₄.

9 "E₂ guě₄ dsen₃ ju₁lia'₂ dsa₂ i₂quín'₅ bí₂ 'no'₂ ju₁'a₂ lia'₂ 'ag₃ tei₄, ia₁ quiong₃ Diú₄ chi'₂guein₂ quiáin₅.

10 "E₂ guě₄ dsen₃ ju₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂'ŋio₂ dsí₅ Diú₄, ia₁ ja₁gon₂ Diú₄ bá₄ ca₂t₂in₂.

11 "E₂ guě₄ dsen₃ 'nia'₂, jě₁ma₂tě₂ rě₁qui₃j₃náu'₂ dsa₂ jág₁, qui₂co₂j₃móg'₂, a₂juá'₂ ca₂le₃jě₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃ jniá₂;

12 jmo₄ 'nia'₂ 'io'₂, ju₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂ně₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ě₂ jág₁ quián₅ Diú₄, i₂ma₂ca₂rě₃chán₃ le₂ŋiá₅ con'₂ guě₄ 'nia'₂.

Jág₁ a₂jáng'₅ léi₄ ju₁lia'₂ tsi₁ŋi₁ quian'₅₄ si₂ a₂tág₅ jín₄ dsa₂ mi₂güí₃ (Marcos 9:50: Lucas 14:34-35)

13 'Tén'₅ 'nia'₂ ta₁ ne₄ gua'₅₄ 'uë₃ ju₁lia'₂ jmo₅ tsi₁ŋi₁ jě₄ má₃. La₁ ně₁juá'₂ ma₂ca₂'en₃ ŋi'₅₄ tsi₁ŋi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂j₃nia'₅₄ lia'₂ a₂dsi₃ga'₅₄ bá₄ jaun₂, qui₂tsó'₃ dsa₂.

14 'Ján₃ bá₄ rě₂jniá'₁ 'nia'₂ co₂'nió'₄ a₂lín₅ si₂ quió'₅ dsa₂ mi₂güí₃. Ju₁lia'₂ caun₂ ju₁g₂ a₂niog₅ dsi₂con'₂ tsá₃ lé₂ le₃dsi₃'ma₄,

15 ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂.

16 Le₂ně₅ bá₄ 'nia'₂ ně₃, jmo₄ tág₅ si₂ quiáng'₂ jin₄ dsa₂ mi₂güí₃, ia₁jaun₂ tē₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Nēi'₅ 'nia'₂ i₂guá₅ guei'₅₄ i₂juí₃.

Jme₂tag₅ Jesús ju₁lia'₂ 'Éi'₃

17 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ guē'₂ jág₁ a₂jme₁jme₂tag₅ dsa₂ i₂jme₁'ě₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂jñiá'₄, tē₂le₃ a₂jme₁'ñia₅ bá₄ jniá₂ guio₃.

18 Ia₁ a₂dsi₂jó'₃ juá'₅ jniá₂, tē₂lia'₂ niog₅ mi₂güí₃, tē₂lia'₂ jniá₂ dsi₄ guei'₅₄ ně₅, 'i₁caun₂ punto, on₃ guē'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rē₃ti₃ ca₂le₃jě₃ a₂niog₅ lé₂.

19 'Uig₅₄ jaun₂, ju₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, ně₁jua'₂ le₂jaun₂ jme₁tin₂₃ dsa₂ rin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ ju₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tin₂₃ i₂sián'₂ ně₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄.

20 Ia₁ a₂dsi₂jó'₃ juá'₅ jniá₂ juí₂ 'nia'₂, ně₁jua'₂ tsá₃ ca₂jmo'₅₄ 'nia'₂ a₂dse₃ guē'₄ con'₂ guē'₄ tē₅juá'₅ quian'₅₄ dsa₂ fariseos, lia'₂ o₁líg'₂ jmig₄ tsá₃ lé₂ dsi₁no'₃ 'nia'₂ ja₁gon₂ Diú₄.

*Jme₂tag₅ Jesús ju₁lia'₂ a₂rē₂'ne₂ dsa₂
(Lucas 12:57-59)*

21 'Ma₂ñi'₅₄ bá₄ 'nia'₂ 'a₂ lia'₂ lě₅ ma₂nág₂ dsa₂ can'₅₄ quián'₂ 'nia'₂: “Tsá₃ jñíg'₄ dsa₂, * ia₁ ně₁jua'₂ 'ein₂ ca₂jñi'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂.”

22 La₁ jniá₂ juá'₅ juí₂ 'nia'₂, chi₂jua'₂ 'ein₂ ca₂rē₃'né₃ quian'₅₄ rin'₅₄, † ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃. Jáñ₃ bá₄ le₂jaun₂ ju₁lia'₂ i₂tē₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ ju₁lia'₂ i₂quian₅ tonto_‡ rin'₅₄, go'₂ 'lián'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, ně₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, ně₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂,

24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guē'₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ ríng'₂. Jaun₂ guē'₄ ñe'₅₄ táng₃ i₂dsia₄ a₂cuē'₅₄ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ñi'₅₄ ta₁ 'nio'₂ ju₁'éi₂ caun₂ jág₁ quian'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ñó₅ ně₁ca₂jáng'₂ o₄gú₃ chi'₂ 'i'₅₄; i₂'éi₂ guē'₄ ně₃ 'liog'₃ né'₃ 'má₃.

26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄ dsi₂i₂gu₂

27 'Ma₂ñi'₅₄ bá₄ 'nia'₂ jáñ₃ 'a₂ lia'₂ lě₅ ma₂juá'₂ dsa₂ le₂jñiá₅: “Tsá₃ nióg'₄ jág₁ quian'₅₄ dsa₂ on₃jua'₅₄ dsi₂i₂gog'₂.” §

28 La₁ jniá₂ guē'₂ juá'₅ juí₂ 'nia'₂, chi₂jua'₂ 'ein₂ dsi₂jio₅ dsi₅'lig'₅₄ qui₂jñin₂ jan₂ dsa₂ mí₂, co₂'nió'₄ ma₂nē₂'nióg₂ dso₄ quiong'₅₄ ju₁'tē₂dsi₅.

29 'Nē₁jua'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tion₂ uíng₂; ia₁ dse₃ guē'₄ a₂dsi₃'én₂ ca₂jne₄ quiáng'₂, con'₂ guē'₄ jme₁o₁'ú'₃ ta₁jang'₂ ja₁'lig'₅₄.

30 Jáñ₃ bá₄ le₂ně₅ ně₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tion₂ uíng₂; ia₁ dse₃ guē'₄ a₂dsi₃'én₂ ca₂jne₄ ni₁ñi'₁ con'₂ guē'₄ jme₁o₁'ú'₃ ta₁jang'₂ ja₁'lig'₅₄.

* 5:21 Éxodo 20:13. † 5:22 A₂lín'₅₄ chog₅₄ si₂ juá'₂ jáñ₃: “on₃jua'₅₄ cha₂'uig₅₄.” ‡ 5:22 griego: raza; caun₂ jág, tē₂'o'₅₄ arameo co₂'nió'₄ a₂juá'₂: “Tsá₃ 'e₂ tio'₅₄ mi₂dsei'.” § 5:27 Éxodo 20:14.

Jme₂tag₅ Jesús jui₁lia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jníá₅: “Chi₂jua'₂ 'ein₂ ca₂tén₂ dsa₂ mí₂ quián₅, ca₂tíin₂ cho₃ caun₂ si₂ a₂jáng'₅ léi₄ a₂ma₂ca₂tén₂ dsón'₂ riin'₅₄.”*

32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂ 'uig₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quiáin₅ dso₄. Ján₃ bá₄ le₂jaun₂ jui₁lia'₂ dsa₂ ŋe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús jui₁lia'₂ jág₁ a₂'in₅ dsa₂ Diú₄

33 'Ma₂nei'₂ bá₄ 'nia'₂ ján₃, 'a₂lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuē'₅₄ a₂'ing'₅ Te₁gui'₅₄.”

34 La₁ jniá₂ juá'₅ juíg₂ 'nia'₂ tsá₃ 'e₂ 'uig₅₄ cha₂ jua'₅₄ a₂'ing'₄ Diú₄; tsá₃ 'ě'₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂;

35 on₃ guē'₂ 'ě'₁ gua'₅₄ 'uē₃, ia₁ co₂'nió'₄ ja₁tióng₂ tag₄ bá₄ Diú₄; on₃ guē'₂ 'nió'₅ 'ě'₁ 'nia'₂ Jerusalén, ia₁ juig₂ quió'₅ Rag₅₄ Juin'₂ bá₄ jaun₂.

36 Tsá₃ lě₁'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁jni₂ dsei'₂ 'nia'₂ tsá₃ lé₂ le₃jmó'₂ tiog₂, on₃ guē₄ a₂lia'₂ ně₃.

37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂'ón₄” 'e₂, ia₁ ně₁jua'₂ 'ein₂ ca₂juá'₂ ŋag₅₄ guē₄ con'₂ lě₅ ně₅, já₅ ja₁con₂ i₂sē₃dsen₃ bá₄ jaun₂.

Jme₂tag₅ Jesús jág₁ jui₁lia'₂ a₂con₂ dsa₂ 'ma'₅₄ ja₁con₂ riin'₅₄
(Lucas 6:29-30)

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂jníá₅: “Ně₁jua'₂ 'ein₂ ca₂'én₂ ca₂míg₂ mi₂ne₄ rin'₅₄, le₂jaun₂ bá₄ lé₂ 'éi'₃ dsi₃'én₂ ca₂míg₂ mi₂ne₄ jui₁lia'₂ i₂ca₂jmo₃ ján₃; o₃ ně₁jua'₂ 'ein₂ ca₂tia'₃ ca₂míg₂ mi₂jan₄ rin'₅₄ ně₃, le₂jaun₂ bá₄ lé₂ táng₃ 'éi'₃, tiá'₃ ca₂míg₂ quió'₅.”†

39 La₁ jniá₂ guē'₂ juá'₅ juíg₂ 'nia'₂, tsá₃ lě₁nau₂ 'nia'₂ queng'₂ quian'₅₄ dsa₂ 'lin'₅₄. Ně₁jua'₂ 'ein₂ ca₂quein₃ rě₂jog'₂, jein'₅₄ tē₂le₃ ca₂ton₂, jui₁quein₂₃ ta₁tin₃ ton₂.

40 Chi₂jua'₂ 'ein₂ 'nag₅ quiáng'₂, a₂'nio₃ jniá'₂ ni₁tsín'₂, le₂jio₅ tsi₁'mi'₂ dsiog₂ qui'₅₄ cuē'₅₄ jui₁quion₂.

41 Ně₁jua'₂ 'ein₂ ca₂chi₃quióng₂ jmig₄ a₂caun'₅₄ lio₅₄ caun₂ kilómetro, o₂con₄ tin₃ kilómetros.

42 Jui₁'ein₂ guē₃ mi₅ 'e₂ mi₅ quiáng'₂ a₂dsi₂, cuē'₅₄; 'a₃ lě₁jein'₅₄ le₃mi₂ca'₅₄ quió'₅.

Jme₁'nió₄ bá₄ 'nia'₂ jui₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)

43 'Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂jníá₅: “Jme₁'nió₄ a₂mei₅₄ quiáng'₂, jme₁ŋia₅₄ jui₁lia'₂ dsa₂ i₂'iog₅₄.”

44 La₁ jniá₂ guē'₂ juá'₅ juíg₂ 'nia'₂: Jme₁'nió₄ bá₄ 'nia'₂ jui₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ jui₁lia'₂ dsa₂ i₂co₂'ein₅.‡

45 Jaun₂ le₂ně₅ bá₄ a₂rě₂jniá'₁ 'nia'₂ a₂líg'₅ chi'₂-guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi'₂ bá₄ cuē'₅ 'iog₂ cuē'₅ lia'₂ dsa₂ 'lin'₅₄ lia'₂ dsa₂ dsen₃; ján₃ bá₄ chein₁₂ jmí₅ cuē'₅ lia'₂ dsa₂ i₂cuin₅ Diú₄ lia'₂ dsa₂ i₂tsá₃ Diú₄ cuin₅ ně₃.

46 Ia₁ ně₁jua'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jio₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂.

47 Chi₂jua'₂ cuín'₅ 'nia'₂ Diú₄ jmá'₃ lia'₂ dsa₂ ríng'₂, ¿'e₂ a₂ŋag₅₄ guē₄ a₂dse₃ jmo'₂ 'nia'₂ ně₁jua'₂ le₂jaun₂? Ia₁ le₂ně₅ bá₄ jmo₅ dsa₂ i₂tsá₃ Diú₄ cuin₅ ján₃.

* 5:31 Deuteronomio 24:1. † 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂ juá'₂: “Jua'₅₄ a₂dse₃ ja₁con₂ jui₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ jui₁lia'₂ dsa₂ i₂'iog₅₄.”

48 Jui₁ dsi₂ can' ₅₄ bá₄ 'nia' ₂ a₂ dsi₁ nóg' ₅ léng' ₂ dsa₂ dsen₃ jui₁ lia' ₂ dsen₃ Néi' ₅ 'nia' ₂ i₂ guá₅ guei' ₅₄ i₂ juí₃.

6

Jme₂ tag₅ Jesús jág₁ jui₁ lia' ₂ a₂ jmo₅ dsa₂ dse₃

1 'Jmo₄ 'nia' ₂ 'í₁ tsá₃ lë₁ jmo₂ 'nia' ₂ a₂ líng' ₅ dsa₂ dsen₃ jnia' ₅₄ lia' ₂ jmá' ₃ jë₄ jág₃ dsa₂. Në₁ jua' ₂ le₂ në₅ jmo' ₂ 'nia' ₂, Néi' ₅ 'nia' ₂ i₂ guá₅ guei' ₅₄ i₂ juí₃ tsá₃ 'e₂ 'lian' ₅₄ 'nia' ₂ cuë₃ 'i₁ caun₂.

2 "Üig₅₄ jaun₂, jë₁ ma₂ tē₂ rë₁ jme₁ 'on' ₁ 'nia' ₂ 'ein₂ jme₁ 'ong' ₁ jui₁ lia' ₂ i₂ nió' ₅ quió' ₅, tsá₃ jmó' ₂ jua' ₅₄ úing₂ ma₂ dsi₂ ag₅ jág₁ jui₁ lia' ₂ jmo₅ dsa₂ i₂ lë₁ jmo₅ o₁ ne₁ dsi₂ néi₂ guá' ₅ sinagogas jui₁ lia' ₂ jë₄ calles në₃. Jmo₂₃ le₂ jaun₂ a₂ chein' ₂ dse₃ guioin₅₄ ia₁ jaun₂ ag₃ dsa₂ dse₃; la₁ ia₁ a₂ tē₃ dsón' ₂ juá' ₅ jniá₂ i₂ ma₂ gue₃ 'lian' ₅₄ bá₄ i₂ le₂ 'éi₂.

3 La₁ 'ne₂ në₃, jë₁ ma₂ tē₂ rë₁ jme₁ 'ong' ₁ jui₁ lia' ₂ 'ein₂ jme₁ 'ong' ₁, jmo₄ ca₂ lia' ₂ jnia' ₅₄ a₂ me₁ ₅₄ dsen₃ quiáng' ₂ tsá₃ ji₅.

4 Ja₂ lin₃ guë₄ dse₃ jmó' ₂ jë₄ tē₃ co' ₅₄. Jaun₂ Néi' ₅ i₂ jág₅ a₂ dse₃ jmo' ₂ jë₄ tē₃ co' ₅₄ jaun₂, cuë₃ 'liang' ₅₄.*

Jme₂ tag₅ Jesús 'a₂ lia' ₂ chi₃ lén' ₂ dsa₂ Diú₄

(Lucas 11:2-4)

5 'Jë₁ ma₂ tē₂ rë₁ chi₁ len' ₄ 'nia' ₂ Diú₄, tsá₃ lë₁ jmo₂ 'nia' ₂ jui₁ lia' ₂ jmo₅ dsa₂ i₂ lë₁ jmo₅ dsáu₅ o₁ ne₁, a₂ tē₅ dsí₅ chi₂ lén' ₂ Diú₄ tē₃ tióin₂ dsi₂ néi₂ guá' ₅ sinagogas jë₄ calles në₃, ia₁ jaun₂ jág₃ dsa₂. A₂ dsi₂ jó' ₃ juá' ₅ jniá₂, i₂ ma₂ gue₃ 'lian' ₅₄ bá₄ i₂ le₂ 'éi₂.

6 La₁ jë₁ ma₂ tē₂ rë₁ mí' ₁ 'ne₂ ne₄ Diú₄, jne₅₄ dsi₂ néi₂ quiáng' ₂. Ja₁ jaun₂ chi₁ len' ₄ 'ne₂ Diú₄ Néi' ₅ i₂ tsá₃ jniá₂. Jaun₂ në₃ Néi' ₅ i₂ ni₅ 'e₂ a₂ jmo' ₂ jë₄ tē₃ co' ₅₄, cuë₃ 'liang' ₅₄.

7 'Jë₁ ma₂ tē₂ rë₁ juig' ₅₄ Diú₄, tsá₃ jmó' ₂ 'nia' ₂ jua' ₅₄ a₂ lë₁ tē₁ 'í' ₁ jág₁ a₂ tsá₃ ta₁ tí₄, jui₁ lia' ₂ jmo₅ dsi₂ nau₂ i₂ tsá₃ 'én₂, ia₁ lín₂ nag₃ Diú₄ tē₂ le₃ ia₁ a₂ 'lióng₂ jág₁ juá' ₂.

8 Tsá₃ lë₁ o₁ len' ₅₄ 'nia' ₂ jui₁ lia' ₂ lín₅ dsa₂ le₂ 'éi₂. Ia₁ i₂ ma₂ ni₅ bá₄ Néi' ₅ 'nia' ₂ 'e₂ a₂ 'nió' ₅ quián' ₂ 'nia' ₂ né' ₃ guë₄ a₂ mí' ₁.

9 Jaun₂ në₃, le₂ la₂ bá₄ juig' ₅₄ 'nia' ₂ Diú₄:
Tia₅₄ quián₂ jniog₄, 'ne₂ i₂ néi' ₂ guei' ₅₄ i₂ juí₃,
jui₁ jme₂ go₃ bá₄ dsa₂ a₂ rë₂ jnió₄ a₂ cheng' ₂.

10 Jui₁ le₅₄ bá₄ 'éi' ₃ quiáng' ₂,
jui₁ le₅₄ bá₄ a₂ 'nio₂ 'au' ₂ 'ne₂ ne₄ gua' ₅₄ 'uë₃,
jui₁ lia' ₂ lë₅ guei' ₅₄ i₂ juí₃.

11 Cuë₄ a₂ 'nió' ₅ que₅₄ jnia' ₅₄ jmig₄ në₃.

12 'Én₃ dso₄ quián₂ jnia' ₅₄,
jui₁ lia' ₂ 'én₅ jnia' ₅₄ dsáu₁ rin' ₅₄.

13 'A₃ cuë₂ jmig₄ jiá₃ jui₁ bí₂ a₂ cáun₂ táu₂,
tē₂ le₃ lio₄ bá₄ o₄ gú₃ i₂ sē₃ dsen₃.†

14 'Ia₁ në₁ jua' ₂ 'én' ₅ 'nia' ₂ dsáu₁ ríng' ₂ jë₁ ma₂ 'náu₂ dso₄ ja₁ cong' ₂, ján₃ bá₄ le₂ jaun₂ Néi' ₅ 'nia' ₂ i₂ guá₅ guei' ₅₄ i₂ juí₃ 'éin₂ dsáu' ₂ 'nia' ₂ guiong' ₅₄.

15 La₁ në₁ jua' ₂ tsá₃ 'éng' ₅ dsáu₁ ríng' ₂, ján₃ bá₄ le₂ jaun₂ tsá₃ 'én₂ Néi' ₅ dsáu' ₂ 'nia' ₂.

Jme₂ tag₅ Jesús jág₁ jui₁ lia' ₂ a₂ jme₂ 'in' ₅₄ dsa₂

* **6:4** Juá' ₂ a₂ lin₅₄ chog₅₄ si₂ le₂ la₂ ján₃: "tē₃ jin₄ juin₅ dsa₂." † **6:13** A₂ lin₅₄ chog₅₄ si₂ juá' ₂: "lio₄ bá₄ jnia' ₅₄ ne₄ a₂ lig' ₅₄;" a₂ siá' ₂ juá' ₂ bá₄ ján₃: "ia₁ 'ne₂ bá₄ ca₂ tǐng' ₂ gong' ₂, qui₁ dsi' ₂ 'éi' ₃, a₂ jme₃ juag' ₂ dsa₂ në₃, co₂ tan₅₄."

16 'Jë₁ma₂të₂ rë₁jme₁'in₄ 'nia'₂, tsá₃ jme₁tsín₄ 'nia'₂ o₄-ne'₅₄ jua'₅₄ a₂jmo'₂ lë₁'ág₄ 'lia'₂ 'au'₂ jui₁lia'₂ jmo₅ dsa₂ i₂lë₁jmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón'₂ bá₄ jme₂'iin₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ 'éi₂.

17 La₁ 'ne₂ ně₃, jë₁ma₂të₂ rë₁jme₁'ing'₄, sio₅ rë₂ dsei'₂, rang₂ ne'₅₄ ně₃,

18 ia₁jaun₂ tsá₃ 'ein₂ le₃lí'₄ a₂jme₂'ing'₄. Jñia'₅₄ lia'₂ N'éi'₅ i₂tsá₃ jniá₂ bá₄ ñi₅. Jaun₂ N'éi'₅ i₂jág₅ ca₂le₃jě₃ a₂jmo'₂ jë₄ të₃co'₅₄ jaun₂, 'éi₂ bá₄ cuë₃ 'liang'₅₄.

Jui₁lia'₂ a₂quen₅ lin₃ a₂rë₂'ma₄ guei'₅₄ i₂juíg₃

(Lucas 12:33-34)

19 'Tsá₃ lë₁dsia₂ 'nia'₂ lo'₂ le₁má'₂ a₂jmo'₂ 'nia'₂ a₂quen₅ lin₃ quiáng'₂ ne₄ gua'₅₄ 'uë₃ la₂, ia₁ ja₁lá₃ ja₁lë₁qui₂rë₂jui₁ tón'₅ i₁ca₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rë₃'áu₁ cosas ně₃; ja₁lá₃ bá₄ chan₂ dsa₂ qui₂juin₂₃ 'e₂ qui₂juin₂₃ a₂tóin'₅ 'ang₂₃.

20 Guei'₅₄ i₂juíg₃ bá₄ 'nió'₅ dsiá'₁ 'nia'₂ lo'₂ quiáng'₂, ja₁tsá₃ 'e₂ lé₂ jua'₅₄ a₂qui₃'én₂ cá₁, on₃ guë'₂ 'e₂ rë₂'áu₁, on₃ guë'₄ lé₂ dsi₃ton'₅₄ 'ang₂.

21 Ia₁ jui₁lia'₂ jë₁tio'₅₄ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Jui₁lia'₂ jme₁ne₁ dsa₂

(Lucas 11:34-36)

22 'Lë₅ jme₁ne₁ dsa₂ jui₁lia'₂ lë₅ caun₂ si₂ ni₁tsí₅ quió'₅ ni₁ñi₁ dsa₂; 'uig₅₄ jaun₂ ně₃, ně₃ jua'₂ dse₃ jme₁ne'₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂;

23 la₁ ně₃ jua'₂ tsá₃ dse₃ jme₁ne'₁, ta₁jang'₂ bá₄ lë₅ qui₁né'₃. Në₃ jua'₂ si₂ quiáng'₂ ně₃, chí'₅ chi₁liá'₃, i₁'e₂ guë'₄ 'ñio₅ juë'₂ lë₅ qui₁né'₃ ně₃ jua'₂ le₂jaun₂!

Jui₁lia'₂ a₂'nio₃ dsa₂ Diú₄, a₂'in₅ guë'₂ dsí₅ cu₄ ně₃

(Lucas 16:13)

24 'I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig₅₄; ia₁ jme₃'ñiai₅₄ jan₂, i₂jan₂ guë'₂ jme₃'nioi₃. O₃ náu₃ tiá₂ quian'₅₄ jan₂, i₂jan₂ guë'₂ tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jio₅ ne₄ a₂'in₅ dsí₅ cu₄ ně₃.

Jmo₅ Diú₄ 'í₁ chi'₂-guein₂ quiáin₅

(Lucas 12:22-31)

25 'Jaun₂ ně₃ juíg₂ jniá₂ 'nia'₂: Tsá₃ lë₁can₂ 'nia'₂ o₂i₁ dsi₅ jua'₅₄ a₂ñí₄ 'i₅ 'au'₂ 'e₂ quë'₅₄, o₃ 'e₂ 'ag'₅₄ të₁lia'₂ chang'₂, on₃ guë'₂ o₄quió'₄ ni₁ñi₁ 'nia'₂, 'e₂ 'mi'₂ a₂qui'₅₄. ¿Tsa₁ quen₅ guë'₄ jme₂dsi₂ a₂chan₂ dsa₂ lia'₂ con'₂ guë'₄ má₃?

26 Jin₄ de'₂ 'nia'₂ jui₁lia'₂ i₁tan₅ i₂i₂nio₄ guei'₅₄: tsá₃ 'e₂ jne₂₃, on₃ guë'₂ 'e₂ cág'₅, jua'₅₄ a₂dsia₂₃ lo'₂; la₁ N'éi'₅ 'nia'₂ i₂guá₅ guei'₅₄ i₂juíg₃ qui₂jme₂tau₅₄. Jaun₂ ně₃, ¿Tsa₁ quen₅ guë'₄ 'nia'₂ lia'₂ con'₂ guë'₄ já'₂ 'éi₂?

27 ¿'Ein₂ 'nia'₂, të₂le₃ ia₁ a₂ñí₄ 'i₅ 'au'₂, lé₂ le₃jmo'₂ 'nia'₂ a₂lé₂ le₃chang'₂ caun₂ hora ñag₅₄ guë'₄?‡

28 ¿'E₂ 'uig₅₄ a₂ñí₄ lë₃ 'i₅ 'au'₂ 'nia'₂ jui₁lia'₂ o₄quió'₄ 'mi'₂ a₂qui'₅₄? Jag₄ de'₂ 'nia'₂ jui₁lia'₂ 'a₂ lia'₂ dsi₂cón₃ lí₁ a₂cha₂ ja₁nau₂; on₃ jua'₅₄ i₂jmo₅ ta₁ 'ua'₂, on₃ guë'₂ 'me₂₃;

29 la₁ juíg₂ jniá₂ 'nia'₂, ca₂lia'₂ jñia'₅₄ Rag₅₄ Salomón lia'₂ con'₂ jme₁quí₅ tsin'₅₄ a₂jlá'₁ guë'₄, tsá₃ ca₂rë₃jláin'₁ jui₁lia'₂ jlá'₁ lí₁.

30 Jaun₂ ně₃, chi₂jua'₂ Diú₄ le₂në₅ jmo₂₃ jlá'₁ nau₂ a₂cha₂ jmig₄ ně₃, la₁ 'ióg₃ guë'₂ dsi₃'én₂ dsi₂si₂, i₁'e₂ guë'₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃!

31 Jaun₂ le₂në₅, tsá₃ lë₁can₂ 'nia'₂ o₂i₁ dsi₅, jua'₅₄ a₂qui₁ñag₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mi'₂ qui'₅₄ jniog₄?”

‡ 6:27 A₂lin₅₄ chog₅₄ si₂ juá'₂: “a₂lé₂ le₃i₃con'₅₄ 'nia'₂ caun₂ lë₂.”

32 Ia₁ dsa₂ mi₂güig₃ bá₄ i₂nio₄ qui₂'en₅ 'ín₅ dsí₅ ca₂le₃jě₃ a₂ně₅. I₂ŋi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jě₃ a₂ně₅.

33 La₁ jmo₄ de'₂ jñiá₅ 'nia'₂ 'ín₅ 'au'₂ a₂jjiá₃ 'éi'₃ quió'₅ Diú₄ ja₁cong'₂, quian'₅₄ a₂jmo'₂ 'nia'₂ ca₂le₃jě₃ a₂dse₃ a₂tě₅ dsí₅ 'éi'₂, jaun₂ guě₄ guéi'₁ 'nia'₂ le₃jě₃ a₂ně₅ a₂ŋag₅₄ guě₄.

34 Tsá₃ lě₁can₂ 'nia'₂ o₂i₁ dsí₅ jaun₂, o₄quió'₄ jmig₄ 'ióg₃, ia₁ jma₃quén₅ o₂i₁ dsí₅ cha₂ bá₄ lia'₂ co₂jmig₄ lia'₂ co₂jmig₄.

7

Tsá₃ lě₁cáun₂ 'nia'₂ 'í₁ quió'₅ i₂sián'₂
(Lucas 6:37-38, 41—42)

1 'Tsá₃ lě₁cáun₂ 'nia'₂ 'í₁ quió'₅ ríng'₂, ia₁jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄.

2 Ia₁ le₂ně₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ ju₁lia'₂ cáun'₂ 'nia'₂ 'í₁ ja₁con₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsio₃ Diú₄ quián'₂ 'nia'₂ guiong'₅₄.

3 '¿A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ guě'₂ a₂'i₄ ca₂'nau₅₄ ni₁chá₅ pa₁ jme₁ne₁ 'ñiag'₂?

4 '¿O₃ 'a₂ lia'₂ lé₂ le₃juig'₅₄ ríng'₂: “Cuě₄ jmig₄ dsí₄ jniá₂ jme₁qui₅ pí'₁ a₂'i₄ jme₁ne₁,” ton'₂ ně₅ bá₄ chi₁'i₁ ca₂'nau₅₄ ni₁'ma₂ chá₅ jme₁ne₁ 'ñiag'₂?

5 'i₁Ne₂ dsa₂ i₂lě₁jmo₅ o₁ne₁! Dsi₄ de'₂ jñiá₅ ni₁'ma₂ chá₅ mi₂ne'₅₄ 'ñiag'₂, jaun₂ guě₄ lé₂ le₃jag'₅₄ rě₂, jaun₂ guě₄ lé₂ dsí'₁ qui₅ pí'₁ jme₁ne₁ ríng'₂.

6 'Tsá₃ cuě'₂ 'nia'₂ ju₁lia'₂ dsí₂ji'₅₄ a₂lě₅ a₂jñi₅ quió'₅ jme₂dsí₂, ia₁ con'₂ tsá₃ ŋó₅ ně₂ju₂ ja₂dsi₂in₂ a₂jmo₃ le₁juig₁ quiáng'₂. Ján₃ bá₄ tsá₃ dsia₂ 'nia'₂ ju₁lia'₂ míg₂ jlá'₁ a₂quen₅ quiáng'₂ ne₄ i₁ŋí₅, con'₂ tsá₃ ŋó₅ ně₂ju₂ qui₂ca₂tsó'₃, jme₃ióg₃.

Ju₁lia'₂ dsa₂ i₂mi₅, i₂'no'₂, i₂tě₂ ně₃.
(Lucas 11:9-13; 6:31)

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄'né₄, jaun₂ bá₄ niá₂.

8 Ia₁ ju₁lia'₂ i₂mi₅, gue₃ bá₄; ju₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅ ju₁lia'₂ i₂tě₂ o₄'né₄, niá₂ bá₄.

9 '¿O₃ chan₂ ju₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ŋí'₄, cuě'₂ 'nia'₂ ca₂míg₂ ni₁cang₁?

10 '¿O₃ chan'₂ 'nia'₂ jě₁ma₂ca₂mi₃ chi'₂ quiáng'₂ quió'₅ ju₄, cuín'₄ 'nia'₂ dsí₂mi'₂?

11 Jaun₂ ně₃, chi₂ju₂ 'nia'₂ dsa₂ i₂rě₂cán'₄ dso₄ ting'₂ cuě'₂ cosa dse₃ chi'₂-guein₂ quiáng'₂, i₂ě₂ guě₄ bá₄ Néi'₅ 'nia'₂ i₂guá₅ guei'₅₄ cuě₃ a₂dse₃ cuě'₃ ju₁lia'₂ i₂mi₅ ja₁coin₂!

12 'Uig₅₄ jaun₂ ně₃, jmo₄ bá₄ 'nia'₂ quian'₅₄ dsa₂ mi₂güig₃ ríng'₂ ju₁lia'₂ 'e₂ a₂'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂ně₅ bá₄ ta₁ qui'₅ ca₂le₃jě₃ Si₂ 'Éi'₃, quian'₅₄ guě₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄.

O₄ju₁dsag₂
(Lucas 13:24)

13 'Tión'₂ 'nia'₂ tě₂le₃ o₄ju₁dsag₂. Ia₁ a₂'í₂ juě'₂ bá₄ ja₁dsi₂ton'₅₄ dsa₂ ju₁ a₂jiog₅ ja₁dsi₃'éin₂. Ja₂lin₃ guě₄ juin₅ dsa₂ i₂dsi₂ton'₅₄ ju₁ jaun₂;

14 ia₁ caun₂ o₄ju₁dsag₂ rě₂quí'₅ bá₄ ja₁i₂nio₄ dsa₂ a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅ i₂dso'₂ ju₁ jaun₂.

Tě₂le₃ quian'₅₄ míg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-44)

15 'Jmo₄ 'nia'₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ě₂ jág₁ a₂jui₁gain₂, i₂ja₂lén₂ ja₁con'₂ 'nia'₂ qui₂rě₂lín₅₄ a₂lín₅ já'₂ cha'₂, la₁ tē₂le₃ né'₃ tē₂dsí₅ lín₅ jui₁lia'₂ lín₅ dsí₂jí'₅₄ náu₂ tsau₂ dsí₅.

16 La₁ tē₂le₃ 'a₂ lia'₂ jmo₅-dsáu₅ bá₄ le₃cuin'₂ 'nia'₂; ia₁ tsá₃ guei'₅₄ chi₁uíng₃ taun₅ quin₅ dsa₂ jui₁lia'₂ mǐg₂ uvas. On₃ guē'₂ lé₂ le₃quin₃ dsa₂ mǐg₂ higos guei'₅₄ 'ma₂ taun₅ jmi'₅₄.

17 Jaun₂ ně₃, ca₂le₃jě₃ 'ma₂ dse₃, mǐg₂ dse₃ bá₄ 'ag₅; ján₃ bá₄ le₂jaun₂ jui₁lia'₂ ni₁'ma₂ 'lig'₅₄, mǐg₂ 'lig'₅₄ bá₄ 'ag₅.

18 Jui₁lia'₂ ni₁'ma₂ dse₃, tsá₃ lé₂ le₃'ag₃ mǐg₂ 'lig'₅₄; ján₃ guē'₂ le₂jaun₂ tsá₃ lé₂ le₃'ag₃ mǐg₂ dse₃ jui₁lia'₂ ni₁'ma₂ 'lig'₅₄.

19 Ca₂le₃jě₃ ni₁'ma₂ a₂tsá₃ 'ag₅ mǐg₂ dse₃, jñia'₅₄ lia'₂ a₂uín'₂ bá₄, dsí'₂ dsí₂si₂.

20 Jaun₂ le₂ně₅ bá₄ le₃cuin'₂ 'nia'₂: tē₂le₃ 'a₂ lia'₂ lě₅ jmo₂₃.

Tsá₃ ca₂le₃jín₃ tǐn'₄ ja₁gon₂ Diú₄.

(Lucas 13:25-27)

21 'Tsá₃ ca₂le₃jín₃ i₂tě₂ jniá₂: “Te₁gui'₅₄, Te₁gui'₅₄,” dsí₁lein₅ guei'₅₄ i₂juíg₃ ja₁gon₂ Diú₄; jñia'₅₄ lia'₂ jmá'₃ i₂jmo₅ a₂'ñio₂ dsí₅ Ne'₃ i₂guá₅ guei'₅₄ bá₄ dsí₁len₅.

22 Juin₅ dsa₂ lé₂ jmǐg₄ jaun₂ i₂juá'₂ tsá₃ jniá₂: “Te₁gui'₅₄, Te₁gui'₅₄, ma₂qui₂ca₂'ě₄ jniá'₅₄ jág₁ o₄quián'₂ 'ne₂. Quian'₅₄ bí₂ 'éi'₃ quiáng'₂ ně₃, ma₂qui₂ma₂'uín'₅₄ jniá'₅₄ je₂na'₅₄, ma₂qui₂ma₂jmó₁ jniá'₅₄ 'lióng₂ léi₄ juē'₂ ně₃.”

23 La₁ jaun₂ guē'₄ ně₃ juig₅₄ jniá₂: “O₁líg'₂ tsá₃ 'nia'₂ ca₂rě₃cuíng₅. Cau₅ jñia'₃ 'nia'₂ i₂jmo₂ a₂'lig'₅₄.”

Ta₁tǐn₃ ne₅₄ 'uig₅₄

(Marcos 1:22; Lucas 6:47-49)

24 'Jaun₂ ně₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia'₂ lín₅ jan₂ dsa₂ i₂ñí'₂ dsí₅ i₂ca₂jmóg'₃ 'ne₄ ne₄ 'lau₂.

25 Ca₂já₃ jmǐ₅, qui₂ca₂juē'₂ jmǐg₂ cuá₃, ca₂'ág₂ dsí₂ tiá₂ lín₃ ca₂jnú₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig₅₄ ne₄ 'lau₂.

26 La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guē'₂ a₂juíg₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi'₃ 'né₅ quió'₅ ne₄ ti₁tsag₁.

27 Jme₁ca₂já₃ jmǐ₅, ca₂juē'₂ jmǐg₂ cuá₃, ca₂'ág₂ dsí₂ tiá₂ ca₂jnú₃ dso'₂ tsí₁'né₅ jaun₂; jaun₂ ca₂qui'₃ ca₂gon₃ gau₂ lín₃.

28 Jme₁ca₂lě₃ juá'₂ Jesús jág₁ le₂ně₅, 'ñio₅ lín₃ qui₂dsi₂gó'₃ dsí₅ dsa₂ 'a₂ lia'₂ lě₅ jág₁ a₂jme₂tag₂₃,

29 ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂, on₃jua'₅₄ rě'₂ lia'₂ tē₅juá'₅ quián₅.

8

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Marcos 1:40; Lucas 5:12-16)

1 Jme₁ca₂sión₃ Jesús má'₂, juin₅ lín₃ dsa₂ jme₂quiong'₅₄.

2 Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅ 'iog₅, ca₂chi₃jné₃ ne₄ Jesús, jaun₂ ca₂juá'₂:

—Chi₂jua'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄ jniá₂.

3 Jaun₂ Jesús ně₃ ca₂néi'₃ gu₂, ca₂ñja'₃ quió'₅ dsa₂ 'éi₂, jaun₂ ca₂juá'₂:

—'Nio₃ bá₄ jniá₂. Jme₁'lióng₅₄ 'ne₂.

Dsí₂jui₅ jme₁ca₂juá'₂ le₂ně₅, ca₂'lón₂ dsa₂ 'éi₂ 'mé'₅ 'iog₅ a₂jme₁lín₄.

4 Jaun₂ ca₂juá'₂ Jesús:

—Ně₃ jaun₂, tsá₃ lē₁'ein₂ juig'₂ 'i₁jan₂; njia'₅₄ lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lě₅ 'Éi'₃ quió'₅ Moisés, ia₁jaun₂ le₃ni₅ dsa₂ a₂ma₂le₁j'ing'₃.*

*A₂ lia'₂ jme'₁én₂ jan₂ juig'₅₄ 'lióg₂ romano
(Lucas 7:1-10)*

⁵ Jme₁ca₂'í₃ Jesús jē₄ juig'₂ Capernaum, ca₂jme₃quián₃ jan₂ juig'₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ njág₅ uig₅ ja₁quió₃; a₂'ua'₂ quió'₅, tsá₃ lé₂ jě'₂ gu₂-tag₅₄.

⁷ Jaun₂ ca₂juá'₂ Jesús:

—Nei₅₄ bá₄ jniá₂ i₁jme₁'lioin₁₂.

⁸ Jaun₂ ca₂nag₃ juig'₅₄ 'lióg₂:

—Te₁gui'₅₄, tsá₃ ca₂tín₂ jniá₂ jua'₅₄ o₁'ú'₃ 'ne₂ dsi₂néi₂ quió₃; njia'₅₄ lia'₂ a₂jme₁jmó'₂ 'éi'₃ bá₄, jaun₂ 'lión₂ dsa₂ 'éi₂ quiáng₃.

⁹ Ia₁ le₂ně₅ bá₄ jniá₂ 'njí₃, chéng'₅ a₂jme₂ti₅₄ 'éi'₃ quió'₅ juig'₃, ján₃ bá₄ le₂ně₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá₂ lé₂. Nē₁jua'₂ ca₂juig'₂ jniá₂: “Gua₂ jó₄”, ja₁jaun₂ dsó₃ bá₄; nē₁jua'₂ ca₂juig'₂ jniá₂ i₂sián'₂ guē'₂ táng₃: “Nia₅”, jiá₃ bá₄. Nē₁jua'₂ ca₂juig'₂ jniá₂ dsa₂ sián'₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quian'₅₄:

—A₂dsi₂jó'₃ juá'₅ jniá₂ juig'₂ 'nia'₂, ca₂lia'₂ 'i₁jan₂ dsa₂ juig'₂ Israel, tsá₃ i₂ma₂jín₄ jniá₂ i₂én₂ guē'₄ lín₃ lia'₂ 'én₂ dsa₂ la₂.

¹¹ Jniá₂ juig'₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uē₃, a₂tiain'₃ co₂lě₅ guē'₃ quian'₅₄ Abraham, quian'₅₄ Isaac, Jacob ně₃ ja₁gon₂ Diú₄ guei'₅₄ i₂juig'₃;

¹² Ia₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jē₄ qui₁né'₃ uing₂, qui₂dsi₃'áu₃, quig'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig'₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lě₅ 'éng'₂.

Dsón'₂ rē'₂ hora jaun₂ ca₂'lón₂ dsó₂ mozo quián₅ dsa₂ 'éi₂.

*Ca₂jme₃'lión₂ Jesús ma₂chog₅₄ Pe₄.
(Marcos 1:29-31; Lucas 4:38-39)*

¹⁴ Co₂ráun₂ njó₃ Jesús ja₁quió'₄ Pe₄. Ja₁jaun₂ jme₁rē₂quian₅ ma₂chog₅₄ Pe₄ a₂dso'₅₄ 'i₄ dséi₂.

¹⁵ Jaun₂ ca₂nja'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

*Ca₂jme₃'lión₂ Jesús juin₅ lín₃ dsa₂ dso'₅₄
(Marcos 1:32-34; Lucas 4:40-41)*

¹⁶ Le₃ca₂nei₂ jaun₂, juin₅ lín₃ dsa₂ i₂jio₅ jme₂dsí₂ je₂na'₅₄, ca₂o₃jnia₃ dsa₂ ne₄ Jesús; jaun₂ quian'₅₄ ca₂jon₄ jág₁ bá₄ ca₂'uíin'₂ jme₂dsí₂ 'lín'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄.

¹⁷ Le₂ně₅ bá₄ ca₂rē₃ti₃ jág₁ quió'₅ Isaías i₂jme₁'ě₂ jág₁ o₄quió'₄ Diú₄ jme₁ca₂juá'₂:

'Éi₂ bá₄ ca₂jniá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

*Dsa₂ i₂jme₁'nio₃ jme₃quian'₅₄ Jesús
(Lucas 9:57-62)*

* 8:4 'Í₂ Levítico 14. † 8:17 Isaías 53:4.

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ñí₃ dsa₂ quiáin₅ të₂le₃ 'ño'₅₄ jmí₁ñí'₄.

19 Jaun₂ ca₂jme₃quián₃ jan₂ të₅juá'₅ coin₂, jaun₂ ca₂juá'₂:

—Të₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ñag₃ Jesús:

—I₂cha₂ të₂'lau₂ quió'₅ bá₄ juí₁lia'₂ i₁güi₅, ján₃ bá₄ le₂jaun₂ juí₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güig₃ ně₃, tsá₃ ja₁cha₂ jua'₅₄ ja₁quióg₃ ca₂tiá'₂.

21 Jan₂ guë'₂ i₂sián'₂ i₂jme₁ma₂ñó₅ quiong'₅₄ ca₂juá'₂:

—Te₁gui'₅₄, ¿tsa₁ cuë'₁ jmig₄ a₂nég'₄ i₁'ong₃ de'₂ jniá₅ ñe'₃?

22 La₁ ca₂ñag₃ Jesús:

—Éin₃ 'ne₂ jniá₂, juí₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jmí₁ñí'₄, ca₂ñia'₃ dsí₂ ně₃

(Marcos 4:35-41; Lucas 8:22-25)

23 Jaun₂ ně₃, ca₂'í₃ Jesús 'ñió'₃ tsí₁mu₅, quian'₅₄ dsa₂ i₂ma₂quiain'₅₄.

24 Jme₁ma₂tioin'₅₄ ne₄ jmig₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmig₂ 'ñió'₃ tsí₁mu₅. La₁ jme₁rë₂güin₃ bá₄ Jesús ñó₅.

25 Jaun₂ ca₂i₁ñei₅₄ bá₄ dsa₂ quiáin₅, jaun₂ ca₂juá'₂:

—¡Te₁gui'₅₄, lió₄! ¡Ia₁ dsi₃'éin₂ jnia'₅₄† ja₁lá₃!

26 Jaun₂ ca₂ñag₃ Jesús:

—¿E₂ lë₃ ñí₄ lë₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmí₁ñí'₄ ně₃, jaun₂ co₂ñei'₅₄ ca₂të₁tsi'₅₄ táng₃ tei₄.

27 Jaun₂ ca₂i₃gó'₃ dsí₅ dsa₂, qui₂ca₂ñí'₃ riin'₅₄:

—¿I₂'ein₂ bá₄ dsa₂ ně₅, le₂jio₅ dsí₂ le₂jio₅ jmí₁ñí'₄ nag₅ gau₂ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ të₂dsí₅

(Marcos 5:1-20; Lucas 8:26-39)

28 Jme₂ca₂dsióg₃ Jesús le₃ca₂ton₂ jmí₁ñí'₄, të₂le₃ 'uë₃ Gadara,§ jaun₂ ca₂'uin₂ on₃ dsa₂ jë₄ le₁'on₅ 'lag₄, jaun₂ ca₂jme₃quián₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ñio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂ le₃ñí₃ juí₅ jaun₂.

29 Jaun₂ ca₂tóin'₂ co₂mi'₅₄ ca₂juá'₂ tiá₂:

—¿E₂ 'uig₅₄ tián'₅ 'ne₂ jë₄ quian'₅₄ jnia'₅₄, Jesús Ja₁ñi'₅₄ Diú₄? ¿A₂ñe'₃ 'ne₂ ja₁lá₃ a₂jmog'₅₄ jnia'₅₄ të₃jniá₅?

30 Me'₂ cau₅ jaun₂, jme₁tion'₅₄ juin₅ i₁ñí₅ guë'₅;

31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ñí₅ 'o₃.

32 Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ të₂dsí₅ dsa₂ 'éi₂, jaun₂ ca₂i₃toin'₅₄ të₂dsí₅ i₁ñí₅. Dsi₂juí₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ juí₅ siá₅, jaun₂ ca₂i₁sein'₃ të₂ jmí₁ñí'₄. Ja₁jaun₂ ca₂dsain₃ ca₂'in'₃ jmig₂.

33 Dsa₂ i₂jme₁jmo₅ 'í₁ i₁ñí₅ ně₃ ca₂cuing₃. Jme₁dsi₃lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ ně₃.

34 Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃lén₂ ja₁'en₅₄ Jesús. Jaun₂ jme₁ca₂jíin₂ Jesús ně₃, ca₂chi₃quióng₂ jmig₄ a₂o₃'iin₅ le₂con₂ jaun₂.

† 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guë'₂ ně₃, juá'₂: “Gergesa.”

9

Ca₂jme₃'lión₂ Jesús jan₂ dsa₂ 'lian'₂
(*Marcos 2:1-12; Lucas 5:17-26*)

¹ Jaun₂ ca₂'í₃ Jesús 'ñi₃ 'tsi₁mu₅, ca₂ñi₃ le₃ 'ño'₅₄ jmi₁ñi'₄, jaun₂ ca₂dsiáin'₃ juig₂ ja₁jme₁guá₄.

² Jaun₂ ca₂o₃jñia₃ dsa₂ jan₂ dsa₂ 'lian'₂, dsíin₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rē₂'én₄ bá₄ dsáu'₂.

³ Jaun₂ ca₂i₃jjiog₅ dsí₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂nē₅ a₂juá'₂ le₂nē₅.”

⁴ La₁ i₂ñi₅ rē₂ bá₄ Jesús a₂dsi₂jjiog₅ dsí₅ dsa₂ 'éi₂, jaun₂ ca₂juá'₂:

—¿'E₂ lē₃ dsí₂jjiog₅ 'au'₂ 'nia'₂ 'lig'₅₄ le₂nē₅?

⁵ ¿Na₂ a₂'ua₁ guē₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?”

⁶ Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄.

⁸ Jme₁ca₂jág₃ dsa₂ a₂ca₂lē₃ jaun₂, ca₂l₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tē'₃ Jesús Mateo

(*Marcos 2:13-17; Lucas 5:27-32*)

⁹ Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jíin₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

¹⁰ Ca₂lē₃ jme₁ma₂'en₅₄ Jesús guē'₅ dsi₂néi₂ quió'₅ Tē₅₄, ca₂dsi₃lén₂ juin₅ guē₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guē₄ ně₃, ca₂i₃toin'₅₄ i₁guē'₂ quiaín₅₄ Jesús, quiaín₅₄ dsa₂ i₂ma₂quiaín₅₄ ně₃.

¹¹ Dsa₂ fariseos ně₃, jme₁ca₂jág₃ a₂nē₅, jaun₂ ca₂ñi'₃ dsa₂ quián₅ Jesús:

—¿'A₂ lia'₂ guē'₅ tē₅ quián'₂ 'nia'₂ co₂lē₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le₁'ág₄ dse₃ dsí₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅.

¹³ O₂nó'₅ 'nia'₂ o₂jme₁tin₅ 'e₂jein₅ jág₁ la₂tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rē'₂ a₂jñia'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá₂ jua'₅₄ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃.

Ca₂ñi'₃ dsa₂ Jesús ju₁lia'₂ jág₁ a₂jme₂'in₅₄ dsa₂

(*Marcos 2:18-22; Lucas 5:33-39*)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmig₂ ca₂jme₃quiaín₃ ne₄ Jesús, jaun₂ ca₂ñag₃:

—¿'A₂ lia'₂ jme₂'in₅₄ bá₄ dsa₂ fariseos, le₂jaun₂ guē'₂ jnia'₅₄ ně₃, la₁ dsa₂ i₂quian'₅₄ 'ne₂ guē'₂ tsá₃ jme₂'iin₅₄?

¹⁵ Jaun₂ ca₂ñag₃ Jesús:

* 9:13 Oseas 6:6.

—¿Lé₂ le₃tón₃ 'lia₂ dsí₅ jui₁lia₂ dsa₂ i₂té₁ ja₁niog₅ jmi₄ ja₁jen₂ gu₂ dsa₂, chi₂jua₂ jaun₂ bá₄ guá₅ gué₂ dsa₂ ñe₂ i₂jen₂ gu₂? Já₅ jmi₄ jè₁tsá₃ ma₃dsa₂ i₂jen₂ gu₂ 'éi₂ chan₂ lé₂; jaun₂ gué₄ tón₃ jme₃ i₁n₅₄.

16 'Ma₁ tsá₃ 'ein₂ tin₂ tióng₅ tsi₁'mi₂ 'gui₅₄ quian₅₄ 'nau₅₄ tsi₁'mi₂ 'mí₂. Ia₁ dsán₅ tsi₁'mi₂ 'mí₂, jaun₂ jué₂ gué₄ ja₁gag₂ lě₂.

17 Ján₃ bá₄ le₂jaun₂ tsá₃ tia₂ dsa₂ vino 'mí₂ 'ñió₃ ni₁lau₂ gui₅₄, ia₁ ne₂. Nē₅ bá₄ téin₃ vino, ton₂ dsi₃ 'én₂ ni₁lau₂ ně₃ ně₁jua₂ ca₂jmo₃ dsa₂ le₂jaun₂. Jaun₂ lě₃, 'ñió₃ lau₂ 'mí₂ bá₄ 'nió₅ tia₃ dsa₂ vino 'mí₂, ia₁jaun₂ le₃tin₃ bá₄ lé₂ 'í₁.

Ja₁mí₄ Jairo, quian₅₄ 'io₅₄ i₂ca₂ñí₃ tsin₅₄ Jesús
(*Marcos 5:21-43; Lucas 8:40-56*)

18 Tě₃ 'en₅₄ Jesús dsia₂₃ jág₁, jme₁ca₂dsió₃ jan₂ i₂niog₅ gu₂ guá₅ sinagoga. Ca₂chi₃jnë₃ ne₄ Jesús, jaun₂ ca₂juá₂:

—Lia₂ ca₂jon₃† jan₂ chi₂ dsa₂ mí₂ quiáng₃. La₁ ně₁jua₂ gog₅₄ 'ne₂ quian₅₄ jniá₂ o₁quiog₂ gog₂ ne₄ quió₅, le₃chain₂ bá₄ táng₃.

19 Jaun₂ ca₂nau₂ Jesús, jaun₂ ca₂ñó₃ quian₅₄ dsa₂ 'éi₂, lia₂ jma₃quian₅₄ dsa₂ i₂ma₂ja₂lén₂ quiong₅₄.

20 Tě₃jě₄ jaun₂, ñó₃ jan₂ dsa₂ mí₂ i₂dso₅₄ ma₂guia₃-tín₂ ñi₂ a₂tin₂. Ca₂jme₃quián₃ tě₂le₃ chi₁co₅₄ quió₅ Jesús, jaun₂ ca₂ñí₂ chei₅₄ tsin₅₄ 'éi₂.

21 Ia₁ lín₂: “Tsá₃ nag₅₄ ně₁jua₂ jña₅₄ ní₄ ca₂juig₄ tsin₅₄, jña₃ quió₃.”

22 Jaun₂ ca₂jén₃ Jesús, ca₂jín₂ 'io₅₄, jaun₂ ca₂juá₂:

—Jmo₄ lián₂ 'au₂, jón₃. Ma₂ 'lóng₂ bá₄, ia₁ 'éng₂.

Dsi₂ju₅ le₂jaun₂ bá₄ ca₂jña₃ co₂ñei₅₄ quió₅.

23 Jme₁ca₂dsió₃ Jesús ja₁quió₄ dsa₂ juig₅₄ sinagoga 'éi₂, jaun₂ ca₂jág₃ ma₂tion₅₄ dsa₂ i₂jmo₅ son₅₄, ma₂tion₅₄ dsa₂ juin₅ go₂'i₃ ně₃, qui₂'-o₂₃.

24 Jaun₂ ca₂juá₂:

—Uín₂ 'nia₂ ja₁lá₃; tsá₃ rě₂jon₅₄ i₂bě₅₄ ně₅. Jña₅₄ lia₂ a₂rě₂gü₅₄in₃ bá₄.

La₁ jña₅₄ ca₂ñág₂ bá₄ dsa₂.

25 Jme₁ma₂'uin₂ dsa₂, jaun₂ ca₂'í₃ Jesús dsi₂néi₂, ca₂jña₃ mi₂gu₂ i₂bě₅₄, jaun₂ ca₂nau₂ bá₄ 'éi₂.

26 Ca₂le₂con₂ juig₂ tio₅₄ 'uě₃ jaun₂, ca₂i₃'ág₃ jág₁ a₂ca₂lě₃ jaun₂.

Ca₂jme₃'lión₂ Jesús on₃ dsa₂ ten₄

27 Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂lén₂ tě₂ tiá₂:

—¿Dsiá₄ ñéi₂ 'au₂ jnia₅₄, 'ne₂ tsi₁jon₂ David!

28 Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió₅. Jaun₂ ca₂ñag₃ Jesús:

—¿'Én₂ 'nia₂ a₂lé₂ le₃jme₁'lio₅₄ jniá₂?

Jaun₂ ca₂ñag₃:

—'Éin₂ bá₄ jnia₅₄, Te₁gui₅₄.

29 Jaun₂ ca₂ñí₃ Jesús gu₂ jme₁ne₁₂ jaun₂ ca₂juá₂:

—Jui₁le₅₄ bá₄ con₂ lě₅ 'én₂ 'nia₂.

30 Jaun₂ ca₂lág₃ bá₄ mi₂ne₄ dsa₂ 'éi₂, jaun₂ ca₂jmo₃ Jesús 'éi₃ ca₂juá₂:

—Tě₃ñi₅₄ 'nia₂ jnag₅₄ tsá₃ 'ein₂ jui₁le₂ñi₅ a₂ně₅.

31 La₁ 'éi₂ ně₃, jme₁ca₂'uin₂ jaun₂, ca₂dsia₃ ca₂le₂con₂ ja₁tén₄ 'uě₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

32 Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂ i₂sián₂ táng₃ jñiai₂₃ jan₂ dsa₂ con₄ i₂'en₅₄ jme₂dsí₂ je₂na₅₄.

† 9:18 o₃, “ma₂i₁jón₂”, lé₂ le₃jein₃ jág₁.

³³ Dsi₂jui₅jme₁ca₂dsen₅ Jesús je₂na'₅₄, jaun₂ca₂jme₃lióg₃ dsa₂ con₄'éi₂ca₂dsia₃ jág₁. Dsa₂juin₅i₂jme₁tion'₅₄ca₂tě₂ne₅₄, ca₂i₃gó'₃dsí₅, jaun₂ca₂dsia₃:

—Ca₂le₂con₂'uě₃Israel la₂, tsá₃'ein₂ma₂ca₂jág₃a₂le₂ně₅.

³⁴ La₁dsa₂fariseos guě'₂ně₃, ca₂juá'₂:

—Tě₂le₃quian'₅₄jui₅bí₂quió'₅'ŋiog₅juig₅₄je₂na'₅₄bá₄, jmo₅i₂ně₅'uín'₂je₂na'₅₄.

Dsia₅Jesús ŋéi'₂dsí₅dsa₂

³⁵ Ca₂ŋi₃Jesús ca₂le₂con₂juig₂ca'₅₄, ca₂le₂con₂juig₂pí'₁ně₃, jme₂tin₂₃dsa₂dsi₂néi₂guá'₅sinagogas. Jme₁'ě₂jág₁dse₃jui₁lia'₂ja₁gon₂Diú₄. Jme₁jme₂'lióin₂dsa₂ca₂le₃jě₃ne₅₄dso₄, quian'₅₄ca₂le₃jě₃jmi₁uig₅a₂jme₁le₁quian'₅₄dsa₂.

³⁶ Jme₁ca₂jín₂dsa₂, ca₂tá'₂ŋéi'₂dsí₅, ia₁jme₁chain₂o₂i₁dsi₅ca₂lia'₂ma₂ja₂'ú'₃dsí₅chain₂, ně₂jag₄bá₄já'₂cha'₂i₂tsá₃chan₂jmo₃'í₁.

³⁷ Jaun₂ně₃ca₂tsí'₃dsa₂i₂jme₁quian'₅₄:

—Dsón'₂bá₄dsau₅'lióng₂a₂ca₂rau₂, la₁tsá₃juin₅dsa₂i₂jmo₅ta₁ja₁nau₂.

³⁸ Jaun₂lě₃, mi₄'nia'₂ne₄juig₅₄ja₁nau₂a₂chein₃guě₄juin₅dsa₂i₂jmo₃ta₁ja₁nau₂quió'₅.

10

Ca₂quión'₂Jesús guia₃-tín₂dsa₂jě₄quió'₅dsa₂quái₅ (Marcos 3:13-19; Lucas 6:12-16)

¹ Jaun₂ca₂tě'₃Jesús chi'₂dsi₂guia₃-tín₂quái₅, jaun₂ca₂cuě₃bí₂'éi'₃a₂'uín'₂jme₂dsi₂'lin'₅₄, a₂qui₂jme₃'lióin₂ca₂le₃jě₃ne₅₄dso₄a₂niog₅lín₅dsa₂, ca₂le₃jě₃jmi₁uig₅ně₃.

² Le₂la₂bá₄chen₂ta₁guia₃-tín₂dsa₂i₂ca₂quión'₂Jesús 'éi'₂quái₅: Si₂mu₅₄, i₁tě'₂dsa₂Pe₄; quian'₅₄Drě₄rín'₅₄; Jacobo* quian'₅₄Juan₅₄rín'₅₄, ja₁ŋí'₄Zebedeo;

³ Fe₂li₄quian'₅₄Bartolomé; To₁má₄ně₃quian'₅₄Tě₅₄i₂jme₁cán₂'lia'₅₄a₂ca₂tín₂dsi₂tan₅₄; Jacobo i₂lín₅ja₁ŋí'₄Alfeo; Tadeo ně₃;

⁴ Si₂mu₅₄ně₃i₂tě'₂dsa₂cananista;† Judas Iscariote ně₃, i₂ca₂jín'₂Jesús.

Ca₂chen₃Jesús dsa₂guia₃-tín₂quái₅a₂ca₂i'₂ě₄jág₁dse₃ (Marcos 6:7-13; Lucas 9:1-6)

⁵ Dsa₂guia₃-tín₂ně₅bá₄ca₂chen₃Jesús jme₁ma₂ně₂cuě₃jág₁la₂:

—Tsá₃o₁nó'₅'nia'₂jui₅'uě₃go₄dsi₂nau₂, on₃guě'₂o₂ton'₅₄'nia'₂'i₁caun₂juig₂a₂tén₅'uě₃Samaria.

⁶ Ja₁jaun₂bá₄o₂nó'₅'nia'₂ja₁tion'₅₄dsa₂i₂lín₅co₂'nió'₄já'₂cha'₂i₂ma₂i₂cón'₅i₂chan₂juig₂Israel.

⁷ O₂nó'₅'nia'₂qui₂o₂'ě₃jág₁dse₃la₂chei'₅₄'nia'₂dsa₂, ma₂ja₂quái₅'éi'₃quió'₅Diú₄.

⁸ O₂jmo₄'nia'₂le₁jín₃dsa₂i₂lín₅'mé'₅'iog₅; ca₂le₃jín₃guě'₂i₂lín₅dso₄siá'₂ně₃, o₂jme₁'lioin₅₄; o₂jme₁'jen'₅₄'nia'₂'lag₄; o₂'uin'₅₄'nia'₂je₂na'₅₄quió'₅dsa₂ně₃. Jaun₂le₂ně₅jui₁lia'₂ně₂gue'₅₄'nia'₂bí₂la₂on₃jua'₅₄a₂cha₂'lia'₅₄, le₂ně₅o₂jmo₄'nia'₂ján₃, o₂cuě'₅₄dsa₂bí₂tsá₃'lia'₅₄cán'₁.

⁹ Tsá₃'e₂cán'₁'nia'₂, jui₁lia'₂a₂'nió'₅le₂'i₄jui₅, on₃guě'₂cu₄nióg₄, on₃guě'₂cu₄tiog₂, on₃guě'₂ŋí₁guéin₂tě₂lau₂quiang'₂,

* **10:2** Jacobo: ján₃, bá₄chein₂Santiago. † **10:4** cananista: partido quió'₅dsa₂i₂'nio₃, táun₂'uě₃'éi'₃quió'₅Roma. Jma₃quén₅ca₂quoin₃le₃on₃Si₂mu₅₄'éi₂, ia₁ŋí₄lě₃mei'₂tsá₃ca₂ne₅₄a₂chein₂.

10 on₃ guë'₂ tē₂'mī'₂ jua'₅₄ a₂to'₅₄ lio'₅₄ cán'₁. Jmá'₃ co₂dsán'₃ tsín'₂ bá'₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ŋag₅₄ guë'₄ con'₂ a₂ma₂le₁ton₅ tag'₅₄, on₃ guë'₂ 'ma₂'i₅₄; ia₁ ju₁lia'₂ dsa₂ i₂jmo₅ ta₁, ca₂tíin₂ bá'₄ gue₃ má₃ quió'₅.

11 'Jë₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ ŋŋia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂tē₂ jmig₄ i₁'uíng'₃ táng₃.

12 Jë₁ma₂tē₂ rē₁tóng'₁ dsi₂néi₂ quió'₅, cu₁in₅₄ 'nia'₂ Diú₄ jua'₅₄ 'nia'₂: "Ju₁'ei₅ bá₄ tei₄ dsi₂néi₂ la₂."

13 Nē₁jua'₂ dsa₂ dsi₂néi₂ jaun₂ léi₄ gue₂₃ bá'₄ lia'₂ i₁rē₂ jág₁, jág₁ quián'₂ 'nia'₂ a₂cu₁in₅ Diú₄, ju₁tē₂'ŋiá'₄ bá'₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ nē₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, ju₁tē₂'ŋiá'₄ bá'₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄.

14 Nē₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂, on₃ guë'₂ 'nio₃ nag₃ jág₁ quián'₂ 'nia'₂ ně₃, co₂ŋei'₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄.

15 Ia₁ a₂dsi₂jó'₃ juá'₅ jniá₂, jë₁ma₂tē₂ rē₁qui₃dsi₅ Diú₄ 'éi'₃, 'ŋio₅ guë'₄ uig₅ gue₃ dsa₂ juig₂ jaun₂ con'₂ guë'₄ dsa₂ i₂jme₁chan₂ Sodoma quian'₅₄ Gomorra.‡

Qui₂co₃'ein₃ dsa₂

(Marcos 13:9-13; Lucas 21:12-17)

16 'Tsín₂ jniá₂ 'nia'₂ jaun₂, a₂líng'₅ ně₂jag₄ bá'₄ já'₂ cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂ a₂líng'₅ dsa₂ i₂'io₅ mai₅₄ ju₁lia'₂ dsi₂mí'₂, ton'₂ 'ua₁ 'au'₂ 'nia'₂ ju₁lia'₂ lín₅ i₁ju₂.

17 Rē₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá'₅ sinagogas.

18 Lia'₂ ne₄ dsi₄má'₂ lia'₂ ne₄ rag₅₄ ně₃, dsi₁ŋŋia₃ dsa₂ 'nia'₂ 'uig₅₄ quió₃ jniá₂; jaun₂ le₂ně₅ bá'₄ lé₂ le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁con₂ dsi₂nau₂ sián'₂ ně₃.

19 La₁ jë₁ma₂tē₂ rē₁qui₃jáng'₂ dsa₂ ne₄ta₁, tsá₃ lē₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂ lia'₂ ŋag'₅₄; ia₁ jë₁ma₂tē₂ rē₁jua'₅₄ 'nia'₂ jág₁, Diú₄ bá'₄ cuë₃ jág₁ a₂ŋi'₅₄ 'nia'₂ 'a₂ lia'₂ ŋag'₅₄ juig'₅₄ dsa₂.

20 Ia₁ on₃jua'₅₄ guion'₅₄ 'nia'₂ jua'₅₄ jág₁; 'ŋiog₅ bá'₄ Jme₂dsí₂ quián₅ Néi'₅ 'nia'₂ juá'₂ ju₁i₅ tē₂'au'₂.

21 'Ia₁ lé₂ táng₃, ju₁lia'₂ rin'₅₄ dsa₂ qui₃jín'₂ riin'₅₄ jaun₂ ŋag'₃ dsa₂, ju₁lia'₂ jmei₂ guë'₂ dsa₂ qui₃jín'₂ chi'₂ quiáin₅; chi'₂ guë'₂ ně₃ qui₃náu₃ 'nei₂ jmái'₃ chog₅₄-jmei₂, qui₃jáng'₂ a₂jme₃dsiog₅ dsa₂.

22 Ca₂le₃jín₃ ju₁lia'₂ dsa₂ mi₂güig₃ jme₃ŋiai₅₄ 'nia'₂ 'uig₅₄ quió₃ jniá₂; la₁ia₁ ju₁lia'₂ i₂tión₂ tiá₂ ca₂tē₂ jë₁ca₂tó'₂, i₂'éi₂ bá'₄ i₂lión₂.

23 Jë₁ma₂qui₂co₃'ein₃ dsa₂ ju₁lia'₂ caun₂ juig₂, cuing₅ 'nia'₂ ju₁i₅ juig₂ siá'₂ táng₃; a₂dsi₂jó'₃ juá'₅ jniá₂, tē₃ tsá₃ ma₂lë₅ quen'₄ 'nia'₂ i₁niog'₄ ca₂le₃jë₃ juig₂ ja₁tén₄ 'uë₃ Israel, a₂guan'₂ táng₃ Jaun₅ dsa₂ mi₂güig₃.

24 'Ju₁lia'₂ jan₂ i₂jme₂tin₅, tsá₃ ju₁in'₂ con'₂ guë'₄ tē₅ quiáin₅; ján₃ bá'₄ le₂jaun₂ ju₁lia'₂ jan₂ dsa₂ i₂jme₂ti₃, tsá₃ ju₁in'₂ con'₂ guë'₄ juig₅₄.

25 Tió'₅ ju₁lia'₂ i₂jme₂tin₅ léin₂ ju₁lia'₂ lín₅ tē₅ quiáin₅; ju₁lia'₂ dsa₂ i₂jme₂ti₃ guë'₂ ně₃, dsi₁léin₂ ju₁lia'₂ lín₅ juig₅₄. Chi₂jua'₂ 'ŋiog₅ dsa₂ ju₁in'₂ caun₂ dsi₂néi₂ ma₂quion₅ dsa₂ Be'elzebú, i₁'ë₂ guë'₄ bá'₄ 'in₃ dsa₂, ju₁lia'₂ i₂tion'₅₄ dsi₂néi₂ quió'₅!

'Ein₂ 'nió'₅ jme₃gan₃ dsa₂

(Lucas 12:2-7)

‡ 10:15 Sodoma quian'₅₄ Gomorra: 'Í₂ Génesis 18 - 19.

26 "Uig⁵⁴ jaun₂, tsá₃ lëjmo₂ 'nia'₂ gang'₃ dsa₂ mi₂güig₃. Ia₁ 'i₁caun₂ jui₁lia'₂ a₂rë₂jlä₅ tsá₃ cha₂ jua'₅₄ a₂tsá₃ le₃jniá₂, ján₃ bá₄ le₂jaun₂ jui₁lia'₂ a₂rë₂'ma₄ tsá₃ cha₂ jua'₅₄ a₂tsá₃ le₃ñi₅ dsa₂.

27 Jui₁lia'₂ a₂juíg₂ jniá₂ 'nia'₂ la₂ jë₄ tē₃co'₅₄, jua'₅₄ 'nia'₂ tē₃jñ₄ dsa₂ juin₅; ján₃ bá₄ le₂jaun₂ jui₁lia'₂ a₂juíg₂ jniá₂ 'nia'₂ con'₂ tei₄, jua'₅₄ 'nia'₂ co₂mi'₅₄ jui₁lia'₂ ja₁ñei₅.

28 Tsá₃ lëjmo₂ 'nia'₂ gang'₃ quian'₅₄ i₂jñi'₃ ni₁ñí₅, la₁ tē₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂bá₄ ca₂tín'₂ 'nia'₂ jme₁gang'₃ jui₁lia'₂ i₂lé₂ le₃jñi'₃ ni₁ñí₅ quian'₅₄ guë'₂ tē₂'au'₂ 'nia'₂ a₂jeng'₃ ja₁'lig'₅₄.

29 '¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ñí₁ guéin₂? La₁ 'i₁jan₂ i₁tan₅ tsá₃ tián'₃ 'uë₃ jua'₅₄ tsá₃ ñi₅ Néi'₅ 'nia'₂.

30 Ia₁ le₂jio₅ ni₁jñi₂ dsei'₂ 'nia'₂ le₁'í₁ je₂liá'₂ mi'₂ tí₅ ján₃.

31 Tsá₃ lëjmo₂ 'nia'₂ gang'₃, ia₁ 'ñio₅ lín₃ guë₄ quen'₄ 'nia'₂ lia'₂ con'₂ guë₄ juin₅ lín₃ i₁tan₅.

*Jui₁lia'₂ i₂jme₂jnia₅ a₂cuin₂₃ Jesucristo jin₄ dsa₂ mi₂güig₃
(Lucas 12:8-9)*

32 'Jui₁lia'₂ i₂jme₂jnia₅ tē₂le₃ quió₃ jniá₂ jin₄ dsa₂ mi₂güig₃, ján₃ bá₄ le₂jaun₂ jniá₂ ně₃ jme₁jniag₅ tē₂le₃ quió'₅ 'éi₂ ne₄ Ñe'₃ i₂guá₅ guei'₅₄ i₂juíg₃;

33 Ia₁ jui₁lia'₂ i₂jme₂jnia₅ a₂tsá₃ cuig₂₃ jniá₂ jin₄ dsa₂ mi₂güig₃, ján₃ bá₄ le₂jaun₂ jme₁jnia₅ jniá₂ a₂tsá₃ cuin₅ ne₄ Ñe'₃ i₂guá₅ guei'₅₄ i₂juíg₃.

*Jesús bá₄ i₂'uin₄ a₂lë₂ le₁dson'₅₄ dsa₂
(Lucas 12:51-53; 14:26-27)*

34 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄ jniá₂.

35 A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂:

Chi'₂ jme₃'ñiai₅₄ jmei₂,

chi'₂ ja₁míg₄ dsa₂ ně₃

jme₃'ñiai₅₄ chog₅₄;

i₂lín₅ mi₂lo₅₄ ně₃

tóin'₃ mi'₅₄ quian'₅₄ ma₂chog₅₄.

36 Dsa₂ i₂lín₅ jmei₂ dsi₂néi₂

qui₂jme₃'iog₅₄ chi'₂ quiáin₅.§

37 'Jui₁lia'₂ i₂'nio₃ guë₄ 'ñio₅ lín₃ chog₅₄-jmei₂ lia'₂ con'₂ guë₄ jniá₂, tsá₃ ca₂tíin₂ léin₂ dsa₂ quiáng₃; le₂në₅ bá₄ ján₃, jui₁lia'₂ i₂'nio₃ 'ñio₅ lín₃ guë₄ ja₁ñi'₅₄ o₃ ja₁míg₄ 'e₂, lia'₂ con'₂ guë₄ jniá₂, tsá₃ ca₂tíin₂ léin₂ dsa₂ quiáng₃;

38 jui₁lia'₂ i₂tsá₃ ca₂'ág₂ caun₂ dsí₅ ca₂join₃ chi₂jua'₂ ca₂join₃,* a₂jiá₃ chi₁co'₅₄ quió₃, tsá₃ ca₂tíin₂ léin₂ dsa₂ quiáng₃.

39 Jui₁lia'₂ i₂ñí₄ lë₃ 'nio₃ lí'₂ le₃chain₂ dse₃, dsi₃'én₂ quió'₅; ján₃ bá₄ le₂në₅, jui₁lia'₂ i₂ca₂guen₃ 'mú₃ o₄quió₃ jniá₂, lí'₂ bá₄.

*Co₂'nió'₄ 'lian'₅₄ dsa₂
(Marcos 9:41)*

40 'Jui₁lia'₂ i₂guen₅ 'nia'₂, guei₂₃ jniá₂; jui₁lia'₂ i₂guei₅ jniá₂ guein₂₃ i₂ca₂chei₃ jniá₂ ně₃.

41 I₂guen₅ jui₁lia'₂ jan₂ dsa₂ i₂'ë₂ jág₁ o₄quió'₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄ gue₃ ján₃ jui₁lia'₂ 'lian'₅₄ jan₂ i₂'ë₂ jág₁ quián₅ Diú₄. Le₂në₅ bá₄ ján₃, jui₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain'₅₄ ján₃ con'₂ 'lia'₅₄ a₂ca₂tíin₂ jan₂ dsa₂ dsen₃.

§ 10:36 Miqueas 7:6. * 10:38 lit. "i₂tsá₃, cán₂ cróg₄ quió'₅."

42 Jui¹'ein₂ guě₃ dsa₂ i₂cuē₅ caun₂ vaso jmi₂g₂ güig'₂, cuě'₅ jan₂ dsa₂ me'₂ le₂ně₅ quiáng₃ 'uig₅₄ ia₁ a₂'ein₂₃ jniá₂, a₂dsi₂jó'₃ juá'₅, tion₅₄ bá₄ gue₃ 'liain'₅₄.

11

*Dsa₂ i₂chen₄ quián₅ Juan₅₄ i₂chon₅ dsa₂ jmi₂g₂
(Lucas 7:18-35)*

1 Jme₁ca₂dsan₃ cuē₅ Jesús jág₁ ně₅ cuě'₅ chi'₂ dsi₂guia₃-tín₂ quián₅, ca₂o₃'ín₃ táng₃ ja₁jaun₂, ca₂'í₃ jui₅ ca₂i₁'ě₄ jág₁, i₂jme₁tín₂₃ dsa₂ jui₂g₂ tio'₅₄ con'₂ ma₂quián₅ jaun₂.

2 Juan₅₄ ně₃, tē₃ 'ein₅₄ né'₃ 'má₃, ca₂rē₃ŋi₅ 'a₂ lia'₂ lě₅ jmo₅ I₂rē₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quiain'₅₄

3 a₂ca₂i₁ŋag₁₂:

—¿'Ne₂ líng'₅ dsa₂ i₂lě₅ jág₁ jiá₃, o₃ ŋia₄ jnia'₅₄ i₂sián'₂ 'e₂?

4 Jaun₂ ca₂ŋag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tě₅ ne'₅₄ 'nia'₂ la₂, 'e₂ a₂nag'₂ 'nia'₂ ně₃.

5 O₂dsia₄ 'nia'₂ 'a₂ lia'₂ lě₅ qui₂jág₅ dsa₂ ten₄; dsa₂ i₂jme₁guan'₅₄ guě'₂ ně₃, ma₂i₂nioi₅₄ rē'₂ táng₃; dsa₂ i₂jme₁lín₄ 'mé'₅ 'iog₅ ma₂le₁jín₃ táng₃ dso₄ a₂jme₁lín₄; dsa₂ i₂jme₁guin₄ guě'₂ ně₃ ma₂nag₂₃; dsa₂ i₂ma₂dsan₃, jein'₅₄ táng₃; ja₁con₂ dsa₂ te₂ŋé₂ ně₃ dsi₂'ag₅ jág₁ dse₃ la₂ a₂lión₂ dsa₂.

6 'E₂ guě₄ dsen₃ dsa₂ i₂tsá₃ 'ag₅ caun₂-tín₃ dsi₅ ja₁con₂ jniá₂.

7 Jme₁ma₂lén₃ dsa₂ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'ín₂₃ Juan₅₄:

—¿'E₂ jme₁lín'₂ 'nia'₂ jme₁tě₃ ne'₅₄ lia'₂ con'₂ jme₁i₁nóg'₄ 'uě₃ quein₂ co₂ŋiog₅ jaun₂? ¿O₃ bá₄ jme₁lín'₂ 'nia'₂ a₂jme₁jing'₄ jan₂ dsa₂ i₂lín₅ jui₁lia'₂ lě₅ ca₂'nau₂ ni₁'ma₂ ta₅ a₂lě₁qui₂bí₂ dsi₂ jui₅ la₂ jui₅ ně₅?

8 Chi₂jua'₂ tsá₃ le₂jaun₂ ně₃, ¿'e₂ guě'₂ ca₂i₁jag'₄ 'nia'₂? ¿O₃ bá₄ a₂jme₁lín'₂ 'nia'₂ a₂jme₁jing'₄ jan₂ dsa₂ i₂qui₂ tsin'₅₄ jlá'₁? La₁ on₃jua'₅₄ le₂jaun₂. Ia₁ jui₁lia'₂ dsa₂ i₂quí₅ tsin'₅₄ jlá'₁, i₂tón'₅ dsi₂néi₂ quió'₅ rag₅₄ bá₄ i₂le₂'éi₂.

9 ¿'E₂ guě'₂ ca₂i₁jag'₄ 'nia'₂ jaun₂ ně₃? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂? Dsón'₂ bá₄ jaun₂ juá'₅ jniá₂. I₂lín₅ tson₂ guě₄ jan₂ dsa₂ i₂'ě₂ jág₁ quián₅ Diú₄ bá₄ 'éi₂.

10 Juan₅₄ 'éi₂ bá₄ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂ŋia₅₄ jui₅.*

11 A₂dsi₂jó'₃ juí₂g₂ jniá₂ 'nia'₂, 'i₁jan₂ dsa₂ i₂ma₂can₅ dsa₂ m'í₂ i₂chan₂ mi₂güig₃, tsá₃ 'ein₂ ma₂lín₅ i₂juin'₂ guě₄ i₂'ě₂ jág₁ o₄quió'₄ Diú₄, lia'₂ con'₂ guě₄ Juan₅₄ i₂chon₅ dsa₂ jmi₂g₂. La₁ia₁, i₂lín₅ i₂me'₂ guě₄ ja₁gon₂ Diú₄, i₂'éi₂ bá₄ lín₅ i₂juin'₂ guě₄ lia'₂ con'₂ guě₄ Juan₅₄ 'éi₂.

12 Ca₂le₃ ca₂guan₃ Juan₅₄ i₂chon₅ dsa₂ jmi₂g₂, ca₂tě₂ jmi₂g₄ ně₃, con'₂ 'i₄ jui₅ bá₄ ma₂já₅ tiá₂ ja₁gon₂ Diú₄. Jaun₂ dsa₂ con'₂ i₂tiá₂ dsi₅ bá₄ chan'₂ tiá₂ jui₅ jaun₂.†

13 Ca₂le₃jín₃ dsa₂ i₂jme₁'ě₂ jág₁ quián₅ Diú₄, quian'₅₄ 'Éi'₃ quió'₅ Moisés ně₃, a₂ŋia₅₄ con'₂ ca₂'ě₂ jág₁ ja₁gon₂ Diú₄ bá₄ jaun₂, ca₂lia'₂ ca₂tě₂ jmi₂g₄ jme₁ca₂guan₃ Juan₅₄.

14 Ján₃ bá₄ chi₂jua'₂ 'niog'₂ 'nia'₂ guéi'₁ jág₁ la₂, Juan₅₄ 'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías.

15 Jui₁lia'₂ i₂le₁dsi₅₄ rē₂gua₄, jui₁nei₅₄.

* **11:10** Malaquías 3:1. † **11:12** o₃, "ca₂tě₃ jmi₂g₄ ně₃, ma₂já₅ ja₁gon₂ Diú₄ ně₂jag₄ bá₄ a₂lě₂ 'nei₂. Jaun₂ dsa₂ i₂con'₂ qui₂jmo₂₃ 'nei₂ ně₃, 'nio₃ join₅₄ jui₁lia'₂ dsa₂ i₂l₂nio₄ jui₅ jaun₂."

16 '¿'E₂ quian'₅₄ lé₂ le₃quing₄ a₂lín₅ dsa₂ i₂chan₂ jmig₄ ně₃? Lín₅ jui₁lia'₂ lín₅ i₂bě'₅₄ i₂tion'₅₄ co₅ jě₄ 'ma'₅₄, tioin'₅₄ co₂mi'₅₄ qui₂guió'₅ tsí'₅ riin'₅₄:

17 Něj₂jei₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ guě'₂ 'nia'₂;

ján₃ guě'₂ ně₂jmó₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí'₅ dsa₂,

la₁ tsá₃ ca₂tá'₂ guě'₂ qui'₂ 'au'₂ 'nia'₂.

18 Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁guě'₅ on₃ guě'₂ 'e₂ jme₁'ín'₂ ně₃, jaun₂ ca₂'ag₃ dsa₂ a₂'ein₅₄ je₂na'₅₄.

19 Ca₂guan₃ guě'₂ táng₃ Jaun₅ dsa₂ mi₂güig₃ i₂guě'₅ i₂'ín'₂, 'ag₅ táng₃ dsa₂ a₂lín₅ jlé₂ 'í₅ quian'₅₄ má₄ jmig₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ ně₃. La₁ tion₅₄ bá₄ le₃lí'₄ dsa₂ a₂dsau₅ jág₁ a₂ñí'₂ dsí'₅ Diú₄, 'uig₅₄ ia₁ ñí'₂ bá₄ dsí'₅ dsa₂ i₂gue₅ jág₁ ně₅.

Juig₂ jě₁tsá₃ ne'₅₄ dsa₂

(Lucas 10:13-15)

20 Jaun₂ ně₃, ca₂jme₃lióg₃ Jesús qui₂ca₂jéin₂ dsa₂ ja₁'lióng₂ guě₄ léi₄ juě'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí'₅. Jaun₂ ca₂juá'₂:

21 —i'E₂ guě₄ juig'₂ 'nia'₂ dsa₂ juig₂ Corazín! i'E₂ guě₄ juig'₂ 'nia'₂ i₂chan₂ Betsaida! Ia₁ jua'₅₄ mei'₂ guě₃ jniá₂ ma₂jmo₃ léi₄ juě'₂ ně₅ jě₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá₂ jě₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí'₅, jme₁cuě₃ léi₄ a₂qui'₂ dsí'₅ jme₁i₃nioi₅₄ le₁qui'₂ 'mi'₂ taun₅ qui₂le₁séin₅ ti₁juá₃ ně₃.

22 La₁ juig₂ jniá₂ 'nia'₂, jmig₄ i₁qui₃dsí₅ Diú₄ 'éi'₃, ja₂lín₃ guě₄ tson₂ uig₅ a₂guéi'₁ 'nia'₂ con'₂ guě₄ dsa₂ i₂jme₁chan₂ Tiro quian'₅₄ Sidón.

23 'Nia'₂ guě'₂ dsa₂ i₂chan₂ juig₂ Capernaum, ¿lín'₂ 'nia'₂ a₂uig'₅₄ guei'₅₄ lín₃? On₃jua'₅₄ le₂jaun₂. Tě₂ja₁jí'₂ lín₃ ja₁tion'₅₄ 'lag₄† bá₄ sén'₂ 'nia'₂. Ia₁ jua'₂ mei'₂ guě₃ jniá₂ ca₂jmo₃ léi₄ juě'₂ jě₄ juig₂ Sodoma jui₁lia'₂ a₂ma₂ca₂jmo₃ jniá₂ jě₄ quián'₂ 'nia'₂, a₂niog₅ bá₄ juig₂ jaun₂ ca₂tě₂ jmig₄ ně₃.

24 Jaun₂ juá'₅ jniá₂, jmig₄ jě₁ma₂tě₂ rě₁qui₃dsí₅ Diú₄ 'éi'₃, 'ñio₅ guě₄ uig₅ guéi'₁ 'nia'₂ con'₂ guě₄ dsa₂ i₂jme₁chan₂ juig₂ Sodoma.

Ja₁ñia₅ dsa₂ i₂ma₂'ú'₃

(Lucas 10:21-22)

25 Jmig₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂lín₅ juig₅₄ gua'₅₄ 'uě₃ quian'₅₄ guei'₅₄ i₂juig₃, ia₁ ca₂'ma'₅₄ a₂ně₅ ja₁con₂ dsa₂ i₂tín₂ sí₂, i₂ñí'₂ dsí'₅, a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá₃ 'e₂ cuí'₅.

26 Dsón'₂ bá₄ jaun₂, Tia₅₄, ia₁ le₂ně₅ ca₂rě₃ 'ñio₃ 'au'₂.

27 Jaun₂ ca₂tsí'₃ dsa₂:

—O₄gu₃ jniá₂ ma₂ca₂dsia₃ Ñe'₃ ca₂le₃jě₃. 'I₁jan₂ tsá₃ 'ein₂ cuin₅ Ja₁ñi'₅₄ Diú₄ 'a₂ lia'₂ tě₃dsón'₂ lín₅, jnia'₅₄ lia'₂ 'ñiog₅ bá₄ Jmei₂; ján₃ bá₄ 'i₁jan₂ tsá₃ 'ein₂ cuin₅ Jmei'₂ 'a₂ lia'₂ tě₃dsón'₂ lín₅, jnia'₅₄ lia'₂ 'ñiog₅ bá₄ Ja₁ñi'₅₄ táng₃, ján₃ bá₄ jme₃jniai₂₃ ja₁con₂ i₂'nio₃ le₃ñi₅.

28 I₂nó'₅ 'nia'₂ ja₁con₂ jniá₂, ca₂le₃jín'₃ 'nia'₂ i₂qui₂ma₂'ú'₃ dsí'₅, i₂qui₂le₁quian₅ guei'₂, jaun₂ cuě₅₄ jniá₂ ja₁jan'₄ 'nia'₂.

† 11:23 griego: hades, co₂'nió'₄ a₂juá'₂, ja₁quió'₄ 'lag₄.

29 Gue₄ 'nia'₂ ta₁ quió₃ a₂cuě₅ jniá₂ 'nia'₂, jme₁tin₅ 'nia'₂ jmó'₂ ján₃, 'a₂ lia'₂ lín₅ jniá₂, ia₁juin'₂ dsi₃ líng₅, meg'₂ bá₄ lě₅ dsi₃; jaun₂ le₂ně₅ bá₄ dsi₁nó'₅ 'nia'₂ dsiang'₂ ja₁jñia₃ tē₂'au'₂.

30 Ia₁ ta₁ a₂cuě₅ jniá₂ 'nia'₂, on₃jua'₅₄ a₂'ua'₂ ta₁; ján₃ bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuě₅ jniá₂ 'nia'₂.

12

Jesús bá₄ i₂quian₅ 'éi'₃ ne₄ quió'₅ jmig₄ sa₅₄

(Marcos 2:23-28; Lucas 6:1-5)

1 Jmig₄ jaun₂ ca₂ñi₃ Jesús ja₁lě₄ ja₁nau₂ quió'₅ dsa₂ caun₂ jmig₄ sa₅₄. Dsa₂ i₂quian'₅₄ ně₃ ca₂tá'₂ i₁cón'₅, jaun₂ qui₂ca₂gág₃ mí'₂ trigo, jaun₂ ca₂guě'₃.

2 Jme₁ca₂jág₂ dsa₂ fairseos, jaun₂ ca₂o₃lén₂ ca₂tsí'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂tsá₃ 'i₄ 'éi'₃ jmo₃ dsa₂ jmig₄ sa₅₄.

3 Jaun₂ ca₂ñag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂ 'a₂ lia'₂ lě₅ ca₂jmo₃ David co₂ráun₂ jme₁ca₂lě₃ i₁cón'₅ quian'₅₄ riin'₅₄?

4 Ca₂'í₃ dsi₂néi₂ quió'₅ Diú₄, ca₂guě'₃ i₁ñí'₄ jñió₅, a₂tsá₃ jme₁'i₄ 'éi'₃ guě'₃, a₂'i₄ 'éi'₃ guě'₃ jmá'₃ jme₂dsa₂.

5 ¿O₃ tsa₁ ma₂ca₂'í'₂ 'nia'₂ ne₄ Si₂ 'Éi'₃ quió'₅ Moisés, ju₁lia'₂ jme₂dsa₂ tsá₃ jme₂gó'₃ jmig₄ sa₅₄? La₁ tsá₃ 'ein₂ bón'₂ guě'₂ dso₄ 'éi₂ ně₃.

6 Juí₂ jniá₂ 'nia'₂, ja₁lá₃ chén'₅ jan₂ i₂juin'₂ guě₄ con'₂ guě₄ guá'₅ templo.

7 Jua'₅₄ mei'₂ guě₃ ma₂ñí'₂ 'nia'₂ 'e₂ jein₅ jág₁ la₂: “A₂'nio₃ jniá₂ a₂dsiá'₁ 'nia'₂ ñéi₂ 'au'₂, on₃jua'₅₄ rē'₂ a₂jñia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”,* tsá₃ jua'₅₄ jme₁bong'₅₄ dso₄ dsa₂ i₂tsá₃ 'e₂ dso₄ rin₂.

8 Ia₁ le₂ně₅ jaun₂, jniá₂, Jaun₅ dsa₂ mi₂güig₃, jmo₂₃ 'éi'₃ ju₁lia'₂ jmig₄ sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

9 Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga.

10 Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos ně₃ jme₁'nio₃ 'no'₂ ju₁ bóin'₂ dso₄ Jesús, jaun₂ ca₂ñag₃:

—¿'I₄ 'éi'₃ jme₃lión₂ dsa₂ jan₂ dsa₂ dso₅₄ jme₁jmig₄ sa₅₄?

11 Jaun₂ ca₂ñag₃ Jesús:

—¿'Ein₂ 'nia'₂, i₂'ñio₅ jan₂ já'₂ cha'₂, ně₁jua'₂ ca₂bain₃ siá₅ ju₁lia'₂ caun₂ jmig₄ sa₅₄, tsa₁ dsó₅ dsi₃dsein₂₃ já'₂ quián₅?

12 'Ě₂ guě₄ bá₄ quen₅ jan₂ dsa₂ con'₂ guě₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂dse₃ ju₁lia'₂ jmig₄ sa₅₄.

13 Jaun₂ guě₄ ca₂tsí'₃ dsa₂ dso₅₄ 'éi₂:

—Nei'₅₄ gog'₂.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lě₃ co₂rě₂ quian'₅₄ a₂caun₂.

14 Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Ju₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

15 Jme₁ca₂rě₃ñi₅ Jesús jág₁ jaun₂, ca₂o₃'ín₃ bá₄. Jaun₂ juin₅ lín₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso₅₄,

16 jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅.

17 Le₂ně₅ bá₄ ca₂lě₃ ia₁jaun₂ le₃ti₃ jág₁ a₂ca₂'ě₂ Isaías, dsa₂ i₂jme₁'ě₂ jág₁ quián₅ Diú₄, jme₁ca₂juá'₂ le₂la₂:

* 12:7 Oseas 6:6.

- 18 I₂la₂ bá₄ dsa₂ i₂jme₃ti₃ ta₁ ne₃,
 i₂ma₂ca₂quiong'⁵⁴, i₂'nióg₃ gué₄ lin₃,
 jaun₂ 'io'₂ jéin₅ jniá₂ quain'⁵⁴.
 Tón'₁ jniá₂ Jme₂dsí₂ quiáng₃ të₂dsí₅,
 jaun₂ jme₃jniai₂₃ ca₂le₃jě₃ juig₂
 jin₄ dsi₂nau₂ 'ë₃ jui₅ dsau₅ të₃dsón'₂.
 19 Tsá₃ quein₅ náu₃, on₃ gué'₂ guió'₃,
 on₃ gué'₂ né'₂ jág₁ quió'₅ jě₄ calle,
 20 Lia'₂ 'i₁ca₂tag₄ ni₁'ma₂ ta₅ tsá₃ jio₃,
 on₃ gué'₂ ei₃ ni₁mecha a₂ca₂juig₄ 'ia₂ gué₄ jme₁ni₁.
 Jmo₃ le₂ně₅ ca₂lia'₂ ca₂tió'₃
 a₂lí'₂ a₂dsi₂ten⁵⁴ dsón'₂.
 21 Jaun₂ caun₂ ja₁con₂ 'éi₂ bá₄
 'ag₃ dsa₂ caun₂ dsí₅
 ca₂le₃jín₃ dsa₂ i₂chan₂ ca₂le₃jě₃ juig₂.†

*Juá'₂ dsa₂ a₂'io₅ Jesús jui₅bí₂ quió'₅ Be'elzebú
 (Marcos 3:19-30; Lucas 11:14-23, 12:10)*

22 Jaun₂ ca₂o₃jnia₃ dsa₂ ja₁coin₂ jan₂ dsa₂ ten₄ i₂con₄ ně₃ i₂jme₁'en⁵⁴ jan₂
 jme₂dsí₂ je₂na'⁵⁴. Jesús ně₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ ně₃.

23 Ca₂i₃gó'₃ dsí₅ ca₂le₃jín₃ dsa₂, jaun₂ ca₂juá'₂:

—¿On₁jua'⁵⁴ i₂ně₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'⁵⁴ riin'⁵⁴:

—A₂'uin'₂ i₂ně₅ je₂na'⁵⁴ quió'₅ dsa₂ të₂le₃ quian'⁵⁴ jui₅bí₂ quió'₅ Be'elzebú, juig⁵⁴
 je₂na'⁵⁴ bá₄.

25 La₁ i₂ni₅ rě₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsi₂tan⁵⁴ tion'⁵⁴ le₁dsoin'⁵⁴, nió'₅ mi'⁵⁴, tsá₃ uě₂ tió'₅ jua'⁵⁴ tsá₃ dsi₃'én₂
 'éi'₃ quió'₅. Le₂ně₅ bá₄ ján₃ jui₁lia'₂ dsa₂ caun₂ dsi₂néi₂, ně₁jua'₂ lě₅ le₁dsoin'⁵⁴,
 niog₅ mi'⁵⁴, ján₃ bá₄ tsá₃ uě₂ tió'₅.

26 Já₃ bá₄ le₂ně₅, ně₁jua'₂ ca₂jmo₃ Satanás mi'⁵⁴ dsein₂₃ jan₂ i₂quiáin₅ 'niog₅,
 co₂'nió'₄ 'niog₅ bá₄ jmo₂₃ le₁dsoin'⁵⁴. ¿'A₂ lia'₂ lé₂ le₃'io₃ gué₄ bí₂ 'éi'₃ quió'₅,
 chi₂jua'₂ le₂jaun₂?

27 Chi₂jua'₂ jniá₂ 'uig'⁵⁴ je₂na'⁵⁴ quian'⁵⁴ bí₂ quió'₅ Be'elzebú jui₁lia'₂ juá'₂
 'nia'₂, ¿ein₂ bá₄ gué'₂ cuě₅ bí₂ cuě'₅ dsa₂ quián'₂ 'nia'₂ a₂'uín'₂ je₂na'⁵⁴ jaun₂ ně₃?
 'Uig⁵⁴ jaun₂, guion⁵⁴ bá₄ dsa₂ quiáng'₂ jme₃li⁵⁴ a₂lín'₅ 'nia'₂ guiong'⁵⁴.

28 La₁ jniá₂ ně₃ ně₂'uig'⁵⁴ je₂na'⁵⁴ të₂le₃ quian'⁵⁴ bí₂ quió'₅ Jme₂dsí₂ quián₅
 Diú₄. Jaun₂ ně₃ le₂ně₅ bá₄ cuě₅ jniá₂ léi₄ a₂ma₂gua₅ 'éi'₃ quió'₅ Diú₄ ja₁con₂ 'nia'₂.

29 'Jaun₂ ně₃, ¿'a₂ lia'₂ lé₂ le₃'í₂ jan₂ dsa₂ dsi₂néi₂ quió'₅ jui₁lia'₂ jan₂ dsa₂ i₂'uan'₂,
 a₂jniá'₃ a₂te₁'i₁ quió'₅, chi₂jua'₂ le₂'uig⁵⁴ tsá₃ ma₂ně₂'nei'₂ de'₂ dsa₂? Jnia'⁵⁴ lia'₂
 le₂jaun₂ bá₄ lé₂ le₃jniá'₃ a₂cha₂ quió'₅.

30 'I₂tsá₃ tión₂ le₃quió₃ jniá₂, dsa₂ i₂'iog⁵⁴ jniá₂ bá₄ 'éi₂; le₂jaun₂ gué'₂ i₂tsá₃
 quian'⁵⁴ jniá₂ cág'₅, jnia'⁵⁴ jmo₂₃ tsi₁rě₂ja⁵⁴ bá₄.

31 Juig₂ jniá₂ 'nia'₂ jaun₂ ně₃, a₂lé₂ le₃'én₂ bá₄ ca₂le₃jě₃ dsáu₁ dsa₂, ca₂le₃jě₃ 'e₂
 a₂'lig'⁵⁴ juá'₂ ně₃. La₁ ně₁jua'₂ ca₂'in₃ 'lig'⁵⁴ Jme₂dsí₂ quián₅ Diú₄, a₂ně₅ gué₄ tsá₃
 ma₃o₂'én₂ dso₄ cha₂.

32 La₁ ně₁jua'₂ chan₂ i₂ca₂'in₃ 'lig'⁵⁴ Jaun₅ dsa₂ mi₂güig₃, lé₂ bá₄ le₂'én₂ dsáu₁;
 la₁ jui₁lia'₂ i₂'in₅ 'lig'⁵⁴ Jme₂dsí₂ Jnió₅, tsá₃ ma₃o₂'én₂ dso₄ cha₂ quió'₅, mi₂güig₃
 la₂, on₃ gué'₂ mi₂güig₃ caun₂ ně₃.

† 12:21 Isaías 42:1-4.

Tě₂le₃ 'a₂ lia'₂ lě₅ míg₂ a₂'ag₅ bá₄ ni'₁ma₂, jáng'₅ léi₄
(Lucas 6:43-45)

33 'Chi₂jua'₂ jmo'₂ 'nia'₂ a₂le₃dse₃ ni'₁ma₂, míg₂ dse₃ bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni'₁ma₂, míg₂ 'lig'₅₄ bá₄ 'ag₃ ján₃. 'Ui₅₄ jaun₂, tě₂le₃ quian'₅₄ míg₂ a₂'ag₅ bá₄ ni'₁ma₂, jáng'₅ léi₄ chi₂jua'₂ dse₃ o₃ a₂'lig'₅₄ 'e₂.

34 'Nia'₂ tsi₁jon₂ dsi₂mi'₂! ċ' A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ guē'₂ 'nia'₂ guiong'₅₄? Ia₁ lia'₂ con'₂ lě₅ a₂'lióng₂ ṅag₅₄ cha₂ tě₂dsí₅ dsa₂, a₂jaun₂ bá₄ 'uē₂ mi₂'o₅₄.

35 Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rē₂'ma₄ tě₂dsí₅; le₂nē₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rē₂'ma₄ tě₂dsí₅.

36 Jaun₂ juá'₅ jniá₂, jáng'₃ bá₄ dsa₂ mi₂güí₃ cuenta quió'₅ jē₁ma₂tě₂ jmig₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jē₃ jág₁ a₂tsá₃ ta₁ tí₄.

37 Ia₁ tě₂le₃ 'a₂ lia'₂ lě₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ juē'₂
(Marcos 8:12; Lucas 11:29-32)

38 Jaun₂ ně₃ i₂lin'₅₄ dsa₂ fariseos quian'₅₄ tě₂juá'₅ ca₂tsí'₃ Jesús:

—Tě₅, 'niog₂ jnia'₅₄ jag₅₄ caun₂ léi₄ juē'₂ a₂jmo'₂ 'ne₂.

39 Jaun₂ ca₂ṅag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juē'₂. La₁ tsá₃ ma₃'e₂ léi₄ lé₂ le₃cuē₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂i₃ṅí₂ Jonás i₂jme'₁ě₂ jág₁ o₄quió'₄ Diú₄ bá₄.

40 Ia₁ jui₁lia'₂ ca₂'í₃ Jonás 'ni₅ jmig₄, 'ni₅ nei₅ tě₂dsí₅ já'₂ jmig₂ pan'₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güí₃ né'₃ 'uē₃ 'ni₅ jmig₄, 'ni₅ nei₅.

41 Jmig₄ jē₁ma₂tě₂ rē₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄ ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ě₂ Jonás jág₁ quió'₅ Diú₄. La₁ ně₃ ně₃ la₂ chén'₅ jan₂ i₂juin'₂ guē₄ lia'₂ con'₂ guē₄ Jonás 'éi₂.

42 'Io₅₄ rag₅₄ i₂jme₁gon₂ 'uē₃ tě₂le₃ sur, ján₃ bá₄ náu₃ 'éi₂ jmig₄ i₁qui₃dsi₅ Diú₄ 'éi'₃, ján₃ guē'₂ 'liog'₃ 'éi₂ 'liain'₃ 'nia'₂ i₂chang'₂ jmig₄ ně₃. Ia₁ 'éi₂ ně₃ ca₂já₃ uing₂ lin₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂ lia'₂ jme₁ṅí'₂ dsí₅ 'éi₂ a₂ṅí₄ lě₃ jme₁tiin₂;† la₁ ně₃ ně₃, la₂ chén'₅ jan₂ i₂juin'₂ guē₄ con'₂ guē₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

43 'Jē₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ṅí₃ le₂tan'₅₄ ja₁quein'₂ 'no'₂ ja₁jnia₃. Nē₁jua'₂ tsá₃ ca₂dsó'₂ ja₁jnia₃ ně₃, jaun₂ 'no'₂ táng₃ dsí₅:

44 “Nég'₄ táng₃ dsi₂néi₂ quió₃ ja₁ca₂o₃'íng₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅.

45 Jaun₂ ně₃ o₂'iin'₅₄ táng₃ dsó₅ chi₂liain'₂ con'₂ guē₄ guion₃ jme₂dsí₂ 'lin'₅₄ riin'₅₄ i₂lě₁'ṅio₅ guē₄ con'₂ guē₄ 'ṅiog₅. Dsi₂lein₅ dsi₂tiain'₂ tě₂dsí₅ dsa₂ 'éi₂. Jaun₂ dsa₂ 'éi₂ ně₃, dsióg₄ lēin₂ le₃'lin'₅₄ guē₄ lin₃ guē₄ con'₂ guē₄ jme₁lín₄ le₂'ui₅₄. § Le₂nē₅ bá₄ dsi₃ṅí₂ tsi₁jon₂ 'lin'₅₄ i₂chan₂ rē₂ně₃.

Chi'₂ rin'₅₄ Jesús quian'₅₄ chog₅₄
(Marcos 3:31-35; Lucas 8:19-21)

46 Tě₃ 'en'₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quian'₅₄ chog₅₄ ně₃. Ca₁'né₄ bá₄ ca₂tiain'₂ a₂'nio₃ dsia₃ jág₁ quian'₅₄ Jesús.

† 12:42 'í₂ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20.

- 47 Jaun₂ ca₂l₁con₂ jan₂ jág₁, ca₂juá'₂:
—Chog'₂ quian'₅₄ chi'₂ ríng'₂ tián'₅ ca₁'né₄, a₂'nio₃ dsia₃ jág₁ quian'₅₄ 'ne₂.*
- 48 Jaun₂ ca₂ḡag₃ Jesús:
—¿Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?
- 49 Jaun₂ ně₃ ca₂'iin₃ chi'₂ ds_{i2}guia₃-tín₂ quiáin₅, jaun₂ ca₂juá'₂:
—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃.
- 50 Ia₁ juí₁'ein₂ guě₃ i₂jmo₅ a₂'ḡio₂ dsí₅ Ne'₃ jniá₂ i₂guá₅ guei'₅₄ i₂juíg₃, i₂'éi₂ bá₄ lín₅ juí₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ juí₁lia'₂ dsa₂ i₂séi₂ míg₂ jon₂
(Marcos 4:1-9; Lucas 8:4-8)

- 1 Jmíg₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄, ca₂ḡó₃ ca₂l₁gua₂ chei'₅₄ jmi₁'ḡí'₄.
2 Ia₁ ca₂ḡí'₂ táng₃ juín₅ lín₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ḡi₃ó'₃ tsí₁mu₅, jaun₂ ca₂guá₂. Jaun₂ dsa₂ guě'₂ ně₃ ca₂tóin'₂ ca₂le₃jíin₃ chei'₅₄ jmíg₂.
3 Jaun₂ ně₃ ca₂jme₃tíin₂₃ dsa₂ 'lióng₂ lín₃ jág₁ tē₂le₃ quian'₅₄ jág₁ a₂jáng'₅ léi₄.
Ca₂juá'₂:
—Jan₂ dsa₂ ca₂ḡe₄ ja₁nau₂ ca₂i₁séi₄ míg₂ jon₂;
4 jme₁ma₂'ein₅₄ séi₂ ně₃, a₂lín₅₄ míg₂ jon₂ ca₂l₃ga'₅₄ le₂'i₄ juí₅, jaun₂ ně₃ i₁tan₅ bá₄ ca₂o₃lén₂ ca₂cág'₃.
5 A₂lín₅₄ guě'₂ míg₂ jon₂ ca₂i₃to'₅₄ jē₄ ni₁cang₁, ja₁tsá₃ lín₄ gua'₅₄ lě₅. A₂jaun₂ ně₃ tsá₃ uě₂ ca₂rě₃'ag₄ ca₂'ia₂, ia₁ tsá₃ jí'₂ gua'₅₄ ja₁i₃to'₅₄.
6 La₁ jme₁ca₂tě₂ 'iog₂, ca₂rě₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂.
7 A₂lín₅₄ guě'₂ i₃ga'₅₄ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ jon₂ jaun₂ táng₃.
8 La₁ a₂lín₅₄ guě'₂ ně₃ ca₂tín₂ ja₁'o'₅₄ 'uě₃; a₂jaun₂ ca₂rau₂ dse₃; a₂lín₅₄ míg₂ jon₂ ca₂'ág₂ jma₃cáun₃ 'ḡiá₂-láu₂ míg₂ lia'₂ ca₂míg₂ jon₂ a₂i₃jnia₄; a₂lín₅₄ guě'₂ jma₃'nag'₂ ne₂guióg₂ míg₂, a₂lín₅₄ guě'₂ jma₃guióg₂-guiá₂ míg₂.
9 Chi₂jua'₂ 'ein₂ 'nia'₂ i₂dsi₅₄ rě₂gua₄, nei₂ 'nia'₂.

Ta₁ quí'₅ jág₁ a₂jáng'₅ léi₄
(Marcos 4:10-12; Lucas 8:9-10)

- 10 Jaun₂ ca₂jme₃quián₃ chi'₂ ds_{i2}guia₃-tín₂ con₂ Jesús, jaun₂ ca₂ḡag₃:
—¿E₂ lě₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?
11 Jaun₂ ně₃ ca₂ḡag₃ Jesús:
—Diú₄ bá₄ jmo₅ a₂rě₃ḡí'₂ 'au'₂ 'nia'₂ jág₁ rě₂'ma₄ juí₁lia'₂ 'a₂ lia'₂ lě₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂.
12 Ia₁ juí₁lia'₂ dsa₂ i₂ḡí'₂ dse₃, Diú₄ bá₄ jmo₃ le₃ḡí'₂ guě₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ juí₁lia'₂ i₂tsá₃ 'nio₃ le₃ḡí'₂ ně₃, Diú₄ bá₄ jmo₃ co₂dsia₅ tsá₃ le₃ḡí'₂ co₂ḡei'₅₄.
13 Uí₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:
Ia₁jaun₂ i₂jág₃,
la₁ tsá₃ le₃lí'₄ 'e₂ a₂ně₂jág₃;
i₂ně₂néi₂ guě'₂ ně₃,
la₁ tsá₃ ca₂rě₃lí'₄ 'e₂ a₂ně₂néi₂,

* 12:47 A₂lín₅₄ chog₅₄ si₂ tsá₃ chi₁ton₅

on₃ guě₄ ca₂ñí'₂.
 14 Jaun₂ le₂ně₅ rě₂tí₃ tē₂le₃ quió'₅ dsa₂ ně₅ jui₁lia'₂ ca₂juá'₂ Isaías i₂ca₂'ě₂ jág₁
 quián₅ Diú₄:
 Dsón'₂ bá₄ nág'₁ 'nia'₂,
 la₁ tsá₃ le₃ñíg'₂ 'e₂ a₂nág'₁;
 Caun₂ qui₁jag'₅₄ 'nia'₂ ně₃,
 la₁ tsá₃ le₃len'₅₄ 'nia'₂.
 15 Ia₁ a₂ma₂'ua'₂ dsi₄ bá₄ dsa₂ la₂,
 ja₂lag₃ bá₄ nag₂₃,
 ně₂jag₄ bá₄ i₂ma₂rě₂jni₅ rě₂gua₄;
 ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,
 ia₁jaun₂ tsá₃ jág₃ quian'₅₄ mi₂ne₅₄,
 on₃ guě'₂ nag₃ quian'₅₄ rě₂gua₅₄,
 on₃ guě₄ le₃ñí'₂ dsí₅,
 ia₁jaun₂ tsá₃ jéin'₃ dsí₅ ja₁con₂ jniá₂
 ia₁jaun₂ jme₁'lioin₁₂ jniá₂.*

16 'La₁ 'e₂ guě₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ ně₃ quian'₅₄
 rě₂guá'₂.

17 A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ě₂ jág₁ quián₅ Diú₄ ma₂líg'₂, juin₅
 dsa₂ dsen₃, jme₁'nio₃ tē₃ ne₅₄ a₂jág'₂ 'nia'₂ rě₂ně₃, la₁ tsá₃ ca₂jág₃; jme₁'nio₃ nag₃
 ně₃ jui₁lia'₂ a₂nag'₂ 'nia'₂ rě₂ně₃, la₁ tsá₃ ca₂nág₂.

*Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂
 mi₂jon₂*

(Marcos 4:13-20; Lucas 8:11-15)

18 'Nei₂ 'nia'₂ jaun₂, 'e₂ jág₁ dsau₅ jáng'₅ jui₁lia'₂ jág₁ quió'₅ dsa₂ i₂séi₂ mīg₂ jon₂.

19 Jui₁lia'₂ dsa₂ i₂nag₅ jág₁ dse₃ a₂jág₅ guei'₅₄ i₂juíg₃ ja₁gon₂ Diú₄, ně₁jua'₂ tsá₃
 ñí'₂, lín₅ jui₁lia'₂ mīg₂ jon₂ a₂ca₂séi'₂ dsi₂jui₅. I₂sě₃dsen₃ bá₄ ja₂ ja₁coin₂, jaun₂
 jniá'₂ táng₃ jág₁ dse₃ a₂jme₁ma₂jnia₄ tē₂dsí₅.

20 Mīg₂ jon₂ a₂ca₂séi'₂ guě'₂ jē₄ ni₁cang₁, lě₅ jui₁lia'₂ lín₅ dsa₂ i₂gue₅ 'ñio₂ dsí₅ jág₁
 dse₃ a₂nag₂₃,

21 la₁ia₁ tsá₃ cha₂ guě'₂ jē₁dsi₃'má₂ jmú₄ né'₃ 'uě₃, tsá₃ uě₂ tió'₅; jaun₂ jē₁ma₂já₅
 o₂i₁ dsí₅ a₂dsi₂ñí₂ 'e₂ dsí₂ñí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃
 tí₂ bá₄ táng₃ jág₁.

22 Jui₁lia'₂ mīg₂ jon₂ a₂i₃ga'₅₄ jē₄ ni₁taun₅ guě'₂ táng₃, jáng'₅ jág₁ dsau₅ jui₁lia'₂
 dsa₂ i₂nag₅ jág₁ dse₃, la₁ia₁ 'ñio₅ lín₃ guě'₄ 'i₅ dsí₅ o₂me'₅₄ dsí₅ a₂cha₂ mi₂güí₃ la₂,
 a₂'ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂ně₅ bá₄ a₂jme₂gau₅ táng₃ quió'₅.
 Ca₂le₃jě₃ a₂ně₅ jlě₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃
 ráu₃ ja₁con₂ dsa₂ 'éi₂.

23 La₁ jui₁lia'₂ mīg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ tē₂le₃
 ja₁con₂ dsa₂ i₂nag₅ jág₁, ton'₂ ñí'₂ ně₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂
 ja₁coin₂. I₂lín₅₄ guě'₂ dsa₂ 'éi₂ tē₂le₃ quian'₅₄ a₂dse₃ rě₂jniá₂ a₂jmo₂₃, lín₅ jui₁lia'₂
 lě₅ lia'₂ ca₂cho'₅₄ mīg₂ a₂ca₂i₃jnia₄, rau₂ caun₂ 'ñiá₂-láu₂ mīg₂ lia'₂ ca₂míg₂; i₂lín₅₄
 guě'₂ jma₃'nag'₂ co₂ne₂guióg₂; i₂lín₅₄ guě'₂ jma₃guióg₂-guiá₂ mīg₂.

Jág₁ a₂jáng'₅ léi₄ jui₁lia'₂ ni₁nau₂ 'líg'₅₄ a₂ca₂'ia₂ jē₄ trigo

24 Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

* 13:15 Isaías 6:9-10.

—A₂lě₅ guei'₅₄ i₂juíg₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ míg₂ jon₂ dse₃ 'uě₃ quió'₅;

²⁵ la₁ caun₂ 'uě₂ jme₁ma₂le₁güín₃ dsa₂ le₃jín₃, ca₂guan₃ jan₂ dsa₂ 'lin'₅₄ i₂'iog₅₄ ca₂jmo₃ uig₅ dsí₅ ca₂guia'₃ jon₂ ni₁nau₂ 'lig'₅₄ jě₄ trigo, jaun₂ ca₂ñái'₃ táng₃.

²⁶ Jme₁ca₂i₃cón₃ trigo, jme₁ma₂tio'₅₄ mí'₂ ně₃, jě₄ jaun₂ ca₂'ia₂ ni₁nau₂ 'lig'₅₄ ján₃.

²⁷ Jaun₂ ně₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄, ca₂juá'₂: “Gui'₅₄, ĩ_{on}1jua'₅₄ jmá'₃ ca₂ne₅₄ míg₂ jon₃ dse₃ ca₂ñí'₂ ja₁nau₂ quiáng'₂ jme₁ca₂ñí'₂? ĩ'A₂ guě'₂ lia'₂ ca₂lě₃ a₂ca₂'ia₂ ni₁nau₂ 'lig'₅₄ jaun₂ ně₃?”

²⁸ Jaun₂ ca₂ñag₃ dsa₂ juig₅₄: “An₁ jan₂ dsa₂ 'lin'₅₄ i₂'iog₅₄ bá₄ ca₂jmo₃ a₂ně₅.” Jaun₂ ca₂ñag₃ dsa₂ i₂jme₂ti₃ ta₁ ne₅₄: “ĩTsa₁ 'niog'₂ jua'₅₄ co₂dsia₅ dsi₁guéi₁ jnia'₅₄ ni₁nau₂ 'lig'₅₄ jaun₂?”

²⁹ Jaun₂ ca₂ñag₃ táng₃ 'éi₂, ca₂juá'₂: “Jan₂'ón₄. Tió'₅ bá₄. Ia₁ con'₂ tsá₃ ñó₅ ně₁jua'₂ le₂jio₅ tag₄ trigo dse₃ bá₄ ca₂cang₅.

³⁰ Ja₂lin₃ guě₄ dse₃ ju₁le₁dsi₅₄ me'₂ jaun₂, ju₁dsi₂cón₃ bá₄ co₂lě₅, ca₂lia'₂ ca₂tě₂ jmig₄ i₁ráu₃; jaun₂ guě₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂ 'nei₃, dsi'₂, jaun₂ guě₄ cág'₃ trigo tó'₃ caun₂ ja₁tó'₃ dsi₂néi₂ quió₃.”

Jág₁ a₂jáng'₅ léi₄ ju₁lia'₂ míg₂ jon₂ quió'₅ ni₁'ma₂ mostaza
(Marcos 4:30-32; Lucas 13:18-19)

³¹ Ca₂dsia₃ Jesús jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juíg₃, lě₅ ju₁lia'₂ lě₅ míg₂ jon₂ quió'₅ ni₁'ma₂ mostaza[†] a₂ca₂ñé₂ jan₂ dsa₂ ja₁nau₂ quió'₅.

³² Dsón'₂ míg₂ jon₂ jaun₂ lě₅ míg₂ a₂pí'₁ tei₄ guě₄ 'ñio₅ lin₃ lia'₂ con'₂ guě₄ míg₂ jon₂ siá'₂; la₁ia₁ jě₁ma₂ca₂i₃cón₃ ně₃, lě₂ caun₂ ni₁'ma₂ pa₁ guě₄ lia'₂ con'₂ guě₄ rin'₅₄ a₂cha₂ ja₁nau₂ quió'₅, ca₂tě₂ i₁tan₅ lé₂ le₃tian'₃ gu'₂ nei'₅₄.

Jág₁ jáng'₅ léi₄ ju₁lia'₂ 'a₂ lia'₂ rón'₂ i₁ñí'₄
(Lucas 13:20-21)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lě₅ guei'₅₄ i₂juíg₃ ja₁gon₂ Diú₄, ju₁lia'₂ lě₅ levadura a₂co₂güín'₂ jan₂ 'io₅₄ quian'₅₄ 'ni₅ tio'₅₄ ñí₁ ca'₅₄† ti₁ju₁ harina, ia₁jaun₂ ron'₂ dse₃ ca₂le₃jě₃ ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Marcos 4:33-34)

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄.

³⁵ Le₂ně₅ ca₂jmo₃ ia₁jaun₂ le₃ti₃ jág₁ a₂jme₁ma₂rě₂'ě₂ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂ jme₁ca₂juá'₂:

'Uě'₅₄ jniá₂ jág₁ 'o₃

tē₂le₃ quian'₅₄ jág₁ a₂jáng'₅ léi₄;

dsia₅₄ jniá₂ jág₁ a₂tsá₃ ma₂ca₂rě₃jniá₂

ca₂le₃ ca₂jmo₃ Diú₄ mi₂güí₃. §

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ ni₁nau₂ 'lig'₅₄ a₂ca₂'ia₂ jě₄ trigo

³⁶ Jaun₂ ně₃, ca₂o₃'ín₃ Jesús jin₄ dsa₂ ju₁n₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂. Jaun₂ ca₂o₃lén₂ táng₃ chí'₂ dsi₂guia₃-tín₂ ja₁coin₂, ca₂juá'₂:

† 13:31 mostaza: On₃jua'₅₄ mi₁ján'₅ a₂cuí'₅ dsa₂ go₄ jnio₄; caun₂ ni₁'ma₂ dsón'₂ jaun₂ a₂tě₂ tē₅sí₃ Brassica nigra. ‡ 13:33 griego: “ni₅ tio'₅₄ ñí₁ sata”, a₂tio'₅₄ con'₂ 22 litros le₂caun₂ ñí₁. § 13:35 Salmo 78:2.

—Dsa₄ lia'₂ tí₅ jág₁ 'e₂ jág₁ dsau₅ jáng'₅ jui₁ lia'₂ jág₁ quió'₅ ni₁ nau₂ 'lig'₅₄ a₂ ca₂ 'ia₂ jë₄ trigo.

37 Jaun₂ ca₂ ηag₃ Jesús:

—Dsa₂ i₂ ηi₅ séi₂ mīg₂ jon₂ dse₃, Jaun₅ dsa₂ mi₂ güig₃ bá₄ 'éi₂;

38 ja₁ nau₂ guë'₂ lë₅ co₂ 'nió'₄ mi₂ güig₃ la₂. Jon₂ dse₃ guë'₂ ně₃, co₂ 'nió'₄ lín₅ chi'₂-guein₂ i₂ tion'₅₄ 'éi'₃ quió'₅ Diú₄. Ni₁ nau₂ 'lig'₅₄ guë'₂ ně₃, co₂ 'nió'₄ dsa₂ i₂ tion'₅₄ jui₅ 'éi'₃ quió'₅ i₂ sē₃ dsen₃.

39 Dsa₂ 'lin'₅₄ i₂ 'iog'₅₄ i₂ ca₂ jné₂ jon₂ ni₁ nau₂ 'lig'₅₄, i₂ sē₃ dsen₃ bá₄ 'éi₂, I₁ ráu₃ guë'₂ ně₃, lë₅ jmīg₄ jë₁ ca₂ tó'₂; i₂ ja₃ lén₂ ja₃ cag'₅₄ guë'₄ ně₃, ángeles quián₅ bá₄ Diú₄.

40 Jaun₂, jui₁ lia'₂ cág'₅ dsa₂ ni₁ nau₂ 'lig'₅₄, a₂ tó'₅ dsi₂ si₂, le₂ ně₅ bá₄ lé₂ ján₃ jmīg₄ jë₁ ca₂ tó'₂ mi₂ güig₃ la₂.

41 Chen₃ Jaun₅ dsa₂ mi₂ güig₃ ángeles quián₅ ia₁ jaun₂ 'uín'₂ jë₄ quió'₅ dsa₂ quián₅ ca₂ le₃ jín₃ i₂ jmo₅ qui₂ sén'₂ rin'₅₄ a₂ 'no₂₃ dso₄, ca₂ le₃ jín₃ guë'₄ i₂ ca₂ rē₃ chán₃ i₂ tsá₃ ca₂ tí₂ jui₅ 'lig'₅₄.

42 Jaun₂ to'₂ ja₁ néi'₅ tsi'₄ si₂, ja₁ tóin'₃ qui'₂-o₂₃, qui₃ quíg'₃ jan₅₄ ně₃.

43 Jaun₂, dsa₂ dsen₃ quián₅ Diú₄ guë'₂ dsi₃ lein₅ dsi₃ tiain'₂ ja₁ jniai₅₄ tág₅ jui₁ lia'₂ jniá₂ 'iog₂ ja₁ jmo₅ Diú₄ Jmei₂ 'éi'₃. Chi₂ jua'₂ 'ein₂ 'nia'₂ i₂ dsi₅₄ rē₂ gua₄, rē₂ nei₂ 'nia'₂.

Jág₁ a₂ jáng'₅ léi₄ jui₁ lia'₂ caun₂ a₂ quen₅ guë'₄ 'nio₅ lín₃ a₂ rē₂ 'ma₄

44 'Guei'₅₄ i₂ juíg₃ ja₁ gon₂ Diú₄ ján₃ bá₄ lë₅ jui₁ lia'₂ caun₂ a₂ quen₅ 'nio₅ lín₃ a₂ rē₂ 'ma₄ rē₂ o₅ ně₃ 'uë₃. La₁ jui₁ lia'₂ jan₂ dsa₂ i₂ dso'₂ ně₃, ja₁ jaun₂ bá₄ 'ma₂₃ táng₃; ia₁ a₂ ηí₄ lë₃ 'io'₂ jén'₅, jaun₂ dsáin'₅ dsi₂ 'nág₂ ca₂ le₃ jë₃ 'e₂ a₂ cha₂ quió'₅, jaun₂ lá₅ 'uë₃ jaun₂.

Jág₁ a₂ jáng'₅ léi₄ jui₁ lia'₂ mīg₂ perla a₂ quen₅ lín₃

45 'Ján₃ bá₄ lë₅ guei'₅₄ i₂ juíg₃ ja₁ gon₂ Diú₄ jui₁ lia'₂ lín₅ jan₂ dsa₂ i₂ ηi₅ 'no'₂ perlas jlá'₁ ia₁ jaun₂ jmo₃ 'ma'₅₄.

46 Jë₁ ma₂ ca₂ dsó'₂ ca₂ mīg₂ a₂ quen₅ lín₃, dsáin'₅ dsi₂ 'nág₂ ca₂ le₃ jë₃ 'e₂ a₂ cha₂ quió'₅, jaun₂ lá₅ mīg₂ jlá'₁ jaun₂.

Jág₁ a₂ jáng'₅ léi₄ jui₁ lia'₂ tsi₁ 'má₅

47 'Ján₃ bá₄ le₂ jaun₂ lë₅ guei'₅₄ i₂ juíg₃ ja₁ gon₂ Diú₄ jui₁ lia'₂ lë₅ caun₂ tsi₁ 'má₅ a₂ táun₂ dsa₂ ne₄ jmi₁ ηí'₄ jaun₂ 'uín'₂ ca₂ le₃ jín₃ ne₅₄ já'₂.

48 Jë₁ ma₂ ca₂ rin₅ tsi₁ 'má₅, dsa₂ ně₃ 'ín₅ tē₂ le₃ chei'₅₄ jmi₁ ηí'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁ to'₂, jaun₂ guaiin'₂ bá₄ jui₁ lia'₂ já'₂ i₂ tsá₃ dsen₃.

49 Ján₃ bá₄ le₂ jaun₂ lé₂ jmīg₄ jë₁ ca₂ tó'₂ mi₂ güig₃ la₂: 'uín₃ ángeles ja₃ jmó₂ jma₃ quén₅ dsa₂ 'lin'₅₄ jë₄ quió'₅ dsa₂ dsen₃

50 jaun₂ toin'₂ i₂ 'lin'₅₄ ja₁ néi'₅ tsi'₄ si₂ ja₁ dsi₃ toin'₅₄ qui'₂-o₂₃ qui₃ quíg'₃ jan₅₄ ně₃.”

Jui₁ lia'₂ cu₄ nióg₄ 'mí₂ quian'₅₄ cu₄ nióg₄ gui'₅₄

51 Jaun₂ ca₂ ηí'₃ Jesús chi'₂ dsi₂ guia₃-tín₂ quián₅:

—¿ηíg'₂ 'nia'₂ ca₂ le₃ jë₃ jág₁ a₂ juá'₅ jniá₂ ně₅?

Jaun₂ ca₂ ηag₃:

—Nág'₂ bá₄ jnia'₅₄.

52 Jaun₂ ca₂ juá'₂ Jesús ně₃:

—Jui₁ lia'₂ jan₂ tē₅ juá'₅ i₂ ma₂ ca₂ jme₃ tin₅ 'a₂ lia'₂ lë₅ guei'₅₄ i₂ juíg₃ ja₁ gon₂ Diú₄, lín₅ jui₁ lia'₂ lín₅ jan₂ juig₅₄ tsi₁ 'né₅ i₂ 'uë'₅ a₂ quen₅ a₂ te₁ 'i₁ le₁ 'ma₁ dsi₂ néi₂ quió'₅, lia'₂ cosas 'mí₂ lia'₂ cosas gui'₅₄ ně₃.

'En₅₄ Jesús jë₄ juig₂ Nazaret
(*Marcos 6:1-6; Lucas 4:16-30*)

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng' ₅ léi₄ në₅, ca₂o₃'in₃ bá₄ ja₁jaun₂, nái' ₃ juig₂ go₅₄.

⁵⁴ Jme₁ca₂dsiáin' ₃ jaun₂ ně₃, ca₂jme₃lióg₃ ca₂jme₃tiin₂₃ dsa₂ jág₁ dse₃ quió' ₅ Diú₄ dsi₂néi₂ guá' ₅ sinagoga quió' ₅ dsa₂ ja₁jaun₂, jaun₂ dsa₂ ně₃, ca₂i₃gó' ₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já' ₄ ca₂i₁jme₁tiin₅ i₂në₅ jág₁ a₂ní₄ lë₃ tiin₂₃ në₅? ¿'A₂ bá₄ lia' ₂ 'io₂₃ bí₂ a₂tiin₂ jmo₃ o₂dsain₂ ně₃?

⁵⁵ ¿On₁jua' ₅₄ i₂në₅ ja₁ní' ₅₄ tē₅'má₃? ¿On₁jua' ₅₄ chog₅₄ i₂chen₂ María? ¿On₁jua' ₅₄ i₂në₅ i₂lín₅ rin' ₅₄ Santiago* quián' ₅₄ Sě₄, Si₂mu₅₄, Judas ně₃?

⁵⁶ ¿On₁jua' ₅₄ jë₄ quián₂ jniog₄ la₂ tián' ₅ 'io₅₄ riin' ₅₄ ně₃? ¿'A₂ bá₄ já' ₄ já₅ a₂ní₄ lë₃ cuí' ₅ i₂në₅ ca₂le₃jě₃ jág₁ a₂tiin₂ në₅?

⁵⁷ Jaun₂ tsá₃ dse₃ ca₂tin₂ dsa₂ jág₁ jaun₂ quió' ₅, tsá₃ jui₅ ca₂tón' ₃ dsa₂. La₁ ca₂juá' ₂ Jesús:

—Ca₂le₂con₂ bá₄ juig₂ siá' ₂ jme₂gan₃ dsa₂ jui₁lia' ₂ jan₂ dsa₂ i₂'ě₂ jág₁ quián₅ Diú₄; jñia' ₅₄ lia' ₂ dsa₂ go₅₄ bá₄, tsá₃ jei₅₄, quián' ₅₄ dsa₂ dsi₂néi₂ quió' ₅ 'njog₅ ně₃.

⁵⁸ Jaun₂ tsá₃ ma₃léi₄ juë' ₂ lin₅₄ ca₂jmo₃ ja₁jaun₂, ia₁ tsá₃ guë' ₂ 'én₂ dsa₂.

14

Ca₂jon₃ Juan₅₄ i₂chon₅ dsa₂ jmig₂
(*Marcos 6:14-29; Lucas 9:7-9*)

¹ Jmig₄ jaun₂ Herodes, i₂jme₁lín₄ dsi₄má' ₂ 'uë₃ Galilea, ca₂rë₃ñi₅ jág₁ a₂ní₅ Jesús le₂con₂ jaun₂.

² Jaun₂ dsia₂₃ tsí' ₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmig₂ bá₄ në₅ ñi₅; ma₂ca₂jein' ₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃ léi₄ juë' ₂.

³ Ia₁ le₂jñiá₅ ma₂ca₂jña' ₃ dsa₂ Juan₅₄ 'éi' ₃ quió' ₅ Herodes, ca₂'nei' ₂, ca₂to' ₂ dsa₂ né' ₃ 'má₃ ně₃. Ca₂jmo₃ le₂në₅ 'uig₅₄ quió' ₄ 'io₅₄ Herodías i₂jme₁lë₄ dsa₂ m' ₂ quián₅ Fe₂li₄ riin' ₅₄.

⁴ Ia₁ 'lióng₂ ráun₂ ma₂qui₂ma₂juá' ₂ Juan₅₄ ma₂qui₂ma₂tsí' ₃ Herodes: “Tsá₃ 'i₄ 'éi' ₃ cáng' ₄ 'io₅₄ në₅.”

⁵ 'Uig₅₄ jág₁ jaun₂, jme₁'nio₃ Herodes jñi' ₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ě₂ jág₁ quián₅ Diú₄.

⁶ La₁ caun₂ jmig₄ ně₃, jme₁ca₂dsí' ₃ Herodes ñi₂, ca₂o₃'in₃ ja₁míg₄ 'io₅₄ Herodías, ca₂dsáin₂ jñ₄ dsa₂ i₂té₁ jmig₄. A₂në₅ ně₃ ca₂tě₂ dsí₅ 'ñio₅ lin₃ Herodes,

⁷ ca₂lia' ₂ ca₂cuë₃ jág₁ quió' ₅, ca₂le₃jě₃ 'iin₂₃ Diú₄ a₂cuë₃ 'e₂ caun₂ a₂mi₃ 'io₅₄ bē' ₅₄ 'éi₂.

⁸ Jaun₂ ně₃, jme₁ma₂në₂tio' ₂ chog₅₄ jág₁, ñó₃, ca₂juá' ₂:

—Cuë₄ mi₂dsi₄ Juan₅₄ i₂chon₅ dsa₂ jmig₂, tē₂në₃, 'i₄ 'ñió' ₃ uing₅.*

⁹ Jaun₂ ca₂tá' ₂ 'lia' ₂ dsí₅ rag₅₄ jme₁ca₂nág₂ le₂në₅, la₁ tsá₃ ma₃'e₂ ñi₅ jmo₃, ia₁ ma₂në₂cuë₃ jág₁ quió' ₅ a₂'iin₂₃ Diú₄, tē₃nag₅ dsa₂ i₂tion' ₅₄ dsi₂néi₂ ja₁niog₅ jmig₄.

¹⁰ Jaun₂ lë₃, ca₂jmo₃ 'éi' ₃ a₂ca₂i₁qui' ₂ dsa₂ mi₂dsi₄ Juan₅₄ dsi₂néi₂ tsí' ₁ né₅ 'má₃.

¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'ñió' ₃ uing₅,† jaun₂ ca₂cuë' ₃ 'io₅₄ bē' ₅₄ 'éi₂, jaun₂ 'éi₂ ně₃ ca₂i₁con₂ ne₄ chog₅₄.

* **13:55** Santiago: ján₃, bá₄ chein₂ Jacobo. * **14:8** lit. “rē₂dsí₂ ne₄ caun₂ ni₁ñi₁ charola.” † **14:11** lit. “rē₂dsí₂ ne₄ caun₂ ni₁ñi₁ charola.”

12 Jme₁co₂lág₂ jaun₂ ně₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁ó₄. Jaun₂ guě₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'ñiá₂ mei₅ dsa₂
(Marcos 6:30-44; Lucas 9:10-17; Juan 6:1-14)

13 Jme₁ca₂rě₃ñi₅ Jesús jág₁ ně₅, ca₂o₃'iín₃ ja₁jme₁'ein₅₄, ca₂'í₃ 'ñió'₃ caun₂ tsi₁mu₅, a₂jme₁i₁'i₅ caun₂ ja₁co₂'ñiog₅. La₁ juín₅ dsa₂ juig₂ te₁'i₁ con'₂ ma₂quián₅ jaun₂ ca₂rě₃ñi₅, jaun₂ ca₂'uüin₂, ca₂i₁lein₅₄ ca₂i₁'ein₂₃ Jesús jui₅ tag₅₄.

14 Jme₁ca₂dsióg₃ Jesús le₂'ño'₅₄ jmig₂, ca₂jág₃ juín₅ lín₃ dsa₂ ma₂tió_{n2} le₁jñiog₅. Jaun₂ ca₂dsia₃ ñéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso'₅₄ quián₅ dsa₂.

15 Tě₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:
—Ca₂'láu₂ bá₄ la₂, ton'₂ caun₂ ja₁co₂'ñiog₅ bá₄ la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ ně₅, qui₂dsi₃lia₅ ca₂la₂ a₂guě'₃.

16 Jaun₂ ca₂ñag₃ Jesús:
—Tsá₃ tion₅₄; cuě'₅₄ 'nia'₂ dsa₂ guiong'₅₄ a₂guě'₃.

17 Jaun₂ ca₂ñag₃ chi'₂ dsi₂guia₃-tín₂:
—Tsá₃ 'e₂ a₂siá'₂ cha₂ ja₁lá₃, jñia'₅₄ lia₂ 'ñiá₂ i₁ñí'₄ bá₄, quian'₅₄ on₃ i₁ju₁.

18 Jaun₂ ca₂juá'₂ táng₃ Jesús:
—O₂quian₂ 'nia'₂ ja₁lá₃.

19 Jaun₂ ně₃, ca₂tsí'₃ dsa₂ a₂tiain'₃ ne₄ 'uě₃. Jaun₂ ca₂jña'₃ ta₁'ñiá₂ i₁ñí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cuě'₃ chi'₂ dsi₂guia₃-tín₂. Jaun₂ 'éi₂ guě₄ ně₃ ca₂dsióg'₃ jin₄ dsa₂.

20 Ca₂le₃jín₃ bá₄ dsa₂ ca₂guě'₃ ca₂lia'₂ ca₂'ág'₃ dsí₅. Jme₁ca₂lě₃ guě'₅, jaun₂ ca₂cág'₃ bá₄ guě₄ guia₃-tín₂ tsi₁mi'₂ 'nau₅₄ a₂ca₂chóng₃.

21 Dsa₂ i₂ca₂guě'₃ 'éi₂ jme₁tén₄ 'ñiá₂ mei₅ jmá'₃ lia₂ dsa₂ ñe'₂, i₂sián'₂ bá₄ dsa₂ mí₂, chi'₂ ně₃.

Ca₂ñi₃ Jesús ne₄ jmi₁ñí'₄
(Marcos 6:45-52; Juan 6:16-21)

22 Dsi₂jui₅ jme₁ca₂lě₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂guia₃-tín₂ 'ñió'₃ tsi₁mu₅, a₂ñi₃ de'₂ 'éi₂ jmig₂ le₁jñiá'₄ lia₂ con'₂ guě₄ 'ñiog₅ a₂dsi₃lein₃, tě₁lia'₂ 'í₂ 'ñiog₅ 'ág'₅ jág₁ dsa₂.

23 Jme₁ca₂lě₃ 'ág'₅ jág₁ dsa₂, ca₂ñó₃ jui₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅.

24 Tsi₁mu₅ a₂tion'₅₄ chi'₂ dsi₂guia₃-tín₂ ně₃, jme₁ma₂dsióg'₃ dsi₂jo₂ jmi₁ñí'₄. Jmig₂ ně₃, qui₂jná'₅ tiá₂ lín₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃.

25 Le₁né₃ tě₂le₃ ca₂jñia₃ jaun₂, ca₂jme₃quián₃ Jesús ja₁ñáu'₄ tsi₁mu₅ tióin'₅₄.

26 Jaun₂ ně₃ jme₁ca₂jág₂ chi'₂ dsi₂guia₃-tín₂ jóin'₅ ñi₂₃ ne₄ jmi₁ñí'₄, ca₂juín'₂ ca₂tóin'₂ co₂mí'₅₄ ca₂guió'₃ ca₂juá'₂:

—jme₂dsí₂ 'lin'₅₄† bá₄ ó₃!

27 La₁ dsi₂jui₅ bá₄ ca₂juá'₂ Jesús ně₃:
—jdsia₄ 'nia'₂ tiá₂ 'au'₂! jñiá₂ bá₄ la₂; tsá₃ lě₁juín'₂ 'nia'₂!

28 Jaun₂ Pe₄ ně₃ ca₂ñag₃:
—Te₁gui'₅₄, chi₂jua'₂ 'ne₂ ně₅, jmo₄ 'éi'₃ a₂nei₅₄ ñi₅₄ ne₄ jmig₂ a₂dsióg₄ tě₂ ja₁chéng'₄ ně₅.

29 —Ñia₅ jaun₂ —ca₂juá'₂.

Jaun₂ ca₂sión₃ Pe₄ 'ñió'₃ tsi₁mu₅, ca₂ñi₃ ne₄ jmig₂ jme₁ñó₄ ja₁chén'₄ Jesús.

† 14:26 griego: fantasma.

30 La₁ jme₁ca₂tón₃ ju_{i5} ca₂jág₃ 'a₂ lia₂ 'ei₅ tiá₂ dsí₂, ca₂ja₃gó₃ dsí₅, jaun₂ gué₄ ca₂rē₃lióg₃ ca₂i₃óin₅ jmig₂. Ca₂guió₃ tiá₂, ca₂juá₂:

—¡Lio₄ jniá₂, Te₁gui₅₄!

31 Dsi₂ju_{i5} jaun₂ ca₂néi₃ Jesús gu₂, ca₂tíin₂ quió₅ Pe₄, jaun₂ juá₂:

—¡'E₂ gué₄ ca₂juig₄ 'én₂ 'ne₂! ¿'E₂ lē₃ nē₂ 'éi₂ caun₂-tín₃ 'au₂?

32 Jme₁ca₂i₃toin₅₄ 'ñi₃ó' tsi₁mu₅, ca₂'ág₂ táng₃ tei₄ dsí₂.

33 Jaun₂ i₂jme₁tion₅₄ 'ñi₃ó' tsi₁mu₅ ca₂jmo₃ i₁'áin₃ ne₄ Jesús, ca₂jme₃juag₂. Jaun₂ ca₂juá₂:

—Dsón₂ bá₄ líng₅ Ja₁ñi₅₄ Diú₄.

Ca₂jme₃'lión₂ Jesús dsa₂ dso₅₄ 'uē₃ Genesaret

(Marcos 6:53-56)

34 A₂ca₂'ain₂ jmig₂ jaun₂, ca₂dsi₃lein₃ 'uē₃ Genesaret.

35 Dsa₂ chan₂ ja₁jaun₂ nē₃, jme₁ca₂rē₃cu_{iin}₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃jē₃ juig₂ te₁'i₁ le₃lág₃ jaun₂, jaun₂ ca₂o₃jñia₃ dsa₂ ca₂le₃jín₃ dsa₂ i₂jme₁le₁dso₅₄ ja₁'en₅₄ Jesús.

36 Jaun₂ ca₂mi₃ tsá₃ a₂nag₅₄ o₁jñia₅₄ 'ág₃ tag₄ tsin₅₄ bá₄ cuē₃ jmig₄ ní₃ dsa₂ i₂le₁dso₅₄; jaun₂ nē₃, ca₂le₃jín₃ dsa₂ dso₅₄ i₂qui₂ca₂ñi₃ tsin₅₄ Jesús, ca₂'lóin₂ co₂ñei₅₄ dso₄ a₂jme₁lín₄.

15

Jme₂tag₅ Jesús ju_ilia₂ 'e₂ jaun₂ a₂jmo₅ a₂rē₂'ñio₅ dsa₂

(Marcos 7:1-23)

1 Jaun₂ nē₃ ca₂o₃lén₂ i₂lín₅₄ dsa₂ fariseos quian₅₄ tē₅juá₅ i₂ja₂lén₂ Jerusalén, ca₂jme₃quián₃ ja₁con₂ Jesús, jaun₂ ca₂ñag₃:

2 —¿'E₂ lē₃ tsá₃ jme₂tí₃ dsa₂ i₂quiang₅₄ tag₄ 'éi₃ a₂chí₅ quió₅ dsa₂ can₅₄? Tsá₃ rang₂₃ gu₂ né₃ gué₄ a₂gué₃.

3 Jaun₂ ca₂ñag₃ Jesús:

—'Nia₂ gué₂ nē₃, ¿'E₂ lē₃ qui₂tsó₂ 'nia₂ 'éi₃ quió₅ Diú₄ a₂jme₂tí₁ 'nia₂ jmá₃ lia₂ tag₄ quián₂ 'nia₂ guiong₅₄?

4 Ia₁ ca₂juá₂ Diú₄: “Jme₂gan₃ 'nia₂ chog₂-ñéi₅.”* Ján₃ bá₄ ca₂juá₂: “I₂tē₂'on₂ jmei₂, o₃ i₂tē₃'on₂ chog₅₄, ca₂tíin₂ jóin₂.”†

5 La₁ 'nia₂ nē₃ jme₂tíng₁ dsa₂, nē₁'ein₂ cha₂ quió₅ a₂lé₂ le₃jme₃'oin₅₄ chog₅₄-jmei₂, la₁ lag₃ nē₁ca₂tsí₃ dsa₂ chog₅₄-jmei₂: “A₂ma₂rē₂jen₅₄ ne₄ Diú₄ bá₄ a₂jaun₂”,

6 jaun₂ nē₃, jme₂tín₂ 'nia₂ dsa₂ 'éi₃ a₂tsá₃ ma₃tion₅₄ 'nió₅ jme₃'on₅₄ dsa₂ chog₅₄-jmei₂, O₄quió₄ tag₄ quián₂ 'nia₂ guiong₅₄ bá₄ ma₂ja₂nó₅ 'nia₂ jmo₂ tsá₃ ma₃'e₂ quen₅ 'éi₃ quió₅ Diú₄.

7 ¡'Nia₂ dsa₂ i₂lē₁jmo₅-dsáu₅ o₁ne₁ a₂jmo₂ 'nia₂ a₂jme₂juíng₁ Diú₄ quian₅₄ tag₄ quiáng₂ ja₂nóg₅! Dsón₂ bá₄ dsau₅ a₂ca₂juá₂ Isaías i₂jme₁'é₂ jág₁ quián₅ Diú₄, jme₁ca₂tíong₃ ne₄ si₂, 'iin₂₃ 'nia₂, jme₁ca₂juá₂:

8 Dsa₂ juig₂ la₂ jme₂juag₂ jniá₂
jmá₃ lia₂ quian₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅

ja₁con₂ jniá₂.

9 La₁ tsá₃ 'e₂ ta₁ tí₄ a₂jme₂juag₂,

ia₁ jág₁ a₂jme₂tag₂₃

jmá₃ 'éi₃ quió₅ dsa₂ mi₂güíng₃ bá₄ jaun₂.‡

* 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9. ‡ 15:9 Isaías 29:13.

10 Jaun₂ ca₂tě₃ Jesús dsa₂ ju₁n₅ i₂ma₂quiain'₅₄ a₂jme₃quián₃ 'éi₂ ja₁coin₂, jaun₂ ca₂juá'₂:

—Rě₂ nei₂ 'nia'₂ a₂la₂; ju₁le₂ŋí'₂ 'nia'₂:

11 Ju₁lia'₂ a₂dsi₂to'₅₄ ju₁mi₂'o₄ dsa₂, on₃jua'₅₄ a₂jaun₂ jmo₅ a₂rě₃'iog₅ jme₂dsí₂ quió'₅ dsa₂. Ca₂le₃jě₃ a₂'uě₂ ju₁mi₂'o₄ dsa₂, a₂jaun₂ bá₄ jmo₅ a₂rě₃'iog₅ jme₂dsí₂ quió'₅ dsa₂.

12 Jaun₂ ca₂jme₃quián₃ chi'₂ dsi₂guia₃-tín₂, jaun₂ ca₂juá'₂:

—¿Tsa₁ ŋi'₅₄, 'ŋio₅ lin₃ tsá₃ dse₃ ca₂tín₂ dsa₂ fariseos jág₁ a₂ně₂chei'₅₄?

13 La₁ ca₂ŋag₃ Jesús:

—Ca₂le₃jě₃ ni₁'ma₂ a₂tsá₃ ca₂chéin'₃ Ŋe'₃ jniá₂ i₂guá₅ guei'₅₄ i₂juíg₃, guéi₃ le₂jio₅ jmú₄.

14 O₁lě₄ me'₂; ia₁ dsa₂ ten₄ bá₄ ně₅ quian₅ ne₄ ju₁ŋi₅. § Ia₁ ně₁jua'₂ jan₂ dsa₂ ten₄ ŋjia₁i₂₃ dsa₂ ten₄ riin'₅₄, le₃oin₃ bá₄ tsi₃séin'₂ siá₅.

15 Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ ně₅.

16 Jaun₂ ca₂ŋag₃ Jesús:

—¿Ján₃ bá₄ tsá₃ ŋí'₂ 'au'₂ 'nia'₂?

17 Ia₁, ¿tsa₁ ŋí'₂ 'nia'₂, ju₁lia'₂ ca₂le₃jě₃ a₂dsi₂to'₅₄ ju₁re₂'o₄ dsa₂, dsi₂lé₂ rě₂tú'₅ bá₄ dsa₂, cang₂ jaun₂ 'uě₂ táng₃?

18 La₁ ju₁lia'₂ a₂'uě₂ ju₁mi₂'o₄ dsa₂, a₂jaun₂ a₂já₅ tě₂dsí₅ bá₄ dsa₂. A₂jaun₂ bá₄ jmo₅ a₂rě₃'iog₅ jme₂dsí₂ quió'₅ dsa₂.

19 Ia₁ tě₂dsí₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jio₅ dsí₅: ju₁lia'₂ a₂jme₂dsian₅ dsa₂ dsa₂ mi₂güig₃ riin'₅₄: ju₁lia'₂ a₂nió'₅ dsa₂ jág₁ quian'₅₄ dsa₂ i₂tsá₃ lín₅ dsi₂i₂gu₂, ju₁lia'₂ a₂lě₁i₂ni₄o₄ dsa₂ tiáin'₅, tsá₃ gu₂ le₁jen'₂; ju₁lia'₂ a₂'ang₅ dsa₂; ju₁lia'₂ a₂nau₂ dsa₂ a₂jáng'₅ jág₁ dsau₅ a₂jmo₂₃ tě₂jün₁; ju₁lia'₂ a₂jmo₅ dsa₂ a₂lě₁bóin'₂ dso₄ riin'₅₄ ně₃.

20 Ca₂le₃jě₃ a₂ně₅ bá₄ jmo₅ a₂rě₃'iog₅ jme₂dsí₂ quió'₅ dsa₂; la₁ a₂guě'₅ dsa₂ tě₃ tsá₃ ma₂ně₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rě₃'ŋio₅ dsa₂.

Jan₂ i₁náú₃ i₂ca₂rě₃'én₂ tě₂le₃ quió'₅ Jesús

(Marcos 7:24-30)

21 O₂'ín₃ bá₄ Jesús ja₁jaun₂, ca₂ŋó₃ táng₃ ju₁juig₂ Tiro quian'₅₄ Sidón.

22 Ja₁jaun₂ jan₂ 'io₅₄ cananea i₂guá₅ jě₄ juig₂ jaun₂, ca₂guain₃ con₂ Jesús 'o₂₃ co₂mí'₅₄, juá'₂ tiá₂:

—i₂Te₁gui'₅₄, jaun₅ David, dsia₄ ŋéi₂ 'au'₂ jniá₂! Jan₂ chi'₂ ja₁míg₄ jniá₂ 'en₅₄ jan₂ jme₂dsí₂ je₂na'₅₄ tě₂dsí₅, 'ŋio₅ lin₃ ŋág₅ uig₅.

23 La₁ tsá₃ 'e₂ ca₂ŋag₃ Jesús 'i₁caun₂. Jaun₂ o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Chei'₅₄ i₂ně₅ ju₁dsiain'₅₄, ia₁ já₅ guió'₅ co₂mí'₅₄ chi₁co'₅₄ quián₂ jniog₄.

24 Jaun₂ ca₂ŋag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

25 La₁ caun₂ já₅ bá₄ 'io₅₄ 'éi₂, ca₂chi₃jně₃ ne₄ Jesús, ca₂juá'₂:

—i₂Te₁gui'₅₄, jme₁'o₄ jniá₂!

26 Jaun₂ ca₂ŋag₃ Jesús:

—Tsá₃ dsi₂ten₅₄ jua'₅₄ a₂ŋjá'₄ jniá₂ i₁ŋí'₄ quió'₅ chi'₂-guein₂ a₂cuě₄ dsi₂ji'₅₄.

27 Jaun₂ ca₂ŋag₃ táng₃ 'io₅₄:

§ 15:14 A₂lin₅₄ chog₅₄ si₂ juá'₂: “ia₁ i₂ŋjia₅ dsa₂ ten₄ bá₄ ně₅.”

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsi₂ji'₅₄ ni₁jne₁ a₂tsi₂séi'₂ ne₄ mesa ja₁guě'₅ jui₅₄.

²⁸ Jaun₂ ca₂ḡag₃ táng₃ Jesús:

—i'E₂ guě₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lě₅ a₂mi'₂ ně₅.

Dsi₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

²⁹ O₂'ín₃ bá₄ táng₃ Jesús ja₁jaun₂, jaun₂ ca₂ḡi₃ jui₅ chei'₅₄ jm₁i₁ḡí'₄ Galilea; jaun₂ ca₂uíg₂ jui₅ ne₄ má'₂, jaun₂ ca₂guá₂ jme₁dsióg₃.

³⁰ Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁jḡiai₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ guě₄ dsa₂ sián'₂ i₂jme₁le₁dso'₅₄ ně₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂.

³¹ Jaun₂ guě₄ ca₂i₃gó'₃ dsí₅ dsa₂ jme₁ca₂tě₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₁le₁já'₂ quió'₅, quian'₅₄ dsa₂ guian'₅₄ ně₃; dsa₂ ten₄ ně₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

Ca₂jme₃tan₅₄ Jesús quén₂ mei₅ dsa₂

(Marcos 8:1-10)

³² Jaun₂ ca₂tě'₃ Jesús chi'₂ dsi₂guia₃-tín₂ quián₅, jaun₂ ca₂juá'₂:

—'Nio₅ ḡéi₂ dsi₃ jḡng₅₄ dsa₂ ně₅, ia₁ ma₂'nī₅ jmīg₄ tióin'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guě'₃ ja₁lá₃. Jaun₂ ně₃, tsá₃ 'nio₃ jniá₂ dsiain'₅₄ tě₃ tsá₃ ma₂ně₂guě'₃, ia₁ con'₂ tsá₃ ḡó₅ ně₁ca₂'uáin₂ le₂'i₄ jui₅.

³³ Jaun₂ ca₂juá'₂ chi'₂ dsi₂guia₃-tín₂ quián₅:

—¿A₂já'₄ lé₂ dsi₁liá₄ i₁ḡí'₄ ja₁co₂'ḡiog₅ la₂ a₂guě'₃ dsa₂ juin₅ ně₅?

³⁴ Jaun₂ ca₂ḡag₃ Jesús ca₂ḡí'₃ chi'₂ dsi₂guia₃-tín₂:

—¿Je₂liá'₂ i₁ḡí'₄ 'i₄ guě₄ quián'₂ 'nia'₂?

Jaun₂ ca₂ḡag₃ 'éi₂:

—Guio₃ i₁ḡí'₄ bá₄ 'i₄, quian'₅₄ guě'₂ on₃-ún₂ ju₄ pí'₁.

³⁵ Jaun₂ ca₂jmo₃ 'éi'₃ a₂tian'₃ dsa₂ 'uě₃,

³⁶ jaun₂ ca₂jḡa'₃ ta₁guio₃ i₁ḡí'₄ quian'₅₄ i₁ju₁ ně₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ḡí'₄, ca₂cuě'₃ chi'₂ dsi₂guia₃-tín₂ quián₅, jaun₂ 'éi₂ guě₄ ně₃ ca₂dsióg'₃ jin₄ dsa₂.

³⁷ Ca₂le₃jín₃ bá₄ dsa₂ 'éi₂ ca₂guě'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃.

³⁸ Dsa₂ i₂ca₂guě'₃ 'éi₂ jme₁lě₂ quén₂ mei₅ jmá'₃ dsa₂ ḡe'₂, i₂sián'₂ bá₄ dsa₂ mí₂ quian'₅₄ chi'₂ ně₃.

³⁹ Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'í'₃ 'ḡió'₃ tsi₁mu₅ a₂ḡó₃ jui₅ jě₄ juig₂ Magadán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ juě'₂

(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jin₅₄ Jesús, ia₁ a₂'no'₂ jui₅ 'a₂ lia'₂ tian'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juig₃.

² La₁ ca₂ḡag₃ Jesús:

—['Nia'₂ ting'₂ jág'₁ tě₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂güig₃.”

* 15:39 o₃, Magdala, ja₁chan₂ María Magdalena.

³ Ján₃ bá₄ juá'₂ 'nia'₂ jme₁lín₅₄ jui₁lia'₂ tē₃ o₃ 'iog₂, “Tiá'₃ jmí'₅ nē₃, ia₁ guéin₂ jniá'₂ jnei₅ tio'₅₄ guei'₅₄.” Nj'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá'₂ guei'₅₄, njia'₅₄ lia'₂ 'e₂ a₂tē₅ ne'₅₄ 'nia'₂ jmig₄ nē₃ bá₄, tsá₃ nj'₅₄ 'nia'₂ 'e₂ jein₅ jág₁.]”

⁴ Tsi₁jon₂ dsa₂ 'lín₅₄ i₂tsá₃ nag₃ la₂, mi₂₃ a₂jmo₅₄ jniá'₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ nj'₂ 'nia'₂, njia'₅₄ lia'₂ caun₂ léi₄ jui₁lia'₂ a₂ca₂i₃nj'₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂njá'₃.

Levadura quió'₅ dsa₂ fariseos

(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁nj'₄, ca₂dsáu'₃ dsí₅ tsá₃ 'e₂ i₁nj'₄ le₁quian₅ gué'₃.

⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos nē₃. Ia₁ juá'₅ quió'₅ lē₅ lia'₂ lē₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁nj'₄ le₁quian₁ bá₄ jniog₄, jaun₂ bá₄ juá'₂ le₂nē₅.

⁸ La₁ ca₂rē₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lē₃ juá'₂ 'nia'₂ tsá₃ le₁quian'₄ i₁nj'₄? ¡'E₂ gué₄ ca₂juig₄ 'én'₂ 'nia'₂!

⁹ ¿'E₂? ¿Tsa₁ ma₂ca₂rē₃nj'₂ 'nia'₂? ¿Tsa₁ ma₃dsá₂ 'au'₂ 'nia'₂ lia'₂ con'₂ ca₂dsio'₄ jniá'₂ njá'₂ i₁nj'₄ ca₂lín₅ quió'₅ njá'₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂?

¹⁰ ¿On₃ gué'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá'₂ guio₃ i₁nj'₄ ca₂lín₅ quió'₅ quén₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ nē₃?

¹¹ ¿'A₂ bá₄ lia'₂ njá'₂ tsá₃ rē₂lén₅₄ 'nia'₂? On₃ jua'₅₄ i₁nj'₄ 'ë₅ jniá'₂ jme₁nē₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ gué₄ ca₂njá'₂ dsí₅ 'éi₂ a₂'ë₅ Jesús jaun₂, on₃ jua'₅₄ a₂ca₂tín₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁nj'₄, a₂ca₂tín₂ jmo₃ 'í₁ 'a₂ lia'₂ lē₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rē₂'ín₁ quián₅ Diú₄

(Marcos 8:27-30; Lucas 9:18-21)

¹³ Jme₁ca₂dsio₃ Jesús ma₂quián₅ juig₂ Cesarea ja₁tén₄ Filipo, jaun₂ ca₂njá'₃ chi'₂ dsi₂guia₃-tín₂ quián₅:

—¿'Ein₂ lín₅ Jaun₅ dsa₂ mi₂güig₃, juá'₂ dsa₂?

¹⁴ Jaun₂ ca₂njá₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmig₂; i₂sián'₂ gué'₂ juá'₂ a₂lín₅ Elías; i₂lín₅₄ gué'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'ë₂ jág₁ quió'₅ Diú₄.

¹⁵ Jaun₂ ca₂njá₃ Jesús:

—¿'Nia'₂ gué'₂ nē₃? ¿'E₂ juá'₂ 'nia'₂ 'ein₂ lín₅ jniá'₂?

¹⁶ Jaun₂ ca₂njá₃ Si₂mu₅₄ Pe₄:

—'Ne₂ lín₅ dsa₂ I₂rē₂'ín₁, Ja₁nj'₅₄ Diú₄ jén'₃.

¹⁷ Jaun₂ ca₂njá₃ Jesús:

—'E₂ gué₄ dsen'₃ 'ne₂, Si₂mu₅₄, ja₁nj'₅₄ Jonás, ia₁ 'i₁jan₂ dsa₂ mi₂güig₃ tsá₃ nē₂jme₃jnia₅ ne'₅₄ a₂nē₅, njia'₅₄ lia'₂ Nj'₃ jniá'₂ i₂guá₅ i₂juig₃ bá₄.

* **16:3** A₂lín₅₄ chog₅₄ si₂ gui'₅₄ gué₄ tsá₃ chi₁ton₅ jág₁ a₂tio'₅₄ 'njó'₃ corchetes [le₂la₂].

18 Jaun₂ juá'₅ jniá'₂ juíg'₂ 'ne₂, a₂ma₂cheng'₂ Pedro,† jaun₂ ne₄ ni₁'lau₂ la₂‡ jmóg'₄ jniá'₂ guá'₅ quió'₃, jaun₂ ca₂lia'₂ njia'₅₄ i₂'io₅ bí₂ 'mú₃ tsá₃ le₃qui'₅₄ jmig'₄ jua'₅₄ a₂tió'₃ quiong'₅₄ quian'₅₄ mai₅₄ quió'₅.

19 Jaun₂ o₄gog'₂ 'ne₂ dsia₅₄ jniá'₂ jág₁ dse₃ quió'₃ a₂lě₅ co₂'nió'₄ nj₁ llave a₂niá'₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuě'₂ 'ne₂ jmig'₄ ne₄ gua'₅₄ 'uě₃ la₂lia'₂ con'₂ lě₅ jág₁ quió'₃, ján₃ bá₄ le₂jaun₂ tsá₃ lé₂ guei'₅₄ i₂juíg'₃; ján₃ bá₄ le₂jaun₂ jui₁lia'₂ a₂cuě'₂ 'ne₂ jmig'₄ gua'₅₄ 'uě₃ la₂lia'₂ con'₂ lě₅ jág₁ quió'₃, a₂jaun₂ bá₄ lé₂ guei'₅₄ i₂juíg'₃ ján₃.

20 Jaun₂ ca₂tsí'₃ chi'₂ dsia₂guia₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rě₂'ín₁ quián₅ Diú₄.

Ca₂'ě₂ Jesús jág₁ a₂jóin₂
(*Marcos 8:31-9:1; Lucas 9:22-27*)

21 Tě₂le₃ ne₄ jui₅ ja₁ñó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsia₂guia₃-tín₂ quiáin₅, a₂tion₅₄ dsó₃ jui₅ Jerusalén, ja₁dsi₃ñi₂ 'lióng₂ ne₅₄ jmi₁uig'₅ a₂jmóg'₂ dsa₂ can'₅₄ quián₅ guá'₅, quian'₅₄ juig'₅₄ jme₂dsa₂, tě₅juá'₅ ně₃. Jaun₂ ca₂juá'₂ a₂jñag'₃ dsa₂, la₁ a₂'ni₅ jmig'₄ jaun₂, jein'₅₄ bá₄ táng₃.

22 Jaun₂ Pe₄ ně₃ ca₂jjiog₃ le₃cau₅, jaun₂ ca₂jme₃lióg₃ a₂tě₂néi'₂ a₂jme₁jnéi₂ jui₅, ca₂juá'₂:

—i₁tsá₃ o₁le₅₄ le₂ně₅, Te₁gui'₅₄! i₀líg'₂ bá₄ tsá₃ jui₁dsi₂ñi'₂ 'ne₂ le₂ně₅!

23 La₁ Jesús ně₃, ca₂jein'₃ le₂ca'₃, jaun₂ ca₂juá'₂ ca₂tsí'₃ Pe₄:

—i₁jñiag'₃ cau₅ quió'₃, Satanás! Jñia'₅₄ jni'₂ bá₄ 'ne₂ jui₅ quió'₃, ia₁ tsá₃ le₂jaun₂ dsia₂jjiog₅ 'au'₂ jui₁lia'₂ dsia₂jjiog₅ dsí₅ Diú₄. Ia₁ lia'₂ dsia₂jjiog₅ dsí₅ dsa₂ mi₂güig'₃ bá₄ dsia₂jjiog₅ 'au'₂.

24 Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsia₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá'₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jñiai₅₄ a₂jóin₂, § jui₁jia₂ chi₁co'₅₄ quió'₃.

25 Ia₁ jui₁'ein₂ guě₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güig'₃ la₂, dsia₂'én₂ quió'₅. La₁ jui₁'ein₂ guě₃ i₂tén'₂ dsí₅ gue₃ 'mú₃ 'uig'₅₄ quió'₃ jniá'₂, le₃chain₂ dse₃ mi₂güig'₃ caun₂.

26 Ia₁, ĉ'e₂ bá₄ ta₁jmo₃ a₂lí'₂ dsa₂ 'ñio₅ lín₃ ne₄ gua'₅₄ 'uě₃ la₂, ně₃jua'₂ dsia₂'én₂ bá₄ guě'₂ jme₂dsí₂ quió'₅ mi₂güig'₃ caun₂? ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tñ'₄ jme₂dsí₂ quió'₅?

27 Ia₁ Jaun₅ dsa₂ mi₂güig'₃ jñi₀'i'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ njia'₅₄ niog₅ ca₂jmo₃.

28 A₂dsia₂jó'₃ juá'₅ jniá'₂ juíg'₂ 'nia'₂, chan₂ i₂lín₅₄ jui₁lia'₂ i₂tion'₅₄ ja₁lá₃ tsá₃ dsian₃ ca₂lia'₂ ca₂tě₂ ne₅₄ jín₂ Jaun₅ dsa₂ mi₂güig'₃ a₂jñi₀'i'₂ lín₅ rag₅₄ a₂qui₃dsi₂₃ 'éi'₃.

17

Ca₂rě₃tsín₃ 'a₂ lia'₂ jniá'₂ Jesús
(*Marcos 9:2-13; Lucas 9:28-36*)

1 Jñéi₂ jmig'₄ cang₂ jaun₂, ca₂jñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂l₃lín₂ con'₂ guoin₅₄ caun₂ má'₂ ñei₅.

2 Ja₁jaun₂ ca₂rě₃tsín₃ 'a₂ lia'₂ jniá'₂ Jesús tě₃ jág₅ 'éi₂. Ne₄ Jesús ca₂jñia₃ tág₅ jui₁lia'₂ jniá'₂ 'iog₂; tsin'₅₄ guě'₂ ně₃ ca₂jñia₃ tiog₂ jau₂ ca₂lia'₂ tág₅ lín₃.

† 16:18 griego: Petros, co₂'nió'₄ le₃jua'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7. § 16:24 lit. "jui₁,quian₅₄ cróg₄ quió'₅." * 17:1 ján₃, bá₄ chein₂ Santiago.

³ Jaun₂ dsi₂jui₅ jaun₂ ca₂jnia₃ Moisés quian'₅₄ Elías, tióin₂ dsia₂₃ jág₁ quiain'₅₄ Jesús.

⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂guě₄dse₃lia'₂tió'₅₄jniog₄ja₁lá₃! Chi₂jua'₂niog'₂, jmo₅₄jniá₂'ni₅tsi₁'io₅láu₃: caun₂quiáng'₂, caun₂quió'₅ Moisés, caun₂guě'₂quió'₅ Elías ně₃.

⁵ Tě₃jě₄dsia₅Pe₄jág₁jaun₂, ca₂lioin₂caun₂jnei₅tág₅; jaun₂jě₄jnei₅jaun₂ca₂né'₂jág₁a₂juá'₂:

—I₂la₂bá₄jón₃quiáng₃, i₂ñí₄lě₃'nióg₃guě₄lin₃. 'E₂bá₄'ñio₂dsi₃quiain'₅₄. Nei₂'nia'₂jág₁quió'₅.

⁶ Jme₁ca₂nág₂chi'₂dsi₂guia₃-tín₂jág₁jaun₂, ca₂rě₃gó'₅ca₂le₃jě₃ca₂i₃gain'₅₄'uě₃le₁'éin₂,

⁷ Jaun₂ca₂guán'₃táng₃Jesúscau₅quió'₅, ca₂jñau'₃, jaun₂ca₂juá'₂:

—Nau₂'nia'₂; Tsá₃lě₃jmo₂'nia'₂gang'₃.

⁸ Jaun₂jme₁ca₂jág₃táng₃, tsá₃ma₂'ein₂i₂sián'₂ca₂jíin₂; jñia'₅₄lia'₂'ñiog₅bá₄Jesúsma₂chėin'₅.

⁹ Jme₁ja₂lein₃sióin₅táng₃má'₂jaun₂, ca₂jmo₃Jesús'ėi'₃, ca₂juá'₂:

—Tsá₃'ein₂juig'₅₄'nia'₂a₂ně₂jag'₅₄'nia'₂ně₅, ca₂lia'₂ca₂tě₂jmig₄jě₁ma₂ca₂jen'₅₄táng₃Jaun₅dsa₂mi₂güig₃ne₄'mú₃.

¹⁰ Jaun₂ca₂ñag₃chi'₂dsi₂guia₃-tín₂ca₂ñí'₃Jesús:

—Chi₂jua'₂le₂ně₅, ě₂'E₂lě₃juá'₂tě₅juá'₅, Elíasbá₄i₂jiá₃le₂'uig₅₄?

¹¹ Jaun₂ca₂ñag₃Jesús:

—Dsón'₂Elíasbá₄jiá₃le₂'uig₅₄, jaun₂'ėi₂bá₄jme₃rě₃ca₂le₃jě₃.

¹² La₁juá'₅jniá₂, i₂ma₂guan₅bá₄Elías, la₁tsá₃'ein₂ca₂rě₃cuig₅. Jaun₂qui₂ca₂jmóg'₂dsa₂lia'₂lě₂dsí₅ca₂le₃jě₃guě₄'a₂lia'₂'nio₃jmóg'₂. Ján₃bá₄le₂ně₅, Jaun₅dsa₂mi₂güig₃dsi₃ñí₂uig₅o₄gú₃dsa₂'ėi₂.

¹³ Jaun₂guě₄ca₂rě₃lí'₄chi'₂dsi₂guia₃-tín₂, Juan₅₄i₂ca₂chon₃dsa₂jmig₂bá₄'in₅Jesús, a₂juá'₂le₂jaun₂.

Ca₂jme₃'lión₂Jesúsjan₂chi'₂i₂'en₅₄jme₂dsí₂'lin'₅₄dsí₅

(Marcos 9:14-29; Lucas 9:37-43)

¹⁴ Jme₁ca₂dsi₃lein₃ja₁tion'₅₄dsa₂juin₅, jaun₂ca₂jme₃quián₃jan₂dsa₂ja₁chén'₄Jesús, jaun₂ca₂chi₃jné₃ne₅₄, jaun₂ca₂juá'₂:

¹⁵ —Te₁gui'₅₄, dsia₄ñéi₂'au'₂chi'₂quiáng₃, 'ñio₅lin₃ñág₅uig₅lín₅dso₄'ei₂; 'lióng₂ráun₂ma₂ca₂táin'₂dsi₂si₂, dsijmig₂ně₃.

¹⁶ Ma₂i₁jñiai₅₄jniá₂ne₄chi'₂dsi₂guia₃-tín₂quiáng'₂, la₁tsá₃ca₂tió'₃jme₃'lió₂.

¹⁷ Jaun₂ca₂ñag₃Jesús:

—i'En₁jmá'₃tsá₃'e₂'én'₂'nia'₂! ě₂Je₂liá'₂jmig₄jmá'₃'nió'₅'ú₄quian'₅₄'nia'₂? ě₂Je₂liá'₂jmig₄jmá'₃'nió'₅jmo₅₄tió'₅dsi₃quian'₅₄'nia'₂? I₂jñia₅chi'₂ja₁lá₃.

¹⁸ Jaun₂ca₂jí₂Jesúsca₂jéin₂je₂na'₅₄. Jaun₂ca₂o₃'ín₃tě₂dsí₅chi'₂'ėi₂, jaun₂guě₄ně₃ca₂'lóin₂dsi₂jui₅le₂jaun₂.

¹⁹ Jme₁co₂lág₂jaun₂ca₂dsia₃chi'₂dsi₂guia₃-tín₂jág₁quian'₅₄Jesúsjě₄con'₂guioin₅₄, jaun₂ca₂ñí'₃'ėi₂:

—ě₂'E₂'uig₅₄tsá₃ca₂tián₃jñia'₅₄dsén₄i₂'lin'₅₄?

²⁰ Jaun₂ca₂ñag₃Jesús:

—Ne₄ia₁a₂ñí₄lě₃ca₂juig₄'én'₂bá₄'nia'₂. A₂dsi₂jó'₃juá'₅jniá₂, jua'₅₄mei'₂guě₃'én'₂'nia'₂, tsá₃a₂nag₅₄o₁jñia'₅₄con'₂tí₅ca₂míg₂mi₂jon₂mostaza,†lé₂le₃jme₁juig'₅₄'nia'₂jui₁lia'₂má'₂ó₃: “Jñiag'₃ja₁ně₅, gua₂tě₂le₃ca₂taun₂”; má'₂

† 17:20 mostaza: On₃jua'₅₄mi₁ján'₅a₂cuí'₅dsa₂go₄jniog₄; caun₂ni₁'ma₂dsón'₂bá₄jaun₂a₂tě₂tě₅sí, Brassica nigra.

jaun₂ ně₃ jñióg'₃ ja₁'ë'₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ guě₃ le₂jaun₂.‡

Ca₂'ě₂ táng₃ Jesús jág₁ a₂jóin₂
(*Marcos 9:30-32; Lucas 9:43-45*)

22 Tě₁lia'₂ i₂nioi₅₄ co₂lě₅ le₂con₂ ja₁tén₄ 'uě₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jín'₂ Jaun₅ dsa₂ mi₂güí'₃ o₄gú₃ dsa₂ mi₂güí'₃.

23 Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂ jme₁ca₂nág₂ jág₁ jaun₂.

Ca₂quí₃ 'lia'₅₄ ja₁con₂ dsi₂tan₅₄ quián₅ guá'₅

24 Jme₁ca₂dsióg₃ Jesús juig₂ Capernaum quiaín'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quiaín₃ con₂ Pe₄, ca₂ñag₃:

—¿Tsa₁ qui₅ tē₅ quián'₂ 'nia'₂ 'lia'₅₄ quió'₅ guá'₅?

25 Jaun₂ ca₂ñag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Ju₁lia'₂ jan₂ rag₅₄ dsa₂ mi₂güí'₃, ¿'Ein₂ quió'₅ mi₂3 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

26 Jaun₂ ca₂ñag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ ně₃.

27 La₁, jaun₂ tsá₃ tiín₃ 'lig'₅₄, gua₂ o₂'éi₂ mi₂cu₄ dsi₂jmig₂, O₂dse_n₅₄ i₁ju₁ i₂nág'₃ le₂'uig₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jñiog₄ le₃ó₃.

18

'Ein₂ lín₅ i₂dse_n₅₄ guě₄ ja₁gon₂ Diú₄
(*Marcos 9:33-37; Lucas 9:46-48*)

1 Ján₃ bá₄ jmig₄ jaun₂ táng₃ ca₂jme₃quiaín₃ chi'₂ dsi₂guia₃-tín₂ con₂ Jesús jaun₂ ca₂ñag₃:

—¿'Ein₂ lín₅ i₂dse_n₅₄ guě₄ guei'₅₄ i₂juí'₃ ja₁gon₂ Diú₄?

2 Jaun₂ ca₂tě'₃ Jesús jan₂ i₂bě'₅₄, jaun₂ ca₂chei'₃ dsi₂jo₂ ja₁tián'₄,

3 jaun₂ ca₂juá'₂:

—A₂dsi₂jó'₃ juí'₂ jniá₂ 'nia'₂, ně₁jua'₂ tsá₃ ca₂jme₁tsín'₄ 'nia'₂ 'au'₂, a₂lěng'₂ lia'₂ lín₅ jan₂ i₂bě'₅₄, o₁líg'₂ jmig₄ tsá₃ lé₂ le₃dsi₁no'₃ 'nia'₂ guei'₅₄ i₂juí'₃.

4 Jaun₂ ně₃, i₂'éi₂ bá₄ i₂lén₂ i₂dse_n₅₄ guě₄ guei'₅₄ i₂juí'₃ ju₁lia'₂ i₂jmo₅ me'₂ lia'₂ lín₅ chi'₂ bē'₅₄ la₂.

5 Con'₂ siá'₂ táng₃, ju₁lia'₂ dsa₂ i₂guen₅ jan₂ guein₂ o₄quió₃ jniá₂ ju₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄
(*Marcos 9:42-48; Lucas 17:1-2*)

6 'Ju₁'ein₂ guě₃ i₂jmo₅ tsi₂sén'₂ ju₁lia'₂ chi'₂ bē'₅₄ i₂le₂la₂ i₂'én₂ tē₂le₃ quió₃ jniá₂, ja₂lín₃ guě₄ co₂ñei'₅₄ dse₃ tón₂ dsa₂ ne₄ jmi₁ñí'₄ rē₂quein₅ ca₂míg₂ ni₁to₂ dsi₂lag₅₄.

‡ 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ ju₁lia'₂ i₂ lín'₅₄ le₂ně₅, tsá₃ o₂'in₅ ně₁jua'₂ tsá₃ chi₂lén'₂ dsa₂ Diú₄ a₂jme₂'iín₅₄.”

7 i'E₂ gué₄ juí₂ dsa₂ mi₂güí₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂séin'₂!
La₁ le₂jaun₂ dsón'₂ dsi₃ñí₂ bá₄, la₁ 'e₂ gué₄ juí₂ jui₁lia'₂ dsa₂ i₂ton'₂ jág₁ rin'₅₄
jaun₂ jén'₃ dsí₅ 'éi₂ a₂'no₃ dso₄.

8 "Uí₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂, jmo₅ a₂tang'₂ dso₄, co₂dsia₅
dse₃ 'nia₄, tiong₂ uíng₂; ia₁ ja₂lín₃ gué₄ dse₃ a₂dsiáng'₄ ja₁le₃chang'₂ co₂tan₅₄
a₂rē₂'liáng'₃, con'₂ gué₄ a₂jme₁o₁'ú'₃ a₂rē₂'ñia₅ gog'₂-tag'₅₄ dsi₂si₂ja₁tsá₃ ton₅ jmig₄
éi₃.

9 Nē₁jua'₂ mi₂ne'₅₄ jmo₅ a₂tang'₂ dso₄, dsi₄ ján₃, tiong₂ uíng₂: ia₁ ja₂lín₃ gué₄
dse₃ a₂dsiáng'₄ ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄, lia'₂ con'₂ gué₄
a₂jme₁gog'₅₄ a₂rē₂'ñia₅ ta₁tín₃ mīg₂ mi₂ne'₅₄ dsi₂si₂ guio₃-juí₃.

Jág₁ a₂jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(Lucas 15:3-7)

10 'Tsá₃ jmo₂ 'nia'₂ jua'₅₄ a₂tsá₃ jen'₅₄ jui₁lia'₂ jan₂ chi'₂ bē'₅₄ le₂la₂. Ia₁ juí₂ jniá₂
'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jñin₂ Ñe'₃ i₂guá₅ guei'₅₄ i₂juí₃. *

12 '¿'A₂ lia'₂ lín'₂ 'nia'₂? Jua'₅₄ mei'₂ gué₃ jan₂ dsa₂ 'ñio₅ caun₂ 'ñiá₂-lón₂ já'₂ cha'₂,
nē₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quén'₂ co₂ne₂guión₂
rē₂dsí₂ guía₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂?

13 Jē₁ma₂ca₂dsáu'₂ ně₃, a₂dsi₂jó'₃ juá'₅ jniá₂, 'ñio₅ lín₃ gué₄ 'io'₂ jmo₂₃ o₄quió'₄
i₂jan₂ 'éi₂ con'₂ gué₄ i₂quén'₂ co₂ne₂guióg₂ rē₂dsí₂ guía₃-né₂ i₂tsá₃ i₂cón'₅.

14 Le₂nē₅ bá₄ ján₃, Néi'₅ 'nia'₂ i₂guá₅ guei'₅₄ i₂juí₃ tsá₃ 'nio₃ jua'₅₄ dsi₃cón'₅
ca₂lia'₂ 'i₁jan₂ i₂lín₅ guein₂ bē'₅₄ jui₁lia'₂ i₂la₂.

'A₂ lia'₂ 'nió'₅ 'én₂ dsa₂ dsáu₁ rñin'₅₄
(Lucas 17:3)

15 'Chi₂jua'₂ 'e₂ caun₂ a₂ca₂jmóg'₂ jan₂ ríng'₂, dsia₄ de'₂ 'nia'₂ jág₁ ja₁con'₂
guióng'₅₄, ja₁jaun₂ jme₁jniag'₂ ne₅₄ 'e₂ a₂ca₂jmóg'₂. Nē₁jua'₂ ca₂tón'₃ jui₅ jág₁
quiáng'₂, ja₁jaun₂ ca₂dsan₃ bá₄ mi'₅₄, ca₂lē₃ bá₄ táng₃ ríng'₂ quiain'₅₄.

16 La₁ nē₁jua'₂ tsá₃ ca₂tón'₃ jui₅ jág₁ quiáng'₂ ně₃, te'₂ on₃-ún₂ dsa₂ sián'₂ ia₁jaun₂
"ca₂le₃jě₃ 'e₂ niog₅ lé₂ jióg'₂ 'í₁ quián'₅₄ on₃-ún₂ dsa₂ i₂jáng'₃ jág₁ dsau₅, nē₁jua'₂ tí₅
jág₁ jaun₂."†

17 Nē₁jua'₂ tsá₃ ca₂tón'₃ jui₅ jág₁ quió'₅ dsa₂ 'éi₂, chei'₅₄ guá'₅; nē₁jua'₂ tsá₃
ca₂tón'₃ jui₅ on₃ gué'₂ jág₁ quió'₅ guá'₅ ně₃, tē₂le₃ ja₁ñó₄ jaun₂, jmo₄ 'au'₂ jñin'₅₄
lia'₂ ja₁jñg'₄ jan₂ dsi₂nau₂, o₃ jui₁lia'₂ jan₂ i₂cág'₅ cu₄ a₂ca₂tín₂ dsi₂tan₅₄ 'e₂.

18 'A₂dsi₂jó'₃ juí₂ jniá₂ 'nia'₂, ca₂le₃jě₃ 'e₂ a₂tsá₃ cuē'₂ 'nia'₂ jmig₄ ne₄ gua'₅₄ 'uē₃
la₂, lia'₂ con'₂ lē₅ jág₁ quió₃, ján₃ bá₄ tsá₃ lé₂ guei'₅₄ i₂juí₃; ján₃ bá₄ le₂jaun₂ jui₁lia'₂
a₂cuē'₂ 'nia'₂ jmig₄ ne₄ gua'₅₄ 'uē₃ la₂, lia'₂ con'₂ lē₅ jág₁ quió₃, a₂jaun₂ bá₄ lé₂
guei'₅₄ i₂juí₃.

19 'Ján₃ bá₄ juá'₅ jniá₂, nē₁jua'₂ on'₃ 'nia'₂ jmo'₂ caun₂ jág₁ ne₄ gua'₅₄ 'uē₃ la₂,
a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ Ñe'₃ jniá₂ i₂guá₅ guei'₅₄ i₂juí₃.

20 Ia₁ jē₁le₁ñí'₂ on₃-ún₂ o₄quió₃ jniá₂, jē₄ jaun₂ bá₄ 'eng₅₄.

21 Jaun₂ Pe₄ ně₃ ca₂ñag₃:

—Te₁gui'₅₄, ¿con'₂ je₂liá'₂ ráun₂ 'nió'₅ 'én₄ jniá₂ dsáu₁ ríng'₃ nē₁jua'₂ 'e₂ caun₂
a₂ca₂jmóg'₂? ¿'A₂ lia'₂? ¿Guió₃ ráun₂?

22 Jaun₂ ca₂ñag₃ Jesús:

—Ma₁ tsá₃ juá'₅ jniá₂ jñia'₅₄ guio₃ ráun₂. Ta₁'nag'₂ co₂ne₂guióg₂ rē₂dsí₂ guía₃
ráun₂ a₂jma₃guio₃ (70 X 7 = 490)‡ bá₄ juá'₅ jniá₂.

* **18:10** A₂lín₅₄ chog₅₄ si₂ chi₁ton₅ versículo 11 a₂juá'₂ le₂la₂: "Ta₁ jaun₂ bá₄ já₅ Jaun₅ dsa₂ mi₂güí₃,
a₂ja₂'niai'₂ dsa₂ i₂ma₂i₂cón'₅." † **18:16** Deuteronomio 19:15. ‡ **18:22** o₃, "ta₁'nag'₂ co₂ne₂guióg₂ rē₂dsí₂
guia₃-guio₃ (77) ráun₂".

Jág₁ a₂jáng₅ léi₄ jui₁lia₂ jan₂ dsa₂ i₂tsá₃ ca₂'én₂ dsáu₁ rin₅₄

23 'Uig₅₄ jaun₂, lě₅ guei₅₄ i₂juig₃ jui₁lia₂ lín₅ jan₂ rag₅₄ i₂ca₂mág₃ cuentas quió₅ ca₂le₃jín₃ dsa₂ i₂jme₂ti₃ ta₁ ne₅₄.

24 Jaun₂ jme₁ma₂jme₂lióg₃ chein₂ cuentas, jme₁ca₂dsi₃lén₂ dsa₂ le₁ñjai₂₃ jan₂ dsa₂ i₂rin₅ guia₃ mei₅ talentos.

25 La₁, ia₁ tsá₃ 'e₂ cha₂ quian₅₄ a₂quí₃, jaun₂ ca₂jmo₃ rag₅₄ 'éi₃ a₂dsi₃'ni₄ dsa₂ 'éi₂lia₂ jma₃quian₅₄ 'io₅₄ quiáin₅, chí₂ quiáin₅ ně₃, ca₂le₃jě₃ 'e₂ a₂jme₁cha₂ quió₅ ně₃, ia₁ jaun₂ le₂jaun₂ jme₁dsian₅ a₂rin₂.

26 La₁ dsa₂ 'éi₂ ně₃, ca₂já₃ ca₂chi₃jnë₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá₂: "Gui₅₄ quiáng₃, jmo₄ juin₂ 'au₂ quian₅₄ jniá₂, a₂quí₄ bá₄ jniá₂ quiáng₂, ca₂le₃jě₃."

27 Jaun₂ juig₅₄ ně₃ ca₂dsia₃ bá₄ ñéi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁rin₂, jaun₂ ca₂lió₂ bá₄.

28 'La₁ dsí₂jui₅ jme₁o₂'ín₃ jaun₂ ně₃, ca₂jein₂ jan₂ dsa₂ i₂jme₂ti₃ rin₅₄ i₂rin₂ caun₂ 'ñiá₂-láu₂ cu₄ denarios quió₅. Jaun₂ ca₂tñin₂ dsí₂lag₄ rin₅₄, ca₂güi₃ tiá₂, ca₂juá₂: "¡Qui₄ a₂ring₂ quió₃!"

29 Jaun₂ rin₅₄ 'éi₂ ně₃ ca₂chi₃jnë₃ ne₅₄, jaun₂ ca₂mi₃ tion₅₄ ca₂juá₂: "Jmo₄ juin₂ 'au₂ quian₅₄ jniá₂, a₂quí₄ bá₄ jniá₂ quiáng₂, ca₂le₃jě₃."

30 La₁ i₂jan₂ ně₃ tsá₃ ca₂gue₃, jaun₂ juí₅ 'né₅ 'má₃ bá₄ ca₂i₁tio₂. Ca₂lia₂ jaun₂ ca₂'mag₂ dsí₅ ca₂lia₂ ca₂quí₃ rin₅₄ ca₂le₃jě₃.

31 Jaun₂ jme₁ca₂jág₃ rin₅₄ i₂jme₂ti₃ ta₁ sián₂, ca₂tá₂ 'lia₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁juá₄ ca₂le₃jě₃ a₂ca₂lě₃ jaun₂.

32 Jaun₂ ca₂jmo₃ juig₅₄ 'éi₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsí₂néi₂ quió₅, jaun₂ ca₂juá₂: "Ne₂ i₂jme₂ti₃ ta₁ ne₃, i₂e₂ gué₄ 'ñio₅ 'lin₅₄ 'ne₂ ca₂'uíng₂! Jua₂ ně₂'én₃ bá₄ jniá₂ ca₂le₃jě₃ a₂jme₁ring₂ quió₃, ia₁ ně₂mi₅₄ tion₅₄-jan₃.

33 ¿Tsa₁ dse₃ jua₅₄ le₂jaun₂ bá₄ ně₂dsia₅₄ ñéi₂ 'au₂ ríng₂, jui₁lia₂ ně₂dsia₃ jniá₂ ñéi₂ dsí₃ 'ñiag₂?"

34 Tě₃ ma₂'ne₂ jaun₂ juig₅₄, ca₂jín₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia₂ ca₂quí₃ jě₂ a₂jme₁rin₂.

35 Jaun₂ ca₂juá₂ Jesús gué₄ ně₃:

—Ján₃ bá₄ le₂ně₅ jmo₃ Ne₃ jniá₂ i₂guá₅ guei₅₄ i₂juig₃ quian₅₄ 'nia₂ le₂jang₂ le₂jang₂ ně₂jua₂ tsá₃ ca₂'én₃ 'nia₂ ca₂le₃jě₃ 'au₂ dsáu₁ ríng₂.

19

Jme₂tag₅ Jesús jui₁lia₂ 'a₂lia₂ lě₅ a₂tén₂ dsa₂ dsí₂i₂gu₂

(Marcos 10:1-12; Lucas 16:18)

1 Jme₁ca₂dsan₃ juá₂ Jesús jág₁ ně₅, jaun₂ ca₂o₃'ín₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán.

2 Juin₅ lín₃ dsa₂ ca₂jme₃quiong₅₄, jaun₂ ca₂jme₃'lióin₂ dsa₂ i₂qui₂le₁dso₅₄.

3 Jaun₂ ně₃, i₂lín₅₄ dsa₂ fariseos ca₂jme₃quiáin₃ con₂ Jesús a₂ñia₅₄ con₂ cáun₂ táu₂. Jaun₂ ca₂ñag₃:

—¿I₄ 'éi₃ a₂tén₂ dsa₂ dsí₂i₂gu₂ ne₄ 'uig₅₄ ně₁'e₂ caun₂ a₂lě₃?"

4 Jaun₂ ca₂ñag₃ Jesús:

—¿Tsa₁ ma₂ca₂'í₂ 'nia₂ ne₄ Si₂, ja₁juá₂ i₂ca₂jmo₂ dsa₂ mi₂güí₃ le₂ne₁: "Ca₂jmo₂ dsa₂ ñe₂ dsa₂ mí₂ ně₃?"*

5 Ca₂juá₂ ně₃: "Uig₅₄ jaun₂ ca₂tín₂ dsa₂ ñe₂ téin₂ chog₅₄-jmei₂ jaun₂ con₂ tñain₃ quian₅₄ dsí₂i₂gu₂, jaun₂ jě₁le₃oin₃ lén₂ caun₂ bá₄ ni₁ñí₅."†

* 19:4 Génesis 1:27; 5:2. † 19:5 Génesis 2:24.

⁶ Jaun₂ dsióg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ḡag₃ táng₃ dsa₂ fariseos:

—¿'E₂ guë'₂ lě₃ ně₃ ca₂jmo₃ Moisés 'éi'₃ a₂lé₂ le₃jmo₃ dsa₂ ḡe'₂ caun₂ si₂ tē₃ron₅₄ cuë'₃ 'io₅₄ ja₁juá'₂ a₂téin₂ riin'₅₄, jaun₂ guë'₄ ma₂lé₂ dsei₂₃?

⁸ Jaun₂ ca₂juá'₂ Jesús:

—'Uig₅₄ ia₁ a₂ḡi₄ tsá₃ nág'₁ 'nia'₂ guiong'₅₄ bá₄ jaun₂ ca₂cuë'₃ 'éi₂ jmig₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig₅₄ tsá₃ le₂ně₅ jme₁lě₄.

⁹ La₁ jniá₂ juá'₅, ju₁'ein₂ guë'₃ i₂lě₂tén₂ dsi₂i₂gu₂, on₃juá'₅₄ a₂cha₂ lě₃, ně₁juá'₂ on₃ guë'₂ juá'₅₄ ia₁ a₂nió'₅ jág₁ quian'₅₄ i₂sián'₂; ně₁juá'₂ jě₁ma₂ca₂lě₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄ Diú₄; ján₃ bá₄ le₂ně₅ quian'₅₄ dsa₂ ḡe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ ně₃, ján₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lě₃, ca₂juá'₂ chi'₂ dsi₂guia₃-tín₂ quiáin₅:

—Ně₁juá'₂ le₂ně₅ cha₂ o₂me'₅₄ dsi₅ quió'₅ dsa₂ ḡe'₂ dsa₂ mí₂, ¿tsa₁ dse₃ jua'₅₄ a₂tsá₃ jén'₂ co₂ḡei'₅₄ gu₂?

¹¹ Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ḡi'₂ dsi₅ jua'₅₄ lé₂ le₃jmo₃ le₂ně₅; jnia'₅₄ lia'₂ i₂ma₂cuë'₃ Diú₄ bí₂ a₂le₃ḡi'₂.

¹² 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ ḡe'₂ i₂lín₅₄ gu₂; ia₁ i₂lín₅₄ le₂jaun₂ ma₂lín₅ lia'₂ con'₂ jme₁ca₂rě₃cháin₃ a₂tsá₃ lé₂ le₃jén'₂ gu₂; i₂lín₅₄ guë'₂ ně₃, ia₁ a₂ma₂ca₂jmo₃g'₂ dsa₂ mi₂güig₃ riin'₅₄ té'₃; i₂lín₅₄ guë'₂ ně₃, ia₁ a₂co₂ḡei'₅₄ ma₂quí'₃ dsi₅ a₂tsá₃ jén'₂ gu₂ ne₄ o₄quió'₄ ja₁gon₂ Diú₄. Ju₁lia'₂ i₂tió'₅ jme₃ti₃ jág₁ la₂, ju₁jmo₁₂.

Ca₂jme₃gon'₅₄ Jesús chi'₂-guein₂

(Marcos 10:13-16; Lucas 18:15-17)

¹³ Jaun₂ ca₂o₃jḡia₃ i₂lín₅₄ dsa₂ ca₂o₃jḡia₃ guein₂ quiáin₅ ne₄ Jesús ia₁jaun₂ qui₃ní'₂ gu₂, tsí'₃ Diú₄ o₄quió'₄ ně₃. La₁ chi'₂ dsi₂guia₃-tín₂ ně₃ ca₂jén₂ dsa₂.

¹⁴ La₁ Jesús ně₃, ca₂juá'₂:

—Cuë'₄ 'nia'₂ jmig₄ ju₁ja₂lén₂ chi'₂-guein₂ cong₂; tsá₃ lě₁jmo₂ 'nia'₂ le₂ně₅ jua'₅₄ jnig'₅₄, ia₁ ju₁lia'₂ i₂le₂ně₅ bá₄ guë'₂ i₂ca₂tín₂ ja₁gon₂ Diú₄.

¹⁵ Jme₁ca₂lě₃ chi₂láin'₂ le₂jan₂ le₂jan₂ guein₂ a₂jme₂gu'₅₄, ca₂ḡái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ jág₁ quiáin'₅₄ Jesús

(Marcos 10:17-31; Lucas 18:18-30)

¹⁶ Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ḡag₃:

—Tě₅ dsen₃, ¿'e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan₅₄?

¹⁷ Jaun₂ ca₂juá'₂ Jesús:

—¿'E₂ lě₃ tě₅ jniá₂ dsen₃?§ Jnia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂'éi₂ lín₅ Diú₄. La₁ ně₁juá'₂ 'niog'₂ 'ú'₄ ja₁le₃chang₂ co₂tan₅₄, jme₁ti₁ 'éi'₃ quió'₅ Diú₄.

¹⁸ Jaun₂ ca₂ḡag₃ táng₃ dsó₂ 'éi₂:

—¿'E₂ 'éi'₃?

Jaun₂ ca₂ḡag₃ táng₃ Jesús:

—Tsá₃ jnig'₄ dsa₂ mi₂güig₃ ríng'₂; tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ jág₁ tē₂jág₁ a₂jmag'₅₄ ríng'₂;

¹⁹ a₂jme₁gang'₃ chog'₂-ḡéi'₅; * a₂jme₁'nióg'₄ dsa₂ mi₂güig₃ ríng'₂ ju₁lia'₂ 'nióg'₃ 'ḡiag'₂ ně₃.†

‡ 19:16 o₃, “Tě₅, ¿'e₂ a₂dse₃ a₂jmo₅₄ jniá₂...” § 19:17 o₃, “¿'E₂ lě₃ ḡag₅₄ jniá₂ ju₁lia'₂ a₂dse₃?” * 19:19 Éxodo 20:12-16; Deuteronomio 5:16-20. † 19:19 Levítico 19:18.

20 Jaun₂ ca₂ŋag₃ táng₃ dsó₂ 'éi₂ ca₂tsí'₃ Jesús:

—Ca₂le₃jě₃ a₂ně₅ ma₂guio₃ jme₂tí₂. ¿'E₂ guě₄ a₂siá'₂ 'nió'₅ jmo₅₄?

21 Jaun₂ ca₂ŋag₃ táng₃ Jesús:

—Ně₁jua'₂ 'niog'₂ léng'₂ jan₂ dsa₂ i₂rě₂ 'ŋia₅ tē₂le₃ quió'₅ jme₂dsí₂, guan'₂ o₂'nag₄ ca₂le₃jě₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ŋé₂, jaun₂ le₂ně₅ le₃cha₂ a₂jlá'₁ quiáng'₂ guei'₅₄ i₂juíg₃; jaun₂ guě₄ ŋe'₅₄ quian'₅₄ jniá₂.

22 La₁ jme₁ca₂nág₂ dsó₂ jág₁ ně₅, ca₂ŋái'₃ 'lia'₂ dsí₅, ia₁ 'ŋio₅ lín₃ jme₁cha₂ cu₄.

23 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juíg₂ jniá₂ 'nia'₂, 'e₂ guě₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juíg₃ ja₁gon₂ Diú₄.

24 Juá'₅ jniá₂, tsá₃ guě₄ 'e₂ ta₁ quian₅ a₂lé₂ le₃ŋí₃ jan₂ já'₂ camello jui₅ tau₂ mi₂cu₄, lia'₂ con'₂ guě₄ jan₂ dsa₂ cha₂ cu₄ a₂'í₂ ja₁gon₂ Diú₄.

25 Jme₁ca₂nág₂ chi'₂ dsi₂guia₃-tín₂ quiáin₅ jág₁ ně₅, 'ŋio₅ lín₃ ca₂i₃gó'₃ dsí₅, jaun₂ qui₂ca₂ŋí'₃ riin'₅₄ con'₂ guioin₅₄:

—¿I₂'ein₂ bá₄ guě₄ jaun₂ ně₃ i₂lé₂ le₃tín'₄?

26 Jaun₂ ca₂jág₃ Jesús ca₂jín₂ 'éi₂, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃ o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

27 Jaun₂ ca₂juá'₂ Pe₄ ně₃:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsí₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ ně₃?

28 Jaun₂ ca₂ŋag₃ Jesús ca₂juá'₂:

—A₂dsi₂jó'₃ juá'₅ jniá₂ juíg₂ 'nia'₂, jē₁ma₂ca₂tē₂ jmi₂g₄ i₁le₃'mag'₂ ca₂le₃jě₃ 'a₂ lia'₂ niog₅ lē₅ mi₂güig₃, jē₁ma₂ca₂tē₂ rē₁guá₃ Jaun₅ dsa₂ mi₂güig₃ ne₄ta₁ jlá'₁ quió'₅, jaun₂ 'nia'₂ ně₃ i₂ma₂ja₂nóg'₅ quiong'₅₄ jniá₂, nio₃ gog'₂ 'nia'₂ jma₃caun₃ ta₁ a₂tiáng'₄ jmó'₂ gong'₂ qui₁dsí'₂ 'éi'₃ ta₁guia₃-tín₂ nió'₃ dsa₂ juig₂ tsi₁jon₂ Israel.

29 Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃ chog₅₄-jmei₂, o₃ dsa₂ m₂í₂ quiáin₅, o₃ chi'₂ quiáin₅, i₂ca₂tén'₃ dsí₅ ca₂tí₂ ja₁nau₂ quió'₅ ně₃, 'uig₅₄ quió'₃ jniá₂, ia₁ gue₃ caun₂ 'ŋiá₂-láu₂ ŋag₅₄ guě₄ lia'₂ con'₂ guě₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄.

30 La₁ rē₂ně₃ juin₅ lín₃ i₂lín₅ i₂quen₅, la₁ jmi₂g₄ jaun₂ lén₂ dsa₂ tē₂le₃ jē₁ca₂tó'₂; le₂jaun₂ bá₄ ján₃ jui₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güig₃, lén₂ i₂le₂'uig₅₄.

20

Jág₁ jáng'₅ léi₄ jui₁lia'₂ dsa₂ i₂jmo₅ ta₁ caun₂ ja₁nau₂

¹ 'Lě₅ guei'₅₄ i₂juíg₃ ja₁gon₂ Diú₄ jui₁lia'₂ jan₂ dsa₂ juig₅₄ ja₁nau₂ i₂o₂'in₅ tē₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁jnia₄ cho'₅₄ uing₂ uvas.

² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmi₂g₄, jaun₂ ca₂chein₃ dsa₂ 'éi₂ jui₁ja₁nau₂ quió'₅.

³ Jme₁co₂lág₂ jaun₂ o₂'ín₃ táng₃ con'₂ hora ŋí₁ ŋi₃ tē₂le₃ o₃'iog₂, * jaun₂ ca₂jín₂ dsa₂ sián'₂ i₂tión₂ jin₅₄ jē₄ 'ma'₅₄.

⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió₃, quí₄ bá₄ jniá₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂.

⁵ Jaun₂ o₂'ín₃ táng₃ con'₂ dsi₂ŋí'₃, † con'₂ siá'₂ hora ŋí₁ 'ni₅ tē₂le₃ ca₂'láu₂ ně₃; ‡ le₂jaun₂ bá₄ ca₂jmo₃ ján₃.

* 20:3 lit. “hora 'ni₅.” † 20:5 lit. “hora jŋéi₂.” ‡ 20:5 lit. “hora ŋi₃.”

6 Con'2 siá'2 o2 i'in3 bá4 gué4 con'2 hora n1 'niá2 të2le3 ca2'láu2, § n3 jui5 jë4 'ma'54, jaun2 ca2dsáin'2 táng3 dsa2 i2jin54 tión2. Jaun2 ca2tsí'3 'éi2: “¿'E2 lë3 tión'2 'nia'2 ja1lá3 ta1ne1jmig4 tsá3 'e2 ta1 jmo'2?”

7 Jaun2 ca2ñag3 dsa2 'éi2 ca2juá'2: “Ia1 'i1jan2 tsá3 'ein2 tio5.” Jaun2 ca2ñag3 dsa2 juig54 ja1nau2 ca2juá'2: “O2nó'5 'nia'2 ján3, o2jmo4 ta1 ja1nau2 quió3; qui4 bá4 jniá2 'lian'54 'nia'2 con'2 dsi2ten54.”

8 Jme1ca2nei2 jmig4 jaun2, ca2juá'2 juig54 ja1nau2 ca2tsí'3 dsa2 i2niog5 ne4 i2te2né'2 dsa2 ta1: “Te'2 dsa2 i2ma2në2jmo3 ta1, jaun2 qui'54 'lian'54. Jme1lióg4 de'2 jniá5 quian'54 dsa2 i2në2tión'2 jë1ca2tó'2, jaun2 dsian5 quian'54 i2në2tión'2 le2'ui54.”

9 Jaun2 dsi3lén2 dsa2 i2ca2tón'2 ca2jmo3 ta1 hora n1 'niá2 të2le3 ca2'láu2, jaun2 le2jain2 le2jain2 ca2gue3 'lian'54 jma3ca2'éi'3 cu4 denario.

10 Jme1co2lág2 jaun2, ca2tín2 dsa2 i2ca2l3ton'54 le2'ui54, i3jiog5 dsí5 a2jme1gue3 gué4 ñag54 'lian'54; la1 co2rë2 bá4 'lian'54 ca2gue3 jma3ca2'éi'3 cu4 denario le2jain2 le2jain2.

11 La1 jme1ma2në2gue3 'lian'54, i3lén2 i3chog'4 dso4 ne4 juig54,

12 jaun2 ca2juá'2: “Dsa2 i2o3lén2 jë1ca2tó'2, caun2 hora bá4 në2tióin'2 në2jmo3 ta1; co2jaun2 bá4 'lian'54 në2gue3 ján3 con'2 'liog'54 jnia'54 i2në2tió'4 në2jmó1 ta1 ta1ne1jmig4 në2ñag54 'iog2 dséi2 'nio5 lin3.”

13 La1 ca2ñag3 juig54 ca2tsí'3 jan2: “A2mei54 quiáng3, tsá3 'e2 jua'54 a2tsá3 dsi2ten54 jmo5 jniá2 ja1cong'2. ¿Tsa1 ca2lë3 jág1 a2'liang'54 ca2'éi'3 cu4 denario gué'2?”

14 Jui1le2'ño2 'au'2 con'2 ma2'liang'54 në5, guan'2 quiáng'2. Në1jua'2 jniá2 le2në5 ca2lë3 dsi3 qui4 'lian'54 dsa2 i2në2tong54 jë1ca2tó'2 con'2 'lian'54 'ne2,

15 ¿o3 tsa1 ca2tín2 jniá2 jmo54 quian'54 cu4 quió3 'a2 lia'2 jnia'54 'nio3 jmo54? ¿o3 ja2 uig5 'au'2 'e2, ia1 a2'ua1 dsi3?”

16 Jaun2 në3 jui1lia'2 dsa2 i2lín5 të2le3 jë1ca2tó'2 rë2në3, lén2 i2le2'ui54 jmig4 jaun2; le2në5 bá4 ján3, jui1lia'2 i2lín5 i2le2'ui54 rë2në3, lén2 dsa2 të2le3 jë1ca2tó'2.

*Con'2 siá'2 táng3 ca2'ë2 Jesús jág1 a2jóin2
(Marcos 10:32-34; Lucas 18:31-34)*

17 Jme1ma2'en54 Jesús jui5 uig2 tso4 a2dsióg4 Jerusalén, jaun2 ca2të'3 cau5 chi'2 dsi2guia3-tín2 quiáin5, jaun2 ca2juá'2:

18 —Jui1lia'2 jág'2 'nia'2, tio'54 jniog4 jui5 tso4 la2 a2dsi1náu5 Jerusalén. Ja1jaun2 jáng'2 dsa2 jín'2 Jaun5 dsa2 mi2güig3 o4gú3 juig54 jme2dsa2, ne4 të5juá'5 në3; 'éi2 gué4 në3 cuë3 'éi'3 a2ñag'3 dsa2.

19 Jáng'2 dsa2 në3 o4gú3 dsi2nau2 ia1jaun2 jmóg'2 burlas, qui3bóg2 dsa2, jaun2 gué4 tiön3 cróg4 jñag'3; la1 a2'ni5 jmig4 jaun2, jein'54 le3chain2 bá4 táng3.

*Jui1lia'2 a2ca2mi3 chog54 Jacobo quian'54 Juan54
(Marcos 10:35-45)*

20 Jaun2 ca2jme3quián3 chog54 Jacobo quian'54 Juan54, ja1ñi'54 Zebedeo, ja1'en54 Jesús. Jaun2 ca2chi3jnë3 ca2mi3 a2jmo3 'éi2 dse3 dsí5.

21 Jaun2 ca2ñag3 Jesús:

—¿'E2 'niog'2 'ne2?

Jaun2 ca2ñag3 chog54 chi'2 'éi2:

—¿Tsa1 cué'1 jmig4 a2tian'3 jma3jan2 chi'2 quiáng3 cong'2, jë1ma2të2 rë1ne'54 gong'2 ne4ta1 quiáng'2, jan2 të2le3 gog'2 ne1, jan2 gué'2 të2le3 gog'2 jen5?

22 La1 Jesús në3 ca2ñag3:

—Tsá₃ η₁'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃η₁g'₂ ca₂le₃jě₃ jui₁lia'₂ a₂dsi₃η₁2 jniá₂ guě'₂?*

Jaun₂ ca₂ηag₃ 'éi₂:

—Tián₂ bá₄ jnia'₅₄.

²³ Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃η₁'₂ 'nia'₂ jui₁lia'₂ 'a₂ lia'₂ niog₅ dsi₃η₁2 jniá₂,† la₁ jui₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuě₅₄ a₂jaun₂. Ja₁jaun₂ ma₂jmo₃ ηe'₃ jniá₂ co₂ηia₅₄ a₂tian'₃ con'₂ i₂ca₂tín₂ bá₄.

²⁴ Riin'₅₄ i₂guian₃ guě₄ 'éi₂ ně₃ ca₂rě₃'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂.

²⁵ La₁ ca₂tě₃ Jesús, jaun₂ ca₂juá'₂:

—Nj'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bén₂. Le₂jaun₂ bá₄ jmo₅ jui₁lia'₂ dsi₂tan₅₄ i₂sion₅ guě₄, tián'₅ goin₂ jmo₂₃ 'éi'₃.

²⁶ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄;

²⁷ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂.

²⁸ Ia₁ le₂ně₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄

(Marcos 10:46-52; Lucas 18:35-43)

²⁹ Jme₁ma₂tioin'₅₄ jui₅ 'u₁in₂ juig₂ Jericó, juin₅ dsa₂ ja₁jaun₂ ca₂jme₃quian'₅₄ Jesús.

³⁰ Jui₅ ja₁ηó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ ně₃ jme₁ca₂nág₂ a₂ηó₅ Jesús cau₅ jaun₂, ca₂juá'₂ tiá₂:

—i₁Te₁gui'₅₄, tsi₁jon₂ David, dsia₄ ηéi₂ 'au'₂ jnia'₅₄!

³¹ Jaun₂ ca₂jí₂ bá₄ dsa₂ ia₁jaun₂ dsi₃léin₂ tei₄. La₁ tē₂le₃ i₂jui'₂ guě₄ co₂mi'₅₄ ca₂tóin'₂ bá₄, ca₂juá'₂:

—i₁Te₁gui'₅₄, tsi₁jon₂ David, dsia₄ ηéi₂ 'au'₂ jnia'₅₄!

³² Jme₁ca₂nág₂ Jesús, jaun₂ ca₂nau₂, jaun₂ ca₂tě₃ le₃on₃ dsa₂ 'éi₂, jaun₂ ca₂ηag₃:

—¿'E₂ 'niog'₂ 'nia'₂ jmo₅₄ jniá₂ o₄quián'₂ 'nia'₂?

³³ Jaun₂ ca₂ηag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

³⁴ Jaun₂ ca₂dsia₃ bá₄ Jesús ηéi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃léin₂ bá₄ jaun₂ ca₂jme₃quian'₅₄ Jesús.

21

Ca₂'í₃ Jesús jě₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quián₅ dsi₁léin₂ Jerusalén, dsi₃léin₂ quián₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quián₅,

² ca₂juá'₂:

* **20:22** A₂lin₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ a₂can₅₄ jniá₂?”

† **20:23** A₂lin₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.”

‡ **20:25** o₃, “i₂tián'₅ gon₂ jin₄ dsi₂nau₂.”

—O₂nó'₅ 'nia'₂ juig₂ pí'₁ niog₅ tē₂le₃ ne₄ juí₅ ja₁ dsau₅₄ nē₅. Ja₁ jaun₂ dsian'₂ 'nia'₂ jan₂ i₂bú'₄ mí₂ rē₂'ne'₅₄, chéin'₅ quian'₅₄ guein₂ quiáin₅. O₂chein'₅₄ 'nia'₂ jaun₂ tē'₅₄ ja₁lá₃.

³ Nē₁juá'₂ 'ein₂ ηag₅ 'e₂lē₃ tsin'₅₄, jaun₂juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ nē₃ cón'₅ bá₄ cuag₃.

⁴ Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'ē₂ jág₁ quián₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, nē₅ jón'₅ Rag₅₄ quián'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lē₅ jág₁ a₂ca₂cuē₃ Jesús.

⁷ Jaun₂ ca₂i₁te₂ bú'₄ lia'₂ jma₃quian'₅₄ guein₂ quiáin₅, ca₂i₁jio₃ ja₁'en₅₄ Jesús. Jaun₂ ca₂jlág₂ ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús.

⁸ Jaun₂ dsa₂ juin₅ i₂quian'₅₄ nē₃ i₂jñiá₅ le₃ne₄ juí₅ qui₂ca₂néi'₃ 'mi'₂ le₂'i₄ juí₅ ja₁ñí₃ Jesús; i₂lín₅₄ guē'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂juí₅.

⁹ Dsa₂ i₂i₃lén₂ le₃ne₄ juí₅, quian'₅₄ i₂ja₂lén₂ le₃chi₁co'₅₄ nē₃, qui₂ca₂tóin'₂ co₂mi'₅₄ ca₂juá'₂:

¡Juí₁le₂juin'₂† bá₄ tsi₁jon₂ David!

¡Juí₁le₂jñi₃ó₃ bá₄ i₂nē₅ i₂já₅ o₄qui₃ó'₄ Te₁gui'₅₄!‡

¡Juí₁le₂juin'₂ bá₄ i₂guá₅ guei'₅₄ i₂juí₃!

¹⁰ Jme₁ca₂'í₃ Jesús jē₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ηag₃:

—¿'Ein₂ bá₄ nē₅?

¹¹ Jaun₂ qui₂ca₂ηag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ē₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Marcos 11:15-19; Lucas 19:45-48; Juan 2:13-22)*

¹² Ca₂dsi₃óg₃ Jesús jme₁ca₂dsi₃óg₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂l₃á₅ nē₃, qui₂ca₂jéin'₃ ni₁mesa ja₁jme₁jmó'₂ dsa₂ ta₁ jme₂tsin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂;

¹³ jaun₂ ca₂juá'₂:

—Ne₄ Si₂juá'₂: “Né₅ qui₃ó₃ lē₅ ca₂ne₅₄ 'né₅ ja₁tē₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ nē₃ majmo'₅₄ nē₂jag₄ bá₄ tē₂'lau₂ qui₃ó'₅ dsa₂ 'ang₂.*

¹⁴ Jaun₂ ca₂jme₃quián₃ i₂lín₅₄ dsa₂ ten₄ quian'₅₄ dsa₂ guian'₅₄ nē₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂.

¹⁵ La₁ jme₁ca₂jág₃ juig₅₄ jme₂dsa₂ quian'₅₄ tē₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ nē₃ tion'₅₄ chi'₂ co₂mi'₅₄ qui₂gui₃ó'₅ i₁dsi₅ guá'₅, a₂juá'₂: “¡Juí₁le₂juin'₂ tsi₁jon₂ David!”, jaun₂ ca₂rē₃'néi₃.

¹⁶ Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ηag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

* **21:5** Zacarías 9:9. † **21:9** lit. “Hosana”, a₂jain₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rē₂'ín₁ quiáin₅; la₁ cang₂ jaun₂ táng₃ ca₂jain₅ jág₁ a₂jme₁juin'₂ dsa₂ jan₂ dsa₂. Ján₃, bá₄ le₂nē₅. ‡ **21:9** Salmo 118:26. § **21:13** Isaías 56:7. * **21:13** Jeremías 7:11.

Te₁gui'₅₄, 'ne₂ bá₄ ma₂ca₂jmo'₅₄
 'e₂ a₂'uë₂ mi₂'o₄ chi'₂ bē'₅₄
 quian'₅₄ mi₂'o₄ guein₂ tei₄ i₂guén'₅ dsi'₅₄,
 'uë₂ jág₁ a₂jme₂juin'₂ 'ne₂?†

17 Jaun₂ ca₂o₃'iin₃ bá₄ ja₁tion'₅₄ 'éi₂, jaun₂ ca₂ñái'₃ táng₃ juig₂ Betania. Ja₁jaun₂ ca₂ñia₂ caun₂ nei₅.

*Ca₂juá'₂ Jesús caun₂ jág₁ a₂ca₂cuë'₃ uig₅ caun₂ ni₁'ma₂ higuera a₂tsá₃ mīg₂ cha₂
 (Marcos 11:12-14, 20—26)*

18 Jme₁nia₃ jaun₂, jme₁ma₂tioin'₅₄ ju₁₅ a₂i₂lein₃ táng₃ ju₁₅ jë₄ juig₂ Jerusalén. Jesús nē₃ ca₂tá'₂ i₁cón'₅.

19 Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ ju₁₅, jaun₂ ca₂jme₃quiáin₃ 'uig₅₄, la₁ tsá₃ 'e₂ mīg₂ ca₂dsó'₂ guë'₂ guei'₅₄ ni₁'ma₂; ñia'₅₄ lia'₂ jmá'₃ mog'₅₄ bá₄ cha₂. Jaun₂ nē₃ ca₂juá'₂ Jesús ca₂tsí'₃ ni₁'ma₂:

—iLia'₂ o₁líg'₂ jmig₄, tsá₃ ma₃ju₁'ag₅₄ mīg₂ quiáng'₂!

Dsi₂ju₁₅ jaun₂ bá₄ ca₂rë₃quién₃ ni₁'ma₂ jaun₂.

20 Jme₁ca₂të₂ ne₄ chi'₂ dsi₂guia₃-tín₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂ñí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂ju₁₅ ca₂rë₃quién₃ ni₁'ma₂ nē₅?

21 Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'nia'₂, nē₁jua'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃ ju₁lia'₂ a₂nē₂jmo₃ jniá₂ quian'₅₄ ni₁'ma₂ higuera nē₅, lé₂ le₃jmó'₂ 'nia'₂, ia₁ lé₂ le₃jua'₅₄ 'nia'₂ ján₃ juig'₅₄ ni₁má'₂ Ó₃: “Jñiag'₃ ja₁nē₅, o₃ o₂'ú₅ jm₁ñí'₄”, le₂jaun₂ dsón'₂ lé₂ bá₄.

22 Le₂jaun₂ bá₄ ján₃ ca₂le₃jë₃ 'e₂ a₂mi'₂ 'nia'₂ jme₁mi'₂ ne₄ Diú₄, nē₁jua'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

23 Jaun₂ ca₂'í₃ táng₃ Jesús i₁dsi₅ guá'₅ templo, jaun₂ të₁lia'₂ 'ein₅₄ jme₂tñ₂₃ dsa₂, jaun₂ ca₂jme₃quián₃ juig₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juig₂, con₂ Jesús, jaun₂ ca₂ñag₃:

—¿'E₂ ta₁ lín'₅ 'ne₂, 'e₂ lë₃ jmo'₂ ca₂le₃jë₃ 'e₂ a₂jmo'₂ ñi'₂? ¿'Ein₂ ca₂cuë₃ bí₂ 'éi'₃ nē₅?

24 Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂: nē₁jua'₂ ca₂ñag'₅₄ 'nia'₂ lia'₂ tí₅, jaun₂ guë₄ juá'₄ jniá₂ 'ein₂ cuë₅ bí₂ 'éi'₃ a₂jmo₂₃ ca₂le₃jë₃ a₂jmo₂₃.

25 Ju₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güí₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, nē₃ cón'₅ bá₄ ñag₃: “¿'E₂ lë₃ tsá₃ ca₂rë₃'én'₂ 'nia'₂ jág₁ quió'₅ 'éi'₂?”

26 La₁ nē₁jua'₂ ca₂ñag₄ guë'₂ jniog₄ 'éi'₃ quió'₅ dsa₂ mi₂güí₃ nē₃, le₃'ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'ë₂ jág₁ quián₅ Diú₄.

27 Jaun₂ nē₃, ca₂ñag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ nē₃, ca₂ñag₃ Jesús:

—Ján₃ bá₄ le₂nē₅ tsá₃ juá'₄ jniá₂ 'ein₂ cuë₅ bí₂ a₂jmo₂₃ ca₂le₃jë₃ a₂jmo₂₃ ñi₂₃.

Jág₁ jáng'₅ léi₄ ju₁lia'₂ on₃ ja₁ñi'₅₄ jan₂ dsa₂

† 21:16 Salmo 8:2.

28 Jaun₂ ca₂juá'₂ Jesús ca₂tsí'₃ dsa₂ 'éi₂:

—ǂ'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ŋi'₅₄. Jaun₂ ca₂tsí'₃ chi'₂ quiáin₅ i₂lín₅ i₂juin'₂ guě₄: “Jón₃, gua₂ o₂jmo₄ ta₁ ja₁nau₂ quián₂ jmíg₄ ně₃.”

29 Jaun₂ ca₂ŋag₃ chi'₂ quiáin₅: “ǂTsá₃ nei₅₄!” La₁ jme₁co₂lág₂ jaun₂ ca₂jme₃tsín₃ 'a₂ lia'₂ dsi₂jio₃ dsí₅, jaun₂ ŋó₃ bá₄ i₁jmo₅₄ ta₁.

30 Jaun₂ ca₂ŋe₄ táng₃ jmei₂ i₁chi'₄ chi'₂ jan₂ quiáin₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ ně₃ ca₂ŋag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ ŋei₅₄ guě'₂ jaun₂ ně₃.

31 Jë₄ le₃oin₃ le₂jaun₂, ǂ'ein₂ ca₂jmo₃ a₂'ŋio₂ dsí₅ jmei₂?

Jaun₂ ca₂ŋag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, dsa₂ i₂cán₂ 'lia'₅₄ quián₅ dsi₂tan₅₄, o₃ jui₁lia'₂ 'io₅₄ i₂'nag₅ quió'₅ ně₃, i₂le₂'éi₂ bá₄ tiá₂ le₂'uig₅₄ dsi₃ton'₅₄ ja₁gon₂ Diú₄ lia'₂ con'₂ guě'₄ 'nia'₂.

32 Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmíg₂, ca₂jme₃jniai₂₃ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rě₃'én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ 'io₅₄ i₂'nag₅ quió'₅ ně₃, ca₂rě₃'éin₂ jág₁ quió'₅ Juan₅₄. La₁ a₂dsau₅ bá₄ o₁ŋia'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guě'₂ ca₂rě₃'éng'₂.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

33 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃; ca₂jmo₃ co₂jnia₅₄ ja₁jlein'₃ míg₂ ně₃; caun₂ guě'₂ tsi₁'né₅ ŋei₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂ŋó₃ bá₄ 'ŋiog₅ i₁ŋi₂ juig₂ siá'₂.

34 Jme₁ca₂tě₂ jein₂ a₂ca₂rau₂ míg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quiáin₅, a₂jme₁i₂mí₃ a₂jáng'₃ dsa₂ i₂nio₅ gu₂ ja₁nau₂ ca₂dsio₄ míg₂ con'₂ a₂ca₂tín₂ juig₅₄.

35 La₁ dsa₂ i₂tion'₅₄ jmó'₂ ta₁ ja₁nau₂ ně₃, ca₂jŋai'₃ bá₄ dsa₂ mozo i₂chen₄ quián₅ juig₅₄. Ca₂cuě'₃ bá₄ jan₂ tioen'₅₄; jan₂ guě'₂ ca₂jŋi'₃; jan₂ guě'₂ ca₂cuě'₃ quian'₅₄ ni₁cang₁.

36 La₁ juig₅₄ ja₁nau₂ ně₃, juin₅ guě₄ i₂ca₂chein₃ cang₂ jaun₂ con'₂ guě₄ le₂'uig₅₄; la₁ dsa₂ 'lín'₅₄ i₂tion'₅₄ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmái'₂ ca₂le₃jín₃ dsa₂ mozo i₂chen₄ 'éi₂.

37 'La₁ jë₁ca₂tó'₂ ně₃, dsa₂ juig₅₄ ja₁nau₂ ca₂chein₃ ja₁ŋi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.”

38 La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jíin₂ ja₁ŋi'₅₄ dsa₂ juig₅₄ ca₂dsió₃, jaun₂ ca₂dsia₃ jág₁ tioen'₅₄: “I₂ně₅ bá₄ tín₃ ja₁nau₂ la₂ cang₂; ně₃ o₁ŋí'₄ jniog₄ ia₁jaun₂ jniog₄ bá₄ lé₂ quián₂.”

39 Le₂jaun₂ bá₄ ca₂jmo₃. Ca₂jŋai'₃ bá₄ 'éi₂ tioen'₅₄, jaun₂ ca₂dsei₂₃ le₃co'₅₄ jní₁; ja₁jaun₂ ca₂jŋag₃.

40 'Jaun₂ ně₃, jë₁ma₂tě₂ jmíg₄ rë₁ŋió'₂ dsa₂ juig₅₄ ja₁nau₂, ǂ'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

41 Jaun₂ ca₂ŋag₃ dsa₂ 'éi₂:

—A₂jme₃dsiain₂₃ dsa₂ 'lín'₅₄ 'éi₂ ca₂lia'₂ tsá₃ ŋéi₂ dsí₅, jaun₂ cuě'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tín₂ jë₁ma₂tě₂ jein₂ a₂ráu₃.

42 Jaun₂ ně₃, ca₂juá'₂ Jesús ca₂tsí'₃ dsa₂:
—¿Tsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rě₃ji'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
tē₁ron₅₄ qui'₅₄ 'ia'₂;
a₂ca₂jmo₃ Te₁gui'₅₄ bá₄ jaun₂,
jaun₂ 'nio₅ lin₃ bá₄ jlá'₁, lág₂ jniog₄?‡

43 "Uig₅₄ jaun₂ juíg₂ jniá'₂ 'nia'₂, co₂dsia₅ jniá'₂ Diú₄ o₄gog'₂ 'nia'₂ 'éi'₃ quió'₅,
o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃.

44 La₁ ju₁lia'₂ ni₁cang₁ la₂ ně₃, ju₁'ein₂ guě₃ i₂ca₂tán'₂ ne₄, lé₂ le₁juig₁ le₁dsog'₅₄
quió'₅; o₃ ně₁jua'₂ ca₂jlín₃, lé₂ ti₁'liog₂ quió'₅.§

45 Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅,
ca₂rě₃lí'₄ bá₄ guioin₅₄ a₂'in₅ 'éi₂ bá₄ Jesús.

46 Jaun₂ jme₁'nio₃ jme₁tsáun'₂, la₁ ca₂rě₃gain₃ bá₄ dsa₂ juin₅ i₂quian'₅₄ Jesús,
ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂'ě₂ jág₁ quián₅ Diú₄ bá₄.

22

Jág₁ jáng'₅ léi₄ ju₁lia'₂ ja₁niog₅ jmig₄ a₂ca₂jen'₂ gu₂ dsa₂
(Lucas 14:15-24)

1 Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

2 —Lě₅ guei'₅₄ i₂juíg₃ ja₁gon₂ Diú₄ ju₁lia'₂ jan₂ rag₅₄ i₂ca₂jmo₃ co₂jnia₅₄ caun₂
má₃ a₂ca₂jmo₃ jmig₄ ja₁jen'₂ gu₂ chi'₂ ja₁ni'₅₄.

3 Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lě₅ jág₁ ja₃lén₂
ja₃guě'₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂.

4 Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lě₅
jág₁ ja₃lén₂ jmig₄, ma₂lě₅ bá₄ co₂jnia₅₄ má₃. Ca₂jme₁dsiang₂₃ bá₄ ca₂jui₅ 'on'₅₄
quiáng₃; ma₂lě₅ bá₄ co₂jnia₅₄ ca₂le₃jě₃. Jaun₂ ju₁ja₂lén₂ bá₄ jmig₄ quió'₅ chi'₂
quiáng₃.”

5 La₁ tsá₃ ju₁ca₂tón'₃ dsa₂ i₂jme₁ma₂lě₅ jág₁ rě₂té₄ 'éi₂. Ju₁siá'₂ bá₄ i₃lén₂: jan₂
nó₃ ju₁ja₁nau₂ quió'₅ bá₄; jan₂ guě'₂ nó₃ i₃dsiá₃ 'ma'₅₄.

6 Rin'₅₄ dsa₂ 'éi₂ ně₃, ca₂jnai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuě₃,
ca₂jme₃dsiog₂₃ bá₄.

7 Jaun₂ ně₃, ca₂rě₃'né₃ rag₅₄ 'nio₅ lin₃, jaun₂ ca₂chein₃ 'lióg₂ quiáin₅
ca₂i₂jme₁dsiain₂₃ dsa₂ 'éi₂ qui₂ca₂i₂dsí'₄ 'lióg₂ 'né₅, co₂dsia₅ ca₂'éin₂ go₄ dsa₂
'éi₂.

8 Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jnia₅₄
a₂jen'₂ gu₂ chi'₂ quiáng₃ a₂nio₃ jmig₄, la₁ dsa₂ i₂jme₁lě₄ jág₁ rě₂té₄ 'éi₂, tsá₃
ma₃ca₂tiin₂ ja₃lén₂.

9 O₂nó'₅ 'nia'₂ ně₃, o₂nau₂ jě₄ calle juě'₂ ja₁i₂nio₄ guě₄ dsa₂ juin₅, o₂chei'₅₄
ca₂le₃jín₃ dsa₂ i₂jeng'₂ ju₁ja₂lén₂ jmig₄ jě₁jen'₂ gu₂ chi'₂ quiáng₃.”

10 Jaun₂ ca₂'uin₂ bá₄ dsa₂ 'éi₂ ně₃ ca₂i₂lein₅₄ jě₄ calle, jaun₂ chi₂ca₂liain'₃
ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lin'₅₄ ně₃; jaun₂ ca₂can'₂ bá₄
dsi₂néi₂ ca₂lě₃, quian'₅₄ dsa₂ 'éi₂.

11 'Jaun₂ guě₄ ca₂'í₃ rag₅₄ dsi₂néi₂ ca₂i₂jiin₁₂ dsa₂ i₂tion'₅₄ 'éi₂, jaun₂ ca₂jiin₂ jan₂
i₂'en₅₄ jě₄ jaun₂, tsá₃ jme₁rě₂lin₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁niog₅
jmig₄ jen'₂ gu₂ dsa₂.

‡ 21:42 Salmo 118:22-23. § 21:44 A₂lin₅₄ chog₅₄ si₂ tsá₃ rě₂ton₅ versículo 44.

12 Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿a₂ bá₄ lia'₂ nē₂'ú'₃ 'ne₂ ja₁lá₃ tē₃ tsá₃ rē₂ling'₅₄ con'₂ dsi₂ten₅₄ a₂gog'₅₄ ja₁niog₅ jmig₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ nj₅ njag₃.

13 Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂nē₅, dsein₅₄ ca₁'né₄, qui₂dsin₅ 'nia'₂ güig₂, 'liain'₅₄ jē₄ qui₁né'₃ ja₁qui'₂- 'o₃, qui₃quíg'₃ jan₅₄.”

14 Ia₁ juin₅ lin₃ dsa₂ i₂rē₂té₄, la₁ me'₂ bá₄ i₂rē₂quion'₅₄.

*Jág₁ ju₁lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)*

15 Jme₁co₂lág₂ jaun₂ ca₂l₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús ju₁lia'₂ bá₄ 'niá₃ ca₂jon₄ jág₁ 'lia'₂, ia₁jaun₂ cuin₃ jmig₄ a₂bóg'₂ dso₄.

16 Jaun₂ ca₂chein₃ táng₃ i₂lin₅₄ dsa₂ quiáin₅ quian'₅₄ i₂lin₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tē₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ ju₁is dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ ju₁lia'₂ dsa₂ dsen₅₄ ně₃.

17 Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au'₂: ¿Dsióg₅ guē'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ¿Nió'₅ qui₅₄, o₃ tsá₃ qui₅₄ 'e₂?

18 La₁ ca₂rē₃lí'₄ bá₄ Jesús a₂dsi₂jio₅ dsi₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lē₁co₂jmo₅ o₁ne₁! ¿'E₂ lē₃ 'niog'₂ 'nia'₂ jo'₅₄ jniá₂ ju₁lia'₂ tsán'₂ dsa₂ jan₂ já'₂ quian'₅₄ liá'₂?

19 'Ē₄ de'₂ 'nia'₂ caun₂ cu₄ 'ua'₂ ju₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario.

20 Jme₁ma₂nē₂jág₃ Jesús, jaun₂ ca₂ñí'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guē'₂ quió'₅ letra ně₃?

21 Jaun₂ ca₂ñag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guē'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

22 Dsa₂ 'éi₂ ně₃, jme₁ca₂nág₂ jág₁ nē₅, ca₂i₃gó'₃ dsi₅. Ca₂téin₂ bá₄ ca₂juē'₂ Jesús, ca₂i₃lein₃ bá₄.

*Ca₂ñag₃ dsa₂ saduceos ju₁lia'₂ a₂jen'₅₄ 'lag₄
(Marcos 12:18-27; Lucas 20:27-40)*

23 Jmig₄ jaun₂ ca₂o₃lén₂ i₂lin₅₄ dsa₂ saduceos ca₂o₃jii₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ nē₅ ca₂ñí'₃ Jesús ca₂juá'₂:

24 —Tē₅, le₂la₂ ca₂juá'₂ Moisés: nē₁jua'₂ ca₂jon₃ jan₂ dsa₂ ñe'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ rin'₅₄.

25 Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ñe'₂ i₂lín₅ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁'ñiá₄ bá₄ 'io₅₄ 'nág₂ 'éi₂ o₄gú₃ dsó₂ rin'₅₄ i₂jē₁ca₂tē₂ on₃.

26 La₁ ján₃ bá₄ le₂jaun₂ ca₂i₃ñí'₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian'₅₄ 'éi₂. Jaun₂ le₂nē₅ bá₄ ca₂lē₃ quian'₅₄ ta₁guion₃ dsó₂ 'éi₂ con'₂ i₂jme₁lē₄ rin'₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄.

27 Jaun₂ ca₂jon₃ bá₄ 'io₅₄ jme₁ca₂jon₃ ně₃.

28 Jaun₂ ně₃, jmig₄ jē₁ma₂tē₂ rē₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ñe'₂ ca₂guá₂ quian'₅₄.

29 Jaun₂ ca₂ŋag₃ Jesús:

—Tsá₃ le₂jaun₂ lia'₂ ŋí'₂ 'au'₂ 'nia'₂, ia₁ tsá₃ cui_n'₂ 'nia'₂ 'a₂ lia'₂ juá'₂ Si₂, on₃ guè'₂ cui_n'₂ 'nia'₂ 'a₂ lia'₂ lě₅ jui₅ bí₂ quió'₅ Diú₄ ně₃.

30 Jě₁ ma₂ tě₂ jmig₄ a₂ jen'₅₄ 'lag₄, on₃ jua'₅₄ a₂ le₃ chain₂ jua'₅₄ a₂ qui₃ jéin'₂ guě₄ gu₂, on₃ guè'₂ ně₅ tóin'₃ guě₄ jua'₅₄ a₂ qui₃ cui_n'₃ chi'₂ quiáin₅ a₂ jéin'₂ gu₂, ia₁ i₂ lén₂ jui₁ lia'₂ lín₅ ángeles i₂ tion'₅₄ guei'₅₄ i₂ juíg₃ bá₄ 'éi₂ jmig₄ jaun₂.

31 La₁ jui₁ lia'₂ a₂ jen'₅₄ táng₃ 'lag₄, ħtsa₁ ma₂ 'í'₂ 'nia'₂ ne₄ Si₂ jui₁ lia'₂ a₂ ca₂ juá'₂ 'ŋiog₅ Diú₄ jme₁ ca₂ juá'₂:

32 “Jniá₂ bá₄ lín₅ Diú₄ quián₅ Abraham, quián₅ Isaac, quián₅ Jacob ně₃?”*
A₂ lín₅ Diú₄ quián₅ dsa₂ jén'₃ bá₄, on₃ jua'₅₄ rě'₂ Diú₄ quián₅ 'lag₄.

33 Jme₁ ca₂ nág₂ dsa₂ jág₁ ně₅, ca₂ i₃ gó'₃ dsí'₅ 'a₂ lia'₂ jme₂ tag₅ Jesús.

*'Éi'₃ Juá'₅ a₂ dsen₅₄ guě₄ quió'₅ Diú₄
(Marcos 12:28-34; Lucas 10:25-28)*

34 Jme₁ ca₂ rě₃ ŋi₅ dsa₂ fariseos ca₂ lí'₃ bá₄ táng₃ Jesús jág₁ a₂ ca₂ tsín₂ quian'₅₄ dsa₂ saduceos, jaun₂ ca₂ ŋi'₂ ca₂ jmo₃ jág₁.

35 Jaun₂ jan₂ riin'₅₄ i₂ lín₅ tě₅ juá'₅, jme₁ 'nio₃ jme₁ jo₅₄ quian'₅₄ jág₁, jaun₂ ca₂ ŋi'₃ Jesús:

36 —Tě₅, ħ'e₂ 'Éi'₃ Juá'₅ a₂ dsen₅₄ guě₄ con'₂ guě₄ ca₂ le₃ jě₃ Si₂ 'Éi'₃ quió'₅ Diú₄?

37 Jaun₂ ca₂ ŋag₃ Jesús:

—“Jme₁ 'nió₄ Te₁ gui'₅₄ Diú₄ quiáng'₂, ca₂ le₃ jě₃ 'au'₂, ca₂ le₃ jě₃ jme₂ dsí₂ quiáng'₂, ca₂ le₃ jě₃ 'a₂ lia'₂ niog₅ ŋí'₂ dsei'₂.”†

38 A₂ ně₅ bá₄ 'Éi'₃ Juá'₅ a₂ le₂ 'uig₅₄ a₂ dsen₅₄ guě₄ con'₂ guě₄ ca₂ le₃ jě₃.

39 Jě₁ ca₂ tě₂ tin₃ 'Éi'₃ ně₃, mei'₂ tsá₃ co₂ rě₂ quian'₅₄ a₂ le₂ 'uig₅₄: “Jme₁ 'nió₄ dsa₂ mi₂ güig₃ ríng'₂ jui₁ lia'₂ 'nióg'₃ 'ŋiag'₂.”‡

40 Tin₃ 'éi'₃ ně₅ bá₄ lě₅ 'uig₅₄ cho'₅₄ ca₂ le₃ jě₃ 'Éi'₃ quió'₅ Moisés quian'₅₄ ca₂ le₃ jě₃ jág₁ a₂ ca₂ 'ě₂ dsa₂ i₂ chen₄ quián₅ Diú₄ ma₂ líg'₂.

*ħEin₂ tsí₁ jon₂ quián₅ lín₅ I₂ rě₂ 'ín₁ quián₅ Diú₄?
(Marcos 12:35-37; Lucas 20:41-44)*

41 Tě₃ tion'₅₄ dsa₂ fariseos le₁ ŋi'₂,

42 jaun₂ ca₂ ŋag₃ Jesús ca₂ juá'₂:

—ħ'A₂ lia'₂ lín'₂ 'nia'₂? ħEin₂ tsí₁ jon₂ quián₅ lín₅ I₂ rě₂ 'ín₁ quián₅ Diú₄?

—Tsi₁ jon₂ David —ca₂ ŋag₃ dsa₂ 'éi₂.

43 Jaun₂ ca₂ juá'₂ táng₃ Jesús:

—ħ'A₂ lia'₂ jaun₂? Ia₁ 'ŋiog₅ bá₄ guè'₂ David ca₂ juá'₂ lia'₂ con'₂ jme₁ ca₂ 'í₃ Jme₂ dsí₂ Jŋi₅ tě₂ dsí₅, ca₂ tě₃ “Te₁ gui'₅₄.” ħ'A₂ lia'₂ lě₅ jaun₂? Ia₁ 'ŋiog₅ bá₄ guè'₂ David ca₂ juá'₂:

44 Ca₂ juá'₂ Diú₄ ca₂ tsí'₃ Te₁ gui'₅₄ quiáng₃:

“Né₂ con₂ jniá₂ tě₂ le₃ gu₃ ne₁,

ca₂ lia'₂ ca₂ tě₂ jmig₄

a₂ tón'₁ jniá₂ dsa₂ i₂ 'iog₅₄ o₄ tag'₄.”§

45 ħ'A₂ bá₄ lia'₂ lě₅ a₂ lín₅ tsí₁ jon₂ David, ton'₂ 'ŋiog₅ bá₄ guè'₂ David ca₂ tě₃ “Te₁ gui'₅₄ quiáng₃?”

46 Jaun₂ tě₂ le₃ ne₄ jui₅ guě₄ jaun₂, tsá₃ ma₃ 'ein₂ ca₂ tiá₂ dsí'₅ jua'₅₄ a₂ ŋag₃ guě₄ 'e₂ ŋag₃.

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18. § 22:44 Salmo 110:1.

23

*Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tēsjuá'₅ ně₃
(Marcos 12:38-40; Lucas 11:37-54; 20:45-47)*

1 Jaun₂ ně₃ ca₂ton₃ Jesús jág₁ ca₂tsí'₃ dsa₂ juin₅ i₂quian'₅₄, ca₂tsí'₃ chi'₂ dsí₂guia₃-tín₂ quiáin₅ ně₃, ca₂juá'₂:

2 —Dsa₂ fariseos quian'₅₄ tēsjuá'₅ ně₃, tiáin'₅ ta₁ a₂jme₁lín₄ Moisés.

3 Jaun₂ lě₃ ca₂tín'₂ 'nia'₂ nág'₁ gau₂ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ juí₅ jua'₅₄ a₂jmó'₂ juí₁lia'₂ a₂jmo₂₃ guioin₅₄, ia₁ juí₁lia'₂ jme₂tag₂₃, tsá₃ jme₂ti₃ guioin₅₄; tē₂le₃ siá'₂ bá₄ jmo₂₃ dsó₅.

4 Qui₂'nei₂₃ lio₅₄ guei₂ 'ñio₅ lín₃ qui₂dsi₂₃ mi₂ca'₄ dsa₂, la₁ guioin₅₄ ně₃ ca₂lia'₂ jñia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂.

5 Ca₂le₃jě₃ 'e₂ a₂jmo₂₃, jmo₂₃ a₂jñia'₅₄ con'₂ 'nio₃ jág₂ dsa₂ bá₄. Ia₁ tin₂ dsí₅ i₃quian'₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄;* a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le₁'ág₄ a₂lě₅ lí₁ ca'₅₄ a₃tag₄.

6 'Ñio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guě'₃, qui₂dsi₂tiain'₂ ja₁dsen₅₄ guě₄ juí₁lia'₂ dsi₂néi₂ guá'₅ sinagoga ně₃.

7 Ton'₂ 'ñio₅ tē₅ dsí₅ qui₃cuag₃ dsa₂ Diú₄ jě₄ 'ma'₅₄, qui₃tē₂ dsa₂ “tē₅”† ně₃.

8 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lě₅ ríng'₂; ia₁ jan₂ bá₄ Tē₅ quián'₂ 'nia'₂ chan₂.

9 Tsá₃ tē'₅₄ 'nia'₂ “tia₅₄” i₁jan₂ dsa₂ mi₂güig₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juig₃.

10 Tsá₃ cuě'₁ 'nia'₂ jmig₄ a₂tē₂ dsa₂ 'nia'₂ guiong'₅₄ a₂líng'₅ juig₅₄ dsa₂, ia₁ jan₂ l₂rē₂'ín₁ quián₅ Diú₄ bá₄ i₂lín₅ juig'₂ 'nia'₂.

11 Juí₁lia'₂ i₂jme₂ti₃ ta₁ ne₄ rin'₅₄, i₂'éi₂ bá₄ i₂juin'₂ guě₄.

12 Ia₁ juí₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lé₂ mei'₂; la₁ juí₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ guě₄ con'₂ guě₄ ca₂le₃jín₃.

13 'i'₂E₂ guě₄ juig'₂ 'nia'₂ tēsjuá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ jnág'₂ 'nia'₂ o₄'né₄ guei'₅₄ i₂juig₃ ja₁gon₂ Diú₄, tsá₃ cuě'₂ 'nia'₂ jmig₄ tón'₃ i₂sián'₂. Ia₁ on₃ guě'₂ tón'₂ 'nia'₂ guiong'₅₄, on₃ guě'₂ cuě'₂ 'nia'₂ juí₅ tón'₃ juí₁lia'₂ i₂'nio₃ tón'₃.‡

15 'i'₂E₂ guě₄ juig'₂ 'nia'₂ tēsjuá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂i₂nio'₄ 'nia'₂ ca₂le₂con₂ mi₂güig₃ qui₁'ang'₄ jmi₁ñí'₄, a₂qui₂jme₂tíng'₁ dsa₂ lia'₂ lě₅ 'én'₂ 'nia'₂ guiong'₅₄. Jě₁ma₂ca₂jon'₃ 'nia'₂ dsa₂ a₂dsi₃lén₂ juí₅ quiáng'₂, qui₂jme₂tín'₁ 'nia'₂ a₂jñia'₅₄ con'₂ a₂jme₃'lín'₅₄ guě₄ lia'₂ con'₂ guě₄ guion'₅₄ 'nia'₂.

16 'i'₂E₂ guě₄ juig'₂ 'nia'₂, dsa₂ ten₄ i₂quian₅ ne₄ juí₅! Ia₁ juá'₂ 'nia'₂ jme₂tíng'₁ dsa₂: “Ně₁jua'₂ 'ein₂ ca₂cuě₃ jág₁ quió'₅ 'ě₂₃ guá'₅, tsá₃ 'e₂ quen₅ jág₁ jaun₂; la₁ ně₁jua'₂ ca₂'ě₃ cu₄nióg₄ a₂te₁'i₁ guá'₅, a₂jaun₂ guě₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂ně₂cuě₃.

17 'i'₂Nia'₂ dsa₂ ten₄, dsa₂ co₄! ¿'E₂ a₂quen₅ guě₄ 'ñio₅ lín₃? ¿Cu₄nióg₄, o₃ guá'₅ ja₁rē₂jñi₃ cu₄nióg₄ jaun₂ 'e₂?

18 Juá'₂ 'nia'₂ ján₃: “Ně₁jua'₂ 'ein₂ cuě₅ jág₁ quió'₅ a₂'ě₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ ně₁jua'₂ ca₂'ín₃ já'₂ i₂rē₂jen'₅₄ ne₄ ne₄chei₂, jaun₂ guě₄ dsón'₂ tion₅₄ 'nió'₅ jme₃ti₃ jág₁ quió'₅.”

* 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “'i'₂E₂ guě₄ juig'₂ 'nia'₂ tēsjuá'₅, 'nia'₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ ja₂nó'₅ 'nia'₂ qui₂jñiá'₂ 'ne'₄ 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄ uě₂ lín₃, ia₁ jaun₂ tsá₃ 'ein₂ le₃lí'₄. 'Uig₅₄ jaun₂ ja₂lín₃ guě₄ 'ñio₅ uig₅ guéi'₁ 'nia'₂.

19 'i'Nia² dsa² ten⁴! ¿'E₂ jaun² a₂lě₅ a₂dsen⁵⁴ guě⁴? ¿Já² i₂rě₂jen⁵⁴ ne₄ Diú⁴, o₃ ne₄chei₂ a₂rě₂jñi₃ó³ já² 'éi₂ 'e²?

20 Jaun² lě₃, jui₁lia² jme₁cuě₅ dsa² jág₁ quió⁵ a₂'ě₂₃ ne₄chei₂, on₃jua⁵⁴ jmá³ ne₄chei₂ 'ě₂₃; a₂'ě₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun².

21 Le₂ně₅ bá₄ ján₃, jui₁lia² i₂'ě₅ guá⁵, on₃jua⁵⁴ jmá³ ca₂ne₅₄ guá⁵ 'ě₂₃, a₂'i_{in}₂₃ le₂jio₅ Diú⁴ i₂guá⁵ dsi₂néi₂ jaun² bá₄.

22 Já₃ bá₄ le₂ně₅ jui₁lia² i₂'ě₅ guei⁵⁴ i₂juí₃, a₂ma₂ně₂'ě₃ le₂jio₅ ne₄ta₁ quió⁵ Diú⁴, ton² a₂ma₂ně₂'i_{in}₃ le₂jio₅ 'ñi_{og}₅ Diú⁴ i₂guá⁵ ne₄ta₁ jaun² bá₄ já₃.

23 'i'E₂ guě⁴ juí₃'² 'nia² tē₃juá⁵, 'nia² dsa² fariseos ně₃, i₂lě₁jmo₅-dsá_u₅ o₁ne₁! Ia₁ qui₂áng² 'nia² caun² qui⁵⁴ a₂guia₃ quió⁵ mi₁'au₂ mi₂juí₃, jui₁lia² menta, anís, quian⁵⁴ qui₂má₃ ně₃. La₁ tsá₃ tón² guě² 'nia² jui₅ 'Éi³ Juá⁵ a₂dsen⁵⁴ guě⁴ quió⁵ Diú⁴ ron₅, jui₁lia² ja₁juá² a₂'nió⁵ jmo₃ dsa² a₂dse₃, a₂dsia₃ dsa² nēi₂ dsí₅ dsa² mi₂güí₃ riin⁵⁴, a₂jmo₃ dsa² tí₅ jág₁ quió⁵ quian⁵⁴ riin⁵⁴. A₂ně₅ bá₄ a₂dsen⁵⁴ guě⁴ a₂ca₂tín² 'nia² jmó², la₁ on₃jua⁵⁴ a₂tsá₃ ma₃jme₁ti⁴ 'nia² 'Éi³.

24 'i'Nia² dsa² ten⁴ i₂quian⁵ ne₄ jui₅! Qui₁ñi⁴ 'nia² quió⁵ i₁lu₂ pí¹, la₁ ní⁵ bá₄ guě² 'nia² guiong⁵⁴ jui₁lia² já² camello.

25 'i'E₂ guě⁴ juí₃'² 'nia² tē₃juá⁵, 'nia² dsa² fariseos ně₃, i₂lě₁jmo₅-dsá_u₅ o₁ne₁! Ia₁ lín⁵ 'nia² jui₁lia² lě₅ ni₁vaso, ni₁u_{ing}₅ ně₃, qui₁rin⁴ 'nia² jmá³ lia² le₃co⁵⁴. La₁ tē₂le₃ jui₅ tē₂'au² 'nia², qui₂rě₂can² ca₂le₃jě₃ ne₅₄ a₂'lig⁵⁴ a₂qui₂dsi₂jñia₅ 'au² 'nia², 'niog² 'nia² jua⁵⁴ jmá³ lia² guiong⁵⁴ bá₄ qui₂le₃cha₂ quiáng²; qui₂ja₂nó⁵ 'nia² 'ang² quió⁵ dsa².

26 'i'Nia² dsa² fariseos ten⁴! Rang² 'nia² de² jñiá₅ le₃ñi_ó² ni₁vaso quian⁵⁴ ni₁u_{ing}₅, jaun² guě⁴ lé₂ le₁jě₃ le₂tan⁵⁴ le₃co⁵⁴ ně₃.

27 'i'E₂ guě⁴ juí₃'² 'nia² tē₃juá⁵, 'nia² dsa² fariseos ně₃, i₂lě₁jmo₅-dsá_u₅ o₁ne₁! Ia₁ lín⁵ 'nia² jui₁lia² lě₅ tau₂ 'ñio₅ a₂jñia⁵⁴ con² jniá₂ tiog₂, jniá₂ jlá¹ jmá³ lia² le₃co⁵⁴ bá₄, la₁ le₃ñi_ó² qui₂rě₂can² ni₁mu₅, chí⁵ ma₂'lig⁵⁴.

28 Le₂ně₅ bá₄ lín⁵ 'nia²; 'e₂ guě⁴ dsen³ 'nia² jniág² jmá³ lia² le₃co⁵⁴ tē₃jě₄ jág₅ dsa², la₁ tē₂'au² guě² 'nia² qui₂rě₂can² ca₂le₃jě₃ ne₅₄ a₂'lig⁵⁴, a₂jmo² dsá_u² 'nia² o₁ne₁ 'e₂ a₂jmo².

29 'i'E₂ guě⁴ juí₃'² 'nia² tē₃juá⁵, 'nia² dsa² fariseos ně₃, i₂lě₁jmo₅-dsá_u₅ o₁ne₁! Ia₁ qui₂jmóg² 'nia² tau₂ 'ñio₅ quió⁵ dsa² i₂ca₂'ě₂ jág₁ quián₅ Diú⁴ ma₂líg², qui₂jmóg² 'nia² jlá¹ qui₂rě₂lag₄ jui₁lia² ja₁le₁on₅ dsa² dsen₃ i₂ma₂dsan₃.

30 Jaun² jag⁵⁴ 'nia²: "Jua⁵⁴ mei² bá₄ ca₂rě₃chóng₃ jniog₄ jmig₄ jaun² lia² con² jme₁chan₂ dsa² can⁵⁴ quián₂ ma₂líg², tsá₃ jme₁jme₁quian⁵⁴ jniog₄ lia² con² jme₁ca₂jmo₃ a₂ca₂l₃'o₅₄ jmi₂ 'an⁵⁴ dsa² i₂chen⁴ 'éi₂ quián₅ Diú⁴."

31 Jaun² le₂ně₅, quian⁵⁴ jág₁ quián² 'nia² guiong⁵⁴, jáng² 'nia² jág₁ dsau₅ a₂líg⁵ tsí₁jon₂ dsa² i₂ca₂jme₃dsian₅ dsa² i₂ma₂chen₃ Diú⁴.

32 Jaun² ně₃, jme₁'ñia₅ 'nia² dso₄ a₂ca₂jme₃lióg₃ dsa² can⁵⁴ quián² 'nia².

33 'Já² 'lín⁵⁴! ¡Tsi₁jon₂ dsi₂mi²! ¿'A₂ bá₄ lia² le₃lon⁵⁴ 'nia² 'éi³ uig₅ a₂já₅ ja₁con² 'nia² a₂dsi₁nog³ guio₃-juí₃?

34 'Uig⁵⁴ jaun², tsin⁵⁴ jniá₂ ja₁con² 'nia² dsa² i₂'ě₂ jág₁ o₄quió₃, dsa² i₂ñí² niog₅ dsi₄, i₂lín₅ tē₅ ně₃. I₂lín⁵⁴ 'éi₂ jme₁dsiain² bá₄ 'nia², i₂lín⁵⁴ guě² qui₁tóin⁴ 'nia² cróg₄. I₂sián² guě² ně₃ qui₁cuě⁵⁴ 'nia² dsi₂néi₂ guá⁵ sinagogas quiáng², qui₂co₁'éin⁴ 'nia² ně₃ le₂'í₁ juí₃.

35 Jaun² lě₃, 'nia² bá₄ le₁cáng⁴ jmi₄ ca₂le₃jín₃ dsa² dsen₃ i₂qui₂ma₂dsan₃ mi₂güí₃, ca₂tē₂ jmi₄ Abel i₂jme₁lín₄ dsa² dsen₃, ca₂tē₂ jmi₄ Zacarías ja₁ñi⁵⁴ Berequías, i₂ca₂jñí³ 'nia² i₁dsi₅ guá⁵ jě₄ ja₁lě₄ ja₁jñi₅ quian⁵⁴ ja₁chí⁴ ne₄chei₂.

³⁶ A₂dsi₂jó'₃ juí₂g₂ jniá'₂ 'nia'₂, dsa₂ chan₂ jmi₂g₄ ně₃ bá₄ rē₂cán'₄ ca₂le₃jě₃ dso₄ jaun₂.

'O₅ Jesús o₄quió'₄ juí₂g₂ Jerusalén
(Lucas 13:34-35)

³⁷ 'i'Nia'₂ dsa₂ juí₂g₂ Jerusalén! i'Nia'₂ dsa₂ juí₂g₂ Jerusalén, 'nia'₂ i₂jme₂dsiáng'₁ dsa₂ i₂'ě₂ já₁g₁ quián₅ Diú₄, 'nia'₂ i₂qui₂jnag'₅₄ cang₄ dsa₂ i₂chen₅ Diú₄ jin'₄ 'nia'₂! i'Lióng₂ ráun₂ jme₁'ín₅ dsi₃ jme₁chi₁liang'₂ guein₂ dsa₂ juí₂g₂ quiáng'₂, juí₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rē₂cu₅, la₁ guion'₅₄ 'nia'₂ tsá₃ ca₂gue'₅₄!

³⁸ Jag₄ jaun₂, dsi₂néi₂ quiáng'₂ ně₃ tē₃'ñiá₄, tē₃tsi'₅₄ tei₄, tsá₃ 'ein₂ chan₂ lé₂.

³⁹ Ia₁ juá'₅ jniá'₂, tsá₃ ma₃la₂ jag'₅₄ 'nia'₂ jniá'₂, ca₂lia'₂ ca₂tě₂ jmi₂g₄ jē₁ma₂tě₂ rē₁jua'₅₄ 'nia'₂: “Juí₁le₂jnió'₃ bá₄ i₂ně₅ i₂jón'₅ o₄quió'₄ Te₁gui'₅₄.”§

24

Ca₂'ě₂ Jesús já₁g₁ a₂dsi₃'én₂ bá₄ guá'₅ templo
(Marcos 13:1-2; Lucas 21:5-6)

¹ Jaun₂ ca₂o₃'ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ juí₅ ñái'₅, ca₂jme₃quián₃ chi'₂ dsi₂guia₃-tín₂ quián₅ tě₂, ca₂juá'₂:

—Jag₄ 'a₂ lia'₂ lě₅ guá'₅.

² La₁ jaun₂ ca₂ñag₃ Jesús:

—¿Jág'₂ 'nia'₂ ca₂le₃jě₃ a₂ně₅? A₂dsi₂jó'₃ juí₂g₂ jniá'₂ 'nia'₂, já₅ jmi₂g₄ lia'₂ 'i₁ca₂mí₂g₂ ni₁cang₁ tsá₃ ma₃'e₂ jua'₅₄ a₂le₁juí₄ guě₄ lé₂ quian'₅₄ rin'₅₄. Ca₂le₃jě₃ bá₄ 'én₂.

Léi₄ a₂lé₂ jmi₂g₄ jē₁ca₂tó'₂

(Marcos 13:3-23; Lucas 21:7-24; 17:22-24)

³ Jme₁ca₂dsióg₃ Jesús Má'₂ Olivos; ja₁jaun₂ ca₂guá'₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jē₄ jmá'₃ guioin₅₄, ca₂nií'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ ně₅. ¿'E₂ léi₄ lé₂ jē₁ma₂tě₂ rē₁ñeg'₅₄ táng₃? ¿'E₂ bá₄ léi₄ lé₂ jē₁ma₂tě₂ rē₁tě₅₄ jmi₂g₄ jaun₂?

⁴ Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅.

⁵ Ia₁ juí₅ i₂tě₁i₃nio₄ a₂juá'₂ i₂nioi₅₄ o₄quió'₃ jniá'₂, juá'₂: “Jniá'₂ bá₄ líng₅ I₂rē₂'ín₁ quián₅ Diú₄”; jaun₂ juí₅ dsa₂ i₂qui₂jme₃gain₂₃.

⁶ Jē₁ma₂nei'₂ 'nia'₂ 'ei₅ já₁g₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ 'nió'₅ bá₄ guě₄ a₂ñí₂ jein₂ jaun₂.

⁷ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juí₂g₂ nación; dsi₂tan₅₄ guě'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juí₂g₂ siá'₂. Jaun₂ guě₄ ně₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uě₃ ně₃.

⁸ Ca₂le₃jě₃ a₂ně₅ lé₂ a₂le₂'uig₅₄ jmi₁uig₅ juí₁lia'₂ jan₂ 'io₅₄ i₂rē₂chan₂ guein₂ quián₅.

⁹ Jaun₂ guě₄ ně₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuě₃ dsa₂ uig₅, jaun₂ guě₄ jme₃dsian₅ dsa₂ 'nia'₂. Le₂con₂ mi₂güí₃ bá₄ jme₃'ñia₅₄ dsa₂ 'nia'₂ 'uig₅₄ quió'₃ jniá'₂.

¹⁰ Jmi₂g₄ jaun₂, juí₅ dsa₂ i₂tí₂ juí₅ quió'₅ Diú₄ a₂jme₁'éin₂, qui₂jme₃'ñiai₅₄ bá₄ riin'₅₄, qui₃jáng'₂ ně₃.

¹¹ Juí₅ dsa₂ le₃chan₂ i₂'ě₂ já₁g₁ i₂juí₁gan₂, jaun₂ juí₅ dsa₂ i₂jme₃gain₂₃.

¹² 'Uig₅₄ ia₁ a₂ñí₄ lě₃ juí₁si ñag₅₄ le₃'lin'₅₄ dsa₂, co₂dsia₅ le₃güí₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂ le₂jain₂.

13 La₁ jui₁lia'₂ i₂náu₃ tiá'₂ tē₂ jē₁ca₂tó'₂, 'éi'₂ bá₄ líón₂.

14 Jág₁ dse₃ la₂ jui₁lia'₂ 'a₂ lia'₂ lē₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ñi₅ ca₂le₃jě₃ juig₂ te₁'i₁ gua'₅₄ 'uē₃ jág₁ dse₃ jaun₂; jaun₂ guē₄ ně₃ tē₅₄ jmig₄ jē₁ca₂tó'₂.

15 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂'lin'₅₄ guē₄ lin₃, a₂jme₃'ióg₃ ja₁jñi₅, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú₄,* (jaun₂ jui₁le₂ñi'₂ bá₄ i₂'i₅ si₂ la₂),

16 jaun₂ ně₃, dsa₂ i₂tián'₅ le₂tan₅₄ 'uē₃ Judea, jui₁cuing₁₂ jui₅ má'₂.

17 Jui₁lia'₂ i₂'en₅₄ guei'₅₄ 'ne₄, tsá₃ ma₃jui₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅;

18 jui₁lia'₂ i₂'en₅₄ ja₁nau₂ quió'₅ táng₃, tsá₃ ma₃jui₁jñioi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅.

19 jui₁g₂ bá₄ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂le₁jñia₅ guein₂ i₂'ín'₂ dsi'₅₄ ně₃, jmig₄ jaun₂!

20 Mi₄ 'nia'₂ ne₄ Diú₄ ia₁jaun₂ tsá₃ o₁le₅₄ jua'₅₄ a₂cuíng'₂ 'nia'₂ jein₂ güig₂, on₃ guē'₂ jmig₄ sa₅₄ ně₃.

21 Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rě₃chá₃ ca₂le₃ ca₂nio₃ mi₂güig₃, on₃ guē'₂ ma₃niog₅ jmig₄ jua'₅₄ a₂le₃cha₂ guē₄ cang₂.

22 Jua'₅₄ mei'₂ guē₃ Diú₄ tsá₃ ma₂ca₂jme₃tě₃ jmig₄ jaun₂, 'i₁jan₂ tsá₃ 'ein₂ jme₁líón₂ jua'₅₄ mei'₂ guē₃ tsá₃ le₂jaun₂. La₁ o₄quió'₄ i₂rě₂quion'₅₄ quián₅, jme₃tě₃ bá₄ jmig₄ jaun₂.

23 'Ně₁jua'₂ chan₂ i₂ca₂juá'₂ tsi'₅ 'nia'₂ jmig₄ jaun₂: “jag₄ 'nia'₂! jLa₂ bá₄ chén'₅ I₂rě₂'ín₁ quián₅ Diú₄!” o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂.

24 Ia₁ juin₅ dsa₂ i₂jui₁gan₂ ja₃lén₂ a₂juá'₂ a₂lín₅ I₂rě₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ě₂ jág₁ quián₅ Diú₄; 'líóng₂ léi₄ juē'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guē₃ lé₂, ca₂tē₂ dsa₂ i₂quion'₅₄ quián₅ Diú₄ jme₃gain₂₃.

25 Jaun₂ ně₅ ma₂ně₂juig₂ jniá₂ 'nia'₂ tē₃jñiá₅.

26 Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Ní₂ 'nia'₂, jó₄ 'ein₅₄ ja₁lě₄ 'uē₃ quein₂ co₂'ñiog₅”, tsá₃ lē₁o₂nó'₅ 'nia'₂ ja₁jaun₂; o₃ ně₁jua'₂ 'ein₂ ca₂juá'₂: “Ní₂ 'nia'₂, ja₁lá₃ rě₂'mai₅₄ dsi₂néi₂”, tsá₃ jui₁le₂'én'₂ 'nia'₂.

27 Ia₁ jui₁lia'₂ jme₁lě₂ si₁ñi'₃ ca₂taun₂ ca₂taun₂, le₂jaun₂ bá₄ lé₂ jē₁ma₂tě₂ rē₁guan'₂ Jaun₅ dsa₂ mi₂güig₃.

28 Ia₁ jui₁lia'₂ ja₁ron₅ 'lag₄, ja₁jaun₂ bá₄ ñi'₂ i₁tú₃ tsin'₅₄.

'A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

29 'Dsi₂jui₅ jē₁ma₂ca₂ñag₅ jmig₄ o₂i₁ dsi₅ jaun₂,

'iog₂ ně₃ co₂dsia₅ le₃lia'₂,

tsi'₂ ně₃ tsá₃ ma₃tág₅ jnia₅₄;

nei₅ guē'₂ ně₃ qui₂tsi₃séi'₂,

ca₂le₃jě₃ guē₄ 'e₂ bí₂ cha₂ guei'₅₄ mi₂güig₃

qui₃guan'₃.†

30 'Tě₃jě₄ jaun₂ guē₄ ně₃, le₃jniá₂ guei'₅₄ dsi₂güig₂ léi₄ quió'₅ Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃ qui'₃-o₃. Jín₂ Jaun₅ dsa₂ mi₂güig₃, guain'₂ guei'₅₄ jě₄ jnei₅ quian'₅₄ ca₂le₃jě₃ jui₅bí₂ a₂'io₂₃ jláin'₁.

* 24:15 'Í₂ Daniel 9:27; 11:31; 12:11. † 24:29 Isaías 13:10; 34:4.

31 Jaun₂ qui₃chein₃ ángeles quiáin₅ jéi₂ η₂ trompeta tiá₂ lin₃ a₂tē₂ dsa₂ i₂quion'₅₄ quiáin₅ i₂chan₂ ca₂le₃jě₃ juig₂ te'i₁ ta₁caun₂ mi₂güig₃.

32 'Jme₁tin₅ 'nia'₂, jui₁le₂η₁'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ míg₂ higos: jme₁chéi'₂ gu'₂ nei'₅₄, a₂ja₂'ηio₃ mog'₅₄, ηi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂.

33 Le₂ně₅ bá₄ 'nia'₂ jaun₂ ně₃, jē₁ma₂tē₅ ne'₅₄ a₂lē₂ ca₂le₃jě₃ a₂ně₅, jui₁le₂ηi'₅₄ bá₄ 'nia'₂ a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂.

34 A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃η₁'₂ tsi₁jon₂ la₂,[‡] ca₂lia'₂ ca₂le₃jě₃ a₂ně₅.

35 Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ηag₅, la₁ jág₁ quió₃ o₁líg'₂ tsá₃ ηag₅ jua'₅₄ a₂tsá₃ le₃ti₃.

36 'La₁ 'i₁jan₂ tsá₃ 'ein₂ ηi₅ 'e₂ 'ió'₄, 'e₂ hora lé₂ a₂jaun₂, on₃ guē'₂ ángeles i₂tion'₅₄ guei'₅₄ i₂juig₃, on₃ guē'₂ 'ηiog₅ Ja₁ηi'₅₄ Diú₄. § Jnia'₅₄ lia'₂ 'ηiog₅ bá₄ Diú₄ Jmei₂ ηi₅.

37 'Ia₁ jui₁lia'₂ ca₂le₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jē₁ma₂tē₂ rē₁guan'₂ Jaun₅ dsa₂ mi₂güig₃.

38 Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guē'₅, qui₂'ín'₂, qui₂jéin'₂ gu₂, qui₂cuin₂₃ ja₁míg₄ jme₁jéin'₂ gu₂ ně₃, ca₂lia'₂ ca₂tē₂ jmig₄ jme₁ca₂'í₃ Noé 'ηió'₃ ni₁barco;

39 Ia₁ con'₂ tsá₃ 'ein₂ rē₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jín₃. Le₂jaun₂ bá₄ lé₂ táng₃ jē₁ma₂tē₂ rē₁guan'₂ Jaun₅ dsa₂ mi₂güig₃.

40 Jmig₄ jaun₂, on₃ dsa₂ ηe'₂ tion'₅₄ ja₁nau₂; jan₂ i₂dsán'₃, jan₂ guē'₂ i₂tē₃'ηiá₄.

41 On₃ guē'₂ dsa₂ mí₂ tioin'₅₄ éi'₅ ne₄ ni₁to₂; jan₂ i₂dsán'₃, jan₂ guē'₂ i₂tē₃'ηiá₄.

42 'Jme₁jnio₂ 'nia'₂ ne'₅₄ jaun₂, ia₁ tsá₃ ηi'₅₄ 'nia'₂ 'e₂ hora ηi₁ó'₂ juig'₂.

43 La₁ jui₁le₂ηi'₂ 'au'₂ 'nia'₂ a₂la₂: jua'₅₄ mei'₂ guē₃ ηi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuē₃ jmig₄ a₂'í₂ dsa₂, 'ang₃ dsi₂néi₂ quió'₅.

44 Le₂ně₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ ηi'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃

(Lucas 12:41-48)

45 '¿'Ein₂ dsa₂ i₂ηi'₂ dsi₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ηii'₃ riin'₅₄ jē₁ma₂tē₂ hora a₂guē'₃.

46 'E₂ guē₄ dsen₃ 'éi₂ jē₁ma₂tē₂ rē₁jo₅₄ juig₅₄ jē₁ma₂guáin'₅ jme₂ti₃ bá₄ ta₁ a₂chén'₅.

47 A₂dsi₂jó'₃ juá'₅ jniá₂, cuē₃ juig₅₄ ta₁ a₂nio₃ ne₅₄ ca₂le₃jě₃ 'e₂ a₂cha₂ quió'₅.

48 La₁ jua'₅₄ mei'₂ guē₃ dsa₂ i₂jme₂ti₃ lín₅ jan₂ dsa₂ 'lín'₅₄ i₂tsá₃ tón'₂ jui₅ ta₁ a₂chén'₅, ia₁ lín₂, "i₂le₃'in₄ bá₄ juig₃",

49 jaun₂ jme₂lió₃ qui₂cuē'₅ bá₄ riin'₅₄, dsó₂ qui₂dsi₂guē'₃ qui₂dsi₂'én'₃ quian'₅₄ dsa₂ 'en₅ ně₃.

50 La₁ caun₂ jmig₄ con'₂ tsá₃ rē₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄.

51 Juig₅₄ ně₃ cuē₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lējmo₅-dsáu₅ o₁ne₁, ja₁qui'₂-o₃, qui₃quí₃ jan₅₄.

25

Jág₁ jáng'₅ léi₄ jui₁lia'₂ guian₃ chi'₂ dsa₂ mi₄

‡ 24:34 o₃, "né₃ a₂dsián₃ dsa₂ i₂lín₅ raza la₂." § 24:36 A₂lin₅₄ chog₅₄ si₂ tsá₃ chi₁ton₅ "on₃ guē'₂ 'ηiog₅ Ja₁ηi'₅₄ Diú₄." * 24:51 lit. "dsia₃ juig₅₄ le₂juig₁ le₁dsog'₅₄ quió'₅."

1 'Jmíg₄ jaun₂ jui₁lia'₂ ja₁gon₂ Diú₄, lé₂ jui₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁gui'₂ si₂ quió'₅. Ca₂i₃léin₂ ca₂i₁jme₁jein'₂ dsa₂ ñe'₂ i₂jen'₂ gu₂.

2 'Ñiá₂ chi'₂ dsa₂ mi₄ 'éi₂ jme₁coin₅₄; 'ñiá₂ guë'₂ i₂ñio₄, i₂dse₃ niog₅ dsi₄.

3 Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁gui'₂ si₂ bá₄ ca₂can₃; tsá₃ ca₂can₃ guë'₂ ni₁dsig₁ a₂'a₄ aceite.

4 La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂ñia₅₄ quió'₅, jme₁le₁quian₅ ni₁tsí₅ le₁gui'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁.

5 La₁ ca₂rē₃'in₄ bá₄ guë'₂ dsa₂ ñe'₂ i₂lě₅ jág₁ jen'₂ gu₂, jaun₂ le₃jín₃ bá₄ dsa₂ mí₂ 'éi₂ ně₃ ca₂tá'₂ i₁güin₃, jaun₂ ca₂güin₂ bá₄.

6 Jaun₂ jme₁ca₂tě₂ dsi₃nei₅, ca₂né'₂ tiá₂ i₁juá'₄ dsa₂: “i₁Ně₅ jón'₅ dsa₂ ñe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!”

7 Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅.

8 Jaun₂ ca₂juá'₂ dsa₂ mí₂ i₂ñiá₂ i₂co₄ 'éi₂ ca₂tsí'₃ riin'₅₄ i₂ñio₄: “Cuë'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.”

9 La₁ ca₂ñag₃ dsa₂ mí₂ i₂ñio₄: “Jan₂'ón₄. Ia₁ con'₂ tsá₃ ñó₅ ně₁juá'₂ tsá₃ ca₂tín'₂ quián₂ jnia'₅₄ guio₅₄, on₃ guë'₂ quián'₂ 'nia'₂ tín'₂ ně₃. Co₂ñei'₅₄ guë'₄ dse₃ o₂no'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.”

10 La₁ tē₁lia'₂ i₂lén₂ 'éi₂ i₂lia₅ aceite, tē₃jē₄ jaun₂ ca₂guán'₃ dsa₂ ñe'₂ i₂lě₅ jág₁ jen'₂ gu₂. Dsa₂ mí₂ i₂tián'₅ lě₅ co₂jnia₅₄ ca₂i₃toin'₅₄ bá₄ co₂lě₅ quiong'₅₄ i₁guë'₂ ja₁niog₅ jmíg₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃.

11 Jme₁co₂lág₂ jaun₂, o₃len₅ i₂ñiá₂ 'éi₂, jaun₂ ca₂tóin'₂ ca₂tě₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!”

12 La₁ jaun₂ ca₂ñag₃ dsa₂ ñe'₂: “A₂dsi₂jó'₃ juá'₅, tsá₃ cuíng₅ 'ein₂ 'nia'₂.”

13 'Jaun₂ le₂ně₅, chan'₂ 'nia'₂ co₂jñiag'₅₄, ia₁ tsá₃ ñi'₅₄ 'nia'₂ 'e₂ 'ió'₄, 'e₂ hora guan'₂ Jaun₅ dsa₂ mi₂güig₃.

*Jág₁ jáng'₅ léi₄ jui₁lia'₂ 'a₂ lia'₂ lě₅ ca₂jmo₃ ún₂ dsa₂ quian'₅₄ a₂ca₂dsia₃ juig₅₄ o₄gú₃
(Lucas 19:11-27)*

14 'Con'₂ siá'₂ lě₅ ja₁gon₂ Diú₄ jui₁lia'₂ jan₂ dsa₂ i₂'en₅₄ jui₅ dsó₃ dsi₃ñí₃ uíng₂ juig₂ siá'₂. Jaun₂ ca₂tě'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄.

15 Jan₂ i₂ca₂cuë'₃ 'ñiá₂ mei₅ 'éi'₃ cu₄ talentos; jan₂ guë'₂ i₂ca₂cuë'₃ tin₃ mei₅, jan₂ guë'₂ caun₂ mei₅. Ca₂cuë'₃ le₂jan₂ dsa₂ 'éi₂ 'a₂ con'₂ jnia'₅₄ qui'₅₄ jmíg₄. Jaun₂ guë'₄ ñó₃ i₁ñí₃.

16 Dsa₂ i₂ca₂gue₃ 'ñiá₂ mei₅ 'éi'₃ cu₄ ně₃, ca₂jmói'₂ ta₁ cu₄ jaun₂, jaun₂ ca₂lí₃ con'₂ guë'₄ 'ñiá₂ mei₅ jmá'₃ a₂dsí₂.

17 Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí₃ con'₂ guë'₄ tin₃ mei₅ táng₃ a₂tě₁dsi₅₄.

18 La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuë'₃ juig₅₄, ca₂i₁'ó₄ né'₃ 'uë₃.

19 'Uě₂ lin₃ bá₄ i₁ñi₂ juig₅₄ ně₃; la₁ ca₂guáin'₃ jme₁ca₂guáin'₃ cang₂. Jaun₂ ca₂caun₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cuë'₃ cu₄.

20 Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín'₂ juig₅₄ con'₂ guë'₄ 'ñiá₂ mei₅ a₂tě₁dsi₅₄ a₂ca₂lí₃, jaun₂ juá'₂ tsí'₃ juig₅₄: “Te₁gui'₅₄, ca₂cuë'₅₄ 'ne₂ 'ñiá₂ mei₅; jag₄, la₂ ron₅ con'₂ guë'₄ 'ñiá₂ mei₅ táng₃ a₂ca₂lág₃.”

21 Jaun₂ ca₂juá'₂ juig₅₄: “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rē₃ti'₅₄; ca₂rē₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, ně₃ ně₃ 'lióng₂ guë'₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñio₃ dsi₅ co₂dsia₅.”

22 Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá'₂: “Te₁gui'₅₄, ca₂cuë'₅₄ 'ne₂ tin₃ mei₅; jag₄, la₂ ron₅ con'₂ guë₄ tin₃ mei₅ táng₃ a₂ca₂lág₃.”

23 Jaun₂ ca₂juá'₂ juig₅₄, “Ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rë₃ti'₅₄; ca₂rë₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, nē₃ nē₃ 'lióng₂ guë₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñió₃ dsi₅ co₂dsia₅.”

24 'La₁ jme₁ca₂dsióg₃ i₂ca₂gue₃ caun₂ mei₅, ca₂juá'₂ tsí'₅ juig₅₄: “Te₁gui'₅₄, guion₄ jniá₂ a₂líng'₅ jan₂ dsa₂ i₂tsá₃ 'e₂ ñéi₂ dsi₅, 'aun'₂ ja₁tsá₃ 'e₂ ca₂ñí'₂, ton'₂ cag'₅₄ ja₁tsá₃ 'e₂ ca₂séi'₃.”

25 'Uig₅₄ jaun₂ ca₂rë₃gó₅ jniá₂, ca₂i₁'ó₄ bá₄ jniá₂ cu₄ quiáng'₂ né'₃ 'uë₃. La₁, la₂ bá₄ ron₅ quiáng'₂.”

26 Jaun₂ ca₂ñag₃ juig₅₄: “jDsa₂ 'lin'₅₄ juí'₅! 'An₁, ñi'₅₄ bá₄ jaun₂ nē₃ a₂'on₂₃ ja₁tsá₃ 'e₂ ca₂jan₃, ton'₂ cag'₅₄ ja₁tsá₃ 'e₂ ca₂séi'₃.”

27 'Uig₅₄ jaun₂, jua'₅₄ banco bá₄ co₂ñei'₅₄ ca₂i₁tio'₂ cu₄ quió₃, ia₁jaun₂ jme₁guéi'₄ cu₄ quió₃ jë₁ma₂guáng'₃ lia'₂ jma₃quian'₅₄ a₂të₁dsi₅₄.”

28 Jñiá'₃ 'nia'₂ a₂caun₂ mei₅ chan'₂ i₂nē₅ jaun₂ nē₃, o₂cuë'₅₄ i₂chan'₂ guia₃ mei₅.

29 Ia₁ ju₁lia'₂ i₂ma₂le₁'io₅ 'lióng₂, të₂le₃ 'lióng₂ guë₄ ñei₂ bá₄, ia₁jaun₂ le₃cha₂ quió'₅ lia'₂ qui₂rë₂tsón₂; la₁ ju₁lia'₂ i₂tsá₃ 'e₂ le₁'io₅, le₂jio₅ a₂ca₂juig₄ a₂ma₂le₁'io₂₃, co₂dsia₅ jñia'₃ bá₄.”

30 Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄ tioen'₂ 'nia'₂ jë₄ qui₁né'₃, ja₁qui'₂- 'o₃ qui₃' jan₅₄ nē₃.”

Jë₁ma₂të₂ rë₁të₃dsi₅₄ 'éi'₃ ja₁con₂ dsa₂ mi₂güig₃.

31 Jë₁ma₂të₂ rë₁guan'₂ Jaun₅ dsa₂ mi₂güig₃ a₂lín₅ rag₅₄ jlán'₁ lin₃, a₂qui₂le₁lio₃ ángeles quiáin₅, jaun₂ guë₄ guá₃ ne₄ta₁ quió'₅ a₂'uain'₂ lin₃,

32 jaun₂ ñi'₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ guë₄ nē₃ jmo₃ jma₃quén₅ con'₂ ca₂tín₂ le₂jan₂ le₂jan₂ dsa₂ quian'₅₄ riin'₅₄, ju₁lia'₂ jmo₅ dsa₂ i₂jmo₅ 'í₁ já'₂ cha'₂, jmo₂₃ jma₃quén₅ já'₂ cha'₂ quian'₅₄ chein₄ lau₂.”

33 Të₂le₃ gu₂ ne₁ quió'₅, chein'₃ já'₂ cha'₂; chein₄ lau₂ guë'₂ të₂le₃ gu₂ jen₅.”

34 Jaun₂ nē₃, juá'₂ Rag₅₄ tsí'₅ i₂tión₂ të₂le₃ gu₂ ne₁: “I₂no'₄ 'nia'₂ i₂ma₂rë₂gon'₅₄ quián₅ Ne'₃; gue₄ 'nia'₂ a₂ca₂tíng'₂ ja₁gon₂ Diú₄, ja₁ma₂lë₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güig₃.”

35 Ia₁ ca₂ñi₃ jniá₂ 'ong₅₄, 'nia'₂ bá₄ i₂ca₂cuë'₅₄ a₂ca₂guë'₃; ca₂ñi₃ a₂rë₂quein₂ dsi₃ i₁gui'₄ jmig₂, 'nia'₂ bá₄ i₂ca₂cuë'₅₄ jmig₂ ca₂gui'₃; ca₂ñi₃ jniá₂ 'no₂₃ ja₁jan₁₂, 'nia'₂ bá₄ i₂ca₂cuë'₅₄ dsi₂néi₂ quiáng'₂ ca₂jan₅₄.”

36 Ca₂ñi₃ jniá₂ 'in₂ tsín'₅, 'nia'₂ bá₄ i₂ca₂cuë'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag'₄ bá₄ 'nia'₂.”

37 Jaun₂ nē₃, ñag₃ dsa₂ dsen₃ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cuë'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rë₂quein₂ 'au'₂, jaun₂ ca₂cuë'₁ jnia'₅₄ jmig₂ ca₂'én'₂?”

38 ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ 'núu'₂ ja₁jan'₄, jaun₂ jnia'₅₄ bá₄ ca₂cuë'₁ dsi₂néi₂ ca₂jñia'₅₄, o₃ ca₂ñi'₅₄ 'in₂ tsín'₂, jaun₂ jnia'₅₄ bá₄ ca₂cuë'₁?”

39 ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag₅₄ jnia'₅₄?”

40 Jaun₂ nē₃, ñag₃ Rag₅₄: “A₂dsi₂jó'₃ juá'₅ jniá₂, ca₂le₃jë₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá₂ bá₄ a₂ca₂jmo'₅₄ 'nia'₂.”

41 'Jaun₂ juá'₂ táng₃ Rag₅₄ tsí'₃ i₂tión₂ të₂le₃ gu₂ jen₅: “Jñia'₃ 'nia'₂ ja₁con₂ jniá₂, 'nia'₂ i₂tiong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmig₄ éi₃, ja₁lë₄ co₂jñia₅₄ quió'₅ i₂së₃dsen₃ quian'₅₄ ángeles quiáin₅.”

42 Ia₁ ca₂ŋi₃ jniá₂ i₁cón₅, 'nia'₂ ně₃ tsá₃ 'e₂ ca₂cuë'₅₄ a₂guë'₅₄; ca₂ŋi₃ rë₂quein₂ ds_{i3} i₁gui'₄ jmig₂, tsá₃ 'e₂ jmig₂ ca₂cuë'₅₄ 'nia'₂.

43 Ca₂ŋi₃ jniá₂ 'no₂₃ ja₁jan₁₂, tsá₃ ja₁ca₂cuë'₅₄ 'nia'₂ jan₅₄. Ca₂ŋi₃ 'in₂ tsín'₅, tsá₃ 'e₂ tsín'₅ ca₂cuë'₅₄ 'nia'₂. Ca₂tsán₁₂ dsong₅₄, jme₁ca₂'ú₃ né'₃ 'má₃ ně₃, tsá₃ ca₂i₁jag'₄ 'nia'₂.”

44 Jaun₂ ně₃, ŋag₃ dsa₂ 'éi₂: “Te₁gui'₅₄, ħlíg'₂ bá₄ jaun₂ ca₂né₄ jnia'₅₄ 'ne₂ a₂ŋi'₂ i₁cuang'₃, o₃ rë₂quein₂ 'au'₂ o₃ ca₂ŋi'₅₄ 'náu'₂ ja₁jan'₄, o₃ ca₂ŋi'₅₄ tsá₃ tsín'₂ cha₂ qui'₅₄, o₃ jme₁ca₂rë₃dsong'₅₄, o₃ lia'₂ con'₂ ca₂'ú₃ né'₃ 'má₃, tsá₃ ca₂jme₁'o₁ jnia'₅₄?”

45 Jaun₂ ŋag₃ Rag₅₄: “A₂dsi₂jó'₃ juá'₅ jniá₂, ca₂le₃jě₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig'₃ 'uin₃, o₄quió₃ jniá₂ bá₄ tsá₃ 'e₂ ca₂jmo'₅₄ 'nia'₂.”

46 Jaun₂ dsa₂ 'éi₂ ds_{i3}léin₂ ja₁dsi₃ŋag₅₄ uig₅ co₂tan₅₄, la₁ dsa₂ dsen₃ ně₃, ds_{i3}lein₅ ja₁le₃chain₂ co₂tan₅₄.

26

Ca₂quin'₃ dsa₂ jág₁ a₂tsáin'₂ Jesús

(Marcos 14:1-2; Lucas 22:1-2; Juan 11:45-53)

1 Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chi'₂ ds_{i2}guia₃-tín₂:

2 —Ma₂ŋi'₅₄ 'nia'₂ jaun₂, a₂tín₃ jmig₄ ně₃ te₅₄ Jmig₄ Të'in₅₄, ja₁jáng'₂ dsa₂ jín₂ Jaun₅ dsa₂ mi₂güig'₃ a₂tion₃ ne₄ cróg₄.

3 Jaun₂ ně₃, juig₅₄ jme₂dsa₂, quian'₅₄ të₅juá'₅, dsa₂ can'₅₄ quián₅ dsa₂ judíos ně₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás.

4 Ja₁jaun₂ ca₂quin₃ jág₁ quió'₅ a₂jmo₃ të₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ jŋang'₃.

5 Jaun₂ tioen'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ të₃ niog₅ jmig₄, jme₁né₄, ia₁ con'₂ tsá₃ ŋó₅ ně₁juá'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsáin₂ Jesús no'₅₄ mi₂juig₂

(Marcos 14:3-9; Juan 12:1-8)

6 Lia'₂ con'₂ 'en₅₄ guë'₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅,

7 jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guë'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús.

8 Jme₁ca₂jág₃ chi'₂ ds_{i2}guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tioen'₅₄:

—Tsá₃ ne₄ 'e₂ lë₃ ně₂'éin₂ a₂ně₅.

9 Jua'₅₄ co₂ŋei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ŋé₂.

10 Jme₁ca₂nág₂ Jesús jág₁ a₂dsia₂₃ tioen'₅₄, jaun₂ ca₂juá'₂:

—ħ'E₂ lë₃ cuë'₂ 'nia'₂ o₂me'₅₄ ds_{i5} 'io₅₄ la₂? A₂ně₂jmóg'₂ la₂ caun₂ a₂dse₃ bá₄.

11 Ca₂le₃jě₃ jmig₄ bá₄ i₂nió₄ dsa₂ te₂ŋé₂ jín'₄ 'nia'₂, la₁ jniá₂ ně₃ tsá₃ ma₃uë'₂ 'en₅₄ jniá₂ quian'₅₄ 'nia'₂.

12 Jui₁lia'₂ no'₅₄ mi₂juig₂ a₂ně₂tsáng₂ ni₁ŋi₃, jua'₂ a₂ma₂ně₂jmóg'₂ co₂jnia₅₄ jë₁ma₂tě₂ rë₁ong₃ bá₄.

13 A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsio₂g'₂ ds_{i5} dsa₂ 'iin₃ 'io₅₄ ně₅.

Jmo₅ Judas caun₂ jág₁ a₂'ni₂₃ Jesús

(Marcos 14:10-11; Lucas 22:3-6)

14 Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ňei₅₄ i₁dsia₂ jág₁ quian'₅₄ juig₅₄ jme₂dsa₂,

15 jaun₂ ca₂l₁jua'₄:

—¿Je₂liá'₂ cué'₁ 'nia'₂ ně₁jua'₂ jin'₄ jniá₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá'₂ 'éi'₃ cu₄tiog₂.

16 Jaun₂ ně₃ tē₃ne₄ juí₅ja₁ŋó₄ jaun₂, ca₂'náu'₃ Judas dsí₅'a₂lia'₂ cuin₃ jmíg₄ jín'₂ Jesús.

Má₃jē,ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23—26)

17 Jmíg₄ le₂'uig₅₄ a₂niog₅ Jmíg₄ Tē₂'in₅₄ a₂guě'₅ dsa₂ i₁ŋí'₄ a₂tsá₃ quian'₅₄ levadura, chi'₂ dsí₂guia₃-tín₂ ně₃ ca₂jme₃quiáin₃ ja₁con₂ Jesús ca₂ŋag₃:

—¿A₂já'₄ 'niog'₂ dsí₁jmó₁ jnia'₅₄ co₂jŋia₅₄ má₃ Jmíg₄ Tē₂'in₅₄ quiáng'₂?

18 Jaun₂ ca₂juá'₂ Jesús:

—O₂nó'₅ 'nia'₂ jē₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: “Le₂la₂ juá'₂ tē₅: Ma₂ja₂quián₃ hora quió₃, jaun₂ ja₁quiáng'₂ i₁guě'₃ Jmíg₄ Tē₂'in₅₄ co₂lě₅ quian'₅₄ chi'₂ dsí₂guia₃-tín₂ quiáng₃.”

19 Jaun₂ ně₃ i₃lén₂ bá₄ chi'₂ dsí₂guia₃-tín₂, jaun₂ ca₂jmo₃ con₂ lě₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jŋia₅₄ a₂guě'₃ Jmíg₄ Tē₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guá₅ Jesús ne₄ mesa co₂lě₅ quiain'₅₄ ta₁guia₃-tín₂ chi'₂ dsí₂guia₃-tín₂ quiáin₅.

21 Tē₃jē₄ tián'₄ guě'₅ jaun₂, ca₂juá'₂ Jesús:

—A₂dsí₂jó'₃ juá'₅ jniá₂, jan'₂ 'nia'₂ i₂'en₅₄ jē₄ la₂ bá₄ i₂jáng'₂ jniá₂.

22 Jaun₂ ně₃ ca₂tá'₂ 'lia'₂ dsí₅ 'ŋio₅ lín₃ bá₄ tián'₅, jaun₂ ca₂jme₃lióg₃ ca₂ŋí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

23 Jaun₂ ca₂ŋag₃ Jesús:

—I₂tiá₂ gu₂ co₂lě₅ 'ŋió'₃ uing₅ quian'₅₄ jniá₂, i₂'éi₂ bá₄ i₂jáng'₂.

24 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ juí₅lia'₂ con₂ lě₅ juá'₂ ne₄ Si₂; la₁ i'e₂guě₄ juíg₂ dsa₂ i₂jáng'₂! Dse₃ quió'₅ jua'₅₄ co₂ŋei'₅₄ bá₄ tsá₃ ca₂rě₃cháin₃.

25 Jaun₂ ně₃ Judas, dsa₂ i₂ma₂lě₂ dsí₅ jáng'₂, ca₂juá'₂:

—Tē₅, ¿On₁ jniá₂ bá₄ 'ág'₅ 'ne₂?

Jaun₂ ca₂ŋag₃ Jesús:

—'Ŋiag'₂ bá₄ ma₂ně₂jua'₅₄.

26 Tē₁lia'₂ tián'₅ guě'₅, ca₂jŋa'₃ Jesús i₁ŋí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsí₂guia₃-tín₂ quiáin₅, jaun₂ ca₂juá'₂:

—Qué'₂ 'nia'₂, ia₁ ŋí₃ bá₄ jniá₂ i₁ŋí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsí₂guia₃-tín₂, jaun₂ ca₂juá'₂:

—'Ēn'₂ 'nia'₂ ca₂le₃jíng'₃ a₂la₂,

28 ia₁ jmí₃ bá₄ jniá₂ la₂, a₂lí'₅₄ jág₁ 'mí₂ a₂tē₃ron₅₄, * a₂niog₅ dsí₃'o₅₄ o₄quió'₄ juin₅ dsa₂, ia₁jaun₂ 'ēn₂ dsáu₁.

29 Dsón'₂ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě₄ táng₃ vino ca₂lia'₂ ca₂tē₂ jmíg₄ i₁guí'₄ táng₃ caun₂ vino 'mí₂ co₂lě₅ quian'₅₄ 'nia'₂ ja₁gon₂ Ne'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

30 Jme₁ca₂lě₃ 'ē₂₃ jme₂juin'₂ Diú₄, jaun₂ guě₄ i₃lén₂ juí₅ Má'₂ Olivos.

31 Jaun₂ ca₂juá'₂ Jesús ca₂tsí'₃ chi'₂ dsí₂guia₃-tín₂:

* 26:28 'Nio'₂ ja₁ton₅ Éxodo 24:8; Hebreos 10:29; 13:20.

—Ca₂le₃jín'₃ bá₄ 'nia'₂ tiá'₃ jén'₂ 'au'₂ o₄quió₃ jniá'₂ a₂'uë₂ nē₃, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂, juá'₂: “Jñí'₄ jniá'₂ dsa₂ i₂jñia₅ já'₂ cha'₂, jaun₂ já'₂ cha'₂ nē₃ dsi₃lén₂ tsi₁rē₂jain₅₄.”†

³² La₁ cang₂ jē₁ma₂ca₂jeng'₅₄ táng₃, nei₅₄ jniá'₂ jñiá'₅ jui₅ Galilea lia'₂ con'₂ guē₄ 'nia'₂.

³³ Jaun₂ nē₃ ca₂ḡag₃ Pe₄:

—O₁jñia'₅₄ la₂ ca₂'ág₂ caun₂-tín₃ dsi₅ ca₂le₃jín'₃ ríng'₃, la₁ jniá'₂, o₁líg'₂ jmíg₄ tsá₃ 'ag₅₄ caun₂-tín₃ dsi₃.

³⁴ Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ nē₃, né'₃ a₂'o₃ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui'₂ jniá'₂.

³⁵ Jaun₂ ca₂ḡag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lē₅, o₁líg'₂ jmíg₄ jua'₅₄ a₂tsá₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín'₃ riin'₅₄ ján₃.

*Ca₂chi₃lén'₂ Jesús Diú₄ caun₂ja₁chei₂ Getsemani
(Marcos 14:32-42; Lucas 22:39-46)*

³⁶ Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsi₂guia₃-tín₂ quiáin₅ caun₂ ja₁chei₂ Getsemani, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄ Diú₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús nē₃ ca₂tá'₂ quian₅ o₂i₁ dsi₅ 'ñio₅ lin₃.

³⁸ Jaun₂ ca₂juá'₂ ca₂tsí'₃ i₂ún₂ i₂quiain'₅₄:

—'Nio₅ lin₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá'₂.

³⁹ Ca₂juig₄ bá₄ ca₂ḡó₃ guē₄ ne₄ jui₅. Ja₁jaun₂ ca₂lia'₂ ca₂i₃'ín₃ chi₁'in₅ ne₅₄ ca₂tē₂ 'uë₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá'₂ jmí₁uig₅ la₂. La₁ tsá₃ jui₁le₅₄ con'₂ 'nio₃ jniá'₂, jui₁le₅₄ bá₄ a₂'ñio₂ 'au'₂ 'ne₂.

⁴⁰ Jaun₂ nē₃, ca₂nau₂ Jesús, jaun₂ ca₂ḡái'₃ ja₁tián'₄ i₂ún₂ i₂quiain'₅₄, la₁ ma₂le₁güin₃ bá₄ guē'₂ 'éi₂ tián'₅; jaun₂ ca₂tē'₃ Pe₄, ca₂juá'₂:

—¿Tsa₁ ma₃tian'₃ guē₄ 'nia'₂ jua'₅₄ caun₂ hora bá₄ jme₁jnio₂ guē₄ 'nia'₂ ne'₅₄ quian'₅₄ jniá'₂?

⁴¹ Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

⁴² A₂ca₂tē₂ tin₃ ráun₂ ḡó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ḡag₅₄ jniá'₂ uig₅ la₂, jui₁le₅₄ bá₄ a₂'ñio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güin₃ bá₄ táng₃ 'éi₂ tián'₅, ia₁ a₂ñí₄ lē₃ ma₂i₁güin₃.

⁴⁴ Jaun₂ ḡó₃ bá₄ táng₃ jē₁ca₂tē₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄.

⁴⁵ Jaun₂ guáin'₃ nē₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Ní₂ 'nia'₂, ca₂tē₂ bá₄ hora nē₃. Ma₂rē₂jín'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄.

⁴⁶ Nau₂ 'nia'₂ nē₃, ma₃; ia₁ nē₅ ma₂já₅ i₂jáng'₂.

*Ma₂le₁te₂ dsa₂ Jesús
(Marcos 14:43-50; Lucas 22:47-53; Juan 18:2-11)*

† 26:31 Zacarías 13:7.

47 Tě₃jě₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂.
Jui₅ lín₃ dsa₂ i₂ja₂lén₂ quiong'₅₄ qui₂le₁quian'₅ ni₁tág₂, i₂le₁quian'₅ ni₁'ma₂ ně₃,
i₂chen₄ quián₅ juig'₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig'₂.

48 Jaun₂ Judas ně₃, ia₁ ma₂ca₂jmo₃ bá₄ jág₁ le₂jníá₅ 'e₂ léi₄ jmo₃ jě₁ma₂tě₂
rě₁jáng'₂, jme₁ma₂juá'₂:

—I₂chen'₄ jníá₂ quió'₅, i₂'éi₂ bá₄ jma'₅₄ 'nia'₂.

49 Jaun₂ dsi₂juí₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—iSiang'₃, tě₅!

Jaun₂ ca₂chen'₃ rě₂jú'₅ Jesús.

50 Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ě₂E₂ ta₁ ni'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂jñai'₃ Jesús, jaun₂ ca₂tág₃.

51 Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ni₁tág₂, ca₂ti₃ caun₂
rě₂gua₄ dsa₂ i₂jme₂ti₃ quián₅ jme₂dsa₂ dsen₅₄.

52 Jaun₂ ca₂juá'₂ Jesús:

—Tiá₃ táng₃ ni₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ni₁tág₂,
ján₃ bá₄ quian'₅₄ ni₁tág₂ dsián₃.

53 ě₂E₂ líng'₂? ě₂A₁tsá₃ lé₂ le₃jme₁mi₁₂ ne₄ Ne'₃, a₂chein₃ ja₁cong₂ guia₃-tín₂ mei₅
ángeles quiáin₅?

54 La₁ jua'₅₄ mei'₂ guě₃ le₂jaun₂, ě₂A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂
a₂dsi₃ni₃g₂ le₂la₂?

55 Jaun₂ juá'₂ Jesús tsí'₅ dsa₂:

—ě₂E₂? ě₂Ja₁nó'₅ 'nia'₂ le₁quian'₅₄ ni₁tág₂, ni₁'ma₂, ja₂chong'₂ jníá₂, ně₂jag₄ bá₄
lín₅ dsa₂ 'ang₂? Jua'₂ ca₂le₃jě₃ jmi₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅
guá'₅ templo, tsá₃ ma₂chong'₂ guě'₂ 'nia'₂ ja₁jaun₂.

56 La₁ ca₂le₃jě₃ a₂lě₂ la₂ rě₂ti₃ jág₁ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂.

Jaun₂ guě₄ qui₂ca₂cuíng₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

57 Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄.
Ja₁jaun₂ ma₂le₁ni'₂ tě₅juá'₅ quian'₅₄ guě₄ dsa₂ can'₅₄.

58 Pe₄ ně₃ ca₂hó₃ uíng₂ tě₂quín₃ 'ein₂₃ Jesús ca₂tě₂ i₁dsi₅ quió'₅ jme₂dsa₂ dsen₅₄.
Ja₁jaun₂ ca₂'i₃ ca₂guá'₂ quiain'₅₄ 'lióg₂, ia₁ 'nio₃ tě₅ ne₅₄ 'a₂ lia'₂ jnia'₅₄ dsióg₄
quian'₅₄ Jesús.

59 Jaun₂ juig'₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃,
qui₂ca₂'náu'₃ juí₅ 'a₂ lia'₂ jme₃cáin'₂ Jesús dso₄ quian'₅₄ jág₁ tě₂jág₁ ia₁jaun₂ jñag'₃.

60 La₁ tsá₃ dso'₂ guě'₂ 'a₂ lia'₂ jme₃cáu'₂, o₁jñia'₅₄ juin₅ i₂qui₂ca₂nau₂ jmo₂₃ jág₁
tě₂jág₁. Dsi₃lén₂ jme₁dsi₃lén₂ on₃ dsa₂,

61 jaun₂ ca₂juá'₂:

—I₂ně₅ ma₂ca₂juá'₂, “Qui'₅₄ jníá₂ jmi₄ lé₂ le₃'éng₄ guá'₅ templo quió'₅ Diú₄,
quian'₅₄ 'ni₅ jmi₄ bá₄ lé₂ le₃jmóg'₄ táng₃.”

62 Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃ Jesús:

—ě₂Tsa₁ 'e₂ ñag'₅₄ 'i₁caun₂? ě₂l₂'e₂ bá₄ jág₁ ně₅ a₂jáng'₅ dsa₂ a₂rě₂cáng'₄?

63 La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá'₂:

—Dsi₅₄ jníá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ tě₃dsón'₂ líng'₅
Ja₁ni'₅₄ Diú₄, I₂rě₂'ín₁ quiáin₅.

64 Jaun₂ ca₂ñag₃ Jesús:

—Ján₅, jniá₂ bá₄ 'éi₂, ju₁lia₂ i₁juá'₂ 'ne₂ ně₅. La₁ juá'₅ jniá₂ juí₂ 'nia'₂ ján₃, ca₂le₃jíng'₃, a₂já₅ jmig₄ a₂jag'₅₄ 'nia'₂ jing'₅₄ Jaun₅ dsa₂ mi₂güig₃ guá₃ tē₂le₃ gu₂ ne₁ Diú₄ i₂'uan'₂ guē₄ lín₃, a₂jñi₁ó'₂ jē₄ jnei₅ guei'₅₄ dsi₂güig₂ ně₃.

⁶⁵ Jme₂dsa₂ dsen₅₄ ně₃, jme₁ca₂nág₂ já₁ jaun₂, ca₂chein₃ ni₁tsin'₅₄ 'ñiog₅, ‡ jaun₂ ca₂juá'₂:

—i'E₂ guē₄ 'ñio₅ 'lig'₅₄ juá'₂ i₂nē₅ 'iin₂₃ Diú₄ quian'₅₄ já₁ ně₅ quió'₅! ¿E₂ guē₄ jmá'₃ já₁ 'lióng₂ 'niog₂ jniog₄ jua'₅₄ a₂jáng'₅ guē₄ dsa₂ sián'₂ já₁ dsau₅? Ma₂nē₂nei'₂ bá₄ 'nia'₂ guiong'₅₄ já₁ 'lig'₅₄ a₂ma₂nē₂juá'₂ i₂nē₅ 'iin₂₃ Diú₄.

⁶⁶ ¿A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jín₃ tioin'₅₄:

—I₂ca₂tín₂ jón₂ bá₄ ně₅.

⁶⁷ Jaun₂ qui₂ca₂'ñéi₃ dsa₂ dsi₂ne₄ Jesús tioin'₅₄, tsá₃ caun₂ a₂qui₂ca₂jmóg'₂. I₂lín₅₄ guē'₂ qui₂ca₂quein₃ tioin'₅₄,

⁶⁸ jaun₂ ca₂juá'₂:

—'Ne₂ guē'₂ i₂juá'₂ líng'₅ I₂rē₂'ín₁ quián₅ Diú₄: ¡Dsi₄ já₁ jua'₅₄ 'ein₂ ně₂quein₃ quiáng'₂!

Tsá₃ ca₂tion₃ Pe₄ a₂cu₁in₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Tē₃jē₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂tí₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ guē'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ ně₅.

⁷¹ Ca₂nau₂ Pe₄ ñó₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ ně₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ ně₅.

⁷² La₁ jme₁ca₂nág₂ Pe₄, tsá₃ ca₂tioin₃ táng₃ jē₃ 'iin₂₃ Diú₄, ca₂juá'₂:

—i'Tsá₃ dsa₂ 'éi₂ cuín₅ jniá'₂!

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Tē₃dsón'₂ bá₄ líng'₅ jan₂ rin'₅₄ 'éi₂, ia₁ ně₅ rē₂jniág'₂ 'a₂lia'₂ né'₂ jag'₅₄.

⁷⁴ Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ñí₂ 'e₂ dsi₃ñí₂, ca₂juá'₂:

—i'Tsá₃ dsa₂ 'éi₂ cuín₅ jniá'₂!

Tē₃jē₄ jaun₂ ca₂'o₃ jan₂ tē₁guí₄ dsó₂.

⁷⁵ Jaun₂ guē₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ tē₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guē₄ o₂'ín₃ Pe₄ tē₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lín₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ já₁ a₂jñi'₃ Jesús.

² Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

‡ 26:65 Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

3 Jme₁ma₂të₅ ne₄ Judas i₂ca₂'nag₃, a₂ma₂në₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jñin'₃ juig₅₄ jme₂dsa₂ quian'₅₄ gui'₅₄ can'₅₄.

4 Jaun₂ ca₂juá'₂:

—Ma₂në₂'no₃ jniá'₂ dso₄, ia₁ në₂jing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ dsí₅ jnia'₅₄. A₂ca₂tín'₂ 'ne₂ bá₄ jaun₂.

5 Con'₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñió₅ guá'₅ templo, jaun₂ ca₂o₃ 'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅.

6 Juig₅₄ jme₂dsa₂ në₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñió'₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

7 Jaun₂ ca₂jmo₃ caun₂ jág₁ a₂lá₃ caun₂ 'uë₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uë₃ ja₁'óin₂ jmá'₃ lia'₂ dsi₂nau₂.

8 'Uig₅₄ jaun₂ chei₂ ja₁jaun₂ ca₂të₂ jmig₄ në₃, 'Uë₃ Jmi₂.

9 Le₂në₅ ca₂rë₃ti₃ jág₁ a₂ca₂juá'₂ Jeremías, dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá'₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂.

10 Quian'₅₄ cu₄ jaun₂ ca₂lá₃ caun₂ 'uë₃ quió'₅ dsa₂ i₂jmo₅ ni₁dsig₁, lia'₂ con'₂ lë₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

11 Të₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ në₃ ca₂ñag₃:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂në₅ bá₄, ju₁lia'₂ juá'₂ 'ne₂ në₅.

12 Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tioin'₅₄. La₁ tsá₃ ma₃'e₂ ca₂ñag₃ Jesús.

13 Jaun₂ ca₂juá'₂ Pilato:

—¿Tsa₁ nag'₂ ca₂le₃jë₃ 'e₂ i₁juá'₄ dsa₂ në₅ 'ni₂₃ 'ne₂?

14 La₁ tsá₃ ma₃'e₂ ca₂ñag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

15 Jmig₄ jaun₂ jme₁chí'₄ tag₄ quió'₅ dsi₄má'₂ a₂lióin₂ ca₂le₃jë₃ ñi₂, jan₂ dsa₂ i₂'en₅₄ né₃ 'má₃, jme₁të₅ Jmig₄ Të₂'in₅₄, 'ein₂ ca₂'in₃ dsa₂ juig₂ i₂lión₂.

16 Jmig₄ jaun₂ jme₁rë₂jñí₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'liin'₅₄.

17 Të₃jë₄ le₁ñi'₂ dsa₂ jaun₂, ca₂ñag₃ Pilato ca₂ñi'₃ dsa₂ juig₂:

—¿I₂'ein₂ 'niog'₂ 'nia'₂ lon₄ jniá'₂ quián'₂ 'nia'₂? ¿Barrabás, o₃ Jesús i₂të'₂ dsa₂ I₂rë₂'ín₁ quián₅ Diú₄ 'e₂?

18 Ia₁ ca₂rë₃lí'₄ bá₄ Pilato 'ñiog₅, a₂'iog₅₄ uig₅ dsí₅ bá₄ dsa₂ ca₂jñin'₂ Jesús ne₅₄.

19 Të₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, të₃jë₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá'₂: “Tsá₃ lë₁tián₅ 'ne₂ cuente quió'₅ dsa₂ i₂tsá₃ 'e₂ rin₂ në₅. Ia₁ 'ñio₅ gau₂ qui₂chóg₂ i₃ñíg₂ ca₂néi₃ o₄quió'₄.”

20 La₁ juig₅₄ jme₂dsa₂ quian'₅₄ gui'₅₄ can'₅₄ në₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ jñi'₃ bá₄ Jesús.

21 Jaun₂ ca₂juá'₂ Pilato ca₂tsí'₃ dsa₂:

* 27:10 Jeremías 32:6-9; Zacarías 11:12-13.

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ηag₃ dsa₂ juig₂ tioin'₅₄:

—Barrabás bá₄.

²² Jaun₂ ca₂ηag₃ táng₃ Pilato ca₂ηii'₃ dsa₂ juig₂:

—¿'E₂ guë'₂ 'niog'₂ 'nia'₂ jmo₅₄ jniá₂ quian'₅₄ Jesús i₂tě'₂ dsa₂ I₂rë₂'ín₁ quián₅ Diú₄?

Jaun₂ ca₂ηag₃ co₂dsia₅ ca₂le₃jín₃ tioin'₅₄:

—¡Tióin₃ cróg₄!

²³ Jaun₂ ca₂ηag₃ táng₃ Pilato:

—¿'E₂ 'uig₅₄ ně₃? ¿'E₂ guë'₂ dso₄ ma₂'náu₂?

La₁ tē₂le₃ i₂jui'₂ guë'₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

²⁴ La₁ ca₂rë₃lí'₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tē₂le₃ 'ηio₅ lin₃ guë'₄ ju₁si co₂mi'₅₄ ca₂tóin'₂. Jaun₂ lē₃, ca₂chein₃ jan₂ dsa₂ i₁quian₅₄ jmig₂, jaun₂ ca₂rang₃ gu₂ tē₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rē₃cán'₄ jniá₂ jmi₄ dsa₂ ně₅; guion'₅₄ bá₄ 'nia'₂ rē₂cáng'₄ ně₁'e₂ ca₂jmai'₅₄.

²⁵ Jaun₂ ca₂ηag₃ ca₂le₃jín₃ dsa₂ juig₂ tioin'₅₄:

—¡jmi₄ 'mú₃ quió'₅ i₂nē₅, ju₁ dsi₂ηag₂ jnia'₅₄ 'e₂ dsi₃ηág₂, quian'₅₄ tsi₁jon₂ quián₂ jnia'₅₄ i₂nē₃ guë'₄ tē₁ja₃lén₂!

²⁶ Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ guë'₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

²⁷ Jme₁co₂lág₂ jaun₂, 'lióg₂ quián₅ dsi₄má'₂ ca₂ηjai₃ Jesús ju₁ i₁dsi₅ ne₄ta₁ jaun₂. Jaun₂ ca₂ηi'₂ ca₂le₃jín₃ 'lióg₂ le₃lág'₃ quió'₅ Jesús.

²⁸ Jaun₂ guë'₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃,†

²⁹ jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guë'₂ ni₁'ma₂ ta₅ gu₂ ne₁. Jaun₂ guë'₄ ca₂chi₃jnë₃ ne₄ Jesús tioin'₅₄, a₂lë₁qui₂co₂jmóg'₂, ca₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

³⁰ Ján₃ qui₂ca₂'ηéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂.

³¹ Jme₁ca₂lë₃ a₂lë₁co₂jmóg'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guë'₄ ca₂jio₃ ca₂tē₂ ja₁tē₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

³² A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmig₄ 'éi₂ a₂cán₂ cróg₄.

³³ Jaun₂ ca₂dsi₃lén₂ jme₁dsi₃lén₂ caun₂ ja₁chei₂ Gólgota, co₂'nió'₄ ja₁tē'₂ dsa₂ Dsi₂con'₂ Ni₁mu₅ Mi₂dsi₄ 'Lag₄.

³⁴ Ja₁jaun₂ ca₂jén'₃ dsa₂ ne₄ Jesús vino a₂rë₃cón'₅ quian'₅₄ dsí'₁ já'₂;‡ la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

³⁵ Jme₁ca₂lë₃ tion₂₃ cróg₄, 'lióg₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.§

³⁶ Ja₁jaun₂ ca₂tián'₂ jmo₂₃ 'í₁.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁quí₅ jmig₄ jaun₂. ‡ 27:34 co₂'nió'₄ caun₂ mí₅ a₂ηia₃ uig₅ quió'₅ dsa₂. § 27:35 A₂lin₅₄ chog₅₄ si₂ a₂ca₂lë₃ guë'₄ cang₂ juá'₂ le₂la₂ ján₃: “Le₂nē₅ ca₂lë₃ ca₂rë₃ti₃ jág₁ a₂ca₂juá'₂ dsa₂ i₂'ě₂ jág₁ quián₅ Diú₄ ma₂líg'₂, ja₁juá'₂: ‘Ca₂dsión'₂ dsa₂ ni₁tsin'₅; ca₂co₃ dsa₂ o₁ne₄ 'ein₂ lí'₂ 'mi'₂ quió'₃.’” Salmo 22:18.

37 Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂:
“I₂LA₂ B₄Á JESÚS, I₂LĪN₅ RAG₅₄ QUIÁN₅ DSA₂ JUDÍOS”.

38 Ján₃ bá₄ ca₂tioin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅.

39 Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄,

40 ca₂juá'₂:

—'Ne₂ guě'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄, ně₃ ně₃, lion₄ 'ñiag'₂. Sión₅ ja₁tong'₂ ně₅, chi₂jua'₂ dsón'₂ 'ne₂ líng'₅ Ja₁ñi'₅₄ Diú₄.

41 Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ ně₃, dsia₂₃ jág₁ qui₂tsí'₅ riin'₅₄, juá'₂:

42 —Ca₂lión₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₂. Chi₂jua'₂ i₂ně₅ lín₅ Rag₅₄ quián₅ dsa₂ juig₂ Israel, jui₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅.

43 I₂ně₅ guě'₂ juá'₂ 'ei₅ caun₂ dsí₅ ne₄ Diú₄; ně₃ ně₃ 'éi₂ jui₁lio₅₄ chi₂jua'₂ tē₃dsón'₂ bá₄ 'nioi₃ i₂ně₅; ia₁ 'ñiog₅ guě'₂ ma₂juá'₂ lín₅ Ja₁ñi'₅₄ Diú₄.

44 Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

45 Jme₁ca₂tě₂ dsi₂ñí'₃, * ca₂'ág₂ nei₂ le₂tan₅₄ le₂con₂ 'uě₃ jaun₂ ca₂lia'₂ ca₂tě₂ hora ñí₁ 'ni₅† tē₂le₃ ca₂'láu₂.

46 Hora jaun₂, ca₂'ñia₂ guě₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá₂?‡

47 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

48 Jaun₂ dsi₂jui₅ le₂jaun₂ ñó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂.

49 La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₁lio₅₄ quió'₅.

50 Con'₂ bá₄ ca₂'ñiog₂ guě₄ Jesús tiá₂ lín₃, jaun₂ guě₄ ca₂jáng'₃ jme₂dsí₂ quió'₅.

51 Hora jaun₂ dé₄ dsón'₂ co₂dsia₅ ca₂chen₃ ca₂tě₂ guei'₅₄ ca₂tě₂ 'uě₃ ca₂lě₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uě₃ guě'₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂;

52 tau₂ 'ñio₅ ně₃ qui₂ca₂niá₃ ca₂lě₃; ján₃ bá₄ qui₂ca₂jen'₅₄ juin₅ 'lag₄ jñi₅ quián₅ Diú₄ i₂ma₂dsan₃ le₂jñiá₅.

53 Qui₂ca₂'u₁in₂ tau₂ 'ñio₅; ca₂i₃toin'₅₄ Jerusalén ciudad jñi₅ jme₁ca₂jen'₅₄ Jesús, ton'₂ ca₂jme₃jñiai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ guě₄ dsa₂ i₂jme₁quian'₅₄ jmo₂₃ 'í₁ Jesús, jme₁ma₂tě₅ ne₅₄ dsi₂bi₅₄ 'uě₃ ma₂lě₂ ca₂le₃jě₃ guě₄ 'e₂ a₂ca₂lě₃ jaun₂, jaun₂ guě₄ ca₂rě₃gó'₅ 'ñio₅ lín₃; jaun₂ guě₄ ca₂juá'₂:

—Tě₃dsón'₂ bá₄ jme₁lín₄ i₂ně₅ Ja₁ñi'₅₄ Diú₄.

55 Jme₁tion'₅₄ juin₅ 'io₅₄ ja₁jaun₂ jág₅, tióin₂ uíng₂. 'Éi₂ ma₂ja₂lén₂ jme₂ti₃ ne₄ Jesús le₂tan₅₄ 'uě₃ Galilea.

56 Jín₄ 'io₅₄ 'éi₂ jme₁'en₅₄ María i₂chan₂ Magdala, quian'₅₄ María chog₅₄ Jacobo quian'₅₄ Sě₄; quian'₅₄ chog₅₄ chi'₂ quián₅ Zebedeo.

* 27:45 lit. “hora jñéi₂.” † 27:45 lit. “hora ñi₃.” ‡ 27:46 Salmo 22:1.

*Ca₂'on₃ Jesús**(Marcos 15:42-47; Lucas 23:50-56; Juan 19:38-42)*

⁵⁷ Jme₁ca₂tó'₂ nei₂ jmi_g₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rë₃'éin₂ le₃quió'₅ Jesús.

⁵⁸ 'Éi₂ ně₃, ňei₅₄ i₂jiin₁₂ Pilato, ca₂i₁mäi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂.

⁵⁹ Jaun₂ ně₃ ca₂tág₃ Sě₄, ca₂lio₃ rë₂ quian'₅₄ caun₂ tsi'₁mi'₂ le₂jě₃.

⁶⁰ Jaun₂ ca₂i₁tio'₂ 'ñió'₃ caun₂ tau₂ 'ñio₅ 'mí₂ quió'₅ 'ñiog₅, a₂jme₁ma₂guéi₃ dso'₂ ni₁'lau₂. Jaun₂ ca₂ñi₁ó'₃ ca₂míg₂ ni₁cang₁ li'₂ pa₁, ca₂jlě₂'o₄ tau₂ 'ñio₅, jaun₂ guě₄ ca₂ñái'₃.

⁶¹ La₁ María i₂chan₂ Magdala quian'₅₄ María jan₂ 'éi₂, jaun₂ bá₄ jme₁tiáin'₄ tē₂le₃ ja₁jniá₂ o₄'né₄ tau₂ 'ñio₅.

Jmo₅ 'lióg₂ 'í₁ tau₂ 'ñio₅

⁶² Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jñia₅₄ a₂'nió'₅ quió'₅ jmi_g₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃ ca₂ñi'₂ ne₄ Pilato,

⁶³ ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tē₂jág₁ 'éi₂ lia'₂ con'₂ jme₁chain₂ guě₄, a₂jein'₅₄ táng₃ a₂'ni₅ jmi_g₄.

⁶⁴ 'Uig₅₄ jaun₂, chen₅ 'lióg₂ jui₁dsi₂jmo₂ 'í₁ tau₂ 'ñio₅ ca₂lia'₂ ca₂tě₂ jmi_g₄ 'ni₅, ia₁ con'₂ tsá₃ ňó₅ ně₁jua'₂ ja₂lén₂ dsa₂ i₂jme₁quian'₅₄ tē₂, jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₁jua'₂ ca₂lě₃ le₂jaun₂, ja₂lin₃ guě₄ juě'₂ lé₂ jág₁ tē₂jág₁ jě₁ca₂tó'₂ ně₅, con'₂ guě₄ jág₁ tē₂jág₁ le₂'uig₅₄.

⁶⁵ Jaun₂ ca₂juá'₂ Pilato:

—Ně₅ tión₂ co₂'nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂ 'í₁ 'a₂ con'₂ jñia'₅₄ tian'₃ 'nia'₂ jmó'₂.

⁶⁶ Jaun₂ ca₂i₃lén₂ jaun₂ ně₃, i₁jmo₅₄ 'í₁ dse₃ lin₃ tau₂ 'ñio₅, ca₂tióng₃ caun₂ sello dso'₂ ni₁cang₁ a₂chi₁jni₅, jaun₂ ca₂chein'₃ co₂'nió'₃ 'lióg₂ i₂jmo₃ 'í₁.

28*Jmi_g₄ a₂ca₂jen'₅₄ Jesús**(Marcos 16:1-8; Lucas 24:1-12; Juan 20:1-10)*

¹ Ca₂ñi'₂ bá₄ jmi_g₄ sa₅₄. Jaun₂ ně₃, tē₂le₃ ca₂jnia₃ jmi_g₄ le₂'uig₅₄ semana, ca₂ñe₄ María i₂chan₂ Magdala quian'₅₄ María jan₂; ca₂i₁lein₅₄ i₁jag₅₄ tau₂ 'ñio₅ quió'₅ Jesús.

² Con'₂ tsá₃ rē₂jáin₁ dsi₂jui₅ le₂jaun₂ ca₂i₁bi₅₄ 'uě₃ tiá₂ lin₃ ia₁ a₂ca₂sión₃ guei'₅₄ i₂juig₃ jan₂ ángel quián₅ Te₁gui'₅₄. Ca₂tě₁tsin'₅₄ o₄'né₄ tau₂ 'ñio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂.

³ Ca₂lia'₂ tág₅ 'ñio₅ lin₃ jniái₂ jui₁lia'₂ tág₅ si₁ñí'₃. Tsin'₅₄ a₂qui'₂ guě'₂ tiog₂ jau₂ lin₃.

⁴ Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rě₃gó'₅ 'ñio₅ lin₃ ca₂jlein₃ ně₂jag₄ bá₄ tsá₃ dsí₅ chan₂ ca₂jén'₃.

⁵ Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniá₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄.

⁶ Tsá₃ 'éi₂ ma₃chan₂ ja₁lá₃; ma₂ca₂jein'₅₄ bá₄ táng₃ jui₁lia'₂ lě₅ ca₂juá'₂ 'ñiog₅. La₂ i₂jag₄ de'₂ 'nia'₂ ja₁jme₁rě₂quian₂₃.

7 O₂nó'₅ 'nia'₂ i₂ŋáú'₂ o₂chei'₅₄ chi'₂ dsi₂guia₃-tín₂ quiáin₅ a₂ma₂ca₂jein'₅₄ táng₃ ne₄ 'mú₃; ma₂'ein₅₄ jui₅ ŋó₅ ŋjái₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jii'₄ 'nia'₂. Jág₁ ně₅ ma₂ně₂juíg₂ 'nia'₂.

8 Jaun₂ ně₃ ca₂'uin₂ 'io₅₄ i₂ŋáú'₂, tē₃ ma₂gó'₅, ton'₂ jén'₅ rē'₂ 'io'₂ ján₃. Jaun₂ ca₂i₃lein₃ co₂chi'₅₄ i₁con₂ jág₁ ne₄ dsa₂ guia₃-tín₂.

9 Tē₃jě₄ i₂lein₃ jaun₂, con'₂ tsá₃ jáin₅ ca₂jme₃jnia₅ Jesús ne₅₄, ca₂juá'₂:

—iSiang'₃!

Jaun₂ ně₃ ca₂jme₃quiáin₃ con₂ Jesús, ca₂chi₃jnë₃ ca₂jmo₃ i₁'áin₃ ca₂tē₂ 'uě₃, ca₂quí'₃ cu₅ tag₄ Jesús.

10 Jesús ně₃ ca₂juá'₂:

—Tsá₃ lē₁jmo₂ 'nia'₂ gang'₃. O₂nó'₅ 'nia'₂ o₂con₄ jág₁ ne₄ ríng'₃ o₂chei'₅₄ 'nia'₂ jui₁ dsi₂lein₅ jui₅ Galilea, jaun₂ ja₁jaun₂ jág₂ jniá'₂.

Jág₁ a₂ca₂dsia₃ 'lióg₂

11 Tē₁lia'₂ i₃len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jě₄ juig₂ i₁con₂ jág₁ ne₄ juig₅₄ jme₂dsa₂ ca₂i₁jua'₄ ca₂le₃jě₃ 'a₂ lia'₂ niog₅ ca₂lě₃.

12 Juig₅₄ jme₂dsa₂ ně₃ ca₂ŋii'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cuě'₃ 'lióng₂ cu₄ 'lióg₂ 'éi₂,

13 ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: tē₁lia'₂ jme₁rē₂güin'₃ 'nia'₂ a₂'uě₂ ca₂dsi₃lén₂ dsa₂ i₂jme₁quaiin'₅₄, jaun₂ ca₂tág₃ 'lag₄.

14 Ně₁jua'₂ ca₂rě₃ŋi₅ dsi₄má'₂ jág₁ ně₅, la₂ bá₄ ne₄ jnia'₅₄ 'a₂ lia'₂ jme₁'uan₅₄ dsí₅ ia₁jaun₂ tsá₃ cán'₁ 'nia'₂ o₂i₁ dsi₅.

15 Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lě₅ jág₁ ca₂to'₂ dsa₂ 'éi₂. Jaun₂ le₂ně₅ bá₄ jág₁ 'ei₅ ca₂le₂con₂ le₁ŋi₅ dsa₂ judíos ca₂tē₂ jmig₄ ně₃.

Ca₂chen₃ Jesús chi'₂ dsi₂guia₃-tín₂ a₂dsi₃'ě₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

16 Jaun₂ ně₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ jui₅ Galilea, ca₂i₃lén₂ ja₁lě₄ caun₂ má'₂, lia'₂ con'₂ lě₅ ma₂ca₂juá'₂ Jesús le₂ŋjá₅.

17 Jaun₂ dsi₂jui₅ jme₁ca₂jii'₂ Jesús, ca₂chi₃jnë₃ ca₂jmo₃ i₁'áin₃, la₁ i₂lin₅₄ ně₃ tsá₃ caun₂ jme₁ma₂le₁'ág₄ dsí₅.

18 Jaun₂ ca₂jme₃quián₂ Jesús ja₁tióin₂, jaun₂ ca₂juá'₂:

—Ca₂le₃jě₃ bí₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃ ně₃ ma₂ca₂ŋig₂.

19 Jaun₂ lě₃, o₂nó'₅ 'nia'₂ ně₃ ca₂le₂con₂ mi₂güig₃, o₂jme₁tín₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂ jmig₂, lia'₂ con'₂ lě₅ 'éi'₃ quió'₅ Ŋe'₃, quian'₅₄ lia'₂ con'₂ lě₅ 'éi'₃ quió'₅ Ja₁ŋi'₅₄, * quian'₅₄ lia'₂ con'₂ lě₅ 'éi'₃ quió'₅ Jme₂dsí₂ ŋi₅,

20 o₂jme₁tín₅ 'nia'₂ a₂nag₃ gau₂ ca₂le₃jě₃ 'éi'₃ a₂ma₂cuě₃ jniá'₂ 'nia'₂. Jaun₂ ŋi'₅₄ 'nia'₂ ně₃, la₂ bá₄ 'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂ŋia₅ jmig₄ jě₁ca₂tó'₂.

Co₂ně₅.

* 28:19 'Nio'₂ ja₁ton₅, Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

*'Ē₂ Juan₅₄ jág₁ quió'₅ Diú₄ caun₂ 'uë₃ co₂'ηiog₅
(Mateo 3:1-12; Lucas 3:1-9, 15—17; Juan 1:19-28)*

¹ Le₂la₂ bá₄ ca₂rë₃lióg₃ jág₁ dse₃ quió'₅ Jesucristo, Ja₁ηi'₅₄ Diú₄. *

² Ju₁lia'₂ lë₅ tio'₅₄ ne₄ si₂ quió'₅ dsa₂ i₂jme₁'Ē₂ jág₁ quián₂ Diú₄ ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃
ne₄ ju₁ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güig₃,
jaun₂ jmo₃ co₂jñia₅₄ ju₁ quiáng'₂.†

³ Jaun₂ né'₂ 'Ē₂ dsa₂ 'éi₂ jág₁ co₂mi'₅₄
caun₂ 'uë₃ quein₂ co₂'ηiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄
ju₁ quió'₅ Te₁gui'₅₄ i₂jiá₃.

Nia₄ 'nia'₂ caun₂ ju₁ co₂dsau₅.”‡

⁴ Jaun₂ le₂la₂ ca₂rë₃ti₃ jág₁ në₅: Ca₂guan₃ Juan₅₄ caun₂ ja₁lë₄ 'uë₃ co₂'ηiog₅
ca₂choin₃ jmig₂ dsa₂, qui₂ca₂'Ē₂ jág₁ a₂tsón₃ dsa₂ jmig₂, jë₁ma₂ca₂dsi₃quén'₅ dsí₅
ia₁jaun₂ le₃'én₂ dsáu₁.

⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén në₃,
ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñí₃ quió'₅ ca₂le₃jë₃ dsáu₁.
Jaun₂ guë₄ ca₂cho₃ Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lë₄ quian'₅₄ ni₁jñí₁ já'₂ camello. A₂jme₁jén'₅ tú'₅ guë'₂
në₃, lo₄ já'₂. Má₃ a₂jme₁guë'₅ guë'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂.

⁷ Caun₂ ca₂ñi₃ bá₄ 'Ē₂ jág₁ dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guë₄ lia'₂ con'₂ guë₄ jniá₂, ca₂lia'₂
jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄.

⁸ Jniá₂ në₂tiáng₃ 'nia'₂ jmig₂; la₁ 'éi₂ guë'₂ në₃ tióg₂ Jme₂dsí₂ Jñiós₅.

*Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)*

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄.
Ja₁jaun₂ ca₂cho₃ Juan₅₄ jmig₂ ca₂choin₃ Jesús* Cuá₃ Jordán.

¹⁰ Jaun₂ dsí₂ju₁ jme₁ca₂'ηio₂ Jesús ne₄ jmig₂, ca₂jág₃ ca₂niá₃ dsí₄ mi₂güig₃.
Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂, ne₄ quió'₅.

¹¹ Jaun₂ ca₂né'₂ jág₁ a₂já₅ guei'₅₄ i₂juig₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lë₃ 'nióg₃ guë₄ lín₃; 'E₂ bá₄ 'ηio₂ dsí₃ quian'₅₄
'ne₂.

*Ca₂caun₃ i₂së₃dsen₃ táu₂ quió'₅ Jesús
(Mateo 4:1-11; Lucas 4:1-13)*

¹² Dsi₂ju₁ jaun₂ ca₂jio₃ Jme₂dsí₂ quián₅ Diú₄ caun₂ ju₁ 'uë₃ co₂'ηiog₅.

¹³ Jaun₂ ja₁jaun₂ ca₂'í₃ tē₂láu₃ jmig₄ ia₁jaun₂ cáun₂ táu₂ i₂së₃dsen₃. Ja₁jaun₂
jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

*Ca₂jme₃lióg₃ Jesús jme₂tñ₂₃ dsa₂ jág₁ dse₃
(Mateo 4:12-17; Lucas 4:14-15)*

* **1:1** A₂lín₅₄ chog₅₄ si₂ tsá₃ chi₁ton₅ “Ja₁ηi'₅₄ Diú₄.” † **1:2** Malaquías 3:1. ‡ **1:3** Isaías 40:3. § **1:5**
lit. “ca₂tióg₃ Juan₅₄ jmig₂” * **1:9** lit. “ca₂tióg₃ Juan₅₄ ca₂tián₂ jmig₂ Jesús.”

14 Jme₁ma₂ca₂ton' dsa₂ Juan₅₄ né' má₃, Jesús ně₃ ca₂nei₅₄ jui₅ Galilea i₁'ě₄ jág₁ dse₃ quió'₅ Diú₄,

15 juá'₂ ŋi₂₃:

—Ca₂dsin₃ jmig₄ a₂ja₂quián₃ a₂jme₃gón₃ Diú₄. Jaun₂ lě₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂tě'₃ Jesús quén'₂ dsa₂ i₂jme₁tion'₅₄ tsán'₂ ju₄
(Mateo 4:18-22; Lucas 5:1-11)

16 Co₂ráun₂ ca₂ŋi₅ Jesús chei'₅₄ jmi₁ŋi'₄ Galilea. Ja₁jaun₂ ca₂jii₂ Si₂mu₅₄ quiain'₅₄ Drě₄ riin'₅₄. Jme₁tion'₅₄ táun₂ 'má₅ dsi₂jmig₂, ia₁ jme₁liin'₄ dsa₂ i₂jmo₅ ta₁ tsán'₂ ju₄.

17 Jaun₂ ca₂juá'₂ Jesús:

—I₂nó'₅ 'nia'₂, jme₁quiong'₅₄ jniá₂, jaun₂ cuě₅₄ ta₁ a₂chi₁liang'₂ dsa₂ mi₂güig₃, jui₁lia'₂ chi₂lián'₁ 'nia'₂ ju₄.

18 Jaun₂ dsi₂jui₅ bá₄ i₃léin₂ quiong'₅₄; ja₁jaun₂ ca₂dsia₃ bá₄ tsi'₁ má₅ quió'₅.

19 Me'₂ bá₄ ja₁i₃léin₂ guě₄ jme₁ca₂jii₂ i₂chen₂ Jacobo quiain'₅₄ Juan₅₄ riin'₅₄, ja₁ŋi'₅₄ Zebedeo. Jme₁tion'₅₄ 'ŋió'₃ tsi₁mu₅ jmóg'₅ 'má₅ quió'₅.

20 Dsi₂jui₅ ca₂tě'₃ i₂'éi₂ ján₃; ca₂tén₂ bá₄ guě'₂ 'éi₂ ně₃ Zebedeo jmei₂ 'ŋió'₃ tsi₁mu₅ quián'₅₄ mozo quiáin₅.

Jan₂ dsa₂ i₂jme₁'en₅₄ jme₂dsí'₂ 'lin'₅₄ tě₂dsí'₅
(Lucas 4:31-37)

21 Jaun₂ dsi₃léin₂ juig₂ Capernaum. Caun₂ jmig₄ sa₅₄, ca₂'í₃ Jesús guá'₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃.

22 Ca₂le₃jín₃ i₂ca₂nág₂ ně₃ ca₂i₃gó'₃ dsí'₅ jág₁ quió'₅, ia₁ ca₂jme₃tag₂₃ jui₁lia'₂ jē₁jme₂tag₅ jan₂ i₂'io₅ 'éi'₃, on₃juá'₅₄ rě'₂ jui₁lia'₂ jme₂tag₅ tě₅juá'₅.

23 Jě₄ jaun₂ ca₂dsióg₃ jan₂ dsa₂ i₂'en₅₄ jme₂dsí'₂ 'lin'₅₄, ca₂juá'₂ guió'₅ tiá₂:

24 —ǎ'_{E2} lě₃ tián'₅ 'ne₂ Jesús Nazareno† jě₄ quián₂ jnia'₅₄? A₂ŋia'₅₄ 'niog'₂ 'éng'₄ jnia'₅₄ bá₄ 'ne₂ ŋe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jŋi₀5 quián₅ Diú₄.

25 Jaun₂ ca₂jén₂ Jesús i₂'lin'₅₄ i₂'en₅₄ tě₂dsí'₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ ně₅.

26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uě₃, ca₂guió'₃ tiá₂. Jaun₂ guě₄ o₂'iin₃ jaun₂ ně₃.

27 Jaun₂ ca₂le₃jín₃ dsa₂ i₂ca₂tě₂ ne₄ ca₂i₃gó'₃ dsí'₅, qui₂ca₂ŋi'₃ riin'₅₄, ca₂juá'₂:

—ǎ'_{E2} bá₄ ně₅? ǎ'_{An1} a₂ně₅ bá₄ juá'₅ 'mí₂? i₁Io₅ 'éi'₃ i₂ně₅ ca₂tě₂ ne₄ quió'₅ i₂'lin'₅₄, jaun₂ 'éi₂ ně₃ nag₂₃ gau₂ jág₁ quió'₅!

28 Jaun₂ dsi₂jui₅ bá₄ ca₂i₃'ág₃ jág₁ quió'₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

29 Jaun₂ dsi₂jui₅ jme₁ca₂'u₁in₂ guá'₅, ca₂ŋó₃ quiain'₅₄ Jacobo, Juan₅₄ ně₃, ja₁quió'₄ Si₂mu₅₄ quián'₅₄ Drě₄.

30 Ma₂chog₅₄ Si₂mu₅₄ ně₃ jme₁roin₂₃ dso'₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso'₅₄ 'éi₂ ca₂tsí'₃ Jesús.

31 Jaun₂ ně₃ ca₂jme₃quiáin₃ con₂ dsa₂ dso'₅₄, ca₂jŋa'₃ gu₂, ca₂chó'₂ jaun₂ ně₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ ně₃ ca₂jme₃lióg₃ ca₂jme₃ti₃ ta₁ ne₄ 'éi₂ tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Lucas 4:40-41)

† 1:24 o₃, “i₂chan₂ Nazaret.”

32 Jme₁ma₂r_{in}₂ 'iog₂ jmi_g₄ jaun₂, ca₂o₃j_nia₃ dsa₂ ne₅₄ ca₂le₃j_{in}₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ ně₃.

33 Ca₂le₃j_{in}₃ dsa₂ juig₂ bá₄ ca₂ŋi'₂ o₄'né₄.

34 Jaun₂ Jesús ně₃ ca₂jme₃'lióin₂ dsa₂ ca₂le₃jě₃ ne₅₄ dso₄ a₂jme₁l_{in}₄. Qui₂ca₂'u_{in}₂ rě'₂ ju_{in}₅ je₂na'₅₄ ně₃. La₁ tsá₃ ma₃ca₂cuē₃ Jesús jmi_g₄ jua'₅₄ a₂juá'₂ guě₄ je₂na'₅₄ jág₁, ia₁ ŋi₅ bá₄ je₂na'₅₄ 'ein₂ 'éi₂.

Ca₂'ě₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂ ja₁tén₄ Galilea (Lucas 4:42-44)

35 Le₁né₃ guě₄ jme₁j_nia₃ jaun₂, ca₂nau₂ Jesús o₂'in₃ 'ni'₂ juig₂, caun₂ ja₁lě₄ co₂'ŋiog₅, i₁chi'₄ Diú₄.

36 Jaun₂ ŋó₃ Si₂mu₅₄ quiain'₅₄ r_{in}₅₄ i₁'niong'₂.

37 Jme₁ca₂dsáu'₂ ně₃, ca₂juá'₂:

—Ca₂le₃j_{in}₃ dsa₂ i₂nioi₅₄ 'nai'₂ 'ne₂.

38 La₁ Jesús ně₃ ca₂ŋag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

39 Jaun₂ le₂ně₅ ca₂i₁ŋi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'u_{in}₂ je₂na'₅₄ tě₂dsí₅ dsa₂ ně₃.

Ca₂jme₃'lión₂ Jesús dsa₂ i₂l_{in}₅ 'mé'₅ 'iog₅ (Mateo 8:1-4; Lucas 5:12-16)

40 Ca₂guan₃ jan₂ dsa₂ dso'₅₄ i₂l_{in}₅ 'mé'₅ 'iog₅ coin₂. Jaun₂ ca₂chi₃j_né₃ ne₅₄, ca₂juá'₂:

—Chi₂jua'₂ 'ŋio₂ 'au'₂, j_nia'₅₄ lia'₂ 'ne₂ bá₄ qui'₅₄ jmi_g₄ jmó'₂ le₁jě₃ quió₃.

41 Jaun₂ ca₂dsia₃ Jesús ŋéi₂ dsí₅ dsa₂ 'éi₂, ca₂néi'₃ gu₂ ca₂ŋi'₂ quió'₅, jaun₂ ca₂juá'₂:

—'Ŋio₂ bá₄ dsi₃. Ju₁le₅₄ le₁jě₃ quiáng'₂.

42 Dsi₂ju₅ le₂jaun₂ ca₂j_nia'₃ 'mé'₅ 'iog₅, ca₂'lón₂ dsa₂ 'éi₂.

43 Jaun₂ ca₂dsióg'₂, ca₂juá'₂:

44 —La₁ tě₃ŋi'₅₄ tsá₃ 'ein₂ i₂juig'₂ 'i₁jan₂. J_nia'₅₄ gua₂ o₂jme₁j_nia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,‡ o₂jang'₅₄ jág₁ dsau₅ j_nia₄ dsa₂ juig₂ a₂ma₂'lóng'₂.

45 La₁ dsa₂ 'éi₂ ně₃ tě₂le₃ i₂jui'₂ guě₄ ca₂dsia₃ bá₄ jme₁o₂'in₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lě₂ 'í₂ Jesús jě₄ juig₂ tě₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁j_nia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rě₂já'₃ quió'₅ (Mateo 9:1-8; Lucas 5:17-26)

1 Cang₂ jaun₂ ca₂'í₃ táng₃ Jesús jě₄ juig₂ Capernaum. Jaun₂ ca₂rě₃ŋi₅ dsa₂ a₂ma₂dsiáin'₃.

2 Jaun₂ dsi₂ju₅ bá₄ ca₂ŋi'₂ dsa₂ ju_{in}₅ l_{in}₃, ca₂lia'₂ j_nia'₅₄ tsá₃ ma₃tě₂ ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂.

3 Jaun₂ ca₂dsi₃lén₂ co₂nió'₃; jě₄ jaun₂ i₃lén₂ quén₂ le₁j_nia₂₃ jan₂ dsa₂ i₂rě₂já'₃ quió'₅.

‡ 1:44 'Éi'₃, quió'₅, Moisés: 'Í₂ Levítico 14.

⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsi'₁né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsi₂in₂ caun₂ tsi₁jein₁.

⁵ Jme₁ca₂rē₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rē₂'én₄ bá₄ dsáu'₂.

⁶ Jaun₂ i₂lin₅₄ tē₅juá'₅ i₂jme₁tián'₄ jē₄ jaun₂, ca₂i₃jio₅ dsí₅:

⁷ “¿'E₂ lē₃ juá'₂ i₂nē₅ le₂nē₅? A₂'in₅ 'lig'₅₄ Diú₄ bá₄ i₂nē₅. 'I₁jan₂ tsá₃ 'ein₂ lé₂ le₃ 'én₂ dsáu₁ dsa₂, ŋjia'₅₄ lia'₂ jan₂ Diú₄ bá₄.”

⁸ La₁ ma₂ŋi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tián'₅, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ le₂nē₅?

⁹ ¿'E₂ a₂quian₅ guē₄ ta₁, a₂juig₅₄ jniá₂ dsa₂ 'lian'₂ nē₅: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?”

¹⁰ La₁, ia₁ jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂cáun₃ tsi₁jein₁ quió'₅, tē₃ jág₅ dsa₂. Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂nē₅.

Ca₂tē'₃ Jesús Leví

(Mateo 9:9-13; Lucas 5:27-32)

¹³ Con'₂ siá'₂ táng₃ ca₂ŋó₃ Jesús chei'₅₄ jmi₁ŋí'₄. Jaun₂ dsi₃lén₂ dsa₂ juin₅ ca₂ŋi'₂. Jaun₂ qui₂ca₂jme₃tag₅ Jesús jág₁ dse₃.

¹⁴ Jme₁ca₂ŋi₅ ja₁ jaun₂, ca₂jín₂ Leví* ja₁ŋi'₅₄ Alfeo, guá₅ 'éi₂ gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ŋó₃ quiong'₅₄.

¹⁵ Jme₁ma₂'en₅₄ Jesús guē'₅ ja₁ quió'₄ Leví; ja₁ jaun₂ jme₁le₁ŋi'₂ juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂ “i₂le₁cán'₄ dso₄” nē₃, tián'₅ co₂lē₅ guē'₅ quian'₅₄ Jesús quian'₅₄ dsa₂ quián₅, ia₁ i₂juin₅ lin₃ i₂le₂'éi₂ ma₂quian'₅₄ ŋi₂₃.

¹⁶ Jaun₂ jme₁ca₂jág₃ tē₅juá'₅ quián₅ dsa₂ fariseos a₂guē'₅ Jesús co₂lē₅ quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿'A₂ bá₄ lia'₂ guē'₅ tē₅ quián'₂ 'nia'₂ quian'₅₄ dsa₂ 'lin'₅₄ i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ nē₃?

¹⁷ Jaun₂ jme₁ca₂nág₂ Jesús jág₁ nē₅, jaun₂ ca₂ŋag₃:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, ŋjia'₅₄ lia'₂ dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃ jniá₂ a₂tē₄ dsa₂ dsen₃, a₂tē₄ dsa₂ i₂qui₂le₁cán'₄ dso₄ bá₄ jniá₂ guio₃.

Ca₂ŋí'₃ dsa₂ Jesús ju₁lia'₂ jág₁ a₂jme₂'in₅₄ dsa₂

(Mateo 9:14-17; Lucas 5:33-39)

¹⁸ Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂ i₂tén₅ le₃quió'₅ dsa₂ fariseos nē₃, jme₁jme₂'in₅₄. Jaun₂ dsi₃lén₂ i₂lin₅₄ ca₂ŋí'₃ Jesús:

—¿'E₂ 'uig₅₄ jme₂'in₅₄ dsa₂ i₂in₄ quian'₅₄ Juan₅₄, dsa₂ quián₅ fariseos nē₃, ton'₂ tsá₃ jme₂'in₅₄ guē'₂ dsa₂ quián'₂ 'ne₂?

¹⁹ Jaun₂ ca₂ŋag₃ Jesús:

—¿Lé₂ le₃jme₃'in₅₄ jui₁lia'₂ dsa₂ i₂té₄ ja₁niog₅ jmig₄ ja₁jen'₂ gu₂ dsa₂, tē₁lia'₂ quiong'₅₄ dsa₂ ŋe'₂ i₂jén'₂ gu₂? Ma₁ tsá₃ le₂jaun₂ jmo₅ dsa₂, tē₁lia'₂ quiong'₅₄ 'éi₂.

²⁰ La₁ jiá₃ caun₂ jmig₄ a₂ŋjia'₃ dsa₂ i₂jén'₂ gu₂ 'éi₂. Jaun₂ guē₄ lé₂ le₃jme₃'in₅₄.

* 2:14 Leví i₂tē'₂ Mateo ján₃.

21 'Ma₁ tsá₃ jmo₅ dsa₂ jua'₅₄ a₂tióng₅ quian'₅₄ 'nau₅₄ 'mi'₂ 'mí₂ tsi'₁ 'mi'₂ gui'₅₄, ia₁ dsáu'₅ tsi'₁ 'mi'₂ 'mí₂ jē₁ ma₂ jñi₂. Jaun₂ juē'₂ guē₄ jē₁ gag₂ lē₂ tsi'₁ 'mi'₂ gui'₅₄.

22 On₃ guē₄ jmo₅ dsa₂ jua'₅₄ a₂tia'₂ vino 'mí₂ 'ñió'₃ ni₁lau₂ gui'₅₄. Ia₁ guéi₃ ni₁lau₂ gui'₅₄ quian'₅₄ dsió'₁ vino 'mí₂. Dsi₂ 'én₂ bá₄ vino, lia'₂ ni₁lau₂ ně₃. Jaun₂ 'ñió'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁ jaun₂ tsá₃ dsi'₃ 'én₂.

Ca₂gág₃ dsa₂ quián₅ Jesús mí₂ trigo jmi₄ sa₅₄
(Mateo 12:1-8; Lucas 6:1-5)

23 Caun₂ jmi₄ sa₅₄ ca₂ñi₅ Jesús quiain'₅₄ dsa₂ quián₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ ně₃ ca₂jme₃lióg₃ qui₂ca₂gág₃ mí₂ trigo jme₁ca₂ñi₅ ja₁jaun₂.

24 Jaun₂ ně₃, ca₂juá'₂ dsa₂ fariseos:

—¿'E₂ lē₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmi₄ sa₅₄?

25 Jaun₂ ca₂ñag₃ Jesús:

—¿Tsa₁ ma₂ 'í₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rē₃ 'ín₂ quió'₅, a₂ca₂lē₃ i₁cón'₅?†

26 Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂gué'₃ i₁ñí'₄ jñió₅ a₂'i₄ 'éi'₃ a₂gué'₅ jmá'₃ jme₂dsa₂. Jaun₂ ca₂cué'₃ dsa₂ i₂jme₁quiain'₅₄ ně₃.

27 Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig₃ bá₄ ca₂lē₃ jmi₄ sa₅₄, on₃jua'₅₄ rē'₂ o₄quió'₄ jmi₄ sa₅₄ ca₂jmó'₂ Diú₄ dsa₂ mi₂güig₃.

28 Jaun₂ lē₃, Jaun₅ dsa₂ mi₂güig₃ bá₄ i₂'io₅ 'éi'₃ ne₄ quió'₅ jmi₄ sa₅₄.

3

Jan₂ dsa₂ i₂'lia'₂ caun₂ mi₂gu₂
(Mateo 12:9-14; Lucas 6:6-11)

1 Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂.

2 Jaun₂ ca₂tiog₃ dsa₂ ca₂tiaín₃ Jesús, o₁ne₄ chi₂jua'₂ jme₃'lióín₂ dsa₂ 'éi₂, tē₃ jmi₄ sa₅₄, ia₁jaun₂ chain₂ bí₂ a₂bóín'₂ dso₄ Jesús.

3 Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Ñia₅, dsi₂jo₂ la₂ nau₂.

4 Jaun₂ ca₂ñag₃ Jesús ca₂ñí'₃ dsa₂ i₂tion'₅₄ jág₅:

—Jui₁lia'₂ jmi₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lióín₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lē₁tióín₂ tei₄ le₂jaun₂ bá₄ dsa₂.

5 Jaun₂ 'ne₂ Jesús ca₂jíin₂ dsa₂ i₂tion'₅₄, co₂'na₂ guē'₂ qui'₂ dsí₅, ia₁ a₂ñí₄ lē₃ tsá₃ ñí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃.

6 Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jñi'₃ Jesús.

Jui₅ dsa₂ tion'₅₄ chei'₅₄ jmi₄

7 Jaun₂ ca₂ñó₃ táng₃ Jesús jui₅ chei'₅₄ jmi₁ñí'₄ quian'₅₄ dsa₂ i₂quiain'₅₄. Jaun₂ jui₅ lín₃ dsa₂ chan₂ Galilea ca₂jme₃quiong'₅₄ ně₃.

† 2:25 'Nio'₂ ja₁ton₅ 1 Samuel 21:6.

8 Jme₁ca₂rē₃ŋi₅ dsa₂ ca₂le₃jě₃ 'e₂ a₂niog₅ lě₂ a₂jmo₅ Jesús, ca₂o₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ŋo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃jün₅₄ Jesús.

9 Jaun₂ ca₂tsí'₃ Jesús dsa₂ quiáin₅, a₂jmo₃ co₂jñia₅₄ caun₂ tsí₁mu₅, ia₁ con'₂ tsá₃ ŋó₅ ně₁juá'₂ ca₂quíin'₃ jün₄ dsa₂.

10 Ia₁juin₅ lin₃ dsa₂ dso'₅₄ ma₂ca₂jme₃'lióin₂ le₂jñiá₅. Jaun₂ ně₃, ca₂le₃jín₃ dsa₂ dso'₅₄ tióin'₅₄ co₂'liain'₂ riin'₅₄ ca₂lia'₂ qui₂co₂dsin₅₄ Jesús, ia₁ a₂'nio₃ qui₃ní'₃ quió'₅.

11 Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jné₃, tióin'₅₄ co₂mi'₅₄, juá'₂:

—i'Ne₂ líng'₅ Ja₁ŋi'₅₄ Diú!₄

12 Jaun₂ lě₃ ca₂jmo₃ Jesús 'éi'₃ a₂tsá₃ jme₃jniog₂₃.

*Ca₂quión'₂ Jesús chi'₂ dsi₂guia₃-tín₂
(Mateo 10:1-4; Lucas 6:12-16)*

13 Cang₂ jaun₂ ca₂l₃lén₂ caun₂ ja₁lě₄ dsi₂con'₂. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂o₃lén₂ 'éi₂ ja₁chéin'₄.

14 Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'ě₃ jág₁,

15 ia₁jaun₂ 'io₃ 'éi₂ bí₂ ján₃* a₂le₃'uúin'₂ je₂na'₅₄ dsí₅ dsa₂.

16 I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě'₂ Jesús Pe₄;

17 Le₂on₃ ja₁ŋi'₅₄ Zebedeo: Jacobo quian'₅₄ Juan₅₄, i₂ca₂tě'₃ Jesús Boanerges, co₂'nió'₄ a₂juá'₂, jaun₅ ŋí'₃;

18 Drě₄, Fe₂li₄, Bartolomé, Tě₅₄, To₁má₄ ně₃; Jacobo ja₁ŋi'₅₄ Alfeo. Tadeo, Si₂mu₅₄ i₂lín₅ cananista;†

19 Judas Iscariote ně₃, dsa₂ i₂ca₂jín'₂ Jesús.

*Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-32; Lucas 11:14-23; 12:10)*

Jaun₂ ca₂dsián'₃ Jesús jme₁ca₂dsiáin'₃ caun₂ dsi₂néi₂.

20 Con'₂ guě'₂ siá'₂, ca₂ŋi'₂ táng₃ dsa₂ juin₅ lin₃, jñia'₅₄ tsá₃ jün₅₄ guě'₃ quian'₅₄ chi'₂ dsi₂guia₃-tín₂.

21 Jme₁ca₂rē₃ŋi₅ o₁riin'₅₄, jaun₂ ca₂o₃lén₂ a₂jme₁tsáun'₂ tē₂, ia₁ 'ei₅ jág₁ a₂lě₁ma₂tě₂'i₂₃ ŋi₂₃.

22 Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmig₄ 'uúin'₂ je₂na'₅₄ tion'₅₄ dsí₅ dsa₂.

23 Jaun₂ lě₃ ca₂tě'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng'₅ léi₄:

—¿A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ŋiog₅ quió'₅ dsa₂?

24 Ně₁juá'₂ co₂'nió'₃ dsi₂tan₅₄ ca₂'nió'₃ mi'₅₄ quian'₅₄ riin'₅₄, dsi₂tan₅₄ 'éi₂ tsá₃ uě₂ lé₂ le₃tóin'₃.

25 Ně₁juá'₂ dsa₂ dsi₂néi₂ tióin'₅₄ mi'₅₄ quíin'₂, ján₃ bá₄ le₂jaun₂ tsá₃ uě₂ tió'₅.

26 Ně₁juá'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ŋiog₅, ján₃ bá₄ le₂jaun₂ tsá₃ uě₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ ně₁juá'₂ le₂jaun₂.

27 "I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ ju₁lia'₂ jan₂ dsa₂ 'uan'₂, jua'₅₄ a₂jñiá'₂ dsa₂ a₂te₁'i₁ quió'₅, jñia'₅₄ lia'₂ a₂'nei'₂ bá₄ de'₂ jñiá₅ dsa₂. Jaun₂ bá₄ lé₂ le₃jñia'₃ a₂cha₂ quió'₅.

* **3:15** A₂lin₅₄ chog₅₄ si₂ juá'₂ ján₃: "a₂jme₃'lióin₂ dsa₂ dso'₅₄." † **3:18** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ŋí₄ lě₃ mei'₂ tsá₃ ca₂ne₅₄ a₂chein₂.

28 'A₂dsi₂jó₃ juá₅ jniá₂, a₂lé₂ le₃'én₂ ca₂le₃jě₃ bá₄ dsá₁ dsa₂, ca₂le₃jě₃ 'e₂ a₂'lig'₅₄ juá₂ ně₃.

29 La₁ ně₁juá'₂ ca₂juá'₂ 'lig'₅₄ 'in₂₃ Jme₂dsi₂ Jnió₅, tsá₃ ma₃a₁jaun₂ lé₂ le₃'én₂ dsá₁. A₂rě₂cáin'₄ ca₂le₃jě₃ jmi₄ chain₂ bá₄ jaun₂.

30 Le₂ně₅ ca₂juá'₂ ia₁ dsia₅ dsa₂'ag₂₃ 'ein₅₄ jme₂dsi₂ 'lin'₅₄.

Chi'₂ rin'₅₄ Jesús quian'₅₄ chog'₅₄

(Mateo 12:46-50; Lucas 8:19-21)

31 Jaun₂ ca₂dsi₃lén₂ chi'₂ rin'₅₄ Jesús, quian'₅₄ chog'₅₄ ně₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂tě'₂ Jesús.

32 Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, ně₅ tián'₅ ca₁'né₄, a₂'nai'₂ 'ne₂.

33 Jaun₂ ca₂ḡag₃:

—č'Ein₂ 'éi₂ lín₅ cha₃ jniá₂, rín'₃ jniá₂ ně₃?

34 Jaun₂ ca₂jín₂ dsa₂ i₂tián'₅ cau₅ quió'₅, jaun₂ ca₂juá'₂:

—jJag₄! I₂la₂ bá₄ lín₅ cha₃, ríng'₃ ně₃.

35 Ia₁ jui₁'ein₂ guě₃ i₂jmo₅ a₂'ḡio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ ně₃.

4

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂

(Mateo 13:1-9; Lucas 8:4-8)

1 Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ḡí'₄. Ia₁ jui₁lin₃ dsa₂ ca₂lě₃ ně₃ ca₂ḡi'₂ ja₁chéin'₄, jaun₂ ca₂'í₃ 'ḡi₃ tsí₁mu₅ 'ei₅ chei'₅₄ jmi₂; jaun₂ ja₁jaun₂ ca₂guá₂. Dsa₂ guě'₂ ně₃ ca₂tóin'₂ chei'₅₄ jmi₂.

2 'Lióng₂ jág₁ dse₃ ca₂jme₃tag₂₃ tē₂le₃ quian'₅₄ jág₁ a₂jáng'₅ léi₄. Jě₄ juá'₅ quió'₅ a₂jme₂tag₂₃, ca₂juá'₂:

3 —Nei₂ 'nia'₂: Jan₂ dsa₂ ca₂ḡe₄ ja₁nau₂ ca₂i₁séi₄ míg₂ jon₂.

4 Jme₁ma₂'ein₅₄ séi₂ ně₃, a₂lin₅₄ míg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂.

5 A₂lin₅₄ guě'₂ míg₂ jon₂ táng₃, ca₂i₃to'₅₄ jě₄ ni₁cang₁, ja₁tsá₃ gua'₅₄ lin₄ cha₂. A₂jaun₂ ně₃ tsá₃ uě₂ ca₂rě₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄.

6 La₁ jme₁ca₂jnióg₃ 'iog₂ ně₃, ca₂rě₃jui_ḡ₅ ca₂rě₃quéin₃ bá₄, ia₁ tsá₃ jmú₄ 'lióng₂ jme₁cha₂.

7 A₂lin₅₄ guě'₂ ca₂séi'₂ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ a₂jaun₂, tsá₃ 'e₂ ca₂rau₂.

8 La₁ a₂lin₅₄ guě'₂ ně₃ ca₂tín₂ ja₁dse₃ 'uě₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá₂ míg₂, lia'₂ ca₂míg₂ jon₂. A₂lin₅₄ guě'₂ jma₃'nag'₂ ne₂guióg₂ míg₂; a₂lin₅₄ guě'₂ jma₃caun₂ 'ḡiá₂-láu₂ míg₂.

9 Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rě₂gua₄, rě₂ nei₂ 'nia'₂.

Ta₁ qui'₅ jág₁ a₂jáng'₅ léi₄

(Mateo 13:10-17; Lucas 8:9-10)

10 Jme₁ma₂i₂len₃ dsa₂, jme₁ma₂tě₁'ḡiá₄ quiain'₅₄ chi'₂ dsi₂guia₃-tín₂, quiain'₅₄ i₂lin₅₄ guě₄ dsa₂ sián'₂, jaun₂ ca₂ḡag₃ 'éi₂ 'e₂ jág₁ dsau₅ jáng'₅ jág₁ jaun₂.

11 Jaun₂ ca₂juá'₂ Jesús:

—Diú₄ bá₄ jmo₅ a₂rě₂ḡí'₂ 'au'₂ 'nia'₂ jág₁ a₂rě₂'ma₄ 'a₂ lia'₂ lě₅ ja₁goin₂, la₁ dsa₂ i₂tsá₃ i₂nio₄ quian'₅₄ jniá₂ ně₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

12 ia₁jaun₂ i₂ně₂jág₃,

la₁ tsá₃ ca₂rě₃lí'₄ 'e₂ ně₂jág₃.

I₂nē₂nē₁ nē₃,
 la₁ tsá₃ ca₂rē₃lí₄ 'e₂ nē₂nē₁,
 on₃ guē₂ ca₂ŋí₂;
 con₂ tsá₃ ŋó₅ nē₁ca₂jéin₃ dsí₅,
 ia₁jaun₂ jme₁'lioin₁₂ jniá₂.*

Juá₂ Jesús 'e₂ jág₁ dsau₅ jein₅ jág₁ jui₁lia' dsa₂ i₂séi₂ mǐg₂ jon₂
(Mateo 13:18-23; Lucas 8:11-15)

¹³ Ca₂juá₂ ján₃:

—¿Tsa₁ ŋí₂ 'nia₂ jág₁ a₂jáng₅ léi₄ nē₅? ¿'A₂ bá₄ guē₂ lé₂ le₃ŋí₂ 'nia₂ jui₁lia' jág₁ a₂jáng₅ léi₄ siá₂?

¹⁴ Jui₁lia' lín₅ dsa₂ i₂séi₂ mǐg₂ jon₂, le₂jaun₂ bá₄ lín₅ jui₁lia' dsa₂ i₂'ě₂ jág₁ dse₃ quió₅ Diú₄.

¹⁵ I₂lín₅₄ dsa₂ lín₅ jui₁lia' mǐg₂ jon₂ a₂i₃ga₅₄ le₂'i₄ jui₅. Nag₂₃ jág₁ dse₃, la₁ dsí₂jui₅ jaun₂ ja₂ Satanás jniá₂ jág₁ a₂ma₂jnia₄ tē₂dsí₅ dsa₂.

¹⁶ I₂lín₅₄ guē₂ dsa₂ lín₅ jui₁lia' lě₅ mǐg₂ jon₂ a₂i₃ga₅₄ jē₄ ni₁cang₁. Nag₂₃, gue₂₃ jág₁ a₂ŋio₂ dsí₅.

¹⁷ La₁ia₁ tsá₃ uē₂ tió₅, ia₁ tsá₃ lín₄ jmú₄ cha₂ jua₅₄ a₂chan₂ tiá₂ jág₁. Jaun₂ jē₁ma₂ca₂can₃ o₂i₁ dsí₅, a₂co₂'ein₅ dsa₂ 'uig₅₄ jág₁ dse₃, dsí₂jui₅ bá₄ tí₂ táng₃ jág₁.

¹⁸ I₂sián₂ guē₂ nē₃ lín₅ co₂'nió₄ mǐg₂ jon₂ a₂i₃ga₅₄ jē₄ ni₁taun₅. Nag₂₃ jág₁ dse₃,

¹⁹ la₁ 'ŋio₅ guē₄ 'i₅ dsí₅ o₂me₅₄ dsí₅ a₂cha₂ mi₂güig₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jē₃ a₂jaun₂ nē₃ jmo₅ jlē₅ jág₁ dse₃, tsá₃ ma₃cuē₂₃ jmig₄ a₂ráu₃.

²⁰ La₁ i₂lín₅₄ guē₄ nē₃ nag₂₃, gue₂₃ bá₄ jág₁, chan₂ tiá₂. Lín₅ jui₁lia' lě₅ mǐg₂ jon₂ a₂i₃ga₅₄ ja₁dse₃ gua₅₄. 'Líong₂ rau₂. I₂lín₅₄ guē₂ lín₅ co₂'nió₄ mǐg₂ a₂qui₂ca₂'ág₂ guióg₂-guiá₂; i₂lín₅₄ guē₂ co₂'nió₄ a₂qui₂ca₂'ág₂ 'nag₂ ne₂guióg₂, o₃ caun₂ 'ŋiá₂-láu₂ mǐg₂ lia₂ ca₂mǐg₂ mǐg₂ jon₂ a₂i₃jnia₄.

Jág₁ jáng₅ léi₄ jui₁lia' ni₁tsí₅ chi₁guí₂ si₂
(Lucas 8:16-18)

²¹ Jaun₂ ca₂juá₂ táng₃ Jesús:

—Nē₁jua₂ quian₅ dsa₂ caun₂ ni₁tsí₅ a₂guí₂ si₂, ¿'a₂ chí₃? ¿né₃ tsi₁mi₂, o₃ né₃ tsi₁cama? Jan₂'ón₄. A₂'ag₅ guei₅₄ bá₄ dsa₂ si₂.

²² Ia₁ 'i₁caun₂ cosa tsá₃ cha₂ jua₅₄ a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂. Ján₃ guē₂ 'i₁caun₂ jág₁ tsá₃ cha₂ jua₅₄ lín₂ dsa₂ a₂tsá₃ 'ein₂ le₃ŋi₅; tion₅₄ bá₄ rē₂ŋi₅ dsa₂.

²³ Chi₂jua₂ 'ein₂ dsi₅₄ rē₂gua₄, jui₁nei₅₄ rē₂.

²⁴ Con₂ siá₂ táng₃ ca₂juá₂ Jesús:

—Tion₂ 'nia₂ jui₅ 'e₂ a₂nag₂. Quian₅₄ 'éi₃ a₂cau₂ 'nia₂ guiong₅₄, 'éi₃ jaun₂ bá₄ quióg₃ Diú₄ quián₂ 'nia₂ ján₃, jniá₅₄ tē₂le₃ lě₅ guē₄.

²⁵ Ia₁ jui₁lia' dsa₂ i₂ŋio₂ dsí₅ le₃ŋí₂, Diú₄ bá₄ jmo₃ le₃ŋí₂ guē₄ dse₃. La₁ i₂tsá₃ 'nio₃ le₃ŋí₂ nē₃, Diú₄ bá₄ jmo₃ a₂tsá₃ ma₃le₃ŋí₂ co₂ŋei₅₄†

Jág₁ jáng₅ léi₄ jui₁lia' 'a₂ lia₂ 'ia₂ mǐg₂ jon₂

²⁶ Jaun₂ ca₂juá₂ Jesús:

—Le₂jaun₂ bá₄ lě₅ ja₁gon₂ Diú₄, jui₁lia' lě₅ quian₅₄ dsa₂ i₂jne₅ 'e₂ jne₂₃.

²⁷ Jē₁ma₂ca₂'ia₂, qui₂dsí₂cón₃ a₂jaun₂. La₁ jui₁lia' dsa₂ i₂jne₅ 'éi₂ nē₃, o₁jŋia₅₄ a₂'uē₂-jmí₂ güi_{in}₂, nau₂ nē₃, la₁ tsá₃ jaun₂ ŋi₅ 'a₂ lia₂ lě₂ a₂dsí₂cón₃.

* 4:12 Isaías 6:9-10. † 4:25 lit. "Ia₁ jui₁lia' dsa₂ i₂cha₂ quió₅, ŋei₂; la₁ i₂tsá₃ cha₂ quió₅ nē₃, le₂jio₅ a₂cha₂ quió₅, jŋia₃."

28 'Uë₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jniá₅ 'ia₂; nǒ₅ jaun₂ 'ia₂ ni₁la₁, lě₂ ni₁guein₂. Nǒ₅ jaun₂ lě₂ ni₁cuig₂ lá₅ ně₃.

29 Jě₁ma₂ca₂ron₂, jaun₂ guě₄ dsi₂'áun₂ dsa₂; ia₁ ca₂tě₂ jmi₄ a₂ca₂rau₂.‡

Jág₁ jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

30 Con'₂ siá'₂ táng₃ ca₂juá'₂ Jesús.

—¿'A₂ lia'₂ lě₅ ja₁gon₂ Diú₄, o₃ 'e₂ quian'₅₄ lé₂ le₃quin₃?

31 Lě₅ jui₁lia'₂ lě₅ mǐg₂ ni₁'ma₂ mostaza. Š Mǐg₂ jon₂ jaun₂ lě₅ a₂pí'₁ guě₄ 'nio₅ lín₃, lia'₂ con'₂ guě₄ ca₂le₃jě₃ jon₂ a₂jne₅ dsa₂.

32 Jě₁ma₂ca₂i₃jnia₄ ně₃, dsi₂cón₃ dsiog₅ lě₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)

33 Ca₂jme₃tín₅ Jesús dsa₂ jág₁ dse₃ tě₂le₃ quian'₅₄ 'lióng₂ jág₁ a₂jáng'₅ léi₄ le₂ně₅.

34 'Icaun₂ jág₁ tsá₃ jme₁cuě₂₃ jua'₅₄ tsá₃ tě₂le₃ quian'₅₄ jág₁ a₂jáng'₅ léi₄. La₁ jě₁ma₂tě₁ 'niá₄ con'₂ guoin₅₄ quian'₅₄ chi'₂ dsi₂guia₃-tín₂ quiáin₅, jme₁juá'₂ lia'₂ rě₂jíá₃ jág₁.

Ca₂jmo₃ Jesús ca₂'ág₂ tei₄ jmi₁ní'₄, ca₂jnia'₃ dsí₂ ně₃
(Mateo 8:23-27; Lucas 8:22-25)

35 Le₃ca₂nei₂ jmi₄ jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃ le₃ 'no'₅₄ jmi₁ní'₄ le₃ó₃.

36 Tion'₅₄ jaun₂ dsa₂ chei'₅₄ jmi₁ní'₄, ca₂nǒ₃ Jesús ca₂jio₃ chi'₂ dsi₂guia₃-tín₂ 'nió'₃ tsí₁mu₅ ja₁jme₁'ein₅₄ táun₂ jág₁. Ján₃ bá₄ i₂lě₂ guě₄ tsí₁mu₅ siá'₂ quiong'₅₄, tion'₅₄ dsa₂.

37 Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jná'₃ jmi₄ 'nio₅ lín₃ ca₂lia'₂ ca₂i₃'a₄ jmi₄ 'nió'₃ tsí₁mu₅, jnia'₅₄ mei'₂ tsá₃ ca₂can'₂.

38 Jme₁rě₂güin₃ bá₄ Jesús nǒ₃ le₃chi₁co'₅₄ rě₂dsin₅ 'mi'₂ dsi₅₄. Jaun₂ ca₂nei₃ dsa₂, ca₂juá'₂:

—i₂Tě₅! ¿Tsa₁ dsan₂ 'au'₂ jua'₂ dsi₃'éin₂ jnia'₅₄ ja₁lá₃?

39 Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ní'₄ ně₃, ca₂juá'₂:

—jme₁'ua₅₄! i₂Tei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ní'₄, dsí₂ ně₃ ca₂jnia'₃.

40 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—¿'E₂ lě₃ ní₄ 'nio₅ gan'₃ 'nia'₂? ¿'A₂ bá₄ lia'₂ ní₄ tsá₃ rě₂'én'₂ 'nia'₂?

41 Jaun₂ i₃gó'₃ dsí₅ 'nio₅ lín₃, qui₂ca₂tsí'₃ riin'₅₄:

—¿'Ein₂ bá₄ lín₅ i₂ně₅ ca₂tě₂ jmi₁ní'₄, ca₂tě₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en₅₄ jme₂dsí₂ 'lín'₅₄
(Mateo 8:28-34; Lucas 8:26-39)

1 Jaun₂ dsi₃léin₂ jme₁dsi₃léin₂ 'no'₅₄ jmi₁ní'₄, go₄ dsa₂ Gadarenos.*

2 Jaun₂ dsi₂jui₅ jme₁ca₂o₃'ín₃ Jesús 'nió'₃ tsí₁mu₅, dsióg₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅₄ jme₂dsí₂ 'lín'₅₄ dsí₅.

‡ 4:29 lit. “Uë₃ bá₄ lia'₂ lě₅, jaun₂ bá₄ rau₂. Le₂'uig₅₄, tag₄ de'₂ jniá₅ 'ia₂; nǒ₅ jaun₂ 'ia₂ mí₂. Nǒ₅ jaun₂ tó'₅ mǐg₂ mí₂ trigo. Jě₁ma₂ca₂ron₂, jaun₂ guě₄ dsi₂cag'₅₄ dsa₂ quian'₅₄ ní₁ hoz; ca₂tě₂ jmi₄ a₂ca₂rau₂.” Š 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě₂ tě₅sí₃ Brassica nigra.

* 5:1 A₂lín₅₄ chog₅₄ si₂juá'₂: “uë₃ Gerasa.”

³ Jme₁guá₄ dsa₂ 'éi₂ jë₄ tau₂ 'ñio₅; jaun₂ tsá₃ ma₃ 'ein₂ jme₁qui₅₄ jmi_g₄ tió₅ 'nei₂ quian₅₄ ñí₁ cadena,

⁴ ia₁ 'lióng₂ ráun₂ jme₁ma₂'nei₂ dsa₂ le₂jñiá₅, jme₁ma₂tó₂ dsa₂ cadena mi₂tag₅₄, mi₂gu₂ ně₃. La₁ jë₂ bá₄ jñia₅₄ ma₂gág₃; ma₂juin₃ ni₁ñí₁ jme₁chi₁quí₅ mi₂tag₅₄ ně₃. Jaun₂ 'i₁jan₂ tsá₃ ma₃ 'ein₂ jme₁tio₃.

⁵ Jaun₂ ně₃, jme₁i₂ñi₅₄ lia₂ 'uë₂-jmi₂ dsi₂guio₂ ja₁le₁'on₅ 'lag₄ lia₂ jui₅ má₂ ně₃, qui₂jmaí₂ uig₅ 'ñiog₅ qui₂uing₂ quió₅ quian₅₄ ni₁cang₁.

⁶ La₁ jme₁ca₂jñin₂ Jesús já₅ uing₂, ñó₃ jaun₂ ně₃ co₂chi₅₄ le₃ne₄ ja₁ñó₄ Jesús, jaun₂ ca₂chi₃jnë₃.

⁷ Jaun₂ ca₂'í₃ co₂mi₅₄ ca₂juá₂:

—¿'E₂ lë₃ tián₅ 'ne₂ jë₄ quió₃ jniá₂, 'ne₂ Jesús Ja₁ñi₅₄ Diú₄ juin₂? Ca₂Diú₄, jñag₅₄, mi₅ jniá₂ ne₅₄ tsá₃ lë₃ 'ě₅ uig₅.

⁸ Ca₂juá₂ le₂ně₅, ia₁ jme₁ma₂ně₂chí₃ Jesús jme₂dsí₂ 'lin₅₄, ca₂juá₂: “jú₅ quió₅ dsa₂ ně₅, 'ne₂ jme₂dsí₂ 'lin₅₄!”

⁹ Jaun₂ ca₂ñag₃ Jesús:

—¿'A₂ lia₂ cheng₂?

Jaun₂ ca₂ñag₃:

—Juin₅† bá₄ cheng₂, ia₁ a₂juag₅ jnia₅₄ lë₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí₂ 'lin₅₄ ja₁siá₂.

¹¹ Ia₁ jme₁tion₅₄ juin₅ i₁ñí₅, guë₅ quián₅ 'uig₅₄ má₂,

¹² jaun₂ qui₂ca₂mi₃ i₂'lin₅₄ ne₄ Jesús, ca₂juá₂:

—Chei₅ jnia₅₄ ja₁tion₅₄ i₁ñí₅, jaun₂ dsi₁tió₄ jnia₅₄ quió₅ 'éi₂.

¹³ Jaun₂ ca₂cuë₃ bá₄ Jesús jmi_g₄. Jaun₂ ca₂'uin₂ ca₂i₃lén₂ i₃toin₅₄ quió₅ i₁ñí₅. Jme₁lë₂ con₂ tin₃ mei₅ i₁ñí₅ jme₁tion₅₄. Ca₂le₃jñin₃ 'éi₂ ca₂i₁nioi₁₂ co₂chi₅₄ cuing₂₃ ca₂sein₃ siá₅ i₃toin₅₄ jmi₁ñí₄, ca₂dsain₃.

¹⁴ Jaun₂ ca₂i₃lén₃ dsa₂ i₂jme₁jmo₅ 'í₁ cuing₂₃ ca₂i₁chi₄ dsa₂ jë₄ juig₂, quian₅₄ i₂tion₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lë₃ ja₁jaun₂.

¹⁵ Jme₁ca₂o₃lén₂ ja₁'en₅₄ Jesús, ca₂jñin₂ dsa₂ i₂jme₁tion₅₄ juin₅ jme₂dsí₂ je₂na₅₄ quió₅. Jaun₂ ma₂guá₅ ma₂qui₂ tsin₅₄, ma₂'en₅₄ bá₄ dsí₅. Tioin₅₄ ca₂jág₂ dsi₂gó₃ dsí₅.

¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lë₃ quian₅₄ dsa₂ i₂jme₁tion₅₄ je₂na₅₄ quió₅, 'e₂ ca₂lë₃ quian₅₄ i₁ñí₅ ně₃.

¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'in₅ 'uë₃ go₅₄.

¹⁸ Jme₁ma₂ñó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion₅₄ je₂na₅₄ quió₅, jme₁mi₂₃ jág₁ ne₄ Jesús a₂dsó₃ quiong₅₄.

¹⁹ La₁ tsá₃ ca₂cuë₃ 'éi₂ jmi_g₄. Jaun₂ ca₂tsí₃ dsa₂ 'éi₂:

—Guan₂ ja₁quiáng₂, ja₁tián₄ ríng₂, o₂dsia₄ ca₂le₃jë₃ 'e₂ ně₂jmo₃ Te₁gui₅₄ o₄quiáng₂, 'a₂ lia₂ ně₂dsia₃ ñéi₂ dsí₅.

²⁰ Jaun₂ ñá₃ bá₄ dsa₂ 'éi₂ dsi₂néi₂ quió₅, jaun₂ ca₂jme₃lióg₃ ca₂i₁dsia₂ jë₄ juig₂ tén₅ Decápolis ca₂le₃jë₃ 'e₂ ca₂jmo₃ Jesús o₄quió₄. Ca₂le₃jñin₃ dsa₂ i₂ca₂nág₂ ca₂i₃gó₃ dsí₅.

*Ja₁mí_g₄ Jairo, quian₅₄ 'io₅₄ i₂ca₂ñí₃ tsin₅₄ Jesús
(Mateo 9:18-26; Lucas 8:40-56)*

²¹ Jme₁ca₂dsián₃ táng₃ Jesús le₃'ño₅₄ jmi₁ñí₄ quian₅₄ tsi₁mu₅, juin₅ lin₃ dsa₂ i₂ca₂dsi₃lén₂ táng₃ jme₁dsián₃. Të₁lia₂ 'ñi₂₃ chei₅₄ jmi_g₂,

²² jaun₂ ca₂dsióg₃ jan₂ dsa₂ i₂niog₅ gu₂ guá₅ sinagoga, i₂chen₂ Jairo. Jme₁ca₂jñin₂ Jesús, jaun₂ ca₂chi₃jnë₃ ne₄ 'éi₂.

²³ Ca₂mi₃ ca₂juá₂:

† 5:9 griego: legión

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jín'₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

24 Jaun₂ ně₃ ca₂ḡó₃ Jesús quiong'₅₄; juin₅ lin₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús.

25 Jē₄ jaun₂, ḡó₃ jan₂ 'io₅₄ i₂ma₂tě₂ guia₃-tín₂ ḡi₂ a₂dso'₅₄ a₂tiin₂.

26 'Lióng₂ a₂ma₂i₃ḡí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅.

27 La₁ jme₁ca₂nág₂ a₂'in₅ dsa₂ Jesús, jaun₂ ḡó₃ ca₂jme₃quiáin₃ le₃ja₁ḡó₄ 'éi₂, jin₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ní'₃ ni₁tsin'₅₄ 'éi₂.

28 Ia₁ lín₂: “Tsá₃ a₂nag₅₄ a₂jḡia'₅₄ ní₄' ca₂juig₄ tsin'₅₄, jḡia₃ quió'.”

29 Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅.

30 Jaun₂ dsi₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ jin₄ dsa₂, ca₂ḡag₃:

—¿'Ein₂ bá₄ ně₂ní'₃ tsín'₅?

31 Jaun₂ ca₂ḡag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂lén₂. ¿'E₂ lě₃ juá'₂ “'ein₂ ně₂ní'₃ quió'?”

32 La₁ qui₂ja₂né₂ Jesús jin₄ dsa₂ a₂'nai'₂ 'ein₂ ně₂ní'₃ quió'₅.

33 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ḡi₅ bá₄ 'e₂ ma₂i₂ḡí₂. Ca₂ḡó₃ co₂ḡei'₅₄ ne₄ Jesús, ca₂chi₃ḡné₃, ca₂juá'₂ ca₂le₃jě₃ lia'₂ tí₅ jág₁ dsón'₂.

34 Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂ně₅ ca₂jḡia₃ dso₄ quiáng'₂.

35 Tě₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jón₃ bá₄ ja₁míg'₄. ¿'E₂ ta₁ ma₂cuě'₂ o₂me'₅₄ dsi₅ tē₅?

36 La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lě₁jmo₂ gang'₃; jḡia'₅₄ lia'₂ 'én₃ bá₄.

37 Tsá₃ ca₂cuě₃ jmig₄ Jesús a₂dsi₃lén₂ juin₅ dsa₂ quiong'₅₄. Jḡia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂.

38 Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsi₅.

39 Ca₂'í₃ Jesús dsi₂néi₂, ca₂juá'₂:

—¿'E₂ lě₃ ḡí₄ lě₃ tó'₂ 'nia'₂ mi'₅₄, 'au'₂ 'nia'₂ le₂ně₅? Tsá₃ rě₂jón₅₄ guein₂ ně₅. Jḡia'₅₄ lia'₂ a₂rě₂güin₃ bá₄.

40 La₁ jḡia'₅₄ ca₂ḡí₂ bá₄ dsa₂ Jesús tion'₅₄. Jaun₂ ně₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂jḡiai₃ chog₅₄-jmei₂ 'lag₄, dsa₂ ún₂ i₂jme₁quiain'₅₄ ně₃. Ca₂i₃toin'₅₄ ja₁rě₂quian₅ guein₂ 'lag₄.

41 Jaun₂ ca₂jḡa'₃ gu₂ i₂bě'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juíg₂ jniá₂, nau₂.

42 Dsi₂jui₅ le₂jaun₂ bá₄ ca₂nau₂, ca₂ḡi₃. Jme₁ma₂'ein₅₄ guia₃-tín₂ ḡi₂. Jaun₂ ca₂i₃gó'₃ dsi₅ tion'₅₄.

43 La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuě₃ dsa₂ a₂guě'₃ i₂bě'₅₄ 'éi₂.

6

Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quiain'₅₄ chi'₂ dsi₂guia₃-tín₂ quiáin₅.

² Jme₁ca₂tě₂ jmig₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:

—¿A₂já'₄ ca₂l₁jme₁tin₅ i₂ně₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ñí'₂ dsí₅ a₂ma₂ñi₂ ně₅, ca₂tě₂ léi₄ juě'₂ ně₃ tiin₂ jmo₃?

³ ¿On₁jua'₅₄ i₂ně₅ tě₅'má₃ ja₁ñi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ ně₃? Ně₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rě₃jei₅₄ dsa₂ ja₁jaun₂.

⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ě₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guě'₂ o₁riin'₅₄, on₃ guě'₂ riin'₅₄ dsi₂néi₂ ně₃.

⁵ Jaun₂ tsá₃ 'lióng₂ léi₄ juě'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂.

⁶ Jaun₂ i₃gó'₃ dsí₅ ia₁ a₂ñí₄ lě₃ tsá₃ 'e₂ 'én₂ dsa₂.

Ca₂chen₃ Jesús dsa₂ guia₃-tín₂ quiáin₅ ca₂i'₂ě₄ jág₁ dse₃ juig₂ siá'₂
(Mateo 10:5-15; Lucas 9:1-6)

⁷ Jaun₂ ca₂tě'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuě₃ bí₂ 'éi'₃ a₂'uín'₂ 'éi₂ jme₂dsí₂ 'lín'₅₄ quió'₅ dsa₂.

⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jñia'₅₄ lia'₂ jma₃caun₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guě'₂ tě₂'mi'₂, on₃ guě'₂ i₁ñí'₄, on₃ guě'₂ cu₄ 'ñi₃ ni₁lau₂ le₁jén'₅ tú'₅ ně₃.

⁹ Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tin₃ dsán'₃ tsin'₅₄ ně₃.

¹⁰ Jaun₂ ca₂juá'₂ ně₃:

—Jě₁ma₂tě₂ rě₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia₄ 'nia'₂ ca₂lia'₂ ca₂tě₂ jmig₄ i₁'uín'₃ 'nia'₂ táng₃ juig₂ jaun₂.

¹¹ Ně₁jua'₂ cha₂ ja₁lin₅₄ tsá₃ guei₅ dsa₂, on₃ guě'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.*

¹² Jaun₂ ca₂'uín₂ bá₄ chi'₂ dsi₂guia₃-tín₂ ně₃, ca₂i₃léin₂ ca₂i'₂ě₄ jág₁ a₂dsi₃quén'₅ dsí₅ dsa₂.

¹³ Jaun₂ qui₂ca₂'uín'₂ juin₅ je₂na'₅₄, qui₂ca₂tsiín₂ no'₅₄ juin₅ dsa₂ dso'₅₄, qui₂ca₂jme₃'lói₂ dsa₂ ně₃.

Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Lucas 9:7-9)

¹⁴ Ca₂rě₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmig₂; 'uig₅₄ jaun₂ qui'₅₄ jmig₄ jmo₂₃ 'e₂ a₂jmo₂₃.

¹⁵ I₂lin₅₄ guě'₂ dsia₅ táng₃:

—Elías bá₄ 'éi₂ ñi₅.

La₁ i₂sián'₂ guě'₂ juá'₂:

* **6:11** A₂lin₅₄ chog₅₄ si₂juá'₂ le₂la₂ ján₃: “A₂dsi₂jó'₃ juá'₅ jniá₂, jě₁ma₂tě₂ jmig₄ i₁, qui₃, dsi₅ Diú₄ 'éi'₃, tsá₃ jua'₅₄ ñí₄ uig₅ gue₃ dsa₂ jme₁chan₂ Sodoma quian'₅₄ Gomorra, con'₂ guě₄ dsa₂ i₂tsá₃ guen₅ 'nia'₂.”

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme'₁ě₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ ně₅ ŋi₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

¹⁷ Ia₁ 'ŋiog₅ bá₄ Herodes ma₂jmo₅ 'éi'₃ le₂jñiá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rē₂'ŋei'₅₄ 'uig'₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ r'in'₅₄. La₁ Herodes ně₃ ma₂jmo₂₃ quiáin₅.

¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig'₅₄ jaun₂ jme₁'i₄ 'nei₂ dsí'₅ 'io₅₄ Herodías j'in₂ Juan₅₄. Jaun₂ jme₁'nio₃ j'ŋag'₃, la₁ tsá₃ ca₂dsó'₂ jui₅ 'a₂ lia'₂ jmo₃.

²⁰ Ia₁ jme₁ŋi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'i₁. Lia'₂ con'₂ jme₁nag₂₃ jág₁ quió'₅ Juan₅₄, jme₁tě₂tsin'₅₄ tsá₃ 'e₂ ŋi₅ jmo₃, la₁ 'ŋio₂ bá₄ dsí'₅ jme₁nag₂₃.

²¹ La₁ ca₂cuin₃ jmig₄ ně₃ jme₁ca₂jmo₃ Herodes jmig₄ a₂ca₂dsí'₃ ŋi₂: ca₂jmo₃ má₃, ca₂tě'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quiáin₅ ně₃, ca₂le₃jín₃ guě₄ con'₂ dsa₂ dsen₅₄ quián₅ juig₂ ja₁tén₄ Galilea.

²² Jaun₂ ca₂guan₃ ja₁míg₄ Herodías ja₁niog₅ jmig₄, jaun₂ ca₂dsáin₂. A₂jaun₂ ca₂tě₂ dsí'₅ Rag₅₄ Herodes, ca₂le₃jín₃ dsa₂ i₂tě₄ i₂tion'₅₄ guě'₅ quiain'₅₄ ně₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jě₃ 'e₂ 'niog'₂, jaun₂ cuě₅₄ jniá₂.

²³ Jaun₂ ca₂cuě₃ jág₁ quió'₅ ca₂le₃jě₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuě₅₄ bá₄ jniá₂, j'ŋia'₅₄ ca₂dsio₄ 'uě₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂i₁ŋag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cuě'₁ tě₂ně₃ mi₂dsi₄ Juan₅₄ i₂chon₅ dsa₂ jmig₂, a₂'i₄ 'ŋió'₃ uing₅.†

²⁶ Jme₁ca₂nág₂ rag₅₄ jág₁ ně₅, ca₂jén₂ dsí'₅. La₁ tsá₃ a₂ŋi₅ jmo₃, ia₁ ma₂ně₂cuě₃ jág₁ quió'₅ le₂jñiá₅ a₂cuě₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂ně₂néi₂ a₂mei₅₄ quiáin₅ i₂tián₅.

²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄.

²⁸ Jaun₂ ca₂ŋó₃ 'lióg₂ jui₅ 'ŋió'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quián₅ rē₂'i₄ 'ŋió'₃ uing₅, ca₂cuě'₃ 'io₅₄ 'éi₂. Jaun₂ 'io₅₄ ně₃ ca₂gue₃, jaun₂ ca₂i₁cuě'₂ táng₃ chog₅₄.

²⁹ Jme₁ca₂rě₃ŋi₅ dsa₂ i₂jme₁quian'₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ŋiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄‡ 'éi₂, ca₂ŋii'₂ táng₃ quiain'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tiin₂₃ dsa₂.

³¹ Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂'ŋiog₅, i₂jñia₄ ca₂tiá₂.

Ia₁ juin₅ lín₃ dsa₂ i₂o₂lén₂, lia'₂ i₂dsi₂len₃ ně₃, ca₂lia'₂ jñia'₅₄ tsá₃ cuin₅ jmig₄ guě'₃.

† 6:25 lit. "rē₂dsí₂ne₄ caun₂ni₁ŋi₁ charola." ‡ 6:30 griego: apóstolous.

32 Jaun₂ ně₃ ca₂tóin'₂ tsi₁mu₅ ca₂i₃lén₂ caun₂ ja₁lě₄ co₂'ñiog₅ con'₂ guioin₅₄.

33 Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jniái₅ bá₄ dsi₃lén₂ lia'₂ con'₂ gué₄ 'éi₂.

34 Jme₁ca₂sión₃ Jesús 'ñió'₃ tsi₁mu₅, ca₂jín₂ juin₅ lin₃ dsa₂, ma₂tion'₅₄ le₁jñiog₅, ca₂tá'₂ ñéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jë₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁.

35 Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Caun₂ ja₁co₂'ñiog₅ bá₄ la₂, ton'₂ ca₂'láu₂ gué₄ má'₃.

36 'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂gué'₃ lia'₂ con'₂ juig₂ ja₁nau₂ ma₂quián₅ ně₅.

37 Jaun₂ ca₂ñag₃ Jesús:

—Cuë'₅₄ 'nia'₂ dsa₂ a₂gué'₃.

Jaun₂ ca₂ñag₃ táng₃ 'éi₂:

—¿Lé₂ le₃dsi₁liá'₄ tin₃ 'ñiá₂-láu₂ 'éi'₃ denario i₁ñí'₄ ia₁jaun₂ dsio'₂ a₂gué'₃ dsa₂?

38 Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂ táng₃, ca₂juá'₂:

—'Niá₂ i₁ñí'₄ bá₄ 'i₄, on₃ guë'₂ i₁ju₁.

39 Jaun₂ ca₂chein₃ jág₁ a₂tian'₃ dsa₂ jma₃co₂nió'₃ ne₄ ñi₂ma'₂ rë'₂,

40 jaun₂ ca₂tián'₂ dsa₂ jma₃co₂nió'₃ ja₁lě₂ caun₂ 'ñiá₂-lón₂, i₂ca₂tián'₂ jma₃co₂nió'₃ jma₃tě₂lón₃-guián₂ ně₃.

41 Jaun₂ ně₃ ca₂ñá'₃ Jesús le₃'ñiá₂ i₁ñí'₄, le₃on₃ guë'₂ i₁ju₁ ně₃, ca₂jág₃ guei'₅₄ i₂juíg₃, ca₂cué'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ gué₄ ca₂cué'₃ chi'₂ dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ guë'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cué'₃ ca₂le₃jín₃.

42 Jaun₂ le₃jín₃ dsa₂ ca₂gué'₃ ca₂lia'₂ ca₂rë₃tain₅₄.

43 Jaun₂ ca₂cág'₃ bá₄ gué₄ dsa₂ guia₃-tín₂ tsi₁mí'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ ně₃.

44 'Niá₂ mei₅ jme₁lě₂ ca₂le₃jín₃ dsa₂ ñe'₂ i₂ca₂gué'₃ 'éi₂.

Ca₂ñi₃ Jesús ne₄ jmi₁ñí'₄

(Mateo 14:22-27; Juan 6:16-21)

45 Jaun₂ dsi₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quiáin₅ 'ñió'₃ tsi₁mu₅, jaun₂ jniái₅ de'₂ 'éi₂ ñí₃ jmig₂ con'₂ gué₄ 'ñiog₅, a₂dsi₁lén₂ Betsaida, tē₁lia'₂ 'í₁ gué₄ 'ñiog₅ 'ág'₃ jág₁ dsa₂.

46 Jme₁ma₂ca₂lě₃ 'ág'₅ jág₁ dsa₂, ca₂ñó₃ jaun₂ ně₃ jui₅ má'₂ i₁chi₁lein'₁ Diú₄.

47 Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ dsi₂jo₂ jmi₁ñí'₄, 'ñiog₅ guë'₂ Jesús jaun₂ bá₄ 'ein₅₄ 'uë₃.

48 Jaun₂ ca₂jág₃ Jesús 'ñio₅ cán₂ ta₁ tióin'₅₄ a₂jein₂₃ ni₁'ma₂ a₂gag₂ jmig₂, ia₁ 'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂ñia₃, ca₂jme₃quián₃ Jesús ñi₂₃ ne₄ jmig₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñi₃ co₂dsau₅ ja₁tion'₅₄ 'éi₂.

49 Jme₁ca₂jág₂ jóin'₅ ñi₂₃ ne₄ jmi₁ñí'₄, dsa₂ 'lin'₅₄ § bá₄ 'éi₂ lín₂, jaun₂ ca₂tóin'₂ co₂mí'₅₄ ca₂guió'₃,

50 ia₁ ca₂le₃jín₃ bá₄ ca₂rë₃gó'₅ 'ñio₅ lin₃ jme₁ca₂jág₂. La₁ dsi₂jui₅ bá₄ ca₂juá'₂ Jesús:

—iTiá₂ dsia₄ 'nia'₂ 'au'₂; jniá₂ bá₄ la₂, tsá₃ lë₁jmo₂ 'nia'₂ gang'₃!

51 Jaun₂ ca₂uig₂ 'hio'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂jnia'₃ dsí₂, jaun₂ i₃gó'₃ dsí₅ 'éi₂ 'hio₅ lin₃.

52 Ia₁ tsá₃ 'e₂ ca₂ñí'₂ dsí₅ dsa₂ 'éi₂ jui₁lia'₂ léi₄ juë'₂ a₂ma₂në₂jág₃ jmo₅ Jesús quian'₅₄ i₁ñí'₄, në₂jag₄ bá₄ cha₂ a₂jmo₅ jnág₅ a₂tsá₃ rë₂ñí'₂.

Ca₂jme₃'lión₂ Jesús dsa₂ dso'₅₄ 'uë₃ Genesaret
(Mateo 14:34-36)

53 Jme₁ca₂'ain₂ jmig₂, ca₂dsi₃léin₂ 'uë₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂.

54 Dsi₂jui₅ jme₁ca₂'uin₂ tsi₁mu₅, co₂tan₅₄ lia'₂ ca₂rë₃cuin₅ bá₄ dsa₂ Jesús.

55 Jaun₂ ca₂i₁nioi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ guë'₃ já'₄ 'en₅₄ Jesús.

56 Ca₂le₂con₂ ja₁jme₁ñi₅ Jesús, jë₁ma₂'í₅ jë₄ juig₂, jë₄ ciudad, o₃ le₂'i₄ ju₅ ja₁ñó₄ 'e₂, jme₁qui₂dsi₂jnia₃ dsa₂ dsa₂ dso'₅₄, qui₂ca₂dsiog₃ ja₁niog₅ 'ma'₅₄. Qui₂ca₂mí₃ dsa₂ tsá₃ a₂nag₅₄ o₁jnia'₅₄ a₃tag₄ tsin'₅₄ bá₄ cuë'₃ jmig₄ a₂ñí'₃. Jaun₂ ca₂le₃jín₃ dsa₂ dso'₅₄ i₂qui₂ca₂ñí'₃ tsin'₅₄ Jesús, qui₂ca₂'lóin₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'hio₅ dsa₂
(Mateo 15:1-20)

1 Jaun₂ në₃ dsa₂ fariseos quian'₅₄ i₂lin₅₄ të₅juá'₅ i₂ja₂lén₂ Jerusalén, ca₂o₃léin₂ ca₂ñí'₂ ja₁'en₅₄ Jesús.

2 Ca₂jág₃ dsa₂ 'éi₂ ca₂jíin₂ i₂lin₅₄ chi'₂ dsi₂guia₃-tín₂ a₂guë'₅ të₃ tsá₃ “le₁jë₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lë₅ 'éi'₃.*

3 (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea në₃, jme₂ti₃ lia'₂ con'₂ lë₅ tag₄ chí'₅ quió'₅ dsa₂ can'₅₄, a₂tsá₃ guë'₃ në₂jua'₂ tsá₃ ma₂në₂rang₃ 'lióng₂ ráun₂ gu₂.

4 Jë₁ma₂o₃lein₃ 'ma'₅₄, tsá₃ guë'₃ në₂jua'₂ tsá₃ ma₂në₂jme₂ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ guë'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama në₃.)†

5 Jaun₂ në₃ ca₂ñag₃ dsa₂ fariseos quian'₅₄ të₅juá'₅, ca₂ñí'₃ Jesús:

—¿'E₂ lë₃ tsá₃ jme₂ti₃ chí'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guë'₅ bá₄ të₃ tsá₃ ma₂në₂rang₃ gu₂.

6 Jaun₂ ca₂ñag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lë₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂

jmá'₃ lia'₂ quian'₅₄ mi₂'o₅₄ bá₄,

la₁ia₁ uing₂ bá₄ 'i₄ dsí₅ ja₁con₂ jniá₂.

7 La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lë₁lë₅ quió'₅ dsa₂ mi₂güig₃ bá₄.‡

8 Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güig₃.§

9 Ca₂juá'₂ ján₃:

—'Nio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ quiong'₅₄.

* 7:2 A₂lin₅₄ chog₅₄ si₂ juá'₂ le₂la₂ ján₃: “jaun₂ lë₃ ca₂chi₂ca₂'ag₃.” † 7:4 A₂lin₅₄ chog₅₄ si₂ juá'₂: “ni₁taza, ni₁dsig₁, ni₁ñí₁ në₃.” ‡ 7:7 Isaías 29:13. § 7:8 A₂lin₅₄ chog₅₄ si₂ juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág₂ jmig₂, ca₂le₃jë₃ guë'₄ 'e₂ cosa a₂qui₂jmo'₂ 'nia'₂ në₃.”

¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂. * Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄.†

¹¹ La₁ 'nia'₂ ně₃ juá'₂ a₂lé₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jě₃ a₂cha₂ quió'₃ a₂lě₅ Corbán”, (co₂'nió'₄ a₂juá'₂, a₂ma₂lě₅ quió'₅ Diú₄ bá₄).

¹² Nē₁jua'₂ le₂ně₅ jaun₂ tsá₃ ma₃cuē'₂ 'nia'₂ jmig₄ a₂jme₃'on₅₄ guē₄ dsa₂ chog₅₄-jmei₂.

¹³ Jaun₂ le₂ně₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ṅag₃ dsa₂ can'₅₄ quiáng'₂. 'Lióng₂ bá₄ guē₄ a₂siá'₂ jmo'₂ 'nia'₂.

¹⁴ Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá'₂ la₂.

¹⁵ 'I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂ quió'₅. Cosa a₂'uē₂ dsí₅ dsa₂ guioin₅₄, a₂jaun₂ bá₄ jmo₅ a₂rě₂'iog₅ jme₂dsí₂.‡

¹⁷ Jme₁o₂'ín₃ jin₄ dsa₂, ṅái'₃ dsi₂néi₂, jaun₂ ca₂ṅag₃ chi'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cuē'₃ dsa₂ jaun₂.

¹⁸ Jaun₂ ca₂juá'₂:

—¿Ján₃ bá₄ tsá₃ ṅái'₂ 'nia'₂ a₂juá'₅ jniá'₂? Ca₂le₃jě₃ 'e₂ a₂guē'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂.

¹⁹ Ia₁ on₃jua'₅₄ dsí₅ dsa₂ dsi₂to'₅₄ a₂guē'₅. Rě₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄ táng₃ dsa₂ ca₁'né₄.

(Ca₂'ě₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂ně₅).

²⁰ Ca₂juá'₂ ján₃:

—Ca₂le₃jě₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rě₂'iog₅ jme₂dsí₂.

²¹ Tē₂dsí₅ bá₄ dsa₂ 'uē₂ ca₂le₃jě₃ ne₅₄ a₂'lig'₅₄: jui₁lia'₂ a₂lě₅ dsí₅ dsa₂ nióí'₃ jág₁ quian'₅₄ dsa₂ i₂tsá₃ lín₅ dsi₂l₂gu₂; a₂'ang₅ dsa₂; a₂jme₂dsian₅ dsa₂ riin'₅₄;

²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guē₄ 'e₂ a₂tsá₃ 'en₅₄ dsí₅ dsa₂ lín₅.

²³ Ca₂le₃jě₃ a₂ně₅, tē₂dsí₅ bá₄ dsa₂ lě₂, a₂ně₅ bá₄ a₂jmo₅ a₂rě₂'iog₅ jme₂dsí₂ quió'₅ dsa₂.

Jan₂ i₁náu₃ i₂ca₂rě₃'én₂ tē₂le₃ quió'₅ Jesús

(Mateo 15:21-28)

²⁴ A₂'ein₅₄ ja₁jaun₂, ca₂o₃'ín₃ ṅó₃ 'uē₃ ma₂quián₅ juig₂ Tiro.Š Jaun₂ ca₂'í₃ con'₂ tē₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rě₃lí'₄ dsa₂, tsá₃ ma₃ca₂cuin₃ jmig₄ a₂'mai₃.

²⁵ Dsi₂jui₅ jaun₂ ca₂nág₂ chog₅₄ jan₂ 'io₅₄ bē'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃jné₃ ne₄ Jesús.

²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quiáin₅.

²⁷ Jaun₂ ca₂ṅag₃ Jesús:

—Jui₁le₂tan₅₄ de'₂ jniá₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jniá'₄ jniá'₂ i₁ṅí'₄ quió'₅ chi'₂, a₂ton₅₄ ne₄ dsi₂jí'₅₄.

²⁸ Jaun₂ ca₂ṅag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jio₅ dsi₂jí'₅₄ bá₄ guē'₅ né'₃ ni₁mesa 'nau₅₄ a₂tsi₂séi'₂ guein₂.

* **7:10** Éxodo 20:12; Deuteronomio 5:56. † **7:10** Éxodo 21:17; Levítico 20:9. ‡ **7:15** A₂lín₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄ rě₂gua₄, nei₂ 'nia'₂.” § **7:24** A₂lín₅₄ chog₅₄ si₂ juá'₂ ján₃: “quian'₅₄ Sidón.”

29 Jaun₂ ca₂ŋag₃ táng₃:

—Dse₃ nē₂ŋag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tē₂dsí₅ chí'₂ quiáng'₂.

30 Jaun₂ ca₂ŋái'₃ bá₄; jme₁dsiáin'₃, ca₂jín₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lin₄ lé₂ dsia₃ jág₁

31 Ca₂o₃'ín₃ táng₃ Jesús juig₂ Tiro, ca₂ŋí₃ juí₅ juig₂ Sidón, jaun₂ ca₂dsióg₃ chei'₅₄ jmi₁ŋí'₄ Galilea, jaun₂ ca₂'í₃ 'uē₃ Decápolis.

32 Ja₁jaun₂ ca₂o₃jñia₃ dsa₂ jan₂ dsa₂ i₂tsá₃ lin₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂.

33 Jaun₂ ca₂jio₃ Jesús ca₂jñiai₃ dsa₂ 'éi₂ caun₂ ja₁co₂'ñiog₅, jaun₂ ja₁jaun₂ ca₂tiá₂ chí₁gú₃ rē₂gua₄ dsa₂ 'éi₂, jaun₂ ca₂'ñéi₃ chí₁gú₃, jaun₂ ca₂ní₂' le₁tsí'₂ dsa₂ 'éi₂.

34 Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—¡fata! —co₂'nió'₄ a₂juá'₂: ¡Nia₄!

35 Jme₁ma₂nē₂juá'₂ le₂nē₅, ca₂niá₃ rē₂gua₄ mi₂'o₄ dsa₂ 'éi₂ nē₃, ca₂'lóin₂, ca₂dsia₃ dse₃ jág₁.

36 Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂juí'₂ guē₄ ca₂dsia₃ bá₄ dsa₂.

37 Jaun₂ 'ñio₅ lin₃ ca₂i₃gó'₃ dsí₅ dsa₂ jme₁ca₂rē₃ñi₅. Jaun₂ qui₂ca₂dsia₃ dsa₂:
—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ nē₃, lé₂ le₃dsia₃ jág₁.

8

*Ca₂jme₃tan₅₄ Jesús quén₂ mei₅ dsa₂
(Mateo 15:32-39)*

1 Jmíg₄ jaun₂ ca₂ŋí'₂ juin₅ lin₃ dsa₂. Ia₁ tsá₃ ma₃'e₂ cha₂ guē'₃, jaun₂ ca₂tě'₃ Jesús chí'₂ dsi₂guia₃-tín₂ quiáin₅, jaun₂ ca₂juá'₂:

2—Néi₂ dsi₃jing₅₄ dsa₂ nē₅, ia₁ ma₂'ni₅ jmíg₄ tion'₅₄ ja₁lá₃ quiong'₅₄, tsá₃ ma₃'e₂ cha₂ guē'₃.

3 Nē₁juá'₂ dsiain'₅₄ guē'₂ jniá₂ quió'₅ tē₃ tsá₃ ma₂nē₂guē'₃, 'uáin₂ bá₄ le₂'i₄ juí₅, ia₁ uíng₂ bá₄ ja₂lén₂ i₂lin₅₄ nē₅.

4 Jaun₂ ca₂ŋag₃ chí'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jě₃ i₁ŋí'₄ a₂'nió'₅ le₂tan₅₄ dsa₂ nē₅ ja₁co₂'ñiog₅ la₂?

5 Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

6 Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uē₃. Jme₁ma₂chan'₂ le₂guio₃ i₁ŋí'₄, ca₂cué'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guē₄ ca₂cué'₃ chí'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃.

7 Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jñio₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂.

8 Jaun₂ qui₂ca₂guē'₃ ca₂le₃jín₃ dsa₂ ca₂lia'₂ ca₂rē₃tain₅₄. Jme₁ca₂lě₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃.

9 Ca₂le₃jín₃ dsa₂ 'éi₂ jme₁lě₂ con'₂ quén₂ mei₅. Jaun₂ guē₄ qui₂ca₂'ág'₃ jág₁ dsa₂.

10 Dsi₂juí₅ le₂jaun₂ ca₂'í₃ táng₃ 'ñió'₃ tsi₁mu₅ quiain'₅₄ chí'₂ dsi₂guia₃-tín₂ quiáin₅, ca₂dsi₃lén₂ 'uē₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ jué'₂
(Mateo 16:1-4; Lucas 12:54-56)

¹¹ Jaun₂ ca₂o₃lén₂ dsa₂ fariseos ca₂jme₃lióg₃ ca₂tsiin₂ quiong'₅₄, a₂mi₂₃ jmo₃ 'éi₂ caun₂ léi₄ jué'₂ a₂já₅ guei'₅₄ i₂juíg₃.

¹² Jaun₂ ca₂chon₃ Jesús dsí₅ 'nio₅ lin₃, jaun₂ ca₂juá'₂:

—¿'E₂ bá₄ lë₃ 'nio₃ dsa₂ chan₂ jmig₄ në₃ a₂jmo₅₄ jniá'₂ léi₄? A₂dsi₂jó'₃ juíg₂ jniá'₂ 'nia'₂, tsá₃ léi₄ jaun₂ le₃guéi'₁ 'nia'₂.

¹³ Tión₂ jaun₂ bá₄ dsa₂ 'éi₂, ca₂'í₃ táng₃ 'nió'₃ tsi₁mu₅ ca₂no₃ le₃'no'₅₄ jmi₁ni'₄ le₃ó₃.

Levadura quió'₅ dsa₂ fariseos
(Mateo 16:5-12)

¹⁴ Ca₂'en₃ dsí₅ chi'₂ dsi₂guia₃-tín₂ cán₂ a₂gué'₃, jnia'₅₄ lia'₂ caun₂ i₁ni'₄ bá₄ quian₅ i₃lén₂ 'nió'₃ tsi₁mu₅.

¹⁵ Jaun₂ ti₁ca₂néi'₂ Jesús jág₁, ca₂juá'₂:

—Të₃ni'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes në₃. Ia₁ lë₅ lia'₂ lë₅ jui₁ levadura.

¹⁶ Jaun₂ ca₂dsia₃ chi'₂ dsi₂guia₃-tín₂ quian'₅₄ rin'₅₄:

—An₁ juá'₂ le₂në₅ ia₁ tsá₃ i₁ni'₄ cha₂ quián₂ jniog₄.

¹⁷ Ca₂rë₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂ ca₂juá'₂:

—¿'E₂ lë₃ juá'₂ 'nia'₂ a₂tsá₃ i₁ni'₄ cha₂ quián'₂ 'nia'₂? ¿'E₂ lë₃ ni₄ tsá₃ rë₂ni'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂?

¹⁸ ¿O₃ bá₄ a₂lë₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lë₁le₁dsi₅₄ bá₄ rë₂guá'₂ 'nia'₂, la₁ tsá₃ nag'₂ gué'₂ 'nia'₂? ¿O₃ bá₄ tsá₃ ma₃dsá₂ 'e₂ 'au'₂ 'nia'₂?

¹⁹ Lia'₂ con'₂ jme₁ca₂dsio'₄ jniá'₂ quian'₅₄ 'niá'₂ i₁ni'₄ bá₄ ca₂lin₅ ca₂gué'₃ con'₂ 'niá'₂ mei₅ dsa₂, ¿je₂liá'₂ mi'₂ ca₂lë₃ ni₁'nau₅₄ a₂ca₂chóng₃ gué'₄ ca₂cag'₅₄ 'nia'₂?

Jaun₂ ca₂rag₃ 'éi₂:

—Guia₃-tín₂.

²⁰ Con'₂ siá'₂ táng₃, lia'₂ con'₂ jme₁ca₂dsio'₄ jniá'₂ guio₃ i₁ni'₄ ca₂lin₅ ca₂gué'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ gué'₄ táng₃ 'nia'₂?

Jaun₂ ca₂rag₃ táng₃ 'éi₂:

—Guio₃.

²¹ Jaun₂ ca₂juá'₂ táng₃:

—¿Tsa₁ rë₂len'₅₄ bá₄ gué'₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

²² Jaun₂ dsi₃lén₂ juig₂ Betsaida. Jaun₂ ca₂o₃jnia₃ dsa₂ jan₂ dsa₂ ten₄, jaun₂ ca₂mi₃ dsa₂ a₂téi₂ gu₂.

²³ Jaun₂ në₃ ca₂jna'₃ gu₂ dsa₂ ten₄ 'éi₂, ca₂jio₃ jui₅ 'ni'₂ juig₂. Jaun₂ ja₁jaun₂ ca₂tsáng₂ jmi₁'é'₅ quió'₅, jme₁ne₁ dsa₂ 'éi₂, ca₂téi₂ gu₂, jaun₂ ca₂rag₃ chi₂juá'₂ ma₂lé₂ jág₃.

²⁴ Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá'₂ dsa₂ i₂nio₄, i₂jniá'₂ lia'₂ jniá'₂ ni₁'ma₂.

²⁵ Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ gué'₄ ca₂jág₃ i₁ca'₅₄ mi₂ne₅₄, jaun₂ gué'₄ ca₂rë₃jniá'₂ dse₃ jme₁ne₁₂, ca₂'lón₂.

²⁶ Jaun₂ ca₂dsióg'₂ Jesús co₂dsau₅ ja₁quió'₄, ca₂juá'₂:

—Tsá₃ 'ú₅ jë₄ juig₂ të₃ jág₅ dsa₂.

Ca₂cuë₃ Pe₄ jág₁ dsau₅ a₂lín₅ Jesús I₂rë₂'ín₁ quián₅ Diú₄
(Mateo 16:13-20; Lucas 9:18-21)

27 Cang₂ jaun₂ ca₂ηó₃ Jesús quiain'₅₄ chi'₂ dsi₂guia₃-tín₂ quiáin₅ le₂tan₅₄ juig₂ Cesarea ja₁tén₄ Filipino. Jaun₂ le₂'i₄ jui₅ ja₁i₃lén₂, ca₂ηag₃ Jesús ca₂ηí'₃ chi'₂ dsi₂guia₃-tín₂:

—¿'Ein₂ lín₅ jniá₂, juá'₂ dsa₂?

28 Jaun₂ ca₂ηag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín₅ Juan₅₄ i₂jme₁chon₅ dsa₂ jmig₂. I₂lín₅₄ guè'₂ juá'₂ a₂lín₅ Elías. I₂lín₅₄ guè'₂ juá'₂ táng₃ a₂lín₅ jan₂ i₂sián'₂ i₂chen₄ quián₅ Diú₄.

29 Jaun₂ ca₂ηag₃ táng₃:

—¿'Nia'₂ guè'₂ ně₃? ¿'E₂ juá'₂ 'nia'₂ 'ein₂ lín₅ jniá₂?

Jaun₂ ca₂ηag₃ Pe₄:

—'Ne₂ lín₅ I₂rē₂'ín₁ quián₅ Diú₄.

30 Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂ jua'₅₄ a₂'ag₃.

Ca₂'ě₂ Jesús jág₁ a₂jóin₂

(Mateo 16:21-38; Lucas 9:22-27)

31 Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsi₂guia₃-tín₂, a₂ca₂tín₂ Jaun₅ dsa₂ mi₂güí₃ dsi₃ηí₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅ guá'₅, juig₅₄ jme₂dsa₂, tē₃juá'₅ ně₃. Ca₂le₃jín₃ quiin'₃ jág₁ a₂jηag'₃. La₁ jein'₅₄ bá₄ táng₃ a₂'ni₅ jmig₄ jaun₂.

32 Ca₂juá'₂ lia'₂ rē₂jiá₃ jág₁. Jaun₂ Pe₄ ně₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi'₂ a₂jme₁jnéi₂ jui₅.

33 Jaun₂ ca₂jén'₃ Jesús ca₂jín₂ ca₂le₃jín₃ chi'₂ dsi₂guia₃-tín₂, jaun₂ ca₂jéin₂ Pe₄ ca₂juá'₂:

—jηiag'₃ cau₅ quió₃, 'ne₂ Satanás! Ia₁ tsá₃ dsi₂jio₃ 'au'₂ jui₁lia'₂ dsi₂jio₃ dsí₅ Diú₄; lia'₂ dsi₂jio₃ dsí₅ dsa₂ mi₂güí₃ bá₄ dsi₂jio₃ 'au'₂.

34 Jaun₂ ca₂tē'₃ Jesús chi'₂ dsi₂guia₃-tín₂, ca₂le₃jín₃ guè'₄ dsa₂ i₂jme₁tion'₅₄ ně₃. Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jηiai₅₄ a₂jóin₂,* jui₁'ein₁₂.

35 Ia₁ jui₁'ein₂ guè'₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güí₃ la₂, dsi₃'én₂ quió'₅. La₁ jui₁'ein₂ guè'₄ i₂tén'₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió'₄ jág₁ dse₃ ně₃, tén'₄, le₃chain₂ dse₃ mi₂güí₃ caun₂.

36 ¿'E₂ bá₄ ta₁ jmo₃ a₂lí'₂ dsa₂ 'ηio₅ lín₃ ne₄ gua'₅₄ 'uē₃ la₂, ně₁jua'₂ dsi₃'én₂ bá₄ guè'₂ jme₂dsí₂ quió'₅ mi₂güí₃ caun₂?

37 ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tén'₄ jme₂dsí₂ quió'₅?

38 Ia₁ jui₁'ein₂ guè'₃ i₂gui'₅₄ jmóg'₂ jniá₂, quian'₅₄ jág₁ dse₃ quió₃, tē₃jín₄ dsa₂ i₂qui₂rē₂cán'₄ dso₄ i₂tsá₃ ne'₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güí₃ gui'₅₄ jmóg'₂ jē₁ma₂tē₂ rē₁guain'₂ quian'₅₄ ángeles jηiós₅ quian'₅₄ ca₂le₃jě₃ bí₂ jlá'₁ quió'₅ jmei₂.

9

1 Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá₂, ia₁ chan₂ i₂lín₅₄ 'nia'₂ i₂tión₂ ja₁lá₃ i₂tsá₃ tin₅₄ dsián₃ né'₃ a₂tē₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rē₃tsín₃ Jesús lia'₂ jniái₂

(Mateo 17:1-13; Lucas 9:28-36)

* 8:34 lit. "jui₁quian₅₄ cróg₄ quió'₅."

² Jñéi₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂i₃léin₂ con₂ guioin₅₄ jui₅ caun₂ má₂ ñei₅. Ja₁jaun₂ ca₂jme₃tsín₃ Jesús lia₂ jniái₂ tē₃ jág₅ riin₅₄.

³ Jaun₂ ni₁tsin₅₄ ca₂jñia₃ tág₅ co₂'né₅ tiog₂ jau₂ ca₂lia₂ 'i₁jan₂ dsa₂ chan₂ mi₂güig₃ tsá₃ tiin₂ rang₃ 'mi₂ a₂jñia₅₄ tiog₂ le₂jaun₂.

⁴ Jaun₂ ca₂jág₃ ca₂jñia₃ coin₂, Elías quian₅₄ Moisés, tióin₂ dsia₂₃ jág₁ quiaín₅₄ Jesús.

⁵ Jaun₂ ně₃ ca₂juá₂ Pe₄ ca₂tsí₃ Jesús:

—Tē₅, i₁e₂ guē₄ dse₃ lia₂ tio₅₄ jniog₄ ja₁lá₃! Nē₃ o₁jmog₅₄ 'ni₅ tsí₁ 'io₅ láu₃: caun₂ quiáng₂, caun₂ quió₅ Moisés, caun₂ guē₂ quió₅ Elías ně₃.

⁶ (On₃jua₅₄ jaun₂ ca₂rē₃lí₄ rē₂ Pe₄ 'e₂ a₂ca₂ñiai₂, tē₂ i₂₃ le₂jaun₂, ia₁ a₂gó₅ 'ñio₅ lin₃ tióin₅₄).

⁷ Tē₃jē₄ jaun₂ ně₃ ca₂'ág₂ jnei₅ ja₁tióin₅₄, ca₂lioin₂. Jaun₂ jē₄ jnei₅ jaun₂ ca₂né₂ jág₁ a₂ca₂juá₂:

—I₂la₂ bá₄ jón₃ quiáng₃, i₂'nióg₃ guē₄ lin₃. Nei₂ 'nia₂ jág₁ quió₅.

⁸ Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia₅₄ lia₂ jan₂ 'ñiog₅ bá₄ Jesús quiong₅₄ guē₄.

⁹ Jme₁ma₂tióin₅₄ jui₅ ja₂lein₃ sióin₅ má₂, jaun₂ ca₂jmo₃ Jesús 'éi₃ a₂tsá₃ 'ein₂ tsí₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia₂ ca₂jen₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí₃, jñia₅₄ lia₂ qui₂ca₂ñí₃ riin₅₄ 'e₂ jein₅ jág₁ jaun₂ a₂jein₅₄ ne₄ 'mú₃.

¹¹ Jaun₂ ca₂ñí₃ Jesús:

—¿E₂ lē₃ juá₂ tē₅juá₅, Elías bá₄ i₂ca₂tín₂ jiá₃ le₂'uig₅₄?

¹² Jaun₂ ca₂ñag₃:

—Dsón₂ bá₄ jaun₂ Elías bá₄ i₂jiá₃ le₂'uig₅₄, a₂jmóg₃ ca₂le₃jē₃. ¿E₂ guē₂ lē₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güig₃ a₂tsá₃ caun₂ dsí₃ñí₂, tsá₃ guei₃ dsa₂, 'liog₃ dsa₂ 'uē₃ co₂ñí₂?

¹³ La₁ jniá₂ juá₅, i₂ma₂guan₅ bá₄ Elías, qui₂ca₂jmóg₂ dsa₂ ca₂lia₂ lē₂ dsí₅, lia₂ con₂ lē₅ chi₁ton₅ ne₄ Si₂.

*Ca₂jme₃'lión₂ Jesús jan₂ chi₂ i₂jme₁'en₅₄ i₂'lin₅₄ tē₂dsí₅
(Mateo 17:14-21; Lucas 9:37-43)*

¹⁴ Jme₁co₂lág₂ jaun₂, ca₂dsi₃lein₃ ja₁tion₅₄ riin₅₄. Jaun₂ ca₂jñin₂ juin₅ dsa₂ sián₂ tion₅₄ le₃lág₃ jaun₂. Tion₅₄ tē₅juá₅ ně₃, tsin₂₃ quian₅₄ 'éi₂.

¹⁵ Jaun₂ dsí₂jui₅ jme₁ca₂jág₃ dsa₂ ca₂le₃jñin₃ ca₂jñin₂ Jesús, ca₂i₃gó₃ dsí₅ 'ñio₅ lin₃, jaun₂ i₃léin₂ i₁cuag₃ Diú₄.

¹⁶ Jaun₂ ca₂ñag₃ Jesús:

—¿E₂ jág₁ tsí₂jñin₂ 'nia₂ quian₅₄ dsa₂ ně₅?

¹⁷ Jaun₂ ca₂ñag₃ jan₂ dsa₂ i₂'en₅₄ jē₄ jaun₂:

—Tē₅, la₂ jñiag₅₄ chi₂ quiáng₃ a₂'ein₅₄ jme₂dsí₂ 'lin₅₄ i₂tsá₃ cuē₅ jmig₄ dsia₃ chi₂ jág₁.

¹⁸ Chi₂jua₂ 'a₂ guē₂ já₄ jmóg₂, jmo₂₃ tón₂ 'uē₃. Qui₂'uē₅ chi₂ jan₅ mi₂o₅₄, qui₂qui₂g₂ mi₂jan₅₄ ně₃. Jmo₂₃ a₂rē₂'uá₃ rē₂juí₂ quió₅ ně₃. Jaun₂ jme₁ma₂nē₂juí₂ jniá₂ dsa₂ i₂quiang₅₄ a₂jme₁dsein₂₃ i₂'lin₅₄, la₁ tsá₃ tió₅, juá₂.

¹⁹ Jaun₂ ca₂ñag₃ Jesús:

—i₁'En₁ jmá₃ tsá₃ 'e₂ 'én₂ 'nia₂ dsa₂ chan₂ jmig₄ ně₃! ¿Je₂liá₂ jmig₄ jmá₃ 'nió₅ jmo₅₄ jniá₂ tió₅ dsí₃ ñí₅₄ quian₅₄ 'nia₂? O₂quiaín₅ 'nia₂.

20 Jaun₂ ca₂i₁quian₅₄ dsa₂ chi'₂ ca₂o₃jio₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jín₂ Jesús, ca₂jmo₃ táng₃ i₃'ín₃ i₂bë'₅₄ qui₂ca₂ba₂ca₂lín'₂ 'uë₃, 'uë'₅ jan₅ mi₂'o₅₄.

21 Jaun₂ ca₂ñii'₃ jmei₂ chi'₂:

—¿Jma₂je₂liá'₂ jmi₄g₄ jén'₅ le₂në₅?

Jaun₂ ca₂ñag₃:

—Lia'₂ con'₂ bin'₅₄ bá₄ i₂në₅.

22 'Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ në₃, a₂jmo₃g'₂ i₂'lin'₅₄ a₂'nio₃ jñag'₃. La₁ në₁jua'₂ cha₂ a₂lé₂ le₃jmo'₂, dsia₄ ñéi₂ 'au'₂ jnia'₅₄.

23 Jaun₂ ca₂juá'₂ Jesús:

—¿A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

24 Dsi₂jui₅ le₂jaun₂ ca₂ñag₃ jmei₂ i₂bë'₅₄ ca₂juá'₂ tiá'₂:

—¡Én₂ bá₄ jniá'₂! ¡Jme₁'o₁ jaun₂ le₃'éng₂ gué'₄!

25 Jme₁ca₂jág₃ Jesús caun₂ qui₂ca₂ñi'₂ juin₅ lin₃ gué₄ dsa₂, jaun₂ gué₄ ca₂jéin₂ i₂'lin'₅₄, ca₂juá'₂:

—Jú₅ ja₁në₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmi₄g₄ tsá₃ ma₃'ú'₄ ja₁në₅, ia₁ jniá'₂ juá'₅.

26 Jaun₂ jme₁ca₂o₃'ín₃ i₂'lin'₅₄, ca₂jmo₃ gué₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uë₃, ca₂quiog₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂.

27 Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

28 Jaun₂ jme₁ma₂'ís Jesús caun₂ dsi₂néi₂, ja₁jaun₂ ca₂ñag₃ chi'₂ dsi₂guia₃-tín₂ con'₂ guioin₅₄:

—¿E₂ 'uig₅ tsá₃ ca₂tián₃ jnia'₅₄ a₂dsén₄ i₂'lin'₅₄?

29 Jaun₂ ca₂ñag₃ Jesús:

—Jme₂dsí₂ 'lin'₅₄ i₂le₂në₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ë₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

30 Jme₁ca₂'uín₂ juig₂ jaun₂, ca₂i₃lein₃ táng₃, ca₂ñi₅ jui₅ 'uë₃ Galilea, tsá₃ jme₁'nio₃ Jesús le₃ñi₅ dsa₂,

31 ia₁ jme₁jme₂tín₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmi₄g₄ a₂jáng'₂ dsa₂ jín'₂ Jaun₅ dsa₂ mi₂güí₃g₃ o₄gú₃ dsa₂ i₂'iog₅₄ jaun₂ jñag'₃ dsa₂. La₁ a₂'ni₅ jmi₄g₄, jein'₅₄ bá₄ táng₃.

32 La₁ chi'₂ dsi₂guia₃-tín₂ në₃, tsá₃ ca₂ñii'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsí₅ jua'₅₄ a₂ñag₃ gué₄ 'e₂ ñag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ gué₄ con'₂ quian'₅₄ rín'₅₄

(Mateo 18:1-5; Lucas 9:46-48)

33 Jaun₂ ca₂dsi₃lén₂ juig₂ Capernaum. Jme₁ma₂tián'₅ dsi₂néi₂, jaun₂ ca₂ñi'₃ Jesús chi'₂ dsi₂guia₃-tín₂, ca₂juá'₂:

—¿E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tián'₂, tsá₃ 'e₂ ca₂ñag₃, ia₁ le₂'i₄ jui₅ ja₂lein₃ tsin₂₃ 'ein₂ dsón'₂ i₂lén₂ i₂dsen₅₄ gué₄ jë₄ quió'₅ rín'₅₄.

35 Jaun₂ ca₂guá₂ Jesús, jaun₂ ca₂té'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jë₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ rín'₅₄.

* 9:29 A₂lin₅₄ chog₅₄ si₂ juá'₂: “a₂chi₂lén'₂ dsa₂ Diú₄, a₂jme₂'iin₅₄ në₃.”

36 Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jë₄ quió'₅, jaun₂ ca₂jñau'₃, ca₂juá'₂:

37 —Jui₁'ein₂ guě₃ i₂guen₅ jan₂ guein₂ bë'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

"I₂tsá₃ 'iog₅₄ jniog₄, tē₂le₃ quián₂ jniog₄ bá₄ chéin'₅"
(Mateo 10:42; Lucas 9:49-50)

38 Jaun₂ ca₂juá'₂ Juan₅₄:

—Të₅, ně₂jñ₄ jnia'₅₄ jan₂ dsa₂ i₂ně₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃ně₂cuě'₁ jnia'₅₄ jmig₄ jua'₅₄ a₂jmo₃ guě₄ le₂jaun₂, ia₁ tsá₃ η₂₃ guě'₂ quian'₅₄ jniog₄.

39 Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jñig'₅₄. Ia₁ 'i₁jan₂ tsá₃ jmo₅ caun₂ ta₁ juě'₂ lia'₂ con'₂ lě₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'lig'₅₄ dsi₂jui₅ le₂jaun₂.

40 Ia₁ jui₁'ein₂ guě₃ jui₁lia'₂ i₂tsá₃ 'iog₅₄ jniog₄, i₂tió₂ tē₂le₃ quián₂ jniog₄ bá₄ 'éi₂.

41 Ia₁ ně₂jua'₂ 'ein₂ ca₂cuě'₃ 'nia'₂ tsá₃ a₂léi'₂ o₁jñia'₅₄ caun₂ vaso jmig₂ bá₄, ia₁ a₂tén'₅ 'nia'₂ tē₂le₃ quió'₅ I₂rě₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄
(Mateo 18:6-9; Lucas 17:1-2)

42 'Jui₁'ein₂ guě₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ tē₂le₃ quió₃ jniá₂, ja₂lin₃ guě₄ dse₃ co₂ñei'₅₄ jua'₅₄ a₂tón₂ dsa₂ ne₄ jmi₁ñí'₄ rě₂quein₅ ca₂míg₂ ni₁to₂ dsi₂lag₅₄.

43 Nē₂jua'₂ mi₂gog'₂ jmo₅ a₂tang'₂ dso₄, co₂ñei'₅₄ guě₄ dse₃ 'nia₄, ia₁ ja₂lin₃ guě₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guě₄ a₂jme₁dsiáng'₄ guio₃-juíg₃ a₂rě₂'ñia₅ ta₁tin₃ gog'₂ ja₁tsá₃ líg'₂ jmig₄ éi₃ si₂.†

45 Nē₂jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ guě₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guě₄ a₂jme₁dsiáng'₄ a₂rě₂'ñia₅ le₃tin₃ tag'₅₄ guio₃-juíg₃, ja₁tsá₃ líg'₂ jmig₄ éi₃ si₂.‡

47 Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ guě₄ dse₃ dsi₄ ján₃, ia₁ ja₂lin₃ guě₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guě₄ a₂jme₁dsiáng'₄ a₂rě₂'ñia₅ ta₁tin₃ mi₂ne'₅₄ guio₃-juíg₃:

48 ja₁tsá₃ líg'₂ jmig₄ dsián₃ i₁ja'₅₄,
on₃ guě'₂ si₂ éi₃ ně₃.§

49 'Ia₁ ca₂le₃jín₃ bá₄ 'nió'₅ lé₂ 'í₁ tē₂le₃ quian'₅₄ uig₅ a₂lé₅ lia'₂ lě₅ si₂.*

50 Dse₃ bá₄ tsi₁ñi₁ tē₁lia'₂ ñi'₅₄, la₁ ně₂jua'₂ ca₂'en₃ ñi'₅₄ tsi₁ñi₁ ně₃, ĸ'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lě₅ tsi₁ñi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

10

Jme₂tag₅ Jesús jui₁lia'₂ 'a₂ lia'₂ lě₅ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

1 Jaun₂ ca₂o₃'ín₃ Jesús juig₂ Capernaum ja₁jme₁'ein₅₄, ca₂ñó₃ táng₃ ja₁tén₄ Judea quian'₅₄ jui₅ 'uě₃ tē₂le₃ 'ño'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂.

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rě₂ quian'₅₄ versículo 48. ‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rě₂ quian'₅₄ versículo 48. § 9:48 Isaías 66:24. * 9:49 lit. "Ia₁ ca₂le₃jín₃ 'nió'₅ le₃ñi'₅₄ quió'₅ quian'₅₄ si₂." Nio'₂ ja₁ton₅ 1 Pedro 1:7; 4:12.

2 Jaun₂ ca₂dsi₃lén₂ i₂lín₅₄ dsa₂ fariseos, ca₂ñí₃ Jesús a₂jñia₅₄ con₂ 'nio₃ cáun₂ táu₂ chi₂jua₂ 'i₄ 'éi₃ a₂tén₂ dsa₂ dsa₂ mí₂ quiáin₅.

3 Jaun₂ ca₂ñag₃ 'éi₂:

—¿'E₂ 'éi₃ ca₂cuë₃ Moisés guë₂?

4 Jaun₂ ca₂ñag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ñe₂ caun₂ si₂ tëron₅₄, jaun₂ guë₄ ma₂lé₂ dsei₂₃.

5 Jaun₂ ca₂ñag₃ Jesús:

—'Uig₅₄ ia₁ a₂ñí₄ tsá₃ nág₁ 'nia₂ guiong₅₄ bá₄ ca₂cuë₃ Moisés 'éi₃ jaun₂,

6 La₁ le₂'uig₅₄ lia₂ con₂ jme₁ca₂dsia₃ Diú₄ mi₂güig₃, “ca₂jmo₁' dsa₂ ñe₂, dsa₂ mí₂”.

7 “'Uig₅₄ jaun₂ ně₃ dsa₂ ñe₂, ca₂tíin₂ téin₂ chog₅₄-jmei₂, con₂ tiain₃ quiain₅₄ dsa₂ mí₂ quiáin₅.

8 Jaun₂ jë₁le₃oin₃ lén₂ caun₂ bá₄ ni₁ñí₅.”* Jaun₂ dsió₄ lé₂ co₂'nió₄ jan₂ dsa₂ bá₄, tsá₃ ma₂lé₂ oin₃.

9 Jaun₂ tsá₃ 'i₄ 'éi₃ jua₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rë₂.

10 Jme₁ma₂tioin₅₄ táng₃ dsi₂néi₂, ca₂ñag₃ chi₂ dsi₂guia₃-tín₂ ca₂ñí₃ Jesús jág₁ ně₅.

11 Jaun₂ ca₂juá₂ Jesús:

—Dsa₂ i₂tén₂ 'io₅₄ quiáin₅, a₂guá₃ táng₃ quiain₅₄ i₂sián₂, 'no₂₃ dso₄ ja₁con₂ 'io₅₄ quiáin₅ i₂le₂'uig₅₄.

12 Con₂ guë₂ siá₂ táng₃ ně₁jua₂ tén₂ 'io₅₄ dsi₂i₂gu₂ a₂guá₃ táng₃ quiain₅₄ dsa₂ ñe₂ sián₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon₅₄ Jesús chi₂-guein₂

(Mateo 19:13-15; Lucas 18:15-17)

13 Jaun₂ ca₂dsi₃lén₂ dsa₂ le₁jñiai₂₃ chi₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi₂ dsi₂guia₃-tín₂ ně₃ ca₂jí₂.

14 Jme₁ca₂jág₃ Jesús, jaun₂ ca₂i₃méi₂ dsí₅ quian₅₄ chi₂ dsi₂guia₃-tín₂, jaun₂ ca₂juá₂:

—Cuë₄ 'nia₂ jmig₄ jui₁ja₂lén₂ chi₂-guein₂ cong₂. Tsá₃ jmó₁ 'nia₂ le₂ně₅ jua₅₄ a₂jñig₅₄, ia₁ jui₁lia₂ i₂le₂la₂ bá₄ guë₂ i₂dsi₂len₅ ja₁gon₂ Diú₄.

15 A₂dsi₂jó₃ juí₂ jniá₂ 'nia₂, ia₁ jui₁'ein₂ guë₃ i₂tsá₃ gue₅ 'éi₃ quió₅ Diú₄, jui₁lia₂ gue₅ jan₂ i₂bë₅₄, o₁lí₂ tsá₃ dsi₁lein₅ ja₁gon₂ Diú₄.

16 Jaun₂ qui₂ca₂jñai₃ guein₂ 'ein₅₄, ca₂quiog₂ gu₂ ne₄ quió₅, ca₂jme₃jñi₃.

Jan₂ dsó₂ chi₂ cha₂ cu₄ ca₂dsia₃ jág₁ quiain₅₄ Jesús

(Mateo 19:16-30; Lucas 18:18-30)

17 Jme₁ma₂'en₅₄ Jesús jui₅ ñó₅ táng₃, jaun₂ já₃ jan₂ dsó₂ co₂chi₅₄ ca₂jme₃jein₂ ca₂chi₃jné₃ ne₅₄. Jaun₂ ca₂ñag₃:

—Të₅ dsen₃, ¿'e₂ 'nió₅ jmo₅₄ jniá₂ ia₁jaun₂ tñg₅₄ ja₁le₃chang₂ co₂tan₅₄?

18 Jaun₂ ca₂ñag₃ Jesús:

—¿'E₂ lë₃ quiong₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia₅₄ lia₂ jan₂ Diú₄ bá₄.

19 Cuíng₂ bá₄ 'Éi₃ Juá₅ quió₅ Diú₄, ja₁juá₂ tsá₃ jme₁dsiang₂ dsa₂ mi₂güig₃ ríng₂; on₃ guë₂ nióg₄ jág₁ quian₅₄ dsa₂ i₂tsá₃ lín₅ dsi₂i₂gog₂; on₃ guë₂ 'áng₁. Tsá₃ jmó₁ jua₅₄ jang₅₄ jág₁ të₂jág₁; tsá₃ jme₁gan₅ dsa₂ jua₅₄ a₂jñiá₄ a₂cha₂ quió₅; a₂jme₁gang₃ chog₂-ñéi₅ ně₃.†

20 Ca₂ñag₃ táng₃ dsa₂ 'éi₂:

—Të₅, ca₂le₃jë₃ a₂ně₅, lia₂ con₂ bin₅₄ bá₄ jniá₂ jme₂tí₁.

* 10:8 Génesis 2:24. † 10:19 Éxodo 20:12-6; Deuteronomio 5:16-20.

21 Jaun₂ ca₂jág₂ Jesús n_{éi}₂ dsí₅, ca₂juá'₂:

—Caun₂ guě₄ a₂'nió'₅ quiáng'₂. Guan'₂ o₂'nag₄ ca₂le₃jě₃ a₂cha₂ quiáng'₂, o₂dsio'₅₄ cu₄ jaun₂ o₂cuě'₅₄ dsa₂ te₂n_é₂. Jaun₂ guě₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ guě₄ n_{ia}₅, 'éin₃.[‡]

22 Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂ně₅; nái'₅ bá₄ jaun₂ 'lia'₂ dsí₅, ia₁ 'nio₅ lin₃ jme₁cha₂ cu₄.

23 Jaun₂ ca₂jén'₃ Jesús qui₂ca₂jín₂ chi'₂ dsí₂guia₃-tín₂ quiáin₅. Jaun₂ ca₂juá'₂:

—i'E₂ guě₄ 'nio₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú'₄!

24 Jaun₂ i₃gó'₃ dsí₅ chi'₂ dsí₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, i'e₂ bá₄ 'nio₅ quian₅ ta₁ a₂dsi₁len₅ dsa₂ ja₁gon₂ Diú'₄!§

25 Tsá₃ guě₄ 'e₂ ta₁ quian₅ a₂lé₂ le₃n_é₅ jan₂ já'₂ camello jui₅ tau₂ mi₂cu₄, con'₂ guě₄ dsa₂ cha₂ cu₄ a₂'í₂ ja₁gon₂ Diú'₄.

26 Jme₁ca₂nág₂ chi'₂ dsí₂guia₃-tín₂ a₂ně₅, i₃gó'₃ dsí₅ 'nio₅ lin₃. Qui₂ca₂n_{éi}₃ riin'₅₄:

—¿I₂'ein₂ bá₄ guě'₂ jaun₂ ně₃ i₂lé₂ le₃tín'₄?

27 Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú'₄, ca₂le₃jě₃ bá₄ lé₂ le₃lé₂.

28 Pe₄ ně₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsí₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

29 Jaun₂ ca₂nág₃ Jesús:

—A₂dsi₂jó'₃ juá'₅ jniá'₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió'₃ jniá'₂, quian'₅₄ 'uig₅₄ quió'₄ jág₁ dse₃ ně₃,

30 gue₃ mi₂güig₃ la₂ 'lióng₂ guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅ guě₄ chi'₂-guein₂ quiáin₅ ně₃ le₃chan₂; ton'₂ 'lióng₂ guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güig₃ caun₂.

31 La₁ rē₂ně₃, juin₅ i₂lín₅ i₂quen₅, la₁ jmig₄ jaun₂ lén₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, ju₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅ lín₂ dsa₂ mi₂güig₃, lén₂ i₂le₂'uig₅₄.

*Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)*

32 Tioin'₅₄ jui₅ uig₂ tso₄ a₂dsi₁lén₂ Jerusalén. Jesús ně₃ n_ó₃ dsí₂jniá'₄ ne₄ jui₅. Chi'₂ dsí₂guia₃-tín₂ guě'₂ i₂lén₂ dsí₂gó'₃ dsí₅. Ca₂le₃jín₃ guě₄ dsa₂ i₂jme₁quian'₅₄ ně₃ i₂lén₂ gó'₅. Jaun₂ ně₃ ca₂tě'₃ Jesús le₃cau₅ jui₅ jmá'₃ dsí₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsí₃n_{éi}₂,

33 ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uig₂ tso₄ a₂dsi₁ná₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂jnág'₃ dsa₂, jaun₂ jáng'₂ dsa₂ o₄gú₃ dsí₂nau₂ ně₃.

34 'Éi₂ ně₃ a₂lē₁qui₃jmóg'₂, qui₃cuě₃, qui₃'n_{éi}₂ dsa₂ ně₃. Jaun₂ guě₄ jnág'₃. La₁ a₂'ni₅ jmig₄, jein'₅₄ bá₄ táng₃.

*A₂ca₂mi₃ Jacobo quian'₅₄ Juan₅₄
(Mateo 20:20-28)*

‡ 10:21 A₂lin₅₄ chog₅₄ si₂ juá'₂: “Jmo₄ co₂jniag'₅₄ a₂jóng'₂,” (lit. quian₂ cróg₄ quiáng'₂), “‘éin₃ jniá₂.”

§ 10:24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú'₄.”

35 Jaun₂ ně₃, Jacobo quian'₅₄ Juan₅₄, le₃ on₃ ja₁ŋi'₅₄ Zebedeo, ca₂jme₃quiain'₃ ja₁chén'₄ Jesús, jaun₂ ca₂juá'₂:

—Tě₅, 'niog'₂ jnia'₅₄ jmó'₂ 'ne₂ dse₃ 'au'₂ a₂jmó'₂ ju₁'e₂ caun₂ a₂mí₁ jnia'₅₄.

36 Jaun₂ ca₂juá'₂ Jesús:

—¿'E₂ 'niog'₂ 'nia'₂ jmo₅₄ jniá₂ guě'₂?

37 Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃já_u₃ lia'₂ ca₂ton₂ cau₅ quiáng'₂ jě₁ma₂tě₂ rě₁ne'₅₄ jláng'₁ ne₄ta₁ quiáng'₂.

38 Jaun₂ ca₂ŋag₃ Jesús:

—Tsá₃ a₂jaun₂ ŋi'₅₄ 'nia'₂ a₂mi'₂. ¿Tián'₃ 'nia'₂ dsi₃ŋíg'₂ ca₂le₃jě₃ jui₁lia'₂ a₂dsi₃ŋí₂ jniá₂ guě'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá₂?

39 Jaun₂ ca₂ŋag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ŋí'₂ 'nia'₂ 'e₂ niog₅ dsi₃ŋí'₂ jniá₂. Ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.

40 La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tín₂ cuě₅₄ a₂jaun₂. Ja₁jaun₂ lě₅ co₂ŋia₅₄ a₂tian'₃ con'₂ i₂ca₂tín₂ bá₄.

41 Riin'₅₄ i₂guian₃ guě₄ 'éi₂ ně₃, ca₂rě₃ 'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅.

42 Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—Ŋi'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiain₅, qui₂toin'₂ dsa₂ 'éi'₃ bėn₂. Le₂jaun₂ bá₄, jui₁lia'₂ dsi₂tan₅₄ i₂sion₅ guě₄ quiain₅ ně₃, tián'₅ goin₂ jmo₂₃ 'éi'₃.

43 La₁ jín'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄;

44 chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂.

45 Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

*Ca₂jme₃'lión₂ Jesús jan₂ dsa₂ ten₄ i₂chen₂ Bartimeo
(Mateo 20:29-34; Lucas 18:35-43)*

46 Dsi₃lėin₂ juig₂ Jericó. Jme₁o₂'iín₃ juig₂ jaun₂ quiain'₅₄ chi'₂ dsi₂guia₃-tín₂ quiain₅, juin₅ guě₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ŋi'₅₄ Timeo), guá₅ 'éi₂ cau₅ jui₅ mi₂3 a₂jme₃o₅₄ dsa₂ cu₄.

47 Jme₁ca₂nág₂ juá'₂ dsa₂ ŋó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—jJesús, tsi₁jon₂ David, dsia₄ ŋéi₂ 'au'₂ jniá₂!

48 Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂jui'₂ guě₄ co₂mi'₅₄ ca₂'í₃ bá₄, ca₂juá'₂:

—jTsi₁jon₂ David, dsia₄ ŋéi₂ 'au'₂ jniá₂!

49 Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiain'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

50 Jaun₂ ca₂ton₃ cau₅ 'mi'₂ dsió₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ŋó₃ ja₁chén'₄ Jesús.

51 Jaun₂ ca₂ŋag₃ 'éi₂:

—¿'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂ŋag₃ táng₃ dsa₂ ten₄:

—Të₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂juí₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ŋó₃ quian'₅₄ Jesús.

11

Ca₂'í₃ Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quian'₅₄ dsi₁lén₂ Jerusalén, dsi₃lén₂ quian'₅₄ juig₂ Betfagé quian'₅₄ juig₂ Betania ně₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quian'₅₄,

² ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ juí₅ ja₁dsau₅₄ ně₅. Jë₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rë₂'ŋe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të'₅₄ ja₁lá₃.

³ Ně₁juá'₂ 'ein₂ ca₂juá'₂: “¿'E₂ lë₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rë₂'ŋe'₅₄ jë₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃.

⁵ Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo'₂ 'nia'₂ ja₁në₅? ¿'E₂ lë₃ tsing'₅₄ bú'₄?

⁶ Jaun₂ ca₂jéin'₃ bá₄ guë'₂ 'éi₂ jág₁ lia'₂ lë₅ jág₁ ca₂cuë₃ Jesús. Jaun₂ ca₂cuë₃ bá₄ dsa₂ jmig₄ të₂ já'₂.

⁷ Jaun₂ jme₁o₃lein₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlág₂ 'mí'₂ mi₂ca'₄ já'₂. Jaun₂ guë'₄ ca₂co₃dsag₅₄ Jesús.

⁸ Juí₅ dsa₂ qui₂ca₂néi'₃ 'mí'₂ le₂'i₄ juí₅ ja₁ŋí₃ Jesús. I₂lín₅₄ guë'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂lén₂ le₃ne₄ juí₅ quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—jjuí₁le₂juin'₂ bá₄ i₂në₅!* jjuí₁le₂jñi₃ bá₄ i₂në₅ i₂já₅ o₄quió'₄ Te₁gui'₅₄!†

¹⁰ jjuí₁le₂jñi₃ bá₄ 'éi'₃ a₂já₅ quió'₅ jmei₂ jniog₄ David ně₃! jjuí₁le₂juin'₂ bá₄ i₂guá₅ guei'₅₄ i₂juí₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂në₂jág₃ 'a₂ lia'₂ lë₅ ja₁jaun₂, ca₂o₃'iin₃, ca₂ŋái'₃ táng₃ juí₅ Betania quian'₅₄ ca₂le₃jín₃ chi'₂ dsi₂guia₃-tín₂ quian'₅₄, ia₁ ma₂ca₂'láu₂.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂

(Mateo 21:18-19)

¹² Jme₁jnia₃ jaun₂, con'₂ ma₂'u₁in₂ táng₃ juig₂ Betania, ca₂tá'₂ i₁cón'₅ Jesús.

¹³ Jaun₂ ca₂jág₃ të₂ uing₂ caun₂ ni₁'ma₂ higuera, lia'₂ rë₂can'₂ mog'₅₄ jniá₂ chí'₅. Jaun₂ ŋó₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsió₃ ně₃, jmá'₃ mog'₅₄ bá₄ cha₂, ia₁ on₃juá'₅₄ jein₂ a₂'ag₅ míg₂ higos jaun₂.

¹⁴ Jaun₂ ně₃ ca₂juá'₂ Jesús ca₂tsí'₃ ni₁'ma₂:

—Juí₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guë'₃ co₂ŋei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂në₅.

* **11:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jiá₃ i₂rë₂'ín₁ quian'₅₄; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)

15 Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃. Jaun₂ qui₂ca₂jéin'₃ ni₁mesa jme₁jmo'₂ dsa₂ ta₁ ja₁jme₂tsin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂;

16 tsá₃ ma₃ca₂cuë₃ jmi₄g₄ jua'₅₄ a₂dsi₃can₅ guë₄ dsa₂ lio₄ quió'₅ i₁dsi₅ guá'₅.

17 Jaun₂ ca₂jme₃tiin₂₃ dsa₂ 'éi₂, ca₂juá'₂:

—Ne₄ Si₂ juá'₂: “Né₅ quió'₃ lë₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.” † La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂. §

18 Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jñag'₃, ia₁ gó'₅ con'₂ tsá₃ ñó₅ ně₁juá'₂ 'éi₂ bá₄ jme₃gón₃ lë₂, ia₁ juin₅ lin₃ dsa₂ nag₅ dsí₂gó'₃ dsí₅ jág₁ a₂jme₂tag₅ Jesús.

19 Tē₂le₃ ca₂nei₂ jmi₄g₄ jaun₂, ca₂'uín'₂ * juig₂ jaun₂.

Ca₂rë₃quién₃ ni₁'ma₂ higuera
(Mateo 21:20-22)

20 Jme₁jnia₃ jaun₂, ca₂ñi₅ táng₃ juí₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄.

21 Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rë₃quién₃.

22 Jaun₂ ca₂ñag₃ Jesús ca₂tsí'₃ dsa₂:

—'Én₃ 'nia'₂ tē₂le₃ quió'₅ Diú₄.

23 A₂dsi₂jó'₃ juig₂ jniá₂ 'nia'₂, jui₁ 'ein₂ guë₃ juá'₂ tsí'₃ ni₁má'₂ ně₅: “Jñag'₃ ja₁ně₅, o₂'ú₅ jmi₁ñí'₄”, le₂jaun₂ dsón'₂ le₃ti₃ bá₄, ně₁juá'₂ tsá₃ ca₂'ág₂ caun₂-tin₃ dsí₅.

24 Jaun₂ lë₃, juá'₅ jniá₂, jui₁ 'e₂ guë₃ a₂mí'₂ 'nia'₂ jme₁chi₂leng'₅₄ Diú₄, ně₁juá'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mí'₂, le₂jaun₂ dsón'₂ le₃ti₃ bá₄ ja₁con'₂ 'nia'₂.

25 Jē₁ma₂tē₂ rē₁náu'₁ 'nia'₂ chi₁leng'₄ Diú₄, ně₁juá'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁ jaun₂ bá₄ Néi'₅ 'nia'₂ i₂guá₅ guei'₅₄ i₂juig₃ 'éin₂ dsáu'₂ 'nia'₂ guiong'₅₄. †

Jesús bá₄ i₂'io₅ 'éi'₃

(Mateo 21:23-27; Lucas 20:1-8)

27 Ca₂dsi₃lén₂ táng₃ juig₂ Jerusalén. Jaun₂ jme₁ma₂ñi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsí₂gui'₅₄ can'₅₄ ně₃.

28 Jaun₂ ca₂ñag₃ dsa₂ 'éi₂ ca₂ñí'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ñí'₂? ¿'Ein₂ cuë₅ bí₂ 'éi'₃ a₂jmo'₂ le₂ně₅?

29 Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂. Ně₁juá'₂ ca₂ñag'₅₄ 'nia'₂ lia'₂ tí₅, jaun₂ guë₄ juá'₄ jniá₂ 'ein₂ cuë₅ bí₂ a₂jmo₂₃ ca₂le₃jě₃ a₂jmo₂₃.

30 Jui₁lia'₂ a₂ca₂chon₃ Juan₅₄ jmi₄g₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ m₂i₂güí₃ 'e₂? ñag₄ 'nia'₂.

31 Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Ně₁juá'₂ ca₂chei'₅₄ jniog₄ 'éi'₃ quió'₅ Diú₄ bá₄, ně₃ cón'₅ bá₄ ñag₃: “¿'E₂ lë₃ tsá₃ ca₂rë₃ 'én'₂ 'nia'₂ jág₁ quió'₅ 'éi'₂?”

‡ 11:17 Isaías 56:7. § 11:17 Jeremías 7:11. * 11:19 A₂lin₅₄ chog₅₄ si₂ juá'₂: “ca₂o₃'iín₃.” † 11:25 A₂lin₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ ně₁juá'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juig₃ dsáu'₂ 'nia'₂ guiong'₅₄”.

32 ¿La₁ ně₁juá'₂ ca₂chei'₅₄ jniog₄ 'éi'₃ quió'₅ dsa₂ mi₂güig₃ bá₄...?

La₁ ca₂rě₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂ě₂ jág₁ quián₅ Diú₄.

33 Jaun₂ ca₂ḡag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ḡag₃ táng₃ Jesús:

—Ján₃ bá₄ tsá₃ juá'₄ jniá'₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ḡi₂₃.

12

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂
(Mateo 21:33-46; Lucas 20:9-19)

1 Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ mīg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂jnia₅₄ ja₁jlein'₃ mīg₂. Jaun₂ ca₂chi'₃ caun₂ tsi₁'né₅ ḡei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ḡó₃ bá₄ 'ḡiog₅ i₂ḡí₃ juig₂ siá'₂.

2 Jme₁ca₂tě₂ jein₂ a₂ca₂rau₂ mīg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quián₅ a₂jme₁i₂mí₃ a₂jáng'₃ dsa₂ ca₂dsio₄ mīg₂ con'₂ a₂ca₂tín₂ dsa₂ juig₅₄.

3 Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuē₃ a₂mi₅ dsa₂ 'éi₂, ca₂jḡau'₃, ca₂cuē'₃ dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂.

4 Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂.

5 Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jḡi'₃. Juin₅ guě₄ i₂sián'₂ ca₂i₁len₅₄ ján₃. I₂lín₅₄ 'éi₂ qui₂ca₂cuē'₃, i₂lín₅₄ guě'₂ ca₂jme₃dsiain₂₃ tioen'₅₄.

6 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ḡi'₅₄ i₂jme₁'nioi₃ guě₄ lín₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.”

7 La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tin₃ ja₁nau₂ la₂ cang₂; ně₃ o₁jḡi'₄ jniog₄, ia₁jaun₂ jniog₄ bá₄ lé₂ quián₂”.

8 Jaun₂ le₂jaun₂ bá₄ ca₂jmo₃. Ca₂jḡi'₃ bá₄ 'éi₂ tioen'₅₄. Jaun₂ ca₂dsei₁₂₃ le₃co'₅₄ jní₁.

9 'Jaun₂, ¿'e₂ jmo₃ dsa₂ juig₅₄ ja₁nau₂? Jḡi₁óí'₂ jme₃dsiain₂₃ ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

10 '¿Tsa₁ ma₂'í'₂ 'nia'₂ Si₂ ja₁juá'₂:

Ni₁cang₁ a₂tsá₃ ca₂rě₃ji'₅₄ tē₅ 'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
a₂tě₁ron₅₄ qui'₅₄ 'ia'₂;

11 con'₂ ně₅ lě₅ ca₂jmo₃ Te₁gui'₅₄,

jaun₂ 'ḡio₅ lín₃ bá₄ jlá'₁, lág₂ jniog₄?*

12 Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'iin₂₃ 'éi₂ bá₄. La₁ ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jḡau'₃.

Jág₁ ju₁lia'₂ 'lia'₅₄ a₂ca₂tín₂ dsit₂tan₅₄
(Mateo 22:15-22; Lucas 20:20-26)

* 12:11 Salmo 118:22-23.

13 Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄ i₂lin₅₄ dsa₂ quián₅₄ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús, ia₁jaun₂ cuin₅ jmi₄g₄ jo₅₄ jui₁lia'₂ bá₄ 'ñiá₃ ca₂jon₄ jág₁ 'lia'₂.

14 Jaun₂ ca₂o₃lén₂ ca₂juá'₂:

—Të₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃. Caun₂ qui₂jme₂tíng'₁ bá₄ dsa₂ jui₅ quió'₅ Diú₄. ¿'I₄ 'éi'₃ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄ o₃ tsá₃ qui₅₄ 'e₂?

15 La₁ ñi₅ rë₂ bá₄ Jesús a₂lë₁i₂nio₄ juá'₂ o₁ne₁ bá₄ dsa₂ 'éi₂. Jaun₂ ca₂juá'₂:

—¿'E₂ lë₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

16 Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió'₅ letra ně₃?

Jaun₂ ca₂ñag₃:

—Quió'₅ gui₅₄ emperador César bá₄.

17 Jaun₂ ca₂juá'₂ táng₃ Jesús:

—Jang'₅₄ 'nia'₂ ne₄ César con'₂ a₂ca₂tín₂ César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

Jaun₂ ca₂i₃gó'₃ dsi₅ jín₂ 'éi₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Mateo 22:23-33; Lucas 20:27-40)

18 Jaun₂ ca₂o₃lén₂ i₂lin₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jë₁ma₂dsain₃. Jaun₂ ca₂tsí'₃ Jesús:

19 —Të₅, ca₂quiog₂ Moisés si₂ a₂juá'₂, ně₁jua'₂ ca₂jon₃ jan₂ dsa₂ ñe'₂ të₃ tsá₃ ca₂can₃ 'io₅₄ quián₅ guein₂, tion'₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quián₅, lé₂ co₂'nió'₄ tsí₁jon₂ 'lag₄ riin'₅₄.†

20 'Ia₁ jme₁chan₂ guion₃ dsa₂ ñe'₂ i₂lín₅ jmá'₃ lia'₂ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ të₃ tsá₃ guein₂ ca₂can₃ 'io₅₄ quián₅.

21 Jaun₂ ca₂jen'₂ táng₃ gu₂ 'io₅₄ 'nág₂ 'éi₂ quian'₅₄ jë₁ca₂të₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lë₃ quian'₅₄ jë₁ca₂të₂ ún₂.

22 Le₂jaun₂ bá₄ ca₂lë₃ quian'₅₄ ta₁guion₃ dsa₂ ñe'₂ con'₂ i₂jme₁lë₄ rin'₅₄: ca₂dsain₃ bá₄ të₃ tsá₃ guein₂ ca₂can₃ 'io₅₄ 'i₁jan₂ quian'₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃.

23 Jaun₂ ně₃, jmi₄g₄ jë₁ma₂të₂ rë₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'₂ dsa₂ ñe'₂ ca₂guá₂ quian'₅₄.

24 Jaun₂ ca₂ñag₃ Jesús:

—'E₂ guë'₄ tsá₃ rë₂ ñí'₂ 'au'₂ 'nia'₂, ia₁ a₂tsá₃ cuin'₂ 'nia'₂ 'a₂lia'₂ juá'₂ Si₂, on₃ guë'₂ cuin'₂ 'nia'₂ 'a₂lia'₂ lë₅ jui₅bí₂ quió'₅ Diú₄.

25 Jë₁ma₂të₂ jmi₄g₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jén'₂ guë'₄ gu₂, on₃ guë'₂ ně₅ tóin'₃ guë'₄ jua'₅₄ a₂qui₃cuin₃ chi'₂ quián₅ a₂jén'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juí₃g₃ bá₄ 'éi₂ jmi₄g₄ jaun₂.

26 La₁ jui₁lia'₂ a₂jen'₅₄ táng₃ 'lag₄, ¿tsa₁ ma₂'í'₂ 'nia'₂ Si₂ quió'₅ Moisés jui₁lia'₂ ja₁juá'₂ 'ë₂₃ ni₁'ma₂ taun₅, ja₁ca₂juá'₂ Diú₄ ca₂tsí'₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”‡

27 A₂lín₅ Diú₄ quian₅ dsa₂ jén'₃ bá₄, on₃jua'₅₄ rë'₂ Diú₄ quián₅ 'lag₄. Jaun₂ 'ñio₅ lín₃ tsá₃ rë₂ ñí'₂ 'au'₂ 'nia'₂.

† 12:19 'Nio'₂ ja₁ton₅ Deuteronomio 25:5-6. ‡ 12:26 Éxodo 3:6.

'Éi' Juá' a₂dsen₅₄ guě₄ quió' Diú₄
(Mateo 22:34-40)

28 Jaun₂ ca₂guan₃ jan₂ tē₅juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rē₃lí'₄ bá₄ a₂ca₂ηag₃ Jesús lia'₂ tí₅ jág₁. Jaun₂ ca₂ηag₃:

—¿'E₂ 'Éi' Juá' a₂le₂'uig₅₄ a₂lē₅ a₂dsen₅₄ guě₄ con'₂ guě₄ ca₂le₃jě₃ juá'₅?

29 Jaun₂ ca₂ηag₃ Jesús:

—'Éi' Juá' le₂'uig₅₄ con'₂ guě₄ ca₂le₃jě₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄.

30 Jme₁'nió₄ 'nia'₂ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ ηí'₂ dsei'₂, ca₂le₃jě₃ bí₂ quiáng'₂.”§

31 Jē₁ca₂tě₂ tin₃ juá'₅ ně₃ juá'₂: “A₂jme₁'nióg'₄ dsa₂ mi₂güig₃ ríng'₂ ju₁lia'₂ 'niog'₂ 'ηiag'₂.”* J₁nia'₅₄ lia'₂ a₂tin₃ ně₅ bá₄ juá'₅ a₂lē₅ a₂dsen₅₄ guě₄ con'₂ guě₄ ca₂le₃jě₃ 'Éi' Juá' quió' Diú₄.

32 Jaun₂ ca₂ηag₃ tē₅juá'₅ 'éi₂:

—Tē₅, 'ηio₅ dse₃ lia'₂ ně₂ηag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂.

33 A₂jaun₂ bá₄ a₂dsen₅₄ guě₄ a₂jme₃'nio₃ dsa₂ Diú₄ ca₂le₃jě₃ dsí₅, ca₂le₃jě₃ jme₂dsí₂, ca₂le₃jě₃ bí₂ quió'₅; a₂jme₃'nio₃ dsa₂ riin'₅₄ ju₁lia'₂ 'nioi₃ 'ηiog₅. A₂jaun₂ bá₄ a₂quen₅ guě₄ con'₂ guě₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

34 Jaun₂ jme₁ca₂nág₂ Jesús ca₂ηag₃ bá₄ dsa₂ 'éi₂ a₂ηí'₂ dse₃ dsí₅, jaun₂ ca₂juá'₂:

—Tsá₃ uíng₂ ηí'₂ ja₁gon₂ Diú₄.

Jaun₂ tē₂le₃ ne₄ ju₁guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ηág₃ guě₄ 'e₂ ηag₃.

¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?
(Mateo 22:41-46; Lucas 20:41-44)

35 Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿'A₂ lia'₂ lē₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄,

36 ton'₂ 'ηiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ J₁nió₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?†

37 ¿'A₂ bá₄ lia'₂ lē₅ jaun₂ a₂lín₅ tsi₁jon₂ David, ton'₂ 'ηiog₅ bá₄ guē'₂ David ca₂tē₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ηio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅
(Mateo 23:1-36; Lucas 11:37-54; 20:45-47)

38 Tē₃jē₄ jme₂tiin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ ju₁ju₁lia'₂ niog₅ lín₅ tē₅juá'₅. Ia₁ tē₅ dsí₅ i₂niói₅₄ le₁qui'₂ 'mí'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jē₄ 'ma'₅₄,

39 ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ ju₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guē'₃ ju₁lia'₂ ja₁niog₅ jmig₄.

§ 12:30 Deuteronomio 6:4-5. * 12:31 Levítico 19:18. † 12:36 Salmo 110:1.

40 Qui₂jñiá'₂ 'ne₄ 'io₅₄ 'nág₂ ně₃, jaun₂ a₂jñia'₅₄ con'₂ 'ma₂₃ jlě₅ a₂jmo₂₃ jaun₂, chi₂lěin'₂ Diú₄ uě₂ lín₃ tē₃jín₄ dsa₂. La₁ 'e₂ guě₄ uig₅ cuě₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ñé₂ cu₄ quió'₅
(Lucas 21:1-4)

41 Co₂ráun₂ guá'₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá'₅ jín₂ dsa₂ i₂dsi₂lén₂ dsi₂tio'₂ cu₄ 'ñi₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄.

42 La₁ tē₃jě₄ jaun₂ ca₂dsi₃óg₃ jan₂ 'io₅₄ 'nág₂ te₂ñé₂. Jaun₂ ca₂tó'₂ tñ₃ ñí₁ guéin₂.‡

43 Jaun₂ ca₂tě'₃ Jesús chi'₂ dsi₂guia₃-tñ₂ quiáin₅, jaun₂ ca₂juá'₂:

—A₂dsi₂jó'₃ juig₂ jniá'₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ñé₂ ně₅, lia'₂ con'₂ guě₄ ca₂le₃jín₃ i₂ma₂ně₂tió'₂ 'ñi₃ tsi₁gu₅.

44 Ia₁ 'éi₂ ně₃ cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ě₂ Jesús jág₁ a₂dsi₃'én₂ bá₄ guá'₅ templo
(Mateo 24:1-2; Lucas 21:5-6)

1 Con'₂ jme₁ma₂'ein₅₄ ju₁₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tñ₂ quiáin₅:

—i₂Tě₅, jág₄ 'e₂ guě₄ jlá'₁ ni₁cang₁ a₂le₁ju₄ a₂lě₅ guá'₅!

2 Jaun₂ ca₂ñag₃ Jesús:

—¿Jág'₂ 'né₅ ca'₅₄ a₂te₁'i₁ ně₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁ju₄ lé₂.

Léi₄ a₂lé₂ jmig₄ jě₁ca₂tó'₂
(Mateo 24:3-28; Lucas 21:7-24; 17:22-24)

3 Jme₁ca₂dsi₃óg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá₂. Jaun₂ ca₂guan₃ Pe₄, Jacobo, quiain'₅₄ Juan₅₄, Drě₄ ně₃, ca₂tsí'₃ Jesús con'₂ jě₄ tē₃co'₅₄:

4 —Jua'₅₄ líg'₂ bá₄ le₃ti₃ a₂juá'₂ 'ne₂ ně₅. 'Niog₂ jnia'₅₄ le₃ne₄. ¿E₂ léi₄ a₂lé₂ né'₃ a₂tě₅₄ jmig₄ jaun₂?

5 Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅.

6 Ia₁ juin₅ i₂tě₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

7 'Jě₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jě₁ca₂tó'₂ jaun₂.

8 Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guě'₂ ně₃ qui₃tóin'₃ mi'₅₄ qui₃in'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uě₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jm₁uig₅ bá₄ guě₄ ně₅, ju₁lia'₂ jan₂ 'io₅₄ i₂rě₂chan₂ guein₂ quián₅.

9 'Rě₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bó₂ dsa₂ dsi₂né₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ ně₃, 'uig₅₄ quió₃ jniá₂; ja₁jaun₂ o₁jang'₄ 'nia'₂ jág₁ dsau₅.

10 Já₁ quió'₅ Diú₄ de'₂ jñiá₅ 'nió'₅ dsi₃'ag₅ le₂con₂ mi₂güig₃.

11 Jě₁ma₂tě₂ rě₁qui₃tě₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jñiá₅ 'e₂ ñag'₅₄. La₁ ñag₄ bá₄ 'nia'₂ con'₂ já₁ a₂ma₂ca₂ñi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ñag'₅₄ já₁ jaun₂; Jme₂dsi₂ Jñi₃ó₅ bá₄ i₂jmo₃.

‡ 12:42 lit. “tñ₃ ñí₁ lepta.”

12 Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ jñag'₃ dsa₂; ju₁lia'₂ jmei₂ qui₃jín'₂ chi'₂ quiáin₅. Chi'₂ guë'₂ ně₃, jme₃'ñiai₅₄ chog₅₄-jmei₂; chan₂ guë'₂ i₂qui₂jme₃dsian₅ chog₅₄-jmei₂ ně₃.

13 Ca₂le₃jín'₃ dsa₂ jme₃'ñia₅₄ 'nia'₂ 'uig₅₄ quió'₃ jniá'₂, la₁ ju₁lia'₂ i₂tió'₃ náu₃ tiá'₂ tē₂ jē₁ca₂tó'₂, tíin'₄ bá₄.

14 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju₁si 'lin'₅₄ ja₁tsá'₃ 'i₄ 'éi'₃ náu₃, * —jaun₂ ju₁le₂ñí'₂ bá₄ i₂'i₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uë₃ Judea, ju₁cuing₁₂ ju₁ má'₂.

15 Ju₁lia'₂ i₂'en₅₄ guei'₅₄ 'ne₄, tsá₃ ju₁sióin₄ jua'₅₄ a₂'uë'₃ 'e₂ 'uë'₃ dsi₂néi₂ quió'₅;

16 ju₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju₁jñioi'₅₄ jua'₅₄ a₂ja₃quián₂ tsi₁'mi'₂ dsióg₂ quió'₅.

17 jju₁g₂ bá₄ ju₁lia'₂ dsa₂ mí₂ i₂le₁quian₅ guein₂, ju₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂!

18 Mi₄ 'nia'₂ ne₄ Diú₄ tsá₃ ju₁dsi₂ñí'₂ 'nia'₂ a₂jaun₂ ju₁lia'₂ jein₂ güig₂.

19 Ia₁ juá'₅ jniá'₂, caun₂ o₂i₁ dsi₅ lin₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guë'₂ ma₃niog₅ jmig₄ jua'₅₄ a₂le₃cha₂ guë'₄ cang₂.

20 Jua'₅₄ mei'₂ guë'₃ Te₁gui'₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guë'₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió'₄ i₂quion'₅₄ quiáin₅.

21 'Nē₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “jag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ nē₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂.

22 Ia₁ ju₁n₅ dsa₂ i₂jme₃gau₅ ja₃lén₂ a₂juá'₂ líin₅ I₂rē₂'ín₁ quián₅ Diú₄, a₂juá'₂ ně₃ a₂líin₅ dsa₂ i₂'ě₂ jág₁ quián₅ Diú₄; 'lióng₂ léi₄ juë'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guë'₃ lé₂, ca₂tē₂ dsa₂ i₂quion'₅₄ quián₅ Diú₄ jme₃gain₂₃.

23 La₁ chan₂ 'nia'₂ rē₂jáng'₁, † jaun₂ le₂nē₅ ma₂nē₂juig₂ jniá'₂ 'nia'₂ ca₂le₃jě₃ tē₃jñiá₅.

'A₂ lia'₂ guan'₂ Jaun₅ dsa₂ mi₂güig₃

(Mateo 24:29-35, 42—44; Lucas 21:25-36)

24 Jē₁ma₂ca₂ñag₅ jmig₄ o₂i₁ dsi₅ jaun₂, 'iog₂ ně₃ co₂dsia₅ le₃lia'₂,

tsí'₂ ně₃ tsá₃ ma₃tág₅ jnia₅₄;

25 Nei₅ guë'₂ ně₃ qui₂tsi₃séi'₂, ‡

ca₂le₃jě₃ guë'₄ 'e₂ bí₂ cha₂ guei'₅₄ mi₂güig₃

qui₃guian'₃, §

26 'Tē₃jě₄ jaun₂ guë'₄ ně₃, jín₂ dsa₂ Jaun₅ dsa₂ mi₂güig₃, jñioi'₂ guei'₅₄ jē₄ jnei₅ quian'₅₄ ca₂le₃jě₃ ju₁bi₂ a₂'io₂₃ jláin'₁.

27 Jaun₂ qui₃chein₃ ángeles quiáin₅, a₂tē₂ dsa₂ i₂quion'₅₄ quiáin₅ i₂chan₂ ca₂le₃jě₃ juig₂ te₁'i₁ ca₂taun₂ ca₂taun₂ mi₂güig₃.

28 'Jme₁tin₅ 'nia'₂, ju₁le₂ñí'₂ 'au'₂ jág₁ a₂jáng'₅ léi₄ ju₁lia'₂ ni₁'ma₂ a₂'ag₅ mīg₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ñi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂.

29 Le₂nē₅ bá₄ 'nia'₂ jaun₂ ně₃, jē₁ma₂tē₅ ne'₅₄ a₂lě₂ ca₂le₃jě₃ a₂nē₅, ju₁le₂ñi'₅₄ bá₄ 'nia'₂ a₂ma₂ja₂quiáin₃, nē₂jag₄ bá₄ i₂ma₂chén'₅ o₄'né₄ bá₄ 'éi₂.

* 13:14 'Nio'₂ ja₁ton₅ Daniel 9:27; 11:31; 12:11. † 13:23 o₃, “ñí₂ 'nia'₂”. ‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaías 13:10; 34:4.

30 A₂dsi₂jó₃ juá₅ jniá₂ juíg₂ 'nia'₂, tsá₃ dsi₃ñí₂ tsi₁jon₂ la₂,* ca₂lia'₂ ca₂lë₃ ca₂le₃jë₃ a₂në₅.

31 Jaun₂ já₅ jmi₄, guei'₅₄ dsi₂güig₂ quian'₅₄ mi₂güig₃ la₂ ñag₅, la₁ já₁ quió₃, o₁lí₂ jmi₄ tsá₃ ñag₅ jua'₅₄ a₂tsá₃ le₃tí₃.

32 'La₁ 'i₁jan₂ tsá₃ 'ein₂ ñi₅ 'e₂ 'ió'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄ i₂juig₃, on₃ guë'₂ 'ñiog₅ Ja₁ñi'₅₄ Diú₄. Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

33 'Chan'₂ 'nia'₂ rë₂jáng'₁, jme₁ñio₂ 'nia'₂ ne'₅₄, ia₁ tsá₃ ñi'₅₄ 'nia'₂ 'e₂ jmi₄ lé₂.

34 Lé₂ ju₁lia'₂ jan₂ dsa₂ i₂o₂ 'in₅ dsi₂néi₂ quió'₅, dsó₅ dsi₂ñí₃ uíng₂; dsia₂₃ gu₂ dsa₂ i₂jme₂tí₃ ne₅₄ dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cuë'₅ con'₂ ca₂tíin₂, tsí'₅ mozo i₂jmo₅ 'í₁ o₄ 'né₄ a₂chain₂ rë₂jáin₁.

35 Jaun₂ le₂në₅ bá₄ 'nia'₂ ján₃, rë₂jáng'₁ 'nia'₂ chang'₂, ia₁ tsá₃ ñi'₅₄ 'nia'₂ 'e₂ 'ió'₄ guan'₂ dsa₂ i₂quió'₅ dsi₂néi₂, të₂le₃ ca₂nei₂, o₃ dsi₃nei₅, o₃ jë₁ma₂ca₂o₃ i₁tú₃, o₃ të₂le₃ ca₂jnia₃ 'e₂,

36 ia₁ con'₂ tsá₃ ñó₅ në₁jua'₂ ca₂guáin'₃ co₂tiá₂, jo₅₄ rë₂güín'₃ 'nia'₂.

37 Jaun₂ já₁ a₂juíg₂ jniá₂ 'nia'₂ la₂, juíg₂ ca₂le₃jín₃: “¡Chan'₂ 'nia'₂ rë₂jáng'₁!”

14

Ca₂quin'₃ dsa₂ já₁ a₂tsáin'₂ Jesús

(Mateo 26:1-5; Lucas 22:1-2; Juan 11:45-53)

1 Tin₃ jmi₄ né'₃ a₂të₅₄ Jmi₄ Të₂ 'in₅₄, a₂guë'₅ dsa₂ i₁ñí'₄ 'ua'₂ a₂tsá₃ ju₁ levadura quian'₅₄, jaun₂ juig₅₄ jme₂dsa₂, të₅juá'₅ në₃ ca₂'nú'₃ ju₁ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jñag'₃.

2 Jaun₂ ca₂dsia₃ já₁, juá'₂:

—La₁ tsá₃ 'nió'₅ jmó₁ jniog₄ të₃ niog₅ jmi₄, jme₁né₄, ia₁ con'₂ tsá₃ ñó₅ në₁jua'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsáin'₂ no₅₄ mi₂juig₂ Jesús

(Mateo 26:6-13; Juan 12:1-8)

3 Lia'₂ con'₂ 'ein₅₄ guë'₄ juig₂ Betania ja₁quió'₄ i₂të'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsió₃ jan₂ 'io₅₄ quian₅ caun₂ tsí₅ no₅₄ mi₂juig₂ a₂'mu'₅₄, a₂lë₅ jmá'₃ no₅₄ quió'₅ mi₁'au₂ nardo. Jaun₂ ca₂niá₃ ni₁tsí₅, jaun₂ ca₂'ág₂ no₅₄ mi₂dsi₄ Jesús.

4 Jaun₂ i₂lin₅₄ dsa₂ i₂tion'₅₄ ja₁jaun₂, dséin₂ ca₂tíin₂, jaun₂ ca₂dsia₃:

—Tsá₃ ne₄ 'e₂ lë₃ në₂'éin₂ no₅₄ mi₂juig₂ quió'₅.

5 Jua'₅₄ co₂ñei₅₄ bá₄ në₂'nag₃ quian'₅₄ 'ni₅ 'ñiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ñé₂.

Jaun₂ ca₂dséin₃ quian'₅₄ 'io₅₄ 'éi₂.

6 Jaun₂ ca₂juá'₂ Jesús:

—Tsá₃ lë₁lein'₅₄. ¿'E₂ lë₃ cuë'₂ 'nia'₂ o₂me'₅₄ dsi₅? A₂në₂jmóg'₂ në₅, caun₂ a₂dse₃ bá₄ në₅.

7 Ca₂le₃jë₃ jmi₄ bá₄ i₂nio₄ dsa₂ te₂ñé₂ jin'₄ 'nia'₂; lé₂ bá₄ jme₁'oin'₁, chi₂jua'₂ líg'₂ 'niog'₂ 'nia'₂ jme₁'oin'₁. La₁ jniá₂ në₃ tsá₃ ma₃uë₂ 'en₅₄ jniá₂ quian'₅₄ 'nia'₂.

8 'Io₅₄ në₅, në₂jmo₃ 'a₂ con'₂ jñia'₅₄ le₃qui'₅₄ jmi₄ jmo₃. Ma₂në₂tsáng₂ të₂jñiá₅ no₅₄ mi₂juig₂ quió₃, ma₂në₂jmóg'₂ co₂jñia₅₄ jë₁ma₂të₂ rë₁ong₃.

9 A₂dsi₂jó₃ juíg₂ jniá₂ 'nia'₂, ca₂le₂con₂ mi₂güig₃ ja₁'ë₂ dsa₂ já₁ dse₃ quió₃, ján₃ bá₄ le₂jaun₂ dsio₂ dsí₅ dsa₂ 'iin₃ 'io₅₄ në₅.

Jmo₅ Judas caun₂ já₁ a₂'ni₂₃ Jesús

(Mateo 26:14-16; Lucas 22:3-6)

* 13:30 o₃, “né'₃ a₂dsián₃ dsa₂ i₂lín₅ raza la₂.”

10 Jaun₂ ně₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅ Jesús, ŋei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂.

11 Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ guě₄ ně₃ ca₂'náu'₃ Judas dsí₅ 'a₂ lia'₂ cu_{in}₅ jmig₄ a₂jín'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄

1 Corintios 11:23-26)

12 Jm_{ig}₄ le₂'uig₅₄ a₂nio_g₅ Jm_{ig}₄ Tē₂'in₅₄ a₂guě'₅ dsa₂ i₁ŋí'₄ a₂tsá₃ quian'₅₄ levadura, jm_{ig}₄ a₂jme₁jme₂dsian₅ dsa₂ já'₂ cha'₂ quián₅ jm_{ig}₄, jaun₂ ca₂ŋag₃ chi'₂ dsi₂guia₃-tín₂ ca₂ŋí'₃ Jesús:

—¿A₂já'₄ 'nio_g₂ dsi₁jmo₁ jnia'₅₄ co₂ŋia₅₄ má₃ Jm_{ig}₄ Tē₂'in₅₄ quiáng'₂?

13 Jaun₂ ca₂chein₃ on₃ chi'₂ dsi₂guia₃-tín₂ quián₅, ca₂juá'₂:

—O₂nó'₅ 'nia'₂ jē₄ juig₂. Ja₁jaun₂ jen'₂ 'nia'₂ jan₂ dsa₂ ŋe'₂ i₂quion₂ jm_{ig}₂ quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂.

14 Dsi₂néi₂ ja₁'í₂ 'éi₂, juig'₅₄ dsa₂ juig'₅₄ dsi₂néi₂: “Le₂la₂ juá'₂ tē₅, ¿Na₂ dsi₂néi₂ ja₁guě'₄ Jm_{ig}₄ Tē₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng'?”

15 Jaun₂ 'éi₂ ně₃, 'ē₃ caun₂ dsi₂néi₂ juē'₂ ja₁lě₄ guei'₅₄ a₂ma₂lě₅ co₂ŋia₅₄. Ja₁jaun₂ o₂jmo₄ 'nia'₂ co₂ŋia₅₄ má₃ que₅₄ jniog₄.

16 Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jē₄ juig₂ ně₃, ca₂dsó'₂ lia'₂ con'₂ lě₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂ŋia₅₄ má₃ a₂guě'₃ Jm_{ig}₄ Tē₂'in₅₄.

17 Jme₁ca₂nei₂ jaun₂, ca₂dsióg₃ Jesús quiain'₅₄ ta₁guia₃-tín₂ chi'₂ dsi₂guia₃-tín₂.

18 Jme₁ma₂tián'₅ guě'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá₂ la₂, jan'₂ 'nia'₂ i₂guě'₅ jniá₂ co₂lě₅ quiang'₅₄ bá₄ i₂jang'₂ jniá₂.

19 Jaun₂ ně₃ ca₂tá'₂ 'lia'₂ dsí₅ 'ŋio₅ lín₃ tián'₅, jaun₂ ca₂jme₃lióg₃ ca₂ŋí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá₂ 'ág'₅?

20 Jaun₂ ca₂ŋag₃ Jesús:

—Jan'₂ 'nia'₂ i₂lě₂ guia₃-tíng'₂ i₂tiá₂ mi₂gu₂ co₂lě₅ 'ŋió'₃ uing₅ quian'₅₄ jniá₂.

21 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂ lě₅ juá'₂ ne₄ Si₂; la₁ i₁e₂ guě₄ juig₂ dsa₂ i₂jáng'₂! Jme₁dse₃ quió'₅ jua'₅₄ co₂ŋei'₅₄ bá₄ tsá₃ ca₂rě₃cháin₃.

22 Tē₁lia'₂ tián'₅ guě'₅, ca₂ŋa₃ Jesús i₁ŋí'₄, ca₂cuě'₃ ti₁'mag'₄ Diú₄, jaun₂ guě₄ ně₃ ca₂dsioin₃, ca₂cuě'₃ chi'₂ dsi₂guia₃-tín₂ quián₅. Jaun₂ ca₂juá'₂:

—Qué'₂ 'nia'₂, ia₁ ŋi₃ bá₄ jniá₂ i₁ŋí'₄ la₂.

23 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in'₃.

24 Ca₂juá'₂ Jesús:

—Jm_i₃ bá₄ jniá₂ la₂, a₂li'₅₄ jág₁ 'mí₂ a₂tē₃ron₅₄,* a₂nio_g₅ dsi₃'o₅₄ o₄quió'₄ juin₅ dsa₂.

25 Dsón'₂ juá'₅ jniá₂, tsá₃ ma₃líg'₂ jm_{ig}₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jm_{ig}₄ i₁gui'₄ táng₃ caun₂ vino 'mí₂ co₂lě₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Mateo 26:30-35; Lucas 22:31-34; Juan 13:36-38)

26 Jme₁ca₂lě₃ 'ē₂₃ jme₂juin'₂ Diú₄, jaun₂ guě₄ i₃lén₂ jui₅ Má'₂ Olivos.

27 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

* 14:24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rē₂ton₅ ne₄ Si₂ ja₁juá'₂: “Jñí'₄ jniá'₂ dsa₂ i₂jñia₅ já'₂ cha'₂, jaun₂ já'₂ cha'₂ ně₃ dsi₃lén₂ tsi₁rē₂jain₅₄.”†

28 La₁ cang₂jē₁ma₂ca₂jeng'₅₄ táng₃, nei₅₄ jniá'₂ jñiá'₅ jui₅ Galilea lia'₂ con'₂ guě₄ 'nia'₂.

29 Jaun₂ ně₃ ca₂ḡag₃ Pe₄:

—O₁jñia'₅₄ la₂ ca₂ág₂ caun₂-tín₃ dsi₅ ca₂le₃jín'₃ ríng'₃, la₁ jniá'₂, o₁líg'₂ jmig₄ tsá₃ 'ag₅₄ caun₂-tín₃ dsi₃.

30 Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uě₂ ně₃, né'₃ a₂ó₃ jē₁ca₂tě₂ tñ₃ ráun₂‡ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá'₂.

31 Jaun₂ ca₂ḡag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lē₅, o₁líg'₂ jmig₄ jua'₅₄ a₂tsá₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín'₃ riin'₅₄ ján₃.

Ca₂chi₃lén'₂ Jesús Diú₄ caun₂ja₁chei₂ Getsemani

(Mateo 26:36-46; Lucas 22:39-46)

32 Jaun₂ ca₂dsi₃lén₂ caun₂ ja₁chei₂ Getsemani. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, tē₁lia'₂ i₁chi₁leng'₄ Diú₄.

33 Jaun₂ ca₂jñiai₃ Pe₄, Jacobo, Juan₅₄ ně₃. Jaun₂ ca₂rē₃lióg₃ ca₂tá'₂ quian₅ o₂i₁ dsi₅ 'ñio₅ lín₃.

34 Jaun₂ ca₂juá'₂ ca₂tsí'₃ i₂ún₂ i₂quian₅₄:

—'Nio₅ lín₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂ně₃. Ja₁lá₃ tián'₂ 'nia'₂ jme₁jnio₂ 'nia'₂ ne'₅₄.

35 Ca₂juig₄ bá₄ ca₂ḡó₃ guě₄ ne₄ jui₅. Ja₁jaun₂ ca₂tóin₂ tē₂ 'uě₃, ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá₃ dsi₃ñí₂ uig₅ 'e₂ niog₅ dsi₃ñí₂ hora jaun₂.

36 Tē₃jē₄ chi₂lén'₂ Diú₄, ca₂juá'₂:

—Abba, Š Tia₅₄ quiáng₃, ca₂le₃jě₃ bá₄ lé₂ le₃jmó'₂ 'ne₂. Lio₄ jniá'₂ 'e₂ a₂dsi₃ñíg₂ ně₃. La₁ tsá₃ jui₁le₅₄ con'₂ 'nio₃ jniá'₂; jui₁le₅₄ bá₄ a₂'ñio₂ 'au'₂ 'ne₂.

37 Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güin₃ bá₄ 'éi₂ tián'₅ ně₃. Jaun₂ ca₂tě'₃ Pe₄, ca₂juá'₂:

—¿Rē₁güin'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ guě₄ ne'₅₄?

38 Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂ dso₄. Dsón'₂ bá₄ 'ñio₂ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

39 Jaun₂ ḡó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃.

40 Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güin₃ bá₄ táng₃ 'éi₂ tián'₅, ia₁ a₂ñí₄ lē₃ 'ñio₅ lín₃ ma₂i₁güin₃. Jaun₂ tsá₃ 'e₂ ḡi₅ ḡag₃.

41 Jaun₂ jme₁dsiáin'₃ táng₃ ja₁tián'₄ 'éi₂ jē₁ca₂tě₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güing'₃? Co₂ně₅ bá₄ ně₃. Ca₂tě₂ bá₄ hora ně₃. Nj₂'nia'₂. Ma₂rē₂jñi'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄.

42 Nau₂ 'nia'₂ ně₃, ma₃, ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

43 Dsi₂jui₅ tē₃jē₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Jui₅ lín₃ dsa₂ i₂ja₂lén₂ quiong'₅₄ quile₁quian₅ ḡi₁tág₂, i₂le₁quian₅ ni₁'ma₂ ně₃,

† 14:27 Zacarías 13:7. ‡ 14:30 A₂lín₅₄ chog₅₄ si₂ tsá₃ chi₁ton₅ “jē₁ca₂tě₂ tñ₃ ráun₂.” § 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jme₁ arameo.

i₂chen₄ quián₅ juig₅₄ jme₂dsa₂, quian'₅₄ tē₅juá'₅, ca₂le₃jín₃ guě₄ dsi₂gui'₅₄ can'₅₄ ně₃.

⁴⁴ Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá'₅ 'e₂ léi₄ jmo₃ jē₁ma₂tě₂ rē₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄ 'nia'₂, lě₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quián₃ con₂ Jesús, jaun₂ ca₂juá'₂:
—i₂Tē₅! —Jaun₂ ca₂chen'₃ quió'₅.

⁴⁶ Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rē₂gua₄ dsa₂ i₂jme₂ti₃ quián₅ jme₂dsa₂ dsen₅₄.

⁴⁸ Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tē'₅₄ jniá₂?

⁴⁹ Jua'₂ ca₂le₃jě₃ jmig₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ guě'₂ 'nia'₂ ja₁jaun₂. La₁ lě₂ le₂ně₅, ia₁jaun₂ le₃ti₃ con'₂ lě₅ juá'₂ ne₄ Si₂.

⁵⁰ Jaun₂ qui₂ca₂cuing₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsó₂ i₂ca₂cuing₃ tē₃rē₂ñí₅

⁵¹ Tē₃jě₄ jaun₂, ñó₃ jan₂ dsó₂ rē₂bóin'₅ caun₂ tsi₁'mi'₂ tióg₃, 'ein₂₃ Jesús.

⁵² Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mi'₂ bá₄ ca₂lí'₃ dsa₂. Jaun₂ ñái'₃ bá₄ tē₃ rē₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ ně₃.

⁵⁴ Pe₄ ně₃ ca₂ñó₃ uing₂ tē₂quín₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅ si₂ quiain'₅₄ 'lióg₂, ca₂jme₃dsioin'₂.

⁵⁵ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guě'₂ jui₅ 'e₂ dso₄ jme₃cáu'₂,

⁵⁶ ia₁ juin₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús, la₁ tsá₃ tē₃tsi'₅₄ guě'₂ jág₁ quió'₅ tióin'₅₄.

⁵⁷ Jaun₂ i₂lin₅₄ ně₃ qui₂ca₂nau₂ ca₂jmo₃ jág₁ tē₂jág₁ a₂'ni₂₃ Jesús, ca₂juá'₂:

⁵⁸ —Ma₂néi₁ jnia'₅₄ juá'₂ i₂ně₅: “A₂'éng₄ guá'₅ templo a₂ca₂jmo₃ dsa₂ mi₂güig₃, jaun₂ quian'₅₄ 'ni₅ jmig₄ jmóg'₄ táng₃ 'ñió₃ caun₂ guá'₅ siá'₂, on₃juá'₅₄ lia'₂ lě₅ guá'₅ ně₅ a₂ca₂jmo₃ dsa₂ mi₂güig₃.”

⁵⁹ On₃ guě'₂ quian'₅₄ jág₁ jaun₂ ca₂lí'₃ jág₁ rē₂.

⁶⁰ Jaun₂ ca₂nau₂ jme₂dsa₂ dsen₅₄ tē₃jě₄ tióin'₅₄ jaun₂, jaun₂ ca₂ñí'₃ Jesús ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

⁶¹ La₁ tei₄ bá₄ ca₂nau₂ Jesús, tsá₃ ma₃'e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē₂'ín₁, Ja₁ñi'₅₄ I₂jñió₅?

⁶² Jaun₂ guě₄ ca₂ñag₃ Jesús:

—Ján₅, jniá₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tě₂ rē₁guá₃ Jaun₅ dsa₂ mi₂güig₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tě₂ rē₁jñi₁ó'₂ táng₃ jē₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin₅₄ 'ŋiog₅, * jaun₂ ca₂juá'₂:

—¿'E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guě₄ dsa₂ sián'₂ jág₁ dsau₅?

64 Ma₂ně₂nei'₂ bá₄ 'nia'₂ guiong'₅₄ a₂ma₂ně₂juá'₂ i₂ně₅ 'iin₂₃ Diú₄. ¿'A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tioen'₅₄, ca₂tíin₂ jóin₂ bá₄.

65 Jaun₂ ca₂jme₃lióg₃ i₂lín₅₄ qui₂ca₂'héi₃ quió'₅ Jesús, qui₂ca₂lio₃ dsa₂ dsí₂ne₅₄, jaun₂ qui₂ca₂jnó₂ ně₃ tioen'₅₄, jaun₂ juá'₂:

—¡Dsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuě₃ ja'₂ tioen'₅₄.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁dsi₅ ca₁'né₄ 'uě₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄,

67 jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guě'₂ jme₁quian'₄ 'ne₂ Jesús Nazareno ó₃?

68 La₁ tsá₃ ca₂tion₃ Pe₄.

—Tsá₃ guion₅₄, on₃ guě₄ ŋíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'iin₃ ca₂i₁nau₂ tē₂le₃ ca₁'né₄ ja₁lě₄ corredor. Tě₃jě₄ jaun₂ ca₂'o₃ tē₁guí₄ dsó₂.

69 Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ ně₅.

70 La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

71 Jaun₂ ně₃, Pe₄ ca₂'iin₃ Diú₄ ca₂mí₃ a₂dsi₃ŋí₂ 'e₂ dsí₃ŋí₂, ca₂juá'₂:

—¡Tsá₃ cuíng₅ dsa₂ i₂'ín₅ 'nia'₂!

72 Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tě₂ tin₃ ráun₂. Jaun₂ guě₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂ŋiá₅: “Né'₃ a₂'o₃ jě₁ca₂tě₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ ně₅, jaun₂ guě₄ ca₂'o₃ 'ŋio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

1 Dsi₂jui₅ jme₁jnia₃ táng₃ jaun₂, ca₂ŋí'₂ juig₅₄ jme₂dsa₂ quian'₅₄ dsí₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guě₄ i₂lín₅ dsí₂tan₅₄ quián₅ guá'₅ ně₃. Qui₂ca₂ŋí'₃ r'in'₅₄ ca₂jmo₃ caun₂ jág₁. Ca₂'néi'₂ Jesús tioen'₅₄, jaun₂ ca₂i₁jio₃ ne₄ Pilato.

2 Jaun₂ ca₂ŋag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂ně₅ bá₄, jui₁lia'₂ juá'₂ 'ne₂ ně₅.

3 Jaun₂ caun₂ qui₂ca₂'nag₃ guě₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús.

4 Jaun₂ con'₂ siá'₂ táng₃ ca₂ŋag₃ Pilato ca₂ŋí'₃ Jesús, ca₂juá'₂:

—¿Tsa₁ a₂ŋag'₅₄? Ně₅ bá₄ nag'₂ 'ŋiag'₂ 'lióng₂ dso₄ a₂bóg'₂ dsa₂.

* 14:63 Jme₁chí'₄ tag₄ quió'₅ dsa₂ judíos jmíg₄ jaun₂ a₂gág₅ dsa₂ ni₁tsin₅₄ cuě₂₃ léi₄ jě₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

⁵ La₁ tsá₃ ma₃'e₂ ca₂ŋag₃ Jesús 'i₁caun₂. Jaun₂ jě₃ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmíg₄ jaun₂ jme₁chí'₄ tag₄ a₂lión₂ ca₂le₃jě₃ ŋi₂ jan₂ dsa₂ i₂'en₅₄ né'₃ 'má₃, jme₁tě₅ Jmíg₄ Tě₂'in₅₄, 'ein₂ ca₂'in₃ dsa₂ juig₂ i₂lión₂.

⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂.

⁸ Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅.

⁹ Jaun₂ ca₂ŋag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rě₃lí'₄ bá₄ Pilato 'ŋiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄.

¹¹ La₁ juig₅₄ jme₂dsa₂ ně₃ ca₂toin'₂ jág₁ dsa₂, jaun₂ tóin'₃ co₂mi'₅₄ a₂mi₃ lión₂ Barrabás bá₄.

¹² Jaun₂ ca₂ŋag₃ táng₃ Pilato ca₂tsí'₃ dsa₂ juig₂:

—¿'E₂ guě'₂ 'niog'₂ 'nia'₂ jmo₅₄ jniá₂ quian'₅₄ i₂tě'₂ 'nia'₂ rag₅₄ quiáng'₂?

¹³ Jaun₂ ca₂ŋag₃ dsa₂ juig₂ co₂mi'₅₄ tóin'₅₄, ca₂juá'₂:

—¡Tióin₃ cróg₄!

¹⁴ Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guě'₂ dso₄ ma₂'náu₂?

La₁ tě₂le₃ i₂juí'₂ guě'₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

¹⁵ La₁ Pilato ně₃, ia₁jaun₂ dsi₃lén₂ dsa₂ tei₄, ca₂lión₂ bá₄ Barrabás i₂mi₅ dsa₂ lión₂. Jme₁ma₂ně₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús tě₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ŋí'₂ 'lióg₂ ca₂le₃jín₃ riin'₅₄.

¹⁷ Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús.

¹⁸ Jaun₂ ca₂jme₃lióg₃ qui₂ca₂cuag₃ Diú₄ tóin'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ŋéi₂ ně₃ tóin'₅₄, qui₂ca₂chi₃jné₃ ně₃, a₂jme₂juag'₂.

²⁰ Jme₁ca₂lě₃ a₂lě₁co₂j móg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě'₄ ca₂jŋiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quián₂ jmíg₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²² Jaun₂ ca₂jŋia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.)

²³ Jaun₂ ca₂jén'₃ ne₄ Jesús vino a₂rě₂cón'₅ quian'₅₄ mirra, la₁ tsá₃ ca₂gue₃ 'éi₂.

²⁴ Jaun₂ guě'₄ ca₂tion₃ cróg₄. Dsi₂'lióg₂ guě'₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

²⁵ Con'₂ hora ŋí₁ ŋi₃ tě₂ o₃'iog₂,† ca₂tion₃ dsa₂ cróg₄.

* 15:17 Color 'ui'₃ juí₁lia₂ 'mi'₂ a₂qui'₅₄ rag₅₄. † 15:25 lit. "hora 'ni₅."

26 Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂:
“RAG₅₄ QUIÁN₅ DSA₂ JUDÍOS.”

27 Ján₃ bá₄ ca₂tioin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅.‡

29 Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ¿on₁ 'ne₂ i₂juá'₂ a₂ 'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄?

30 Nē₃ ně₃, lion₄ 'ñiag'₂, ja₁tong'₂ nē₅.

31 Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂, quian'₅₄ tē₂juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂le₃lióin₃.

32 Jui₁sión₄ cróg₄ I₂rě₂'ín₁ quián₅ Diú₄ nē₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tē₂ dsi₃ñí'₃, § ca₂'ág₂ nei₂ le₂con₂ 'uě₃ jaun₂, ca₂lia'₂ ca₂tē₂ hora ñí₁ 'ni₅ tē₂le₃ ca₂'láu₂.*

34 Hora jaun₂, ca₂'ñia₂ guě₄ Jesús jág₁, ca₂juá'₂ tiá₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá₂?†

35 I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—¡Nei₂! Elías i₂jme₁'ě₂ jág₁ quián₅ Diú₄ ma₂líg'₂ tē₂.

36 Jaun₂ ně₃ ñó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃. Jaun₂ ca₂chi₃dsí₂ nei₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

37 Cón'₂ bá₄ ca₂'ñiog₂ guě₄ Jesús tiá₂ lín₃, co₂tan₅₄ ca₂join₃.

38 Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uě₃ ca₂lě₃ tin₃ tsín'₅ tsí₁'mí'₂ pa₁ a₂jme₁'ei₅ dsi₂néi₂ guá'₅ templo.

39 Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tē₃dsón'₂ bá₄ jme₁lín₄ dsa₂ nē₅ Ja₁ñi'₅₄ Diú₄.

40 Jaun₂ bá₄ jme₁tión₂ i₂lín₅₄ 'io₅₄, jág₅ uíng₂ ján₃. Jē₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo‡ i₂lín₅ i₂jme'₂ guě₄, quian'₅₄ guě₄ jan₂ i₂chen₂ Salomé.

41 'Io₅₄ 'éi₂ ma₂ja₂lén₂ le₂tan₅₄ 'uě₃ Galilea jme₂ti₃ ne₄ Jesús. Juin₅ bá₄ guě₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

42 Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂jñia₅₄ jui₁lia'₂ 'ióg₃ jmig₄ jñió₅.

‡ 15:27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rě₃ti₃ con'₂ lě₅ juá'₂ Si₂ quió'₅ Diú₄: ‘Aj₂má'₂ dsa₂ 'éi₂ jui₁lia'₂ jē₁jmá'₂ dsa₂ i₂riñ₂ dso₄”’. Isaiás 53:12. § 15:33 lit. “hora jñéi₂.”

* 15:33 lit. “hora ñi₃.” † 15:34 Salmo 22:1. ‡ 15:40 o₃, Santiago.

⁴³ Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ján₃ jme₁chi₁jnia₂₃ a₂'ín₂ dsí₅ a₂guá₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ ně₃, ŋó₃ ja₁con₂ Pilato, ca₂i₁mii₁₂ 'lag₄ Jesús.

⁴⁴ Jaun₂ ca₂i₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tě'₃ juig₅₄ 'lióg₂ ca₂ŋag₃ chi₂jua'₂ dsón'₂ ma₂join₂₃.

⁴⁵ Jme₁ca₂rě₃ŋi₅ ca₂juá'₂ 'lióg₂, “Dsón'₂ bá₄ le₂jaun₂ ma₂ca₂lě₃”, jaun₂ ca₂jín'₂ 'lag₄ o₄gú₃ Sě₄ 'éi₂.

⁴⁶ Jaun₂ Sě₄ ně₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to'₂ 'ŋió'₃ tau₂ 'ŋio₅ a₂jme₁ma₂lě₅ dso'₂ ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ŋio₅.

⁴⁷ Jaun₂ María i₂chan₂ Magdala quian'₅₄ María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú'₃ jmig₄ ŋjió₅, jaun₂ María i₂chan₂ Magdala quian'₅₄ María chog₅₄ Jacobo, * quian'₅₄ guě₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ŋi₁ 'lag₄ Jesús.

² Jaun₂ le₁ně₃ guě₄ jme₁jnia₃ jmig₄ le₂'uig₅₄ semana, ca₂i₃lěin₂ ja₁chi₁'on₅ Jesús, ca₂dsi₃lěin₂ con'₂ ma₂'en₅ ca₂la₂ 'iog₂.

³ Jaun₂ dsia₂₃ jág₁:

—ĉ'Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jni₅ 'o₄ tau₂ 'ŋio₅?

⁴ La₁ jme₁ca₂jág₃ ně₃, jua'₂ ma₂rě₂mu₅, cau₅ bá₄ ma₂chí'₅. Ia₁ a₂jme₁pa₁ lin₃ bá₄ ni₁cang₁.

⁵ Jaun₂ ca₂i₃toin'₅₄ 'ŋió'₃, jaun₂ ca₂jín₂ jan₂ dsa₂ chi'₂ i₂qui'₂ 'mi'₂ chen'₅₄ tiog₂, guá₅ tě₂le₃ gu₂ ne₁ ja₁i₃lěin₂ jaun₂. Jaun₂ ca₂i₃gó'₃ dsí₅ 'io₅₄ ně₃.

⁶ La₁ ca₂juá'₂ dsa₂ 'éi₂:

—Tsá₃ jui₁dsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂niog₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia'₂ ja₁ca₂quio₅ dsa₂.

⁷ Jaun₂ o₂nó'₅ 'nia'₂ o₂chei'₅₄ chi'₂ dsí₂guia₃-tín₂ quiáin₅, Pe₄ ně₃, a₂ma₂'ein₅₄ jui₅ ŋó₅ ŋjiá₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jín'₄ 'nia'₂ con'₂ lě₅ jág₁ quió'₅ ma₂ca₂juá'₂.

⁸ Jaun₂ ca₂'uín₂ tau₂ 'ŋio₅ i₃lein₃ cuing₂₃, dsí₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃jnia₅ Jesús ne₄ dsa₂ quiáin₅.†

(Juan 20:11-18)

⁹ Jaun₂ tě₂le₃ o₂'iog₂ jmig₄ le₂'uig₅₄ a₂ca₂rě₃lióg₃ semana a₂ca₂jein'₅₄ jaun₂, ca₂jme₃jniai₂₃ le₂'uig₅₄ ne₄ María chan₂ Magdala, i₂ca₂'uín'₂ Jesús guion₃ je₂na'₅₄ quió'₅ le₂jŋiá₅.

¹⁰ Jaun₂ 'éi₂ ně₃ ca₂i₁chi'₄ dsa₂ i₂jme₁quian'₅₄ Jesús. 'Éi₂ ně₃, tioin'₅₄ 'lia'₂ dsí₅, qui'₂'o₂₃ bá₄.

¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂ně₂jág₂ 'io₅₄, la₁ tsá₃ 'ein₂ ca₂rě₃'én₂ guě'₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅

(Lucas 24:13-35)

* **16:1** o₃, Santiago. † **16:8** Chog₅₄ si₂ a₂lě₅ gui'₅₄ guě₄ tsá, le, ton, versículos 9-20.

12 Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂nioi₅₄ ja₁nau₂.

13 Jaun₂ ca₂i₃lein₃ táng₃ ca₂i₁chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rě₃'én₂ jág₁ a₂dsia₅ 'éi₂.

Ca₂chen₃ Jesús chi'₂ dsi₂guia₃-tín₂ i₂lě₂ guě₄
(Mateo 28:16-20; Lucas 24:36-49; Juan 20:19:23)

14 Cang₂ guě₄ jaun₂ ca₂jme₃jnia₅ Jesús jin₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ ŋí₄ lě₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jjein'₅₄ táng₃.

15 Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güig₃, o₂'ě₃ jin₄ ca₂le₃jín₃ dsa₂ jág₁ dse₃.

16 I₂'én₂, i₂jŋó₂ jmig₂ ně₃, lióin₂, tíin'₄ bá₄. I₂tsá₃ 'én₂ ně₃, le₃chain₂ tioin'₅₄ 'éi'₃ a₂dsi₃'éin₂.

17 Jaun₂ léi₄ la₂ jme₃quian'₅₄ dsa₂ 'én₂. Tě₂le₃ quian'₅₄ bí₂'éi'₃ quió₃ jniá₂, 'uín'₂ je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃.

18 Nė₁jua'₂ 'ein₂ ca₂jŋa'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uig₂ Jesús guei'₅₄ i₂juig₃
(Lucas 24:50-53; Hechos 1:6-11)

19 Jme₁ma₂lě₅ juá₂ Te₁gui'₅₄ Jesús le₂ně₅, jaun₂ guě₄ ca₂roin'₂ ŋái'₃ guei'₅₄ i₂juig₃, jaun₂ ca₂guá₂ tě₂le₃ gu₂ ne₁ quió'₅ Diú₄.

20 Cang₂ jaun₂, dsa₂ i₂jme₁quian'₅₄ ně₃, ca₂'uín₂ i₁lein₅₄ ca₂le₂con₂ juig₂ i₁'ě₄ jág₁. Jaun₂ 'ŋiog₅ bá₄ Te₁gui'₅₄ Jesús ca₂cuě₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tě₂le₃ quian'₅₄ ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

Co₂ně₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nió₃ ne₄ ca₂can₃ ta₁ ca₂tó'₂ ne₄ si₂ ca₂le₃jě₃ jág₁ 'a₂ lia'₂ dsón'₂ niog₅ ca₂lě₃ jě₄ quián₂ jnia'₅₄,

² lia'₂ con'₂ lě₅ ca₂jme₃tag₅ dsa₂ i₂ca₂tě₂ ne₄ lia'₂ con'₂ le₂'uig₅₄ jme₁ca₂rë₃lióg₃, ton'₂ ca₂jme₃'o₅₄ ca₂'ě₂ jág₁ dse₃.

³ Ján₃ bá₄ le₂jaun₂, jniá₂ ně₃ ma₂caún₃ 'í₁ dse₃ lín₃ 'a₂ lia'₂ ma₂já₅ jě₁le₂'uig₅₄, jaun₂ bá₄ lín₂ dsi₂ten₅₄ a₂tó'₄ ne₄ si₂ la₂ ca₂le₃jě₃ lia'₂ con'₂ lě₅, a₂tsíng₂ ne'₅₄ 'ne₂, gui'₅₄ Teófilo,*

⁴ ia₁jaun₂ ŋi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'Ě₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uě₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ ně₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón.

⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ ně₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂.

⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ŋio₅ lín₃ jain₂ jain₂.

⁸ Co₂ráun₂, ca₂lě₃ jme₁ca₂tě₂ jmig₄ a₂tín₅₄ jme₂dsa₂ i₂quian'₅₄ Zacarías a₂jme₃ti₃ ta₁ a₂tióin₂ ne₄ Diú₄,

⁹ a₂jmo₃ lia'₂ con'₂ lě₅ tag₄ chí'₅ quió'₅ jme₂dsa₂. Tě₃jě₄ jmig₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁jnió₅ quió'₅ Te₁gui'₅₄ a₂dsí'₂ chen₂.

¹⁰ Tě₂lia'₂ 'ein₅₄ dsí'₂ chen₂ ne₄chei₂ ně₃, dsa₂ juig₂ guě'₂ le₃ca₁'né₄ bá₄ le₁ŋi'₂ chi₂lén'₂ Diú₄.

¹¹ Tě₃jě₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías tě₂le₃ gu₂ ne₁ ja₁lě₄ ne₄chei₂.

¹² Jme₁ca₂jág₂ Zacarías, ca₂ja₃gó'₃ dsí₅ 'ŋio₅ lín₃, ca₂lia'₂ tsá₃ a₂ŋi₅ jmo₃ ca₂jén'₃.

¹³ La₁ ca₂juá'₂ ángel:

—Zacarías, tsá₃ lě₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chilein'₅₄, jaun₂ le₃chan₂ jan₂ guein₂ dsa₂ ŋe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄.

¹⁴ Jmó'₂ 'io'₂ le₃chang'₂, o₂'ŋi₃ o₂jnia₃ 'au'₂ ně₃, ján₃ bá₄ juin₅ i₂tě₃ dsí₅ jě₁ma₂chain₂.

¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guě'₂ ti₁jmíg₃ ně₃; Jme₂dsí₂ Jnió₅ bá₄ ma₂rě₂rín₅ tě₂dsí₅ né'₃ a₂le₃chain₂.

¹⁶ Co₃jéin'₂ juin₅ lín₃ dsa₂ juig₂ Israel le₃quió'₅ Te₁gui'₅₄ Diú₄ quián₅.

¹⁷ 'Éi₂ i₂já₅ ne₄ juí₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ juí₅bí₂ juí₁lia'₂ a₂jme₁'io₅ Elías, a₂jme₃dsiain₁₂ mí₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jéin'₂ juí₁lia'₂ i₂tsá₃ ne'₅₄, jme₃tag₂₃ le₃tín₂ le₃ŋí'₂ a₂dse₃. Le₂ně₅ jmo₃ co₂jnia₅₄ dsa₂ ia₁jaun₂ guein₂ Te₁gui'₅₄.

¹⁸ Jaun₂ ca₂ŋag₃ Zacarías ca₂ŋí'₃ ángel:

—¿A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁juin₅₄ ŋi₂ ján₃.

* 1:3 o₃, “ne₂ i₂'nióg'₃ Diú₄.”

- 19 Jaun₂ ca₂ŋag₃ táng₃ ángel:
—Gabriel bá₄ jniá₂, chéng₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ne'₅₄.
- 20 La₁ tē₂nē₃, cóng₂, tsá₃ ma₃jág₁ le₃dsiá'₁ ca₂lia'₂ ca₂lě₃ le₂nē₅, 'uig₅₄ ia₁ a₂tsá₃ 'éng₂ jág₁ quió₃ a₂le₃tí₃ jē₁ma₂dsin₃ jmig₄ jaun₂.
- 21 Dsa₂ juig₂ ně₃, le₁jñia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rě₃'in₄ 'éi₂.
- 22 Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rě₃lí'₄ bá₄ dsa₂, cha₂a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.
- 23 Jme₁ca₂dsin₃ jmig₄ a₂jme₃tí₃ ta₁ jaun₂, jaun₂ ŋái'₃ bá₄ ja₁quió'₄.
- 24 Cang₂ jaun₂ ně₃, ca₂can₃ Elisabet dsa₂ mí₂ quiáin₅ guein₂. Tē₁lia'₂ jaun₂, tei₄ bá₄ ca₂'í₃ dsi₂néi₂ quió'₅ con'₂ 'ŋiá₂ tsi'₂. 'Ein₅₄ qui₂dsi₂jñia₅ dsí₅, lín₂:
- 25 “Co₂nē₅ ca₂rě₃'ŋi₃ dsí₅ Te₁gui'₅₄ a₂lǐng₅ le₂la₂, ia₁ jaun₂ tsá₃ ma₂'ag₃ dsa₂ 'lǐg'₅₄.”

'Ē₂ jág₁ jan₂ ángel quián₅ Diú₄ a₂le₃chan₂ Jesús

- 26 Jñéi₂ tsi'₂ ma₂ne₁ŋó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret,
- 27 a₂ca₂i₁jme₁jñia₂₃ ne₄ jan₂ dsa₂ mi₄ i₂jme₁ma₂lí'₅₄ jág₁ a₂jéin'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María.
- 28 Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:
—i₁Siang'₃ María! i₁'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†
- 29 La₁ jme₁ca₂nág₂ María jág₁ ně₅, 'ŋio₅ lín₃ ca₂i₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂.
- 30 Jaun₂ ca₂juá'₂ táng₃ ángel:
—Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂.
- 31 Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ŋe'₂ quiáng'₂, jaun₂ quiaín₅₄ JESÚS.
- 32 'Nio₅ juin'₂ lén₂; quiong₃ dsa₂ a₂lín₅ Ja₁ñi'₅₄ Diú₄ i₂guá₅ guei'₅₄ lín₃. Te₁gui'₅₄ Diú₄ ně₃, dsiog₃ ne₄ta₁ quió'₅ David jme₂gui'₂.
- 33 Jaun₂ jme₃góin₃ con'₂ tan₅₄ ne₄ chí'₂ dsio₄ Jacob, jaun₂ tsá₃ ma₃lǐg'₂ jmig₄ dsi₃ŋí₂ 'éi'₃ quió'₅.
- 34 Jaun₂ ca₂ŋag₃ María ca₂ñi'₃ ángel:
—¿'A₂ bá₄ lia'₂ lě₂ a₂nē₅? Ia₁ tsá₃ dsa₂ ŋe'₂ cúing₅.
- 35 Jaun₂ ca₂ŋag₃ ángel:
—Jme₂dsi₂ Jñi₃ó₅ bá₄ jmo₃ a₂lě₂ le₂jaun₂ ja₁cong'₂; ju₁i₅bí₂ quió'₅ Te₁gui'₅₄ i₂guá₅ guei'₅₄ bá₄ lio₃ 'én'₁ quió'₅. Jaun₂ lě₃, guein₂ jñi₃ó₅ i₂le₃chan₂ 'éi₂, quiong₃ dsa₂ Ja₁ñi'₅₄ Diú₄.‡
- 36 Ján₃ bá₄ le₂nē₅ Elisabet rǐng'₂, o₁jñia'₅₄ ma₂guein'₂, ma₂tě₂ jñéi₂ tsi'₂ a₂quiaín₂₃ guein₂, jaun₂ le₂nē₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂.
- 37 Ia₁ 'i₁caun₂ tsá₃ 'e₂ cha₂ jua'₅₄ a₂tsá₃ qui'₅₄ jmig₄ Diú₄.
- 38 Jaun₂ ca₂juá'₂ María:
—Ní₂, dsa₂ i₂jme₂tí₃ ta₁ ne₄ Te₁gui'₅₄ bá₄ jniá₂; ju₁i₁le₅₄ ja₁cong₂ con'₂ lě₅ jág₁ quiáng'₂.
Jaun₂ ca₂ŋá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

† 1:28 A₂lín₅₄ chog₅₄ si₂ juá'₂ ján₃: “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃, dsa₂ mí₂.”

‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñi₃ó₅.”

39 Tě₃jě₄ jmig₄ jaun₂, ca₂ηó₃ María tē₂le₃ dséi₂ jui₅ juig₂ niog₅ má'₂ ja₁tén₄ Judea.

40 Jaun₂ jme₁ca₂dsióg₃, ca₂'í₃ dsi₂néi₂ quió'₅ Zacarías, ca₂cuin₃ Diú₄ Elisabet.

41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tē₂dsí₅, jaun₂ ca₂rē₃cain'₂ Jme₂dsí₂ Jñi₅.

42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ñio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ mί₂ sián'₂, le₂jaun₂ guě'₂ guein₂ quiáng'₂ ně₃!

43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃ ja₂jag₅₄?

44 Ia₁ dsi₂jui₅ jme₁nē₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tē₂dsi₃.

45 i'E₂ guě₄ dsen'₃ 'ne₂ a₂ca₂rē₃'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:

Jme₂juin'₂ tē₂dsi₃ Te₁gui'₅₄.

47 Jme₂dsí₂ quió'₃ ně₃, 'io'₂ jén'₅ le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jéin'₃ ne₅₄ ja₁con₂ jniá₂ dsi₂nég₂ i₂jme₂ti₃ quiáin₅.

Jaun₂ ně₃, le₂tan₅₄ le₃ne₄ jui₅ ja₁ηó₄, tē₂ dsa₂ líng₅ i₂rē₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄, ia₁ ca₂jmo₃ caun₂ a₂juě'₂ ja₁cong₂; i'e₂ guě₄ jñi₅ a₂chein₂!

50 Co₂tan₅₄ bá₄ ηéi₂ dsí₅ le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bēn₂, ca₂jmo₃ caun₂ a₂juě'₂ a₂tsá₃ 'ein₂ qui'₅₄ jmig₄.

Ia₁ co₂ñei'₅₄ ca₂guiain'₃ 'uě₃ dsa₂ i₂con'₂ ηí'₂ dsí₅ guion₅₄ jmo₂₃ táin'₅.

52 Ca₂'liain'₃ cau₅ i₂jme₁tián'₄ can'₅₄, a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄, ca₂jme₃tau₅₄ quian'₅₄ a₂dse₃.

I₂ñí₄ jme₁chan₂ dse₃ guě'₂, ca₂'uág'₂ ca₂chei'₃ líin₃.

54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅, ca₂dsia₃ ηéi₂ dsí₅ ca₂dsáu'₃ dsí₅

55 con'₂ lě₅ jág₁ quió'₅ ca₂tsí'₃ Abraham jme₂gui'₂ jniog₄ quian'₅₄ ca₂le₃jín₃ tsi₁jon₂ quiáin₅ co₂tan₅₄.

56 Con'₂ 'ni₅ tsi'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ηái'₃ táng₃ ja₁quió'₄.

Ca₂rē₃chán₃ Juan₅₄ i₂chon₅ dsa₂ jmig₂

57 Cang₂ jaun₂ ca₂dsin₃ jmig₄ a₂le₃chan₂ guein₂ quián₅ Elisabet, jaun₂ ca₂rē₃chán₃ jan₂ guein₂ dsa₂ ηe'₂ quiáin₅.

58 Jaun₂ ca₂rē₃ñi₅ o₁rín'₅₄, quian'₅₄ dsa₂ i₂tián'₅ cau₅ quió'₅ ně₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lě₃ ně₃, jme₁ca₂tě₂ jñia₃ jmig₄, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃ quiong₃ Zacarías lia'₂ chen₂ jmei₂.

60 La₁ ca₂juá'₂ chog₅₄ guein₂:

- Jan₂'ón₄. Juan₅₄ bá₄ le₃chein₂.
- 61 Jaun₂ ca₂ŋag₃ táng₃ dsa₂:
—'Ijan₂ o₁ríng'₂ tsá₃ i₂chen₂ le₂në₅, jme₁né₄.
- 62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂ guein₂.
- 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄ chein₂.” Jaun₂ ca₂i₃gó'₃ dsí₅ ca₂le₃jín₃ tioen'₅₄.
- 64 Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juin'₂ Diú₄.
- 65 Jaun₂ ca₂i₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uë₃ má'₂ ja₁tén₄ Judea në₃, ca₂i₃'ag₅₄ jág₁ ca₂le₃jě₃ a₂ca₂lě₃ jaun₂.
- 66 Dsa₂ i₂qui₂ca₂rě₃ŋi₅ a₂jaun₂ në₃, jme₁'nio'₂ dsí₅ i₂gú'₃ jág₁ në₅, qui₂ŋí'₅ le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄ Te₁gui'₅₄ guein₂ 'éi₂.
- Le₂la₂ canto a₂ca₂jme₃juin'₂ Zacarías Diú₄*
- 67 Zacarías jmei₂ guein₂ në₃, rě₂cain'₂ Jme₂dsí₂ Jñi₅, qui₂ca₂'ë₃ jág₁ ca₂cuë₃ Diú₄, ca₂juá'₂:
68 Jui₁le₂juin'₂ Te₁gui'₅₄ Diú₄
quián₅ dsa₂ juig₂ Israel,
ia₁ ma₂guain₂₃ jě₄ quián₂ jniog₄
dsa₂ juig₂ quián₅, ma₂ca₂lió₂.
- 69 Ma₂ca₂cuag₃ jniog₄ jan₂ i₂'uan'₂ lin₃
i₂lín₅ lia'₂ lě₅ caun₂ mi₁juí₁,
jan₂ i₂já₅ jě₄ tsi₁jon₂ David i₂ca₂jme₃ti₃ ta₁ ne₅₄,
a₂ja₂lioin₅₄ dsa₂ quián₅.
- 70 Le₂në₅ jág₁ quió'₅ ca₂cuë₃ ca₃ma₂líg'₂,
ca₂juá'₂ tě₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quián₅,
- 71 jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ në₃,
- 72 ja₁juá'₂ në₃ a₂tiá'₃ ŋéi₂ dsí₅
ja₁con₂ dsa₂ can'₅₄ quián₂,
ja₁juá'₂ në₃ dsiog'₂ dsí₅ jág₁ jñi₅ quió'₅ ron₅.
- 73 A₂në₅ bá₄ jág₁ jaun₂ ca₂quiog₂
jme₁ca₂'iin₃ 'ŋiog₅
ca₂tsí'₃ Abraham jme₂gui'₂ jniog₄:
- 74 a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsí₅ jme₁ti₁ ne₅₄,
- 75 ia₁jaun₂ le₂chong₂ rě₂ le₃ne₅₄, lě₅ 'í₁,
ca₂le₃jě₃ jmig₄ chong₂.
- 76 Jaun₂ tě₂le₃ ja₁con'₂ 'ne₂ guë'₂, jón₃,
tě₂ dsa₂ a₂lín'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lin₃,
ia₁ gog'₅₄ ne₄ jui₅ quió'₅ Te₁gui'₅₄
a₂jmo'₂ co₂jñia₅₄ jui₅ quió'₅.
- 77 'Ne₂ bá₄ o₁jmo'₄ a₂le₃cuí'₅ dsa₂ juig₂ quián₅
'e₂ jaun₂ a₂lión₂ dsa₂,
tě₂le₃ quian'₅₄ a₂'én₂ dsáu₁.
- 78 Ia₁ ŋéi₂ bá₄ dsí₅ Diú₄ quián₂ jniog₄.

Jaun₂ lë₃, tē₂ guei'₅₄ i₂juíg₃ bá₄
chein₂₃ caun₂ si₂,

nē₂jag₄ bá₄ ca₂jnia₃ caun₂ jmíg₄ 'mí₂

⁷⁹ ja₁con₂ dsa₂ i₂tián'₅ jē₄ qui₁né'₃,

ja₁'ei₅ 'én'₁ 'mú₃ ně₃,

a₂jio₃ jnio₄ caun₂ jui₅ ja₁'ag₃ tei₄.

⁸⁰ Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃ jui₅ jme₂dsí₂ ně₃;
ca₂guá₂ caun₂ ja₁lě₄ 'uē₃ quein₂ co₂'ñiog₅, ca₂lia'₂ ca₂tě₂ jmíg₄ a₂ca₂jme₃jniai₂₃
jin₄ dsa₂ juíg₂ Israel.

2

Ca₂rě₃chán₃ Jesús

(Mateo 1:18-25)

¹ Jaun₂ ca₂lě₃ ně₃ jmíg₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃
si₂ tioen₃ ca₂le₃jín₃ dsa₂ ta₁caun₂ mi₂güí₃.

² (Jē₁le₂'uig₅₄ si₂ ně₅ ca₂cho₃ dsa₂ lia'₂ con'₂ jme₁lín₄ Cirenio dsi₄má'₂ 'uē₃
Siria.)

³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juíg₂ go₅₄, a₂qui₂dsi₃tioen₃
si₂.

⁴ Jaun₂ ca₂'í₃ José jui₅ ca₂o₃'íin₃ juíg₂ Nazaret ja₁tén₄ 'uē₃ Galilea, ca₂ñái'₃ jui₅
'uē₃ Judea a₂dsián'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José.

⁵ Ca₂i₁tioen₃ si₂ ja₁jaun₂ quian'₅₄ María i₂ma₂h'₅₄ jág₁ jéin'₂ gu₂ quiaín'₅₄;
ma₂quiaín₂₃ bá₄ guein₂ ñi₂₃.

⁶ Ca₂lě₃ ně₃, con'₂ ma₂tioen'₅₄ ja₁jaun₂, ca₂dsin₃ jmíg₄ a₂le₃chan₂ guein₂
quiaín₅.

⁷ Ja₁jaun₂ ca₂rě₃chán₃ guein₂ ne₅₄ 'éi₂ quiaín₅, 'ein₅₄ ca₂lio₃ 'mi'₂, ca₂quio₂₃
'ñió'₃ tsi₁gu₅ ja₁guě'₅ já'₂, 'uig₅₄ ia₁ a₂tsá₃ ma₃ja₁ca₂tíin₂ dsi₂néi₂ ja₁siá'₂ ja₁ñia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uē₃ jaun₂ jme₁tion'₅₄ ñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quiaín₅,
a₂'uē₂ jaun₂.

⁹ Ca₂jme₃jnia₅ jan₂ ángel quiaín₅ Te₁gui'₅₄ ne₅₄, ca₂jnia₃ co₂tág₅ co₂'né'₅ quió'₅
Te₁gui'₅₄ le₃lág'₃ ja₁tioen'₅₄, jaun₂ ca₂rě₃gó'₅ 'ñio₅ lín₃.

¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ě₃ jág₁ dse₃ bá₄ jniá₂ guio₃, caun₂ jág₁ quió'₅
ca₂le₃jín₃ dsa₂, jiá₃ cán₂ o₂'ñió₃ dsi₅.

¹¹ Ia₁ jmíg₄ ně₃, ca₂rě₃chan₂ o₄quiaín'₂ 'nia'₂ juíg₂ go₄ David, jan₂ i₂lió₂, i₂lín₅
Te₁gui'₅₄ I₂rě₂'ín₁ quiaín₅ Diú₄.

¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rē₂bón'₅ 'mi'₂,
rē₂quiaín₂₃ 'ñió'₃ tsi₁gu₅ ja₁guě'₅ já'₂.

¹³ Dsi₂jui₅ con'₂ tsá₃ jáin₅, ca₂jín₂juin₅ lín₃ ángeles sián'₂ con₂ ángel 'éi₂, ca₂tóin'₂
jme₂juin'₂ Diú₄ ca₂juá'₂:

¹⁴ jui₁le₂juin'₂ Diú₄ guei'₅₄ i₂juíg₃!

Ne₄ gua'₅₄ 'uē₃ ně₃,

jui₁'ei₅ tei₄ ja₁con₂ dsa₂ mi₂güí₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lě₃ ně₃, jme₁ma₂i₃len₃ ángeles guei'₅₄ i₂juíg₃, jaun₂ ca₂jme₃lióg₃ dsa₂
i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jnio₄ jui₅ Belén, ma₃ dsi₁jag₅₄ a₂ca₂lě₃ ja₁jaun₂, con'₂ lě₅ jág₁ ma₂ně₂'ě₂
Te₁gui'₅₄.

16 Ca₂i₃lén₂ jaun₂ ně₃ tē₂le₃ dséi₂. Dsón'₂ rē'₂ ja₁jaun₂ ca₂dsáin'₂ María quian'₅₄ José, guein₂ ně₃ rē₂quiain₂₃ 'ŋi₃o' gu₅ ja₁guě'₅ já'₂.

17 Jme₁ca₂jág₂, jaun₂ guě₄ ca₂dsia₃ 'a₂ lia'₂ lě₅ jág₁ a₂ca₂nág₂, a₂ca₂'ě₂ ángel a₂'iin₂₃ guein₂,

18 jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quián₅ já'₂ cha'₂ 'éi₂.

19 La₁ María ně₃, 'no'₂ bá₄ dsí₅ ca₂le₃jě₃, 'e₂ jein₅ a₂lě₂ jaun₂.

20 Dsa₂ i₂jmo₅ 'í₁ já'₂ cha'₂ ně₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuě₂₃ ti₁'mag'₄ o₄quió'₄ ca₂le₃jě₃ a₂ca₂tě₂ ne₅₄ quian'₅₄ a₂qui₂ca₂nág₂. Ia₁ ca₂le₃jě₃ bá₄ ca₂rě₃ti₃ con'₂ lě₅ ca₂juá'₂ ángel.

Ca₂i₃jme₂jniai₂₃ guein₂ Jesús guá'₅

21 Jme₁ca₂dsin₃ jnia₃ jmig₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lě₅ ca₂juá'₂ ángel ca₂tsí'₃ María né'₃ a₂caun₂.

22 Jme₁ca₂dsin₃ jmig₄ a₂'i₄ 'éi'₃ jmo₃ le₂jín₃ a₂jme₂ti₃ lia'₂ con'₂ lě₅ 'Éi'₃ quió'₅ Moisés, ca₂i₁lein₅₄ Jerusalén jniai₂₃ guein₂ i₁jein'₅₄ ne₄ Te₁gui'₅₄.

23 Ca₂jmo₃ le₂ně₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ŋe'₂ i₂ne₅₄ i₂le₃chan₂, lén₂ i₂lě₅ 'í₁ quián₅ Te₁gui'₅₄.”†

24 Ja₁jaun₂ ca₂jén'₃ ján₃ con'₂ lě₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bē₂ 'e₂.”‡

25 Jmig₄ jaun₂, jme₁chan₂ jan₂ dsa₂ jē₄ juig₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lín₃, i₂jme₁jme₂gan₃ Diú₄; jme₁chain₂ chi₁jnia₂₃ a₂guán₂ i₂cuě₃ lián'₂ quió'₅ dsa₂ juig₂ Israel. Jme₁quiong'₅₄ Jme₂dsí₂ Jñi₃o';

26 'éi₂ bá₄ ma₂ca₂'ě₂ jág₁ ne₅₄ a₂tsá₃ jón₂ ca₂lia'₂ ca₂jín₂ de'₂ I₂rē₂'ín₁ quián₅ Te₁gui'₅₄.

27 Jmig₄ jaun₂ ŋó₃ jiog₅ Jme₂dsí₂ Jñi₃o' jui₅ guá'₅ templo. Ja₁jaun₂ jme₁'ein₅₄ ně₃ jme₁ca₂dsi₃lén₂ chog₅₄-jmei₂ guein₂ Jesús, jniai₂₃ guein₂ a₂jmo₃ quiong'₅₄ con'₂ lě₅ tag₄ chí'₅ a₂quí'₅ 'Éi'₃.

28 Jaun₂ ca₂jñau'₃ Simeón ca₂jñai'₃ guein₂, ca₂jme₂juin'₂ Diú₄, ca₂juá'₂:

29 Ně₃ guě₄ ně₃, 'ne₂ juig₃ quiáng₃, ma₂lé₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lě₅ jág₁ quiáng'₂.

30 Ia₁ la₂ ca₂tě₂ ne₃ i₂ma₂cheng'₂ lió₂,

31 i₂ma₂jmo'₅₄ co₂jnia₅₄ quián₅ ca₂le₃jě₃ juig₂ nación.

32 I₂la₂ bá₄ i₂lín₅ si₂

i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁

juig₂ Israel quiáng'₂.

33 Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'iin₂₃ guein₂.

34 Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uě₃ juin₅ dsa₂ juig₂ Israel, o₃ tē₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂náu₃ quen₅ i₂le₃'iog₅₄.

35 Le₂ně₅ bá₄ jióg'₃ 'í₁ le₃jniá₂ 'a₂ lia'₂ dsi₂jio₅ dsí₅ dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₃ŋíg'₂ ně₂jag₄ bá₄ caun₂ ŋi₁tág₂ dsi₂tia₃ tē₂'au'₂.

* 2:21 Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † 2:23 Éxodo 13:2. ‡ 2:24 Levítico 5:11; 12:8.

36 Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ě₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ŋi₂ bá₄ ca₂rě₃quaiin'₅₄ dsa₂ ŋe'₂ quaiin₅.

37 Quén'₂ ne₂guióg₂ rě₂dsí₂ quén₂ (84) ŋi₂ a₂ca₂rě₃'ní₂. § Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uě₂-jmi₂ bá₄ jme₁jme₂ti₃ ne₄ Te₁gui'₅₄ chi₂lén'₂ Diú₄ a₂jme₂'iin₅₄ ně₃.

38 Hora jaun₂ dé₄ ca₂dsióg₃ ja₁tión₂ dsa₂, ca₂cuě'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁ŋia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

39 Jaun₂ ně₃ jme₁ma₂ca₂lě₃jmo₂₃ ca₂le₃jě₃ con'₂ lě₅ ta₁ quí'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uě₃ Galilea, ja₁niog₅ Nazaret, juig₂ go₅₄.

40 Guein₂ ně₃, caun₂ ca₂i₃juin'₂ bá₄, caun₂ ca₂rě₃'uáin'₃ ně₃, ton'₂ 'ŋio₅ lín₃ ŋi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

41 Ca₂le₃jě₃ ŋi₂ jme₁dsi₂lén₂ chog₅₄-jmei₂ Jmig₄ Tě₂'in₅₄ a₂tě₅ Jerusalén.

42 Jme₁ca₂dsí'₃ Jesús guia₃-tín₂ ŋi₂, ca₂i₃lén₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ŋi₂ dsi₃lén₂ jmig₄ jaun₂.

43 Jme₁ca₂gú'₃ jmig₄, ca₂i₃lein₃ táng₃. Tsá₃ ca₂rě₃lí'₄ chog₅₄-jmei₂ ŋia'₅₄ jaun₂ bá₄ tě₁'ŋia₄ Jesús Jerusalén,

44 ia₁ lín₂ ma₂ŋái'₅ bá₄ quaiin'₅₄ dsa₂ sián'₂. Caun₂ jmig₄ ma₂ne₁ŋó₄ tioen'₅₄ jui₅ i₃lein₃ jme₁ca₂'nau'₂ jin₄ o₁riin'₅₄, jin₄ dsa₂ i₂cuin₂₃ ně₃.

45 La₁ tsá₃ ca₂dsá'u'₂. Jaun₂ ca₂jéin'₃ táng₃ jui₅ ca₂i₃lén₂ Jerusalén ca₂i₁'niog'₂ ja₁jaun₂.

46 A₂'ni₅ jmig₄ jaun₂ jme₁ca₂dsá'u'₂ i₁dsi₅ guá'₅, guá₅ jin₄ tě₅juá'₅, nag₂₃ jág₁, ŋag₂₃ ŋí'₅ 'éi₂ ně₃.

47 Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁ 'ŋio₅ lín₃ ŋi₅ 'a₂ lia'₂ qui₂jéin'₃ jág₁ quió'₅ dsa₂ 'éi₂.

48 Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂ ca₂juá'₂ chog₅₄:

—Jón₃, ě'₂ lě₃ jmog'₅₄ le₂ně₅? Néi'₅, jniá₂ ně₃, ma₂ně₂i₁nio₁ 'i₅ dsi₅ 'niog'₂ jnia'₅₄.

49 Jaun₂ ca₂ŋag₃ Jesús:

—ě'₂ E₂ lě₃ 'nau'₂ 'nia'₂ jniá₂? ě'Tsa₁ ŋi'₅₄ 'nia'₂ a₂ca₂tíng₂ 'ú₄ ta₁ quió'₅ ŋe'₃?

50 La₁ tsá₃ ca₂ŋí'₂ dsí₅ 'éi₂ 'e₂ jein₅ jág₁ jaun₂.

51 Jaun₂ ca₂jóin'₃ bá₄ quaiin'₅₄ chog₅₄-jmei₂ jui₅ Nazaret. Caun₂ bá₄ ne'₅₄ ca₂le₃jě₃ a₂tě₂néi'₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jě₃ a₂jaun₂.

52 Jaun₂ caun₂ ca₂i₃juin'₂ bá₄ Jesús, rě₂ niog₅ dsi₅₄, rě₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

3

'Ě₂ Juan₅₄ i₂chon₅ dsa₂ jmig₄ jág₁ caun₂ 'uě₃ quein₂ co₂'ŋiog₅ (Mateo 3:1-12; Marcos 1:18; Juan 1:19-28)

¹ ŋi₂ guia₃-'ŋiá₂ lia'₂ con'₂ jme₁lín₄ emperador Tiberio, jmig₄ lia'₂ con'₂ jme₁lín₄ táng₃ Poncio Pilato dsi₄má'₂ 'uě₃ Judea; Herodes guě'₂ jme₁lín₄ rag₅₄ i₂jmo₅ 'éi'₃ 'uě₃ Galilea; Felipe riin'₅₄ guě'₂ jme₁lín₄ dsi₄má'₂ le₂tan₅₄ juig₂ Iturea quian'₅₄ Traconite; Lisantias ně₃ jme₁lín₄ dsi₄má'₂ quián₅ Abilinia.

§ 2:37 o₃, “Ma₂'ein₅₄ quén'₂ ne₂guióg₂ rě₂dsí₂ quén₂ (84) ŋi₂.”

2 Ján₃ bá₄ jmig₄ jaun₂ jme₁lín₄ jme₂dsa₂ dsen₅₄ Anás quian'₅₄ Caifás. Con'₂ jmig₄ jaun₂ dé₄ ně₃, ca₂tě₃ Diú₄ ca₂tě'₃ Juan₅₄, ja₁ŋi'₅₄ Zacarías, 'uě₃ co₂'ŋiog₅ ja₁jme₁guá₄.

3 Juan₅₄ ně₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí'₅ dsa₂ a₂'nió'₅ tsóin₃ jmig₂, cuě₃ léi₄ a₂ma₂ca₂dsi₃quén'₅ dsí₅ ia₁jaun₂ le₃'én₂ Diú₄ dsáu₁.

4 Le₂ně₅ bá₄ ca₂lě₃ ca₂rě₃ti₃ con'₂ lě₅ jág₁ a₂ca₂tó'₂ Isaiás ne₄ si₂, i₂jme₁'ě₂ jág₁ o₄quió'₄ Diú₄, a₂ca₂juá'₂:

Nag₃ dsa₂ co₂mi'₅₄ jág₁

caun₂ 'uě₃ co₂'ŋiog₅, a₂juá'₂:

Jmo₄ 'nia'₂ co₂ŋia₅₄ jui₅ quió'₅ Te₁gui'₅₄;

Nia₄ 'nia'₂ caun₂ jui₅ co₂dsau₅.

5 Ca₂le₃jě₃ ji'₅₄ siá₅ 'nió'₅ le₃can'₂,

ca₂le₃jě₃ dsí₂con'₂, má'₂, 'nió'₅ 'ag₃ co₂rě₂;

Ca₂le₃jě₃ jui₅ qui₂rě₂guion'₂, 'nió'₅ lé₂ co₂dsau₅,

jui₅ a₂qui₂le₁quin'₅₄, 'nió'₅ lei₂.

6 Ca₂le₃jín₃ dsa₂ mi₂güig₃ bá₄ jág₃

'a₂ lia'₂ lě₅ a₂jmo₃ Diú₄ lió₂.*

7 Jaun₂ ca₂'uin₂ dsa₂ quió'₅, ca₂o₃lén₂ mi₂₃ cho₃ Juan₅₄ jmig₂,† jaun₂ ca₂juá'₂ 'éi₂:

—i'Nia'₂ tsí₁jon₂ dsí₂mi'₂! ¿'Ein₂ bá₄ ně₂chí'₃ 'nia'₂ a₂cuing'₂ long'₅₄ uig₅ a₂ja₂quián₃?

8 Cuě₄ 'nia'₂ léi₄ jaun₂ a₂tě₃dsón'₂ ma₂ca₂dsi₃quén'₅ 'au'₂. 'A₃ lě₁jui₁dsi₂ŋia₅ 'au'₂ 'nia'₂ jua'₅₄ a₂jua'₅₄: “Lág₅ ŋia'₅₄ tsí₁jon₂ Abraham”; ia₁ ŋiá₂ juá'₅, Diú₄ qui'₅₄ jmig₄ jmo₃ ca₂tě₂ ni₁cang₁ tio'₅₄ la₂, lé₂ le₃jmó'₂ chi'₂-guein₂ quián₅ Abraham.

9 Ia₁ ma₂lě₅ co₂ŋia₅₄ ŋi₁dsi₁ a₂qui₃uín'₂ ni₁'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ dsí₃to'₅₄ si₂.

10 Jaun₂ ca₂ŋag₃ dsa₂:

—¿'E₂ bá₄ le₃jmó'₁ ŋia'₅₄ jaun₂ ně₃?

11 Jaun₂ ca₂ŋag₃ táng₃:

—I₂cha₂ tin₃ dsán'₃ tsin'₅₄, jui₁cuě'₄ co₂dsán'₃ i₂tsá₃ cha₂ quió'₅; le₂jaun₂ guě'₂ jui₁lia'₂ i₂cha₂ a₂guě'₃, jui₁jme₂'oin₅₄ jui₁lia'₂ i₂tsá₃ cha₂ quió'₅.

12 Ca₂o₃lén₂ i₂lín₅₄ i₂cán₂ 'lia'₅₄ quián₅ dsí₂tan₅₄ ně₃, a₂'nio₃ tsóin₃ jmig₂, jaun₂ ca₂tsí'₃ Juan₅₄:

—Tě₅, ¿'e₂ bá₄ lé₂ le₃jmó'₁ ŋia'₅₄?

13 Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ŋag₅₄ guě'₄ 'lia'₅₄ quió'₅ dsa₂, jua'₅₄ a₂dsí₁juin'₅₄ con'₂ 'éi'₃ qui'₅ si₂.

14 Ca₂o₃lén₂ i₂lín₅₄ 'lióg₂ ně₃, ca₂ŋag₃:

—ŋia'₅₄ guě'₂ ně₃: ¿'E₂ bá₄ ca₂tág₂ ŋia'₅₄ jmó'?

Jaun₂ ca₂ŋag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁ŋiá'₄ 'e₂ qui₁ŋiá'₄ quió'₅, on₃ guě'₂ qui₁'nig'₄ dsa₂ jua'₅₄ a₂lě₁qui₁'ní'₄. Ju₁le₂'ŋio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

15 La₁ dsa₂ ně₃, tsá₃ tei₄ le₁'ág₄ dsí₅ tíoin'₅₄, le₁ŋia₂₃ le₃ŋi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄.

16 Jaun₂ ca₂juá'₂ Juan₅₄ 'ŋiog₅, ca₂tsí'₃ ca₂le₃jín₃:

* 3:6 Isaiás 40:3-5. † 3:7 lit. “tióg₂ Juan₅₄ jmig₂.”

—Jniá₂ ně₂tiáng₃ 'nia'₂ jmig₂; la₁ i₂já₅ chi₂quín₃ ně₅, tióg₂ Jme₂dsí₂ Jñi₅, jě₄ si₂ ně₃. 'Éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.

17 Ma₂chi₁chan'₂ si₂jmu₂ a₂jme₂dse₃ mǐg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmig₄ éi₃.

18 Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄,[‡] ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsáu₅ Herodes;

20 la₁ tē₂le₃ ŋag₅₄ guě₄ ca₂jme₃ja₃: né'₃ 'má₃ bá₄ ca₂tián₂ Juan₅₄.

*Ca₂chon₃ Juan₅₄ jmig₂ Jesús
(Mateo 3:13-17; Marcos 1:9-11)*

21 Jme₁ma₂ca₂lě₃ choin₂₃ Š jmig₂ ca₂le₃jín₃ dsa₂, jme₁ma₂ně₂chon₃a Jesús jmig₂, a₂ma₂chéin'₅ chi₂léin'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃.

22 Ca₂sión₃ Jme₂dsí₂ Jñi₅ chi₁dsáin₃ jniá₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ñio₂ bá₄ dsi₃ 'ñio₅ lín₃ jing₅₄ 'ne₂.*

*Dsa₂ can'₅₄ quián₅ Jesús i₂qui₂ma₂ñí₂ ma₂dsi₃jo₃
(Mateo 1:1-17)*

23 Con'₂ guióg₂-guiá₂ ñi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tiin₂₃ dsa₂ jág₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ñi'₅₄ Sě₄.

Jaun₂ Sě₄ 'éi₂ ca₂já₃ ca₂lín₃ ja₁ñi'₅₄ Elí.

24 Elí 'éi₂ guě'₂ ně₃ ca₂já₃ ca₂lín₃ ja₁ñi'₅₄ Matat;

Matat 'éi₂ guě'₂ ně₃ ca₂já₃ ca₂lín₃ ja₁ñi'₅₄ Leví

i₂jme₁lín₄ ja₁ñi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂lín₃ chi'₂ quián₅ Matatías;

Matatías guě'₂ ně₃ ca₂já₃ ca₂lín₃ ja₁ñi'₅₄ Amós;

Amós jme₁lín₄ ja₁ñi'₅₄ Nahum;

Nahum guě'₂ jme₁lín₄ ja₁ñi'₅₄ Esli,

i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;

Ma'at guě'₂ ca₂já₃ ca₂lín₃ ja₁ñi'₅₄ Matatías;

Matatías guě'₂ ca₂já₃ ca₂lín₃ chi'₂ quián₅ Semei;

Semei 'éi₂ ně₃ ca₂já₃ ca₂lín₃ ja₁ñi'₅₄ i₂chen₂ José;

José guě'₂ ně₃ ca₂já₃ ca₂lín₃ ja₁ñi'₅₄ Judá;

27 Judá 'éi₂ guě'₂ ně₃ ca₂já₃ ca₂lín₃ ja₁ñi'₅₄ Joana;

Joana 'éi₂ guě'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Resa;

Resa guě'₂ ně₃

ca₂já₃ ca₂lín₃ ja₁ñi'₅₄ i₂chen₂ Zorobabel;

Zorobabel guě'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Salatiel,

‡ 3:19 A₂lín₅₄ chog₅₄ si₂: “Felipe riin'₅₄.” § 3:21 lit. “tián₂.” * 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂lín₃ jěi'₅.”

i₂jme₁lín₄ ja₁ñi'₅₄ Neri,
 28 i₂jme₁lín₄ ja₁ñi'₅₄ Melqui,
 i₂jme₁lín₄ ja₁ñi'₅₄ Adi,
 i₂jme₁lín₄ chi'₂ quián₅ i₂chen₂ Cosam,
 i₂jme₁lín₄ chi'₂ quián₅ Elmodam,
 i₂jme₁lín₄ chi'₂ quián₅ i₂jme₁chen₂ Er,
 29 i₂jme₁lín₄ chi'₂ quián₅ Josué;
 Josué ně₃ ca₂já₃ ca₂liin₃ ja₁ñi'₅₄ Eliezer;
 Eliezer guë'₂ ně₃ ca₂já₃ ca₂liin₃ ja₁ñi'₅₄ Jorim,
 i₂jme₁lín₄ ja₁ñi'₅₄ Matat;
 30 Matat guë'₂ ně₃ ca₂já₃ ca₂liin₃ ja₁ñi'₅₄ Leví;
 Leví guë'₂ ně₃ ca₂já₃ ca₂liin₃ ja₁ñi'₅₄ Simeón;
 Simeón guë'₂ ně₃ ca₂já₃ ca₂liin₃ ja₁ñi'₅₄ Judá;
 Judá guë'₂ ně₃ ca₂já₃ ca₂liin₃ ja₁ñi'₅₄ José;
 José 'éi₂ guë'₂ ně₃ ca₂já₃ ca₂liin₃ ja₁ñi'₅₄ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ñi'₅₄ Eliaquim;
 31 Eliaquim guë'₂ ca₂já₃ ca₂liin₃ ja₁ñi'₅₄ Melea;
 Melea guë'₂ ca₂já₃ ca₂liin₃ ja₁ñi'₅₄ Mainán;
 Mainán guë'₂ ca₂já₃ ca₂liin₃ ja₁ñi'₅₄ Matata;
 Matata guë'₂ ně₃ ca₂já₃ ca₂liin₃ ja₁ñi'₅₄ Natán;
 32 Natán guë'₂ ca₂já₃ ca₂liin₃ ja₁ñi'₅₄ David;
 David 'éi₂ guë'₂ ně₃ ca₂já₃ ca₂liin₃ ja₁ñi'₅₄ Isái;
 Isái guë'₂ ně₃ ca₂já₃ ca₂liin₃ ja₁ñi'₅₄ Obed;
 Obed guë'₂ ca₂já₃ ca₂liin₃ ja₁ñi'₅₄ Bo'oz;
 Bo'oz guë'₂ ca₂já₃ ca₂liin₃ ja₁ñi'₅₄ Salmón;
 Salmón guë'₂ ca₂já₃ ca₂liin₃ ja₁ñi'₅₄ Na'asón;
 33 Na'asón guë'₂ ně₃ ca₂já₃ ca₂liin₃ ja₁ñi'₅₄ Aminadab;
 Aminadab guë'₂ ca₂já₃ ca₂liin₃ ja₁ñi'₅₄ Aram;
 Aram guë'₂ ně₃ ca₂já₃ ca₂liin₃ ja₁ñi'₅₄ Esrom;
 Esrom guë'₂ ca₂já₃ ca₂liin₃ ja₁ñi'₅₄ Fares;
 Fares guë'₂ ně₃ ca₂já₃ ca₂liin₃ ja₁ñi'₅₄ Judá;
 34 Judá guë'₂ ně₃ ca₂já₃ ca₂liin₃ ja₁ñi'₅₄ Jacob;
 Jacob guë'₂ ně₃ ca₂já₃ ca₂liin₃ ja₁ñi'₅₄ Isaac;
 Isaac guë'₂ ně₃ ca₂já₃ ca₂liin₃ ja₁ñi'₅₄ Abraham;
 Abraham guë'₂ ně₃ ca₂já₃ ca₂liin₃ ja₁ñi'₅₄ Taré;
 Taré guë'₂ ně₃ ca₂já₃ ca₂liin₃ ja₁ñi'₅₄ Nacor;
 35 Nacor guë'₂ ca₂já₃ ca₂liin₃ ja₁ñi'₅₄ Serug;
 Serug guë'₂ ca₂já₃ ca₂liin₃ ja₁ñi'₅₄ Ragau;
 Ragau guë'₂ ca₂já₃ ca₂liin₃ ja₁ñi'₅₄ Peleg;
 Peleg guë'₂ ně₃ ca₂já₃ ca₂liin₃ ja₁ñi'₅₄ Heber;
 Heber guë'₂ ca₂já₃ ca₂liin₃ ja₁ñi'₅₄ Sala;
 36 Sala guë'₂ ca₂já₃ ca₂liin₃ ja₁ñi'₅₄ Cainán;
 Cainán guë'₂ ca₂já₃ ca₂liin₃ ja₁ñi'₅₄ Arfaxad;
 Arfaxad guë'₂ ca₂já₃ ca₂liin₃ ja₁ñi'₅₄ Sem;
 Sem guë'₂ ca₂já₃ ca₂liin₃ ja₁ñi'₅₄ Noé;
 Noé guë'₂ ca₂já₃ ca₂liin₃ ja₁ñi'₅₄ Lamec;
 37 Lamec guë'₂ ně₃ ca₂já₃ ca₂liin₃ ja₁ñi'₅₄ Matusalén;
 Matusalén guë'₂ ně₃ ca₂já₃ ca₂liin₃ ja₁ñi'₅₄ Enoc;
 Enoc guë'₂ ně₃ ca₂já₃ ca₂liin₃ ja₁ñi'₅₄ Jared;
 Jared guë'₂ ně₃ ca₂já₃ ca₂liin₃ ja₁ñi'₅₄ Mahalale'el;

Mahalale'el guè'₂ ně₃ ca₂já₃ ca₂lin₃ ja₁ŋi'₅₄ Cainán;
³⁸ Cainán guè'₂ ně₃ ca₂já₃ ca₂lin₃ ja₁ŋi'₅₄ Enós;
 Enós guè'₂ ně₃ ca₂já₃ ca₂lin₃ ja₁ŋi'₅₄ Set;
 Set guè'₂ ně₃ ca₂já₃ ca₂lin₃ ja₁ŋi'₅₄ Adán;
 Adán guè'₂ ně₃ ca₂já₃ ca₂lin₃ co₂'nió'₄ ja₁ŋi'₅₄ Diú₄.

4

Ca₂caun₃ i₂sě₃dsen₃ táu₂ quió₅ Jesús
(Mateo 4:1-11; Marcos 1:12-13)

¹ Jaun₂ Jesús ně₃, ma₂rě₂riin₅ Jme₂dsí₂ Jŋi₅ó₅, ca₂o₃'íin₃ Cuá₃ Jordán. Ca₂jio₃g Jme₂dsí₂ caun₂ 'uě₃ quein₂ co₂'ŋiog₅.

² Ja₁jaun₂ ca₂i₁'i₅ tē₂láu₃ jmig₄, ia₁jaun₂ cáun₂ táu₂ i₂sě₃dsen₃. Tsá₃ 'e₂ ca₂guě'₃ 'i₁ca₂juig₄ tē₁lia'₂ jmig₄ jaun₂. Jme₁ca₂dsan₃ jaun₂, jaun₂ guě'₄ ma₂i₁cón'₅ 'ŋio₅ lin₃.

³ Jaun₂ ca₂juá'₂ i₂sě₃dsen₃:

—Chi₂jua'₂ dsón'₂ líng'₅ Ja₁ŋi'₅₄ Diú₄, jmo₄ ju₁le₅₄ i₁ŋí'₄ ni₁cang₁ ně₅.

⁴ Jaun₂ ca₂ŋag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ŋí'₄ le₃tan₅₄ dsa₂ mi₂güí₃ le₃chain₂.”* , †

⁵ Jaun₂ ca₂jio₃g táng₃ i₂sě₃dsen₃ caun₂ má'₂ ja₁ŋei₅. Ja₁jaun₂ ca₂'ě₃ ca₂tiá'₂ tei₄ ca₂le₃jě₃ juig₂ te₁'i₁ gua'₅₄ 'uě₃.

⁶ Jaun₂ ca₂juá'₂:

—Gog'₂ 'ne₂ bá₄ dsia₅₄ jniá'₂ ca₂le₃jě₃ juig₂ ně₅; 'ne₂ bá₄ gong'₂ lé₂, 'ó'₄ bí₂, qui₂jme₃juag'₂ dsa₂. Ia₁ a₂niog₅ ne₃ jniá'₂ bá₄ ně₅, ton'₂ lé₂ le₃cuě'₄ jniá'₂ 'ein₂ 'nio₃ cuě'₄.

⁷ Jaun₂ a₂lé₂ quiáng'₂ ně₁jua'₂ ca₂chi₁jne'₄ ne₃ jme₁juag'₂.

⁸ Jaun₂ ca₂ŋag₃ Jesús:

—Ne₄ Si₂‡ quió'₅ Diú₄ chi₁ton₅: “Jme₁gan₃ 'nia'₂ Te₁gui'₅₄ Diú₄ quiáng'₂; ne₄ jan₂ 'éi₂ bá₄ ca₂tín'₂ 'nia'₂ jme₁ti₄.”§

⁹ Cang₂ jaun₂ ca₂jio₃g táng₃ i₂sě₃dsen₃ juig₂ Jerusalén, jaun₂ ca₂i₁chei'₂ caun₂ ja₁lě₄ ja₁ŋei₅ guě'₄ ne₄ ni₁'ia'₂ guá'₅ templo, jaun₂ ca₂juá'₂:

—Chi₂jua'₂ 'ne₂ líng'₅ Ja₁ŋi'₅₄ Diú₄, tian'₅₄ ca₂tě₂ 'uě₃;

¹⁰ ia₁ chi₁ton₅ ne₄ Si₂:

Dsiog₃ Diú₄ o₄gú₃ ángeles quiáin₅,
 jaun₂ jmo₃ 'í;

¹¹ guéi'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ ni₁cang₁.*

¹² Jaun₂ ca₂ŋag₃ Jesús:

—Ján₃ bá₄ juá'₂ ne₄ si₂: “Tsá₃ tang'₅₄ Te₁gui'₅₄ Diú₄ quiáng'₂.”†

¹³ Jme₁ca₂dsan₃ ca₂le₃jě₃ a₂niog₅ ca₂juá'₂ i₂sě₃dsen₃ a₂cáun₂ táu₂ jaun₂, jaun₂ ca₂i₃uíin₂ co₂'na₂, ně₁jua'₂ líg'₂ ca₂cuin₃ táng₃ jmig₄.

Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)

¹⁴ Ca₂ŋá'₃ táng₃ Jesús ju₁i₅ 'uě₃ Galilea rě₂can'₂ Jme₂dsí₂ Jŋi₅ó₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂.

¹⁵ Ca₂i₁jme₁tiin₂₃ dsa₂ le₂tan₅₄ guá'₅ sinagogas quió'₅ dsa₂, jaun₂ ca₂le₃jín₃ bá₄ dsa₂ jme₁jme₂juag'₂.

* 4:4 Deuteronomio 8:3. † 4:4 A₂lin₅₄ chog₅₄ si₂ juá'₂ ján₃: “a₂'nió'₅ le₂chain₂ nag₃ jág₁ quió'₅ Diú₄ ně₃.”
 ‡ 4:8 A₂lin₅₄ chog₅₄ si₂ juá'₂ le₂la₂ ján₃: “Jŋiag'₃ cau₅ quió'₃ 'ne₂ Satanás, ia₁ ne₄ Si₂.” § 4:8 Deuteronomio 6:13. * 4:11 Salmo 91:11-12. † 4:12 Deuteronomio 6:16.

Dsiáin'3 táng3 juig2 Nazaret

(Mateo 13:53-58; Marcos 6:1-6)

16 Jaun₂ ca₂ñái'₃ jui₅ Nazaret, ja₁ca₂i₃juin'₂. Caun₂ jmig₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂ ca₂nau₂ a₂'i₃ Si₂.

17 Jaun₂ ca₂cuë'₃ dsa₂ si₂ rë₂bïn₅ quió'₅ Isaías i₂jme₁'ë₂ jág₁ o₄quió'₄ Diú₄. Jme₁ma₂në₂néi'₃ si₂, jaun₂ ca₂dsó'₂ ja₁chi₁ton₅ le₂la₂:

18 Dsín₂ Jme₂dsí₂ quián₅ Te₁gui'₅₄ ne₄ quió'₃,
ia₁ ma₂ca₂'ag₃ jniá₂

a₂i₁'ë₃ jág₁ dse₃ jin₄ dsa₂ dsi₂ñé₂.

Ca₂chei₃ a₂i₁'ë₃ jág₁ a₂lión₂ dsa₂ i₂qui₂le₁jní₅,
ton'₂ ján₃ guë'₂ jmo₅₄ jnia₅₄ jme₁ne₁ dsa₂ i₂ten₄;
qui₁long₁₂ dsa₂ i₂qui₂dsi₂ñí₂ uig₅ qui₂jmo₅₄'₂ dsa₂;

19 a₂'ë₄ jmig₄ dse₃ a₂lió₂ Te₁gui'₅₄.[‡]

20 Jaun₂ ca₂bïn₂ táng₃ si₂; ca₂jín'₃ dsa₂ i₂jme₂'o₅₄, jaun₂ ca₂guá'₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ñi'₂, jág₂.

21 Jaun₂ ca₂jme₃lióg₃ Jesús ca₂juá'₂:

—Jmig₄ në₃ ca₂të₂ ne'₅₄ 'nia'₂ ca₂rë₃ti₃ a₂juá'₂ Si₂ në₅.

22 Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jë₃ jág₁ jlá'₁ a₂'uë'₂ 'o₅₄.
Jaun₂ qui₂ca₂ñí'₃ riin'₅₄:

—¿On₁jua'₅₄ i₂në₅ 'éi₂ i₂lín₅ ja₁ñi'₅₄ Së₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmig₄ le₃jua'₅₄ 'nia'₂ juig'₅₄ jniá₂ quió₃Š la₂: “Ne₂ të₅mí₅ jma'₅₄ mí₅ 'ñiag'₂.” Le₃jua'₅₄ 'nia'₂ në₃: “A₂ca₂rë₃ne₄ jnia'₅₄ a₂ca₂jmo'₅₄ Capernaum, ma₂në₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂të₃dsón'₂ juá'₅ jniá₂ juig₂ 'nia'₂, 'i₁jan₂ dsa₂ i₂'ë₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄.

25 Tí₅ bá₄ jág₁ quió'₅ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmig₄ lia'₂ con'₂ jme₁chan₂ Elías i₂jme₁'ë₂ jág₁ o₄quió'₄ Diú₄, lia'₂ con'₂ ca₂rë₃'ín₃ 'ñio₅ lín₃ a₂guë'₃ dsa₂ ta₁caun₂ juig₂ nación, ia₁ tsá₃ ma₃jmí₅ ca₂tang₂ 'ni₅ ñi₂ të₂ ca₂dsio₄.

26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ñe₄ Elías, ñña'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂niog₅ quián₅ ciudad Sidón bá₄.

27 Ján₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig₂ Israel, lia'₂ con'₂ jmig₄ ca₂ñi₃ Eliseo i₂jme₁'ë₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, ñña'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uë₃ Siria bá₄.

28 Jme₁ca₂nág₂ dsa₂ jág₁ në₅, ca₂le₃jín₃ con'₂ i₂tion'₅₄ guá'₅ sinagoga ca₂rë₃'néi₃ 'lig'₅₄.

29 Qui₂ca₂nau₂ tiin'₅₄, ca₂dsei₂₃ juig₂, ca₂l₃lén₂ le₁jio₂₃ ca₂të₂ ne₄ má'₂ ja₁lë₄ ni₁'lau₂ dsio'₅₄ juig₂, ia₁ a₂jme₁dsi₂jio₅ dsí₅ jme₁tón₂ ja₁jaun₂.

30 La₁ con'₂ ca₂ñi₅ bá₄ 'éi₂ jë₄ quió'₅, ca₂lón₂ ñái'₅.

Jan₂ dsa₂ i₂jme₁'en₅₄ jme₂dsí₂ 'lín'₅₄

(Marcos 1:21-28)

31 Jaun₂ ca₂ñó₃ Jesús juig₂ Capernaum, caun₂ juig₂ tén₅ 'uë₃ Galilea. Ja₁jaun₂ ca₂jme₃tiin₂₃ dsa₂ jme₁jmig₄ sa₅₄.

‡ 4:19 Isaías 61:1-2. § 4:23 quió₃: Jág₁, quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ñí'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'Í₂ 2 Reyes 5.

32 'Njio₅ lin₃ dsi₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃.

33 Dsi₂néi₂ guá'₅ sinagoga ja₁tioin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

34 —j'Ne₂ ně₃! ¿'E₂ lē₃ tiáng'₅ jē₄ quián₂ jnia'₅₄, 'ne₂ Jesús Nazareno?‡ ¿A₂i₃'éin'₃ jnia'₅₄ bá₄ 'ne₂ ŋe'₃? Guion₄ jniá₂ 'ein₂ líng'₅: 'ne₂ líng'₅ I₂jñio₅ quián₅ Diú₄.

35 Jaun₂ ca₂jí₂ Jesús, ca₂juá'₂:

—j'Tei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uē₃ tē₃ jág₅ ca₂le₃jín₃, jaun₂ guē₄ ca₂o₃'ín₃, la₁ tsá₃ 'e₂ uig₅ ca₂jmo₂'₂.

36 Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jin₄ riin'₅₄, ca₂juá'₂:

—¿'E₂ bá₄ jág₁ ně₅? I₂nē₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lin'₅₄ jē₁ma₂ca₂juá'₂.

37 A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

38 A₂ca₂o₃'ín₃ Jesús guá'₅ sinagoga jaun₂, ca₂ŋó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'i₄ dséi₂ 'ŋio₅ lin₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄.

39 Jaun₂ ca₂jme₃quiáin₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

Ca₂jme₃'lión₂ Jesús juin₅ dsa₂ dso'₅₄

(Mateo 8:16-17; Marcos 1:32-34)

40 Tē₂le₃ ca₂nei₂ jmi₄g₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ guē₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂.

41 Juin₅ bá₄ jme₂dsí₂ je₂na'₅₄ qui₂ca₂'uín₂ quió'₅ dsa₂, qui₂guió'₅ juá'₂:

—j'Ne₂ líng'₅ Ja₁ŋi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuē₃ jmi₄g₄ jua'₅₄ a₂juá'₂ guē₄, ia₁ a₂ŋi₅ rē₂ bá₄ je₂na'₅₄ a₂lín₅ 'éi₂ I₂rē₂'ín₁ quián₅ Diú₄.

Ca₂ton₃ Jesús jág₁ 'uē₃ Galilea

(Marcos 1:35-39)

42 Jme₁jnia₃ jaun₂, ca₂o₃'ín₃ Jesús ŋó₃ caun₂ ja₁lē₄ co₂'ŋiog₅. La₁ ca₂le₃jín₃ dsa₂ ca₂i₁noi₁₂ ca₂'nau'₂. Jaun₂ ně₃ jme₁ca₂dsáu'₂, jme₁jnéi₂ jui₅ tsá₃ jme₁cuē₂₃ jmi₄g₄ dsáin'₃.

43 Jaun₂ ca₂juá'₂ Jesús:

—Ca₂tín₂ jniá₂ qui₂i₁'ē₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

44 Jaun₂ le₂nē₅ bá₄ ca₂ŋi₃ Jesús ca₂'ē₂ jág₁ le₂con₂ guá'₅ sinagogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ ju₄

(Mateo 4:18-22; Marcos 1:16-20)

1 Ca₂lē₃ co₂ráun₂ jme₁'en₅₄ Jesús chei'₅₄ Jmi₁ŋí'₄ Genesaret.* Tē₃jē₄ jaun₂ ca₂ŋi'₂ juin₅ lin₃ dsa₂, ca₂lia'₂ co₂'liog'₂ bá₄ tioin'₅₄, ia₁ 'nio₃ nag₃ jág₁ quió'₅ Diú₄.

‡ 4:34 o₃, “i₂chan₂ Nazaret.” § 4:44 A₂lin₅₄ chog₅₄ si₂juá'₂: “Galilea.” * 5:1 Ján₃ bá₄ chei₂ “Jmi₁ŋí'₄ Galilea.”

2 Jaun₂ ca₂jág₃ Jesús tin₃ tsi₁mu₅ a₂le₁jë₁, le₁'ág₄ chei'₅₄ jmig₂, ia₁ dsa₂ i₂tsán'₂ ju₄ jme₁ma₂sióin₃ i₂ráng₃ 'má₅ quió'₅.

3 Jaun₂ ca₂'í₃ Jesús caun₂ tsi₁mu₅ jaun₂, a₂lë₅ quió'₅ Si₂mu₅₄. Jaun₂ ca₂mi₃ a₂jio₃ 'éi₂ ca₂juig₄ guë₄ le₃ne₄ jmig₂. Jaun₂ ca₂guá₂ 'ñi₃o'₃ tsi₁mu₅, jaun₂ ja₁jaun₂ ca₂jme₃lió₃ ca₂jme₃tiin₂₃ dsa₂.

4 Jme₁ca₂dsan₃ cuë₂₃ jág₁, ca₂tsí'₃ Si₂mu₅₄:

—Jñiog'₅₄ mu₅ quiáng'₂ le₃ja₁jí'₂ guë₄. Ja₁në₅ tiong₂ 'má₅ quiáng'₂, jaun₂ lén'₂ 'nia'₂ ju₄.

5 Jaun₂ ca₂ñag₃ Si₂mu₅₄:

—Të₅, la₂ tio'₅₄ bá₄ jnia'₅₄ ta₁jma₃ nei₅ ca₂néi₃, tsá₃ 'ein₂ já'₂ ma₂lag₅ jnia'₅₄; la₁ i₁tion₃ caun₂ ia₁ a₂juá'₂ 'ne₂.

6 Jme₁ca₂jmo₃ le₂jaun₂, ca₂lia'₂ juin₅ lin₃ ju₄ i₃ton'₅₄, jñia'₅₄ mei'₂ tsá₃ ca₂gag₂ bá₄ 'má₅ quió'₅ tioen'₅₄.

7 Jaun₂ ca₂bí₂ gu₂ ca₂të'₃ riin'₅₄ i₂jme₁tion'₅₄ tsi₁mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂ 'éi₂ ně₃, ca₂jme₃cain'₂ ta₁tin₃ tsi₁mu₅, jñia'₅₄ mei'₂ tsá₃ ca₂i₃guein'₅₄ bá₄ tioen'₅₄.

8 Jme₁ca₂jág₃ Si₂mu₅₄ në₅, ca₂ñó₃ ca₂chi₃jné₃ ne₄ Jesús, ca₂juá'₂:

—Jñia'₃ cau₅ quió'₃, Te₁gui'₅₄, ia₁ dsa₂ cha₂ dsáu₁ bá₄ jniá'₂.

9 Ia₁ dsi₂gó'₃ dsí₅ Si₂mu₅₄ quian'₅₄ riin'₅₄, ia₁ a₂ñí₄ lë₃ 'ñio₅ juin₅ ju₄ i₂ca₂join₃.

10 Ján₃ bá₄ le₂jaun₂ Jacobo quian'₅₄ Juan₅₄ i₂lín₅ ja₁ñi'₅₄ Zebedeo, ia₁ co₂dsia₅ jme₁i₂nioi₅₄ quian'₅₄ Si₂mu₅₄ tsáin'₂ ju₄. La₁ Jesús ně₃ ca₂juá'₂ ca₂tsí'₃ Si₂mu₅₄:

—Tsá₃ jmo₂ gang'₃. Ia₁ të₂le₃ ne₄ jui₅ ja₁dsau₅₄ në₅, ñí'₁ jmag'₅₄ dsa₂ mi₂güig₃ ju₁lia'₂ jmag'₂ ju₄.

11 Jme₁ma₂në₂jñióg'₃ tsi₁mu₅ quió'₅ le₃ja₁quein₂ chei'₅₄ jmig₂, ja₁jaun₂ ca₂dsia₃ jë₂, ca₂i₃lén₂ bá₄ quian'₅₄ 'éi₂.

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Mateo 8:1-4; Marcos 1:40-45)

12 Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso'₅₄ i₂lín₅ 'mé'₅ 'iog₅, ta₁jain₂. Jme₁ca₂jñin₂ Jesús, ca₂tóin₂ të₂rë₃'éin₂ 'uë₃, ca₂mi₃ tion₅₄-jan₃, ca₂juá'₂:

—Te₁gui'₅₄, chi₂jua'₂ 'niog'₂, jñia'₅₄ lia'₂ 'ne₂ bá₄ qui'₅₄ jmig₄ chi'₅₄ dso₄ a₂lín₅.

13 Jaun₂ ca₂néi'₃ gu₂, ca₂ní'₃ quió'₅ dsa₂ dso'₅₄, ca₂juá'₂:

—'Nio₃ jniá'₂. Jmo₅₄ bá₄ le₁jíng'₃.

Dsi₂jui₅ jme₁ca₂juá'₂ jaun₂, ca₂jñia'₃ 'mé'₅ 'iog₅ a₂jme₁lín₄.

14 Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Jñia'₅₄ lia'₂ ca₂juá'₂:

—La₁ gua₂ o₂jme₁jnia₅ ne₄ jme₂dsa₂, o₄quió'₄ a₂ma₂le₁jíng'₃, o₂jmo₄ o₂jen'₅₄ ne₄ Diú₄ con'₂ lë₅ 'Éi'₃ quió'₅ Moisés,† co₂'nió'₄ a₂jang'₅₄ jág₁ dsau₅ jin₄ dsa₂.

15 La₁ të₂le₃ lë₅ guë₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lin₃ dsa₂ i₂jme₁të₁ja₂lén₂ ñi'₂ ja₂néi₃ jág₁, i₂'nio₃ 'lión₂ ně₃ 'e₂ caun₂ jmi₁uig₅ chain₂.

16 La₁ jme₁dsi₂uíin₃ bá₄ 'ni'₂ juig₂ ja₁con'₂ 'ñiog₅, chi₃lén'₂ Diú₄.

Ca₂jme₃'lión₂ Jesús jan₂ dsa₂ 'lian'₂

(Mateo 9:1-8; Marcos 2:1-12)

17 Ca₂lë₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, të₅juá'₅ ně₃, i₂ja₂lén₂ le₂con₂ 'uë₃ Galilea, Judea, juig₂ Jerusalén ně₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lióin₂ dsa₂.

† 5:14 'Í₂ Levítico 14.

18 Të₃jë₄ jaun₂, ca₂dsi₃lén₂ dsa₂ le₁jñiai₂₃ jan₂ dsa₂ 'lian'₂, dsín₂ ne₄ tsi₁jein₁. Jme₁'no'₂ jui₅ dsi₃toin'₅₄ dsi₂néi₂, jme₁dsi₃quio₂₃ ne₄ Jesús.

19 Ia₁ tsá₃ ca₂dsó'₂ 'a₂ lia'₂ dsi₃toin'₅₄, ia₁ a₂ñí₄ lë₃ juin₅ dsa₂ tion'₅₄, jaun₂ ca₂uíg₂ le₃co'₅₄ tsi₁'né₅. Jaun₂ ca₂niá₃ jë₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús.

20 Jme₁ca₂jág₃ Jesús a₂'én₂ dsa₂ 'éi₂ 'ñio₅ lin₃, jaun₂ ca₂juá'₂:

—'Ne₂ dsa₂, ma₂rë₂'én₄ bá₄ dsáu'₂.

21 Jaun₂ në₃ ca₂jme₃lióg₃ të₅juá'₅ quian'₅₄ dsa₂ fariseos në₃ ca₂jñia₅ dsí₅: “¿I₂'ein₂ bá₄ në₅ jmái'₂ m'i'₅₄ Diú₄ a₂juá'₂ le₂në₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ Diú₄ bá₄.”

22 La₁ a₂lí₄ rë₂ bá₄ Jesús 'e₂ a₂qui₂dsi₂jñia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lë₃ dsi₂jio₅ 'au'₂ 'nia'₂ le₂në₅?

23 ¿'E₂ a₂'ua₁ guë₄ ta₁, a₂juá'₄ jniá₂ juig₅₄ dsa₂ la₂: “Ma₂rë₂'én₄ dsáu'₂”, o₃ a₂juig₅₄ 'e₂ jniá₂: “Nau₂, ñi₄”?

24 Ia₁ dse₃ jaun₂. La₂ jmo₅₄ jniá₂ ia₁ jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂qui₃'éin₂ dsáu₁ dsa₂.

Jaun₂ guë₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁jein₁ quiáng'₂, guan'₂.

25 Dsi₂jui₅ jaun₂ të₃ jág₅ ca₂le₃jín₃, ca₂nau₂ ca₂cáun₃ tsi₁jein₁ quió'₅ ca₂ñái'₃ jme₂juin'₂ Diú₄.

26 Jaun₂ ca₂i₃gó'₃ dsí₅ ca₂le₃jín₃, ca₂jme₃juin'₂ Diú₄ në₃. Jaun₂ të₃jë₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmig₄ në₃ ca₂të₂ ne₄ jniog₄ a₂dsi₂gó'₃ dsí₅.

Ca₂të'₃ Jesús Leví

(Mateo 9:9-13; Marcos 2:13-17)

27 Cang₂ jaun₂ ca₂o₃'iin₃ táng₃. Ja₁ñó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Ñia₅ chi₁co'₅₄ quió₃.

28 Ja₁ jaun₂ ca₂dsia₃ jë₂, ca₂nau₂ ñó₃ quiong'₅₄.

29 Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ñi'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ në₃ qui₂ca₂guë'₃ quiain'₅₄.

30 La₁ dsa₂ fariseos quian'₅₄ të₅juá'₅ quiáin₅, chi₂ca₂'iin₃ dsa₂ i₂ma₂quian'₅₄ Jesús, ca₂juá'₂:

—¿'E₂ lë₃ qui₂quë'₂ qui₂'ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ në₅, dsa₂ i₂le₁cán'₄ dso₄ në₃?

31 Jaun₂ ca₂ñag₃ Jesús:

—Ma₁ tsá₃ të₅mí₅ 'nió'₅ quió'₅ dsa₂ i₂le₁'ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅.

32 Tsá₃ ta₁ jaun₂ guio₃ jniá₂ a₂të₄ dsa₂ dsen₃; a₂të₄ dsa₂ i₂le₁cán'₄ dso₄ bá₄ jniá₂ guio₃, ia₁ jaun₂ dsi₁quén'₅ dsí₅.

Ca₂ñí'₃ dsa₂ Jesús ju₁lia'₂ a₂jme₂'in₅₄ dsa₂

(Mateo 9:14-17; Marcos 2:18-22)

33 Jaun₂ dsa₂ 'éi₂ në₃ ca₂tsí'₃ Jesús:

—¿'A₂ guë'₂ lia'₂ i₂gú'₃ jme₂'in₅₄ dsa₂ i₂quian'₅₄ Juan₅₄, jë₂ qui₂tsí'₅ Diú₄, le₂ jaun₂ bá₄ dsa₂ quián₅ fariseos në₃, la₁ dsa₂ quiáng'₂, guë'₅ 'in'₂ bá₄?

34 Jaun₂ ca₂jéin'₃ Jesús jág₁:

—¿Lé₂ le₃chi₁quian'₄ 'nia'₂ jmi₄g₄ jme₃'in₅₄ ju₁lia'₂ dsa₂ i₂té₄ ja₁jen'₂ gu₂ dsa₂, chi₂juá'₂ jaun₂ bá₄ guá₅ guë'₂ dsa₂ ñe'₂ i₂jen'₂ gu₂?

35 La₁ já₅ jmig₄ jë₁ma₂jñia'₃ dsa₂ ñe'₂ 'éi₂; jmig₄ jaun₂ guë₄ ma₂lé₂ jme₃'in₅₄.

36 Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tióng₅ 'nau₅₄ 'mí₂ 'mí₂ tsi₁'mí₂ gui'₅₄. Ia₁ në₁jua'₂ ca₂jmo₃ le₂jaun₂, a₂jñia'₅₄ guéi₃ bá₄ caun₂ caun₂, ton'₂ tsá₃ ma₃rë₂ quin₅ tsi₁'mí₂ gui'₅₄ quian'₅₄ 'nau₅₄ 'mí₂.

37 Ján₃ guë'₂ tsá₃ tia'₂ dsa₂ vino 'mí₂ ni₁lau₂ gui'₅₄, ia₁ në₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂ gui'₅₄ quian'₅₄ dsió'₁ vino 'mí₂; téin₃ bá₄ vino, ton'₂ dsi₃'én₂ ni₁lau₂ gui'₅₄ në₃.

38 Jaun₂ lë₃, lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ rë₂ lé₂ 'í₁ le₃tin₃.

39 Ján₃ bá₄ le₂jaun₂ jui₁lia'₂ i₂ma₂'in₅ vino gui'₅₄ a₂ma₂ron₂, tsá₃ jiá₃ dsí₅ 'in'₂ vino 'mí₂ a₂të₂ca₂jlen'₃. “Ia₁ tió'₅ a₂gui'₅₄” bá₄ juá'₂.

6

*Guén₂ dsa₂ quián₅ Jesús míg₂ trigo caun₂ jmig₄ sa₅₄
(Mateo 12:1-8; Marcos 2:23-28)*

1 Caun₂ jmig₄ sa₅₄, ca₂ñi₅ Jesús caun₂ ja₁nau₂ ja₁jñia₄ trigo. Jaun₂ ca₂gág₃ dsa₂ i₂quian'₅₄ mí₂ trigo, qui₂ca₂guéin₂ ca₂guë'₃.

2 Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá'₂:

—¿'E₂ lë₃ jmo'₂ 'nia'₂ a₂tsá₃ 'i₄ 'éi'₃ jmo₃ dsa₂ jme₁jmig₄ sa₅₄?

Jaun₂ ca₂ñag₃ Jesús:

3 —¿Tsa₁ ma₂'í₂ 'nia'₂ ja₁juá'₂ a₂ca₂jmo₃ David quian'₅₄ riin'₅₄ jme₁ca₂tá'₂ i₁cón'₅?

4 Ca₂'í₃ dsi₂néi₂ quió'₅ Diú₄ ca₂can₃ i₁ñí₄ jñió₅ a₂'i₄ 'éi'₃ a₂guë'₃ jmá'₃ jme₂dsa₂. Ca₂guë'₃, ca₂cuë'₃ riin'₅₄ i₂jme₁quian'₅₄ në₃.

5 Ca₂juá'₂ Jesús ján₃:

—Jaun₅ dsa₂ mi₂güig₃ bá₄ i₂quian₅ 'éi'₃ ne₄ quió'₅ jmig₄ sa₅₄.

Dsa₂ i₂rë₂já'₃ caun₂ gu₂

(Mateo 12:9-14; Marcos 3:1-6)

6 Co₂ráun₂ táng₃ caun₂ jmig₄ sa₅₄ ca₂lë₃, ca₂'í₃ Jesús guá'₅ sinagoga, ca₂jme₃tin₂₃ dsa₂. Jë₄ jaun₂ jme₁'en₅₄ jan₂ dsa₂ i₂rë₂já'₃ gu₂ ne₁.

7 Ca₂tiog₃ dsa₂ fariseos quian'₅₄ të₅juá'₅ chi₂jua'₂ jme₃'lióin₂ 'éi₂ të₃ jmig₄ sa₅₄, ia₁ jme₁'no'₂ ju₁i₅ 'a₂ lia'₂ jmo₃ dsáu₁ 'éi₂.

8 La₁ a₂ñi₅ rë₂ bá₄ Jesús 'e₂ a₂dsi₂jñiog₅ dsí₅ dsa₂ 'éi₂ tióin₂, jaun₂ ca₂tsí'₃ dsa₂ i₂rë₂já'₃ gu₂:

—Nau₂, ñia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ñó₃.

9 Jaun₂ ca₂tsí'₃ Jesús dsa₂ i₂tióin₂ jág₅:

—La₂ ñag₄ jniá₂ caun₂ 'nia'₂: ¿'E₂ 'i₄ 'éi'₃ jmo₃ dsa₂ jui₁lia'₂ jme₁jmig₄ sa₅₄? ¿A₁dse₃, o₃ a₂'lig'₅₄ 'e₂? ¿A₂lióin₂ dsa₂ mi₂güig₃ riin'₅₄, o₃ a₂ñag'₃ 'e₂?

10 Jaun₂ ca₂jñin₂ ca₂le₃jín₃ dsa₂ i₂tióin₂ le₃lág'₃ quió'₅, jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃. Dsi₂jui₅ jaun₂ bá₄ ca₂lág₃ gu₂.

11 La₁ ca₂rë₃'né₃ bá₄ dsa₂ jain₂ jain₂ tióin₅₄, ca₂jme₃lióg₃ ca₂tsí'₃ riin'₅₄ 'e₂ jmái'₂ Jesús.

*Ca₂quión'₂ Jesús guia₃-tín₂ dsa₂ i₂chein₃ 'a₂ guë₃ já'₄ chei₃
(Mateo 10:1-4; Marcos 3:13-19)*

12 Ca₂lë₃ të₃jë₄ jmig₄ jaun₂, ca₂ñó₃ Jesús jui₅ caun₂ má'₂ a₂chi₂l₁lein'₄ Diú₄. Të₁jma₃nei₅ bá₄ ca₂ñi₅ chi₂l₁lein'₂ Diú₄.

13 Jme₁nia₃ táng₃ jaun₂, ca₂tě₃ dsa₂ i₂quiain'₅₄, jaun₂ ca₂quióin'₂ guia₃-tín₂ 'éi₂. I₂'éi₂ ně₃ ca₂quiain₃, i₂chen₄ quiáin₅.*

14 Le₂la₂ jme₁chein₂: Si₂mu₅₄ i₂ca₂quiain₃ Pe₄; Drě₄ rin'₅₄ Si₂mu₅₄; Jacobob quian'₅₄ Juan₅₄ ně₃; Fe₂li₄, Bartolomé,

15 Tě₅₄, To₁má₄, Jacobo† i₂lín₅ ja₁ñi'₅₄ Alfeo; Si₂mu₅₄ i₂lín₅ cananista.‡

16 Judas rin'₅₄ Jacobo; quian'₅₄ Judas Iscariote§ i₂ca₂dsióg₃ ca₂'ni₃ Jesús cang₂.

Jme₂tín₅, Jesús juin₅ lin₃ dsa₂
(Mateo 4:23-25)

17 Jme₁ca₂sióin₃ má'₂ jaun₂, quiain'₅₄ 'éi₂, jaun₂ ca₂nau₂ caun₂ ja₁lě₄ ja₁o₂. Ja₁jaun₂ ně₃ jme₁ma₂le₁ñi'₂ juin₅ lin₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei'₅₄ jmi₁ñí'₄ ja₁niog₅ juig₂ Tiro quian'₅₄ Sidón ně₃,

18 ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě'₂ dsa₂ i₂chan₂ uig₅ co₂jmóg'₂ jme₂dsí₂ 'lin'₅₄, ja₁jaun₂ qui₂ca₂'lóin₂ bá₄ ján₃.

19 Qui₂ca₂'náu'₃ jui₅ a₂ñi'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Ju₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂
(Mateo 5:1-12)

20 Jaun₂ ca₂jín₂ ca₂le₃jín₃ i₂ma₂quiain'₅₄, jaun₂ ca₂juá'₂:

—'E₂ guě₄ dsen'₃ 'nia'₂ dsa₂ i₂chang'₂ ñég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

21 "E₂ guě₄ dsen'₃ 'nia'₂ i₂chang'₂ 'ong'₅₄ rě₂ně₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂ 'o₅ jmig₄ ně₃, ia₁ ñág'₄ bá₄ 'nia'₂.

22 "E₂ guě₄ dsen'₃ 'nia'₂ jě₁ma₂ca₂jme₃'iog₅₄ dsa₂, a₂'uág'₂, jě₁ma₂tě₂ rě₁tě₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güig₃.

23 'Jmo₄ 'nia'₂ 'io'₂ 'ñio₅ lín₃, quian₂ 'nia'₂ o₂'ñio₃ 'au'₂ jě₁ma₂tě₂ jmig₄ jaun₂, ia₁ le₂ně₅ bá₄ guéi'₁ 'nia'₂ juě'₂ 'liang'₅₄ guei'₅₄ i₂juig₃. Ia₁ le₂ně₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmái'₂ dsa₂ i₂jme₁'ě₂ jág₁ quián₅ Diú₄.

24 'La₁ 'e₂ guě₄ juig'₂ 'nia'₂ dsa₂ cha₂cu₄, ia₁ ma₂gue'₅₄ bá₄ 'nia'₂ liang'₅₄.

25 "E₂ guě₄ juig'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmig₄ jě₁le₃chang'₂ 'ong'₅₄. 'E₂ guě₄ juig'₂ 'nia'₂ i₂chan₂ co₂ñág₂ jmig₄ ně₃, ia₁ já₅ bá₄ jmig₄ jě₁tóng'₁ 'lia'₂ 'au'₂ qui₁'á'₂.

26 'Juig'₂ bá₄ 'nia'₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can'₅₄ quiáin₅, ca₂'iin₃ dse₃ dsa₂ jui₁gan₂ i₂jme₁'ě₂ jág₁ ma₂líg'₂.

A₂jme₃'nio₃ dsa₂ ju₁lia'₂ dsa₂ i₂'iog₅₄
(Mateo 5:38-48; 7:12)

27 'La₁ 'nia'₂ dsa₂ i₂nag₅, juá'₅ jniá₂: Jme₁'nió₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uín₅₄ dsí₅ jág₂.

28 Caun₂ dse₃ bá₄ qui₁'ing'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lě₁co₂jmóg'₂.

* **6:13** griego: apóstolous (dsa₂ i₂chen₄). † **6:15** o₃, Santiago. ‡ **6:15** griego: Celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ me₁' tsá₃ ca₂ne₅₄ a₂chein₂. § **6:16** o₃, Judas i₂chan₂ Cariot; o₃, Judas i₂tě₂jín₁.

29 Chi₂jua'₂ 'ein₂ ca₂jnaú₃ ca₂ton₂ rē₂jog'₂, jein'₅₄ le₃ca₂ton₂ táng₃ o₁jnaú₄; chi₂jua'₂ 'ein₂ ca₂jníá'₂ 'mí'₂ dsiog₂ quiáng'₂, le₂jio₅ tsíng'₂ a₂qui'₅₄ cuē'₅₄ ján₃, o₁quion₂.

30 Jui'₁ein₂ guē₃ mí₅ 'e₂ mí₂₃, cuē'₅₄; chi₂jua'₂ 'e₂ caun₂ a₂jníá'₂ quiáng'₂, tsá₃ ma₃mag'₅₄.

31 Jui'₁lia'₂ a₂'niog'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

32 'Ia₁ nē₁jua'₂ 'nióg'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ ján₃ bá₄ le₂nē₅ jmo₅ jui'₁lia'₂ dsa₂ i₂'no₅ dso₄.

33 Ia₁ chi₂jua'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ dsa₂ i₂'no₅ dso₄ ján₃.

34 Nē₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui'₅₄ jmíg₄ jéin'₃ quiáng'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ guē'₂ dsa₂ i₂'no₅ dso₄ ján₃, qui₂dsi'₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄.

35 La₁ 'nia'₂ ně₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ñí₄ 'i₅ 'au'₂ a₂jaun₂. Jaun₂ le₂nē₅ bá₄ guéi'₁ 'nia'₂ juē'₂ 'liang'₅₄, ton'₂ léng'₂ chi'₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lín'₅₄, i₂jníá'₅₄ ti₁'mag'₄ tsá₃ cuē₂₃.

36 Jui'₁len'₅₄ 'nia'₂ dsa₂ nēi₂ dsí₅, jui'₁lia'₂ nēi₂ dsí₅ Diú₄ Néi'₅.

Tsá₃ lē₁caun₂ 'nia'₂ 'í₁ quió'₅ ríng'₂
(Mateo 7:1-5)

37 'Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄.

38 Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂, a₂qui₂rē₂'níá'₄ rē₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂ 'nia'₂. Ia₁ 'éi'₃ jaun₂ bá₄ to'₂ Diú₄ jui'₁lia'₂ lē₅ 'éi'₃ a₂dsián'₅ 'nia'₂ ríng'₂ guiong'₅₄.

39 Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃jníá₃ dsa₂ ten₄ jan₂ dsa₂ ten₄ riin'₅₄ a₂'ē₃ jui₅? ¿Tsa₁ tsi₃séin'₂ jua'₅₄ jui'₁lia'₂ caun₂ siá₅?

40 'I₁jan₂ jui'₁lia'₂ i₂'i₅ si₂ tsá₃ lín₅ jua'₅₄ a₂juin'₂ guē₄ con'₂ guē₄ tē₅ quián₅; ca₂lia'₂ ca₂dsó'₃ si₂ quió'₅, jaun₂ guē₄ lé₂ le₃dsió₄ léin₂ con'₂ lín₅ tē₅ quián₅.

41 '¿'A₂ bá₄ lia'₂ jníá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne₄ 'ñiag'₂?

42 ¿'A₂ bá₄ lia'₂ tiá₂ 'au'₂ juig'₅₄ ríng'₂: "Rin'₅₄ jniog₄, cuē₄ jmíg₄ o₁dsi₁₂ jme₁qui₅ pí'₁ a₂'i₄ jme₁ne₄?" 'Ne₂ dsa₂ i₂lē₁jmo₅-dsáu₅ o₁ne₁! Dsi₄ de'₂ jníá₅ ni₁'ma₂ chá₅ a₂'i₄ jme₁ne₄ 'ñiag'₂, jaun₂ guē₄ le₃jag'₅₄ rē₂ dsí'₁ qui₅ pí'₁ a₂'i₄ jme₁ne₁ ríng'₂.

Tē₂le₃ 'a₂ lia'₂ lē₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

43 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guē'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃.

44 Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂ lia'₂ lē₅ mīg₂ a₂'ag₅: ma₁ tsá₃ quin₅ dsa₂ mīg₂ higos jui'₁lia'₂ ni₁'ma₂ taun₅ chei₅₄, on₃ guē'₂ lé₂ le₃cág'₃ dsa₂ mīg₂ uvas jui'₁lia'₂ chi₁uíng₃ taun₅.

45 Ján₃ bá₄ le₂nē₅ dsa₂ ně₃. Jui'₁lia'₂ dsa₂ dsen₃, lia'₂ con'₂ lē₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lín'₅₄ ně₃, lia'₂ con'₂ lē₅ a₂'lig'₅₄

a₂ma₂rë₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con'₂ lě₅ a₂'lióng₂ ηag₅₄ cha₂ tē₂dsí₅ dsa₂, a₂jaun₂ bá₄ 'uë₂ mi₂'o₅₄.

Tin₃ né₃ 'uig'₅₄ cha₂
(Mateo 7:24-27)

⁴⁶ 'ĉ'E₂ bá₄ lě₃ tē'₅ 'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo'₂ guë'₂ 'nia'₂ a₂juá'₅?

⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ ně₃, la₂ 'iin₄ 'a₂ lia'₂ lín₅:

⁴⁸ lín₅ ju₁lia'₂ jan₂ dsa₂ i₂ca₂j₂móg'₃ 'né₅, ca₂guéi₃ 'ei₄ de'₂ jniá₅ ca₂lia'₂ ca₂tě₂ ne₄ ni₁'lau₂. Ne₄ jaun₂ ca₂jme₂lióg₃ 'uig'₅₄ 'ia'₂. Jme₁ca₂juë'₂ jmig₂, ca₂dság'₃ jmig₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jnia'₅₄ tsá₃ ca₂'ñiá'₂, ia₁ rē₂ jme₁lě₄.

⁴⁹ La₁ ju₁lia'₂ i₂nag₅ jág₁ quió₃, ton'₂ tsá₃ nei'₅₄ guë'₂ ně₃, lín₅ ju₁lia'₂ lín₅ dsa₂ i₂ca₂chi'₃ 'ne₄ jnia'₅₄ dsí₂ ne₄ 'uë₃ bá₄, tsá₃ 'uig'₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmig₂ dso'₂ tsi₁'né₅ jaun₂, ca₂qui'₃ bá₄, co₂ñei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig'₅₄ 'lióg₂ romano
(Mateo 8:5-13)

¹ Jme₁ca₂dsan₃ cuë₂₃ jág₁ le₂ně₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ηó₃ ju₁juig₂ Capernaum.

² Ja₁jaun₂ jme₁guá₄ jan₂ juig'₅₄ 'lióg₂ romano i₂jme₁'ñio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lín₃. 'Éi₂ ně₃ jme₁dso'₅₄ jme₁ma₂rë₂quiain₂₃ jóin₂.

³ Jme₁ca₂rë₃ñi₅ juig'₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂i₃lén₂ a₂i₁mi₂ ne₄ Jesús a₂jiá₃ jme₃'lióin₂ dsa₂ mozo quián₅.

⁴ Jme₁dsi₃lén₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig'₅₄ 'lióg₂ 'éi₂ a₂jme₁'oin'₄,

⁵ ia₁ 'ñio₅ lín₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ηó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁lén₂ dsi₂néi₂ jme₁ca₂chen₃ táng₃ gui'₅₄ juig'₅₄ 'lióg₂ jan₂-on₃ a₂mei₅₄ quián₅, a₂quian₅ jág₁ a₂juá'₂:

—Te₁gui'₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃.

⁷ 'Uig'₅₄ jaun₂ i₂jio₅ dsi₃, ĉi₂'ein₂ bá₄ jniá₂ jua'₅₄ nei₅₄ 'ñio₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂ně₅, ia₁jaun₂ jnia₃ dso'₅₄ mozo quiáng₃.

⁸ Ia₁ le₂ně₅ bá₄ jniá₂ 'ñio₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Ně₁jua'₂ ca₂juig₂ jniá₂, “Gua₂ jó₄”, ja₁jaun₂ dsó₃ bá₄; ně₁jua'₂ ca₂juig₂ “Ñia₅ ja₁lá₃”, jiá₃ bá₄. Ján₃ guë'₂ le₂jaun₂ ně₁ca₂juig₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ ně₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jín₂ dsa₂ i₂quiain'₅₄, jaun₂ ca₂juá'₂:

—Tě₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ ně₅.

¹⁰ Jme₁ca₂dsi₃lén₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

11 Cang₂ jaun₂ ca₂ŋó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quiáin₅, i₃lén₂ quian'₅₄ juin₅ gué₄ dsa₂ sián'₂ ně₃.

12 Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ŋi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃'o₃.

13 Ca₂tá'₂ ŋéi₂ dsí₅ Te₁gui'₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

14 Jaun₂ ca₂jme₃quián₃ ca₂níi'₃ tsi₁gu₅. Ca₂ŋia₃ bá₄ gué'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'Ne₂ juig₂ jniá₂ chi'₂, nau₂!

15 Jaun₂ ně₃ ca₂guá'₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄.

16 Jme₁ca₂tě₂ ne₄ dsa₂ a₂ca₂lě₃ jaun₂, ca₂i₃gó'₃ dsí₅ ca₂le₃jín₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rě₃jniá₂ jan₂ dsa₂ juin'₂ i₂'ě₂ jág₁ quián₅ Diú₄ jě₄ quián₂ jniog₄.

Juá'₂ ně₃:

—Ma₂guan₅ Diú₄ a₂jme₃'oin₅₄ dsa₂ juig₂ quián₅.

17 Le₂con₂ ja₁tén₄ 'uě₃ Judea, le₂con₂ ma₂quián₅ jaun₂ ně₃, qui₂ca₂rě₃ŋi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂

(Mateo 11:2-19)

18 Ca₂rě₃ŋi₅ Juan₅₄ ca₂le₃jě₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂tě'₃ on₃ dsa₂ 'éi₂,

19 jaun₂ ca₂chei₃ ne₄ Te₁gui'₅₄ a₂dsi₃ŋag₅₄ chi₂jua'₂ tě₃dsón'₂ lín₅ dsa₂ i₂lě₅ jág₁ jiá₃, o₃ ŋjai₃ i₂sián'₂ 'e₂.

20 Jaun₂ dsa₂ 'éi₂ ně₃, ca₂jme₃quián₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ ně₂chei₃ jnia'₅₄ a₂ŋag₄ 'ne₂ chi₂jua'₂ tě₃dsón'₂ líng'₅ i₂lě₅ jág₁ jiá₃, ħ₀₃ ŋja₄ jnia'₅₄ i₂sián'₂ 'e₂?

21 Tě₃jě₄ jaun₂, ca₂jme₃lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jě₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lín'₅₄ ně₃ qui₂ca₂'uín'₂; qui₂ca₂jmog'₃ jme₁ne₁ dsa₂ i₂jme₁ten₄.

22 Jaun₂ gué₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tě₂ ne'₅₄, 'e₂ a₂qui₂ně₂nei'₂ ně₃. Qui₂jág₅ ju₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ ně₃; le₂jaun₂ gué'₂ 'lag₄ ně₃ qui₂jein'₅₄ táng₃; ja₁con₂ dsa₂ dsi₂ŋé₂ dsi₂'ag₅ jág₁ dse₃ a₂lión₂ dsa₂.

23 'E₂ gué₄ dsen₃ dsa₂ i₂tsá₃ 'ag₅ caun₂-tín₃ dsí₅ o₄quió₃ jniá₂.

24 Jme₁ma₂lén₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄, ca₂juá'₂:

—ħ₂ ca₂i₁jag'₄ 'nia'₂ lia'₂ con₂ i₁nóg'₄ 'uě₃ quein₂ co₂ŋiog₅ jaun₂? ħ₀₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lě₁qui₂bí₂ dsí₂ ja₁jaun₂?

25 Chi₂jua'₂ on₃ jaun₂, ħ₂ 'e₂ gué'₂ ca₂i₁jag'₄ 'nia'₂? ħ₀₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ŋi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuě'₅ o₂'ŋi₃ o₂ŋia₃ dsí₅, i₂tion'₅₄ ju₁lia'₂ dsi₂néi₂ quió'₅ rag₅₄ bá₄ i₂le₂'éi₂.

26 Jaun₂ ně₃, ħ₂ 'e₂ gué'₂ ca₂i₁jag'₄ 'nia'₂? ħ₀₃ bá₄ jan₂ dsa₂ i₂'ě₂ jág₁ quián₅ Diú₄ 'e₂ ca₂jín'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ gué₄ lia'₂ con₂ gué₄ jan₂ i₂'ě₂ jág₁ quián₅ Diú₄ bá₄ ca₂i₁jín'₄ 'nia'₂, juá'₅ jniá₂.

27 Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂:
Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,
a₂dsi₃can₅ jág₁, jmo₃ co₂jñia₅₄ jui₅.*

28 Juá'₅ jniá₂ juig₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rë₃chán₃ i₂juin'₂ guë₄
lia'₂ con'₂ guë₄ Juan₅₄. La₁, i₂lín₅ i₂me'₂ guë₄ ja₁gon₂ Diú₄, i₂'éi₂ lín₅ i₂juin'₂ guë₄
lia'₂ con'₂ guë₄ 'éi₂.

29 (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ ně₃, jme₁ca₂jñó₁ i₂ jmi₂
ca₂cho₃ Juan₅₄, le₂në₅ bá₄ ca₂jme₃jñiai₂₃, Diú₄ bá₄ i₂lín₅ i₂qui₂dsi₅ 'éi'₃ tí₅.

30 La₁ dsa₂ fariseos quian'₅₄ të₅juá'₅ ně₃, tsá₃ ca₂gue₃ cho₃ Juan₅₄ jmi₂; le₂në₅
bá₄ a₂ca₂rë₃jñiá₂ ján₃ a₂tsá₃ ji'₅₄ a₂jme₁'nio₃ Diú₄ jmo₃ quiong'₅₄.)

31 —¿'A₂ lia'₂ le₃juá'₅₄ lín₅ dsa₂ i₂chan₂ jmi₂ ně₃? ¿'E₂ bá₄ quian'₅₄ le₃quing₄
lín₅?

32 Lín₅ jui₁lia'₂ lín₅ i₂bë'₅₄ i₂tón'₅ qui₂guió'₅ jmaí'₂ riin'₅₄ jë₄ 'ma'₅₄, juá'₂:
Në₂jéi₄ jñia'₅₄ te₁fí₁ o₄quián'₂ 'nia'₂,

la₁ tsá₃ ně₂dsián'₃ 'nia'₂;
ján₃ guë'₂ ně₂jmo₁ jñia'₅₄ son₅₄ quió'₅ 'lag₄
la₁ tsá₃ ca₂tá'₂ guë'₂ 'lia'₂ 'au'₂ 'nia'₂.

33 'Ia₁ ca₂guan₃ Juan₅₄ i₂chon₅ dsa₂ jmi₂, i₂tsá₃ jme₁guë'₅ i₁ñí'₄, on₃ guë'₂ vino
jme₁'in'₂ ně₃, ca₂'iin'₅₄ 'nia'₂ a₂'ein₅₄ jme₂dsi₂ je₂na'₅₄.

34 Ca₂guan₃ guë'₂ táng₃ Jaun₅ dsa₂ mi₂güig₃ i₂tin₂ guë'₅, 'in'₂ ně₃; la₁ 'nia'₂ juá'₂
'iin'₅ a₂lín₅ jlé₂ 'í₅, má₄ jmi₂ ně₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄
dsa₂ i₂cán₂ 'lia'₅₄ quián₅ dsi₂tan₅₄ ně₃.

35 Rë₂jñiá₂ bá₄ a₂ñí₄ lë₃ ñí'₂ dsí₅ Diú₄, a₂tin₂, të₂le₃ quian'₅₄ 'a₂lia'₂ lë₅ jmo₅ chi'₂-
guein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

36 Jaun₂ ca₂të₃ jan₂ dsa₂ fariseo ca₂të'₃ Jesús a₂i₁guë'₂ dsi₂néi₂ quió'₅. Ca₂'í₃ bá₄
guë'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa.

37 Të₃jë₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ñi₅ juig₂ jaun₂, ia₁
jme₁ca₂rë₃ñi₅ a₂'en₅₄ Jesús guë'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃
quian₅ caun₂ ni₁tsí₅ pí'₁ jlá'₁ a₂lë₅ quian'₅₄ alabastro, a₂'a₄ no'₅₄ mi₂juig₂.

38 Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmi₂ 'ei₅ jme₁ne₁₂
co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ ñi₂ dsi₅₄, jaun₂ ca₂chen'₃, jaun₂
ca₂tsáng₂ no'₅₄ mi₂juig₂.

39 Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ guë₃
të₃dsón'₂ dsa₂ ně₅ lín₅ jan₂ i₂'ë₂ jág₁ quián₅ Diú₄, jme₁le₃lí'₄ 'a₂lia'₂ lín₅ dsa₂ i₂ñí'₅
quió'₅. Ia₁ jan₂ 'io₅₄ i₂'no₅ dso₄ bá₄ ně₅.”

40 Jaun₂ ca₂juá'₂ Jesús ca₂tsí'₃ 'éi₂:
—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Të₅ —ca₂ñag₃.

41 Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tin₂ jme₁dsi₂ cu₄. Jan₂ jme₁rín₂
ca₂jau₅₄ mei₅ 'éi'₃ cu₄ denarios, jan₂ guë'₂ jme₁rín₂ të₂láu₃-guiá₃.

42 Ca₂'én₂ bá₄ guë'₂ dsa₂ juig₅₄ cu₄ dsáu₁ jë₂le₃oin₃ le₂jaun₂, ia₁ tsá₃ guë'₂ qui'₅₄
jmi₂g₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ¿'ein₂ i₂on₃ 'éi₂ i₂'nioi₃
guë₄?

43 Ca₂ñag₃ táng₃ Si₂mu₅₄:

—Dsa₂ i₂jme₁rín₂ guë₄ 'lióng₂, lín₂ jniá₂.

* 7:27 Malaquías 3:1.

—Dsau₅ bá₄ le₂ně₅ —ca₂ŋag₃ Jesús.

44 Jaun₂ ca₂jiin₂ táng₃ 'io₅₄, ca₂tsí'₃ táng₃ Si₂mu₅₄:

—¿Jing'₄ dsa₂ mí₂ la₂? Jme₁ně₂'ú₃ dsi₂néi₂ quiáng'₂, tsá₃ jmig₂ ně₂cuě'₅₄ a₂ŋi₃ tag₃; la₁ 'io₅₄ la₂ ně₃ ma₂ně₂rang₃ tag₃ quian'₅₄ jmig₂ 'ei₅ jme₁ne₁₂, ton'₂ ma₂ně₂chí₃ táng₃ quian'₅₄ ŋi₂ dsi₅₄.

45 Ján₃ bá₄ le₂jaun₂, tsá₃ ně₂chen'₅₄ quió₃ jme₁guang₁₂. 'Io₅₄ la₂ guě'₂ ně₃, ca₂lia'₂ tsá₃ 'na₂ bá₄ caun₂ chen'₂ tag₃.

46 Tsá₃ no'₅₄ ma₂ně₂'ág'₂ jua'₅₄ a₂ma₂ně₂tsáng'₃ dsi₃; la₁ 'io₅₄ la₂ guě'₂ ně₃, ma₂ně₂'ág' no'₅₄ mi₂juig₂ tag₃.

47 'Uig₅₄ ně₅ ně₃ juá'₅ jniá₂ ia₁ a₂ŋí₄ lě₃ 'lióng₂ dso₄ jme₁rě₂cáin'₄, la₁ ma₂rě₂'én₄, a₂jaun₂ bá₄ lě₃ ŋí₄ lě₃ cuě₂₃ léi₄ a₂'nio₃. La₁ jui₁lia'₂ dsa₂ i₂ca₂juig₄ bá₄ dsáu₁ rě₂'én₄, me'₂ bá₄ cuě₂₃ léi₄ a₂'nio₃.

48 Jaun₂ guě₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rě₂'én₄.

49 Ca₂le₃jín₃ guě₄ dsa₂ sián'₂ i₂jme₁tián'₄ ne₄ mesa quiaín'₅₄, ca₂dsia₃ tsí'₅ riín'₅₄:

—¿I₂'ein₂ bá₄ ně₅, ca₂tě₂ dsáu₁ dsa₂ qui₂'éin₂?

50 La₁ Jesús ně₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ ně₃. Guan'₂ tei₄ quiáng'₂.

8

Dsa₂ mí₂ i₂jme₁ i₂'nio₄ jme₂'on₅₄ Jesús

1 Cang₂ jaun₂, ca₂i₁ŋi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ ně₃, qui₂i₁jme₁tiín₂₃ dsa₂ jág₁ dse₃ jui₁lia'₂ ja₁gon₂ Diú₄. Jme₁quiaín'₅₄ bá₄ chí'₂ dsi₂guia₃-tín₂.

2 Ján₃ guě'₂ jme₁quiaín'₅₄ dsa₂ mí₂ i₂ma₂ca₂'uúin'₂ jme₂dsí₂ 'lín'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ ně₃. Jín₄ 'éi₂ jme₁ŋi₅ jan₂ i₂chen₂ María i₂tě'₂ Magdalena, * i₂ma₂'uúin'₂ Jesús guion₃ je₂na'₅₄ tě₂dsí₅;

3 ján₃ bá₄ jme₁ŋi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃ bá₄ jme₁ŋi₅ i₂chen₂ Susana; i₂juin₅ bá₄ i₂sián'₂ guě'₄ i₂jme₁i₂'nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ jui₁lia'₂ dsa₂ i₂séi₂ mǐg₂ jon₂

(Mateo 13:1-9; Marcos 4:1-9)

4 'Lióng₂ juig₂ ja₁jme₁tón'₅ dsa₂ jui₅ dsi₂léin₂ dsi₂jiin₅₄ Jesús. Jě₁ma₂le₁ŋi'₂ dsa₂ juin₅ ně₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

5 —Jan₂ dsa₂ ca₂ŋe₄ ja₁nau₂ ca₂i₁séi₄ mǐg₂ jon₂. Jme₁ma₂'ein₅₄ séi₂ ně₃, a₂lín₅₄ mǐg₂ i₂ga'₅₄ le₂'i₄ jui₅ qui₂ca₂tsó'₃ dsa₂; i₁tan₅ guě'₂ ně₃ ca₂guě'₃ ca₂dsio₄.

6 Ca₂dsio₄ guě'₂ ně₃ ca₂i₃to'₅₄ jě₄ ni₁cang₁; jme₁ca₂'ia₂, ca₂rě₃quéin₃ bá₄ ia₁ tsá₃ gua'₅₄ cha₂ jua'₅₄ a₂güig'₂.

7 Ca₂dsio₄ guě'₂ ca₂séi'₂ jě₄ ni₁taun₅. La₁ ni₁taun₅ bá₄ tiá₂ ca₂jo₃ jme₁ca₂'ia₂.

8 La₁ ca₂dsio₄ guě'₂ ně₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lín₃, caun₂ 'ŋiá₂-láu₂ mǐg₂ lia'₂ ca₂mǐg₂ jon₂ a₂ca₂séi₂.

Jme₁ma₂lě₅ jme₂tag₂₃ le₂ně₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rě₂gua₄, nei₂ 'nia'₂ rě₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

* 8:2 o₃, “i₂chan₂ Magdala.”

9 Jaun₂ ca₂ŋag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuë₂₃ jaun₂. Jaun₂ ca₂juá'₂ Jesús:

10 —Diú₄ bá₄ jmo₅ a₂rë₂ŋí'₂ 'au'₂ 'nia'₂ jág₁ a₂rë₂'ma₄ quió'₅, 'a₂ lia'₂ lë₅ ja₁goin₂. La₁ dsa₂ sián'₂ ně₃, juíg₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂: I₂në₂jág₃, la₁ tsá₃ le₃lí'₄ 'e₂ ně₂jág₃; i₂në₂néi₂ ně₃, la₁ tsá₃ le₃lí'₄ 'e₂ ně₂néi₂, on₃ guë'₂ le₃ŋí'₂.†

Juá'₂ Jesús 'e₂ jág₁ dsau₅ jein₅ jág₁ juí₁lia'₂ dsa₂ i₂séi₂ míg₂ jon₂
(Mateo 13:18-23; Marcos 4:13-20)

11 'A₂la₂ bá₄ jein₅ jág₁ a₂jáng'₅ léi₄: A₂lë₅ co₂'nió'₄ míg₂ jon₂, jág₁ dse₃ quió'₅ bá₄ Diú₄ jaun₂.

12 Jui₁lia'₂ ca₂dsio₄ míg₂ jon₂ a₂i₃ga'₅₄ le₂'i₄ jui₅ guë'₂ ně₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂së₃dsen₃ guë'₂ ně₃, ja₂ŋiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lión₂.

13 Co₂'nió'₄ míg₂ jon₂ a₂i₃to'₅₄ jë₄ ni₁cang₁ guë'₂ ně₃, co₂'nió'₄ lín₅ jui₁lia'₂ dsa₂ i₂guen₅ 'ŋio₂ dsí₅ jág₁ dse₃ jë₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ ně₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rë₂'éin₂, ia₁ jë₁ma₂ca₂i₃ŋí₂ 'e₂ caun₂ jui₅bí₂ a₂caun₂ táu₂, dsi₂lein₅ táng₃ le₃ca'₃, tí₂ jág₁.

14 Co₂'nió'₄ jon₂ a₂ca₂séi'₂ jë₄ ni₁taun₅ guë'₂ ně₃, co₂'nió'₄ lín₅ jui₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuë'₅ o₂'ŋio₃ o₂ŋia₃ dsí₅; i₂në₅ ně₃ lín₅ co₂'nió'₄ míg₂ a₂tsá₃ ma₃lé₂ rón₃.

15 La₁ ca₂dsio₄ míg₂ jon₂ a₂ca₂séi'₂ ja₁dse₃ gua'₅₄, co₂'nió'₄ lín₅ jui₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rë₂jniá₂ a₂jmo₂₃ chain₂.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Marcos 4:21-25)

16 'I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlë₂ o₃ a₂chi'₂ né'₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄.

17 Ján₃ bá₄ le₂jaun₂, 'i₁caun₂ a₂rë₂'ma₄ jlë₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rë₂jniá₂. Ján₃ guë'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ŋi₅: tion₅₄ bá₄ rë₂ŋi₅ dsa₂.

18 'Quion₂ de'₂ 'nia'₂ 'í₁ rë₂ jaun₂, 'a₂ lia'₂ lë₅ nag'₂, ia₁ jui₁lia'₂ i₂ma₂ŋí'₂, Diú₄ bá₄ jmo₃ a₂le₃ŋí'₂ guë'₄. La₁ jui₁lia'₂ i₂tsá₃ 'nio₃ le₃ŋí'₂ guë'₂ ně₃, ca₂të₂ a₂jme₁ma₂ŋí'₂, lín₂, jŋia'₃.

Chi'₂ rin'₅₄ Jesús, quian'₅₄ chog₅₄
(Mateo 12:46-50; Marcos 3:31-35)

19 Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ŋí₃ ca₂të₂ ja₁'en₅₄ 'éi₂, la₁ tsá₃ lé₂, ia₁ juin₅ lín₃ dsa₂ tion'₅₄.

20 Jaun₂ jan₂ dsa₂ sián'₂ bá₄ ca₂ŋag₃ jág₁ ca₂juá'₂:

—Chog'₂ quian'₅₄ chi'₂ ríng'₂ ně₅ tióin₂ ca₁'né₄, 'nio₃ jín₂ 'ne₂.

21 Jaun₂ ca₂ŋag₃:

—Dsa₂ i₂nag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ ně₃.

Ca₂jmo₃ Jesús ca₂'ág₂ tei₄ jm₁ŋí'₄, ca₂jŋia'₃ dsí₂ ně₃
(Mateo 8:23-27; Marcos 4:35-41)

† 8:10 Isaías 6:9.

22 Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:
—Ma₃dsau₅₄ quióng₄ le₃ca₂taun₂.

Jaun₂ ca₂l₃lén₂ bá₄.

23 Të₁lia'₂ tioin'₅₄ 'ain₂₃ jmi₁ñí'₄, la₁ 'éi₂ ně₃ ca₂güin₂ bá₄. Të₃jë₄ jaun₂ ca₂'ág₂ dsí₂ tiá₂ lin₃ ne₄ jmi₂g₂. Ca₂rë₃lióg₃ i₃'a₄ jmi₂g₂ 'ñió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lin₃ tioin'₅₄.

24 Jaun₂ ca₂i₁nei₂₃ Jesús, ca₂juá'₂:

—¡Të₅! ¡Të₅! ¡Dsi₃'éin₂ jniog₄!

Jaun₂ ca₂nau₂ bá₄ guë'₂ Jesús ca₂të₂ ca₂jéin₂ dsí₂, a₂jná'₅ jmi₂g₂ ně₃. Dsi₂jui₅ le₂jaun₂ bá₄ ca₂të₁tsi'₅₄ táng₃ tei₄.

25 Jaun₂ tsí'₅ chi'₂ dsi₂guia₃-tín₂:

—¿'A₂ ñó₅ a₂'én'₂ 'nia'₂?

Ca₂lia'₂ lë₁quian₅ juë'₅ lin₃ bá₄ tioin'₅₄ dsi₂gó'₃ dsí₅, dsia₂₃ tsí'₅ rñin'₅₄:

—¿'Ein₂ bá₄ lín₅ dsa₂ ně₅, tiin₂ jmo₃ 'éi'₃ tsí'₅ të₂ dsí₂, jmi₂g₂ ně₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'lin'₅₄

(Mateo 8:28-34; Marcos 5:1-20)

26 Jaun₂ guë'₄ ca₂dsi₃lén₂ 'uë₃ Gerasa[‡] a₂ron₅ le₃ñó'₅₄ jmi₂g₂ ja₁ron₅ 'uë₃ Galilea.

27 Jme₁ca₂o₂'ín₃ Jesús a₂të₁tsiin'₅₄ 'uë₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ ně₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ñi₂₃ tsá₃ ma₃tsin'₅₄ qui'₅, on₃ guë'₂ ma₃jua'₅₄ a₂guá₅ dsi₂néi₂; tau₂ 'ñio₅ quió'₅ 'lag₄ bá₄ jme₁ma₂guá₅.

28 Jme₁ca₂jñin₂ Jesús, jaun₂ ca₂guió'₃ co₂mi'₅₄, ca₂chi₃jnë₃ ne₄ 'éi₂, ca₂juá'₂ tiá₂ lin₃:

—¿'E₂ bá₄ lë₃ ñe'₃ i₃tiáng'₃ jë₄ quián'₂ jniá₂, 'ne₂ Jesús Ja₁ñi'₅₄ Diú₄ i₂guá₅ guei'₅₄ lin₃? Mi₂₃ jniá₂ ne'₅₄, tsá₃ cuë₂ uig₅.

29 Ca₂juá'₂ le₂në₅ ia₁ jme₁ma₂në₂jmo₃ Jesús 'éi'₃ a₂o₃'ín₅ jme₂dsí₂ 'lin'₅₄ quió'₅. 'Lióng₂ ráun₂ bá₄ le₂jñiá₅ jme₁ma₂ca₂jñau'₃ i₂'lin'₅₄. Jaun₂ o₁jñia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ñi₁ cadenas ia₁jaun₂ lé₂ 'í₁, la₁ ca₂le₃jë₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ñí₃ uíng₂ gua'₅₄ quein₂ ja₁co₂'ñiog₅.

30 Jaun₂ ca₂ñag₃ Jesús:

—¿'A₂ bá₄ lia'₂ cheng'₂?

Jaun₂ ca₂ñag₃:

—Juin₅ § bá₄ cheng₂.

Le₂në₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

31 Jaun₂ jme₂dsí₂ 'éi₂ ně₃ qui₂ca₂mi₃ tion₅₄ ne₄ Jesús ia₁jaun₂ tsá₃ guiog'₃ 'éi₂ ca₂të₂ ja₁ca₂jein₃ chi₁dsio₅₄.

32 Jaun₂ jme₁tion'₅₄ juin₅ i₁ñí₅ caun₂ dsi₂con'₂. Jaun₂ ca₂mi₃ jme₂dsí₂ a₂cuë₃ Jesús jmi₂g₄ a₂dsi₃toin'₅₄ quió'₅ i₁ñí₅. Jaun₂ ca₂cuë₃ bá₄ guë'₂ Jesús jmi₂g₄.

33 Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃lén₂ i₃toin'₅₄ quió'₅ i₁ñí₅. Ca₂le₃jñin₃ i₁ñí₅ 'éi₂ ně₃ ca₂i₁nioi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂séin'₂ të₂ dsi₂jmi₂g₂. Ja₁jaun₂ ca₂dsain₃ ca₂'in'₃ jmi₂g₂.

34 Jme₁ca₂të₂ ne₄ dsa₂ i₂jme₁jmo₅ 'í₁ i₁ñí₅ 'e₂ ca₂lë₃, ca₂i₃lein₃ ca₂cuíng₃ ca₂i₁dsia₂ jë₄ juig₂, ja₁nau₂ ně₃.

35 Jaun₂ ca₂i₁len₅₄ dsa₂ juig₂ i₁jag₅₄ a₂ca₂lë₃ ja₁jaun₂. Jme₁ca₂dsi₃lén₂ ja₁'en₅₄ Jesús, ca₂jñin₂ dsa₂ i₂ma₂'uin₂ je₂na'₅₄ të₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂jág₂.

‡ 8:26 A₂lin₅₄ chog₅₄ si₂juá'₂: “Gadara”; a₂siá'₂ guë'₂ ně₃, juá'₂: “Gergesa”; ján₃ bá₄ le₂në₅ § 8:30 griego: legión.

36 Dsa₂ i₂ca₂tě₂ ne₄ a₂ca₂lě₃ jaun₂, ca₂dsia₃ ca₂tsí'₃ táng₃ i₂ca₂dsi₃lén₂ 'éi₂ 'a₂lia'₂ ca₂'lón₂ dsa₂ i₂jme₁tion'₅₄ je₂na'₅₄ tē₂dsí'₅.

37 Jaun₂ ně₃, ca₂le₃jín₃ bá₄ dsa₂ chan₂ le₃lág'₃ juig₂ 'uě₃ Gerasa ca₂tsí'₃ Jesús a₂o₃'iin₅ ja₁jaun₂, ia₁ 'ŋio₅ lin₃ tē₂tsí'₅₄ go₂'i₃ tion'₅₄ dsa₂. Jaun₂ ca₂ŋá'₃ bá₄ 'éi₂ ca₂'í₃ táng₃ tsí₁mu₅.

38 Dsa₂ i₂ca₂'uin₂ jme₂dsí₂ je₂na'₅₄ quió'₅ ně₃, jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ ně₃ ca₂jmo₃ 'éi'₃ a₂jŋia₃ bá₄, ca₂juá'₂:

39 —Guan'₂ bá₄ quiáng'₂, o₂dsia₄ ca₂le₃jě₃ 'e₂ ně₂jmo₃ Diú₄ ja₁cong'₂.

Ca₂ŋá'₃ bá₄ guě'₂ dsa₂ 'éi₂ quió'₅, ca₂i₁dsia₂ le₂tan₅₄ jě₄ juig₂ 'e₂ ca₂jmo₃ Jesús quiong'₅₄.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Marcos 5:21-43)

40 Jme₁ca₂dsián'₃ táng₃ Jesús le₃'ŋo'₅₄ jmig₂, qui₂ca₂guei₃ dsa₂ a₂'ŋio₂ dsí₅, ia₁ ca₂le₃jín₃ bá₄ jme₁ma₂le₁jŋiog₂₃ tion'₅₄.

41 Tě₃jě₄ jaun₂, ca₂dsió₃ jan₂ dsa₂ i₂chen₂ Jairo, i₂niog₅ gu₂ guá'₅ sinagoga. Dsa₂ 'éi₂ ně₃ ca₂chi₃jné₃ ne₄ Jesús jme₁dsió₃, ca₂mi₃ tion'₅₄-jan₃ ia₁jaun₂ dsó₃ ja₁quió'₄.

42 Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ŋi₂, i₂jme₁ma₂i₁jón₂. Jme₁ma₂'en₅₄ Jesús ju₁₅ ŋó₃ ja₁quió'₄ 'éi₂, ju₁₅ lin₃ dsa₂ i₂i₃lén₂ quiong'₅₄, lia'₂ qui₂rě₂quín'₅ bá₄ Jesús ŋó₃.

43 Jě₄ jaun₂, ŋó₃ jan₂ dsa₂ mí₂ i₂dsó'₅₄ ma₂guia₃-tín₂ ŋi₂ a₂tiin₂, * la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃ jme₃'lió₂.

44 'Io₅₄ 'éi₂ ně₃ ca₂jme₃quián₃ tē₂le₃ chi₁co'₅₄ quió'₅ Jesús. Jaun₂ ca₂ní'₃ chei'₅₄ tsin'₅₄ 'éi₂. Co₂tan₅₄ dsi₂ju₁₅ le₂jaun₂ bá₄ ca₂quion₂ jmi₂ 'ain₅₄.

45 Jaun₂ ca₂juá'₂ Jesús:

—¿'Ein₂ ně₂ní'₃ quió₃?

Ca₂le₃jín₃ bá₄ dsa₂ ŋag₂₃ juá'₂ tsá₃ ŋi₅.

Jaun₂ ca₂juá'₂ Pe₄:†

—Tě₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

46 La₁ caun₂ ca₂juá'₂ bá₄ Jesús:

—Chan₂ i₂ně₂ní'₃ quió₃, ia₁ ca₂rě₃léi₄ jniá₂ o₂'ág₃ bí₂ quió₃.

47 'Io₅₄ ně₃, jme₁ca₂rě₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jné₃ ne₄ 'éi₂. Tě₃ jág₅ ca₂le₃jín₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ní'₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lón₂ dsi₂ju₁₅ le₂jaun₂.

48 Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

49 Tě₃jě₄ juá'₂ jág₁ jaun₂ jme₁ca₂dsió₃ jan₂ dsa₂ i₂chen₄ dsi₂néi₂ quió'₅ i₂niog₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuě'₂ ta₁ Tě₅.

50 La₁ ca₂nág₂ bá₄ Jesús, jaun₂ ca₂juá'₂:

—Tsá₃ lě₁jmo₂ 'lia'₂ 'au'₂. Jŋia'₅₄ con'₂ 'én₃ bá₄, jaun₂ ně₃ jag'₅₄ i₂'lión₂ bá₄ chi'₂ quiáng'₂.

51 Jme₁ca₂dsió₃ dsi₂néi₂, tsá₃ ca₂cuě₃ jmig₄ jua'₅₄ dsi₃ton'₅₄ 'i₁jan₂ i₂sián'₂, jŋia'₅₄ lia'₂ Pe₄, Juan₅₄, Jacobo[‡] ně₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄.

* **8:43** A₂lin₅₄ chog₅₄ si₂ juá'₂ ján₃; “Jme₁ma₂'éin₂ ca₂le₃jě₃ cu₄ a₂jme₁cha₂ quió'₅ quian'₅₄ tē₅mí₅.” † **8:45** A₂lin₅₄ chog₅₄ si₂ juá'₂ ján₃; “Pe₄ quain'₅₄ riin'₅₄.” ‡ **8:51** o₃, Santiago.

52 Jaun₂ qui'₂-o₅ bá₄ dsa₂ qui'₂ dsí₅ lin₃ tioen'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rē₂jon₅₄ nē₅. Jñia'₅₄ lia'₂ a₂rē₂güín₃ bá₄.

53 La₁ jñia'₅₄ ca₂ñí₂ bá₄ 'éi₂ tioen'₅₄, ia₁ ñi₅ rē₂ bá₄ a₂jme₁ma₂rē₂jon₅₄ dsón'₂ bá₄ chi'₂.

54 Jaun₂ ca₂tín₂ gu₂ chi'₂ 'éi₂, ca₂juá'₂ tiá₂:

—jón₃, nau₂!

55 Ca₂gú'₃ táng₃ jme₂dsí₂ quió'₅; dsí₂juí₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuē₃ dsa₂ a₂guē'₃.

56 Jaun₂ dsí₂gó'₃ dsí₅ 'ñio₅ lin₃ chog₅₄-jmei₂. La₁ Jesús nē₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lē₃ jaun₂.

9

Ca₂chen₃ Jesús chi'₂ dsí₂guia₃-tín₂ (Mateo 10:5-15; Marcos 6:7-13)

1 Ca₂ñí'₂ Jesús chi'₂ dsí₂guia₃-tín₂ quiáin₅ ca₂cuē₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guē₃ dso₄ niog₅ lín₅.

2 Ca₂chei₃ a₂dsí₃'ě₃ jág₁ jui₁lia'₂ ja₁gon₂ Diú₄, a₂dsí₃jme₁'lióin₅₄ dsa₂ i₂le₁dso'₅₄.

3 Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guē'₂ 'ma₂'i₅₄, on₃ guē'₂ tsi₁na'₅₄ on₃ guē'₂ i₁ñí'₄, on₃ guē'₂ cu₄, on₃ guē'₂ tsín'₂ 'nia'₂ siá'₂ cán'₁.

4 Le₂caun₂ dsí₂néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tě₂ jmig₄ a₂o₁nog'₄ táng₃.

5 Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmo'₂ léi₄ a₂tsá₃ ma₃'e₂ 'uin'₄ 'nia'₂ quiáin'₅₄.

6 Jaun₂ qui₂ca₂'uin₂ bá₄ chi'₂ dsí₂guia₃-tín₂, ca₂l₃léin₂ le₂tan₅₄ juig₂ i₁'ě₄ jág₁ dse₃, i₁jme₁'lióin₂₃ dsa₂ nē₃.

Ca₂jon₃ Juan₅₄ i₂chon₅ dsa₂ jmig₂ (Mateo 14:1-12; Marcos 6:14-29)

7 Jaun₂ ca₂rē₃ñi₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jiog₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ñi₅ a₂ma₂ca₂jein'₅₄ táng₃.

8 I₂lín₅₄ guē'₂ dsia₅ a₂ma₂ca₂jme₃jnia₅ Elías; i₂sián'₂ guē'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂.

9 La₁ Rag₅₄ Herodes 'ñiog₅ guē'₂ nē₃ juá'₂:

—Jua'₂ jniá₂ 'ñi₃o₃ ca₂jmo₃ 'éi'₃ a₂ca₂quí'₃ dsa₂ dsí₂lag₄ 'éi₂. ¿'Ein₂ guē'₂ nē₅, tsá₃ caun₂ jág₁ guion₁₂ a₂jmo₂₃?

Jaun₂ Herodes nē₃ jme₁'no'₂ jui₅ a₂jme₃jein'₂.

Ca₂jme₃tan₅₄ Jesús 'ñiá₂ mei₅ dsa₂ (Mateo 14:13-21; Marcos 6:30-44; Juan 6:1-14)

10 Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁lein₅₄. Jaun₂ ca₂jiog₃ Jesús a₂i₃léin₂ con'₂ guioin₅₄ caun₂ juig₂ ja₁chei₂ Betsaida.

11 La₁ tion₅₄ bá₄ ca₂l₃lén₂ dsa₂ sián'₂ jme₁ca₂rē₃ñi₅; ca₂guei₃ bá₄ guē'₂ Jesús qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ nē₃.

12 Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsí₂guia₃-tín₂ ca₂tsí'₃ Jesús:

—'Ei'₂ jág₁ dsa₂, ia₁jaun₂ dsí₃lein₅ dsí₃'nióg₂ a₂guē'₃, jui₁dsi₂'nio'₂ ja₁jñia₃ le₂con₂ juig₂ pí'₁ ma₂quián₅ nē₅, ia₁ tsá₃ 'e₂ cha₂ ja₁lá₃.

* 9:7 griego: tetarca (i₂gon₂ jmo₃ 'éi'₃ 'uě₃, Galilea).

13 La₁ Jesús guë'₂ ně₃ ca₂juá'₂:

—Cuë'₅₄ 'nia'₂ dsa₂ a₂guë'₃.

Jaun₂ ca₂ŋag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jnia'₅₄ lia'₂ 'ŋiá₂ i₁ŋí'₄ bá₄ 'i₄; quian'₅₄ on₃ i₁ju₁, jnia'₅₄ lia'₂ ně₁jua'₂ dsi₁liá₄ má₃ con'₂ tín'₂ guë'₃ ca₂le₃jín₃.

14 Con'₂ 'ŋiá₂ mei₅ dsa₂ 'éi₂ jme₁lě₂, jmá'₃ dsa₂ ŋe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂ co₂nió'₃.

15 Jaun₂ ca₂jmo₃ bá₄ guë'₂ 'éi₂ 'éi'₃ a₂tian'₃ dsa₂.

16 Jaun₂ ca₂tín₂ Jesús ta₁'ŋiá₂ i₁ŋí'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄ i₂juíg₃, ca₂jme₃jnió'₃ a₂jaun₂. Jaun₂ guë'₄ ca₂'niai₃, ca₂cuë'₃ chi'₂ dsi₂guia₃-tín₂. 'Éi₂ guë'₂ ně₃ ca₂dsi₁ó'₃ jin₄ dsa₂.

17 Ca₂le₃jín₃ bá₄ ca₂guë'₃ ca₂lia'₂ ca₂'ág'₃ dsí'₅. Jme₁ca₂lě₃ jaun₂, guia₃-tín₂ tsi₁mí'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

*Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂'ín₁ quián₅ Diú₄
(Mateo 16:13-19; Marcos 8:27-29)*

18 Co₂ráun₂ 'en₅₄ Jesús 'ŋiog₅ chi₂lén'₂ Diú₄, i₂jme₁quian'₅₄ bá₄ chi'₂ dsi₂guia₃-tín₂, jaun₂ ca₂ŋag₃ Jesús:

—¿'E₂ 'ag₅ dsa₂ jniá₂? ¿'Ein₂ lín₅ jniá₂, dsia₅ dsa₂?

19 Jaun₂ ca₂ŋag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín'₅ Juan₅₄ i₂chon₅ dsa₂ jmig₂; i₂lín₅₄ guë'₂ dsia₅ a₂lín'₅ Elías; i₂lín₅₄ guë'₂ dsia₅ táng₃ a₂lín'₅ i₂sián'₂ i₂jme₁'ě₂ jág₁ quián₅ Diú₄, a₂ca₂jein'₅₄ táng₃.

20 Jaun₂ ca₂ŋag₃ Jesús:

—¿'Nia'₂ guë'₂ ně₃? ¿'E₂ guë'₂ juá'₂ 'nia'₂ 'ein₂ lín₅ jniá₂?

Jaun₂ ca₂ŋag₃ Pe₄:

—'Ne₂ lín'₅ I₂rě₂'ín₁ quián₅ Diú₄.

*'Ě₂ Jesús jág₁ a₂jóin₂
(Mateo 16:20-28; Marcos 8:30-9:1)*

21 Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂.

22 Jaun₂ ca₂juá'₂ ně₃:

—Co₂ně₅ 'en₅₄ 'éi'₃ Jaun₅ dsa₂ mi₂güí'₃ a₂dsi₃ŋí'₂ uig₅ 'ŋio₅ lín₃; jme₃'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tě₅juá'₅ ně₃. Quin'₃ dsa₂ jág₁ a₂jŋag'₃, la₁ jein'₅₄ bá₄ táng₃ a₂'ni₅ jmig₄ jaun₂.

23 Jaun₂ ca₂tsí'₃ ca₂le₃jín₃:

—Ně₁jua'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí'₅ 'ŋiog₅, jui₁'ei₅₄ bá₄ caun₂ dsí'₅ ca₂le₃jě₃ jmig₄ o₁jnia'₅₄ ca₂join₃,† jui₁jia₂ chi₁co'₅₄ quió₃.

24 Ia₁ jui₁lia'₂ dsa₂ i₂'nio₃ le₃chan₂ dse₃ mi₂güí'₃ la₂, dsi₃'én₂ quió'₅; la₁ jui₁lia'₂ dsa₂ i₂quí'₃ dsí'₅ jui₁dsi₂ŋí'₂ 'e₂ dsi₃ŋí'₂ o₄quió₃ jniá₂, lí'₂, tíin'₄ bá₄.

25 Ia₁ ¿'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uě₃ la₂, ně₁jua'₂ dsi₃'éin₂ bá₄ guë'₂?

26 Ia₁ ně₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güí'₃ 'ag₃ jě₁ma₂tě₂ rě₁jnió'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles jnió₅ quiáin₅.

27 A₂dsi₂jó'₃ juíg₂ jniá₂ 'nia'₂, chan₂ bá₄ 'nia'₂ i₂lín₅₄ i₂tión₂ jě₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂ 'éi'₃ quió'₅ Diú₄.

† 9:23 lit. “jui₁quian₅₄ cróg₄ quió'₅ ca₂le₃jě₃ jmig₄.”

Ca₂rě₃tsín₃ Jesús lia'₂ jniái₂
(Mateo 17:1-8; Marcos 9:2-8)

²⁸ Con'₂ njia₃ jmig₄ cang₂ a₂ca₂juá'₂ Jesús le₂ně₅, ca₂ηó₃ jui₅ má'₂ i₁chi₂i₁lein'₄ Diú₄, jme₁quian'₅₄ Pe₄, Jacobo, Juan₅₄ ně₃.

²⁹ Tě₃jě₄ chi₂lėin'₂ Diú₄, ca₂rě₃tsín₃ lia'₂ jniái₂. Tsin'₅₄ ně₃ ca₂rě₃tsín₃ ca₂jnia₃ tiog₂ jau₂, ca₂lia'₂ tág₅ 'ηio₅ lin₃.

³⁰ Tě₃jě₄ jaun₂, ca₂jnia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄'éi₂.

³¹ Ca₂lia'₂ co₂tág₅ co₂'né'₅ bá₄ ca₂jniai₃, tióin₂ dsia₂₃ a₂niog₅ lé₂, 'mú₃ a₂gue₃ jě₄ juig₂ Jerusalén, a₂le₃ti₃ 'éi'₃ a₂'ein₅₄.

³² Tě₃ ma₃i₂güin₃ 'ηio₅ lin₃ bá₄ Pe₄ quian'₅₄ rĕin'₅₄, ca₂jme₃jnio₅₄ ne₅₄ ca₂jĭin₂ Jesús jniái₂ co₂tág₅ quian'₅₄ dsa₂ on₃ i₂quian'₅₄.

³³ Jme₁ma₂i₂uĭn₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:
—Tě₅, i₁e₂ guě₄ dse₃ lia'₂ tio'₅₄ jniog₄ ja₁lá₃! Ně₃ o₁jmó₁ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

La₁ a₂lě₁ca₂juá'₂ bá₄ Pe₄, on₃juá'₅₄ jaun₂ lí'₄ a₂tě₂'i₂₃ le₂jaun₂.

³⁴ Tě₃ dsia₂₃ jág₁ le₂jaun₂, jme₁gua₃ jnei₅ ca₂jliin₃, jaun₂ guě₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jě₄ jnei₅.

³⁵ Jě₄ jnei₅ jaun₂ ca₂né'₂ jág₁, ca₂juá'₂:

—I₂la₂ bá₄ jón₃ I₂rě₂'in₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂ně₂néi₂ jág₁ jaun₂, jua'₂ 'ηiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂tě₂ ne₅₄ jaun₂.

Ca₂jme₃'lión₂ Jesús jan₂ chi'₂ i₂jme₁'en₅₄ jme₂dsí₂ 'lin'₅₄
(Mateo 17:14-21; Marcos 9:14-29)

³⁷ Jme₁jnia₃, ca₂sióin₃ táng₃ má'₂ jaun₂, con'₂ guě'₂ juin₅ lin₃ dsa₂ ca₂jme₃jein'₂.

³⁸ Tě₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Tě₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂.

³⁹ Jme₂dsí₂ 'lin'₅₄ bá₄ i₂co₂jmóg'₂ guió'₅ co₂tiá₂ jén'₅ dso₄ 'ei₂, qui₂'uě'₅ jan₅ mi₂'o₅₄. I₂'lin'₅₄ ně₃, jmóg'₂, ca₂lia'₂ jaun₂ guě₄ téi₂ ca₂lia'₂ ma₂jén'₃ uig₅ 'ηio₅ lin₃.

⁴⁰ Jme₁ma₂ně₂juig₂ chi'₂ dsí₂guia₃-tĭn₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i₁'En₁ jmá'₃ 'nia'₂ dsa₂ chan₂ jmig₄ ně₃ tsá₃ 'e₂ 'éng'₂! ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsí₃ jin'₄ 'nia'₂? Nĭ₅₄ chi'₂ quiáng'₂ le₃la₂.

⁴² La₁ jme₁ma₂ηó₅ chi'₂ le₃ne₄ Jesús, i₃'ĭin₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsí₂jui₅ le₂jaun₂ ca₂jĭ₂ Jesús ca₂jéin₂ i₂'lin'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jĭn₃ 'a₂ lia'₂ juin'₂ Diú₄.

Ca₂'ě₂ táng₃ Jesús jág₁ a₂jóin₂
(Mateo 17:22-23; Marcos 9:30-32)

Tě₃ tion'₅₄ dsa₂ dsí₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tĭn₂ quián₅:

⁴⁴ —Rě₂ nei₂ 'nia'₂ jág₁ quió₃ la₂: ηi'₅₄ ta₁ ja₁dsau₅₄ ně₅, jáng'₂ dsa₂ quió'₅ Jaun₅ dsa₂ mi₂güig₃ o₄gú₃ dsa₂.

⁴⁵ La₁ jág₁ jaun₂ ně₃, tsá₃ ca₂ηĭ'₂ dsí₅ chi'₂ dsí₂guia₃-tĭn₂, ia₁ tsá₃ jme₁ma₂'i₄ 'éi'₃ a₂le₃ηĭ'₂. Jaun₂ tsá₃ ca₂tiá₂ dsí₅ a₂ηĭ'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lĭn₅ i₂dsen₅₄ guě₄?
(Mateo 18:1-5; Marcos 9:33-37)

46 Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ jui₁lia'₂ 'ein₂ i₂lén₂ i₂dsen₅₄ guě₄ jě₄ quió'₅.

47 La₁ jme₁ca₂rě₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅.

48 Jaun₂ ca₂juá'₂:

—Jui₁lia'₂ dsa₂ i₂guen₅ guein₂ la₂ o₄quió₃ jniá₂, guei₂₃ jniá₂; jui₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ jui₁lia'₂ i₂jmo₅ me'₂ guě₄ jě₄ ca₂le₃jín'₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂
(Marcos 9:38-40)

49 Jaun₂ ně₃ ca₂juá'₂ Juan₅₄:

—Tě₅, ma₂jín₄ jnia'₅₄ jan₂ dsa₂ 'uíin'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuě₅₄ jnia'₅₄ jmig₄, ia₁ tsá₃ guě'₂ η₂₃ quian'₅₄ jniog₄.

50 La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jni_g'₅₄. Ia₁ jui₁lia'₂ dsa₂ i₂tsá₃ 'iog₅₄, tē₂le₃ quián₂ jniog₄ bá₄ tión₂ i₂le₂'éi₂.

I₃jēn₅₄ Jacobo quian'₅₄ Juan₅₄ ca₂jí₂ Jesús

51 Jme₁ma₂ja₂quián₃ tē₅₄ jmig₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsió_g₄ Jerusalén.

52 Ca₂chein₃ dsa₂ i₃lén₂ ne₄ jui₅ i₃jmó₂ co₂jnia₅₄ ja₁jnia₃ caun₂ juig₂ pí'₁ niog₅ 'uě₃ Samaria.

53 La₁ tsá₃ ca₂guen₃ dsa₂ Jesús ja₁jaun₂, ia₁ ca₂rě₃lí'₄ a₂'ein₅₄ jui₅ ηó₅ jui₅ Jerusalén bá₄.

54 Jaun₂ ně₃, jme₁ca₂rě₃η₁₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, ě₁tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?‡

55 Jaun₂ ca₂jén'₃ Jesús ca₂jí₂. §

56 Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁ 'nio₃ jme₃quian'₅₄ Jesús
(Mateo 8:19-22)

57 Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

58 Jaun₂ ca₂ηag₃ táng₃ Jesús:

—Jui₁lia'₂ i₂güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ ján₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió'₅, jua'₅₄ ja₁lé₂ le₃jnia₃.

59 Jaun₂ ca₂tsí'₃ i₂sián'₂:

—Nia₅ quian'₅₄ jniá₂.

La₁ ca₂ηag₃ 'éi₂:

—Te₁gui'₅₄, * jui₁i₁'óng₃ de'₂ ηe'₃.

60 Jaun₂ ca₂ηag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juig₂ jniá₂, gua₂ o₂'ě₃ jág₁ jui₁lia'₂ 'a₂ lia'₂ lé₅ ja₁gon₂ Diú₄.

61 Jaun₂ ca₂juá'₂ táng₃ jan₂:

‡ 9:54 A₂lin₅₄ chog₅₄ si₂ juá'₂ ján₃: “jui₁lia'₂ ca₂jmo₃ Elías.” § 9:55 A₂lin₅₄ chog₅₄ si₂ juá'₂ ján₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, tē₂le₃ a₂lió₂ bá₄.” * 9:59 A₂lin₅₄ chog₅₄ si₂ tsá₃ chi₁ton₅ jág₁ “Te₁gui'₅₄.”

—Te₁gui₅₄, 'nio₃jniá₂nei₅₄ quian'₅₄ 'ne₂, la₁ jui₁₁'éi'₃ de'₂ jág₁ i₂chan₂ quió₃.

⁶² La₁ Jesús ně₃ ca₂juá'₂:

—Dsa₂ i₂ma₂ně₂'éi₂ caun₂ dsí₅ a₂jme₃quiong'₅₄, ně₁jua'₂ ca₂'ág₂ caun₂-tín₃ dsí₅, lín₅ lia'₂ lín₅ jan₂ i₂jme₂lióg₃ quíá'₂ 'uě₃, jéin'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rě₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui₅₄ 'nag'₂ ne₂guión₂ rě₂dsí₂ guian₃ (70) dsa₂ sián'₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jě₃ juig₂ ja₁'ein₅₄ jui₅ dsióg₄.

² Ca₂tsí'₃ 'éi₂:

—Juin₅ lín₃ bá₄ dsa₂ 'nio₃ gue₃ jág₁ quió'₅ Diú₄; lě₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ juin₅ chan₂. Jaun₂ lě₃, mi₄ 'nia'₂ chei'₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃.

³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂.

⁴ Tsá₃ tsí₁na'₅₄ cán'₁ 'nia'₂, on₃ guě'₂ lau₂ tó'₅ cu₄, on₃ guě'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂i₄ jui₅ jua'₅₄ a₂dsiá'₁ 'nia'₂ jág₁ uě₂ quian'₅₄ dsa₂.

⁵ Jě₁ma₂tě₂ rě₁tón'₂ 'nia'₂ dsi₂néi₂ quió'₅ dsa₂ ja₁jan'₄, cui₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.”

⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tě₃'ñiá₄ bá₄ jág₁ a₂'ei₅ tei₄ quián'₂ 'nia'₂ ja₁coin₂. La₁ ně₁jua'₂ tsá₃ le₂jaun₂, tě₃'ñiá₄ bá₄ táng₃ ja₁con'₂ 'nia'₂ guiong'₅₄ jág₁ a₂'ei₅ tei₄ jaun₂.

⁷ Caun₂ bá₄ ja₁o₁ñia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuě₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nió'₄ 'nia'₂ le₂'í₁ 'né₅.

⁸ Jě₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guě₃ a₂cuě₅ dsa₂.

⁹ Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂ 'éi₂ quió'₅ Diú₄ ja₁con'₂ 'nia'₂.”

¹⁰ La₁ ně₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jě₄ calles, chei'₅₄:

¹¹ “Le₂jiog₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmo₁ léi₄ tsá₃ ma₃'e₂ 'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂ 'éi'₃ quió'₅ Diú₄ ja₁cong'₂.”

¹² Juá'₅ jniá₂ juig₂ 'nia'₂, 'ñio₅ lín₃ guě₄ uig₅ a₂'ě₂ Diú₄ jmig₄ jaun₂ ja₁con₂ dsa₂ 'éi₂, lia'₂ con'₂ guě₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂
(Mateo 11:20-24)

¹³ 'i'_{E2} guě₄ juig'₂ 'nia'₂ dsa₂ juig₂ Corazín! 'i'_{E2} guě₄ juig'₂ 'nia'₂ dsa₂ juig₂ Betsaida! Ia₁ jua'₅₄ mei'₂ guě₃ ca₂le₃jín₃ dsa₂ chan₂ Tiro quian'₅₄ Sidón ca₂tě₂ ne₅₄ ju₁lia'₂ ju₁bí₂ juě'₂ a₂niog₅ lě₂ jě₄ quián'₂ 'nia'₂ jmig₄ ně₃, líg'₂ bá₄ tsá₃ ma₂quí'₂ 'mi'₂ taun₅ jme₁tiain'₃ jě₄ jua₂ ně₃, jme₁jmo₃ léi₄ a₂ca₂dsi₃quén'₅ dsí₅.

¹⁴ La₁ jě₁ma₂tě₂ rě₁qui₃dsi₅ Diú₄ 'éi'₃, 'ñio₅ lín₃ guě₄ 'ñio₅ uig₅ guéi'₁ 'nia'₂ con'₂ guě₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón.

¹⁵ 'Ne₂ guě'₂ juig₂ Capernaum, ħa₁rong'₂ ñei₅ tě₂ guei'₅₄ i₂juig₃, líng'₂? 'En₁ bá₄ 'ne₂ sióng'₃ ca₂tě₂ ja₁ca₂tín₂ 'lag₄.†

* **10:1** A₂lin₅₄ chog₅₄ si₂ chi₁ton₅ “'nag'₂ ne₂guión₂ rě₂dsí₂ guia₃-tín₂ (72) dsa₂ sián'₂.” † **10:15** griego: hades, co₂'nió'₄ a₂juá'₂, ja₁quió'₄ 'lag₄.

16 'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rē₂dsí₂ guian₃

17 Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rē₂dsí₂ guian₃ (70)‡ dsa₂ 'éi₂, jaun₂ dsia₂₃, juá'₂:

—Te₁gui'₅₄, ca₂lia'₂ jio₅ je₂na'₅₄ bá₄ nag₅ gau₂ jág₁ quián₂ jnia'₅₄ jē₁ma₂ca₂'ín₂ jnia'₅₄ 'ne₂.

18 Jaun₂ ca₂ḡag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juíg₃ lia'₂ ja₁ta'₂ caun₂ si₁ḡí'₃, §

19 'Éi'₃ jaun₂ bá₄ ma₂cué₃ jniá₂ 'nia'₂ a₂ó'₅ 'nia'₂ bí₂ 'éi'₃ a₂lé₂ le₃qui₁tsong'₅₄ dsí₂mí'₂, i₁'né₅ ně₃, a₂tiang'₃ ne₄ ca₂le₃jě₃ jui₅bí₂ a₂gu₂dsí₂ i₂'io'₅₄, ca₂lia'₂ jnia'₅₄ tsá₃ 'e₂ jén'₄ 'nia'₂ guiong'₅₄.

20 La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lín'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juíg₃.

Jmei₂ quian'₅₄ Ja₁ḡí'₅₄

(Mateo 11:25-27; 13:16-17)

21 Hora jaun₂, ca₂jmo₃ Jme₂dsí₂ Jḡi₅ a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uē₃ ně₃, ia₁ ma₂ca₂'ma'₅₄ a₂nē₅ ja₁con₂ dsa₂ i₂ḡí₄ tīn₂ si₂, i₂ḡí'₂ dsí₅ ně₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂nē₅ 'ḡio₂ 'au'₂.

22 Jaun₂ ca₂jén'₃ Jesús, ca₂juá'₂:*

—Ne'₃ jniá₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuin₅ 'ein₂ 'éi₂ i₂lín₅ Ja₁ḡí'₅₄, jnia'₅₄ lia'₂ 'ḡiog₅ bá₄ Jmei₂. Ján₃ guē'₂ le₂jaun₂, 'i₁jan₂ tsá₃ 'ein₂ cuin₅ 'ein₂ 'éi₂ lín₅ Jmei₂, jnia'₅₄ lia'₂ Ja₁ḡí'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ḡio₂ dsí₅ Ja₁ḡí'₅₄ jme₂jniog₂₃.

23 Jaun₂ ca₂jéin'₃, ca₂tsí'₃ jmá'₃ chí'₂ dsí₂guia₃-tín₂ guioin₅₄:

—'E₂ guē'₄ dsen₃ dsa₂ i₂tē₅ ne₄ jui₁lia'₂ a₂niog₅ jág'₂ 'nia'₂,

24 ia₁ a₂dsi₂jó'₃ juá'₅ jniá₂, juin₅ rag₅₄ ma₂lig'₂, lia'₂ dsa₂ i₂jme₁'ē₂ jág₁ quián₅ Diú₄ ně₃, jme₁'ín₅ dsí₅ jme₁tě₃ ne₅₄ jui₁lia'₂ a₂niog₅ tē₅ ne'₅₄ 'nia'₂ rē₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia'₂ a₂niog₅ nag'₂ 'nia'₂ jmig₄ ně₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

25 Co₂ráun₂ ca₂nau₂ jan₂ tē₅juá'₅, a₂jnia'₅₄ con'₂ cáun₂ táu₂ bá₄ ca₂ḡag₃:

—Tē₅, ¿'e₂ 'nió'₅ jmo₅₄ jniá₂, ia₁jaun₂ tīng₅₄ ja₁le₃chang₂ co₂tan₅₄?

26 Jaun₂ ca₂ḡag₃ Jesús:

—¿'E₂ 'éi'₃ tio'₅₄ ne₄ Si₂ guē'₂? ¿'A₂ lia'₂ ḡí'₂ 'au'₂ a₂'í'₂?

27 Jaun₂ ca₂ḡag₃ táng₃ tē₅juá'₅ 'éi₂:

—“Jme₁'nió₄ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂, ca₂le₃jě₃ jui₅bí₂, quian'₅₄ ca₂le₃jě₃ a₂ḡí'₂ dsei'₂ ně₃,† ján₃ guē'₂ le₂jaun₂ jme₁'nióg'₄ dsa₂ mi₂güig₃ ríng'₂ jui₁lia'₂ 'nióg'₃ 'ḡiag'₂.”‡

28 Jaun₂ ca₂ḡag₃ táng₃ Jesús:

‡ 10:17 A₂lín₅₄ chog₅₄ si₂ chí₁ton₅ “ta₁'nag'₂ ne₂guión₂ rē₂dsí₂ guia₃-tín₂ (72).” § 10:18 'Nio'₂ ja₁ton₅ Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chí₁ton₅ “jaun₂ ca₂jén'₃ Jesús, ca₂juá'₂.” † 10:27 Deuteronomio 6:5. ‡ 10:27 Levítico 19:18.

—Dse₃ lin₃ bá₄ ně₂ŋag'₅₄. Nějua'₂ ca₂jmo'₅₄ le₂ně₅, léng'₂ bá₄ ja₁le₃chang'₂ co₂tan₅₄.

²⁹ La₁ tě₅ 'éi₂ jme₁'nio₃ chein'₃ dse₃, jaun₂ ca₂tsí'₃ Jesús:

—ǰ'Ein₂ 'éi₂ dsa₂ mi₂güig'₃ ríng'₃?

³⁰ Jaun₂ ca₂ŋag₃ Jesús ma₂tě₂chan'₂ jág₁ jaun₂, ca₂juá'₂:

—Jan₂ dsa₂ jme₁'en₅₄ juí₅ o₂'iin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ lín₃, ca₂cuě₃ dsa₂ 'ŋio₅ lin₃ ŋjia'₅₄ mei'₂ tsá₃ ca₂ŋag'₃. Jaun₂ guě₄ ca₂i₃lein₅.

³¹ Jě₂ lia'₂ juí₅ jaun₂ 'en₅₄ juí₅ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ŋi₅ jme₁ca₂jág₂.

³² Ján₃ bá₄ ca₂jág₃ táng₃ jan₂ dsa₂ i₂lín₅ tsí₁jon₂ Leví, con'₂ ca₂quiá₂ cau₅ bá₄ ján₃, ca₂ŋi₅.

³³ La₁ jan₂ dsa₂ i₂chan₂ Samaria 'ein₅₄ juí₅, ca₂dsióg₃ ja₁ron₅ dsa₂ dso'₅₄, ca₂tá'₂ ŋéi₂ dsí₅ jme₁ca₂jág₂.

³⁴ Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rě₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁ŋjia₅ dsa₂. Ja₁jaun₂ ca₂jmo₃ 'í₁.

³⁵ Jme₁ŋjia₃ jaun₂, ca₂dsi₂ tin₃ cu₄ 'ua'₂ ca₂cuě'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ ně₅. Nějua'₂ 'e₂ ca₂'éng'₃ guě₄ quiáng'₂, la₂ bá₄ jáng'₄ jě₁ma₂guióng'₃.” Ně₃ ně₃ jaun₂.

³⁶ ǰ'Ein₂ dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güig'₃ rin'₅₄ dsa₂ i₂ca₂jma'₂ dsa₂ 'ang₂?

³⁷ Jaun₂ ca₂ŋag₃ táng₃ tě₅juá'₅:

—I₂ca₂tá'₂ ŋéi₂ dsí₅ dsa₂ 'éi₂.

Jaun₂ ca₂ŋag₃ táng₃ Jesús:

—Guan'₂, le₂ně₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió'₅ Marta quian'₅₄ María

³⁸ Con'₂ tioin'₅₄ juí₅, ca₂'í₃ Jesús caun₂ juig₂ pí'₁. Ja₁jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió'₅.

³⁹ 'Éi₂ ně₃ jme₁chan₂ jan₂ riin'₅₄ i₂chen₂ María. 'Éi₂ ně₃ tei₄ bá₄ ca₂guá₂ cau₅ mi₂tag₄ Te₁gui'₅₄, nag₂₃ jág₁ a₂juá'₂ 'éi₂.

⁴⁰ Marta guě'₂ ně₃ 'ein₅₄ tsá₃ rě₂jjin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi'₅₄ Jesús, ca₂juá'₂:

—Te₁gui'₅₄, ǰtsa₁ dsan₂ 'au'₂ a₂tsá₃ 'e₂ jme₂'o₅₄ 'io₅₄ ríng'₃? 'Ňió₃ bá₄ 'eng₅₄ tsá₃ rě₂jing₅₄ jme₂ti₅₄. Chei'₅₄ juí₁jme₂'o₅₄.

⁴¹ Jaun₂ ca₂ŋag₃ Te₁gui'₅₄:

—Marta, Marta, jág₅ bá₄ jniá₂ 'ŋio₅ tsá₃ rě₂jing'₅₄ 'eng'₅₄ dsan₂ 'au'₂ 'lióng₂ ta₁ a₂jmo'₂.

⁴² La₁ caun₂ bá₄ a₂dsen₅₄ guě₄ a₂ca₂tín₂ dsa₂ nag₃. María ríng'₂ ně₃, ně₂quió'₃ a₂dse₃ guě₄, jaun₂ 'i₁jan₂ tsá₃ 'ein₂ le₃ŋjia'₂ a₂ma₂ně₂quió'₃.

11

Jme₂tag₅ Jesús 'a₂ lia'₂ chi₃lén'₂ dsa₂ Diú₄

(Mateo 6:9-15; 7:7-11)

¹ Co₂ráun₂ jme₁'en₅₄ Jesús chi₂lén'₂ Diú₄. Jme₁ca₂lě₃ jaun₂, ca₂juá'₂ chi'₂ dsi₂guia₃-tín₂ quiáin₅:

—Te₁gui'₅₄, jme₁tag₅ 'a₂ lia'₂ chi₂lén'₄ jnia'₅₄ Diú₄, juí₁lia'₂ ca₂jme₃tag₅ Juan₅₄ ca₂jme₃tiin₂₃ dsa₂ quiáin₅.

² Jaun₂ ca₂juá'₂:

—Le₂la₂ jua'₅₄ 'nia'₂ jë₁ma₂të₂ rë₁chi₁leng'₄ Diú₄:

Tia₅₄, 'ne₂ i₂ñéi'₂ guei'₅₄ i₂juíg₃*

ju₁jme₂gó'₃ dsa₂ a₂rë₂jñió₄ a₂cheng'₂.

Ju₁le₅₄ bá₄ 'éi'₃ quiáng'₂,

ju₁le₅₄ bá₄ a₂'ñio₂ 'au'₂ 'ne₂, ne₄ gua'₅₄ 'uë₃,

ju₁lia'₂ lë₂ guei'₅₄ i₂juíg₃.†

3 Cuë₄ a₂'nió'₅ que₅₄ jnia'₅₄ jmi₄g₄ në₃.

4 'Én₃ dsáu₁ jnia'₅₄,

ju₁lia'₂ 'én₅ jnia'₅₄ dsáu₁ rín'₅₄.

'A₃ cuë₂ jmi₄g₄ jiá₃ ju₁bí₂ a₂cáun₂ táu₂,

të₂le₃ lio₄ bá₄ o₄gú₃ i₂së₃dsen₃.‡

5 Ca₂juá'₂ Jesús në₃:

—Jua'₅₄ mei'₂ guë₃ le₃jua'₅₄, chan₂ jan₂ 'nia'₂ i₂dsióg₄ a₂'uë₂ quió'₅ a₂mei₅₄ quián₅, të₂, juá'₂: “Jmo₄ dse₃ 'au'₂ rín'₅₄ jniog₄, dsi₄ 'ni₅ i₁ñí'₄.

6 Ia₁ lia'₂ guan₅ quió'₃ jan₂ a₂mei₅₄ quiáng₃ 'ein₅₄ ju₁i₅; ia₁ tsá₃ 'e₂ cha₂ 'i₁caun₂ quió'₃ a₂le₃cuë₄.”

7 Dsa₂ dsi₂néi₂ në₃ lé₂ le₃ñag₃ të₃ rë₂quiain₂₃: “Tsá₃ cuë₂ o₂me'₅₄ dsi₅, ia₁ ma₂chi₁ñág₅ o₄'né₄ quió'₃; chi'₂-guein₂ quiáng₃ në₃ ma₂tián'₅ le₁güin₃. Jaun₂ tsá₃ lé₂ no₅₄ jua'₅₄ cuë₅₄ a₂mi'₂.”

8 Jaun₂ juá'₅ jniá₂, tion₅₄ bá₄ náu₃ cuë₃ ca₂le₃jë₃ 'e₂ a₂mi₅ 'éi₂, on₃jua'₅₄ jmo₃ ia₁ lë₅ a₂mei₅₄, të₂le₃ 'uig₅₄ ia₁ a₂ñí₄ lë₃ tion₅₄ mi₃ bá₄.

9 Jaun₂ le₂në₅ bá₄ juíg₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsia₁in₂; quein₄ 'nia'₂ o₄'né₄ té₃, jaun₂ niá₂.

10 Ia₁ ju₁lia'₂ i₂mi₅ 'e₂ mi₅, gue₂₃. Le₂jaun₂ ju₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guë'₂ quió'₅ ju₁lia'₂ i₂të₂, niá₂ bá₄ o₄'né₄.

11 'O₃ bá₄ chan₂ i₂lin₅₄ 'nia'₂ jmo₅, jë₁ma₂ca₂mi₃ guein₂ quiáng'₂ i₁ñí'₄, ¿cuë'₂ 'nia'₂ ca₂mí₂g₂ ni₁cang?_? O₃ në₁jua'₂ ca₂mi₃ jan₂ i₁ju₁, ¿cuin'₅ 'nia'₂ jan₂ dsi₂mi'₂?

12 O₃ jë₁ma₂ca₂mi₃ ca₂mí₂g₂ mi₂jlag₂, ¿o₃ bá₄ cuin'₅ jan₂ i₁'né₅ 'e₂?

13 Chi₂jua'₂ 'nia'₂ dsa₂ mi₂güig₃ i₂'nau'₂ dso₄ chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, i₁'é₂guë₄ bá₄ Néi'₅ 'nia'₂ i₂guá₅ guei'₅₄ cuin₃ Jme₂dsí₂ Jñió₅ quián₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús ju₁bí₂ quió'₅ Be'elzebú

(Mateo 12:22-30; Marcos 3:19-27)

14 Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂ jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃ dsí₅ dsa₂ tioen'₅₄.

15 La₁ i₂lin₅₄ guë'₂ ca₂dsia₃ 'iin₂₃ Jesús:

—Qui'₅₄ i₂në₅ jmi₄g₄ 'uín'₂ je₂na'₅₄ quian'₅₄ ju₁bí₂ quió'₅ Be'elzebú, i₂lín₅ juig₅₄ je₂na'₅₄.

16 I₂lin₅₄ guë'₂ në₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄ guei'₅₄ i₂juíg₃.

17 La₁ a₂ñi₅ rë₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lë₃ ca₂juá'₂:

—Ju₁lia'₂ caun₂ juig₂ nación, tioen'₅₄ mi'₅₄ guioin₅₄, tioen'₅₄ le₁dsoin'₅₄, dsi₃'én₂ bá₄ juig₂ jaun₂. Le₂jaun₂ guë'₂ ju₁lia'₂ caun₂ dsi₂néi₂ tion₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃ bá₄ dsí₃'én₂ dsi₂néi₂ jaun₂.

* 11:2 A₂lin₅₄ chog₅₄ si₂ tsá₃ chi₁ton₅ “ne₂ i₂ñéi'₂ guei'₅₄ i₂juíg₃.” † 11:2 A₂lin₅₄ chog₅₄ si₂ tsá₃ chi₁ton₅ “ju₁le₅₄ bá₄ 'éi'₃ quiáng'₂, ju₁le₅₄ bá₄ a₂'ñio₂ 'au'₂ 'ne₂ ne₄ gua'₅₄ 'uë₃, ju₁lia'₂ lë₅ guei'₅₄ i₂juíg₃.” ‡ 11:4 A₂lin₅₄ chog₅₄ si₂ tsá₃ chi₁ton₅ “të₂le₃ lio₄ bá₄ o₄gú₃ i₂së₃dsen₃.”

18 Le₂ně₅ bá₄ já_n₃, ně₁jua'₂ ca₂lě₃ le₁dso'₅₄ jui₅bí₂ quió'₅ i₂sě₃dsen₃, ħ'a₂ guë'₂ lia'₂ lé₂ le₃qui'₅₄ guë'₄ jmig₄ jiog₃ ne₄ta₁ quió'₅? Juá'₅ jniá'₂ le₂ně₅ ia₁ juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uin'₄ jniá'₂ je₂na'₅₄.

19 La₁ chi₂jua'₂ le₂jaun₂ 'uin'₄ jniá'₂ quian'₅₄ bí₂ quió'₅ Be'elzebú, ħ'ein₂ guë'₂ quió'₅ bí₂ quian'₅ i₂quian'₅₄ 'nia'₂ a₂lé₂ le₃'uág'₂ já_n₃? Jaun₂ jui₁lia'₂ lé₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ já_g₁ quián'₂ 'nia'₂.

20 La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá'₂ dsa₂ o₄gú₃ je₂na'₅₄, jaun₂ le₂ně₅ bá₄ jau'₂ já_g₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

21 'Jui₁lia'₂ jan₂ dsa₂ 'uan'₂ chain₂ rě₂jáin₁, 'io₂₃ ca₂le₃jě₃ a₂'nió'₅ quió'₅ jmo₃ 'nei₂, jaun₂ lé₅ 'í₁ ca₂le₃jě₃ 'e₂ tio'₅₄ dsi₂néi₂.

22 La₁ ně₁ca₂já₃ jan₂ i₂'uan'₂ guë'₄ lia'₂ con'₂ guë'₄ 'ñiog₅ 'éi₂, ně₁ca₂jo₃ ně₃, i₂'éi₂ guë'₂ ně₃ jniá'₂ ca₂le₃jě₃ a₂ñí₄ lě₃ bein'₂ jmo₂₃ a₂'uain'₂. Jaun₂ jmo₂₃ dsióg₂ ca₂le₃jě₃ a₂ca₂lí₃.

23 'Jui₁lia'₂ dsa₂ i₂tsá₃ chén'₅ le₃quió'₃ jniá'₂, i₂'iog₅₄ bá₄ 'éi₂. Jui₁lia'₂ i₂tsá₃ cá_g'₅ co₂lě₅ quian'₅₄ jniá'₂, jnia'₅₄ jmo₅ tsi₁rě₂ja₅₄.

Jme₂dsí₂ 'lin'₅₄ i₂dsián'₅ táng₃
(Mateo 12:43-45)

24 'Jui₁lia'₂ jan₂ jme₂dsí₂ 'lin'₅₄ i₂o₂'in₅ quió'₅ dsa₂, dsi₂ñí₃ le₂tan₅₄ ja₁quein₂ dsi₂'nio'₂ ja₁jñia₃. Ně₁jua'₂ tsá₃ dso'₂ ja₁'í₂ ně₃, 'no'₂ dsi₅: “Nég'₄ táng₃ dsi₂néi₂ quió'₃ ja₁o₂'ing₃.”

25 Jě₁ma₂dsián'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄ caun₂ dsi₂néi₂ a₂chí'₅ rě₂, rě₂'ia'₅₄, rě₂lag₄ ně₃.

26 Jaun₂ dsó₅ táng₃ dsi₂quián₂ guë'₄ guion₃ jme₂dsí₂ i₂'lin'₅₄ guë'₄ lia'₂ 'ñiog₅, jaun₂ dsi₂tian'₂ ca₂le₃jín₃ tě₂dsí₅ dsa₂ 'éi₂. Jaun₂ dsa₂ 'éi₂ ně₃ 'ñio₅ lin₃ guë'₄ le₃'lín'₅₄ dsióg₄ lia'₂ con'₂ guë'₄ jme₁lín₄ le₂jñia₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

27 Tě₃ 'en₅₄ Jesús dsia₂₃ le₂ně₅, ca₂juá'₂ tiá₂ jan₂ dsa₂ mí₂ tě₃jín₄ dsa₂:

—j'E₂ guë'₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄ quió'₅!

28 Jaun₂ ca₂ñag₃:

jTě₂le₃ ja₂lin₃ guë'₄ dsen₃ dsa₂ i₂nag₅ 'e₂ juá'₂ Diú₄, ton'₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

29 Caun₂ qui₂ñí'₂ bá₄ dsa₂ ja₁chén'₄ Jesús, jaun₂ 'éi₂ ně₃ ca₂jme₃lióg₃ ca₂juá'₂:
—'Ñio₅ lin₃ ma₂'lin'₅₄ dsa₂ rě₂ně₃, mi₂₃ a₂jmo₅₄ jniá'₂ léi₄ juë'₂. La₁ tsá₃ ma₂'e₂ léi₄ jua'₅₄ a₂jmo₄ guë'₄ jniá'₂, jnia'₅₄ lia'₂ caun₂ léi₄ a₂ca₂lě₃ quian'₅₄ Jonás bá₄.

30 Ia₁ le₂ně₅ jui₁lia'₂ Jonás ca₂lín₃ caun₂ léi₄ tě₂le₃ ja₁con₂ dsa₂ i₂jme₁chan₂ Nínive jmig₄ jaun₂, le₂ně₅ bá₄ já_n₃, Jaun₅ dsa₂ mi₂gü₃ lěin₂ caun₂ léi₄ a₂jáng'₃ já_g₁ dsau₅ ja₁con₂ dsa₂ i₂chan₂ jmig₄ ně₃.

31 Jě₁ma₂tě₂ rě₁qui₃dsi₅ Diú₄ 'éi'₃, náu₃ 'io₅₄ rag₅₄ i₂jme₁chan₂ tě₂le₃ sur, jein'₅₄ quian'₅₄ dsa₂ ñe'₂ i₂chan₂ jmig₄ ně₃. 'A₂ lia'₂ niog₅ ca₂jmo₃ 'éi₂, jióg'₂ 'í₁ a₂rě₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uing₂ lin₃ guain₃ ca₂o₃néi₃ já_g₁ ca'₅₄, ca₂o₃dso₅₄ dsí₅ 'a₂ lia'₂ niog₅ dsi₄ Salomón. La₁ ně₃ ně₃, la₂ chén'₅ jan₂ i₂juin'₂ guë'₄ lia'₂ Salomón.

32 Já_n₃ bá₄ náu₃ i₂jme₁chan₂ Nínive, jein'₅₄ quian'₅₄ dsa₂ ñe'₂ i₂chan₂ jmig₄ ně₃, jě₁ma₂tě₂ rě₁qui₃dsi₅ Diú₄ 'éi'₃. 'A₂ lia'₂ niog₅ ca₂jmo₃ 'éi₂ ma₂líg'₂ jióg'₂ 'í₁ a₂rě₂cán'₄ dsa₂ jmig₄ ně₃. Ia₁ 'éi₂ ca₂jme₃tsín₃ dsí₅ jme₁ca₂'ě₂ Jonás já_g₁ quió'₅ Diú₄. La₁ ně₃ ně₃, la₂ chén'₅ jan₂ i₂juin'₂ guë'₄ lia'₂ Jonás.

Dsa₂ i₂lin₅ lia'₂ lě₅ caun₂ si₂
(Mateo 5:15; 6:22-23)

33 "I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂.

34 Jme₁ne₁ dsa₂ lě₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ŋi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ nē₁jua'₂ tsá₃ dse₃, ta₁jang'₂ bá₄ chéng'₅ qui₁né'₃.

35 Tě₃ŋi'₅₄ 'nia'₂ jaun₂, ia₁ con'₂ tsá₃ ŋó₅ nē₁jua'₂ si₂ quiáng'₂ tsá₃ jniá₂.

36 Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né'₃ lě₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂caun'₂ Jesús quió'₅ dsa₂ fariseos quian'₅₄ tě₅juá'₅
(Mateo 23:1-36; Marcos 12:38-40; Lucas 20:45-47)

37 Jme₁ca₂dsan₃ cuē₂₃ jág₁, ca₂tág₃ jan₂ dsa₂ fariseo a₂i₃guē'₃ quiong'₅₄. Jme₁ca₂dsióg₃ dsi₂néi₂ ca₂guá₂.

38 Dsa₂ fariseo 'éi₂ ně₃, i₃gó'₃ dsí₅ ia₁ tsá₃ ca₂jme₃ti₃ Jesús con'₂ lě₅ tag₄ a₂chí'₅, a₂rang₃ gu₂ né'₃ a₂guē'₃.

39 La₁ Te₁gui'₅₄ ně₃, ca₂juá'₂:

—'Nia'₂ dsa₂ fariseos líng'₅ lia'₂ lě₅ ni₁vaso, ni₁uĩng₅, a₂ŋia'₅₄ le₁jě₃ jmá'₃ le₃co'₅₄, la₁ tē₂le₃ jui₅ jme₂dsí₂ quiáng'₂, qui₂rē₂can'₂ ca₂le₃jě₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂.

40 i'_{E2} bá₄ tsá₃ ŋí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃ŋi₃ó'₂ ján₃?

41 Ja₂lin₃ guē₄ dsióg₅ jen'₅₄ de'₂ 'nia'₂ a₂te₁'i₁ quiáng'₂, jaun₂ guē₄ lé₂ le₃tě₃tsin'₅₄ 'nia'₂ le₁jíng'₃ le₃ja₁con₂ Diú₄.

42 'i'_{E2} guē₄ juí'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuē'₂ Diú₄ caun₂ qui'₅₄ a₂guia₃ a₂'i₄ 'éi'₃ cuē'₅₄, ca₂lia'₂ ca₂le₃jě₃ ne₅₄ ma₁'au₂ a₂lě₂ ma₂juig₂ má₃ bá₄ jáng'₄ 'nia'₂. La₁ con'₂ ma₂ŋi'₅₄ bá₄ 'nia'₂ jui₅ dse₃ tě₃dsón'₂ ja₁ŋio₂ dsí₅ Diú₄, ja₁jme₁jme₁'nió'₄ 'nia'₂ Diú₄: a₂ně₅ bá₄ a₂dsen₅₄ guē₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

43 'juí'₂ 'nia'₂ dsa₂ fariseos! Ia₁ 'ŋio₅ lin₃ tě₅ 'au'₂ a₂tiáng'₄ jláng'₁ ja₁dsen₅₄ guē₄ juí₁lia'₂ dsi₂néi₂ guá'₅ sinagogas. Ján₃ bá₄ tě₅ 'au'₂ 'nia'₂ qui₃cuag₃ dsa₂ Diú₄ juí₁lia'₂ jě₄ 'ma'₅₄ a₂jme₂go₃ dsa₂ 'ŋio₅ lin₃.

44 'i'_{E2} guē₄ juí'₂ 'nia'₂! † Ia₁ líng'₅ jui₁lia'₂ lě₅ tau₂ 'ŋio₅ a₂tsá₃ léi₄ cha₂. Dsa₂ ně₃ qui₂ŋi₅ ne₄, tě₃ tsá₃ ŋi₅."

45 Jaun₂ ca₂ŋag₃ jan₂ tě₅juá'₅:

—Tě₅, a₂juá'₂ 'ne₂ ně₅, a₂tě₂'ó'₁ jnia'₅₄ bá₄ 'ne₂.

46 Jaun₂ ca₂ŋag₃ Jesús:

—juí'₂ 'nia'₂ tě₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ ně₃, ca₂lia'₂ jnia'₅₄ gog'₂ tsá₃ 'niog'₂ tí'₄.

47 'juí'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃dsiog₂₃.

48 Jaun₂ ně₃, lia'₂ lě₅ jmo'₂ 'nia'₂, cuē'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guē'₂ ma₂ja₂nióg'₅ chog'₂ ni₁'ia'₂.

49 'Jaun₂ lě₃ Diú₄, ia₁ a₂tiin₂ a₂ma₂ŋi₅ bá₄ a₂lé₂, ca₂juá'₂: "Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió₃. I₂lin₅₄ 'éi₂ jme₃dsian₅ dsa₂; i₂lin₅₄ guē'₂ qui₃'ein₃."

* 11:33 A₂lin₅₄ chog₅₄ si₂juá'₂ ján₃: "on, guē'₂ né'₃ tsi₁gu₅." † 11:44 A₂lin₅₄ chog₅₄ si₂ chi₁ton₅ ján₃: "'nia'₂ tě₅juá'₅, 'nia'₂ dsa₂ fariseos ně₃, a₂lě₂jmo'₂ góg'₂ a₂o₁ne₁."

⁵⁰ Jaun₂ ně₃ ca₂tě₂ dsa₂ chan₂ jmig₄ ně₃ bá₄ rě₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güig₃.

⁵¹ Ca₂lia'₂ con'₂ jme₁ca₂jon₃ Abel, ca₂tě₂ jmig₄ i₁ca₂jon₃ Zacarías i₂ca₂jñi'₃ dsa₂ jě₄ ja₁lě₄ ne₄chei₂ quian'₅₄ ja₁jñiós, dsa₂ chan₂ jmig₄ ně₃ bá₄, juá'₅ jniá₂, qui₃'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

⁵² 'i'E₂ guě₄ juíg'₂ 'nia'₂ tě₅juá'₅! Ia₁ 'nia'₂ bá₄ ma₂rě₂'móg'₄ jág₁ quió'₅ Diú₄ a₂lě₅ co₂'nió'₄ ňí₁ llave quió'₅ o₄'né₄ ja₁jme₁le₃tín₂, le₃ñí'₂ dsa₂. On₃ guě'₂ guion'₅₄ 'nia'₂ tóng'₄, on₃ guě'₂ cuě'₂ 'nia'₂ jmig₄ dsi₃ton'₅₄ i₂'nio₃ tón'₃.

⁵³ Jme₁ca₂dsan₃ juá'₂ Jesús le₂ně₅, ca₂rě₃'né₃ 'lig'₅₄ dsa₂ fariseos, tě₅juá'₅ ně₃. Jaun₂ ca₂jme₃lióg₃ jmóg'₂ mi'₅₄, tsá₃ caun₂ a₂qui₂ca₂ñag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁.

⁵⁴ Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'ñiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂jñia'₅₄ con'₂ dse₃ le₁'ág₄ o₁ne₁

¹ Tě₃jě₄ jaun₂, tě₂le₃ mei₅ bá₄ dsa₂ i₂ca₂ñi'₂, ca₂lia'₂ qui₂co₂'liain'₂ rñin'₅₄. Jaun₂ Jesús ně₃ jniá₅ de'₂ dsa₂ i₂quian'₅₄ bá₄ ca₂tsí'₃:

—Tě₃ñi'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₁jmo₅-dsá₅ o₁ne₁.

² Ia₁ 'i₁caun₂ a₂rě₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rě₂jniá₂; ján₃ bá₄ tsá₃ cha₂ 'i₁caun₂ a₂rě₂jlě₅ jua'₅₄ lín₂ dsa₂ a₂tsá₃ 'ein₂ le₃ñi₅, tion₅₄ bá₄ rě₃ñi₅ dsa₂.

³ Jaun₂ ně₃, ca₂le₃jě₃ 'e₂ a₂dsia₅ dsa₂ jě₄ qui₁'né'₃, jiá₃ bá₄ le₃ja₁jniá₂ si₂. Le₂jaun₂ jui₁lia'₂ jág₁ a₂dsia₅ dsa₂ jě₄ tě₃co'₅₄ a₂qui₂le₁jñág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃
(Mateo 10:28-31)

⁴ "Nia'₂ a₂mei₅₄ quiáng₃, juíg₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ñí₅, ia₁ tsá₃ ma₃a₂siá'₂ jua'₅₄ a₂'io₂₃ guě₄ bí₂ jmo₃.

⁵ Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃: i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃.

⁶ ¿Tsa₁ 'ni₅ dsa₂ 'ñiá₂ i₁tan₅ tei₄ quian'₅₄ tñ₃ ňí₁ guéin₂? La₁ 'i₁jan₂ 'éi₂ tsá₃ dsi₂'én₂ dsi₅ Diú₄.

⁷ Jag₄ 'nia'₂ jaun₂, 'ñio₅ lín₃ guě₄ dsan₂ dsi₅ Diú₄ 'nia'₂, le₂jio₅ jñi₂ dsei'₂ 'nia'₂, ma₂ñi₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ñio₅ guě₄ quen'₄ 'nia'₂ lia'₂ con'₂ guě₄ juin₅ i₁tan₅.

Dsa₂ i₂jme₂jnia₅ cui₂₃ Jesús
(Matt 10:32-33; 12:32; 10:19-20)

⁸ Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cuig₂₃ jniá₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jniog₂₃ a₂cuig₂₃ ja₁con₂ ca₂le₃jín₃ ángeles quián₅ Diú₄.

⁹ La₁ jui₁lia'₂ i₂tsá₃ 'ag₅ a₂cuig₂₃ jniá₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'iin₄ jniá₂ a₂cuin₅ ja₁con₂ ángeles quián₅ Diú₄.

¹⁰ Ia₁ jui₁'ein₂ guě₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsi₂ Jñiós, tsá₃ ma₃o₂'én₂ dso₄ cha₂.

* 12:1 lit. "levadura quió'₅ dsa₂ fariseos." † 12:3 lit. "a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂."

11 Jë₁ma₂ca₂jñia₃ dsa₂'nia'₂ ne₄ dsi₂tan₅₄ quián₅ guá'₅, o₃ jë₁ma₂ca₂jio₃ ne₄ i₂con₂'í₁, ne₄ dsa₂ i₂qui₂dsi₅'éi'₃ ně₃, tsá₃ jmó'₂ 'nia'₂ 'i₅'au'₂ jua'₅₄ tsá₃ ñi'₅₄ 'a₂ lia'₂ ñag'₅₄, 'o₃ 'e₂ jui_g'₅₄.

12 Ia₁ 'ñiog₅ bá₄ Jme₂dsi₂ Jñió₅ jme₃tag₂₃ 'e₂ a₂ca₂tín'₂ 'nia'₂ ñag'₅₄, jë₁ma₂ca₂tě₂ hora jaun₂.

Go'₂ ně₁'ein₂ ca₂dsia₃ le₁má'₂ 'ñio₅ lín₃ jmo₃ dsí₅ jmá'₃ quió'₅ 'ñiog₅

13 Jan₂ dsa₂ i₂jme₁'en₅₄ jë₄ jaun₂ ně₃, ca₂tsí'₃ Jesús:

—Tě₅, chei'₅₄ co₂nio₄ dsó₂ ríng'₃ jui₁cuë₁₂ con'₂ a₂ca₂tíng₂ a₂cha₂ quió'₅ 'lag₄ ñe'₃.

14 Jaun₂ ca₂ñag₃ Jesús:

—'Ne₂ dsa₂, ¿'ein₂ ca₂dsiog₃ jniá₂ a₂lín₅ jan₂ i₂dsi_ó'₅ 'e₂ a₂ca₂tín'₂ 'nia'₂?

15 Ján₃ bá₄ ca₂juá'₂:

—Tě₅ñi'₅₄ 'nia'₂ tsá₃ i₂jmo₂ jua'₅₄ a₂ñí₄ lě₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ñí₄ cha₂ quió'₅ dsa₂ le₃chain₂.

16 Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ñio₅ lín₃. 'Lióng₂ lín₃ jme₁rau₂ quió'₅.

17 Jaun₂ ca₂i₃jio₅ dsí₅: “¿'E₂ bá₄ jmo₅₄ jniá₂ ně₃? Tsá₃ ma₃cha₂ ja₁tó'₄ a₂ca₂rau₂ quió'₃.”

18 Jaun₂ ca₂i₃jio₅ dsí₅: “Le₂la₂ jmo₅₄. Qui'₄ tsi₁'io₅ a₂tióng₂ ně₅, jaun₂ jmo₅₄ a₂ca'₅₄ guě₄. Jaun₂ ja₁jaun₂ tó'₄ trigo, quian'₅₄ ca₂le₃jě₃ guě₄ a₂cha₂ quió'₃.

19 Jaun₂ guě₄ 'náu'₄ dsi₃: 'Lióng₂ ma₂niog₅ le₁má'₂, ma₂len₅ 'lióng₂ ñi₂; ma₂lé₂ jan₅₄, gua₅₄ tei₄, guě'₅₄, guí'₅₄, cuě₄ o₂'ñió₃ o₂jñia₃ dsi₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂:

20 “¿'E₂ guě₄ con'₅₄ 'ne₂ lín₅! Jua'₂ a₂'uě₂ ně₃ mág₄ jniá₂ 'mú₃ quiáng'₂. Ca₂le₃jě₃ a₂ma₂dsia'₅₄ 'ne₂ rě₂, ¿'ein₂ bá₄ quió'₅ lé₂?”

21 Le₂ně₅ dsi₂ñí₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ñiog₅, la₁ tē₂tsin'₅₄ lín₃ le₃ja₁con₂ Diú₄.

*I₂jmo₅ 'í₁ bá₄ Diú₄ chí'₂-guein₂ quiáin₅
(Mateo 6:25-34)*

22 Jme₁ca₂dsan₃ jaun₂, ca₂tsí'₃ táng₃ chí'₂ dsi₂gua₃-tín₂ quiáin₅:

—Juí_g₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quě'₅₄ tē₂lia'₂ chang'₂, on₃ guě'₂ o₄quió'₄ ni₁ñi'₁, jua'₅₄ dsan₂ 'au'₂ 'e₂ qui'₅₄.

23 Ia₁ jme₂dsi₂ bá₄ a₂quen₅ guě₄ lia'₂ con'₂ guě₄ má₃. Ján₃ guě'₂ le₂jaun₂ ni₁ñi₁ bá₄ dsa₂ a₂quen₅ guě₄ lia'₂ con'₂ guě₄ 'mi'₂.

24 Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guě'₂ 'e₂ cha₂ a₂le₃rau₂ quió'₅, on₃ guě'₂ 'io₅ chí'₅ quió'₅. Diú₄ bá₄ i₂jme₂tau₅₄. ¡Jaun₂ 'ñio₅ lín₃ guě₄ bá₄ quen'₄ 'nia'₂ lia'₂ con'₂ guě₄ i₁tan₅ 'éi₂!

25 ¿I₂'ein₂ 'nia'₂ i₂lé₂ le₃jmo₃ le₃chain₂ guě₄ uě₂,‡ ne₄ ia₁ a₂ñí₄ lě₃ 'i₅'au'₂ 'nia'₂ chang'₂?

26 Chi₂jua'₂ tsá₃ quin'₅₄ 'nia'₂ jmíg₄ quian'₅₄ a₂ca₂juí_g₄ ně₅, ¿'e₂ guě'₂ lě₃ ñí₄ dsan₂ 'au'₂ 'nia'₂ quian'₅₄ a₂siá'₂?

27 Ní₂ de'₂ 'nia'₂ ján₃ 'a₂ lia'₂ qui₂dsi₂cón₃ lí₁. Tsá₃ tsi₁ñi₅ lé₂ tsě'₃, on₃ guě'₂ lé₂ ta₃. Jaun₂ juí_g₂ jniá₂ 'nia'₂, ca₂lia'₂ jñia'₅₄ Rag₅₄ Salomón, quian'₅₄ ca₂le₃jě₃ a₂jlá'₁ a₂jme₁cha₂ quió'₅, tsá₃ ca₂rě₃jláin'₁ bá₄ guě₄ jui₁lia'₂ jlá'₁ lí₁.

‡ 12:25 o₃, “I₂'ein₂ 'nia'₂ i₂lé₂ le₃jmo₃ a₂dsi₃cón₃ guě₄ caun₂ lě₂.”

28 Chi₂jua'₂ le₂nē₅ chi'₅ Diú₄ jlá'₁ nau₂ a₂cha₂ 'ŋa₁, a₂ŋia'₅₄ jniá'₂ jlá'₁ ca₂tiá'₂ co₂lág₂, ia₁ ju₁la₂ 'ióg₃ dsí'₂ dsa₂, 'è₂ gué₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁.

29 Jaun₂ juá'₅ jniá'₂, tsá₃ i₁niog'₄ jua'₅₄ a₂ŋí₄ dsan₂ 'au'₂ 'e₂ quē'₅₄ 'ag'₅₄. Tsá₃ can₂ 'nia'₂ o₂i₁ dsí₅ quian'₅₄ a₂jaun₂,

30 ia₁ jmá'₃ a₂nē₅ bá₄ a₂ŋí₄ lē₃ 'nio'₃ dsi₂nau₂. Ia₁ i₂ŋi₅ bá₄ Néi'₅ a₂'nió'₅ ca₂le₃jě₃ a₂nē₅ quián'₂ 'nia'₂.

31 La₁ 'nio'₂ de'₂ jniá'₅ 'nia'₂ ja₁goin₂, jaun₂ ca₂le₃jě₃ a₂nē₅ tē₁ja₃lé₂ a₂ma₂ŋag₅₄ cuē₃.

A₂quen₅ lin₃ a₂cha₂ quió'₅ dsa₂ guei'₅₄ i₂juíg₃

(Mateo 6:19-21)

32 'Nia'₂ já'₂ cha'₂ quiáng₃, tsá₃ lē₁jmo₂ 'nia'₂ gang'₃, o₁ŋia'₅₄ la₂ tsá₃ juin'₅ 'nia'₂, la₁ 'ŋio₂ dsí₅ Néi'₅ cuē₃ ja₁goin₂.

33 'Nag₄ 'nia'₂ a₂cha₂ quiáng'₂; jme₂'on₅₄ i₂te₂ŋé₂. ŋia'₅₄ lia'₂ le₂nē₅ bá₄ dsióg₄, tē₃ron₅₄ tē₂'mí'₂ a₂tsá₃ ton₅ jmig₄ le₃'áu₂ quián'₂ 'nia'₂; caun₂ a₂quen₅ lin₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄ dsiá₃, ja₁tsá₃ líg'₂ jmig₄ dsióg₄ 'ang₂, on₃ gué'₂ i₁tsan'₅₄ lé₂ le₃'én₂.

34 Ia₁ ju₁lia'₂ ja₁rē₂'mú'₄ 'nia'₂ quiáng'₂, ja₁jaun₂ bá₄ 'i₄ 'au'₂.

'Nió'₅ bá₄ a₂chan₂ dsa₂ rē₂jáin₁

35 'Rē₂ján'₁ 'nia'₂ chang'₂, le₁lŋg'₄, le₁guí'₂ si₂ tsí₅ quiáng'₂.

36 Ju₁len'₅₄ 'nia'₂ nē₂jag₄ bá₄ dsa₂ i₂chi₁ŋia₅ guan'₂ juig₅₄ ŋó₃ ja₁niog₅ jmig₄. Rē₂ján'₁ 'nia'₂ chang'₂, ia₁jaun₂ lé₂ le₃na'₅₄ 'nia'₂ dsi₂juí₅ jē₁ma₂tē₂ rē₁guáin'₃ quein₃ o₄'né₄.

37 'E₂ gué₄ dsen₃ dsa₂ i₂le₁ne₅₄ jē₁ma₂ca₂guán'₃ juig₅₄. A₂dsi₂jó'₃ juá'₅ jniá'₂, 'ŋiog₅ bá₄ 'éi₂ dsiog₃ ne₄ mesa, ton'₂ qui'₃ 'mí'₂ a₂jme₂ti₃ ŋág₃ má₃.

38 'E₂ gué₄ dsen₃ dsa₂ i₂tion'₅₄ le₁ne₅₄ jē₁ma₂ca₂jo₃ juig₅₄ o₁ŋia'₅₄ la₂ ca₂guáin'₃ a₂'uē₂ dsi₃nei₅, o₃ ma₂ca₂ŋí₂ dsi₃nei₅ 'e₂.

39 La₁ ju₁le₂ŋi'₅₄ 'nia'₂ a₂la₂ ján₃, jua'₅₄ mei'₂ gué₃ ŋi₅ dsa₂ quió'₅ dsi₂néi₂ 'e₂ hora jíá₃ dsa₂ 'ang₂, guá₃ rē₂nei₅₄, jmo₂₃ 'í₁, tsá₃ cuē₃ jmig₄ 'í₂ dsa₂ 'éi₂, 'ang₃.

40 Le₂nē₅ bá₄ 'nia'₂ ján₃, rē₂jáng'₁ chang'₂, ia₁ con'₂ tsá₃ 'ein₂ lín₂ bá₄, tē₃tsin'₅₄ Jaun₅ dsa₂ mi₂güig₃.

Ju₁lia'₂ dsa₂ i₂tsá₃ rē₂ti'₅₄ ta₁ quió'₅

(Mateo 24:45-51)

41 Jaun₂ ně₃ ca₂ŋag₃ Pe₄:

—Te₁gui'₅₄, ¿a₁nē₂chei'₅₄ jmá'₃ jnia'₅₄ jág₁ jáng'₅ léi₄ ně₅, o₃ a₂nē₂chei'₅₄ ca₂le₃jín₃ 'e₂?

42 Jaun₂ ca₂juá'₂ Te₁gui'₅₄:

—¿I₂'ein₂ 'éi₂, lín'₂ 'nia'₂, lín₅ dsa₂ dsen₃ i₂rē₂ti'₅₄, niog₅ dsi₄, i₂ca₂dsiog₃ juig₅₄ niog₅ ne₅₄ jmo₃ ta₁ dsi₂néi₂, a₂ag'₃ ŋi'₃ dsa₂ hora ca₂tín₂?

43 'E₂ gué₄ dsen₃ dsa₂ i₂niog₅ ne₄, i₂jo₅ juig₅₄ jme₂ti₃ bá₄ ta₁ quió'₅, i₁guain'₂.

44 A₂dsi₂jó'₃ juá'₅ jniá'₂, dsiog₃ juig₅₄ a₂niog₃ ne₅₄ ca₂le₃jě₃ a₂cha₂ quió'₅.

45 La₁ nē₁jua'₂ lín₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juig₅₄, chi₂jua'₂ ca₂jme₃liog₃ ca₂jmái'₂ uig₅ dsa₂ ŋe'₂, dsa₂ mí₂ ně₃ i₂jme₂ti₃ ta₁, ton'₂ 'ŋiog₅ gué'₂ ca₂'í₃ gué'₅, 'ín'₂, ca₂rē₃'ein₅ bá₄ 'ŋiog₅,

46 la₁ con'₂ tsá₃ jáin₅, con'₂ caun₂ hora a₂tsá₃ ŋi₅ bá₄ guan'₂ juig₅₄; uig₅ gau₂ 'ŋio₅ lín₃ bá₄ cuē₃ 'éi₂, co₂jaun₂ bá₄ uig₅ gue₃ con'₂ lē₅ tŋn₃ dsa₂ i₂tsá₃ 'én₂.

47 'Ju₁lia'₂ dsa₂ i₂ŋi₅ 'e₂ 'nio₃ juig₅₄, la₁ tsá₃ 'e₂ co₂ŋia₅₄ jmo₂₃, on₃ gué'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mí₅ 'lióng₂ lín₃ ni₁ŋi₁₂.

48 La₁ jui₁lia'₂ i₂tsá₃ 'e₂ ca₂rë₃ŋi₅ ton'₂ jmo₅-dsá₅ cosa a₂ca₂tíin₂ gue₃ uig₅, tsá₃ lin₅₄ 'lióng₂ 'mí₅ cán₂. Jui₁lia'₂ dsa₂ i₂'lióng₂ tē₂no₄ gu₂ a₂ca₂tíin₂ jme₃tí₃, ján₃ bá₄ 'lióng₂ a₂mág₃ jui₅₄. Ján₃ guē'₂ le₂jaun₂ jui₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ guē'₄ a₂chi₃quióng₂ dsa₂ jmí₄ jáng'₃.

Jesús bá₄ 'uin₄ a₂lě₂ le₁dson'₅₄ dsa₂
(Mateo 10:34-36)

49 'A₂i₃'ing₅₄ si₂ mi₂güí₃ la₂ bá₄ jniá₂ guio₃. ¡'E₂ guē'₄ 'ín₅ dsi₃, jua'₅₄ ma₂cau₂ bá₄ co₂ŋei'₅₄ tē₂ně₃!

50 La₁ tion₅₄ niog₅ tiáng₄ jui₅ ja₁dsi₃ŋí₂ mí₅₄ 'ŋio₅ lin₃. Jaun₂, ¡'e₂ guē'₄ 'ŋio₅ o₂l₁ dsi₅ chang₂, ca₂lia'₂ ca₂rë₃tí₃ ta₁ a₂guio₃!

51 ¿Lín'₂ 'nia'₂ a₂guio₃ jniá₂ i₃'ei₃ tei₄ mi₂güí₃ la₂? On₃jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂ guio₃.

52 Ia₁ tē₂le₃ ne₄ jui₅ ja₁dsau₅₄ ně₅, jui₁lia'₂ caun₂ dsi₂néi₂ ja₁lě₂ 'ŋiá₂ dsa₂, lé₂ le₁dson'₅₄,

53 ún₂ jme₃'ŋiai₅₄ on₃; i₂on₃ jme₃'ŋiai₅₄ i₂ún₂ táng₃; jui₁lia'₂ jmei₂ dsa₂ tóin'₃ mí₅₄ quian'₅₄ ja₁ŋi'₅₄, ja₁ŋi'₅₄ guē'₂ 'í₂ mí₅₄ quian'₅₄ jmei₂; jui₁lia'₂ chog₅₄ tóin'₃ mí₅₄ quian'₅₄ ja₁mí₄, ja₁mí₄ guē'₂ 'í₂ mí₅₄ quian'₅₄ chog₅₄. Jui₁lia'₂ i₂lín₅ ma₂chog₅₄ dsa₂, tóin'₃ mí₅₄ quian'₅₄ lo₅₄, jui₁lia'₂ mi₂lo₅₄ 'í₂ mí₅₄ quian'₅₄ ma₂chog₅₄.

Jui₁lia'₂ jme₁cha₂ léi₄ guei'₅₄
(Mateo 16:1-4; Marcos 8:11-13)

54 Ján₃ bá₄ ca₂tsí'₃ dsa₂:

—Jme₁caún'₂ 'nia'₂ 'í₁ guei'₅₄ jme₁tsau₂ jnei₅ le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄ le₂jaun₂ lě₂.

55 Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂ ně₃. Jaun₂ dsón'₂ bá₄ le₂jaun₂ lě₂ ján₃.

56 ¡'Nia'₂ dsa₂ i₂jŋia'₅₄ dse₃ le₁ág₄ o₁ne₁! Ní₅₄ 'nia'₂ 'a₂lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄ 'e₂ lě₂ ne₄ gua'₅₄ 'uē₃. ¿'A₂ bá₄ lia'₂ tsá₃ tīn'₂ 'nia'₂ caun'₅₄ 'í₁ léi₄ a₂ma₂cha₂ rē₂ně₃?

Jme₁jen'₂ jág₁ quian'₅₄ dsa₂ i₂'iog₅₄
(Mateo 5:25-26)

57 '¿'E₂ lě₃ tsá₃ caún'₂ 'nia'₂ 'í₁ jē₄ quiáng'₂ guiong'₅₄ a₂dsi₂ten₅₄ jmó'₂?

58 Jē₁ma₂'eng'₅₄ jui₅ dsióg'₄ ne₄ dsi₂tan₅₄ quian'₅₄ dsa₂ i₂'nag₅, jme₁jen'₂ 'nia'₂ jág₁ le₂i₄ jui₅ jme₁dsian₅ mí₅₄ a₂chang'₂ quian'₅₄. Ia₁ con'₂ tsá₃ ŋó₅ ně₁jua'₂ ca₂tsag'₂ tē₃ne₄ dsi₂tan₅₄ i₂qui₂dsi₅ 'éi'₃. 'Éi₂ ně₃ jáng'₃ ne₄ 'lióg₂; 'lióg₂ guē'₄ ně₃ to'₂ né'₃ 'má₃.

59 Juá'₅ jniá₂, o₁líg'₂ tsá₃ o₃'ing'₂ ja₁jaun₂ ca₂lia'₂ ca₂qui'₅₄ jē₁ca₂tó'₂ ŋí₁ guéin₂ a₂ring'₂.

13

A₂quen₅ lin₃ bá₄ a₂dsi₂quén'₅ dsí₅ dsa₂

1 Jmí₄ jaun₂ i₂lín₅₄ dsa₂ i₂jme₁tion'₅₄ guē'₄ ca₂dsia₃ ca₂tsí'₃ Jesús 'a₂ lia'₂ ca₂jme₃dsian₅ Pilato i₂lín₅₄ dsa₂ chan₂ Galilea. Ca₂cóin'₂ jmi₄ dsa₂ 'éi₂ quian'₅₄ jmi₄ já'₂ i₂ca₂jme₃dsian₅ dsa₂ i₂jéin'₂ ne₄ Diú₄.

2 Jaun₂ ca₂juá'₂ Jesús ně₃:

—¿Lín'₂ 'nia'₂ ně₃, dsa₂ chan₂ Galilea 'éi₂ ca₂i₃ŋí₂ le₂jaun₂ ia₁ 'lióng₂ guē'₄ dso₄ jme₁le₁cáin'₄ lia'₂ con'₂ guē'₄ dsa₂ go₅₄?

3 Juá'₅ jniá₂, on₃jua'₅₄ le₂jaun₂; ia₁ le₂ně₅ bá₄ 'nia'₂ ján₃, ně₁jua'₂ tsá₃ ca₂dsi₃quén'₅ 'au'₂, dsiáng'₃ ján₃.

⁴ ¿On₃ bá₄ lín'₂ 'nia'₂, 'ñio₅ lín₃ gué₄ jme₁le₁cán'₄ dso₄ dsa₂ i₂guia₃-jn₁ia'₂ i₂ca₂dsan₃ 'éi₂, lia'₂ con'₂ ca₂qui'₃ ni₁'ia'₂ ñei₅ ja₁chei₂ Siloé, lia'₂ con'₂ gué₄ ca₂le₃jín₃ i₂tián'₅ Jerusalén?

⁵ Juá'₅ jniá'₂, on₃jua'₅₄ le₂jaun₂; ia₁ ján₃ bá₄ le₂nē₅ 'nia'₂, nē₁jua'₂ tsá₃ ca₂dsi₃quén'₅ 'au'₂, dsiáng'₃ bá₄ ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ míg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ míg₂ higo ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁'ág₄ míg₂. Tsá₃ míg₂ cha₂ gué'₂ nē₃, jme₁dsióg₃.

⁷ Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ñi₂ guio₂₃ i₂jág₃ ni₁'ma₂ nē₅ chi₂jua'₂ le₁'ág₄ míg₂, la₁ caun₂ tsá₃ míg₂ cha₂ bá₄ lia'₂ co₂ráun₂ guio₅₄. Qui'₅₄ co₂ñei'₅₄. Tsá₃ ta₁ jmo₃ jnia'₅₄ jme₂dsiá'₃ 'o'₅₄ 'uē₃ bá₄.”

⁸ La₁ dsa₂ i₂jmo₅ 'í₁ ja₁nau₂ 'éi₂ nē₃ ca₂ñag₃: “Te₁gui'₅₄, cuē₄ jmíg₄ o₁dsi₅₄ gué₄ caun₂ ñi₂ la₂; jmo₅₄ dse₃ le₃lág'₃, tó'₄ 'míg₄ já'₂ nē₃,

⁹ o₁ne₄ chi₂jua'₂ 'ag₃ míg₂ ñi₂ caun₂. Nē₁jua'₂ tsá₃ 'e₂ míg₂ cha₂ i₁jáun₃, jaun₂ gué₄ uín'₂.”

Ca₂jme₃'lión₂ Jesús jan₂ 'io₅₄ i₂jme₁quin'₅₄ mi₂ca'₅₄ caun₂ jmíg₄ sa₅₄

¹⁰ Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá'₅ sinagoga.

¹¹ Ja₁jaun₂ jme₁'en₅₄ jan₂ 'io₅₄ i₂ma₂guia₃-jn₁ia'₂ ñi₂ dso'₅₄. Ca₂jmóg'₂ jme₂dsí₂ 'lín'₅₄ rē₂guen'₂ mi₂ca'₅₄, jme₁ñi₂₃ tsá₃ lé₂ néi'₃ rē₂.

¹² Jme₁ca₂jág₂ Jesús, jaun₂ ca₂tē₃, jaun₂ ca₂juá'₂:

—'Io₅₄, ma₂ca₂'lóng'₂ bá₄ dso₄ a₂jme₁lín'₄.

¹³ Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi'₃ mi₂ca'₅₄ 'io₅₄, jaun₂ ca₂jme₃juin'₂ Diú₄.

¹⁴ La₁ dsa₂ i₂niog₅ ne₄ guá'₅ sinagoga, ca₂rē₃'néi₃ quian'₅₄ Jesús ia₁ ca₂jme₃'lión₂ dsa₂ 'éi₂ tē₃ jmíg₄ sa₅₄. Jaun₂ ca₂tsí'₃ dsa₂ i₂tion'₅₄:

—Jñéi₂ jmíg₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua'₅₄ rē'₂ jme₁sa₅₄.

¹⁵ Jaun₂ ca₂ñag₃ Te₁gui'₅₄ ca₂tsí'₃ 'éi₂:

—j'Nia'₂ dsa₂ i₂jñia'₅₄ dse₃ le₁'ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃ dsi₃'ein'₅₄ jmíg₂ o₁jñia'₅₄ lē₅ sa₅₄?

¹⁶ Ia₁ dsa₂ mí₂ la₂, i₂lín₅ jan₂ tsi₁jon₂ Abraham; i₂sē₃dsen₃ jme₁ma₂'nei'₂ ma₂guia₃-jn₁ia'₂ ñi₂. Jaun₂ nē₃, ¿tsa₁ ca₂tín₂ chein'₂ ján₃ jñia'₅₄ tē₃ jmíg₄ sa₅₄?

¹⁷ Jme₁ca₂juá'₂ Jesús le₂nē₅, ca₂rē₃gui'₅₄ bá₄, ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅ bá₄ dsa₂ i₂tion'₅₄, ca₂le₃jē₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza

(Mateo 13:31-32; Marcos 4:30-32)

¹⁸ Ca₂juá'₂ nē₃:

—¿'A₂ lia'₂ le₃juá'₄ lē₅ ja₁gon₂ Diú₄? ¿'E₂ quian'₅₄ lé₂ le₃quíng₄?

¹⁹ Lē₅ jui₁lia'₂ míg₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂i₃cón₃ ca₂dsióg₃ ca₂lē₃ caun₂ ni₁'ma₂ pa₁; i₁tan₅ nē₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁ñí'₄

(Mateo 13:33)

²⁰ Ca₂juá'₂ Jesús le₂la₂ ján₃:

* **13:19** mostaza: On₃jua'₅₄ mi₁jáng'₅ a₂cuí'₅ dsa₂go₄ jnio₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra.

—¿E₂ quian'₅₄ lé₂ le₃quíng'₄ lě₅ ja₁gon₂ Diú₄?

²¹ Lě₅ jui₁lia'₂ lě₅ levadura a₂co₂güín'₂ jan₂ 'io₅₄ jě₄ 'ni₅ tio'₅₄ 'ma₂† ti₁can₁ i₁ñí'₄.
Quian'₅₄ co₁seín'₄ levadura bá₄ guion'₂ ca₂le₃jě₃ ti₁can₁.

Já₁ jáng'₅ léi₄ quió'₅ o₄'né₄ dsag₂
(Mateo 7:13-14, 21–23)

²² Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiin₂₃ guě₄ dsa₂ le₂tan₅₄ juig₂ te₁'i₁ ja₁ca₂ñi₅.

²³ Jaun₂ ca₂ñag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tín'₅?

Jaun₂ ca₂ñag₃:

²⁴ —Quen'₂ 'nia'₂ bí₂ tíong'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmi₃g₄.

²⁵ Ia₁ con'₂ tsá₃ ñó₅ jě₁ma₂tě₂ rě₁náú₃ juig₅₄ dsi₂néi₂, jnéi₃ o₄'né₄, 'nia'₂ ně₃ i₂tě₃tsing'₅₄ le₃ca₁'né₄, jme₁lióg'₄ to'₅₄ mi'₅₄ tě'₄: “¡Te₁gui'₅₄! Nia₄ o₄'né₄, tió'₄ jnia'₅₄.” Éi₂ ně₃ ñag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.”

²⁶ Jaun₂ guě₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lě₅ quian'₅₄ 'ne₂; jua'₂ 'ne₂ bá₄ guě'₂ ca₂jme₁tag'₂ jnia'₅₄ jin₄ juin₅ dsa₂.”

²⁷ Jaun₂ dsa₂ juig₅₄ dsi₂néi₂ ně₃, ñag₃: “Ma₂ně₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ jnia'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.”

²⁸ Ja₁jaun₂ qui₂o₁'o₄ o₁quíng'₃ 'nia'₂ jan'₅₄, jě₁ma₂tě₂ rě₁jíng'₅₄ Abraham, Isaac, Jacob, quian'₅₄ ca₂le₃jín₃ guě₄ dsa₂ i₂jme₁'ě₂ jág₁ quián₅ Diú₄, tío₁n'₅₄ ja₁gon₂ Diú₄, la₁ 'nia'₂ guě'₂ ně₃, dsi₃gang'₅₄ uíng₂.

²⁹ Ia₁ qui₂ja₃len₅ i₂chan₂ ca₂taun₂ ca₂taun₂ mi₂güíng'₃ ja₃tian'₂ guě'₃ co₂dsia₅ ja₁gon₂ Diú₄.

³⁰ La₁ lé₂, chan₂ i₂lin₅₄ i₂tión₂ le₃jě₁ca₂tó'₂, tě₃tsin'₅₄ le₃ne₄ jui₅; i₂tión₂ le₃ne₄ jui₅ rě₂ně₃ guě'₂ ně₃, tě₃tsin'₅₄ le₃jě₁ca₂tó'₂.

Ca₂'o₃ Jesús o₄quió'₄ dsa₂ juig₂ Jerusalén
(Mateo 23:37-39)

³¹ Hora jaun₂ dé₄ dsi₃lén₂ i₂lin₅₄ dsa₂ fariseos, ca₂juá'₂:

—Co₂ñei'₅₄ dse₃ jú₅ ja₁lá₃, quian₂ jui₅ quiáng'₂, ia₁ 'nio₃ Herodes jñag'₃.

³² Jaun₂ ca₂ñag₃ táng₃ Jesús:

—O₂nó'₅ 'nia'₂, o₂chei'₅₄ dsi₂ma₂jág₂†'éi₂: “Ní₂, la₂ bá₄ 'ú₄, ně₃, 'ióg₃ ně₃; ně₃ bá₄ guě₄ 'uíng'₅₄ jme₂dsí₂ je₂na'₅₄ quió'₅ dsa₂, ně₃ guě₄ qui₂jme₁'lióng₅₄ dsa₂. 'Ióg₃ caun₂ guě₄ 'ñia₅ quió₃.”

³³ A₂caun₂ jmo₅₄ bá₄ jniá₂ ta₁ a₂ca₂tíng₂ jmo₅₄ tě₁lia'₂ chang₂, ia₁ tsá₃ lé₂ le₃jón₂ jan₂ dsa₂ i₂'ě₂ jág₁ quián₅ Diú₄ uíng₂ ja₁lé₄ juig₂ Jerusalén.

³⁴ ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jin'₄ 'nia'₂! ¡'Lióng₂ ráun₂ jme₁'ín₅ dsi₃ jme₁chi₁liang'₂ chi'₂-guein₂ juig₂ la₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄!

³⁵ Ní₂ ně₃, tě₃tsi'₅₄ chi₁güíng'₂ dsi₂néi₂ quiáng'₂. Juá'₅ jniá₂, o₁líg'₂ tsá₃ ma₃jag'₅₄ jniá₂, ca₂lia'₂ ca₂tě₂ jmi₃g₄ ja₁jua'₅₄ 'nia'₂: “Ju₁le₂jñi₃o₂ i₂ně₅ i₂já₅ o₄quió'₄ Te₁gui'₅₄.”

14

Ca₂jme₃'lión₂ Jesús jan₂ dsa₂ i₂jme₁guion₂

† 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.) ‡ 13:32 lit. “dsi₂güí₅”, co₂'nió'₄ le₃jua'₅₄, dsa₂ i₂'io₅ mai₅₄.

1 Co₂ráun₂ guè'₂ ca₂lë₃ táng₃ caun₂ jmig₄ sa₅₄ a₂ca₂ñó₃ Jesús i₃guè'₃ ja₁quió'₄ jan₂ dsa₂ dsen₅₄ quián₅ dsa₂ fariseos; i₂lín₅₄ guè'₂ dsa₂ fariseos sián'₂ a₂jñia'₅₄ tiog₂₃ bá₄ tioin'₅₄.

2 Ja₁jaun₂ jme'₁en₅₄ jan₂ dsa₂ dso'₅₄ i₂guion₂.

3 Jaun₂ ca₂ñag₃ Jesús ca₂tsí'₃ të₅juá'₅ quian'₅₄ dsa₂ fariseos, ca₂juá'₂:

—¿I₄'éi'₃, o₃ tsá₃ 'i₄'éi'₃ jme'₁lión₂ dsa₂ dsa₂ dso'₅₄ jme'₁jmig₄ sa₅₄?

4 La₁ tei₄ bá₄ i₃léin₂, tsá₃ 'e₂ ñi₅ ñag₃. Jaun₂ ca₂jñai'₃ dsa₂ dso'₅₄, ca₂jme'₃lió₂. Jaun₂ ca₂dsióg'₂ quió'₅.

5 Jaun₂ ca₂juá'₂ ca₂tsí'₃ 'éi₂:

—¿I₂'ein₂ 'nia'₂, tsá₃ dsi₃dsen₅ dsi₂jui₅ chi'₂ quián₅, * o₃ jan₂ ca₁jui₅ 'e₂ në₁juá'₂ ca₂táin'₂ né'₃ táu₃ jñia'₅₄ të₃ jmig₄ sa₅₄?

6 La₁ tsá₃ ca₂tió'₃ ñag₃ jág₁ në₅.

Tsá₃ dsióg₅ juá'₅₄ quió'₃ dsa₂ 'ma₂si₅₄ ja₁dsen₅₄ guè'₄

7 Jme'₁ca₂të₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ guè'₄ ja₁tiaín'₂, jaun₂ ca₂cuë₃ jág₁ a₂jáng'₅ léi₄ la₂:

8 —Në₁juá'₂ 'ein₂ të₂ ja₁niog₅ jmig₄ jen'₂ gu₂ dsa₂, tsá₃ ne'₅₄ jui₁lia'₂ ja₁dsen₅₄, ia₁ con'₂ tsá₃ ñó₅ në₁juá'₂ ca₂dsióg₃ jan₂ i₂dsen₅₄ guè'₄ lia'₂ 'ne₂.

9 Ia₁ ¿'e₂ bá₄ lé₂ në₁juá'₂ dsa₂ i₂në₂té₂ le₂on'₃ 'nia'₂ juá'₂: “I₂la₂ cuë'₅₄ ja₁ñéi'₂”? Jaun₂ të₃ ma₂gueng'₅₄ bá₄ gog'₅₄ o₁né'₂ të₂ jë₁ca₂tó'₂.

10 La₁ juá'₅ jniá₂, chi₂juá'₂ líg'₂ në₁'ein₂ ca₂të₃, të₂le₃ jë₁ca₂tó'₂ bá₄ ne'₅₄, ia₁jaun₂ dsa₂ i₂në₂té₂ lé₂ le₃juá'₂: “A₂mei₅₄ quiáng₃, ja₁dsen₅₄ guè'₄ la₂ i₂né₂.” Jaun₂ le₂në₅ bá₄ jme₃juag'₂ dsa₂ i₂quë'₂ quiang'₅₄.

11 Ia₁ jui₁lia'₂ dsa₂ i₂jme₂can'₅₄ guion₅₄, sióin₃ të₂le₃ jë₁ca₂tó'₂; dsa₂ i₂jmo₅ me'₂ guè'₂ në₃, roin'₂ guei'₅₄.

12 Jaun₂ ca₂tsí'₃ ján₃, dsa₂ i₂ca₂të₃ 'éi₂:

—Jë₁ma₂të₂ rë₁'niog'₂ jmó'₂ caun₂ má₃ a₂ñig'₅₄ dsa₂, tsá₃ të₅₄ jui₁lia'₂ dsa₂ a₂mei₅₄ quiáng'₂, on₃ guè'₂ jui₁lia'₂ i₂lín₅ o₁ríng'₂, on₃ guè'₂ jui₁lia'₂ i₂cha₂ cu₄ tián'₅ cau₅ quiáng'₂ né₃. Ia₁ con'₂ tsá₃ ñó₅, dsa₂ le₂'éi₂, lé₂ le₃të₂, a₂jéin'₃ táng₃ quiáng'₂.

13 Jaun₂ në₃, në₁juá'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂ñé₂, dsa₂ 'lian'₂, dsa₂ ten₄, dsa₂ guian'₅₄ në₃.

14 Jaun₂ le₂në₅ bá₄ le₃chang'₂ dse₃. Ia₁ dsa₂ 'éi₂ në₃, tsá₃ qui'₅₄ jmig₄ le₃éin'₃ quiáng'₂, la₁ i₁jáun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ jui₁lia'₂ dsa₂ i₂té₄ ja₁niog₅ jmig₄

(Mateo 22:1-10)

15 Jan₂ dsa₂ i₂jme₁guá₄ cau₅ i₂ca₂nág₂ jág₁ në₅, ca₂tsí'₃ Jesús:

—'E₂ guè'₄ dsen₃ i₂tian'₃ guë'₃† ja₁gon₂ Diú₄.

16 Jaun₂ ca₂juá'₂ Jesús:

—Jme'₁chan₂ jan₂ dsa₂ i₂ca₂cuë₃ caun₂ má₃ pa₁, jaun₂ ca₂të'₃ jui₁n₅ dsa₂.

17 Jme'₁ca₂të₂ hora a₂nio₃ jmig₄ në₃, ca₂chein₃ dsa₂ i₂jme₂ti₃ ta₁ ne₅₄, i₁chi'₄ dsa₂ i₂ma₂lë₅ jág₁ dsi₁lén₂: “I₂nó'₅ 'nia'₂, ia₁ ma₂lë₅ co₂jñia₅₄ ca₂le₃jë₃.”

18 La₁ ca₂le₃jín₃ bá₄ ca₂juá'₂ tsá₃ jñin₅₄. I₂le₂'uig₅₄ ca₂ñag₃: “Caun₂ 'uë₃ lia'₂ në₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.”

19 I₂sián'₂ guè'₂ táng₃ ca₂juá'₂: “Ñiá₂ dsán'₃ ca₁jui₅ i₂quia'₂ 'uë₃ i₂të₂ca₂láng₂, i₂'éi₂ nei₅₄ i₁quió₃ 'í₁ chi₂juá'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.”

20 I₂sián'₂ guè'₂ ca₂juá'₂ táng₃: “Gu₃ lia'₂ në₂jeng'₅₄; jaun₂ lë₃, tsá₃ lé₂ nei₅₄.”

* 14:5 Cha₂ a₂lín₅₄ chog₅₄ si₂ a₂juá'₂: “dsi₃dsen₅ bú'₄ quián₅.” † 14:15 lit. “guë'₃ i₁ñí'₄.”

21 Jaun₂ jme₁dsián'₃ mozo 'éi₂ ca₂jímóg'₃ jág₁ ne₄ juig₅₄, jaun₂ ca₂rë'₃ né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂ñi₄ jë₄ calles, le₂tan₅₄ ja₁le₁ñi'₂ dsa₂ juin₅ jë₄ juig₂, qui₂o₂quian₅ dsa₂ te₂ñé₂, dsa₂ 'lian'₂, i₂guian'₅₄, i₂ten₄ ně₃.”

22 Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂në₂jmo₃ con'₂ lë₅ në₂jua'₅₄. Jo₂ bá₄ guë₄ dsi₂néi₂.”

23 Jaun₂ ca₂juá'₂ táng₃ juig₅₄: “Gua₂ táng₃ jë₄ calles le₂tan₅₄ ja₁lë₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃.”

24 Ia₁ le₂në₅ bá₄ juá'₅ jniá₂, 'i₁jan₂ i₂jme₁lë₄ jág₁ ca₂të₃ le₂'uig₅₄ 'éi₂, tsá₃ quein'₃ jë₄ jmig₄ quió₃.”

'Ni₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

25 Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

26 —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, në₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ guë₄ o₁rñin'₅₄ ně₃; në₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ ně₃, tsá₃ lé₂ le₃léin₂ dsa₂ quiáng₃.

27 Jua'₅₄ 'ein₂ tsá₃ ca₂tén'₃ dsí₅ gue₃ 'mú₃, † jiá₃ chi₁co'₅₄ quió'₅, tsá₃ lé₂ le₃léin₂ dsa₂ quiáng₃.

28 Jua'₅₄ mei'₂ guë₃ chan₂ jan'₂ 'nia'₂ i₂nio₃ chi'₃ caun₂ ni₁'ia'₂ ñei₅, ¿on₁ jñiá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'ió'₄ a₂jaun₂?

29 Ia₁ në₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guë'₂ jme₃'ió'₃, ca₂le₃jín₃ dsa₂ i₂jág₃ a₂jaun₂, a₂lë₁co₂jímóg'₂ co₃ñág₂ bá₄.

30 Dsia₃: “Dsa₂ në₅ con'₂ jñiá'₅₄ ca₂jme₃lióg₃ 'uig₅₄, la₁ tsá₃ guë'₂ qui'₅₄ jmig₄ jme₃'ió'₃.”

31 O₃ ju₁lia'₂ jan₂ rag₅₄ guë'₂, i₂jmo₃ 'nei₂ quian'₅₄ jan₂ rag₅₄ sián'₂, ¿tsa₁ jñiá₅ de'₂ guá₃ con₂ 'í₁ chi₂jua'₂ tió'₅ quian'₅₄ guian₃ mei₅ 'lióg₂ quiáin₅, dsi₃quín'₂ quian'₅₄ guión₂ mei₅?

32 Chi₂jua'₂ ma₂lí'₄, tsá₃ tió'₅ ně₃, të₁lia'₂ uíng₂ guë₄ já₅ rag₅₄ jan₂, chein₃ dsa₂ i₂quian₅ jág₁ a₂mi₂₃ dsian₅ co₂ñei'₅₄ mi'₅₄.

33 Le₂në₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jë₃ a₂cha₂ quió'₅, tsá₃ lé₂ le₃léin₂ dsa₂ quiáng₃.

Jág₁ jáng'₅ léi₄ ju₁lia'₂ 'a₂ lia'₂ lë₅ tsi₁ñi₁
(Mateo 5:13; Marcos 9:50)

34 '(Ju₁lia'₂ dsa₂ i₂quian'₅₄ jniá₂ lín₅ ju₁lia'₂ lë₅ tsi₁ñi₁.) A₂dse₃ bá₄ tsi₁ñi₁ të₁lia'₂ ñi'₅₄. La₁ në₁jua'₂ ca₂'en₃ ñi'₅₄ ně₃, ¿a₂ bá₄ lia'₂ lé₂ le₃lei₂ táng₃?

35 Tsá₃ ma₃'e₂ ta₁ tí₄, on₃ guë'₂ lé₂ le₃lé₂ gua'₅₄, on₃ guë'₂ ma₂tí₅ ta₁ jua'₅₄ a₂le₃lé₂ ca₂bë'₅₄ 'o'₅₄. Jñiá'₅₄ lia'₂ a₂dsi₃ga'₅₄ uíng₂ bá₄. I₂dsi₅₄ gua₄, rë₂ ju₁nei₅₄.

15

Jág₁ jáng'₅ léi₄ ju₁lia'₂ jan₂ já'₂ cha'₂ i₂ca₂i₃cón'₅
(Mateo 18:10-14)

1 Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guë₄ dsa₂ i₂le₁cán'₄ dso₄ sián'₂, ca₂o₃léin₂ ja₁'en₅₄ Jesús, a₂o₃néi₃.

2 'Uig₅₄ jaun₂, dsa₂ fariseos quian'₅₄ të₅juá'₅ ca₂chi₂ca₂'iin₃ Jesús. Ca₂juá'₂:

—Dsa₂ në₅ qui₂guein₂₃ bá₄ dsa₂ i₂le₁cán'₄ dso₄, guë'₅ co₂lë₅ quiong'₅₄.

3 Jaun₂ lë₃ ca₂juá'₂ Jesús jág₁ jáng'₅ léi₄ la₂:

‡ 14:27 lit. “tsá₃ cán₂ cróg₄ quió'₅.”

4 —¿I₂'ein₂ 'nia'₂, jui₁lia'₂ i₂'nio₅ caun₂ 'ñiá₂-lón₂ já'₂ cha'₂, nē₁jua'₂ ca₂i₃cón'₅ jan₂, tsa₁ ja₁co₂'niog₅ jaun₂ toin'₂ i₂quén'₂ ne₂guión₂ rē₂dsí₂ guia₃-né₂ (99) con'₂ i₂te₂, dsó₃ táng₃ dsi₂juí₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂?

5 Jē₁ma₂ca₂dsáu'₂ ně₃, tē₂ jui₅ co₁dsi₁₂, jón'₅ táng₃ 'io'₂ jén'₅.

6 Jē₁ma₂dsiáin'₃ dsi₂néi₂ ně₃, ñí'₂ ca₂le₃jín₃ a₂mei₅₄ quiáin₅, quian'₅₄ guě₄ dsa₂ i₂tián'₅ cau₅ quió'₅. Jaun₂ juá'₂: “Nē₃ o₁tió'₄, jmó₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.”

7 Juá'₅ jniá₂, 'nio₅ lin₃ guě₄ bá₄ cha₂ o₂'ñió₃ dsi₅ guei'₅₄ i₂juíg₃ o₄quió'₄ jan₂ dsa₂ i₂rē₂cán'₄ dso₄, i₂dsi₂quén'₅ dsí₅, lia'₂ con'₂ guě₄ o₄quió'₄ i₂quén'₂ ne₂guión₂ rē₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsí₅.

Jág₁ jáng'₅ léi₄ jui₁lia'₂ caun₂ cu₄ 'ua'₂ a₂i₃có'₅

8 'O₃ jui₁lia'₂ jan₂ dsa₂ mí₂ i₂'io₅ guia₃ cu₄ 'ua'₂,* nē₁jua'₂ ca₂i₃có'₅ caun₂, ¿tsa₁ téi₂ si₂, 'iá'₂ dse₃ lin₃ dsi₂néi₂, 'no'₂ ca₂lia'₂ ca₂dsó'₂?

9 Jē₁ma₂ca₂dsó'₂ ně₃, jmo₂₃ 'io'₂, ñí'₂ 'io₅₄ a₂mei₅₄ quiáin₅, i₂tián'₅ cau₅ quió'₅ ně₃, jaun₂ juá'₂: “Nē₃ o₁jmó₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂'ág₃ quió₃.”

10 Jaun₂ le₂nē₅ bá₄ juíg₂ jniá₂ 'nia'₂, chan₂ o₂'ñió₃ o₂jñia₃ dsi₅ ángeles quián₅ Diú₄ o₄quió'₄ jan₂ dsa₂ i₂rē₂cán'₄ dso₄, i₂ma₂ca₂dsi₃quén'₅ dsí₅.

Jág₁ jáng'₅ léi₄ jui₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

11 Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ñi'₅₄.

12 I₂lín₅ i₂me'₂ guě₄ ca₂tsí'₃ jmei₂: “Tia₅₄, cuě₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ ně₃ ca₂dsi₃' 'e₂ a₂cha₂ quió'₅, jma₃quén₅ ca₂cuě'₃ chi'₂ quiáin₅ con'₂ ca₂tiin₂.

13 Mei'₂ bá₄ cang₂ jaun₂, dsó₂ i₂me'₂ guě₄ qui₂ca₂'nag₃ a₂jme₁ma₂lě₅ quió'₅. Quian'₅₄ cu₄ jaun₂ ca₂'í₃ jui₅ i₁ñi₂ uíng₂ caun₂ 'uě₃ siá'₂. Ja₁jaun₂ ca₂i₁'éin₄ jē₂ cu₄ quió'₅, tsá₃ 'en₅₄ dsí₅ ca₂rē₃chán₃.

14 Jme₁ma₂dsó'₃ jē₂ cu₄ ně₃, 'nio₅ lin₃ ca₂rē₃'ín₃ a₂guě'₃ dsa₂ juíg₂ jaun₂. 'Éi₂ ně₃ ma₂ñi₂₃ 'oin₅₄.

15 Jaun₂ ñó₃ i₃'nióg₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi₂ ně₃ ca₂chei₃ ja₁nau₂ quió'₅ a₂ñi'₃ i₁ñi₅.

16 Jē₁ma₂tē₂ rē₁guě'₃ i₁ñi₅, ca₂lia'₂ ma₂le₃guě'₃ 'ñiog₅ cuá'₁ tsi₁rē₂jnei₂ a₂guě'₅ já'₂, la₁ 'i₁jan₂ tsá₃ 'ein₂ ca₂cuě₃ a₂guě'₅.

17 Jaun₂ ca₂i₃jñia₅ dsí₅: “i₂Tē₁lia'₂ jui₅ mozos i₂'nio₅ ñe'₃, cha₂ qui₂rē₂tsón₂ a₂guě'₅, jniá₂ ně₃ ja₁lá₃ jñig'₅ dsi₃ 'ong₅₄!

18 'Ag₅₄ caun₂ dsi₃, nég'₄ táng₃ dsi₂néi₂ quió'₅ ñe'₃. Juig₅₄ le₂la₂: Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂;

19 jñia'₅₄ tsá₃ ma₃ca₂tíng₂ a₂tē'₄ jniá₂ jón₃. La₁ jag₄ jniá₂ lia'₂ ja₁jñing'₅₄ jan₂ dsa₂ i₂tion₄ quiáng'₂ bá₄.

20 Jaun₂ ca₂nau₂ ca₂'í₃ jui₅ jón'₃ táng₃ quió'₅ jmei₂. La₁ uíng₂ bá₄ guě₄ jón'₅, jme₁ca₂jág₂ jmei₂. Ca₂tá'₂ néi₂ dsí₅, ca₂ñó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅.

21 Jaun₂ guě₄ ca₂juá'₂ ja₁ñi'₅₄: “Tia₅₄ quiáng₃, 'e₂ guě₄ juě'₂ dso₄ ca₂'no₃ ne₄ Diú₄ quian'₅₄ ja₁cong'₂; jñia'₅₄ tsá₃ ma₃ca₂tíng₂ a₂tē'₄ jniá₂ jón₃.”†

* 15:8 griego: dracma (co₂'nió'₄ 'lian'₅₄ dsa₂ co₂jmi₄ ta₁). † 15:21 A₂lin₅₄ chog₅₄ si₂ chi₁ton₅ le₂la₂ ján₃: “La₁ jag₄ jniá₂ lia'₂ ja₁jñing'₅₄ jan₂ dsa₂ i₂tion₄ quiáng'₂ bá₄.”

22 La₁ jmei₂ ně₃, ca₂tsí₃ dsa₂ i₂jme₂ti₃ ta₁ tion'₅₄ quiáin₅: “iMa₂ně₃ co₂chi'₅₄! O₂dsi₄ 'mi'₂ a₂lě₅ a₂dse₃ guě₄, queng'₅₄ chi'₂ quiáng₃; caun₂ guě'₂ anillo tio'₂ chi₁gú₃. Co₂dsán'₃ guě'₂ n₁lau₂ to'₅₄ 'nia'₂ tag₅₄;

23 Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jñí'₄ 'nia'₂. iJaun₂ que₅₄, tió'₄ jmó'₁ 'io'₂!

24 Ia₁ chi'₂ ně₅ quiáng₃, ně₂jag₄ i₂jme₁ma₂jon₅ bá₄ ně₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmíg₄ tioin'₅₄.

25 'Tē₁lia'₂ jaun₂, chi'₂ ja₁ñi'₅₄ i₂lín₅ i₂juin'₂ guě₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂.

26 Jaun₂ ca₂tě'₃ jan₂ dsó₂ ca₂ñag₃ 'e₂ niog₅ lě₂.

27 Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ ñéi'₅ ně₃ ně₂jmo₃ 'éi'₃ ně₂jñi'₃ dsa₂ ca₁jui₅ i₂jme₁chén'₄ 'on'₅₄, ia₁ guáin'₅, dsein₃ bá₄, tsá₃ 'e₂ lín₅.”

28 La₁ ca₂rě₃'né₃ bá₄ rñin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁.

29 La₁ 'éi₂ ně₃ ca₂ñag₃ ca₂tsí₃ jmei₂: “Ca₂le₃jě₃ ñi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmíg₄ quian'₅₄ a₂mei₅₄ quiáng₃.

30 Ně₃ guě₄ tñg'₂ jmó'₂ jmíg₄ ia₁ guán'₅ ja₁ñí'₄ ně₅, i₂lě₁qui₂i₁'én₄ cu₄ quiáng'₂, qui₂i₁ñi₂ lia'₂ lě₂ dsí₅ quian'₅₄ 'io₅₄ ga₂. Ně₃ ně₃, jmíg₄ jmo'₂ o₄quió'₄, jñíg'₅ ca₁jui₅ i₂'on'₅₄ guě₄ jme₁chén'₄.”

31 Jaun₂ ca₂ñag₃ jmei₂: “Jón₃, ma₁ co₂tan₅₄ bá₄ ñéi'₂ 'ne₂ quian'₅₄ jniá₂; a₂quián'₂ 'ne₂ bá₄ ca₂le₃jě₃ a₂cha₂ quió₃.

32 La₁ ně₃ ně₃ co₂ně₅ ca₂tág₂ jmó'₁ jmíg₄, quián₁ o₂'ñió₃ dsi₅, ia₁ guán'₅ ríng'₂, ně₂jag₄ i₂jme₁ma₂jon₅, la₁ ně₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ ju₁lia'₂ jan₂ dsa₂ i₂tsá₃ ca₂rě₃ti'₅₄

1 Ca₂juá'₂ Jesús ján₃ ca₂tsí₃ dsa₂ i₂quian'₅₄:

—Jme₁chan₂ jan₂ dsa₂ cha₂ cu₄ jme₁ñioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lě₁jme₁qui₂'én₂ 'éi₂ a₂cha₂ quió'₅ juig₅₄.

2 Jaun₂ ca₂tě₃ juig₅₄ ca₂juá'₂: “iL'e₂ bá₄ jág₁ ně₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂lín'₅, ia₁ ja₁lá₃ jñia'₃ ta₁ a₂niog₅ gog'₂.”

3 Jaun₂ dsa₂ 'éi₂ ně₃ ca₂'náu'₃ dsí₅: “iE₂ bá₄ jmo₅₄ jniá₂? Jñiá'₂ juig₃ ta₁ quió₃. Tsá₃ béng₂ jua'₅₄ jmo₅₄ ta₁ ja₁nau₂, ján₃ guě'₂ gui'₄ jniá₂ jua'₅₄ a₂lě₁mi₁₂ jme₃'o₅₄ dsa₂.

4 Ma₂guion₄ 'a₂ lia'₂ jmo₅₄ ia₁jaun₂ guei₃ dsa₂ sián'₂ dsi₂néi₂ quió'₅ jě₁ma₂tě₁tsing'₅₄ tsá₃ ta₁ cha₂ jmo₅₄.”

5 Jaun₂ ca₂tě₃ tě₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí₃: “iJe₂liá'₂ ríng'₂ quió'₅ gui'₅₄?”

6 Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄ * no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂ně₃ jmo₄ táng₃ caun₂ a₂siá'₂, tió'₃ jñia'₅₄ tě₂láu₃-guiá'₂ bá₄ taun'₅₄ a₂le₃ríng'₂.”

7 Jaun₂ ca₂tsí₃ táng₃ jan₂ i₂sián'₂: “Ne₂ guě'₂, iJe₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂ ca₂ñag₃: “Jón'₅ si₂ ja₁ton₅ a₂ríng'₂; jmo₄ táng₃ caun₂ a₂siá'₂ tió'₃ quén'₂ co₂ne₂guióg₂ bá₄ taun'₅₄.”

* 16:6 lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † 16:7 lit. “caun₂ 'ñiá₂-láu₂ korous míg₂ trigo”, (caun₂ 'éi'₃ a₂'éi₄ con'₂ gua₃ 'ma₂ le₂caun₂).

8 Juig⁵⁴ ně₃, rě₂ bá₄ ca₂ 'iin₃ dsa₂ i₂tsá₃ ca₂rě₃ti'⁵⁴ 'éi₂, ia₁ 'nioi⁵⁴ ca₂jmo₃. Ia₁ ja₂lin₃ guě₄ bá₄ 'nio⁵⁴ jui₁lia'₂ dsa₂ mi₂güig₃ jmi₄g₄ ně₃, lia'₂ con'₂ guě₄ chi'₂-guein₂ i₂nio₄ ja₁jniá₂ si₂.

9 Jaun₂ juig₂ jniá₂ 'nia'₂, 'nio'₂ 'nia'₂ jui₅ 'a₂ lia'₂ léng'₂ a₂mei⁵⁴ quian'⁵⁴ cu₄ cha₂ mi₂güig₃ 'lig'⁵⁴ la₂, ia₁jaun₂ jě₁ma₂ca₂dsa₃ cu₄, chan₂ bá₄ i₂le₃guéi'₂ 'nia'₂ ja₁o₁tiáng'₂ dse₃ co₂tan⁵⁴.

10 Jui₁lia'₂ i₂rě₂ti'⁵⁴ rě₂ quian'⁵⁴ ca₂juig₄ a₂tě₂no₄ gu₂, ján₃ bá₄ le₂jaun₂ rě₂ti'⁵⁴ quian'⁵⁴ 'lióng₂. Le₂jaun₂ guě'₂ jui₁lia'₂ dsa₂ i₂tsá₃ rě₂ti'⁵⁴ quian'⁵⁴ ca₂juig₄, ján₃ bá₄ le₂jaun₂ tsá₃ rě₂ti'⁵⁴ quian'⁵⁴ 'lióng₂.

11 Jaun₂ ně₃, ně₃jua'₂ tsá₃ rě₂ten'⁵⁴ 'nia'₂ quian'⁵⁴ cu₄ cha₂ mi₂güig₃ 'lig'⁵⁴ la₂, ě₂ein₂ bá₄ i₂lé₂ le₃ág₃ caun₂ dsí₅ ja₁con'₂ 'nia'₂ quian'⁵⁴ a₂lě₅ a₂quen₅ tě₃dsón'₂?

12 Ně₁jua'₂ tsá₃ rě₂ten'⁵⁴ 'nia'₂ quian'⁵⁴ a₂lě₅ quió'₅ dsa₂ sián'₂, ě₂ein₂ bá₄ dsia₃ gog'₂ 'nia'₂ jui₁lia'₂ a₂ca₂tín'₂ 'nia'₂ guiong'⁵⁴?

13 'I₁jan₂ dsa₂ i₂ma₂'lian'⁵⁴ tsá₃ lé₂ le₃jme₃ti₃ ta₁ ne₄ on₃ juig⁵⁴. Ia₁ jme₃'njai⁵⁴ jan₂, jan₂ guě'₂ jme₃'nioi₃; o₃ jme₂gain₃ jan₂, jan₂ guě'₂ tsá₃ jui₅ toin'₂. Tsá₃ 'ein₂ 'nia'₂ lé₂ le₃jme₃ti₃ lia'₂ ne₄ Diú₄, lia'₂ ne₄ Cu₄ ně₃.

14 Dsa₂ fariseos ně₃, jme₁tioin'⁵⁴ 'nag₂₃ jě₂ jág₁ ně₅. Jaun₂ njia'⁵⁴ ca₂nág₂ 'nei₂ bá₄ jme₁ca₂nág₂, ia₁ lín₅ dsa₂ i₂ní₄ dsí⁵⁴ cu₄.

15 Jaun₂ ca₂juá'₂ Jesús:

—'Nia'₂ jmo'₂ a₂dseng'₃ tě₃ne₄ dsa₂, la₁ cuí'₅ bá₄ Diú₄ dse₃ 'a₂ lia'₂ lě₅ 'au'₂ 'nia'₂. Ia₁ jui₁lia'₂ i₂jmo₅ dsí₅ a₂ní₄ lě₃ dsein⁵⁴ 'nio₅ quein₅, a₂jaun₂ 'io'⁵⁴ Diú₄.

'Éi'₃ Juá'₅, quian'⁵⁴ ja₁gon₂ Diú₄

16 'Jme₁ron₅ 'Éi'₃ Juá'₅, quian'⁵⁴ Si₂ quió'₅ dsa₂ i₂jme₁'ě₂ jág₁ quián₅ Diú₄, ca₂lia'₂ ca₂tě₂ jmi₄g₄ a₂jme₁chan₂ Juan⁵⁴. Ca₂le₃jaun₂ qui₂dsi₂'ag₅ jág₁ jui₁lia'₂ ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín'₅ bí₂ a₂tóin'₃.

17 Tsá₃ guě'₄ 'e₂ ta₁ quian₅ a₂dsi₃ní₂ dsí₁ guei'⁵⁴ quian'⁵⁴ gua'⁵⁴ 'uě₃, lia'₂ con'₂ guě₄ dsí₃'én₂ caun₂ léi₄ pí'₁ a₂le₁ton₅ 'Éi'₃, jua'⁵⁴ a₂tsá₃ le₃ti₃.

*Jme₂tag₅ Jesús 'a₂ lia'₂ lě₅ jui₁lia'₂ a₂tén₂ dsa₂ dsí₂i₂gu₂
(Mateo 19:1-12; Marcos 10:1-12)*

18 'Ně₁jua'₂ jan₂ dsa₂ nje'₂ ca₂téin₂ dsa₂ mí₂ quián₅, a₂jéin'₂ táng₃ gu₂ quian'⁵⁴ i₂sián'₂, 'no₂₃ dso₄. Ján₃ guě'₂ le₂jaun₂ ně₁jua'₂ dsa₂ nje'₂ ca₂cain₃ dsa₂ mí₂ i₂ma₂téi₂ dsí₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian'⁵⁴ Lázaro

19 'Jme₁chan₂ jan₂ dsa₂ cha₂ cu₄ i₂jme₁quí'₅ jmá'₃ tsin'⁵⁴ jlá'₁, quian'⁵⁴ 'mi'₂ 'uí'₃ a₂chein'⁵⁴ ta₁jain₂, ně₃. Le₂'o₃ jmi₄g₄ bá₄ jme₁cuě'₅ o₂'nio₃ o₂nja₃ dsí₅, jme₁jmo₂₃ jmi₄g₄ jlá'₁.

20 Jme₁chan₂ táng₃ jan₂ dsa₂ te₂ně₂ i₂jme₁chen₂ Lázaro,‡ i₂dso'⁵⁴ jme₁qui₂rě₂can'₂ 'mé'₅ ni₁ní₁₂. Jme₁dsí₂dsiog₃ dsa₂ o₄'né₄ quió'₅ dsa₂ cha₂ cu₄.

21 Dsa₂ te₂ně₂ 'éi₂ ně₃ jme₁'nio₃ jme₃tain'⁵⁴ quian'⁵⁴ a₂tsi₂séi'₂ ne₄ mesa. Ca₂tě₂ dsí₂jí'⁵⁴ jme₁ja₂lén₂ ja₂'lí'₃ ne₄ 'mé'₅ quió'₅.

22 Cang₂ jaun₂ ca₂jon₃ bá₄ dsa₂ dsí₂ně₂ 'éi₂, ca₂tág₃ ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ 'éi₂ ján₃. Ca₂'ó₂ bá₄ dsa₂ ně₃.

23 Jme₁ma₂'ein⁵⁴ nág₅ uig₅ ja₁dsi₁len₅ 'lag₄,§ ca₂chóg'₃ ne₅₄ ca₂jín₂ uíng₂ Abraham quian'⁵⁴ Lázaro cau₅ quió'₅.

‡ 16:20 Lia'₂ chen₂ Lázaro jein₅ jág₁, dsa₂ i₂jme₂'o₅₄ Diú₄. § 16:23 griego: hades, co₂'nió'₄ a₂juá'₂, ja₁quió'₄ 'lag₄.

24 Jaun₂ ca₂guió'₃ co₂mi'₅₄ ca₂juá'₂: “Tia₅₄ Abraham, dsia₄ n_{éi}₂ 'au'₂ jniá₂, chen₅ Lázaro n_é₅ jui₁tia₅₄ chi₁gú₃ né'₃ jmíg₃, jui₁jia₂ jme₃güig'₂ le₁tsi'₃. Ia₁ 'njo₅ lin₃ uig₅ n_{ag}₅₄ 'eng₅₄ j_è₄ si₂ la₂.”

25 Jaun₂ ca₂n_{ag}₃ Abraham: “Jón₃, dsá₂ 'au'₂ jmo₄, ca₂gue'₅₄ bá₄ 'ne₂ a₂dse₃ t_è₁lia'₂ ca₂r_è₃cháng'₃. Lázaro la₂ n_é₃, tsá₃ 'e₂ dse₃ ca₂r_è₃cháin₃. Jaun₂ r_è₂n_é₃ n_é₃ gue₂₃ lián'₂ chain₂ dse₃ ja₁lá₃. 'Ne₂ gué'₂ ma₂n_{ag}₅₄ uig₅ ja₁n_é₅.”

26 Ton'₂ j_i₅₄ n_{ei}₅ lin₃ l_è₅ j_è₄ quián₂ jniog₄, jaun₂ tsá₃ 'ein₂ lé₂ le₃n_í₃ t_è₂le₃ n_é₅, on₃ gué'₂ i₂tion'₅₄ ja₁n_é₅ lé₂ n_í₃ le₃la₂.”

27 Jaun₂ ca₂n_{ag}₃ táng₃: “M_i₅ jniá₂ ne'₅₄ jaun₂, tia₅₄, a₂dsiang'₅₄ i₂n_é₅ ds_i₃con₅₄ jág₁ dsau₅ ds_i₂n_{éi}₂ quió'₅ n_e'₃,

28 ia₁ 'n_i_á₂ chi'₂ ríng'₃ i₂chan₂ gué'₄, ia₁jaun₂ tsá₃ ja₃n_{ag}₅₄ uig₅ ja₁lá₃.”

29 Jaun₂ ca₂n_{ag}₃ táng₃ Abraham: “I₂ma₂rón'₅ si₂ bá₄ ó₃ ca₂quiog₂ Moisés quian'₅₄ ds_a₂ i₂jme₁'_è₂ jág₁. ¡Jui₁tion'₅₄ jui₅ a₂juá'₂ 'éi₂!”

30 Jaun₂ ca₂n_{ag}₃ táng₃: “Jan₂'ón₄, tia₅₄ Abraham, ia₁ n_é₁ca₂dsián'₂ jan₂ 'lag₄ ds_i₁con₃ jág₁, ds_i₃quén'₅ bá₄ ds_i₅.”

31 La₁ ca₂n_{ag}₃ táng₃ 'éi₂: “Chi₂jua'₂ tsá₃ n_{ag}₅ gau₂ a₂juá'₂ Moisés, quian'₅₄ ds_a₂ i₂jme₁'_è₂ jág₁ quián₅ Diú₄ n_é₃, ján₃ bá₄ le₂jaun₂ tsá₃ 'e₂ gau₂ n_{ag}₃ o₁j_nia'₅₄ la₂ ca₂jen'₅₄ jan₂ 'lag₄ ds_i₁con₃ jág₁.”

17

A₂go'₂ n_é₁jua'₂ 'ein₂ ca₂tian'₃ dso₄
(Mateo 18:6-7, 21—22; Marcos 9:42)

1 Ca₂juá'₂ Jesús ca₂tsí'₃ ds_a₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ ds_a₂. ¡La₁ 'e₂ gué'₄ juíg₂ jui₁lia'₂ ds_a₂ i₂'uin₄ a₂ds_i₂gan'₅₄ riin'₅₄!

2 Ja₂lin₃ gué'₄ dse₃ jua'₅₄ tón₂ ds_a₂ ne₄ jmi₁n_í₄ chi₁quein₅ ni₁to₂ ds_i₂lag₅₄, lia'₂ con'₂ gué'₄ jmo₃ tián'₃ dso₄ jan₂ ds_a₂ ds_i₂n_é₂ la₂.

3 T_è₃n_i₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ m_i'₅₄, jéin₃. N_è₁jua'₂ ca₂jme₃tsín₃ ds_i₅, 'én₃ dsáu₁.

4 O₁j_nia'₅₄ guio₃ ráun₂ n_é₂jmóg'₂ m_i'₅₄ co₂jmíg₄, n_è₁jua'₂ guio₃ ráun₂ ca₂já₃ ne'₅₄, juá'₂: “Tsá₃ ma₃jmo₅₄”, 'én₃ dsáu₁.

B_í a₂'io₅ a₂'én₂ ds_a₂

5 Ca₂juá'₂ chi'₂ ds_i₂guia₃-tín₂ ca₂tsí'₃ Te₁gui'₅₄:

—Jmo₄ jui₁le₂'éin₂ gué'₄ jnia'₅₄.

6 Jaun₂ ca₂n_{ag}₃ táng₃ Te₁gui'₅₄:

—Tsá₃ a₂n_{ag}₅₄ j_nia'₅₄ con'₂ tí₅ ca₂míg₂ m_i2jon₂ quió'₅ ni₁'ma₂ mostaza* bá₄ 'én'₂ 'nia'₂, lé₂ le₃juig'₅₄ ni₁'ma₂ sicómoro† chí'₅ n_é₅, “J_niag'₃ ja₁n_é₅, O₂nau₂ ne₄ jmi₁n_í₄”, le₂jaun₂ dsón'₂ lé₂ bá₄.

'A₂ ca₂tín₂ jmo₃ ds_a₂ i₂jme₂ti

7 'Jua'₅₄ mei'₂ gué'₃ jan'₂ 'nia'₂ chan₂ jan₂ ds_a₂ i₂jmo₅ ta₁ ja₁nau₂ quió'₅, o₃ jmo₂₃ 'í₂já'₂ cha'₂ 'e₂, jua'₅₄ mei'₂ gué'₃ ma₂guáin'₅ ja₁nau₂, ¿O₃ bá₄ juíg'₂ 'nia'₂: “N_i₅₄ i₂n_é₂ jaun₂ què'₅₄”?

8 Ma₁ tsá₃ le₂jaun₂. ¿O₃ juig'₂ le₂la₂ 'e₂: “jmo₄ co₂j_nia₅₄ a₂gué'₅₄, jmo₄ co₂j_nia₅₄ quiáng'₂, jaun₂ n_{ag}₅₄ ds_i_á₁ quió₃. Ca₂lia'₂ j_è₁ma₂ca₂l_è₃ gué'₂, guí'₂ n_é₃, jaun₂ gué'₄ què'₅₄, 'ag'₅₄ 'ne₂”?

9 ¿Cué'₅ ti₁'mag'₄ ds_a₂ 'éi₂ ia₁ jme₃ti₃ con'₂ l_è₅ a₂t_è₁n_{éi}₂? Jan₂'ón₄.

* 17:6 mostaza: On₃jua'₅₄ m_i,jáng'₅ a₂cuí'₅, ds_a₂ go₄ jniog₄; caun₂ ni₁'ma₂ dsón'₂ jaun₂ a₂t_è₂ t_è₅sí, Brassica nigra. † 17:6 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

10 Le₂në₅ bá₄ 'nia'₂ ján₃, jë₁ma₂ca₂lë₃ jmo'₂ ca₂le₃jë₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃ 'e₂ ta₁ téi₄ jnia'₅₄ ja₁cong'₂, ia₁ tsá₃ 'e₂ ñag₅₄ jua'₅₄ në₂jmó₁ jnia'₅₄, jñia'₅₄ con'₂ a₂ca₂tág₂ jnia'₅₄ jmó₁ bá₄ në₂jmó₁.”

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

11 Con'₂ siá'₂, ca₂í₃ táng₃ Jesús jui₅ a₂dsióg₄ Jerusalén, qui₂ca₂ñi₅ le₂tan₅₄ 'uë₃ Samaria quian'₅₄ Galilea.

12 Jme₁ca₂dsióg₃ caun₂ juig₂ bë'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús.

13 Ca₂juá'₂ tiá₂:

—jJesús, Të₅, dsia₄ ñéi₂ 'au'₂ jnia'₅₄!

14 Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁jnia₅ ne₄ jme₂dsa₂.

Jë₄ i₂lén₂ jaun₂ bá₄, ca₂jñia₃ 'mé'₅ a₂jme₁lín₄.

15 Jaun₂ në₃ jan₂ 'éi₂, jme₁ca₂rë₃lí₄ ca₂jñia₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mí₅₄.

16 Ca₂tóin₂ 'uë₃ cau₅ mi₂tag₄ Jesús, cuë₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

17 Jaun₂ ca₂juá'₂ Jesús:

—¿On₁jua'₅₄ guian₃ lë₂ i₂ca₂'lón₂? ¿Na₅ guë'₂ i₂ñi₃ 'éi₂?

18 ¿Jan₂ dsí₂nau₂ la₂ bá₄ i₂jón'₅ jme₂juin'₂ Diú₄?

19 Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

*'A₂ lia'₂ lé₂ i₂guá'₂ 'éi'₃ quió'₅ Diú₄
(Mateo 24:23-28, 36—41)*

20 Jaun₂ ca₂ñag₃ dsa₂ fariseos ca₂ñi'₃ Jesús líg'₂ guá₂ jmig₄ a₂le₃gon₂ Diú₄. Jaun₂ ca₂ñag₃ 'éi₂:

—On₃jua'₅₄ a₂cha₂ léi₄ a₂rë₂jniá₂ guá₂ 'éi'₃ quió'₅ Diú₄.

21 Jaun₂ tsá₃ 'ein₂ lé₂ le₃juá'₂, jua'₅₄ “ñí₂ ja₁lá₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

22 Jaun₂ ca₂tsí'₃ táng₃ chi'₂ dsí₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güig₃, la₁ tsá₃ jaun₂ të₅₄ ne'₅₄ 'nia'₂.

23 Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guë'₂ jui₁le₂'én'₂ 'nia'₂ quió'₅ i₂juá'₂ le₂në₅.

24 Ia₁ jui₁lia'₂ të₂tsí'₅₄ si₁ñí'₃ ca₂taun₂ ca₂taun₂ guei'₅₄ mi₂güig₃, le₂jaun₂ bá₄ lé₂ jë₁ma₂të₂ rë₁të₃tsin'₅₄ Jaun₅ dsa₂ mi₂güig₃.

25 La₁ jñiá₅ de'₂ ca₂tín₂ ñág₃ uig₅ 'ñio₅ lín₃, jme₃'iog₅₄ dsa₂ chan₂ jmig₄ në₃.

26 Ia₁ jui₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güig₃.

27 Ia₁ jme₁tion'₅₄ dsa₂ 'éi₂ jmig₄ jaun₂ qui₂guë'₅, qui₂'ín'₂ në₃, jme₁qui₂jéin'₂ gu₂, qui₂cuin₂₃ chi'₂ quiáin₅ a₂jéin'₂ gu₂, ca₂lia'₂ jme₁ca₂dsióg₃ jmig₄ i₁ca₂'í₃ Noé 'ñió'₃ ni₁barco, a₂ca₂can'₂ rë'₂ jmig₄ ta₁caun₂ mi₂güig₃, ca₂i₃'én₂ ca₂le₃jín₃.

28 Le₂në₅ bá₄ ca₂lë₃ ján₃ jmig₄ quió'₅ Lot. Jme₁tion'₅₄ dsa₂ qui₂guë'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmóg'₅ 'ne₄ në₃.

29 La₁ jme₁ca₂dsióg₃ jmig₄ a₂o₂'ín₃ Lot juig₂ Sodoma, a₂ca₂tang₂ rë'₂ si₂, ca₂séi'₂ ni₁cang₁ azufre le₂guí'₂ si₂ guei'₅₄, ca₂i₃'én₂ táng₃ ca₂le₃jín₃.

30 Le₂jaun₂ bá₄ lé₂ táng₃ jmig₄ i₁jme₃jnia₅ Jaun₅ dsa₂ mi₂güig₃.

31 Jm_{ig}₄ jaun₂, chi₂jua'₂ 'ein₂ 'en₅₄ co'₅₄ 'ne₄, jui₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uě'₃ a₂jaun₂. Ján₃ bá₄ le₂jaun₂ jui₁lia'₂ i₂'en₅₄ ja₁nau₂, tsá₃ ma₃o₁jñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅.

32 Dsá₂ 'au'₂ 'nia'₂ jmo₄ 'e₂ ca₂i₃ñí₂ 'io₅₄ quián₅ Lot.

33 Ia₁ jui₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ jui₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

34 Juá'₅ jniá'₂, 'uě₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guě'₂ i₂tě₃'ñiá₄.

35 Ján₃ guě'₂ le₂jaun₂, on₃ dsa₂ mí₂ i₂tion'₅₄ éi'₅ co₂lě₅; jan₂ i₂dsi₃lén₃, jan₂ guě'₂ i₂tě₃'ñiá₄.‡

37 Jaun₂ ca₂ñag₃ dsa₂:

—¿A₂já'₄ bá₄ lé₂ a₂ně₅, Te₁gui'₅₄?

Jaun₂ ca₂ñag₃ táng₃ 'éi₂:

—Jui₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ juě₄

1 Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tñin₂₃ dsa₂ a₂ca₂tñin₂ chi₃lén'₂ Diú₄ tián₂, tsá₃ o₁'ú'₄ dsí₅.

2 Ca₂juá'₂ le₂la₂:

—Caun₂ juig₂ jme₁guá₄ jan₂ juě₄ i₂tsá₃ Diú₄ gan₃, on₃ guě'₂ dsan₂ dsí₅ dsa₂ mi₂güig₃ ně₃.

3 Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jñin₅₄ juě₄ 'éi₂, jme₁ja₂jua'₅₄: “Jme₁rě₂ jág₁ quió₃, qui₂dsi₅ 'éi'₃ quió'₅ dsa₂ i₂j_móg'₂ jniá₂.”

4 Uě₂ bá₄ tsá₃ jui₅ tón'₂ 'éi₂ jua'₅₄ jme₁rě₃. La₁ cang₂ bá₄ ca₂i₃ñia₅ dsí₅: “O₁jñia'₅₄ la₂ tsá₃ Diú₄ gáng₅, on₃ guě'₂ dsa₂ mi₂güig₃ dsan₂ dsí₃ ně₃,

5 la₁ia₁ 'uig₅₄ a₂ñí₄ lě₃ cuě₅ o₂me'₅₄ dsi₃ 'io₅₄ 'nág₂ ně₅, qui₁dsi₅ jniá₂ co₂ñei'₅₄ 'éi'₃ o₄quió'₄, con'₂ tsá₃ ñó₅ ně₁jua'₂ caun₂ le₂ně₅ ñi₃, jmo₃ dsi₃mé'₂ dsi₃.”

6 Jaun₂ ca₂juá'₂ Te₁gui'₅₄:

—Ñí₂ rě₂ a₂juá'₂ juě₄ 'lín'₅₄ 'éi₂.

7 ¿Tsa₁ lín'₂ 'nia'₂, jme₁rě₃ bá₄ Diú₄ 'e₂ a₂mi₅ dsa₂ i₂rě₂quion'₅₄ quián₅ i₂qui'₂- 'áu'₂ ca₂nei₂ ca₂jñia₃? ¿Tsa₁ lín'₂ 'nia'₂ caun₂ juin'₂ dsí₅ bá₄ quiong'₅₄?

8 Juig₂ jniá₂ 'nia'₂, dsi₂jui₅ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jē₁ma₂tě₂ rē₁guan'₂ Jaun₅ dsa₂ mi₂güig₃, ¿dsiain'₂ bá₄ guě₄ dsa₂ 'én₂ ne₄ gua'₅₄ 'uě₃?

Jág₁ jáng'₅ léi₄ jui₁lia'₂ on₃ dsa₂: jan₂ dsa₂ fariseo, jan₂ guě'₂ dsa₂ i₂mi₅ 'lia'₅₄ a₂ca₂tñin₂ dsi₂tan₅₄

9 Ca₂juá'₂ Jesús caun₂ jág₁ jáng'₅ léi₄ a₂ca₂tñin₂ con'₂ i₂lín₂ lín₅ dsa₂ dsen₃, tsá₃ dsáu₅ dsí₅ riin'₅₄ sián'₂. Ca₂juá'₂:

10 —On₃ dsa₂ ca₂l₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guě'₂ i₂jme₁lín₄ ta₁ i₂mi₅ 'lia'₅₄ a₂ca₂tñin₂ dsi₂tan₅₄.

11 Dsa₂ fariseo ně₃, tē₃ chéin'₅ bá₄ chi₂lí'₂ con'₂ 'ñiog₅, ca₂juá'₂ le₂la₂: “Cuě₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ jui₁lia'₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, ca₂lia'₂ jñia'₅₄ lia'₂ lín₅ dsa₂ i₂mi₅ 'lia'₅₄ ně₅, tsá₃ líng₅.

12 Jme₂'ing₅₄ ně₃ tñin₃ ráun₂ lia'₂ caun₂ semana, ton'₂ cuě₅ bá₄ jniá₂ caun₂ qui'₅₄ a₂guia₃ quió₃, jē₂ con'₂ a₂lág₂.”

‡ 17:35 Chog₅₄ si₂ a₂gui'₅₄ guě₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guě'₂ i₂tě₃'ñiá₄.”

13 La₁ dsa₂ i₂mi₅ 'lia'₅₄ 'éi₂ guë'₂ ně₃, uíng₂ bá₄ chéin'₅, ca₂lia'₂ njia'₅₄ ne₅₄ bá₄ tsá₃ tiá₂ dsí₅ chóg'₃ guei'₅₄. Njia'₅₄ con'₂ qui₂quein₂₃ le₁dsí₅ bá₄ chéin'₅, juá'₂: “Diú₄ quiáng₃, dsia₄ nēi₂ 'au'₂ jniá₂ ia₁ rē₂cáng'₄ dso₄.”

14 Jaun₂ juíg₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rē₂ tē₂tsin'₅₄ ne₄ Diú₄ nái'₅ quió'₅, lia'₂ con'₂ guë'₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guë'₂ ně₃, roin'₂ guei'₅₄.

Ca₂jme₃gon'₅₄ Jesús chi'₂-guein₂
(Mateo 19:13-15; Marcos 10:13-16)

15 Co₂ráun₂ guë'₂, qui₂ca₂o₃njia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi'₂ dsi₂guia₃-tín₂ jme₁ca₂jág₂.

16 Jaun₂ ca₂tě'₃ Jesús guein₂, jaun₂ ca₂tsí'₃ chi'₂ dsi₂guia₃-tín₂:
—Cuë₄ 'nia'₂ jmig₄ ja₃lén₂ chi'₂-guein₂ ja₁cong₂; tsá₃ lē₁jni'₅₄ jui₅. Ia₁ jui₁lia'₂ i₂le₂nē₅ bá₄ guë'₂ i₂tín₃ ja₁gon₂ Diú₄.

17 A₂dsi₂jó'₃ juíg₂ jniá₂ 'nia'₂, dsa₂ i₂tsá₃ gue₅ ja₁gon₂ Diú₄ jui₁lia'₂ gue₅ jan₂ i₂bē'₅₄, o₁líg'₂ jmig₄ tsá₃ 'í₂ ja₁jaun₂.

Jan₂ dsó₂ chi'₂ i₂cha₂ cu₄ ca₂dsia₃ jág₁ quian'₅₄ Jesús
(Mateo 19:16-30; Marcos 10:17-31)

18 Jan₂ i₂lín₅ dsa₂ dsen₅₄ ca₂ní'₃ Jesús:

—Tē₅ dsen₃, ě'₂ bá₄ 'nió'₅ jmo₅₄ jniá₂ ia₁jaun₂ tīng₅₄ ja₁le₃chang₂ co₂tan₅₄?

19 Jaun₂ ca₂ḡag₃ Jesús:

—ě'₂E₂ lē₃ quióng'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, njia'₅₄ lia'₂ jan₂ Diú₄ bá₄.

20 Tīng'₂ bá₄ 'Éi'₃ Juá'₅: “Tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ njíg'₄ dsa₂ mi₂güí'₃ ríng'₂; tsá₃ 'áng'₁; tsá₃ jmó'₂ dsáu₁ ríng'₂ quian'₅₄ jág₁ tē₂jág₁; jme₁gang'₃ chog'₂-nēi'₅.”

21 Ca₂ḡag₃ 'éi₂:

—Lia'₂ con'₂ bin'₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi'₃ ně₅.

22 Jme₁ca₂nág₂ Jesús a₂nē₅, jaun₂ ca₂juá'₂:

—'Nió'₅ bá₄ guë'₄ caun₂ quiáng'₂: 'nag₄ ca₂le₃jě₃ a₂cha₂ quiáng'₂. Jaun₂ dsio'₅₄ quió'₅ dsa₂ te₂nē₂. Jaun₂ guë'₄ le₃cha₂ 'lióng₂ quiáng'₂ guei'₅₄ i₂juíg₃. Jaun₂ njia₅ chi₁co'₅₄ quió₃ o₁ló₄.

23 La₁ jme₁ca₂nág₂ dsa₂ 'éi₂ jág₁ ně₅, ca₂tá'₂ 'lia'₂ dsí₅ 'njio₅ lín₃, ia₁ 'njio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá'₂:*

—ě'₂E₂ guë'₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄!

25 Ja₂lín₃ guë'₄ tsá₃ ta₁ quian₅ a₂lé₂ le₃nj₅ jan₂ camello jui₅ tau₂ mi₂cu₄, lia'₂ con'₂ guë'₄ jan₂ dsa₂ cha₂ cu₄ nj₅ 'í₂ ja₁gon₂ Diú₄.

26 Jme₁ca₂nág₂ dsa₂ i₂tión₂ jě₄ jaun₂, ca₂juá'₂:

—ě'₂I₂'ein₂ bá₄ guë'₂ i₂tín'₄ jaun₂?

27 Jaun₂ ca₂juá'₂ táng₃:

—Ca₂le₃jě₃ a₂tsá₃ qui'₅₄ jmig₄ dsa₂ mi₂güí'₃ jmo₃, Diú₄ lé₂ le₃jmo₃.

28 Jaun₂ ca₂juá'₂ Pe₄:

—Te₁gui'₅₄, ma₁ njia'₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

29 Jaun₂ ca₂ḡag₃ táng₃:

—A₂dsi₂jó'₃ juíg₂ jniá₂ 'nia'₂, 'i₁jan₂ tsá₃ jua'₅₄ a₂lē₁táun₂ 'ne₄, téin₂ chog₅₄-jmei₂, o₁r₁in'₅₄, dsa₂ mí₂, chi'₂-guein₂ quiáin₅ ně₃, o₄quió'₄ ja₁gon₂ Diú₄,

* 18:24 A₂lín₅₄ chog₅ si₂juá'₂: “jme₁ca₂jág₂, Jesús chén'₅ dsa₂ 'éi₂ 'lia'₂ dsí₅, ca₂juá'₂.”

30 jua'₅₄ tsá₃ gue₃ tson₂ guě₄ ne₄ gua'₅₄ 'uě₃ la₂, ton'₂ le₃chain₂ dse₃ co₂tan₅₄ mi₂güig₃ caun₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)

31 Jaun₂ ca₂tě'₃ Jesús cau₅ jmá'₃ lia'₂ chi'₂ dsi₂guia₃-tín₂ quián₅, jaun₂ ca₂juá'₂:
—Ně₃ guě₄ ně₃ ca₂tě₂ jmig₄ a₂dsau₅₄ juig₂ Jerusalén, ja₁niog₅ le₃ti₃ ca₂le₃jě₃
con'₂ lě₅ ca₂tó'₂ dsa₂ i₂'ě₂ jág₁ quián₅ Diú₄ ne₄ si₂, a₂'in₂₃ Jaun₅ dsa₂ mi₂güig₃.

32 Jáng'₂ dsa₂ o₄gú₃ dsi₂nau₂, ja₁lě₁co₃jmóg'₂ dsa₂, qui₃tě₃'o'₂ dsa₂, a₂qui₃'ňéi₂
dsa₂ ně₃.

33 Jaun₂ jě₁ma₂ca₂lě₃ bóg₂, jaun₂ guě₄ jňag'₃. La₁ jě₁ma₂ca₂tě₂ 'ni₅ jmig₄, jěin'₅₄
bá₄ táng₃.

34 La₁ 'éi₂ ně₃, tsá₃ 'e₂ ca₂ňí'₂ 'i₁caun₂ jág₁ ně₅, ia₁ lě₅ jág₁ a₂rě₂'ma₄ bá₄ guě₄
ja₁coin₂, tsá₃ jěin₅ dsí₅ 'e₂ jaun₂.

Ca₂jme₃'lión₂ Jesús jan₂ dsa₂ ten₄ juig₂ Jericó
(Mateo 20:29-34; Marcos 10:46-52)

35 Con'₂ jme₁ma₂ja₂quián₃ dsióg₄ Jesús juig₂ Jericó, jme₁guá₄ jan₂ dsa₂ ten₄
cau₅ juí₅, mi₂₃ a₂jme₃'o₅₄ dsa₂ cu₄.

36 Jme₁ca₂nág₂ a₂qui₂ca₂ňí₅ juin₅ dsa₂, jaun₂ ca₂ňag₃ 'e₂ niog₅ lě₂.

37 Jaun₂ ca₂juá'₂ dsa₂:

—Jesús chan₂ Nazaret bá₄ ně₅ já₅.

38 Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:

—jJesús, tsi₁jon₂ David, dsia₄ ňéi₂ 'au'₂ jniá₂!

39 Ca₂jí₂ bá₄ dsa₂ i₂ja₂lén₂ ne₄ juí₅ ia₁jaun₂ jmo₃ tei₄, la₁ tē₂le₃ lě₅ guě₄
qui₂ca₂'á'₂ bá₄ 'ein₅₄, ca₂juá'₂:

—j'Ne₂ tsi₁jon₂ David, dsia₄ ňéi₂ 'au'₂ jniá₂!

40 Ca₂nau₂ Jesús, jaun₂ ca₂jmo₃ 'éi'₃ a₂dsi₃qui₃ón₂ dsa₂. Jme₁ca₂dsióg₃ cau₅
quió'₅, jaun₂ ca₂ňag₃ Jesús:

41 —¿'E₂ 'niog'₂ jmo₅₄ jniá₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá₂ 'nio₃.

42 Jaun₂ ca₂juá'₂ Jesús:

—jGue₄, juí₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

43 Dsi₂juí₅ jaun₂ bá₄ ca₂jnia₃ mi₂ne₅₄. Jaun₂ ca₂ňó₃ chi₁co'₅₄ quió'₅, jme₂juin'₂
Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ já₃.

19

Jesús quian'₅₄ Zaqueo

1 Ca₂'í₃ Jesús juig₂ Jericó. Jaun₂ jme₁ma₂ňó₅ jě₄ juig₂,

2 ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅
dsa₂ i₂cán₂ 'lia'₅₄ quián₅ dsi₂tan₅₄.

3 'Éi₂ ně₃, jme₁'no'₂ juí₅ jín₂ 'ein₂ 'éi₂ Jesús. La₁ tsá₃ lě₂, ia₁ a₂ňí₄ lě₃ juin₅ dsa₂
tion'₅₄. Ia₁ jan₂ dsa₂ 'on'₂ bá₄ 'éi₂.

4 Jaun₂ ca₂ňó₃ co₂chi'₅₄ le₃ne₄ juí₅, ca₂uí₂ guei'₅₄ caun₂ ni₁'ma₂ sicómoro,* ia₁
'nio₃ jín₂ Jesús, ia₁ juí₅ jaun₂ jme₁ňí₃.

5 Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁jnia₁₂ ně₃.

6 Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

* 19:4 sicómoro: me'₂ tsá₃, ni₁'ma₂ Ficus sycomorus. 'Nio'₂ ja₁ton₅ Amós 7:14.

7 Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsáu₁ bá₄ ηó₅ i₂ηia₅₄.

8 Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió'₃, cué₄ dsa₂ te₂ηé₂. Ján₃ guě'₂ le₂jaun₂ chi₂jua'₂ 'ein₂ quió'₅ ma₂'ang₃ a₂ju₁gang₂, jii'₅₄ táng₃ jniá₂ quén₂ ráun₂ lě₅ guě₄ co₂jaun₂.

9 Jaun₂ ca₂juá'₂ Jesús:

—Jm₁g₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham.

10 Ta₁ ně₅ já₅ bá₄ Jaun₅ dsa₂ mi₂güig₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ ju₁lia'₂ guia₃ 'éi'₃ cu₄ 'ua'₂

(Mateo 25:14-30)

11 Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsióg₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄.

12 Jaun₂ ně₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ηó₃ caun₂ juig₂ úing₂ ja₁'ag₃ dsa₂ a₂lén₂ rag₅₄, jaun₂ guě₄ jnió'₂ táng₃.

13 La₁ né'₃ a₂o₃'iin₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmig₄ i₁guang'₂ táng₃.”

14 La₁ dsa₂ go₅₄ ně₃ ca₂rě₃ 'iog₅₄, ca₂chein₃ co₂nió'₃ dsa₂ ca₂i₂chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂ně₅ jě₄ quián₂.”

15 La₁ tion'₅₄ bá₄ ca₂lín₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tě'₃ dsa₂ i₂jme₂ti₃ quián₅ i₂ca₂cuě'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tě₁dsi₅₄ quió'₅ le₂jain₂ le₂jain₂.

16 Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con'₂ guě₄ guia₃ co₂jaun₂ ma₂tě₁dsi₅₄ cu₄ mina quiáng'₂.”

17 Jaun₂ ca₂tsí'₃ 'éi₂: “E₂ guě₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Ně₃ ně₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.”

18 Jaun₂ ca₂guan₃ táng₃ i₂ca₂tě₂ on₃, ca₂juá'₂: “Gui'₅₄, 'ñiá₂ guě₄ co₂jaun₂ ma₂tě₁dsi₅₄ cu₄ mina jaun₂ quiáng'₂.”

19 Le₂jaun₂ bá₄ ca₂tsí'₃ i₂'éi₂ ján₃: “Ne₂ guě'₂ jmó'₂ 'éi'₃ ne₄ 'ñiá₂ juig₂.”

20 Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁gui₄.

21 A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, tě₂le₃ dséi₂ mág'₂ quiáng'₂. Ia₁ cáun'₂ ja₁tsá₃ 'e₂ ca₂qui₁dsag'₂ 'ñiag'₂, ton'₂ cag'₅₄ ja₁tsá₃ 'e₂ ca₂jñí'₂.”

22 Jaun₂ ca₂ηag₃ táng₃ 'éi₂: “i'E₂ bá₄ tsá₃ ta₁ téng'₄! Lia'₂ con'₂ lě₅ jág₁ quiáng'₂ qui₁dsi₅ jniá₂ 'éi'₃. Chi₂jua'₂ ma₂ñi'₅₄ líng₅ dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag'₂ 'ñió₃, ton'₂ cag'₅₄ ja₁tsá₃ 'e₂ ca₂jan₃,

23 ¿'E₂ 'uig₅₄ tsá₃ ca₂i₁tio'₂ banco cu₄ quió'₃ jaun₂ ně₃, ia₁jaun₂ jě₁ma₂guáng'₅ la₂, jme₁guéi'₄ lia'₂ jma₃quian'₅₄ a₂tě₁dsi₅₄?”

24 Jaun₂ ca₂tsí'₃ i₂jme₁tió₂ cau₅: “Jñiá'₃ 'nia'₂ cu₄ mina a₂chan'₂ i₂ně₅. Cuě'₅₄ i₂'io₅ guia₃.”

25 Jaun₂ ca₂juá'₂ 'éi₂: “Gui'₅₄, ma₁ ma₂'io₅ bá₄ i₂ně₅ guia₃ minas.”

26 Jaun₂ ca₂ηag₃ rag₅₄: “A₂dsi₂jó'₃ juig₂ jniá₂ 'nia'₂, ca₂le₃jín₃ ju₁lia'₂ i₂ma₂le₁'io₅, ηei₂ guě₄; la₁ i₂tsá₃ 'e₂ qui₁dsag'₂, ca₂tě₂ a₂jme₁ma₂niog₅ gu₂, co₂ñei'₅₄ jñia'₃.

† 19:13 mina: co₂'nió'₄ 'lian'₅₄ dsa₂ con'₂ 'ni₅ tsi'₂ ta₁.

27 La₁, jui₁lia'₂ dsa₂ i₂'iog₅₄ i₂tsá₃ 'ŋio₂ dsí₅ gua₅₄ jmo₅₄ 'éi'₃ ja₁coin₂, o₂quiain₅ 'nia'₂ ja₁lá₃, jaun₂ jme₁dsiain'₂ 'nia'₂ ne₃.”

Ca₂dsióg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

28 Jme₁ca₂dsan₃ tsí'₅ dsa₂ le₂nē₅, ca₂'ág₂ táng₃ ne₅₄ jui₅, ca₂uíg₂ tso₄ a₂dsióg₄ Jerusalén.

29 Jme₁ma₂ja₂quián₃ dsióg₄ juig₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsi₂guia₃-tín₂ quiain₅.

30 Ca₂juá'₂:

—O₂nó'₅ 'nia'₂ juig₂ niog₅ 'ŋo'₅₄ ó₃. Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rē₂'ŋe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂ jaun₂ tē'₅₄ ja₁lá₃.

31 Nē₁jua'₂ 'ein₂ ca₂ŋag₃ 'e₂ lē₃ tsin'₅₄, jaun₂ juig₅₄: “Ia₁ 'niói'₅ quió'₅ Te₁gui'₅₄.”

32 Ca₂i₃lén₂ bá₄ guē'₂ i₂chen₄ 'éi₂ ně₃. Ca₂lē₃ rē'₂ lia'₂ con'₂ lē₅ jág₁ jaun₂.

33 Jme₁ma₂tioin'₅₄ chéin'₂ bú'₄, ca₂juá'₂ juig₅₄ já'₂:

—¿'E₂ 'uíg₅₄ tsin'₅₄ 'nia'₂ bú'₄?

34 Jaun₂ ca₂ŋag₃:

—Ia₁ 'niói'₅ quió'₅ Te₁gui'₅₄.

35 Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi'₁mi'₂ mi₂ca'₄ dsi₂bú'₄, jaun₂ guē'₄ ca₂dsiain₃ Jesús guei'₅₄.

36 Le₃ne₄ jui₅ ja₁ŋó₄ Jesús, qui₂ca₂já₃ dsa₂ 'mi'₂ le₂'i₄ jui₅.

37 Con'₂ jme₁ma₂ja₂quián₃ jein₅₄ Má'₂ Olivos, ca₂jme₁lióg₃ ca₂le₃jín₃ dsa₂ i₂quiain₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂ Diú₄ ně₃, o₄quió'₄ ca₂le₃jě₃ ju₅bí₂ a₂ma₂jmo₃ Jesús, a₂qui₂ma₂tě₂ ne₅₄.

38 Ca₂juá'₂:

—jui₁le₂juin'₂ bá₄ Rag₅₄ ně₅ i₂já₅ o₄quió'₄ Te₁gui'₅₄! jui₁'ei₅ bá₄ tei₄ guei'₅₄ i₂juig₃! jui₁le₂juin'₂ bá₄ Diú₄ le₂tan₅₄ ja₁ŋei₅ ně₃!

39 I₂lin₅₄ dsa₂ fariseos i₂tion'₅₄ jē₄ jaun₂ ca₂juá'₂:

—Tē₅, jén₃ dsa₂ i₂quiang'₅₄.

40 Jaun₂ ca₂ŋag₃ Jesús:

—Juig₂ jniá'₂ 'nia'₂, jua'₅₄ mei'₂ guē'₃ dsi₂lén₂ i₂nē₅ tei₄, ni₁cang₁ guē'₂ tó'₃ mi'₅₄.

41 Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂,

42 ca₂juá'₂:

—jui₁lia'₂ bá₄ ŋí'₂ 'au'₂ 'nia'₂ jmi₃g₄ ně₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂.

43 Ia₁ jiá₃ jmi₃g₄ ja₁tsá₃ ma₃'e₂ ŋi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jě₃li'₅₄, qui₃tiog₃ dsa₂ ně₃ le₂tan₅₄ ja₁lě₄ o₄jui₅.

44 Jnáu'₂ dsa₂ 'uē₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rē₃len'₄ 'nia'₂ lia'₂ con'₂ jmi₃g₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Marcos 11:15-19; Juan 2:13-22)

45 Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅‡ ja₁jaun₂.

46 Ca₂juá'₂:

—Ne₄ Si₂ juá'₂: “Né₅ quió'₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

‡ 19:45 A₂lin₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.” § 19:46 Isaiás 56:7. * 19:46 Jeremías 7:11.

47 Ca₂le₃jě₃ jmig₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juig₅₄ jme₂dsa₂ quian'₅₄ tē₅juá'₅, dsa₂ can'₅₄ quián₅ juig₂ ně₃, caun₂ 'no'₂ jui₅ 'a₂ lia'₂ jñag'₃.

48 La₁ tsá₃ dso'₂ guē'₂ jui₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lín₃.

20

A₂'io₅ Jesús 'éi'₃

(Mateo 21:23-27; Marcos 11:27-33)

1 Co₂ráun₂ jme₁ma₂'en₅₄ Jesús jme₂tiin₂₃ dsa₂ jág₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₅juá'₅, quian'₅₄ gui'₅₄ can'₅₄ ně₃.

2 Ca₂juá'₂:

—Jmo₄ jág₁ 'e₂ ta₁ líng'₅. ¿'Ein₂ ca₂cuē₃ bí₂ 'éi'₃ a₂jmo'₂ le₂ně₅?

3 Jaun₂ ca₂ñag₃ Jesús, ca₂juá'₂:

—Ján₃ bá₄ ñag₄ jniá₂ caun₂ jág₁ 'nia'₂:

4 ¿'Ein₂ ca₂chen₃ Juan₅₄ a₂o₃choin₃ dsa₂ jmig₂? ¿Ca₂chei₃ Diú₄, o₃ ca₂chei₃ dsa₂ mi₂güig₃ 'e₂? Ñag₄ de'₂ 'nia'₂ a₂ně₅.

5 Jaun₂ ca₂dsia₃ jág₁ guoin₅₄, ca₂juá'₂:

—Nē₁jua'₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, ně₃ cón'₅ bá₄ juá'₂. “¿'E₂ guē'₂ lē₃ tsá₃ ca₂rē₃'én'₂ 'nia'₂ jág₁ quió'₅?”

6 Nē₁jua'₂ ca₂ñag₄ guē'₂ jniog₄ dsa₂ bá₄ i₂ca₂chen₃ 'éi₂, ně₃ cón'₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'ě₂ jág₁ quián₅ Diú₄.

7 Jaun₂ ca₂ñag₃:

—Tsá₃ a₂jaun₂ ne₄ jnia'₅₄.

8 Jaun₂ ca₂juá'₂ Jesús:

—Ján₃ bá₄ le₂ně₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-44; Marcos 12:1-11)

9 Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃'iín₃ bá₄ ca₂ñó₃ uē₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅.

10 Jme₁ca₂tě₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tín₂ ne₄ dsa₂ i₂jmo₅ ta₁ ja₁nau₂ 'éi₂. La₁ jě₂ bá₄ ca₂cuē₃ tioen'₅₄, ca₂dsióg'₂ lín₃.

11 Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmóg'₂ táng₃: jnia'₅₄ ca₂tě₂ca₂'o'₂ bá₄ ca₂cuē₃ tioen'₅₄, ca₂dsióg'₂ lín₃ táng₃.

12 Jě₁ca₂tě₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmóg'₂ uig₅, ca₂dsei₁₂₃ tioen'₅₄.

13 'Jaun₂ ca₂juá'₂ juig₅₄ ja₁nau₂: “¿'E₂ jmo₅₄ jniá₂ ně₃? Chi'₂ quiáng₃ i₂'nióg₃ guē₄ lín₃ tsing₅₄. 'An₁ jme₃gain₃ bá₄ i₂ně₅.”

14 La₁ jme₁ca₂jág₂ i₂tion'₅₄ jmo₅ ta₁, ca₂quin'₃ jág₁, ca₂juá'₂: “I₂ně₅ bá₄ tin₃ a₂la₂ cang₂. Ně₃ o₁jñi'₄ jniog₄, ia₁jaun₂ jniog₄ bá₄ lé₂ quián₂.”

15 Jaun₂ ca₂dsei₁₂₃ ca₂i₁ñag'₂ 'ni'₂ ja₁nau₂. ¿'E₂ bá₄ jmo₃ dsa₂ i₂quió'₅ ja₁nau₂ ně₃, quian'₅₄ dsa₂ 'éi₂?

16 Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ñag₃ ja₁nau₂ quió'₅.

Jme₁ca₂ñag₂ dsa₂ jág₁ ně₅, ca₂juá'₂:

- jTsá₃ jui₁le₅₄ le₂ně₅!
 17 Jaun₂ ca₂jág₂ Jesús, jaun₂ ca₂juá'₂:
 —¿'E₂ gué'₂ 'nió'₄ jein₅ jág₁ ja₁juá'₂ ne₄ Si₂?
 Ni₁cang₁ a₂tsá₃ ca₂rě₃ji'₅₄ tē₅'ia'₂,
 ca₂dsióg₃ ca₂lě₃ ni₁cang₁ a₂dsen₅₄ gué₄
 tē₁ron₅₄ qui'₅₄ 'ia'₂.^{*}
 18 Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; ně₁jua'₂
 ni₁cang₁ gué'₂ ně₃ ca₂tá'₂ ne₄ quió'₅, lé₂ 'liog₂.
 19 Dsi₂jui₅ jaun₂ jme₁'nio₃ juig₅₄ jme₂dsa₂, tē₅juá'₅ ně₃, jme₁tsáun'₂, ia₁
 ca₂rě₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂.[†] La₁ dsa₂ juig₂ bá₄
 ca₂rě₃gain₃.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
(Mateo 21:45-46; 22:15-22; Marcos 12:12-17)

20 Cón'₂ ca₂chein₃ dsa₂ i₂jnia'₅₄ con'₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃,
 jme₁'no'₂ juí₅ 'a₂ lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃ Jesús. Jaun₂
 jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂.

21 Jaun₂ ca₂ñí'₃ Jesús jág₁ la₂:
 —Tē₅, ne₄ jnia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅
 jing'₅₄ dsa₂; jme₂tíng'₁ dsa₂ con'₂ lě₅ juí₅ tí₅ quió'₅ Diú₄.

22 Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

23 La₁ ca₂rě₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃.[‡]

24 —'Ē₄ de'₂ 'nia'₂ caun₂ cu₄ 'ua'₂.[§] ¿'Ein₂ quió'₅ nió'₄ chi₁ton₅? ¿'A₂ lia'₂ chein₂
 juá'₂ letras tio'₅₄ ně₅?

25 —Quió'₅ gui'₅₄ emperador César bá₄ —juá'₂ jaun₂ ně₃.

Jaun₂ gué₄ ca₂juá'₂ Jesús:

—Jang'₅₄ gué'₂ 'nia'₂ jaun₂ ně₃, ne₄ César con'₂ a₂ca₂tín₂ César; ne₄ Diú₄ ně₃
 jang'₅₄ 'nia'₂ con'₂ a₂ca₂tín₂ Diú₄.

26 Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ tē₃jě₄ jág₅ dsa₂ jaun₂. Tē₂le₃
 ca₂i₃gó'₃ dsí₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃lén₂.

Ca₂ñag₃ dsa₂ saduceos ju₁lia'₂ a₂jen'₅₄ 'lag₄
(Mateo 22:23-33; Marcos 12:18-27)

27 Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄,
 ca₂o₃ñag₅₄.

28 —Tē₅, ca₂quiog₂ Moisés si₂ a₂juá'₂, ně₁jua'₂ ca₂jon₃ jan₂ dsa₂ ñe'₂ tē₃ tsá₃
 ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rín'₅₄ dsa₂ ñe'₂ i₂ca₂jon₃
 quian'₅₄ 'io₅₄ 'nág₂ 'éi₂, ia₁ jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂
 'lag₄ riin'₅₄.

29 Jaun₂ ně₃, jme₁chan₂ guion₃ dsa₂ ñe'₂ i₂jme₁lě₄ rín'₅₄. Ca₂jen'₂ gu₂ i₂le₂'uig₅₄,
 la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅.

30 Jaun₂ ca₂caun₃ táng₃ i₂ca₂tě₂ on₃.^{*}

31 le₂jaun₂ bá₄ i₂ca₂tě₂ ún₂ ně₃, ca₂cain₃ 'io₅₄ 'éi₂. Le₂jaun₂ bá₄ ca₂lě₃ quian'₅₄
 ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄.

32 Jě₁ca₂tó'₂, ca₂jon₃ bá₄ 'io₅₄ ján₃.

33 Jaun₂ ně₃, jmig₄ jě₁ma₂tě₂ rě₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁
 ta₁guion₃ bá₄ gué'₂ dsa₂ ñe'₂ i₂ca₂guá₂ quian'₅₄.

34 Jaun₂ ca₂ñag₃ Jesús:

* 20:17 Salmo 118:22. † 20:19 'Nio'₂ ja₁ton₅ Isaías 5:7. ‡ 20:23 A₂lín₅₄ chog₅₄ si₂ chi₁ton₅ ján₃: “¿'E₂ lě₃
 cáun'₂ táu₂ 'nia'₂ jniá₂?” § 20:24 griego: denario. * 20:30 A₂lín₅₄ chog₅₄ si₂: “ca₂caun₃ táng₃ i₂ca₂tě₂
 on₃, la₁ ján₃, bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

—Dsa₂ i₂chan₂ ne₄ gua'₅₄ 'uë₃ jmig₄ nē₃, tioin'₅₄ qui₂jéin'₂ gu₂, qui₂jéin'₂ gu₂ chi'₂ quiáin₅ nē₃.

35 La₁ i₂ca₂tín₂ tín'₄ ja₁tiain'₃ mi₂güig₃ caun₂, i₂tín₅₄ jen'₅₄ ja₁jme₁rē₂'lín₅₄, ja₁jaun₂ guë₄ tsá₃ ma₃'ein₂ jén'₂ gu₂, on₃ guë₄ qui₃jéin'₂ guë₄ gu₂ chi'₂ quiáin₅.

36 Ia₁ tsá₃ ma₂'ein₂ lé₂ dsián₃. Ja₁jaun₂ ma₂lén₂ jui₁lia'₂ lín₅ ángeles, lén₂ jaun₅ Diú₄, ia₁ ma₂ca₂rē₃cháin₃ táng₃.

37 La₁ jui₁lia'₂ a₂jen'₅₄ 'lag₄, ca₂tē₂ Moisés ca₂cuë₃ léi₄ jme₁ca₂tó'₂ ne₄ Si₂ a₂ca₂lē₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.”

38 Jaun₂ nē₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

39 Jaun₂ ca₂ḡag₃ i₂lín₅₄ tē₅juá'₅:

—Tē₅, 'ḡio₅ jlá'₁ jág₁ quiáng'₂.

40 Tsá₃ ma₃ca₂tiá₃ dsí₅ jua'₅₄ a₂ḡag₃ guë₄ 'e₂ ḡag₃.

¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Marcos 12:35-37)

41 Ca₂juá'₂ Jesús ca₂tsí'₃ dsa₂:

—¿'A₂ lia'₂ lē₅ nē₃ a₂juá'₂ dsa₂ a₂lín₅ tsi₁jon₂ David I₂rē₂'ín₁ quián₅ Diú₄?

42 Jua'₂ 'ḡiog₅ bá₄ guë'₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

43 ca₂lia'₂ ca₂tē₂ jmig₄

a₂tón'₄ jniá₂ dsa₂ i₂'iog₅₄ o₄tag'₄.”†

44 Chi₂jua'₂ le₂nē₅ juá'₂ David tē₂ Te₁gui'₅₄, ¿'a₂ bá₄ lia'₂ lē₅ jaun₂ a₂juá'₂ lín₅ jaun₅ 'éi₂?

Jme₂caun'₂ Jesús quió'₅ tē₃juá'₅

(Mateo 23:1-36; Marcos 12:38-40; Lucas 11:37-54)

45 Tē₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quiain'₅₄ le₂la₂:

46 —Te₃ḡi'₅₄ 'nia'₂ quian'₅₄ tē₅juá'₅, ia₁ 'ḡio₅ 'ḡio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tē₅ dsí₅ qui₂cuag₃ dsa₂ Diú₄ jui₁lia'₂ jē₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiain'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmig₄ nē₃.

47 Qui₂ḡiá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén₂ Diú₄ uë₂. Tson₂ guë₄ uig₅ 'ē₂ Diú₄ quió'₅ i₂le₂nē₅.

21

Ca₂tó'₂ 'io₅₄ 'nág₂ te₂ḡé₂ cu₄ quió'₅

(Marcos 12:41-44)

1 Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ḡió'₃ tsi₁gu₅ ja₁tio'₅₄ ofrendas.

2 Jaun₂ ca₂jín₂ táng₃ jan₂ 'io₅₄ 'nág₂ te₂ḡé₂ ca₂tó'₂ tin₃ ḡí₁ guéin₂.*

3 Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, 'lióng₂ guë₄ nē₂tió'₂ 'io₅₄ 'nág₂ te₂ḡé₂ nē₅ lia'₂ con'₂ guë₄ ca₂le₃jín₃ i₂ma₂nē₂tió'₂.

4 Ia₁ 'éi₂ nē₃, cu₄ a₂ma₂qui₂rē₂tsón₂ bá₄ jaun₂ quió'₅ cuë₂₃; dsa₂ mí₂ nē₅ nē₃, nē₂cuë₃ ca₂le₃jē₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guë'₃.

† 20:43 Salmo 110:1. * 21:2 lit. “tin₃ ḡí₁ lepta.”

A₂dsi₃'én₂ bá₄ guá'₅, jág₁ 'ě₂ Jesús
(Mateo 24:1-2; Marcos 13:1-2)

⁵ I₂lin₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂ñiá₄ lě₃ jlá'₁ ni₁cang₁ a₂le₁juí₄, ca₂le₃jě₃ guě₄ a₂jlá'₁ tio'₅₄ a₂qui₂ma₂cuě₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jě₃ a₂jág'₂ 'nia'₂ tíong'₂ ně₅, já₅ caun₂ jmig₄ jě₁dsi₃'én₂, tsá₃ ma₃'e₂ ni₁cang₁ te₂'ñiá₄ jua'₅₄ a₂le₁juí₄ guě₄ lé₂.

Léi₄ a₂le₃cha₂ jmig₄ jě₁ca₂tó'₂
(Mateo 24:3-28; Marcos 13:3-23)

⁷ Jaun₂ ca₂ñag₃ dsa₂ ně₃:

—Tě₅, ě₁líg'₂ jaun₂ lé₂ a₂ně₅? ě'_{E2} bá₄ léi₄ le₃cha₂ jě₁ma₂ja₂quián₃ lé₂ a₂jaun₂?

⁸ Jaun₂ ca₂ñag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juin₅ lin₃ i₂tě₁i₃nió₄ i₂juá'₂ i₂nió₅₄ o₄quió₃ jniá₂, a₂juá'₂ ně₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó'₅ 'nia'₂ chi₁co'₅₄ quió'₅.

⁹ Ia₁ jě₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ ně₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ jniá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nió₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂.

¹¹ Qui₂dsi₃bi₅₄ 'uě₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ ně₃; jnia₅₄ gau₂ dsi₁ guei'₅₄, 'lióng₂ léi₄ ca'₅₄ qui₂le₃jniá₂.

¹² La₁ né'₃ a₂lé₂ ca₂le₃jě₃ a₂ně₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guě₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₁má'₂ ně₃ 'uig₅₄ quió₃ jniá₂.

¹³ Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂.

¹⁴ 'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ tě₃jñiá₅ 'a₂ lia'₂ long'₅₄,

¹⁵ ia₁ 'ñi₃ bá₄ jniá₂ cuě₅₄ jág₁ a₂tíng'₂ a₂ñi'₅₄ 'nia'₂ 'a₂ lia'₂ ñag'₅₄, ca₂lia'₂ jñia'₅₄ tsá₃ ma₃'e₂ ñi₅ ñag₃ ca₂le₃jín₃ dsa₂ i₂'iog₅₄ 'éi₂.

¹⁶ Ca₂tě₂ chog'₂-ñéi'₅ 'nia'₂ qui₃jáng'₂, ca₂tě₂ chi'₂ ríng'₂, o₁ríng'₂, a₂mei₅₄ quiáng'₂ ně₃. I₂lin₅₄ 'nia'₂ jme₃dsiog₅ dsa₂.

¹⁷ Ca₂le₂con₂ bá₄ jme₃'ñia₅₄ dsa₂ 'nia'₂ o₄quió₃ jniá₂.

¹⁸ La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jñia'₅₄ 'i₁ca₂mi'₂ jñi₂ dsei'₂ 'nia'₂ tsá₃ dsi₃'én₂.

¹⁹ Ně₁jua'₂ ca₂nau'₂ 'nia'₂ tiá₂, dsi₁no₃ 'nia'₂ tín'₄ jme₂dsi₂ quiáng'₂.

²⁰ 'Jě₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guě₄ le₃len'₅₄ 'nia'₂ ma₂ja₂quián₃ 'én₂.

²¹ Dsa₂ i₂tián'₅ 'uě₃ Judea jmig₄ jaun₂, jui₁cuíng₁₂ le₃má'₂; i₂tián'₅ jě₄ juig₂ guě'₂ ně₃, jui₁'uiin₂; jui₁lia'₂ i₂tion'₅₄ ja₁nau₂ guě'₂, tsá₃ ma₃jui₁ja₂lein₅.

²² Ia₁ lé₂ jmig₄ a₂le₃chan₂ dsa₂ gue₃ jmi₁uig₅ 'ñio₅ lin₃, a₂le₃ti₃ ca₂le₃jě₃ lia'₂ con'₂ lě₅ juá'₂ ne₄ Si₂.

²³ Juig₂ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bě'₅₄ i₂'ín'₂ dsi'₅₄ quió'₅ ně₃, jmig₄ jaun₂! Ia₁ go₂'i₃ 'ñio₅ lin₃ tě₃tsi'₅₄ gua'₅₄ 'uě₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂;

²⁴ ia₁ dsi₃gan'₅₄ i₂dsián₃ quian'₅₄ ñi₁tág₂; i₂lin₅₄ guě'₂ qui₃tě₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmig₄ quió'₅ dsi₂nau₂ a₂'i₄ 'éi'₃ tón'₃ goin₂.

A₂ lia'₂ lé₂ i₁ñi'ó'₂ Jaun₅ dsa₂ mi₂güig'₃
(Mateo 24:29-35, 42—44; Marcos 13:24-37)

²⁵ 'Jm_{ig}₄ jaun₂ lé₂ léi₄ tē₂le₃ quian'₅₄ 'iog₂, tsi'₂, nei₅ ně₃. Ta₁caun₂ gua'₅₄ 'uē₃ tón'₃ dsa₂ tiá'₃ qui'₂ dsí₅, tsá₃ a₂ñi₅ jmo₃, jmi₁ñí'₄ guē'₂ ně₃ lé₂ gau₂ qui₃ñá'₃.

²⁶ Tón'₃ dsa₂ qui₃nei'₂ a₂le₃g'ó'₃, 'i₅ dsí₅ ne₄ ca₂le₃jě₃ 'e₂ niog₅ lé₂ mi₂güig'₃. Ia₁ ca₂tē₂ jui₅bí₂ a₂cha₂ guei'₅₄ mi₂güig'₃ qui₃guan'₃.

²⁷ Jaun₂ guē₄ jín₂ dsa₂ Jaun₅ dsa₂ mi₂güig'₃ jíá₃ jē₄ jnei₅ a₂'uain'₂ a₂jláin'₁ 'ñio₅ lin₃.

²⁸ Jē₁ma₂ca₂rē₃lióg₃ lē₂ a₂nē₅, quen'₂ 'nia'₂ bí₂, 'a₃ jlian₅₄ 'nia'₂,† ia₁ ja₃quián₂ jmig₄ a₂lión'₂ 'nia'₂ co₂ñei'₅₄.

²⁹ Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ní₂ 'nia'₂ jui₁lia'₂ lē₂ quian'₅₄ ni₁'ma₂ higuera, jui₁'e₂ guē₃ ni₁'ma₂ siá'₂ ně₃;

³⁰ jē₁ma₂ca₂ne'₅₄ mog'₅₄, cáun'₂ 'nia'₂ 'í₂ guiong'₅₄ a₂ja₂quián₃ jein₂ 'iog₂ bá₄ jaun₂.

³¹ Ján₃ bá₄ le₂nē₅, jē₁ma₂tē₂ ne'₅₄ 'nia'₂ lē₂ ca₂le₃jě₃ a₂nē₅, le₃ñi'₅₄ 'nia'₂ a₂ma₂ja₂quián₃ le₃gon₂ Diú₄.

³² A₂dsi₂j'ó'₃ juá'₅ jniá₂ juig'₂ 'nia'₂, tsá₃ dsi₃ñí₂ tsi₁jon₂ jmig₄ ně₃,‡ ca₂lia'₂ ca₂lē₃ ca₂le₃jě₃ a₂nē₅.

³³ Dsi₃ñí₂ guei'₅₄ mi₂güig'₃ quian'₅₄ gua'₅₄ 'uē₃, la₁ jág₁ quió₃ ně₃, o₁líg'₂ tsá₃ dsi₃ñí₂ jua'₅₄ tsá₃ le₃ti₃.

³⁴ 'Tē₃ñi'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂'i₅ 'au'₂ a₂chang'₂ mi₂güig'₃ la₂, con'₂ tsá₃ ñó₅ ně₃jua'₂ ca₂jo₃ jmig₄ jaun₂ 'nia'₂ co₂tiá₂.

³⁵ Jui₁lia'₂ ja₁ta'₂ caun₂ tsi₁liá₂ bá₄ lé₂ jmig₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uē₃.

³⁶ Jaun₂ chan'₂ 'nia'₂ rē₂jáng'₁, chi₁leng'₄ Diú₄ ca₂le₃jě₃ jmig₄, ia₁jaun₂ bá₄ quin'₅₄ 'nia'₂ jmig₄ lióng'₂ ne₄ ca₂le₃jě₃ a₂niog₅ lé₂ ně₅, ia₁jaun₂ dsi₁nóg'₅ tē₃tsing'₅₄ ne₄ Jaun₅ dsa₂ mi₂güig'₃.

³⁷ Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá'₅ templo, jē₁ma₂ca₂nei₂ dsó₅ dsi₂jñia₅₄ má'₂ ja₁chei₂ Olivos.

³⁸ Ca₂le₃jín₃ bá₄ dsa₂ jme₁ja₂lén₂ tē₂ o₃'iog₂ i₁dsi₅ guá'₅ a₂ja₂néi₃ jág₁ a₂cuē₂₃.

22

Ca₂jmo₃ dsa₂ jág₁ a₂tsáin'₂ Jesús
(Mateo 26:1-5, 14—16; Marcos 14:1-2, 10—11; Juan 11:45-53)

¹ Jme₁ma₂ja₂quián₃ jmig₄ quió'₅ i₁ñí'₄ a₂tsá₃ levadura rē₂jñia₅, a₂chei₂ Jm_{ig}₄ Tē₂'in₅₄.

² Jaun₂ qui₂ca₂'náu'₃ dsí₅ juig₅₄ jme₂dsa₂, tē₅juá'₅ ně₃, 'a₂ lia'₂ cuin₃ jmig₄ jñag'₃, ia₁ a₂gain₃ dsa₂ juig₂ bá₄.

³ Jaun₂ ca₂'í₃ Satanás dsí₅ Judas, i₂tē'₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ ně₃ ca₂ñei₅₄ ca₂i₁jmo₅₄ jág₁ quian'₅₄ juig₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo ně₃, 'a₂ lia'₂ jáng'₂ jín'₂ Jesús o₄gú₃.

⁵ Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuē₃ cu₄.

⁶ Jaun₂ ca₂cuē₃ Judas jág₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quiain'₅₄.

† 21:28 lit. “nau₂ 'nia'₂ chog'₅₄ ne'₅₄.” ‡ 21:32 o₃, “né'₃ a₂dsián₃ dsa₂ i₂lín₅ raza la₂.”

Má₃jë,ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂të₂ jme₁ca₂të₂ jmig₄ quió'₅ i₁ñí'₄ a₂tsá₃ levadura rë₂jñia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig₄ Të₂'in₅₄.

⁸ Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂jñia₅₄ má₃ quián₂ jniog₄ a₂que₅₄ Jmig₄ Të₂'in₅₄.

⁹ Jaun₂ ca₂ñag₃ 'éi₂:

—¿A₂já'₄ 'niog'₂ dsi₁jmó₁ jnia'₅₄ co₂jñia₅₄?

¹⁰ Jaun₂ ca₂juá'₂:

—Jë₁ma₂dsi₃nó'₅ 'nia'₂ jë₄ juig₂, jme₃jein'₂ jan₂ dsa₂ ñe'₂ i₂ñá'₅ quion₂ caun₂ ni₁dsig₁ 'a₄ jmig₂. O₁'éin'₃ 'nia'₂ ca₂të₂ dsi₂néi₂ ja₁'í₂.

¹¹ Jaun₂ juig'₅₄ 'nia'₂ dsa₂ juig₅₄ dsi₂néi₂: “Le₂la₂ juá'₂ Të₂ tsí'₅ 'ne₂: ¿Na₂ bá₄ dsi₂néi₂ ja₁guë'₅₄ má₃ quió'₅ Jmig₄ Të₂'in₅₄ quiang'₅₄ chi'₂ dsi₂guia₃-tín₂ quiáng₃?”

¹² Jaun₂ 'ë₃ caun₂ ja₁lë₄ dsi₂néi₂ juë'₂ guei'₅₄ ja₁ma₂lë₅ co₂jñia₅₄ quió'₅. Ja₁jaun₂ jmo₄ co₂jñia₅₄.

¹³ Jaun₂ ca₂i₃lén₂ bá₄ 'éi₂ në₃. Ca₂lë₃ rë'₂ lia'₂ con'₂ lë₅ jág₁ jaun₂. Ja₁jaun₂ ca₂jmo₃ má₃ quió'₅ jmig₄.

¹⁴ Jme₁ca₂të₂ hora jaun₂, ca₂guá₂ Jesús ne₄ mesa, quian'₅₄ chi'₂ dsi₂guia₃-tín₂* quián₅.

¹⁵ Jaun₂ ca₂tsí'₃ 'éi₂:

—¡Líg'₂ bá₄ 'ín₅ dsi₃ guë'₅₄ má₃ Jmig₄ Të₂'in₅₄ la₂ quian'₅₄ 'nia'₂, né'₃ a₂dsi₃ñig₂ uig₅!

¹⁶ Ia₁ juá'₅ jniá₂ juig₂ 'nia'₂, tsá₃ ma₃líg'₂ jmig₄ jua'₅₄ guë'₅₄ guë'₄ má₃ le₂la₂ ca₂lia'₂ ca₂të₂ jmig₄ i₁le₃ti₃ ja₁gon₂ Diú₄.

¹⁷ Jaun₂ ca₂tín₂ copa, ca₂cuë'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsió_g₁ jin₄ ríng'₂.

¹⁸ Ia₁ juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ guë'₄ jmi'₅₄ míg₂ uvas le₂la₂, ca₂lia'₂ ca₂të₂ jmig₄ i₁le₃ti₃ ja₁gon₂ Diú₄.

¹⁹ Jaun₂ ca₂tín₂ táng₃ caun₂ i₁ñí'₄, ca₂cuë'₃ ti₁'mag'₄ Diú₄. Jaun₂ ca₂'niai₃ ca₂cuë'₃ 'éi₂, ca₂juá'₂:

—Ñi₃ bá₄ jniá₂ i₁ñí'₄ la₂, a₂ma₂rë₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

²⁰ Ján₃ bá₄ le₂në₅, jme₁ma₂ca₂lë₃ guë'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lë₅ jág₁ 'mí₂ a₂të₃ron₅₄, a₂li'₅₄ tē₂le₃ quian'₅₄ jmi₃ a₂dsi₃'o₅₄ o₄quián'₂ 'nia'₂.‡

²¹ 'La₁ në₃ në₃, ne₄ mesa la₂ guá₅ quian'₅₄ jniá₂ i₂jáng'₂.

²² Dsón'₂ bá₄ 'en₅₄ jui₅ Jaun₅ dsa₂ mi₂güig₃ dsió_g₄ ja₁'ein₅₄ 'éi'₃ dsió_g₄, la₁ i'₂e₂ guë'₄ juig₂ dsa₂ i₂jáng'₂!

²³ Jaun₂ ca₂jme₃lió_g₃ tsi₂ca₂jín₂ quian'₅₄ ríin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsíin₂ o₄quió'₄ 'ein₂ i₂lén₂ i₂dsen₅₄ guë'₄

²⁴ Ján₃ bá₄ ca₂lë₃ mi'₅₄ jë₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guë'₄.

²⁵ Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tain'₂₃ goin₂ jmo₂₃ 'éi'₃ lia'₂ lë₂ dsí₅. Le₂jaun₂ guë'₂ i₂le₁'io₅ 'éi'₃ i₂le₁'ín₁ quián₅, 'ag₅ dsa₂ a₂lín₅ dsa₂ i₂jmo₅ a₂dse₃.

* **22:14** griego: apóstolous (dsa₂ i₂chen₄). † **22:19** A₂lin₅₄ chog₅₄ si₂ tsá₃ chi₁ton₅ “a₂ma₂rë₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guë'₂ versículo 20. ‡ **22:20** 'Nio'₂ ja₁ton₅ Éxodo 24:8.

26 La₁ tsá₃ le₂jaun₂ lé₂ quian'₅₄ 'nia'₂. Jui₁lia'₂ i₂can'₅₄ jë₄ quián'₂ 'nia'₂, jui₁jmo₁₂ mei'₂. Le₂jaun₂ guë'₂ i₂cán₂ ne₄ jui₅, jui₁jmo₁₂ në₂jag₄ bá₄ i₂jme₂ti₃.

27 Jaun₂ në₃, ¿'ein₂ i₂dsen₅₄ guë'₄: i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄? La₁ jniá₂ 'eng₅₄ jë₄ quián'₂ 'nia'₂, líng₅ jan₂ i₂jme₂ti₃.

28 'Nia'₂ guë'₂ líng'₅ i₂ma₂ja₂nóg'₅ quiong'₅₄ jniá₂ jë₄ uig₅ a₂qui₂ma₂i₂ñig₂.

29 'Uig₅₄ në₅ në₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ne'₃ jniá₂,

30 ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂ 'éi'₃ quió'₅ ta₁guia₃-tín₂ nió'₃ tsi₁jón₂ dsa₂juig₂ Israel.

Ni₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

31 Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂së₃dsen₃ ma₂në₂mag₃ 'ñiái'₂ 'nia'₂ lia'₂ ja₁'ñiái'₂ dsa₂ trigo,

32 la₁ jniá₂ ma₂në₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ në₃, jë₁ma₂ca₂jéin'₃ táng₃ 'au'₂, cuë'₅₄ bí₂ ríng'₂.

33 Jaun₂ 'éi₂ në₃ ca₂ñag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lë₅ quian'₅₄ 'ne₂, o₁jñia'₅₄ 'mú₃ ca₂quín₂.

34 Jaun₂ ca₂ñag₃ Jesús:

—Pe₄, jniá₂ guë'₂ juá'₅, tsá₃ 'o₃ të₁guí₄ dsó₂ në₃, ca₂lia'₂ ma₂në₂jua'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá₂.

Ma₂ja₂quián₃ hora gue₃ Jesús uig₅

35 Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ guë'₂ të₂lau₂, on₃ guë'₂ ni₁lau₂ ton₅ tag'₅₄ në₃, ¿cha₁ a₂ca₂rë₃'nió'₅ quián'₂ 'nia'₂?

'Éi₂ në₃, ca₂ñag₃:

—I₁caun₂ tsá₃ ca₂rë₃'nió'₅.

36 Jaun₂ ca₂juá'₂ táng₃:

—Në₃ guë'₄ në₃ i₂'io₅ tsi₁na'₅₄, të₂lau₂ në₃ jui₁quian₅₄. I₂tsá₃ 'io₅ ñi₁tág₂ në₃, o₁'nag₁₂ mi₂dsióg₂ quió'₅ ia₁jaun₂ lá₃ ñi₁tág₂.

37 Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂ ne₄ Si₂ le₂la₂: “Nó₃ jë₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ në₂jag₄ bá₄ a₂rë₂cáin'₄ dso₄ ján₃.” § Ia₁ ca₂le₃jë₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

38 Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tñ₃ ñi₁tág₂.

Jaun₂ ca₂ñag₃ táng₃:

—Tió'₅ bá₄ në₅.

Ca₂chi₂lén'₂ Jesús Diú₄ caun₂ ja₁chei₂ Getsemani

(Mateo 26:36-46; Marcos 14:32-42)

39 Jaun₂ guë'₄ në₃ o₂'iin₃ ñó₃ jui₅ Má'₂ Olivos, ia₁ le₂jaun₂ tñ₂ bá₄. Jaun₂ ca₂lén₂ chi'₂ dsi₂guia₃-tín₂ quiong'₅₄.

40 Jme₁ca₂dsióg₃ ja₁jaun₂, jaun₂ ca₂juá'₂:

—Chi₁lén'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂caun₂ táu₂.

41 Jaun₂ ca₂ñó₃ Jesús 'ñiog₅ uíng₂ con'₂ ja₁tág'₅ ca₂míg₂ ni₁cang₁ a₂táun₂ dsa₂. Ja₁jaun₂ ca₂chi₃jnë₃ ca₂chi₃lén'₂ Diú₄.

42 Ca₂juá'₂:

§ 22:37 Isaías 53:12.

—Tia₅₄, ¿tsa₁ cuin₅ jmi₄ jniá'₄ uig₅ dsi₃ñíg₂ la₂? La₁ia₁, jui₁le₅₄ bá₄ a₂ñio₂ 'au'₂ 'ne₂, on₃jua'₅₄ con'₂ 'nio₃ jniá'₂.

43 Jaun₂ ca₂jme₃jnia₅ jan₂ ángel ne₅₄, i₂ca₂sión₃ jui₅ guei'₅₄ i₂juíg₃, a₂ca₂cuë₃ bí₂.

44 Hora jaun₂ ca₂ñág₃ uig₅ 'ñio₅ lin₃, jaun₂ të₂le₃ lë₅ guë₄ ca₂chi₃lén'₂ Diú₄; ca₂tein₃ jme₁dsiog₂ në₂jag₄ bá₄ jmi₂ qui₂ca₂dsá₂ të₂ 'uë₃.*

45 Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁le₁güin₃ bá₄ 'éi₂ tiáin'₅ ca₂jo₃, 'uig₅₄ ia₁ a₂ñiá'₄ lë₃ 'lia'₂ dsi₅.

46 Jaun₂ ca₂juá'₂:

—¿'E₂ lë₃ le₁güin'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

47 Të₃jë₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂të'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁në₅ bá₄ jing'₅₄ Jaun₅ dsa₂ mi₂güig₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lë₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ñi₁tág₂?

50 Jan₂ 'éi₂ në₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jniá'₂ rë₂gua₅₄ ne₁.

51 Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rë₂gua₄ 'éi₂, ca₂jme₃'lió₂.

52 Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ në₃ i₂dsi₃lén₂ tsáun'₂:

—¿'E₂? ¿Jui₁lia'₂ jë₁tsán'₂ dsa₂ 'ang₂ ja₂nóg'₅ quile₁quian'₄ ñi₁tág₂, 'ma₂ në₃?

53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ në₃ guë₄, 'au'₂ 'nia'₂ bí₂ tiá₂ 'au'₂ jmó'₂, në₃ lia'₂ chí'₅ qui₁né'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

54 Jme₁ma₂në₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ në₃, uing₂ bá₄ të₂quiin₃ ñó₃ 'ein₂₃.

55 Dsa₂ 'éi₂ në₃, ca₂dsia₃ si₂ i₁dsi₅, ca₂tiáin'₂ le₃lág'₃ cau₅ si₂; jë₄ jaun₂ ca₂guá₂ Pe₄ ján₃.

56 Të₃jë₄ jaun₂, ca₂rë₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂. Caun₂ ca₂jág₂ tiá₂, ca₂juá'₂:

—Ján₃ bá₄ jme₁quiain'₅₄ i₂në₅.

57 La₁ 'éi₂ në₃, tsá₃ ca₂tioin₃, ca₂juá'₂:

—Tsá₃ 'éi₂ cuin₅ jniá'₂, 'ne₂ 'io₅₄.

58 Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quiain'₅₄ 'ne₂ ján₃, ¿lia'₅₄?

—Jan₂'ón₄. Tsá₃ dsa₂ 'éi₂ jme₁quian'₄ jniá'₂, 'ne₂.

59 Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Të₃dsón'₂ jan₂ i₂jme₁quiain'₅₄ bá₄ në₅, ia₁ Galilea bá₄ ja₁chain₂.

60 Jaun₂ ca₂juá'₂ táng₃ Pe₄:

—Të₃dsón'₂ rë'₂ juá'₅ jniá'₂ la₂, ca₂lia'₂ jnia'₅₄ tsá₃ cúing₅ 'ein₂ 'éi₂ 'ín'₅ 'nia'₂.

* 22:44 A₂lin₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tín₂ quió'₅ dsa₂ judíos a₂chen'₂ jú'₅ riin'₅₄ jë₁cuag₃ Diú₄.

Tě₃jě₄ dsia₂₃ jág₁ jaun₂ jme₁ca₂'o₃ tě₁guí₄ dsó₂.

61 Jaun₂ ca₂jén₃ Te₁gui₅₄ ca₂jín₂ Pe₄, ca₂jmo₃ a₂dsiog₂ dsí₅ 'éi₂ 'e₂ a₂ma₂ně₂juá'₂ le₂jníá₅: “Tsá₃ 'o₃ tě₁guí₄ dsó₂ ně₃, ca₂lia'₂ ma₂ně₂jua'₅₄ 'ne₂ 'ni₅ ráun₂, a₂tsá₃ tóng₄ a₂cui_g'₂ jniá₂.”

62 Jaun₂ ca₂o₃ 'ín₃ ca₂tá'₂ qui₂' dsí₅, ca₂'o₃ 'nio₅ lín₃.‡

A₂lě, qui₂co₂jmá'₂ dsa₂ Jesús

(Mateo 26:67-68; Marcos 14:65)

63 Dsa₂ i₂niog₅ jmo₅ 'í₁ Jesús ně₃, a₂lě₁qui₂co₂jmóg'₂ tioin'₅₄, ca₂cuě₃ ně₃.

64 Ca₂'néi₂ jme₁ne₁ Jesús, qui₂ca₂quein₃ dsí₂ne₅₄ § jaun₂ ca₂juá'₂:

—i₂Dsi₄ jág₁ 'ein₂ ně₂quein₃ quiáng'₂!

65 'Lióng₂ lín₃ bá₄ ca₂juá'₂ tioin'₅₄, a₂tě₂'o₂.

Ca₂chen'₃ dsa₂ Jesús ne₄ dsí₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

66 Jme₁jnia₃ jaun₂, qui₂ca₂ñi'₂ ca₂le₃jín₃ gui₅₄ can'₅₄ quián₅ dsa₂ judíos, juig₅₄ jme₂dsa₂, tě₅juá'₅ ně₃. Jme₁ma₂le₂ñi'₂, ca₂dsi₁jnia₃ dsa₂ Jesús ne₅₄. Jaun₂ ca₂ñag₃:

67 —¿Dson'₂ 'ne₂ lín_g'₅ I₂rě₂'ín₁ quián₅ Diú₄?

Jaun₂ ca₂ñag₃:

—O₁jnia'₅₄ ca₂juá'₃ jniá₂, jniá₂ 'éi₂, a₂dsón'₂ tsá₃ le₃'én'₂ bá₄ 'nia'₂.

68 Ně₁jua'₂ ca₂ñag₄ jniá₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃jua'₅₄ a₂jaun₂ jein'₅₄ 'nia'₂ jág₁ quió₃.*

69 La₁ ně₃ ně₃, tě₂le₃ ne₄ juí₅ ja₁ñó₄ ně₅, guá₃ Jaun₅ dsa₂ mi₂güig₃, tě₂le₃ gu₂ ne₁ Diú₄ i₂'uan'₂ guě₄ lín₃.

70 Jaun₂ ca₂ñag₃ ca₂le₃jín₃:

—¿Ia₁ 'ne₂ bá₄ lín_g'₅ Ja₁ñi'₅₄ Diú₄, jaun₂?

—Jniá₂ bá₄ lín_g'₅, juí₁lia'₂ ma₂ně₂jua'₅₄ 'nia'₂ ně₅.

71 Jaun₂ ca₂juá'₂ tioin'₅₄:

—¿'Ein₂ guě₄ jmá'₃ dsa₂ 'niog₂ jniog₄ jáng₃ jág₁ dsau₅? Jua'₂ jniog₄ guio₅₄ ma₂ně₂néi₁ jág₁ a₂ma₂ně₂'uě'₃ i₂ně₅ 'ñiog₅ mi₂'o₅₄ chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11–14; Marcos 15:1-5; Juan 18:28-38)

1 Jaun₂ qui₂ca₂nau₂ ca₂le₃jín₃ ca₂jñiai₃ Jesús ne₄ Pilato.

2 Ja₁jaun₂ guě₄ ca₂'náu'₃ dsáu₁ Jesús, ca₂juá'₂:

—Ca₂jon₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jin₄ dsa₂ juig₂ quián₂ jnia'₅₄. Ní₂₃ toin'₂ dsa₂ jág₁ a₂tsá₃ ma₂'ein₂ quí₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rě₂'ín₁ quián₅ Diú₄, co₂'nió'₄ a₂lín₅ rag₅₄.

3 Jaun₂ ca₂ñag₃ Pilato:

—¿Dson'₂ lín_g'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂ně₅ bá₄, juí₁lia'₂ juá'₂ 'ne₂ ně₅.

4 Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃ 'e₂ dsáu₁ dsa₂ ně₅ dso'₂ jniá₂ 'i₁caun₂.

5 La₁ tě₂le₃ lě₅ guě₄ co₂mi'₅₄ ca₂tóin'₂, ca₂juá'₂:

‡ 22:62 A₂lín₅₄ chog₅₄ si₂ tsá₃ chi₁ton₅ versículo 62. § 22:64 A₂lín₅₄ chog₅₄ si₂ tsá₃ chi₁ton₅ “qui₂ca₂quein₃ dsí₂ne₅₄.” * 22:68 A₂lín₅₄ chog₅₄ si₂ juá'₂ ján₃: “on₃ guě₂ jaun₂ a₂lo'₅₄ 'nia'₂.”

—La₁ 'nio₅ lin₃ dsia₂₃ mi'₅₄ ŋi₂₃, jme₂tiin₂₃ dsa₂ ta₁caun₂ 'uë₃ Judea. Ca₂jme₃lióg₃ Galilea, rë₂në₃ guë'₂ ma₂ŋi₂₃ ja₁lá₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

⁶ Jme₁ca₂nág₂ Pilato a₂në₅, jaun₂ ca₂ŋag₃ chi₂jua'₂ 'uë₃ Galilea chan₂ dsa₂ 'éi₂.

⁷ Jme₁ca₂rë₃ŋi₅ në₃, a₂lín₅ Jesús dsa₂ chan₂ të₂le₃ 'uë₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ŋi₂₃ juig₂ Jerusalén jmig₄ jaun₂.

⁸ 'Io'₂ jén'₅ bá₄ Rag₅₄ Herodes jme₁ca₂jíin₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'ín₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

⁹ 'Lióng₂ a₂qui₂ca₂ŋi'₃ Jesús, la₁ tsá₃ ma₃'e₂ ca₂ŋag₃ 'éi₂ 'i₁caun₂.

¹⁰ Ja₁jaun₂ jme₁tión₂ juig₅₄ jme₂dsa₂ quian'₅₄ të₅juá'₅ në₃, caun₂ qui₂ca₂'náu'₃ tion₅₄ dsáu₁ 'éi₂.

¹¹ Jaun₂ Herodes në₃, quian'₅₄ 'lióg₂ quiáin₅, lë₁qui₂ca₂jmóg'₂ tióin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

¹² Jmig₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ŋiai₁₂ riin'₅₄ le₂jñiá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

¹³ Jaun₂ ca₂ŋi'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ në₃.

¹⁴ Jaun₂ ca₂tsí'₃ dsa₂:

—O₂jón'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jín₄ dsa₂. Të₃ ne'₅₄ 'nia'₂ ma₂qui₂në₂ŋag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lë₅ dso₄ a₂jme₂cain'₅₄ 'nia'₂.

¹⁵ On₃ guë'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂ jua'₅₄ ca₂tiin₂ gue₃ 'mú₃.

¹⁶ La₁ jmo₅₄ 'éi'₃ a₂bóg₂ dsa₂, jaun₂ guë'₄ loin₅₄.

¹⁷ Jme₁jmig₄ të₂'ín₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jín₄ dsa₂.*

¹⁸ La₁ dsa₂ juig₂ në₃ co₂nei'₅₄ ca₂le₃jíin₃ ca₂tóin'₂ co₂mi'₅₄ ca₂juá'₂:

—¡Cau₅ jñiá'₃ i₂në₅! ¡Barrabás bá₄ lion₄ quián₂ jnia'₅₄!

¹⁹ Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jë₄ juig₂, ton'₂ ia₁ jme₁ma₂jñi'₃ dsa₂ në₃.

²⁰ Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guë'₄ dsa₂.

²¹ La₁ të₂le₃ lë₅ guë'₄ co₂mi'₅₄ ca₂tón'₂ bá₄ dsa₂, guió'₅ juá'₂:

—¡Tióin₃ cróg₄! ¡Tióin₃ cróg₄!

²² Jë₁ŋó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ guë'₂ 'lig'₅₄ ma₂jmo₃? Tsá₃ 'e₂ dsáu₁ i₂në₅ dso'₂ jniá₂ jua'₅₄ a₂ca₂tiin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guë'₄ loin₅₄.

²³ La₁ tion₅₄ ca₂mi₃ dsa₂ tióin'₅₄ co₂mi'₅₄ a₂tion₃ cróg₄. Ca₂lë₃ rë'₂ con'₂ lë₅ 'ín₅ dsí₅ dsa₂ juig₂ lé₂.

²⁴ Jaun₂ co₂nei'₅₄ me'₂ ca₂jmo₃ Pilato 'éi'₃ a₂lé₂ con'₂ lë₅ mi₅ dsa₂.

²⁵ Jaun₂ ca₂lióin₂ bá₄ dsa₂ i₂jme₁'en₅₄ né₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ në₃. Jaun₂ ca₂jáng'₂ ca₂jíin'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

* **23:17** A₂lín₅₄ chog₅₄ si₂ tsá₃, chi₁,ton₅, versículo 17.

26 Con'₂ ma₂tioin'₅₄ jui₅ njiai₂₃ Jesús ja₁ dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uē₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

27 Juin₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-'o₂₃ 'lia'₂ dsí₅ qui'₂-'óin'₂ Jesús.

28 Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂ quiáng'₂ ně₃.

29 Ia₁ já₅ jmig₄ jē₁juá'₂ dsa₂: “E₂ guē₄ dsen₃ juī₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guē₄ dsen₃ juī₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ guē'₂ dsi'₅₄ quió'₅ ca₂guén'₃ guein₂ ně₃.”

30 Jmig₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.”

31 Ia₁ chi₂jua'₂ le₂la₂ jmo₅ dsa₂ jmá'₂ i₂tsá₃ ca₂tín₂ gue₃ uig₅, ¿'ē₂ guē₄ bá₄ dsi₃ní₂ i₂ca₂tín₂ dsón'₂?†

32 Ján₃ bá₄ jme₁le₁njiai₂₃ guē₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lē₅ quian'₅₄ Jesús.

33 Jme₁ca₂dsi₃lén₂ ja₁tē'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lin'₅₄ 'éi₂, jan₂ tē₂le₃ gu₂ ne₁, jan₂ guē'₂ tē₂le₃ gu₂ jen₅.

34 [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ njī₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

35 Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ ně₃ jme₁tión₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, juī₁lioin₅₄ 'njio₅ chi₂jua'₂ dsi₂jó'₃ lín₅ I₂rē₂'ín₁ rē₂quion'₅₄ quián₅ Diú₄.

36 Dsi₂'lióg₂ ně₃ ca₂jmóg'₂ burlas ca₂jme₃quiáin₃ ca₂jén'₃ vino jen'₂,

37 ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'njag'₂.

38 Jaun₂ ca₂tión₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅: griego, latín, hebreo ně₃, co₂'nio'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

39 Jan₂ i₂rē₂cán'₄ dso₄ i₂jme₁rē₂ton₅ cau₅ quió'₅ ca₂tē₂ca₂'o'₂, ca₂juá'₂:

—¿On₁ 'ne₂ líng'₅ I₂rē₂'ín₁ quián₅ Diú₄? Ma₂ně₃ lion₄ 'njag'₂, jaun₂ lo'₅₄ jnia'₅₄ ně₃.

40 La₁ ca₂jī₂ bá₄ riin'₅₄ ca₂juá'₂:

—¿'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂ ján₃.

41 La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lē₅ a₂ma₂jmó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

42 Jaun₂ ca₂juá'₂:

—Jesús, juī₁dsiog'₂ bá₄ 'au'₂ jniá₂, jē₁ma₂dsiáng'₃ ja₁gong'₂.

43 Jaun₂ ca₂njag₃ Jesús:

—A₂dsi₂jó'₃ juíg₂ jniá₂ 'ne₂, jmig₄ ně₃ tē₃tsing'₅₄ quian'₅₄ jniá₂ Ja₁jla'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

† 23:31 lit. “ia₁ chi₂jua'₂ ni₁'ma₂ rē₂ co₂jmo₅ dsa₂ le₂ně₅, ¿'ē₂ guē₄ bá₄ lé₂ quian'₅₄ ni₁'ma₂ quein₂?”

‡ 23:33 ja₁chei₂ “Gólgota” quian'₅₄ arameo; quian'₅₄ latín guē'₂, chei₂ “Calvario.” § 23:34 A₂lín₅₄ chog₅₄ si₂ tsá₃, chi₁ton₅ jág₁ ně₅. * 23:34 'Nio'₂ ja₁ton₅ Salmo 22:18. † 23:43 griego: paradeiso (Paraíso).

44 Con₂ dsi₃ní₃, † tē₁tsi₅₄ qui₁né₃ ta₁caun₂ gua₅₄ 'uē₃, ca₂lia₂ ca₂tě₂ hora ŋí₁ 'ni₅§ le₃ca₂'láu₂.

45 'Iog₂ co₂dsia₅ ca₂rē₃liá₃; tsi₁'mi₂ cortina a₂jme₁'ei₅ dsi₂néi₂ guá₅ templo, co₂dsia₅ ca₂chen₃ ca₂lě₃ tin₃ dso₅₄ jo₂.

46 Hora jaun₂, ca₂guió₃ Jesús, ca₂juá₂:

—i Tia₅₄ quiáng₃, o₄gog₂ 'ne₂ dsia₅₄ jme₂dsí₂ quió₃!

Caun₂ jaun₂ bá₄ a₂ca₂juá₂ guě₄, co₂tan₅₄ ca₂join₃.

47 Jme₁ca₂jág₃ juig₅₄ 'lióg₂ a₂ca₂lě₃ jaun₂, ca₂jme₃juin₂ Diú₄, ca₂juá₂:

—Dson₂ bá₄ tsá₃ 'e₂ jme₁rin₂ dsa₂ la₂.

48 Ca₂le₃jín₃ bá₄ dsa₂ i₂jme₁tion₅₄ i₂ca₂jág₃ a₂ca₂lě₃ jaun₂, ca₂ilein₃ quein₂₃ dsí₅.*

49 Ca₂le₃jín₃ dsa₂ i₂jme₁cuin₅ Jesús quian₅₄ dsa₂ mí₂ i₂jme₁ma₂quiong₅₄ tē₂ Galilea, jme₁tióin₂ uing₂ jág₅ ca₂le₃jě₃ a₂ně₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

50 La₁ ca₂lě₃ ně₃, jan₂ dsa₂ i₂chen₂ José, i₂jme₁quen₅₄ lín₅ ta₁ jin₄ dsi₂tan₅₄ quián₅ guá₅, jme₁lín₄ dsa₂ dsen₃ i₂'ua₁ dsí₅.

51 Sě₄ 'éi₂ ně₃, i₂chan₂ juig₂ Arimatea ja₁tén₄ Judea, tsá₃ ca₂rē₃'ŋi₃ dsí₅ lia₂ niog₅ ca₂jmo₃ dsi₂tan₅₄ riin₅₄, ia₁ jme₁chí₁jñia₂₃ le₃gon₂ Diú₄.

52 Jaun₂ ca₂ŋei₅₄ ně₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

53 Jme₁ca₂sió₂, ca₂lio₃ caun₂ 'mi₂ tióg₃. Jaun₂ ca₂i₁quio₂₃ 'ŋi₃ tau₂ 'ŋio₅ a₂jme₁ma₂lě₅ ca₂jmo₃ dsa₂ dsí₅ ni₁'lau₂, ja₁tsá₃ 'ein₂ 'lag₄ ma₂'í₅.

54 Ia₁ jmig₄ jaun₂ tion₅₄ dsa₂ jmo₂₃ co₂jñia₅₄ a₂'nió₅ quió₅ jmig₄ sa₅₄ a₂jě₁ca₂jnia₃ jaun₂.

55 La₁ dsa₂ mí₂ i₂ma₂ja₂lén₂ quian₅₄ Jesús tē₂ Galilea, ca₂o₃lėin₂ ca₂jág₃ 'a₂ lia₂ ca₂quion₅ dsa₂ 'lag₄ né₃ táu₂.

56 Jme₁ca₂dsi₃lein₃ quió₅, ca₂jmo₃ co₂jñia₅₄ no₅₄ mi₂juig₂ quian₅₄ guě₄ ma₁'au₂ ně₃, a₂dsi₃tsiin₅₄ Jesús.

Jme₁ca₂jnia₃ sa₅₄ jaun₂, ca₂tiáin₂ ca₂jñia₃ lia₂ con₂ lě₅ 'Éi₃.

24

Ca₂jen₅₄ táng₃ Jesús

(Mateo 28:1-10; Marcos 16:1-8; Juan 20:1-10)

1 Jě₁le₂'uig₅₄ jmig₄ semana, ca₂i₃lén₂ táng₃ dsa₂ mí₂ tē₂ o₃'iog₂ lín₃, i₁jag₅₄ tau₂ 'ŋio₅ le₁quian₅ no₅₄ mi₂juig₂ a₂jme₁ma₂lě₅ co₂jñia₅₄ quió₅; [lě₂ bá₄ guě₄ dsa₂ mí₂ sián₂ i₂ca₂jme₃quiong₅₄].*

2 Jme₁ca₂dsi₃lėin₂ ja₁ jaun₂, jua₂ cau₅ bá₄ ma₂i₂mu₃ ni₁cang₁ a₂jme₁rě₂jñi₅ tau₂ 'ŋio₅.

3 Jaun₂ ca₂i₃toin₅₄, la₁ tsá₃ ma₃ni₁ŋi₁ 'lag₄ [Te₁gui₅₄ Jesús]† ca₂dsó₂ ja₁ jaun₂.

4 [Jaun₂ ca₂lě₃], ‡ tē₃ tióin₂ dsi₂gó₃ dsí₅ jaun₂, tsá₃ a₂ŋi₅ jmo₃, jme₁ca₂jín₂ on₃ dsa₂ i₂qui₂ tsin₅₄ tág₅, tión₂ cau₅ quió₅.

5 Tě₃ ma₂gó₅ jaun₂, ca₂'iin₃ ne₅₄ tē₂ 'uē₃. Jaun₂ ca₂juá₂ dsa₂ 'éi₂:

—¿'E₂ lě₃ 'na₂ 'nia₂ jan₂ i₂jén₃ jin₄ 'lag₄?

6 Tsá₃ 'éi₂ chan₂ ja₁lá₃. Ma₂ca₂jein₅₄ bá₄. Ju₁dsiog₂ 'au₂ 'nia₂ a₂ca₂juá₂ lia₂ con₂ jme₁ŋi₂₃ Galilea,

‡ 23:44 lit. “hora jnéi₂.” § 23:44 lit. “hora ŋi₃.” * 23:48 Co₂'nió₄ a₂jmo₂₃ léi₄ a₂qui₂ dsí₅. * 24:1 A₂lin₅₄ chog₅₄ si₂ tsá₃ le₁ton₅ jág₁ ně₅. † 24:3 A₂lin₅₄ chog₅₄ si₂ tsá₃ le₁ton₅ jág₁ ně₅. ‡ 24:4 A₂lin₅₄ chog₅₄ si₂ tsá₃ le₁ton₅ jág₁ ně₅.

7 jme₁ca₂juá'₂ a₂ca₂tín₂ Jaun₅ dsa₂ mi₂güig₃ jáng'₂ dsa₂ o₄gú₃ dsa₂ 'lín'₅₄, a₂tion₃ dsa₂ cróg₄, la₁ a₂'ni₅ jmig₄ jaun₂ jein'₅₄ táng₃.

8 Jaun₂ gué₄ ca₂dsáu'₃ dsí₅ 'io₅₄ jág₁ jaun₂ quió'₅ Jesús.

9 Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lě₂ gué₄, ca₂tsí'₃ ca₂le₃jín₃ gué₄ dsa₂ sián'₂ ně₃.

10 Dsa₂ mí₂ i₂jme₁quion₂ jág₁ ně₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quiain'₅₄ gué₄ dsa₂ mí₂ sián'₂.

11 La₁ jme₁ca₂nág₂ chi'₂ dsi₂guia₃-tín₂ jág₁ ně₅, a₂lě₁tě₂ 'i₅ bá 'io₅₄ 'éi₂, lín₂, jaun₂ tsá₃ ca₂rě₃'éin₂.

12 La₁ Pe₄ ně₃, ca₂o₃'ín₃ ηó₃ co₂chi'₅₄ ca₂i₁jag₅₄ dsi₂néi₂ tau₂ 'ηio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ηái'₃ bá₄ táng₃ jaun₂ ně₃, dsi₂gó'₃ dsí₅ 'e₂ ca₂lě₃.

*A₂ca₂lě₃ dsi₂jui₅ ja,ηó₄ jui₂ Emaús
(Marcos 16:12-13)*

13 Jmig₄ jaun₂ dé₄, on₃ dsa₂ 'éi₂ tioen'₅₄ jui₅ i₃lěin₂ jui₅ juig₂ ja₁tě'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén.

14 Jaun₂ dé₄ tsí'₅ riin'₅₄ i₃lěin₂ ca₂le₃jě₃ 'e₂ niog₅ ca₂lě₃.

15 Tě₃ dsia₂₃ i₃lěin₂ jaun₂, ca₂jme₃quián₃ Jesús ηó₃ quiong'₅₄.

16 La₁ jui₁'a₂ gué₃ la₂ jág₂ i₃lěin₂, cha₂ a₂jmo₅ a₂tsá₃ rě₂cuig₂₃ 'ein₂ 'éi₂.

17 Jaun₂ ca₂ηag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄.

18 Jaun₂ ca₂ηag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ tě₁tsin'₅₄ guan₅ Jerusalén, jaun₂ tsá₃ ηi'₅₄ 'e₂ niog₅ ca₂lě₃ dsióg₂-jo₃ ně₅?

19 Jaun₂ ca₂ηag₃:

—¿'E₂ ca₂lě₃ guě'₂?

Jaun₂ ca₂ηag₃ táng₃:

—A₂ca₂lě₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ě₂ jág₁ quián₅ Diú₄, i₂'uan'₂ tě₂le₃ quian'₅₄ ca₂le₃jě₃ a₂niog₅ ca₂jmo₃, i₂'uan'₂ tě₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güig₃ ně₃;

20 'a₂ lia'₂ ca₂jáng'₂ juig₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂'éi'₃ ca₂ηag₃ tioen'₅₄, ca₂tion₃ cróg₄.

21 Jnia'₅₄ jme₁'ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ juig₂ Israel. La₁ ně₃ ně₃, ma₂'ni₅ jmig₄ ca₂lě₃ le₂ně₅.

22 I₂lín₅₄ dsa₂ mí₂ i₂tion'₅₄ jě₄ quián₂ jnia'₅₄ ma₂ně₂quiong₃ jnia'₅₄ juě'₅, ia₁ ma₃i₁jag₅₄ tě₂ o₃'iog₂ ma₂'míg₂ tau₂ 'ηio₅, juá'₂.

23 Tsá₃ ni₁ηi₁ 'lag₄ dsó'₅. A₂jaun₂ bá₄ dsia₂₃ o₃lein₃ a₂ně₂jme₃jnia₅ ángeles ne₅₄, a₂ně₂juá'₂ i₂chan₂ bá₄ 'éi₂.

24 Jaun₂ ně₃, ma₂i₁len₅₄ i₂lín₅₄ rin'₅₄ jnia'₅₄ ma₂i₁jag₅₄ tau₂ 'ηio₅. Jua'₂ dsón'₂ bá₄ dsau₅ con'₂ lě₅ jág₁ jmóg'₅ dsa₂ mí₂ 'éi₂, la₁ 'éi₂ guě'₂ ně₃ tsá₃ ně₂jín₂, juá'₂.

25 Jaun₂ ca₂ηag₃ Jesús ca₂tsí'₃ 'éi₂:

—i'En₁ jmá'₃ tsá₃ 'e₂ ca₂ηí'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jě₃ a₂niog₅ ca₂juá'₂ dsa₂ i₂jme₁'ě₂ jág₁ quián₅ Diú₄?

26 Ia₁ ¿on₁ le₂jaun₂ 'i₄ 'éi'₃ ca₂tín₂ I₂rě₂'ín₁ quián₅ Diú₄, dsi₃ηí₂ ca₂le₃jě₃ a₂ně₅ de'₂ jniá₅, jaun₂ guě₄ dsiáin'₄ ja₁le₃juin'₂ táng₃?

27 Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ηó₃ ca₂'ě₃ le₂tan₅₄ si₂ quió'₅ dsa₂ i₂jme₁'ě₂ jág₁ quián₅ Diú₄, ja₁juá'₂ 'in₂₃ 'éi₂ 'ηiog₅.

28 Jaun₂ ja₂quián₃ dsi₁léin₂ juig₂ pí₁ ja₁tioin'₅₄ jui₅ dsi₁léin₂. La₁ dsa₂ 'éi₂ con'₂ jme₁ma₂ηó₅ co₂dsau₅ bá₄ ca₂jmo₃.

29 La₁ i₂on₃ 'éi₂ ně₃ ca₂chi₃quióng₂ jmig₄ a₂jñia₃, ca₂juá'₂:

—Ně₃ o₁jñia₁ quian'₅₄ jnia'₅₄, ia₁ ca₂rín₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jñia₃ quian'₅₄ 'éi₂.

30 Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ñí'₄, ca₂jme₃jñi₃o₃, jaun₂ guě₄ ca₂'niai₃ ca₂cuě'₃ le₃on₃ i₂quiain'₅₄.

31 Tě₃jě₄ jaun₂ ně₂jag₄ a₂jaun₂ guě₄ ca₂niá₃ jme₁ne₁₂ lín₂, jaun₂ guě₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tě₃ ne₅₄.

32 Jaun₂ guě₄ ca₂dsia₃ jág₁ guioin'₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lě₃ dsi₅ néi₁ ca₂le₃jě₃ 'e₂ niog₅ ně₂juá'₂ ně₂jme₃jñi'₂ dsi₅ jniog₄ a₂juá'₂ Si₂.

33 Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chi'₂ dsi₂guia₃-tín₂ i₂lě₂ guě₄, le₁ñi'₂ quian'₅₄ guě₄ dsa₂ sián'₂.

34 Jaun₂ juá'₂ 'éi₂ tioin'₅₄:

—Tě₃dsón'₂ bá₄ ma₂ca₂jen'₅₄ Te₁gui'₅₄. Ia₁ ma₂ně₂jme₃jñia₂₃ ne₄ Si₂mu₅₄.

35 Jaun₂ guě₄ ca₂jmo₃g'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ñí'₄.

Ca₂jme₃jnia₅ Jesús jě₄ quió'₅ chi'₂ dsi₂guia₃-tín₂

(Mateo 28:16-20; Marcos 16:14-18; Juan 20:19-23)

36 Tě₃ tioin'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jě₄ quió'₅, §

37 Ca₂i₃gó'₃ dsí₅ tioin'₅₄, lín₂ jan₂ jme₂dsí₂ bá₄ 'éi₂ ηi₅.

38 Jaun₂ ca₂juá'₂:

—¿'E₂ lě₃ ηí₄ lě₃ tion'₅₄ 'nia'₂ chí'₅ go₂'i₃? ¿'E₂ lě₃ ηí₄ 'lióng₂ a₂'náu'₂ 'nia'₂ 'au'₂?

39 La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió'₃ i₂jag₄ 'nia'₂. Jan₂ jme₂dsí₂, on₃jua'₅₄ i₂ton₅ ηí₅ on₃ i₂'en₅₄ mu₅, jui₁lia'₂ jág'₂ 'nia'₂ lín₅ jniá₂.

40 Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

41 Tě₃ tioin'₅₄ jaun₂ dsi₂gó'₃ dsí₅ tsá₃ 'éin₂ o₄quió'₄ a₂ñí₄ lě₃ 'io'₂ jén'₅, jme₁ca₂juá'₂ Jesús:

—¿Cha₁ a₂le₃que₅₄ ca₂la₂ ja₁lá₃?

42 Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ guě'₂ ca₂jne₄ ni₁tá'₅ cui₅].*

43 Jaun₂ ca₂gue₃ ca₂guě'₃ guá₅ tě₃ne₄ ca₂le₃jín₃.

44 Jaun₂ ca₂juá'₂ ně₃:

—Ma₁ ca₂juá'₃ jniá₂ le₂jñiá₅ lia'₂ con'₂ jme₁ñi₂₃ jñ'₄ 'nia'₂, a₂tion₅₄ le₃ti₃ ca₂le₃jě₃ lia'₂ con'₂ lě₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme₁'ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá₂.

45 Jaun₂ guě₄ ca₂jme₃ñi'₂ dsí₅ 'éi₂ a₂juá'₂ Si₂,

46 jaun₂ ca₂juá'₂:

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ñí₂ uig₅ I₂rě₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmig₄;

47 a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsí₅ dsa₂ ia₁jaun₂ bá₄ lé₂ le₃'én₂ dsáu₁. Jág₁ ně₅ dsó₃ qui₂rě₂'ě₂ o₄quió₃, ne₄ ca₂le₃jín₃ i₂chan₂ gua'₅₄ 'uě₃, la₁ Jerusalén de'₂ jñiá₅ ja₁le₃lió₃.

48 'Nia'₂ ně₃ i₂qui₂ca₂tě₂ ne'₅₄ ca₂le₃jě₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅.

§ 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂: —Siang'₃, Jui₁'ei₅ bá₄ tei₄ tion'₅₄ 'nia'₂.” * 24:42 A₂lín₅₄ chog₅₄ si₂ tsá₃ chi₁ton₅ jág₁ ně₃.

49 Jaun₂ ně₃, tsin₅₄ jniá₂ i₂ma₂lě₅ jág₁ chen₃ Ńe'₃. La₁ jŋia₄ guě₄ 'nia'₂ juig₂ la₂, ca₂lia'₂ ca₂lě₃ le₁lin'₄ 'nia'₂ quian'₅₄ juibí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(Marcos 16:19-20)

50 Jaun₂ ca₂jŋiai₃ chí'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄.

51 Ca₂lě₃ ně₃, tē₃jě₄ jme₂gu'₅₄ jaun₂, ca₂i₃uín₂.†

52 'É₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ŋio₅ lin₃,

53 le₃ó₃ jmíg₄ bá₄ jme₁ŋi'₂ i₁dsi₅ guá'₅ jme₂juin'₂ Diú₄.
Co₂ně₅.

† 24:51 A₂lin₅₄ chog₅₄ si₂ juá'₂ ján₃: “ca₂ŋái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güig₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂té'₂ Jág₁; jaun₂ i₂'éi₂ i₂lín₅ Jág₁ ně₃, jme₁'ein₅₄ quián'₅₄ Diú₄; Diú₄ bá₄ jme₁lín₄ ján₃.

² Jaun₂ lia'₂ con'₂ le₂'uig₅₄, 'éi₂ ně₃, jme₁'ein₅₄ quián'₅₄ Diú₄.

³ Të₂le₃ quián'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ ně₃, lë₅ Si₂ a₂tág₅ ja₁con₂ dsa₂ mi₂güig₃.

⁵ Tág₅ Si₂ jaun₂ jë₄ qui₁né'₃, la₁ qui₁né'₃ ně₃, tsá₃ ma₂ca₂tió'₃.

⁶ Ca₂rë₃chá₃ jan₂ dsa₂ i₂chen₄ quián₅ Diú₄, i₂chen₂ Juan₅₄.

⁷ Ca₂guain₃ ca₂jáng'₃ jág₁ dsau₅ tē₂le₃ quió'₅ 'éi₂ i₂lín₅ Si₂, ia₁jaun₂ tē₂le₃ quián'₅₄ jág₁ dsau₅ a₂jáng'₅ ně₅, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jáng'₅ jág₁ dsau₅ bá₄ jme₁lín₄, ju₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ tē₂dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güig₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güig₃; jaun₂, o₁jñia'₅₄ ca₂lë₃ mi₂güig₃ tē₂le₃ quián'₅₄ 'éi₂, tsá₃ ca₂rë₃cuig₅ dsa₂ mi₂güig₃.

¹¹ Guain₃ jin₄ dsa₂ go₅₄, la₁ dsa₂ go₅₄ ně₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ tē₂le₃ quió'₅, dsa₂ 'éi₂ ně₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Ju₁lia'₂ chi'₂-guein₂ 'éi₂, on₃jua'₅₄ ca₂rë₃cháin₃ lia'₂ con'₂ lë₅ jmi₄ dsa₂ mi₂güig₃, on₃ guë'₂ lia'₂ con'₂ lë₅ dsí₅ dsa₂ mi₂güig₃, on₃ guë'₂ lia'₂ con'₂ lë₅ dsí₅ jan₂ dsa₂ ηe'₂, ton'₂ ca₂rë₃cháin₃ le₃quió'₅ Diú₄ bá₄.

¹⁴ I₂'éi₂ ně₃ i₂lín₅ Jág₁, ca₂can₃ ηi₄ dsa₂ mi₂güig₃, ca₂guá₂ jë₄ quián₂ jniog₄. Jnia'₅₄ ně₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ηi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂ti'₅₄ ně₃.

¹⁵ Ca₂jáng'₃ Juan₅₄ jág₁ dsau₅ tē₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ jniá₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

¹⁷ Ca₂ηag₂ jniog₄ Si₂ 'Éi'₃ tē₂le₃ quián'₅₄ Moisés, la₁ia₁ tē₂le₃ quián'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rë₃ti₃ jág₁ dsau₅ ně₃.

¹⁸ Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón'₂; la₁ia₁ Ja₁ηi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia'₂ lín₅ Diú₄.

Jáng'₅ jág₁ dsau₅ Juan₅₄ i₂chon₅ dsa₂ jmi₂g₂, ju₁lia'₂ i₂'ein₂ 'éi₂ Jesucristo

(Mateo 3:11-12; Marcos 1:7-8; Lucas 3:15-17)

¹⁹ Jaun₂ le₂la₂ jág₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quiain'₅₄ levitas ne₄ Juan₅₄, a₂i₁ηag₁₂ i₂'ein₂ 'éi₂.

²⁰ 'Éi₂ ně₃ ca₂jmo₃ jág₁ lia'₂ rë₂jíá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ηag₃ táng₃ dsa₂:

- ¿'Ein₂ 'ne₂ jaun₂? ¿'Ne₂ líng'₅ Elías i₂jme₁'ě₂ jág₁ o₄quíó'₄ Diú₄?
 Jaun₂ ca₂juá'₂ Juan₅₄:
 —On₃jua'₅₄ 'éi₂ jniá₂.
 Dsi₂ju₅ le₂jaun₂ bá₄ ca₂ḡag₃ táng₃ dsa₂:
 —¿On₃ bá₄ 'ne₂ líng'₅ i₂'ě₂ jág₁ 'éi₂, i₂lě₅ jág₁ jiá₃?
 Jaun₂ ca₂ḡag₃ Juan₅₄:
 —Jan₂'ón₄.
 22 Jaun₂ bá₄ ca₂juá'₂ dsa₂ ca₂tsí'₃ Juan₅₄:
 —¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂ i₂ca₂chei₃. ¿'Ein₂ juá'₂ 'ne₂ líng'₅?
 23 Jaun₂ ca₂ḡag₃ Juan₅₄:
 —Jniá₂ bá₄ líng'₅ i₂'éi₂ i₂juá'₂ jág₁ tiá₂ caun₂ 'uě₃ quein₂ co₂ḡiog₅ i₁juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*
 24 Dsa₂ i₂i₁len₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂,
 25 jaun₂ ca₂ḡag₃ ca₂ḡii'₃ táng₃ Juan₅₄:
 —Chi₂jua'₂ on₃jua'₅₄ 'ne₂ líng'₅ I₂rě₂'ín₁ quián₅ Diú₄, on₃ guě'₂ Elías, on₃ guě'₂ jan₂ i₂'ě₂ jág₁ o₄quíó'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmig₂?†
 26 Jaun₂ ca₂juá'₂ Juan₅₄:
 —Jniá₂ tiáng₅ dsa₂ jmig₂; la₁ia₁ jin₄ 'nia'₂ chan₂ jan₂ i₂tsá₃ cuin'₂ 'nia'₂.
 27 Já₅ jan₂ cang₂ guě₄ con'₂ guě₄ jniá₂, on₃jua'₅₄ 'ein₂ lín₅ jniá₂ jua'₅₄ ca₂tíng₂ tsi'₅₄ lau₂ ton₅ tag₅₄.
 28 Ca₂le₃jě₃ a₂la₂ ca₂lě₃ caun₂ ja₁chei₂ Betania,‡ a₂niog₅ tē₂le₃ ja₁ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.§

Jesús i₂lín₅ Guein₂ Já'₂ Cha'₂ quián₅ Diú₄

- 29 Jme₁jnia₃ jaun₂, ca₂jin₂ Juan₅₄ Jesús a₂já₅ ja₂quiáin₃ ja₁chéin'₄, jaun₂ ca₂juá'₂:
 —Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsau₁ dsa₂ mi₂güig₃.
 30 I₂ně₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guě₄ con'₂ guě₄ jniá₂, dsein₅₄ guě₄ con'₂ guě₄ jniá₂, ia₁ jme₁ma₂chain₂ jniá₅ guě₄ con'₂ guě₄ jniá₂.”
 31 Lia'₂ jnia'₅₄ 'ḡi₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmig₂ ma₂guio₃, * ia₁jaun₂ le₃cuig₅ dsa₂ juig₂ Israel 'ein₂ 'éi₂.
 32 Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:
 —Ca₂jin₄ jniá₂ Jme₂dsí₂ Jḡi₅ ca₂sióin₃ guei'₅₄ i₂juig₃ i₂jniá₂ lia'₂ jniá₂ jan₂ i₁ju₂, ca₂tē₁gua₁ ne₄ quió'₅ 'éi₂.
 33 Tsá₃ jme₁ma₂guion₄ bá₄ guě₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chóng₄ dsa₂ jmig₂,† ca₂tság₃ jniá₂: “Jě₁ma₂ca₂jing'₅₄ Jme₂dsí₂ sióin₅ ne₄ quió'₅ jan₂ dsa₂ ḡe'₂, i₂'éi₂ bá₄ qui₃tián₂ dsa₂ Jme₂dsí₂ Jḡi₅.”
 34 Ma₂ca₂jjin₅₄ bá₄ jniá₂, jaun₂ jáng'₅ jniá₂ jág₁ dsau₅, a₂lín₅ 'éi₂ Ja₁ḡi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

- 35 Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂l₂nio₄ quiáin'₅₄.
 36 Jaun₂ jme₁ca₂jág₃ Juan₅₄ ca₂ḡi₅ Jesús, jaun₂ ca₂juá'₂:
 —Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.

* 1:23 Isaiás 40:3. † 1:25 lit. “¿'e₂ ta₁ 'eng'₅₄ tiáng'₅ dsa₂ jmig₂?” ‡ 1:28 A₂lin₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, úng₂ ja₁niog₅ Jerusalén; on₃jua'₅₄ Betania ja₁jme₁guá₄ Lázaro quiáin'₅₄ 'io₅₄ riin'₅₄. § 1:28 lit. “ja₁jme₁'en₅₄ Juan₅₄ tián₂ dsa₂ jmig₂.” * 1:31 lit. “la₁ia₁ tiáng₅ dsa₂ jmig₂ ma₂guio₃.” † 1:33 lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.”

37 Jaun₂ ca₂nág₂ le₃on₃ dsa₂'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

38 Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—¿'E₂ 'náu'₂ 'nia'₂?

Jaun₂ ca₂juá'₂ dsa₂'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Tē₅—, ¿Já'₄ ηéi'₂ 'ne₂?

39 Jaun₂ ca₂ηag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá'₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmīg₄ jaun₂; ia₁ jme₁ma₂ca₂tē₂ con'₂ hora ηí₁ quén₂ tē₂le₃ ca₂'láu₂.[‡]

40 Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drě₄ i₂lín₅ rin'₅₄ Si₂mu₅₄ i₂tē'₂ dsa₂ Pe₄.

41 Dsi₂jui₅ né'₃ guě₄ jaun₂ bá₄ ηe₄ Drě₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rě₂'ín₁ quián₅ Diú₄).

42 Jaun₂ i₁ηia₃ Drě₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ηi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄. §

Tē'₂ Jesús Felipe quian'₅₄ Natanael

43 Jme₁jnia₃ jaun₂, ca₂lě₃ dsí₅ Jesús dsó₃ 'uē₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

44 Felipe 'éi₂ ně₃, jme₁chain₂ juīg₂ Betsaida, ján₃ bá₄ ja₁jme₁chan₂ Drě₄ quian'₅₄ Pe₄ ně₃.

45 Fe₂li₄ 'éi₂ ně₃, ηei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂'éi₂ i₂'in₅ Moisés ne₄ Si₂'Éi'₃, i₂'in₅ dsa₂ i₂'ě₂ jág₁ quián₅ Diú₄ ně₃. Jesús bá₄ 'éi₂, ja₁ηi'₅₄ José, i₂chan₂ juīg₂ Nazaret.

46 Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juīg₂ Nazaret?

Jaun₂ ca₂ηag₃ Fe₂li₄:

—Nia₅ de'₂ i₂jag₄.

47 Jaun₂ jme₁ca₂jág₃ Jesús a₂ma₂ja₂quían₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

48 Jaun₂ ca₂ηag₃ Natanael ca₂ηí'₃ Jesús:

—¿'A₂ lia'₂ cuiğ'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guě₄ a₂dsi₃té₂ Fe₂li₄, lia'₂ con'₂ jme₁ηéi'₂ né'₃ ni₁'ma₂ higuera.

49 Jaun₂ ně₃ ca₂juá'₂ Natanael ca₂tsí'₃ Jesús:

—Tē₅, 'ne₂ bá₄ líng'₅ Ja₁ηi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juīg₂ Israel.

50 Jaun₂ ca₂ηag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jín₄ jniá₂ 'ne₂, ηéi'₂ né'₃ ni₁'ma₂ higuera? La₁ia₁ ně₃ guě₄ tē₃ ne'₅₄ 'lióng₂ léi₄ juě'₂ guě₄ con'₂ guě₄ a₂la₂.

51 Já₃ bá₄ ca₂juá'₂ Jesús:

‡ 1:39 lit. “hora guía₃.” § 1:42 Co₂'nió'₄ le₃jua'₅₄, “Ni₁cang₁.” Le₂ně₅ juá'₂ jág₁ “Cefas” quian'₅₄ jág₁ jme₁, arameo; co₂jaun₂ juá'₂ “Petros” (ja₁já₅ jág₁ piedra, Pedro ně₃) quian'₅₄ jág₁ jme₁, griego.

—A₂dsi₂jó'₃ juig₂jniá'₂nia'₂, jag'₅₄'nia'₂rě₂na₄ guei'₅₄ i₂juig₃, jin'₅₄'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

2

Ca₂jen'₂ gu₂ dsa₂ jě₄ juig₂ Caná juig₂ tén₅ Galilea

¹ 'Ni₅ jmig₄ cang₂ guě₄ jaun₂, ca₂nio₃ jmig₄ ca₂jen'₂ gu₂ dsa₂ jě₄ juig₂ Caná, a₂niog₅ 'uě₃ Galilea. Ja₁jaun₂ jme₁'en₅₄ chog₅₄ Jesús ně₃;

² ján₃ bá₄ ca₂tě'₃ dsa₂ Jesús quiain'₅₄ dsa₂ i₂quiain'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

—Tsá₃ ma₃cha₂ vino quió'₅ dsa₂ tioin'₅₄.

⁴ La₁ ca₂ṅag₃ Jesús:

—'Io₅₄, ċ'_{e2} lě₃ juig'₂ jniá'₂ a₂ně₅? Ia₁ tsá₃ ma₂tě₂ guě₄ hora quió₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂ně₅.

⁶ Jme₁tióng₂ ja₁jaun₂ jñéi₂ tí'₂ cang₄, ju₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lě₅ tag₄ jme₁chí'₄ quió'₅. Lia'₂ caun₂ ni₁tí'₂ cang₄ jaun₂ 'a₄ con'₂ tē₂láu₃-guiá'₂, o₃ caun₂ 'ñiá'₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁tí'₂ tióng₂ la₂ quian'₅₄ jmig₂.

Ca₂jme₃can'₂ bá₄ guě'₂ dsa₂ lia'₂ ca₂rin₅ rě₂ lin₃.

⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Ně₃ ně₃, dsen₅₄ ca₂juig₄, o₂can₄ ne₄ dsa₂ i₂niog₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂niog₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lě₃ vino jaun₂, tē₃ tsá₃ ṅi₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ṅi₅. Jaun₂ ně₃ ca₂tě₃ dsa₂ i₂niog₅ ne₄ jmig₄, ca₂tě'₃ dsa₂ ṅe'₂ i₂jen'₂ gu₂,

¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jě₁ma₂le₁'en₅ dsa₂, jaun₂ guě₄ tia'₃ vino ga₂. La₁ 'ne₂ ně₃ ně₂'ma'₅₄ vino dse₃ ca₂tě₂ jě₁ca₂tó'₂.

¹¹ Jě₄ juig₂ Caná a₂tén₅ 'uě₃ Galilea jaun₂, ca₂jmo₃ Jesús léi₄ juě'₂ le₂'uig₅₄. Le₂ně₅ ca₂jme₃jñiai₂₃ 'ein₂ lín₅ tē₂le₃ quian'₅₄ ju₁bí₂ quió'₅, jaun₂ ca₂rě₃'én₂ chi'₂ dsi₂guia₃-tín₂ quiáin₅.

¹² Cang₂ guě₄ jaun₂ ca₂ṅó₃ jě₄ juig₂ Capernaum, lia'₂ jma₃quiain'₅₄ chog₅₄, rin'₅₄, chi'₂ dsi₂guia₃-tín₂ quiáin₅ ně₃; ja₁jaun₂ ca₂tóin'₂ tin₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

¹³ Jme₁ma₂ja₂quián₃ Jmig₄ Tě₂'in₅₄ quió'₅ dsa₂ judíos, jaun₂ ca₂uig₂ Jesús ju₁i₅ Jerusalén.

¹⁴ Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁ju₁i₅, i₂'ni₅ já'₂ cha'₂, i₂'ni₅ i₁ju₂ ně₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

¹⁵ Jme₁ca₂jág₃ Jesús a₂jaun₂, ca₂jmo₃ caun₂ látigo a₂lě₅ quian'₅₄ tsi₁'nei₅₄, jaun₂ ca₂'uín'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁ju₁i₅ ně₃. Ca₂jein₃ 'uě₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa ně₃.

¹⁶ Jaun₂ ca₂tsí'₃ i₂'ni₅ i₁ju₂:

—i'_{Uě}₅₄ 'nia'₂ ca₂le₃jě₃ a₂ně₅ ja₁lá₃! i₁Tsá₃ lě₁jmo₂ 'nia'₂ ja₁'ma'₅₄ ja₁quió'₄ Ne'₃!

¹⁷ Jaun₂ ca₂dsáu'₃ dsí₅ dsa₂ i₂jme₁quiain'₅₄, a₂chi₁ton₅ ne₄ Si₂ le₂la₂:

Ně₂jag₄ bá₄ a₂ca₂cóng₂ 'uig₅₄ ia₁ a₂ṅí₄ lě₃ dsí'₅ dsi₃

o₄quió' dsi₂néi₂ quiáng' ².*

18 Jaun₂ ně₃ ca₂ḡag₃ dsa₂ judíos ca₂ḡí' ₃ Jesús:

—¿'E₂ léi₄ le₃'ě' ₂ jnia' ₅₄ a₂jáng' ₅ jág₁ dsau₅ a₂ca₂tín' ₂ 'ne₂ jmó' ₂ le₂ně₅?

19 Jaun₂ ca₂ḡag₃ Jesús:

—'Ē₂ 'nia' guá' ₅ la₂, jaun₂ tsi' ₅₄ táng₃ jniá₂ quian' ₅₄ 'ni₅ jmig₄.

20 Jaun₂ ně₃ ca₂juá' ₂ dsa₂ judíos ca₂tsí' ₃ Jesús:

—Tě₂láu₃-jḡéi₂ ḡi₂ ca₂rě₃'ín₅ dsa₂ jme₁ca₂chi' ₃ guá' ₅ la₂. ¿'En₁ jmá' ₃ jaun₂, lé₂ le₃jmog' ₅₄ tsi' ₅₄ quian' ₅₄ 'ni₅ jmig₄?

21 La₁ia₁ guá' ₅ a₂'ě₅ Jesús jaun₂, ni₁ḡi₄ 'ḡiog₅ bá₄ Jesús 'ě₂₃.

22 Jaun₂ lě₃, lia' ₂ con' ₂ jme₁ca₂jen' ₅₄ Jesús a₂jme₁rě₂'liin₅₄, ca₂dsáu' ₃ dsí₅ chi' ₂ dsi₂guia₃-tín₂ quiáin₅ jág₁ jaun₂. Jaun₂ ca₂rě₃'éin₂ jág₁ a₂juá' ₂ ne₄ Si₂ quió' ₅ Diú₄, quian' ₅₄ jág₁ a₂jme₁ca₂juá' ₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

23 Lia' ₂ con' ₂ jme₁'en₅₄ Jesús Jerusalén Jmig₄ Tě₂'in₅₄, ca₂rě₃'én₂ juin₅ lin₃ dsa₂ tē₂le₃ quió' ₅ Jesús, jme₁ca₂jág₃ léi₄ a₂ma₂qui₂ma₂jmo₃.

24 La₁ tsá₃ jme₁'én₂ Jesús quió' ₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia' ₂ lě₅ tē₂dsí₅.

25 Tsá₃ 'e₂ ca₂rě₃'nió' ₅ quió' ₅, jua' ₅₄ a₂jáng' ₃ dsa₂ jág₁ dsau₅ ju₁lia' ₂ quió' ₅ 'i₁jan₂, ia₁ ma₂ḡi₅ rě₂ bá₄ Jesús 'e₂ a₂qui₂dsi₂jḡia₅ dsí₅ dsa₂ mi₂güig₃.

3

Jme₂tag₅ Jesús jme₂tiin₂₃ Nicodemo

1 Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

2 Ne₄ 'éi₂ ca₂i₁jiin₁₂ Jesús tē₂le₃ ca₂nei₂, jaun₂ ca₂juá' ₂ ca₂tsí' ₃ Jesús:

—Tě₅, ne₄ bá₄ jnia' ₅₄ a₂lín' ₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia' ₂ 'i₁jan₂ tsá₃ lé₂ le₃jmo₃ léi₄ juě' ₂ le₂ně₅, ju₁lia' ₂ jmo' ₂ 'ne₂, jua' ₅₄ tsá₃ quiong' ₅₄ Diú₄.

3 Jaun₂ ně₃ ca₂juá' ₂ Jesús ca₂tsí' ₃ Nicodemo:

—A₂dsi₂jó' ₃ juig₂ jniá₂ 'ne₂, ně₁jua' ₂ tsá₃ rě₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

4 Jaun₂ ca₂ḡag₃ Nicodemo:

—¿'A₂ bá₄ lia' ₂ lé₂ le₃chan₂ táng₃, jan₂ dsa₂ ma₂juin' ₂? ¿Lé₂ le₃'í₂ táng₃ né' ₃ tē₂dsí₅ chog₅₄, jaun₂ le₃chain₂ táng₃?

5 Jaun₂ ca₂ḡag₃ Jesús:

—A₂dsi₂jó' ₃ juig₂ jniá₂ 'ne₂, ju₁lia' ₂ i₂tsá₃ rě₂chan₂ le₃quió' ₅ jmig₂, quian' ₅₄ le₃quió' ₅ Jme₂dsí₂, tsá₃ lé₂ le₃'í₂ ja₁gon₂ Diú₄.

6 Ju₁lia' ₂ i₂rě₂chan₂ le₃quió' ₅ ni₁ḡi₅, jan₂ dsa₂ ni₁ḡi₅ bá₄ 'éi₂; ju₁lia' ₂ i₂rě₂chan₂ le₃quió' ₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂.

7 Tsá₃ ju₁dsi₂gó' ₃ 'au' ₂ 'ne₂ a₂juá' ₅ jniá₂: “Tion₅₄ bá₄ le₃chan' ₂ 'nia' ₂ táng₃.”

8 'Ag₅ dsí₂ ju₁'a₂ guě₃ já' ₄ 'nio₃ 'ag₃; nag' ₂ bá₄ 'ne₂ mi' ₅₄ a₂lě₂, la₁ia₁ tsá₃ ḡi' ₅₄ a₂já' ₄ já₅, on₃ guě' ₂ a₂já' ₄ dsó₃. Ján₃ bá₄ le₂ně₅ lín₅ ca₂le₃jín₃ i₂rě₂chan₂ le₃quió' ₅ Jme₂dsí₂.

9 Jaun₂ ně₃ ca₂ḡag₃ táng₃ Nicodemo:

—¿'A₂ bá₄ lia' ₂ lé₂ le₃lé₂ a₂juá' ₂ 'ne₂ ně₅?

10 Jaun₂ ca₂ḡag₃ Jesús:

* 2:17 Salmo 69:9

—¿'Ne₂ guë'₂ líng'₅ jan₂ tē₅ quián₅ dsa₂ juig₂ Israel, ton'₂ tsá₃ ñí'₂ bá₄ guë'₄ 'au'₂ jág₁ nē₅?

¹¹ A₂dsi₂jó'₃ juig₂ jniá'₂ 'ne₂, jui₁lia'₂ a₂ma₂tag₂ bá₄ jnia'₅₄, dsia₂; ján₃ bá₄ jang'₂ jnia'₅₄ jág₁ dsau₅ jui₁lia'₂ a₂ma₂tē₂ ne₄ jnia'₅₄. La₁ 'nia'₂ nē₃ tsá₃ gue'₂ jág₁ dsau₅ a₂jang'₂ jnia'₅₄.

¹² Chi₂jua'₂ ma₂nē₂juá'₃ jniá'₂ a₂ē₂₃ jui₁lia'₂ a₂cha₂ mi₂güig₃ la₂, ton'₂ tsá₃ 'én'₂ bá₄ guë'₂ 'nia'₂, ¿'a₂ bá₄ guë'₂ lia'₂ le₃ 'én'₂ 'nia'₂ jág₁ quió₃ nē₁ca₂juá'₃ jniá'₂ ca₂juig₂ 'nia'₂ a₂ē₂₃ jui₁lia'₂ a₂cha₂ guei'₅₄ i₂juig₃?

¹³ 'Ca₂lia'₂ 'i₁jan₂ tsá₃ 'ein₂ ma₂uig₂ guei'₅₄ i₂juig₃, jnia'₅₄ lia'₂ 'éi₂ i₂ca₂sión₃ guei'₅₄ i₂juig₃; co₂'nió'₄ 'ñiog₅ Jaun₅ dsa₂ mi₂güig₃.*

¹⁴ Jui₁lia'₂ ca₂chón'₂ Moisés dsi₂mi'₂ guei'₅₄ ja₁lë'₄ 'uë₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güig₃,

¹⁵ ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güig₃

¹⁶ Jaun₂, 'uig₅₄ ia₁ a₂ñí₄ lë₃ ca₂rë'₃ nio₃ Diú₄ ca₂rë'₃ nioi₃ dsa₂ mi₂güig₃, ca₂cuin₃ Ja₁ñi'₅₄ i₂jan₂ tan₅₄ quián₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃ 'éin₂, ton'₂ le₃chain₂ bá₄ co₂tan₅₄.

¹⁷ Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ñi'₅₄ mi₂güig₃ a₂qui'₃ 'é₂ uig₅ ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ lión₂ dsa₂ mi₂güig₃ tē₂le₃ quian'₅₄ 'éi₂.

¹⁸ Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'é₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guë'₂ nē₃, ma₂rē₂'é₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ñi'₅₄ i₂jan₂ tan₅₄ quián₅ Diú₄.

¹⁹ A₂la₂ bá₄ uig₅ a₂rē₂'é₂ jaun₂: a₂ma₂gua₅ si₂ ja₁con₂ dsa₂ mi₂güig₃, la₁ ca₂rë'₃ nio₃ guë'₄ dsa₂ jë₄ qui₁né'₃ lia'₂ con'₂ guë'₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsá_{u5}.

²⁰ Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quián₃ ja₁tág₅ si₂, ia₁jaun₂ tsá₃ le₃jniá'₂ a₂'lig'₅₄ a₂jmo₂₃-dsá_{u5}.

²¹ La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quián₃ ja₁tág₅ si₂, ia₁jaun₂ le₃jniá'₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmi₂g₂ jui₁lia'₂ 'ein₂ 'éi₂ Jesús

²² Cang₂ jaun₂, ñó₃ Jesús jui₅ 'uë₃ Judea quiain'₅₄ chi'₂ dsi₂guia₃-tín₂ quián₅, jaun₂ ja₁jaun₂ ca₂'í₃ ca₂la₂ uë₂ quiain'₅₄ 'éi₂, qui₂choin₂₃ jmi₂g₂ dsa₂.†

²³ Ján₃ bá₄ le₂jaun₂ jme₁'en₅₄ Juan₅₄ nē₃, choin₂₃ jmi₂g₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'lióng₂ jmi₂g₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmi₂g₂.§

²⁴ (A₂la₂ ca₂lë₃ né'₃ guë'₄ a₂ton'₂ dsa₂ Juan₅₄ né'₃ 'má₃.)

²⁵ Jaun₂ nē₃, i₂lin₅₄ dsa₂ i₂quian'₅₄ Juan₅₄ ca₂tsin₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

²⁶ Jaun₂ i₃lén₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín₅ 'ne₂ 'éi₂, jë₂ bá₄ choin₂₃ jmi₂g₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

²⁷ Jaun₂ ca₂ñag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ñei₂ guei'₅₄ i₂juig₃.

* **3:13** A₂lin₅₄ chog₅₄ si₂ juá'₂ ján₃: "i₂'en₅₄ guei'₅₄ i₂juig₃." † **3:22** lit. "qui₂tián₂ dsa₂ jmi₂g₂." ‡ **3:23** lit. "tián₂ dsa₂ jmi₂g₂." § **3:23** lit. "ia₁jaun₂ qui₃tióng₃ Juan₅₄ jmi₂g₂." * **3:26** lit. "jë₂ bá₄ tián₂ dsa₂ jmi₂g₂."

28 Ca₂nei' ₂ bá₄ 'nia' ₂ guiong' ₅₄ jme₁ca₂juá' ₃: “On₃jua' ₅₄ jniá₂ líng₅ I₂rē' ₂ín₁ quián₅ Diú₄; jan₂ dsa₂ i₂chen₄ ne₄ jui₅ quió' ₅ 'éi₂ bá₄ líng₅.”

29 I₂ca₂tín₂ dsa₂ ηe' ₂ i₂jen' ₂ gu₂ bá₄, dsa₂ mí₂ i₂jen' ₂ gu₂ quiain' ₅₄. Jaun₂ dsa₂ a₂mei₅₄ quián₅ dsa₂ ηe' ₂ ně₃, chi₁jñia₁ nag₂₃. Jaun₂ 'io' ₂ jén' ₅ jē₁ma₂nág₂ jág₁ quió' ₅ 'éi₂. Ján₃ bá₄ le₂jaun₂ jniá₂ ně₃, rē₂'ñia₅ a₂'io' ₂ jén' ₅ dsí₃.

Jui₁lia' ₂ i₂já₅ guei' ₅₄ i₂juíg₃

30 "Éi₂ ca₂tín₂ le₃dsein₅₄ guě₄; jniá₂ guě' ₂ ca₂tíng₂ le₃meg' ₂.

31 Jui₁lia' ₂ i₂já₅ jui₅ guei' ₅₄ i₂juíg₃, dsen₅₄ guě₄ ne₄ quió' ₅ ca₂le₃jín₃. Jui₁lia' ₂ i₂já₅ gua' ₅₄ 'uě₃, jan₂ i₂chan₂ gua' ₅₄ 'uě₃ bá₄ 'éi₂. Jaun₂ dsia₂₃ jui₁lia' ₂ a₂quió' ₅ gua' ₅₄ 'uě₃. La₁ia₁ jui₁lia' ₂ i₂já₅ guei' ₅₄ i₂juíg₃, dsen₅₄ guě₄ ne₄ quió' ₅ ca₂le₃jín₃.

32 Jáng' ₅ 'éi₂ jág₁ dsau₅ jui₁lia' ₂ a₂ma₂tě₂ ne₅₄, jui₁lia' ₂ a₂ma₂nág₂ ně₃; la₁ 'i₁jan₂ tsá₃ 'ein₂ tón' ₂ jui₅ jág₁ dsau₅ a₂jáng' ₅ 'éi₂.

33 La₁ia₁ jui₁lia' ₂ i₂tón' ₂ jui₅, ma₂caún₅ 'í₁ a₂dsón' ₂ bá₄ tí₅ jág₁ a₂juá' ₂ Diú₄;

34 ia₁ i₂ca₂chen₃ Diú₄ ně₃, dsia₂₃ jág₁ quió' ₅ Diú₄, ia₁ cuín₅ Diú₄ Jme₂dsí₂ quián₅ ca₂lia' ₂ tsá₃ niog₅ 'éi' ₃.

35 A₂'nio₃ Diú₄ Jmei₂ 'nioi₃ Ja₁ñi' ₅₄, jaun₂ o₄gú₃ 'éi₂ ma₂dsia₃ ca₂le₃jě₃.

36 Jui₁lia' ₂ i₂'én₂ tē₂le₃ quió' ₅ Ja₁ñi' ₅₄ Diú₄, le₃chain₂ bá₄ co₂tan₅₄; la₁ jui₁lia' ₂ i₂tsá₃ ne' ₅₄ le₃quió' ₅ Ja₁ñi' ₅₄ Diú₄, tsá₃ tē₃ ne₅₄ a₂le₃chain₂ rē₂'ñiai₂₃, ton' ₂ tē₂le₃ tē₃gua₄ 'nei₂ dsí₅ Diú₄ ja₁coin₂.

4

Dsia₅ Jesús jág₁ quian' ₅₄ jan₂ 'io₅₄ i₂chan₂ Samaria

1 Jme₁ca₂rē₃ñi₅ Te₁gui' ₅₄ a₂ma₂nág₂ dsa₂ fariseos jág₁, 'ñio₅ lin₃ guě₄ juin₅ dsa₂ i₂ma₂quian' ₅₄ Jesús, qui₂ma₂cho₃ jmig₂ * lia' ₂ con' ₂ guě₄ Juan₅₄;

2 (o₁jñia' ₅₄ on₃jua' ₅₄ 'ñiog₅ Jesús choin₂₃ jmig₂ dsa₂, † jñia' ₅₄ lia' ₂ chi' ₂ dsí₂guia₃-tín₂ quián₅ bá₄),

3 jaun₂ ca₂o₃'ín₃ 'uě₃ Judea, a₂ñái' ₃ táng₃ jui₅ 'uě₃ Galilea.

4 Ja₁tioin' ₅₄ jui₅ jaun₂, ca₂tíin₂ ñí₃ 'uě₃ Samaria.

5 Jaun₂ ně₃ ca₂dsi₃lén₂ caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄ 'uě₃ a₂jme₁ca₂cuě₃ Jacob ma₂líg' ₂ ca₂cuě' ₃ ja₁ñi' ₅₄ i₂chen₂ Sē₄.

6 Ja₁jaun₂ jme₁dsi₅₄ caun₂ tau₂ pozo a₂tě' ₂ dsa₂ a₂quió' ₅ Jacob. Jaun₂ ca₂guá₂ Jesús cau₅, ia₁ a₂ca₂'ú' ₃ 'ein₅₄ jui₅. Jme₁ma₂ca₂tě₂ con' ₂ dsí₂ñí' ₃ jaun₂.

7 Tē₃ guá₅ jaun₂ ca₂dsió₃ jan₂ 'io₅₄ i₂chan₂ Samaria a₂i₃dsein₂₃ jmig₂ pozo jaun₂. Jaun₂ ca₂juá' ₂ Jesús ca₂tsí' ₃ 'io₅₄ 'éi₂:

—Cuě₄ ca₂juig₄ jmig₂ gui' ₅₄.

8 Tē₁lia' ₂ jaun₂, i₁len₅₄ jē₄ juig₂ chi' ₂ dsí₂guia₃-tín₂, i₁lia₅ má₃ a₂guě' ₃.

9 Jaun₂ ně₃ ca₂juá' ₂ 'io₅₄ chan₂ Samaria 'éi₂ ca₂tsí' ₃ Jesús:

—¿'A₂ lia' ₂ lē₅ jaun₂, 'ne₂ jan₂ dsa₂ i₂lín₅ judío, mi' ₂ jmig₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian' ₅₄ dsa₂ chan₂ Samaria.)‡

10 Jaun₂ ně₃ ca₂ñag₃ Jesús:

—Jua' ₅₄ mei' ₂ guě₃ ñi' ₅₄ 'ne₂ 'e₂ jaun₂ a₂cuě₅ Diú₄, quian' ₅₄ 'ein₂ i₂mi₅ jmig₂ ne' ₅₄, jme₁mí' ₂ ne₃ jniá₂, jaun₂ jniá₂ ně₃ cuě₅₄ jmig₂ jén' ₃.

11 Jaun₂ ca₂juá' ₂ 'io₅₄ ca₂tsí' ₃ Jesús:

—Gui' ₅₄, tsá₃ ñí₁ cubeta cha₂ quiáng' ₂ a₂dséng' ₄ jmig₂, ton' ₂ a₂jí' ₂ bá₄ tau₂ pozo. ¿'A₂ guě' ₂ já' ₄ cán' ₁ jmig₂ jén' ₃ a₂cuě' ₂ jniá₂?

* 4:1 lit. “qui₂ma₂tió₃ jmig₂.” † 4:2 lit. “tíán₂ dsa₂ jmig₂.” ‡ 4:9 o₃, “tsá₃ jmó' ₂ dsa₂ judíos ta₁ jui₁lia' ₂ ni₁uín₅ a₂jmó' ₂ dsa₂ chan₂ Samaria ta₁.”

12 ¿E₂, 'ne₂ líng' i₂juin' gué₄ con' gué₄ 'lag₄ jmei₂ jniog₄ Jacob, i₂ca₂cué₃ pozo la₂? Jme₁cán₂ 'éi₂ jmig₂ a₂'ín' 'niog₅ quian'₅₄ chi'₂ quiáin₅, quian'₅₄ já'₂ quiáin₅ ně₃.

13 Jaun₂ ca₂ḡag₃ Jesús:

—Ca₂le₃jín₃ jui₁lia'₂ dsa₂ i₂'ín' jmig₂ la₂, lé₂ táng₃ dsí₅ i₁'ín' jmig₂;

14 la₁ia₁ jui₁lia'₂ i₂'ín' jmig₂ a₂cué₄ jniá₂, lia'₂ o₁líg'₂ jmig₄ tsá₃ ma₃lé₂ dsí₅ i₁'ín' jmig₂. Ia₁ jui₁lia'₂ jmig₂ a₂cué₄ jniá₂, lé₂ ně₂jag₄ bá₄ caun₂ o₄tu₁ jmig₂ tē₂le₃ quió'₅, a₂qui₃íá₃ jmig₂ a₂gu₂dsí₂ a₂jmo₃ a₂le₃chain₂ co₂tan₅₄.

15 Jaun₂ ně₃ ca₂juá'₂ 'io₅₄ ca₂tsí'₃ Jesús:

—Gui'₅₄, cué₄ jmig₂ a₂'ē'₂ ně₅, ia₁jaun₂ tsá₃ ma₃le₃quein₂ dsí₃, on₃ guē'₂ caun₂ guio₅₄ gué₄ ca₂tē₂ la₂ i₁dséng₃ jmig₂.

16 Jaun₂ ca₂juá'₂ Jesús:

—Guan'₂ o₂te'₂ dsí₂i₂gog'₂, jaun₂ ḡe'₅₄ táng₃ ja₁lá₃.

17 Jaun₂ ca₂ḡag₃ 'io₅₄ 'éi₂:

—Tsá₃ dsí₂i₂gu₃ jniá₂ chan₂.

Jaun₂ ně₃ ca₂juá'₂ Jesús:

—Tí₅ bá₄ jág₁ quiáng'₂ a₂nē₂jua'₅₄, a₂tsá₃ chan₂ dsí₂i₂gog'₂;

18 ia₁ 'njiá₂ dsí₂i₂gog'₂ i₂ma₂ca₂né'₂ quiang'₅₄, jaun₂ i₂ḡe'₂ quiang'₅₄ rē₂ně₃ ján₃, on₃jua'₅₄ dsí₂i₂gog'₂ 'éi₂. Dsón'₂ bá₄ tí₅ jág₁ quiáng'₂ a₂nē₂jua'₅₄.

19 Jme₁ca₂nág₂ 'io₅₄ jág₁ ně₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne₂ jan₂ dsa₂ i₂'ē₂ jág₁ quián₅ Diú₄, lín₂ jniá₂.

20 Ja₁chí'₄ má'₂ la₂ ca₂jme₃juin'₂ dsa₂ can'₅₄ quián₂ jnia'₅₄ ca₂jme₃juin'₂ Diú₄ ma₂líg'₂, la₁ia₁ 'nia'₂ i₂lín'₅ dsa₂ judíos ně₃, juá'₂ Jerusalén bá₄ ja₁ca₂tín₂ dsa₂ jme₃juin'₂ Diú₄.

21 Jaun₂ ca₂ḡag₃ Jesús:

—Jui₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₁juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guē'₂ o₁nó'₅ 'nia'₂ Jerusalén.

22 'Nia'₂ jme₂juíng'₁ tē₃ tsá₃ ḡi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'ein₂ i₂jme₂juín'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂.

23 La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, jui₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂.

24 A₂lín₅ Diú₄ jme₂dsí₂; jaun₂ jui₁lia'₂ i₂jme₂juag'₂, ca₂tín₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

25 Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tē₂ dsa₂ I₂rē₂'ín₁ quián₅ Diú₄). Jē₁ma₂guain₂₃, jaun₂ gué₄ juá'₂ ca₂le₃jé₃ lia'₂ rē₂jiá₃.

26 Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

27 Tē₁lia'₂ jaun₂, ca₂o₃len₃ chi'₂ dsí₂guia₃-tín₂ quiáin₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ḡag₃ 'e₂ 'no'₂, 'e₂ jág₁ dsia₂₃ quian'₅₄ 'io₅₄ 'éi₂.

28 Jaun₂, ja₁jaun₂ ca₂chi'₃ 'io₅₄ ni₁dsí₁ quió'₅, jaun₂ ḡái'₃ jē₄ juí₂, jaun₂ ca₂juá'₂ ca₂tsí'₃ dsa₂:

29 —I₂nó'₅ 'nia'₂ i₂jín₄ jan₂ dsa₂ ḡe'₂ i₂ma₂nē₂juá'₂ ca₂le₃jē₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rē₂'ín₁ quián₅ Diú₄?

30 Jaun₂ ně₃ ca₂'uin₂ dsa₂ jē₄ juí₂ ca₂i₃lén₂ ja₁guá₄ Jesús.

31 Tē₁lia'₂ jaun₂, ca₂chi₃quióng₂ jmig₄ chi'₂ dsí₂guia₃-tín₂ chi₂quiáin₂ jmig₄ Jesús a₂gué'₃, juá'₂:

—Të₅, qué¹ ca₂la₂.

32 Jaun₂ ca₂juá¹ Jesús:

—Cha₂ caun₂ má₃ aguë¹₅₄ jniá₂, a₂tsá₃ cuin¹₂ 'nia'₂.

33 Jaun₂ ně₃ qui₂ca₂ñí¹₃ chi¹₂ dsi₂guia₃-tín₂ rñin¹₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ aguë¹₃?

34 La₁ ca₂juá¹₂ Jesús ca₂tsí¹₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi¹₃ a₂'ñio₂ dsí₅ i₂ca₂chei₃, a₂jme₁'ñiag₅ ta₁ quió¹₅ ně₃.

35 ¿'On₁ juá¹₂ guë¹₂ 'nia'₂: “Ei₅ bá₄ guë₄ quén₂ tsi¹₂ a₂ráu₃”? La₁ia₁ jniá₂ juí₂g¹₂ 'nia'₂, jag₄ 'a₂ lia'₂ ma₂tion¹₅₄ dsa₂ le₁ñia₂₃, ně₂jag₄ bá₄ a₂le₁chein¹₂ ja₁nau₂ ca₂ron₂, ma₂lé₂ bá₄ cág¹₃.

36 Ju₁lia¹₂ dsa₂ i₂jmo₅ ta₁ ja₁nau₂ ně₃ gue₂₃ 'liain¹₅₄. Ju₁lia¹₂ a₂ráu₃, a₂cág¹₃ ja₁nau₂ jaun₂, a₂jio₃ co₂tan₅₄ bá₄ jaun₂, ia₁jaun₂ co₂lë₅ bá₄ jmo₃ 'io'₂, lia¹₂ dsa₂ i₂jne₅, lia¹₂ dsa₂ i₂cág¹₅ ně₃.

37 Le₂në₅ dsón¹₂ bá₄ quió₃ § a₂dsia₅ dsa₂: “Jan₂ i₂jne₅, i₂sián¹₂ i₂cág¹₅.”

38 Jniá₂ ma₂tsíng₂ 'nia'₂ a₂o₁cag¹₄ ja₁tsá₃ ta₁ ma₂jmo¹₅₄ 'nia'₂ guiong¹₅₄, ta₁ ma₂jmo₃ i₂sián¹₂; jaun₂ 'nia'₂ ně₃ ca₂ling¹₃ ta₁ quió¹₅ dsa₂ 'éi₂.

39 Ju₁n₅ dsa₂ i₂chan₂ Samaria i₂tián¹₅ juí₂g₂ jaun₂ ca₂rë₃ 'éin₂ të₂le₃ quió¹₅ Jesús jme₁ca₂nág₂ jág₁ dsau₅ a₂ca₂jáng¹₃ 'io₅₄, jme₁ca₂juá¹₂: “Në₂juá¹₂ 'éi₂ ca₂le₃jë₃ 'e₂ a₂ma₂jmo₃ jniá₂.”

40 'Uí₅₄ jaun₂ ně₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmí₄g₄ Jesús a₂jme₁ñia₃ 'éi₂ quiong¹₅₄. Jaun₂ ca₂ñia₃ Jesús tín₃ jmí₄g₄ ja₁jaun₂.

41 Jaun₂ të₂le₃ ju₁n₅ guë₄ dsa₂ ca₂rë₃ 'én₂ jme₁ca₂nág₂ jág₁ a₂juá¹₂ 'ñiog₅ Jesús.

42 Jaun₂ ca₂juá¹₂ dsa₂ ca₂tsí¹₃ 'io₅₄:

—Në₃ guë₄ ně₃ 'éin₂ jnia'₅₄, on₃jua¹₅₄ 'uig₅₄ jág₁ a₂ca₂jua¹₅₄ 'ne₂, ia₁ a₂ma₂në₂néi₁ jnia'₅₄ guio₅₄ jág₁ quió¹₅, jaun₂ ne₄ jnia'₅₄, të₃dsón¹₂ bá₄ 'éi₂ lín₅ dsa₂ i₂lión₂ dsa₂ mi₂güí₃.*

Ca₂jme₃'lión₂ Jesús jan₂ ja₁ñi¹₅₄ jan₂ dsa₂ dsen₅₄ quián₅ dsi₂tan₅₄

43 Jme₁ca₂dsan₃ tín₃ jmí₄g₄ jaun₂, ca₂o₃'ín₃ ja₁jaun₂, ca₂'í₃ juí₅ ñái¹₃ juí₅ 'uë₃ Galilea.

44 Ia₁ju₁lia¹₂ ca₂juá¹₂ 'ñiog₅ Jesús, ju₁lia¹₂ jan₂ dsa₂ i₂'ë₂ jág₁ o₄quió¹₄ Diú₄, tsá₃ jme₂go₃ dsa₂ juí₂g₂ go₅₄.

45 Jme₁ca₂dsián¹₃ 'uë₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jë₃ 'e₂ a₂ca₂jmo₃ Jesús juí₂g₂ Jerusalén jme₁ca₂të₂ Jmí₄g₄ Të₂'in₅₄, ia₁ ján₃ bá₄ jme₁i₁len₅₄ 'éi₂ jmí₄g₄.

46 Jaun₂ ně₃, ca₂dsióg₃ táng₃ juí₂g₂ Caná a₂tén₅ 'uë₃ Galilea ja₁ca₂jme₃tsíin₃ jmí₄g₂ ca₂jmo₃ vino. Ja₁jaun₂ jme₁'en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi¹₂ dso¹₅₄ quiáin₅, jë₄ juí₂g₂ Capernaum.

47 Jme₁ca₂rë₃ñi₅ dsa₂ 'éi₂ a₂ma₂ñi₅ Jesús 'uë₃ Galilea, 'ein₅₄ juí₅ a₂o₂'ín₃ 'uë₃ Judea, jaun₂ ñei₅₄ ca₂l₁jñin₁₂ Jesús, jaun₂ ca₂chi₃quióng₂ jmí₄g₄ tion₅₄-jan₃ a₂dsó₃ 'éi₂ ja₁quió¹₄ a₂jme₃'lión₂ ja₁ñi¹₅₄ i₂ron₅ ma₂i₁jón₂.

48 Jaun₂ ně₃ ca₂juá¹₂ Jesús:

—Tsá₃ 'én¹₂ 'nia'₂ ně₁jua¹₂ tsá₃ ca₂jag¹₅₄ léi₄ juë¹₂ a₂dsi₂gó¹₃ 'au'₂.

49 Jaun₂ ca₂juá¹₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui¹₅₄, i₂ñáu¹₂ uë₃ ñia₅, né¹₃ guë₄ a₂jón₂ chi¹₂ quiáng₃.

50 Jaun₂ ně₃ ca₂juá¹₂ Jesús:

—Guan¹₂ bá₄ quiáng¹₂; ia₁ i₂chan₂ bá₄ chi¹₂ quiáng¹₂.

§ 4:37 quió₃: Jág₁ quió¹₅ dsa₂ Jen¹₅₄, co₂'nió¹₄ le₃jua¹₅₄, caun₂ jág₁ a₂ñí¹₂ dsí₅ a₂ca₂quiog₂ dsa₂ can¹₅₄, a₂dsia₅ dsa₂. * 4:42 A₂lín₅₄ chog₅₄ si₂: “Të₃dsón¹₂ bá₄ 'éi₂ lín₅ i₂rë₂'ín₁ quián₅ Diú₄, i₂lión₂ dsa₂ mi₂güí₃.”

Ca₂rë₃'én₂ bá₄ dsa₂ jág₁ a₂ca₂juá'₂ Jesús, jaun₂ ca₂ñá'₃.

⁵¹ Jaun₂ jme₁ma₂'ein₅₄ jui₅ dsiáin'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

⁵² Jaun₂ ca₂ñag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ñ₁ caun₂ të₂le₃ ca₂'láu₂,† ca₂ñia₃ dséi₂ a₂jme₁'i₁.

⁵³ Jaun₂ ca₂rë₃lí'₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rë₃'én₂ dsa₂ 'éi₂, quiain'₅₄ ta₁jñ₂ dsa₂ dsi₂néi₂ quió'₅.

⁵⁴ A₂në₅ jë₁ca₂të₂ táng₃ léi₄ juë'₂ a₂ca₂jmo₃ Jesús, jme₁ca₂o₃'iin₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

² Jë₄ jui₂ Jerusalén jaun₂, cau₅ ja₁lë₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quián'₅₄ jág₁ arameo, ja₁lë₄ 'ñiá₂ corredor.

³ Ja₁jaun₂ jme₁tián'₄ 'uë₃ juñ₅ dsa₂ i₂qui₂le₁dso'₅₄, jë₃ dsa₂ ten₄, dsa₂ guian'₅₄ quián'₅₄ dsa₂ 'lian'₂ në₃, a₂chi₁ñia₂₃ a₂qui₃jë'₂ jmig₂.

⁴ Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jë'₂ jmig₂. Jaun₂ ju₁lia'₂ dsa₂ dso'₅₄ i₂'i₂ le₂'uig₅₄ jmig₂ jë₁ma₂i₂bi₅₄, jme₁ñia₅ quió'₅, chi₂juá'₂ 'e₂ dso₄ jme₁lín₄.†

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂të₂ guióg₂-guiá₂-ñiá₂ ñi₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rë₃lí'₄ ma₂líg'₂ bá₄ lín₅ le₂jaun₂, ca₂ñag₃:

—¿'Niog'₂ 'lióng'₂?

⁷ Jaun₂ ca₂ñag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá₂ 'ñió'₃ dsiog₅ jë₁ma₂të₂ rë₁qui₃jë'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

⁸ Jaun₂ ca₂juá'₂ Jesús:

—Nau₂, chog'₅₄ tsi₁jein₁ quiáng'₂, ñi₄ në₃.

⁹ Dsi₂jui₅ le₂jaun₂ bá₄ ca₂ñia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ñi₃. A₂jaun₂ ca₂lë₃ caun₂ jmig₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmig₄ sa₅₄ bá₄ në₃; tsá₃ 'i₄ 'éi'₃ caun₅₄ tsi₁jein₁ quiáng'₂ jmig₄ në₃.

¹¹ Jaun₂ ca₂ñag₃ dsa₂ 'éi₂:

—I₂në₂jme₃'lió₂ jniá₂, në₂juá'₂: “Chog'₅₄ tsi₁jein₁ quiáng'₂, ñi₄ në₃.”

¹² Jaun₂ në₃ ca₂ñag₃ táng₃ dsa₂ 'éi₂:

—¿'Ein₂ 'éi₂ në₂juá'₂ a₂caun₅₄ tsi₁jein₁ quiáng'₂, a₂ñi'₂ në₃?

¹³ La₁ tsá₃ ñi₅ 'ein₂ 'éi₂ i₂në₂jme₃'lió₂ quió'₅, ia₁ jme₁ma₂i₂cón₅ Jesús jin₄ dsa₂ juñ₅ i₂jme₁tion₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, në₃ lia'₂ ma₂'lóng'₂, tsá₃ ma₃lë₁'nau₂ dso₄, ia₁jaun₂ tsá₃ dsi₃ñig'₂ caun₂ jmi₁uig₅ 'ñio₅ guë₄ con'₂ guë₄ a₂jme₁lín'₄ le₂ñiá₅.

† 4:52 lit. “hora guío₃.” * 5:2 A₂lin₅₄ chog₅₄ si₂: “Betzata”; a₂siá'₂ në₃: “Betsaida.” † 5:4 Chog₅₄ si₂ a₂dse₃ guë₄ tsá₃ chi₁ton₅ versículo 4.

15 Jaun₂ ηά'₃ bá₄ dsa₂ 'éi₂, jaun₂ ca₂i₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

16 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,‡ ia₁ jme₁tin₂ Jesús jme₁jmo₂₃ le₂nē₅ jmig₄ sa₅₄.

17 La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ Ne'₃ ta₁ njia'₅₄ jmig₄ nē₃; ján₃ bá₄ le₂jaun₂ jmo₅ jniá₂ ta₁.

18 'Uig₅₄ jaun₂, tē₂le₃ i₂jui'₂ guē₄ jme₁'nio₃ jnag'₃ dsa₂ judíos, ia₁ on₃jua'₅₄ jmá'₃ 'éi'₃ jmig₄ sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂r₁in₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ηi'₅₄ Diú₄.

19 Jaun₂ nē₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juíg₂ jniá₂ 'nia'₂, tsá₃ 'e₂ lé₂ le₃jmo₃ Ja₁ηi'₅₄ 'i₁caun₂ 'ηiog₅; a₂jaun₂ bá₄ jmo₂₃ ju₁lia'₂ a₂jág₅ jmo₅ Jmei₂. Ju₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ηi'₅₄ ján₃.

20 Ia₁ 'nio₃ Jmei₂ 'nio₃ Ja₁ηi'₅₄, jaun₂ 'ē₂₃ 'ē'₅ Ja₁ηi'₅₄ ca₂le₃jě₃ 'e₂ a₂jmo₂₃. Tē₂le₃ lē₅ guē₄ juē'₂ ta₁ qui₃'ē₃, con'₂ guē₄ a₂le₂la₂, ia₁jaun₂ qui₂dsi₃gó'₃ 'au'₂ 'nia'₂.

21 Ia₁, ju₁lia'₂ jme₂jen'₅₄ Jmei₂ jme₂jein'₅₄ 'lag₄, cuē₂₃ jme₂dsí₂ a₂le₃chain₂, ján₃ bá₄ le₂jaun₂ cuē₅ Ja₁ηi'₅₄ jme₂dsí₂ cuē'₅ ju₁lia'₂ i₂'nio₃ cuē'₃.

22 Já₃ guē'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ηi'₅₄ bá₄ ma₂dsia₃ ca₂le₃jě₃ 'éi'₃ a₂con₂ 'í₁,

23 ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ηi'₅₄, ju₁lia'₂ jme₂gain₃ Jmei₂. Ju₁lia'₂ i₂tsá₃ jme₂gan₃ Ja₁ηi'₅₄, tsá₃ jme₂gain₃ Jmei₂ i₂ca₂chei₃.

24 'A₂dsi₂jó'₃ juíg₂ jniá₂ 'nia'₂: ju₁lia'₂ i₂nag₅ i₂tón'₂ ju₁5 jág₁ quió₃, ton'₂ 'éin₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jióg'₂ ja₁coin₂, ia₁ ma₂ca₂ηi₅ ne₄ 'mú₃, ma₂ca₂dsióg₃ ja₁le₃chain₂ co₂tan₅₄.

25 A₂dsi₂jó'₃ juíg₂ jniá₂ 'nia'₂, já₅ jmig₄ ton'₂ ma₂tē₂ dsón'₂, jē₁ma₂tē₂ rē₁nag₃ 'lag₄ jág₁ quió'₅ Ja₁ηi'₅₄ Diú₄. Ju₁lia'₂ i₂ne'₅₄ nē₃, le₃chain₂ bá₄.

26 Ia₁ ju₁lia'₂ 'io₅ bí₂ Jmei₂ a₂le₃chain₂ 'ηiog₅, já₃ bá₄ le₂nē₅ ma₂cuē'₃ Ja₁ηi'₅₄ ju₁5bí₂ a₂le₃chain₂ 'ηiog₅.

27 Já₃ bá₄ ma₂cuē₃ ju₁5bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güig₃.

28 Tsá₃ lē₅ ju₁dsi₂gó'₃ 'au'₂ 'nia'₂ jág₁ a₂nē₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ηio₅, jág₁ quió'₅,

29 jaun₂ 'u₁in₃ ja₁jaun₂. Ju₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₁lein₅ ja₁le₃chain₂ co₂tan₅₄; la₁ia₁ ju₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

30 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ t₁ng₂ 'ηió₃. Qui₂dsí₂ jniá₂ 'éi'₃ lia'₂ con'₂ lē₅ jág₁ a₂nég'₄ ja₁con₂ Ne'₃, jaun₂ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lē₅ a₂'ηio₂ dsi₃ 'ηió₃; a₂jaun₂ bá₄ jmo₅ jniá₂ lia'₂ con'₂ lē₅ a₂'ηio₂ dsi₅ 'éi₂ i₂ca₂chei₃ jniá₂.

31 Nē₁jua'₂ jáng'₅ jniá₂ jág₁ dsau₅ ja₁cong₂ 'ηió₃, jág₁ jaun₂ a₂jáng'₅, tsá₃ quen₅.

32 La₁ia₁ chan₂ guē₄ jan₂ i₂sián'₂ i₂jáng'₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ ju₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅.

33 Ca₂chen'₂ 'nia'₂ dsa₂ a₂ca₂i₁ηag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂.

‡ 5:16 A₂lín₅₄ chog₅₄ si₂ a₂me'₂ guē₄ juá'₂ já₃: “a₂jme₁'nio₃ jnag'₃.”

34 La₁ia₁ on₃jua'₅₄ jaun₂ chén'₅ jniá'₂ rē₂ ia₁ a₂jáng'₅ dsa₂ mi₂güí'₃ jág₁ dsau₅ tē₂le₃ quió'₃ jniá'₂; a₂jaun₂ bá₄ juíg'₂ jniá'₂ 'nia'₂ jág₁ la₂ ia₁jaun₂ lé₂ le₃lión'₂ 'nia'₂.

35 Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ nē₃, jme₁ma₂'éi'₂ caun₂ 'au'₂ a₂jmó'₂ co₂'na₂ 'io'₂ ja₁tág₅ si₂ quió'₅.

36 La₁ia₁ jniá'₂ nē₃, 'ñio₅₄ jan₂ i₂jáng'₅ jág₁ dsau₅ i₂juin'₂ guě₄ lia'₂ con'₂ guě₄ Juan₅₄. Ia₁ jui₁lia'₂ léi₄ a₂jmo₅ jniá'₂, a₂jaun₂ ca₂cuě₃ Ñe'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ Ñe'₃.

37 Ján₃ bá₄ le₂jaun₂, 'ñiog₅ bá₄ Ñe'₃ jniá'₂ i₂ca₂chei₃, jáng'₅ 'éi₂ jág₁ dsau₅ tē₂le₃ quió'₃ jniá'₂. 'Nia'₂ nē₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ guě'₂ ma₂jün'₅₄ 'nia'₂ 'a₂lia'₂ lín₅,

38 on₃ guě'₂ ma₂tē₁gua₁ jág₁ quió'₅ tē₂'au'₂, ia₁ tsá₃ 'én'₂ 'nia'₂ tē₂le₃ quió'₅ 'ñiog₅ i₂ca₂chei₃.

39 A₂'i'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ tē₂le₃ quian'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá'₂.

40 Jaun₂ 'nia'₂ nē₃, tsá₃ 'niog'₂ i₁nóg'₅ ne₃ jniá'₂ ia₁jaun₂ le₃chan'₂ 'nia'₂.

41 'Tsá₃ gue₅ jniá'₂ a₂jme₂juag'₂ dsa₂ mi₂güí'₃.

42 La₁ cuín₅ jniá'₂ 'nia'₂, jaun₂ guion₄ jniá'₂ a₂tsá₃ jaun₂ le₁'i₁ tē₂'au'₂ 'nia'₂ a₂niog₅ dsí₅ Diú₄ a₂'nioi₃ 'nia'₂.

43 O₄quió'₄ Ñe'₃ bá₄ jniá'₂ guio₃, 'nia'₂ guě'₂ tsá₃ guéi'₅ jniá'₂; la₁ia₁ nē₁jua'₂ ca₂já₃ jan₂ o₄quió'₄ 'ñiog₅, i₂'éi₂ bá₄ guén'₄ 'nia'₂.

44 ¿'A₂lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tióng'₂ rē₂ quiang'₅₄ ríng'₂, tsá₃ guě'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄?

45 Tsá₃ o₁len'₂ 'nia'₂ jua'₅₄ a₂'nág₄ jniá'₂ ne₄ Ñe'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín₂ 'au'₂ 'nia'₂.

46 Ia₁ jua'₅₄ mei'₂ guě₃ ca₂rē₃'éng'₂ jág₁ quió'₅ Moisés, ján₃ bá₄ le₂jaun₂ jme₁le₃'éng'₂ jág₁ quió'₃, ia₁ jniá'₂ bá₄ ca₂'ag₃ Moisés ne₄ Si₂.

47 La₁ chi₂jua'₂ tsá₃ 'én'₂ guě'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿'a₂ guě'₂ lia'₂ lé₂ le₃'én'₂ 'nia'₂ jág₁ a₂juá'₅ jniá'₂?

6

Ca₂ñi'₃ Jesús 'ñiá'₂ mei₅ dsa₂

(Mateo 14:13-21; Marcos 6:30-44; Lucas 9:10-17)

1 Cang₂ jaun₂ ca₂ñó₃ Jesús tē₂le₃ quióng₄ ca₂taun₂ jmi₁ñí'₄ Galilea, (a₂chei₂ jmi₁ñí'₄ Tiberias).

2 Jaun₂ ca₂lén₂ juin₅ lín₃ dsa₂ chi₁co'₅₄ quió'₅, ia₁ ma₂jág₃ léi₄ juě'₂ a₂ma₂jmo₃, a₂qui₂ma₂ca₂jme₂'lión₂ dsa₂ i₂jme₁le₁dsó'₅₄.

3 Jaun₂ nē₃ ca₂uíg₂ Jesús caun₂ má'₂, jaun₂ ca₂guá₂ ja₁jaun₂ quiain'₅₄ chi'₂ dsí₂guia₃-tín₂ quiáin₅.

4 Jmíg₄ jaun₂, jme₁ma₂ja₂quián₃ Jmíg₄ Tē₂'in₅₄, co₂'nió'₄ jmíg₄ quió'₅ dsa₂ judíos.

5 Jme₁ca₂jág₃ Jesús ca₂jín₂ juin₅ lín₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:
—¿A₂já'₄ dsí₁liá₄ má₃ a₂guě'₃ ca₂le₃jín₃ dsa₂ nē₅?

6 A₂jaun₂ bá₄ ca₂juá'₂ Jesús le₂nē₅ o₁ne₄ 'e₂ jme₁ñag₃ Fe₂li₄, ia₁ jme₁ma₂ñi₅ rē₂ bá₄ Jesús 'ñiog₅ 'e₂ a₂jmo₃.

7 Jaun₂ nē₃ ca₂ñag₃ Fe₂li₄:

—Tín₃ 'ñiá₂-lá_u₂ denario i₁ñí'₄ tsá₃ len₅ bá₄ guě₄ a₂ñe₂ jma₃ca₂juig₄ le₂jan₂ le₂jan₂ dsa₂.

8 Jaun₂ nē₃ ca₂ñag₃ guě₄ jan₂ chi'₂ dsí₂guia₃-tín₂ quián₅ Jesús, i₂jme₁chen₂ Drě₄ rin'₅₄ Si₂mu₅₄ Pe₄:

9 —Jë₄ la₂ 'en₅₄ jan₂ i₂bë'₅₄ i₂quian₅ 'ñiá₂ i₁ñí'₄ cebada, quian'₅₄ guë'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂në₅?

10 Jaun₂ në₃ ca₂juá'₂ Jesús:

—Chei'₅₄ dsa₂ ca₂le₃jín₃ jui₁tiain'₂₃.

'Lióng₂ ñi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ñe'₂, i₂jme₁lë₂ con'₂ 'ñiá₂ mei₅ dsa₂.

11 Jaun₂ në₃ ca₂can₃ Jesús i₁ñí'₄, jaun₂ jme₁ma₂në₂cuë'₃ ti₁'mag'₄ Diú₄, qui₂ca₂dsi₃ó'₃ ca₂cuë'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuë'₃ ca₂le₃jín₃ dsa₂ 'a₂ con'₂ ñjia'₅₄ 'nio₃.

12 Jaun₂ jme₁ma₂lí'₃ dsa₂ guë'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ñí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

13 Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ñiá₂ i₁ñí'₄ cebada jaun₂.

14 Jaun₂ në₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ në₅ dsa₂ i₂ě₂ jág₁ quián₅ Diú₄, i₂lë₅ jág₁ jiá₃ mi₂güí₃.

15 La₁ ca₂rë₃lí'₄ bá₄ Jesús a₂'nio₃ dsa₂ jme₁të₂ tion₅₄, a₂jme₁jmói'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ñiog₅.

Ca₂ñi₃ Jesús ne₄ jmí₂ jmí₁ñí'₄

(Mateo 14:22-27; Marcos 6:45-52)

16 Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quiáin₅ ca₂të₂ jmí₁ñí'₄.

17 Jaun₂ ca₂tóin'₂ 'ñió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmí₁ñí'₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ guë'₄ Jesús.

18 Jaun₂ ca₂rë₃lióg₃ ca₂'ág₂ dsí₂ tiá₂ lín₃, jaun₂ qui₂ca₂ron'₂ jmí₁ñí'₄.

19 Jme₁ma₂'ain₂ con'₂ 'ñiá₂-ñjéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ñi₂₃ ne₄ jmí₂; jaun₂ ca₂rë₃gó'₅ 'ñio₅ lín₃.

20 La₁ia₁ ca₂juá'₂ Jesús:

—ñiá₂ bá₄ la₂; tsá₃ lë₁jmo₂ 'nia'₂ gang'₃!

21 Jaun₂ në₃ ca₂lia'₂ 'io'₂ jén'₅ bá₄ ca₂guein₃† Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃lén₂ chei'₅₄ 'uë₃ ja₁jme₁tioin'₅₄ juí₅ i₃lén₂.

'Nau'₂ dsa₂ 'nai'₂ Jesús

22 Jme₁ca₂ñia₃ jaun₂, ca₂rë₃lí'₄ dsa₂ i₂të₁ 'ñiá₄ të₂le₃ quióng₄ ca₂taun₂ jmí₁ñí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quiain'₅₄ chi'₂ dsi₂guia₃-tín₂; guion₅₄ bá₄ chi'₂ dsi₂guia₃-tín₂ i₃lén₂.

23 La₁ të₁lia'₂ jaun₂, o₃lé₂ tsi₁mu₅ siá'₂ a₂ja₂lei₃ juí₂ Tiberias, ca₂o₃lé₂ quián₅ ja₁ca₂guë'₃ i₁ñí'₄ le₂ñiá₅ jme₁ca₂lë₃ cuë'₅ Te₁gui'₅₄ ti₁'mag'₄ Diú₄.‡

24 Jaun₂ në₃, jme₁ca₂rë₃lí'₄ dsa₂ a₂tsá₃ Jesús chan₂ ja₁jaun₂, on₃ guë'₂ chi'₂ dsi₂guia₃-tín₂ quiáin₅, ca₂l₃toin'₅₄ 'ñió'₃ tsi₁mu₅, ca₂l₃lén₂ juí₅ Capernaum ca₂l₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsi₃lén₂ dsa₂ të₂le₃ quióng₄ ca₂taun₂ jmí₁ñí'₄, ca₂dsáin'₂ Jesús, jaun₂ ca₂ñag₃:

—Të₅, ¿líg'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

* **6:11** A₂lín₅₄ chog₅₄ si₂ a₂me'₂ guë'₄ juá'₂: “jme₁ma₂në₂cuë'₃ ti₁'mag'₄ Diú₄, jaun₂ ca₂cuë'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ në₃ qui₂ca₂dsi₃ó'₃ ca₂cuë'₃ ca₂le₃jín₃ dsa₂.” † **6:21** o₃, “jme₁guein₃.” ‡ **6:23** A₂lín₅₄ chog₅₄ si₂ tsá₃ chi₁ton₅ “jme₁ca₂lë₃ cuë'₅ Te₁gui'₅₄ ti₁'mag'₄ Diú₄.”

—A₂dsi₂jó'₃ juí₂ jniá'₂ 'nia'₂, a₂'nau'₂ jniá'₂ i₂nio₂'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rē'₂ ia₁ a₂ca₂rē₃ñí'₂ 'nia'₂ léi₄ jaun₂.

27 Tsá₃ lē₁jmo₂ 'nia'₂ ta₁ o₄quíó'₄ má₃ a₂ñia'₅₄ con'₂ dsi₃'én₂, tē₂le₃ o₄quíó'₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuē₅ Jaun₅ dsa₂ mi₂güí₃. Ia₁ ne₄ 'éi₂ ma₂tióng₃ 'ñio₅ bá₄ Diú₄ Jmei₂ léi₄ quió'₅.

28 Jaun₂ ně₃ ca₂ñag₃ dsa₂:

—¿'E₂ 'nió'₅ jmó₁ jnia'₅₄ ia₁ jaun₂ lé₂ le₃ jmó₁ jnia'₅₄ ta₁ a₂'nio₃ Diú₄ jmó₁?

29 Jaun₂ ca₂ñag₃ Jesús:

—A₂la₂ bá₄ ta₁ quió'₅ Diú₄; a₂le₃'én'₂ 'nia'₂ tē₂le₃ quió'₅ i₂chen₄ quiáin₅.

30 Jaun₂ ně₃ ca₂ñag₃ dsa₂:

—¿'E₂ léi₄ lé₂ le₃'ě'₂ jnia'₅₄, ia₁ jaun₂ jag₅₄ jnia'₅₄ jaun₂ le₃'éin₂ jnia'₅₄ quiáng'₂? ¿'E₂ léi₄ jmó'₂?

31 Dsa₂ can'₅₄ quián₂ jnia'₅₄ ma₂lí₂'₂, ca₂guē'₃ i₁ñí'₄ maná, lia'₂ con'₂ jme₁tioin'₅₄ 'uē₃ quein₂ co₂ñio₅ jaun₂, jui₁lia'₂ juá'₂ ne₄ Si₂ quió'₅ Diú₄: “Ca₂cuē₃ Moisés ca₂guē'₃ 'éi₂ i₁ñí'₄ a₂ca₂já₃ guei'₅₄ i₂juí₃.”§

32 Jaun₂ ca₂ñag₃ Jesús:

—A₂dsi₂jó'₃ juí₂ jniá'₂ 'nia'₂: on₃jua'₅₄ Moisés i₂ca₂cuē₃ i₁ñí'₄ a₂já₅ guei'₅₄ i₂juí₃; Ñe'₃ bá₄ jniá'₂ i₂cuē'₅ 'nia'₂ i₁ñí'₄ tē₃dsón'₂ a₂já₅ guei'₅₄ i₂juí₃.

33 Ia₁ jui₁lia'₂ i₁ñí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sión₃ guei'₅₄ i₂juí₃, i₂jmo₅ a₂le₃chan₂ dsa₂ co₂tan₅₄.

34 Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuē₄ lia'₂ o₂jmig₄ i₁ñí'₄ a₂'ě'₂ 'ne₂ ně₅.

35 Jaun₂ ca₂juá'₂ Jesús:

—Jniá'₂ bá₄ lí₂ng₅ i₁ñí'₄ a₂jmo₅ a₂le₃chan₂ dsa₂. Jui₁lia'₂ i₂ja₂ ja₁con₂ jniá'₂, lia'₂ o₁lí₂'₂ jmig₄ tsá₃ ma₃lé₂ i₁cón'₅; ján₃ bá₄ le₂jaun₂ jui₁lia'₂ i₂'én₂ tē₂le₃ quió'₃ jniá'₂, lia'₂ o₁lí₂'₂ jmig₄ tsá₃ ma₃le₃quein₂ dsí₅.

36 La₁ jui₁lia'₂ ma₂nē₂juí₂'₂ jniá'₂ 'nia'₂, tsá₃ 'én'₂ 'nia'₂ o₁ñia'₅₄ ma₂nē₂jag'₅₄ 'nia'₂ jniá'₂.

37 Ca₂le₃jín₃ jui₁lia'₂ dsa₂ i₂cuín₅ Ñe'₃ cui₂g₂₃ jniá'₂, ja₃léin₂ ja₁con₂ jniá'₂; jaun₂ jui₁lia'₂ i₂ja₂ ja₁con₂ jniá'₂, lia'₂ o₁'e₂ guē₃ tsá₃ dséin₄ jniá'₂.

38 Ia₁ on₃jua'₅₄ jaun₂ guio₃ jniá'₂ ca₂sióng₃ guei'₅₄ i₂juí₃ jua'₅₄ a₂jmo₅₄ a₂'ñio₂ dsi₃'ñio₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃.

39 A₂la₂ bá₄ a₂'ñio₂ dsí₅ i₂ca₂chei₃: a₂tsá₃ qui₂dsi₃cón'₅ 'i₁jan₂ i₂ma₂cuín₃ 'éi₂ jniá'₂, tē₂le₃ a₂jme₁jein'₅₄ bá₄ jniá'₂ jmig₄ jē₁ca₂tó'₂.

40 A₂la₂ bá₄ a₂'ñio₂ dsí₅ Ñe'₃: jui₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá'₂ ně₃ jme₁jein'₅₄ jmig₄ jē₁ca₂tó'₂.

41 Quian'₅₄ jág₁ ně₅ ca₂jme₃lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá'₂ bá₄ lí₂ng₅ i₁ñí'₄ i₂ca₂sión₃ guei'₅₄ i₂juí₃.”

42 Jaun₂ ca₂juá'₂:

—¿On₃jua'₅₄ i₂nē₅ Jesús ja₁ñi'₅₄ Sē₄? I₂cuín₅ bá₄ jniog₄ chog₅₄-jmei₂ i₂nē₅. ¿'A₂ guē'₂ lia'₂ juá'₂ a₂ca₂sióin₃ guei'₅₄ i₂juí₃?

43 Jaun₂ ně₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂.

44 Lia'₂ 'i₁jan₂ tsá₃ lé₂ jiá₃ ja₁con₂ jniá'₂, jua'₅₄ tsá₃ o₂jio₃ Ñe'₃ i₂ca₂chei₃; jaun₂ jniá'₂ jme₁jein'₅₄ jmig₄ jē₁ca₂tó'₂.

§ 6:31 Éxodo 16:4; Nehemías 9:15; Salmo 78:24-25.

45 Le₂la₂ ca₂tó'₂ ne₄ Si₂ dsa₂ i₂jme₁'ě₂ jág₁ o₄quió'₄ Diú₄: “Diú₄ bá₄ jme₃tag₅ jme₃tiin₂₃ ca₂le₃jín₃ dsa₂.”* Jaun₂ ca₂le₃jín₃ jui₁lia'₂ i₂nag₅ jág₁ quió'₅ Ne'₃, ton'₂ qui₂rē₂tiin₂ 'e₂ a₂jmo₅ 'éi₂, ja₃léin₂ bá₄ ja₁con₂ jniá₂.

46 On₃jua'₅₄ rē'₂ ia₁ 'ein₂ ma₂jín₂ Jmei₂. Jnia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂.

47 A₂dsón'₂ juíg₂ jniá₂ 'nia'₂, jui₁lia'₂ i₂'én₂,† le₃chain₂ co₂tan₅₄.

48 Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂.

49 Qui₂ca₂guě'₃ dsa₂ can'₅₄ quián'₂ 'nia'₂ i₁ñí'₄ maná, lia'₂ con₂ jme₁tioin'₅₄ 'uě₃ quein₂ co₂ñiog₅ jaun₂, la₁ ca₂dsain₃ bá₄.

50 A₂la₂ bá₄ lě₅ i₁ñí'₄ a₂ca₂sió₃ guei'₅₄ i₂juíg₃ ia₁jaun₂ nē₃jua'₂ 'ein₂ ca₂guě'₃, tsá₃ dsiáin₃.

51 Jniá₂ bá₄ líng₅ i₁ñí'₄ jén'₃ i₂ca₂sión₃ guei'₅₄ i₂juíg₃ jaun₂; jui₁lia'₂ i₂guě'₅ i₁ñí'₄ la₂, le₃chain₂ co₂tan₅₄. I₁ñí'₄ jui₁lia'₂ a₂juá'₅ jniá₂ cuě₅₄, ni₁ñí₃ 'ñió₃ bá₄ jniá₂ 'ě₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güig₃.

52 Jaun₂ nē₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuě₃ i₂nē₅ ñí₅₄ 'ñiog₅ a₂que₅₄ jniog₄?

53 Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, nē₃jua'₂ tsá₃ ca₂qué'₂ 'nia'₂ ñí₄ Jaun₅ dsa₂ mi₂güig₃, nē₃jua'₂ tsá₃ ca₂'én'₂ 'nia'₂ jmi₂ 'ain₅₄ nē₃, tsá₃ jén'₃ 'nia'₂ tē₁lia'₂ chang'₂.

54 Jui₁lia'₂ i₂guě'₅ ñí₃ jniá₂, ton'₂ 'ín'₂ jmi₃ jniá₂ nē₃, le₃chain₂ bá₄ co₂tan₅₄; jaun₂ jniá₂ jme₁jein'₅₄ jmi₂g₄ jē₁ca₂tó'₂.

55 Ia₁ ni₁ñí₃ jniá₂ bá₄ lě₅ má₃ a₂tí₅ dsón'₂; ján₃ bá₄ le₂jaun₂ jmi₃ jniá₂ lě₅ jmi₂g₂ a₂'ág'₃ dsi₅ tē₃dsón'₂.

56 Jui₁lia'₂ i₂guě'₅ ñí₃ jniá₂, ton'₂ 'ín'₂ jmi₃ jniá₂ nē₃, tē₂'ñiai₅₄ le₃quió₃ jniá₂; jniá₂ guě'₂ le₃quió'₅ 'éi₂.

57 Jui₁lia'₂ ca₂chei₃ Ne'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, jui₁lia'₂ i₂guě'₅ quió₃ jniá₂, le₃chain₂ 'uig₅₄ quió₃ jniá₂.

58 A₂la₂ bá₄ 'ě₂₃ i₁ñí'₄ i₂ca₂sión₃ guei'₅₄ i₂juíg₃. Qui₂ca₂guě'₃ dsa₂ can'₅₄ quián'₂ 'nia'₂ i₁ñí'₄ maná, la₁ ca₂dsain₃; la₁ jui₁lia'₂ i₂guě'₅ i₁ñí'₄ la₂, le₃chain₂ bá₄ co₂tan₅₄.

59 Jág₁ nē₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jē₄ juig₂ Capernaum.

Jág₁ a₂le₃chan₂ dsa₂ co₂tan₅₄

60 Jme₁ca₂nág₂ dsa₂ jág₁ jaun₂ a₂jme₂tag₅ Jesús, juin₅ dsa₂ i₂quian'₅₄ Jesús ca₂juá'₂:

—Jág₁ a₂juá'₂ nē₅ 'ñio₅ lin₃ juí'₅, quian₅ ta₁ guéi₁. ¿'Ein₂ bá₄ lé₂ le₃tón'₂ jui₅ quió'₅?

61 Jaun₂ nē₃ ca₂rē₃lí'₄ Jesús 'e₂ jág₁ chen₅ dsa₂ tioin'₅₄, o₄quió'₄ jág₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jág₁ nē₅?

62 ¿'E₂ bá₄ lé₂ jaun₂ nē₃jua'₂ ca₂jing'₅₄ 'nia'₂ Jaun₅ dsa₂ mi₂güig₃ a₂uig₂ táng₃ ja₁jme₁'ein₅₄ le₂jñiá₅?

63 Jme₂dsí₂ bá₄ i₂jmo₅ a₂chan₂ dsa₂; jui₁lia'₂ ni₁ñí₁ dsa₂ nē₃, tsá₃ ta₁ tí₄. La₁ jág₁ a₂ma₂nē₂juig₂ jniá₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂.

64 La₁ tion'₅₄ bá₄ guě₄ i₂lin₅₄ 'nia'₂ i₂tsá₃ 'én₂.

Ia₁ jme₁ma₂ñi₅ bá₄ Jesús lia'₂ con₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ guě'₂ i₂jáng'₂ cang₂.

65 Jaun₂ ca₂juá'₂:

* 6:45 Isaiás 54:13. † 6:47 A₂lin₅₄ chog₅₄ si₂juá'₂: “i₂'én₂ tē₂le₃ quió₃ jniá₂.”

—'Uig₅₄ jaun₂ ma₂në₂juíg₂ jniá₂ 'nia'₂, lia'₂ 'i₁jan₂ tsá₃ lé₂ jiá₃ ja₁con₂ jniá₂ jua'₅₄ tsá₃ o₂jiog₃ Ne'₃.

66 Ca₂le₃jaun₂, juin₅ dsa₂ i₂jme₁i₂nio₄ quiain'₅₄ Jesús ca₂i₃uúin₂ cau₅, tsá₃ ma₃jme₁i₂nioi₅₄ quiain'₅₄ 'éi₂.

67 Jaun₂ në₃ ca₂ηag₃ Jesús ca₂ηí'₃ chi'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

68 La₁ ca₂ηag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁ná₄u₄ jnia'₅₄? Ia₁ 'ne₂ bá₄ 'au'₂ jág₁ a₂le₃chong₂ jnia'₅₄ co₂tan₅₄.

69 Ma₂ca₂rë₃ 'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂ηi₅ó₅ quián₅ Diú₄.‡

70 Jaun₂ ca₂ηag₃ Jesús:

—¿On₁jua'₅₄ jniá₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jë₄ quián'₂ 'nia'₂ lín₅ i₂'lín'₅₄.

71 (A₂ca₂juá'₂ Jesús le₂në₅ a₂'iin₂₃ Judas bá₄, ja₁ηi'₅₄ Si₂mu₅₄ Iscariote,§ ia₁ Judas bá₄ i₂jáng'₂ quió'₅, o₁ηia'₅₄ líin₅ jan₂ dsa₂ guia₃-tín₂.)

7

Tsá₃ 'én₂ rin'₅₄ Jesús jág₁ quió'₅

1 Cang₂ jaun₂, ca₂ηí₃ Jesús 'uë₃ Galilea; a₂tsá₃ 'nio₃ dsi₃ηí₃ jë₄ 'uë₃ Judea, ia₁ ja₁jaun₂ jme₁'nio₃ dsa₂ judíos ηag'₃.

2 La₁ia₁ jme₁ma₂ja₂quián₃ Jmíg₄ quió'₅ Tsi'₁io₅ Láu₃, jmíg₄ quió'₅ dsa₂ judíos,

3 jaun₂ ca₂juá'₂ rin'₅₄ Jesús:

—Tsá₃ lë₁jan₁ ja₁lá₃; gua₂ jui₅ Judea, ia₁ jaun₂ jág₃ dsa₂ i₂quiang'₅₄ léi₄ a₂jmo'₂.

4 Ia₁ jui₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ jui₁lia'₂ a₂tíin₂₃ jë₄ chi₁'ma₁. Chi₂jua'₂ dsón'₂ jmo'₂ léi₄ le₂në₅, jmo₄ të₃ jág₅ dsa₂ juin₅.

5 Ia₁ ca₂lia'₂ jnia'₅₄ rin'₅₄ bá₄ Jesús tsá₃ jme₁'éin₂ le₃quió'₅.

6 Jaun₂ në₃, ca₂juá'₂ Jesús ca₂tsí'₃ riin'₅₄:

—Tsá₃ ma₂të₂ bá₄ guë₄ hora quió'₃ jniá₂, la₁ia₁ të₂le₃ quián'₂ 'nia'₂, jua'₅₄ 'e₂ guë₃ hora bá₄ dse₃.

7 Tsá₃ lé₂ le₃jme₃'iog₅₄ dsa₂ mi₂güig₃ jme₃'ηiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsau₅.

8 O₂nó'₅ 'nia'₂ guiong'₅₄ jmíg₄; tsá₃ nei₅₄ jniá₂, ia₁ tsá₃ ma₂dsin₃ guë₄ hora quió'₃.

9 Jme₁ma₂në₂chí'₃ riin'₅₄ le₂në₅, ca₂ηia₃ jë₄ 'uë₃ Galilea.

Nó₃ Jesús Jmíg₄ quió'₅ Tsi'₁io₅ Láu₃

10 La₁ cang₂ guë₄ jaun₂, jme₁ma₂lén₂ rin'₅₄ Jesús, ján₃ bá₄ ca₂ηó₃ 'éi₂ jmíg₄ jaun₂, o₁ηia'₅₄ ca₂ηó₃ të₃ tsá₃ jme₂li₅₄ jin₄ dsa₂ juin₅. Mei'₂ tsá₃ con'₂ të₃co'₅₄ bá₄ ηó₃.

11 Jaun₂ lë₃, ca₂i₁nio₁ dsa₂ judíos 'nai'₂ Jesús ja₁niog₅ jmíg₄, jaun₂ juá'₂:

—¿A₂já'₄ 'en₅₄ dsa₂ 'éi₂?

12 Jin₄ dsa₂ guë'₂, juin₅ i₂dsia₅ të₂'ua₁ jin₄ riin'₅₄ a₂'iin₂₃ 'éi₂. I₂lín₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guë'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

13 La₁ia₁ lia'₂ 'i₁jan₂ tsá₃ ca₂dsia₃ lia'₂ rë₂jiá₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

14 Con'₂ tin₃ dso'₅₄ jmíg₄ jme₁ma₂të₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tín₂₃ dsa₂.

15 Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

‡ 6:69 A₂lin₅₄ chog₅₄ si₂ juá'₂: “Ne₂ bá₄ líng'₅ I₂rë₂'ín₁ quián₅ Diú₄; 'ne₂ bá₄ líng'₅ Ja₁ηi'₅₄ Diú₄ jén'₃.”

§ 6:71 A₂lin₅₄ chog₅₄ si₂ juá'₂: “Judas Iscariote, ja₁ηi'₅₄ Si₂mu₅₄.”

—¿'A₂ lia'₂ ŋí₄ lë₃ ma₂tin₂ si₂ i₂në₅ tē₃ tsá₃ si₂ ca₂'í₂?

16 Jaun₂ ca₂ŋag₃ Jesús:

—Jui₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñió₃ juá'₅; jág₁ quió'₅ i₂ca₂chei₃ bá₄ la₂.

17 Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lë₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ tŋg₂ 'ñió₃.

18 Jui₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ jui₁lia'₂ i₂'no'₂ a₂le₃juin'₂ i₂ca₂chei₃, i₂të₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

19 '¿On₁jua'₅₄ Moisés ca₂cuë₃ 'Éi'₃ ca₂cuë'₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lë₃ 'niog'₂ 'nia'₂ jŋág'₄ jniá₂?

20 Jaun₂ ca₂ŋag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jŋi'₃ 'ne₂?

21 Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jŋg'₃.

22 Jaun₂ në₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jŋia'₅₄ tē₃ lë₅ jmig₄ sa₅₄.

23 Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uë₃ 'Éi'₃ quió'₅ Moisés, ¿'e₂ lë₃ 'ne'₂ 'nia'₂ quian'₅₄ jniá₂, ia₁ ca₂jme₁liong₁₂ jan₂ dsa₂ ta₁jain₂, tē₃ jmig₄ sa₅₄?

24 Tsá₃ lë₁caun₂ 'nia'₂ 'í₁ a₂jŋia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

25 Jaun₂ në₃ ca₂jme₃lióg₃ qui₂ca₂ŋag₃ i₂lin₅₄ dsa₂ chan₂ Jerusalén qui₂ca₂ñí'₃ riin'₅₄:

—¿On₁jua'₅₄ i₂në₅ 'na'₂ dsa₂ a₂jŋag'₃ i₂nioi₅₄?

26 Ó₃ bá₄ guë'₂ 'ein₅₄ dsia₂₃ lia'₂ rë₂jiá₃ jág₁ jŋin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rë₃ñi₅ dsí₂tan₅₄, a₂lín₅ dsa₂ në₅ I₂rë₂'ín₁ quián₅ Diú₄?

27 La₁ ne₄ bá₄ jniog₄ a₂já'₄ já₅ i₂në₅; a₂dsau₅, jë₁ma₂të₂ rë₂jiá₃ I₂rë₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

28 Jaun₂ lë₃, tē₁lia'₂ 'en₅₄ Jesús jme₂tin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—i₁Cuig'₂ bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guë'₂ guio₃ jniá₂! La₁ on₃jua'₅₄ o₄quió₃ 'ñió₃ guio₃; tē₂le₃ o₄quió'₄ i₂ca₂chei₃ i₂të₃dsón'₂ bá₄ guang₃. I₂'éi₂ guë'₂, tsá₃ cuin'₂ 'nia'₂.

29 La₁ia₁ jniá₂ cuin₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

30 Jaun₂ në₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂të₂ bá₄ guë'₄ hora quió'₅.

31 La₁ia₁ juin₅ dsa₂ 'éi₂ ca₂rë₃'én₂ jág₁ quió'₅, jaun₂ juá'₂:

—Jë₁ma₂të₂ rë₂jiá₃ I₂rë₂'ín₁ quián₅ Diú₄, ¿O₃ bá₄ le₃qui'₅₄ jmig₄ jmo₃ léi₄ a₂juë'₂ guë'₄ lia'₂ con'₂ guë'₄ a₂jmo₅ i₂në₅?*

Ca₂chen₃ dsa₂ fariseos chi'₂ 'í₅₄ quián₅ guá'₅ a₂tsáin'₂ Jesús

32 Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iin₂₃ Jesús; jaun₂ dsa₂ fariseos 'éi₂ quian'₅₄ juig₅₄ jme₂dsa₂, ca₂chein₃ chi'₂ 'í₅₄ quián₅ guá'₅ a₂tsáin'₂ Jesús jaun₂ tē₂.

33 Jaun₂ në₃ ca₂juá'₂ Jesús:

* 7:31 'Nio'₂ ja₁ton₅ Isaías 35:5-6.

—Me₂ bá₄ jmig₄ 'ú₄ jniá₂ jin₂ 'nia₂, jaun₂ guë₄ nég₄ táng₃ ja₁ con₂ i₂ ca₂ chei₃.

34 'Nau₅₄ 'nia₂ jniá₂ i₁ niog₄, la₁ ia₁ tsá₃ dsiog₂ 'nia₂; ia₁ tsá₃ lé₂ o₁ nó₅ 'nia₂ ja₁ nég₄.

35 Jaun₂ ně₃, ca₂ jme₃ lióg₃ dsa₂ judíos qui₂ ca₂ ŋí₃ r̄in₅₄:

—¿A₂ já₄ dsi₂ jiog₅ dsi₅ i₂ ně₅ dsó₃, a₂ tsá₃ dsiain₂ jniog₄? ¿On₃ bá₄ dsó₃ jin₄ dsa₂ go₄ jniog₄ i₂ tián₅ tsí₁ rē₂ jan₅₄ jin₄ dsa₂ griegos, ia₁ jaun₂ jme₃ tiin₂₃ dsa₂ griegos?

36 ¿E₂ jein₅ jág₁ a₂ ně₂ juá₂ ně₅: “'Nau₅₄ 'nia₂ jniá₂ i₁ niog₄, la₁ ia₁ tsá₃ dsiog₂ 'nia₂, ia₁ tsá₃ lé₂ o₁ nó₅ 'nia₂ ja₁ nég₄”?

Ju₁ lia₂ caun₂ jmig₂ cuá₃ jén₃

37 Jmig₄ juë₂ dé₄ dsón₂ jē₁ ca₂ tó₂ quió₅ jmig₄, ca₂ nau₂ Jesús, jaun₂ ca₂ juá₂ tiá₂:

—Nē₁ juá₂ 'ein₂ rē₂ quein₂ dsi₅, ju₁ lia₂ ja₁ con₂ jniá₂, ju₁ 'en₅₄ jmig₂.

38 Ju₁ lia₂ juá₂ Si₂, ju₁ lia₂ dsa₂ i₂ 'én₂ tē₂ le₃ quió₃ jniá₂, 'iá₃ tē₂ tsí₅ ně₂ jag₄ bá₄ jmig₂ cuá₃ a₂ jén₃.†

39 La₁ a₂ juá₂ le₂ ně₅ a₂ 'in₂₃ Jme₂ dsi₂ Jnió₅ i₂ jme₁ ma₂ 'i₄ 'éi₃ guen₃ dsa₂ i₂ 'én₂ tē₂ le₃ quió₅; ia₁ tsá₃ jme₁ ma₂ guan₅ bá₄ guë₄ Jme₂ dsi₂, ia₁ tsá₃ guë₄ jme₁ ma₂ ca₂ rē₃ juin₂ Jesús.

Ca₂ lē₃ le₁ dson₅₄ dsa₂

40 I₂ l̄in₅₄ dsa₂ i₂ jme₁ tion₅₄ ja₁ jaun₂, jme₁ ca₂ nág₂ a₂ juá₂ Jesús, ca₂ juá₂:

—Dsón₂ bá₄ i₂ ně₅ dsa₂ i₂ 'ě₂ jág₁ quián₅ Diú₄ i₂ lē₅ jág₁ jiá₃ 'éi₂.

41 I₂ l̄in₅₄ guë₂ juá₂:

—I₂ rē₂ 'in₁ quián₅ Diú₄ bá₄ ně₅.

La₁ ia₁ i₂ sián₂ guë₂ ca₂ juá₂:

—¿A₂ bá₄ lia₂ lé₂ le₃ chan₂ Galilea I₂ rē₂ 'in₁ quián₅ Diú₄?

42 ¿Tsa₁ juá₂ Si₂, tsí₁ jon₂ Rag₅₄ David bá₄ tion₅₄ lén₂ I₂ rē₂ 'in₁ quián₅ Diú₄, jaun₂ jē₄ juig₂ Belén bá₄ le₃ chain₂, juig₂ go₄ David 'niog₅?

43 Jaun₂ ně₃, le₁ dson₅₄ bá₄ dsa₂ ca₂ lē₃ o₄ quió₄ Jesús.

44 Jme₁ nio₃ i₂ l̄in₅₄ tsáun₂, la₁ ca₂ lia₂ 'i₁ jan₂ tsá₃ 'ein₂ ca₂ téi₂ gu₂.

Tsá₃ 'én₂ dsa₂ can₅₄ tē₂ le₃ quió₅ Jesús

45 Jaun₂ ca₂ dsi₃ len₃ táng₃ chí₂ 'i₅₄ quián₅ guá₅ ja₁ jme₁ tion₅₄ juig₅₄ jme₂ dsa₂ quián₅₄ dsa₂ fariseos, jaun₂ ca₂ ŋag₃ 'éi₂ ca₂ ŋí₃ chí₂ 'i₅₄:

—¿E₂ 'uig₅₄ tsá₃ ně₂ te₅₄ 'nia₂ 'éi₂?

46 Jaun₂ ca₂ ŋag₃ chí₂ 'i₅₄:

—i₁ Lia₂ 'i₁ cón₂ tsá₃ 'ein₂ dsa₂ ma₂ juá₂ jág₁ ju₁ lia₂ juá₂ dsa₂ 'éi₂!

47 Jaun₂ ně₃ ca₂ juá₂ dsa₂ fariseos:

—¿O₃ bá₄ ma₂ jme₃ gau₅ dsa₂ 'éi₂ quián₂ 'nia₂ ján₃?

48 'I₁ jan₂ dsa₂ can₅₄ juig₅₄ jniog₄, on₃ guë₂ dsa₂ fariseos, tsá₃ ma₂ ca₂ rē₃ 'én₂ le₃ quió₅ 'éi₂, jme₁ né₄.

49 La₁ dsa₂ lē₁ dsa₂ i₂ tion₅₄ ně₅, tsá₃ cu₁ 'i₅ Si₂ 'Éi₃. Ma₂ tion₅₄ ne₄ jmi₁ uig₅ a₂ ma₂ rē₂ 'ě₂ ja₁ coin₂.‡

50 Jin₄ dsa₂ fariseos 'éi₂ jme₁ 'en₅₄ Nicodemo, i₂ jme₁ ma₂ ŋe₄ i₁ jin₅₄ Jesús le₂ jniá₅. § 'Éi₂ ně₃ ca₂ ŋag₃:

51 —Ju₁ lia₂ con₂ lē₅ juá₂ Si₂ 'Éi₃ quián₂, ¿lé₂ le₃ qui₁ dsi₅ 'éi₃ ja₁ con₂ jan₂ dsa₂, tē₃ tsá₃ ma₂ ně₂ néi₂ jág₁ quió₅, a₂ juá₂ 'e₂ a₂ ma₂ jmo₃?

52 Jaun₂ ně₃ ca₂ ŋag₃ r̄in₅₄:

† 7:38 'Nio₂ ja₁, ton₅ Isaías 44:3; 55:1. ‡ 7:49 'Nio₂ ja₁, ton₅, Deuteronomio 27:14-26. § 7:50 A₂ l̄in₅₄ chog₅₄ si₂ juá₂: “i₁ jin₅₄ Jesús a₂ uë₂ jaun₂.”

—¿Ján₃ bá₄ lín₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag₅₄, lia₂ 'i₁jan₂ dsa₂ i₂ 'ě₂ jág₁ quián₅ Diú₄ tsá₃ já₅ 'uě₃ Galilea.*

⁵³ Jaun₂ guě₄ i₃len₃ le₂jan₂ le₂jan₂ dsa₂ ja₁quió₄.

8

Jan₂ 'io₅₄ i₂ca₂tán₂' dso₄

¹ La₁ ca₂ñó₃ bá₄ Jesús jui₅ Má₂ Olivos.

² Jme₁jnia₃ jaun₂ táng₃, ca₂guáin₃ i₁dsi₅ guá₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá₂ Jesús, jaun₂ ca₂jme₃lióg₃ jme₂tñin₂₃ dsa₂.

³ Jaun₂ ně₃, ca₂o₃jñia₃ tē₅juá₅ quian₅₄ dsa₂ fairseos ca₂o₃jñiai₃ jan₂ 'io₅₄ i₂ca₂join₃ jme₁'ein₅₄ quian₅₄ dsa₂ ñe₂. Jaun₂ ca₂chei₃ dsi₂jo₂ jē₄ quió₅ dsa₂ i₂tñion₅₄ ja₁jaun₂.

⁴ Jaun₂ ca₂juá₂ ca₂tsí₃ Jesús:

—Tē₅, ca₂jón₂ 'io₅₄ la₂ nió₅ jág₁ quian₅₄ dsa₂ ñe₂ on₃jua₅₄ dsi₂i₂gu₂.

⁵ Nē₃ ně₃, ne₄ Si₂ 'Éi₃, juá₂ Moisés a₂jñí₄ jnia₅₄ jan₂ 'io₅₄ le₂la₂, a₂qui₁dsiin₅ jnia₅₄ cang₄. ¿'Ne₂ guě₂, 'a₂ lia₂ juá₂?

⁶ Ca₂juá₂ dsa₂ le₂nē₅ ia₁ a₂cáin₂ táu₂ Jesús, ia₁jaun₂ cuñ₃ jmig₄ bó₂g₂ dso₄. La₁ ca₂guá₂ Jesús i₁sióg₅ 'uě₃, jaun₂ ca₂jme₃lióg₃ ca₂jmóg₃ letras ne₄ 'uě₃ quian₅₄ nei₅₄ chi₁gú₃.

⁷ La₁ caun₂ tñoin₅₄ qui₂ñag₂₃ qui₂ñí₂ Jesús, jaun₂ ca₂nau₂, ca₂juá₂ ca₂tsí₃ dsa₂:

—Chi₂jua₂ 'ein₂ jan₂ 'nia₂ i₂tsá₃ dso₄ rē₂cán₄, o₁tñion₅₄ le₂'uig₅₄ ca₂míg₂ ni₁cang₁ jui₁qui₅₄ quió₅ 'io₅₄.

⁸ Jaun₂ ca₂guá₂ táng₃ i₁sióg₅ 'uě₃, jmóg₅ letras a₂tsáng₂ 'uě₃.

⁹ La₁ jme₁ca₂nág₂ dsa₂ jág₁ a₂ca₂juá₂ Jesús,* jaun₂ ca₂jme₃lióg₃ qui₂ca₂'uñin₂ bá₄ le₂jain₂ le₂jain₂, jñiá₅ de₂ dsa₂ i₂ma₂guen₂ ca₂'uñin₂ ne₄ jui₅. Jaun₂ jme₁ma₂ca₂'uñin₂ ca₂le₃jín₃ dsa₂, 'ñiog₅ bá₄ Jesús tē₁tsñin₅₄ quian₅₄ 'io₅₄ 'éi₂, i₂chén₅ dsi₂jo₂ jaun₂.

¹⁰ Jaun₂ ně₃ ca₂nau₂ Jesús,† jaun₂ ca₂juá₂ ca₂tsí₃ 'io₅₄:

—'Io₅₄, ¿na₅ dsa₂?‡ ¿Tsa₁ 'ein₂ ně₂ 'ě₂ uig₅?

¹¹ Jaun₂ ca₂juá₂ 'io₅₄:

—Jan₂'ón₄. Lia₂ 'i₁jan₂ dsa₂, Te₁gui₅₄.

Jaun₂ ně₃ ca₂juá₂ Jesús:

—On₃ guě₂ jñiá₂ 'ě₄ uig₅ quiáng₂; guan₂ ně₃, la₁ tsá₃ ma₃lē₁'nau₂ dso₄.

Lín₅ Jesús si₂ a₂tág₅ quió₅ dsa₂ mi₂güí₃

¹² Ca₂juá₂ táng₃ Jesús tsí₅ dsa₂, a₂juá₂:

—Jniá₂ líng₅ si₂ i₂jmo₅ tág₅ jui₅ quió₅ dsa₂ mi₂güí₃; jui₁lia₂ i₂'ein₅ jniá₂, lia₂ o₁líg₂ tsá₃ ma₃ñi₃ jē₄ qui₁né₃, ton₂ qui₃'io₃ si₂ a₂jmo₅ a₂chain₂.

¹³ Jaun₂ ně₃ ca₂juá₂ dsa₂ fariseos ca₂tsí₃ Jesús:

—'Ne₂ jáng₂ jág₁ dsau₅ tē₂le₃ quián₂ 'ñiag₂; 'uig₅₄ jaun₂ tsá₃ quen₅ jág₁ quiáng₂ a₂jáng₂.

¹⁴ Jaun₂ ca₂ñag₃ Jesús ca₂tsí₃ dsa₂:

—Jui₁lia₂ a₂juá₅ jniá₂, quen₅ bá₄, o₁jñia₅₄ 'ñióg₃ jniá₂ jáng₅ jág₁ dsau₅ tē₂le₃ quió₃ 'ñióg₃. Ia₁ guion₄ bá₄ jniá₂ a₂já₄ guio₃, a₂já₄ né₄ ně₃; la₁ia₁ 'nia₂ ně₃, tsá₃ ñi₅₄ 'nia₂ a₂já₄ guio₃, on₃ guě₂ a₂já₄ né₄.

* **7:52** Ne₄ chog₅₄ si₂ a₂gui₅₄ guě₄, tsá₃ le₁ton₅ Juan 7:53–8:11. * **8:9** A₂lin₅₄ chog₅₄ si₂ juá₂ ján₃; “ca₂jéin₃ o₂guí₃ ia₁ rē₂cáin₄ dso₄ guioñ₅₄.” † **8:10** A₂lin₅₄ chog₅₄ si₂ juá₂ ján₃; “ia₁ tsá₃ ca₂jág₃ jua₅₄ tñon₂ guě₄ i₂sián₂, jñia₅₄ lia₂ 'io₅₄ 'éi₂.” ‡ **8:10** A₂lin₅₄ chog₅₄ si₂ juá₂ ján₃; “i₂'nag₅ quiáng₂.”

15 'Nia₂ guë₂ cáun₂ 'í₁ lia₂ con₂ lě₅ 'éi₃ quió₅ dsa₂ mi₂güig₃. Jniá₂ ně₃ tsá₃ 'í₁ cáun₅ jniá₂ jua₅₄ a₂qui₂dsí₂ 'éi₃ ja₁con₂ 'i₁jan₂.

16 La₁ia₁ chi₂jua₂ cáun₅ jniá₂ 'í₁, dse₃ dsi₂ten₅₄ bá₄ 'éi₃ a₂qui₂dsí₂ jniá₂, ia₁ on₃jua₅₄ jniá₂ 'ñi₃ó cáun₅ 'í₁; qui₂dsí₂ jniá₂ 'éi₃ co₂lě₅ quiang₅₄ i₂ca₂chei₃ bá₄.

17 Ján₃ bá₄ ca₂tě₂ ne₄ Si₂ 'Éi₃ quián₂ 'nia₂, rě₂ton₅ juá₂, ně₁jua₂ on₃ dsa₂ lě₂ i₂jáng₅ jág₁ dsau₅, a₂quen₅ bá₄ jág₁ quió₅.

18 Jniá₂ líng₅ i₂jáng₅ jág₁ dsau₅ tě₂le₃ quió₃ 'ñi₃ó; Ne₃ jniá₂ i₂ca₂chei₃ guë₂, lín₅ táng₃ jan₂ i₂jáng₅ jág₁ dsau₅.

19 Jaun₂ ně₃ ca₂ñag₃ dsa₂ fariseos ca₂ñi₃ Jesús:

—¿Na₅ ñéi₅ 'ne₂?

Jaun₂ ca₂ñag₃ Jesús:

—Tsá₃ cui₂g₂ 'nia₂ jniá₂, on₃ guë₂ Ne₃ jniá₂ cui₂n₂ 'nia₂; jua₅₄ mei₂ guë₃ cui₂g₂ 'nia₂ jniá₂, ján₃ bá₄ jme₁le₃cui₂n₂ 'nia₂ Ne₃.

20 Ca₂juá₂ Jesús le₂ně₅ tě₁lia₂ jme₁'ein₅₄ jme₂tiin₂₃ dsa₂ i₁dsi₅ guá₅ templo, cau₅ ja₁jme₁tióng₂ tsí₁gu₅ quió₅ cu₄ guá₅. La₁ia₁, lia₂ 'i₁jan₂ tsá₃ 'ein₂ ca₂ñau₃, ia₁ tsá₃ jme₁ma₂tě₂ bá₄ guë₄ hora quió₅.

“Ju₁lia₂ ja₁né₄ jniá₂, tsá₃ lé₂ o₁nó₅ 'nia₂”

21 Con₂ siá₂ táng₃ ca₂juá₂ Jesús ca₂tsí₃ dsa₂:

—Né₄ jniá₂; jaun₂ 'nia₂ guë₂, 'náu₂ jniá₂ i₁niog₄, la₁ia₁ dsián₃ 'nia₂ tě₃ rě₂cán₄ 'nia₂ dsáu₂; ja₁né₄ jniá₂, tsá₃ lé₂ o₁nó₅ 'nia₂.

22 Jaun₂ ně₃ ca₂juá₂ dsa₂ judíos:

—¿O₃ bá₄ a₂ñi₃ 'e₂ 'ñiog₅, jaun₂ guë₂ juá₂ tsá₃ lé₂ dsi₁náu₄ jniog₄ ja₁dsáin₃?

23 Jaun₂ ca₂juá₂ Jesús:

—Dsa₂ chan₂ gua₅₄ 'uë₃ la₂ bá₄ lín₅ 'nia₂; jniá₂ ně₃, líng₅ i₂chan₂ guei₅₄. Dsa₂ i₂tén₅ mi₂güig₃ la₂ bá₄ lín₅ 'nia₂; jniá₂ ně₃ tsá₃ téng₅ mi₂güig₃ la₂.

24 'Uig₅₄ jaun₂ bá₄ ně₂juig₂ jniá₂ 'nia₂ a₂dsiáng₃ tě₃ rě₂cáng₄ jaun₂ dsáu₂. Ia₁ chi₂jua₂ tsá₃ 'én₂ 'nia₂, jniá₂ bá₄ líng₅ 'éi₂, Š dsiáng₃ 'nia₂ qui₂rě₂cáng₄ dsáu₂.

25 Jaun₂ ně₃ ca₂ñag₃ dsa₂ judíos ca₂ñi₃ Jesús:

—¿Ein₂ bá₄ lín₅ 'ne₂?

Jaun₂ ca₂ñag₃ Jesús:

—Le₂jaun₂ jui₁lia₂ ma₂qui₂ma₂juig₂ jniá₂ 'nia₂ ca₃le₂'uig₅₄. *

26 'Lióng₂ bá₄ 'uig₅₄ cha₂ a₂le₃juá₄ jniá₂ a₂qui₁dsi₅ jniá₂ 'éi₃ ja₁con₂ 'nia₂. La₁ tí₅ bá₄ jág₁ quió₅ i₂ca₂chei₃. Jaun₂ jniá₂ ně₃, jág₁ a₂ma₂ñag₃ ja₁coin₂, a₂jaun₂ bá₄ juig₂ jniá₂ dsa₂ mi₂güig₃.

27 La₁ tsá₃ ca₂rě₃ñi₂ dsa₂, a₂jme₁juá₂ Jesús tsí₅ dsa₂ 'éi₂, a₂'in₂₃ Jmei₂.

28 'Uig₅₄ jaun₂ ca₂juá₂ Jesús:

—Jě₁ma₂tě₂ rě₁chóng₄ 'nia₂ Jaun₅ dsa₂ mi₂güig₃, jaun₂ guë₄ le₃ñi₅₄ 'nia₂ a₂lín₅ jniá₂ 'éi₂; † le₃ñi₅₄ 'nia₂, a₂tsá₃ jmo₅ jniá₂ 'i₁caun₂ tě₂le₃ o₄quió₃ 'ñi₃ó, ñja₅₄ lia₂ a₂jaun₂ bá₄ juá₅ jniá₂ jui₁lia₂ a₂ma₂ca₂jme₃tag₅ Ne₃.

29 Ia₁ i₂ca₂chei₃ 'ein₅₄ quian₅₄ jniá₂, tsá₃ jua₅₄ ma₂téin₂ jniá₂ 'ñi₃ó, ia₁ lia₂ co₂tan₅₄ bá₄ jmo₅ jniá₂ a₂'ñio₂ dsí₅ 'éi₂.

30 Lia₂ jme₁juá₂ Jesús jág₁ ně₅, juin₅ lín₃ dsa₂ ca₂rě₃ 'én₂ le₃quió₅.

Chi₂-guein₂ quián₅ Diú₄, quian₅₄ dsa₂ i₂qui₂le₁'ñe₅₄ 'uig₅₄ dsáu₁

31 Jaun₂ ně₃ ca₂juá₂ Jesús ca₂tsí₃ dsa₂ judíos i₂ca₂rě₃ 'én₂ le₃quió₅:

Š 8:24 o₃, “jniá₂ bá₄ líng₅.” * 8:25 o₃, “¿E₂ jaun₂ ma₂qui₂ma₂juig₂ jniá₂ 'nia₂ ca₃le₂'uig₅₄?” † 8:28 o₃, “le₃ñi₅₄ 'nia₂, jniá₂ líng₅.”

—Në₁jua'₂ të₁'ñiá'₄ 'nia'₂ le₃quió'₅ jág₁ quió'₃, dsón'₂ bá₄ lín'₅ 'nia'₂ dsa₂ i₂quian'₅₄ jniá'₂;

³² jaun₂ le₃cuin'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

³³ Jaun₂ ca₂ñag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ñe'₅₄ ne₄ 'i₁jan₂. ¿'A₂ guë'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juí₂g₂ jniá'₂ 'nia'₂, ju₁lia'₂ ca₂le₃jín₃ dsa₂ i₂'no₅ dso₄, quile₁'ñei'₅₄ ne₄ dsá₁.

³⁵ Ju₁lia'₂ jan₂ dsa₂ i₂chi₁'ñe'₅₄ ně₃, tsá₃ jua'₅₄ të₃'ñiá'₄ co₂tan₅₄ dsi₂néi₂ quió'₅ juí₂g₅₄; la₁ia₁ chi'₂ ja₁ñi'₅₄ ně₃, co₂tan₅₄ bá₄ téin₅ dsi₂néi₂ jaun₂.

³⁶ Jaun₂ ně₃, chi₂jua'₂ ca₂chéi'₂ Ja₁ñi'₅₄ ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ të₃dsón'₂.

³⁷ Ma₂guion₄ bá₄ jniá'₂ jaun₂ a₂lín'₅ 'nia'₂ tsi₁jon₂ Abraham; la₁ia₁ 'niog'₂ 'nia'₂ jñág'₄ jniá'₂, ia₁ a₂tsá₃ guei'₂ 'nia'₂ 'e₂ a₂juá'₅ jniá'₂.

³⁸ Jniá'₂ ně₃ juá'₅ juí₂g₂ 'nia'₂ ju₁lia'₂ 'e₂ a₂ma₂jág₃ ja₁con₂ Ñe'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ ñéi'₅.

³⁹ Jaun₂ ca₂ñag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guë'₃ lín'₅ 'nia'₂ chi'₂-guein₂ quián₅ Abraham, jaun₂ jme₁jmó'₂ 'nia'₂ ju₁lia'₂ a₂ca₂jmo₃ 'éi₂.

⁴⁰ La₁ia₁ 'nia'₂ ně₃ 'niog'₂ jñág'₄ jniá'₂, o₁jñia'₅₄ ma₂në₂juí₂g₂ jniá'₂ 'nia'₂ jág₁ tí₅ të₃dsón'₂ a₂ma₂ca₂jme₃tag₅ Diú₄ jniá'₂. Tsá₃ le₂në₅ ca₂jmo₃ Abraham.

⁴¹ 'Nia'₂ ně₃, le₂jaun₂ bá₄ jmo'₂ ju₁lia'₂ jmo₅ ñéi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lë₁chan₂; jan₂ bá₄ jmei₂ jnia'₅₄ chan₂; i₂'éi₂ lín₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guë'₃ të₃dsón'₂ Diú₄ lín₅ ñéi'₅ 'nia'₂, jme₁jme₁'nió'₄ bá₄ 'nia'₂ jniá'₂, ia₁ ja₁con₂ Diú₄ bá₄ 'uín₂ jniá'₂; jaun₂ la₂ ma₂guio₃. On₃jua'₅₄ o₄quió'₃ 'ñi₃o₃ guio₃; o₄quió'₄ i₂ca₂chei₃ bá₄ jniá'₂ guio₃.

⁴³ ¿'E₂ lë₃ tsá₃ lé₂ le₃ñí'₂ 'nia'₂ jág₁ a₂juá'₅ jniá'₂? 'Uí₂g₅₄ ia₁ a₂tsá₃ tian'₃ 'nia'₂ nág'₁ jág₁ a₂'ë₅ jniá'₂.

⁴⁴ 'Nia'₂ bá₄ rë'₂ téng'₅ le₃quió'₅ i₂së₃dsen₃ ñéi'₅ 'nia'₂. Jaun₂ 'ín₅ 'au'₂ jmó'₂ 'e₂ a₂'ñio₂ dsí₅ 'éi₂. Lia'₂ con'₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jë₁ma₂ca₂juá'₂ jág₁ të₂jág₁, juá'₂ bá₄ ju₁lia'₂ tñin₂ 'ñiog₅, ia₁ i₂të₂jín₁ bá₄ 'éi₂, jaun₂ lín₅ jmei₂ dsa₂ të₂jín₁.

⁴⁵ La₁ia₁, 'uig₅₄ ia₁ a₂juá'₅ jniá'₂ jág₁ dsau₅ ně₃, tsá₃ 'éng'₂ jág₁ quió'₃.

⁴⁶ ¿I₂'ein₂ 'nia'₂ qui'₅₄ jmíg₄ cáun₂ 'í₁ a₂rñin₂ jniá'₂ dso₄? Chi₂jua'₂ juá'₅ jniá'₂ jág₁ dsau₅, ¿'E₂ lë₃ tsá₃ 'én'₂ 'nia'₂ jág₁ quió'₃?

⁴⁷ Ju₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uí₂g₅₄ jaun₂ bá₄ tsá₃ nag'₂ 'nia'₂ jág₁: ia₁ tsá₃ tén'₅ 'nia'₂ le₃quió'₅ Diú₄.

Né'₃ guë'₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ñag₃ dsa₂ judíos ca₂ñii'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ të₂'au'₂ ně₃?

49 Jaun₂ ca₂ηag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá₂ a₂jme₂juín'₁ jniá₂ Ne'₃; 'nia'₂ guē'₂, tsá₃ jme₂go'₃ jniá₂.

50 Tsá₃ a₂jaun₂ 'náu'₅ jniá₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá₂, ton'₂ 'éi₂ bá₄ con₂ jág₁ dsau₅.

51 A₂dsi₂jó'₃ juíg₂ jniá₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió'₃, lia'₂ o₁líg'₂ jmi₄ tsá₃ dsi₃ηi₅₄ 'mú₃.

52 Jaun₂ ně₃ ca₂ηag₃ dsa₂ judíos:

—Ně₃ guē'₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ē₂ jág₁ quián₅ Diú₄; 'ne₂ guē'₂ juá'₂: “Jui₁lia'₂ i₂tón'₂ jui₅ jág₁ quió'₃, tsá₃ líg'₂ dsi₃ηi₅₄ 'mú₃.”

53 ¿O₃ bá₄ 'ηio₅ lín₃ guē'₄ juín'₂ 'ne₂ lia'₂ con'₂ guē'₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ē₂ jág₁ quián₅ Diú₄. ¿'Ein₂ lín'₂ 'ne₂ líng'₅?

54 Jaun₂ ca₂ηag₃ Jesús:

—Chi₂jua'₂ 'ηió₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ jui₁lia'₂ i₂jme₂juag'₂ jniá₂, Ne'₃ bá₄ jniá₂ 'éi₂, i₂'ín'₅ 'nia'₂ lín₅ Diú₄ quiáng'₂.

55 O₁ηia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guē'₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tē₂jín₁ jui₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ jui₅ jág₁ quió'₅.

56 Ca₂jmo₃ 'io'₂ Abraham, 'lag₄ ηéi'₅ 'nia'₂, ia₁ jme₁'ín₂ dsí₅ jág₃ jmi₄ i₁guan₃ jniá₂; jaun₂ ca₂jág₃, jaun₂ 'ηio₅ lín₃ 'io'₂ ca₂jén'₃.

57 Jaun₂ ně₃ ca₂juá'₂ dsa₂ judíos ca₂tsí'₃ Jesús:

—Tsá₃ ma₂'eng'₅₄ bá₄ guē'₄ tē₂láu₃-guiá₂ ηi₂. ¿'A₂ guē'₂ lia'₂ juá'₂ 'ne₂ a₂ma₂jing'₅₄ 'lag₄ Abraham?

58 Jaun₂ ca₂ηag₃ Jesús:

—A₂dsi₂jó'₃ juig₂ jniá₂ 'nia'₂, né'₃ guē'₄ a₂le₃chan₂ Abraham, jniá₂ líng₅.[‡]

59 Jaun₂ ně₃ qui₂ca₂ηa'₃ cang₄ a₂jme₁qui'₃ quió'₅. La₁ ca₂'ma₃ bá₄ Jesús, jaun₂ o₂'iin₃ i₁dsi₅ guá'₅ templo.Š

9

Ca₂jme₃'lión₂ Jesús jan₂ dsa₂ i₂ten₄ ca₂rē₃chán₃

1 Jme₁ca₂ηi₅ jaun₂, ca₂jíin₂ jan₂ dsa₂ i₂ten₄ ca₂rē₃chán₃.

2 Jaun₂ ca₂ηag₃ chi'₂ dsi₂guia₃-tín₂ quiáin₅:

—Tē₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rē₃chán₃ tein₅₄?

3 Jaun₂ ca₂juá'₂ Jesús:

—On₃jua'₅₄ 'uig₅₄ dsáu₂ 'ηiog₅, on₃ guē'₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lē₃ ia₁jaun₂ le₃jniá₂ ju₅bí₂ quió'₅ Diú₄ ja₁coin₂.

4 Ca₂tág₂ jniog₄ jmó₁ ta₁* quió'₅ i₂ca₂chei₃ jniá₂ tē₁lia'₂ jniá₂ guē'₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁.

5 Tē₁lia'₂ 'en₅₄ jniá₂ mi₂güig₃ la₂, líng₅ si₂ a₂tág₅ ja₁con₂ dsa₂ mi₂güig₃.

6 Jme₁ca₂dsan₃ juá'₂ le₂nē₅, jaun₂ ca₂'ηéi₃ 'uē₃, ca₂jmo₃ ca₂juig₄ jein₂ quian'₅₄ jmi₁'ē'₅ quió'₅, jaun₂ ca₂tsáng₂ jme₁ne₁ dsa₂ ten₄.

7 Jaun₂ ca₂juá'₂ ca₂tsí'₃ dsa₂ 'éi₂:

‡ 8:58 Jág₁, “jniá₂ líng₅” co₂'nió'₄ jein₅ jág₁, lia'₂ chen₂ Jehová. 'Nio'₂ ja₁ton₅ Éxodo 3:14. Š 8:59 A₂lin₅₄ chog₅₄ si₂ juá'₂ ján₃: “jaun₂ ca₂ηi₅, jin₄ dsa₂ 'éi₂, ca₂ηái'₃.” * 9:4 A₂lin₅₄ chog₅₄ si₂: Ca₂tín₂ jniá₂ jmo₅₄ ta₁.

—Gua₂ o₂rang₂ quiáng'₂ Dsiog₅ Siloé —co₂'nió'₄ le₃jua'₅₄ jág₁, I₂chen₄, a₂chei₂ dsiog₅ jaun₂.

Jaun₂ ca₂ηó₃ i₁rang₂ quió'₅, jaun₂ jme₁guáin'₃ táng₃ jaun₂, ma₂jág₅ bá₄.

⁸Jaun₂ qui₂ca₂ηag₃ dsa₂ i₂tián'₅ cau₅ quió'₅, quian'₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jñiá'₅, ca₂juá'₂:

—¿On₁jua'₅₄ dsa₂ nē₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹I₂lin₅₄ juá'₂:

—'Éi₂ bá₄ nē₅.

I₂sián'₂ guē'₂ juá'₂:

—On₃jua'₅₄ 'éi₂ nē₅, la₁ia₁ mei'₂ tsá₃ le₂jaun₂ jniá'₂.

La₁ ca₂juá'₂ dsa₂ 'éi₂ 'ηiog₅:

—Jniá'₂ bá₄ 'éi₂.

¹⁰Jaun₂ nē₃ ca₂ηag₃ dsa₂ ca₂ηí'₃ 'éi₂:

—¿'A₂ guē'₂ lia'₂ lē₃ ca₂jnióg₃ jme₁ne'₄ 'ne₂?

¹¹Jaun₂ ca₂ηag₃ dsa₂ 'éi₂:

—Dsa₂ i₂tě'₂ dsa₂ Jesús nē₂jmo₃ ti₁jéin₃, jaun₂ nē₂tsáng₂ jme₁ne₃ jniá'₂, jaun₂ nē₂juá'₂ tság₅ jniá'₂: “Gua₂ Dsiog₅ Siloé, o₂rang₂ quiáng'₂.” Jaun₂ ηe₄ jniá'₂, jaun₂ jme₁ca₂lē₃ rang₂₃ quió'₃, co₂tan₅₄ lia'₂ nē₂jág₃.

¹²Jaun₂ ca₂ηag₃ dsa₂ ca₂ηí'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá'₂.

Ca₂ηag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

¹³Jaun₂ nē₃ ca₂i₁jñia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

¹⁴La₁ jmig₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmig₄ sa₅₄ bá₄ jaun₂.

¹⁵Jaun₂ ca₂ηag₃ táng₃ dsa₂ fariseos ca₂ηí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Nē₂tsáng₂ ti₁jéin₃ jme₁ne₃ jniá'₂, jaun₂ nē₂rang₃ jniá'₂ quió'₃, jaun₂ lē₃ ma₂jág₅ jniá'₂.

¹⁶Jaun₂ nē₃ ca₂juá'₂ i₂lin₅₄ dsa₂ fariseos:

—Dsa₂ i₂nē₂jmo₃ a₂nē₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmig₄ sa₅₄.

La₁ i₂lin₅₄ guē'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juē'₂ le₂nē₅?

Jaun₂ lē₃ ca₂lē₃ le₁dson'₅₄ dsa₂.

¹⁷Jaun₂ ca₂ηag₃ táng₃ dsa₂ ca₂ηí'₃ dsa₂ i₂jme₁ten₄ 'éi₂:

—¿'E₂ guē'₂ juá'₂ 'ne₂ lín₅, ia₁ jme₁ne'₄ 'ne₂ bá₄ nē₂niá'₃?

Jaun₂ ca₂ηag₃ dsa₂ 'éi₂:

—A₂lín₅ jan₂ dsa₂ i₂ě₂ jág₁ quián₅ Diú₄ bá₄.

¹⁸La₁ dsa₂ judíos nē₃, tsá₃ jme₁'éin₂ bá₄ guē'₄ a₂dsón'₂ jme₁ten₄ dsa₂ 'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂ 'éi₂.

¹⁹Jaun₂ ca₂ηag₃ dsa₂ fariseos ca₂ηí'₃ chog₅₄-jmei₂ 'éi₂:

—¿Chi'₂ ja₂ñí'₂ 'nia'₂ la₂, i₂juá'₂ 'nia'₂ i₂ten₄ ca₂rē₃chán₃? ¿'A₂ guē'₂ lia'₂ ma₂jág₅ nē₃?

²⁰Jaun₂ ca₂ηag₃ chog₅₄-jmei₂:

—Ne₄ bá₄ jnia'₅₄, chí'₂ quián₂ bá₄ jnia'₅₄ nē₅, i₂ca₂rē₃chán₃ ten₄;

²¹la₁ tsá₃ ne₄ jnia'₅₄ 'a₂ guē'₂ lia'₂ nē₃ ma₂lé₂ jág₃, on₃ guē'₂ ne₄ jnia'₅₄ 'ein₂ ca₂jmo₃ ca₂jñia₃ mi₂ne₅₄. Ñag₄ caun₂ 'nia'₂ guiong'₅₄; i₂ma₂juin'₂ bá₄ nē₅, jaun₂ lé₂ bá₄ juá'₂ 'ηiog₅ 'a₂ lia'₂ ca₂lē₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uín'₂ dsa₂ ja₁le₁toin₂₃ ne₄ si₂ guá'₅ sinagoga jui₁'ein₂ guě₃ i₂juá'₂, Jesús bá₄ lín₅ l₂rě₂'ín₁ quián₅ Diú₄.

23 'Uig₅₄ jaun₂ bá₄ ca₂juá'₂ chog₅₄-jmei₂: “Nag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

24 Jaun₂ bá₄ ca₂tě₃ táng₃ dsa₂ judíos ca₂tě'₃ dsa₂ i₂jme₁ten₄ 'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jnia'₅₄ jan₂ dsa₂ i₂cha₂ dsáu₁ bá₄ 'éi₂.

25 Jaun₂ ně₃ ca₂ḡag₃ dsa₂ 'éi₂:

—Tsá₃ a₂jaun₂ guion₄ jniá₂ jua'₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jnia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá₂, la₁ ně₃ ma₂lé₂ bá₄ jág₄.

26 Jaun₂ ca₂ḡag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂jnia₃ mi₂ne'₅₄?

27 Jaun₂ ca₂ḡag₃ dsa₂ 'éi₂:

—Ma₂ně₂juá'₃ guě'₂ jniá₂. Tsá₃ tón'₂ guě'₂ 'nia'₂ jui₅ 'e₂ juá'₅ jniá₂. ¿'E₂ lě₃ 'niog'₂ 'nia'₂ nág'₂ táng₃? ¿O₃ bá₄ ján₃ guě'₂ 'niog'₂ 'nia'₂ le₃'éng'₂ le₃quió'₅ 'éi₂?

28 Jaun₂ qui₂ca₂jnaú'₂ dsa₂ jág₁ uig₅, jaun₂ ca₂juá'₂:

—'Ne₂ 'éng'₂ le₃quió'₅ dsa₂ 'éi₂, la₁ia₁ jnia'₅₄ guě'₂ 'éin₂ le₃quió'₅ Moisés.

29 Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂ 'éi₂ guě'₂ ně₃, tsá₃ ne₄ a₂já'₄ já₅.

30 Jaun₂ ca₂ḡag₃ dsa₂ 'éi₂ ně₃ ca₂juá'₂:

—jDsón'₂ bá₄ jaun₂ dsi₂gó'₃ dsi₅ a₂jaun₂: a₂tsá₃ ḡi'₅₄ 'nia'₂ a₂já'₄ já₅, ton'₂ ca₂jme₃jnio₅₄ jme₁ne₃!

31 Ma₂ne₄ rě₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ḡio₂ dsi₅ 'éi₂: quió'₅ 'éi₂ bá₄ nag₂₃.

32 Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá₅ jua'₅₄ chan₂ dsa₂ i₂lé₂ le₃jme₃lión₂ jan₂ dsa₂ i₂ten₄ ca₂rě₃chán₃.

33 Jua'₅₄ mei'₂ guě₃ tsá₃ já₅ dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

34 Jaun₂ ně₃ ca₂ḡag₃ dsa₂ fariseos:

—Co₂ḡei'₅₄ bá₄ ne₄ dsáu'₂ ca₂rě₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?

Jaun₂ ca₂dsei₅ dsa₂.

Ju₁lia'₂ dsa₂ ten₄ tě₂le₃ gu₂dsí₂

35 Jaun₂ ca₂rě₃ḡi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jein'₂, ca₂juá'₂:

—¿'Én'₂ 'ne₂ tě₂le₃ quió'₅ Jaun₅ dsa₂ mi₂güí₃?‡

36 Jaun₂ ca₂juá'₂ dsa₂ 'éi₂:

—Gui'₅₄, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió'₅?

37 Jaun₂ ca₂ḡag₃ Jesús:

—Ma₂ně₂jín'₅₄ bá₄, jaun₂ jniá₂ bá₄ 'éi₂ i₂dsia'₂ jág₁ quiang'₅₄.

38 Jaun₂ bá₄ ca₂chi₃jné₃ dsa₂ 'éi₂ ne₄ Jesús, jaun₂ ca₂juá'₂:

—'Én₂ bá₄ jniá₂, Te₁gui'₅₄.

39 Jaun₂ ca₂juá'₂ Jesús:

—A₂qui₁dsi₅ 'éi'₃ bá₄ jniá₂ guio₃ mi₂güí₃ la₂, ia₁jaun₂ jág₃ ju₁lia'₂ dsa₂ ten₄, ton'₂ ia₁jaun₂ le₃ten₄ ju₁lia'₂ dsa₂ i₂jág₅.

† 9:24 lit. “jme₁juin'₂ Diú₄”, co₂'nió'₄ quian'₅₄ jág₁ ně₅ jme₁jmo₅ dsi₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63. ‡ 9:35 A₂lín₅₄ chog₅₄ si₂ juá'₂: “¿'Én'₂ 'ne₂ tě₂le₃ quió'₅ Ja₁ḡi'₅₄ Diú₄?”

40 Jaun₂ qui₂ca₂nág₂ jág₁ jaun₂ i₂lin₅₄ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ḡag₃:

—¿O₃ bá₄ dsa₂ ten₄ lág₅ jnia'₅₄ ján₃?

41 Jaun₂ ca₂ḡag₃ Jesús:

—Jua'₅₄ mei'₂ gué₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'nia'₂. La₁ia₁, 'uig₅₄ ia₁ a₂juá'₂ 'nia'₂, “ne₄ jnia'₅₄”, jaun₂ të₂'ñiá₄ dsáu'₂ 'nia'₂.

10

Jág₁ jáng'₅ léi₄ ju₁lia'₂ dsa₂ i₂jmo₅ 'í₁ já'₂ cha'₂

1 A₂dsi₂jó'₃ juí₂g₂ jniá'₂ 'nia'₂, ju₁lia'₂ i₂tsá₃ tón'₅ të₂le₃ jui₅ o₄'né₄ tsi₁jní₂ ja₁tion'₅₄ já'₂ cha'₂, a₂uí₂g₂ jui₅ siá'₂, dsa₂ 'ang₂ bá₄ 'éi₂.

2 La₁ia₁ ju₁lia'₂ i₂'í₂ të₂le₃ o₄'né₄, dsa₂ i₂jmo₅ 'í₁ já'₂ cha'₂ bá₄ 'éi₂.

3 O₄quió'₄ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já'₂ cha'₂ ně₃, rē₂cuí'₅ jág₁ quió'₅ 'éi₂. Jaun₂ të₂ já'₂ cha'₂ quiáin₅ 'ñiog₅ lia'₂ chein₂, jaun₂ 'uág'₂.

4 Jē₁ma₂ca₂lē₃ 'uín'₂ ca₂le₃jín₃ con'₂ i₂quiáin₅ 'ñiog₅, jaun₂ cán₂ ne₄ jui₅, dsó₅ ne₄ já'₂ cha'₂. Já'₂ cha'₂ ně₃ dsi₂lén₂ chi₁co'₅₄ quió'₅, ia₁ rē₂cuí'₅ bá₄ jág₁ quió'₅.

5 La₁ tsá₃ 'ein₂₃ ju₁lia'₂ dsa₂ i₂tsá₃ cui₂₃; të₂le₃ cuing₂₃ bá₄ ja₁con'₂ 'éi₂, ia₁ tsá₃ cui'₅ jág₁ quió'₅ dsa₂ sián'₂.

6 Ca₂juá'₂ Jesús jág₁ a₂jáng'₅ léi₄ ně₅, la₁ tsá₃ ca₂rē₃ñí'₂ dsa₂, 'e₂ jein₅ jág₁ jaun₂ a₂juá'₂.

Jan₂ Jesús i₂dsen₃ i₂jmo₅ 'í₁ já'₂ cha'₂

7 Jaun₂ ně₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juí₂g₂ jniá'₂ 'nia'₂, jniá'₂ bá₄ líng₅ o₄'né₄ jui₅ ja₁dsi₂ton'₅₄ já'₂ cha'₂.

8 Ca₂le₃jín₃ i₂ma₂o₃lén₂ jniá'₅ gué₄ con'₂ gué₄ jniá'₂, dsa₂ 'ang₂ bá₄ 'éi₂; la₁ já'₂ cha'₂ ně₃, tsá₃ jui₅ ca₂ton'₂ quió'₅.

9 Jniá'₂ líng₅ o₄'né₄; ju₁lia'₂ i₂tón'₅ jui₅ le₃quió₃, tíin'₄ bá₄. Jaun₂ qui₃dsi₃toin'₅₄, qui₃'uín₃, jaun₂ dsio'₂ bá₄ ñi₂ma'₂ a₂gué'₃.

10 'Dsa₂ 'ang₂ ně₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ ně₃; jniá'₂ ně₃ guio₃ ia₁ jaun₂ le₃chain₂, a₂le₃chain₂ qui₂rē₂tsón₂.

11 Jniá'₂ bá₄ líng₅ juí₂g₂ dsen₃ i₂jmo₅ 'í₁ já'₂ cha'₂.^{*} Guen₅ 'mú₃ juí₂g₂ dsen₃ o₄quió'₄ já'₂ cha'₂;

12 la₁ ju₁lia'₂ dsa₂ i₂jmo₅ ta₁ a₂'liain'₅₄, jē₁ma₂ca₂jág₃ já₅ dsi₂jí'₅₄ náu₂, téin₂ bá₄ já'₂ cha'₂ jaun₂ cuing₂₃ bá₄ 'ñiog₅, ia₁ on₃jua'₅₄ juí₂g₂ i₂quián₅ já'₂ cha'₂ 'éi₂. Jaun₂ dsi₂jí'₅₄ náu₂ ně₃, tsáin'₂ já'₂ cha'₂, jaun₂ jmo₂₃ le₁jan₅₄ já'₂.

13 Dsa₂ 'éi₂ ně₃, cuing₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂.

14 Jniá'₂ bá₄ líng₅ juí₂g₂ dsen₃; i₂cuín₅ bá₄ jniá'₂ já'₂ cha'₂ quiáng₃; 'éi₂ ně₃ cuig₂₃ jniá'₂.

15 Le₂jaun₂ ju₁lia'₂ cuig₅ Ne'₃ jniá'₂, ján₃ bá₄ cuín₅ jniá'₂ 'éi₂ ně₃. Guén₅ jniá'₂ 'mú₃ o₄quió'₄ já'₂ cha'₂ quiáng₃.

16 Já₃ bá₄ tion'₅₄ já'₂ cha'₂ sián'₂ quiáng₃ i₂tsá₃ tion'₅₄ 'ñió'₃ jní₁ la₂; já₃ bá₄ ca₂tín₂ jniá'₂ i₂te₁ 'éi₂. Já₃ bá₄ le₃ne'₅₄ 'éi₂ jág₁ quió₃, jaun₂ co₂nió'₃ bá₄ lé₂, jan₂ gué'₂ juí₂g₂.

17 "Uig₅₄ jaun₂ bá₄ 'nio₃ Ne'₃ jniá'₂: ia₁ jáng'₅ jme₂dsí₂ quió₃,† ia₁ jaun₂ tíng'₄ táng₃.

* 10:11 'Í Ezequiel 34. † 10:17 'Nio'₂ ja₁ton₅ Juan 19:30.

18 Lia'₂ 'i₁jan₂ tsá₃ jniá'₂ jme₂dsí₂ a₂chan₂ jniá₂, ia₁ jáng'₅ bá₄ jniá₂ jme₂dsí₂ a₂chang₂ a₂'ñio₂ dsí₃ 'ñio₃. Jniá₂ bá₄ 'o₂₃ bí₂ jáng'₅, jaun₂ 'o₂₃ bí₂ tíng'₄ táng₃. 'Éi'₃ nē₅ ca₂ñig₂ ja₁con₂ Ne'₃.

19 Jaun₂ ca₂lë₃ le₁dson'₅₄ táng₃ dsa₂ judíos, jme₁ca₂nág₂ jág₁ nē₅.

20 Juin₅ i₂'éi₂ juá'₂:

—I₂'en₅₄ jan₂ jme₂dsí₂ je₂na'₅₄ tē₂dsí₅ bá₄ nē₅, tē₂'í₂₃ a₂ñái₅ nē₃. ¿E₂ lë₃ tón'₂ 'nia'₂ juí₅ jág₁ quió'₅?

21 La₁ i₂lin₅₄ guë'₂ juá'₂:

—On₃jua'₅₄ jág₁ quió'₅ jan₂ i₂'en₅₄ je₂na'₅₄ tē₂dsí₅ nē₅. ¿Lé₂ le₃jmo₃ je₂na'₅₄ a₂jág₃ juí₁lia'₂ dsa₂ ten₄?

Tsá₃ ca₂guen₃ dsa₂ judíos Jesús

22 Jmíg₄ jaun₂, jme₁tion'₅₄ dsa₂ juig₂ Jerusalén jmo₂₃ Jmíg₄ quió'₅ Si₂. Jein₂ güig₂ jme₁lë₄,

23 jaun₂ jme₁i₂ñi₅₄ Jesús i₁dsi₅ guá'₅ templo ja₁lë₄ corredor a₂chei₂ Quió'₅ Salomón,

24 jaun₂ qui₂ca₂o₃lio₃ dsa₂ judíos quió'₅, jaun₂ ca₂juá'₂:

—¿A₂ con'₂ jmó'₂ 'ne₂ 'ag₃ guë₄ caun₂-tin₃ dsí₅ jnia'₅₄? Chi₂jua'₂ dsón'₂ lín'₅ 'ne₂ I₂rë₂'ín₁ quián₅ Diú₄, co₂ñei'₅₄ jua'₅₄ rē₂jiá₃ jág₁.

25 Jaun₂ ca₂ñag₃ Jesús:

—Ma₂nē₂juá'₃ bá₄ jniá₂, la₁ tsá₃ ca₂rë₃'én'₂ guë'₂ 'nia'₂. Qui₂jáng'₅ bá₄ jág₁ dsau₅ o₄quió₃, léi₄ a₂jmo₅ jniá₂;

26 la₁ tsá₃ 'én'₂ 'nia'₂, ia₁ tsá₃ lín'₅ 'nia'₂ já'₂ cha'₂ quiáng₃.

27 Ne'₅₄ bá₄ já'₂ cha'₂ quiáng₃ jág₁ quió₃; i₂cuig₅ bá₄ 'éi₂ jniá₂, jaun₂ ja₂'ein₂₃ chi₁co'₅₄ quió₃.

28 Cuë₅ jniá₂ jme₂dsí₂ a₂le₃chain₂ co₂tan₅₄, jaun₂ lia'₂ o₁líg'₂ jmíg₄ tsá₃ dsíáin₃, on₃ guë₄ lia'₂ 'i₁jan₂ tsá₃ lé₂ le₃jniá'₂ 'éi₂ o₄gu₃ jniá₂.

29 Ne'₃ jniá₂, i₂ma₂cuag₃ 'éi₂, lín₅ i₂juin'₂ guë₄ lia'₂ con'₂ guë₄ ca₂le₃jín₃; jaun₂ lia'₂ 'i₁jan₂ tsá₃ lé₂ jnióg'₂ o₄gú₃ Ne'₃.

30 Jniá₂ quian'₅₄ Ne'₃, ca₂ne₅₄ bá₄ lág₅ jnia'₅₄.

31 Jaun₂ nē₃ ca₂ñja'₃ táng₃ dsa₂ judíos ni₁cang₁ a₂qui'₃ quió'₅.

32 Jaun₂ ca₂juá'₂ Jesús:

—'Lióng₂ lín₃ léi₄ dse₃ ma₂'ë₃ jniá₂ 'nia'₂ tē₂le₃ quian'₅₄ juí₅bí₂ quió'₅ Ne'₃; ¿o₄quió'₄ 'e₂ caun₂ a₂ma₂jmo₃ jniá₂ jaun₂, a₂qui₁jnau'₅₄ 'nia'₂ jniá₂ ni₁cang₁?

33 Jaun₂ ca₂ñag₃ dsa₂ judíos:

—Tsá₃ o₄quió'₄ léi₄ dse₃ qui₁jna'₅₄ jnia'₅₄ 'ne₂ ni₁cang₁; a₂jaun₂ bá₄ ia₁ a₂'íng'₅ 'líg'₅₄ Diú₄, a₂jmo'₂ 'ne₂ a₂líg'₅ Diú₄, ton'₂ jan₂ dsa₂ mi₂güig₃ bá₄ lín'₅.

34 Jaun₂ nē₃ ca₂juá'₂ Jesús tsí'₅ dsa₂ judíos:

—¿Tsa₁ chi₁ton₅ ne₄ Si₂ 'Éi'₂ quián'₂ 'nia'₂: “A₂ma₂juá'₃ jniá₂, a₂lín'₅ 'nia'₂ diú₄”?

35 Chi₂jua'₂ ca₂të'₃ “diú₄” dsa₂ i₂ca₂ñi₂ jág₁ quió'₅ Diú₄, (jaun₂ tsá₃ lé₂ jua'₅₄ tsá₃ le₃ti₃ Si₂);

36 'ë₂ guë₄ bá₄ 'éi₂ i₂ca₂jmo₃ Diú₄ rē₂tson₄, i₂ca₂chein₃ mi₂güig₃. ¿'Nia'₂ juig'₂ 'íng'₅ 'líg'₅₄ Diú₄ ia₁ jniá₂ nē₂juá'₃ a₂lín'₅ Ja₁ñi'₅₄ Diú₄?

37 Chi₂jua'₂ tsá₃ jmo₅ jniá₂ ta₁ quió'₅ Ne'₃, tsá₃ juí₁le₂'én'₂ 'nia'₂ le₃quió₃ jniá₂.

38 La₁ chi₂jua'₂ jmo₅ guë'₂ jniá₂, juí₁a₂ guë₃ la₂ tsá₃ 'én'₂ 'nia'₂ tē₂le₃ quió₃ jniá₂, juí₁le₂'én'₂ bá₄ 'nia'₂ tē₂le₃ quió'₅ ta₁ a₂jmo₅ jniá₂, ia₁jaun₂ le₃ñi'₅₄ bá₄, ia₁jaun₂

le₃ŋí'₂ 'au'₂ 'nia'₂, § a₂'en₅₄ Ne'₃ ja₁cong₂, le₂jaun₂ guë'₂ táng₃, a₂'en₅₄ jniá'₂ ja₁con₂ Ne'₃.

³⁹ Jaun₂ jme₁'nio₃ táng₃ dsa₂ jme₁tsáun'₂, la₁ ca₂lón₂ bá₄ o₄gú₃ 'éi₂.

⁴⁰ Jaun₂ ně₃, ŋó₃ táng₃ Jesús tē₂le₃ quióng₄ Cuá₃ Jordán, jaun₂ ca₂ŋia₃ ja₁jaun₂ ja₁jme₁'en₅₄ Juan₅₄ le₂ŋiá'₅ choin₂₃ jmig₂ dsa₂.*

⁴¹ Juin₅ lín₃ dsa₂ ca₂lén₅₄ i₁jag₅₄, qui₂ca₂juá'₂:

—Tē₃dsón'₂ bá₄, o₁ŋia'₅₄ tsá₃ 'e₂ léi₄ juē'₂ ca₂jmo₃ Juan₅₄, la₁ ca₂le₃jě₃ 'e₂ a₂ca₂juá'₂ a₂'iin₂₃ dsa₂ ně₅, dsau₅ bá₄.

⁴² Ja₁jaun₂ ca₂rē₃ 'én₂ juin₅ dsa₂ le₃quió'₅ Jesús.

11

Ca₂jon₃ Lázaro

¹ Jme₁chan₂ jan₂ dsa₂ dso'₅₄ i₂jme₁chen₂ Lázaro, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

² María ně₅ ně₃ i₂rín'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quén₃ quian'₅₄ ŋi₂ dsi₅₄.

³ Jaun₂ ně₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

⁴ Jaun₂ jme₁ca₂nág₂ Jesús, ca₂juá'₂:

—On₃jua'₅₄ dso₄ a₂jio₅ jui₅ 'mú₃ jaun₂; tē₂le₃ ia₁jaun₂ le₃juin'₂ Diú₄ bá₄, le₂jaun₂ guë'₂ Ja₁ŋi'₅₄ Diú₄ ján₃ le₃juin'₂ tē₂le₃ quian'₅₄ dso₄ jaun₂.

⁵ Jesús ně₃, jme₁'nioi₃ 'ŋio₅ lín₃ Marta quian'₅₄ 'io₅₄ riin'₅₄, quian'₅₄ Si₁Lia₁.

⁶ Jaun₂ lě₃, jme₁ca₂juá'₂ dsa₂ a₂dso'₅₄ Si₁Lia₁, ca₂ŋia₃ guë'₄ tīn₃ jmig₄ ja₁jme₁'ein₅₄ jaun₂.

⁷ Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quiáin₃:

—Ma₃dsau₅₄ táng₃ jui₅ Judea.

⁸ Jaun₂ ně₃ ca₂juá'₂ chi'₂ dsi₂guia₃-tín₂:

—Tē₅, i₁jáun₃ ně₅ cón'₅ jme₁'nio₃ dsa₂ judíos jme₁qui₃jnáu'₂ cang₄; ¿con'₂ guë'₂ lia'₂ 'niog'₂ gog'₅₄ táng₃ ja₁jaun₂?

⁹ Jaun₂ ca₂ŋag₃ Jesús:

—¿On₁ dsón'₂ quian₅ guia₃-tín₂ horas caun₂ jmig₄? Nē₁jua'₂ i₂'nio₄ dsa₂ a₂jmi₂, tsá₃ qui₂nióí₅, ia₁ jág₅ si₂ a₂tág₅ ja₁con₂ dsa₂ mi₂güig₃;

¹⁰ la₁ ně₁jua'₂ i₂'nio₄ dsa₂ jē₄ qui₁né'₃ qui₂nióí₅ ia₁ tsá₃ si₂ cha₂ ja₁coin₂.

¹¹ Cang₂ jme₁ma₂ně₂juá'₂ le₂ně₅, jaun₂ ca₂juá'₂:

—Ma₂ca₂gün₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá'₂ i₁ŋei₁₂.

¹² Jaun₂ ně₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂jua'₂ ma₂ca₂gün₂, co₂'nió'₄ ŋia₃ bá₄ quió'₅.

¹³ La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ē₅ Jesús ju₁lia'₂ a₂gün₂ dsa₂ jē₁ma₂ca₂nei₂.

¹⁴ Jaun₂ ně₃ ca₂juá'₂ Jesús lia'₂ rē₂jiá₃ jág₁:

—Ma₂ca₂jon₃ bá₄ Si₁Lia₁.

¹⁵ Jéin₅ jniá'₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jīn₅₄.

¹⁶ Jaun₂ ně₃ ca₂juá'₂ To₁má₄ i₂tě'₂ dsa₂ Dsa₂ Tsīn'₅₄, ca₂tsí'₃ chi'₂ dsi₂guia₃-tín₂ riin'₅₄:

—Jān₃ guë'₂ dsau₅₄ jniog₄, ia₁jaun₂ dsióg₃ co₂lě₅ quian'₅₄ i₂ně₅.

Jesús bá₄ i₂jmo₅ a₂jen'₅₄ dsa₂, i₂cuē₅ jme₂dsí₂ a₂le₃chan₂ dsa₂

¹⁷ Jme₁ma₂tě₂ quén₂ jmig₄ 'en₅₄ Si₁Lia₁ tau₂ 'ŋio₅, jme₁dsióg₃.

§ 10:38 A₂lín₅₄ chog₅₄ si₂ juá'₂: “ia₁jaun₂ le₃'én'₂ 'nia'₂.” * 10:40 lit. “tíán₂ dsa₂ jmig₂”

18 Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros tē₂ ca₂jau₅₄.

19 Jaun₂ ca₂i₁len₅₄ juin₅ dsa₂ judíos ca₂i₁jii₁₂ Marta quian'₅₄ María riin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

20 Jaun₂ Marta ně₃, jme₂ca₂rē₃ŋi₅ a₂ma₂já₅ Jesús, jaun₂ ca₂o₃'iin₃ ca₂i₁jme₁jein'₂. La₁ María ně₃ ca₂jŋia₃ bá₄ dsi₂néi₂.

21 Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

22 La₁ia₁ guion₄ jniá₂, o₁jŋia'₅₄ con'₂ lē₅ la₂, chi₂jua'₂ 'e₂ a₂mí'₂ 'ne₂ ja₁con₂ Diú₄, cuē₃ bá₄ 'éi₂.

23 Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

24 Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jē₁ma₂tē₂ rē₁jein'₅₄ jin₄ 'lag₄, jmig₄ jē₁ca₂tó'₂.

25 Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuē₅ jme₂dsí₂ a₂le₃chan₂ dsa₂ ně₃. Ju₁lia'₂ i₂'én₂ tē₂le₃ quió₃ jniá₂, o₁jŋia'₅₄ ma₂join₂₃, le₃chain₂ bá₄;

26 jaun₂ chi₂jua'₂ 'ein₂ i₂chan₂ guē₄, ně₁jua'₂ ca₂rē₃'éin₂ tē₂le₃ quió₃ jniá₂, lia'₂ o₁líg'₂ jmig₄ tsá₃ jón₂. ¿'Éng'₂ jág₁ ně₅?

27 Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rē₃'én₂ bá₄ jniá₂ a₂lín'₅ 'ne₂ Ja₁ŋi'₅₄ Diú₄ I₂rē₂'ín₁ quiáin₅, i₂lē₅ jág₁ jiá₃ mi₂güig₃.

Ca₂'o₃ Jesús cau₅ tau₂ 'ŋio₅ quió'₅ Si₁Lia₁

28 Jme₁ca₂lē₃ juá'₂ Marta jág₁ ně₅, ŋáí'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

29 Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ŋó₃ i₁jii₂₃ Jesús.

30 Tsá₃ jme₁ma₂dsióg₃ guē₄ Jesús tē₃jē₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

31 Dsa₂ judíos i₂tion'₅₄ dsi₂néi₂ i₂cuē₅ lián'₂ dsí₅ ně₃, jme₁ca₂jág₃ ca₂nau₂ María ca₂o₃'iin₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ŋó₅ 'éi₂ tau₂ 'ŋio₅ a₂i₂'áu₂ ja₁jaun₂.

32 Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jnē₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

33 Jme₁ca₂jág₃ Jesús 'a₂ lia'₂ jme₁'o₅ María, 'a₂ lia'₂ jme₁tion'₅₄ guē'₂ dsa₂ judíos 'o₂₃ ně₃, i₂ja₂lén₂ quiain'₅₄, jaun₂ ca₂'ŋia₃ i₃mé'₂ dsí₅, ca₂'í₃ qui'₂ dsí₅ ně₃.

34 Jaun₂ ca₂ŋag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ŋia₅ i₂jag₄.

35 Jaun₂ ca₂'o₃ Jesús.

36 Jaun₂ ně₃ ca₂juá'₂ dsa₂ judíos:

—Jag₄ de'₂ 'a₂ lia'₂ jme₁'nioi₃ 'éi₂.

37 La₁ ca₂juá'₂ i₂lín₅₄:

—¿Tsa₁ cha₂ lé₂ le₃jme₁jmo₃ i₂nē₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guē'₂ dsó₂ rin'₅₄ 'io₅₄ ně₅?

* 11:32 lit. "ca₂tóin₂ 'uē₃ cau₅ mi₂tag₄ 'éi₂." 'Nio'₂ ja₁ton₅ Apocalipsis 4:10.

Ca₂jen'₅₄ Si₁Lia₁

38 Con'₂ siá'₂ táng₃ ca₂'ñia₃ Jesús a₂i₃mé'₂ dsí'₅ lia'₂ con'₂ ca₂dsióg₃ ja₁dsi₅₄ tau₂ 'ñio₅. Caun₂ tsi₁tě₂'lau₂ bá₄ jme₁lě₄ a₂jaun₂, jme₁chí'₄ ca₂míg₂ ni₁cang₁ a₂rě₂jlě₅ o₄'né₄.

39 Jaun₂ ca₂juá'₂ Jesús:

—Jñiá'₃ ni₁cang₁ nē₅.

Jaun₂ ca₂juá'₂ Marta rin'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂tě₂ quén₂ jmíg₄ ca₂join₃.

40 La₁ ca₂juá'₂ Jesús:

—¿Tsa₁ nē₂juá'₃ jniá'₂, nē₁jua'₂ 'éng'₂, jag'₅₄ jui₅bí₂ jlá'₁ quió'₅ Diú₄?

41 Jaun₂ nē₃ ca₂jñiá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

—Tia₅₄, cuě₅ jniá'₂ ti₁'mag'₄ 'ne₂ ia₁ ma₂nei'₂ bá₄ jág₁ quió'₃.

42 A₂guion₄ bá₄ jniá'₂, a₂nag'₂ co₂tan₅₄. La₁ nē₂juá'₃ le₂nē₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá'₂.

43 Jme₁ca₂lě₃ juá'₂ le₂nē₅, ca₂juá'₂ tiá'₂:

—¡Lázaro! ¡Jú₅ ja₁nē₅!

44 Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mí'₂ jang₄. Dsi₂ne₅₄ nē₃ jme₁chi₁quein₅ quian'₅₄ tsi₁'mí'₂ tióg₃. Jaun₂ ca₂juá'₂ Jesús ca₂tsí'₃ dsa₂:

—Chi'₅₄ quió'₅, cuě₄ jmíg₄ jui₁dsiain'₅₄.

Ca₂jmo₃ dsa₂ caun₂ jág₁ a₂tsáin'₂ Jesús

(Mateo 26:1-5; Marcos 14:1-2; Lucas 22:1-2)

45 Jaun₂ nē₃, juin₅ dsa₂ judíos 'éi₂, i₂ca₂i₁len₅₄ quian'₅₄ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tē₂le₃ quió'₅ 'éi₂.

46 La₁ i₂lin₅₄ guē'₂ nē₃ ca₂i₁lein₅₄ ja₁con₂ dsa₂ fariseos, ca₂i₁jua'₄ 'e₂ a₂ca₂jmo₃ Jesús.

47 Jaun₂ nē₃, ca₂ñi'₂ dsa₂ fariseos quian'₅₄ juig₅₄ jme₂dsa₂, quian'₅₄ dsi₂tan₅₄ quián₅ guá'₅, jaun₂ ca₂juá'₂:

—¿'E₂ bá₄ jmó₁ jniog₄? Ia₁ nē₅ bá₄ ñi₅ dsa₂ 'éi₂ jmo₂₃ 'lióng₂ léi₄ juē'₂.

48 Chi₂jua'₂ caun₂ cuě₂ jniog₄ jmíg₄ jmo₃ lia'₂ ma₂jmo₂₃ nē₅, le₃'én₂ bá₄ ca₂le₃jín₃ dsa₂ tē₂le₃ quió'₅; jaun₂ qui₂ja₃lén₂ dsa₂ romanos qui₃'éin₂ ja₁jñiós quián₂ jniog₄ la₂, lia'₂ jma₃quian'₅₄ juig₂ nación quián₂ nē₃.

49 La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ ñi₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂,

50 on₃ guē'₂ len'₅₄ 'nia'₂, a₂jmo₅ bá₄ quián₂ jniog₄,† a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

51 La₁ on₃jua'₅₄ con'₂ tin₂ 'ñiog₅ Caifás ca₂juá'₂ le₂nē₅; a₂jaun₂ bá₄ ca₂juá'₂ le₂nē₅ ia₁ a₂jme₁lín₄ jme₂dsa₂ dsen₅₄ ñi₂ jaun₂: ca₂'ě₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

52 La₁ on₃jua'₅₄ rě'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmói'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂l₂nio₄ tsi₁rě₂jan₅₄ nē₃.

53 Jaun₂ nē₃, ca₂le₃ jmíg₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi'₃ Jesús.

54 'Uig₅₄ jaun₂ tsá₃ ma₃jme₁ñi₅ Jesús dsi₁ne₁ jin₄ dsa₂ judíos, tē₂le₃ ca₂o₃'ín₃ bá₄ ja₁jaun₂. Jaun₂ ñó₃ caun₂ 'uě₃ ma₂quián₅ ja₁lě₄ 'uě₃ quein₂ co₂'ñiog₅, caun₂ juig₂ a₂chei₂ Efraín. Ja₁jaun₂ ca₂jñia₃ quian'₅₄ chi'₂ dsi₂guia₃-tín₂.

† 11:50 A₂lin₅₄ chog₅₄ si₂ juá'₂: “a₂jmo₅ bá₄ quián₂ 'nia'₂.”

55 Jme₁ma₂ja₂quián₃ Jmíg₄ Të₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'u_{in}₂ juig₂ gu'₂, qui₂ca₂uig₂ jui₅ Jerusalén né'₃ a₂të₅₄ Jmíg₄ Të₂'in₅₄, ia₁jaun₂ qui₃jmo₃ le₁jín₃.

56 Jaun₂ jme₁i₂nio₄ dsa₂ 'nai'₂ Jesús, jaun₂ qui₂ñí'₂ rín'₅₄ tióin₂ i₁dsi₅ guá'₅ templo:

—¿A₂ lia'₂ lín'₂ 'nia'₂? ¿Jiá₃ jmíg₄, o₃ bá₄ tsá₃ jiá₃ 'e'₂?

57 Jme₁ma₂ca₂cuë'₃ 'éi'₃ dsa₂ fariseos quiain'₅₄ juig₅₄ jme₂dsa₂ ně₃, jme₁ma₂juá'₂, ně₁juá'₂ 'ein₂ ca₂rë₃ñi₅ a₂já'₄ 'en₅₄ Jesús, jui₁jmo₁₂ jág₁ ia₁jaun₂ cuin₃ jmíg₄ tsáun'₂.

12

*Jan₂ 'io₅₄ ca₂tsin₂ no'₅₄ mi₂juig₂ Jesús
(Mateo 26:6-13; Marcos 14:3-9)*

1 Jñéi₂ jmíg₄ né'₃ a₂të₅₄ Jmíg₄ Të₂'in₅₄, ñó₃ Jesús jui₅ Betania ja₁jme₁chan₂ Lázaro, dsa₂ i₂ca₂jme₃jen'₅₄ Jesús jme₁rë₂'lín₄ 'éi'₂.

2 Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guë'₂ jme₁lín₄ jan₂ dsa₂ i₂tián'₅ ne₄ mesa guë'₅ co₂lë₅ quiain'₅₄ Jesús.

3 Jaun₂ ně₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen₅ 'mu'₅₄ 'ñio₅ lín₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

4 Jaun₂ ně₃, ca₂juá'₂ Judas Iscariote,* i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

5 —¿E₂ 'uig₅₄ tsá₃ ca₂i₃'nag₄ co₂ñei'₅₄ no'₅₄ mi₂juig₂ ně₅ quian'₅₄ 'ni₅ 'ñiá₂-láu₂ 'éi'₃ cu₄ denario, a₂jme₁jme₁'on₁ dsa₂ te₂ñé₂?

6 La₁ on₃juá'₅₄ jaun₂ ca₂juá'₂ Judas le₂në₅ jua'₅₄ a₂dsón'₂ dsán₂ dsí₅ ja₁con₂ dsa₂ te₂ñé₂; a₂jaun₂ bá₄ ca₂juá'₂ le₂në₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁të₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ñio'₃.

7 Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lë₁lein'₅₄; ta₁ jaun₂ bá₄ ca₂'ma₃ a₂në₅, jaun₂ ma₂lë₅ co₂jñia₅₄ jmíg₄ jë₁ma₂të₂ rë₁'on₃ jniá₂.

8 Ca₂le₃jë₃ jmíg₄ bá₄ i₂nio₄ dsa₂ te₂ñé₂ jin'₄ 'nia'₂, la₁ jniá₂ ně₃ tsá₃ ma₃uë₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

9 Jaun₂ ně₃, ca₂rë₃ñi₅ juin₅ dsa₂ judíos a₂'en₅₄ Jesús jë₄ juig₂ Betania, jaun₂ i₁lein₅₄ ja₁jaun₂, on₃juá'₅₄ jmá'₃ ca₂ne₅₄ a₂l₁jñin₁₂ Jesús, ján₃ bá₄ ca₂l₁jñin₁₂ Si₁Lia₁ i₂ca₂jme₃jen'₅₄ Jesús jme₁rë₂'lín₅₄.

10 Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃,

11 ia₁ o₄quió'₄ 'éi₂ bá₄ juin₅ dsa₂ ma₂i₂u_{in}₂ ja₁con₂ dsa₂ judíos, a₂rë₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

12 Jme₁jnia₃ jaun₂, ca₂dsi₃lén₂ juin₅ lín₃ dsa₂ Jerusalén, ja₁niog₃ jmíg₄. Jaun₂ jme₁ca₂rë₃ñi₅ a₂dsióg₄ Jesús jë₄ juig₄ Jerusalén,

13 ca₂can₃ mog'₅₄ 'ma₂tsín₅, jaun₂ ca₂'u_{in}₂ ca₂i₁jñiai₅₄ Jesús, jaun₂ qui₂ca₂juá'₂ tiá₂:

* 12:4 A₂lín₅₄ chog₅₄ si₂ juá'₂ bá₄ ján₃: "ja₁ñi'₅₄ Si₂mu₅₄."

—jui₁le₂juin'₂ bá₄i₂nē₅!† jui₁le₂njió₃i₂já₅o₄quió'₄ Te₁gui'₅₄‡ jui₁le₂njió₃Rag₅₄ quián₅ Israel!

14 Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsiin₅₄ já'₂, jui₁lia'₂ chi₁ton₅ ne₄ Si₂:

15 Tsá₃ lē₁jmo₂ gang'₃,
'nia'₂ dsa₂ chan₂ ciudad Sión:
jag₄, já₅ Rag₅₄ quiáng'₂,
co₂dsiin₅₄ jan₂ bú'₄.§

16 Tsá₃ a₂jaun₂ ca₂rē₃ñí'₂ dsí₅ chi'₂ dsi₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lē₃ rē₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ nē₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

17 Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tē'₃ Si₁Lia₁ né'₃ tau₂'ñio₅, jme₁ca₂jme₃jein'₅₄ 'éi₂ jme₁rē₂'liin₅₄.

18 'Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁njai₁₂ Jesús, ia₁ ca₂rē₃ñi₅ a₂ca₂jmo₃ 'éi₂ léi₄ juē'₂ jaun₂.

19 Jaun₂ nē₃ ca₂juá'₂ dsa₂ fariseos qui₂ca₂tsí'₃ r'in'₅₄:
—Nē₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂nē₅.

I₂lin₅₄ dsa₂ griegos 'nai'₂ Jesús

20 Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁niog₅ jmig₄, jme₁tion'₅₄ i₂lin₅₄ dsa₂ griegos.

21 Dsa₂ 'éi₂ nē₃, ca₂jme₃quián₃ ja₁con₂ Felipe i₂chan₂ juig₂ Betsaida, ja₁niog₅ 'uē₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

22 Jaun₂ ñe₄ Fe₂li₄ ca₂i₁chi'₄ Drē₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús.

23 Jaun₂ nē₃ ca₂ñag₃ Jesús:

—Ma₂ca₂tē₂ hora a₂le₃juin'₂ Jaun₅ dsa₂ mi₂güig₃.

24 A₂dsi₂jó'₃ juig₂ jniá₂ 'nia'₂, nē₁juá'₂ tsá₃ tiá'₃ né'₃ 'uē₃ jui₁lia'₂ ca₂míg₂ mi₂cuig₂, * a₂dsi₃'én₂ nē₃, a₂lē₁tē₂ron₅₄ 'ñiog₅; la₁ia₁ nē₁juá'₂ ca₂jon₃ nē₃, 'lióng₂ rau₂.

25 Jui₁lia'₂ i₂nji₄ lē₃ 'nio₃ jme₂dsí₂ a₂chain₂, dsi₂'én₂ bá₄ jme₂dsí₂ jaun₂; la₁ia₁ jui₁lia'₂ i₂tén'₂ dsí₅ jme₂dsí₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄.

26 Jui₁lia'₂ i₂jme₂ti₃ ta₁ ne₃ jniá₂, 'nió'₅ jiá₃ chi₁co'₅₄ quió₃ jniá₂, jaun₂ jui₁lia'₂ ja₁'en₅₄ jniá₂, ján₃ bá₄ ja₁jaun₂ 'en₅₄ guē'₂ i₂jme₂ti₃ ta₁ ne₃. Jaun₂ jui₁lia'₂ i₂jme₂ti₃ ta₁ ne₃, guéi'₂ bá₄ Ñe'₃ rē₂.

Ca₂'ē₂ Jesús jág₁ a₂jóin₂

27 "Ñio₅ lin₃ quian₄ jniá₂ o₂i₁ dsí₅. ¿'E₂ bá₄ juá'₄ jniá₂? ¿Juá'₄ 'e₂: "Tia₅₄, lio₄ jniá₂ 'e₂ niog₅ a₂qui₂dsi₃ñí₂ jniá₂ hora la₂?" La₁ on₃juá'₅₄ le₂jaun₂, ia₁ ta₁ jaun₂ guio₃ guē'₂ jniá₂ hora la₂.

28 Tia₅₄ jme₁jnia₅ 'a₂ lia'₂ jláng'₁.

Jaun₂ nē₃ ca₂né'₂ caun₂ jág₁ guei'₅₄ mi₂güig₃ a₂ca₂juá'₂:

—Ma₂ca₂jme₁jnia₅ bá₄ jniá₂, jaun₂ con'₂ siá'₂ jme₁jnia₅ táng₃.

29 Jme₁ca₂nág₂ dsa₂ juin₅ i₂jme₁tió₂ cau₅ jaun₂, ca₂juá'₂:

—Ní'₃ bá₄ nē₂quiá'₃.

La₁ i₂sián'₂ guē'₂ juá'₂:

† 12:13 lit. "Hosana", co₂'nió'₄ le₃juá'₅₄: "¡Lio₄ jmig₄ nē₃!" A₂jme₁juá'₂ dsa₂ le₂nē₅ tsí'₅ Diú₄, qui₂mi₂₃ a₂jiá₃ dsa₂ lē₂rē₂'ín₁ quián₅. ‡ 12:13 Salmo 118:25-26. § 12:15 Zacarías 9:9. * 12:24 lit. "trigo."

—Jan₂ ángel bá₄ nē₂juá'₂ jág₁ quió'₅.

³⁰ Jaun₂ nē₃ ca₂juá'₂ Jesús ca₂tsí'₃ dsa₂:

—On₃jua'₅₄ o₄quió'₃ jniá₂ a₂ca₂né'₂ jág₁ nē₅; o₄quián'₂ 'nia'₂ bá₄ a₂ca₂né'₂.

³¹ Nē₃ guē₄ nē₃ ca₂tē₂ jmīg₄ a₂tē₃dsi₅₄ 'éi'₃ mi₂güig₃ la₂; nē₃ guē₄ dsein₂₃ i₂gon₂ mi₂güig₃ la₂.

³² Jaun₂ jniá₂ nē₃, jē₁ma₂ca₂chó'₂ dsa₂ guei'₅₄ gua'₅₄ 'uē₃, jme₁quián₄ jniá₂ ca₂le₃jín₃ ja₁cong₂.

³³ Ca₂juá'₂ le₂nē₅ a₂'ē₂₃ 'e₂ ne₅₄ 'mú₃ dsi₃ñi₂.

³⁴ Jaun₂ ca₂ñag₃ dsa₂:

—Ma₂néi₂ jniá'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rē₂'ín₁ quián₅ Diú₄ co₂tan₅₄. ¿'A₂ guē'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güig₃? ¿'Ein₂ 'éi₂ i₂lín₅ Jaun₅ dsa₂ mi₂güig₃?

³⁵ Jaun₂ nē₃ ca₂juá'₂ Jesús:

—Ñia'₅₄ lia'₂ co₂'na₂ bá₄ tág₅ guē₄ si₂ jin'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ ñó₅ nē₁jua'₂ ca₂tó'₂ nei₂. Ia₁ jui₁lia'₂ dsa₂ i₂ñi₅ jē₄ qui₁né'₃, tsá₃ ñi₅ 'a₂ jui₅ dsó₃.

³⁶ Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂nē₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lē₃ tsá₃ jme₁'én₂ dsa₂ judíos le₃quió'₅ Jesús

³⁷ La₁ jui₁'a₂ guē₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rē₃'én₂ bá₄ guē₄ dsa₂ 'éi₂ le₃quió'₅.

³⁸ Le₂nē₅ ca₂rē₃ti₃ jág₁ a₂ca₂'ē₂ Isaías o₄quió'₄ Diú₄, jme₁ca₂juá'₂:
Te₁gui'₅₄, ¿'ein₂ ma₂ca₂rē₃'én₂ jág₁ a₂'ē₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

³⁹ 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ siá'₂ ca₂juá'₂ táng₃ Isaías:

⁴⁰ “Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lē₃ cang₄ dsi₅₄ nē₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guē'₂ le₂ñi'₂ tē₂le₃ tē₂dsí₅,

on₃ guē'₂ qui₃jéin'₃ dsí₅,

ia₁jaun₂ jme₁'lioin₁₂ jniá₂.”‡

⁴¹ Ca₂juá'₂ Isaías le₂nē₅ ia₁ ca₂jág₃ le₂jñiá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

⁴² La₁ia₁ tion₅₄ bá₄ ca₂rē₃'én₂ dsa₂, le₂jio₅ bá₄ i₂lín₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ nē₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

⁴³ Ia₁ a₂'nio₃ guē₄ tē₃tsin'₅₄ dse₃ quian'₅₄ dsa₂ mi₂güig₃, lia'₂ con'₂ guē₄ a₂jme₁tē₃tsin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güig₃

⁴⁴ Ca₂juá'₂ Jesús jág₁ tiá₂:

—Jui₁lia'₂ i₂'én₂ tē₂le₃ quió'₃ jniá₂, on₃jua'₅₄ jmá'₃ le₃quió'₃ jniá₂ 'éin₂; ján₃ bá₄ 'éin₂ le₃quió'₅ ñe'₃ i₂ca₂chei₃ jniá₂.

⁴⁵ Jui₁lia'₂ i₂jág₂ jniá₂, jín₂ i₂ca₂chei₃ jniá₂.

⁴⁶ Ma₂guan₅ jniá₂ mi₂güig₃ la₂, a₂lín₅ si₂, ia₁jaun₂ i₂'én₂ tē₂le₃ quió'₃ jniá₂, tsá₃ tē₃'ñiá₄ jē₄ qui₁né'₃.

† 12:38 Isaías 53:1. ‡ 12:40 Isaías 6:10.

47 Jaun₂ chi₂jua'₂ 'ein₂ i₂nag₅ jág₁ quió₃, la₁ tsá₃ guë'₂ tón'₂ jui₅, on₃jua'₅₄ jniá₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₁dsi₅ 'éi'₃ ja₁con₂ dsa₂ mi₂güig₃; tē₂le₃ a₂loin₅₄ bá₄ jniá₂.

48 Jui₁lia'₂ i₂tsá₃ jei₅₄ jniá₂, on₃ guë'₂ tón'₂ ju₅ jág₁ quió₃, cha₂ bá₄ caun₂ a₂qui₃dsi₅ 'éi'₃ quió'₅. Já₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jē₁ca₂tó'₂.

49 Ia₁ on₃jua'₅₄ o₄quió₃ 'ñi₃ ma₂qui₂ma₂juá'₃; Ñe'₃ jniá₂ i₂ca₂chei₃ bá₄ ma₂ca₂cuë₃ 'éi'₃ ju₁'e₂ a₂juá'₅ jniá₂ quian'₅₄ 'e₂ a₂jme₂tíng₂ dsa₂.

50 Jaun₂ guion₄ jniá₂, a₂jio₅ 'éi'₃ quió'₅ Ñe'₃ ju₅ ja₁le₃chan₂ dsa₂ co₂tan₅₄; jaun₂ lē₃, já₁ a₂juá'₅ jniá₂, juá'₅ lia'₂ con'₂ lē₅ 'éi'₃ ca₂cuë₃ Ñe'₃.

13

Ca₂rin'₃ Jesús mi₂tag₄ chi'₂ dsi₂guia₃-tín₂ quiáin₅

1 Ca₂juig₄ jme₁'nió'₅ guë₄ a₂tē₅₄ Jmig₄ Tē₂'in₅₄. Jme₁ma₂ñi₅ bá₄ Jesús a₂ma₂ca₂tē₂ hora a₂o₃'iin₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ nē₃ nē₃, ca₂jme₃jniai₂₃ 'a₂ con'₂ ca₂dsi₃óg₃ ca₂rē₃'nioi₃ 'éi₂.*

2 Jme₁ma₂lē₅ má₃ tē₂le₃ ca₂nei₂, jaun₂ jme₁ma₂jmo₃ i₂sē₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂jíin'₂ Jesús.

3 Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jē₃ o₄gú₃; jme₁ma₂ñi₅ bá₄ já₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃.

4 Jaun₂ lē₃, lia'₂ con'₂ jme₁tiáin'₄ guë'₅, ca₂nau₂ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ tē₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

5 Jaun₂ nē₃ ca₂tia'₃ jmig₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quén'₂ quian'₅₄ tsí₁'mi'₂ toalla a₂jme₁chi₁jén'₅ o₄'ñei'₂.

6 Jaun₂ jme₁ca₂dsi₃óg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

7 Jaun₂ ca₂ñag₃ Jesús:

—Tsá₃ ñí'₂ guë'₄ 'au'₂ 'ne₂ 'e₂ a₂jmo₅ jniá₂ nē₃, la₁ cang₂ guë'₄ le₃ñig'₂.

8 La₁ ca₂juá'₂ Pe₄:

—Lia'₂ o₁líg'₂ co₂ñí₂ tsá₃ ráng'₂ 'ne₂ tag₃ jniá₂.

Jaun₂ ca₂juá'₂ Jesús:

—Nē₃ jua'₂ tsá₃ ca₂rang₃ jniá₂ quiáng'₂, tsá₃ quen'₅₄ 'ne₂ ja₁con₂ jniá₂.

9 Jaun₂ nē₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; já₃ bá₄ rang₄ mi₂gu₃ quian'₅₄ mi₂dsi₃.

10 La₁ ca₂juá'₂ Jesús:

—Jui₁lia'₂ i₂lia'₂ ca₂lē₃ ló'₅, jmá'₃ mi₂tag₅₄ bá₄ 'nió'₅ rin'₂, ia₁ ma₂le₁jín₃ bá₄ ta₁jain₂. Ma₂le₁jín'₃ bá₄ 'nia'₂, la₁ia₁ on₃jua'₅₄ ca₂le₃jíng'₃.

11 Ca₂juá'₂: “Tsá₃ le₁jín'₃ 'nia'₂ le₃jíng'₃”, ia₁ ma₂ñi₅ bá₄ i₂'ein₂ i₂jáng'₂ quió'₅.

12 Jme₁ca₂lē₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin'₅₄ le₃co'₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—¿ñí'₂ 'nia'₂ 'e₂ a₂nē₂jmo₃ jniá₂ quián'₂ 'nia'₂?

* 13:1 o, “nē₃ nē₃, ca₂rē₃'nioi₃ ca₂tē₂ jē₁ca₂tó'₂.”

13 'Ág'₅ 'nia'₂ jniá₂ Të₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅.

14 Jaun₂ ně₃, chi₂jua'₂ le₂ně₅ jniá₂ i₂líng₅ Të₅ quian'₅₄ Juig'₂ 'nia'₂, ně₂rang₃ mi₂tag'₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂: a₂qui₁ráng'₂ mi₂tag₄ ríng'₂ le₂jang'₂ le₂jang'₂.

15 Ia₁ ma₂ně₂can₃ jniá₂ caun₂ juí₅, ia₁jaun₂ jmó'₂ 'nia'₂ le₂jaun₂, juí₁lia'₂ ma₂ně₂jmo₃ jniá₂ ja₁con'₂ 'nia'₂.

16 A₂dsi₂jó'₃ juíg₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guě₄ con'₂ guě₄ juig'₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juin'₅₄ guě₄ lia'₂ con'₂ guě₄ dsa₂ i₂chei₅.

17 Chi₂jua'₂ ŋí'₂ 'au'₂ 'nia'₂ a₂ně₅, 'e₂ bá₄ dsen'₃ 'nia'₂ chi₂jua'₂ le₂jaun₂ qui₂jmo'₂.

18 'On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂'ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: "Juí₁lia'₂ i₂guě'₅ co₂lě₅ quian'₅₄ jniá₂, ca₂nau₂ quen₅ tē₂le₃ ja₁con'₂ jniá₂."†

19 Jaun₂ juíg₂ jniá₂ 'nia'₂ ně₃, tē₃ŋiá₅, ia₁jaun₂ jē₁ma₂tē₂ rē₁lé₂, le₃'én'₂ 'nia'₂, jniá₂ bá₄ líng₅ 'éi₂.‡

20 A₂dsi₂jó'₃ juíg₂ jniá₂ 'nia'₂, juí₁lia'₂ i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ juí₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jáng'₂ Judas quió'₅

(Mateo 26:20-25; Marcos 14:17-21; Lucas 22:21-23)

21 Jme₁ca₂lě₃ juá'₂ jág₁ ně₅, ca₂can₃ o₂i₁ dsi₅ ca₂tē₂ jme₂dsi₂, jaun₂ ca₂jáng'₃ jág₁ dsau₅ lia'₂ rē₂jiá₃ jág₁, ca₂juá'₂:

—A₂dsi₂jó'₃ juíg₂ jniá₂ 'nia'₂, jan₂ 'nia'₂ jáng'₂ jniá₂.

22 Jaun₂ ně₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ŋi₅ 'ein₂ bá₄ 'in₅ Jesús.

23 Jan₂ chi'₂ dsi₂guia₃-tín₂ i₂ŋí₄ lě₃ jme₁'nio₃ Jesús, jme₁guá₄ le₃jén'₃ quió'₅.

24 Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'in₂₃.

25 Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ŋag₃:

—Te₁gui'₅₄, 'éi₂?

26 Jaun₂ ca₂ŋag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ŋí'₄ la₂, jē₁ma₂ca₂tiá₃ ni₁uŋg₅.

Jaun₂ ně₃, jme₁ma₂ně₂tiá₂ i₁ŋí'₄, jaun₂ ca₂cuě'₃ Judas Iscariote, ja₁ŋi'₅₄ Si₂mu₅₄.

27 Jaun₂ dsi₂juí₅ le₂jaun₂ jme₁ca₂gue₃ Judas i₁ŋí'₄ jaun₂, ca₂'í₃ i₂sě₃dsen₃ tē₂dsí₅. Jaun₂ ně₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ ně₃ cón'₅.

28 La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rě₃ŋí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

29 Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lín₃ i₂lín₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmíg₄, o₃ jme₃'oin₅₄ ca₂la₂ cu₄ dsa₂ te₂ŋé₂ 'e₂.

30 Jaun₂ dsi₂juí₅ jme₁ma₂ně₂gue₃ 'éi₂ i₁ŋí'₄, o₂'íin₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

31 Jme₁ma₂o₂'ín₃ Judas jaun₂, ca₂juá'₂ Jesús:

† 13:18 Salmo 41:9. ‡ 13:19 o₃, "jniá₂ líng₅" co₂'nió'₄ jein₅, jág₁, lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58.

—Ně₃ ně₃, jě₁ma₂le₃jniá₂ jui₅bí₂ jlá'₁ quió'₅ Jaun₅ dsa₂ mi₂güig₃; ján₃ bá₄ le₃jniá₂ jui₅bí₂ quió'₅ Diú₄, ja₁con₂ 'éi₂.

³² Chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂, § Diú₄ ně₃, jme₃jnia₅ jui₅bí₂ jlá'₁ quió'₅ Ja₁ñi'₅₄ ja₁con₂ 'ñiog₅, ton'₂ jme₃jniai₂₃ ñi'₅₄ ta₁.

³³ 'Nia'₂ chi'₂-guein₂ quiáng₃, tsá₃ ma₂uě₂ 'en₅₄ jniá₂ jin'₄ 'nia'₂. Qui₁'nau'₅₄ 'nia'₂ jniá₂; la₁ jui₁lia'₂ ma₂ca₂juíg₂ jniá₂ dsa₂ judíos, ján₃ bá₄ le₂jaun₂ juíg₂ jniá₂ 'nia'₂ ně₃; tsá₃ lé₂ o₁nó'₅ 'nia'₂ ja₁né'₄ jniá₂.

³⁴ Caun₂ 'éi'₃ 'mí₂la₂cuě₄ jniá₂ 'nia'₂; a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui₁lia'₂ ca₂jme₁'nió₄ jniá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂.

³⁵ Le₂ně₅ bá₄ le₃ñi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃: ně₁jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

*Ca₂juá'₂ Jesús a₂tsá₃ tion₃ Pe₄ a₂cuig₂₃
(Mateo 26:31-35; Marcos 14:27-31; Lucas 22:31-34)*

³⁶ Jaun₂ ca₂ñag₃ Si₂mu₅₄ Pe₄ ca₂ñi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ñag₃ Jesús:

—Ja₁né'₄ jniá₂, tsá₃ lé₂ le₃'éin'₄. La₁ 'éin'₄ bá₄ 'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿'e₂ lě₃ tsá₃ lé₂ le₃'éin'₄ jniá₂ tē₂ně₃? Ma₂chan₂ co₂jñia₅₄ bá₄ jniá₂ a₂gue₅₄ 'mú₃ o₄quián'₂ 'ne₂.

³⁸ Jaun₂ ca₂ñag₃ Jesús:

—¿Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá₂? A₂dsi₂jó'₃ juíg₂ jniá₂ 'ne₂, né'₃ guě₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cuig'₂ jniá₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ ja₁con₂ Jmei₂

¹ 'Tsá₃ lě₁can₂ 'nia'₂ o₂i₁ 'au'₂. Jui₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tē₂le₃ quió₃ jniá₂.

² Ja₁quió'₄ Ñe'₃, 'lióng₂ dsi₂néi₂ cha₂ a₂jo₂; jua'₅₄ mei'₂ guě₃ tsá₃ le₂jaun₂ ně₃, ¿lín'₂ 'nia'₂ a₂jme₁juig₅₄ jniá₂ 'nia'₂ a₂nég'₄ i₁jmo₃ co₂jñia₅₄ dsi₂néi₂ quián'₂ 'nia'₂?*

³ Cang₂ jě₁ma₂dsián'₃ jniá₂, jě₁ma₂ca₂lě₃ jmo₂₃ co₂jñia₅₄ ja₁o₁tión'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá₂, ján₃ bá₄ lé₂ o₁tión'₂ 'nia'₂.

⁴ Ñi'₅₄ bá₄ 'nia'₂ a₂já'₄ né'₄ jniá₂; cuiñ'₂ bá₄ 'nia'₂ jui₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿'a₂ guě'₂ lia'₂ le₃cuag₅ jnia'₅₄ jui₅?

⁶ Jaun₂ ca₂ñag₃ Jesús:

—Jniá₂ bá₄ lín₅ jui₅, ján₃ bá₄ lín₅ jág₁ dsau₅, ján₃ bá₄ lín₅ i₂jmo₅ a₂le₃chan₂ dsa₂. I₁jan₂ tsá₃ dsióg₄ ja₁con₂ Ñe'₃ jua'₅₄ tsá₃ tē₂le₃ quian'₅₄ jniá₂.

⁷ Jua'₅₄ mei'₂ guě₃ dsón'₂ ñi'₅₄ 'nia'₂ 'ein₂ lín₅ jniá₂, ján₃ bá₄ jme₁le₃cuiñ'₂ 'nia'₂ Ñe'₃ ján₃; † jaun₂ ně₃ ně₃, tē₂le₃ ne₄ jui₅, le₃cuiñ'₂ 'nia'₂, ton'₂ ma₂jñin'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuě₄ jmig₄ a₂jñ₄ jnia'₅₄ Néi'₅, jaun₂ co₂jaun₂ guě₄ dsáu₅ dsi₅ jnia'₅₄.

⁹ Jaun₂ ca₂ñag₃ Jesús:

§ 13:32 A₂lín₅₄ chog₅₄ si₂, tsá₃ juá'₂ con₂ táng₃: “chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂.” * 14:2 o₃, “jua'₅₄ mei'₂ guě₃, tsá₃ le₂jaun₂ ně₃, jme₁juig₅₄ guě'₂ jniá₂ 'nia'₂. Nég'₄ i₁jmo₃ co₂jñia₅₄ dsi₂néi₂ quián'₂ 'nia'₂.” † 14:7 A₂lín₅₄ chog₅₄ si₂ juá'₂: “chi₂jua'₂ dsón'₂ ma₂cuig'₂ 'nia'₂ jniá₂, le₃cuiñ'₂ 'nia'₂ Ñe'₃ ján₃.”

—¿Tsa₁ cui_g'₂ 'ne₂ jniá₂ Fe₂li₄, o₁jnia'₅₄ ma₂ηó₅ jmig₄ 'en₅₄ jniá₂ quian'₅₄ 'nia'₂? Chi₂jua'₂ 'ein₂ dsa₂ ma₂jág₂ jniá₂, já_n₃ bá₄ ma₂jín₂ Ne'₃. ¿'A₂ bá₄ lia'₂ juá'₂ 'ne₂: "Cuë₄ jmig₄ a₂jín₄ jnia'₅₄ Néi'₅"?

10 ¿Tsa₁ 'én'₂ 'ne₂ a₂'en₅₄ jniá₂ ja₁con₂ Ne'₃, ton'₂ 'en₅₄ guë'₂ Ne'₃ táng₃ ja₁con₂ jniá₂? Jui₁lia'₂ já_g₁ a₂juí_g₂ jniá₂ 'nia'₂, tsá₃ juá'₅ jniá₂ o₄quió₃ 'ñi₃. Të₂le₃, Ne'₃ jniá₂ i₂të₁'niá₄ ja₁con₂ jniá₂, i₂'éi₂ bá₄ jmo₅ ta₁ quió'₅.

11 Jui₁le₂'én'₂ bá₄ 'nia'₂ a₂juá'₅ jniá₂, a₂'eng₅₄ ja₁con₂ Ne'₃, a₂'en₅₄ guë'₂ Ne'₃ ja₁con₂ jniá₂; o₃ në₁jua'₂ tsá₃ le₂jaun₂, jmá'₃ lia'₂ të₂le₃ quian'₅₄ léi₄ a₂jmo₂₃, jui₁le₂'én'₂ 'nia'₂.

12 A₂dsi₂jó'₃ juí_g₂ jniá₂ 'nia'₂, jui₁lia'₂ i₂'én₂ le₃quió₃ jniá₂, já_n₃ bá₄ jmo₃ jui₁lia'₂ a₂jmo₅ jniá₂; jaun₂ të₂le₃ 'ñio₅ guë'₄ juë'₂ a₂jmo₃, ia₁ nég'₄ ja₁con₂ Ne'₃.

13 Jaun₂ chi₂jua'₂ 'e₂ a₂mí'₂ 'nia'₂ lia'₂ con'₂ lë₅ 'éi'₃ quió₃ jniá₂, jmo₅₄ bá₄ jniá₂, ia₁jaun₂ le₃juin'₂ Jmei₂ o₄quió'₄ Ja₁ñi'₅₄.

14 Lé₂ bá₄ mí'₁ 'nia'₂ lia'₂ con'₂ lë₅ 'éi'₃ quió₃ jniá₂, chi₂jua'₂ 'e₂ caun₂ a₂'niog'₂ 'nia'₂, jaun₂ jmo₅₄ bá₄ jniá₂.

Ca₂cuë₃ Jesús já_g₁ quió'₅ a₂chein₃ Jme₂dsí₂ Jñi₃

15 'Chi₂jua'₂ 'nió_g₃ 'nia'₂ jniá₂, nei₂ gau₂ 'éi'₃ quió₃.

16 Jaun₂ mí₅₄ jniá₂ ne₄ Ne'₃ a₂cui_{in}₃ jan₂ i₂sián'₂ i₂cuë'₃ bí₂ 'au'₂ 'nia'₂, ia₁jaun₂ 'í₂ 'éi₂ co₂tan₅₄ quian'₅₄ 'nia'₂.

17 Jme₂dsí₂ quió'₅ já_g₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güí_g₃, ia₁ tsá₃ já_g₂, on₃ guë'₂ cui_g₂₃ cui_{in}₂₃ 'éi₂. La₁ 'nia'₂ në₃, ma₂cui_{in}₂ bá₄ 'nia'₂, ia₁ guá₅ ja₁con'₂ 'nia'₂, ton'₂ të₃'ñiá₄ le₃quián'₂ 'nia'₂.

18 On₃jua'₅₄ a₂tén₄ jniá₂ 'nia'₂ co₂ñei'₅₄ në₂jag₄ bá₄ chi'₂ 'nág₂. Guio₅₄ bá₄ táng₃ ja₁con'₂ 'nia'₂.

19 Tsá₃ ma₃uë₂ já_g₂ dsa₂ mi₂güí_g₃ jniá₂, la₁ia₁ jag'₅₄ bá₄ 'nia'₂. 'Uig₅₄ ia₁ a₂chan₂ jniá₂, le₃chang'₂ bá₄ 'nia'₂.

20 Jmí_g₄ jaun₂ le₃len'₅₄ 'nia'₂ a₂'en₅₄ jniá₂ ja₁con₂ Ne'₃, 'nia'₂ guë'₂ tiong'₅₄ ja₁con₂ jniá₂, jaun₂ jniá₂ guë'₂ në₃ 'eng₅₄ ja₁con'₂ 'nia'₂.

21 Jui₁lia'₂ i₂gue₅, i₂né₂ 'éi'₃ quió₃, 'éi₂ bá₄ i₂të₃dsón'₂ 'nio₃ jniá₂. Jui₁lia'₂ i₂'nio₃ jniá₂ në₃, jme₃'nio₃ Ne'₃. Já_n₃ bá₄ le₂jaun₂ jniá₂ jme₁'nió₄, jaun₂ jme₁jnia₅ jniá₂ ja₁coin₂.

22 Jaun₂ ca₂juá'₂ Judas, (on₃jua'₅₄ Iscariote):

—Te₁gui'₅₄, ¿'e₂ lë₃ ja₁con₂ jnia'₅₄ jme₁jnag'₅, on₃jua'₅₄ rë'₂ ja₁con₂ dsa₂ mi₂güí_g₃?

23 Jaun₂ ca₂ñag₃ Jesús:

—Jui₁lia'₂ i₂'nio₃ jniá₂, tón'₂ bá₄ jui₅ já_g₁ quió₃; jaun₂ jme₃'nio₃ Ne'₃ jme₃'nioi₃ 'éi₂, jaun₂ qui₂ja₁ná₄ jnia'₅₄ ja₁coin₂ ja₁'io₁ quian'₅₄ 'éi₂.

24 Jui₁lia'₂ i₂tsá₃ 'nio₃ jniá₂, tsá₃ tón'₂ jui₅ já_g₁ quió₃. Já_g₁ a₂nag'₂ 'nia'₂ la₂, on₃jua'₅₄ a₂quió₃, a₂quió'₅ Ne'₃ i₂ca₂chei₃ bá₄.

25 'Ca₂le₃jë₃ a₂la₂ juá'₅ jniá₂ juí_g₂ 'nia'₂ të₁lia'₂ 'eng₅₄ guë'₄ quian'₅₄ 'nia'₂;

26 la₁ia₁ i₂cuë₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jñi₃, i₂chen₃ Ne'₃ o₄quió₃ jniá₂, 'éi₂ bá₄ jme₃tag₅ jme₃tín₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jë₃ 'e₂ a₂ma₂qui₂ma₂juí_g₂ jniá₂ 'nia'₂.

27 'Ág'₅ jniá₂ já_g₁ a₂jmo₃ 'ag₃ tei₄ ja₁con'₂ 'nia'₃. A₂tei₄ a₂'ei₅ ja₁con₂ jniá₂, a₂jaun₂ bá₄ cuë'₅ jniá₂ 'nia'₂. La₁ on₃jua'₅₄ lia'₂ cuë'₅ dsa₂ mi₂güí_g₃, cuë'₅ jniá₂ 'nia'₂. Tsá₃ lë₁can₂ 'nia'₂ o₂i₁ dsí₅, on₃ guë'₂ jmó'₂ 'nia'₂ gang'₃.

28 Ma₂qui₂ma₂nei'₂ 'nia'₂ a₂juá'₅ jniá₂; a₂nég'₄, jaun₂ guio₅₄ táng₃ ja₁con'₂ 'nia'₂. Në₁jua'₂ të₃dsón'₂ 'nió_g₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rë₃ñi'₅₄ 'nia'₂ a₂né₄ jniá₂ ja₁con₂ Ne'₃, ia₁ i₂juin'₂ guë'₄ 'éi₂ lia'₂ con'₂ guë'₄ jniá₂.

29 Jaun₂ ma₂juíg₂ jniá₂ 'nia'₂ a₂la₂ të₃ñiá₅, ia₁jaun₂ le₃'én'₂ 'nia'₂ jë₁ma₂të₂ rë₁lé₂ a₂jaun₂.

30 'Tsá₃ ma₂lióng₂ jág₁ dsia₅₄ jniá₂ quian'₅₄ 'nia'₂; ia₁ ma₂já₅ i₂gon₂ mi₂güí₃ la₂, o₁ñia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂.

31 La₁ia₁ 'nió'₅ le₃ñi₅ dsa₂ mi₂güí₃, a₂'nió₃ jniá₂ Ñe'₃, jaun₂ lia'₂ con'₂ lë₅ 'éi'₃ a₂ma₂cuë₃ Ñe'₃ jniá₂, a₂jaun₂ bá₄ jmo₅ jniá₂.

'Nau₂ 'nia'₂. Ma₃dsau'₅₄ jniog₄ ja₁lá₃.

15

Cho'₅₄ chi₁uíng₃ uvas, quian'₅₄ gu'₂ nei'₅₄ quió'₅

1 'Jniá₂ líng₅ cho'₅₄ ni₁uíng₂ uvas, ja₁já₅ bí₂ dsón'₂. Ñe'₃ guë'₂ lín₅ i₂jmo₅ 'í₁ ja₁nau₂.

2 Jniá'₂ 'éi₂ ca₂le₃jë₃ ni₁gu'₂ quió₃ a₂tsá₃ míg₂ 'ag₅; la₁ia₁ qui₂jí'₅ qui₂'uín₂₃ ni₁gu'₂ a₂'ag₅ míg₂, ia₁jaun₂ ráu₃ guë'₄ 'lióng₂.

3 Ma₂le₁jín'₃ bá₄ 'nia'₂ të₂le₃ quian'₅₄ jág₁ a₂qui₂ma₂juíg₂ jniá₂ 'nia'₂.

4 Caun₂ jui₁të₂'ñiá'₄ bá₄ 'nia'₂ ja₁con₂ jniá₂, jui₁lia'₂ të₂'ñiá'₄ jniá₂ ja₁con'₂ 'nia'₂. 'Icaun₂ ni₁gu'₂ tsá₃ lé₂ le₃'ag₃ míg₂ con'₂ 'ñiog₅ le₂jaun₂, në₁jua'₂ tsá₃ rë₂tsán'₂ quian'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ në₃, tsá₃ 'e₂ lé₂ le₃ráu₃ quián'₂ 'nia'₂ në₁jua'₂ tsá₃ të₂'ñiá'₄ ja₁con₂ jniá₂.

5 'Jniá₂ líng₅ cho'₅₄; 'nia'₂ guë'₂ líng₅ gu'₂ nei'₅₄. Jui₁lia'₂ dsa₂ i₂të₂'ñiá'₄ rë₂tsán'₂ quian'₅₄ jniá₂, jui₁lia'₂ të₂'ñiá'₄ jniá₂ ja₁con₂ 'éi₂, 'lióng₂ ráu₃ quió'₅. Ia₁ 'í₁caun₂ tsá₃ 'e₂ lé₂ le₃jmo'₂ 'nia'₂ jua'₅₄ tsá₃ quiong'₅₄ jniá₂.

6 Jui₁lia'₂ i₂tsá₃ të₂'ñiá'₄ ja₁con₂ jniá₂, lín₅ në₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rë₂quein₂. Ni₁gu'₂ le₂në₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

7 'Chi₂jua'₂ të₂'ñiá'₄ 'nia'₂ ja₁con₂ jniá₂, ton'₂ të₂'ñiá'₄ jág₁ quió₃ ja₁con'₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ guéi'₁ bá₄ 'nia'₂.

8 Le₂la₂ bá₄ rë₂juín'₂ Ñe'₃; a₂qui₂ráu₂ 'lióng₂ 'e₂ a₂jmo'₂ 'nia'₂. * Le₂në₅ jme₂jniá'₂ 'nia'₂ a₂líng₅ dsa₂ i₂ca₂rë₃tín₃ quián₃ jniá₂.

9 Jui₁lia'₂ 'nio₃ Ñe'₃ jniá₂, ján₃ bá₄ le₂jaun₂ 'nió₃ jniá₂ 'nia'₂; caun₂ jui₁i₂nio₄ bá₄ 'nia'₂ jui₅ a₂'nió₃ jniá₂ 'nia'₂.

10 Në₁jua'₂ caun₂ né₂ 'nia'₂ gau₂ 'éi'₃ quió₃, le₂në₅ të₃'ñiá'₄ 'nia'₂ jui₅ a₂'nió₃ jniá₂ 'nia'₂, jui₁lia'₂ caun₂ nag₅ jniá₂ gau₂ 'éi'₃ quió₅ Ñe'₃, ton'₂ të₂'ñiá'₄ jniá₂ jui₅ a₂'nio₃ 'éi₂ jniá₂.

11 'Jág₁ në₅ ma₂në₂juíg₂ jniá₂ 'nia'₂ ia₁jaun₂ a₂ñí₄ lë₃ jéin₅ jniá₂ 'io'₂, cuë₄ jniá₂ 'nia'₂, ia₁jaun₂ le₃'ñia₅ bá₄ a₂jén'₂ 'nia'₂ 'io'₂.

12 A₂la₂ bá₄ 'éi'₃ quió₃: a₂jme₁'nió'₄ 'nia'₂ ríng'₂ le₂jang'₂ le₂jang'₂, jui₁lia'₂ ma₂ca₂jme₁'nió'₄ jniá₂ 'nia'₂.

13 'Ijan₂ tsá₃ lé₂ le₃'nio₃ guë'₄ lín₃ ríin'₅₄, lia'₂ con'₂ guë'₄ i₂guein₅ 'mú₃ o₄quió'₄ a₂mei₅₄ quián₅.

14 'Nia'₂ bá₄ líng₅ dsa₂ a₂mei₅₄ quiáng₃ chi₂jua'₂ jmo'₂ 'nia'₂ 'e₂ te₂nei'₄ jniá₂.

15 Tsá₃ ma₃të₅ jniá₂ 'nia'₂ dsa₂ i₂jme₂ti₃ ne₃, ia₁ tsá₃ ñi₅ jui₁lia'₂ jan₂ dsa₂ i₂jme₂ti₃ ta₁, 'e₂ a₂jmo₅ juíg₅₄. Të₅ jniá₂ a₂mei₅₄ quiáng₃ bá₄ 'nia'₂, ia₁ ma₂ca₂jme₁nia₅ bá₄ jniá₂ ja₁con'₂ 'nia'₂, ca₂le₃jë₃ 'e₂ a₂ma₂ca₂juá'₂ Ñe'₃.

16 On₃jua'₅₄ 'nia'₂ ca₂quío'₅₄ jniá₂; jniá₂ bá₄ ma₂quion'₄ 'nia'₂, jaun₂ ma₂ca₂dsia₃ jniá₂ gog'₂ 'nia'₂ a₂o₁nó'₅ 'nia'₂ a₂qui₂rau₂ 'lióng₂ quián'₂ 'nia'₂ a₂jio₃ uë₂. Jaun₂ le₂në₅ cuë₃ Ñe'₃ jniá₂ cuë'₃ 'nia'₂ chi₂'e₂ caun₂ a₂mí'₁ 'nia'₂ lia'₂ con'₂ lë₅ 'éi'₃ quió₃ jniá₂.

* 15:8 'Nio'₂ ja,ton, Isaías 61:3.

17 A₂la₂ bá₄ 'éi'₃ quió₃ jaun₂ ně₃; a₂jme'₁nió'₄ 'nia'₂ ríng'₂ le₂jang'₂ le₂jang'₂.

'Iog₅₄ dsa₂ mi₂güig₃ 'ñiai₅₄ Jesús quian'₅₄ dsa₂ quiáin₅

18 'Chi₂jua'₂ 'iog₅₄ dsa₂ mi₂güig₃ quián'₂ 'nia'₂, jui₁le₂ñi'₅₄ 'nia'₂, jniá₂ bá₄ ca₂rē₃ 'iog₅₄ dsa₂ le₂'uig₅₄.

19 Jua'₅₄ mei'₂ guě₃ lín'₅ 'nia'₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ jui₁lia'₂ 'nio₃ dsa₂ quiáin₅. La₁ 'uig₅₄ ia₁ a₂tsá₃ tén'₅ 'nia'₂ mi₂güig₃, ton'₂ ma₂quion'₄ jniá₂ 'nia'₂ jin₄ dsa₂ mi₂güig₃; 'uig₅₄ jaun₂ ně₃, 'ñiai₅₄ 'nia'₂.

20 Dsá₂ 'au'₂ 'nia'₂ jmo₄, jág₁ a₂ma₂juig₂ jniá₂ 'nia'₂: “Lia'₂ 'i₁jan₂ dsa₂ i₂jme₂ti₃ ta₁, tsá₃ jui₁in'₂ guě₄ con'₂ guě₄ jui₅g₅₄”. Chi₂jua'₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia'₂; chi₂jua'₂ ma₂tón'₂ dsa₂ jui₅ jág₁ a₂ma₂ca₂jme₁ti₁n₅ jniá₂, ján₃ bá₄ le₂jaun₂ qui₃tón'₂ dsa₂ jui₅ jág₁ quián'₂ 'nia'₂.

21 La₁ ca₂le₃jě₃ a₂ně₅ dsi₃ñí'₂ 'nia'₂ qui₃co₃jmo₃g'₂ dsa₂ 'uig₅₄ quió₃ jniá₂, ia₁ tsá₃ cui₁in₂₃ i₂ca₂chei₃ jniá₂.

22 'Tsá₃ jme₁le₃cáin'₄ jua'₅₄ mei'₂ guě₃ tsá₃ guan₃ jniá₂ a₂o₂juá'₃ ja₁con₂ 'éi₂; la₁ ně₃ ně₃, tsá₃ ma₃'e₂ lé₂ le₃juá'₂ jua'₅₄ tsá₃ ñi₅.

23 Ia₁ jui₁lia'₂ i₂'iog₅₄ jniá₂, ján₃ bá₄ 'ñiai₅₄ Ñe'₃ jniá₂.

24 'Tsá₃ jme₁le₃cáin'₄ jua'₅₄ mei'₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi₂ a₂tsá₃ 'ein₃ sián'₂ ma₂jmo₃; la₁ia₁ o₁ñia'₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia'₂ Ñe'₃ ně₃, 'ñiai₅₄.

25 La₁ia₁ qui₂lě₂ ia₁jaun₂ le₃ti₃ jág₁ a₂tio'₅₄ ne₄ Si₂ 'Éi'₃ quió'₅ a₂juá'₂: “Ca₂rē₃ 'iog₅₄ dsa₂ tē₃ tsá₃ 'e₂ cha₂ lě₃.”†

26 'La₁ia₁ jē₁ma₂tě₂ rē₁jiá₃ i₂cuē₃ bí₂ 'au'₂ 'nia'₂, i₂tsin₅₄ jniá₂ ja₁con₂ 'nia'₂ i₂jiá₃ tē₂le₃ ja₁guá₄ Ñe'₃; Jme₂dsí₂ tí₅ dsón'₂ i₂o₂'in₅ ja₁con₂ Ñe'₃, i₂'éi₂ bá₄ jáng'₃ jág₁ dsau₅ tē₂le₃ quió₃ jniá₂.

27 Já₃ bá₄ le₂jaun₂ 'nió'₅ jang'₅₄ 'nia'₂ jág₁ dsau₅, ia₁ ca₂le₃'uig₅₄ bá₄ ma₂qui₂ma₂tión'₂ 'nia'₂ quian'₅₄ jniá₂.

16

1 'Le₂ně₅ juig₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂.

2 Qui₃'uág'₂ dsa₂ 'uíin'₂ 'nia'₂ ja₁lě₁tong'₂ ne₄ si₂ guá'₅ sinagoga, ca₂le₃jě₃ já₅ caun₂ jmig₄, lín₂ jui₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄.

3 Ca₂le₃jě₃ a₂ně₅ jmo₃* ia₁ tsá₃ ma₂ca₂rē₃cui₁in₂₃ Ñe'₃, on₃ guě'₂ jniá₂ ma₂ca₂rē₃cui₁g₂₃.

4 Jaun₂ juig₂ jniá₂ 'nia'₂ le₂ně₅ ia₁jaun₂ jē₁ma₂tě₂ rē₁tě₅₄ jmig₄ jaun₂, dsiog'₂ 'au'₂ 'nia'₂ a₂ca₂juig₂ jniá₂ 'nia'₂ jág₁ la₂.

Ta₁ a₂jmo₅ Jme₂dsí₂ Jñió₅

'Tsá₃ ca₂juá'₃ jniá₂ le₂ně₅ lia'₂ con₂ le₂'uig₅₄, ia₁ jme₁'en₅₄ bá₄ jniá₂ quian'₅₄ 'nia'₂.

5 La₁ia₁ ně₃ ně₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₃ ñag₅: “¿A₂já'₄ quang'₅₄?”

6 La₁ qui₂ca₂tá'₂ qui'₂ 'au'₂ 'nia'₂ 'uig₅₄ ia₁ a₂ně₂juig₂ jniá₂ 'nia'₂ a₂ně₅.

7 La₁ jág₁ dsau₅ bá₄ juig₂ jniá₂ 'nia'₂; tē₂le₃ a₂dse₃ quián'₂ 'nia'₂ bá₄ a₂né'₄ jniá₂. Ia₁ ně₃ jua'₂ tsá₃ ca₂ñá'₃ jniá₂, tsá₃ jiá₃ i₂cuē₃ bí₂ 'au'₂ 'nia'₂; la₁ia₁ chi₂jua'₂ né'₄ jniá₂ ně₃, tsin₅₄ jniá₂ 'éi₂ ja₁con₂ 'nia'₂.

8 Jē₁ma₂tě₂ rē₁jiá₃ 'éi₂, jme₃jñiai₂₃ a₂rē₂gan₂ dsa₂ mi₂güig₃ cuente quió'₅ dsáu₁, quió'₅ jui₅ dse₃, quió'₅ a₂jáu'₅ 'í₁ ja₁coin₂ ně₃.

9 Cuente quió'₅ dsáu₁, 'uig₅₄ ia₁ a₂tsá₃ 'éin₂ le₃quió₃ jniá₂;

† 15:25 Salmo 35:19; 69:4. * 16:3 A₂lin₅₄ chog₅₄ si₂: “jmo₃ jmái'₂ 'nia'₂.”

10 *cuente quió'*₅ *juí*₅ *dse*₃, *ia*₁ *a*₂*nég'*₄ *ja*₁*con*₂ *Ne'*₃, *jaun*₂ *tsá*₃ *ma*₃*jniá*₂ *jag'*₅₄ *'nia'*₂;

11 *ján*₃ *bá*₄ *cuente quió'*₅ *a*₂*jáu'*₅ *'í*₁, *ia*₁ *ma*₂*jáu'*₅ *'í*₁ *ja*₁*con*₂ *i*₂*'éi*₂ *i*₂*gon*₂ *mi*₂*güig*₃ *la*₂.

12 "Lióng₂ *bá*₄ *jág*₁ *cha*₂ *gué*₄ *a*₂*juig*₅₄ *jniá*₂ *'nia'*₂, *la*₁*ia*₁ *tsá*₃ *qui'*₅₄ *'nia'*₂ *jmig*₄ *le*₃*jig'*₂ *jē*₂ *nē*₃."

13 *La*₁ *jē*₁*ma*₂*tē*₂ *rē*₁*jiá*₃ *Jme*₂*dsí*₂ *tí*₅ *dsón'*₂, *i*₂*'éi*₂ *bá*₄ *jiog*₃ *'nia'*₂ *juí*₅ *a*₂*tí*₅ *jág*₁; *ia*₁ *tsá*₃ *a*₂*jaun*₂ *juá'*₂ *'éi*₂ *o*₄*quió'*₄ *'ñiog*₅; *a*₂*jaun*₂ *bá*₄ *juá'*₂ *ca*₂*le*₃*jē*₃ *a*₂*nag*₃, *ton'*₂ *'ē*₂ *jág*₁ *juí*₁*lia'*₂ *'e*₂ *niog*₅ *lé*₂.

14 *Jme*₃*juag'*₂ *'éi*₂ *jniá*₂, *ia*₁ *ñei*₂ *juí*₁*lia'*₂ *a*₂*lē*₅ *quió*₃ *jniá*₂, *jaun*₂ *'éi*₂ *nē*₃, *jmo*₃ *jág*₁ *ja*₁*con*₂ *'nia'*₂.

15 *Ca*₂*le*₃*jē*₃ *a*₂*cha*₂ *quió'*₅ *Ne'*₃, *ján*₃ *bá*₄ *lē*₅ *quió*₃ *jniá*₂; *jaun*₂ *bá*₄ *lē*₅ *nē*₂*juá'*₃ *jniá*₂ *a*₂*ñe*₂ *'éi*₂ *juí*₁*lia'*₂ *a*₂*lē*₅ *quió*₃ *jniá*₂, *jaun*₂ *jmo*₃ *jág*₁ *ja*₁*con*₂ *'nia'*₂.

*Juí*₁*lia'*₂ *a*₂*'lia'*₂ *dsí*₅ *dsa*₂ *le*₃*tsín*₃ *a*₂*lé*₂ *a*₂*qui*₃*jmo*₃ *'io'*₂

16 *'Ñi'*₅₄ *ta*₁, *tsá*₃ *ma*₃*jag'*₅₄ *gué*₄ *'nia'*₂ *jniá*₂; *la*₁ *ñi'*₅₄ *ta*₁ *bá*₄, *jag'*₅₄ *táng*₃ *jniá*₂, *ia*₁ *né'*₄ *jniá*₂ *ja*₁*con*₂ *Ne'*₃.†

17 *Jaun*₂ *nē*₃, *qui*₂*ca*₂*ñag*₃ *i*₂*lin*₅₄ *chi'*₂ *dsi*₂*guia*₃-*tín*₂ *qui*_á*in*₅ *ca*₂*ñi'*₃ *riin'*₅₄ *le*₂*jain*₂ *le*₂*jain*₂:

—¿*I*₂*'e*₂ *'nio*₃ *juá'*₂ *a*₂*juá'*₂ *tság*₅ *jniog*₄ *le*₂*nē*₅: “*'Ñi'*₅₄ *ta*₁, *tsá*₃ *ma*₃*jag'*₅₄ *gué*₄ *'nia'*₂ *jniá*₂; *la*₁ *ñi'*₅₄ *ta*₁ *bá*₄, *jag'*₅₄ *táng*₃ *jniá*₂, *ia*₁ *né'*₄ *jniá*₂ *ja*₁*con*₂ *Ne'*₃”?

18 ¿*I*₂*'e*₂ *'nio*₃ *juá'*₂: “*'Ñi'*₅₄ *ta*₁”? *Tsá*₃ *ne*₄ *i*₂*'e*₂ *jaun*₂ *'ē*₂₃.

19 *Jaun*₂ *ca*₂*rē*₃*lí*₄ *Jesús* *i*₂*'e*₂ *'nio*₃ *ñag*₃ *tioin'*₅₄, *jaun*₂ *ca*₂*juá'*₂:

—¿*A*₁*qui*₂*ñi'*₄ *'nia'*₂ *ring'*₂ *'uig*₅₄ *ia*₁ *a*₂*nē*₂*juá'*₃ *jniá*₂: “*'Ñi'*₅₄ *ta*₁, *tsá*₃ *ma*₃*jag'*₅₄ *gué*₄ *'nia'*₂ *jniá*₂; *la*₁ *ñi'*₅₄ *ta*₁ *bá*₄, *jag'*₅₄ *táng*₃ *jniá*₂”?

20 *A*₂*dsi*₂*jó*₃ *juig*₂ *jniá*₂ *'nia'*₂, *a*₂*tóng'*₂ *'nia'*₂ *qui*₁*'áu'*₂, *a*₂*'lia'*₂ *'au'*₂ *nē*₃, *tē*₁*lia'*₂ *jmo*₃ *dsa*₂ *mi*₂*güig*₃ *'io'*₂. *La*₁*ia*₁ *le*₃*tsín*₃ *bá*₄ *a*₂*'lia'*₂ *'au'*₂ *'nia'*₂ *jaun*₂ *a*₂*qui*₃*jmo*₃ *táng*₃ *'io'*₂.

21 *Juí*₁*lia'*₂ *lín*₅ *jan*₂ *'io*₅₄ *jē*₁*rē*₂*chan*₂ *guein*₂ *quiain*₅, *'lia'*₂ *dsí*₅ *ia*₁ *ma*₂*ca*₂*tē*₂ *hora quió'*₅; *la*₁ *cang*₂ *jē*₁*ma*₂*ca*₂*rē*₃*chán*₃ *guein*₂ *quiain*₅, *tsá*₃ *ma*₃*dsau'*₂ *dsí*₅ *a*₂*ca*₂*rē*₃*quí*₃ *quió'*₅, *ia*₁ *a*₂*ñí*₄ *lē*₃ *'io'*₂ *jén'*₅, *ia*₁ *a*₂*ca*₂*rē*₃*chán*₃ *jan*₂ *guein*₂ *mi*₂*güig*₃ *la*₂.

22 *Ján*₃ *bá*₄ *le*₂*jaun*₂ *'nia'*₂ *nē*₃; *'lia'*₂ *'au'*₂ *'nia'*₂ *rē*₂*nē*₃, *la*₁ *jñg*₅₄ *bá*₄ *táng*₃ *'nia'*₂, *jaun*₂ *gué*₄ *nē*₃ *jmo*₂ *'nia'*₂ *'io'*₂ *tē*₂*'au'*₂, *a*₂*'lio'*₂ *jén'*₂ *'nia'*₂ *jaun*₂ *ca*₂*lia'*₂ *'i*₁*jan*₂ *tsá*₃ *'ein*₂ *lé*₂ *le*₃*jniá'*₂.

23 *Jmig*₄ *jaun*₂ *tsá*₃ *ma*₃*'e*₂ *qui*₁*ñag'*₁ *'nia'*₂ *jniá*₂ *'i*₁*caun*₂. *A*₂*dsi*₂*jó*₃ *juig*₂ *jniá*₂ *'nia'*₂, *chi*₂*jua'*₂ *'e*₂ *a*₂*mi'*₂ *'nia'*₂ *lia'*₂ *con*₂ *lē*₅ *'éi*₃ *quió*₃ *jniá*₂, *cuē*₃ *bá*₄ *Ne'*₃.

24 *Ca*₂*lia'*₂ *jñi*₄ *jmig*₄ *nē*₃, *tsá*₃ *'e*₂ *ma*₂*mi'*₅₄ *'nia'*₂ *'i*₁*caun*₂ *lia'*₂ *con*₂ *lē*₅ *'éi*₃ *quió*₃. *Mi*₄ *'nia'*₂, *jaun*₂ *gué*₁ *'nia'*₂, *ia*₁*jaun*₂ *le*₃*'ñia*₅ *a*₂*o*₂*'ñi*₃ *o*₂*jñia*₃ *'au'*₂.

*Jesucristo bá ca*₂*tio*₃ *mi*₂*güig*₃ *la*₂

25 *Jág*₁ *la*₂ *ma*₂*nē*₂*juig*₂ *jniá*₂ *'nia'*₂ *quian'*₅₄ *jág*₁ *a*₂*jáng'*₅ *léi*₄. *La*₁ *jiá*₃ *hora a*₂*tsá*₃ *ma*₃*juig*₅₄ *jniá*₂ *'nia'*₂ *quian'*₅₄ *jág*₁ *a*₂*jáng'*₅ *léi*₄; *lia'*₂ *rē*₂*jiá*₃ *jág*₁ *bá*₄ *juá'*₄ *jniá*₂ *juig*₅₄ *'nia'*₂ *a*₂*'ing*₄ *Ne'*₃.

26 *Jmig*₄ *jaun*₂ *mí*₁ *'nia'*₂ *ne*₄ *Ne'*₃ *lia'*₂ *con*₂ *lē*₅ *'éi*₃ *quió*₃ *jniá*₂. *Tsá*₃ *ma*₃*tion*₅₄ *juá'*₄ *jniá*₂ *a*₂*mi*₅₄ *jniá*₂ *ne*₄ *Ne'*₃ *o*₄*quián'*₂ *'nia'*₂,

27 *ia*₁ *ñiog*₅ *bá*₄ *Ne'*₃ *'nioi*₃ *'nia'*₂, *ia*₁ *'nióg'*₃ *'nia'*₂ *jniá*₂, *ia*₁ *ma*₂*ca*₂*rē*₃ *'én*₂ *'nia'*₂ *a*₂*guio*₃ *jniá*₂ *ja*₁*con*₂ *Diú*₄.

† 16:16 *A*₂*lin*₅₄ *chog*₅₄ *si*₂ *tsá*₃, *le*₁*ton*₅ *jág*₁: “*ia*₁, *né'*₄, *jniá*₂ *ja*₁*con*₂ *Ne'*₃.”

28 Ca₂o₃'ín₃ jniá₂ ja₁con₂ Ne'₃ a₂ca₂guang₃ mi₂güí₃ la₂; la₁ia₁ nē₃ nē₃ o₃'ing₅ mi₂güí₃ la₂, jaun₂ nég'₄ táng₃ ja₁con₂ Ne'₃.

29 Jaun₂ ca₂juá'₂ chi'₂ dsi₂guia₃-tín₂ quiáin₅:

—Nē₃ guē₄ nē₃ juá'₂ 'ne₂ lia'₂ rē₂jiá₃ jág₁; on₃jua'₅₄ quian'₅₄ jág₁ a₂jáng'₅ léi₄.

30 Nē₃ guē₄ nē₃ ma₂ne₄ jnia'₅₄ a₂ñi'₅₄ bá₄ 'ne₂ ca₂le₃jě₃, jaun₂ tsá₃ 'e₂ 'nió'₅ quiáng'₂ jua'₅₄ tsá₃ ñi'₅₄ 'e₂ qui₃ñag₃ dsa₂ qui₃ñí'₃ 'ne₂. 'Uig₅₄ jaun₂ 'éin₂ jnia'₅₄ a₂ñe'₃ 'ne₂ ja₁con₂ Diú₄.

31 Jaun₂ ca₂ñag₃ Jesús:

—¿Dsón'₂ jua'₅₄, nē₃ guē₄ 'én'₂ 'nia'₂?

32 ¡Jag₄ 'nia'! Ma₂ja₂quián₃ hora, ton'₂ tē₂nē₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rē₂jang'₅₄ le₂jang'₂ le₂jang'₂ o₁nog'₄ jma₃quén₅ quiáng'₂; jaun₂ téi'₄ 'nia'₂ jniá₂ tē₃tsing'₅₄ 'ñi₃ó₃ lé₂. La₁ia₁ tsá₃ 'ñi₃ó₃ jniá₂ tē₃tsing'₅₄, ia₁ quiong'₅₄ bá₄ Ne'₃ jniá₂.

33 Juí₂ jniá₂ 'nia'₂ le₃jě₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃qui₃ó₃ jniá₂. Mi₂güí₃ la₂ tion₅₄ rē'₂ qui₁cán'₂ 'nia'₂ qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂ti₃ó₃ bá₄ jniá₂ ja₁con₂ mi₂güí₃ la₂.

17

Ca₂chi₃lén'₂ Jesús Diú₄ Jmei₂ o₄qui₃ó'₄ chi'₂ dsi₂guia₃-tín₂ quiáin₅

1 Jme₁ma₂ca₂juá'₂ Jesús le₂nē₅, ca₂chó₃g'₃ ne₅₄ guei'₅₄ i₂juí₃, jaun₂ ca₂juá'₂:

—Tia₅₄, ma₂tē₂ hora qui₃ó₃. Jme₁jnia₅ 'a₂ lia'₂ jlán'₁ ja₂ñí'₂, ia₁jaun₂ jme₃jnia₅ ja₂ñí'₂ 'a₂ lia'₂ jlán'₁ 'ne₂.

2 Ia₁ ma₂ca₂cuē'₅₄ 'éi₂ 'éi'₃ ne₄ qui₃ó'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuí_{in}'₅₄.

3 A₂la₂ lě₅ a₂chan₂ dsa₂ co₂tan₅₄; a₂le₃cuí_{in}'₅₄ dsa₂ 'ne₂ i₂lín₃'₅ i₂jan₂ tan₅₄ Diú₄ tē₃dsón'₂, a₂le₃cuí_{in}'₂₃ Jesucristo nē₃ i₂ca₂chen'₂ 'ne₂.

4 'Ma₂ca₂jme₁jnia₅ jniá₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁'ñia₅ jniá₂ ta₁ a₂ca₂cuē'₅₄ jmo₅₄.

5 Nē₃ nē₃, jaun₂, Tia₅₄, jmo₄ jlán'₁ jniá₂ ja₁cong'₂, ju₁lia'₂ jme₁lín₄ jniá₂ ja₁cong'₂ lia'₂ con'₂ né₃ guē₄ a₂ño₃ mi₂güí₃.

6 'Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güí₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅ 'éi₂ jág₁ quiáng'₂.

7 Ma₂ca₂rē₃ñi₅ 'éi₂, ca₂le₃jě₃ a₂ca₂cuē'₅₄ jniá₂ já₅ ja₁con'₂ 'ne₂;

8 ia₁ ma₂ca₂cuē'₃ bá₄ jniá₂ jág₁ jaun₂ a₂ca₂cuē'₅₄ 'ne₂ jniá₂, jaun₂ ca₂gue₃ bá₄ 'éi₂ nē₃. Ma₂ca₂rē₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rē₃'éin₂ a₂ca₂chei'₂ 'ne₂ jniá₂.

9 'O₄qui₃ó'₄ 'éi₂ bá₄ mi₅ jniá₂, on₃jua'₅₄ o₄qui₃ó'₄ dsa₂ mi₂güí₃. O₄qui₃ó'₄ dsa₂ i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂.

10 Ia₁ ca₂le₃jín₃ dsa₂ quiáng₃, ján₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ nē₃, i₂quiáng₃ bá₄ 'éi₂ ján₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

11 'Tsá₃ ma₃jan₄ jniá₂ mi₂güí₃ la₂; la₁ia₁ 'éi₂ nē₃ tē₂'ñiá₄ mi₂güí₃, jaun₂ nég'₄ ja₁con'₂ 'ne₂. Tia₅₄ Jñi₃ó₅, jmo₄ 'í₁ 'éi₂ i₂ma₂cuag'₅₄ quian'₅₄ ju₁bí₂ a₂lín₃'₅,* ia₁jaun₂ ca₂ne₅₄ bá₄ léin₂ co₂tan₅₄, ju₁lia'₂ lág₅ jniog₄.

* 17:11 A₂lín₅₄ chog₅₄ si₂: "jmo₄ 'í₁ 'éi₂ quian'₅₄ ju₁bí₂ a₂lín₃'₅, a₂ma₂jmo'₅₄ a₂lín₅ jniá₂ ján₃."

12 Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güí₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quián'₅₄ juí₅bí₂ a₂lín₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'í₁jan₂ 'éi₂ tsá₃ ca₂i₃cón'₅, njia'₅₄ lia'₂ jan₂ bá₄ i₂'i₄ 'éi'₃ dsi₃'én₂, ia₁jaun₂ le₃ti₃ Si₂.

13 'Ně₃ ně₃, nég'₄ ja₁cong'₂; la₁ia₁ tē₁lia'₂ 'eng₅₄ guē₄ mi₂güí₃, juá'₅ jniá₂ jág₁ la₂ ia₁jaun₂ le₃'nia₅ ja₁con₂ 'éi₂ a₂'io'₂ jéin₅ jniá₂.

14 Ma₂ca₂cuē₃ bá₄ jniá₂ jág₁ quiáng'₂, la₁ia₁ dsa₂ mi₂güí₃ ně₃, 'iog₅₄ quió'₅, ia₁ tsá₃ tén₅ 'éi₂ mi₂güí₃, juí₁lia'₂ jniá₂ ně₃, tsá₃ téng₅ mi₂güí₃.

15 On₃jua'₅₄ rē'₂ mi₅ jniá₂ jua'₅₄ a₂'uin'₅₄ mi₂güí₃, a₂jaun₂ bá₄ mi₅ jniá₂ a₂jmo'₂ 'í₁ ia₁jaun₂ tsá₃ jo₃ i₂sē₃dsen₃.

16 Tsá₃ mi₂güí₃ tén₅, juí₁lia'₂ jniá₂ ně₃, tsá₃ téng₅ mi₂güí₃.

17 Chon₄ dsa₂ 'éi₂ tē₂le₃ quián'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅.

18 Juí₁lia'₂ ca₂chei'₂ 'ne₂ jniá₂ jin₄ dsa₂ mi₂güí₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güí₃. §

19 O₄quió'₄ 'éi₂ bá₄ tsón₄ jniá₂ 'nio₃, ia₁jaun₂ ján₃ bá₄ le₂jaun₂ 'éi₂ ně₃, lé₂ rē₂tsoin₅₄ le₃quió'₅ jág₁ tí₅.

20 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le'én₂ le₃quió₃, tē₂le₃ quián'₅₄ jág₁ quió'₅,

21 ia₁jaun₂ lén₂ ca₂ne₅₄ ca₂le₃jín₃, juí₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ ně₃, dsi₃toin'₅₄ ja₁con₂ jniog₄, ia₁jaun₂ qui₃le'én₂ dsa₂ mi₂güí₃ a₂ca₂chei'₂ jniá₂.

22 Ma₂ca₂cuē₃ jniá₂ 'éi₂ a₂jlá'₁ quió₃ a₂ca₂cuē'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, juí₁lia'₂ lág₅ jniog₄ ca₂ne₅₄ ján₃.

23 Jniá₂ le₃quió'₅ 'éi₂, 'ne₂ guē'₂ le₃quió₃ jniá₂, ia₁jaun₂ le₃'nia₅ 'éi₂ a₂lén₂ ca₂ne₅₄, ia₁jaun₂ le₃'ni₅ dsa₂ mi₂güí₃ a₂ca₂chei'₂ jniá₂, ton'₂ ca₂jme₁'nióg'₄ 'éi₂ juí₁lia'₂ ca₂jme₁'nióg'₄ jniá₂.

24 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cuē'₅₄ 'ne₂, ia₁ ca₂jme₁'nió'₄ 'ne₂ jniá₂, né'₃ guē₄ a₂nio₃ mi₂güí₃.

25 Tia₅₄ i₂dsen₃ guē₄ lín₃, tsá₃ cuin₅ dsa₂ mi₂güí₃ 'ne₂, la₁ia₁ jniá₂ cuíng₅ 'ne₂, jaun₂ ma₂'ni₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂.

26 Ma₂ca₂jme₁nia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁nia₅ bá₄ jniá₂ 'ne₂, ia₁jaun₂ juí₁lia'₂ a₂'nióg'₃ 'ne₂ jniá₂ tē₃'niá₄ ja₁con₂ 'éi₂, ton'₂ 'ú₄ jniá₂ ja₁coin₂.

18

Ca₂nja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

1 Jme₁ma₂ca₂dsan₃ juá'₂ Jesús le₂ně₅, ca₂o₃'ín₃ quiain'₅₄ chi'₂ dsi₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni'₁ma₂ 'ag₅ míg₂, ja₁ca₂'í₃ Jesús quiain'₅₄ chi'₂ dsi₂guia₃-tín₂ quiáin₅.

2 Ján₃ bá₄ le₂jaun₂ Judas i₂jme₁ma₂'en₅₄ juí₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂'ni'₂ Jesús ja₁jaun₂ quiain'₅₄ chi'₂ dsi₂guia₃-tín₂ quiáin₅.

3 Jaun₂ lē₃ ca₂dsióg₃ Judas ja₁jaun₂ quiain'₅₄ co₂nió'₃ 'lióg₂, quiain'₅₄ co₂nió'₃ guē'₂ chi'₂ 'í'₅₄ quián₅ guá'₅, i₂chen₄ quián₅ juí₅₄ jme₂dsa₂ quián'₅₄ dsa₂ fariseos ně₃. Ca₂dsi₃lén₂ dsa₂ 'éi₂ qui₂le₁quian₅ ni₁tág₂, ni'₁ma₂, quián'₅₄ si₂ ni₁tsí₅, ni₁qui₂ a₂le.guí'₃ si₂ ně₃.

† 17:12 A₂lín₅₄ chog₅₄ si₂ tsá₃ chi₁ton₅; “mi₂güí₃ la₂.” ‡ 17:12 A₂lín₅₄ chog₅₄ si₂: “ma₂qui₂ma₂jmo₃ jniá₂ 'í₁ quián'₅₄ juí₅bí₂ a₂lín₅, a₂ma₂jmo'₅₄ a₂lín₅ jniá₂ ján₃.” § 17:18 'Nio'₂ ja₁ton₅ Juan 20:21.

⁴ La₁ia₁ Jesús ně₃, jme₁ma₂ŋi₅ bá₄ ca₂le₃jě₃ 'e₂ a₂dsi₃ŋí₂, jaun₂ o₂'íin₃ ja₁jaun₂ ca₂i₁jme₁jein'₂ dsa₂, jaun₂ ca₂ŋí₃ dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂ŋag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ŋag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiaín'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uě₃.

⁷ Jaun₂ ně₃ ca₂ŋag₃ táng₃ Jesús ca₂ŋí'₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ŋag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ŋag₃ táng₃ Jesús:

—Ma₂ně₂juíg₂ jniá₂ 'nia'₂, jniá₂ bá₄ líng₅ 'éi₂. * Chi₂jua'₂ jniá₂ 'nau'₂ 'nia'₂, cuě₄ jmig₄ jui₁dsi₂len₅ bá₄ i₂la₂.

⁹ A₂la₂ ca₂lě₃ ia₁jaun₂ le₃ti₃ lia'₂ con'₂ lě₅ a₂jme₁ca₂juá'₂ Jesús tsí'₅ Jmei₂: “Jui₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ ně₃ jme₁quiaín₅ Si₂mu₅₄ Pe₄ ŋi₁tág₂, jaun₂ ca₂dsí₃ ca₂quí'₃ rě₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ŋi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃ŋíg₂ a₂ma₂juá'₂ Ne'₃?†

Nó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

¹² Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quiaín'₅₄ juig₅₄, quiaín'₅₄ chi'₂ 'í'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃.

¹³ Jaun₂ ca₂i₁jio₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juig₂.‡

Tsá₃ ca₂tion₃ Pe₄ a₂cuín₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ŋó₃ Si₂mu₅₄ Pe₄ quiaín'₅₄ guě₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quiaín'₅₄ Jesús i₁dsi₅ quió'₅ jme₂dsa₂ dsen₅₄.

¹⁶ La₁ Pe₄ ně₃, jaun₂ bá₄ ca₂nau₂ o₄'né₄ tě₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂ŋí₂ Pe₄ tě₂le₃ dsi₂néi₂.

¹⁷ Jaun₂ ně₃ ca₂ŋag₃ 'io₅₄ i₂jmo₅ 'í₁ o₄'né₄ ca₂ŋí'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

* **18:8** lit. “Jniá₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “¿'E₂ lín'₂ 'ne₂ a₂tsá₃, guí'₅₄ jniá₂ tion₅₄ jmig₂ dsi'₃ a₂ma₂cuě₃ Ne'₃?” ‡ **18:14** Juan 11:50.

18 Ja₁jaun₂ jme₁tió_{n2} dsa₂ i₂jme₂ti₃ ta₁, quiain'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güig₂, jaun₂ tióin₂ qui₂jme₂dsioin'₂. Ján₃ bá₄ jë₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

19 Jaun₂ ca₂ηag₃ jme₂dsa₂ dsen₅₄ ca₂ηí'₃ Jesús cuente quió'₅ chi'₂ dsi₂guia₃-tín₂ quián₅, cuente quió'₅ jui₁lia'₂ jág₁ a₂jme₂tag₂₃ ně₃.

20 Jaun₂ ca₂ηag₃ Jesús:

—Ma₂qui₂ma₂juá'₃ bá₄ jniá₂ lia'₂ rë₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ηí'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi'₁ma₁.

21 ¿'E₂ 'uig₅₄ ηag'₅₄ 'ne₂ jniá₂ jaun₂? Ní'₅₄ jui₁lia'₂ dsa₂ i₂qui₂ma₂nág₂ jág₁ quió'₃, 'e₂ ma₂juig₂ jniá₂. Jag₄ de'₂, i₂ηi₅ bá₄ 'éi₂ jui₁lia'₂ i₂'e₂ jág₁ a₂ma₂juá'₃ jniá₂.

22 Jme₁ca₂juá'₂ Jesús le₂ně₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁ně₅ bá₄ ηag'₅₄ 'ne₂ ne₄ jme₂dsa₂ dsen₅₄?

23 Jaun₂ ca₂ηag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂ně₂juá'₃, ¿'e₂ guè'₂ lë₃ quein'₂ quió'₃?

24 Jaun₂ ně₃ ca₂chei₃ Anás ca₂chein₃ Jesús chi₁'ηei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

25 Të₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ηag₃ dsa₂ ca₂ηí'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rë₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

26 Jaun₂ ně₃ ca₂ηag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rin'₅₄ dsa₂ i₂ca₂quí'₃ Pe₄ rë₂gua₄, ca₂juá'₂:

—¿Tsa₁ ně₂jín₄ jniá₂ 'ne₂ ja₁cha₂ ni₁'ma₂ jaun₂, co₂lë₅ quian'₅₄ 'éi₂?

27 Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂të₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11–14; Marcos 15:1-5; Lucas 23:1-5)

28 Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂i₁jio₃ tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güig₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁ 'nio₃ jme₁gué'₃ má₃ quió'₅ Jmíg₄ Të₂'in₅₄.

29 'Uig₅₄ jaun₂ ně₃ ca₂'o₃ 'ín₃ Pilato 'ηiog₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

30 Jaun₂ ca₂ηag₃ dsa₂:

—Jua'₅₄ mei'₂ gué'₃ tsá₃ rin₅ dsa₂ ně₅ dso₄, tsá₃ o₄gog'₂ 'ne₂ jme₁jín'₅₄ jnia'₅₄.

31 Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lë₅ 'Éi'₃ quián'₂ 'nia'₂ guiong'₅₄.

Jaun₂ ca₂ηag₃ dsa₂ judíos:

—La₁ia₁ tsá₃ 'i₄ 'éi'₃ a₂ηí'₄ jnia'₅₄ jan₂ dsa₂.

32 Le₂ně₅ ca₂rě₃ti₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ñi₂.

33 Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂tě'₃ Jesús jaun₂ ca₂ñi'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

34 Jaun₂ ca₂ñag₃ Jesús:

—¿A₂ñag'₅₄ 'a₂ con'₂ dsi₂jio₅ 'au'₂ 'ñiag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

35 Jaun₂ ca₂ñag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

36 Jaun₂ ně₃ ca₂ñag₃ Jesús:

—On₃jua'₅₄ mi₂güig₃ la₂ ja₁gon₂ jniá'₂. Jua'₅₄ mei'₂ guě₃ mi₂güig₃ la₂ ja₁gon₂ jniá'₂, jme₁ná_{u3} 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

37 Jaun₂ ně₃ ca₂juá'₂ Pilato ca₂tsí'₃ Jesús:

—¿Dson'₂ bá₄ lín'₅ 'ne₂ rag₅₄ jaun₂ ně₃?

Jaun₂ ca₂ñag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió'₃.

38 Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi'₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'ín₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá'₂ ja₁con₂ dsa₂ la₂.

39 La₁ chí'₅ caun₂ tag₄ quián'₂ 'nia'₂ a₂tén₅ jniá'₂ jan₂ dsa₂ ja₁con'₂ 'nia'₂ jme₁tě₅ jmi₄ Tě₂'in₅₄. ¿'Niog'₂ 'nia'₂ jaun₂ a₂tén₄ jniá'₂ Rag₅₄ quián₅ dsa₂ judíos?

40 Jaun₂ ně₃, ca₂tóin'₂ co₂mí'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ jan₂ dsa₂ 'ang₂ i₂ca₂nau₂ 'nei₂.§

19

1 Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi₁'nei₅₄ a₂co₂taun₅.

2 Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi₁'mí'₂ chen'₅₄ a₂jniá'₂ 'ui'₃ guéin₂.

3 Jaun₂ ně₃ qui₂ca₂jme₃quián₃ ja₁con₂ 'éi₂, a₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

4 Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá'₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá'₂ ja₁coin₂.

5 Jaun₂ o₂'ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi₁'mí'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡jín₄ 'nia'₂ dsa₂!

§ 18:40 'Nio'₂ ja,ton, Marcos 15:7.

6 Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'í'₅₄ quián₅ guá'₅ ně₃, jaun₂ ca₂jme₂lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

7 La₁ia₁ ca₂ḡag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ḡi'₅₄ Diú₄.

8 Jme₁ca₂nág₂ Pilato jág₁ ně₅, 'ḡio₅ lín₃ guě₄ ca₂i₃gó'₃ dsí₅.

9 Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ḡag₃ ca₂ḡí'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ḡag₃ Jesús, 'i₁caun₂.

10 Jaun₂ ně₃, ca₂juá'₂ Pilato:

—¿Tsa₁ ḡag'₅₄ 'ne₂ jág₁ quió₃ jniá₂? ¿Tsa₁ ḡi'₅₄ 'ne₂ jaun₂ a₂'o₂ jniá₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₂jaun₂ guě'₂ ján₃, a₂'o₂ jniá₂ jui₅bí₂ a₂long₅₄ 'ne₂?

11 Jaun₂ ca₂ḡag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuě₃. 'Uig₅₄ jaun₂, ju₁lia'₂ i₂ně₂jáng'₂ jniá₂ ne'₅₄ 'ne₂, 'ḡio₅ lín₃ guě₄ juě'₂ dso₄ rě₂cáin'₄ con'₂ guě₄ 'ne₂.

12 Ca₂le₃ jaun₂ ca₂'náu'₃ dsí₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—¡Ně₁jua'₂ ca₂lioín'₅₄, tsá₃ líng'₅ a₂mei₅₄ quián₅ dsi₂tan₅₄ emperador! ¡la₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'ḡia₅₄ emperador!

13 Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄.

14 Jme₁lě₄ jmig₄ a₂jmo₅ dsa₂ co₂ḡia₅₄ Jmig₄ Tě₂'in₅₄; jme₁ma₂tě₂ con'₂ dsi₂ḡí'₃; jaun₂ ca₂juá'₂ Pilato ca₂tsí'₃ dsa₂ judíos:

—¡jín₄ 'nia'₂ rag₅₄ quiáng'₂!

15 La₁ ca₂tóin'₂ co₂mi'₅₄ ca₂juá'₂:

—¡Cau₅ ḡiaí'₃! ¡Cau₅ ḡiaí'₃! ¡Tióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ḡag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, ḡiaí'₅₄ lia'₂ jan₂ emperador bá₄.

16 Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

17 O₂'ín₃ Jesús jaun₂, quian₅ cróg₄ quió'₅, a₂ḡó₃ jui₅ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guě'₂, chei₂ Gólgota.

18 Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guě₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ḡiog₅ guě'₂ Jesús tē₁toin₅₄ dsi₂jo₂.

19 Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

20 Jaun₂ juin₅ dsa₂ judíos ca₂'i₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃.

21 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:
—Tsá₃ lē₁taun₂ “Rag₅₄ quián₅ dsa₂ judíos”; ja₂lin₃ guē₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

22 La₁ ca₂ṅag₃ Pilato:

—Ju₁lia'₂ a₂ma₂nē₂táun₂ jniá₂, co₂nē₅ ma₂nē₂táun₂.

23 Jme₁ma₂ca₂lě₃ tion₅ 'lióg₂ Jesús ne₄ cróg₄, jaun₂ ca₂can₃ tsí'₁mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Ján₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ ně₃, tsá₃ jme₁rē₂'me₅; jme₁lě₄ caun₂ 'mi'₂ con'₂ lě₅ ca₂ta₃ dsa₂, ta₁caun₂.

24 Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ṅei'₅₄ tió'₅ tsá₃ gué₃. Ně₃ i₁cáu₂ co₂ṅei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂nē₅ ca₂rě₃ti₃ jág₁ a₂rě₂ton₅ ne₄ Si₂ a₂juá'₂:

Qui₂ca₂dsi₂ón'₂ dsa₂ tsín'₅ jniá₂ quian'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂nē₅ bá₄ ca₂jmo₃ 'lióg₂ 'éi₂ tioin'₅₄.

25 La₁ chog₅₄ Jesús ně₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quian'₅₄ María quián₅ Cleofas, quian'₅₄ María chan₂ Magdala ně₃.

26 Jme₁ca₂jín₂ Jesús chog₅₄, quian'₅₄ chi'₂ dsi₂guia₃-tín₂ i₂ṅí₄ lě₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—'Io₅₄, ně₅ chén'₅ ja₂ṅí'₂.

27 Jaun₂ guē₄ ca₂juá'₂ ca₂tsí'₃ dsi₂guia₃-tín₂ 'éi₂:

—Ně₅ chén'₅ chog'₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

Ca₂jon₃ Jesús

(Mateo 27:45-56; Marcos 15:33-41; Lucas 23:44-49)

28 Cang₂ guē₄ jaun₂ ně₃, ia₁ jme₁ma₂ṅi₅ bá₄ Jesús a₂ma₂ca₂rě₃'ṅia₅ ca₂le₃jě₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jmig₂ i₁guí'₁ jniá₂.

29 Jě₄ jaun₂ jme₁chí'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jaun₂ 'ṅió'₃, ca₂guioin₃ quian'₅₄ jmig₂ dsi'₃ jaun₂. Jaun₂ ca₂chi₃dsi₂ dsa₂ nei'₅₄ caun₂ ni₁'ma₂ hisopo jaun₂ ca₂chóg'₃ dsa₂ tē₂ mi₂'o₄ Jesús.

30 Jme₁ma₂nē₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lě₃.

Jaun₂ ně₃ ca₂sióg₂ mi₂dsi₅₄, ca₂jáng'₃ jme₂dsí₂ quió'₅.

Ca₂'ág'₂ 'lióg₂ ṅi₁chen'₂ quió'₅ mi₂dsi₂con₂ Jesús

31 Jme₁lě₄ jmig₄ a₂jmo₅ dsa₂ co₂ṅia₅₄ Jmig₄ Tě₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ṅi₁₂ dso'₂ cróg₄ jmig₄ sa₅₄, ia₁ jmig₄ juē'₂ lin₃ bá₄ sa₅₄ jaun₂. 'Uig₅₄ jaun₂ ně₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guē₄ tē₂.

32 Jaun₂ ně₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; ján₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅ cróg₄ con₂ Jesús.

33 La₁ jme₁ca₂jme₃quián₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ ně₃ tsá₃ ma₂ca₂jio₃ dsi₂tag₄ 'éi₂.

* 19:24 Salmo 22:18.

³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ŋi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmi₂g₂.

³⁵ Jan₂ dsa₂ i₂ca₂tě₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Ján₃ bá₄ ŋi₅ dsa₂ 'éi₂ a₂juá'₂ jág₁ tí₅ tě₃dsón'₂, ia₁jaun₂ le₃'én'₂ 'nia'₂ ján₃.

³⁶ Ia₁ a₂ca₂lě₃ la₂, ca₂lě₃ ia₁jaun₂ le₃ti₃ jág₁ a₂rě₂ton₅ ne₄ Si₂ a₂juá'₂: “Lia'₂ 'i₁caun₂ mu₄ 'éi₂ tsá₃ qui₃jio₃ dsa₂.”†

³⁷ Le₂jaun₂ guě'₂ táng₃ juá'₂ ne₄ Si₂ ja₁siá'₂: “Jág₂ dsa₂ jín₂ 'éi₂ i₂ca₂'ág'₂ dsa₂ quió'₅.”‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ guě₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con'₂ tě₃co'₅₄ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má'₂ Pilato a₂con₂ ni₁ŋi₁ 'lag₄ Jesús. Ca₂cuě₃ bá₄ Pilato jmi₂g₄, jaun₂ ŋe₄ Sě₄ ca₂i₁sioin₅ 'lag₄, jaun₂ ca₂tág₃.

³⁹ Ján₃ bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂ŋiá₅ quian'₅₄ Jesús a₂'uě₂. Jme₁quian₅ 'éi₂ con'₂ guióg₂-guiá₂ kilos mirra quian'₅₄ áloes a₂ma₂rě₂güin'₅.

⁴⁰ Jaun₂ ca₂tág₃ Sě₄ quian'₅₄ Nicodemo ca₂tág₃ 'lag₄ ca₂lio₃ quian'₅₄ tsi₁'mi'₂ tióg₃ lia'₂ jma₃quian'₅₄ mi₂ro₂ jaun₂, lia'₂ jme₁lě₄ tag₄ chí'₅ quió'₅ dsa₂ judíos a₂jme₁'óin₂ 'lag₄.

⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ míg₂. Jaun₂ jě₄ jaun₂ jme₁dsi₅₄ caun₂ tau₂ 'ŋio₅ 'mí₂ ja₁tsá₃ 'ein₂ jme₁ma₂ton'₂ dsa₂ 'i₁jan₂ 'lag₄.

⁴² Jaun₂ 'uig₅₄ ia₁ a₂jme₁lě₄ jmi₂g₄ a₂jmo₃ dsa₂ judíos co₂ŋiá₅₄ quió'₅, ton'₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ŋio₅, jaun₂ ja₁jaun₂ ca₂quio₅ Sě₄ quian'₅₄ Nicodemo ca₂quioin₂₃ Jesús.

20

Ca₂jen'₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jě₁le₂'uig₅₄ jmi₂g₄ semana, ŋe₄ María chan₂ Magdala ja₁dsi₅₄ tau₂ 'ŋio₅, tě₂ o₃'iog₂ tě₃ qui₁né'₃ guě₄ le₂jaun₂. Jaun₂ ca₂jág₃, jme₁ma₂rě₃ŋiá'₅₄ bá₄ ni₁cang₁ 'o₄ tau₂ 'ŋio₅ jme₁dsióg₃.

² Jaun₂ ně₃ ca₂ŋá'₃ co₂chi'₅₄ ja₁jme₁'en₅₄ Si₂mu₅₄ Pe₄ quian'₅ chi'₂ dsi₂guia₃-tín₂ jan₂ i₂ŋi₄ lě₃ jme₁'nio₃ Jesús 'éi₂, jaun₂ ca₂juá'₂:

—Ma₂ně₂dsen₅ dsa₂ Te₁gui'₅₄ dsi₂néi₂ tau₂ 'ŋio₅ ja₁jme₁roin₂₃, jaun₂ tsá₃ ne₄ a₂já'₄ ně₂quio₅ dsa₂.

³ Jaun₂ ně₃ Pe₄ quian'₅₄ chi'₂ dsi₂guia₃-tín₂ jan₂ 'éi₂ ca₂'uín₂ jaun₂ i₃lěin₂ ja₁dsi₅₄ tau₂ 'ŋio₅.

⁴ Le₃oin₃ bá₄ i₃lěin₂ co₂lě₅ co₂'ei₅; la₁ i₂jan₂ 'éi₂ ca₂ŋi₃ guě₄ co₂chi'₅₄ con'₂ guě₄ Pe₄, jaun₂ ŋiá'₅ bá₄ ca₂dsióg₃ ja₁dsi₅₄ tau₂ 'ŋio₅.

⁵ Jaun₂ ca₂jmo₃ i₁jín₂ ca₂ŋéi₃ ne₅₄, jaun₂ ca₂jág₃, jaun₂ bá₄ jme₁nio₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂.

⁶ Jaun₂ guě₄ ca₂dsióg₃ Si₂mu₅₄ Pe₄ chi₁co'₅₄ quió'₅, jaun₂ ca₂'í₃ dsi₂néi₂ tau₂ 'ŋio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁nio₅ ja₁jaun₂;

⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rě₂jon'₅.

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

8 Jaun₂ bá₄ ca₂'í₃ chi'₂ dsi₂guia₃-tín₂ jan₂ 'éi₂, i₂dsi₂óg₃ le₂'uig₅₄; ca₂tě₂ ne₅₄, jaun₂ ca₂rě₃'éin₂.

9 (Ia₁ tsá₃ jme₁ma₂ηí'₂ guě₄ dsi₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jin₄ 'lag₄.)

10 Jaun₂ ně₃, i₂len₃ bá₄ táng₃ chi'₂ dsi₂guia₃-tín₂ 'éi₂ quió'₅.

*Ca₂jme₃jnia₅ Jesús ne₄ María chan₂ Magdala
(Marcos 16:9-11)*

11 La₁ jaun₂ bá₄ jme₁chén'₄ María ca₁'né₄ tau₂ 'ηio₅, 'o₂₃. Tě₁lia'₂ 'o₂₃ jaun₂, ca₂jmo₃ i₁jín₂ a₂ca₂jág₃ tě₂le₃ 'ηió'₃ tau₂ 'ηio₅,

12 jaun₂ ca₂jín₂ on₃ ángeles i₂le₁qui'₂ 'mi'₂ tiog₂, tián'₅ jě₄ jme₁ron₅ ni₁ηí₁ Jesús; jan₂ jme₁guá₄ tě₂le₃ ja₁lě₄ chi₁gui'₂, i₂jan₂ guě'₂ ja₁jme₁lě₄ a₃tag₅.

13 Jaun₂ ca₂ηag₃ ángeles ca₂ηí'₃ María:

—'Io₅₄, ě₂'e₂ lě₃ 'au'₂?

Jaun₂ ca₂ηag₃:

—Ia₁ ma₂ně₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ ně₂quio₅ dsa₂.

14 Jě₂ bá₄ ca₂ηiai₂ jág₁ ně₅, jme₁ca₂jén'₃, jaun₂ ca₂jín₂ Jesús jme₁chén'₄; la₁ tsá₃ jaun₂ jme₁ηi₅, Jesús bá₄ 'éi₂.

15 Jaun₂ ně₃ ca₂ηag₃ Jesús:

—'Io₅₄, ě₂'e₂ lě₃ 'au'₂ 'ne₂? ě₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uě₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ ně₂quioin'₂, ia₁jaun₂ tě₅₄ jniá₂.

16 Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tě₅ quiáng₃.

17 Jaun₂ ca₂juá'₂ Jesús:

—Tsá₃ lě₂jma'₂ quió₃, ia₁ tsá₃ ma₂uíg₂ guě₄ jniá₂ ja₁con₂ Ne'₃. La₁ guan'₂ o₂chei'₅₄ rín'₃ jniá₂, a₂uíg₂ jniá₂ ja₁con₂ Ne'₃, ja₁con₂ Nėi'₅ 'nia'₂ ně₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ ně₃.

18 Jaun₂ bá₄ ηó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂ně₂jín₂ Te₁gui'₅₄, a₂jme₁ma₂ně₂juá'₂ 'éi₂ jág₁ jaun₂.

*Ca₂jme₃jnia₅ Jesús ne₄ chi'₂ dsi₂guia₃-tín₂
(Mateo 28:16-20; Marcos 16:14-18; Lucas 24:36-49)*

19 Jme₁ca₂nei₂ jě₁le₂'uig₅₄ jmíg₄ semana jaun₂ ně₃, jme₁tion'₅₄ chi'₂ dsi₂guia₃-tín₂ le₁ηí'₂, qui₂le₁jnág₅ 'né₅ ja₁tioin'₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Ju₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂ně₅, ca₂'ě₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

21 Jaun₂ ca₂juá'₂ táng₃ Jesús:

—Ju₁'ei₅ tei₄ 'au'₂ 'nia'₂. Ju₁lia'₂ ca₂chei₃ Ne'₃ jniá₂, ján₃ bá₄ le₂jaun₂ tsin₅₄ jniá₂ 'nia'₂.*

22 Jaun₂ ně₃ ca₂jéi₂ dsí₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsí₂ Jηió₅.

23 Chi₂jua'₂ 'ein₂ i₂ca₂'én'₃ 'nia'₂ dsáu₁, ma₂qui₂ca₂l₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃ 'nia'₂ dsáu₁, tě₃ηiá₄ dsáu₁ ja₁coin₂.

* 20:21 'Nio'₂ ja₁ton₅ Juan 17:18.

Jág₅ To₁má₄ jín₂ Te₁gui'₅₄ a₂ma₂ca₂jein'₅₄

²⁴La₁To₁má₄ně₃, jan₂chi'₂ dsi₂guia₃-tín₂ i₂tě'₂ dsa₂Dsa₂Tsin'₅₄, tsá₃jme₁'ein₅₄ jë₄ quió'₅ riin'₅₄ lia'₂ con'₂ jme₁dsióg₃ Jesús.

²⁵Jaun₂lě₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂ně₂jín₄ jnia'₅₄ Te₁gui'₅₄.

La₁To₁má₄ně₃ ca₂juá'₂:

—Ně₁jua'₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ñí₁, ca₂lia'₂ ca₂tiá₃ chi₁gu₃ tau₂ a₂ca₂lě₃ quian'₅₄ mi₂ñí₁, ca₂lia'₂ ca₂tiá₃ mi₂gu₃ mi₂dsi₁coin₂, tsá₃ le₃'éng₂.

²⁶Jnia₃ jmig₄ cang₂ guě₄ jaun₂, jme₁le₁ñi'₂ táng₃ chi'₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guě₄ ně₃ jme₁'en₅₄ To₁má₄ jë₄ quió'₅ 'éi₂. Jaun₂ ně₃, o₁ñia'₅₄ qui₂le₁ñág₅ 'né₅ ja₁tioin'₅₄, ca₂'í₃ Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Ju₁'ei₅ tei₄ 'au'₂ 'nia'₂.

²⁷Jaun₂ ně₃ ca₂juá'₂ ca₂tsí'₃ To₁má₄:

—'Nia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂ mi₂dsi₁cong₂. Tsá₃ lë₁jmo₂ a₂tsá₃ 'éng'₂, ju₁le₂'éng'₂ bá₄.

²⁸Jaun₂ ně₃ ca₂ñag₃ To₁má₄:

—i₁Te₁gui'₅₄ quiáng₃, Diú₄ quiáng₃ ně₃!

²⁹Jaun₂ ca₂juá'₂ Jesús:

—Ně₃ guě₄ 'éng'₂ 'uig₅₄ ia₁ a₂ně₂jag₅₄ jniá₂. 'E₂ guě₄ dsen₃ ju₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

³⁰Jaun₂ ně₃, 'lióng₂ bá₄ léi₄ juě'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂.

³¹La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ñi'₅₄ Diú₄, ia₁jaun₂ jë₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

¹Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jm₁ñí'₄ Tiberias.* Le₂la₂ bá₄ ca₂lě₃:

²Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ñi'₅₄ Zebedeo ně₃; quiaín₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús.

³Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ñag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lén₂, ca₂uíg₂ 'ñió'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

⁴Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁ñí'₄, la₁ tsá₃ jaun₂ ñi₅ chi'₂ dsi₂guia₃-tín₂ jnia'₅₄ Jesús bá₄ 'éi₂.

⁵Jaun₂ ně₃ ca₂juá'₂ Jesús:

—'Nia'₂ chi'₂, ħtsa₁ ju₄ chan₂ quián'₂ 'nia'₂?

Jaun₂ ca₂ñag₃ 'éi₂:

—Lia'₂ 'i₁jan₂.

* 21:1 o, Jm₁ñí'₄ Galilea.

6 Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ të₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioen'₅₄ tsá₃ lé₂ dsí₃ tsi₁'má₅ dsi₂jmi₂g₂, ia₁ a₂ñí₄ lë₃ juin₅ i₁ju₁ jme₁tion'₅₄ 'ñió'₃.

7 Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lin₃, ca₂tsí'₃ Pe₄:
—Te₁gui'₅₄ bá₄ ó₃!

Jë₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂në₂jníá'₂ a₂jme₁jmo₃ ta₁) jaun₂ ca₂tiáin₂ dsi₂jmi₂g₂.

8 Chi'₂ dsi₂guia₃-tín₂ rin'₅₄ guě'₂ ně₃, ca₂dsi₃lein₃ bá₄ të₂ chei'₅₄ jmi₁ñí'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rë₂can'₂ ju₄. Ia₁ tsá₃ uing₂ jme₁tioen'₅₄ ja₁lë₄ chei'₅₄ jmi₁ñí'₄: con'₂ caun₂ 'ñiá₂-láu₂ metros bá₄ jme₁tí₄.

9 Jme₁ca₂sióin₃ 'uë₃ ně₃, ca₂jág₃ a₂ma₂niog₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ñí'₄ ně₃.

10 Jaun₂ ca₂juá'₂ Jesús:

—Jña₅ jan₂-on₃ ju₄ i₂lia'₂ në₂chan'₂ 'nia'₂.

11 Jaun₂ ca₂uíg₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsé'₃ tsi₁'má₅ ca₂të₂ chei'₅₄ jmi₂g₂ lia'₂ rë₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rë₂dsí₂ të₂láu₃-guia₃-ún₂ (153) ju₄ jme₁tion'₅₄. La₁ o₁jña'₅₄ la₂ juin₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅.

12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ të₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsí₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂.

13 Jaun₂ ně₃ ca₂jme₃quián₃ Jesús, ca₂can₃ i₁ñí'₄, jaun₂ ca₂cuě'₃ chi'₂ dsi₂guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄.

14 A₂në₅ jë₁ca₂të₂ 'nag'₂ ráun₂ a₂ca₂jme₃jnia₅ Jesús ne₄ chi'₂ dsi₂guia₃-tín₂ quiáin₅ cang₂ jme₁ca₂jein'₅₄ ja₁jme₁rë₂'lin₅₄.

Dsia₅ Jesús jág₁ quian'₅₄ Si₂mu₅₄ Pe₄

15 Cang₂ jme₁ca₂lë₃ guě'₅ má₃ të₂ o₃'iog₂, ca₂ñag₃ Jesús ca₂ñí'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

16 Jaun₂ ca₂ñag₃ táng₃ Jesús jë₁ca₂të₂ táng₃ ráun₂:

—Si₂mu₅₄, ja₁ñi'₅₄ Juan₅₄, † ¿'nióg'₃ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bë'₅₄ quiáng₃ jaun₂.

17 Jaun₂ ca₂ñag₃ táng₃ Jesús jë₁ca₂të₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, † ¿'nióg'₃ jniá₂?

Jaun₂ ca₂'í₃ qui'₂ dsí₅ Pe₄ ia₁ ca₂ñag₃ Jesús jë₁ca₂të₂ 'nag'₂ ráun₂, “¿'nióg'₃ jniá₂?”
Jaun₂ ca₂juá'₂:

—Te₁gui'₅₄, ca₂le₃jë₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ § jniá₂ 'ne₂.

Jaun₂ ca₂juá'₂ Jesús:

† 21:15 o₃, ja₁ñi'₅₄ Jonás. ‡ 21:16 griego: WOIagapeo (ju₁lia'₂ 'a₂lia'₂ 'nio₃, Diú, dsa₂ mi₂güig₃). § 21:17 griego: WOIfileo (ju₁lia'₂ 'a₂lia'₂ 'nio₃, dsa₂ mi₂güig₃ rin'₅₄ a₂mei₅₄ quiáin₅).

—Jme₁tan₅₄ já'₂ cha'₂ bë'₅₄ quiáng₃ jaun₂.

¹⁸ A₂dsi₂jó'₃ juá'₅ jniá₂, lia'₂ con'₂ jme₁líng'₄ guě₄ dsa₂ chi'₂, jme₁ting'₂ jme₁quí'₂ tsíng'₂, jaun₂ jme₁góg'₂ a₂já'₄ 'niog'₂ gog'₅₄; la₁ia₁ jë₁ma₂líng'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ dsi₃jio₃ ja₁tsá₃ 'niog'₂ gog'₅₄.

¹⁹ Jme₁ca₂juá'₂ Jesús le₂në₅, ca₂jmo₃ jág₁ a₂ë₂₃ 'e₂ ne₅₄ 'mú₃ a₂'i₄ 'éi'₃ dsi₃ñí₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—j'Éin₃ jniá₂!

Chi'₂ dsi₂guia₃-tín₂ i₂'nió₄ guě₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ dsi₂guia₃-tín₂ i₂'nio₃ Jesús guě₄ lin₃; chi'₂ dsi₂guia₃-tín₂ 'éi₂ i₂jme₁guá₄ cau₅ le₃jén'₃ quió'₅ Jesús ja₁ca₂guě'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñí'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?”

²¹ Jaun₂ jme₁ca₂jág₃ Pe₄ ca₂jín₂ 'éi₂, ca₂ñag₃ ca₂ñí'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

²² Jaun₂ ca₂ñag₃ Jesús:

—Chi₂jua'₂ 'nio₃ jniá₂ a₂chan₂ i₂në₅ ca₂lia'₂ jë₁ma₂guión'₃ táng₃ jniá₂, ¿'e₂ bá₄ 'uig₅₄ 'ne₂ 'i₅ 'au'₂? La₁ia₁ 'ne₂ 'éin₃ jniá₂.

²³ Jaun₂ në₃ ca₂i₃ag₅₄ jág₁ në₅ jin₄ riin'₅₄ a₂tsá₃ jón₂ chi'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá₂ a₂chan₂ i₂në₅ ca₂lia'₂ jë₁ma₂guión'₃ jniá₂ táng₃, ¿'e₂ bá₄ 'uig₅₄ 'ne₂ 'i₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lë₃, i₂ca₂tó'₂ jág₁ la₂ ne₄ si₂ në₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Já₃ bá₄ cha₂ 'líong₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₃to'₅₄ ne₄ si₂ le₂caun₂ le₂caun₂, ca₂lia'₂ jñia'₅₄ ta₁caun₂ mi₂güí₃ bá₄ tsá₃ jme₁'éi'₄ si₂ jua'₅₄ ca₂'uě'₃ dsa₂, lín₂ jniá₂.*

Co₂në₅.

* **21:25** A₂lin₅₄ chog₅₄ si₂ juá'₂ já₃: “A₂mei₃.”

Le la₂ ca₂jmo₃ dsa₂ i₂chen₄ quián₅ Jesús

Jág₁ a₂cuë₄ a₂chen₃ Diú₄ Jme₂dsí₂ Jñiós₅

¹ Ne₄ si₂ a₂ca₂jmo₃ jniá₂ le₂'uig₅₄, gui₅₄ Teófilo,* ca₂juá'₃ jniá₂ ca₂le₃jě₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃,

² ca₂lia'₂ ca₂tě₂ jmi₃g₄ a₂ca₂ñái'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsi₂guia₃-tín₂ i₂chen₄† quián₅, ca₂chei₃ dsi₂'ě₂ jág₁. Jaun₂ ca₂cuë₃ jág₁ tē₂le₃ quián₅₄ Jme₂dsí₂ Jñiós₅, ca₂le₃jě₃ 'e₂ 'nió'₅ jmo₃ chi'₂ dsi₂guia₃-tín₂ 'éi₂.

³ Cang₂ jme₁ca₂join₃, jme₁ma₂jein'₅₄ táng₃, ca₂ñi₃ tē₂láu₃ jmi₃g₄ qui₂jme₂jniai₂₃ qui₂cuë'₅ jág₁ dsau₅ chi'₂ dsi₂guia₃-tín₂ a₂tē₃dsón'₂ bá₄ chain₂ ma₂jein'₅₄ táng₃; jaun₂ qui₂ca₂dsia₃ jág₁ quiain'₅₄ 'éi₂ jui₁lia'₂ 'a₂ lia'₂ lě₅ ja₁gon₂ Diú₄.

⁴ Jme₁'en₅₄ guë₄ Jesús quiain'₅₄ chi'₂ dsi₂guia₃-tín₂ quián₅, jaun₂ ca₂juá'₂ ca₂tsí'₃ 'éi₂ a₂tsá₃ dsi₃lein₃ dsi₂jui₅ juig₂ Jerusalén. Jaun₂ ca₂juá'₂:

—Jña₄ 'nia'₂, jui₁le₂ti₃ de'₂ jág₁ quió'₅ Ne'₃ a₂ma₂juíg₂ 'nia'₂.

⁵ Dsau₅ bá₄ ca₂tióg₃ Juan₅₄ ca₂tiáin₂ jmi₃g₂ dsa₂, la₁ 'nia'₂ guë'₂ ně₃ tióg₂ Diú₄ Jme₂dsí₂ Jñiós₅, tē₃jě₄ la₂.

Ca₂ñá'₃ Jesús guei'₅₄ i₂juíg₃

(Marcos 16:19; Lucas 24:50-53)

⁶ Co₂ráun₂ tion'₅₄ chi'₂ dsi₂guia₃-tín₂ le₁ñi'₂ ja₁'en₅₄ Jesús, jaun₂ ca₂ñi'₃ Jesús: —Te₁gui'₅₄, ¿ma₂tě₂ ja₁jmo'₂ 'ne₂ a₂lión₂ dsa₂ juig₂ Israel?

⁷ Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jmei₂ 'éi'₃ ca₂le₃jě₃ 'e₂ 'ió'₄, 'e₂ jmi₃g₄ ně₃. 'Ñiog₅ bá₄ Diú₄ Jmei₂ ñi₅ a₂jaun₂.

⁸ Jē₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ jui₅bí₂, jaun₂ qui₂o₁nóg'₅ qui₂o₁'ě'₃ jág₁ dsau₅ quió₃ juig₂ Jerusalén, le₂tan₅₄ juig₂ 'uë₃ Judea, 'uë₃ Samaria, ca₂le₃jě₃ juig₂ ta₁caun₂ mi₂güí₃ ně₃.

⁹ Jme₁ma₂dsan₃ juá'₂ Jesús le₂ně₅, ca₂uí₂ jui₅ guei'₅₄ i₂juíg₃, ca₂ñái'₃ ca₂lioin₂ jnei₅.

¹⁰ Tē₃tión₂ jaun₂ chi'₂ dsi₂guia₃-tín₂ jág₅ guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jín₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅.

¹¹ Jaun₂ ca₂juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₂ta₁ jmo₃ tión'₂ guë₄ 'nia'₂ uë₂ jág₂ guei'₅₄. 'Ñiog₅ Jesús ně₅ i₂ñá'₅ guei'₅₄ i₂juíg₃ tē₃jín'₄ 'nia'₂, le₂ně₅ bá₄ jiá₃ táng₃ jē₁ma₂tě₂ rē₁jiá₃, jui₁lia'₂ ně₂jín'₅₄ 'nia'₂ ñái'₅ ně₅.

Ca₂quión'₂ dsa₂ Matías a₂jmo₃ ta₁ a₂jme₁lín₄ Judas

¹² Jaun₂ ně₃ ca₂'uiin₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uíng₂ con'₂ ja₁'i₄ 'éi'₃ i₃nió₄ dsa₂ jme₁jmi₃g₄ sa₅₄.‡

¹³ Jme₁ca₂o₃lein₃ Jerusalén jaun₂, ca₂uí₂g₂ cuarto guei'₅₄ ja₁ca₂jñia₃. Dsa₂ 'éi₂ jme₁chein₂ Pe₄, Jacobo, Juan₅₄, Dré₄, Fe₂lí₄, To₁má₄, Bartolomé, Tē₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista, § quián'₅₄ Judas rin'₅₄ Jacobo.

¹⁴ Ca₂le₃jín₃ le₂jaun₂ jme₁ñi'₂ i₂gú'₃ co₂lě₅ quiain'₅₄ o₁rin'₅₄ Jesús, María chog₅₄ Jesús, ca₂le₃jín₃ guë₄ 'io₅₄ sián'₂ ně₃, a₂jme₁tsí'₅ Diú₄.

* **1:1** Teófilo: o₃, “ne₂ i₂nióg'₃ Diú₄.” † **1:2** griego: apóstolous. ‡ **1:12** Con'₂ tí₅ caun₂ kilómetro. § **1:13** griego: celotes, co₂'nió'₄ dsa₂ i₂nau₂ quens₅; jan₂ i₂'nió₃ táun₂ 'uë₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃ ca₂ne₅₄ a₂chein₂.

15 Co₂ráun₂ jme₁lě₂ con'₂ caun₂ 'ŋiá₂-lón₂ rě₂dsí₂ guión₂ (120) dsa₂ 'én₂ i₂jme₁le₁ŋi'₂. Jaun₂ ca₂nau₂ Pe₄ tē₃jě₄ jaun₂, jaun₂ ca₂juá'₂ ca₂tsí'₃ dsa₂:

16 —Rin'₅₄ jniog₄, co₂ně₅ lě₅ Si₂, tion₅₄ ca₂rě₃ti₃ jág₁ a₂ma₂'ě₂ Jme₂dsí₂ quián₅ Diú₄ tē₂le₃ quian'₅₄ 'lag₄ David, a₂ca₂'iin₃ Judas i₂ca₂ŋia₃ dsa₂ i₂ca₂i₁te₂ Jesús chi₁'ŋei'₂.

17 I₂jme₁quian'₅₄ bá₄ jniog₄ 'éi₂, jme₁lě₄ rin'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃.

18 La₁ quian'₅₄ cu₄ 'lig'₅₄ a₂ca₂lí'₃ Judas a₂ca₂'ni₃ Jesús, ca₂lá₃ 'uě₃. 'Uě₃ jaun₂ ca₂jmo₃ ca₂táin'₂ tē₃ chi₁jín₂, qui₂ca₂'uě₂ ca₂le₃jě₃ a₂jme₁tio'₅₄ tú'₅.

19 Jme₁ca₂rě₃ŋi₅ dsa₂ juig₂ Jerusalén, ca₂tě'₃ 'uě₃ jaun₂ Acéldama, co₂'nió'₄ a₂juá'₂: 'Uě₃ Jmi₂, quian'₅₄ jág₁ jmei₅ quió'₅.

20 Ia₁ le₂la₂ juá'₂ ne₄ Si₂ Salmos:
Jui₁tě₂tsi'₅₄ 'ŋiog₅ 'né₅ quió'₅,

ia₁ 'i₁jan₂ tsá₃ 'ein₂ le₃tian'₃.*

Ján₃ guě'₂ juá'₂ táng₃:

Dsa₂ sián'₂ jui₁jmo₅₄ ta₁ a₂jme₁lín₄.†

21 'Chan₂ bá₄ dsa₂ jě₄ la₂ quián₂ jniog₄ dsa₂ i₂ma₂ca₂jme₃quiong'₅₄ ca₂le₃jě₃ jmig₄ lia'₂ con'₂ jme₁quian'₅₄ jniog₄ Te₁gui'₅₄ Jesús,

22 ca₂le₃ ca₂ŋó₂ Jesús jmig₂ a₂ca₂cho₃ Juan₅₄, ca₂lia'₂ jme₁ca₂uig₂ Jesús guei'₅₄ i₂juig₃. Jaun₂ tion₅₄ 'nió'₅ dsa₂ 'éi₂, jme₃quiong'₅₄ jniog₄, jaun₂ jáng'₃ jág₁ dsau₅ a₂ca₂jen'₅₄ táng₃ Jesús.

23 Jaun₂ ca₂jmo₃ jág₁ ca₂'iin₃ jan₂ i₂chen₂ José i₂tě'₂ Barsabás i₂tě'₂ Justo ně₃, quian'₅₄ jan₂ i₂chen₂ Matías.

24 Jaun₂ ca₂tsí'₃ Diú₄ ca₂le₃jín₃, ca₂juá'₂ le₂la₂:

—Te₁gui'₅₄, 'ne₂ bá₄ i₂cuing'₂ tē₂dsí₅ ca₂le₃jín₃ dsa₂, 'in₅₄ ŋnia'₅₄ 'ein₂ dsa₂ on₃ la₂ i₂ma₂quion'₅₄ 'ne₂,

25 ia₁jaun₂ jmo₃ ta₁ léin₂ chi'₂ dsi₂guia₃-tín₂ quiáng'₂ a₂jme₁lín₄ Judas, 'uig₅₄ dsá_{u1} ca₂i₃'éin₂, ca₂ŋái'₃ ja₁ca₂tíin₂.

26 Jaun₂ ca₂tóin'₂ ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quian'₅₄ dsa₂ guia₃-ján₃ i₂jme₁lě₂ guě₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

1 Jme₁ca₂tě₂ Jmig₄ Tě₂láu₃-guiá₂, caun₂ bá₄ ja₁jme₁tion'₅₄ le₁ŋi'₂ ca₂le₃jín₃ dsa₂ i₂'én₂.

2 Con'₂ tsá₃ jáin₅ jme₁ca₂nág₂, ca₂lě₃ gau₂ ca₂jan₃ guei'₅₄ lia'₂ lě₅ jě₁'ei₅ dsí₂ tiá₂ lín₃ ca₂lě₃, ca₂né'₂ ta₁caun₂ dsi₂néi₂ ja₁jme₁tion'₅₄ dsa₂.

3 Jaun₂ co₂tan₅₄ dsi₂jui₅ le₂jaun₂ qui₂ca₂séi'₂ tsi'₄ si₂ qui₂tě₁tsi'₅₄ ne₄ quió'₅ dsa₂ 'éi₂, le₂jain₂ le₂jain₂.

4 Jaun₂ ca₂le₃jín₃ qui₂ca₂cain'₂ quian'₅₄ Jme₂dsí₂ Jŋió₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'₂, lia'₂ con'₂ lě₅ ca₂cuě₃ Jme₂dsí₂ a₂juá'₂ dsa₂.

5 Jmig₄ jaun₂ jme₁tion'₅₄ dsa₂ judíos juig₂ Jerusalén, i₂ja₂lén₂ ta₁caun₂ mi₂güig₃, a₂jme₂ti₃ con'₂ tag₄ chí'₅ quió'₅.

6 Jme₁ca₂nág₂ mi'₅₄ a₂ca₂lě₃ jaun₂, qui₂ca₂ŋi'₂ dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió'₅ a₂qui₂ca₂dsia₃ dsa₂ i₂tion'₅₄ 'éi₂.

* 1:20 Salmo 69:25. † 1:20 Salmo 109:8.

7 Jaun₂ dsi₃gó'₃ dsí₅ 'ñio₅ lín₃, qui₂ca₂dsia₃ jág₁ guioin₅₄ quiain'₅₄ rín'₅₄, ca₂juá'₂:

—¿On₁jua'₅₄ dsa₂ chan₂ Galilea ca₂le₃jín₃ dsa₂ i₂dsia₅ jág₁ nē₅?

8 ¿'A₂ bá₄ lia'₂ né'₂ dsia₂₃ jág₁ jmei₅ quió'₅ juig₂ go₄ jniog₄ le₂jau₂ le₂jau₂?

9 Dsa₂ i₂tion'₅₄ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë₃ Asia,

10 dsa₂ chan₂ Frigia quian'₅₄ Panfilia, dsa₂ ja₂lén₂ 'uë₃ Egipto quian'₅₄ juig₂ 'uë₃ Africa* a₂niog₅ uing₂ con'₂ guë₄ Cirene. Ján₃ bá₄ tion'₅₄ dsa₂ chan₂ Roma i₂ma₂tián'₅ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guë'₂ ma₂gue₃ juá'₅ quió'₅ dsa₂ judíos.

11 Ján₃ bá₄ tion'₅₄ dsa₂ chan₂ 'uë₃ Creta, dsa₂ chan₂ Arabia nē₃. La₁ ca₂le₃jág₃ bá₄ jniog₄ néi₁ quian'₅₄ jág₁ jmei₅ quián₂ a₂dsia₅ dsa₂ nē₅ ca₂le₃jě₃ a₂jlá'₁ a₂'io'₂ a₂jmo₅ Diú₄.

12 Jaun₂ 'ñio₅ dsi₂gó'₃ dsí₅ dsa₂, tsá₃ caun₂ qui₂ca₂'ág₂ dsí₅. Jñia'₅₄ qui₂ñí'₅ rín'₅₄:

—¿'E₂ 'nió'₄ juá'₂ ca₂le₃jě₃ a₂nē₅?

13 I₂lín₅₄ guë'₂ tsá₃ 'éin₂, jñia'₅₄ qui₂jmo₅g'₂ burlas, jaun₂ ca₂juá'₂:

—I₂le₁'en₅ bá₄ i₂nē₅.

Jág₁ a₂ca₂juá'₂ Pe₄ ca₂tsí'₃ dsa₂

14 Jaun₂ ca₂nau₂ Pe₄ jë₄ jme₁guá₄ quiain'₅₄ guë₄ guia₃-ján₃ chi'₂ dsi₂guia₃-tín₂ rín'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén nē₃, ju₁le₂ñi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂.

15 Tsá₃ le₁'en₅ dsa₂ la₂ ju₁lia'₂ lín'₂ 'nia'₂, ia₁ con'₂ hora ñí₁ ñi₃ tē₂ o₃ 'iog₂† bá₄ guë₄ la₂.

16 Tē₂le₃ a₂rē₂ti₃ con'₂ lē₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

17 Jë₁ca₂tó'₂ jmig₄, juá'₂ Diú₄,

tsing₅₄ Jme₂dsí₂ quiáng₃ jaun₂ sióin₃

ne₄ quió'₅ ca₂le₃jín₃ dsa₂ mi₂güí₃.

Ja₂ñí'₂ 'nia'₂, ja₁míg'₄ nē₃

qui₃dsia₃ o₄quió₃ jniá₂.

Dsó₂ chi'₂ quián'₂ 'nia'₂ nē₃

a₂lë₁qui₃jág₃ 'e₂ qui₃jág₃,

dsi₂gui'₅₄ can'₅₄ guë'₂ qui₃qui₃.

18 Jmig₄ jaun₂, qui₁'íng₄ Jme₂dsí₂ quiáng₃

ne₄ quió'₅ dsa₂ ñe'₂, dsa₂ mí₂ nē₃

i₂jme₂ti₃ ta₁ ne₃,

jaun₂ guë₄ qui₃dsia₃ o₄quió₃ jniá₂.

19 Dsi₁ guei'₅₄ guë'₂ qui₁'ě₄ jniá₂ dsa₂

cosas a₂dsi₃gó'₃ dsí₅.

Ne₄ gua'₅₄ 'uë₃ guë'₂

jmo₅₄ jniá₂ lé₂ léi₄,

ju₁lia'₂ jmí₂, si₂, jnei₅ lē₅ jme₁ñi₁ nē₃.

20 'Iog₂ guë'₂ co₂dsia₅ le₃lia'₂.

Tsi'₂ guë'₂ lé₂ guéin₂ lia'₂ lē₅ jmí₂.

Ca₂le₃jě₃ a₂nē₅ lé₂ né'₃ guë₄

a₂guá₂ jmig₄ quió'₅ Te₁gui'₅₄.

* 2:10 griego: Libia. † 2:15 lit. “hora 'ni₅,”

Jmīg₄ jaun₂ lé₂ caun₂ jmīg₄ juë'₂ a₂gau₂.

²¹ Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,
lióin₂ bá₄.[‡]

²² "Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuë'₃ 'éi'₃ ca₂chein₃ jín'₄ 'nia'₂. Ca₂jmo₃ Diú₄ ca₂le₃jě₃ léi₄ juë'₂, ca₂le₃jě₃ 'e₂ dsi₂gó'₃ dsi₅ dsa₂, qui₂ca₂jmo₃ tē₂le₃ quian'₅₄ Jesús jín'₄ 'nia'₂. A₂ñi'₅₄ rē₂ bá₄ 'nia'₂ jaun₂.

²³ La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ñi₅ le₂jñiá₅, 'nia'₂ ně₃ ca₂chang'₂ i₂'éi₂, ca₂te'₅₄ chi₁'ñei₂₃, ca₂i₁jñin'₅₄ 'nia'₂ o₄gú₃ dsa₂ 'lín'₅₄ i₂tsá₃ ñéi₂ dsi₅. Jaun₂ ca₂jñag'₃ ca₂tion₃ cróg₄.

²⁴ La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄ a₂rě₃join₅ co₂tan₅₄ jin₄ 'lag₄.

²⁵ Ia₁ ca₂juá'₂ 'lag₄ Rag₅₄ David a₂'iin₂₃ Jesús, ca₂juá'₂:
Ia₁ jin₄ bá₄ jniá₂ tián₂ Te₁gui'₅₄
cau₅ quió₃.

'Éi₂ bá₄ guá₅ tē₂le₃ gu₃ ne₁,
ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
'i₅ dsi₃.

²⁶ Jaun₂ lě₃, 'ñio₅ lín₃ ca₂jmo₃ jniá₂ 'io'₂,
jaun₂ ca₂juá'₃ quian'₅₄ le₁tsi'₃
jág₁ a₂jéin₅ lián'₂.

Jaun₂ lě₃ tsá₃ 'i₅ dsi₃ jě₁ma₂ca₂jon₃ ni₁ñi₃.

²⁷ Ia₁ tsá₃ cuë'₁ jmīg₄ a₂jñia₃ jme₂dsi₂ quiáng₃
ja₁tion'₅₄ 'lag₄, §

on₃ guë'₂ cuë'₁ jmīg₄ a₂siá'₃ ni₁ñi₃ jniá₂,
dsa₂ jñi₅ quiáng'₂ i₂'nióg'₃.

²⁸ Ca₂'ě₅₄ ca₂jme₁tag'₂ jui₅ ja₁tín'₄ jme₂dsi₂ quiáng₃.
Jaun₂ jmó'₂ jéin₄ lián'₂ jě₁ma₂'eng₅₄ ja₁cong'₂.*

²⁹ 'Rin'₅₄ jniog₄, léi₄ dsón'₂ bá₄ ca₂jon₃ tsi₁jon₂ jmei₂ jniog₄ David, jaun₂ ca₂'oin₃. Nē₅ bá₄ chí'₅ guë'₂ tau₂ 'ñio₅ quió'₅ quian'₅₄ jniog₄ rē₂ně₃.

³⁰ La₁ David 'éi₂ jme₁lín₄ jan₂ i₂jme₁'ě₂ jág₁ quián₅ Diú₄, jaun₂ jme₁ñi₅ rē₂ a₂ca₂cuë'₃ Diú₄ jág₁ 'iin₂₃ 'ñiog₅, a₂le₃chan₂ jě₄ quió'₅ ja₁ñi'₅₄ chí'₂ dsio₅₄, jan₂ i₂lín₅ I₂rě₂'ín₁ quián₅ Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ñiog₅ David.

³¹ Co₂'nió'₄ a₂ma₂jág₂ bá₄ David le₂jñiá₅, ca₂juá'₂ a₂jen'₅₄ I₂rě₂'ín₁ quián₅ Diú₄. Jaun₂ ca₂juá'₂ ján₃ a₂tsá₃ jñia₃ jme₂dsi₂ quió'₅ jin₄ 'lag₄, † on₃ guë'₂ dsi₃ 'én₂ ni₁ñi₃ jua'₅₄ a₂siá'₃.

³² Ia₁ Diú₄ bá₄ ca₂jmo₃ ca₂jen'₅₄ táng₃ 'ñiog₅ Jesús 'éi₂. Ca₂le₃jág₃ bá₄ jnia'₅₄ ca₂tě₂ ne₄, jaun₂ lě₃ cuë'₂ jág₁ dsau₅.

³³ Jaun₂ ca₂chó'₂ Diú₄ quian'₅₄ gu₂ ne₁, ca₂jme₃juag'₂. Jaun₂ Diú₄ Jmei₂ ca₂cuin₃ Jme₂dsi₂ quián₅ ca₂cuin₃ Jesús, lia'₂ con'₂ lě₅ jág₁ quió'₅ ma₂cuë₃. Jaun₂ ca₂le₃jě₃ a₂ně₅ a₂ma₂jag'₅₄ a₂ma₂nei'₂ 'nia'₂, já₅ ne₄ 'éi₂ bá₄.

³⁴ Ia₁ on₃jua'₅₄ David ca₂uíg₂ guei'₅₄ i₂juíg₃, ia₁ 'ñiog₅ David ca₂juá'₃:

Ca₂juá'₂ Diú₄ ca₂tsí'₃ Te₁gui'₅₄ quiáng₃:
"Né₂ con₂ jniá₂ tē₂le₃ gu₃ ne₁,

³⁵ ca₂lia'₂ ca₂tě₂ jmīg₄
a₂tón'₁ jniá₂ dsa₂ i₂'iog₅₄ o₄tag'₄".[‡]

‡ 2:21 Joel 2:28-32. § 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄ a₂juá'₄, ja, quió'₄ 'lag₄. ‡ 2:35 Salmo 110:1.

36 Jui₁le₂ŋi₅ rē₂ ca₂le₃jín₃ dsa₂ chan₂ juig₂ Israel, jaun₂ tsá₃ jui₁'ei₅₄ caun₂-tín₃ dsi₅, ia₁ 'ŋiog₅ Jesús 'éi₂ bá₄, i₂ca₂tión₃ 'nia₂ cróg₄, Diú₄ ně₃ ma₂jmo₃ ma₂lín₅ lia₂ Te₁gui₅₄ lia₂ rē₂ I₂rē₂'ín₁ quiáin₅.

37 Jme₁ca₂nág₂ dsa₂ le₂ně₅ tioen₅₄, qui₂ca₂tá₂ 'lia₂ dsí₅ 'ŋio₅ lín₃. Jaun₂ ca₂ŋí₃ Pe₄ quiain₅₄ chi₂ dsi₂guia₃-tín₂ riin₅₄ ca₂juá₂:

—Rin₅₄ jniog₄, ċ'e₂ 'nió₅ jmó₁ jnia₅₄?

38 Jaun₂ ca₂ŋag₃ Pe₄:

—Jme₁tsín₄ 'nia₂ 'au₂, jen₄ 'nia₂ tē₂le₃ quió₅ Diú₄, chon₅₄ 'nia₂ jmig₂ le₂jang₂ le₂jang₂ lia₂ con₂ lě₅ 'éi₃ quió₅ Jesús, cué₅₄ léi₄ a₂qui₂ma₂'én₂ dsáu₂ 'nia₂. Jaun₂ gué₄ cuin₃ Diú₄ Jme₂dsí₂ Jŋió₅ quiáin₅.

39 Jág₁ ně₅ ca₂cuē₃ Diú₄ quián₂ 'nia₂ ca₂le₃jíng₃, ca₂le₃jín₃ chi₂-guein₂ quián₂ 'nia₂ ně₃, quian₅₄ ca₂le₃jín₃ gué₄ dsa₂ i₂chan₂ uíng₂. Jág₁ ně₅ quió₅ ca₂le₃jín₃ dsa₂ i₂'nio₃ Te₁gui₅₄ Diú₄ quián₂ jniog₄ tē₂.

40 Quian₅₄ jág₁ la₂, quian₅₄ 'lióng₂ gué₄ jág₁ siá₂, ca₂juá₂ Pe₄ tion₅₄ ca₂tsí₃ dsa₂:

—Lion₄ 'nia₂ jín₄ dsa₂ i₂ma₂i₂cón₅ rē₂ně₃.

41 Jaun₂ ca₂le₃jín₃ i₂ca₂tón₃ jui₅ ca₂nág₂ jág₁ dse₃ ca₂juá₂ Pe₄, qui₂ca₂ŋó₂ jmig₂. Jmig₄ jaun₂ con₂ 'ni₅ mei₅ dsa₂ i₃ton₅₄ tē₂le₃ jín₄ dsa₂ i₂ma₂'én₂ tē₂le₃ quió₅ Jesucristo.

42 Ca₂le₃jín₃ dsa₂ ca₂ŋa₃ tiá₂ ca₂le₃jě₃ jág₁ a₂jme₂tag₅ chi₂ dsi₂guia₃-tín₂. Caun₂ bá₄ jág₁ quió₅ ca₂jmo₃ ca₂le₃jín₃, chi₂lén₂ Diú₄, qui₂tóin₅ co₂lě₅, jmo₂₃ dsóg₁ i₁ŋí₄.

A₂ lia₂ jme₁chan₂ dsa₂ le₂'uig₅₄ i₂'én₂ jág₁ dse₃

43 'Ŋio₅ i₂gó₃ dsí₅ dsa₂ ca₂le₃jě₃ léi₄ a₂qui₂ca₂jmo₃ Diú₄ tē₂le₃ quian₅₄ dsi₂guia₃-tín₂ i₂chen₄ § quiáin₅.

44 Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió₅, jaun₂ ca₂le₃jě₃ a₂jme₁cha₂ quió₅, jme₁lě₄ quió₅ ca₂le₃jín₃ riin₅₄.

45 Ca₂le₃jě₃ 'e₂ cosa cha₂ quió₅, qui₂ca₂'nag₃, jaun₂ jme₁qui₂dsió₅ cu₄ jaun₂ 'ein₂ riin₅₄ 'nió₅ quió₅.

46 Ca₂le₃jě₃ jmig₄ jme₁ŋí₂ i₁dsi₅ guá₅ templo. Dsi₂néi₂ quió₅ ně₃, jme₁dsió₅ i₁ŋí₄ jme₁gué₅ co₂dsia₅, ca₂le₃jín₃ jmo₂₃ 'io₂, caun₂ bá₄ 'ei₅ dsí₅.

47 Ca₂le₃jín₃ jme₁cué₅ ti₁'mag₄ Diú₄, jaun₂ ca₂le₃jín₃ dsa₂ sián₂ jme₁'nioi₃ dsa₂ 'éi₂. Jaun₂ ca₂le₃jě₃ jmig₄ bá₄ jmo₅ Te₁gui₅₄ caun₂ dsi₂juín₂ dsa₂ i₂lón₂.

3

Ca₂'lón₂ jan₂ dsa₂ 'lian₂

1 Co₂ráun₂ dsióg₃ Pe₄ quiain₅₄ Juan₅₄ guá₅ templo con₂ hora ŋí₁ 'ni₅ tē₂le₃ ca₂'láu₂, * ia₁ hora jaun₂ jme₁ŋí₂ dsa₂ tián₂ chi₂lén₂ Diú₄.

2 Ca₂le₃jě₃ jmig₄ jme₁dsi₂ŋia₃ dsa₂ jan₂ dsa₂ 'lian₂ i₂tsá₃ lé₂ ŋi₃, le₂jaun₂ jme₁ma₂lín₅ lia₂ con₂ jme₁ca₂rě₃cháin₃, jme₁dsi₃jio₃ dsa₂ o₄'né₄ i₁dsi₅ guá₅, ja₁tě₂ dsa₂ O₄'né₄ Jlá₁. Ja₁jaun₂ jme₁qui₂mí₅ dsa₂ 'lian₂ 'éi₂ cu₄ quió₅ dsa₂ i₂dsi₂lén₂ guá₅.

3 Jme₁ca₂jág₃ dsa₂ dso₅₄ 'éi₂ ca₂ŋó₃ Pe₄ quiain₅₄ Juan₅₄ a₂dsi₃tóin₅₄ i₁dsi₅ guá₅, jaun₂ ca₂mí₃ cu₄ quió₅ dsa₂ on₃ 'éi₂.

4 Jaun₂ ca₂nau₂ Pe₄, Juan₅₄ ně₃, ca₂jíin₂ dsa₂ 'éi₂. Jaun₂ ca₂juá₂ Pe₄:

—Dse₃ jag₄ jnia₅₄.

§ 2:43 griego: apóstolous. * 3:1 lit. "hora ŋi₃."

5 Jaun₂ guá₅ dsa₂ 'éi₂ qui₂jín₂ Pe₄ quian'₅₄ Juan₅₄, ia₁ lín₂ cuë₃ dsa₂ ca₂la₂ cu₄.

6 La₁ jaun₂ ca₂juá'₂ Pe₄:

—Tsá₃ cu₄tiog₂, on₃ guë'₂ cu₄nióg₄ cha₂ quió₃ cuë₅₄. La₁ con'₂ a₂cha₂ quió₃, cuë₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ñi₄.

7 Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rë₃bén₂ mi₂tag₄ dsa₂ 'éi₂.

8 Jaun₂ ca₂ráun₂ ca₂nau₂ jaun₂ ca₂jme₃lióg₃ ca₂ñi₃. Jaun₂ ca₂'í₃ i₁dsi₅ guá'₅ quiaín'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cuë'₃ ti₁'mag'₄ Diú₄.

9 Ca₂le₃jín₃ dsa₂ i₂tion'₅₄ ja₁jaun₂, ca₂jín₂ dsa₂ 'éi₂ ñi₂₃ cuë'₅ ti₁'mag'₄ Diú₄.

10 Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cu₂ñin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁të'₂ dsa₂ quió'₅ Salomón

11 Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiaín'₅₄, tsá₃ téin₂ Pe₄, Juan₅₄ në₃. Jaun₂ ca₂lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiaín'₅₄ Juan₅₄ në₃.

12 Jme₁ca₂jág₃ Pe₄ le₂ñi'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lë₃ ñi₄ dsi₂gó'₃ 'au'₂ 'nia'₂? ¿'E₂ lë₃ jag'₅₄ 'nia'₂ jnia'₅₄ le₂në₃? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ në₅ a₂ma₂lé₂ ñi₃, jua'₅₄ a₂lág₅ jnia'₅₄ dsa₂ o₂dsan₂.

13 La₁ia₁ Diú₄ quián₅ tsi₁jon₂ jmei₂ jniog₄ Abraham, Isaac, Jacob në₃, Diú₄ 'éi₂ ca₂jme₃juin'₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guë₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂.

14 'Nió'₄ jme₁lon'₄ 'nia'₂ dsa₂ jnió₅ i₂tsá₃ 'e₂ dso₄ rin₂ 'éi₂, jë₂ bá₄ dsa₂ i₂ma₂ñi'₃ dsa₂ ca₂mi'₅₄ 'nia'₂ lión₂.

15 Jaun₂ le₂në₅ ca₂jñi'₃ 'nia'₂ dsa₂ i₂cuë₅ jme₂dsí₂. La₁ Diú₄ ca₂jme₃jein'₅₄ táng₃ jin₄ 'lag₄, jaun₂ ca₂le₃jë₃ a₂në₅ ca₂të₂ ne₄ jnia'₅₄.

16 Quian'₅₄ bí₂ quió'₅ 'ñiog₅ Jesús 'éi₂ ca₂'lión₂ dsa₂ i₂cu₂ñin'₂ 'nia'₂ i₂jín₄ 'nia'₂ në₅, ia₁ a₂'éin₂ jnia'₅₄ të₂le₃ quió'₅ Jesús. 'Éi₂ bá₄ në₂cuë₃ bí₂ quió'₅ dsa₂ në₅, jaun₂ ca₂'lón₂, co₂ñei'₅₄, jui₁lia'₂ jjin'₅₄ 'nia'₂ në₅.

17 'Guion₄ bá₄ jniá₂ dse₃, rin'₅₄ jniog₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂.

18 La₁ ca₂rë₃ti₃ jág₁ a₂ma₂'ë₂ Diú₄ le₂jñiá₅ të₂le₃ quian'₅₄ dsa₂ i₂jme₁'ë₂ jág₁ quiaín₅, a₂tion₅₄ ñág₃ uig₅ dsa₂ I₂rë₂'ín₁ quiaín₅.

19 Jaun₂ në₃, jme₁tsín₄ 'nia'₂ 'au'₂, jen'₅₄ 'nia'₂ të₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmi₃g₄ cuë₃ Te₁gui'₅₄ a₂le₃güin'₂ jme₂dsí₂ quián'₂ 'nia'₂,

20 a₂chein₃ táng₃ Jesús i₂lín₅ I₂rë₂'ín₁ quián₅ Diú₄, i₂ma₂lé₅ jág₁ le₂jñiá₅ jiá₃ quián'₂ 'nia'₂,

21 o₁jñia'₅₄ la₂ rë₂në₃ tion₅₄ 'nió'₅ guá₃ Jesús guei'₅₄ i₂juig₃ ca₂lia'₂ ca₂jmo₃ Diú₄ rë₂ ca₂le₃jë₃ lia'₂ con'₂ lë₅ jág₁ ma₂'ë₂ dsa₂ jnió₅ quiaín₅ ma₂líg'₂.

22 Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ë₂ jág₁ quiaín₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jme₁ti'₄ 'nia'₂ ca₂le₃jë₃ con'₂ 'éi'₃ a₂jmo₃ 'éi₂.

23 Ia₁ ca₂le₃jín₃ i₂tsá₃ jui₅ tón'₂ jág₁ quió'₅ dsa₂ i₂chen₄ quiaín₅ 'éi₂, dsi₃'éin₂, 'uíin₃ juig₂ Israel.”†

24 Jaun₂ le₂në₅ ca₂'ë₂ Samuel jág₁ le₂'uig₅₄, ca₂le₃jín₃ guë₄ dsa₂ i₂jme₁'ë₂ jág₁ quiaín₅ Diú₄ i₂ca₂o₃lén₂ cang₂ guë₄ jaun₂, qui₂ca₂juá'₂ lia'₂ lé₂ jmi₃g₄ në₃.

† 3:23 Deuteronomio 18:15,18-19.

25 Jág₁ a₂ca₂cuë₃ Diú₄ tē₂le₃ quian'₅₄ dsa₂ i₂jme₁'ě₂ jág₁ quiáin₅, ca₂cuë'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, ju₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”[‡]

26 Lia'₂ con'₂ jme₁ca₂chón'₂ § Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quian'₅₄ Juan₅₄ tióin₂ ne₄ dsi₂tan₅₄

1 Pe₄ quian'₅₄ Juan₅₄ tsá₃ ma₂dsan₃ bá₄ guě₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quian'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃.

2 Le₁'néi₃ 'ñio₅ lín₃, ia₁ jme₂tín₅ 'éi₂ dsa₂ a₂jen'₅₄ dsa₂ jin₄ 'lag₄ ju₁lia'₂ ca₂lě₃ léi₄ ca₂jen'₅₄ Jesús.

3 Jaun₂ ca₂ñau'₃ chi'₂ 'i'₅₄ ca₂tág₃ ca₂i₁tio'₂ né'₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂.

4 La₁ juin₅ bá₄ dsa₂ i₂ca₂nág₂ ca₂rě₃'éin₂ jág₁. Con'₂ 'ñiá₂ mei₅ dsa₂ i₂ca₂rě₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

5 Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tē₅juá'₅ ně₃.

6 Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro ně₃, ca₂le₃jín₃ guě₄ i₂lín₅ o₁rín'₅₄ jme₂dsa₂ dsen₅₄.

7 Jme₁ma₂le₁ñi'₂ jin₂, jaun₂ guě₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿'Ein₂ ca₂cuë₃ 'éi'₃, o₃ 'ein₂ ca₂cuë₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

8 Jaun₂ ca₂juá'₂ Pe₄, rě₂rín₅ Jme₂dsí₂ Jñi₅ tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃:

9 Chi₂jua'₂ a₂jaun₂ ñag'₅₄ 'nia'₂ ia₁ ca₂jmo₁ jnia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂ jme₁ñi₃, chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lě₃ a₂ca₂'lón₂,

10 ju₁le₃ñi'₅₄ bá₄ 'nia'₂, ju₁le₃ñi₅ bá₄ ca₂le₃jín₃ dsa₂ juig₂ Israel ně₃, a₂chén'₅ dsa₂ ně₅ jin'₄ 'nia'₂ ca₂'lón₂ quian'₅₄ bí₂ quió'₅ Jesucristo chan₂ Nazaret i₂ca₂tióin'₃ 'nia'₂ cróg₄, i₂ca₂jme₁jen'₅₄ táng₃ Diú₄ jin₄ 'lag₄.

11 Jesús 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ tē₅ i₂chi'₅ tsi₁'né₅,

la₁ ca₂dsi₃g₃ ca₂lě₃ ni₁cang₁ a₂dsen₅₄ guě₄.*

12 Ia₁ 'i₁jan₂ i₂sián'₂ tsá₃ chan₂ i₂le₃lión₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄ 'uě₃ la₂, a₂lé₂ 'iin₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juig₃, jñia'₅₄ lia'₂ jan₂ Jesús bá₄.

13 Jme₁ca₂jág₃ dsa₂ can'₅₄ dsi₂g₃' dsi₅ ca₂jín₂ Pe₄ quian'₅₄ Juan₅₄ 'a₂ lia'₂ tiá₂ dsi₅ 'éi₂ ñag₂₃ ne₅₄ le₂jaun₂, jaun₂ ca₂rě₃lí'₄ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄ si₂ cuí'₅ ně₃, jaun₂ guě₄ ca₂rě₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús.

14 Ia₁ jaun₂ bá₄ jme₁chén'₄ dsa₂ i₂ca₂'lón₂ 'éi₂ jě₄ jaun₂, jaun₂ lě₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅.

15 Jaun₂ ca₂'uín'₂ bá₄ Pe₄ quian'₅₄ Juan₅₄ jě₄ jaun₂, jaun₂ ca₂jmo₃ jág₁ guioin₅₄ 'a₂ lia'₂ jmo₃.

16 Ca₂dsia₃ jág₁, juá'₂:

‡ 3:25 Génesis 22:18; 26:4. § 3:26 o₃, “jme₁ca₂jme₁jen'₅₄.” * 4:11 Salmo 118:22.

—¿A₂ lia'₂ jmó₁ quian'₅₄ dsa₂ ně₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ŋi₅ a₂jmo₅ i₂ně₅ léi₄ juě'₂, jaun₂ tsá₃ lé₂ jua'₅₄ a₂jua'₅₄ jniog₄ a₂tsá₃ dsau₅.

17 La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin₄ dsa₂ juig₂, 'nió'₅ quiaín₅₄ jniog₄ juě'₅ ia₁jaun₂ tsá₃ ma₃i₃noi₅₄ qui₃'iin₃ guě₄ Jesús a₂tsí'₃ dsa₂ le₃ne₄ juí₅ ja₁dsau₅₄ ně₅.

18 Jaun₂ ca₂tě₃ dsa₂ i₂le₁ŋi'₂ 'éi₂ ca₂tě'₃ táng₃ Pe₄ quian'₅₄ Juan₅₄, jaun₂ ca₂jmo₃ 'éi'₃ ca₂tsí'₃ dsa₂ on₃ 'éi₂, a₂tsá₃ ma₃dsia₃ co₂ŋei'₅₄ on₃ guě'₂ jme₃tšin₂₃ dsa₂ a₂'iin₂₃ Jesús.

19 La₁ jaun₂ ca₂ŋag₃ Pe₄ quian'₅₄ Juan₅₄ ca₂juá'₂:

—'Nio'₄ 'nia'₂ 'au'₂ chi₂jua'₂ 'ŋio₅ guě₄ dse₃ jniá₂ ne₄ Diú₄, a₂néi₁ jnia'₅₄ gau₂ jág₁ quián'₂ 'nia'₂, 'nió'₄ a₂jme₁néi₁ jnia'₅₄ gau₂ jág₁ quió'₅ Diú₄.

20 La₁ jnia'₅₄ ně₃ tsá₃ lé₂ tí₄ a₂dsiá₁ ca₂le₃jě₃ a₂ma₂jag₅₄, a₂ma₂néi₁ ně₃.

21 Jaun₂ ca₂quiong₃ dsi₂tan₅₄ juě'₅, la₁ ca₂lió₂ bá₄ jaun₂ ně₃. Ia₁ tsá₃ ca₂dsó'₂ 'a₂ lia'₂ 'ě₂ uig₅, ia₁ ca₂le₃jín₃ bá₄ dsa₂ ma₂qui₂cuě'₃ ti₁'mag'₄ Diú₄ a₂ca₂tě₂ ne₅₄ a₂ca₂lě₃ jaun₂.

22 Jaun₂ dsa₂ ŋe'₂ i₂ca₂'lón₂ 'éi₂ quian'₅₄ léi₄ a₂dsi₂gó'₃ dsi₅, jme₁'ein₅₄ lě₅ guě₄ tě₂láu₃ ŋi₂.

Ca₂mi₃ dsa₂ 'én₂ a₂cuě₃ guě₄ Diú₄ bí₂ quió'₅

23 Jme₁ma₂lón₂ Pe₄ quian'₅₄ Juan₅₄, ca₂l₃lén₂ ja₁tion'₅₄ riin'₅₄, jaun₂ ca₂dsia₃ ca₂le₃jě₃ 'e₂ ca₂juá'₂ juig₅₄ jme₂dsa₂ quian'₅₄ dsi₂gui'₅₄ can'₅₄ a₂ca₂tsí'₃ 'éi₃.

24 Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lě₅ ca₂tsí'₃ Diú₄ ca₂juá'₂:

—Te₁gui'₅₄ quián₂ jniog₄, 'ne₂ bá₄ líng'₅ Diú₄ i₂ca₂jmo'₅₄ guei'₅₄ i₂juíg₃, quian'₅₄ gua'₅₄ 'uě₃, jmi₁ŋí'₄ ně₃, ca₂le₃jě₃ guě₄ 'e₂ a₂cha₂.

25 'Ne₂ bá₄ ca₂jua'₅₄ quian'₅₄ Jme₂dsí₂ Jŋió₅ quiáng'₂, jme₁ca₂juá'₂ 'lag₄ David dsa₂ quiáng'₂:

¿E₂ lě₃ tion'₅₄ dsi₂nau₂ co₂mi'₅₄?

¿E₂ lě₃ dsi₂jio₅ dsi₅ dsa₂ chan₂ mi₂güí₃
ca₂le₃jě₃ ne₅₄ a₂'lig'₅₄ a₂tsá₃ ta₁ tí₄?

26 Ca₂le₃jín₃ rag₅₄ ne₄ gua'₅₄ 'uě₃
qui₂ca₂quiín'₂ jág₁;

Ca₂le₃jín₃ dsi₂tan₅₄ quián₅ juig₂
qui₂ca₂nau₂ 'nei₂ ja₁con₂ Te₁gui'₅₄,
ja₁con₂ I₂rě₂'ín₁ quiáin₅ ně₃.†

27 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄má'₂ Poncio Pilato juig₂ la₂ quian'₅₄ dsi₂nau₂, dsa₂ israelitas ně₃. Ca₂quiín'₃ jág₁ ca₂jme₃'ŋiai₅₄ Jesús Ja₂ŋí'₂ jŋió₅ i₂rě₂'ín₁ quiáng'₂.

28 Quian'₅₄ a₂ně₅, ca₂jme₃ti₃ dsa₂ can'₅₄ 'éi₂ ca₂le₃jě₃ a₂'i₄ 'éi'₃ niog₅ lé₂.

29 Jaun₂ ně₃ Te₁gui'₅₄, jag₄ a₂quiong₅ dsa₂ juě'₅ jnia'₅₄. Cuě₄ bí₂ jnia'₅₄ dsa₂ quiáng'₂ ia₁jaun₂ tián₂ qui₂jme₁tin₅ guě₄ jnia'₅₄ dsa₂ jág₁ quiáng'₂, tsá₃ ju₁le₂go₃.

30 Cuě₄ bí₂ quiáng'₂ a₂lé₂ jme₁'lion₅₄ jnia'₅₄ dsa₂ dso'₅₄, a₂lé₂ jmó₁ léi₄ dsi₂gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ jŋió₅ i₂jme₂ti₃ quiáng'₂.

31 Jme₁ca₂dsan₃ chi₂lén'₂ Diú₄ le₂ně₅, ca₂i₁bi₅₄ ja₁tioin'₅₄, jaun₂ ca₂le₃jín₃ qui₂ca₂cain'₂ Jme₂dsí₂ Jŋió₅. Jaun₂ tsá₃ ma₃juě'₅ 'i₄ dsi₅ qui₂ca₂'ě₂ jág₁ dse₃ quió'₅ Diú₄.

Ca₂le₃jě₃ 'e₂ cha₂ jme₁lě₄ quió'₅ ca₂le₃jín₃

† 4:26 Salmo 2:1-2.

32 Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsí₅, caun₂ bá₄ 'ei₅ jme₂dsí₂ quió'₅ ca₂le₃jín₃. 'I₁jan₂ tsá₃ jua'₅₄ a₂jmo₂₃ quió'₅ 'ñio₅ 'e₂ caun₂ a₂cha₂ quió'₅. Jmo₂₃ bá₄ dsí₅ a₂quió'₅ co₂dsia₅ quiain'₅₄ riin'₅₄ ca₂le₃jě₃ 'e₂ a₂cha₂ quió'₅.

33 Caun₂ ca₂'ág₂ tiá₂ dsí₅ qui₂ca₂cuë₃ jág₁ dsau₅ dsi₂guia₃-tín₂ i₂chen₄‡ quián₅ Diú₄ 'éi₂, 'a₂ lia'₂ ca₂jen'₅₄ Te₁gui'₅₄ Jesús. Jaun₂ caun₂ qui₂ca₂cuë₃ Diú₄ bí₂ 'ñio₅ lín₃ quió'₅ ca₂le₃jín₃ dsa₂ i₂'én₂.

34 'I₁jan₂ tsá₃ 'ein₂ jua'₅₄ cha₂ qui₂ca₂rë₃'nió'₅ quió'₅, ia₁ dsa₂ i₂cha₂ 'uë₃, o₃ i₂tióng₂ 'né₅ quió'₅ ně₃, qui₂ca₂'nag₃.

35 Jaun₂ ca₂o₃can₅ cu₄ jaun₂, ca₂jín₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsi₂ó'₃ ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅.

36 Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ ně₃ ca₂quiain₃ Sě₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄.§

37 Bernabé 'éi₂ ca₂'nag₃ caun₂ 'uë₃ quió'₅ a₂jme₁cha₂. Ca₂le₃jě₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'nú₂ Ananías quiain'₅₄ Safira

1 La₁ jan₂ dsa₂ sián'₂ i₂jme₁chen₂ Ananías quiain'₅₄ Safira 'io₅₄ quián₅, ca₂'nag₃ caun₂ 'uë₃ quió'₅.

2 Dsa₂ ñe'₂ 'éi₂ ca₂'ma₃ ca₂dsio₄ cu₄ jaun₂ 'ñio₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄* quián₅ Jesús, lia'₂ jag₄ bá₄ a₂i₁can₅ ta₁jě₂. Ján₃ bá₄ ñi₅ 'io₅₄ quián₅.

3 Jaun₂ ca₂juá'₂ Pe₄ ca₂tsí'₃ Ananías:

—¿'E₂ lě₃ ca₂'í₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ Jñi₅, a₂ca₂'ma'₅₄ ca₂dsio₄ cu₄ a₂ca₂quí₃ dsa₂ 'lia'₅₄ 'uë₃ quiáng'₂?

4 ¿On₁jua'₅₄ quiáng'₂ 'uë₃ a₂ně₂'nag'₅₄? ¿On₁jua'₅₄ quiáng'₂ cu₄ jaun₂ ně₃? ¿'E₂ lě₃ ca₂i₃jio₅ 'au'₂ jmó'₂ le₂ně₅? Diú₄ bá₄ ně₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂güí₃.

5 Dsi₂jui₅ jme₁ně₂néi₂ Ananías le₂ně₅, ca₂quin'₃ ca₂join₃. Jaun₂ ca₂le₃jín₃ dsa₂ i₂ca₂rë₃ñi₅ a₂ca₂lě₃ le₂jaun₂ ca₂rë₃gó'₅ 'ñio₅ lín₃.

6 Jaun₂ ca₂o₃lén₂ on₃-ún₂ chi'₂ dsa₂ ñe'₂, ca₂lio₃ 'mi'₂ ni₁ñi₁₂, jaun₂ ca₂i₁'ó₄.

7 Tsá₃ jaun₂ ñi₅ 'io₅₄ quián₅ Ananías a₂ca₂lě₃ le₂jaun₂, jaun₂ ca₂dsi₂óg₃ con'₂ 'ni₅ hora cang₂ jaun₂.

8 Jaun₂ ca₂ñag₃ Pe₄ ca₂ñí'₃ 'io₅₄:

—Jua'₅₄ dsón'₂. ¿'Ma'₅₄ jaun₂ ně₂'nag'₅₄ 'nia'₂ 'uë₃ con'₂ lě₃ jág₁ juá'₂ 'nia'₂?

Jaun₂ ca₂ñag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

9 Jaun₂ ca₂juá'₂ táng₃ Pe₄:

—¿'E₂ lě₃ ně₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ ně₅ ma₂ja₂len₃ táng₃ dsa₂ i₂ma₃i₁'ón₄ dsi₂i₂gog'₂. Ně₃ guě₄ tē₂ táng₃ 'ne₂.

10 Dsi₂jui₅ le₂jaun₂ ca₂quin'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂l₃ton'₅₄ chi'₂ dsa₂ ñe'₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rě₂'on₅ dsi₂l₂gu₂.

11 Jaun₂ ca₂rë₃gó'₅ 'ñio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ guě₄ dsa₂ sián'₂ i₂ca₂rë₃ñi₅ a₂ca₂lě₃ jaun₂.

Lióng₂ léi₄ juë'₂ a₂dsi₂gó'₃ dsí₅ ně₃, ca₂lě₃

‡ 4:33 griego: apóstolous. § 4:36 lit. “jaun₅ lián'₂.” * 5:2 griego: apóstolous.

12 Quian' ₅₄ bí₂ quió' ₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juë' ₂ a₂dsi₂gó' ₃ dsi₅ jin₄ dsa₂. Jaun₂ jme₁ñi' ₂ dsa₂ i₁dsi₅ guá' ₅ templo ja₁lë₄ corredor ja₁të' ₂ dsa₂ quió' ₅ Salomón.

13 'I₁jan₂ tsá₃ ca₂tiá₂ dsí₅ jme₃quian' ₅₄ dsa₂ i₂'én₂ 'éi₂, la₁ jme₁jme₂go₃ bá₄.

14 La₁ juin₅ bá₄ dsa₂ ñe' ₂, lia' ₂ dsa₂ mí₂ në₃, ca₂rë₃'én₂ të₂le₃ quió' ₅ Te₁gui' ₅₄.

15 Ca₂lia' ₂ jme₁dsi₂jñiai₃ jë₄ calle dsa₂ dso' ₅₄ tián' ₅ ne₄ cama, ne₄ tsi₁jein₁ në₃, ia₁jaun₂ tsá₃ a₂nag₅₄ jñia' ₅₄ 'én' ₁ quió' ₅ bá₄ Pe₄ të₅₄ quió' ₅ i₂lin₅₄ dsa₂ dso' ₅₄ 'éi₂.

16 Ján₃ bá₄ ca₂o₃lén₂ juin₅ dsa₂ chan₂ juig₂ ma₂quián₅ Jerusalén, le₁jñiai₂₃ dsa₂ le₁dso' ₅₄, dsa₂ i₂tion' ₅₄ jme₂dsí₂ 'lin' ₅₄ të₂dsí₅ në₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lón₂.

Ca₂co₃'ein₃ dsa₂ quió' ₅ Pe₄ quian' ₅₄ Juan₅₄

17 Jaun₂ ca₂rë₃'iog₅₄ 'ñio₅ lin₃ jme₂dsa₂ dsen₅₄, quian' ₅₄ riin' ₅₄ i₂jme₁lín₄ saduceos.

18 Jaun₂ ca₂jñai' ₃ dsa₂ i₂chen₄ quián₅ Jesús, ca₂i₁tio' ₂ 'né₅ 'má₃.

19 La₁ a₂'uë₂ jaun₂, ca₂ñe₄ jan₂ ángel quián₅ Te₁gui' ₅₄ ca₂niá₃ 'né₅ 'má₃, ca₂'uín' ₂ dsa₂ i₂chen₄ 'éi₂, ca₂juá' ₂:

20 —O₂nó' ₅ 'nia' ₂ i₁dsi₅ guá' ₅ templo, o₂nau₂ o₂chei' ₅₄ 'nia' ₂ dsa₂ jág₁ dse₃ quió' ₅ Jui₅ 'mí₂ la₂.

21 Jme₁ca₂nág₂ jág₁ në₅, të₃ o₃'iog₂ jme₁jnia₃ jaun₂ ca₂i₁lein₅₄ guá' ₅ ca₂i₁jme₁tiin₂₃ dsa₂.

Jmig₄ jaun₂ ca₂të₃ jme₂dsa₂ dsen₅₄ ca₂ñi' ₂ dsi₂tan₅₄ quián₅ guá' ₅, jaun₂ ca₂jmo₃ 'éi' ₃ i₁të₂ dsa₂ i₂chen₄ quián₅ Jesús i₂tion' ₅₄ 'né₅ 'má₃ 'éi₂.

22 La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion' ₅₄ chan₂. Jaun₂ ca₂i₃lein₃ táng₃ i₁con₂ jág₁,

23 juá' ₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tión₂ bá₄ guë' ₂ 'lióg₂ jmo₂₃ 'í₁ cau₅ o₄'né₄ në₃. La₁ jme₁në₂tió' ₄ jnia' ₅₄ dsi₂néi₂, tsá₃ ma₃dsa₂ i₂jme₁tion' ₅₄ chan₂ 'i₁jan₂.

24 Jme₁ca₂nág₂ juig₅₄ jme₂dsa₂, juig₅₄ chi' ₂ 'i' ₅₄ quián₅ guá' ₅ në₃, jaun₂ dsi₂gó' ₃ dsí₅ qui₂ca₂ñi' ₃ riin' ₅₄ 'a₂ dsi₁quén' ₅ ca₂le₃jë₃ a₂në₅.

25 Jaun₂ ca₂dsióg₃ jan₂ dsa₂ quian' ₅₄ jág₁, jaun₂ ca₂juá' ₂:

—Dsa₂ i₂ca₂jne' ₅₄ 'nia' ₂ 'né₅ 'má₃, ó₃ bá₄ ma₂tióin₂ i₁dsi₅ guá' ₅ jme₂tiin₂₃ dsa₂.

26 Jaun₂ në₃ ca₂lén₂ chi' ₂ 'i' ₅₄ quian' ₅₄ juig₅₄ quián₅, jaun₂ ca₂i₁chong' ₅₄ táng₃ lia' ₂ 'i₄ rë₂ jág₁. Tsá₃ uig₅ ca₂jmo₃g' ₂, ia₁ gó' ₅ qui₃jnú' ₂ cang₄ dsa₂ i₂le₁ñi' ₂ ja₁jaun₂.

27 Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei' ₃ dsi₂jo₂ ja₁le₁ñi' ₂ dsi₂tan₅₄ quián₅ guá' ₅. Jaun₂ ca₂juá' ₂ jme₂dsa₂ dsen₅₄ ca₂tsí' ₃ dsa₂ 'éi₂:

28 —Ca₂jne₅₄ jnia' ₅₄ co₂ñei' ₅₄ a₂tsá₃ ma₃jme₁tin' ₅ 'nia' ₂ dsa₂, jua' ₅₄ a₂'ín' ₄ guë₄ 'nia' ₂ Jesús 'éi₂. ¿'E₂ ma₂jmo' ₅₄ guë' ₂ 'nia' ₂? Caun₂ qui₂jme₂tin' ₁ 'nia' ₂ dsa₂, tsá₃ jág₁ cán' ₁, ca₂lia' ₂ ta₁caun₂ juig₂ Jerusalén ma₂rë₂rin₅ quian' ₅₄ jág₁ a₂jme₂tiin' ₁ 'nia' ₂. A₂'niog' ₂ 'nia' ₂ bog' ₅₄ jnia' ₅₄ dso₄ a₂ca₂jon₃ dsa₂ 'éi₂.

29 Jaun₂ ca₂ñag₃ Pe₄ quian' ₅₄ dsa₂ i₂chen₄ riin' ₅₄:

—'Ñio₅ guë₄ dsen₅₄ ta₁ jme₁ti₁ jnia' ₅₄ 'éi' ₃ quió' ₅ Diú₄, con' ₂ guë₄ 'éi' ₃ quió' ₅ dsa₂ mi₂güig₃.

30 Diú₄ quián₅ dsa₂ can' ₅₄ quián₂ jniog₄ ma₂líg' ₂, Diú₄ 'éi₂ bá₄ ca₂jme₃jen' ₅₄ Jesús i₂ca₂jñi' ₃ 'nia' ₂ ca₂tióin' ₃ cróg₄.

† 5:22 o₃, chi' ₂ 'i' ₅₄ quián₅ guá' ₅.

31 Diú₄ ně₃ ma₂ca₂chó'₂ guei'₅₄ jaun₂ ma₂guá₅ cau₅ quió'₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄ i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsáu₁.

32 Ca₂le₃jág₃ bá₄ jnia'₅₄ ca₂tě₂ ne₄ a₂ně₅, ján₃ bá₄ jáng'₅ jág₁ dsau₅ Jme₂dsí₂ Jnió₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

33 Ca₂rě₃'né₃ 'nio₅ lin₃ dsa₂ can'₅₄ jme₁ca₂nág₂ le₂ně₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂.

34 La₁ jě₄ quió'₅ dsí₂tan₅₄ jaun₂, jme₁'en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₅juá'₅, jaun₂ jme₁jme₂go₃ dsa₂ 'nio₅ lin₃. Jaun₂ ca₂nau₂ dsa₂ 'éi₂ jě₄ quió'₅ dsí₂tan₅₄, ca₂mi₃ a₂'uín'₂ ca₂tiá₂ dsa₂ i₂chen₄ 'éi₂.

35 Jme₁ca₂'uín₂ 'éi₂, jaun₂ ca₂juá'₂ Gamaliel ca₂tsí'₃ dsí₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ ně₅.

36 Dsá₂ 'au'₂ 'nia'₂ jmo₄ a₂ca₂lě₃, ma₂ņó₃ ca₂la₂ 'lióng₂ ŋi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂ dsen₅₄. Jaun₂ ca₂jme₃quiong'₅₄ con'₂ quén₂ 'njiá₂-lón₂ dsa₂ ŋe'₂. La₁ jme₁ca₂ņag'₃ dsa₂, ca₂le₃jín₃ dsa₂ i₂jme₁quiain'₅₄ ně₃ ca₂i₃lén₂ jma₃quén₅.

37 Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂ņag'₃ dsa₂. Ca₂le₃jín₃ bá₄ dsa₂ i₂jme₁quiain'₅₄ ně₃ ca₂i₃lén₂ tsí₁rě₂jain₅₄ táng₃ jme₁ma₂jon₅ 'éi₂.

38 Jaun₂ lě₃, tsá₃ 'e₂ jmag'₅₄ dsa₂ ně₅, tsá₃ lě₁tón'₂ 'nia'₂ mi'₅₄ quiain'₅₄. Ia₁ ně₂juá'₂ jág₁ ně₅ lě₅ cosa quió'₅ dsa₂ mi₂güig₃, a₂lě₁dsi₃'én₂ bá₄ ně₅.

39 La₁ia₁ ně₂juá'₂ lě₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'éng'₄. Jaun₂ 'í₁ jmo₄ ia₁ con'₂ tsá₃ ŋó₅ ně₂juá'₂ quiain'₅₄ Diú₄ quín'₂ 'nia'₂.

40 Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tě₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsí₂tan₅₄ 'éi'₃ a₂bóg₂ dsa₂. Jaun₂ ca₂jně₃ táng₃ tsá₃ cuě₂₃ jmig₄ jua'₅₄ a₂'ě₂ guě₄ dsa₂ 'éi₂ jág₁ a₂'in₂₃ Jesús. Jaun₂ ca₂lió₂ bá₄ jaun₂ ně₅.

41 Jme₁ca₂'uín₂ dsa₂ i₂chen₄ quián₅ Jesús 'éi₂, jin₄ dsí₂tan₅₄, jmo₂₃ 'io'₂, ia₁ ca₂cuě₃ Diú₄ jmig₄ ca₂i₃ŋí₂ o₂guí'₃ o₄quió'₄ Jesús.

42 Jaun₂ caun₂ ca₂i₁nioi₁₂ bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jě₃ jmig₄, lia'₂ i₁dsi₅ guá'₅ templo, lia'₂ dsí₂néi₂ quió'₅ dsa₂ ně₅.

6

Ca₂'nai'₂ guion₃ dsa₂ i₂jme₃'o₅₄ *

1 Jmig₄ jaun₂ caun₂ dsí₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ i₂'in₂₃ 'io₅₄ 'nág₂ chan₂ quián₅ tsá₃ lin₄ dse₃ jme₁cuě'₅ dsa₂ juí₁lia'₂ 'e₂ má₃ dsíó'₅ ca₂le₃jě₃ jmig₄.

2 Jaun₂ ta₁guia₃-tín₂ dsa₂ i₂chen₄† quián₅ Jesús ca₂ŋí'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄ mesas a₂dsio'₅₄ jnia'₅₄ má₃.

3 Jaun₂ lě₃ rin'₅₄ jniog₄, 'in₅₄ 'nia'₂ guion₃ dsa₂ tē₃jin'₄ 'nia'₂, i₂'ei₅ jág₁ a₂'en₅₄ dsí₅, a₂rě₂rin₅ Jme₂dsí₂ Jnió₅ tē₂dsí₅, jaun₂ cuě'₅₄ 'nia'₂ ta₁ ně₅.

4 Jnia'₅₄ guě'₂ caun₂ qui₁chei₅₄ Diú₄, caun₂ qui₂jme₁tin₅ jnia'₅₄ dsa₂ jág₁ quió'₅ Diú₄.

5 Jaun₂ ca₂le₃jín₃ dsa₂ ca₂tě₂ dsí₅ a₂ně₅, jaun₂ ca₂quióin'₂ dsa₂ i₂chen₂ Esteban i₂'én₂ 'nio₅ lin₃, i₂rě₂rin₅ Jme₂dsí₂ Jnió₅ tē₂dsí₅; Fe₂li₄ ně₃, Prócoro, Nicanor,

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolos.

Timón, Parmenas, Nicolás ně₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jñiá₅ 'Éi'₃ Juá'₅ quió'₅ dsa₂ judíos.

⁶ Jaun₂ ca₂o₃jñiá₃ dsa₂ dsa₂ guion₃ i₂ca₂'iin₃ 'éi₂ ja₁tión₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

⁷ Jaun₂ caun₂ ca₂i₃'ág₃ jág₁ quió'₅ Te₁gui'₅₄ jë₄ juig₂ Jerusalén, jaun₂ caun₂ ca₂i₃juín₂ bá₄ dsa₂ i₂ca₂rë₃'én₂, ca₂të₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rë₃'én₂ juin₅.

Ca₂jña'₃ dsa₂ Esteban

⁸ Esteban, dsa₂ i₂'ñio₅ lín₃ ma₂cuë₃ Diú₄ jui₅bí₂, ma₂jme₂'o₅₄ ně₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅jin₄ dsa₂ juig₂.

⁹ Jaun₂ i₂lín₅₄ dsa₂ quián₅ guá'₅ sinagoga i₂jme₁të'₂ dsa₂ Libertinos, quiaín₅₄ i₂lín₅₄ dsa₂ chan₂ Cirene, i₂lín₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uë₃ Asia ně₃, ca₂jme₃lióg₃ ca₂tsiin₂ quian'₅₄ Té₂.

¹⁰ La₁ tsá₃ ca₂tio₃, ia₁ a₂nio₃ dsi₄ 'éi₂, tiin₂ 'a₂ lia'₂ ñag₃, ia₁ Jme₂dsi₂ Jñió₅ bá₄ cuë₅ bí₂.

¹¹ Jaun₂ ca₂lái₂ dsa₂ i₂jáng'₃ jág₁ të₂jág₁, a₂juá'₂ a₂ma₂ñág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ ně₃.

¹² Jaun₂ le₂jaun₂ ca₂tóin'₂ co₂mi'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, të₅juá'₅ ně₃, ca₂jmái'₂ mi'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅.

¹³ Jaun₂ ca₂'nai'₂ ján₃ dsa₂ i₂jmo₃ jág₁ të₂jág₁ a₂'ni₃ Té₂. Jaun₂ ca₂juá'₂:

—Dsa₂ ně₅ caun₂ qui₂juá'₂ 'lig'₅₄ 'ë₂₃ guá'₅ jñió₅, 'ë₂₃ 'Éi'₃ Juá'₅ ně₃.

¹⁴ Já₃ bá₄ ma₂ca₂néi₁ jnia'₅₄ juá'₂ i₂në₅ a₂'én₂ Jesús chan₂ Nazaret guá'₅ a₂jme₃tsiin₃ tag₄ chí'₅ ca₂quiog₂ Moisés.

¹⁵ Jaun₂ dsi₂tan₅₄ quiaín₅₄ ca₂le₃jín₃ guë'₄ dsa₂ i₂jme₁tion'₅₄ le₁ñi'₂ ja₁jaun₂, ca₂jii₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Jág₁ ca₂ton₃ Esteban

¹ Jaun₂ ca₂ñag₃ jme₂dsa₂ dsen₅₄ ca₂ñi'₃ Té₂:

—¿Dson'₂ dsau₅ ca₂le₃jë₃ a₂juá'₂ dsa₂ ně₅?

² Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ ně₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jniai₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uë₃ Mesopotamia né'₃ a₂dsi₃guá₃ juig₂ Harán.

³ Jaun₂ ca₂juá'₂ Diú₄: “Tí₃ 'uë₃ quiáng'₂, tén₃ ca₂le₃jín₃ o₁ríng'₂, gua₂ jui₅ 'uë₃ ja₁i₁'ë₃ jniá₂.”*

⁴ Jaun₂ ca₂ñó₃ Abraham ca₂o₃'iin₃ 'uë₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jñiá₃ Abraham 'uë₃ la₂ ja₁tián'₄ 'nia'₂ rë₂në₃.

⁵ La₁ tsá₃ jua'₅₄ 'e₂ ca₂cuë₃ Diú₄ 'uë₃ la₂, on₃ guë'₂ ja₁chi'₃ caun₂ tag₅₄ jua'₅₄ ca₂cuë₃. La₁ ca₂cuë₃ bá₄ Diú₄ jág₁ quió'₅ a₂cuë₃ 'uë₃ la₂, a₂jmo₃ le₃cha₂ quió'₅ chí'₂ quián₅ bá₄ Abraham jë₁ma₂join₂₃, o₁jñiá'₅₄ guë'₂ jmig₄ jaun₂ tsá₃ chí'₂ quián₅ Abraham jme₁chan₂ 'i₁jan₂.

⁶ Jaun₂ ca₂juá'₂ Diú₄ ján₃, ca₂le₃jín₃ chí'₂ dsio₄ Abraham tain'₃ jui₁lia'₂ ja₁tián'₄ dsi₂nau₂ caun₂ 'uë₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lë₁jmo₃ ta₁ jme₂ti₃ ta₁ ne₄ dsa₂.

* 7:3 Génesis 12:1.

7 La₁ ján₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ě₄ uig₅ ne₄ juig₂ i₂jmá'₂ dsa₂ quiáng₃ i₂tion'₅₄ i₂lě₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'uín₃ juig₂ jaun₂, jaun₂ ja₃lěin₂ jme₃ti₃ ta₁ ne₃ ja₁lá₃.”†

8 Já₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ni₁lo₁ ta₁jín₂ chi'₂ dsa₂ ňe'₂ tsi₁jon₂ quián₅, a₂li'₅₄ jág₁ a₂tě₃ron₅₄. 'Uig₅₄ jaun₂, jme₁ca₂rě₃chán₃ ja₁ŋi'₅₄ i₂ca₂rě₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ jŋia₃ jmig₄. Já₃ bá₄ le₂jaun₂ ca₂jmo₃ Isaac quian'₅₄ Jacob ja₁ŋi'₅₄. Já₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ŋi'₅₄ i₂ca₂lin₃ jmei₂ ta₁guia₃-tín₂ juig₂ ja₁tén₄ Israel.

9 'Ca₂le₃jín₃ chi'₂ ja₁ŋi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jín₂ Sě₄ riin'₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂tě₂ 'uě₃ Egipto. La₁ Diú₄ bá₄ ca₂jmo₃ 'í₁ quió'₅ Sě₄,

10 qui₂ca₂lió₂ ca₂le₃jě₃ 'e₂ ca₂i₃ŋí₂ ca₂jmo₃ ca₂rě₃ŋí'₂ dsí₅ 'ŋio₅ lín₃. Já₃ bá₄ ca₂jmo₃ Diú₄ a₂chéin'₅ dse₃ quian'₅₄ i₂tě'₂ dsa₂ Faraón, i₂lín₅ rag₅₄ quián₅ 'uě₃ Egipto. Rag₅₄ 'éi₂ ca₂'i₃ Sě₄ a₂lěin₂ dsi₄má'₂ 'uě₃ Egipto. Já₃ bá₄ ca₂jmo₃ a₂nio₃ ne₄ 'éi₂ dsi₂néi₂ quió'₅.

11 'Cang₂ jaun₂ ca₂gua₃ ŋi₂ a₂ca₂ŋág₃ uig₅ 'ŋio₅ lín₃ a₂ca₂rě₃'ín₃ a₂guě'₃ dsa₂ ta₁caun₂ 'uě₃ Egipto quian'₅₄ 'uě₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guě'₃.

12 Jme₁ca₂rě₃ŋi₅ Jacob a₂cha₂ trigo 'uě₃ Egipto, jaun₂ ca₂chein₃ chi'₂ ja₁ŋi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guě₄ le₂'uig₅₄ ca₂i₁lein₅₄.

13 Jme₁ca₂tě₂ tin₃ ráun₂ i₁len₅₄ riin'₅₄ Sě₄ 'uě₃ Egipto, jaun₂ ca₂jmo₃ Sě₄ a₂ca₂rě₃ŋi₅ a₂lě₅ riin'₅₄ dsa₂ 'éi₂. Jaun₂ guě₄ ca₂rě₃ŋi₅ rag₅₄ quián₅ Egipto 'e₂ tsi₁jon₂ lín₅ Sě₄.

14 Jaun₂ guě₄ ca₂tsí'₃ Sě₄ dsó₂ riin'₅₄ a₂dsi₃quián₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lě₂ 'nag'₂ ne₂guióg₂ rě₂dsí₂ guia₃-ŋiá₂ (75) dsa₂.

15 Le₂jaun₂ ca₂lě₃ a₂ca₂ŋó₃ Jacob ca₂i₁gua₂ 'uě₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quián₅ i₂'nió'₄ jmei₂ jniog₄ ma₂líg'₂.

16 Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ŋio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí'₃.

17 'Jme₁ja₂quián₃ jmig₄ le₃ti₃ jág₁ ca₂cuě₃ Diú₄ 'iin₂₃ 'ŋiog₅ ca₂cuě'₃ Abraham, ca₂i₃juín₂ 'ŋio₅ lín₃ dsa₂ israelitas 'uě₃ Egipto.

18 Jaun₂ ca₂guá₂ jan₂ rag₅₄ i₂tsá₃ cuin₅ Sě₄, ca₂jme₃lióg₃ jmo₂₃ 'éi'₃ 'uě₃ Egipto.

19 Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂téin₂ guein₂ dsa₂ ňe'₂ i₂tě₂ca₂rě₃chán₃, ia₁jaun₂ dsián₃.

20 'Jmig₄ jaun₂ ca₂rě₃chán₃ Moisés. Guein₂ 'éi₂ ca₂tě₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ni₅ tsi'₂ dsi₂néi₂ quió'₅.

21 Jme₁ca₂tě₂ jmig₄ a₂tóin₂ guein₂ 'éi₂, jaun₂ ja₁míg₄ 'ŋiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ŋi'₅₄ 'ŋiog₅.

22 'Uig₅₄ jaun₂, ca₂rě₃tín₃ Moisés ca₂le₃jě₃ a₂ŋi₅ dsa₂ chan₂ Egipto, jaun₂ ca₂rě₃'uáin'₃, 'ŋio₅ lín₃ ŋi₅ 'e₂ jág₁ dsia₃, ŋi₅ a₂ca₂jmo₃ ně₃.

23 'Jme₁ma₂'ein₅₄ tě₂láu₃ ŋi₂, jaun₂ ca₂ŋe₄ Moisés ca₂i₁jin₁₂ dsa₂ go₅₄ dsa₂ israelitas.

24 Ja₁jaun₂ ca₂jín₂ jan₂ dsa₂ chan₂ Egipto jmái'₂ uig₅ cuě'₅ jan₂ dsa₂ go₅₄. Jaun₂ ca₂nau₂ Moisés 'nei₂ quiain'₅₄ i₂cuě'₅ riin'₅₄, ca₂ŋi₁'₃ dsa₂ 'éi₂, ca₂lióin₂ dsa₂ go₅₄.

† 7:7 Génesis 15:13-14.

25 Ia₁ ca₂i₃jio₅ dsí₅ jaun₂ le₃lí₄ dsa₂ israelitas rin₅₄, a₂jmo₃ Diú₄ lió₂ të₂le₃ quian₅₄ 'éi₂. La₁ tsá₃ ca₂rē₃lí₄ guē₂ dsa₂.

26 Jme₁jnia₃ jaun₂, ca₂jen₂ Moisés on₃ dsa₂ israelitas i₁tion₅₄ quín₂. Jaun₂ jme₁'nio₃ Moisés dsioin₃ mi₅₄. Jaun₂ ca₂juá₂: “Rín₂ bá₄ 'nia₂. ¿'E₂ lē₃ qui₂jma₅₄ 'nia₂ uig₅ le₂jang₂ le₂jang₂?”

27 'Jaun₂ i₂jme₁'en₅₄ cuē₅ rin₅₄ ca₂'liain₃ Moisés cau₅, jaun₂ ca₂juá₂: “¿'Ein₂ ca₂cuē₃ 'ne₂ ta₁ líng₅ dsi₂tan₅₄ i₂qui₂dsi₅ 'éi₃ ja₁con₂ jnia₅₄?”

28 ¿'Niog₂ jnág₄ jniá₂ ján₃ jui₁lia₂ ca₂jnág₃ dsióg₂ dsa₂ chan₂ Egipto 'éi₂?” ‡

29 Jme₁ca₂nág₂ Moisés le₂nē₅, co₂tan₅₄ ca₂cuing₃ ca₂ηó₃ jui₅ 'uē₃ ja₁chei₂ Madián. Ja₁jaun₂ ca₂i₁gua₂ co₂'nió₄ a₂lín₅ dsi₂nau₂. Ja₁jaun₂ ca₂rē₃chán₃ on₃ chi₂ quiáin₅.

30 "Tē₂láu₃ ηi₂ cang₂ jaun₂, caun₂ ja₁lē₄ 'uē₃ quein₂ quián₅ má₂ ja₁chei₂ Sinai, ja₁jaun₂ ca₂jme₃jnia₅ jan₂ ángel jē₄ si₂ chi₁guí₂ caun₂ ni₁'ma₂ taun₅ a₂cau₂.

31 Jaun₂ ca₂i₃gó₃ dsí₅ Moisés jme₁ca₂jág₃ a₂nē₅, jaun₂ jme₁ca₂jme₃quiáin₃ guē₄ ia₁ 'nio₃ jme₁jág₃ guē₄ dse₃. Tē₃jē₄ ηó₃ jaun₂ jme₁ca₂nág₂ jág₁ quió₅ Te₁gui₅₄ a₂ca₂juá₂:

32 “Jniá₂ bá₄ líng₅ Diú₄ quián₅ dsa₂ quiáng₂ ma₂líg₂, Diú₄ quián₅ Abraham, quián₅ Isaac, quián₅ Jacob ně₃.” § Jaun₂ ca₂jme₃lióg₃ ca₂jlen₃ Moisés ca₂rē₃gó₅ 'ηio₅ lin₃, tsá₃ ma₃tiá₂ dsí₅ jág₃.

33 'Jaun₂ ca₂juá₂ táng₃ Te₁gui₅₄: “Jniá₃ lau₂ ton₅ tag₅₄, ia₁ 'uē₃ jnió₅ bá₄ ja₁chéng₄ ně₅.

34 Jág₅ bá₄ jniá₂ a₂chan₂ uig₅ dsa₂ quiáng₃ 'uē₃ Egipto, qui₂nag₅ bá₄ jniá₂ a₂qui₂'-o₂₃. Jaun₂ lē₃ ca₂síong₃ ia₁ a₂loin₅₄. Nia₅, ia₁jaun₂ tsag₅₄ jniá₂ quang₅₄ jui₅ Egipto”.*

35 'O₁jnia₅₄ la₂ tsá₃ jme₁'nio₃ dsa₂ go₄ Moisés le₂jniá₅, ia₁ ca₂juá₂: “¿'Ein₂ ca₂'in₃ 'ne₂ a₂líng₅ dsi₂tan₅₄ i₂qui₂dsi₅ 'éi₃ ja₁con₂ jnia₅₄?” la₁ Diú₄ ně₃ ca₂chein₃ Moisés a₂lín₅ co₂'nió₄ dsi₂tan₅₄ i₂lió₂, të₂le₃ quian₅₄ ángel i₂ca₂jme₃jnia₅ jē₄ ni₁'ma₂ taun₅ jaun₂.

36 Moisés bá₄ dsa₂ i₂ca₂'uín₂ dsa₂ can₅₄ quián₂ jniog₄ ma₂líg₂ 'uē₃ Egipto i₂qui₂ca₂jmo₃ ján₃ 'lióng₂ léi₄ juē₂ a₂dsi₂gó₃ dsí₅ ně₃. Léi₄ jaun₂ ca₂jmo₃ Moisés 'uē₃ jaun₂, quian₅₄ ne₄ Jmi₁ηí₄ Guéin₂, † quian₅₄ 'uē₃ quein₂ co₂ηiog₅ ja₁ca₂i₁nioi₁₂ të₂láu₃ ηi₂.

37 Jaun₂ 'ηiog₅ Moisés 'éi₂ bá₄ ca₂tsí₃ dsa₂ israelitas: “A₂chen₃ Diú₄ jan₂ dsa₂ i₂'ē₂ jág₁ quiáin₅, i₂lín₅ dsa₂ go₄ 'nia₂ guiong₅₄, jui₁lia₂ ca₂chei₃ jniá₂. Jaun₂ tón₂ 'nia₂ jui₅ jág₁ quió₅ 'éi₂.” ‡

38 Ján₃ bá₄ Moisés 'éi₂ jme₁'en₅₄ quian₅₄ dsa₂ jui₂ 'uē₃ quein₂ co₂ηiog₅ jaun₂. Jme₁'ein₅₄ quian₅₄ ángel i₂ca₂juá₂ jág₁ má₂ Sinai. Ján₃ bá₄ jme₁'ein₅₄ quian₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca₅₄, jaun₂ guē₄ ca₂ηág₃ të₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg₂ ně₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió₅ Moisés. Ca₂chei₃ cau₅, jme₁'nio₃ jme₁dsi₃lein₃ táng₃ jui₅ 'uē₃ Egipto.

40 Jaun₂ ně₃ ca₂tsí₃ Aarón § ca₂juá₂: “Niog₂ jnia₅₄ jmog₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén₃ Moisés 'éi₂ i₂ca₂'uág₂ jniog₄ 'uē₃ Egipto.”*

‡ 7:28 Éxodo 2:14. § 7:32 Éxodo 3:6. * 7:34 Éxodo 3:5,7,8,10. † 7:36 Ján₃ bá₄ chei₂ Jmi₁ηí₄ 'Ma₂ta₅.

‡ 7:37 Deuteronomio 18:15. § 7:40 Jme₁lín₄ Aarón rin₅₄ Moisés. 'Nio₂ ja₁ton₅ Éxodo 4:14. * 7:40 Éxodo 32:1.

41 Jaun₂ ca₂jmoí'₂ jan₂ guein₂ ca₁jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quiáin₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guoin₅₄.

42 Jaun₂ co₂nei'₅₄ ca₂jmo₃ Diú₄ cau₅, tsá₃ ma₃ca₂jme₃quian'₅₄ dsa₂ 'éi₂, jui₁jmo₁₂ bá₄ con'₂ tiin₂ guoin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄† guei'₅₄. Ia₁ le₂në₅ rë₂ton₅ ne₄ Si₂ a₂ca₂jmo₃ dsa₂ i₂jme₁'ë₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

të₂láu₃ ñi₂ 'uë₃ quein₂ co₂'ñiog₅ jaun₂?

43 On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán,‡

nió'₄ a₂qui₂ca₂jmo'₅₄ 'nia'₂ guiong'₅₄,

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

tsag₅₄ jniá₂ të₂le₃ ó₃ guë₄ ja₁niog₅ 'uë₃ Babilonia.Š

44 "Uë₃ quein₂ jaun₂, dsa₂ can'₅₄ quián₂ jniog₄ ma₂líg'₂ jme₁quian₅ guá'₅ tabernáculo ja₁jme₁rë₂'ma₄ ni₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lë₃ con'₂ lë₅ jág₁ ca₂cuë₃ Diú₄ ca₂cuë'₃ Moisés, jme₁ca₂'ë₃ Diú₄ nió'₄ le₂jniá₅ 'a₂ lia'₂ lé₂.

45 Dsa₂ quián₂ jniog₄ ma₂líg'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quiáin₅. Jaun₂ dsa₂ i₂jme₁quian'₅₄ Josué në₃ ca₂caun₃ lia'₂ con'₂ jme₁ca₂lí'₃ 'uë₃ quió'₅ dsa₂ juig₂ siá'₂, i₂ca₂'uín'₂ Diú₄ ia₁jaun₂ cha₂ ja₁tian'₃ 'éi₂. Le₂jaun₂ ca₂lë₃ ca₂lia'₂ ca₂të₂ jmig₄ a₂ca₂rë₃chán₃ David.

46 Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ në₃ jme₁'nio₃ jmóg'₃ caun₂ ja₁guá₃ Diú₄ quián₅ Jacob.

47 La₁ Salomón bá₄ i₂ca₂chi'₃ 'né₅ quió'₅ Diú₄.

48 'La₁ Diú₄ i₂juin'₂ guë₄ lin₃ tsá₃ guá'₅ dsi₂néi₂ guá'₅ a₂jmóg'₅ dsa₂ mi₂güig₃. Jui₁lia'₂ ca₂juá'₂ Diú₄ të₂le₃ quian'₅₄ dsa₂ i₂jme₁'ë₂ jág₁ quiáin₅ ma₂líg'₂:

49 Guei'₅₄ i₂juig₃ bá₄ ja₁gua₁₂

ja₁lë₄ ne₄ta₁ quió'₃,

gua'₅₄ 'uë₃ në₃ jui₁lia'₂ ja₁tióng₂ tag₃.

¿'E₂ bá₄ 'né₅ jmó'₂ 'nia'₂ quió'₃? juá'₂ Te₁gui'₅₄,

¿O₃ já'₄ bá₄ lé₂ le₃jan₄ jniá₂?

50 ¿On₁ jniá₂ bá₄ ca₂jmo₃ quian'₅₄ gu₃-tag₃

ca₂le₃jë₃ 'e₂ a₂cha₂?*

51 (Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ në₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lë₅ rë₂guá'₄ 'nia'₂ quian'₅₄ të₂'au'₂ jui₁lia'₂ dsa₂ i₂tsá₃ cuin₅ Diú₄.† Caun₂ 'ñia'₅₄ co₂tan₅₄ bá₄ 'nia'₂ Jme₂dsí₂ Jnió₅. I₂co₂rín'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂.

52 ¿'Ein₂ dsa₂ i₂jme₁'ë₂ jág₁ quián₅ Diú₄ jua'₅₄ i₂tsá₃ ca₂jmá'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ë₂ jág₁ le₂jniá₅ ca₂'iin₃ jan₂ i₂dsen₃ lin₃, i₂jiá₃. La₁ jme₁guan₃ i₂'éi₂ në₃, ca₂jñin'₅₄ 'nia'₂ jaun₂ ca₂jñi'₃.

† 7:42 nei₅: Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₂dsí₂. ‡ 7:43 Renfán: co₂'nió'₄ a₂jme₁të₂ dsa₂ egipcios planeta Saturno, ca₂jme₃juag'₂ dsa₂. Š 7:43 Amós 5:25-27. * 7:50 Isaías 66:1-2. † 7:51 lit. "jui₁lia'₂ dsa₂ i₂tsá₃ lo₄ rë₂uig₄."

⁵³ 'Nia'₂ guë'₂ i₂ca₂gue'₅₄ 'Éi'₃ Juá'₅ të₂le₃ quian'₅₄ ángeles, tsá₃ jme₂tí'₁ guë'₂ 'nia'₂ 'Éi'₃ jaun₂.

Ca₂jon₃ Té₂

⁵⁴ Jme₁ca₂nág₂ jág₁ a₂ca₂juá'₂ Té₂ jaun₂, ca₂rë₃'néi₃ 'ñio₅ lin₃ ca₂lia'₂ qui₂ca₂quig'₂ mi₂jan₅₄ a₂'ñiai₅₄ Té₂.

⁵⁵ La₁ Té₂ në₃, rë₂rin₅ Jme₂dsí₂ Jñió₅ të₂dsí₅, ca₂chóg'₃ ne₅₄ guei'₅₄ i₂juíg₃ jaun₂ ca₂jág₃ a₂co₂tág₅ co₂'né₅ quió'₅ Diú₄, jaun₂ ca₂jín₂ Jesús chéin'₅ të₂le₃ gu₂ ne₁ quió'₅ Diú₄ Jmei₂.

⁵⁶ Jaun₂ ca₂juá'₂ táng₃ Té₂:

—jJag!₂ —juá'₂—. Já₅gniá₂ rë₂na₄ guei'₅₄ i₂juíg₃. Jín₄jniá₂ Jaun₅ dsa₂ mi₂güí₃ 'ein₅₄ të₂le₃ gu₂ ne₁ quió'₅ Diú₄.

⁵⁷ La₁ dsa₂ 'éi₂ qui₂ca₂jne₃ rë₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂.

⁵⁸ Jaun₂ ca₂dsei₂₃ 'ni'₂ juíg₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jnú'₂ cang₄ në₃ ca₂dsia₃ ni₁tsin'₅₄ o₄gú₃ jan₂ dsó₂ chi'₂ i₂jme₁chen₂ Saulo.

⁵⁹ Të₁lia'₂ tioen'₅₄ qui₂cué'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió₃.

⁶⁰ Jaun₂ guë'₄ ca₂chi₃jnë₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lë₃ juá'₂ le₂në₅, ca₂join₃ jaun₂ në₃.

8

Co₂'en₅ Saulo dsa₂ i₂ma₂'én₂

¹ Jaun₂ caun₂ bá₄ 'ei₅ já₅ quió'₅ Saulo a₂ca₂jñi'₃ dsa₂ Té₂. Dsi₂jui₅ jmig₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jë₄ juíg₂ Jerusalén. Ca₂le₃jín₃ dsa₂ 'éi₂ ca₂i₂lén₂ tsí₁rë₂jain₅₄ le₂tan₅₄ 'uë₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guë'₄ juíg₂ Jerusalén.

² I₂lín₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'ñio₅ lin₃ o₄quió'₄ 'éi₂.

³ Të₁lia'₂ jaun₂, i₂ñi₅₄ Saulo quiaín'₅₄ riin'₅₄ qui₂co₂'ein₂₃ dsa₂ i₂'én₂, qui₂dsi₂tóin'₅₄ të₂ dsi₂néi₂ qui₂'uín'₂ dsa₂ tsí₁cuín'₂, lia'₂ dsa₂ ñe'₂ lia'₂ dsa₂ mí₂, qui₂të₂ a₂to'₂ 'né₅ 'má₃.

Ca₂'ë₂ dsa₂ já₅ dse₃ juíg₂ Samaria

⁴ La₁ ca₂le₃jín₃ dsa₂ i₂ca₂'uin₂ juíg₂ Jerusalén, ca₂le₃jë₃ ja₁ca₂i₁lein₅₄ qui₂ca₂'ë₂ já₅ dse₃.

⁵ Jan₂ 'éi₂, i₂chen₂ Fe₂li₄, ca₂ñó₃ caun₂ juíg₂ ja₁tén₄ 'uë₃ Samaria ca₂dsia₃ já₅ tsí'₅ dsa₂ ja₁jaun₂, 'in₂₃ Cristo.*

⁶ Jaun₂ jme₁ñi'₂ dsa₂ jmo₂₃ tei₄ ca₂le₃jín₃, të₅ dsí₅ nag₂₃ já₅ a₂juá'₂ Fe₂li₄, ia₁ já₃ bá₄ ca₂jág₃ dsa₂ léi₄ dsi₂gó'₃ dsi₅ a₂jme₁jmo₅ 'éi₂.

⁷ Ia₁ juín₅ i₂tion'₅₄ jme₂dsí₂ 'lín'₅₄ të₂dsí₅ qui₂ca₂'lóin₂. Ca₂le₃jín₃ jme₂dsí₂ 'lín'₅₄ 'éi₂ qui₂ca₂'uin₂ qui₂guió'₅. Ján₃ bá₄ juín₅ dsa₂ 'lian'₂, dsa₂ guian'₅₄ në₃, qui₂ca₂'lóin₂.

⁸ Uí₅₄ jaun₂ 'ñio₅ 'io'₂ ca₂jmo₃ dsa₂ juíg₂ jaun₂.

⁹ Juíg₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂jñiá₅, jme₁jme₂gain₂₃ dsa₂ juíg₂ Samaria, a₂juá'₂ a₂lín₅ dsa₂ dsen₅₄.

* 8:5 o₃, I₂rë₂'ín₁ quián₅ Diú₄.

10 Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ ně₃, jme₁nag₂₃ tē₅ dsí₅ jág₁ quió'₅, qui₂dsia₂₃:

—Dsa₂ ně₅ tñn₂ quian'₅₄ juí₅bí₂ quió'₅ Diú₄.

11 Jme₁tón'₂ dsa₂ juí₅ jág₁ quió'₅ gui'₅₄ 'éi₂, ia₁ ma₂líg'₂ bá₄ ma₂já₅ qui₂jme₂gain₂₃ dsa₂ quian'₅₄ bí₂ a₂chan₂ dsí₅.

12 La₁ dsí₂juí₅ jme₁ca₂rē₃'én₂ dsa₂ jág₁ dse₃ quió'₅ Jesucristo a₂ca₂'ē₂ Fe₂li₄ juí₁lia'₂ ja₁gon₂ Diú₄, jaun₂ qui₂ca₂jñó₂ dsa₂ jmíg₂ lia'₂ dsa₂ ηe'₂ lia'₂ dsa₂ mí₂.

13 Ján₃ bá₄ ca₂rē₃'én₂ 'ñiog₅ Si₂mu₅₄ 'éi₂, ca₂jñói₂ jmíg₂ ján₃. Jaun₂ guē₄ ca₂jme₃lióg₃ ca₂jme₃quian'₅₄ Fe₂li₄, qui₂jág₅ dsí₂gó'₃ dsí₅ léi₄ juē'₂ a₂jmo₅ 'éi₂.

14 Jme₁ca₂rē₃ñi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uē₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄.

15 Jme₁ca₂dsi₃lén₂ 'éi₂ 'uē₃ Samaria, jaun₂ ca₂mí₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁jaun₂ guen₃ dsa₂ 'éi₂ Jme₂dsí₂ Jñió₅ ján₃.

16 Ia₁ 'i₁jan₂ dsa₂ 'éi₂ tsá₃ Jme₂dsí₂ Jñió₅ ma₂guan₅ guē₄ ne₄ quió'₅. Jñia'₅₄ con'₂ ma₂jñói₂ jmíg₂ bá₄ lia'₂ con'₂ lē₅ 'éi'₃ quió'₅ Te₁gui'₅₄ Jesús.

17 Jaun₂ ně₃ Pe₄ quian'₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guē₄ ca₂guein₃ Jme₂dsí₂ Jñió₅.

18 Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jñió₅ jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄,

19 ca₂juá'₂:

—Cuē₄ jniá₂ ján₃ juí₁lia'₂ bí₂ a₂tñn'₂ 'nia'₂ ně₅, ia₁jaun₂ lé₂ le₃jmo₅₄ jniá₂ ján₃ a₂guen₃ dsa₂ Jme₂dsí₂ Jñió₅ jē₁ma₂ca₂co₃ gu₃ ne₄ quió'₅ chi₂jua'₂ 'ein₂.

20 Jaun₂ ca₂ñag₃ Pe₄ ca₂tsí'₃ dsa₂ 'éi₂:

—Juí₁dsi₂'éng'₂ co₂dsia₅ quian'₅₄ cú'₂ ia₁ 'e₂ lē₃ dsí₂jñiog₅ 'au'₂ le₂nē₅, a₂líg'₂ a₂lé₂ lá₃ dsa₂ quian'₅₄ cu₄ bí₂ a₂cuē₅ Diú₄.

21 Tsá₃ ca₂tñn'₂ 'ne₂ a₂nē₅, ia₁ tsá₃ dse₃ 'ei₅ 'au'₂ ne₄ Diú₄.

22 Co₂dsia₅ tí₃ ca₂le₃jē₃ a₂'líg'₅₄ a₂dsí₂jñiog₅ 'au'₂ ně₅. Mí₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lē₃ dsí₂jñiog₅ 'au'₂ le₂nē₅.

23 Ia₁ léi₄ jniá₂ rē₂rñn₅ cosa 'líg'₅₄ tē₂'au'₂; quian'₅₄ dsáu'₂ ně₅ jmo₅ chi₁'ñeg'₂.

24 Jaun₂ ně₃, ca₂ñag₃ Si₂mu₅₄:

—Mí₄ 'nia'₂ chei'₅₄ Te₁gui'₅₄ o₄quió₃, ia₁jaun₂ tsá₃ juí₁dsi₂ñíg₂ a₂ma₂nē₂jua'₅₄ 'nia'₂ ně₅.

25 Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guē₄ ca₂i₃lein₃ juí₅ Jerusalén. Le₂'i₄ juí₅ ja₁i₃lein₃ jaun₂, qui₂ca₂'ē₂ guē₄ jág₁ dse₃ a₂lión₂ dsa₂ le₂tan₅₄ juí₂ ja₁tén₄ 'uē₃ Samaria.

Fe₂li₄ quian'₅₄ dsa₂ chan₂ Etiopía

26 Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ juí₅ ja₁'uin₂ dsa₂ Jerusalén a₂dsióg₄ 'uē₃ Gaza.

Juí₅ jaun₂ dsó₅ jē₄ 'uē₃ quein₂.

27 Jaun₂ ca₂nau₂ Fe₂li₄ ca₂ñó₃. Le₂'i₄ juí₅ ja₁ñó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uē₃ Etiopía. Dsa₂ 'éi₂ ηei₅₄ i₁chi₂i₁lein'₄ Diú₄ juí₂ Jerusalén.

28 Ma₂'ein₅₄ juí₅ ñái'₄ juí₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ē₂ jág₁ quió'₅ Diú₄ ma₂líg'₂.

29 Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro ně₅.

30 Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ñag₃ Fe₂li₄:

—¿'Níg'₂ 'e₂ juá'₂ si₂ a₂'i'₂?

31 Jaun₂ ca₂ŋag₃ táng₃ dsa₂ 'éi₂:
—¿'A₂ bá₄ lia'₂ le₃ŋi'₂ jniá'₂? Tsá₃ guë'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg₂ 'éi₂ guei'₅₄ a₂guá'₃ co₂lë₅ quiong'₅₄.

32 Jme'₁₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:
Ca₂jio₃ dsa₂ i₁ŋag'₂ jui₁lia'₂ ŋi'₅ dsa₂ já'₂ cha'₂.
Ján₃ guë'₂ jui₁lia'₂ tsá₃ guió'₅ guein₂ já'₂ cha'₂
të₁lia'₂ chéi₅ dsa₂ ŋi'₁,
ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

33 Ca₂cuë₃ dsa₂ o₂guí'₃,
tsá₃ 'éi'₃ rë₂ ca₂të₁dsi₅₄ quió'₅;
chi'₂ tsi₁jon₂ quiáin₅ guë'₂ ně₃,
¿'ein₂ bá₄ lé₂ le₃dsia₃ 'iin₃ chi'₂ dsio₅₄?
ton'₂ ca₂ŋióg'₂ bá₄ guë'₂ dsa₂
ne₄ gua'₅₄ 'uë₃ la₂.†

34 Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:
—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿A₂ 'iin₂₃ 'ŋiog₅, o₃ a₂ 'iin₂₃ i₂sián'₂ 'e₂?

35 Jaun₂ ca₂jme₃lió₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme'₁₅ dsa₂ dsen₅₄ 'éi₂,
qui₂ca₂cuë₃ jág₁ dse₃ 'iin₂₃ Jesús.

36 Jme'₁ca₂dsi₃lëin₂ caun₂ ja₁cha₂ jmig₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmig₂ ja₁lá₃. ¿Cha₁ 'e₂ lë₃ jua'₅₄ tsá₃ lé₂ tsón₄ jniá'₂ jmig₂?

37 Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jë₃ 'au'₂, lé₂ bá₄.

Jaun₂ ca₂ŋag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ŋi'₅₄ Diú₄.‡

38 Jaun₂ ca₂jmo₃ 'éi'₃ ca₂ŋia₃ carroza quió'₅. Jaun₂ ca₂sióin₃ le₂oin₃ chei'₅₄ jmig₂, jaun₂ ca₂cho₃ Fe₂li₄ jmig₂ § quió'₅ dsa₂ 'éi₂.

39 Jme'₁ca₂'uüin₂ jmig₂, jaun₂ Jme₂dsi₂ quián₅ Te₁gui'₅₄ ca₂tág₃ Fe₂li₄, jaun₂ dsí₂tan₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ŋái'₄.

40 Fe₂li₄ ně₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guë'₄ juig₂ te₁'i₁ ja₁jaun₂ ca₂ŋei₅₄ qui₂ca₂'ë₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂të₂ juig₂ Cesarea.

9

Ca₂jme₃tsín₃ Saulo dsí₅

(Hechos 22:6-16; 26:12-18)

1 Të₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juë'₅ a₂ 'nio₃ jme₃dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lë₃, ca₂ŋei₅₄ i₁jün₂₃ jme₂dsa₂ dsen₅₄.

2 Ca₂mi₃ ne₄ 'éi₂ caun₂ si₂ a₂cuë₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂dsi₃'niai'₂ dsa₂ i₂tion'₅₄ të₂le₃ quió'₅ Jui₅ quió'₅ Te₁gui'₅₄. Jme'₁'nio₃ Saulo dsí₂te₅₄ dsa₂ chi₁'ŋei'₂ ca₂të₂ Jerusalén, lia'₂ dsa₂ ŋe'₂ lia'₂ dsa₂ mí₂.

3 La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ jui₅ guei'₅₄ i₂juig₃.

4 Co₂tan₅₄ ca₂quin'₃ Saulo, jaun₂ ca₂ŋág₂ juá'₂ jág₁ jë₄ si₂ jaun₂:

—Saulo, Saulo, ¿'e₂ lë₃ co₂'éin'₅ jniá'₂?

5 Jaun₂ ca₂ŋag₃ Saulo:

—¿'Ein₂ 'ne₂, gui'₅₄?

† 8:33 Isaías 53:7-8. ‡ 8:37 A₂lín₅₄ chog₅₄ si₂ tsá₃ chi₁ton₅ versículo 37. § 8:38 lit. "ca₂tióg₃ Fe₂li₄ jmig₂."

Jaun₂ ca₂ŋag₃ táng₃ jág₁ né'₂ jë₄ si₂:
 —Jesús bá₄ jniá'₂ i₂co₂'én'₅ 'ne₂ ŋi'₂. Jñia'₅₄ jmag'₅₄ uig₅ 'ñiag'₂ bá₄ jmo'₂ jui₁lia'₂ jmo₅ ca₁jui₅ jë₁ma₂jñáú₃ ni₁'ma₂ chen'₂.

⁶ Jaun₂ ca₂jlen₃ Saulo, ca₂rë₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ŋag₃ táng₃ Te₁gui'₅₄:

—Nau₂, 'ú₅ juig₂ Damasco. Jë₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

⁷ Dsa₂ i₂jme₁quian'₅₄ Saulo në₃, 'ñio₅ lín₃ ca₂rë₃gó'₅, ia₁ ca₂nág₂ jág₁ a₂juá'₂ jë₄ si₂ jaun₂, ton'₂ 'i₁jan₂ guë'₂ tsá₃ 'ein₂ ca₂jñin₂.

⁸ Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá'₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃ të₂ juig₂ Damasco.

⁹ Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂guë'₃, on₃ guë'₂ 'e₂ ca₂'in'₃ 'i₁caun₂.

¹⁰ Juig₂ Damasco jaun₂, jme₁guá'₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jñin₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ŋag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

¹¹ Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén'₂ Diú₄ con'₂ lë₅ la₂.

¹² Ia₁ ma₂qui₃ a₂ma₂jñin₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

¹³ Jme₁ca₂nág₂ Ananías le₂në₅, jaun₂ ca₂juá'₂:

—Te₁gui'₅₄, juin₅ dsa₂ ma₂tság₃ jniá'₂ ca₂le₃jë₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂.

¹⁴ Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ të₂ le₁'ñe₅ ca₂le₃jñin₃ dsa₂ quiáng'₂ i₂'in₅ 'ne₂.

¹⁵ La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá'₂ 'éi₂ ia₁ 'nio₃ jniá'₂ dsó₃ qui₂dsi₃'ag₃ jniá'₂ lia'₂ jñin₄ dsi₂nau₂ lia'₂ ne₄ rag₅₄ quiáin₅, jñin₄ dsa₂ israelitas në₃.

¹⁶ Ia₁ jniá'₂ bá₄ 'ë₄ 'a₂ lia'₂ tion₅₄ niog₅ ñág₃ uig₅ 'ñio₅ lín₃ o₄quió₃ jniá'₂.

¹⁷ Jaun₂ guë'₄ ñó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ jui₅ lia'₂ con'₂ ñe'₃, në₂chei₃ jniá'₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsí₂ Jñió₅ në₃.

¹⁸ Co₂tan₅₄ dsi₂jui₅ jaun₂ qui₂ca₂séi'₂ jui₁lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guë'₄ ca₂nau₂ Saulo, ca₂1choin₃ jmig₂.

¹⁹ Jaun₂ ca₂guë'₃, ca₂tñin'₃ táng₃ bí₂. Jaun₂ ca₂'í₃ bá₄ guë'₄ tñin₃-ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ë₂ Saulo jág₁ dse₃ juig₂ Damasco

²⁰ Dsi₂jui₅ bá₄ ca₂jme₃lióg₃ Saulo ca₂ñei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄.

²¹ Ca₂le₃jñin₃ dsa₂ i₂ca₂nág₂ ca₂i₃gó'₃ dsi₅, qui₂ca₂dsia₃:

—¿On₃jua'₅₄ dsa₂ në₅ i₂ñi₄ lë₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂në₅ 'ñiog₅ i₂ma₂guan₅ ja₁lá₃ a₂qui₂të₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ të₂le₃ lë₅ guë'₄ ca₂'ág₂ tiá₂ dsi₅ Saulo, qui₂ca₂'ë₂ jág₁ a₂lín₅ dsón'₂ Jesús I₂rë₂'ín₁ quián₅ Diú₄. Ca₂lia'₂ ca₂i₃cón'₅ dsi₅ dsa₂ judíos i₂jme₁tián'₄ juig₂ Damasco ia₁ ca₂'ë₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmig₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁jñi₃' Saulo.

²⁴ A₂jmi₂ a₂'uë₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag₃. La₁ ca₂rë₃ñi₅ bá₄ Saulo.

²⁵ Jaun₂ dsa₂ 'én₂ riin₅₄ ně₃, ca₂to₂ 'ñió₃ caun₂ tsi₁mi₂' pa₁, jaun₂ a₂'uë₂ ca₂sióin₂ 'éi₂ jui₅ ne₄ ni₁'ia₂ a₂jme₁lě₄ le₃lág₃ juig₂. Jaun₂ le₂ně₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián₃ Saulo Jerusalén, jme₁'nio₃ jme₃quiain₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ ně₃ ca₂rë₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃.

²⁷ La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia₂ ca₂lě₃ a₂ca₂jme₃jein₂ Te₁gui₅₄ le₂'i₄ jui₅, 'e₂ jág₁ a₂ca₂juá₂ 'ně₃, 'a₂ lia₂ ca₂dsia₃ Saulo ján₃ tiá₂ dsí₅ juig₂ Damasco ca₂'ě₂ jág₁ 'iin₂₃ Jesús.

²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain₅₄ dsa₂ 'éi₂.

²⁹ Caun₂ ca₂dsia₃ tiá₂ dsí₅ bá₄ qui₂ca₂'ě₂ jág₁ 'iin₂₃ Te₁gui₅₄ qui₂ca₂dsia₃ jág₁ qui₂ca₂tsín₂ quian₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ ně₃ caun₂ 'nio₃ jme₁jñi₃ bá₄ Saulo.

³⁰ Jme₁ca₂rë₃lí₄ rin₅₄ Saulo a₂jaun₂, jaun₂ ca₂jio₃ jui₅ juig₂ Cesarea. A₂'ein₅₄ guě₄ ja₁jaun₂ ca₂dsióg₂ riin₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá₅, dsa₂ i₂'én₂, le₂tan₅₄ ja₁tén₄ 'uë₃ Judea, Galilea, Samaria ně₃, tei₄ bá₄ 'ei₅ tion₅₄ dsa₂, caun₂ ca₂rë₃béin₂ ján₃. Jme₁jme₂gain₃ bá₄ Te₁gui₅₄ tióin₅₄. Quian₅₄ bí₂ quió₅ Jme₂dsí₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia₂ con₂ 'ñi₅ Pe₄ qui₂dsi₂jiiin₅₄ riin₅₄, ca₂i₁jiiin₁₂ ján₃ dsa₂ i₂ma₂'én₂ jág₁ dse₃ i₂jme₁tián₄ juig₂ ja₁chei₂ Lida.

³³ Ja₁jaun₂ ca₂jiiin₂ jan₂ dsa₂ 'lian₂ i₂jme₁chen₂ Eneas i₂ma₂tě₂ jñia₃ ñi₂ ron₅, ia₁ tsá₃ lé₂ ñi₃.

³⁴ Jaun₂ ca₂juá₂ Pe₄ ca₂tsí₃ dsa₂ 'éi₂:

—Eneas, Jesucristo jme₂'lió₂. Nau₂, jmo₄ dse₃ tsi₁cama quiáng₂.

Jaun₂ dsi₂jui₅ le₂jaun₂ ca₂nau₂ Eneas.

³⁵ Jaun₂ ca₂le₃jín₃ dsa₂ i₂tián₅ Lida quian₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin₃ le₃quió₅ Te₁gui₅₄.

Ca₂jen₅₄ 'io₅₄ Dorcas

³⁶ Jmig₄ jaun₂ jme₁chan₂ jan₂ 'io₅₄ i₂'én₂ jě₄ juig₂ Jope i₂jme₁chen₂ Tabita. Quian₅₄ jág₁ jmei₅ griego jme₁tě₂ dsa₂ Dorcas. 'Io₅₄ 'éi₂ lia₂ con₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂.

³⁷ Tě₃jě₄ jmig₄ jaun₂, ca₂rë₃dso₅₄ Dorcas, ca₂join₃ bá₄ jaun₂ ně₃. Cang₂ jme₁ca₂lě₃ sei₅ dsa₂, jaun₂ ca₂i₁quio₂₃ caun₂ dsi₂néi₂ jě₁ca₂tě₂ tin₃ juín₃.

³⁸ Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rë₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin₅₄ ca₂i₁te₂ 'éi₂:

—Ñia₅ tě₂ně₃ cón₅ jui₅ Jope.

³⁹ Jaun₂ ñó₃ Pe₄ co₂lě₅ quiain₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rë₂quian₅ 'lag₄. Ja₁jaun₂ tion₅₄ le₁ñi₂ ca₂le₃jín₃ 'io₅₄ 'nág₂ qui₂'-o₂₃, qui₂ca₂'ě₃ Pe₄ 'mi₂ tsin₅₄ dsa₂, ta₁ a₂jme₁jmo₅ Dorcas lia₂ con₂ chain₂.

⁴⁰ Jaun₂ ca₂jmo₃ Pe₄ 'éi₃ ca₂'uin₂ dsa₂ dsi₂néi₂ ja₁rë₂quian₅ 'lag₄. Jaun₂ ca₂chi₃jnë₃ ca₂chi₃lén₂ Diú₄. Jaun₂ guě₄ ca₂jiiin₂ 'lag₄, ca₂juá₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃.
 41 Jaun₂ ca₂jña₃ Pe₄ mi₂gu₂ 'io₅₄, ca₂chó₂. Jaun₂ ca₂tě₃ táng₃ Pe₄ rin₅₄, 'io₅₄
 'nág₂ ně₃, jaun₂ ca₂jín₂ 'io₅₄ 'éi₂, la₁ ma₂jei₅₄ bá₄.
 42 Ta₁caun₂ juig₂ Jope ca₂i₃ág₃ jág₁ a₂ca₂lě₃ le₂jaun₂. Jaun₂ juin₅ lin₃ dsa₂
 ca₂rě₃ 'én₂ jág₁ quió₅ Te₁gui₅₄.
 43 Ca₂'í₃ bá₄ guě₄ Pe₄ 'lióng₂ jmig₄ jaun₂ ja₁quió₄ jan₂ dsa₂ i₂chen₂ Si₂mu₅₄
 i₂jme₂dse₃ lo₄ já₂.

10

Pe₄ quian₅₄ Cornelio

1 Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄
 co₂nió₃ 'lióg₂ i₂tě₂ dsa₂ i₂chan₂ Italia.

2 Juig₅₄ 'lióg₂ 'éi₂ jme₁jme₂gain₃ Diú₄ co₂lě₅ quian₅₄ dsa₂ dsi₂néi₂ quió₅. Ján₃
 bá₄ jme₁dsi₁₀'₅ cu₄ jme₁jme₂'oin₅₄ dsa₂ judíos. Ca₂le₂jě₃ jmig₄ ně₃, jme₁chi₁lín₂
 Diú₄.

3 Co₂ráun₂ con₂ hora ŋí₁ 'ni₅ le₃ca₂'láu₂,* a₂lě₁ca₂jén₃ ca₂jág₃ ca₂jín₂ jan₂ ángel
 quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá₂ ángel:

—¡Cornelio!

4 Jaun₂ ca₂jág₃ Cornelio gó₅ 'ŋio₅ lin₃ ca₂jín₂ ángel. Jaun₂ ca₂ŋag₃ ca₂juá₂:

—¿'E₂ lě₅, gui₅₄?

Jaun₂ guě₄ ca₂juá₂ ángel:

—A₂ŋag₅ bá₄ Diú₄ a₂juig₂ a₂chi₂lein₅₄. Já₅ bá₄ a₂jmo₂ dse₃ 'au₂ jme₂'ong₅₄
 dsa₂ te₂ŋé₂.

5 Jaun₂ lě₃ chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě₂ dsa₂ Pe₄
 já₃.

6 I₂'en₅₄ ja₁quió₄ Si₂mu₅₄ sián₂ i₂jmo₅ dse₃ lo₄ já₂, i₂chí₅ 'ne₄ chei₅₄ jmi₁ŋí₄.

7 Jme₁ma₂já₅ ángel, jaun₂ ca₂tě₃ Cornelio on₃ dsa₂ mozo quián₅, jan₂ guě₂
 'lióg₂, dsa₂ jme₂ti₃ i₂jme₂gan₃ Diú₄ já₃.

8 Jaun₂ ca₂dsia₃ Cornelio ca₂tsí₃ dsa₂ a₂ca₂jén₃, jaun₂ ca₂chein₃ dsa₂ juí₅ juig₂
 Jope.

9 Jme₁jnia₃ jaun₂, ca₂i₃lén₂ dsa₂ 'éi₂. Pe₄ ně₃ ca₂uí₂ le₃co₅₄ tsi₁'né₅ con₂
 dsi₃ŋí₃† a₂chi₃lín₂ Diú₄.

10 I₁cón₅ 'ŋio₅ lin₃. Tě₁lia₂ jmo₅ dsa₂ má₃ ně₃, jaun₂ a₂lě₁ca₂jén₃ ca₂jág₃ Pe₄

11 ca₂niá₃ guei₅₄ i₂juíg₃. Jaun₂ ca₂sió₃ juí₁lia₂ caun₂ tsi₁'mi₂ pa₁ a₂rě₂quein₅
 ta₁quén₂ qui₅₄.

12 'Ŋió₃ jaun₂, jme₁tion₅₄ ca₂le₂jín₃ ne₅₄ já₂: já₂ cha₂ quén₂ mi₂tag₄, já₂ i₂tsě₅
 quió₅, já₂ i₂'in₅ guei₅₄ ně₃.

13 Jaun₂ ca₂nág₂ Pe₄ já₁ ca₂juá₂:

—Nau₂ Pe₄, jme₁dsian₅ já₂, quíng₄.

14 Jaun₂ ca₂ŋag₃ Pe₄:

—Jan₂'ón₄, Te₁gui₅₄. Ia₁ 'i₁co₂ráun₂ tsá₃ ma₂ca₂guě₃ jniá₂ ni₁ŋi₁ já₂ a₂jmo₅
 a₂rě₂'ŋio₅ dsa₂.

15 Jaun₂ ca₂ŋag₃ táng₃ já₁ a₂juá₂:

—Tsá₃ lě₁juá₂ 'ne₂ 'lig₅₄ cosa a₂ma₂jmo₃ Diú₄ le₁jě₃.

16 'Ni₅ ráun₂ ca₂lě₃ le₂jaun₂, jaun₂ guě₄ ca₂ŋáu₃ táng₃ tsi₁'mi₂ juí₅ guei₅₄.

17 Tě₁lia₂ guá₅ Pe₄ 'no₂ dsí₅ 'e₂ léi₄ jáng₅ a₂ca₂jág₃ jaun₂, jme₁ca₂dsi₃lén₂ dsa₂
 i₂chen₄ quián₅ Cornelio o₄'né₄ quió₅ Si₂mu₅₄, a₂ŋag₂₃ a₂já₄ chí₅ 'ne₄ Si₂mu₅₄.

* 10:3 lit. “hora ŋi₃.” † 10:9 lit. “hora jŋéi₂.”

18 Jme₁ca₂dsi₃lén₂ dsa₂ 'éi₂, ca₂ɲag₃ juá'₂ tiá₂ chi₂jua'₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃.

19 Tě₁lia'₂ jaun₂ caun₂ qui₂'no'₂ dsí₅ Pe₄ a₂ca₂jág₃, jaun₂ ca₂juá'₂ Jme₂dsí₂ Jnió₅:
—Jag₄; ún₂ dsa₂ o₂lén₂ 'nau'₂.

20 Nau₂, sión₅, gua₂ quai_{in}'₅₄, tsá₃ lě₁jmo₂ 'i₅ 'au'₂ jua'₅₄ líng'₂ a₂tsá₃ tí₅ jág₁, ia₁ jniá₂ bá₄ ně₂tsín₂.

21 Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá'₂ Pe₄:
—Jniá₂ bá₄ 'éi₂ i₂'na'₂ 'nia'₂. ¿Cha₁ ta₁ ja₂nó'₅ 'nia'₂?

22 Jaun₂ ca₂ɲag₃ táng₃ dsa₂:

—Gui'₅₄ juig₅₄ 'lióg₂ Cornelio bá₄ ca₂chei₃ jnia'₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ɲio₅ lin₃, jme₂go₃ ně₃, Jan₂ ángel i₂chen₄ quián₅ Diú₄ ca₂juá'₂ a₂tě'₂ 'ne₂ ja₁quió'₄ jaun₂ nag₃ 'e₂ jág₁ cuě'₅₄.

23 Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂ɲia₃ dsa₂ 'éi₂ quai_{in}'₅₄ Pe₄ a₂'uě₂ jaun₂. Jme₁jnia₃ jaun₂ guě₄ ca₂ɲó₃ Pe₄ quai_{in}'₅₄ dsa₂ 'éi₂. Ca₂jme₃quiong'₅₄ guě₄ i₂lin₅₄ dsa₂ riin'₅₄ i₂jme₁'én₂ i₂jme₁tián'₄ juig₂ Jope.

24 Jme₁jnia₃ jaun₂ guě₄ táng₃, ca₂dsi₃lén₂ juig₂ Cesarea ja₁guá₄ Cornelio. 'Éi₂ guě'₂ ně₃ jme₁ma₂chi₁ɲiog₂₃ quai_{in}'₅₄ co₂níó'₃ o₁riin'₅₄ a₂mei₅₄ quián₅ i₂jein'₂ 'ɲio₅ lin₃ quai_{in}'₅₄ ně₃, i₂ca₂tě'₃.

25 Jme₁ca₂dsióg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jné₃ ne₄ 'éi₂, ca₂jme₃juag'₂.

26 La₁ Pe₄ ně₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

27 Tě₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ɲi'₂ dsi₂néi₂.

28 Jaun₂ ca₂juá'₂ Pe₄ ca₂tsí'₃ dsa₂:

—Ní'₅₄ bá₄ 'nia'₂ jaun₂ tsá₃ cuě₅ jmig₄ 'Éi'₃ Juá'₅ quió'₅ dsa₂ judíos jua'₅₄ a₂ɲi'₂ quian'₅₄ dsi₂nau₂, on₃ guě'₂ lé₂ ɲí₃ dsi₂néi₂ quió'₅. La₁ Diú₄ ma₂'ě₃ a₂tsá₃ tě₄ jniá₂ 'i₁jan₂ dsa₂ tsá₃ le₁jín₃.

29 Jaun₂ lě₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, tě₂. Tsá₃ ně₂jan₅₄ uě₂. Jaun₂ jme₁'nio₃ le₃guion₅₄ 'e₂ lě₃, 'e₂ ta₁ ně₂tě'₂.

30 Jaun₂ ca₂ɲag₃ Cornelio:

—Ma₂quén₂ jmig₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂guě'₃. Jme₁'eng₅₄ chi₁leng'₄ Diú₄ tě₂le₃ ca₂'láu₂. Jaun₂ a₂lě₁ca₂jéin₃ ca₂jing₅₄ jan₂ dsa₂ qui'₂ 'mi'₂ tiog₂ jau₂.

31 Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ɲé₂.

32 Jaun₂ lě₃, chen₅ dsa₂ juig₂ Jope dsi₃quián₂ dsa₂ i₂chen₂ Si₂mu₅₄ i₂tě'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmí₁ɲí'₄. Jě₁ma₂guain₂₃, dsia₃ jág₁ quian'₅₄ 'ne₂.”

33 Jaun₂ bá₄ lě₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ ně₃. Dse₃ bá₄ lia'₂ ně₂jmo'₅₄ ɲe'₃. Jaun₂ lě₃ tio'₅₄ jnia'₅₄ ca₂le₃jág₃ le₁ɲag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuě₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

34 Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Ně₃ guě₄ dsón'₂ ma₂ɲí'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃.

35 Ia₁ ca₂le₃jě₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ ně₃, dsa₂ le₂'éi₂ bá₄ guén'₂ Diú₄.

³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'ě₂ jág₁ a₂tian'₃ dsa₂ tei₄ tē₂le₃ quián'₅₄ Jesucristo i₂lín₅ Te₁gui'₅₄ quián₅ ca₂le₃jín₃.

³⁷ Nj'₅₄ rē₂ bá₄ 'nia'₂ 'e₂ ca₂lě₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uē₃ Galilea, cang₂ jme₁ma₂'ě₂ Juan₅₄ jág₁, ca₂choin₃ dsa₂ jmig₂ ně₃.

³⁸ Nj'₅₄ bá₄ 'nia'₂ 'a₂lia'₂ ca₂cuē₃ Diú₄ ca₂cuē'₃ Jesús chan₂ Nazaret ju₁bi₂ quió'₅ Jme₂dsí₂ Jñiós₅; 'a₂lia'₂ ca₂ñi₃ jmo₂₃ dse₃, jme₂'lióin₂ ca₂le₃jín₃ dsa₂ i₂jme₁chan₂ jmi₁uig₅ jmóg'₂ i₂sě₃dse₃. Ca₂le₃jě₃ a₂ně₅ ca₂jmo₃ ia₁ jme₁quiain'₅₄ Diú₄.

³⁹ Ca₂tě₂ ne₄ jnia'₅₄ ca₂le₃jě₃ a₂ně₅ a₂ca₂jmo₃ Jesús, lia'₂ jě₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂jñag'₃ dsa₂ ca₂tion₃ cróg₄.

⁴⁰ La₁ jě₁ca₂tě₂ 'ni₅ jmig₄, ca₂jme₃jein'₅₄ táng₃ Diú₄ Jmei₂, ca₂jmo₃ ca₂jme₃jnia₅ 'éi₂ jin₄ jnia'₅₄.

⁴¹ Tsá₃ ca₂jme₃jniai₂₃ jin₄ ca₂le₃jín₃ dsa₂. Jmá'₃ lia'₂ jě₄ quián₂ jnia'₅₄ bá₄ con'₂ dsa₂ i₂ca₂quióin'₂ le₂jñiá₅ i₁tě₃ ne₄. Ca₂que₅₄ guě₄ jnia'₅₄ co₂lě₅ quiain'₅₄ jme₁ma₂jein'₅₄ táng₃ jin₄ 'lag₄.

⁴² Jaun₂ ca₂jmo₃ 'éi'₃ a₂qui₂dsi₁'ě₄ jnia'₅₄ jág₁, a₂dsi₁jang'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₂dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ ně₃.

⁴³ Ján₃ bá₄ le₂ně₅ jáng'₅ jág₁ dsau₅ ca₂le₃jín₃ dsa₂ i₂jme₁'ě₂ jág₁ quián₅, a₂qui₃'én₂ Diú₄ dsau₁ ca₂le₃jín₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsí₂ Jñiós₅

⁴⁴ Tě₃jě₄ 'ě₂ guě₄ Pe₄ jág₁, jme₁ca₂sión₃ Jme₂dsí₂ Jñiós₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁.

⁴⁵ Dsa₂ judíos_‡ i₂jme₁'én₂ i₂ca₂o₃lén₂ quián'₅₄ Pe₄, tióin₂ jág₅ dsi₂gó'₃ dsí₅, ia₁ ján₃ guě'₂ ca₂guen₃ dsi₂nau₂ Jme₂dsí₂ Jñiós₅.

⁴⁶ Ia₁ nag₂₃ dsia₅ dsa₂ jág₁ jmei₅ siá'₂, jme₂juin'₂ Diú₄.

⁴⁷ Jaun₂ ca₂juá'₂ Pe₄:

—¿Lé₂ le₃jua'₅₄ tsá₃ jmig₂ lé₂ tsón₃ dsa₂ ně₅, ton'₂ ma₂ně₂guein₃ bá₄ guě'₂ Jme₂dsí₂ Jñiós₅, co₂rě₂ bá₄ ju₁lia'₂ jniog₄?

⁴⁸ Jaun₂ ca₂jmo₃ 'éi'₃ a₂tsón₃ dsa₂ 'éi₂ jmig₂, lia'₂ con'₂ lě₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ guě₄ tin₃'ni₅ jmig₄ quiong'₅₄.

11

Jág₁ ca₂'ě₂ Pe₄ jin₄ dsa₂ 'én₂ juig₂ Jerusalén

¹ Ca₂rě₃ñi₅ jág₁ dsa₂ i₂chen₄ quián₅ Jesús, quiain'₅₄ riin'₅₄ i₂tion'₅₄ Judea, a₂ma₂ca₂rě₃'én₂ dsi₂nau₂ jág₁ quió'₅ Diú₄ ján₃.

² Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅

³ ca₂juá'₂:

—¿'E₂ lě₃ ñeg'₅₄ ja₁con₂ dsi₂nau₂* i₁que'₅₄ quiain'₅₄ ně₃?

⁴ Jaun₂ ca₂juá'₂ Pe₄ ca₂tsí'₃ dsa₂ ca₂le₃jě₃ 'a₂lia'₂ ca₂lě₃, ca₂juá'₂:

⁵ —Juig₂ Jope bá₄ jme₁'eng₅₄, chi₁leng'₄ Diú₄. Tě₃jě₄ jaun₂, ca₂jéin₃ ca₂jág₃ ju₁lia'₂ caun₂ tsi₁'mi'₂ tióg₃ pa₁ a₂rě₂quein₅ le₃quén₂ qui'₅₄, ca₂sió₃ ju₁guei'₅₄, ca₂tě₂ cau₅ quió₃.

⁶ Jme₁ca₂jág₃ jniá₂ dse₃ 'e₂ tio'₅₄ 'ñiós₃, jua'₂ ca₂le₃jín₃ ne₄ já'₂ bá₄ tion'₅₄: já'₂ cha₂ quén₂ mi₂tag₄, já'₂ tsá₂ dsí₅, já'₂ i₂tsě'₅ quió'₅, já'₂ i₂'in₅ guei'₅₄ ně₃.

⁷ Jaun₂ ca₂nag₃ jág₁ a₂ca₂juá'₂ ca₂tság₃ jniá₂: “Nau₂ Pe₄, jme₁dsian₅ já'₂, quíng'₄.”

‡ 10:45 lit. “dsa₂ i₂rě₂uig₄ lo₄.” * 11:3 lit. “ja₁con₂ dsa₂ i₂tsá₃ lo₄ rě₂uig₄.”

8 Jaun₂ ca₂ŋag₄ jniá₂: “Jan₂'ón₄, Te₁gui₅₄. Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂ a₂'lig₅₄ a₂jmo₅ a₂rë₂'ŋio₅ dsa₂.”

9 Jaun₂ ca₂ŋag₃ táng₃ jág₁ a₂já₅ guei₅₄, ca₂juá'₂: “Jui₁lia'₂ a₂ma₂jmo₃ Diú₄ le₁jě₃, tsá₃ lë₁juá'₂ 'ne₂ 'lig₅₄.”

10 'Ni₅ ráun₂ ca₂lë₃ le₂jaun₂, jaun₂ guë₄ ca₂ŋáu'₃ táng₃ ca₂le₃jě₃ jui₅ guei₅₄.

11 Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁'eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂.

12 Jaun₂ Jme₂dsí₂ quián₅ bá₄ Diú₄ ca₂chei₃ ca₂ŋó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ŋó₃. Ján₃ bá₄ i₁len₅₄ jñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂ Cesarea 'éi₂.

13 Dsa₂ 'éi₂ ca₂dsia₃ ca₂tság₃ jnia'₅₄ 'a₂lia'₂ ca₂jñin₂ jan₂ ángel jme₁chén'₄ dsi₂néi₂ quió'₅ i₂ca₂juá'₂: “Chen₅ dsa₂ juig₂ Jope a₂dsi₃quián₂ Si₂mu₅₄ i₂të'₂ dsa₂ Pe₄ ján₃.”

14 Dsa₂ 'éi₂ juá'₂ 'a₂lia'₂ jmó'₂, ia₁jaun₂ líong'₂, quiang'₅₄ dsa₂ dsi₂néi₂ quiáng'₂.

15 Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñi₅ ne₄ quió'₅ dsa₂ 'éi₂, jui₁lia'₂ ca₂guain₃ ne₄ quián₂ jniog₄ le₂'uig₅₄.

16 Jaun₂ guë₄ ca₂dsáu'₃ dsi₃ a₂ma₂ca₂juá'₂ Te₁gui₅₄ le₂jñiá₅: “Dsau₅ bá₄ ca₂tióg₃ Juan₅₄ ca₂tián₂ jmig₂ dsa₂, la₁ 'nia'₂ guë'₂ ně₃ tióg₂ Diú₄ Jme₂dsí₂ Jñi₅.”†

17 Jaun₂ chi₂jua'₂ co₂rë₂ bá₄ ca₂cuë₃ Diú₄ ca₂cuë'₃ dsa₂ 'éi₂ jui₁lia'₂ a₂ma₂cuë₃ jniog₄ i₂ma₂'én₂ të₂le₃ quió'₅ Te₁gui₅₄ Jesucristo, ¿i₂'ein₂ bá₄ jniá₂ jua'₅₄ jniá₂ jñig₅₄ 'éi'₃ quió'₅ Diú₄?

18 Jme₁ca₂nág₂ dsa₂ jág₁ ně₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ rin'₅₄:

—ján₃ guë₄ ma₂cuë₃ Diú₄ jmig₄ quió'₅ dsi₂nau₂, a₂jme₂tsiin₃ dsí₅ ia₁jaun₂ tñin'₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

19 Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jín₃ dsa₂ i₂'én₂. Jaun₂ tion₅₄ bá₄ ca₂cuing₃ ca₂l3lén₂ ca₂të₂ Fenicia, Chipre, Antioquía ně₃. La₁ jmá'₃ dsa₂ judíos bá₄ ca₂cuë'₃ jág₁ dse₃.

20 La₁ i₂lin₅₄ dsa₂ 'én₂ i₂chan₂ Chipre quian'₅₄ Cirene ca₂dsi₃lén₂ juig₂ Antioquía ca₂dsia₃ jág₁ quian'₅₄ dsa₂ chan₂ Grecia, ca₂'ě₂ jág₁ dse₃ ca₂'iin₃ Te₁gui₅₄ Jesús.

21 Ca₂jme₃'on₅₄ Te₁gui₅₄ dsa₂ 'éi₂ ja₁jaun₂ quian'₅₄ bí₂ quió'₅, jaun₂ lë₃ juin₅ lin₃ dsa₂ ca₂jéin'₃ le₃quió'₅ Te₁gui₅₄.

22 Jme₁ca₂rë₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂të₂ Antioquía.

23 Jme₁ca₂dsióg₃ Bernabé ja₁jaun₂, jaun₂ ca₂jág₃ a₂dse₃ dsí₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lë₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsí₅, tsán'₂ tiá₂ jág₁ 'ein₃ Te₁gui₅₄.

24 Ia₁ dsa₂ dsen₃ bá₄ jme₁lín₄ Bernabé, jme₁rë₂rin₅ Jme₂dsí₂ Jñi₅ të₂dsí₅, jme₁'éin₂ 'ñio₅ lin₃. Jaun₂ le₂në₅ juin₅ dsa₂ ca₂jén'₃ të₂le₃ ja₁con₂ Te₁gui₅₄.

25 Cang₂ jaun₂ ca₂ŋó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂, jaun₂ ca₂tág₃ juig₂ Antioquía.

26 Ja₁jaun₂ ca₂tóin'₂ caun₂ ñi₂ quian'₅₄ dsa₂ i₂'én₂ ja₁jaun₂, qui₂ca₂jme₃tñin₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quian₃ dsa₂ i₂'én₂ “cristianos”.

27 Jmíg₄ jaun₂, i₂lin₅₄ dsa₂ i₂jme₁cuë₅ jág₁ dse₃ a₂ma₂gue₃ quió'₅ Diú₄ ca₂'uñin₂ juig₂ Jerusalén ca₂i₁lein₅₄ Antioquía.

† 11:16 Hechos 1:5.

28 Jan₂ i₂chen₂ Agabo ca₂nau₂ jin₄ riin'₅₄. Jaun₂ quian'₅₄ bí₂ quió'₅ Jme₂dsi₂ Jnió'₅, ca₂'ě₂ jág₁ a₂le₃'in₂ a₂guě'₃ dsa₂ ta₁caun₂ mi₂güig₃. Jaun₂ le₂jaun₂ ca₂rě₃ti₃ ně₃ jmig₄ lia'₂ con'₂ jme₁guá₄ gui'₅₄ emperador Claudio.

29 Jaun₂ ca₂le₃jín₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riin'₅₄ i₂jme₁tián'₄ Judea, 'a₂ con'₂ njia'₅₄ qui'₅₄ jmig₄ cuě₃ le₂jain₂ le₂jain₂.

30 Jaun₂ le₂ně₅ ca₂jmo₃. Ca₂chein₃ cu₄ ne₄ dsa₂ can'₅₄‡ quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guě'₂ ca₂jné₂ dsa₂ 'né₅ 'má₃

1 Jmig₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂.

2 Ca₂jmo₃ 'éi'₃ ca₂jñi'₃ dsa₂ Jacobo riin'₅₄ Juan₅₄, quian'₅₄ ñi₁tág₂.

3 Jme₁ca₂jág₃ Herodes a₂ca₂tě₂ dsí₅ dsa₂ judíos, jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jě₃ a₂ně₅ ca₂lě₃ lia'₂ con'₂ jmo₅ dsa₂ jmig₄ a₂guě'₅ dsa₂ i₁ñí'₄ 'ua'₂ a₂tsá₃ levadura quian'₅₄.

4 Jme₁ma₂ně₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lě₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tě₃jin₄ dsa₂ juig₂ jě₁ma₂ca₂ñí₂ Jmig₄ Tě₂'in₅₄.

5 Jaun₂ le₂ně₅ 'en₅₄ Pe₄ né'₃ 'má₃, lě₅ 'í₁ dse₃ lin₃. La₁ dsa₂ riin'₅₄ ně₃ caun₂ chi₂lén'₂ Diú₄ bá₄ tióin'₅₄ mi₂₃ 'ñio₅ lin₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

6 Caun₂ 'uě₂, jui₁lia'₂ 'ióg₃ jme₁ma₂lě₅ jág₁ jme₁dsei₅ Herodes jin₄ dsa₂ juig₂, a₂'uě₂ jaun₂ jme₁rě₂quian₅ Pe₄ rě₂güin₃ rě₂'ñei₂₃ dse₃ lin₃ quian'₅₄ tin₃ cadenas jě₄ quió'₅ on₃ 'lióg₂. 'Lióg₂ sián'₂ guě'₂ jme₁tion'₅₄ o₄'né₄ jmo₂₃ 'í₁ 'né₅ 'má₃.

7 Tě₃jě₄ jaun₂, ca₂jme₃jnia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tě₂ně₃ cón'₅.

Jaun₂ ca₂séi'₂ 'uě₃ ni₁ñí₁ cadenas a₂jme₁tio'₅₄ gu₂ Pe₄.

8 Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lě₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jniá₂.

9 Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lě₁ca₂jág₃ bá₄ lín₂.

10 Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂tě₂ táng₃ ně₃. Jme₁ca₂dsi₃lén₂ o₄'né₄ a₂lě₅ quian'₅₄ ni₁ñí₁, ja₁uin₂ dsa₂ jě₄ calle, a₂lě₁ca₂niá₃ 'ñiog₅ bá₄ o₄'né₄. Ca₂uin₂ bá₄ jaun₂ ně₃. Jme₁ma₂i₂nioi₅₄ caun₂ calle, jaun₂ ca₂ñá'₃ ángel 'éi₂, ca₂téin₂ Pe₄.

11 Jaun₂ guě₄ ca₂rě₃lí₄ Pe₄, ca₂juá'₂:

—Ně₃ guě₄ dsón'₂ guion₄ jniá₂ a₂ně₂chen₃ Te₁gui'₅₄ ángel quián₅ a₂ně₂lió₂ ja₁con₂ Herodes, ca₂le₃jě₃ guě₄ 'e₂ jme₁'nio₃ dsa₂ judíos jmóg'₂.

12 Tě₃ dsi₂jio₅ dsí₅ le₂jaun₂ Pe₄, ca₂ñó₃ jui₅ ja₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ñi'₂ chi₂lén'₂ Diú₄.

13 Jme₁ca₂quein₃ Pe₄ o₄'né₄ i₁dsi₅, jaun₂ ca₂o₃'ín₃ jan₂ 'io₅₄ bě'₅₄ i₂chen₂ Rode i₃jág₂ 'ein₂ tě₂.

‡ 11:30 griego: presbíteros.

14 La₁ jme₁ca₂nág₂, ca₂rë₃cuí'₅ jág₁ quió'₅ Pe₄ ně₃, jaun₂ tsá₃ ca₂niá₃ dsi₂jui₅, ia₁ ŋí₄ lë₃ ca₂jmo₃ 'io'₂. Jaun₂ ca₂ŋái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsió₃.

15 Jaun₂ ca₂juá'₂ dsa₂ ca₂tsí'₃ 'io'₅₄ bē'₅₄ 'éi₂:

—j_{A2}lë₁të₂'i'₂ bá₄ 'ne₂!

La₁ caun₂ ca₂juá'₂ bá₄ 'io'₅₄, a₂dsón'₂ bá₄ 'éi₂. Jaun₂ ca₂ŋag₃ táng₃ dsa₂, ca₂juá'₂:

—¿_{A2} bá₄ lia'₂ jaun₂? On₃jua'₅₄ 'éi₂ ně₅. 'In₁ ángel quiáin₅ bá₄ ně₅.

16 Të₁lia'₂ jaun₂, caun₂ i₁të₅₄ bá₄ Pe₄ o₄'né₄ i₁chén'₄. Jme₁ca₂niá₃, ca₂jín₂ Pe₄, jaun₂ ca₂i₃gó'₃ dsi₅.

17 La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lë₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo,* ca₂le₃jín₃ gué₄ rin'₅₄ jniog₄.

Jaun₂ ca₂o₃ 'ín₃ táng₃, ca₂ŋó₃ ja₁siá'₂.

18 Jme₁jnia₃ jaun₂, ca₂tón'₂ 'lióg₂ go₂'i₃, ia₁ tsá₃ ŋi₅ 'e₂ ca₂lë₃ quian'₅₄ Pe₄.

19 Jaun₂ Herodes ca₂chein₃ dsa₂ dsi₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂caun₂ jág₁ dsau₅ quió'₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃ 'ín₃ Herodes 'uë₃ Judea, jaun₂ ca₂ŋó₃ ca₂i₁gua₂ Cesarea.

Ca₂jon₃ Herodes

20 Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ ně₃ ca₂jmo₃ caun₂ jág₁ ca₂i₁lein₅₄ ca₂jme₁jniai₂₃ ne₅₄. Ca₂jme₃'uáin₂ dsi₅ jan₂ i₂chen₂ Blasto a₂jmo₃ dse₃ dsi₅. Jme₁lín₄ Blasto jan₂ dsi₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂gué'₅ dsa₂ chan₂ Tiro quian'₅₄ Sidón.

21 Herodes ně₃ ca₂të₃, ca₂tióng₃ caun₂ jmig₄ a₂chi₁jniog₂₃ dsi₁lén₂ dsa₂. Jme₁ca₂të₂ jmig₄ jaun₂, ca₂quí'₂ Herodes tsin'₅₄ a₂rë₂lín₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁.

22 Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—j_{I2}juá'₂ ně₅, on₃jua'₅₄ dsa₂ mi₂güí₃! Jan₂ diú₄ bá₄ ně₅.

23 Co₂tan₅₄ dsi₂jui₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rë₃dso'₅₄ Herodes, ia₁ ca₂cuë₃ jmig₄ a₂jme₃juag'₂ dsa₂ 'ŋiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ ně₃, ca₂dsó'₃ i₁ja'₅₄ quió'₅.

24 La₁ jág₁ dse₃ quió'₅ Te₁gui'₅₄ ně₃ caun₂ ca₂i₃'ág₃ bá₄, qui₂ca₂'ë₂ dsa₂ 'lióng₂ juig₂.

25 Jme₁ca₂lë₃ ta₁ jaun₂ quió'₅ Bernabé quian'₅₄ Saulo, jaun₂ ca₂'u₁in₂ Jerusalén ca₂i₃lein₃† jniai₂₃ i₂jme₁chen₂ Juan₅₄ i₂jme₁të'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'ë₂ jág₁ dse₃

1 Co₂nió'₃ dsa₂ i₂én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'ë₂ jág₁ quiáin₅, të₅ ně₃, jui₁lia'₂ Bernabé quian'₅₄ Si₂mu₅₄ (i₂të'₂ dsa₂ lia'₂); Lucio i₂chan₂ Cirene; Manaén ně₃ (i₂co₂lë₅ ca₂can'₅₄ quian'₅₄ Herodes i₂lín₅ dsi₄má'₂ 'uë₃ Galilea);* quian'₅₄ Saulo ně₃.

2 Co₂ráun₂ tióin'₅₄ le₁ŋi'₂ jme₂juin'₂ Te₁gui'₅₄, a₂jme₂'iin₅₄, jaun₂ ca₂juá'₂ Jme₂dsi₂ Jnió₅:

—Con'₂ chén'₂ 'nia'₂ Bernabé quian'₅₄ Saulo, ia₁jaun₂ dsi₃jmó₂ ta₁ a₂ma₂të₃ jniá₂ jmo₃.

* 12:17 o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ŋi'₅₄ Zebedeo) i₂ca₂jŋag₃ Herodes, Hechos 12:1. † 12:25 A₂lín₅₄ chog₅₄ si₂: “jaun₂ ca₂i₃lein₃, Jerusalén.” * 13:1 griego: Herodes tetrarca.

³ Jaun₂ jme₁ca₂lë₃ chi₂lëin'₂ Diú₄, a₂jme₂'iin₅₄ ně₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ gué₄ qui₂ca₂'ág'₃ jág₁ riin'₅₄.

Dsa₂ i₂chen₄ quián₅ Jesús 'ě₂ jág₁ tē₂ Chipre

⁴ Jaun₂ ca₂chei₃ Jme₂dsí₂ Jñi₅ ca₂chein₃ Bernabé quian'₅₄ Saulo a₂ca₂i₃lëin₂ jui₅ Seleucia. Ja₁jaun₂ ca₂tóin'₂ ni₁barco a₂ca₂i₃lëin₂ caun₂ 'uë₃ a₂nio₅ jē₄ jmi₁ñí'₄, ja₁chei₂ Chipre.

⁵ Jme₁ca₂dsi₃lëin₂ ja₁jaun₂, caun₂ juig₂ a₂nio₅ chei'₅₄ jmi₁ñí'₄ ja₁tē'₂ dsa₂ Salamina, ja₁jaun₂ ca₂jme₃lióg₃ qui₂ca₂'ě'₃ dsa₂ jág₁ dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

⁶ Ca₂i₃nioi₂ ta₁caun₂ 'uë₃ jaun₂, ca₂dsi₃lëin₂ caun₂ juig₂ ja₁tē'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsí₅, i₂tin₂ jág₁ tē₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'ě₂ jág₁ quián₅ Diú₄. Dsa₂ 'éi₂ jme₁tē'₂ dsa₂ Barjesús.†

⁷ Jme₁quian'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂nio₅ dsi₄ 'ñio₅ lín₃. Co₂ráun₂ ca₂tē'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄.

⁸ La₁ Barjesús 'éi₂ ně₃, i₂tē'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ jui₅.

⁹ Jaun₂ Saulo, i₂tē'₂ dsa₂ Pablo ján₃, rē₂rín₅ Jme₂dsí₂ Jñi₅ tē₂dsí₅, ca₂jíin₂ tiá₂ dsa₂ 'éi₂,

¹⁰ jaun₂ ca₂juá'₂:

—i'Ne₂ dsa₂ tē₂jág₁, dsa₂ quián₅ i₂sě₃dsen₃, i₂'io'₅₄ ca₂le₃jě₃ cosa dse₃! ¿'E₂ lë₃ qui₁jñig'₄ jui₅ co₂dsau₅ quió'₅ Te₁gui'₅₄?

¹¹ Tē₂ně₃ cón'₅ 'ě₂ Te₁gui'₅₄ jmi₁uig₅ quiáng'₂, co₂dsia₅ téng'₂, co₂'na₂ tsá₃ ma₃lë₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tē₂ tsán'₂ gu₂.

¹² Jme₁ca₂jág₃ gui'₅₄ dsi₄má'₂ a₂ca₂lë₃ jaun₂, ca₂rē₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tíoin'₅₄ Antioquía ja₁tén₄ Pisidia

¹³ Ca₂'í₃ Pablo quian'₅₄ riin'₅₄ 'ñi₃ ni₁barco juig₂ Pafos, ca₂i₃lëin₂ jui₅ Perge, juig₂ tén₅ 'uë₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ jui₅ Jerusalén.

¹⁴ Ca₂'uin₂ riin'₅₄ Perge ca₂dsi₃lëin₂ táng₃ Antioquía, juig₂ tén₅ 'uë₃ Pisidia. Jaun₂ ca₂i₃toin'₅₄ guá'₅ sinagoga caun₂ jmi₄sa₅₄, jaun₂ ca₂tián'₂ dsi₂néi₂.

¹⁵ Jme₁ma₂ca₂lë₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:
—Rin'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuë'₅₄ dsa₂, lé₂ bá₄ jua'₅₄ 'nia'₂.

¹⁶ Jaun₂ ca₂nau₂ Pa₄ ca₂jmo₃ léi₄ quian'₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ gué₄ dsa₂ sián'₂ i₂gan₃ Diú₄:

¹⁷ Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂i₃juín₂ dsa₂ 'éi₂ lia'₂ con'₂ jme₁tián'₄ 'uë₃ Egipto a₂lín₅ dsi₂nau₂. Cang₂ jaun₂ ca₂lë₃ caun₂ juig₂ pa₁. Diú₄ ně₃ ca₂lió₂ quian'₅₄ bí₂ quió'₅, ca₂'uág'₂ 'uë₃ jaun₂.

† 13:6 Barjesús: a₂jein₅ jág₁ “ja,ñí'₅₄ Jesús” quian'₅₄ jág₁ jmei₅ arameo.

18 Ca₂jme₃juin'₂ Diú₄ dsí₅ quiong'₅₄† tē₂láu₃ ŋi₂ tē₁lia'₂ jme₁i₂nioi₅₄ gua'₅₄ quein₂,

19 ca₂'éin₂ guio₃ juig₂ go₄ dsa₂ i₂jme₁tián'₄ 'uē₃ Cana'án, 'uē₃ jaun₂ ně₃ ca₂cuē'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

20 'Cang₂ jaun₂ ca₂dsin₃ con'₂ quén₂ 'ñiá₂-láu₂ rē₂dsí₂ tē₂láu₃-guiá₂ (450) ŋi₂, ca₂qui₃dsi₅ Diú₄ 'éi'₃ jin₄ dsa₂ 'éi₂ tē₂le₃ quian'₅₄ juē₄ ca₂lia'₂ ca₂tē₂ jmig₄ a₂ca₂rē₃chán₃ Samuel i₂qui₂ca₂'ē₂ jág₁ quió'₅ Diú₄ cang₂ jaun₂.

21 Jaun₂ ca₂mii₃ jan₂ rag₅₄. Jaun₂ Diú₄ ně₃ ca₂cuin₃ Saúl ja₁ŋi'₅₄ Cis, tsi₁jon₂ Benjamín; ca₂jmo₃ 'éi'₃ con'₂ tē₂láu₃ ŋi₂.

22 Cang₂ jaun₂ ca₂ñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'iin₂₃ Rag₅₄ David: “Ca₂dsó'₂ jniá₂ ja₁con₂ David ja₁ŋi'₅₄ Isaí, a₂lín₅ jan₂ dsa₂ i₂lē₅ dsí₅ lia'₂ lē₅ dsí₃ jniá₂, jan₂ dsa₂ i₂jmo₃ a₂'ñio₂ dsí₃.”

23 'Jaun₂ ně₃ rin'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia'₂ con'₂ lē₅ jág₁ quió'₅ ma₂cuē₃ le₂ñiá₅.

24 Né'₃ a₂guán₂ Jesús, ca₂'ē₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmig₂, dsí₃quén'₅ dsí₅ ně₃.

25 Jaun₂ ca₂juá'₂ Juan₅₄ jme₁ja₂quián₃ jóin₂: “On₃jua'₅₄ 'éi₂ jniá₂ ju₁lia'₂ dsí₂jio₅ 'au'₂ 'nia'₂ lín₅ jniá₂. La₁ i₂já₅ chi₁co'₅₄ quió'₃ ně₃, 'éi₂ bá₄ i₂'uan'₂ guē₄ lia'₂ con'₂ guē₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅.”§

26 'Rin'₅₄ jniog₄, ca₂le₃jín₃ guē₄ 'nia'₂ i₂lín₅ chi'₂ dsio₄ Abraham, quian'₅₄ ca₂le₃jín₃ guē₄ 'ein₂ chan₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂'ē₂ Diú₄ a₂lión₂ dsa₂.

27 Dsa₂ i₂jme₁tián'₄ Jerusalén quian'₅₄ dsa₂ can'₅₄ quián₅, tsá₃ ca₂rē₃ñi₅ 'ein₂ 'éi₂ jme₁chen₂ Jesús, on₃ guē₄ ca₂rē₃ñi'₂ jág₁ a₂qui₂ca₂'ē₂ dsa₂ i₂chen₄ quián₅ Diú₄ le₂ñiá₅. Jaun₂ lē₃, jág₁ jaun₂ a₂'i₂₃ ne₄ Si₂ ca₂le₃jē₃ jmig₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂ñi'₃ Jesús.

28 'I₁caun₂ dsáu₁ Jesús tsá₃ 'e₂ ca₂dsó'₂ dsa₂ jua'₅₄ a₂'i₄ 'éi'₃ a₂jñag'₃, la₁ tion₅₄ bá₄ ca₂mí₃ dsa₂ jág₁ ne₄ Pilato a₂jmo₃ 'éi₂ 'éi'₃ a₂jñag'₃.

29 Jaun₂ ně₃ jme₁ma₂lē₅ 'a₂ con'₂ lē₅ juá'₂ ne₄ Si₂ quió'₅ Diú₄ a₂'iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i'ó₄.

30 La₁ Diú₄ ně₃, ca₂jme₃jein'₅₄ táng₃ jin₄ 'lag₄.

31 'Lióng₂ jmig₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain'₅₄ lia'₂ con'₂ jme₁ca₂ñó₃ tē₂ Galilea ca₂dsióg₃ tē₂ Jerusalén. Jaun₂ ně₃ dsa₂ 'éi₂ bá₄ i₂jáng'₅ jág₁ dsau₅ tsí'₅ dsa₂ rē₂nē₃.

32 'Jaun₂ le₂nē₅ bá₄ a₂cuē₂ jnia'₅₄ jág₁ dse₃ 'nia'₂, jág₁ a₂ca₂cuē₃ Diú₄ ca₂cuē'₃ dsa₂ quián₂ jniog₄ ma₂líg'₂ jaun₂,

33 ma₂ca₂rē₃ti'₅₄ Diú₄ ja₁con₂ jniog₄ i₂lág₅ chi'₂-guein₂ quián₅ dsa₂ 'éi₂, jme₁ca₂jme₃jein'₅₄ Jesús con'₂ lē₅ jág₁ tio'₅₄ jē₁ca₂tē₂ tin₃ Salmo, a₂juá'₂:

'Ne₂ líng'₅ jón₃ quiáng₃;

jmig₄ ně₃, ca₂lín₃ jniá₂ ñéi'₅ 'ne₂.*

34 'Ca₂juá'₂ Diú₄ le₂ñiá₅ a₂jme₃jein'₅₄ jin₄ 'lag₄ ia₁jaun₂ tsá₃ dsí₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄:

Ján₃ bá₄ cuē₄ jniá₂ 'nia'₂

ca₂le₃jē₃ 'e₂ cosa dse₃

a₂jme₁ti₁ jág₁ quió₃ a₂ca₂cuē₃ David.†

35 'Jaun₂ lē₃, ján₃ guē'₂ juá'₂ ne₄ Si₂ Salmos ja₁siá'₂ táng₃:

‡ 13:18 A₂lín₅₄ chog₅₄ si₂ juá'₂: “ca₂jmo₃ Diú₄ 'i₁ quió'₅.” § 13:25 Mateo 3:11. * 13:33 Salmo 2:7.

† 13:34 Isaías 55:3.

Tsá₃ cuě'₁ jmig₄

a₂dsi₃guí'₂ quió'₅ dsa₂ jnió'₅ 'éi₂ quiáng'₂

i₂jme₂ti₃ ta₁ ne'₅₄.[‡]

³⁶ 'David ně₃ ca₂jme₃ti₃ bá₄ jág₁ ne₄ dsa₂ quiáin₅ tē₁lia'₂ ca₂rē₃cháin₃ jmig₄ jaun₂, ju₁lia'₂ 'éi'₃ ca₂juá'₂ Diú₄. La₁ ca₂jon₃ bá₄ David ně₃, jaun₂ ca₂i'ó₄ dsa₂ ja₁le₁'on₅ dsa₂ can'₅₄ quiáin₅, ca₂siá'₃ bá₄ ni₁ñi'₁ 'éi₂ ně₃.

³⁷ La₁ ni₁ñi'₁ Jesús ně₃, i₂ca₂jme₃jen'₅₄ Diú₄, tsá₃ 'e₂ ca₂'en₃.

³⁸ 'Jaun₂ ně₃ rin'₅₄ jniog₄, tion₅₄ 'nió'₅ le₃ñi'₅₄ 'nia'₂ jág₁ a₂'ě₅ jniá₂: tē₂le₃ quian'₅₄ Jesús bá₄ dsón'₂ 'én₂ dsáu'₂ 'nia'₂.

³⁹ Tē₂le₃ quian'₅₄ 'éi₂, ca₂le₃jín₃ i₂'én₂ tē₂le₃ quió'₅, rē₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián'₂ 'nia'₂ tē₂le₃ quian'₅₄ 'Éi'₃ quió'₅ Moisés.

⁴⁰ 'Í₁ jmo₄ 'nia'₂, ia₁jaun₂ tsá₃ dsi₃ñi'₂ 'nia'₂ ju₁lia'₂ juá'₂ dsa₂ i₂jme₁'ě₂ jág₁ quián₅ Diú₄, jme₁ca₂juá'₂ ne₄ Si₂:

⁴¹ Jag₄ 'nia'₂ dsa₂ i₂taun₂ 'lig'₅₄,

ju₁dsi₂gó'₃ 'au'₂, ju₁dsian'₂ 'nia'₂.

Ia₁ jniá₂ i₂lín₅ Diú₄ jmo₅₄ léi₄ juě'₂

jmig₄ tē₁lia'₂ chan'₂ 'nia'₂.

La₁ léi₄ jaun₂, 'i₁jan'₂ 'nia'₂ tsá₃ le₃'én₂,

o₁ñia'₅₄ 'a₂ guě'₂ lia'₂ chan₂ i₂dsia₃.[§]

⁴² Jme₁ca₂o₃'ín₃ Pa₄ quiain'₅₄ rin'₅₄ guá'₅ sinagoga quió'₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi₂ jmig₄ sa₅₄ caun₂ a₂ja₃'ě₂ jág₁ jaun₂.

⁴³ Jme₁ca₂dsan₃ le₁ñi'₂ dsa₂ dsi₂néi₂ guá'₅, jaun₂ ju₁n₅ lín₃ dsa₂ judíos quian'₅₄ dsa₂ i₂ma₂gue₃ i₂ma₂tión₂ tiá₂ juá'₅ quió'₅ dsa₂ judíos, ca₂'ein₃ Pa₄ quiain'₅₄ Bernabé, ca₂jme₃quiong'₅₄. Jaun₂ ca₂juá'₂ dsa₂ i₂chen₄ quián₅ Jesús 'éi₂ ca₂tsí'₃ dsa₂ ca₂cuě'₃ bí₂ a₂tion₅₄ 'nió'₅ tsán'₂ tiá₂ jág₁ dse₃ quió'₅ Diú₄ i₂'ua₁ dsí₅.

⁴⁴ Caun₂ semana cang₂ jaun₂, jme₁ca₂tē₂ táng₃ jmig₄ sa₅₄, jaun₂ qui₂ca₂ñi'₂ mei'₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió'₅ Diú₄.

⁴⁵ La₁ jme₁ca₂jág₃ dsa₂ judíos ju₁n₅ lín₃ dsa₂ tion'₅₄, jaun₂ ca₂rē₃'néi₃ a₂dsí'₅ 'ñio₅ lín₃, tē₂le₃ jen₅ bá₄ qui₂ca₂ñag₃ jág₁ a₂juá'₂ Pa₄, qui₂ca₂jnaú'₂ jág₁ uig₅ ně₃.

⁴⁶ Jaun₂ ca₂juá'₂ Pa₄ quian'₅₄ Bernabé, ca₂dsia₃ tiá₂ dsí₅ ca₂tsí'₃ dsa₂:

—Tion₅₄ 'nió'₅ jniá₅ de'₂ jin'₄ 'nia'₂ con'₂ dsa₂ i₂lín₅ judíos, ca₂tág₂ jnia'₅₄ 'ě₄ jág₁ dse₃ quió'₅ Diú₄. La₁ tsá₃ guě'₂ 'niog'₂ 'nia'₂ guéi'₁, jaun₂ ma₂léi₄ bá₄ a₂tsá₃ lé₂ tín'₄ 'nia'₂ guei'₅₄ i₂juíg₃. Jaun₂ lē₃, dsi₁naú₄ jnia'₅₄ ja₁con₂ dsi₂nau₂.

⁴⁷ Ia₁ le₂nē₅ bá₄ 'éi'₃ ca₂cuě₃ Te₁gui'₅₄ jme₁ca₂juá'₂:

Ju₁lia'₂ si₂ bá₄ lín'₅ 'ne₂

i₂ca₂dsiáng₃ quió'₅ dsi₂nau₂,

ia₁jaun₂ 'ě'₅₄ dsa₂ chan₂ ta₁caun₂ mi₂güíg₃

ju₁5 ja₁tín'₄ dsa₂.[†]

⁴⁸ Jme₁ca₂nág₂ dsi₂nau₂ jág₁ ně₅, qui₂ca₂jmo₃ 'io'₂, qui₂ca₂dsia₃, dsón'₂ bá₄ dse₃ jág₁ quió'₅ Te₁gui'₅₄. Jaun₂ ca₂rē₃'én₂ ca₂le₃jín₃ i₂con'₂ 'i₄ 'éi'₃ tín'₄ ja₁le₃chain₂ co₂tañ₅₄.

⁴⁹ Jaun₂ le₂nē₅ ca₂l₃'ág₃ jág₁ dse₃ quió'₅ Te₁gui'₅₄ ta₁caun₂ 'uě₃ jaun₂.

⁵⁰ La₁ dsa₂ judíos ně₃ ca₂jmo₃ jág₁ quian'₅₄ i₂lín₅₄ 'io₅₄ dsen₃ i₂jme₂go₃ dsa₂ juig₂, quian'₅₄ i₂lín₅₄ dsa₂ can'₅₄ ně₃, ia₁jaun₂ jme₁'iog₅₄ jme₁'ñiai₅₄ Pa₄ quiain'₅₄ Bernabé. Jaun₂ le₂nē₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄ quiain'₅₄ Bernabé ca₂lia'₂ ca₂'uin₂ 'éi₂ juig₂ jaun₂.

[‡] 13:35 Salmo 16:10. [§] 13:41 Habacuc 1:5. * 13:42 A₂lín₅₄ chog₅₄ si₂: "ca₂mi₃ dsi₂nau₂." [†] 13:47 Isaías 49:6.

⁵¹ Jaun₂ 'éi₂ ně₃ qui₂ca₂séi'₂ 'liog₂ mi₂tag₅₄.[‡] Ca₂'uiin₂ bá₄ jaun₂, ca₂i₂léin₂ jui₅ Iconio.

⁵² La₁ ca₂le₃jín₃ dsa₂ i₂ca₂rě₃'én₂ ně₃, 'io'₂ jmo₂₃, rě₂rin₅ Jme₂dsí₂ Jnió₅ tē₂dsí₅.

14

Pablo quian'₅₄ Bernabé tioin'₅₄ juig₂ Iconio

¹ Ca₂'í₃ Pablo co₂lě₅ quian'₅₄ Bernabé dsi₂néi₂ guá'₅ sinagoga quió'₅ dsa₂ judíos juig₂ Iconio. Ja₁jaun₂ ca₂jme₃tšin₂₃ táng₃ dsa₂ jág₁ dse₃ quió'₅ Diú₄. Juin₅ bá₄ dsa₂ ca₂rě₃'én₂, lia'₂ dsa₂ judíos lia'₂ dsi₂nau₂ ně₃.

² La₁ dsa₂ judíos i₂tsá₃ 'én₂ ně₃, ca₂tsí'₃ dsi₂nau₂ a₂chi₃'iin₃ 'lig'₅₄ dsa₂ i₂'én₂.

³ Jaun₂ lě₃, uě₂ bá₄ ca₂'í₃ Pa₄ quian'₅₄ Bernabé. Ca₂dsia₃ tiá₂ dsí₅ quian'₅₄ bí₂ quió'₅ Te₁gui'₅₄, qui₂ca₂'ě₂ jág₁; jaun₂ Diú₄ ně₃ ca₂cuě₃ bí₂ ca₂jmo₃ 'éi₂ léi₄ juě'₂ a₂dsi₃gó'₃ dsi₅, ia₁jaun₂ le₃lí'₄ dsa₂, jág₁ dsau₅ a₂dse₃ dsí₅ Diú₄ bá₄ 'ě₂ 'éi₂.

⁴ La₁ dsa₂ juig₂ 'éi₂ jme₁lě₄ le₁dson'₅₄ i₂jme₁tió₂ le₃quió'₅ dsa₂ judíos, i₂jme₁tió₂ le₃quió'₅ dsa₂ i₂chen₄ quián₅ Jesús 'éi₂ ně₃.

⁵ Jaun₂ ca₂jmo₃ caun₂ jág₁ dsa₂ judíos quian'₅₄ dsi₂nau₂, quian'₅₄ dsi₂tan₅₄, a₂tsí'₃ jág₁ uig₅ dsa₂ 'éi₂, a₂qui₃náu'₂ cang₄ ně₃.

⁶ La₁ jme₁ca₂rě₃ni₅ Pa₄ quian'₅₄ Bernabé, ca₂cuing₃ jui₅ Listra, jui₅ Derbe ně₃, tin₃ juig₂ ja₁tén₄ Licaonia, ca₂i₂nioi₁₂ le₂tan₅₄ 'uě₃ jaun₂,

⁷ qui₂jme₂tšin₂₃ dsa₂ jág₁ dse₃ a₂lión₂ dsa₂.

Ca₂cuě₃ dsa₂ cang₄ ca₂cuě'₃ Pablo juig₂ Listra

⁸ Juig₂ Listra jme₁chan₂ jan₂ dsa₂ i₂tsá₃ lé₂ ni₃. Lia'₂ jaun₂ lín₅, lia'₂ con'₂ jme₁ca₂rě₃cháin₃, guá'₅ ja₁jaun₂, 'i₁cón'₂ tsá₃ ma₂ca₂ni₃ ca₂le₃jě₃ jmi₄ a₂chain₂.

⁹ Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ ně₃ ca₂jág₃ tiá₂ ca₂jín₂ dsa₂ 'éi₂, jaun₂ ca₂rě₃lí'₄ Pa₄ a₂'én₂ dsa₂ 'éi₂ a₂lé₂ 'lión₂.

¹⁰ Jaun₂ ca₂juá'₂ tiá₂ ca₂tsí'₃ dsa₂ 'éi₂:

—Rě₂ nau₂. Co₂dsau₅ chí'₂ mi₂tag₅₄.

Jaun₂ dsi₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ni₃.

¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'₂ co₂mi₅₄, ca₂guió'₃ quian'₅₄ jág₁ jmei₅ quió'₅ dsa₂ chan₂ Licaonia, ca₂juá'₂:

—i₂Diú₄ i₂lín₅ dsa₂ ca₂sión₃ jě₄ quián₂ jniog₄!

¹² Juá'₂ dsa₂ a₂lín₅ Bernabé diú₄ Júpiter, Pa₄ guě'₂ lín₅ diú₄ Mercurio* ia₁ 'éi₂ bá₄ i₂juá'₂ guě₄ jág₁.

¹³ Jaun₂ jme₁chí'₄ guá'₅ quió'₅ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quian'₅₄ juin₅ dsa₂ le₁jñiai₂₃ ca₁jui₅ le₁quian₅ lí₁ ně₃, a₂jme₁'nio₃ jme₃dsiain₂₃ ca₁jui₅ a₂jme₁jéin'₂ ne₄ Pa₄ quian'₅₄ Bernabé.

¹⁴ La₁ jme₁ca₂rě₃lí'₄ Pa₄ quian'₅₄ Bernabé i₂chen₄ quián₅ Jesús, a₂ma₂tion'₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'₅₄.[†] Jaun₂ ca₂tóin'₂ jin₄ dsa₂ ca₂guió'₃ ca₂juá'₂:

¹⁵ —i₂Nei₂ 'nia'₂! ¿'E₂ lě₃ jmo'₂ 'nia'₂ le₂ně₅? Dsa₂ mi₂güig₃ bá₄ jnia'₅₄, ju₁lia'₂ 'nia'₂. A₂le₁quian₁ jág₁ dse₃ bá₄ jnia'₅₄ ja₂náu₅, a₂chei₅₄ 'nia'₂ a₂jñiá'₄ 'nia'₂ ca₂le₃jě₃ a₂ně₅ a₂tsá₃ 'e₂ ta₁ tí₄, a₂jen'₅₄ 'nia'₂ tē₂le₃ quió'₅ Diú₄ jén'₃ i₂ca₂jmo₃ guei'₅₄ i₂juig₃, gua'₅₄ 'uě₃, jmi₁ni'₄ ně₃, ca₂le₃jě₃ guě₄ 'e₂ a₂cha₂ ja₁jaun₂.

¹⁶ 'Nio₅ Diú₄ ca₂cuě₃ jmi₄ ma₂líg'₂ ca₂cuě'₃ ca₂le₃jín₃ dsa₂ chan₂ gua'₅₄ 'uě₃ a₂jmo₃ con'₂ lě₂ dsí₅ guioin₅₄.

[‡] 13:51 Co₂'nió'₄ a₂ca₂jmo₃ léi₄, guion₅₄ bá₄ dsa₂ juig₂ ma₂rě₂cáin'₄ ia₁ tsá₃ ca₂gue₃ jág₁ quió'₅ Diú₄. 'Nio'₂ ja₁ton₅ Marcos 6:11, Lucas 9:5, 10:11, Hechos 18:6. * 14:12 griego: Hermes. † 14:14 ca₂gág₃ tsin'₅₄: le₂jaun₂ jme₁jmo₅ dsa₂ léi₄ chi₂juá'₂ 'e₂ tsá₃ tē₅ dsí₅.

17 La₁ Diú₄ ca₂'ě₃ dsa₂ 'ein₂ lín₅, ca₂jmo₃ bá₄ léi₄ tē₂le₃ quian'₅₄ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jě₃ a₂qui₂guě'₃ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

18 Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

19 Jaun₂ ca₂dsi₃lén₂ i₂lín₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuě'₃ cang₄ Pa₄, ca₂tsi₂cuang'₂ tē₂'ni'₂ juig₂, a₂ma₂nē₂jñag'₃ bá₄ lín₂.

20 La₁ jme₁ca₂ñi'₂ dsa₂ i₂'én₂ riin'₅₄ ja₁rē₂quian₂₃, ca₂nau₂ Pa₄, ca₂ñó₃ táng₃ jui₅ jē₄ juig₂. Jme₁nia₃ jaun₂ guě₄, ca₂o₃'iin₃ juig₂ jaun₂ quian'₅₄ Bernabé, ca₂i₃lén₂ jui₅ Derbe.

21 Juin₅ dsa₂ chan₂ juig₂ Derbe ca₂rē₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'uáin₂ ja₁jaun₂, ca₂i₃lén₂ táng₃ jui₅ Listra, jui₅ Iconio ně₃, a₂ca₂dsi₃lén₂ táng₃ Antioquía.

22 Le₂tan₅₄ juig₂ ja₁jaun₂ qui₂ca₂cuě'₃ bí₂ dsa₂ i₂'én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ guě₄ a₂dsi₁no'₃ 'nia'₂ ja₁gon₂ Diú₄.

23 Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lē₃ chi₂lén'₂ dsa₂ Diú₄, a₂jme₂'iin₅₄ ně₃, ca₂dsiain₃ riin'₅₄ i₂'én₂ 'éi₂ o₄gú₃ Te₁gui'₅₄, ia₁ tē₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

24 Cang₂ jaun₂ ca₂ñi₃ jui₅ 'uě₃ Pisidia, jaun₂ ca₂dsi₃lén₂ 'uě₃ Panflia.

25 Qui₂ca₂'ě₂ jág₁ juig₂ Perge, jaun₂ ca₂i₃lén₂ juig₂ Atalia.

26 Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lē₃ jmo₂₃.

27 Jme₁ca₂dsi₃lein₃ Antioquía, ca₂ñi'₂ ca₂le₃jín₃ riin'₅₄. Jaun₂ ca₂dsia₃ ca₂le₃jě₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsí₂nau₂, ia₁jaun₂ le₃'én₂ 'éi₂ ján₃.

28 Jaun₂ uě₂ bá₄ ca₂'í₃ Pa₄ ja₁jaun₂, Bernabé ně₃ quian'₅₄ dsa₂ i₂'én₂.

15

Ca₂ñi'₂ riin'₅₄ Jerusalén

1 Jmig₄ jaun₂ i₂lín₅₄ dsa₂ chan₂ Judea ca₂dsi₃lén₂ juig₂ Antioquía, ca₂jme₃lióg₃ ca₂jme₃tiin₂₃ riin'₅₄ ja₁jaun₂, ně₁jua'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lě₅ Si₂ 'Éi'₃ quió'₅ Moisés, tsá₃ lé₂ tiin'₄.

2 Pablo quian'₅₄ Bernabé ca₂tsi₃in₂ 'ñio₅ lín₃ quian'₅₄ dsa₂ 'éi₂. Jaun₂ ca₂'in₃ dsa₂ Pa₄ quian'₅₄ Bernabé, quian'₅₄ i₂lín₅₄ guě₄ dsa₂ sián'₂ ně₃, a₂dsi₃lén₂ Jerusalén a₂jme₃rě₃ jág₁ jaun₂ quian'₅₄ dsa₂ riin'₅₄ i₂chen₄* quián₅ Jesús quian'₅₄ dsa₂ can'₅₄† quián₅ dsa₂ 'én₂.

3 Co₂nió'₃ dsa₂ i₂'én₂ juig₂ Antioquía ca₂'ág'₃ jág₁ riin'₅₄ i₂ca₂'iin₃ 'éi₂, jaun₂ 'éi₂ ně₃ ca₂i₁noi₁₂ 'uě₃ Fenicia quian'₅₄ 'uě₃ Samaria. Ja₁jaun₂ ca₂dsia₃ 'a₂ lia'₂ ca₂rē₃'én₂ dsí₂nau₂. Jaun₂ lē₃, 'ñio₅ lín₃ 'io'₂ ca₂jmo₃ dsa₂ riin'₅₄ jme₁ca₂rē₃ñi₅.

4 Jme₁ca₂dsióg₃ Pa₄ quian'₅₄ Bernabé juig₂ Jerusalén, ca₂guei₃ ca₂le₃jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ ně₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

‡ 14:23 griego: presbíteros. * 15:2 griego: apóstolos. † 15:2 griego: presbíteros.

5 La₁ qui₂ca₂nau₂ i₂lin₅₄ dsa₂ fariseos i₂ma₂'én₂, jaun₂ ca₂juá'₂:
—Ca₂tín₂ dsi₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅
Moisés.

6 Jaun₂ ca₂ñi'₂ dsa₂ i₂chen₄ quián₅ Jesús, quian'₅₄ dsa₂ can'₅₄ ně₃, ia₁jaun₂ 'no'₂
dsí'₅ 'a₂ lia'₂ jmo₃ jui₁lia'₂ jág₁ jaun₂.

7 Jme₁ma₂ně₂dsia₃ jág₁ 'ñio₅ lin₃, ca₂nau₂ Pedro jaun₂ ca₂juá'₂:
—Rin'₅₄ jniog₄, ñi'₅₄ bá₄ 'nia'₂ jaun₂, jniá'₂ dsa₂ i₂ca₂quió'n'₂ Diú₄ jin'₄ 'nia'₂
ma₂i₁jaun₃, ia₁jaun₂ cuě₄ jniá'₂ jág₁ dse₃ dsi₂nau₂, ia₁jaun₂ le₃'éin₂.

8 Jaun₂ Diú₄ ně₃, i₂cuí'₅ dsí'₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsí'₂
ñjió'₅ quián₅, ca₂cuin₃ dsa₂ 'éi₂ jui₁lia'₂ ma₂cuag₃ jniog₄.

9 Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ ján₃ bá₄ ca₂rang₃
jme₂dsí'₂ quió'₅ dsa₂ 'éi₂ ia₁ ca₂rě'₃'éin₂.

10 Jaun₂ ně₃, ħ'e₂ lě₃ dsi₂jio₅ 'au'₂ 'nia'₂ a₂tsá₃ dsau₅ a₂ma₂jmo₃ Diú₄? ħ'E₂ lě₃
lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂'én₂ 'éi₂ Si₂ 'Éi'₃, ton'₂ ca₂lia'₂ jnia'₅₄ dsa₂
can'₅₄ quián₂ jniog₄ tsá₃ ca₂tió'₃ jme₃ti₃, on₃ guě'₂ jniog₄ tián₂ jme₁ti₁?

11 La₁ ne₄ jniog₄, a₂dse₃ dsí'₅ Te₁gui'₅₄ Jesús bá₄ a₂tág'₄, co₂rě₂ quian'₅₄ dsa₂ 'éi₂.

12 Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄
Pablo ca₂le₃jě₃ léi₄ juě'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂.

13 Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'₅₄ jniog₄, nei₂ 'nia'₂ a₂juá'₄ jniá'₂:

14 Ma₂ně₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsí'₅ jē₁le₂'uig₅₄ tē₂le₃
quió'₅ dsi₂nau₂, 'a₂ lia'₂ ca₂quió'n'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂
quián₅ 'ñiog₅.

15 Le₂ně₅ bá₄ lě₅ jág₁ quió'₅ dsa₂ i₂jme₁'ě₂ jág₁ quián₅ Diú₄, jui₁lia'₂ ca₂tióng₃ ne₄
Si₂:

16 Guio₅₄ táng₃ cang₂, jaun₂ jmóg'₄ táng₃ ne₄ta₁
quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

17 ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄,

ca₂le₃jě₃ juig₂ ně₃,

dsa₂ i₂chen₂ dsa₂ quián₅ Diú₄.

18 Le₂ně₅ bá₄ juá'₂ Te₁gui'₅₄

i₂jmo₅ ca₂le₃jě₃ a₂ně₅,

a₂ma₂cuí'₅ dsa₂ ca₃ma₂líg'₂.‡

19 'Jaun₂ ně₃ lín₂ jniá'₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅
dsi₂nau₂ i₂ma₂jén'₂ tē₂le₃ quió'₅ Diú₄.

20 Tió'₅ me'₂ a₂jnia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guě'₃ má₃
a₂tsá₃ dsi₂ten₅₄ guě'₃ jui₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃
chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂l₂gu₂, on₃ guě'₂ guě'₃ má₃
a₂tsá₃ dsi₃ten₅₄ guě'₃ dsa₂ judíos, jui₁lia'₂ já'₂ i₂güí'₅ dsa₂ dsi₂lag₄, on₃ guě'₂ jmi₄
já'₂ ně₃.

21 Ia₁ ma₂líg'₂ bá₄ ma₂tu₁ja₂lén₂ dsa₂ qui₂'ě₂ 'Éi'₃ Juá'₅ quió'₅ Moisés le₂caun₂
le₂caun₂ juig₂, qui₂'i₂₃ dsi₂néi₂ guá'₅ sinagogas ca₂le₃jě₃ jmig₄ sa₅₄.

22 Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂
can'₅₄, ca₂le₃jín₃ guě₄ dsa₂ i₂lín₅ guá'₅ a₂'iin₃ i₂lin₅₄ jē₄ quió'₅ rin'₅₄, i₂chein₃
quian'₅₄ Pablo, Bernabé ně₃, jui₅ Antioquía. Jaun₂ ca₂'in₃ dsa₂ Judas i₂chen₂
Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ jui₅ jē₄ quió'₅ dsa₂
i₂'én₂.

23 Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

‡ 15:18 Amós 9:11-12.

Jnia'⁵⁴ con'² lág⁵ dsa² chen⁴ quián⁵ Jesús, quian'⁵⁴ dsa² can'⁵⁴ quián² jnia'⁵⁴, ca²le³jín³ guě⁴ rín'⁵⁴ jnia'⁵⁴ i²én², chen⁴ jnia'⁵⁴ si² la² ne'⁵⁴ 'nia'² dsi²nau² rín'⁵⁴ jniog⁴ i²tián'⁵ juig² Antioquía, quian'⁵⁴ i²tián'⁵ 'uě³ Siria, quian'⁵⁴ i²tián'⁵ 'uě³ Cilicia ně³. Cuín⁵ jnia'⁵⁴ Diú⁴ 'nia'².

²⁴ Ma²ca²rě³ne⁴ jnia'⁵⁴ jág¹ a²i¹len⁵⁴ i²lin⁵⁴ dsa² chan² ja¹lá³, on³jua'⁵⁴ i²chen⁴ quián² jnia'⁵⁴. Ma²dsi³lén² cuě'⁵ o²me'⁵⁴ dsi⁵ 'nia'² quian'⁵⁴ jág¹ quió'⁵ a²tsí'⁵ 'nia'² a²tion⁵⁴ 'nió'⁵ ti³ dsa² ni¹lo¹ dsa² ŋe'², a²jme¹ti'⁴ 'nia'² 'Éi'³ quió'⁵ Moisés ně³.

²⁵ 'Uig⁵⁴ jaun², ca²jmo¹ jnia'⁵⁴ caun² jág¹, ca²ín⁴ jnia'⁵⁴ rín'⁵⁴ jě⁴ quián² jnia'⁵⁴ a²dsi³lén² co²lě⁵ quiain'⁵⁴ Bernabé quian'⁵⁴ Pa⁴ i²'nio⁴ lín³ quián² jnia'⁵⁴, a²dsi³jín⁵⁴ 'nia'². Ia¹ le²jaun² bá⁴ dse³, lág² jnia'⁵⁴.

²⁶ Ma²le¹'ág⁴ caun² dsí⁵ gue³ 'mú³ o¹quió'⁴ Te¹gui'⁵⁴ Jesucristo quián² jniog⁴.

²⁷ Jaun² chen⁴ jnia'⁵⁴ Judas quian'⁵⁴ Silas ně³, jaun² i²ně⁵ bá⁴ juá'² quian'⁵⁴ jág¹ tio'⁵⁴ 'o⁵⁴ ca²le³jě³ a²jua'² jnia'⁵⁴ la².

²⁸ Jaun² ně³, Jme²dsí² Jñi⁵ bá⁴ ca²jme¹'o⁵⁴ a²'niog'⁵⁴ jnia'⁵⁴ dsi⁵, jaun² dse³ bá⁴ lág² jnia'⁵⁴ a²tsá³ cuě⁵⁴ jnia'⁵⁴ 'nia'² 'éi'³ guei², jñia'⁵⁴ lia'² jmá'³ lia'² a²léi⁴ 'nió'⁵ quián'² 'nia'² la²:

²⁹ A²tsá³ quě'⁵⁴ 'nia'² ni¹ñi⁵ a²ma²dsia³ dsa² ne⁴ ne⁴chei² quió'⁵ diú⁴ lag⁴; ján³ bá⁴ tsá³ quě'⁵⁴ 'nia'² jmí⁴ já'², on³ guě'² ni¹ñi¹ já'² i²dsan² i²güí'⁵ dsa² dsi²lag⁴. Tsá³ nió'⁴ 'nia'² jág¹ quian'⁵⁴ dsa² i²tsá³ lín⁵ dsi²i²gog'². Ně¹jua'² ca²jme¹ti'⁴ 'nia'² jág¹ la², dse³ bá⁴ le³chan² 'nia'².

Co²ně⁵ bá⁴ jág¹.

³⁰ Jaun² ně³, le²ně⁵ bá⁴ ca²tón'² 'éi² jui⁵, ca²i³lén² jui⁵ Antioquía. Jaun² ca²ñí'² dsa² i²én² ja¹jaun². Jaun² ca²jín'³ dsa² si² carta a²jme¹quian⁵.

³¹ Jme¹ca²'í² ríin'⁵⁴ si², qui²ca²jmo³ 'io'² o¹quió'⁴ jág¹ a²cuě⁵ lián'² dsí⁵ jaun².

³² Ia¹ Judas quian'⁵⁴ Silas, i²jme¹'ě² jág¹ a²cuě⁵ Diú⁴ ján³, ca²cuě³ 'lióng² jág¹ dse³ a²ca²jmo³ ca²'ág² dse³ dsí⁵ ríin'⁵⁴, 'ñio⁵ lín³ ca²cuě³ bí² ně³, quian'⁵⁴ jág¹ quió'⁵.

³³ Jme¹ma²tě² 'lióng² jmig⁴ tioin'⁵⁴ ja¹jaun², ca²dsi³óg'² táng³ dsa² caun² tei⁴ ja¹con² ríin'⁵⁴ i²ca²chei³. §

³⁵ La¹ ca²jñia³ Pa⁴ quian'⁵⁴ Bernabé juig² Antioquía, qui²jme²tiin²³ dsa², quiain'⁵⁴ juín⁵ guě⁴ i²sián'², qui²'ě'⁵ dsa² jág¹ dse³ quió'⁵ Te¹gui'⁵⁴.

Ca²ñó³ Pa⁴ ca²i¹'ě⁴ jág¹ jě¹ca²tě² tin³ ráun²

³⁶ Cang² jaun², ca²juá'² Pa⁴ ca²tsí'³ Bernabé:

—Dsau⁵⁴ táng³ dsi¹jín¹ rín'⁵⁴ ca²le³jě³ juig² ja¹ma²ca²i¹'ě'⁵⁴ dsa² jág¹ dse³ quió'⁵ Te¹gui'⁵⁴, dsi¹jag⁵⁴ ně¹jua'² 'a² lia'² chain².

³⁷ Bernabé ně³ jme¹'nio³ jñiai³ Juan⁵⁴, i²chen² Marcos ján³.

³⁸ La¹ Pa⁴ guě'² ně³ tsá³ ca²gue³ jiog³, ia¹ ca²téi² bá⁴ 'éi² lia'² con'² jme¹i¹nioi¹² 'uě³ Panfilia,* tsá³ ma³ca²jme³quiong'⁵⁴ jua'⁵⁴ a²jme³'o⁵⁴.

³⁹ Jaun² ca²tsíin² 'ñio⁵ lín³, ca²lia'² ca²i³lén² jma³quén⁵. Jaun² Bernabé bá⁴ ca²jñia³ Marcos, ca²tóin'² ni¹barco, ca²i³lén² jui⁵ Chipre.

⁴⁰ Pa⁴ guě'² ca²quióin'² Silas. Jme¹ma²ně²jáng'² ríin'⁵⁴ o⁴gú³ Te¹gui'⁵⁴ i²'nio³, jaun² qui²ca²'ág'³ jág¹ ríin'⁵⁴, ca²i³lén².

⁴¹ Jaun² ca²i¹ñi¹² le²tan⁵⁴ 'uě³ Siria quian'⁵⁴ Cilicia, qui²i¹cuě'² bí² ríin'⁵⁴ i²tián'⁵ ja¹jaun².

§ 15:33 A²lín⁵⁴ chog⁵⁴ si² chi¹,ton⁵, versículo 34: “La¹, Silas ně³, ca²dsia³ dsí⁵ jñia³.” * 15:38 'Nio'² ja¹,ton⁵, Hechos 13:15.

16

Ca₂jme₃quiong'₅₄ Timoteo ca₂jme₃quian'₅₄ Pa₄ quian'₅₄ Silas

¹ Ca₂dsi₃ Pa₄ quian'₅₄ Silas juig₂ Derbe, juig₂ Listra ně₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ jág₁ dse₃. Jmei₂ guē'₂ jme₁lín₄ jan₂ griego.

² Jaun₂ dsa₂ i₂'én₂ i₂jme₁tián'₄ Listra quian'₅₄ Iconio, dse₃ bá₄ jme₁'ag₂₃.

³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂, * ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ñi₅ bá₄ ca₂le₃jín₃ dsa₂, a₂lín₅ griego jmei₂ 'éi₂.

⁴ Ca₂le₃jě₃ juig₂ ja₁ca₂ñí₃, qui₂ca₂jme₃jein'₂ riin'₅₄ ca₂cuē₃ 'éi'₃ con'₂ lě₅ jág₁ quió'₅ dsa₂ i₂chen₄ quián₅ Jesús, jág₁ quió'₅ dsa₂ can'₅₄ i₂tián'₅ Jerusalén ně₃.

⁵ Jaun₂ ně₃, ca₂le₃jín₃ dsa₂ i₂lín₅ guá'₅, ca₂jña'₃ tiá₂ jág₁ dse₃ a₂'éin₂, jaun₂ le₂o₃ jmig₄ bá₄ ca₂i₃juín₂.

Ca₂qui₃ Pablo a₂ca₂jín₂ jan₂ dsa₂ chan₂ Macedonia

⁶ Tsá₃ ca₂cuē₃ Jme₂dsi₂ Jñi₅ jmig₄ a₂'ě₂ dsa₂ jág₁ dse₃ 'uē₃ Asia. Jaun₂ lě₃ ca₂i₁lein₅₄ ca₂i₁ñi₁₂ le₂tan₅₄ 'uē₃ Frigia quian'₅₄ 'uē₃ Galacia.

⁷ Jaun₂ ca₂dsi₃lén₂ ja₁jén₂ 'uē₃ Misia. Ja₁jaun₂ jme₁'nio₃ jme₁dsi₃lén₂ 'uē₃ Bitinia. La₁ tsá₃ ca₂cuē₃ jmig₄ Jme₂dsi₂ quián₅ Jesús dsi₃lén₂ ja₁jaun₂.

⁸ Jaun₂ con'₂ ca₂ñí₃ bá₄ 'uē₃ Misia, ca₂dsi₃lén₂ 'o₄ jm₁ñí'₄ ja₁chei₂ Troas.

⁹ Ja₁jaun₂ ca₂qui₃ Pa₄ a₂'uē₂ jaun₂ a₂ca₂jín₂ jan₂ dsa₂ chan₂ 'uē₃ Macedonia, a₂chéin'₅ mi₂₃, a₂juá'₂: “Ñi₅₄ jui₅ 'uē₃ Macedonia i₂jme₁'o₁ jnia'₅₄.”

¹⁰ Dsi₂jui₅ jme₁ca₂qui₃ Pa₄ le₂ně₅, jaun₂ ca₂jmó₁ jnia'₅₄ co₂jña₅₄ a₂dsi₁náu₄ jui₅ Macedonia. Ia₁ dsón'₂ lág₂ jnia'₅₄ a₂tě₂ Diú₄ ja₁jaun₂ a₂dsi₁'ě₄ jnia'₅₄ jág₁ dse₃.†

Pa₄ quian'₅₄ Silas tioen'₅₄ juig₂ Filipos

¹¹ Ca₂tió'₄ jnia'₅₄ 'ñi₃ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uē₃ Samotracia a₂nio₅ jě₄ jm₁ñí'₄. Jme₁nia₃ jaun₂, ca₂dsi₃náu₅ jnia'₅₄ Neápolis.

¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lě₅ caun₂ colonia romana ja₁lě₄ juig₂ dsen₅₄ guē₄ quió'₅ dsa₂ chan₂ 'uē₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄.

¹³ Caun₂ jmig₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lě₄ ja₁dsi₂lén₂ dsa₂ a₂chi₂lén₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄.

¹⁴ Jan₂ 'io₅₄ i₂jme₁'en₅₄ jě₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lě₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄.

¹⁵ Jaun₂ ca₂jñói₂ jmig₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ tē₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jña'₄.

Jaun₂ ca₂juá'₂ tion₅₄ a₂ca₂jña₄ jnia'₅₄.

¹⁶ Co₂ráun₂ ca₂lě₃, lia'₂ con'₂ jme₁i₃náu₅ jnia'₅₄ ja₁chi₂lén₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsi₂ 'lin'₅₄ tē₂dsí₅, i₂dsi₂ jág₁.‡ 'Io₅₄ 'éi₂ a₂lě₃jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁.

¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ ně₃, ca₂guió'₃ ca₂tsí'₃ dsa₂ i₂jme₁tion'₅₄:

* **16:3** o₃, “ca₂jmo₃ a₂ca₂ti₃ dsa₂ ni₁lo₁ 'éi₂.” † **16:10** Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ riin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂. ‡ **16:16** lit. “jan₂ 'io₅₄ chi'₂ i₂jme₁jio₅ jme₂dsi₂ quió'₅ dsi₂mi₂ cua₁ pithón.”

—Dsa₂ nē₅ i₂jme₂ti₃ ta₁ ne₄ Diú₄ juin'₂ guē₄. Jaun₂ 'ě₂ jág₁ tsí'₅ 'nia'₂ 'a₂ lia'₂ lé₂ líón'₂ 'nia'₂.

18 'Lióng₂ jmi₄g₄ ca₂jmo₃ le₂jaun₂. Ca₂lě₃ jme₁ca₂lě₃ ca₂i₃mé'₂ dsi'₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lin'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá'₂ 'éi'₃, jú₅ quió'₅ 'io₅₄ nē₅.

Jaun₂ co₂tan₅₄ dsi₂jui₅ jaun₂, ca₂o₃ 'ín₃ jme₂dsí₂ 'lin'₅₄ ca₂téin₂ 'io₅₄.

19 Jme₁ca₂rě₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmi₄g₄ a₂lí'₂ guē₄ cu₄ quian'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ juí₅ 'ma'₅₄ ne₄ dsi₂tan₅₄.

20 Jaun₂ ca₂i₁jo₅₄ ja₁tián'₄ juē₄, jaun₂ ca₂juá'₂:

—Dsa₂ la₂, i₂lín₅ judíos, i₂nioi₅₄ tsi₂jiin₂₃ dsa₂ juig₂ go₄ jniog₄.

21 Qui₂'ě'₅ jme₂tiin₂₃ dsa₂ tag₄ a₂tsá₃ dsi₂ten₅₄ guéi'₁ jniog₄, on₃ guē'₂ dsi₂ten₅₄ jua'₅₄ a₂jmó₁, ia₁ dsa₂ romanos bá₄ lág₅.

22 Jaun₂ ca₂nau₂ dsa₂ juig₂ 'nei₂ ca₂jmái'₂ Pa₄ quian'₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin'₅₄, jaun₂ ca₂jmo₃ 'éi'₃ a₂bóg₂ nē₃ quian'₅₄ ni₁'ma₂.

23 Jme₁ma₂dsan₃ bóg₂ 'ñio₅ lin₃, jaun₂ guē₄ ca₂to'₂ né'₃ 'má₃. Ca₂jmo₃ 'éi'₃ a₂jmo₃ dsa₂ i₂niog₅ gu₂ 'né₅ 'má₃ 'í₁ dse₃ lin₃.

24 Dsa₂ 'éi₂ nē₃, jme₁ca₂ñi₂ 'éi'₃ jaun₂, ca₂i₁tio'₂ ca₂tě₂ quióng₄ tsi₁'né₅ 'má₃, le₁tia₃ mi₂tag₅₄ 'ñió'₃ tau₂ ni₁'ma₂.

25 La₁ con'₂ dsi₃nei₅ jme₁ca₂'ě₃ Pa₄ alabanzas quian'₅₄ Silas qui₂ca₂tsí'₃ Diú₄, qui₂ca₂nág₂ bá₄ dsa₂ sián'₂ i₂tion'₅₄ 'né₅ 'má₃.

26 Tě₃jě₄ jaun₂, con'₂ tsá₃ ján₅ dsa₂, ca₂i₁bi₅₄ 'uě₃ tiá₂ lin₃, ca₂lia'₂ qui₂ca₂jě'₂ 'uig₅₄ ni₁'ia'₂ tsi₁'né₅ 'má₃, qui₂ca₂niá₃ ca₂le₃jě₃ o₄'né₄, qui₂ca₂gag₂ ñí₁ cadenas a₂jme₁le₁'ñe'₅₄ ca₂le₃jín₃ dsa₂ i₂jme₁tion'₅₄ 'ñió'₃.

27 Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁jě₂ o₄'né₄ 'né₅ 'má₃, jaun₂ ca₂dsi₂ ñi₁tág₂ quió'₅ a₂jme₁ñi₁'ñi₃ 'ñiog₅. Ia₁ lín₂ ma₂ca₂lón₂ jin₂ bá₄ i₂le₁jiní₅ né'₃ 'má₃.

28 La₁ dsi₂jui₅ ca₂guió'₃ Pa₄ ca₂juá'₂:

—Tsá₃ lě₁mag'₅₄ uig₅ 'ñiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

29 Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tě₃ gó'₅ jlein₂₃ ñó₃ ca₂chi₃jnë₃ ne₄ Pa₄ quian'₅₄ Silas.

30 Jaun₂ ca₂'uág'₂ tě₂ca₁'né₄, jaun₂ ca₂ñag₃:

—'Nia'₂ dsa₂, ¿'e₂ 'nió'₅ jmo₅₄ jniá'₂ ia₁ jaun₂ líón₂ jniá'₂?

31 Jaun₂ ca₂juá'₂ 'éi₂:

—'Én₃ tě₂le₃ quió'₅ Te₁gui'₅₄ Jesucristo, jaun₂ bá₄ tíng'₄, quiang'₅₄ ca₂le₃jín₃ dsa₂ dsi₂néi₂ quiáng'₂.

32 Jaun₂ ca₂cuě₃ Pa₄ quian'₅₄ Silas jág₁ dse₃ quió'₅ Te₁gui'₅₄ ca₂cuě'₃ dsa₂ 'éi₂ quian'₅₄ ca₂le₃jín₃ dsa₂ i₂tián'₅ dsi₂néi₂ quió'₅.

33 Hora jaun₂ a₂'uě₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃ ja₁qui₂le₁cuí'₃ quió'₅ Pa₄ quian'₅₄ Silas. Jaun₂ 'éi₂ quian'₅₄ ca₂le₃jín₃ dsa₂ dsi₂néi₂ quió'₅, ca₂jñó₂ jmi₄g₂.

34 Jme₁co₂lág₂ jaun₂, ca₂tág₃ ja₁quió'₄, ca₂i₁cuě₂ a₂guě'₃. Jaun₂ 'io'₂ jmo₂₃ ca₂le₃jín₃, ia₁ ca₂rě₃'éin₂ jág₁ quió'₅ Diú₄.

35 Jme₁jnia₃ jaun₂, ca₂chen₃ juě₄ chi'₂ 'í₅₄ a₂ca₂i₁chi'₄ dsa₂ i₂niog₅ gu₂ 'né₅ 'má₃, a₂lióin₂ dsa₂ 'éi₂.

36 Jaun₂ ca₂juá'₂ dsa₂ i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ñig₂ 'éi'₃ quió'₅ juě₄ a₂long₅₄ 'nia'₂. Jaun₂ ma₂lé₂ o₁no'₄ 'nia'₂ tei₄ quiáng'₂.

37 Jaun₂ ca₂juá'₂ Pa₄ ca₂tsí'₃ chi'₂ 'í₅₄:

—Ca₂chóng'₂ dsa₂ jnia'₅₄, qui₂ca₂bóg₂ tě₃jin₄ dsa₂ juin₅ tě₃ tsá₃ ca₂caún₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma. Jaun₂ guē₄ ca₂to'₂ né'₃

'má₃. ¿Ně₃ ně₃ 'nio₃ lió₂ jnia'₅₄ con'₂ tē₃co'₅₄? Tsá₃ le₂jaun₂. Jui₁ja₂léin₂ guioin₅₄ jui₁ja₂'uag'₅₄, jui₁lia'₂ ca₂to'₂.

³⁸ Jaun₂ gué₄ ca₂l₁con₂ chi'₂ 'i'₅₄ jág₁ jaun₂ ne₄ jué₄, jaun₂ ca₂rē₃gó'₅ jme₁ca₂rē₃ŋi₅ a₂lín₅ Pa₄ quian'₅₄ Silas dsa₂ tén₅ Roma.

³⁹ Jaun₂ ca₂l₁len₅₄ dsi₂tan₅₄ ca₂l₁m₁i₂ o₂'én₂ dso₄ ne₄ Pa₄ quian'₅₄ Silas. Ca₂'uág'₂ bá₄ jaun₂ ně₃, jaun₂ ca₂juá'₂ a₂'uín₃ 'éi₂ juig₂ jaun₂.

⁴⁰ Jme₁ma₂'uin₂ 'éi₂ 'né₅ 'má₃, ca₂i₃lein₃ ja₁quió'₄ 'io₅₄ Lidia. Jme₁ca₂ŋi'₂ quian'₅₄ riin'₅₄, qui₂ca₂cuē₃ bí₂ ně₃, jaun₂ gué₄ ca₂'uin₂ ja₁jaun₂, ca₂i₃lein₅₄ gué₄ juig₂ siá'₂.

17

Ca₂lě₃ mi'₅₄ juig₂ Tesalónica

¹ Jui₅ ja₁ca₂ŋe₄ Pa₄ quian'₅₄ Silas jaun₂, ca₂i₁ŋi₁₂ juig₂ Anfípolis quian'₅₄ juig₂ Apolonia ně₃. Jaun₂ ca₂dsi₃léin₂ juig₂ chei₂ Tesalónica. Ja₁jaun₂ jme₁chí'₄ guá'₅ sinagoga quió'₅ dsa₂ judíos.

² Pa₄ ně₃, ia₁ le₂jaun₂ tin₂ quió'₅, ca₂ŋei₅₄ guá'₅. Tě₁lia'₂ ca₂'í₃ tin₃-'ni₅ semana ja₁jaun₂, qui₂ca₂dsia₃ jág₁ quian'₅₄ dsa₂ ca₂le₃jě₃ jmig₄ sa₅₄, jui₁lia'₂ jág₁ a₂juá'₂ ne₄ Si₂.

³ Qui₂ca₂cuē₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ ŋág₃ uig₅ I₂rě₂'ín₁ quián₅ Diú₄, jaun₂ cang₂ jě₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ě₅ juig₂ 'nia'₂, I₂rě₂'ín₁ quián₅ Diú₄ bá₄ 'éi₂.

⁴ Jaun₂ ca₂rē₃'én₂ i₂lín₅₄ dsa₂ judíos, ca₂jme₃quian'₅₄ Pa₄ quian'₅₄ Silas. Ján₃ bá₄ ca₂rē₃'én₂ juin₅ dsa₂ griegos i₂jme₁jme₂juin'₂ Diú₄, ca₂rē₃'én₂ juin₅ 'io₅₄ dsen₅₄ ně₃.

⁵ La₁ dsa₂ judíos i₂tsá₃ 'én₂ ně₃, ca₂rē₃'néi₃ a₂dsí'₅. Jaun₂ ca₂jme₃quian'₅₄ co₂nió'₃ dsa₂ juí'₅ i₂lě₁jme₁i₂nio₄ tsi₁jin₁ jě₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄, tsi₂jin₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄ quian'₅₄ Silas, a₂jme₁tě₂ 'éi₂ jin₄ dsa₂ juig₂.

⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄ qui₂ca₂tsi₃cuin'₂ quian'₅₄ gué₄ riin'₅₄ i₂'én₂, jaun₂ ca₂tág₃ jui₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ quió'₅ tioin'₅₄:

—I₂la₂ bá₄ dsa₂ i₂ŋí₄ lě₃ ma₂jmo₃ tsá₃ ma₃caun₂ 'ei₅ jág₁, qui₂ma₂jein'₂ dsa₂ ta₁caun₂ mi₂güig₃. Le₂jaun₂ bá₄ 'nio₃ jmo₃ ja₁láš₃ ján₃, ta₁ jaun₂ bá₄ ja₂léin₂.

⁷ Jasón la₂ ně₂cuē₃ jmig₄ ně₂ŋia₃ dsa₂ 'éi₂ ja₁quió'₄. Ca₂le₃jin₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lě₅ 'éi'₃ quió'₅ gui'₅₄ emperador. Ia₁ i₂nioi₅₄ tsí'₅ dsa₂ a₂chan₂ gué₄ jan₂ rag₅₄ sián'₂, jan₂ i₂chen₂ Jesús.

⁸ Jme₁ca₂nág₂ dsa₂ le₂ně₅, ca₂tóin'₂ go₂'i₃ quian'₅₄ dsi₂tan₅₄.

⁹ La₁ Jasón quian'₅₄ riin'₅₄ ca₂quí₃ cu₄ ne₄ dsi₂tan₅₄, jaun₂ gué₄ ca₂lió₂ dsa₂.

Pablo quian'₅₄ Silas tioin'₅₄ juig₂ Berea

¹⁰ Dsi₂jui₅ le₂jaun₂ ca₂jmo₃ riin'₅₄ a₂ŋó₃ Pa₄ quian'₅₄ Silas tě₃ a₂'uě₂ jui₅ Berea. Jme₁ca₂dsi₃léin₂ ja₁jaun₂, i₁lein₅₄ dsi₂jui₅ dsi₂néi₂ guá'₅ sinagoga quió'₅ dsa₂ judíos.

¹¹ Dsa₂ judíos i₂jme₁tián'₄ ja₁jaun₂ jme₁dsein₃ con'₂ gué₄ dsa₂ juig₂ Tesalónica. Lia'₂ 'i₄ rě₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jě₃ jmig₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃ le₃ŋi₅ chi₂jua'₂ dsón'₂ bá₄ le₂jaun₂ lě₅ jág₁ a₂cuē₅ Pa₄ quian'₅₄ Silas.

¹² Juin₅ bá₄ dsa₂ judíos 'éi₂ ca₂rē₃'én₂. Ján₃ bá₄ le₂jaun₂ juin₅ dsa₂ griegos, lia'₂ dsa₂ ŋe'₂ lia'₂ 'io₅₄ dsen₅₄ ně₃.

13 La₁ jme₁ca₂rē₃ŋi₅ dsa₂ chan₂ Tesalónica a₂'en₅₄ Pa₄ 'ě₅ dsa₂ jág₁ dse₃ quió'₅ Diú₄ juig₂ Berea ján₃, jaun₂ ca₂l₃léin₂ ja₁jaun₂, ca₂chi₂ca₂jain₃ dsa₂.

14 La₁ co₂tan₅₄ ca₂chei₃ riin'₅₄ ca₂chein₃ Pa₄ chei'₅₄ jmi₁ŋí'₄. Ca₂ŋia₃ bá₄ Silas quian'₅₄ Timoteo juig₂ Berea.

15 Ca₂i₁jiog₃ dsa₂ i₂jme₁quian'₅₄ Pa₄ ca₂i₁ŋia₃ 'éi₂ ca₂tē₂ juig₂ Atenas. Jaun₂ ca₂l₃lein₃ táng₃ le₁quion₂ jág₁ quió'₅ Pa₄ a₂jiá₃ Silas quian'₅₄ Timoteo a₂dsi₃jme₃quiong'₅₄ dsi₂jui₅.

'En₅₄ Pablo juig₂ Atenas

16 Tē₁lia'₂ 'en₅₄ Pa₄ chi₁ŋia₂₃ Silas quian'₅₄ Timoteo juig₂ Atenas, tsá₃ dse₃ 'ei₅ dsí₅, ia₁ ca₂jiin₂ juin₅ lin₃ diú₄ lag₄ tión₂ le₂tan₅₄ jē₄ juig₂.

17 Jaun₂ ca₂l₁'ě₄ jág₁ dse₃ dsi₂néi₂ guá'₅ sinagoga, ca₂tsí'₃ dsa₂ judíos, dsa₂ sián'₂ ně₃ i₂jme₂juin'₂ Diú₄ tē₃dsón'₂. Ca₂le₃jě₃ jmig₄ ně₃, qui₂ca₂'ě₂ Pa₄ jág₁ dse₃ jē₄ 'ma'₅₄ ca₂tsí'₃ ca₂le₃jin₃ dsa₂ i₂jme₁jein'₂ ja₁jaun₂.

18 I₂lin₅₄ dsa₂ i₂jme₁jme₂tag₅ si₂ quió'₅ dsa₂ i₂tě'₂ dsa₂ epicúreos, i₂lin₅₄ guē'₂ i₂jme₁jme₂tag₅ si₂ quió'₅ i₂tě'₂ dsa₂ estoicos, dsa₂ 'éi₂ ca₂jme₃lióg₃ ca₂dsia₃ jág₁ quian'₅₄ Pa₄. I₂lin₅₄ guē'₂ dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ ně₅ a₂juá'₂ tság₃ jniog₄.

I₂lin₅₄ guē'₂ juá'₂ táng₃:

—Mei'₂ tsá₃ i₂'ě₂ jág₁ quió'₅ diú₄ sián'₂ i₂quián₅ dsi₂nau₂ bá₄ ně₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ě₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃.

19 Jaun₂ ca₂ŋia₃ Pa₄ caun₂ ja₁chei₂ Areópago. Jme₁ca₂dsi₃léin₂ ja₁jaun₂, ca₂ŋí'₃ Pa₄ ca₂juá'₂:

—¿Lé₂ le₃ne₄ ŋia'₅₄ 'e₂ jág₁ 'mí₂ dsia'₂ a₂jme₂tág'₂?

20 'Niog₂ ŋia'₅₄ le₃ne₄ 'e₂ jein₅ jág₁ a₁juá'₂ 'ne₂ ně₅. Ja₂lin₃ guē'₄ siá'₂ né'₂.

21 Ia₁ ca₂le₃jin₃ bá₄ dsa₂ chan₂ Atenas, quian'₅₄ dsi₂nau₂ i₂jme₁tián'₄ ja₁jaun₂, jmá'₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ ně₃, jmá'₃ ca₂ne₅₄ jág₁ 'mí₂ a₂cha₂.

22 Jaun₂ ca₂nau₂ Pa₄ dsi₂jo₂ ja₁le₁ŋí'₂ dsa₂ jaun₂, jaun₂ ca₂juá'₂:

—'Nia'₂ dsa₂ chan₂ Atenas, jág₅ jniá₂ 'ŋio₅ 'én'₂ 'nia'₂ tē₂le₃ quió'₅ diú₄ lag₄ quián'₂ 'nia'₂.

23 Ia₁ lia'₂ con'₂ ca₂ŋi₅ jniá₂ ca₂jág₃ ja₁chi₁len'₄ 'nia'₂ diú₄ lag₄ quiáng'₂, ca₂jág₃ caun₂ ja₁lě₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUIN₅ DSA₂.” Ia₁ dse₃ bá₄ guē'₂ jaun₂. Diú₄ 'éi₂ i₂chi₁len'₄ 'nia'₂, Diú₄ i₂tsá₃ cuin'₂ 'nia'₂, i₂'éi₂ bá₄ 'ín₄ jniá₂, jág₁ quió'₅ 'éi₂ bá₄ 'ě₅ jniá₂, juig₂ 'nia'₂.

24 'Diú₄ 'éi₂ i₂ca₂jmo₃ mi₂güig₃, ca₂jmo₃ ca₂le₃jě₃ 'e₂ a₂cha₂ ja₁jaun₂, 'éi₂ bá₄ quió'₅ guei'₅₄ mi₂güig₃ quian'₅₄ gua'₅₄ 'uě₃ ně₃. La₁ tsá₃ guá₅ dsi₂néi₂ guá'₅ a₂jmo₅ dsa₂ mi₂güig₃,

25 on₃ guē'₂ chi₁quian₁₂ jmig₄ jua'₅₄ a₂'nió'₅ jmo₃ dsa₂ 'e₂ jmo₃ quió'₅. Ia₁ 'ŋiog₅ bá₄ Diú₄ jmo₂₃ cuē₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jě₃ guē'₄ 'e₂ a₂cha₂.

26 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tiain'₃ ta₁caun₂ mi₂güig₃. Jaun₂ ca₂jmo₃ Diú₄ 'éi'₃ ca₂'ě₃ ja₁tian'₃ dsa₂ ně₃, 'a₂ con'₂ uě₂ 'io₃ bí₂ le₂caun₂ le₂caun₂ juig₂,

27 ia₁jaun₂ 'nai'₂ Diú₄, a₂ŋia'₅₄ chilá'₂ quian'₅₄ gu₂, con'₂ tsá₃ ŋó₅ ně₁ca₂dsáu'₂, o₁ŋia'₅₄ la₂ tsá₃ uíng₂ guá₅ Diú₄ ja₁con₂ jniog₄ le₂jau₂ le₂jau₂.

28 Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃.^{*} Jui₁lia'₂ ma₂ca₂juá'₂ i₂lin₅₄ dsa₂ poetas quián'₂ 'nia'₂ ján₃, jme₁ca₂juá'₂: “Chi'₂-guein₂ quián₅ Diú₄ bá₄ lág₅ jniog₄.”

29 Chi₂jua'₂ lág₅ jniog₄ chi'₂-guein₂ quián₅ Diú₄, jaun₂ tsá₃ dse₃ jua'₅₄ a₂jmo₁ jniog₄ dsi₅ a₂lín₅ Diú₄ jui₁lia'₂ lě₅ caun₂ nió'₄ dsa₂ lag₄ cu₄nióg₄, on₃ guě'₂ cu₄tiog₂, on₃ guě'₂ ni₁cang₁ a₂tin₂ dsa₂ jmo₂₃ con'₂ lě₅ dsi₂jio₅ dsi₅ guioin₅₄.

30 Tsá₃ lín₄ ca₂tón'₃ Diú₄ jui₅ 'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ ŋi₅ dsa₂. La₁ rě₂ně₃ ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güí₃ a₂'nió'₅ dsi₃quén'₅ dsi₅.

31 Ia₁ ma₂lě₅ 'éi'₃ quió'₅ Diú₄ a₂já₅ caun₂ jmig₄ jě₁qui₃dsi₂₃ 'éi'₃ rě₂ con'₂ dsi₂ten₅₄ quió'₅ dsa₂ mi₂güí₃, tě₂le₃ quian'₅₄ jan₂ dsa₂ i₂ca₂quióin'₂ quián₅. Jaun₂ ma₂ca₂jmo₃ léi₄ lia'₂ con'₂ jme₁ca₂jme₃jein'₅₄ 'éi'₂ jin₄ 'lag₄.

32 Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lin₅₄ dsa₂ jnia'₅₄ ca₂nág₂ bá₄. I₂lin₅₄ guě'₂ ca₂juá'₂:

—Ně₅ néi₁ táng₃ jnia'₅₄ caun₂ jmig₄ siá'₂ quiáng'₂.

33 Jaun₂ ca₂o₂'ín₃ bá₄ Pa₄ jě₄ jaun₂.

34 La₁ i₂lin₅₄ dsa₂ ca₂rě₃'éin₂ bá₄, jaun₂ ca₂'ein₃ 'éi₂. Jě₄ jaun₂ jme₁'en₅₄ i₂chen₂ Dionisio i₂lín₅ rín'₅₄ dsi₂tan₅₄ quián₅ Areópago; jan₂ guě'₂ 'io₅₄ ně₃ i₂chen₂ Dámaris; lě₂ bá₄ guě₄ dsa₂ i₂quiong'₅₄.

18

'En₅₄ Pablo juig₂ Corinto

1 Cang₂ jaun₂ ca₂o₃'ín₃ Pa₄ juig₂ Atenas, ca₂ŋó₃ jui₅ Corinto.

2 Ja₁ jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uě₃ Ponto. Jme₁guá₄ 'uě₃ Italia le₃ŋiá₅, la₁ ca₂jmo₃ 'éi'₃ gui'₅₄ emperador Claudio a₂ca₂'uín'₂ ca₂le₃jín₃ dsa₂ judíos i₂jme₁tián'₄ juig₂ Roma. 'Uig₅₄ jaun₂ ca₂o₃'ín₃ quiain'₅₄ Priscila 'io₅₄ quián₅, a₂ma₂tián'₅ juig₂ Corinto. Jme₁ca₂dsióg₃ Pa₄ ca₂i₁jín₁₂ dsa₂ 'éi₂,

3 jaun₂ ca₂'í₃ ja₁quió'₄, ca₂jmo₃ ta₁ co₂lě₅ quiong'₅₄, ia₁ ján₃ bá₄ tiin₂ 'me₃ tsi₁'mi'₂ a₂jmo₅ dsa₂ tsi₁'né₅.

4 Jaun₂ ca₂le₃jě₃ jmig₄ sa₅₄, jme₁dsó₅ Pa₄ guá'₅ sinagoga a₂jme₂tiin₂₃ dsa₂ jág₁ dse₃, a₂jme₁jme₂'uáin₂ dsi₅ dsa₂, lia'₂ dsa₂ judíos lia'₂ dsi₂nau₂ ně₃.

5 Jme₁dsióg₃ Timoteo quiain'₅₄ Silas a₂ca₂'uín₂ Macedonia, a₂dsi₃lěin₂ tě₂ ja₁'en₅₄ Pa₄, jaun₂ guě₄ ca₂'ě₂ Pa₄ dsen₅₄ dsi₅ jág₁ quió'₅ Diú₄. Jaun₂ guě₄ ca₂tsí'₃ dsa₂ judíos a₂lín₅ Jesús dsa₂ I₂rě₂'ín₁ quián₅ Diú₄.

6 La₁ dsa₂ ně₃, 'io₅₄ ca₂tiin₂ jág₁ jaun₂, jaun₂ ca₂jme₃lióg₃ qui₂ca₂jnái'₂ jág₁ uig₅ Pa₄. 'Éi₂ ně₃ qui₂ca₂séi'₂ 'liog₂ ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄ dsáu'₂. Tsá₃ ma₃'e₂ le₁cán'₄ jniá₂. Le₃ne₄ jui₅ ně₃ nei₅₄ ja₁con₂ dsi₂nau₂.

7 Ca₂o₃'ín₃ bá₄ Pa₄ dsi₂néi₂ guá'₅ sinagoga jaun₂ ně₃. Ca₂ŋó₃ ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂ ně₃, jme₁guá₄ cau₅ guá'₅.

8 Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rě₃'éin₂ tě₂le₃ quió'₅ Te₁gui'₅₄, co₂dsia₅ quian'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rě₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂.

9 Caun₂ a₂'uě₂, a₂lě₁ca₂jén'₃ Pa₄ ca₂jín₂ Te₁gui'₅₄, a₂juá'₂:

—Tsá₃ lě₁jmo₂ gang'₃ a₂'ě₄ jág₁. Caun₂ dsia₄ bá₄, tsá₃ lě₁jmo₂ tei₄.

* 17:28 lit. “a₂chong₂, a₂i₂nio₄ jniog₄, a₂'i₄ jme₂dsi₂ jniog₄.”

10 Ia₁ quian'₅₄ bá₄ jniá'₂ 'ne₂; 'i₁jan₂ tsá₃ téi₂ gu₂ jua'₅₄ a₂j_móg'₂ uig₅. Ia₁ juin₅ dsa₂ chan₂ juig₂ la₂ i₂le'_{én₂} quiáng₃.

11 Caun₂ ŋi₂ tē₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tin₂₃ dsa₂ jág₁ quió'₅ Diú₄.

12 La₁ jmig₄ jaun₂ ca₂lin₃ dsi₄má'₂ 'uē₃ Acaya jan₂ dsa₂ i₂chen₂ Galión. Jaun₂ ca₂ŋi'₂ dsa₂ judíos i₂'ŋia₅₄ Pa₄, ca₂tág₃ jui₅ ne₄ta₁.

13 Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂nē₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lē₅ 'Éi'₃.

14 Jē₁jme₁ma₂ŋag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ gué₃ dso₄juē'₂ ca₂rē₃cán'₂ dsa₂ nē₅, jme₁jmo₅₄ bá₄ jniá'₂ juin'₂ dsi₃ a₂jme₁nag₅₄ jág₁ quián'₂ 'nia'₂.

15 La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá'₂. Jme₁rē₂ bá₄ 'nia'₂ guiong'₅₄ quiáng'₂.

16 Jaun₂ ca₂'uág'₂ ca₂'uíin'₂ 'éi₂ ne₄ta₁ jaun₂.

17 Jaun₂ ca₂ŋau'₃ ca₂le₃jín₃ dsa₂ griegos ca₂ŋai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ tē₃ jág₅ dsi₄má'₂. La₁ tsá₃ ma₃a₂jaun₂ dsa₂ dsí₅ gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ŋó₃ táng₃ ca₂i'₁ 'ē₄ jág₁ dse₃ jē₁ca₂tē₂ 'nag'₂ ráun₂

18 Uē₂ bá₄ guē₄ ca₂ŋia₃ Pa₄ jē₄ juig₂ Corinto. Cang₂ guē₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea nē₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cué'₃ Diú₄ le₂ŋiá₅. Jaun₂ ca₂'í₃ ni₁barco ca₂ŋó₃ jui₅ ja₁tén₄ Siria quiaín'₅₄ Priscila, Aquila nē₃.

19 Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian'₅₄ Aquila, ca₂ŋó₃ jui₅ guá'₅ sinagoga ca₂i₁dsia₂ jág₁ quian'₅₄ dsa₂ judíos i₂jme₁tion'₅₄ le₁ŋi'₂.

20 Jme₁ca₂juá'₂ guē₄ dsa₂ ja₁jaun₂ a₂jme₁ŋia₃ guē₄ uē₂ Pa₄, la₁ tsá₃ ma₃ca₂gue₃ 'éi₂.

21 Jaun₂ ca₂'ág'₃ jág₁ jin₄ riin'₅₄, ca₂juá'₂:

—Tion₅₄ niog₅ nēg'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁ŋing₁₂ 'nia'₂ nē₁jua'₂ 'nio₃ Diú₄.

Jaun₂ ca₂'í₃ ni₁barco ca₂o₃'ín₃ juig₂ Efeso.

22 Jme₁ca₂dsióg₃ Cesarea, ca₂ŋe₄ Pa₄ i₁cuin₃ Diú₄ riin'₅₄ i₂tián'₅ Jerusalén. Jaun₂ ca₂ŋái'₃ táng₃ jui₅ Antioquía.

23 Jme₁ma₂ne₁ŋó₄ jmig₄ 'ein₅₄ ja₁jaun₂, ca₂ŋei₅₄ táng₃ ca₂i₁ŋi₂ le₂caun₂ le₂caun₂ juig₂ ja₁tén₄ 'uē₃ Galacia quian'₅₄ Frigia, qui₂ca₂cué'₃ bí₂ ca₂le₃jín₃ dsa₂ i₂'én₂ riin'₅₄.

Ca₂'ē₂ Apolos jág₁ dse₃ juig₂ Efeso

24 Jmig₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Nio₅ lín₃ jme₁tin₂ dsa₂ 'éi₂ 'ē₂ jág₁ quió'₅ Diú₄, dse₃ jme₁cuí'₅ Si₂ quió'₅ Diú₄.

25 Jme₁ma₂ŋi₅ Apolos 'éi₂ 'a₂ lia'₂ lē₅ jui₅ quió'₅ Te₁gui'₅₄. Jaun₂ 'ŋio₂ dsí₅ qui₂ca₂dsia₃ jág₁ qui₂ca₂jme₂tin₂₃ dsa₂ co₂rē₂ jág₁ quió'₅ Jesús, ton'₂ jmá'₃ ŋia'₅₄ a₂jaun₂ bá₄ jme₁ŋi₅ Apolos 'a₂ lia'₂ jme₁jme₂tag₅ Juan₅₄ jui₁lia'₂ a₂choin₂₃ dsa₂ jmig₂.

26 Ca₂jme₃lióg₃ Apolos ca₂juá'₂ dsi₂néi₂ guá'₅ sinagoga ca₂tsí'₃ dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian'₅₄ Aquila, ca₂tē'₃ Apolos cau₅, ca₂jme₃tag₂₃ guē₄ rē₂ 'a₂ lia'₂ lē₅ jui₅ quió'₅ Diú₄.

27 Jaun₂ ně₃, lia'₂ con'₂ jme'₁nio₃ Apolos jme₁ñí₃ jui₅ Acaya, ca₂cuë₃ rñin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme₁ca₂dsióg₃ Apolos 'uë₃ Acaya, ca₂jme₃'oin₅₄ 'ñio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rë₃'én₂ dsa₂ 'éi₂.

28 Jaun₂ qui₂ca₂tsiin₂ quian'₅₄ dsa₂ judíos, jaun₂ ca₂lí₃ bá₄ Apolos ne₄ ja₁tsiin₂₃ jaun₂, tē₃ jág₅ ca₂le₃jín₃ dsa₂. Ia₁ lia'₂ con'₂ lē₅ Si₂ quió'₅ Diú₄ bá₄ ca₂'ē₃ dsa₂ 'éi₂, a₂dsón'₂ bá₄ lín₅ Jesús I₂rë₂'ín₁ quián₅ Diú₄.

19

'En₅₄ Pablo juig₂ Efeso

1 Tē₁lia'₂ 'en₅₄ Apolos juig₂ Corinto, Pa₄ guë'₂ ca₂ñí₃ le₂tan₅₄ jui₅ má'₂ a₂ca₂dsióg₃ Efeso. Ja₁jaun₂ ca₂jein'₂ i₂lin₅₄ dsa₂ 'én₂.

2 Jaun₂ ca₂ñag₃ 'éi₂ ca₂ñí₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jñió₅ lia'₂ con'₂ jme₁ca₂rë₃'én'₂ 'nia'₂ jág₁ dse₃?

Jaun₂ ca₂ñag₃ dsa₂:

—Ca₂lia'₂ jñia'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsí₂ Jñió₅.

3 Jaun₂ ca₂ñag₃ táng₃ Pa₄:

—¿'A₂ guë'₂ lia'₂ ca₂jñó'₂ 'nia'₂ jmig₂?

Ca₂ñag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

4 Ca₂juá'₂ Pa₄:

—Jme₁chon₅ Juan₅₄ jmig₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jía₃ chi₁quín₃, a₂'iin₂₃ Jesucristo.

5 Jme₁ma₂në₂néi₂ dsa₂ le₂në₅, qui₂ca₂choin₃ jmig₂ lia'₂ con'₂ lē₅ 'éi'₃ quió'₅ Te₁gui'₅₄ Jesús.

6 Jaun₂ jme₁ca₂quiog₂ Pa₄ gu₂ ne₄ quió'₅ dsa₂ 'éi₂, dsí₂jui₅ le₂jaun₂ ca₂guan₃ Jme₂dsí₂ Jñió₅ ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuë₃ Diú₄ ně₃.

7 Con'₂ guia₃-tín₂ dsa₂ jme₁lē₂ le₃jín₃.

8 Con'₂ 'ni₅ tsí'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄.

9 La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rë₃'éin₂. Jñia'₅₄ qui₂ca₂ton₃ 'lig'₅₄ bá₄ Jui₅ quió'₅ Te₁gui'₅₄ jñin₄ dsa₂. Jaun₂ ca₂tē'₃ Pa₄ co₂nió'₃ jmá'₃ dsa₂ i₂'én₂ ca₂'u₁in₂ ja₁jaun₂ ca₂i₃léin₂ caun₂ escuela ja₁tē'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmig₄.

10 Ca₂dsin₃ tin₃ ñi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos ně₃.

11 Jaun₂ 'lióng₂ léi₄ juë'₂ ca₂jmo₃ Diú₄ tē₂le₃ quian'₅₄ Pa₄,

12 le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u₁in₂ jme₂dsí₂ 'lin'₅₄ quió'₅ dsa₂ ně₃.

13 La₁ i₂lin₅₄ dsa₂ judíos i₂jme₁i₂nio₄ jmo₂₃ 'u₁in'₂ jme₂dsí₂ 'lin'₅₄ quió'₅ dsa₂,* dsa₂ 'éi₂ jme₁'nio₃ jme₁'in₃ Te₁gui'₅₄ Jesús jui₁lia'₂ jē₁'u₁in'₂ jme₂dsí₂ 'lin'₅₄, ca₂juá'₂ tsí'₅ jme₂dsí₂ 'lin'₅₄:

—'Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'in₅ Pa₄ ně₅, 'u₁in'₂ 'nia'₂.

* 19:13 griego: exorkiston (exorcistas).

14 Le₂jaun₂ jme₁jmo₅ ta₁guion₃ chi' ₂ ja₁ŋi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂.

15 La₁ jme₁ca₂jmo₃ le₂jaun₂, jaun₂ ca₂ŋag₃ jme₂dsí₂ 'lin'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ ně₃, ħ'ein₂ bá₄ 'nia'₂ jmo'₂ 'éi'₃ a₂jú₄ jniá₂?

16 Jaun₂ dsa₂ i₂jme₁'en₅₄ jme₂dsí₂ 'lin'₅₄ quió'₅, ca₂cuē₃ 'ŋio₅ lín₃ ca₂cuē'₃ ca₂le₃jín₃ dsa₂ 'éi₂, ca₂lia'₂ ca₂i₃leín₃ cuing₂₃ le₁cuáin'₃ qui₂le₁cuín'₂ ně₃.

17 Jaun₂ ca₂le₃jín₃ dsa₂ judíos, quian'₅₄ dsa₂ griegos ně₃, i₂jme₁tián'₄ juig₂ Efeso, ca₂rē₃gó'₅ 'ŋio₅ lín₃ jme₁ca₂rē₃ŋi₅. Jaun₂ ca₂rē₃juin'₂ Te₁gui'₅₄ Jesús 'ŋio₅ lín₃.

18 Jaun₂ juin₅ dsa₂ i₂ca₂rē₃'én₂, ca₂dsi₃léin₂ ca₂jmo₃ qui₂ŋí₃ quió'₅ ca₂le₃jě₃ a₂'lig'₅₄ a₂qui₂ma₂jmo₃.

19 Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ ně₃, ca₂i₁quian₅₄ si₂ lia'₂ quió'₅, jaun₂ ca₂dsí'₂ tē₃ jág₅ dsa₂. Jme₁ca₂chen'₃ dsa₂ cuenta je₂liá'₂ dsin₅ 'i₄'ma'₅₄ le₃jě₃ si₂ jaun₂, ca₂dsió₃ con'₂ tē₂láu₃-guiá₂ mei₅ 'éi'₃ cu₄ tiog₂.

20 Jaun₂ ně₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí₃ bá₄.

21 Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uē₃ Macedonia quian'₅₄ Acaya, lia'₂ ma₂ŋó₅ jaun₂ tē₂ Jerusalén. Ján₃ bá₄ ca₂juá'₂ táng₃, jē₁ma₂ca₂dsió₃ Jerusalén, a₂tion₅₄ dsó₃ ca₂tē₂ Roma ján₃.

22 Jaun₂ ca₂chein₃ on₃ dsa₂ i₂jme₂'o₅₄† quiáin₅: Timoteo, quian'₅₄ Erasto, a₂dsi₃léin₂ juí₅ Macedonia. Ca₂rē₃'in₅₄ bá₄ guē₄ 'ŋiog₅, 'uē₃ Asia.

Ca₂nio₃ mi'₅₄ juig₂ Efeso

23 Jmig₄ jaun₂, 'ŋio₅ lín₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄.

24 Ia₁ jan₂ dsa₂ i₂chen₂ Demetrio i₂jme₁lín₄ tē₅ŋí₁ cu₄tiog₂, jme₁jmo₂₃ chéi₂ a₂rē₂lag₄ lia'₂ lē₅ guá'₅ ja₁chén'₄ 'io₅₄ diú₄ Diana.‡ 'Ŋio₅ jme₁tiin₂₃ cu₄ quian'₅₄ ta₁ jaun₂ quió'₅, quian'₅₄ tē₅ŋí₁ riin'₅₄ i₂jmo₅ ta₁ le₂jaun₂.

25 Jaun₂ Demetrio ně₃, ca₂ŋí₁'₂ 'éi₂ quian'₅₄ guē₄ dsa₂ sián'₂ i₂jmo₅ ta₁ le₂jaun₂ ján₃. Jaun₂ ca₂juá'₂:

—'Nia'₂ dsa₂ rin'₅₄ jniog₄, ŋi'₅₄ bá₄ 'nia'₂ rē₂, a₂chong₂ jniog₄ dse₃ quian'₅₄ ta₁ quián₂.

26 Jaun₂ jág'₂ bá₄ 'nia'₂ a₂jmo₅ Pa₄ ŋi₂₃ juá'₂ tsí'₅ dsa₂, a₂tsá₃ 'e₂ quen₅ diú₄ i₂jmó'₂ dsa₂ mi₂güig₃, ia₁ tsá₃ lín₅ diú₄, juá'₂. Jaun₂ juin₅ dsa₂ i₂ma₂ca₂rē₃'én₂ ně₃, on₃juá'₅₄ jmá'₃ juig₂ Efeso la₂, mei'₂ tsá₃ le₂tan₅₄ 'uē₃ Asia bá₄.

27 Jaun₂ go'₂ tē₂le₃ quián₂ jniog₄, ia₁ dsí₃'én₂ ta₁ quián₂ lé₂. Ján₃ guē'₂ le₂jaun₂, tē₂le₃ quió'₅ guá'₅ quió'₅ diú₄ Diana juin'₂, go'₂ a₂dsi₃'én₂ ján₃. Ia₁ ně₁juá'₂ tsá₃ ma₂'nio₃ dsa₂, jaun₂ dsí₃'én₂ bá₄ bí₂ quió'₅ a₂lín₅ dsa₂ juin'₂. Ia₁ rē₂ně₃ ta₁caun₂ 'uē₃ Asia, ta₁caun₂ mi₂güig₃ ně₃ jme₂go₃ dsa₂ a₂jme₂juag'₂.

28 Jme₁ca₂dsan₃ nag₅ dsa₂ le₂ně₅, ca₂rē₃'néi₃ 'ŋio₅ lín₃, ca₂tóin'₂ ca₂guió'₃ ca₂juá'₂:

—i'Ŋio₅ juin'₂ diú₄ Diana quián₅ dsa₂ juig₂ Efeso!

29 Jaun₂ ca₂lě₃ mi'₅₄ quió'₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quian'₅₄ Aristarco i₂jme₁quian'₅₄ Pa₄, ca₂ŋau'₃ ca₂i₃toin'₅₄ co₂dsia₅ ca₂tē₂ ja₁ŋi'₂ § dsa₂ juig₂.

30 Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsi₃chi'₅₄ dsa₂. La₁ tsá₃ ca₂cuē₃ jmig₄ riin'₅₄ i₂'én₂.

† 19:22 griego: diakonous. ‡ 19:24 griego: Artemis; (Diana chein₂ quian'₅₄ latín, jág₁ jmei₅ romano).

§ 19:29 griego: theatron (co₂'nió'₄ caun₂ estadio a₂lě₅ dso'₂ dsí₂con'₂).

31 I₂lin₅₄ dsa₂ dsen₅₄ quián₅ 'uë₃ Asia, i₂lín₅ dsa₂ a₂mei₅₄ quián₅ Pa₄, ján₃ bá₄ ca₂chein₃ jág₁ a₂tsá₃ dsi₂ten₅₄ jua'₅₄ a₂dsi'₃ Pa₄ ja₁jaun₂.

32 Tè₁lia'₂ jaun₂ ně₃ ja₁tion'₅₄ dsa₂ juig₂ le₁ñi'₂ tioin'₅₄ co₂mi'₅₄, lě₅ bá₄ qui₂juá'₂ jan₂-jan₂, tsá₃ caun₂ jág₁ 'ei₅, lě₅ gué₄ ca₂dsion₄ dsa₂ jñia'₅₄ tsá₃ ñi₅ 'e₂ lě₃ le₁ñi'₂.

33 La₁ jě₄ jaun₂ jme₁tion'₅₄ bá₄ i₂lin₅₄ dsa₂ i₂ñi₅. Jaun₂ ca₂juá'₂ 'a₂ lia'₂ lě₅ ca₂tsí'₃ jan₂ i₂chen₂ Alejandro i₂jme₁ca₂'lian'₃ dsa₂ judíos a₂ca₂dsióg₃ tē₂ne₄ dsa₂ juig₂. Jaun₂ ca₂jmo₃ Alejandro léi₄ quian'₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá'₂ jág₁ a₂jme₁tsí'₃ dsa₂ a₂jme₁lióin₂ dsa₂ on₃ i₂ca₂jña'₃ dsa₂ 'éi₂.

34 La₁ jme₁ca₂rě₃lí'₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin'₂ co₂mi'₅₄, con'₂ tin₃ hora qui₂guió'₅ ca₂juá'₂:

—i'Ñio₅ juin'₂ diú₄ Diana quián₅ dsa₂ juig₂ Efeso!

35 Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió'₃ jme₁ca₂tió'₃, ca₂jmo₃ ca₂i₃lén₂ dsa₂ tei₄. Jaun₂ gué₄ ca₂juá'₂:

—'Nia'₂ dsa₂ chan₂ Efeso, ta₁caun₂ mi₂güig₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá'₅ quió'₅ diú₄ juin'₂ Diana, ton'₂ jmo₃ 'í₁ nió'₄ quió'₅ a₂ca₂sió₃ guei'₅₄ i₂juig₃.*

36 'I₁jan₂ jua'₅₄ le₃juá'₂ a₂tsá₃ ñi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃ né'₃ gué₄ a₂jmó'₂ 'e₂ jmó'₂.

37 Ia₁ dsa₂ i₂ně₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ gué₄ 'iin₂₃ 'lig'₅₄ diú₄ quián₂ jniog₄.

38 Chi₂jua'₂ 'nio₃ Demetrio mi₃ dso₄, quian'₅₄ ca₂le₃jín₃ i₂jmo₅ ta₁ quian'₅₄, jaun₂ gué'₂ chan₂ dsi₂tan₅₄ ne₄ta₁ ja₁lé₂ dsi₃mi₃ dso₄.

39 La₁ ně₁jua'₂ a₂mi'₂ 'nia'₂ lě₅ caun₂ dso₄ jué'₂ gué₄ con'₂ gué₄ a₂jaun₂, 'nió'₅ le₃rě₂ ne₄ dsi₂tan₅₄ jě₁ma₁le₁ñi'₂ dsa₂ juig₂.

40 Ia₁ go'₂ quián₂ jniog₄ a₂jmo'₂ 'nia'₂ le₂ně₅, ně₁jua'₂ ca₂'nag₃ dsa₂ a₂ñí₄ lě₃ 'niog₂ mi'₅₄, ju₁lia'₂ mi'₅₄ a₂ca₂lě₃ ně₃. Ia₁ ně₁jua'₂ ca₂ñag₃ dsa₂ 'e₂ 'uig₅₄ ca₂lě₃ mi'₅₄ la₂, tsá₃ 'e₂ cha₂ le₃ñag₄.

41 Jme₁ma₂ca₂dsan₃ juá'₂ le₂ně₅, ca₂jme₃dsiain₂₃ bá₄ jág₁ a₂le₁ñi'₂ dsa₂. Jaun₂ ca₂dsiáin'₂ bá₄ dsa₂, qui₂ca₂i₃lein₃ quió'₅.

20

Ca₂ñó₃ Pablo 'uë₃ Macedonia quian'₅₄ Grecia

1 Jme₁ca₂dsan₃ mi'₅₄ jaun₂, qui₂ca₂tě'₃ Pa₄ le₃jín₃ dsa₂ 'én₂, qui₂ca₂cué'₃ bí₂. Jme₁ca₂lě₃ jaun₂, qui₂ca₂'ág'₃ jág₁ riin'₅₄. Jaun₂ gué₄ ca₂ñó₃ juí₅ Macedonia.

2 Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cué'₂ bí₂ riin'₅₄. Cang₂ gué₄ jaun₂ ca₂ñó₃ táng₃ juí₅ Grecia.

3 Ja₁jaun₂ ca₂'í₃ 'ni₅ tsí'₂. Jme₁ma₂'ein₅₄ juí₅ 'í₂ ni₁barco a₂dsó₃ juí₅ Siria, jme₁ca₂rě₃ñi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂ co₂ñei'₅₄ tsá₃ ma₃ca₂ñái'₃ juí₅ jaun₂. Ca₂ñái'₃ bá₄ táng₃ juí₅ 'uë₃ ca₂ñí₃ Macedonia.

4 Jaun₂ ca₂jme₃quiong'₅₄ dsa₂ le₂'i₄ juí₅ i₂chen₂ Sópater ja₁ñi'₅₄ Pirro,* i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo ně₃ i₂chan₂ juig₂ gu'₂ ja₁tén₄ 'uë₃ Asia.

5 Jaun₂ ně₃, riin'₅₄ jniog₄ 'éi₂ ca₂i₃jñiá'₄ ca₂i₃jniog₁₂ juig₂ Troas.

6 Cang₂ jme₁ca₂gú'₃ jmig₄ a₂gué'₅ dsa₂ i₁ñí'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂jñia₄ jnia'₅₄ guio₃ jmig₄.

'En₅₄ Pablo juig₂ Troas

* 19:35 A₂lin₅₄ chog₅₄ si₂: "a₂ca₂sió₃ ja₁con₂ diú₄ Júpiter." Pirro."

* 20:4 A₂lin₅₄ chog₅₄ si₂ tsá₃ chi₁ton₅ "ja₁ñi'₅₄

7 Jmīg₄ jē₁le₂'uīg₅₄ semana, ca₂ṅag₂' jnia'₅₄ a₂ca₂dsi₄' i₁ṅí'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tiin₂₃ dsa₂. Caun₂ ca₂ton₃ jág₁ ca₂lia'₂ ca₂tē₂ dsi₃nei₅, ia₁ a₂ma₂'ein₅₄ jui₅ dsáin'₃ jē₁ma₂jnia₃ jaun₂.

8 Jme₁tio'₅₄ jnia'₅₄ le₁ṅag₂' caun₂ dsi₂né₂ ja₁lě₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂.

9 Jan₂ guē'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ṅí₄ lě₃ uě₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'é₂ a₂i₁gü₃in₃. Jme₁ma₂rē₂gü₃in₃ tsá₃ ma₃lí'₄ jme₁ca₂táin'₂ ca₂tē₂ ja₁lě₄ 'ni₅ juín₃ guei'₅₄. Ma₂join₂₃ jme₁ca₂i₁cho'₄ dsa₂.

10 Jaun₂ ca₂sión₃ Pa₄ ján₃, ca₂jṅai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

—Tsá₃ lě₁jmo₂'nia'₂ gang'₃, ia₁ 'i₄ bá₄ jme₂dsí₂ quió'₅ chi'₂.

11 Jaun₂ ně₃ ca₂uíg₂ táng₃ Pa₄ guei'₅₄. Jaun₂ ca₂dsi₄' i₁ṅí'₄, ca₂guě'₃ bá₄ jaun₂ ně₃. Caun₂ ca₂dsia₃ bá₄ guě₄ Pa₄ jág₁ ca₂lia'₂ ca₂jnia₃. Ca₂ṅái'₃ bá₄ jaun₂ ně₃.

12 La₁ dsó₂ 'é₂ ně₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jíin₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

13 Ca₂i₃jṅióg₄ bá₄ jnia'₅₄ i₂náu₅ quian'₅₄ ni₁barco ca₂tē₂ Asón ca₂i₁te₁ Pa₄, ia₁ jme₁ma₂lě₅ jág₁ a₂'nio₃ dsó₃ 'ṅiog₅ jui₅ tag₅₄.

14 Jme₁ca₂rē₃quian'₅₄ jnia'₅₄ jui₂g₂ Asón, ca₂'í₃ ni₁barco quian'₅₄ jnia'₅₄ a₂ca₂i₃náu₅ jui₅ Mitilene.

15 Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ṅag₅₄ cau₅ ja₁tě₂ dsa₂ Quío, (a₂niog₅ jē₄ jmi₁ṅí'₄). Caun₂ jmīg₄ cang₂ jaun₂, ca₂dsi₃náu₅ jnia'₅₄ 'o₄ jmi₁ṅí'₄ ja₁chei₂ Samos. [Jaun₂ ca₂jṅia₁ jnia'₅₄ jui₂g₂ Trogilio].† Jme₁jnia₃ jaun₂ guě₄ ca₂dsi₃náu₅ jnia'₅₄ tē₂ jui₂g₂ Mileto.

16 Jaun₂ le₂ně₅ ca₂lě₃, ia₁ tsá₃ 'nio₃ Pa₄ 'í₂ uě₂ 'uě₃ Asia, tsá₃ ma₃ca₂ṅei₅₄ jui₅ Efeso. Ia₁ 'nio₃ dsáin'₄ ṅi'₅₄ ta₁ jui₅ Jerusalén, a₂'nio₃ ṅi₅ ja₁jaun₂ Jmīg₄ Tē₂láu₃-guiá₂ ně₁juá'₂ ca₂lě₃.

Ca₂ton₃ Pablo jág₁ jṅi₄ dsa₂ can'₅₄ quián₅ riin'₅₄ chan₂ Efeso

17 'En₅₄ Pa₄ jui₂g₂ Mileto, jaun₂ ca₂ṅí'₂ ca₂le₃jín₃ dsi₂gui'₅₄ can'₅₄ quián₅ riin'₅₄ i₂chan₂ Efeso.

18 Jme₁ca₂dsi₃lén₂ dsa₂, jaun₂ ca₂juá'₂ Pa₄:

—ṅi'₅₄ bá₄ 'nia'₂ 'a₂ lia'₂ ma₂jmo₃ jniá₂ ca₂le₃ guang₃ le₂'uīg₅₄ 'uě₃ Asia.

19 Ca₂le₃jě₃ jmīg₄ bá₄ lia'₂ con'₂ ca₂'ú₃ jṅi'₄ 'nia'₂, ca₂jme₁tí₁₂ ta₁ ne₄ Te₁gui'₅₄. Tsá₃ ca₂jme₁juing'₂ 'ṅió₃. Tsá₃ caun₂ ca₂i₃ṅíg₂ 'uīg₅₄ ca₂le₃jě₃ a₂jme₁'nio₃ dsa₂ judíos jme₁j móg'₂.

20 La₁ on₃juá'₅₄ jaun₂ tsá₃ ma₃ca₂jme₁tín₅ jniá₂ 'nia'₂ a₂dse₃ quián'₂ 'nia'₂, ca₂i₁'ě₄ jṅi₄ dsa₂, ca₂ṅeg₅₄ tē₂ dsi₂né₂ quián'₂ 'nia'₂ ně₃.

21 Lia'₂ dsa₂ lín₅ judíos lia'₂ dsa₂ griegos ně₃, qui₂ma₂juíg₂ jniá₂ a₂'nió'₅ jme₃tsín₃ dsa₂ dsí₅ ne₄ Diú₄, a₂le₃'éin₂ tē₂le₃ quió'₅ Te₁gui'₅₄ Jesucristo quián₂ jniog₄.

22 Jaun₂ ně₃, ma₂'eng₅₄ jui₅ nei₅₄ jui₅ Jerusalén, ia₁ chi₂quióng₂ jmīg₄ Jme₂dsí₂ quián₅ Diú₄. Tsá₃ a₂jaun₂ guion₅₄ 'e₂ dsi₃ṅíg₂ ja₁jaun₂.

23 Jṅia'₅₄ lia'₂ jaun₂ bá₄ guion₅₄, ia₁ le₂caun₂ le₂caun₂ jui₂g₂ ja₁ma₂ṅeg₅₄, ma₂'ě₂ jág₁ Jme₂dsí₂ Jṅió₅ a₂i₁ṅag₁₂ uīg₅, a₂to'₂ dsa₂ 'né₅ 'má₃ ně₃.

24 La₁ tsá₃ a₂jaun₂ 'i₅ dsi₃ jniá₂, o₁jṅia'₅₄ ca₂quín₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂jme₁tíng₅ dsa₂ jág₁ dse₃ a₂'ua₁ dsí₅ Diú₄.

† 20:15 A₂lín₅₄ chog₅₄ si₂ tsá₃ le₁ton₅ jág₁ ně₅.

25 'Jaun₂ ně₃ dsón'₂ lín₂ jniá'₂, 'nia'₂ rin'₅₄ jniog₄ i₂ ma₂ nei'₂ jág₁ a₂ ma₂ qui₂ ma₂ 'ě₃ jniá'₂ ŋi₂₃, o₁ líg'₂ jmig₄ tsá₃ ma₃ jag'₅₄ 'nia'₂ jniá'₂ táng₃.

26 Jaun₂ lě₃ juíg₂ jniá'₂ 'nia'₂ tsá₃ ma₃ 'e₂ rě₂ cán'₄ jniá'₂ ja₁ con₂ ca₂ le₃ jín₃ dsa₂,

27 ia₁ ma₂ ca₂ juíg₂ bá₄ jniá'₂ 'nia'₂ lia'₂ con'₂ lě₅ dsi₂ jiog₅ dsí₅ Diú₄ jmo₃, tsá₃ 'e₂ ca₂ ma₃ jniá'₂ ja₁ con'₂ 'nia'₂.

28 Jaun₂ ně₃, jmo₄ 'nia'₂ 'í₁ guiong'₅₄, jmo₄ 'í₁ ca₂ le₃ jín₃ dsa₂ ríng'₂ i₂ 'én₂ ně₃. Ia₁ o₄ gog'₂ 'nia'₂ bá₄ ma₂ dsiog₃ Jme₂ dsí₂ Jnió₅ † a₂ jmó'₂ 'í₁ dsa₂ i₂ lín₅ guá'₅ quián₅ Diú₄ i₂ 'lian'₅₄ tē₂ le₃ quian'₅₄ jmi₂ 'an₅₄ 'ŋiog₅ ja₁ ŋi'₅₄.

29 Guion₄ bá₄ jniá'₂ a₂ ja₃ lén₂ dsa₂ sián'₂ jē₁ ma₂ ŋág'₅, a₂ 'nio₃ 'éin₂ 'nia'₂ ca₂ le₃ jíng'₃, a₂ jmo₃ ju₁ lia'₂ jmo₅ dsi₂ jī'₅₄ ná₂ tsau₂ dsí₅, jme₂ dsiain₂₃ ju₁ lia'₂ já'₂ cha'₂.

30 Ná₃ jē₄ quián'₂ 'nia'₂ guiong'₅₄ dsa₂ i₂ jme₃ tag₅ le₃ jen₅ ia₁ jaun₂ 'ein₃ ju₁ i₅ quió'₅ 'éi₂ ju₁ lia'₂ dsa₂ i₂ ma₂ 'én₂ jág₁ dse₃.

31 Jaun₂ rě₂ ján'₁ 'nia'₂, dsá₂ 'au'₂ 'nia'₂ jmo₄, ia₁ 'ni₅ ŋi₂ ca₂ dsin₃ ca₂ cuě₃ 'nia'₂ jág₁ lia'₂ 'uē₂ jmi₂, ca₂ le₃ jě₃ ca₂ 'o₃.

32 'Jaun₂ ně₃ rin'₅₄ jniog₄, dsián₄ jniá'₂ 'nia'₂ o₄ gú₃ Diú₄, ne₄ jág₁ dse₃ quió'₅ a₂ 'ua₁ dsí₅, a₂ lé₂ jmo₃ a₂ 'uan'₂ 'nia'₂, a₂ lé₂ jmo₃ a₂ tin'₅₄ 'nia'₂ a₂ dse₃ a₂ cha₂ quió'₅, ju₁ lia'₂ a₂ tin'₅₄ ca₂ le₃ jín₃ dsa₂ i₂ lě₅ 'í₁ quián₅.

33 Tsá₃ 'e₂ ma₂ ca₂ rě₃ 'ín₂ dsi₃ a₂ jmo₅₄ quió'₃, ju₁ lia'₂ a₂ cha₂ quió'₅ i₂ sián'₂, on₃ guē'₂ cu₄ nióg₄, on₃ guē'₂ cu₄ tiog₂, on₃ guē'₂ tsin'₅₄ ně₃.

34 Ŋi'₅₄ bá₄ 'nia'₂ rě₂, tē₂ le₃ ma₂ jmo₃ bá₄ ta₁ 'ŋi₃ quian'₅₄ gu₂ tag₃ ma₂ 'no₃ a₂ 'nió'₅ dsi₃ ŋíg₂ quian'₅₄ i₂ quiang'₅₄.

35 Ca₂ le₃ o₃ jmig₄ bá₄ ma₂ 'ě₃ 'nia'₂ a₂ lia'₂ 'nió'₅ jmo₃ dsa₂ ta₁, a₂ 'nió'₅ jme₃ 'on₅₄ dsa₂ dsa₂ i₂ 'nió'₅ quió'₅. Dsá₂ 'au'₂ 'nia'₂ jmo₄ jág₁ quió'₅ Te₁ gui'₅₄ Jesús, jme₁ ca₂ juá'₂: “Ja₂ lín₃ guē₄ dse₃ 'ei₅ dsí₅ dsa₂ i₂ cuē₅, con'₂ guē₄ dsa₂ i₂ gue₅.”

36 Jme₁ ca₂ dsan₃ juá'₂ Pa₄ le₂ ně₅, ca₂ chi₃ jné₃ quian'₅₄ ca₂ le₃ jín₃ dsa₂, ca₂ chi₃ lén'₂ Diú₄.

37 Ca₂ le₃ jín₃ qui₂ ca₂ 'o₃, qui₂ ca₂ jŋai'₃ Pa₄, ca₂ chen'₃ quió'₅.

38 La₁ ja₂ lín₃ guē₄ 'lia'₂ dsí₅ dsa₂ ca₂ tóin'₂ jme₁ ca₂ juá'₂ Pa₄, ca₂ lia'₂ o₁ líg'₂ jmig₄ tsá₃ ma₃ jín₂ guē₄ rin'₅₄. Jaun₂ ca₂ jme₃ quiong'₅₄ dsa₂, ca₂ i₁ join₅₄ Pa₄ tē₂ ja₁ 'ei₅ ni₁ barco.

21

Ca₂ ŋá'₃ Pa₄ ju₁ i₅ Jerusalén

1 Jme₁ ca₂ tén'₂ dsi₅ jnia'₅₄ dsa₂ rin'₅₄, jaun₂ ca₂ i₃ ná₅ ju₁ i₅ ne₄ jmi₁ ŋí'₄ co₂ dsau₅ tē₂ Cos (a₂ niog₅ jē₄ jmi₁ ŋí'₄). Jme₁ jnia₃ jaun₂ táng₃, ca₂ ŋag₅₄ ja₁ chei₂ Rodas, jaun₂ guē₄ dsi₃ ná₅ jnia'₅₄ juig₂ Pátara.

2 Juig₂ Pátara jaun₂, cane₅₄ táng₃ jnia'₅₄ caun₂ ni₁ barco a₂ ŋó₃ ju₁ i₅ 'uē₃ Fenicia, jaun₂ ca₂ tió'₄ jnia'₅₄, ca₂ i₃ ná₅ táng₃.

3 Jaun₂ ca₂ ŋag₅₄ jnia'₅₄ ja₁ jniá'₂ Chipre tē₂ le₃ gu₂ jen₅, jaun₂ ca₂ i₃ ná₅ jnia'₅₄ tē₂ Siria. Jaun₂ ca₂ dsióg₃ ni₁ barco juig₂ Tiro, ia₁ i₁ con₂ lio₅₄ ja₁ jaun₂. Jaun₂ ca₂ sió'₄ jnia'₅₄ ja₁ jaun₂.

4 Jaun₂ ca₂ jen'₂ jnia'₅₄ dsa₂ 'én₂ rin'₅₄ tián'₅ ja₁ jaun₂. Jaun₂ ca₂ tió'₄ jnia'₅₄ guio₃ jmig₄ quian'₅₄. Dsa₂ 'éi₂ ně₃, ca₂ 'ě₂ jág₁ a₂ ca₂ cuē₃ Jme₂ dsí₂ Jnió₅, ca₂ tsí'₃ Pa₄ a₂ tsá₃ dsi₂ ten₅₄ dsó₃ ju₁ i₅ Jerusalén.

5 Jme₁ ca₂ dsin₃ guio₃ jmig₄ tio'₅₄ jnia'₅₄ jaun₂, jaun₂ ca₂ 'uag₂ táng₃. Jaun₂ ca₂ le₃ jín₃ dsa₂ i₂ 'én₂, quian'₅₄ 'io₅₄ quián₅, chi'₂ quián₅ ně₃, ca₂ jme₃ quiong'₅₄

‡ 20:28 griego: (ma₂ chei'₃ Jme₂ dsí₂ Jnió₅ a₂ lén'₂ 'nia'₂) epískopos (dsa₂ i₂ con₂ 'í₁).

të₂ 'ni'₂ juig₂, ca₂i₁jo₅₄ të₂ chei'₅₄ jmi₁ñí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄.

⁶ Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ guë₄ ca₂uig₅₄ jnia'₅₄ 'ñio'₃ ni₁barco. 'Éi₂ ně₃ ca₂i₃lein₃ bá₄ quió'₅.

⁷ Jme₁ca₂'uag₂ jnia'₅₄ juig₂ Tiro, ca₂i₃náu₅ jui₅ ne₄ jmi₁ñí'₄ a₂ca₂i₃náu₅ jui₅ Tolemaida. Ca₂cuin'₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jnia₄ jnia'₅₄ co₂jmi₄g₄ quiain'₅₄.

⁸ Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsi₃náu₅ juig₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ě₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄ * i₂ca₂quió'n'₂ dsa₂ le₂jniá₅.

⁹ Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ě₂₃ 'ě'₅ dsa₂ jág₁ a₂cuë₅ Diú₄.

¹⁰ Ma₂ne₁ñó₄ ca₂la₂ jmi₄g₄ tio'₅₄ jnia'₅₄ jme₁ca₂dsióg₃ jan₂ dsa₂ i₂të'₂ dsa₂ Agabo, i₂'ě₂ jág₁ a₂cuë₅ Diú₄, a₂ca₂o₃jag₅₄ jnia'₅₄.

¹¹ Jaun₂ jme₁ca₂guan₃ 'éi₂ ně₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'ñiog₅ quian'₅₄ mi₂gu₂ ně₃. Jaun₂ ca₂juá'₂:

—Le₂la₂ juá'₂ Jme₂dsí₂ Jñio₅: “Le₂la₂ jmo₃ dsa₂ judíos jë₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsi₂nau₂.”

¹² Jme₁ca₂néi₁ jnia'₅₄ le₂ně₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei'₅₄ Pa₄ a₂tsá₃ ma₃dsó₃ Jerusalén.

¹³ La₁ jaun₂ ca₂ñag₃ Pa₄:

—¿'E₂ lë₃ qui'₂-'au'₂ 'nia'₂, jmo'₂ 'nia'₂ 'ag₅ 'lia'₂ dsi₃? Ia₁ ma₂rë₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsi₃ a₂jóng₂, ñag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

¹⁴ Ia₁ tsá₃ jág₁ ca₂can₃ Pa₄ a₂ca₂chei'₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂ně₂jua'₅₄:

—Jui₁le₅₄ bá₄ a₂'ñio₂ dsí₅ Te₁gui'₅₄ jaun₂.

¹⁵ Cang₂ jaun₂ ca₂jmó₁ jnia'₅₄ co₂jnia₄ quián₂, ca₂tió'₄ jui₅ i₃náu₅ jui₅ Jerusalén.

¹⁶ I₂lín₅₄ dsa₂ 'én₂ i₂chan₂ Cesarea ca₂jme₃quiong'₅₄. Jë₄ jaun₂ ñó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂lín₅ dsa₂ i₂'én₂. Ja₁quió'₄ 'éi₂ ca₂i₁jnia₄ jnia'₅₄ Jerusalén.

Ca₂i₁jin₁ Pa₄ Jacobo

¹⁷ Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅.

¹⁸ Jme₁jnia₃ jaun₂, ñó₃ Pa₄ quiain'₅₄ jnia'₅₄ a₂ca₂i₁jin₁ jnia'₅₄ Jacobo. Ja₁quió'₄ 'éi₂ jme₁tion'₅₄ jin₂ gui'₅₄ can'₅₄.†

¹⁹ Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jě₃ 'e₂ a₂ma₂jmo₃ Diú₄ jin₄ dsi₂nau₂ të₂le₃ quian'₅₄ 'éi₂.

²⁰ Jme₁ca₂nág₂ dsa₂ jág₁, jaun₂ ca₂jme₃juin'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ ñí'₅₄ bá₄ 'ne₂, të₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ ně₃, dsen'₅₄ dsí₅ le₃quió'₅ 'Éi'₃ Juá'₅.

²¹ Jaun₂ ma₂juá'₂ dsa₂ a₂ñí'₂ 'ne₂ jme₂ting'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chi'₂ dsa₂ ñe'₂ quiáin₅, on₃ guë'₂ jmo₃ jui₁lia'₂ tag₄ chí'₅ quián₂ jniog₄.

²² ¿'E₂ lé₂ ně₃? Ia₁ tion'₅₄ ja₁lén₂ dsa₂ a₂ñí'₂ jë₁ma₂ca₂rë₃ñi₅ a₂'eng'₅₄ ja₁lá₃.‡

²³ Co₂ñei'₅₄ guë₄ dse₃ jmó'₂ a₂jua'₅₄ jnia'₅₄ la₂: Chan₂ jë₄ la₂ quián₂ jnia'₅₄ quén₂ dsa₂ i₂tion'₅₄ niog₅ jme₃ti₃ caun₂ jág₁ quió'₅ a₂ma₂cuë'₃ Diú₄.

* 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1. † 21:18 griego: presbíteros.

‡ 21:22 A₂lín₅₄ chog₅₄ si₂: “Ia₁ tion'₅₄ bá₄ le₃ñi₅ dsa₂ a₂'eng'₅₄ ja₁lá₃.”

24 Jñia₅ jui₁ dsi₂ léin₂ quian'₅₄ 'ne₂, jmo₄ le₁ jě₃ quiáng'₂ quiaín'₅₄. Jaun₂ 'ne₂ bá₄ qui'₅₄ 'lia'₅₄ ia₁ jaun₂ ma₂ lé₂ jme₃ ti₃ a₂ chéi₃ jñi₂ dsi₅₄, ia₁ jaun₂ ca₂ le₃ jín₃ bá₄ dsa₂ le₃ lí'₄ a₂ tsá₃ dsau₅ jág₁ a₂ dsia₅ dsa₂ a₂ 'iin₂₃ 'ne₂. Jaun₂ le₃ ñi₅ dsa₂ a₂ jme₂ ti'₅₄ bá₄ 'ne₂ ján₃ con'₂ lě₅ 'Éi'₃ Juá'₅ quió'₅ Moisés. Š

25 La₁ ma₂ ca₂ chen₅₄ bá₄ jnia'₅₄ si₂ ne₄ dsi₂ nau₂, a₂ ca₂ chei₅₄ jnia'₅₄ a₂ tsá₃ lin₄ jmo₃ o₂ i₁ dsi₅ quian'₅₄ 'Éi'₃ Juá'₅, * a₂ jñia'₅₄ lia'₂ tsá₃ quíg'₃ ñi₄ já'₂ i₂ ma₂ cuin₃ dsa₂ diú₄ lag₄, on₃ guē'₂ guē'₃ jmi₂, on₃ guē'₂ ñi₄ já'₂ i₂ güí'₃ dsa₂ dsi₂ lag₄, tsá₃ nió'₃ jág₁ quian'₅₄ dsa₂ i₂ tsá₃ lín₅ dsi₂ i₂ gu₂ ně₃.

Ca₂ jña'₃ dsa₂ Pa₄ i₁ dsi₅ guá'₅ templo

26 Jaun₂ ca₂ jñia₃ bá₄ Pa₄ dsa₂ quén₂ 'éi₂. Jme₁ jnia₃ jaun₂ ně₃, Pa₄ quiaín'₅₄ dsa₂ quén₂ 'éi₂ ca₂ jmo₃ le₁ jě₃ quió'₅. Jaun₂ ca₂ 'í₃ i₁ dsi₅ guá'₅ templo ca₂ i₁ 'ě₄ jág₁ i₂ líg'₂ dsian₅ ta₁ guio₃ jmi₂ a₂ jmo₂₃ le₁ jě₃ quió'₅, jě₁ ma₂ tě₂ rě₁ dsín'₂ dsa₂ já'₂ ne₄ chei₂ o₄ quió'₄ le₂ jain₂ le₂ jain₂. †

27 La₁ jme₁ ja₂ quián₃ dsin'₅₄ ta₁ guio₃ jmi₂ a₂ jaun₂, jan₂-on₃ dsa₂ judíos i₂ chan₂ 'uē₃ Asia ca₂ o₃ léin₂, jaun₂ ca₂ jñin₂ Pa₄ i₁ dsi₅ guá'₅. I₂ 'éi₂ ca₂ jmo₃ ca₂ tón'₂ dsa₂ co₂ mi'₅₄, jaun₂ ca₂ jña'₃ dsa₂ Pa₄.

28 Jaun₂ qui₂ ca₂ tóin'₂ ca₂ guió'₃ ca₂ juá'₂:

—i' Nia'₂ dsa₂ juig₂ Israel, jme₁ 'o₁ jnia'₅₄! I₂ la₂ bá₄ dsa₂ i₂ ñi₄ lě₃ ñi₅ ca₂ le₃ jě₃ juig₂ jme₂ tin₂₃ dsa₂ jág₁ 'lig'₅₄ ja₁ con₂ juig₂ go₄ jniog₄, a₂ jme₂ tin₂₃ dsa₂ a₂ tsá₃ jme₃ ti₃ dsa₂ 'Éi'₃ Juá'₅ quió'₅ Moisés, a₂ tsá₃ 'e₂ quen₅ guá'₅ templo la₂ quián₂ jniog₄. Ně₃ ně₃, ma₂ ně₂ tióin'₂ i₂ lin₅₄ dsa₂ griegos i₁ dsi₅ guá'₅ templo, a₂ ma₂ ně₂ jme₂ ió₃ ja₁ jñi₅ la₂.

29 Juá'₂ le₂ ně₅, ia₁ ma₂ jág₂ dsa₂ le₂ jñiá₅ ma₂ jñin₂ Trófimo i₂ chan₂ Efeso a₂ i₂ ñi₅₄ quiaín'₅₄ Pa₄ jě₄ juig₂ Jerusalén, jaun₂ lín₂ a₂ ma₂ jñia₃ Pa₄ 'éi₂ i₁ dsi₅ guá'₅.

30 Ta₁ caun₂ juig₂ ca₂ tón'₂ dsa₂ co₂ mi'₅₄, jaun₂ ca₂ o₃ léin₂ dsa₂ co₂ chi'₅₄. Jaun₂ ca₂ jña'₃ dsa₂ Pa₄ qui₂ ca₂ tsag'₂ tě₂ le₃ ca₁ 'né₄ i₁ dsi₅ guá'₅, jaun₂ ca₂ jné₃ dsa₂ dsi₂ juí₅ o₄ 'né₄.

31 Jme₁ ma₂ 'nio₃ jme₁ jñi'₃ bá₄ Pa₄ jme₁ ca₂ dsió₃ jág₁ ca₂ rě₃ ñi₅ juig₅₄ 'lióg₂ dsen₅₄, ca₂ le₃ jín₃ bá₄ dsa₂ juig₂ Jerusalén tóin'₅₄ co₂ mi'₅₄.

32 Dsi₂ juí₅ jaun₂ ca₂ ñi'₂ juig₅₄ 'lióg₂ quian'₅₄ ca₂ le₃ jín₃ 'lióg₂ quiaín₅, ca₂ i₃ léin₂ co₂ 'ei₅ ja₁ tion'₅₄ dsa₂ co₂ mi'₅₄. Jaun₂ dsi₂ juí₅ jme₁ ca₂ jág₃ dsa₂ dsi₁ léin₂ 'lióg₂ quiaín'₅₄ juig₅₄ 'lióg₂ dsen₅₄, jaun₂ ca₂ téin₂ bá₄ Pa₄, ia₁ jme₁ tóin'₅₄ cuē₂₃.

33 Jaun₂ jme₁ ca₂ dsió₃ juig₅₄ 'lióg₂ dsen₅₄, ca₂ jñai'₃ Pa₄ ca₂ jmo₃ 'éi'₃ ca₂ 'néi₂ 'lióg₂ quian'₅₄ tin₃ ñi₁ cadenas. Jaun₂ guē₄ ca₂ ñi'₃ dsa₂ 'ein₂ 'éi₂ Pa₄, 'e₂ ca₂ jmo₃.

34 Jaun₂ jma₃ quén₅ qui₂ ca₂ guió'₃ dsa₂ juig₂ le₂ jain₂ le₂ jain₂. Ca₂ lia'₂ jñia'₅₄ tsá₃ ca₂ ñi'₂ juig₅₄ 'lióg₂, ia₁ a₂ ñi₄ chí'₅ co₂ mi'₅₄. Jaun₂ ca₂ jmo₃ 'éi'₃ ca₂ tá₃ dsa₂ Pa₄ juí₅ 'né₅ ja₁ tion'₅₄ 'lióg₂.

35 Jme₁ ja₂ quián₃ dsi₁ len₃ dsa₂ ja₁ lě₄ ni₁ ta₅ 'né₅ ja₁ tion'₅₄ 'lióg₂, jaun₂ ca₂ jio₃ 'lióg₂ ca₂ jñiai₃ Pa₄ juí₅ guei'₅₄ ia₁ a₂ ñi₄ 'ñio₅ lín₃ 'ne₂ dsa₂ juig₂.

36 Ia₁ ca₂ le₃ jín₃ bá₄ dsa₂ juig₂ jme₁ ja₂ léin₂ chi₁ co'₅₄ qui₂ guió'₅ qui₂ juá'₂:

—i' juí₁ jon₅₄ i₂ ně₅!

Ca₂ ton₃ Pa₄ jág₁ a₂ lióin₂ 'ñiog₅ ne₄ dsa₂ juig₂

37 Jě₁ jme₁ ma₂ to'₂ 'lióg₂ tóin'₂ Pa₄ dsi₂ néi₂ ne₄ ta₁ quió'₅, jaun₂ ca₂ juá'₂ Pa₄ ca₂ tsí'₃ juig₅₄ 'lióg₂ dsen₅₄:

—¿Lé₂ le₃ juá'₄ jniá₂ ca₂ jon₄ jág₁?

Š 21:24 'Í₂ Números 6. 'Nio'₂ ja₁ ton₅ Hechos 18:18. * 21:25 A₂ lin₅₄ chog₅₄ si₂ tsá₃ chi₁ ton₅ "a₂ tsá₃ lin₄ jmo₃ o₂ i₁ dsi₅ quian'₅₄ 'Éi'₃ Juá'₅." † 21:26 'Í₂ Números 6.

Jaun₂ ca₂ŋag₃ juig₅₄ 'lióg₂:

—¿Tin'₂ 'ne₂ dsiá'₁ jág₁ jmei₅ griego?

³⁸ Jaun₂, ¿on₃juá'₅₄ 'ne₂ líng'₅ dsa₂ egipcio i₂ca₂jmo₃ mi'₅₄ qui₂ca₂tsi₂jain₃ dsa₂ ma₂i₁jáun₃, ca₂'uín'₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uë₃ quein₂?

³⁹ Jaun₂ ca₂juá'₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uë₃ Cilicia. La₁ jmo₄ dse₃ 'au'₂ cué'₁ jmi₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuë₃ bá₄ jmi₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo, † ca₂tsí'₃ dsa₂:

22

¹ —'Nia'₂ dsa₂ go₂ rin'₅₄ jniog₄, gui'₅₄ can'₅₄ ně₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Të₂le₃ tei₄ guë₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo. * Jaun₂ caun₂ ca₂juá'₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uë₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ të₅ Gamaliel. Co₂rë₂ bá₄ ca₂jme₃tag₂₃ con'₂ lë₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsí₃ jme₁líng₄ le₃quió'₅ Diú₄, jui₁lia'₂ jmo'₂ 'nia'₂ ca₂le₃jíng'₃ rë₂ně₃.

⁴ Qui₂ca₂co₃'én₃ jniá₂ dsa₂ i₂tion'₅₄ Jui₅ quió'₅ Te₁gui'₅₄ le₂jniá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ŋe'₂ lia'₂ dsa₂ mí₂.

⁵ Lé₂ bá₄ jáng'₃ jág₁ dsau₅ jme₂dsa₂ dsen₅₄, ca₂le₃jín₃ guë₄ dsí₂gui'₅₄ can'₅₄ ně₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ riin'₅₄ i₂tián'₅ Damasco, ca₂jmo₃ 'éi'₃ a₂jme₁i₁chán'₃ jniá₂ ríng'₃ i₂tián'₅ ja₁jaun₂, a₂jme₁të₁₂ le₁'ŋei'₅₄ ia₁jaun₂ gue₃ uig₅ jë₄ juig₂ Jerusalén la₂.

*Ca₂dsia₃ Pa₄ 'a₂ lia'₂ jme₁ca₂jéin'₃ ca₂rë₃'éin₂ jág₁ dse₃
(Hechos 9:1-19; 26:12-18)*

⁶ 'La₁ia₁ lia'₂ con'₂ jme₁ŋó₃ jniá₂ le₂'i₄ jui₅ né'₃ a₂dsióg₄ juig₂ Damasco, con'₂ dsí₂ŋí'₃, con'₂ tsá₃ jáng₅ jme₁ca₂téng₃ caun₂ si₂ táng₅ jmá'₅ a₂já₃ jui₅ guei'₅₄ i₂juíg₃.

⁷ Jaun₂ i₃'íng₃ 'uë₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lë₃ co₂'éin'₅ jniá₂?”

⁸ Jaun₂ ca₂ŋag₄ jniá₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá₂: “Jesús chan₂ Nazaret bá₄ jniá₂ i₂co₂'én'₅ 'ne₂.”

⁹ Ján₃ bá₄ ca₂jág₃ dsa₂ i₂jme₁quian'₅₄ jniá₂ si₂ jaun₂, jaun₂ ca₂rë₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá₂.

¹⁰ Jaun₂ ca₂ŋag₄ jniá₂ jaun₂ ně₃: “Te₁gui'₅₄, ¿'e₂ 'nió'₅ jmo₅₄ jniá₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jë₃ 'e₂ 'nió'₅ jmó'₂.”

¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jiog₃ le₁chan'₂ gu₃ a₂ca₂dsióg₃ të₂ Damasco.

¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con'₂ lë₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂.

¹³ Jaun₂ ca₂dsióg₃ Ananías i₁jag₅₄ ja₁jme₁'eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁'ne'₄.” Dsi₂jui₅ jaun₂ bá₄ ca₂lág₃ táng₃ míg₂ ne₃, jaun₂ ca₂jiin₅₄ jaun₂ ně₃.

† 21:40 o₃, arameo. * 22:2 o₃, arameo.

14 Jaun₂ ca₂tság₃ táng₃ jniá₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jñiá₅, ia₁jaun₂ le₃cuíng'₂ 'e₂ jaun₂ a₂'ñio₂ dsí₅, ia₁jaun₂ jing'₅₄ i₂qui₂dsi₅ 'éi'₃ rē₂ quiáin₅, ia₁jaun₂ nág'₁ jág₁ quió'₅ 'ñiog₅ a₂tio'₅₄ mi₂'o₅₄.”

15 Jaun₂ 'ne₂ gog'₅₄ a₂chi₂o₁'ín'₃ o₁dsia'₄ o₁chei'₄ ca₂le₃jín₃ dsa₂ ca₂le₃jě₃ 'e₂ ma₂jag'₅₄ 'e₂ qui₂ma₂nei'₂ ně₃.

16 Jaun₂ ně₃, tsá₃ ma₃jme₁'ag₁₂. Nau₂, o₂chon₅₄ jmig₂, mi₄ ne₄ 'éi₂, ia₁jaun₂ jñí₃ dsáu'₂.”

Ca₂dsia₃ Pa₄ 'a₂ lia'₂ ca₂lě₃ a₂chein₅₄ ñei₅₄ ja₁con₂ dsi₂nau₂

17 'Jme₁ca₂guáng'₃ Jerusalén, ñeg₅₄ guá'₅ templo i₂chi₁leng'₄ Diú₄. Jaun₂ a₂lě₁ca₂jéin₃ ca₂jág₃,

18 ca₂jing₅₄ Te₁gui'₅₄, jaun₂ ca₂juá'₂: “I₂ñáu'₂ jú₅ tē₂le₃ dséi₂ juig₂ Jerusalén, ia₁ tsá₃ tón'₂ dsa₂ juí₅ jág₁ a₂juig'₅₄ a₂'ág'₄ jniá₂.”

19 Jaun₂ ca₂ñag₄ jniá₂ ca₂juig₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ñi₅ a₂jme₁ñi₅ jniá₂ a₂jme₁nei₂₃ ca₂le₃jě₃ guá'₅ sinagogas a₂co₂'éng₅ qui₂cuě₅ ca₂le₃jín₃ dsa₂ i₂'én₂ jág₁ dse₃ quiáng'₂, a₂jme₁i₂tioin'₂ 'né₅ 'má₃.”

20 Jme₁ca₂jñi'₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄ jniá₂ ján₃, ia₁ jme₁lě₄ caun₂ jág₁ quió₃ quian'₅₄ dsa₂ i₂ca₂jñi'₃ 'éi₂. Jaun₂ ca₂jmo₃ jniá₂ 'í₁ ni₁tsin'₅₄ dsa₂ i₂ca₂jñag'₃.”

21 La₁ jaun₂ ca₂juá'₂ Te₁gui'₅₄ ca₂tság₃ jniá₂: “La₁ gua₂, ia₁ tsag₅₄ jniá₂ uíng₂ quiáng'₂, a₂o₁'ě'₃ jág₁ ja₁con₂ dsi₂nau₂.”

Ma₂niog₅ ne₄ juig₅₄ 'lióg₂ bá₄ Pablo

22 Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin'₂ co₂mi'₅₄ ca₂guió'₃ ca₂juá'₂:

—¡Juí₁jon₅₄ i₂ně₅! ¡Tsá₃ ma₃'nió'₅ le₃chain₂ guě'₄!

23 Jaun₂ dsa₂ juig₂ ně₃, caun₂ qui₂ca₂tē₂ca₂'oin'₂ bá₄ Pa₄, qui₂ca₂gág₃ tsin'₅₄ tioin'₅₄,† qui₂ca₂cho₃ dsa₂ 'lióg₂ juí₅ guei'₅₄.

24 Jaun₂ ca₂jmo₃ juig₅₄ 'lióg₂ dsen₅₄ 'éi'₃ ca₂tóin'₂ Pa₄ dsi₂néi₂ ja₁tion'₅₄ dsi₂'lióg₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ rñin₂, 'e₂ 'uig₅₄ ca₂rě₃'né₃ dsa₂ juig₂ quiong'₅₄.

25 La₁ jme₁ma₂rě₂'ñei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ jan₂ juig₅₄ 'lióg₂ i₂chén'₅ cau₅:

—¿Ca₂tín'₂ 'nia'₂ báng'₄ jan₂ dsa₂ i₂tén₅ Roma tē₃ tsá₃ ma₂ně₂quion'₂ 'nia'₂ jág₁ dsau₅ quió'₅?

26 Jme₁ca₂nág₂ juig₅₄ 'lióg₂ a₂ně₅, jaun₂ ca₂ñei₅₄ i₁chi'₂ juig₅₄ dsen₅₄ quiáin₅ ca₂juá'₂:

—Tē₃ñi'₅₄ quiáng'₂ ně₃jua'₂ 'e₂ ca₂jmag'₅₄ dsa₂ ně₅, ia₁ dsa₂ tén₅ Roma bá₄ ně₅.

27 Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ñag₃:

—¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ñag₃ táng₃ Pa₄:

—Ján₅.

28 Jaun₂ ca₂juá'₂ juig₅₄ 'lióg₂ jaun₂ ně₃:

—'Lióng₂ cu₄ ca₂quín₂ quió₃ a₂ca₂lǐng₃ dsa₂ tén₅ Roma.

Jaun₂ ca₂juá'₂ táng₃ Pa₄:

—La₁ jniá₂ ně₃, a₂ma₂lín₅ bá₄ jniá₂ lia'₂ con'₂ ca₂rě₃cháng₃.

29 Dsi₂juí₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂lǐlén₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ñi₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

† 22:23 ca₂gág₃ tsin'₅₄: Le₂jaun₂ jme₁jmo₅ dsa₂ léi₄ chi₂juá'₂ 'e₂ tsá₃ tē₅ dsí₅.

Ma₂chén'₅ Pa₄ ne₄ dsi₂tan₅₄ quián₅ dsa₂ judíos

³⁰ Jme₁jnia₃ jaun₂, jme₁nio₃ le₃ñi₅ juig₅₄ 'lióg₂ dsen₅₄ 'e₂ 'uig₅₄ jme₁cué'₅ dsa₂ judíos dso₄ Pa₄. Jaun₂ ca₂chéin'₂ 'éi₂ ia₁ a₂jme₁chi₁'ñei'₅₄ quian'₅₄ ni₁ñí₁ cadenas. Jaun₂ ca₂jmo₃ 'éi'₃ a₂ñi'₂ juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ gué₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

¹ Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ të₂ jmig₄ në₃, ne₄ Diú₄.

² Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tión₂ cau₅ quió'₅ Pa₄, a₂jnú₃ mi₂'o₄ 'éi₂.

³ Jaun₂ ca₂ñag₃ Pa₄ ca₂tsí'₃ jme₂dsa₂ dsen₅₄ 'éi₂:

—i₂Diú₄ jnú₃ quiáng'₂ 'ñiag'₂, 'ne₂ i₂lín₅ lia'₂ lë₅ caun₂ ni₁'ia'₂ a₂jñia'₅₄ jniá₂ tiog₂ të₂le₃ co'₅₄* ¿'Néi'₂ 'ne₂ ja₁në₅ qui₂dsí'₁ 'éi'₃ ja₁con₂ jniá₂ con'₂ lë₅ Si₂ 'Éi'₃? ¿Jaun₂ 'e₂ lë₃ jmo'₂ 'éi'₃ a₂cuë₃ dsa₂ jniá₂, ton'₂ tsá₃ le₂jaun₂ ta₁ qui'₅ Si₂ 'Éi'₃?

⁴ Jaun₂ ca₂ñag₃ dsa₂ i₂tion'₅₄ gué₄ ja₁jaun₂:

—¿'E₂ lë₃ ñag'₅₄ le₂në₅ ne₄ jme₂dsa₂ dsen₅₄ quián₅ Diú₄?

⁵ Ca₂ñag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'íng'₄ 'lig'₅₄ dsi₂tan₅₄ juig₂ go'₅₄.”†

⁶ Jaun₂ ca₂rë₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guë'₂ lín₅ dsa₂ fariseos. Jaun₂ gué₄ ca₂juá'₂ Pa₄ tiá₂, ca₂tsí'₃ dsa₂:

—Rin'₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can'₅₄ quiáng₃ në₃. 'Uig₅₄ ia₁ a₂'éng₂ jág₁ a₂jen'₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

⁷ Jme₁ca₂juá'₂ Pa₄ le₂në₅, dsa₂ i₂lín₅ fariseos, quian'₅₄ dsa₂ i₂lín₅ saduceos në₃, ca₂jme₃lióg₃ qui₂ca₂tsíin₂ guioin₅₄, ca₂lë₃ le₁dsoin'₅₄.

⁸ Ia₁ dsa₂ saduceos, tsá₃ 'e₂ 'éin₂ a₂jen'₅₄ dsa₂ jë₁ma₂dsain₃, on₃ guë'₂ 'éin₂ a₂chan₂ ángeles, on₃ guë'₂ 'éin₂ a₂chan₂ jme₂dsí₂. La₁ dsa₂ fariseos guë'₂ në₃, 'éin₂ bá₄ ca₂le₃jé₃ a₂jaun₂.

⁹ Jaun₂ ca₂tóin'₂ ca₂tsíin₂ co₂mi'₅₄. Jaun₂ i₂lín₅₄ dsa₂ i₂lín₅ të₅juá'₅ i₂tión₂ të₂le₃ quió'₅ dsa₂ fariseos, ca₂nau₂ ca₂juá'₂:

—'I₁caun₂ 'lig'₅₄ tsá₃ 'e₂ ma₂jmo₃ dsa₂ në₅. ¿'E₂ lé₂ chi₂juá'₂ dsón'₂ bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂në₅?

¹⁰ Jaun₂ 'ñio₅ ca₂tón'₂ dsa₂ ca₂tsíin₂, ca₂lia'₂ ca₂rë₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ në₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jë₄ quió'₅ dsa₂, ca₂tág₃ ju₁5 ne₄ta₁ ja₁tion'₅₄ 'lióg₂.

¹¹ Jme₁ca₂të₂ tin₃ nei₅ 'en₅₄ Pa₄ ja₁jaun₂,‡ ca₂jme₃jnia₅ Te₁gui'₅₄ ne₅₄, jaun₂ ca₂juá'₂:

—Quen'₂ bí₂, Pa₄, ia₁ ju₁lia'₂ ma₂në₂jang'₅₄ jág₁ dsau₅ në₂'ag'₅₄ jniá₂ jë₄ juig₂ Jerusalén la₂, le₂në₅ bá₄ o₁jang'₁ jág₁ dsau₅ o₁'ág'₃ jniá₂ jë₄ juig₂ Roma ján₃.

Ca₂jmo₃ dsa₂ judíos jág₁ a₂jme₁jñi'₃ Pa₄

¹² Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jñi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guë'₃, a₂tsá₃ 'e₂ 'ín'₂ në₃, ca₂lia'₂ ca₂lë₃ a₂niog₅ dsí₅ jmo₃.

* 23:3 ni₁'ia'₂ tiog₂: 'Nio'₂ ja₁ton₅ Mateo 23:27. † 23:5 Éxodo 22:28. ‡ 23:11 o₃, “A₂'uë₂ jmig₄ jaun₂.”

13 Jme₁lě₂lě₅ guě₄ con'₂ tē₂lón₃ dsa₂ i₂jme₁ma₂lí'₅ jág₁ jmo₃ le₂jaun₂.

14 Jaun₂ ca₂i₁lein₅₄ i₁jín₅₄ juig₅₄ jme₂dsa₂, ca₂le₃jín₃ guě₄ gui'₅₄ can'₅₄ quián₅ dsa₂ judíos ně₃, a₂ca₂i₁jua'₁:

—Jnia'₅₄ ma₂ín₃ Diú₄ a₂tsá₃ 'e₂ tí₄ 'o₄, ca₂lia'₂ ma₂ně₂jñí'₄ jnia'₅₄ Pa₄.

15 Jaun₂ 'nia'₂ ně₃, quian'₅₄ dsit₂tan₅₄ quián₅ guá'₅, o₂chei'₅₄ 'nia'₂ juig₅₄ 'lióg₂ a₂ja₂jñiai₃ Pa₄ ne'₅₄ 'nia'₂ 'ióg₃. A₂lě₁juig'₅₄ bá₄ 'nia'₂ a₂caun'₅₄ jág₁ dsau₅ co₂rě₂ quió'₅, ia₁jaun₂ bá₄ ja₃jiog₃. Jaun₂ jnia'₅₄ guě'₂ ně₃, ma₂lág₅ co₂jñia₅₄ a₂jñí'₄ né'₃ a₂guáin₂ tē₂la₂.

16 La₁ ja₁jñi'₅₄ 'io₅₄ rin'₅₄ Pa₄ ca₂rě₃jñi₅ jág₁ jaun₂. Jaun₂ ca₂jñei₅₄ ne₄ta₁ quió'₅ 'lióg₂ ca₂i₁'ě₄ jág₁ ne₄ Pa₄.

17 Jaun₂ Pa₄ ně₃ ca₂tě'₃ jan₂ juig₅₄ 'lióg₂, jaun₂ ca₂juá'₂:

—Jñia₅ chi'₂ la₂ ne₄ juig'₂ 'nia'₂, ia₁ cha₂ jág₁ quian₅ dsit₃'ě₃.

18 Jaun₂ ca₂jñe₄ 'éi₂ ca₂i₁jñiai₃ chi'₂, jaun₂ ca₂juá'₂:

—Pa₄ i₂lě₅ 'í₁ quián₅ 'lióg₂ ně₂tē₂ jniá₂ a₂ně₂mi₃ a₂i₁jñiag₂ chi'₂ la₂, ia₁ cha₂ jág₁ quian₅ a₂'ě₂ ne'₅₄.

19 Jaun₂ ca₂jñia'₃ juig₅₄ 'lióg₂ dsen₅₄ 'éi₂ mi₂gu₂ chi'₂ 'éi₂, con'₂ ca₂jiog₃ cau₅, jaun₂ ca₂jñag₃:

—¿'E₂ jág₁ quian'₅₄ juig'₅₄ jniá₂?

20 Jaun₂ ca₂jñag₃ chi'₂ 'éi₂:

—Ma₂ně₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ dsit₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ ně₂jag₄ bá₄ a₂con₂ dsit₂tan₅₄ jág₁ dsau₅ quió'₅ 'éi₂.

21 La₁ tsá₃ o₁'eng'₅₄, ia₁ lě₅ guě₄ tē₂lón₃ dsa₂ quián₅ ma₂le₁'mai₅₄ cau₅ juí₅ le₁jñiog₂₃. Ma₂'iín₃ Diú₄ a₂tsá₃ 'e₂ guě'₃, 'ín'₂, ca₂lia'₂ ca₂jñi'₃ Pa₄. Jñia'₅₄ lia'₂ a₂jaun₂ bá₄ le₁jñia₂₃ chi₂jua'₂ 'e₂ jág₁ juig'₅₄ 'ne₂.

22 Jaun₂ ca₂'ág'₃ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

23 Jaun₂ ca₂tě'₃ juig₅₄ 'lióg₂ dsen₅₄ on₃ juig₅₄ 'lióg₂ quián₅, ca₂jmo₃ 'éi'₃ a₂jmo₃ 'éi₂ co₂jñia₅₄ tin₃ 'ñiá₂-lón₂ 'lióg₂ a₂dsi₃lén₂ juí₅ tag₅₄; 'nag'₂ ne₂guión₂ rě₂dsí₂ guian₃ guě'₂ (70) dsit₃lén₂ co₁dsin₅₄ cua₁, tin₃ 'ñiá₂-lón₂ guě'₂ i₂cán₂ ñi₁ chen'₂, a₂dsi₃lén₂ juí₅ Cesarea con'₂ hora ñi₁ ñi₃ le₃ca₂nei₂.§

24 Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsit₃jóin₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂.

25 Jaun₂ quian'₅₄ dsa₂ i₂i₁jon₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

26 Jniá₂, Claudio Lisias, tsíng₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cuíng₅ Diú₄ 'ne₂.

27 Ca₂jñau'₃ dsa₂ judíos ca₂jñai'₃ dsa₂ ně₅, a₂jme₁jñag'₃. La₁ jme₁ca₂rě₃guion₅₄ a₂líin₅ dsa₂ tén₅ Roma, jaun₂ ca₂jñeg₅₄ i₁lioin₁₂ quian'₅₄ 'lióg₂ quiáng₃.

28 Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiái₂ ne₄ dsit₂tan₅₄ quián₅.

29 Jaun₂ ca₂rě₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cuě'₅ i₂ně₅ dso₄. Jaun₂ tsá₃ cha₂ 'e₂ lě₃ jua'₅₄ a₂'i₄ 'éi'₃ a₂jñag'₃ dsa₂, on₃ guě'₂ dsit₂ten₅₄ jua'₅₄ a₂'í₂ 'né₅ 'má₃ ně₃.

30 Jaun₂ jme₁ca₂rě₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lě₃ dsiaín₄ jniá₂ o₄gog'₂ 'ne₂. Jaun₂ ma₂juíg₂ bá₄ jniá₂ ján₃, dsa₂ i₂'nag₅ 'ni₅ i₂ně₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin₂ i₂ně₅. Co₂ně₅ bá₄.

31 Jaun₂ 'lióg₂ ně₃, con'₂ lě₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uě₂ ca₂dsi₃lén₂ tē₂ juig₂ Antípatris.

§ 23:23 lit. “hora 'ni₅ a₂'uě₂.”

³² Jme₁ jnia₃ jaun₂, 'lióg₂ i₂ i₃ lén₂ jui₅ tag₄ ca₂ jéin₃ 'táng₃ jui₅, ja₂ lein₃ 'táng₃. Jmá'₃ 'lióg₂ i₂ co₁ dsin₅₄ cua₁ bá₄ ca₂ i₃ lén₂ i₃ jón₂ guě₄ Pa₄.

³³ Jme₁ ca₂ dsi₃ lén₂ tē₂ juig₂ Cesarea, jaun₂ ca₂ jín₃ 'dsi₄ má'₂ si₂ carta a₂ quian₅. Ca₂ jín₃ Pa₄ ně₃.

³⁴ Jme₁ ma₂ ně₂ 'í₂ dsi₄ má'₂ si₂, jaun₂ ca₂ ŋí₃ Pa₄ a₂ já'₄ chain₂. Jme₁ ca₂ rē₃ ŋi₅ a₂ chan₂ 'éi₂ 'uě₃ Cilicia,

³⁵ jaun₂ ca₂ juá'₂:

—Ně₅ nag₅₄ jág₁ quiáng'₂ jē₁ ma₂ o₂ lén₂ dsa₂ i₂ 'nag₅ quiáng'₂.

Jaun₂ ca₂ jmo₃ dsi₄ má'₂ 'éi'₃ a₂ jmo₃ 'lióg₂ 'í₁ Pa₄ dsi₂ néi₂ ne₄ ta₁ palacio quió'₅ Rag₅₄ Herodes.

24

Ca₂ jáng'₃ Pa₄ jág₁ dsau₅ a₂ lióin₂ 'ŋiog₅ ne₄ Dsi₄ má'₂ Fé₁

¹ A₂ 'ŋiá₂ jmig₄ cang₂ jaun₂, ca₂ dsióg₃ Ananías i₂ lín₅ jme₂ dsa₂ dsen₅₄, quian₅₄ i₂ lín₅₄ gui'₅₄ can'₅₄ ně₃, quian₅₄ Tértulo i₂ lín₅ i₂ chén'₅ ne₄ jág₁ quián₅, ca₂ dsi₃ lén₂ Cesarea. Jaun₂ ca₂ dsi₃ lén₂ ne₄ dsi₄ má'₂ a₂ 'ni₃ Pa₄.

² Jme₁ ca₂ i₁ quian₅₄ dsa₂ Pa₄, jaun₂ ca₂ jme₃ lióg₃ Tértulo ca₂ tsí'₃ dsi₄ má'₂ a₂ 'ni₂₃ Pa₄, ca₂ juá'₂:

—Ti₁ 'mag'₄ 'ne₂, tei₄ bá₄ 'ei₅ tio'₅₄ jnia'₅₄, jaun₂ dse₃ bá₄ lia'₂ con'₂ lě₅ 'éi'₃ quiáng'₂ a₂ tŋg'₂.

³ Jaun₂ con'₂ lě₅ 'éi'₃ qui'₂ 'ne₂ bá₄ qui₂ jmo₅ dsa₂, a₂ jmo₂ jnia'₅₄ ján₃. Jaun₂ cuě₂ jnia'₅₄ ti₁ 'mag'₄ 'ne₂, Fé₁ juin'₂.

⁴ La₁ jaun₂ tsá₃ uě₂ jme₁ 'ag₁₂ jnia'₅₄ quiáng'₂, mi₂ jnia'₅₄ jmó'₂ dse₃ 'au'₂ a₂ nág'₁ jág₁ quián₂ jnia'₅₄ a₂ jua'₅₄.

⁵ Ma₂ ne₅₄ jnia'₅₄ ca₂ le₃ jě₃ 'e₂ 'lig'₅₄ jmo₅ dsa₂ ně₅, ŋi₂₃ ca₂ le₃ jě₃ juig₂ qui₂ dsiain₂₃ mi'₅₄ dsa₂ judíos qui₂ jmo₃ le₁ dson'₅₄ dsa₂. Jaun₂ i₂ ně₅ bá₄ lín₅ jan₂ dsa₂ i₂ quian₅ ne₄ jui₅ quió'₅ co₂ nió'₃ dsa₂ i₂ tē'₂ dsa₂ nazarenos.

⁶ Jme₁ 'nio₃ jme₁ jme₂ 'ióg₃ guá'₅ templo quián₂ jnia'₅₄. Jaun₂ bá₄ lě₃ ca₂ chain'₅₄ jnia'₅₄, [jme₁ 'niog₂ jme₁ qui₂ dsi₂ 'éi'₃ con'₂ lě₅ Si₂ 'Éi'₃ quián₂ jnia'₅₄.

⁷ La₁ jme₁ ca₂ 'i₃ juig₅₄ 'lióg₂ Lisias, ca₂ ŋiái'₂ Pa₄ jín₄ jnia'₅₄ quian'₅₄ bí₂ quió'₅ 'lióg₂ quián₅, a₂ ca₂ tág₃.

⁸ Ca₂ juá'₂ Lisias 'éi₂ a₂ 'nió'₅ ja₃ lén₂ dsa₂ i₂ 'nag₅ ne'₅₄ 'ne₂.]* Dse₃ ŋag'₅₄ 'ne₂ 'ŋiag'₂ ia₁ jaun₂ le₃ ŋi'₅₄ lia'₂ tí₅ jág₁ 'e₂ lě₃ 'ni₅ jnia'₅₄.

⁹ Jaun₂ ca₂ le₃ jín₃ guě₄ dsa₂ judíos i₂ jme₁ tión₂ ja₁ jaun₂ ca₂ juá'₂ a₂ dsón'₂ dsau₅ bá₄ jág₁ ně₅.

¹⁰ Jaun₂ ca₂ jmo₃ léi₄ dsi₄ má'₂ ca₂ tsí'₃ Pa₄ a₂ juá'₂ 'éi₂ jág₁. Jaun₂ ca₂ juá'₂ 'éi₂ jaun₂ ně₃:

—A₂ 'ŋio₂ dsi₃ jáng'₄ jág₁ dsau₅ a₂ long₅₄ 'ŋió₃ ne'₅₄ 'ne₂, ia₁ guion₅₄ bá₄ jaun₂ a₂ lŋg'₅ dsi₂ tan₅₄ ma₂ ne₁ ŋó₄ ŋi₂ a₂ qui₂ dsí'₁ 'éi'₃ quió'₅ ta₁ caun₂ 'uě₃ la₂.

¹¹ Lé₂ bá₄ le₃ caun'₅₄ jág₁ dsau₅, mei'₂ tsá₃ guia₃-tŋn₂ jmig₄ bá₄ ma₂ tē₂ a₂ guang₃ Jerusalén a₂ chi₁ lŋg'₄ Diú₄.

¹² Tsá₃ jua'₅₄ ca₂ jo₃ dsa₂ a₂ tsŋg₂ quian'₅₄ dsa₂, on₃ guě'₂ jua'₅₄ a₂ qui₂ dsia₂₃ mi'₅₄ i₁ dsi₅ guá'₅ templo, on₃ guě'₂ dsi₂ néi₂ guá'₅ sinagogas, on₃ guě'₂ jē₄ juig₂.

¹³ Tsá₃ qui'₅₄ jmig₄ i₂ ně₅ jme₃ jniai₂₃ ca₂ le₃ jě₃ a₂ 'nag₂₃.

¹⁴ La₁ a₂ juá'₅ jniá₂ ne'₅₄, a₂ jme₂ ti₅₄ ne₄ Diú₄ quián₅ dsa₂ can'₅₄, con'₂ lě₅ juí₅ a₂ juá'₂ i₂ ně₅ a₂ tsá₃ dsau₅. Ia₁ 'éng₂ ca₂ le₃ jě₃ a₂ tio'₅₄ ne₄ Si₂ 'Éi'₃ quian'₅₄ Si₂ quió'₅ dsa₂ i₂ jme₁ 'ě₂ jág₁ quián₅ Diú₄ ně₃.

* **24:8** A₂ lín₅₄ chog₅₄ si₂ tsá₃ le₁ ton₅ jág₁ a₂ tio'₅₄ 'ŋió'₃ corchetes [le₂ la₂].

15 Le₂jaun₂ bá₄ 'éng₂ le₃quió'₅ Diú₄, ju₁lia'₂ 'éin₂ guoin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃ lia'₂ dsa₂ 'lin'₅₄ ně₃.

16 'Uig₅₄ jaun₂, le₃jě₃ jmig₄ bá₄ quín'₅ jniá₂ bí₂ a₂tsá₃ 'e₂ dsi₃jñi₅ dsi₃, lia'₂ ne₄ Diú₄ lia'₂ ne₄ dsa₂ mi₂güig₃ ně₃.

17 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá'₂, ca₂guáng'₃ táng₃ Jerusalén a₂jme₁'ong₁₂ dsa₂ te₂ñé₂, a₂dsing'₄ já'₂ ne₄ ne₄chei₂ ně₃.

18 A₂jaun₂ bá₄ 'eng₅₄ jmo₂₃ i₁dsi₅ guá'₅ templo jme₁ma₂ně₂jmo₃ le₁jě₃ quió₃ lia'₂ con'₂ lě₅ tag₄ chí'₅ quián₂ jniá'₅₄. La₁ on₃jua'₅₄ a₂jme₁tion'₅₄ dsa₂ juin₅, on₃ guè'₂ jua'₅₄ ca₂dsia₃ jniá₂ mi'₅₄. Jaun₂ ca₂dsi₃lén₂ i₂lin₅₄ dsa₂ judíos i₂ja₂lén₂ juig₂ siá'₂ ja₁tén₄ 'uě₃ Asia. I₂'éi₂ bá₄ ca₂jo₃ 'eng₅₄ i₁dsi₅ guá'₅ templo.

19 I₂'éi₂ bá₄ 'nió'₅ ja₃lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂.

20 Ně₁jua'₂ tsá₃ a₂cha₂ 'nag₃ 'éi₂, jaun₂ ju₁'nag₅₄ i₂tión₂ ně₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos.

21 O₃ 'uig₅₄ jaun₂ 'e₂, ia₁ a₂'én₂ jniá₂ a₂jen'₅₄ 'lag₄, ju₁lia'₂ ca₂juá'₃ jniá₂ tiá₂ ca₂juig₂ 'éi₂ lia'₂ con'₂ jme₁'eng₅₄ jě₄ quió'₅, ca₂juig₂: “A₂cáun'₂ 'nia'₂ jág₁ dsau₅ quió₃ jniá₂, ia₁ a₂'éng₂ a₂jen'₅₄ 'lag₄.”

22 Jme₁ca₂nag₂ gui'₅₄ Dsi₄má'₂ Fé₁ le₂ně₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ñi₅ rě₂ bá₄ i₂'e₂ jaun₂ a₂tě'₂ dsa₂ “Ju₁”. Jaun₂ ca₂juá'₂:

—Ně₅ bá₄ jme₁rě₂ jniá₂ jág₁ ně₅ quián'₂ 'nia'₂, jě₁ma₂guan₅ juig₅₄ 'lióg₂ dsen₅₄ Lisias.

23 Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quián₅ a₂toin'₂ Pa₄ né'₃ 'má₃. La₁ ca₂cuě₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ ně₁jua'₂ 'e₂ ca₂rě₃'nió'₅ quió'₅.

24 Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quián₅ i₂chen₂ Drusila, i₂lin₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂ tě₁lia'₂ ca₂dsia₃ 'éi₂ ju₁lia'₂ 'a₂ lia'₂ lě₅ a₂'éin₂ tě₂le₃ quió'₅ Cristo Jesús.

25 La₁ jme₁ca₂dsia₃ Pa₄ a₂'nió'₅ cán₂ dsa₂ caun₂ ju₁5 co₂dsau₅, a₂'nió'₅ jme₃'uán₂ dsa₂ dsi₅ 'ñiog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ guě₄ ca₂rě₃gó'₅ gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Ně₅ bá₄ tě₄ táng₃ jmig₄ siá'₂ jě₁ma₂jing₅₄.

26 Jme₁'ín₂ dsi₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂tě₃ a₂dsia₂₃ jág₁ quiong'₅₄.

27 Tin₃ ñi₂ ca₂ñi₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ tě₃tsiin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uñin₂ juig₂ Cesarea ca₂uig₂ juig₂ Jerusalén.

² Ja₁jaun₂ ca₂jmo₃ jme₂dsa₂ dsen₅₄ quiain'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'niñ₂₃ Pa₄.

³ Ján₃ bá₄ ca₂mi₃ a₂jmo₃ 'éi₂ dse₃ dsi₅, a₂jmo₃ 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂l'i'₅₄ jág₁ a₂jme₁jñi'₃ Pa₄ le₂'i₄ ju₁5.

⁴ La₁ jaun₂ ca₂ñag₃ Festo a₂'ein₅₄ ju₁5 dsáin'₃ ñi'₅₄ ta₁ tě₂ juig₂ Cesarea ja₁'en₅₄ Pa₄ né'₃ 'má₃.

⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂riin₂.

⁶ Jnia'₅₄ con'₂ jñia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jnia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian'₅₄ dsa₂ Pa₄.

⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ jué'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jniai₂₃ a₂dsón'₂ dsau₅ ca₂le₃jé₃ dso₄ a₂bóg'₂ jaun₂.

⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'ñiog₅, ca₂juá'₂:

—I₁caun₂ dso₄ në₅ tsá₃ ma₂'no₃ jniá₂, on₃ gué'₂ jua'₅₄ a₂tsá₃ ma₂ca₂rē₃tei₅₄ con'₂ lē₅ Si₂ 'Éi'₃ quió'₅ dsa₂ judíos, on₃ gué'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ gué'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsiin'₅₄ rē₂ quian'₅₄ dsa₂ judíos, jaun₂ ca₂ñí'₃ Pa₄:

—¿'Niog'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ gué'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rē₂ bá₄ ñi'₅₄ 'ne₂, tsá₃ 'e₂ dso₄ ri₂ jniá₂ ja₁con₂ dsa₂ judíos.

¹¹ Chi₂jua'₂ cha₂ gué'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂ dsa₂ në₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lē₃ dsia₅ Festo jág₁ quian'₅₄ dsa₂ i₂to'₂ jág₁ dse₃ quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂ guang'₅₄ gué'₂ jaun₂.

Ma₂chén'₅ Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quiain'₅₄ Berenice ca₂i₁lein₅₄ juig₂ Cesarea i₁cuin₃ Diú₄ Festo.

¹⁴ Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁.

¹⁵ Lia'₂ con'₂ jme₁'en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can'₅₄ quiáin₅ ně₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá₂ 'éi'₃ quió'₅, a₂'é₄ uig₅ ně₃.

¹⁶ Jaun₂ bá₄ lē₃ ca₂ñag₄ jniá₂ ca₂juíg₂: “Tsá₃ le₂jaun₂ tin₂ quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂, tē₃ tsá₃ ma₂nē₂jíin₂ dsa₂ i₂qui₂'nag₅ quió'₅, tē₃ tsá₃ ma₂cuin₅ jmig₄ lióin₃ 'e₂ dso₄ bóg'₂ dsa₂.”

¹⁷ Jaun₂ lē₃, jme₁ca₂o₃lén₂ ja₁lá₃, dsi₂jui₅ bá₄ ca₂i₁gua₂ ne₄ta₁ quió₃ jme₁jnia₃ jaun₂, jaun₂ ca₂jmo₃ 'éi'₃ ca₂i₁quian'₅₄ dsa₂ dsa₂ 'éi₂.

¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg'₂ dsa₂ jui₁lia'₂ dso₄ jme₁lín₂ jniá₂ a₂jme₁bóg'₂.

¹⁹ Jñia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lē₅ 'Éi'₃ Juá'₅ quió'₅, ia₁ a₂juá'₂ 'iin₂₃ jan₂ i₂chen₂ Jesús i₂ca₂jon₃, jaun₂ juá'₂ Pa₄ i₂chan₂ bá₄ 'éi₂.

²⁰ Ia₁ tsá₃ guion₅₄ 'a₂ lia'₂ jme₁rē₂ jág₁ jaun₂, jaun₂ bá₄ lē₃ ca₂juíg₂ Pa₄ chi₂jua'₂ 'nio₃ dsó₃ jui₅ Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂.

²¹ La₁ 'ñiog₅ ně₃ ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lē₃ ca₂jmo₃ jniá₂ 'éi'₃ lia'₂ ma₂'ein₅₄ ně₅ 'né₅ 'má₃, ca₂lia'₂ ca₂cuin₃ jmig₄ a₂tsiin₅₄ ne₄ gui'₅₄ emperador.

22 Jaun₂ ca₂juá'₂ gui'₅₄ Agripa ca₂tsí'₃ Festo:
—Ján₃ bá₄ 'nio₃ jniá'₂ nag₅₄ jág₁ quió'₅ dsa₂ 'éi₂.

Jaun₂ ca₂nag₃ táng₃ Festo:
—'Ióg₃ nág'₁ jág₁ quió'₅.

23 Jaun₂ jme₁jniá₃ jaun₂, ca₂dsióg₃ gui'₅₄ Agripa quian'₅₄ Berenice. 'Nio₅ lín₃ jlá'₁ ca₂i₃toin'₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi'₃ a₂ca₂i₁quian₅₄ dsa₂ Pa₄.

24 Jaun₂ ca₂juá'₂:

—'Ne₂ Rag₅₄ Agripa, ca₂le₃jín₃ 'nia'₂ dsa₂ i₂le₁ñi'₂ ja₁lá₃ quian'₅₄ jnia'₅₄, la₂ chén'₅ dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ ně₃, 'ni₂₃ dsa₂ la₂. Jaun₂ ca₂le₃jě₃ jmig₄ tsá₃ cán₂ jág₁, a₂mi₂₃ jón₂ i₂ně₅.

25 La₁ con'₂ lín₂ jniá₂, tsá₃ 'e₂ dso₄ riin₂ jua'₅₄ a₂dsi₂ten₅₄ jóin₂. Ton'₂ mi₂₃ táng₃ 'ñiog₅ a₂dsáin'₃ ne₄ gui'₅₄ emperador Augusto, jaun₂ lě₃ ma₂i₂jiog₅ dsi₃ dsiain'₅₄ co₂ñei'₅₄ ne₄ 'éi₂.

26 Ia₁ tsá₃ guion₅₄ 'e₂ jág₁ dsón'₂ tó'₄ ne₄ si₂ a₂juig₅₄ gui'₅₄ emperador a₂ 'nig₄ i₂ně₅. Jaun₂ bá₄ lě₃ i₂jñiá'₂ ne'₅₄ 'nia'₂, la₁ 'ñio₅ dsen₅₄ gué₄ le₂ 'uig₅₄ ne'₅₄ 'ne₂ gui'₅₄ Rag₅₄ Agripa, ia₁ jaun₂ caun'₅₄ jág₁ dsau₅ quió'₅, ia₁ jaun₂ cha₂ a₂tó'₄ ne₄ si₂ 'e₂ a₂rě₂cáin'₂.

27 Ia₁ tsá₃ dse₃ jniá₂, lín₂ jniá₂, jua'₅₄ a₂dsiang'₅₄ jan₂ dsa₂ chi₁ 'ñei'₅₄ jua'₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng'₃ Pablo jág₁ dsau₅ quió'₅ ne₄ Rag₅₄ Agripa

1 Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ñiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

2 —Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂ lia'₂ lě₃ ca₂le₃jě₃ dso₄ a₂bóg'₂ dsa₂ judíos jniá₂.

3 Ia₁ ma₂ñi'₅₄ bá₄ 'ne₂ co₂rě₂ 'a₂ lia'₂ lě₃ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te,gui'₅₄

4 'Ca₂le₃jín₃ bá₄ dsa₂ judíos le₁ñi₅ 'a₂ lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ñi₅ bá₄ dsa₂ 'a₂ lia'₂ jme₁ñi₅ jniá₂ lia'₂ bing'₅₄.

5 Le₁ñi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ gué₄ 'ñio₅ lín₃ juá'₅ quián₂.

6 Ia₁ a₂éng₂ a₂jme₃jen'₅₄ Diú₄ 'lag₄, jui₁lia'₂ lě₃ jág₁ quió'₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió₃.

7 Ta₁guia₃-tín₂ bá₄ cho'₅₄ tsí₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂ti₃ ta₁ ne₄ Diú₄ ia₁ le₁ín₂ dsí₅ a₂jme₂ti₃ Diú₄ jág₁ jaun₂ quió'₅ ca₂cuě₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂ín₂ dsi₃ jniá₂ le₂jaun₂ bá₄, a₂'nag₅ dsa₂ judíos jniá₂.

8 ¿'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmig₄ jme₃jein'₅₄ 'lag₄?

Ca₂dsia₃ Pa₄ 'a₂ lia'₂ qui₂ca₂co₃ 'ein₃ quió'₅ dsa₂ quián₅ Jesús

9 'Jniá₂ 'ñió₃, jme₁dsi₂jiog₅ dsi₃ le₂jñiá₅ jme₁jmo₅₄ 'lióng₂ ne₅₄ cosas a₂jme₁mag'₅₄ dsa₂ quián₅ Jesús chan₂ Nazaret.

10 Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cuě₃ juig₅₄ jme₂dsa₂, qui₂ca₂tong'₂ 'né₅ 'má₃ juin₅ lin₃ dsa₂ 'én₂. * Caun₂ bá₄ jág₁ jme₁lě₄ quió₃ quian'₅₄ dsa₂ i₂ca₂jme₃dsian₅ i₂lin₅₄ dsa₂ i₂'én₂ 'éi₂.

11 'Lióng₂ ráun₂ qui₂ca₂'ě₃ jniá₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'nio₅ lin₃ jme₁'niai₅₄ jniá₂.

*Ca₂dsia₃ táng₃ Pa₄ 'a₂ lia'₂ ca₂lě₃ a₂ca₂jéin'₃
(Hechos 9:1-19; 22:6-16)*

12 'Ta₁ jaun₂ jme₁ńó₃ jniá₂ jui₅ Damasco ca₂chei₃ dsa₂ quian'₅₄ bí₂ 'éi'₃ ca₂cuě₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂.

13 La₁ lia'₂ con'₂ jme₁ńó₃ le₂i₄ jui₅, 'ne₂ gui'₅₄ rag₅₄, con'₂ dsi₃ńí'₃ bá₄ jaun₂, ca₂jág₃ jniá₂ caun₂ si₂ a₂já₃ jui₅ guei'₅₄ i₂juig₃, ca₂tág₃ le₃lág'₃ quió₃, quian'₅₄ dsa₂ i₂jme₁quiáng'₅₄. 'Nio₅ lin₃ guě₄ tág₅ con'₂ guě₄ 'iog₂.

14 Jaun₂ ca₂le₃jág₃ bá₄ jnia'₅₄ i₂gau'₅₄ 'uě₃ dsi₂jui₅ le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jmei₅ hebreo:† “Saulo, Saulo, ¿'e₂ lě₃ co₂'éin'₅ jniá₂? A₂ńia'₅₄ jmag'₅₄ uig₅ 'ńiag'₂ bá₄, jmo'₂ jui₁lia'₂ jmo₅ ca₁jui₅ quia'₂ 'uě₃ a₂jnáu₅ nei'₅₄ ni₁'ma₂ chen'₂.”

15 Jaun₂ ca₂ńag₄ jniá₂: “¿'Ein₂ bá₄ 'ne₂, gui'₅₄?” Jaun₂ ca₂ńag₃ táng₃: “Jesús bá₄ jniá₂ i₂co₂'éin'₅ 'ne₂.

16 La₁ nau₂, chí'₂ tag'₅₄, ia₁ ně₂jme₁jniag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ ně₂jag'₅₄ ně₃, quian'₅₄ a₂jag'₅₄ guě₄ cang₂ a₂jme₁jnia₅ jniá₂.

17 Tsin₅₄ jniá₂ 'ne₂, jaun₂ gog'₅₄ ja₁con₂ dsi₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ guě'₂ dsi₂nau₂ ně₃.

18 Jaun₂ jui₅ ja₁con₂ dsa₂ 'éi₂ tsin₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uí₃ jě₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lě₅ jua'₅₄ tioen'₅₄ guě₄ 'éi'₃ quió'₅ Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsau₁, ia₁jaun₂ gue₃ jui₁lia'₂ a₂ca₂ńin₂ dsa₂ i₂lě₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

19 'Jaun₂ le₂ně₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lě₅ a₂ca₂jág₃ a₂já₃ guei'₅₄.

20 Jaun₂ lě₃, jě₄ juig₂ Damasco ca₂'ě₃ le₂'uig₅₄ jág₁ dse₃. Jaun₂ guě₄ ca₂ńeg₅₄ jui₅ Jerusalén, le₂tan₅₄ juig₂ ja₁tén₄ 'uě₃ Judea ně₃. Ján₃ bá₄ ca₂ńeg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsí₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rě₃tsín₃ dsí₅ tě₂le₃ quian'₅₄ ca₂le₃jě₃ a₂jmo₂₃.

21 'Uig₅₄ jaun₂ bá₄ a₂ca₂ńau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jag'₃.

22 La₁ Diú₄ bá₄ jme₂'o₅₄ cuě₂₃ bí₂ a₂chan'₅₄ tiá₂ jág₁ quió'₅ ca₂tě₂ jmig₄ ně₃, qui₂jáng'₅ jág₁ dsau₅ a₂juig₂ lia'₂ dsa₂ dsen₅₄ lia'₂ dsa₂ lě₁dsa₂ ně₃. 'I₁caun₂ jág₁ siá'₂ tsá₃ juig₂ jniá₂ dsa₂, ńia'₅₄ con'₂ lě₅ jág₁ ca₂juá'₂ dsa₂ i₂jme₁'ě₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jě₃ 'e₂ niog₅ lě₂,

23 co₂'nió'₄ a₂tion₅₄ 'nió'₅ ńág₃ uig₅ I₂rě₂'ín₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jin₄ 'lag₄, ia₁jaun₂ dsi₃'ě₃ jág₁ dse₃ a₂lión₂ dsa₂, jui₁lia'₂ caun₂ si₂ a₂tág₅ lia'₂ jin₄ dsa₂ juig₂ quián₂ jnia'₅₄, lia'₂ jin₄ dsi₂nau₂ ně₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tě₂le₃ quió'₅ Jesús

24 Jme₁ca₂juá'₂ Pa₄ jág₁ jaun₂ a₂jme₁lión₂ 'ńiog₅ ne₄ dsi₂tan₅₄, jaun₂ ca₂quió'₃ Dsi₄má'₂ Festo ca₂juá'₂:

* 26:10 lit. “juin₅ lin₃ dsa₂ ńiós.” † 26:14 o₃, arameo.

—jA₂l₁t₂ē₂'i' b₄á 'ne₂, Pa₄! Ia₁ a₂ñ₄ l₃ē₃ 'i' s₂i, jaun₂ ma₂ca₂r₃ē₃ñ₄g'₅.

²⁵ Jaun₂ ca₂ñ₃g₃ táng₃ Pa₄:

—Tsá₃ ñ₅ jniá₂, 'ne₂ gui'₅₄ Dsi₄má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂.

²⁶ La₂ bá₄ guá₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ l₃ē₃ jág₁ nē₅. A₂jaun₂ bá₄ l₃ē₃ tiá₂ dsi₃ a₂juá'₅ ne₅₄, ia₁ dsón'₂ ñi₅ ca₂le₃j₃ē₃ jág₁ nē₅, ia₁ on₃jua'₅₄ a₂ca₂l₃ē₃ caun₂ ja₁quióng₄ con'₂ tē₃co'₅₄.

²⁷ ¿'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'ē₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

²⁸ Jaun₂ ca₂ñ₃g₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂l₃éng₂ jan₂ dsa₂ cristiano.

²⁹ Jaun₂ ca₂juá'₂ táng₃ Pa₄:

—Chi₂jua'₂ ca₂juig₄ o₃ tsá₃ ca₂juig₄ 'e₂, 'e₂ gué₄ dse₃ nē₃ jua'₂ jmo₃ Diú₄ on₃jua'₅₄ jmá'₃ 'ne₂, ján₃ bá₄ le₂jaun₂ ca₂le₃j₃ín₃ dsa₂ i₂nag₅ jág₁ quió₃ nē₃, a₂l₃éin₂ ju₁lia'₂ lín₅ jniá₂, o₁jnia'₅₄ gué₄ on₃jua'₅₄ quian'₅₄ ni₁ñ₁ cadena ju₁lia'₂ chén'₅ jniá₂ la₂.

³⁰ Jme₁ma₂ca₂l₃ē₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄má'₂ Festo, 'io₅₄ Berenice nē₃, ca₂'u₁in₂ co₂l₃ē₃ quian'₅₄ ca₂le₃j₃ín₃ gué₄ dsa₂ i₂jme₁tion'₅₄.

³¹ Con'₂ ca₂i₃l₃éin₂ cau₅, ca₂i₁dsia₂ 'a₂ lia'₂ jmo₃ jág₁ jaun₂ quió'₅ Pa₄, jaun₂ ca₂juá'₂ ca₂tsí'₃ riin'₅₄:

—'Ica₂juig₄ tsá₃ 'e₂ ma₂jmo₃ dsa₂ nē₅, jua'₅₄ a₂ca₂t₁in₂ 'i₄ 'éi'₃ jóin₂, on₃ gué'₂ jua'₅₄ a₂dsi₂ten₅₄ 'ein₅₄ né'₃ 'má₃ nē₃.

³² Jaun₂ ca₂juá'₂ Rag₅₄ Agripa ca₂tsí'₃ Dsi₄má'₂ Festo:

—Jme₁lé₂ bá₄ jme₁lión₂ dsa₂ nē₅, jua'₅₄ mei'₂ gué₃ tsá₃ ca₂mi₃ 'ñiog₅ a₂jme₃r₃ē₃ gui'₅₄ emperador jág₁ quió'₅.

27

Ca₂dsián'₂ dsa₂ Pa₄ ju₁ Roma

¹ Jme₁ca₂jmo₃ dsa₂ jág₁ a₂chei₃ jnia'₅₄ ju₁'u₃ Italia, jaun₂ Pa₄ quian'₅₄ gué₄ dsa₂ i₂le₁'ñe'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂té'₂ dsa₂ quián₅ Augusto.

² Jaun₂ ca₂tió'₄ jnia'₅₄ caun₂ ni₁barco a₂já₃ ju₁'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ ju₁'o₄ jmi₁ñí'₄ a₂niog₅ 'u₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'u₃ Macedonia.

³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ né₂ dsí₅ Julio ja₁con₂ Pa₄, ca₂cuē₃ bá₄ jmig₄ ca₂i₁jñin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅.

⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ ju₁'ja₁jniá₂ Chipre tē₂le₃ gu₂ jen₅, ia₁ tē₂le₃ siá'₂ bá₄ jme₁'ei₅ dsí₂.

⁵ Jaun₂ ca₂ñ₃g₃ jnia'₅₄ jmi₁ñí'₄ chei'₅₄ 'u₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'u₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ ju₁'dsáu'₅ ju₁'Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃.

⁷ 'Lióng₂ jmig₄ ca₂tió'₄ jnia'₅₄ ni₁barco, ia₁ a₂i₃náu₅ tē₂'ua₁. Jaun₂ tē₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ñ₃g₃ jnia'₅₄ cau₅ ja₁chei₂ Salmón, ca₂i₁jein'₅₄ le₃ja₁chei₂ Creta, 'u₃ 'i₄ jē₄ jmi₁ñí'₄.

⁸ Jaun₂ tē₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁tē'₂ dsa₂ 'O₄ Jmi₁ñí'₄ Dse₃, ja₁ma₂quián₅ juig₂ Lasea.

9 'Lióng₂ jmí₄ ca₂rē₃'ag₄ jnia'₅₄. Ma₂tē₂ jein₂ a₂ma₂go'₂ i₃nio₄ dsa₂ jui₅ ne₄ jmi₁ñí'₄, ia₁ a₂ma₂ja₂quián₃ jein₂ güí₂. Jaun₂ lē₃, jme₁ca₂juá'₂ Pa₄ ca₂tsí'₃ dsa₂:

10 —'Nia'₂ dsa₂, já₅ jniá₂ 'ñio₅ ma₂go'₂ quián₂ jniog₄ tē₂le₃ ja₁dsau₅₄ nē₅, ia₁ dsí₃'én₂ ni₁barco, lió₅₄ nē₃, ca₂tē₂ guio₅₄ jniog₄ go'₂ dsió₃ nē₁jua'₂ 'e₂ ca₂lē₃.

11 La₁ juí₅₄ 'lió₂ nē₃, tsá₃ jui₅ ca₂tón'₃ já₁ jaun₂ quió'₅ Pa₄. Ca₂tón'₃ bá₄ jui₅ já₁ quió'₅ dsa₂ juí₅₄ ni₁barco quian'₅₄ dsa₂ i₂quian₄ ni₁barco nē₃.

12 Ia₁ tsá₃ dse₃ 'o₄ jmi₁ñí'₄ jaun₂ jua'₅₄ a₂jnia₃ dsa₂ jein₂ güí₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ já₁ a₂jme₁dsi₁náu₄ jui₅ ja₁tág'₄ juí₂ Fenice, caun₂ 'o₄ jmi₁ñí'₄ quió'₅ Creta ja₁jniá₂ tē₂le₃ noroeste quian'₅₄ tē₂le₃ suroeste, ia₁jaun₂ dsi₁jnia₁ jnia'₅₄ ja₁jaun₂ tē₂lia'₂ ñag₅ jein₂ güí₂.

Ca₂'ág₂ dsí₂ tiá₂ lín₃ ne₄ jmi₁ñí'₄

13 Jaun₂ ca₂jme₃lió₃ ca₂'ág₂ dsí₂ 'ua₁ a₂já₃ tē₂le₃ sur. Jaun₂ caun₂ lé₂ dsi₃lén₂ bá₄ lín₂. Jaun₂ ca₂'uín₂ jaun₂ nē₃, ca₂i₃lén₂ jui₅ ma₂quián₅ chei'₅₄ 'uē₃ Creta.

14 La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecte ca₂tē₂ ni₁barco.

15 Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cuē₁ jnia'₅₄ jmí₄ a₂jio₃ dsí₂.

16 Jaun₂ ca₂ñag₅₄ jnia'₅₄ le₃co'₅₄ caun₂ 'uē₃ pí'₁ ja₁chei₂ Cauda* a₂niog₅ jē₄ jmi₁ñí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ tē₃ quian₅ ta₁ le₂jaun₂, ja₂lag₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄.

17 Jme₁ca₂lē₃ ca₂tó'₂ dsa₂ tsi₁mu₅ guei'₅₄ 'ñió'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bēn₂ guē₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁tē'₂ dsa₂ Sirte, jaun₂ ca₂sió₂ tsi₁'mí'₂ quió'₅ ni₁barco, jaun₂ ca₂cuē₃ jmí₄ a₂jio₃ dsí₂.

18 Jme₁jnia₃ jaun₂, ia₁ tiá₂ bá₄ guē₄ 'ei₅ dsí₂, jaun₂ ca₂jme₃lió₃ qui₂ca₂tó'₂ lió₅₄ ne₄ jmi₁ñí'₄.

19 Jme₁ca₂tē₂ 'ni₅ jmí₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmí₂ le₂jio₅ a₂jmo'₂ ta₁ ni₁barco 'ñiog₅.

20 'Lióng₂ jmí₄ tsá₃ ma₃ca₂jnia₃ 'iog₂, on₃ guē'₂ nei₅ nē₃. Tsá₃ ma₃lág₂ jnia'₅₄ jua'₅₄ a₂tág'₄ guē₄, ia₁ a₂ñí₄ lē₃ tiá₂ jme₁'ei₅ dsí₂.

21 Ia₁ ma₂ne₁ñó₄ 'lióng₂ jmí₄ tsá₃ ma₃'ein₂ jnia'₅₄ guē'₅, jaun₂ ca₂nau₂ Pa₄ jē₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ jui₅ já₁ quió₃ a₂tsá₃ jme₁'uág₃ Creta. Jnia'₅₄ ca₂i₃'én₂ bá₄ quián₂, ton'₂ ca₂ñag₅₄ rē'₂ uig₅ nē₃.

22 La₁ nē₃ nē₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, o₁jnia'₅₄ dsí₃'én₂ ni₁barco.

23 Ia₁ a₂'uē₂ la₂ nē₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄.

24 Jaun₂ nē₂juá'₂ ángel nē₂chéi₃ jniá₂: “Tsá₃ lē₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador romano. 'Uí₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ñió'₃ barco, tsá₃ ma₃dsián₃.”

25 Jaun₂ lē₃, 'nia'₂ rín₅₄ jniog₄, quen'₂ 'nia'₂ bí₂, tsá₃ jmo₂ 'nia'₂ o₂i₁ dsí₅. Ia₁ dsón'₂ bá₄ 'én₂ jniá₂ tē₂le₃ quió'₅ Diú₄ a₂tion₅₄ jmo₃ con'₂ lē₅ já₁ a₂nē₂juá'₂ ángel nē₂chéi₂ jniá₂.

26 La₁ tion₅₄ niog₅ dsi₁tió'₄ bá₄ jniog₄ caun₂ 'uē₃ dsi₂jo₂ jmi₁ñí'₄.

27 Caun₂ 'uē₂ jme₁ma₂tē₂ tñ₃ semanas a₂tio'₅₄ jnia'₅₄ jui₅, lia'₂ ma₂jio₅ jaun₂ bá₄ dsí₂ ne₄ Jmi₁ñí'₄ Adria,† jme₁ca₂rē₃lí'₄ dsa₂ i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uē₃.

* 27:16 A₂lín₅₄ chog₅₄ si₂: “Clauda.” † 27:27 o₃, “Jmi₁ñí'₄ Mediterráneo.”

28 Jaun₂ ca₂can₃ dsa₂ 'éi'₃ 'a₂ con'₂ jì'₂ gué₄ jmìg₂. Jme₁ca₂jág₃ dsa₂, con'₂ guióg₂-guiá₂-jnè₂ (36) metros bá₄ jì'₂ gué₄. Ca₂juig₄ gué₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guióg₂-guio₃ (27) metros bá₄ tí₅ gué₄ jì'₂.

29 Ia₁ a₂gó'₅ dsa₂ jná'₃ ni₁barco con'₂ tiá'₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ñí'₁ 'lá'₁ guei₂ quian'₅₄ tsi₁'nei'₅₄ jui₅ né'₃ jmìñí'₄. Tè₃ tion'₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃.

30 Tè₃lia'₂ jaun₂, jme₁ma₂dsi₂jio₅ dsí₅ dsa₂ i₂quian₅ ni₁barco a₂jme₁cuing₃. Qui₂ca₂sió₂ tsi₁mu₅ ne₄ jmìñí'₄, a₂jmo₂₃ jui₁lia'₂ a₂tioin'₅₄ tó'₅ ni₁ñí'₁ guei₂ tè₂le₃ ne₄ ni₁barco.

31 La₁ jaun₂ ca₂juá'₂ Pa₄ ca₂tsí'₃ juig₅₄ 'lióg₂ quian'₅₄ ca₂le₃jín₃ gué₄ 'lióg₂ ně₃, ca₂juá'₂:

—Nè₁jua'₂ tsá₃ jnia₅ i₂nè₅ 'ñió'₃ ni₁barco, tsá₃ jaun₂ lión'₂ 'nia'₂.

32 Jaun₂ qui₂ca₂ti₃ 'lióg₂ 'nei'₅₄ a₂jme₁chi₁quian₅ tsi₁mu₅, ca₂tá'₂ jaun₂ ně₃ ne₄ jmìg₂.

33 Tè₂ o₃'iog₂ lin₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ gué'₃. Jaun₂ ca₂juá'₂:

—Ma₂tè₂ tin₃ semanas a₂tsá₃ ma₂gün'₂ 'nia'₂ on₃ gué'₂ ma₂què'₂.

34 Jaun₂ lè₃ juá'₅ jniá₂, qué'₂ 'nia'₂ ca₂la₂. Tion₅₄ 'nió'₅ què'₅₄ 'nia'₂ ia₁jaun₂ bá₄ lión'₂ 'nia'₂. 'Ijan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jnia'₅₄ ca₂mi'₂ jñi₂ dsi₄ jniog₄ tsá₃ 'e₂ dsi₃'én₂.

35 Dsi₂jui₅ jme₁ca₂juá'₂ Pa₄ le₂nè₅, ca₂can₃ i₁ñí'₄ jaun₂ ca₂cué'₃ ti₁'mag'₄ Diú₄ tè₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂gué'₃ jaun₂ ně₃.

36 Jaun₂ ca₂le₃jín₃ dsa₂ ca₂tíin'₃ táng₃ bí₂ jme₁ma₂nè₂gué'₃.

37 Ca₂le₃jág₃ jnia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rē₂dsí₂ 'nag'₂ co₂ne₂guióg₂ rē₂dsí₂ guia₃-jnè₂ (276) dsa₂.

38 Jme₁ca₂lí'₃ gué'₅ dsa₂ con'₂ jme₁'nio₃, jaun₂ ca₂guia'₃ lio₅₄ trigo ne₄ jmìñí'₄ ia₁jaun₂ sión'₂ gué₄ guei₂ ni₁barco.

Ca₂i₃guen'₅₄ ni₁barco né'₃ jmìñí'₄

39 Jme₁jnia₃ jaun₂, dsa₂ i₂quian₅ ni₁barco tsá₃ ca₂rē₃cuí'₅ 'uē₃ jaun₂. La₁ jaun₂ ca₂jág₃ caun₂ dsio₅ jmìñí'₄ a₂nio₅ jē₄ 'uē₃, ja₁'ei₅ tei₄ gué₄ jmìg₂. Chei'₅₄ jaun₂ tio'₅₄ 'lióng₂ ti₁tsag₁ ja₁lè₄ jo₂ gué₄. Jaun₂ ca₂'náu'₃ dsí₅ chi₂jua'₂ lé₂ jñióg₃ ni₁barco ca₂tè₂ jaun₂.

40 Jaun₂ ca₂ti₃ 'nei'₅₄ a₂jme₁le₁quian₅ ni₁ñí'₁ 'lá'₁. Né'₃ jmìñí'₄ jaun₂ bá₄ ca₂tí₂ dsa₂ ni₁ñí'₁ jaun₂. Qui₂ca₂jía'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg₃ tsi₁'mi'₂ le₃ne₄jui₅ quió'₅ ni₁barco, ia₁jaun₂ tè₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uē₃ ja₁lè₄ ti₁tsag₁.

41 La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lè₄ tin₃ ne₅₄ la'₅₄ ja₁'ei₅ tiá₂ jmìg₂. Tè₂le₃ ja₁lè₄ le₃ne₄ jui₅ quió'₅ ni₁barco ca₂i₃'ó'₅ jē₄ ti₁tsag₁, ca₂quí'₃ tiá₂ lin₃, ca₂lia'₂ tsá₃ ma₃ca₂tio'₃ dsa₂ dsí₃. Jaun₂ le₃ja₁lè₄ le₃chi₁co'₅₄, qui₂ca₂juin₃, ia₁ a₂ñí₄ lè₃ tiá₂ qui₂jná'₅ jmìñí'₄.

42 Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jē₁ma₂qui₂ca₂'ain₂ jmìg₂.

43 La₁ tsá₃ ca₂cué₃ jmìg₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmìg₂, jui₁tioin'₅₄ jmìg₂ le₂'uig₅₄ ia₁jaun₂ tíin'₄ 'uē₃;

44 dsa₂ sián'₂ gué₄ ně₃, jui₁'ain₅₄ jmìg₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lè₃ qui₂ca₂ló₂ jnia'₅₄ a₂ca₂tág₃ táng₃ 'uē₃.

28

'En₅₄ Pablo 'uē₃ Malta a₂nio₅ jē₄ jmìñí'₄

¹ Jme₁ma₂ca₂ló₂ jnia'₅₄ ca₂le₃jág₃, jaun₂ guě₄ ca₂rě₃ne₄ jnia'₅₄ a₂chei₂ Malta 'uě₃ jaun₂, a₂niog₅ jě₄ jmi₁ñí'₄.

² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂tě₃ jnia'₅₄ a₂jme₁dsion'₂, ia₁ a₂ñí₄ lě₃ güí₂, dsó₅ jmí₅ ně₃.

³ Pa₄ guě'₂ ně₃ qui₂ca₂cág'₃ ni₁'ma₂ quein₂. Lia'₂ con'₂ jme₁'ein₅₄ tó'₅ dsi₂si₂, con'₂ tsá₃ jáin₅ ca₂o'₃ín₃ jan₂ dsi₂mi'₂ a₂cuíng₂₃ jme₁ca₂'ě'₂ dséi₂ quió'₅, ca₂chi₃dséin₂ mi₂gu₂ Pa₄.

⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi'₂ chi₁dsein₅₄ mi₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí'₃ riin'₅₄:

—I₂ma₂jñí'₃ dsa₂ bá₄ dsa₂ ně₅. O₁jñia'₅₄ la₂ ca₂lón₂ ne₄ jmi₁ñí'₄, la₁ tsá₃ 'i₄ 'éi'₃ a₂le₃chain₂ guě₄.

⁵ La₁ qui₂ca₂bí₂ Pa₄ mi₂gu₂ jaun₂ ně₃, ca₂tán'₂ dsi₂mi'₂ dsi₂si₂. La₁ tsá₃ 'e₂ ca₂jén'₃ Pa₄ 'i₁ca₂juig₄.

⁶ Ca₂le₃jín₃ dsa₂ jme₁le₁jñia₂₃ guióng₃ dsi₂juí₅ quió'₅ Pa₄, o₃ jme₁dsi₃'iin₅ 'e₂, jóin₂ dsi₂juí₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén'₄ guě'₂ Pa₄, jaun₂ ca₂i₃jiog₅ dsí₅ tē₂le₃ siá'₂, qui₂ca₂tsí'₃ riin'₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅ 'uě₃ quió'₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag'₃ jnia'₅₄, 'ni₅ jmíg₄ ca₂tág₃ jnia'₅₄ ja₁quió'₄.

⁸ Jmei₂ Publio 'éi₂ jme₁ron₅ dso'₅₄ 'i₄ dséi₂, a₂tag₂₃ jmi₂ ně₃. Pa₄ ně₃ ca₂ñei₅₄ ca₂i₁jiin₁₂ dsa₂ dso'₅₄ 'éi₂. Jme₁ma₂ně₂chi₃lén'₂ Diú₄, jaun₂ guě₄ ca₂quiog₂ gu₂ ne₄ quió'₅ dsa₂ dso'₅₄, ca₂jme₃'lió₂.

⁹ Jme₁ca₂lě₃ le₂jaun₂, caun₂ ca₂dsi₃lén₂ bá₄ dsa₂ dso'₅₄ sián'₂ i₂chan₂ 'uě₃ jaun₂, caun₂ ca₂jme₃'lió₂ bá₄ guě'₂ Pa₄.

¹⁰ 'Io'₂ ca₂jmo₃ dsa₂ quian'₅₄ jnia'₅₄. Jaun₂ ca₂cuě₃ dsa₂ ca₂le₃jě₃ 'e₂ 'nió'₅ quián₂ jnia'₅₄ jě₁ma₂tě₂ rě₁tió'₄ táng₃ jnia'₅₄ jui₅.

Ca₂dsióg₃ Pa₄ jě₄ juig₂ Roma

¹¹ Cang₂ jme₁ma₂ca₂ñí₂ 'ni₅ tsí'₂, jaun₂ ca₂tió'₄ táng₃ jnia'₅₄ caun₂ ni₁barco a₂jme₁chí'₄ ja₁jaun₂ tē₁lia'₂ jein₂ güí₂. Ni₁barco jaun₂ ca₂já₃ juig₂ Alejandría. Guei'₅₄ ni₁barco jaun₂ jme₁tióng₂ nió'₅ quió'₅ diú₄ Cástor quian'₅₄ diú₄ Pólux.*

¹² Ca₂dsi₃náu₅ jnia'₅₄ 'o₄ jmi₁ñí'₄ juig₂ chei₂ Siracusa. Ja₁jaun₂ ca₂jñia₄ jnia'₅₄ 'ni₅ jmíg₄.

¹³ Ca₂'uag₂ jnia'₅₄ ja₁jaun₂, ca₂i₁ñag₅₄ jnia'₅₄ quián₅ chei'₅₄ 'uě₃ ca₂lia'₂ ca₂dsi₃náu₅ tē₂ ja₁chei₂ Regio. Jme₁jnia₃ jaun₂, ca₂'ág₂ dsí₂ a₂já₅ tē₂le₃ sur. Jě₁ca₂tě₂ tin₃ jmíg₄ guě₄ ca₂dsi₃náu₅ jnia'₅₄ ca₂tě₂ juig₂ Puteoli.

¹⁴ Ja₁jaun₂ ca₂jen'₂ jnia'₅₄ i₂lín₅₄ dsa₂ rin'₅₄ i₂'én₂. I₂'éi₂ ca₂tě₃ jnia'₅₄ ca₂i₁jñia₁ jě₄ quió'₅ caun₂ semana. Jaun₂ guě₄ ca₂i₃náu₅ jnia'₅₄ jui₅ Roma.

¹⁵ Ca₂le₃jín₃ dsa₂ rin'₅₄ i₂tián'₅ Roma jme₁ma₂le₁ñi₅ a₂dsi₁náu₅ jnia'₅₄. Jaun₂ i₁lein₅₄ i₁jñiog₁₂ le₂'i₄ jui₅ ca₂tě₂ ja₁chei₂ Foro de Apio quian'₅₄ ja₁tě'₂ dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cuě'₃ ti₁'mag'₄ Diú₄ ca₂tiin₂ táng₃ bí₂ ca₂lág₃ dsí₅.

¹⁶ Jme₁ca₂dsi₃náu₅ jnia'₅₄ Roma, [ja₁jaun₂ guě₄ ca₂jáng'₂ juig₅₄ 'lióg₂ ca₂jñin'₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñia₂₃ i₂niog₅ gu₂. La₁]† Pa₄ ně₃ ca₂cuě₃ juig₅₄ 'lióg₂ jmíg₄ a₂guá₃ 'éi₂ ja₁siá'₂ con'₂ 'ñiog₅ quian'₅₄ jan₂ 'lióg₂ i₂jmo₅ 'í₁ quió'₅.

Ca₂'ě₂ Pa₄ jág₁ dse₃ juig₂ Roma

* **28:11** griego: Dioskouri, co₂'nió'₄ le₃jua'₅₄ on₃ dsa₂ tsin'₅₄ i₂lín₅ ja₁ñi'₅₄ diú₄ Zeus quian'₅₄ Leda. Co₂'nió'₄ diú₄ patrón quián₅ ni₁barco. † **28:16** A₂lín₅₄ chog₅₄ si₂ tsá₃ le₁ton₅ jág₁ a₂tió'₅₄ 'ñi₃o₃ corchetes [le₂la₂].

17 'Ni₅ jmig₄ cang₂ jme₁ca₂dsióg₃ Pa₄ juig₂ Roma, ca₂tě₃ ca₂le₃jín₃ dsa₂ dsen₅₄ quián₅ dsa₂ judíos juig₂ jaun₂. Jme₁ma₂le₁ñi₂' dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ guě₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ guě'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅ quió'₅ dsa₂ quián₂ jniog₄ ma₂líg'₂, tion₅₄ bá₄ a₂lě₁ca₂jáng'₂ dsa₂ jniá₂ chi₁'ñeg₂₃ o₄gú₃ dsa₂ romanos.

18 Jaun₂ jme₁ca₂ñag₃ dsa₂, tsá₃ 'e₂ dsáu₅ jniá₂ ca₂dsó'₂, jua'₅₄ a₂'i₄ 'éi'₃ jóng₂. Jaun₂ jme₁'nio₃ jme₁lió₂.

19 La₁ dsa₂ judíos tsá₃ cán₂ jág₁. Jaun₂ bá₄ lě₃ ca₂mi₃ jniá₂ a₂'nio₃ jme₃rě₃ gui'₅₄ emperador, on₃ jua'₅₄ ia₁ a₂cha₂ dso₄ jme₂cán'₂ jniá₂ dsa₂ go₃.

20 'Uig₅₄ jaun₂ bá₄ ně₂tě₃ jniá₂, ia₁ a₂'nio₃ jñing₅₄ 'nia'₂, a₂'nio₃ dsia₅₄ jág₁ quian'₅₄ 'nia'₂. Ia₁ 'uig₅₄ jág₁ quió'₅ Diú₄ a₂'éin₂ jniog₄ con'₂ dsa₂ lág₅ israelitas, 'uig₅₄ a₂'ín₂ dsí₅ jniog₄ a₂jme₃tí₃ Diú₄ jág₁ quió'₅ a₂ma₂cuě₃, 'uig₅₄ jaun₂ bá₄ chi₁'ñe'₅₄ jniá₂ ni₁ñí₁ cadena la₂.

21 Jaun₂ ca₂ñag₃ dsa₂ ca₂tsí'₃ Pa₄:

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂'in₂₃ 'ne₂. On₃ guě'₂ 'i₁jan₂ dsa₂ rin'₅₄ jniog₄ dsa₂ judíos i₂ja₂lén₂ ja₁jaun₂ jua'₅₄ a₂ma₂juá'₂ 'in₂₃ 'ne₂ 'lig'₅₄.

22 'Niog₂ jnia'₅₄ néi₁ 'a₂ guě'₂ lia'₂ lě₅ jág₁ quián'₂ 'ne₂ chi₂jua'₂ 'a₂ lia'₂ líng'₂. Ia₁ ne₄ bá₄ jnia'₅₄ jág₁, ta₁caun₂ mi₂güig₃ bá₄ dsia₅ dsa₂ tsá₃ tě₅ dsí₅ jág₁ 'mí₂ ně₅ a₂'én'₂ 'nia'₂.

23 Jaun₂ ně₃, ca₂jmo₃ dsa₂ jág₁ ca₂tióng₃ caun₂ jmig₄. Jmig₄ jaun₂ ně₃ ca₂dsi₃lén₂ juin₅ dsa₂ ja₁'en₅₄ Pa₄. Jaun₂ ca₂jme₂lióg₃ ca₂'ě'₃ dsa₂ tě₃ o₃'iog₂ jág₁ ju₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jen₃ 'iog₂ tě₂le₃ ca₂'láu₂. Tě₂le₃ quian'₅₄ 'Éi'₃ Juá'₅ quió'₅ Moisés, quian'₅₄ ca₂le₃jě₃ guě₄ Si₂ quió'₅ dsa₂ i₂jme₁'ě₂ jág₁ quián₅ Diú₄ ně₃, qui₂ca₂cuě'₃ dsa₂ jág₁ dsau₅ ia₁jaun₂ le₃'én₂ dsa₂ 'éi₂ tě₂le₃ quió'₅ Jesús.

24 I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rě₃'éin₂ bá₄. I₂lin₅₄ guě'₂ tsá₃ ca₂rě₃'én₂, tsá₃ 'nio₃.

25 Ia₁ tsá₃ caun₂ jág₁ 'ei₅ quió'₅, i₂lin₅₄ ca₂jme₃lióg₃ ca₂'u_{in}₂ bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rě₂ bá₄ ju₁lia'₂ ca₂juá'₂ Jme₂dsí₂ Jñi₅ ca₂tsí'₃ dsa₂ quián₂ jniog₄ ma₂líg'₂ tě₂le₃ quian'₅₄ Isaías, i₂jme₁'ě₂ jág₁ o₄quió'₄ Diú₄, jme₁ca₂juá'₂:

26 Gua₂ o₂chei'₅₄ dsa₂ juig₂ ně₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ñí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

27 Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

ně₂jag₄ bá₄ i₂ma₂rě₂jni₅ rě₂gua₄;

ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ nag₃ quian'₅₄ rě₂gua₅₄,

on₃ guě₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.‡

28 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ ju₁ quió'₅ dsí₂nau₂. 'Éi₂ ně₃, tón'₃ bá₄ ju₁.

‡ 28:27 Isaías 6:9-10.

²⁹ Jme₁ca₂lě₃ juá'₂ Pa₄ le₂ně₅, ca₂i₃len₃ dsa₂ judíos tsin₂₃ 'nio₅ lin₃ quiain'₅₄ riin'₅₄. §

³⁰ Tin₃ ŋi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsi₂lén₂ dsi₂jag₅₄.

³¹ Jaun₂ ca₂jme₃tiin₂₃ dsa₂ qui₂ca₂'ě₂ jág₁ 'a₂ lia'₂ lě₅ ja₁gon₂ Diú₄. Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃ jui₅ a₂'ě₂ Pa₄ jág₁ dse₃.
Co₂ně₅.

Si₂ carta a₂ ca₂ jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

1 Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂tě₃ jniá₂, jaun₂ ca₂chei'₃ a₂lěng₂ dsa₂ i₂chen₄ quiáin₅ ia₁ jaun₂ qui'₅ ě₄ jág₁ dse₃ quió'₅.

2 Ca₂'ě₂ Diú₄ jág₁ dse₃ ně₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuě₃ tě₂le₃ quian'₅₄ dsa₂ i₂jme₁'ě₂ jág₁ quiáin₅,

3 a₂'iin₂₃ ja₁ŋi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güí₃;

4 lia'₂ con'₂ lě₅ Jme₂dsí₂ Jnió₅ ně₃ ca₂jme₃jnia₅ a₂lín₅ 'éi₂ Ja₁ŋi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂.

5 Tě₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei'₃ jin₄ dsí₂nau₂ ia₁ jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂.

6 Jin₄ dsa₂ 'éi₂ tián'₅ 'nia'₂ i₂ma₂tě'₃ Diú₄ ján₃, a₂lén'₂ 'nia'₂ i₂quián₅ Jesucristo.

7 Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jě₄ juig₂ Roma, i₂lín₅ i₂'nio₃ Diú₄, jaun₂ ma₂tě₂₃ a₂le₃chan'₂ 'nia'₂ líng'₅ dsa₂ i₂lě₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jme₂ jniog₄, o₄quió'₄ Te₁gui'₅₄ Jesucristo ně₃.

'Nio₃ Pa₄ dsí₂ jág₂ juig₂ Roma

8 Jě₁le₂'uig₅₄, tě₂le₃ quian'₅₄ Jesucristo cuě₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂.

9 Jaun₂ Diú₄, i₂jme₂tí₁ jniá₂ ne₄ ca₂le₃jě₃ jme₂dsí₂ quió'₃, a₂qui₂'ě₅ jág₁ dse₃ quió'₅ Ja₁ŋi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsí₃ 'nia'₂ ca₂le₃jě₃ jě₁chi₂lén'₂ jniá₂ Diú₄.

10 Co₂tan₅₄ bá₄ mi₅ jniá₂ ne₄ Diú₄ jui₁le₅₄ bá₄ 'a₂ lia'₂ 'ŋio₂ dsí₅, 'a₂ lia'₂ lé₂ a₂cuin₃ jmig₄, ca₂lia'₂ ca₂lě₃ a₂nei₅₄ i₁jíng₁₂ 'nia'₂.

11 Ia₁ 'ín₅ dsí₃ i₁jíng₁₂ 'nia'₂, ton'₂ 'nio₃ jme₁ong₁₂ 'e₂ caun₂ 'nió'₅ jme₁ong₁₂ 'nia'₂ tě₂le₃ quió'₅ jme₂dsí₂, ia₁ jaun₂ le₃náu'₁ guě₄ 'nia'₂ tiá₂;

12 co₂'nió'₄ le₃jua'₅₄, ia₁ jaun₂ lé₂ le₃cuě₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én₂ jniá₂ ján₃.

13 Rin'₅₄ jniog₄, 'nio₃ le₃ŋi'₅₄ 'nia'₂ 'lióng₂ ráun₂ bá₄ ma₂lě₅ dsí₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jnia'₅₄ rě₂ně₃ tsá₃ ma₂lě₅, ia₁ ma₂rě₂jni₅ jui₅. 'Nio₃ nei₅₄ ia₁ jaun₂ chi₁lo'₂ a₂ma₂rau₂ quió'₅ Jme₂dsí₂ jě₄ quián'₂ 'nia'₂, jui₁lia'₂ ma₂cag'₄ jniá₂ ján₃ juig₂ siá'₂, go₄ dsí₂nau₂ sián'₂ ján₃.

14 Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, jui₁lín₄ dsa₂ 'e₂ lín₅, dsa₂ griego, o₃ dsí₂nau₂ 'e₂, dsa₂ i₂ŋí'₂ dsí₅, o₃ dsa₂ co₄ 'e₂;

15 jaun₂ le₂ně₅ bá₄ 'ín₅ dsí₃ a₂qui₂i₁'ě₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

16 Ia₁ tsá₃ 'e₂ o₂gui'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ ně₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsí₂nau₂.

17 Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rë₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jë₁ca₂tó'₂. Le₂në₅ juá'₂ ne₄ Si₂: "Dsa₂ i₂ñi₅ jui₅ co₂rë₂ ia₁ a₂'éin₂, 'éi₂ bá₄ le₃chan₂."*

A₂ma₂rë₂cán'₄ dsa₂ mi₂güig₃ guioin₅₄

18 A₂juá'₅ jniá₂ le₂në₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ tē₂ ja₁guá₄ guei'₅₄ i₂juíG₃ ja₁con₂ dsa₂ i₂tsá₃ Diú₄ cuin₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tē₂le₃ quian'₅₄ jui₅ 'lig'₅₄ ja₁i₂noi₅₄.

19 Ia₁ rē₂jniá₂ rē₂ bá₄ ca₂le₃jě₃ a₂ñi₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃ tē₂le₃ quian'₅₄ a₂ma₂jmo₃,

20 ia₁ ca₂le₃jě₃ a₂tsá₃ rē₂jniá₂ quió'₅ Diú₄, lé₂ le₃cuí'₅ dsa₂ tē₂le₃ quian'₅₄ ca₂le₃jě₃ a₂ma₂jmo₃; ma₂ca₂rē₃jniá₂ dse₃ lín₃ bá₄, ca₂le₃ ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂ le₂në₅ bá₄ tsá₃ ma₃'e₂ lé₂ le₃juá'₂ dsa₂ jua'₅₄ a₂tsá₃ ñi₅.

21 Ia₁ o₁jñia'₅₄ ñi₅ le₂në₅ a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lē₅ ca₂tín₂ Diú₄ le₃juin'₂, on₃ guē'₂ ma₂cuē'₃ Diú₄ ti₁'mag'₄. Jē₂ bá₄ ma₂ja₂léin₂ qui₂'no'₂ dsí₅ a₂tsá₃ ta₁ tí₄; tsá₃ tē₂tsi'₅₄ dsí₅, jaun₂ ma₂tē₁'ñiái₄ jē₄ qui₁'né'₃.

22 Jui₁'a₂ guē₃ la₂ juá'₂ a₂lín₅ dsa₂ i₂cuí'₅, a₂tñin₂ a₂ñi₅, la₁ dsa₂ co₄ bá₄ ca₂lín₃ jë₁ca₂tó'₂.

23 Jaun₂ në₃, 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsín₃ bá₄ a₂co₂tág₅ co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, jui₁lia'₂ nió'₄ quió'₅ já'₂ i₂'in₅, já'₂ i₂tsē'₅ quió'₅, já'₂ i₂lē₂ quén₂ mi₂tag₄ në₃.

24 'Uig₅₄ në₅ në₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsí₅ a₂tsá₃ le₁jě₃, ia₁jaun₂ caun₂ i₃noi₅₄ jmo₂₃-dsáu₅ cosa a₂o₂guí'₃ a₂jmái'₅ ni₁ñi₁₂ quian'₅₄ riin'₅₄ le₂jain₂ le₂jain₂,

25 ia₁ ca₂jme₃tsín₃† jág₁ dsau₅ quió'₅ Diú₄ quian'₅₄ jág₁ tē₂jág₁; jaun₂ ma₂ja₂léin₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄ a₂jme₁jme₃juin'₂ Diú₄ 'ñiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂në₅ dsón'₂ bá₄! A₂méi₃.

26 'Uig₅₄ në₅ co₂dsia₅ ma₂jáng'₂ jui₅ ja₁cuē'₅ o₂'ñió₃ o₂jñia₃ dsí₅ a₂lē₅ o₂guí'₃, ia₁ ca₂le₂jio₅ dsa₂ mí₂ quiáin₅ bá₄ ca₂jme₃tsín₃ 'a₂ lia'₂ i₂noi₅₄, a₂tsá₃ ma₃i₂noi₅₄ lia'₂ con'₂ dsi₂ten₅₄ 'i₄ 'éi'₃ i₃nio₄ lia'₂ dsa₂ mí₂ dsa₂ ñe'₂.

27 Ján₃ bá₄ guē'₂ le₂jaun₂ dsa₂ ñe'₂ ma₂ca₂tí₂ bá₄ 'a₂ lia'₂ 'i₄ 'éi'₃ le₃chain₂ tiain'₃ quian'₅₄ dsa₂ mí₂; ma₂ja₂léin₂ chóg'₅ dséi₂ quian'₅₄ dsa₂ ñe'₂ riin'₅₄, jmo₂₃-dsáu₅ a₂o₂guí'₃ le₂jain₂ le₂jain₂, jaun₂ gue₂₃ uig₅ guioin₅₄ a₂ca₂tín₂ o₄quió'₄ jui₅ ja₁ca₂quiá₂ cau₅.

28 Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅ ma₂jáng'₂ Diú₄ jui₅ ja₁dsi₂qui₂dsi₃jio₅ dsí₅ a₂'lig'₅₄, a₂dsi₂qui₂dsi₃cóin'₅ a₂'liain'₂, a₂jmo₃ a₂tsá₃ dsi₂ten₅₄.

29 Ca₂lia'₂ qui₂rē₂riin₅ ca₂le₃jě₃ ne₅₄ cosa 'lig'₅₄ jme₂dsí₂ quió'₅, qui₂'no₂₃ dso₄, jmá'₃ guioin₅₄ bá₄ 'nio₃ jme₁'ñi₃, a₂qui₂'no'₂ dsí₅ 'a₂ lia'₂ 'ē'₃ uig₅ riin'₅₄. Rē₂can'₂ dsí₅ a₂uig₅ dsí₅ jín₂ riin'₅₄, a₂jme₂dsiain₂₃ riin'₅₄, a₂lē₁qui₂dsia₂₃ mi'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ñio₅ 'ñio₄ dsa₂, a₂co₂jmo₅ dsa₂ jág₁ tē₂jág₁ jē₄ tē₃co'₅₄.

30 Ján₃ bá₄ le₂jaun₂ a₂lē₁chi₂'ag₅ dsa₂, 'ñiai₅₄ bá₄ Diú₄, a₂lē₁co₂jmái'₂ riin'₅₄, a₂jme₂rón₂ guioin₅₄, dsia₂₃ jág₁ tá'₅, a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guē'₂ jmá'₃ jme₂gain₃ chog₅₄-jmei₂;

* 1:17 Habacuc 2:4. † 1:25 'Nio'₂ ja₁ton₅ Jeremías 2.11.

³¹ tsá₃ tē₂tsi'₅₄ dsí₅ ně₃, on₃ guē'₂ jua'₅₄ jme₃ti₃ 'e₂ caun₂ jág₁ cuē₂₃ a₂jmo₃; tsá₃ 'ein₂ 'iin₂₃ 'i₁jan₂, tsá₃ tin₂ dsí₅ 'éin₂ dso₄ quió'₅ riin'₅₄, on₃ guē'₂ nēi₂ dsí₅.

³² I₂ñi₅ rē₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂ně₅ ca₂tín₂ dsiáin₃ bá₄; la₁ jui₁'e₂ guē₃ ñi₅ a₂jaun₂, on₃jua'₅₄ jmá'₃ guioin₅₄ caun₂ qui₂jmo₂₃, tē₂le₃ tē₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rē₂ 'a₂ lia'₂ con₂ lě₅ dsón'₂

¹ Jaun₂ ně₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ríng'₂, 'ne₂ guē'₂ i₂con₂ 'í₁ ja₁con₂ i₂sián'₂, tsá₃ a₂nag₅₄ jui₁'ein₂ guē₃ líng'₅. Ia₁ nē₁jua'₂ cáun'₂ 'í₁ ja₁con₂ ríng'₂, jaun₂ co₂'nió'₄ ma₂qui₂dsí'₁ 'éi'₃ ja₁con₂ 'ñiag'₂, ton₂ ján₃ bá₄ le₂jaun₂ jmo'₂ 'ne₂ 'ñiag'₂ a₂cáun'₂ 'í₁ jaun₂.

² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rē₂ 'a₂ lia'₂ con₂ lě₅ dsón'₂, ja₁con₂ dsa₂ i₂jmo₅ le₂ně₅.

³ Jaun₂ 'ne₂ ně₃ i₂cáun'₂ 'í₁ ja₁con₂ i₂sián'₂ ton₂ a₂le₂jaun₂ bá₄ guē'₂ jmo'₂ 'ñiag'₂, ¿'e₂ líng'₂? ¿A₂lióng'₂ jē₁ma₂tē₂ rē₁con₂ Diú₄ 'í₁ ja₁cong'₂?

⁴ ¿O₃ bá₄ tsá₃ dsáu₅ 'au'₂ ia₁ a₂ñí₄ lě₃ dse₃ 'ua₁ dsí₅ Diú₄, a₂jmo₂₃ tió'₃ dsí₅, a₂jme₂juin'₂ dsí₅ ně₃? ¿Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jiog₂₃ a₂dsi₃quén'₅ 'au'₂?

⁵ La₁ 'ñio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ ně₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'ñiag'₂ a₂ting'₃ jmig₄ jaun₂ jē₁ma₂tē₂ rē₁jme₃jniái₂₃ a₂'nei₂, jē₁qui₃dsi₂₃ 'éi'₃ co₂rē₂.

⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂ 'a₂ lia'₂ con₂ lě₅ a₂ma₂ca₂jmo₃.*

⁷ Jui₁lia'₂ dsa₂ i₂jmo₅ tió'₃ dsí₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton₂ 'no'₂ jui₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton₂ 'no'₂ jui₅ a₂tsá₃ dsiáin₃, 'éi₂ bá₄ cuē'₃ Diú₄ a₂le₃chain₂ co₂tan₅₄.

⁸ La₁ quian'₅₄ a₂'nei₂ cuē'₃ uig₅ ca₂le₃jín₃ i₂dsia₅ mi'₅₄, i₂tsá₃ 'nio₃ cán₂ caun₂ jui₅ a₂nag₃ gau₂ jág₁ tí₅, i₂jmá'₃ jui₅ 'lig'₅₄ bá₄ 'nio₃ cán₂.

⁹ Le₃cha₂ uig₅ o₂i₁ dsí₅ quió'₅ ca₂le₃jín₃ i₂jmo₅ a₂'lig'₅₄, jē₁le₂'uig₅₄ tē₂le₃ quió'₅ dsa₂ judíos, ján₃ guē'₂ le₂jaun₂ le₃ja₁con₂ dsí₂nau₂.

¹⁰ La₁ ja₁con₂ le₂jan₂ le₂jan₂ i₂jmo₅ a₂dse₃, cuē₃ Diú₄ a₂co₂tág₅ co₂'né'₅, ton₂ cuē₃ caun₂ a₂dse₃, jmo₃ 'ei₅ tei₄, jē₁le₂'uig₅₄ quió'₅ dsa₂ judíos, ján₃ guē'₂ le₂jaun₂ le₃ja₁con₂ dsí₂nau₂.

¹¹ Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂;

¹² ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ tē₃ tsá₃ 'Éi'₃ jaun₂ ca₂tín₂; la₁ ján₃ guē'₂ le₂jaun₂ dsa₂ i₂'no₅ dso₄ nē₁jua'₂ ron₅ bá₄ 'Éi'₃ quió'₅ Moisés ně₃, tē₃dsi₅₄ bá₄ 'éi'₃ quió'₅, jióg'₂ 'í₁ lia'₂ con₂ lě₅ 'Éi'₃ jaun₂.

¹³ Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con₂ lě₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃.

¹⁴ Ia₁ jui₁lia'₂ dsí₂nau₂ ně₃, i₂tsá₃ 'Éi'₃ cha₂ ja₁coin₂, la₁ nē₁jua'₂ chain₂ jui₅ a₂jme₂ti₃ con₂ jaun₂ ma₂tín₂ dsí₅, guion₅₄ bá₄ dsa₂ 'éi₂ ñi₅ tē₂dsí₅ 'a₂ lia'₂ lě₅ 'Éi'₃ quió'₅ Diú₄, o₁ñia'₅₄ tsá₃ a₂jaun₂ ron₅ quió'₅.

¹⁵ Ia₁ cuē₂₃ léi₄ 'a₂ lia'₂ lě₅ chain₂, a₂rē₂ton₅ tē₂dsí₅ ta₁ a₂quí'₅ 'Éi'₃. Jaun₂ tē₂dsí₅ guioin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quin₅ 'a₂ lia'₂ dsí₂jiog₅ dsí₅ guioin₅₄; a₂lín₅₄ jáng'₂, a₂lín₅₄ guē'₂ tē₂le₃ lió₂.

* 2:6 'Nio'₂ ja,ton, Salmo 62:12; Proverbios 24:12.

16 Le₂ně₅ bá₄ lé₂ jě₁ma₂tě₂ jmīg₄ jaun₂ a₂con₂ Diú₄ 'í₁ ca₂le₃jě₃ a₂'ma₄jlě₅ quió'₅ ca₂le₃jín₃ dsa₂, tē₂le₃ quian'₅₄ Jesucristo, lia'₂ con'₂ lě₅ jág₁ dse₃ a₂qui₂'ě₅ jniá₂.

Dsa₂ judíos, quian'₅₄ 'Éi'₃ quió'₅ Moisés

17 La₁ chi₂jua'₂ lín'₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuing'₂ Diú₄;

18 chi₂jua'₂ ma₂ca₂jme₃tín₅ dsa₂ 'ne₂ 'a₂ lia'₂ lě₅ 'Éi'₃, jaun₂ ŋi'₅₄ 'a₂ lia'₂ 'nio₃ Diú₄, ton'₂ ting'₂ caun'₅₄ 'í₁ 'a₂ lia'₂ lě₅ a₂dse₃;

19 jaun₂ chi₂jua'₂ tē₃dsón'₂ líng'₂ a₂ting'₂ jang'₅₄ dsa₂ ten₄, chi₂jua'₂ ŋi'₅₄ 'a₂ lia'₂ téi'₄ si₂ ja₁con₂ dsa₂ i₂i₂nio₄ jě₄ qui₂né'₃,

20 chi₂jua'₂ ŋi'₅₄ 'a₂ lia'₂ jme₁rě'₂ jui₅ a₂quian₅ dsa₂ co₄, chi₂jua'₂ ŋi'₅₄ 'a₂ lia'₂ cuě'₅₄ jág₁ i₂'nió'₄ i₂lín₅ chí'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃ŋi₅ dsa₂, 'a₂ lia'₂ lě₅ jág₁ dsau₅;

21 'ne₂ guě'₂ i₂jme₂ting'₂ i₂sián'₂, ħ'e₂ guě'₂ 'uig₅₄ tsá₃ jme₂ting'₁ guě'₂ 'ŋiag'₂? Chi₂jua'₂ 'ne₂ guě'₂ 'ě'₅ jág₁ a₂tsá₃ ca₂tín₂ dsa₂ 'ang₃, ħtsa₁ 'ang'₂ 'ŋiag'₂?

22 Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃ jág₁ quiain'₅₄ i₂tsá₃ lě₅ dsi₂i₂gu₂, ħtsa₁ nióg'₅ guě'₂ 'ne₂ jág₁ jaun₂ 'ŋiag'₂? Chi₂jua'₂ 'ne₂ 'ŋio₅ lín₃ 'ŋiag'₅₄ diú₄ lag₄, ħtsa₁ 'ang'₂ 'ne₂ a₂quen₅ a₂te₁'i₁ dsi₂néi₂ 'né₅ quió'₅?

23 'Ne₂ guě'₂ i₂jmo'₂ táng'₅ ja₁con₂ 'Éi'₃, ħtsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂?

24 Ia₁ jui₁lia'₂ juá'₂ ne₄ Si₂:
'Ag₅ dsi₂nau₂ 'iin₂₃ 'lig'₅₄ Diú₄
'uig₅₄ quián'₂ 'nia'₂.†

25 Dsón'₂ bá₄ dsau₅ quen₅ a₂ti₃ dsa₂ lo₅₄ ně₁jua'₂ jme₂ti₃ 'Éi'₃ quió'₅ Moisés, la₁ ně₁jua'₂ tsá₃ jme₂ti₃ dsa₂ ně₃, tsá₃ 'e₂ ta₁ jmo₃, ně₂jag₄ bá₄ a₂tsá₃ 'e₂ rě₂uìng₄ bá₄ quió'₅.

26 Jui₁lia'₂ dsa₂ i₂tsá₃ 'e₂ ma₂rě₂uìng₄ quió'₅, la₁ ně₁jua'₂ jme₂ti₃ 'e₂ ta₁ qui'₅ 'Éi'₃, co₂jaun₂ bá₄ jín₂ Diú₄ dsa₂ 'éi₂ ně₂jag₄ bá₄ i₂ma₂rě₂uìng₄ quió'₅ o₁ŋia'₅₄ tsá₃ ma₂rě₂uìng₄.

27 Dsa₂ i₂tsá₃ 'e₂ rě₂uìng₄ lo₄, la₁ ně₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄ jui₅ a₂con₂ 'í₁ ja₁con₂ 'ne₂, ia₁ tsá₃ jme₂tí'₁, jui₁'e₂ guě₃ ron₅ Si₂ tio'₅₄ 'Éi'₃ quiáng'₂, jui₁'e₂ guě₃ rě₂uìng₄ quiáng'₂ ně₃.

28 Ia₁ jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rě'₂ ŋia'₅₄ lín₅ dsa₂ léi₄ jmá'₃ le₃co'₅₄, on₃ guě'₂ le₂jaun₂ jui₁lia'₂ ta₁ dsón'₂ a₂qui'₅ a₂qui₂rě₂uìng₄ lo₄ dsa₂, on₃jua'₅₄ ŋia'₅₄ rě₂uìng₄ lín₅ léi₄ jmá'₃ le₃co'₅₄ ni₁ŋí₅.

29 Tě₂le₃ a₂ca₂tín₂ bá₄ dsa₂ jmo₃, a₂lín₅ tē₃dsón'₂ dsa₂ judío, a₂lín₅ ca₂tě₂ dsí₅; ján₃ guě'₂ le₂jaun₂ jui₁lia'₂ a₂lín₅ dsa₂ léi₄ a₂rě₂uìng₄ quió'₅, a₂lě₅ ca₂tě₂ dsí₅ bá₄ dsa₂; ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂ně₅ chéin'₅ rě₂ quian'₅₄ Diú₄, on₃jua'₅₄ rě'₂ quiain'₅₄ dsa₂ mi₂güíng₃.

3

1 Jaun₂ ně₃, ħ'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío? ħO₃ 'e₂ ta₁ jmo₅ a₂lín₅ dsa₂ léi₄ a₂rě₂uìng₄ ni₁lo₁₂?

2 Lióng₂ bá₄ 'uig₅₄ cha₂. Jě₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂ judíos.

3 ħLa₁ 'e₂ bá₄ lé₂ ně₃ ně₁jua'₂ chan₂ i₂lín₅₄ i₂tsá₃ ca₂rě₃ti'₅₄?* ħO₃ bá₄ lín'₂ 'nia'₂ ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃ ca₂rě₃ti'₅₄ dsa₂ 'éi₂?

† 2:24 Isaías 52:5; Ezequiel 36:22. * 3:3 o₃, "i₂tsá₃ ca₂rě₃'én₂."

4 ¡Dsón'₂ bá₄ tsá₃ le₂jaun₂! Jui₁le₂lei₅₄ bá₄ jniog₄, Diú₄ ně₃ jmo₃ bá₄ ca₂le₃jě₃
lia'₂ con'₂ lě₅ jág₁ tí₅ quió'₅, jui₁'e₂ guě₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄
Si₂ juá'₂:

ia₁jaun₂ le₃lí'₄ dsa₂ a₂lín'₅ i₂dsen₃

jui₁lia'₂ jě₁dsia'₂ jág₁,

ia₁jaun₂ bá₄ léng'₂

jě₁ma₂tě₂ rě₁con₂ dsa₂ 'í₁ ja₁cong'₂.†

5 La₁ ně₃jua'₂ tí₅ ta₁ dsáu₁ jniog₄ a₂rě₂jniá₂ Diú₄ a₂lín'₅ i₂dsen₃, ě'e₂ le₃jua'₅₄
jniog₄ ně₃? ě'An₁ tsá₃ rě₂ qui₃dsi₅ Diú₄ 'éi'₃ ně₃jua'₂ ca₂rě₃'néi₃ 'ě₂ uig₅ ja₁con₂
jniog₄? (A₂lě₃juá'₅ jniá₂ lia'₂ jě₁juá'₂ dsa₂ mi₂güí'₃ bá₄.)

6 ¡Dsón'₂ bá₄ on₃jua'₅₄ le₂ně₅! Ia₁ jua'₅₄ mei'₂ guě₃ tsá₃ rě₂ qui₂dsi₅ Diú₄ 'éi'₃, ě'a₂
bá₄ lia'₂ le₃con₂ 'í₁ ja₁con₂ dsa₂ mi₂güí'₃?

7 La₁ ně₃jua'₂ jág₁ tě₂jág₁ quió'₅ tí₅ ta₁ ia₁jaun₂ lě₅ a₂rě₂jniá₂ guě₄ jág₁ dsau₅
quió'₅ Diú₄ ia₁jaun₂ tě₂le₃ dse₃ guě₄ chéin'₅, ě'e₂ lě₃ qui₂dsi₅ Diú₄ 'éi'₃ a₂rín₂ jniá₂
dso₄?

8 ěJa₁lín₃ guě₄ dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂ně₅
bá₄ chi₂'ag₅ i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂
i₂dsi₂jio₅ dsí₅ le₂ně₅ 'a₂ con'₂ ca₂tín₂.

Ca₂le₃já₃ bá₄ jniog₄ rě₂cáu'₄ dso₄

9 ě'E₂ jaun₂ ně₃? ěA₂dse₃ guě₄ tíong₂ jnia'₅₄ dsa₂ judíos? ¡Dsau₅ bá₄ on₃jua'₅₄
le₂jaun₂! Ia₁ ma₂tě₂tsi'₅₄ jág₁, co₂jaun₂ bá₄ dsa₂ judíos con'₂ dsi₂nau₂, caun₂ bá₄
jui₅ tioin'₅₄ 'uig₅₄ dsáu₁.

10 Lě₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

11 tsá₃ i₂chan₂ jua'₅₄ i₂ñí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

12 Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃léin₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂.‡

13 'Uě'₅ jág₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'uě'₅ tau₂ 'ñio₅ a₂rě₂na₄;

quian'₅₄ le₁tsi'₂ jmo₂₃ a₂jui₁gain₂.§

Ně₂jag₄ bá₄ náu₁ dsi₂mi'₂ 'a₄ mi₂'o₅₄,*

14 Jmá'₃ caun₂ a₂jaun₂ bá₄ juá'₂ dsa₂,

a₂uig₅ dsí₅, a₂jme₃dsi'₃ ja₁con₂ riin'₅₄;†

15 Ma₂ně₃ bá₄ i₂ñi₂₃ cán₂ tag₅₄

a₂dsi₃jme₁dsiain₂₃ riin'₅₄.

16 Léi₄ jě₁ca₂ñi₅ ca₂quiog₂ caun₂ jui₅ a₂o₂i₁ dsi₅,

ja₁i₃'éñ₂ 'a₂ lia'₂ chan₂ dsa₂;

17 ia₁ tsá₃ cuí'₅ dsa₂ 'éi₂ jui₅ 'ei₅ tei₄;‡

18 Tsá₃ a₂jaun₂ dsi₂jio₅ dsí₅

jua'₅₄ a₂gain₃ Diú₄.§

† 3:4 Salmo 51:4. ‡ 3:12 Salmo 14:1-3; 53:1-3; Eclesiastés 7:20. § 3:13 Salmo 5:9. * 3:13 Salmo 140:3. † 3:14 Salmo 10:7. ‡ 3:17 Isaiás 59:7-8. § 3:18 Salmo 36:1.

19 A₂ne₄ bá₄ jniog₄, ca₂le₃jě₃ jág₁ a₂tio'₅₄ ne₄ Si₂ 'Éi'₃ quió'₅ Diú₄, a₂juá'₂ tsí'₅ ca₂le₃jín₃ i₂ca₂tín₂ 'Éi'₃ jaun₂, ia₁jaun₂ jmo₃ tei₄ mi₂'o₄ ca₂le₃jín₃, ia₁jaun₂ ca₂le₃jín₃ dsa₂ mi₂güig₃ tē₃tsin'₅₄ rē₂cáin'₄ ne₄ Diú₄.

20 Ia₁ ca₂lia'₂ 'i₁jan₂ tsá₃ 'ein₂ jín₂ Diú₄ a₂tsá₃ dso₄ rē₂cáin'₄ jua'₅₄ a₂jme₃ti₃ a₂juá'₂ 'Éi'₃, ia₁ 'ñiog₅ bá₄ 'Éi'₃ qui'₅ ta₁ a₂le₃ne₄ jniog₄ a₂lág₅ dsa₂ cha₂ dsáu₁.

A₂lión₂ dsa₂ tē₂le₃ a₂jñia'₅₄ quian'₅₄ a₂'éin₂ bá₄

21 La₁ nē₃ nē₃, ma₂ca₂jme₃jnia₅ bá₄ Diú₄ jui₅ a₂tsá₃ ma₃dso₄ rē₂cáu'₄ jniog₄, on₃jua'₅₄ tē₂le₃ quian'₅₄ Si₂ 'Éi'₃, ju₁'e₂ guě₃ jáng'₅ jág₁ dsau₅ jui₅ jaun₂ a₂juá'₂ ne₄ Si₂ tio'₅₄ 'Éi'₃, quian'₅₄ Si₂ a₂qui₂ca₂jmo₃ dsa₂ i₂jme₁'ě₂ jág₁ quián₅ Diú₄ nē₃.

22 Jáng'₅ jág₁ dsau₅ jui₅ dse₃ quió'₅ Diú₄ a₂tsá₃ dso₄ rē₂cán'₄ dsa₂, jñia'₅₄ lia'₂ tē₂le₃ quian'₅₄ a₂'éin₂ tē₂le₃ quió'₅ Jesucristo; tsá₃ jma₃quén₅ jmo₂₃ ja₁con₂ jui₁'ein₂ guě₃;

23 ia₁ ca₂le₃jín₃ bá₄ ma₂qui₂ma₂'náu₂ dso₄, jaun₂ uing₂ lín₃ bá₄ tióin₂ ja₁qui₂tág₅ co₂'né'₅ quió'₅ Diú₄.

24 La₁ Diú₄ nē₃, ia₁ a₂'ua₁ dsí₅ bá₄ 'ě₂ jág₁ a₂tsá₃ dso₄ rē₂cáin'₄, on₃jua'₅₄ a₂'nió'₅ qui₃ 'lia'₅₄. A₂lě₁lió₂ bá₄ tē₂le₃ quian'₅₄ Cristo Jesús i₂ca₂qui₃ o₄quió'₄ dsáu₁ dsa₂.

25 Ca₂chen'₃ Diú₄ ja₁ñi'₅₄ ia₁jaun₂ dsian₅ dsáu₁ dsa₂ mi₂güig₃ quian'₅₄ jmi₂'ain₅₄ a₂ca₂tein₃. A₂lě₁gue₅ bá₄ dsa₂ a₂jaun₂ jmá'₃ tē₂le₃ quian'₅₄ a₂'éin₂. Le₂nē₅ ca₂rě₃jniá₂ Diú₄ i₂lín₅ i₂qui₃dsi₅ 'éi'₃ rē₂, ia₁ a₂ma₂ca₂jme₃juin'₂ dsí₅ a₂ma₂ca₂ñág₃ bá₄ dsáu₁ dsa₂ a₂jme₁'no₂₃ ma₂líg'₂.

26 Le₂nē₅ ca₂jmo₃ Diú₄ a₂ca₂jme₃jniai₂₃ a₂rē₂ qui₃dsi₂₃ 'éi'₃, a₂ca₂jme₃jniai₂₃ a₂jjin₂ dsa₂ i₂'én₂ tē₂le₃ quió'₅ Jesús nē₂jag₄ bá₄ a₂ca₂jme₃ti₃.

27 ¿'E₂ bá₄ ca₂lě₃ jaun₂ nē₃ quian'₅₄ a₂jmo₅ dsa₂ táin'₅? Co₂dsia₅ tē₂tsi'₅₄ cau₅ bá₄ a₂jaun₂. ¿'E₂ 'uig₅₄? ¿'An₁ 'uig₅₄ a₂jme₃ti₃ dsa₂ 'Éi'₃? Jan₂'ón₄. 'Uig₅₄ ia₁ a₂'én₂ bá₄ dsa₂.

28 Ma₂nē₂quiong₅₄ bá₄ jniog₄ 'í₁ jaun₂ nē₃, a₂jín₂ Diú₄ dsa₂ nē₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂, jaun₂ tsá₃ 'e₂ 'í₁ con₂ guě₄ jua'₅₄ a₂ca₂jme₃ti₃ o₃ tsá₃ ca₂jme₃ti₃ 'e₂, con'₂ lě₅ 'Éi'₃.

29 ¿O₃ bá₄ lín₅ Diú₄ ca₂ne₅₄ jmá'₃ i₂quián₅ dsa₂ judíos? ¿On₁jua'₅₄ i₂quián₅ dsí₂nau₂ ján₃? Ján₅. I₂quián₅ 'éi₂ bá₄ ján₃,

30 ia₁ jan₂ tan₅₄ bá₄ Diú₄ chan₂; jaun₂ 'éi₂ bá₄ jág₃ jín₂ dsa₂ i₂rē₂uing₄ ni₁lo₁ nē₂jag₄ bá₄ a₂ca₂jme₃ti₃, 'uig₅₄ ia₁ a₂'éin₂; ján₃ bá₄ le₂jaun₂ jág₃ jjin₂ dsa₂ i₂tsá₃ rē₂uing₄ ni₁lo₁ nē₂jag₄ bá₄ a₂ca₂jme₃ti₃, o₄quió'₄ a₂'éin₂.

31 ¿'E₂ jua'₂ jniog₄ jaun₂ nē₃? ¿A₂tsá₃ ta₁ tí₄ 'Éi'₃ ia₁ a₂'éin₂ jniog₄? ¡Dsón'₂ tsá₃ le₂jaun₂! 'Nió'₄ tē₂le₃ cuē₂ bá₄ jniog₄ bí₂ a₂quen₅ 'Éi'₃.

4

'A₂ lia'₂ tē₂tsin'₅₄ Abraham ne₄ Diú₄

1 ¿'E₂ lě₂ le₃jua'₅₄ jniog₄ jaun₂ nē₃? ¿'E₂ ca₂dsó'₂ Abraham dsa₂ juin'₂ quián₂ jnia'₅₄ ma₂líg'₂, lia'₂ jme₁lín₄ dsa₂ mi₂güig₃?

2 Jua'₅₄ mei'₂ guě₃ Diú₄ ca₂chi'₃ jág₁ jua'₅₄ a₂dsen₃ 'éi₂ tē₂le₃ quian'₅₄ 'e₂ a₂ca₂jmo₃, jua'₅₄ a₂ca₂jme₃ti₃ 'Éi'₃, jaun₂ jme₁cha₂ jui₅ a₂jme₁jmo₃ róin₂. La₁ on₃jua'₅₄ ne₄ Diú₄.

3 Jaun₂, ¿'e₂ juá'₂ ne₄ Si₂? “Ca₂rě₃'én₂ bá₄ Abraham jág₁ ca₂cuē₃ Diú₄; jaun₂ 'uig₅₄ ia₁ a₂ca₂rě₃'éin₂ jaun₂ nē₃, ca₂guéi'₂ Diú₄ nē₂jag₄ bá₄ a₂ca₂jme₃ti₃.”*

* 4:3 Génesis 15:6. Ján₃ bá₄ le₂nē₅

4 Jaun₂ ně₃, ju₁lia'₂ jan₂ dsa₂ i₂jme₂ti₃ ta₁ quió'₅ jan₂ ju_{ig}₅₄, cu₄ a₂lí'₂ jaun₂ quió'₅, on₃jua'₅₄ a₂lě₁cuě₃ ju_{ig}₅₄, ia₁ a₂ma₂riin₂₃ quió'₅ 'éi₂ 'lia'₅₄ ta₁ quió'₅.

5 La₁ ně₁jua'₂ 'ein₂ tē₃tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsáu₁, Diú₄ guéi'₂ quió'₅ ně₂jag₄ bá₄ dsa₂ dsen₃, o₄quió'₄ a₂'éin₂.

6 'N_{io}_g₅ bá₄ David juá'₂ a₂dsen₃ ju₁lia'₂ dsa₂ i₂guéi'₂ Diú₄ ně₂jag₄ bá₄ a₂tsá₃ ma₂'e₂ dsáu₁ cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃.

7 Ca₂juá'₂ David:

'E₂ gué₄ dsen₃ ju₁lia'₂ dsa₂ i₂ca₂'én₂ Diú₄ dsáu₁,
i₂ca₂jlě₂ Diú₄ dso₄ a₂ca₂'náu₂.

8 'E₂ gué₄ dsen₃ dsa₂ i₂ca₂jmo₃ Te₁gui'₅₄ dsí₅
a₂tsá₃ dso₄ riin₂.†

9 A₂dse₃ ně₅ ně₃, ħ_a₁dse₃ jmá'₃ lia'₂ ca₂ne₅₄ quió'₅ dsa₂ i₂rě₂u_{ing}₄ ni₁lo₁, o₃ bá₄ le₂jio_g₅ a₂dse₃ quió'₅ i₂tsá₃ 'e₂ rě₂u_{ing}₄ quió'₅ bá₄ ján₃? Ma₂ně₂jua'₅₄ jnia'₅₄ a₂ca₂guén'₂ Diú₄ Abraham ně₂jag₄ bá₄ a₂ca₂jme₃ti₃ 'éi'₃, 'u_{ig}₅₄ ia₁ a₂'éin₂.

10 ħ_A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ħ_{Ca}₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jñiá₅ 'e₂? Le₂jñiá₅ bá₄, on₃jua'₅₄ cang₂.

11 Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ ni₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, ně₂jag₄ bá₄ dsa₂ i₂ca₂jme₃ti₃, 'u_{ig}₅₄ ia₁ a₂'éin₂. Le₂ně₅ bá₄ ca₂dsióg₃ Abraham a₂ca₂lín₃ cho'₅₄ ca₂le₃jín₃ i₂'én₂ ján₃, o₁jñia'₅₄ tsá₃ ma₂gue₃ 'éi'₃ jaun₂ a₂u_{ing}₃ quió'₅. Jaun₂ le₂ně₅ bá₄ guén'₂ Diú₄ ján₃ dsa₂ tsi₁jon₂ 'éi₂ ně₂jag₄ bá₄ a₂lín₅ dsa₂ i₂ca₂jme₃ti₃.

12 Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂u_{ing}₃ quió'₅, la₁ on₃jua'₅₄ jmá'₃ 'u_{ig}₅₄ ia₁ a₂rě₂u_{ing}₄ quió'₅; ján₃ bá₄ 'u_{ig}₅₄ ia₁ a₂quian₅ ju₁ a₂'éin₂ jaun₂, ju₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂u_{ing}₂ quió'₅.

Tě₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₂cuě₃

13 Jaun₂ ca₂cuě₃ Diú₄ jág₁ quió'₅ ca₂cuě'₃ Abraham quian'₅₄ chi'₂-guein₂ quiáin₅, a₂gue₃ gua'₅₄ 'uě₃ a₂cuě₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tě₂le₃ ia₁ a₂caun₂ 'éin₂ jág₁ a₂cuě₅ Diú₄, ton'₂ ca₂guéi'₂ Diú₄ ně₂jag₄ bá₄ a₂ca₂jme₃ti₃ 'Éi'₃.

14 Jua'₅₄ mei'₂ guě₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuě₅ Diú₄ cuě'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guě'₂ le₂jaun₂ jág₁ a₂cuě₄ quió'₅ Diú₄ tsá₃ ma₃quen₅.

15 Ia₁ ju₁ a₂'ne₂ Diú₄ bá₄ jio_g₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

16 'U_{ig}₅₄ jaun₂, o₄quió'₄ a₂'én₂ dsa₂ cuě₅ Diú₄ a₂dse₃ cuě'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cuě₄ ne₄ a₂'ua₁ dsí₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rě₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ ju₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃.

17 Ju₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín₅ cho'₅₄ dsa₂ chan₂ 'lióng₂ ju_{ig}₂ nación.”‡ Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsi₂ dsa₂ i₂ma₂dsan₃, ján₃ guě'₂ tě'₂ a₂tsá₃ ma₂cha₂ ně₂jag₄ bá₄ a₂ma₂cha₂.

18 Ju₁'e₂ guě₃ tsá₃ ma₃'e₂ jmig₄ jme₁ma₃cha₂ ja₁con₂ Abraham lia'₂ con'₂ lě₅ lín₂ dsa₂ mi₂güig₃, tě₂le₃ ia₁ a₂ca₂rě₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂

† 4:8 Salmo 32:1-2. ‡ 4:17 Génesis 17:5.

chan₂ 'lióng₂ juig₂”, lia₂ con₂ 'lě₅ ca₂juá'₂ Diú₄: “co₂ně₅ tén₅ chi₂'-guein₂ dsió'₂ lé₂.”§

¹⁹ Jui₁'e₂ guě₃ jme₁ma₂'en₅₄ Abraham con₂ 'ñiá₂-láu₂ ñi₂, lí₄ bá₄ 'ñiog₅ a₂ma₂guen₂ ni₁ñi₁₂, ján₃ gué'₂ le₂jaun₂ Sara quiáin₅ ně₃ co₂ně₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan₂.

²⁰ Tsá₃ ca₂'ág₂ caun₂-tín₃ dsí₅ jua'₅₄ a₂tsá₃ 'éin₂ jág₁ a₂ca₂cuě₃ Diú₄, tē₂le₃ ca₂i₃tsón₂ bá₄ bí₂ a₂'éin₂, ton₂ ca₂jme₃juin₂ Diú₄,

²¹ caun₂ bá₄ 'ei₅ dsí₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cuě₃.

²² 'Uig₅₄ jaun₂ ca₂guéi'₂ Diú₄ ně₂jag₄ dsa₂ i₂ca₂jme₃ti₃.

²³ Jág₁ ně₅, “a₂ca₂guéi'₂ Diú₄”, ca₂i₃to₅₄ ne₄ si₂, on₃jua'₅₄ a₂'iin₂₃ jmá'₃ Abraham;

²⁴ a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ ně₂jag₄ bá₄ dsa₂ dsen₃ i₂ca₂jme₃ti₃ con₂ i₂'én₂ tē₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄,

²⁵ i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ ně₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

¹ Le₂ně₅ jaun₂, ia₁ a₂ma₂'ě₂ Diú₄ jág₁ a₂tsá₃ 'e₂ dso₄ rē₂cáu'₄ jniog₄, 'uig₅₄ ia₁ a₂'éin₂, ma₂chong₂ jniog₄ 'ei₅ tei₄ quian'₅₄, tē₂le₃ quian'₅₄ Te₁gui'₅₄ Jesucristo quián₂.

² Ia₁ tē₂le₃ quian'₅₄ Cristo 'éi₂ bá₄ ma₂i₁to₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí₅, tē₂le₃ ia₁ a₂'éin₂. Ja₁dse₃ ně₅ ně₃, tióng₂ jniog₄ tiá₂ 'io₂ jein₂, ia₁ 'ín₂ dsí₅ jniog₄ a₂dsón'₂ jme₁quian'₅₄ Diú₄ jē₄ co₂tág₅ co₂'né₅ quió'₅.

³ On₃ rē₂ jua'₅₄ jmá'₃ a₂ně₅; jmo₂ jniog₄ 'io₂ ne₄ o₂i₁ dsí₅ a₂qui₂dsi₂ñág₂; ia₁ ne₄ jniog₄, quian'₅₄ o₂i₁ dsí₅ bá₄ qui₂rē₂juin₂ dsí₅ jniog₄.

⁴ A₂juin'₂ dsí₅ jniog₄ jaun₂, jmo₅ a₂chei'₂ rē₂ jniog₄ 'a₂ lia'₂ lág₅; a₂tióng₂ jniog₄ rē₂ jaun₂ ně₃, jmo₅ a₂'ín₂ dsí₅ jniog₄ jmig₄ a₂le₃ti₃.

⁵ Jmig₄ a₂'ín₂ dsí₅ jniog₄ jaun₂, tsá₃ lé₂ le₃jmo₃ jua'₅₄ jéin₂ jniog₄ o₂guí'₃, ia₁ 'ñiog₅ Diú₄ ma₂ca₂jme₃cain₂ jme₂dsí₂ quián₂ jniog₄ ia₁ a₂ñí₄ lē₃ 'nio₃ jniog₄, tē₂le₃ quian'₅₄ Jme₂dsí₂ Jñió₅ i₂ma₂cuin₃.

⁶ Ia₁ lia'₂ con₂ jme₁lág₄ jniog₄ dsa₂ mi₂güig₃ 'uan₅₄ i₂tsá₃ cha₂ jui₅ 'a₂ lia'₂ lion₄ guio₅₄, la₁ jme₁ca₂tē₂ jmig₄ a₂ca₂tióng₃ Diú₄, jaun₂ ca₂jon₃ bá₄ I₂rē₂'ín₁ quiáin₅ o₄quió'₄ dsa₂ i₂tsá₃ Diú₄ cuin₅.

⁷ A₂quian₅ ta₁ lín₃ bá₄ jua'₅₄ mei'₂ guě₃ jan₂ dsa₂ lé₂ le₃guein₃ 'mú₃ o₄quió'₄ jan₂ dsa₂ mi₂güig₃ riin'₅₄, ca₂lia'₂ jñia'₅₄ o₄quió'₄ jan₂ dsa₂ i₂jmo₅ rē₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí₅ guen₃ 'mú₃ o₄quió'₄ jan₂ dsa₂ i₂dse₃ dsí₅ dsón'₂.

⁸ La₁ ma₂ca₂cuě₃ bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig₅₄ quián₂, lia'₂ con₂ jme₁lág₄ guě₄ dsa₂ cha₂ dsáu₁.

⁹ A₂jaun₂ ně₃, 'uig₅₄ ia₁ a₂ma₂'ě₂ Diú₄ jág₁ tē₂le₃ quian'₅₄ jmi₄ Cristo a₂ca₂tang₂, a₂tsá₃ ma₂dso₄ rag₂, jaun₂ tē₂le₃ i₂jui'₂ guě₄ lió₂ jniog₄ tē₂le₃ quian'₅₄ 'éi₂ a₂gau₂ a₂'ne₂ Diú₄ a₂jiá₃ jē₁ca₂tó'₂.

¹⁰ Ia₁ chi₂jua'₂ ma₂ca₂'ág₂ Diú₄ caun₂ jág₁ quian'₅₄ jniog₄ tē₂le₃ quian'₅₄ 'mú₃ a₂ca₂i₃ñí₂ Ja₁ñi'₅₄ lia'₂ con₂ jme₁lág₄ guě₄ jniog₄ dsa₂ i₂ñia₅₄ 'éi₂, ján₃ bá₄ le₂jaun₂ tē₂le₃ i₂jui'₂ guě₄ lió₂ jniog₄ 'uig₅₄ ia₁ a₂chain₂, ně₃ lia'₂ ma₂'ei₅ caun₂ jág₁ quian'₅₄.

§ 4:18 Génesis 15:5.

11 Ia₁ on₃ guë'₂ jua'₅₄ jmá'₃ a₂në₅, ia₁ chong₂ jniog₄ jme'₁ñi₄ dsi₅ já₃ le₃ quió'₅ Diú₄ të₂le₃ quian'₅₄ Te₁gui'₅₄ Jesucristo, ia₁ të₂le₃ quian'₅₄ Cristo bá₄ ca₂dsi₃náu₅ jniog₄ 'ei₅ caun₂ já₃ quian'₅₄ Diú₄.

Adán quian'₅₄ Cristo

12 Le₂në₅ jaun₂, ju₁lia'₂ të₂le₃ quian'₅₄ jan₂ dsa₂ ca₂rë₃chá₃ dsá_{u1} dsa₂ mi₂güig₃, 'uig₅₄ në₅ bá₄ ca₂já₃ 'mú₃, le₂në₅ bá₄ já₃ ca₂ñag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄ ca₂'náu₂ dso₄.

13 Le₂ñjá₅, lia'₂ con'₂ tsá₃ 'Éi'₃ jme₁ma₂ron₅, ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jióg'₂ 'í₁ 'e₂ a₂rín₂ dsa₂ ja₁tsá₃ 'éi'₃ cha₂.

14 La₁ ca₂le₃ jme₁chan₂ Adán, ca₂lia'₂ ca₂të₂ jmíg₄ a₂jme₁chan₂ Moisés, ca₂'io₃ 'mú₃ ju₁bí₅ ne₄ quió'₅ dsa₂ i₂qui₂ca₂'náu₂ dso₄, o₁ñia'₅₄ dsá_{u1} dsa₂ jaun₂ on₃jua'₅₄ a₂ca₂i₃juin₅₄ dsa₂ caun₂ 'éi'₃ ju₁lia'₂ ca₂jmo₃ Adán; jme₁lín₄ Adán co₂'nió'₄ caun₂ nió'₄ quió'₅ i₂jiá₃ chi₁quín₃.

15 La₁ dsá_{u1} Adán në₃, tsá₃ lé₂ le₃quin₃ quian'₅₄ a₂lë₁cuë₅ Diú₄ jniog₄. Ia₁ ju₁lia'₂ o₄quió'₄ dsá_{u1} jan₂ dsa₂, ju₁n₅ i₂ca₂dsan₃, já₃ bá₄ le₂jaun₂ të₂le₃ lë₅ guë₄ a₂'ua₁ dsí₅ Diú₄ a₂lió₂ a₂lë₁ma₂cuë₃ co₂ñí₂ dsa₂ ju₁n₅ të₂le₃ quian'₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo.

16 Dso₄ a₂ca₂'náu₂ jan₂ dsa₂ tsá₃ lé₂ le₃quin₃ quian'₅₄ a₂lió₂ Diú₄ a₂cuë₂₃ jniog₄; ia₁ jme₁ca₂cáun₂ Diú₄ 'í₁ dso₄ a₂ca₂rë₃cán'₂ jan₂ dsa₂, jaun₂ ca₂já₃ ju₁ a₂ca₂qui₃dsi₅ Diú₄ 'éi'₃ ja₁con₂ dsa₂ mi₂güig₃; la₁ ju₁lia'₂ a₂lión₂ dsa₂ në₃, a₂lë₁'ë₂ Diú₄ co₂ñí₂ bá₄ já₃ a₂tsá₃ 'e₂ dso₄ rín₂ dsa₂, ju₁'a₂ guë₃ la₂ qui₂ma₂'náu₂ 'lióng₂ dso₄.

17 Chi₂jua'₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió'₄ dsá_{u1} jan₂ dsa₂, të₂le₃ i₂ju₁'₂ guë₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guéin'₂ në₂jag₄ bá₄ a₂tsá₃ 'e₂ dso₄ rín₂, a₂'io₂₃ bí₂ a₂le₃chain₂ dse₃ të₂le₃ quian'₅₄ jan₂ dsa₂, i₂lín₅ Jesucristo.

18 Jaun₂ lë₃, ju₁lia'₂ dsá_{u1} Adán ca₂chein'₃ ca₂le₃jín₃ dsa₂ ju₁ ja₁'ë₃ Diú₄ uig₅, le₂në₅ bá₄ já₃, ta₁ a₂quí₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ ju₁ ja₁lé₂ le₃chain₂ dse₃, ja₁guéi'₂ Diú₄ në₂jag₄ bá₄ a₂tsá₃ 'e₂ dso₄ rín₂.

19 Co₂'nió'₄ le₃jua'₅₄, ia₁ ju₁lia'₂ tsá₃ gau₂ ca₂nág₂ jan₂ dsa₂ 'éi₂, jaun₂ ju₁n₅ i₂ca₂rë₃chá₃ dsá_{u1}, já₃ bá₄ le₂në₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ ju₁n₅ i₂guén'₂ Diú₄ në₂jag₄ bá₄ i₂ca₂jme₃ti₃.

20 Ca₂të₁ron₅₄ 'Éi'₃ ia₁jaun₂ dsi₃ju₁n₅₄ guë₄ dso₄; la₁ ja₁'ñio₅ lín₃ guë₄ ca₂i₁ju₁n₅₄ dso₄, jaun₂ 'ñio₅ lín₃ guë₄ ca₂jmo₃ Diú₄ ca₂i₃tsón₂ a₂'ua₁ dsí₅.

21 Jaun₂ le₂në₅ bá₄ ju₁lia'₂ ca₂tín₂ bí₂ dso₄ ju₁ a₂quian₅ 'mú₃, le₂në₅ bá₄ já₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ në₂jag₄ bá₄ dsa₂ i₂ca₂jme₃ti₃, a₂cuë₃ a₂le₃chong₂ jniog₄ dse₃ co₂tan₅₄ të₂le₃ quian'₅₄ Te₁gui'₅₄ Jesucristo quián₂ jniog₄.

6

Ma₂dsau₃ të₂le₃ quió'₅ dsá_{u1}, la₁ chong₂ le₃quió'₅ Cristo

1 ¿'E₂ jua'₅₄ jniog₄ jaun₂ në₃? ¿A₁caun₂ dse₃ 'nióg₁ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian'₅₄ jniog₄?

2 ¿Dsón'₂ bá₄ on₃jua'₅₄ le₂në₅! Ia₁ ma₂ca₂dsau₃ bá₄ jniog₄ le₃quió'₅ dsá_{u1}; ¿'a₂ bá₄ lia'₂ lé₂ jaun₂ në₃ jua'₅₄ a₂caun₂ chong₂ jniog₄ le₃quió'₅ dsá_{u1}?

3 ¿Tsa₁ ñi'₅₄ 'nia'₂, lia'₂ con'₂ jme₁ca₂tió'₄ jniog₄ jmíg₂ le₃quió'₅ Cristo Jesús, ca₂tió'₄ jniog₄ 'mú₃ quió'₅?

4 Ia₁ jme₁ca₂tió'₄ jniog₄ jmíg₂, co₂'nió'₄ bá₄ ja₁jaun₂ ca₂'o₃ jniog₄ co₂lë₅ quian'₅₄ Cristo në₂jag₄ bá₄ a₂ca₂dsau₃, ia₁jaun₂ jein'₅₄ táng₃ a₂le₃chong₂ caun₂ jme₂dsí₂

'mí₂, jui₁lia' ca₂jen' ₅₄ Cristo a₂jme₁rē₂join₅₄, tē₂le₃ quian' ₅₄ jui₅bí₂ jlá' ₁ quió' ₅ Jmei₂.

⁵ Ia₁ chi₂jua' ₂ ca₂jme₁quiain' ₅₄ jniog₄ ne₄ 'mú₃ quió' ₅, já_n₃ bá₄ le₂jaun₂ tion₅₄ bá₄ jme₁quiain' ₅₄ jē₁ma₂ca₂jein' ₅₄ jniog₄ jui₁lia' ₂ ca₂jen' ₅₄ 'éi₂.

⁶ Ne₄ bá₄ jniog₄, lia' ₂ con' ₂ lē₅ jme₁lág₄ le₂jñiá₅, ne₄ cróg₄ bá₄ ca₂ηó₃ a₂jaun₂ co₂lē₅ quian' ₅₄ Cristo, ia₁jaun₂ dsi₃én₂ jui₅bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lē₅ jua' ₅₄ a₂qui₂rē₂'ñei' ₅₄ guē₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juig₅₄ jniog₄.

⁷ Ia₁ jui₁lia' ₂ i₂ma₂jon₅, tsá₃ ma₂'e₂ rē₂'ñei' ₅₄, ma₂lón₂ bá₄ ne₄ dsáu₁.

⁸ Chi₂jua' ₂ ma₂ca₂dsau₃ jniog₄ quian' ₅₄ Cristo, já_n₃ bá₄ le₂jaun₂ 'éin₂ a₂le₃chong₂ quian' ₅₄ 'éi₂,

⁹ ia₁ ne₄ bá₄ jniog₄, con' ₂ jme₁ca₂jen' ₅₄ Cristo ne₄ 'mú₃, o₁líg' ₂ jmig₄ tsá₃ ma₃lé₂ le₃jóin₂; tsá₃ ma₂'e₂ jui₅bí₂ 'io₅ 'mú₃ ne₄ quió' ₅ 'éi₂.

¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nē₃ lia' ₂ ma₂chain₂, chain₂ le₃quió' ₅ Diú₄.

¹¹ Le₂nē₅ bá₄ 'nia' ₂ já_n₃, jmo₄ bá₄ 'nia' ₂ 'au' ₂ a₂ma₂dsang' ₃ tē₂le₃ quió' ₅ dso₄, la₁ chan' ₂ bá₄ 'nia' ₂ le₃quió' ₅ Diú₄ tē₂le₃ quian' ₅₄ Cristo Jesús.

¹² A₂jaun₂ nē₃, 'a₃ cuē₂ 'nia' ₂ jmig₄ jua' ₅₄ a₂'io₃ guē₄ jui₅bí₂ dsáu₁ ne₄ ni₁ñi' ₁ 'nia' ₂ a₂siá' ₃, a₂qui₂chi₃quióng₂ jmig₄ a₂jme₁tí' ₄ 'nia' ₂ a₂mi₅ ni₁ñí₅.

¹³ 'A₃ qui₁jin' ₅₄ 'nia' ₂ a₂tén₅ ni₁ñi' ₁ jua' ₅₄ a₂'no₃ guē₄ dso₄, co₂'nió' ₄ a₂jmó' ₂ ta₁ a₂jmo₃ a₂'lig' ₅₄. Tē₂le₃ ne₄ Diú₄ bá₄ jin' ₅₄ 'nia' ₂ a₂lín₅ co₂'nió' ₄ dsa₂ i₂ma₂dsan₃, i₂ma₂jen' ₅₄ táng₃. Jang' ₅₄ 'nia' ₂ a₂tén₅ ni₁ñi' ₁ le₃ja₁con₂ Diú₄, co₂'nió' ₄ a₂jmó' ₂ ta₁ a₂jmo₃ jmá' ₃ a₂dse₃.

¹⁴ Ia₁ tsá₃ 'io₃ guē₄ bí₂ dsáu₁ ne₄ quián' ₂ 'nia' ₂ nē₂jag₄ bá₄ jan₂ juig₅₄ 'nia' ₂, ia₁ tsá₃ o₄gú₃ 'Éi' ₃ tion' ₅₄ 'nia' ₂; tē₂le₃ o₄gú₃ a₂'ua₁ dsí₅ Diú₄ bá₄ tion' ₅₄ 'nia' ₂.

¹⁵ ¿'E₂ bá₄ jaun₂ nē₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi' ₃ tio' ₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¿Dson' ₂ bá₄ on₃jua' ₅₄ le₂nē₅!

¹⁶ ¿Tsa₁ ñi' ₅₄ 'nia' ₂, nē₁jua' ₂ ca₂jin' ₅₄ 'nia' ₂ guiong' ₅₄ o₄gú₃ jan₂ juig₅₄ a₂jme₁tí' ₄ ta₁ ne₅₄, ma₂lín₅ jan₂ i₂ma₂chi₁'ñe' ₅₄ i₂quián₅ dsa₂ 'éi₂? Já_n₃ bá₄ le₂jaun₂, nē₁jua' ₂ ca₂jin' ₅₄ 'nia' ₂ guiong' ₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia' ₂, jiog₅ jui₅ 'mú₃; o₃ nē₁jua' ₂ ca₂jin' ₅₄ 'nia' ₂ ne₄ a₂nág' ₁ gau₂ jág₁ quió' ₅ Diú₄, a₂jaun₂ bá₄ i₂ma₂lín₅ juig₅₄ 'nia' ₂, jiog₅ jui₅ co₂dsau₅.

¹⁷ Jui₁'e₂ guē₃ jme₁rē₂qui₂rē₂'ñe' ₂ 'nia' ₂ le₂jñiá₅ ne₄ dsáu₁, la₁ rē₂nē₃ nē₃, tí'mag' ₄ Diú₄, ma₂nei' ₂ bá₄ 'nia' ₂ gau₂ ca₂le₃jē₃ jme₂dsí₂ quiáng' ₂ jág₁ quen₅ a₂ma₂rē₂jin' ₅₄ 'nia' ₂, a₂jme₂tíng' ₂.

¹⁸ Jaun₂ nē₃ ma₂lón' ₂ 'nia' ₂ o₄gú₃ dsáu₁, ma₂tion' ₅₄ bá₄ 'nia' ₂ o₄gú₃ jui₅ co₂dsau₅.

¹⁹ (Juá' ₅ jniá₂ juig₂ 'nia' ₂ lia' ₂ con' ₂ lē₅ jág₁ dsia₅ dsa₂ mi₂güig₃, ia₁ dsón' ₂ bá₄ quian₅ ta₁ le₃ñí' ₂ 'au' ₂ 'nia' ₂ dse₃ ia₁ tē₂le₃ a₂lín' ₅ 'nia' ₂ dsa₂ mi₂güig₃.) Ia₁ le₂jaun₂ bá₄ já_n₃ jui₁lia' ₂ qui₂ca₂jin' ₅₄ 'nia' ₂ le₂jñiá₅ a₂tén₅ ni₁ñi' ₁ jui₅ ja₁tsá₃ nág' ₂ gau₂, ja₁ca₂jme₁tí' ₄ 'nia' ₂ ta₁ ne₄ ca₂le₃jē₃ ne₅₄ a₂'lig' ₅₄, le₂nē₅ bá₄ guē' ₂ jang' ₅₄ táng₃ 'nia' ₂ a₂tén₅ ni₁ñi' ₁ ja₁jme₁tí' ₄ ta₁ ne₄ jui₅ jñiós ja₁caun₂ le₃dsen' ₃ 'nia' ₂.

²⁰ Lia' ₂ con' ₂ jme₁lín₅ guē₄ dsa₂ i₂qui₂rē₂'ñe' ₅₄ le₃quió' ₅ dsáu₁, tsá₃ jme₁rē₂'ñeg' ₅₄ jua' ₅₄ a₂jme₂tí' ₄ guē₄ 'nia' ₂ ta₁ ne₄ jui₅ co₂dsau₅.

²¹ La₁ ¿'e₂ bá₄ a₂dse₃ ca₂lín' ₃ 'nia' ₂ ca₂le₃jē₃ a₂jaun₂, a₂caun₂ lē₁o₂guí' ₃ quián' ₂ 'nia' ₂ rē₂nē₃? Ia₁ jmá' ₃ lia' ₂ ca₂ne₅₄ a₂dsióg₄ ne₄ jui₅ 'mú₃ bá₄ a₂jaun₂.

²² La₁ rē₂nē₃ nē₃, ma₂lón' ₂ 'nia' ₂ jui₅ ja₁jme₁qui₂rē₂'ñe' ₅₄ 'nia' ₂ 'nau' ₂ dso₄, ma₂l₂ton' ₅₄ 'nia' ₂ jui₅ ja₁jme₁tí' ₄ ta₁ ne₄ Diú₄, jaun₂ lén' ₂ 'nia' ₂ jui₅ jñiós ja₁caun₂ le₃dsen' ₃ 'nia' ₂, jui₅ ja₁dsióg₄ a₂le₃chan' ₂ 'nia' ₂ dse₃ co₂tan₅₄.

23 Ia₁ njia'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsá_{u1}, la₁ a₂lë₁cuë₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄ Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ ju₁lia'₂ ja₁con₂ dsa₂ i₂rē₂jen'₂ gu₂

1 Rin'₅₄ jniog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃, ħtsa₁ ŋi'₅₄ 'nia'₂ a₂'io₅ bí₂ 'Éi'₃ ja₁con₂ jan₂ dsa₂ jmá'₃ tē₁lia'₂ chain₂?

2 Ju₁lia'₂ jan₂ dsa₂ m₁ i₂chan₂ dsi₂i₂gu₂, co₂'nió'₄ a₂chi₁'nei'₅₄ bá₄ quiaín'₅₄ dsi₂i₂gu₂ lia'₂ con'₂ lē₅ ne₄ Si₂ 'Éi'₃, tē₁lia'₂ chan₂ dsa₂ ŋe'₂. La₁ nē₁jua'₂ ca₂jon₃ dsi₂i₂gu₂ nē₃, ca₂tsin'₂ bá₄ dsa₂ m₁ 'éi₂ tē₂le₃ quió'₅ 'éi'₃ a₂jme₁le₁quian₅ quió'₅ quiaín'₅₄ dsi₂i₂gu₂.

3 Nē₁jua'₂ ca₂guá₂ 'io₅₄ quiaín'₅₄ dsa₂ ŋe'₂ sián'₂ tē₃ chan₂ dsi₂i₂gu₂, dso₄ bá₄ 'no₂₃; la₁ nē₁jua'₂ ca₂jon₃ dsi₂i₂gu₂ nē₃, ca₂tsin'₂ bá₄ 'io₅₄ tē₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂ quiaín'₅₄ dsa₂ ŋe'₂ sián'₂, tsá₃ ma₃dso₄ 'no₂₃.

4 Le₂nē₅ bá₄ ján₃, 'nia'₂ rin'₅₄ jniog₄, ma₂dsan'₃ 'nia'₂ le₃quió'₅ 'Éi'₃ tē₂le₃ quian'₅₄ ŋi₄ Cristo, ia₁jaun₂ téng'₄ ja₁con₂ i₂sián'₂: ja₁con₂ 'éi₂ i₂ca₂jen'₅₄ táng₃ ne₄ 'mú₃. Le₂nē₅ ca₂lē₃ ia₁jaun₂ le₃chong₂ jniog₄ téi₅ ta₁ ne₄ Diú₄.

5 Ia₁ lia'₂ con'₂ jme₁chong₂ jniog₄ lia'₂ jme₁jio₅ ni₁ŋi₁ jniog₄, ta₁ jaun₂ ca₂quí'₃ 'Éi'₃ a₂ca₂ŋei₃ ju₁ ni₁ŋi₁ jniog₄ a₂ca₂lē₃ dsi₅ jmó₁ a₂'lig'₅₄, ca₂quí'₃ ta₁ a₂ca₂i₁jo₅₄ ne₄ 'mú₃.

6 La₁ rē₂nē₃ nē₃, ma₂dsau₃ le₃quió'₅ Si₂ 'Éi'₃ a₂jme₁jio₅ jme₁le₁'nei'₅₄, a₂jme₁ti₁ ne₄ Diú₄ ju₁ m₁ quió'₅ Jme₂dsi₂ quiáin₅. Jaun₂ tsá₃ ma₃tio'₅₄ jniog₄ le₁'nei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

7 ħ'E₂ jua'₅₄ jniog₄ jaun₂ nē₃? ħA₂lē₅ dso₄ bá₄ 'Éi'₃ jaun₂? ħDsón'₂ bá₄ on₃jua'₅₄ le₂jaun₂! La₁ jniá₂ nē₃ tsá₃ ca₂rē₃guion₅₄ 'e₂ jaun₂ dsá_{u5}, jua'₅₄ mei'₂ guē₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃ 'e₂ ca₂rē₃guion₅₄, ju₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄ mei'₂ guē₃ tsá₃ a₂juá'₂ 'Éi'₃ ne₄ Si₂: "Tsá₃ lē₁jmo₂ 'ín₅ 'au'₂ a₂quió'₅ dsa₂ sián'₂."*

8 La₁ dsá_{u1} nē₃ ca₂jme₃'ŋi₁ó'₃ bá₄ jág₁ nē₅; 'ŋiog₅ bá₄ 'Éi'₃ ca₂cuë₃ jmig₄ ca₂ŋei₃ tē₂dsi₃ ca₂le₃jē₃ ne₅₄ a₂'ín₅ dsi₃ a₂cha₂ quió'₅ i₂sián'₂. Ia₁ ju₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsá_{u5}.

9 Já₃ bá₄ jme₁chang₂ caun₂ jmig₄ lia'₂ con'₂ tsá₃ 'Éi'₃ quió'₅ Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsá_{u1}; jniá₂ guē'₂, co₂'nió'₄ a₂ca₂jong₃.

10 Le₂nē₅ bá₄ ca₂lē₃ quian'₅₄ 'ŋiog₅ 'Éi'₃ jaun₂; 'nió'₄ a₂jme₁cuë₃ bí₂ a₂le₃chan₂ jniá₂, tē₂le₃ ca₂jio₃ ju₁ 'mú₃ bá₄ a₂jaun₂.

11 Ia₁ dsá_{u1} nē₃, ca₂jme₃'ŋi₁ó'₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ŋiog₅ bá₄ 'Éi'₃, ca₂cuë₃ 'mú₃.

12 Jaun₂ nē₃, a₂jŋi₁ó₅ bá₄ Si₂ 'Éi'₃; já₃ guē'₂ le₂jaun₂ ca₂le₃jē₃ 'éi'₃ tio'₅₄, a₂jŋi₁ó₅, con₂ 'í₁ con'₂ dsi₂ten₅₄, a₂dse₃ lin₃ bá₄ a₂jaun₂.

13 ħ'E₂ bá₄ jaun₂ nē₃? ħJu₁lia'₂ a₂dse₃ jaun₂ ca₂lē₃ 'mú₃ ja₁con₂ jniá₂? ħDsón'₂ on₃jua'₅₄ jaun₂! 'U₁g₅₄ dsá_{u5} bá₄ jniá₂ jaun₂, ca₂jio₃ ju₁ 'mú₃, le₂nē₅ ca₂cuë₃ léi₄ a₂lē₅ dso₄ a₂jaun₂ a₂jme₁jmo₅ jniá₂; ca₂jmo₃ tē₂le₃ quian'₅₄ a₂dse₃, jaun₂ le₂nē₅ ca₂jme₃jnia₅ 'Éi'₃ 'e₂ a₂lē₅ a₂ju₁si 'lig'₅₄ a₂lē₅ dsá_{u1}.

* 7:7 Éxodo 20:17; Deuteronomio 5:21.

¹⁴ Ne₄ bá₄ jniog₄ jaun₂ a₂lě₅ a₂gu₂dsí₂ bá₄ 'Éi'₃, la₁ dsa₂ ni₁ñí₅ bá₄ jniá₂; co₂'nió'₄ a₂rě₂'ni₅₄ bá₄ jniá₂ ne₄ dso₄.

¹⁵ Ia₁ tsá₃ ñí'₂ dsí₃ 'e₂ lě₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsí₃ jmo₅₄, ia₁ ca₂le₃jě₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃.

¹⁶ Ia₁ chi₂jua'₂ jmo₅ jniá₂ a₂tsá₃ tē₅ dsí₃ jmo₅₄, jaun₂ jmo₅ jniá₂ dsí₃ a₂dse₃ bá₄ 'Éi'₃.

¹⁷ Le₂ně₅ bá₄ jaun₂, on₃jua'₅₄ jniá₂ 'ñi₃ 'no₂₃ dso₄; dsáu₅ jniá₂ a₂'i₄ tē₂dsí₃ bá₄, a₂jaun₂ bá₄ jmo₅.

¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ tē₂dsí₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñí₅, ia₁ 'ín₅ bá₄ dsí₃ jmo₅₄ a₂dse₃, la₁ tsá₃ qui'₅₄ jmi₄g₄ jmo₅₄.

¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄.

²⁰ Jaun₂ ně₃, chi₂jua'₂ jmo₅ jniá₂ a₂tsá₃ tē₅ dsí₃ jmo₅₄, on₃jua'₅₄ jniá₂ 'ñi₃ jmo₂₃ a₂jaun₂; dsáu₅ jniá₂ a₂'i₄ tē₂dsí₃ bá₄, a₂jaun₂ bá₄ jmo₅.

²¹ Jaun₂ ma₂ca₂rě₃léi₄, cha₂ caun₂ 'éi'₃; jē₁ma₂tē₂ rē₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂.

²² Né'₃ jme₂dsí₂ quió₃, tē₅ bá₄ dsí₃ 'Éi'₃ quió'₅ Diú₄;

²³ Ia₁ jág₅ jniá₂ ja₁con₂ a₂tén₅ ni₁ñí₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsí₂jio₅ dsí₃, a₂tē₂ chi₁'ñeg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñí₃.

²⁴ ¡'E₂ guě₄ juí₂g₂ jniá₂! ¿'Ein₂ bá₄ jiá₃ lió₂ ne₄ ni₁ñí₃ a₂jio₅ 'mú₃ la₂?

²⁵ Ti₁'mag'₄ Diú₄, cha₂ bá₄ juí₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ ně₃, 'ñi₃ bá₄ jniá₂ quian'₅₄ 'a₂ lia'₂ dsí₂jio₅ dsí₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñí₅, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lě₅ jio₅ Jme₂dsí₂ quián₅ Diú₄

¹ Ně₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.*

² Ia₁ bí₂ a₂'io₅ 'éi'₃ quió'₅ Jme₂dsí₂ ma₂cuě₅ jmi₄g₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃.

³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmi₄g₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig'₅₄ dsáu₁ dsa₂ ni₁ñí₅: ca₂chein₃ ja₁ñi'₅₄ 'ñio₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güig₃ i₂'no₅ dso₄, jaun₂ le₂ně₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃.

⁴ Le₂ně₅ ca₂jmo₃ ia₁jaun₂ le₃ti₃ 'Éi'₃ a₂con₂ 'í₁ con'₂ dsí₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lě₅ jio₅ ni₁ñí₁₂, i₂i₂nio₄ lia'₂ con'₂ lě₅ jio₅ Jme₂dsí₂ bá₄.

⁵ Ia₁ dsa₂ i₂chan₂ lia'₂ con'₂ lě₅ jio₅ ni₁ñí₁ qui₂dsí₂jio₅ dsí₅ juí₅ quió'₅ ni₁ñí₅, la₁ juí₁lia'₂ dsa₂ i₂ma₂chan₂ lia'₂ con'₂ lě₅ jio₅ Jme₂dsí₂ quián₅ Diú₄, qui₂dsí₂jio₅ dsí₅ a₂quió'₅ jme₂dsí₂ bá₄.

⁶ Ia₁ juí₁lia'₂ a₂qui₂dsí₂jio₅ dsí₅ dsa₂ juí₅ quió'₅ ni₁ñí₅, a₂lě₅ 'mú₃ bá₄ jaun₂; la₁ juí₁lia'₂ a₂qui₂dsí₂jio₅ dsí₅ dsa₂ le₃quió'₅ Jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃.

* **8:1** A₂lín₅₄ chog₅₄ si₂ a₂ca₂lě₃ cang₂ guě₄, juá'₂ le₂la₂ ján₃; "i₂i₂nio₄, on₃jua'₅₄ lia'₂ con'₂ lě₅ jio₅ ni₁ñí₁₂, i₂i₂nio₄ lia'₂ con'₂ lě₅ jio₅ Jme₂dsí₂ bá₄."

7 Ia₁ ju₁lia'₂ i₂qui₂dsi₂jio₅ dsí₅ ju₅ quió'₅ ni₁ñí₅, i₂'ña₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ gué'₂ lé₂ jme₃ti₃ 'Éi'₃ quió'₅ Diú₄.

8 'Uig₅₄ jaun₂ bá₄, ju₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂të₅ dsí₅ Diú₄.

9 La₁ ju₁lia'₂ 'nia'₂ në₃, tsá₃ ma₃i₂nio'₅₄ 'nia'₂ lia'₂ con'₂ jio₅ ni₁ñí₅, ia₁ ma₂quian'₅₄ bá₄ 'nia'₂ Jme₂dsi₂, në₁jua'₂ guá₅ Jme₂dsi₂ quián₅ Diú₄ të₂'au'₂ 'nia'₂. Ia₁ ju₁lia'₂ dsa₂ i₂tsá₃ 'en₅₄ Jme₂dsi₂ quián₅ Cristo të₂dsí₅, tsá₃ lín₅ i₂quián₅ 'éi₂.

10 La₁ në₁jua'₂ 'en₅₄ Cristo të₂'au'₂ 'nia'₂, jaun₂ chan₂ bá₄ jme₂dsi₂ quián'₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ në₂jag₄ bá₄ a₂ma₂jme₂tí'₂ 'nia'₂, o₁ñia'₅₄ 'io₅ 'mú₃ ni₁ñí'₁ 'nia'₂ o₄quió'₄ dso₄.

11 Chi₂jua'₂ chan₂ ja₁con'₂ 'nia'₂ Jme₂dsi₂ quián₅ i₂ca₂jme₂jen'₅₄ Cristo Jesús ne₄ 'mú₃, 'ñio₅ bá₄ 'éi₂ cué₃ jme₂dsi₂ 'mí₂ ne₄ ni₁ñí'₁ 'nia'₂ a₂ca₂lín₂ 'mú₃, të₂le₃ quian'₅₄ Jme₂dsi₂ quián₅ Diú₄ i₂guá₅ të₂'au'₂ 'nia'₂.

12 Le₂në₅ bá₄ jaun₂, 'nia'₂ rin'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rë'₂ ne₄ ni₁ñí₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lë₅ mi₅ ni₁ñi₁.

13 Ia₁ në₁jua'₂ chan'₂ 'nia'₂ lia'₂ con'₂ mi₅ ni₁ñí'₁, dsián'₃ bá₄ 'nia'₂; la₁ në₁jua'₂ të₂le₃ quian'₅₄ Jme₂dsi₂, jñí'₅ 'nia'₂ a₂jmo₅ ni₁ñí'₁, jaun₂ le₃chan'₂ bá₄ 'nia'₂.

14 Ia₁ ca₂le₃jín₃ dsa₂ i₂i₂nio₄ lia'₂ con'₂ lë₅ jio₅ Jme₂dsi₂ quián₅ Diú₄, lín₅ chi'₂-guein₂ quián₅ Diú₄.

15 Ia₁ Jme₂dsi₂ i₂ma₂guen'₅₄ 'nia'₂ on₃jua'₅₄ i₂lín₅ jme₂dsi₂ i₂qui₃'nei'₂ táng₃ jua'₅₄ a₂jmo₃ a₂le₃gan'₃ táng₃ 'nia'₂. Jme₂dsi₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₁jua'₂ jniog₄ të₂le₃ quian'₅₄ 'éi₂: “¡Abba!† ¡Tia₅₄ quiáng₃!”

16 jaun₂ 'ñio₅ bá₄ Jme₂dsi₂ në₅ jme₂quian'₅₄ jme₂dsi₂ quián₂ jniog₄, jáng'₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄.

17 Jaun₂ chi₂jua'₂ lág₅ jniog₄ ja₁ñí'₅₄, ján₃ bá₄ ca₂tág₂ jniog₄ gué₁ a₂dse₃ a₂ma₂lë₅ jág₁ cué₃ Diú₄ a₂cué'₃ chi'₂-guein₂ quián₅; gué₁ jniog₄ a₂në₅ co₂lë₅ quian'₅₄ Cristo, chi₂jua'₂ quein'₅₄ jniog₄ quian'₅₄ jmí₁uig₅ quió'₅ ia₁ jaun₂ quein'₅₄ jniog₄ cang₂ jë₄ co₂tág₅ co₂'né'₅ quió'₅.

18 Ia₁ lín₂ jniá₂ on₃jua'₅₄ cha₂ 'e₂ uig₅ a₂ñag₄ jniog₄ rë₂në₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jíá₃ a₂le₃jniá₂ ja₁con₂ jniog₄.

19 Ia₁ ma₂chi₁ñia₅ chi₁quian'₅₄ jmig₄ ca₂le₃jë₃ a₂ca₂jmo₃ Diú₄, a₂'ín₅ dsí₅ jmig₄ jë₁ma₂të₂ rë₁le₃jniá₂ chi'₂-guein₂ quián₅ Diú₄.

20 Ia₁ ca₂le₃jë₃ a₂ca₂jmo₃ Diú₄ në₃ ma₂qui₂le₁'ñei'₅₄ ne₄ ju₁5 ja₁tsá₃ ta₁ tí₄, on₃jua'₅₄ ia₁ a₂ca₂rë₃'ñió₃ dsí₅ guoin₅₄, ia₁ le₂jaun₂ 'éi'₃ ca₂jmo₃ Diú₄ 'ñio₅ bá₄. A₂'ín₂ dsí₅ ca₂le₃jë₃ a₂në₅,

21 jmig₄ a₂lió₂ Diú₄ a₂qui₂chi₁'ñei'₅₄ ne₄ ju₁5 a₂siá'₃ quió'₅, ia₁ jaun₂ jme₃quian'₅₄ chi'₂-guein₂ quián₅ Diú₄ jë₄ co₂tág₅ co₂'né'₅ ju₁lia'₂ i₂ma₂qui₂ca₂lón₂.

22 Ia₁ ne₄ bá₄ jniog₄, ca₂lia'₂ jnió₄ jmig₄ në₃, ca₂le₃jë₃ a₂ca₂jmo₃ Diú₄, qui₂'ñióg₂ qui₂'ña₂₃ co₂lë₅ chain₂ uig₅.

23 On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ në₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsi₂, qui₂'ñióg₅ qui₂'ña₂ të₂dsí₅ jniog₄ të₂lia'₂ chi₁ñia₁ a₂'ín₅ dsí₅ jmig₄ jaun₂, a₂jme₃ñia₅ a₂lág₅ jniog₄ chi'₂-guein₂ quián₅ Diú₄, jmig₄ a₂lióin₂ ni₁ñi₁ jniog₄ la₂.

† 8:15 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

24 Ia₁ tē₂le₃ quian'₅₄ jmig₄ a₂'in₂ dsi₅ jniog₄ nē₅ bá₄ ca₂lió₂; la₁ nē₂jua'₂ ma₂jág₅ dsa₂ a₂'in₂ dsi₅, on₃jua'₅₄ ma₃le₃'in₂ dsi₅ dsa₂ jui₁lia'₂ a₂ma₂jág₅, tsá₃ ma₃tion₅₄ 'nió'₅ 'in₂ dsi₅.

25 La₁ nē₂jua'₂ 'in₂ dsi₅ jniog₄ caun₂ a₂tsá₃ ma₂ne₅₄, juin'₂ bá₄ dsi₅ jnia₄ a₂'in₂ dsi₅.

26 Ján₃ bá₄ le₂nē₅ jme₂'o₅₄ Jme₂dsí₂ quián₅ Diú₄ a₂'uan₅₄ dsi₅ jniog₄. Ia₁ tsá₃ tag₂ chi₂len'₄ Diú₄ 'a₂ con'₂ dsi₂ten₅₄, la₁ 'njog₅ bá₄ Jme₂dsí₂ Jnió₅ nē₃ mi₂₃ ne₄ Diú₄ o₄quián₂ jniog₄, ca₂le₃jě₃, qui₂'njog₂ qui₂'nja₃ on₃jua'₅₄ a₂lé₂ le₃'njog₃ jniog₄ quian'₅₄ jág₁.

27 La₁ Diú₄ nē₃ i₂tē₂li₅ tē₂dsí₅ dsa₂ mi₂güig₃, 'éi₂ bá₄ ni₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ Jnió₅ lia'₂ con'₂ lě₅ 'njio₂ dsi₅ Diú₄, o₄quió'₄ dsa₂ jnió₅ quián₅.

Tē₂le₃ njag₅₄ guě₄ léi₂ jniog₄

28 Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jě₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂tě'₃ Diú₄ lia'₂ con'₂ lě₅ ma₂i₂jio₅ dsi₅ jmo₃.

29 Ia₁ i₂ma₂cuig₅ Diú₄ ca₂le₂jnia₅, ján₃ bá₄ ca₂chei'₃ ca₂'iin₃ 'éi₂ a₂léin₂ jui₁lia'₂ lín₅ Ja₁ni'₅₄, ia₁jaun₂ lén₂ Ja₁ni'₅₄ i₂le₂ne₁ jě₄ quió'₅ riin'₅₄ i₂juin₅.

30 Dsa₂ i₂con'₂ ma₂ca₂chen'₃ Diú₄ lia'₂ ca₂le₂jnia₅, ca₂tě'₃ 'éi₂ ján₃; dsa₂ i₂con'₂ ca₂tě'₃ 'éi₂ nē₃, ján₃ bá₄ ca₂jág₂ nē₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ nē₃, ján₃ bá₄ ca₂jme₃jláin'₁.

31 ¿'E₂ le₃jua'₅₄ jniog₄ nē₃, quian'₅₄ a₂nē₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmig₄ jmóg'₂ jniog₄?

32 Tsá₃ ca₂jmo₃ Diú₄ jua'₅₄ tsá₃ jme₁cuin₂₃ Ja₁ni'₅₄ 'njog₅, tē₂le₃ ca₂jáng'₂ bá₄, ca₂no₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuě₃ jniog₄ ján₃ co₂dsia₅ quian'₅₄ 'éi₂ ca₂le₃jě₃?

33 ¿'Ein₂ bá₄ lé₂ le₃'ni₃ dsa₂ i₂ma₂quión'₂ Diú₄? Ton'₂ 'njog₅ bá₄ Diú₄ juá'₂ a₂tsá₃ 'e₂ riin₂.

34 ¿'Ein₂ i₂lé₂ le₃'ě₂ uig₅? Ia₁ Cristo Jesús bá₄ i₂ca₂jon₃; tē₂le₃ lě₅ bá₄ guě₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄.

35 ¿'Ein₂ bá₄ i₂lé₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmig₄ jui₁lia'₂ caun₂ jmi₁uig₅, o₃ jui₁lia'₂ caun₂ o₂i₁ dsi₅, o₃ jmig₄ jui₁lia'₂ a₂co₂'ein₅ dsa₂, o₃ jmig₄ jui₁lia'₂ jme₁'in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ni₁tág₂?

36 Jui₁lia'₂ rē₂ton₅ ne₄ Si₂:
O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsi₅ a₂lág₅ jnia'₅₄
nē₂jag₄ bá₄ já'₂ cha'₂
i₂ma₂le₁te₂ dsa₂ a₂jme₃dsiog₂₃.‡

37 La₁ jě₄ ca₂le₃jě₃ a₂nē₅, tson₂ guě₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rē₃'nio₃ quián₂ jniog₄.

38 Ia₁ caun₂ bá₄ 'ei₅ dsi₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guě'₂ a₂chong₂, on₃ guě'₂ ángeles, on₃ guě'₂ dsi₂tan₅₄ quián₅ jme₂dsí₂, on₃ guě'₂ a₂cha₂ rē₂nē₃, on₃ guě'₂ a₂cha₂ jmig₄ ne₄ jui₅ nē₃, on₃ guě₄ jui₅bí₂,

39 on₃ guě'₂ i₂tion'₅₄ ja₁nei₅ lín₃, on₃ guě'₂ i₂tion'₅₄ ja₁'uin₃ lín₃, on₃ guě'₂ jui₁'e₂ guě₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

‡ 8:36 Salmo 44:22.

¹ Jág₁ tí₅ dsón'₂ bá₄ juá'₅ jniá'₂ le₃ quió'₅ Cristo la₂, tsá₃ jme₂gau₅₄ jniá'₂; tē₂dsi₃ jniá'₂ jiog₅ Jme₂dsi₂ Jnió₅ juá'₂ tság₅ jniá'₂ a₂dsón'₂ bá₄ dsau₅;

² 'ñio₅ lín₃ chang₂ go₂'i₃ qui'₂ dsi₃ co₂tan₅₄,

³ ia₁ ca₂tē₂ 'ñio₃ jniá'₂ jme₁'nio₃ jua'₅₄ dsi₃'éng₁, rē₂'na₄ jág₁ ja₁con₂ Cristo jua'₅₄ mei'₂ guē₃ le₂jaun₂, o₄quió'₄ ríng'₃ dsa₂ go₃ jniá'₂ le₃ quió'₅ ni₁ñí₅.

⁴ 'Éi₂ bá₄ i₂lín₅ dsa₂ tsi₁jon₂ Israel;* 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quiáin₅; 'éi₂ bá₄ i₂ca₂tē₂ ne₄ a₂tág₅ co₂'né'₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃tí₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ ně₃.

⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ ně₃, ca₂guan₃ I₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jě₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē'₂ a₂tsá₃ ca₂rē₃tí₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel.

⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂.”†

⁸ Jág₁ ně₅, jein₅ jág₁, on₃jua'₅₄ chi'₂ dsio₄ le₃ quió'₅ ni₁ñí₅ i₂lín₅ chi'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lě₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham.

⁹ Ia₁ jág₁ quió'₅ Diú₄ a₂ca₂cuē'₃ Abraham, a₂la₂ bá₄ jaun₂: “Jein₂ rē₂ně₃ ñi₂ caun₂, guio₅₄ jniá'₂, jaun₂ le₃chan₂ jan₂ guein₂ quián₅ Sara.”‡

¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ñe'₂ i₂lín₅ Isaac jmei₂ jnia'₅₄.

¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂líg'₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ñiá'₄ a₂ca₂tín₂ Diú₄ qui₃quió'₂ lia'₂ con'₂ lě₅ niog₅ dsí₅;

¹² on₃jua'₅₄ 'uig₅₄ ia₁ a₂jme₂tí₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃tí₃ ne₄ i₂me'₂.”§

¹³ Ju₁lia'₂ chi₁ton₅ ne₄ Si₂: “Ca₂quio'₄ jniá'₂ ca₂jme₁gu'₅₄ quió'₅ Jacob, lě₅ guē'₄ con'₂ guē'₄ Esaú.”*

¹⁴ ¿'E₂ bá₄ le₃jua'₅₄ ně₃? ¿On₃ bá₄ tsá₃ rē₂ qui₂dsi₅ Diú₄ 'éi'₃? ¡Dsón'₂ on₃jua'₅₄ le₂jaun₂!

¹⁵ Ia₁ ca₂tsí'₃ Moisés:

Dsia₅₄ jniá'₂ ñéi₂ dsi₃

ja₁con₂ i₂'nio₃ jniá'₂ dsia₅₄ ñéi₂ dsi₃ quiain'₅₄;

ján₃ bá₄ jmo₅₄ jniá'₂ 'ua₁ dsi₃

ja₁con₂ i₂'nio₃ jniá'₂ jmo₅₄ 'ua₁ dsi₃ quiain'₅₄.†

¹⁶ Le₂ně₅ bá₄ jaun₂, on₃jua'₅₄ rē'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ñéi₂ dsí₅ Diú₄ bá₄.

¹⁷ Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:‡ “Ta₁ jaun₂ tē₃dsón'₂ bá₄ ca₂tság'₂ jniá'₂ a₂lěng'₂ rag₅₄, ia₁jaun₂ jme₁jnia₅ jniá'₂ ju₁bí₂ quió'₃ tē₂le₃ quian'₅₄ 'ne₂, ia₁jaun₂ guē'₄ le₃ñi₅ dsa₂ ta₁caun₂ gua'₅₄ 'uē₃ 'a₂ lia'₂ lín₅ jniá'₂.”§

* **9:4** Israel: co₂'nió'₄ le₃jua'₅₄, Jacob. Génesis 35:10. † **9:7** Génesis 21:12. ‡ **9:9** Génesis 18:10,14.

§ **9:12** Génesis 25:23. * **9:13** Malaquías 1:2-3; lit. “Ca₂jme₁'nió'₄ jniá'₂ Jacob, Esaú guē'₂ ca₂jme₁'ñi₁ai₅₄.”

† **9:15** Éxodo 33:19. ‡ **9:17** Faraón: co₂'nió'₄ le₃jua'₅₄, rag₅₄ quián₅ 'uē₃ Egipto. § **9:17** Éxodo 9:16.

18 Jaun₂ lë₃, ca₂tín₂ Diú₄ dsia₃ ηéi₂ dsí₅ ja₁con₂ chi₂'ein₂ 'nio₃, ton₂ ján₃ guë'₂ jme₃'ua'₂ dsí₅ chi₂'ein₂ 'nio₃ jme₃'ua'₂ dsí₅.

19 La₁ jaun₂, lé₂ jua'₅₄ juig'₅₄ jniá₂: “Chi₂jua'₂ le₂në₅, ζ'e₂ lë₃ cuë'₅ Diú₄ dso₄ dsa₂, jaun₂ në₃? Ia₁, ζ'ein₂ bá₄ qui'₅₄ jmig₄ jné₃ a₂niog₅ dsí₅ Diú₄ jmo₃?”

20 ¡La₁ 'ne₂ në₃! ζ'l₂'ein₂ bá₄ lín'₅ 'ne₂ dsa₂ mi₂güig₃, jua'₅₄ a₂tsíng'₄ quian'₅₄ Diú₄? ζO₃ bá₄ lé₂ le₃juá'₂ jui₁lia'₂ ni₁tí'₂ gua'₅₄, tsí'₃ i₂ca₂jmo₃: “ζ'E₂ lë₃ ca₂jmog'₅₄ jniá₂ le₂la₂?”*

21 Jui₁lia'₂ jan₂ tē₅ i₂jmo₅ tí'₂: ζTsa₁ ca₂tín₂ 'uë'₃ quian'₅₄ ca₂bë'₅₄ ti₁jein₂ caun₂ ni₁tí'₂ a₂jmo'₂ dsa₂ ta₁ jmá'₃ lia'₂ a₂jlá'₁, caun₂ guë'₂ a₂jmo'₂ dsa₂ ta₁ lia'₂ 'ei₅ ne₅₄ cosa?†

22 ζ'E₂ guë'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió'₅ në₃, la₁ ca₂jmo₃ tió'₃ ca₂jme₃juin'₃ dsí₅ 'nio₅ lín₃ quian'₅₄ dsa₂ i₂jme₁ca₂tín₂ gue₃ uig₅ i₂jme₁'i₄ 'éi'₃ dsí₃'én₂?

23 ζ'E₂ guë'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ηi₅ dsa₂ a₂jláin'₁ a₂'uain'₂, a₂jme₂jnia₂₃ a₂ηéi₂ dsí₅ ja₁con₂ dsa₂ i₂ca₂jmoí'₂ co₂ηia₅₄ tē₃jniá₅, ia₁jaun₂ tñ₅₄ jē₁tág₅ co₂'né'₅ quió'₅?

24 Jniog₄ bá₄ 'éi₂ i₂ca₂tē'₃ Diú₄, on₃jua'₅₄ jmá'₃ jē₄ quió'₅ dsa₂ judíos; ján₃ bá₄ ca₂tē'₃ dsa₂ jē₄ quió'₅ dsí₂nau₂.

25 Jui₁lia'₂ juá'₂ ne₄ si₂ quió'₅ Oseas:

Dsa₂ i₂tsá₃ jme₁lín₄ dsa₂ juig₂ quiáng₃,
ca₂tē₃ dsa₂ juig₂ quiáng₃;
ján₃ guë'₂ co₂'nió'₄ 'io₅₄ i₂tsá₃ jme₁'nióg₃,
ca₂tē₃ bá₄ jniá₂ a₂niói₃ guë'₄ lín₃.‡

26 Ján₃ bá₄ juá'₂:

Co₂dsau₅ jaun₂ ja₁jme₁juá'₂ dsa₂
a₂tsá₃ lín'₅ 'nia'₂ dsa₂ quiáng₃,
ja₁jaun₂ nág'₁ 'nia'₂ a₂tē₂ dsa₂
a₂lín'₅ chí'₂-guein₂ quián₅ Diú₄ jén'₃.§

27 La₁ tē₂le₃ quió'₅ dsa₂ israelitas në₃, ca₂juá'₂ Isaías a₂dsen₅₄ dsí₅: “Jui₁'a₂ guë'₃ la₂ juin₅ lín₃ tsí₁jon₂ dsa₂ juig₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ñí'₄, la₁ me'₂ co₂ηí₂ bá₄ dsa₂ i₂juin₅ 'éi₂ tñ'₄.

28 Ia₁ qui₃dsí₅ bá₄ Diú₄ 'éi'₃ ne₄ gua'₅₄ 'uë'₃, jme₃ti₃ ca₂le₃jē₃ co₂ηei'₅₄.”*

29 Jui₁lia'₂ ca₂juá'₂ 'niog₅ Isaías le₂jniá₅:

Jua'₅₄ mei'₂ guë'₃ Te₁gui'₅₄ Juig₅₄ 'Lióg₂
tsá₃ ca₂dsiain₃ tsí₁jon₂ dsa₂ go₂ jniog₄,
le₂jaun₂ bá₄ jme₁dsi₁ηág₂ jniog₄
jui₁lia'₂ ca₂i₃ηí₂ dsa₂ juig₂ Sodoma quian'₅₄ Gomorra.†

Dsa₂ judíos quian'₅₄ jág₁ dse₃

30 ζ'E₂ le₃juá'₅₄ jniog₄ jaun₂ në₃? Jui₁lia'₂ dsí₂nau₂ i₂tsá₃ jme₁'no'₂ jui₅ ja₁guei₃ Diú₄ në₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ në₂jag₄ bá₄ a₂ca₂jme₃ti₃, tē₂le₃ a₂jñia'₅₄ con'₂ a₂'éin₂ bá₄.

31 La₁ dsa₂ juig₂ Israel guë'₂ në₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig₅₄ ia₁ a₂jme₂ti₃, lín₂, tsá₃ ca₂tió'₃ jme₃ti₃ 'Éi'₃ jaun₂.

32 ζ'E₂ lë₃? Ia₁ jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂, tē₂le₃ quian'₅₄ a₂jme₁jmo₂₃ guioin₅₄ bá₄. 'Uig₅₄ jaun₂ qui₂ca₂niói₃ bá₄ quian'₅₄ “Ni₁cang₁ a₂nió₅ dsa₂.”

* 9:20 Isaías 29:16; 45:9. † 9:21 'Nio'₂ ja₁ton₅ 2 Timoteo 2:20. ‡ 9:25 Oseas 2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

33 Jui₁lia'₂ rē₂ton₅ ne₄ Si₂:
 Ní₂ de'₂ 'nia'₂, tsin₅₄ jniá₂ jan₂ jē₄ juig₂ Sión
 i₂lén₂ nē₂jag₄ ni₁cang₁ a₂qui₂nió₅ dsa₂,
 já₃ guē'₂ co₂'nió'₄ ni₁'lau₂
 a₂jmo₃ dsi₂gan'₅₄ dsa₂;
 jaun₂ jui₁lia'₂ i₂'én₂ le₃quió'₅ 'éi₂,
 tsá₃ dsi₁ñí₂ o₂guí'₃.‡

10

1 Rin'₅₄ jniog₄, a₂'ín₅ dsi₃ 'ñio₅ lin₃, a₂chi₂leng'₅₄ Diú₄ o₄quió'₄ dsa₂ israelitas,
 ia₁jaun₂ tñin'₄ bá₄.

2 Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen₅₄ dsi₅ le₃quió'₅ Diú₄, la₁ia₁
 on₃jua'₅₄ jaun₂ ñí'₂ dsi₅.

3 Uíg₅₄ ia₁ a₂tsá₃ ca₂tón'₃ jui₅ 'a₂lia'₂ lē₅ jaun₂ a₂guéi'₂ Diú₄, jaun₂ qui₂'no'₂ jui₅
 quió'₅ guioin₅₄ bá₄, tsá₃ ca₂jme₃gó'₃ jui₅ a₂ca₂cuē₃ Diú₄.

4 Ia₁ ca₂jme'_{ñia} I₂rē₂'ín₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂
 i₂'én₂, nē₂jag₄ bá₄ a₂ma₂can₃ caun₂ jui₅ co₂dsau₅.

5 Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂:
 “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lē₅ chi₂quióng₂ jmíg₄ Si₂ 'Éi'₃,
 tē₂le₃ quian'₅₄ 'Éi'₃ jaun₂ le₃chain.”*

6 La₁ jui₁lia'₂ jui₅ co₂dsau₅ a₂já₅ 'uig₅₄ ia₁ a₂'én₂ dsa₂, juá'₂ Si₂ le₂la₂: “Tsá₃ jua'₅₄
 'ne₂ tē₂le₃ jui₅ 'au'₂: ¿'Ein₂ bá₄ lé₂ le₃uíg₂ guei'₅₄ i₂juíg₃?† —co₂'nió'₄ le₃jua'₅₄,
 ia₁jaun₂ sióin₂ I₂rē₂'ín₁ quián₅ Diú₄ ja₁con₂ jniog₄—;

7 on₃ guē'₂ jua'₅₄ 'ne₂ já₃: “¿'Ein₂ bá₄ lé₂ le₃sión₃ ca₂tē₂ ja₁ca₂jein₃ chi₁dsio₅₄?”‡
 —co₂'nió'₄ le₃jua'₅₄, ia₁jaun₂ chóin'₂ táng₃ I₂rē₂'ín₁ quián₅ Diú₄, jin₄ 'lag₄.

8 ¿La₁ 'e₂ bá₄ guē'₂ juá'₂ Si₂?
 Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §
 co₂'nió'₄ le₃jua'₅₄, jág₁ nē₅ bá₄ lē₅ jág₁ a₂'én₂ dsa₂ a₂qui₂'ē₅ jnia'₅₄ dsa₂:

9 Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄, já₃ guē'₂ chi₂jua'₂
 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₁rē₂'liin₅₄, tíng'₄ bá₄.

10 Ia₁ tē₂le₃ jui₅ tē₂dsí₅ bá₄ dsa₂ rē₂'én₂, ia₁jaun₂ guéi'₂ Diú₄ nē₂jag₄ bá₄
 a₂ca₂jme₃ti₃; já₃ guē'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tñin'₄
 bá₄.

11 Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñí₂ o₂guí'₃.”*

12 Tsá₃ jma₃quén₅ jág₂ Diú₄ jñin₂ dsa₂ judíos quian'₅₄ guē'₂ dsa₂ griegos; ia₁
 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, já₃ guē'₂ jme₂gu'₅₄ cuē₂₃ ca₂lia'₂
 'lióng₂ a₂dse₃ quió'₅, cuē'₅ ca₂le₃jín₃ i₂chi₂léi'₂.

13 Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tñin'₄ bá₄.”†

14 La₁, ¿'A₂ bá₄ lia'₂ lé₂ chi₂lí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Já₃ guē'₂,
 ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guē'₂ 'ag₅ dsa₂ 'iin₂₃ 'éi₂?
 ¿'A₂ guē'₂ lia'₂ lé₂ nag₃ dsa₂ nē₁jua'₂ tsá₃ 'ein₂ chan₂ i₂'ē₂ jág₁ dse₃?

15 ¿'A₂ bá₄ lia'₂ lé₂ dsi₁lén₂ i₂'ē₂ jág₁ dse₃ nē₁jua'₂ tsá₃ 'ein₂ chei₅? Jui₁lia'₂
 ma₂rē₂ton₅ ne₄ Si₂: “i'E₂ guē₄ jlá'₁ gu₂-tag₄ i₂quian₅ jág₁ dse₃!”‡

‡ 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. ‡ 10:7 Deuteronomio 30:13. § 10:8 Deuteronomio 30:14. * 10:11 Isaías 28:16. † 10:13 Joel 2:32. ‡ 10:15 Isaías 52:7.

16 La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías:
“¿Te₁gui'₅₄ 'ein₂ bá₄ i₂ma₂ca₂rë₃'én₂ jág₁ a₂ca₂'ë₂ jniog₄?”§

17 Le₂në₅ bá₄ jaun₂, jui₁lia'₂ a₂'én₂ dsa₂, lë₅ të₂le₃ quian'₅₄ a₂nag₅ dsa₂; a₂nag₅
dsa₂ jaun₂, lë₅ të₂le₃ quian'₅₄ jág₁ quió'₅ I₂rë₂'ín₁ quián₅ Diú₄.

18 La₁ ñag₄ jniá₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ të₃dsón'₂ bá₄ ca₂nág₂!
Ia₁ juá'₂ Si₂:

Ta₁caun₂ gua'₅₄ 'uë₃ bá₄ ca₂dsia₃ dsa₂;

ca₂le₂con₂ quióng₄ mi₂güí₃ bá₄

ma₂ca₂i₃'ág₃ jág₁ quió'₅.*

19 La₁ ñag₄ táng₃ jniá₂, ¿O₃ bá₄ a₂tsá₃ ma₂ca₂rë₃lí'₄ 'e₂ dsa₂ juig₂ Israel? Ia₁
jë₁le₂'uig₅₄, juá'₂ Moisés:

Jmo₅₄ jniá₂ a₂lén'₂ 'nia'₂ dsa₂ i₂dsí'₅

ja₁con₂ dsa₂ i₂tsá₃ juig₂ nación lín₅;

ján₃ bá₄ jmo₅₄ jniá₂ le₃'ne'₂ 'nia'₂

o₄quió'₄ caun₂ juig₂ i₂tsá₃ ñí'₂ dsí'₅.†

20 Con'₂ siá'₂, tiá₂ dsí'₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá₂,

ca₂dsáu'₂ bá₄;

ca₂jme₁jnia₅ jniá₂

ja₁con₂ dsa₂ i₂tsá₃ jme₁ñag₅ jniá₂.‡

21 La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Të₁ne₁ jmig₄ bá₄
jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

1 Jaun₂ në₃ ñag₄ jniá₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅?
¡On₃jua'₅₄ le₂jaun₂! Ia₁ 'ñi₃ bá₄ jniá₂ líng₅ jan₂ dsa₂ israelita, jan₂ chi'₂ dsio₄
Abraham, jan₂ tsi₁jon₂ Benjamín.

2 Ca₂le₂jniá₅ ma₂líg'₂ lín₃ bá₄ ca₂qui₃ón'₂ Diú₄ dsa₂ juig₂ quiáin₅; jaun₂ rë₂në₃
në₃ tsá₃ jua'₅₄ ma₂ca₂téi₂. ¿Tsa₁ ñi'₅₄ 'nia'₂ 'a₂ lia'₂ juá'₂ ne₄ Si₂ ja₁'iin₂₃ Elías, 'a₂
lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂:

3 “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ë₂ jág₁ quiáng'₂,
ma₂qui₂ma₂'éin₂ ne₄chei₂ quiáng'₂ në₃; jnia'₅₄ lia'₂ jan₂ jniá₂ bá₄ chang₂ guë₄,
qui₂co₂'ein₅ dsa₂, ján₃ guë'₂ 'nio₃ jñag'₃.”*

4 Jaun₂, ¿'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ të₂le₃ quió₃
i₂tsá₃ ma₂qui₂ca₂jón'₂ mi₂jne₄ ne₄ Ba'al.”†

5 Jaun₂ le₂në₅ bá₄ ján₃ rë₂tsón₂ ca₂dsion₄ dsa₂ 'éi₂ rë₂në₃, jaun₂ Diú₄ në₃ të₂le₃
ia₁ a₂'ua₁ dsí'₅ ma₂qui₃ón'₂ 'éi₂.

6 Chi₂jua'₂ të₂le₃ ia₁ a₂'ua₁ dsí'₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃.
Ia₁ jua'₅₄ mei'₂ guë₃ le₂në₅ në₃, tsá₃ le₃jua'₅₄ jua'₅₄ a₂'ua₁ dsí'₅ Diú₄.

7 ¿'E₂ jaun₂ në₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂
i₂ca₂qui₃ón'₂ Diú₄ 'ñiog₅ bá₄ ca₂dsáu'₂. I₂sián'₂ guë'₂ qui₂ca₂rë₃'uá'₃ dsí'₅,

8 ju₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí'₂;

ca₂cuë₃ mi₂ne₅₄ a₂tsá₃ jniá₂,

ca₂cuë₃ rë₂gua₅₄ a₂tsá₃ nag₅,

§ 10:16 Isaías 53:1. * 10:18 Salmo 19:4. † 10:19 Deuteronomio 32:21. ‡ 10:20 Isaías 65:1.

§ 10:21 Isaías 65:2. * 11:3 1 Reyes 19:10,14. † 11:4 1 Reyes 19:18.

le₂ŋi₄o₄ jmi₄g₄ nē₃.‡

9 Ján₃ bá₄ ca₂juá'₂ David:

Ca₂le₃jě₃ a₂i₂tsón₃ jme₁cha₂ quió'₅
ju₁le₅₄ co₂'nió'₄ ts₁liá₂ o₃'má₅'e₂,
ia₁jaun₂ qui₃nió₃, gue₃'liain'₅₄.

10 Ju₁le₅₄ tsá₃ jnió'₅ mi₂ne₅₄
ju₁g_{uen'}₅₄ mi₂ca'₅₄ co₂ŋei'₅₄.§

Dsi₂nau₂ i₂tín'₄

11 Nag₅ jniá₂ nē₃, ¿O₃ bá₄ co₂ŋei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃? ¡On₃juá'₅₄ le₂jaun₂! Tē₂le₃ jen₅ bá₄, jme₁ca₂lén₂ dsa₂ judíos ca₂i₁juin'₅₄, ca₂jmo₃ Diú₄ a₂ca₂dsó'₂ dsi₂nau₂ ju₁ja₁tín'₄, ia₁jaun₂ le₃dsí'₅'éi₂.

12 La₁ chi₂juá'₂ a₂ca₂i₁juin'₅₄ 'éi₂ jaun₂, ca₂dsióg₃ tē₂le₃ dse₃ bá₄ o₄quió'₄ dsa₂ mi₂güig₃, ján₃ bá₄ chi₂juá'₂ a₂ca₂i₁én₂ quió'₅ 'éi₂, ca₂dsióg₃ a₂tē₁dsi₅₄ quió'₅ dsi₂nau₂, ¡'e₂ guē₄ dse₃ lé₂, jē₁ma₂ca₂rē₃'ŋia₅ táng₃ 'éi₂!

13 La₁ a₂juá'₅ jniá₂ juíg₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄ ja₁con₂ dsi₂nau₂, jmo₅ jniá₂ dsi₃'ŋio₅ lín₃ dsen₅₄ ta₁ quió'₃,

14 con'₂ tsá₃ ŋó₅ nē₁juá'₂ ca₂rē₃dsí'₅ dsa₂ go₃ jniá₂ ja₁con'₂ 'nia'₂, jaun₂ lé₂ lión₂ i₂lín₅₄ 'éi₂.

15 Chi₂juá'₂ jme₁ca₂téi₂ Diú₄ quió'₅ dsa₂ judíos, ca₂lí'₃ dsa₂ mi₂güig₃ a₂ca₂'ág₂ caun₂ jág₁ quian'₅₄ Diú₄, ¿'e₂ bá₄ lé₂ jaun₂ nē₃ jē₁ma₂tē₂ rē₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rē₂'lín₄.

16 Chi₂juá'₂ lē₅ 'í₁ ju₁lia'₂ i₁ŋi'₄ a₂le₂'uig₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lē₅ 'í₁ ta₁jē₂ ti₁can_;; ján₃ bá₄ chi₂juá'₂ lē₅ 'í₁ le₃quió'₅ Diú₄ ju₁lia'₂ jmú₄ caun₂ ni₁'ma₂, ján₃ bá₄ le₂jaun₂ lē₅ 'í₁ ni₁gu'₂ nei'₅₄ ni₁'ma₂ ján₃.

17 Dsa₂ judíos i₂ca₂téi₂ Diú₄ 'éi₂ nē₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄, a₂ca₂uín'₂ a₂lín₅₄ ni₁gu'₂; nē₃ nē₃, chi₂juá'₂ lín₅ 'ne₂ jan₂ dsi₂nau₂ i₂ma₂rē₂'lión₅, nē₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi₅₄ ni₁'ma₂ olivo a₂qui₂jme₂tan₅₄ ni₁gu'₂,

18 tsá₃ jmó'₂ táng₅ ja₁con₂ ni₁gu'₂ siá'₂. Chi₂juá'₂ le₂jaun₂ jmó'₂, dsá₂ 'au'₂ jmo₄, on₃juá'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

19 Mei'₂ tsá₃ le₃ŋag'₅₄ 'ne₂, jaun₂ nē₃: “Ján₅, dsau₅ bá₄ nē₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá₂ jan₂ i₂rē₂'lión₅ ja₁jme₁ca₂tín₂.”

20 Dse₃, la₁ ca₂uín'₂ ni₁gu'₂ jaun₂ 'uig₅₄ ia₁ a₂tsá₃ jme₁'éin₂, la₁ 'ne₂ guē'₂ nē₃ tē₂'ŋiág'₄ 'uig₅₄ ia₁ a₂'éng'₂. Le₂nē₅ bá₄ jaun₂, ju₁le₁gan'₃ 'nia'₂, tsá₃ lē₁jmo₂ róng'₂.

21 Ia₁ chi₂juá'₂ tsá₃ ca₂dsia₃ Diú₄ ŋéi₂ dsí₅ ja₁con₂ ni₁gu'₂ quió'₅ tē₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ŋéi₂ dsí₅ ja₁con'₂ 'ne₂ ján₃.

22 Jag₄ jaun₂, 'e₂ guē₄ dsen₃ Diú₄, la₁ ján₃ bá₄ rē₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂juá'₂ caun₂ náu'₁ tiá₂ ju₁ja₁'ua₁ dsí₅ Diú₄. Ia₁ nē₁juá'₂ tsá₃ le₂jaun₂, ján₃ bá₄ quéin'₂ 'ne₂.

23 Ju₁lia'₂ 'éi₂ nē₃, nē₁juá'₂ ca₂rē₃'éin₂ táng₃, lé₂ bá₄ le₃'lión₃. Ia₁ 'io₅ Diú₄ bí₂ chóng'₃ táng₃.

24 Ia₁ nē₁juá'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁ŋia'₅₄ líng'₅ ni₁gu'₂ ni₁'ma₂ siá'₂, ¡'e₂ guē₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

‡ 11:8 Deuteronomio 29:4; Isaías 19:10. § 11:10 Salmo 69:22-23.

25 Rin'⁵⁴ jniog⁴, tsá³ 'nio³ jniá² jua'⁵⁴ tsá³ ŋi'⁵⁴ 'nia'² jág¹ a₂jme₁rë₂'ma⁴ la₂, con'² tsá³ ŋó⁵ në₁jua'² ca₂jmo'⁵⁴ 'nia'² róng'² quian'⁵⁴ a₂ŋí'² 'au'² 'nia'² guiong'⁵⁴. Juí₁lia'² ma₂jmo³ i₂lin⁵⁴ dsa₂ juig₂ Israel, ca₂rë₃'uá'³ dsí₅, ca₂lia'² ca₂rë₃'ŋia⁵ dsi₂nau₂ i₂con'² ca₂tín₂ tón'³.

26 Jaun₂ guë₄ líón₂ ca₂le₃jín₃ dsa₂ juig₂ Israel, ia₁ juá'² ne₄ Si₂:
O₃'in₅ dsa₂ i₂lió₂ juig₂ Sió₂,*

co₂dsia₅ jniá'² a₂tsá₃ dse₃ jmo₅ tsi₁jon₂ Jacob.

27 Jaun₂ a₂la₂ bá₄ jág₁ quió₃ jmo₅₄ quiang'⁵⁴ dsa₂ 'éi₂:
jë₁ma₂të₂ rë₁'éng₄ dsáu₁.†

28 Juí₁lia'² të₂le₃ quian'⁵⁴ jág₁ dse₃ a₂líón₂ dsa₂, lín₅ co₂'nió'⁴ dsa₂ i₂'ŋia⁵⁴ Diú₄, o₄quián'² 'nia'²; la₁ lia'² ma₂'nio₃ jaun₂ bá₄ Diú₄ quió'⁵ dsa₂ 'éi₂, ia₁ a₂ca₂quióin'² dsa₂ can'⁵⁴ quiáin₅ ma₂líg'².

29 Ia₁ tsá₃ dsi₂quén'⁵ dsí₅ Diú₄ juí₁lia'² a₂cuë₂₃, on₃ guë'² juí₁lia'² a₂të₂.

30 Juí₁lia'² 'nia'² ně₃, i₂tsá₃ jme₁ne'⁵⁴ ja₁con₂ Diú₄ le₂jŋiá₅, ma₂ca₂tín'² 'nia'² a₂ŋéi₂ dsí₅ Diú₄ rë₂ně₃, 'uig₅₄ ia₁ a₂tsá₃ ne'⁵⁴ dsa₂ 'éi₂,

31 ján₃ bá₄ le₂ně₅ tsá₃ ne'⁵⁴ dsa₂ 'éi₂ rë₂ně₃, ia₁ jaun₂ të₂le₃ quian'⁵⁴ a₂ŋéi₂ dsí₅ Diú₄ a₂ca₂tín'² 'nia'², tiin₅₄ ján₃ a₂ŋéi₂ dsí₅ Diú₄.

32 Ia₁ Diú₄ ně₃ co₂rë₂ bá₄ 'iin₃ dsa₂ a₂tsá₃ ne'⁵⁴ dsa₂ le₂jain₂ le₂jain₂, ia₁ jaun₂ co₂dsia₅ bá₄ dsia₃ ŋéi₂ dsí₅ ja₁con₂ ca₂le₃jín₃.

33 i'^{E2} guë₄ 'ŋio₅ 'ei₄ lë₅ ca₂le₃jě₃ a₂jlá'¹ cha₂ quió'⁵ Diú₄,
ca₂le₃jě₃ a₂ŋí'² dsí₅, a₂ŋi₅ ně₃!

Ca₂lia'² tsá₃ lé₂ le₃quiong₅₄ 'í₁ a₂niog₅ dsí₅,
on₃ guë'² lé₂ le₃ŋág'² dsí₅ juí₅ quió'⁵.

34 “¿'Ein₂ bá₄ cuí'⁵ 'e₂ dsi₂jio₅ dsí₅ Te₁gui'⁵⁴,
o₃ 'ein₂ i₂ma₂tió'³ cuë₃ jág₁ dse₃ cuë'³ 'éi₂?”‡

35 “¿'Ein₂ bá₄ ca₂cuë₃ 'e₂ ca₂cuë'³ 'éi₂ le₂'uig₅₄
ia₁ jaun₂ jéin'³ qui₃ quió'⁵?”§

36 Ia₁ ca₂le₃jě₃ a₂niog₅ cha₂, ca₂lë₃
ja₁con₂ 'éi₂, të₂le₃ quian'⁵⁴ 'éi₂, o₄quió'⁴ 'éi₂ ně₃.
jjuí₁jme₂juag'² bá₄ dsa₂ co₂tan₅₄! A₂méi₃.

12

'A₂ lia'² i₂nio₄ dsa₂ i₂rë₂tson₄ quián₅ Diú₄

1 Le₂ně₅ bá₄ jaun₂ rin'⁵⁴ jniog₄, të₂le₃ quian'⁵⁴ a₂ŋéi₂ dsí₅ Diú₄, mi₅ jniá₂ ne'⁵⁴ 'nia'², co₂dsia₅ jín'⁴ 'nia'² ní₁ŋí'¹ guiong'⁵⁴, co₂'nió'⁴ a₂rë₂jeng'⁵⁴ le₁jén'³ ne₄ Diú₄, a₂rë₂tsong'⁵⁴, a₂'ŋio₂ dsí₅ Diú₄, a₂dsi₂ten₅₄ jme₁ti'⁴ ne₅₄.

2 Tsá₃ i₁nio'⁴ 'nia'² lia'² con'² lë₅ i₂nio₄ dsa₂ mi₂güí₃ la₂. Të₂le₃ cuë₄ jmig₄ a₂jme₃tsín₃ Diú₄ 'a₂ lia'² qui₂dsi₂jŋia₅ 'au'² 'nia'², ia₁ jaun₂ bá₄ qui₃le₃'mag'² táng₃ 'au'², ia₁ jaun₂ lé₂ le₃caun'⁵⁴ 'nia'² 'í₁ 'a₂ lia'² lë₅ a₂'ŋio₂ dsí₅ Diú₄, a₂dse₃, a₂të₅ dsí₅, a₂rë₂'ŋia₅ ně₃.

3 Ia₁ o₄quió'⁴ a₂'ua₁ dsí₅ Diú₄ a₂ma₂dsia₃ gu₃ jniá₂, juí₂ jniá₂ le₂jan'² le₂jan'² 'nia'²: tsá₃ lë₁juí₁qui₂dsi₂jŋia₅ 'au'² a₂lín₅ dseng'⁵⁴ ŋag₅₄ guë₄ con'² ca₂tín'² 'nia'² dsi₃jŋia₅ 'au'²; të₂le₃ juí₁qui₂dsi₃jio₅ bá₄ 'au'² a₂'en₅₄ 'au'² 'nia'², 'a₂ con'² tí₅ ma₂ca₂rë₃'én'² 'nia'² a₂ma₂cuë₃ Diú₄.

4 Ia₁ le₂ně₅ juí₁lia'² lë₅ caun₂ ní₁ŋí'¹ jniog₄ le₂jau₂ le₂jau₂, líóng₂ a₂chei₂ le₂caun₂ le₂caun₂ a₂tén₅ quió'⁵, tsá₃ ca₂ne₅₄ ta₁ jme₂ti₃,

* 11:26 Sió₂: co₂'nió'⁴ le₃jua'⁵⁴, juig₂ Jerusalén. † 11:27 Isaías 59:20-21; 27:9. ‡ 11:34 Isaías 40:13.
§ 11:35 Job 41:11.

5 le₂nē₅ bá₄ jniog₄ ján₃, juí₁'a₂ guě₃ la₂ juag₅ jniog₄, caun₂ bá₄ ni₁ŋi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

6 Jma₃quén₅ bá₄ qui₂'au₂ jniog₄ bí₂, lia'₂ con'₂ lě₅ ma₂cuě₃ Diú₄ a₂'ua₁ dsí₅. Jaun₂ ca₂tág₂ jniog₄ jmo'₄ ta₁ juí₅bí₂ a₂ma₂cuě₃. Juí₁lia'₂ dsa₂ i₂ma₂cuě₃ Diú₄ bí₂ a₂tin₂ a₂'ě₂ jág₁ dse₃ a₂gue₂₃ quió'₅ Diú₄, juí₁'ě₅₄ bá₄ jág₁ 'a₂ con'₂ tí₅ a₂'éin₂;

7 juí₁lia'₂ i₂ma₂cuě'₃ juí₅bí₂ jme'₃o₅₄, juí₁jme'₂o₅₄; juí₁lia'₂ i₂'io₅ bí₂ jme₃tag₂₃, juí₁jme₂tin₂₃ bá₄ dsa₂;

8 juí₁lia'₂ i₂tin₂ jmo₃ lián'₂ dsí₅ i₂sián'₂, ca₂tin₂ bá₄ jmo₃ le₂jaun₂; juí₁lia'₂ i₂jmo₅ dsióg₁, juí₁cuě₁₂ a₂'ua₁ dsí₅, on₃jua'₅₄ rě'₂ cha₂ a₂'ín₂ dsí₅ 'ŋiog₅; juí₁lia'₂ i₂quian'₅ ne₄ juí₅, juí₁jmo₁₂ bá₄ a₂dsen₅₄ dsí₅; juí₁lia'₂ i₂dsia₅ ŋéi₂ dsí₅, juí₁jmo₁₂ bá₄ quian'₅₄ o₂'ŋió₃ o₂ŋia₃ dsí₅.

'A₂ lia'₂ ca₂tin₂ le₃chan₂ dsa₂ quián₅ Cristo

9 Juí₁le₂chan'₂ 'nia'₂ tē₃dsón'₂ bá₄ a₂'nió'₃ 'nia'₂ ríng'₂ le₂jang'₂ le₂jang'₂. Co₂dsia₅ jmo₄ 'nia'₂ 'ŋiag'₅₄ co₂ŋei'₅₄ a₂'lig'₅₄; chan'₂ bá₄ 'nia'₂ tiá₂ juí₁lia'₂ a₂dse₃.

10 Jme'₁nió'₄ 'nia'₂ ríng'₂ a₂'ŋio₂ 'au'₂; jmo₄ 'nia'₂ a₂dsen₅₄ guě₄ ríng'₂ le₂jang'₂ le₂jang'₂.*

11 Tsá₃ jmo₂ 'nia'₂ juíng'₅, 'ag₃ caun₂-tin₃ 'au'₂, tē₂le₃ jme₁ti₁ ne₄ Te₁gui'₅₄ ca₂lia'₂ dsen₅₄ jme₂dsí₂ quiáng'₂.

12 Juí₁chan'₂ 'nia'₂ o₂ŋia₃ 'au'₂, ia₁ ma₂lě₅ bá₄ co₂ŋia₅₄ a₂'ín₂ 'au'₂ 'nia'₂. Jmo₄ 'nia'₂ juín'₂ 'au'₂ jmíg₄ jme₁chan'₂ 'nia'₂ o₂i₁ dsí₅. O₁nió'₄ bá₄ 'nia'₂ co₂tan₅₄ a₂chi₂leng'₅₄ Diú₄.

13 Jme'₁on₁ 'nia'₂ dsa₂ 'én₂ ríng'₂ chi₂jua'₂ 'e₂ niog₅ cha₂ a₂'nió'₅ quió'₅. Dse₃ guen₅₄ 'nia'₂ juí₁lia'₂ 'ein₂ niog₅ qui₂dsi₂jag₅₄ 'nia'₂.

14 Jme₁gu'₅₄ bá₄ 'nia'₂ juí₁lia'₂ i₂j móg'₂. Jua'₅₄ bá₄ 'nia'₂ jág₁ dse₃ on₃jua'₅₄ jág₁ uig₅.

15 Jmo₄ 'nia'₂ 'io'₂ quian'₅₄ juí₁lia'₂ i₂jmo₅ 'io'₂; ján₃ guě'₂ qui'₂-o₄ 'nia'₂ quian'₅₄ i₂'o₅.

16 Juí₁le₂chan'₂ bá₄ 'nia'₂ a₂jeng'₂ le₂jang'₂ le₂jang'₂. Tsá₃ jmo₂ 'nia'₂ róng'₂, co₂rin'₂ bá₄ 'nia'₂ jmo₄ quiang'₅₄ dsa₂ te₂ŋé₂. Tsá₃ lě₁jmo₂ 'nia'₂ jua'₅₄ a₂ŋí₄ lě₃ cuíng'₂.

17 Tsá₃ jein'₅₄ 'nia'₂ 'lig'₅₄ quian'₅₄ a₂'lig'₅₄. Quen'₂ 'nia'₂ bí₂ jmó'₂ con'₂ dsi₂ten₅₄ ja₁tě₃ ne₄ ca₂le₃jín₃.

18 Jmo₄ 'nia'₂ bí₂, 'a₂ con'₂ ca₂tíng'₂, 'a₂ con'₂ ja₁qui'₅₄ 'nia'₂ jmíg₄, 'nau'₅₄ 'nia'₂ juí₅ ja₁'ag₃ tei₄ quian'₅₄ ca₂le₃jín₃.

19 Rin'₅₄ jniog₄, tsá₃ lě₁jen'₅₄ 'nia'₂ guiong'₅₄ juí₁lia'₂ quió'₅ i₂j móg'₂, tē₂le₃ dsia₄ 'nia'₂ o₄gú₃ Diú₄ a₂jaun₂. Ia₁ ma₂rě₂ton₅ ne₄ Si₂: “Jniá₂ bá₄ ca₂tíng₂ jein'₅₄ uig₅; jniá₂ bá₄ qui₄, juá'₂ Te₁gui'₅₄.”†

20 La₁: “Chi₂jua'₂ i₁cón'₅ juí₁lia'₂ dsa₂ i₂'iog₅₄, cuě'₅₄ bá₄ 'nia'₂ a₂guě'₃. Chi₂jua'₂ ŋi₂₃ rě₂quein₂ dsí₅, cuě'₅₄ a₂'ín₂. Ia₁ jě₁ma₂ca₂jmo'₅₄ le₂nē₅, jmai'₅₄ tsáu₃ dséi₂ dsi₂ne₅₄,‡ jéin'₄ o₂guí'₃.”§

21 Tsá₃ cuín₅ jmíg₄ jua'₅₄ a₂jo₃ a₂'lig'₅₄; tē₂le₃ quen'₂ bí₂, tión₃ 'uě₃ a₂'lig'₅₄ tē₂le₃ quian'₅₄ a₂dse₃.

* 12:10 o₃, “jme₁li₅₄ tē₃ŋiá₅ a₂jme₂gan'₃ 'nia'₂ ríng'₂ le₂jang'₂ le₂jang'₂.” † 12:19 Deuteronomio 32:35.

‡ 12:20 lit. “jmó'₂ nio₃ ni₁ta'₂ le₁gui'₂ si₂ ne₄ mi₂dsi₅₄.” § 12:20 Proverbios 25:21-22.

13

1 Ca₂le₃jín₃ bá₄ ca₂tín₂ tón₃ 'éi₃ quió₅ dsi₂tan₅₄ i₂gon₂. Ia₁ 'i₁jan₂ dsi₂tan₅₄ i₂chan₂, jua₅₄ tsá₃ ca₂chei₃ Diú₄. Jaun₂ ca₂le₃jín₃ dsi₂tan₅₄ i₂chan₂ ně₃, i₂dsián₁ quián₅ Diú₄ bá₄ 'éi₂.

2 Jaun₂ le₂ně₅, ju₁lia₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ ju₁lia₂ i₂jmo₅ le₂jaun₂.

3 Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó₅ ju₁lia₂ i₂jmo₅ a₂dse₃; a₂jmo₃ gó₅ dsa₂ i₂jmo₅-dsá₅ a₂'lig₅₄ bá₄. ¿'Niog₂ 'ne₂ le₃chang₂ a₂tsá₃ gang₃ dsi₂tan₅₄? Jmo₄ bá₄ a₂dse₃, jaun₂ con₂ 'í₁ dsi₂tan₅₄ ja₁cong₂, a₂líng₅ dsa₂ dsen₃.

4 Ia₁ ta₁ jaun₂ tián₅ jme₂ti₃ ne₄ Diú₄ bá₄, a₂dse₃ quiáng₂. La₁ ně₁jua₂ ca₂jmo₅₄ a₂'lig₅₄ ně₃, ca₂tíng₂ le₃gang₃, ia₁ on₃jua₅₄ a₂lě₁lě₄ 'io₅ dsi₂tan₅₄ 'éi₃ a₂chain₂ bí₂ cuě₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂'ě₂ uig₅ ja₁con₂ dsa₂ i₂jmo₅ a₂'lig₅₄.

5 Jaun₂ lě₃, tion₅₄ bá₄ 'nió₅ tón₃ dsa₂ 'éi₃ quió₅ dsi₂tan₅₄, on₃jua₅₄ rě₂ a₂jnia₅₄ ia₁ jaun₂ tsá₃ gue₃ uig₅; tē₂le₃ ia₁ a₂lě₅ dsí₅ le₂jaun₂ jmo₂₃ a₂dse₃.

6 'Uig₅₄ ně₅ bá₄ qui₂ 'nia₂ 'lia₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

7 Cuě₅₄ bá₄ 'nia₂ dsa₂ 'e₂ niog₅ qui₂ca₂tín₂. Chi₂jua₂ ca₂tín₂ dsi₂tan₅₄ 'lia₅₄, qui₄ 'lia₅₄; chi₂jua₂ ca₂tín₂ mi₃ cu₄ te₁'éng₂, cuě₅₄ cu₄ jaun₂; chi₂jua₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua₂ 'ein₂ ca₂tín₂ jme₃juag₂ dsa₂, jme₁juin₂ bá₄.

8 Ja₁con₂ 'i₁jan₂ tsá₃ ju₁le₅₄ jua₅₄ cha₂ a₂qui₂le₂rín₂ 'nia₂ uě₂, jnia₅₄ lia₂ a₂qui₂le₂ríng₂ a₂'nióg₃ ríng₂ le₂jang₂ le₂jang₂ bá₄; ia₁ ju₁lia₂ i₂'nio₃ dsa₂ mi₂güí₃ rín₅₄, ma₂ca₂jme₃ti₃ 'Éi₃ quió₅ Diú₄.

9 Juá₂ 'Éi₃ quió₅ Diú₄: “Tsá₃ nióg₄ jág₁ quian₅₄ i₂tsá₃ lín₅ dsi₂l₂gog₂; tsá₃ jníg₄ dsa₂ mi₂güí₃ ríng₂; tsá₃ 'áng₁; tsá₃ jmó₂ jág₁ tē₂jág₁; tsá₃ jmó₂ 'ín₅ 'au₂ a₂quió₅ i₂sián₂.”* 'Éi₃ ně₅ quian₅₄ guě₄ ca₂le₃jě₃ 'éi₃ siá₂ ně₃, qui₂rě₂tan₅₄ quian₅₄ jág₁ la₂: “Jme₁'nió₄ dsa₂ mi₂güí₃ ríng₂ ju₁lia₂ 'nióg₃ 'ñiag₂.”†

10 Ju₁lia₂ dsa₂ i₂'nio₃ dsa₂ mi₂güí₃ rín₅₄, tsá₃ 'e₂ 'lig₅₄ jmo₂₃ ja₁coin₂. Le₂ně₅ bá₄ jaun₂ ja₁'nio₃ dsa₂ rín₅₄, co₂'nió₄ ca₂rě₃ti₃ bá₄ 'Éi₃ qui₅ Si₂.

11 Jě₄ ca₂le₃jě₃ a₂ně₅ ně₃, jmo₄ a₂ñí₂ 'au₂ ju₁lia₂ jmí₄ chong₂ rě₂ně₃, a₂ma₂ca₂tě₂ hora a₂ñé₂ jniog₄ jě₄ le₁guá₃. Ia₁ jě₁lió₂ jniog₄ caun₂ ma₂ja₂quián₃ co₂ñí₂ bá₄ rě₂ně₃ lia₂ con₂ guě₄ jme₁ca₂rě₃ 'éin₂ jniog₄ le₂'uig₅₄.

12 Ju₁lia₂ jě₄ 'uě₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ tí₄ a₂tsá₃ ma₃jmó₁ ju₁lia₂ a₂lě₂ jě₄ qui₁né₃, a₂quián₁ qui₅₄ ca₂le₃jě₃ a₂'nió₅ quián₂, a₂jmo₅ 'í₁, a₂i₁nio₁ ju₁lia₂ 'lióg₂ i₂i₂nio₄ jě₄ jniá₂ si₂.

13 Ju₁i₁nio₁ jniog₄ lia₂ con₂ dsi₂ten₅₄, ju₁lia₂ i₂nio₄ dsa₂ a₂jmi₂. Tsá₃ ma₃'nió₅ le₃chong₂ i₁nio₁ le₁'ein₅, on₃ guě₂ o₂'ñió₃ o₂jnia₃ dsi₅, on₃ guě₂ nió₄ jniog₄ jág₁ quian₅₄ i₂tsá₃ lín₅ dsi₂i₂gu₂ jniog₄, on₃ guě₂ jmó₁ a₂tsá₃ dsi₂ten₅₄, on₃ guě₂ dsiá₁ mi₅₄, on₃ guě₂ qui₁jín₁ uin₅ dsi₅ rín₅₄ ně₃.

14 Tě₂le₃ qui₂ 'nia₂ co₂'nió₄ a₂qui₂rě₂lión₃ 'nia₂ lě₅ 'í₁ tē₂le₃ quian₅₄ 'ñiog₅ Te₁gui₅₄ Jesucristo, tsá₃ ma₃ju₁dsi₂jniog₅ guě₄ 'au₂ 'a₂lia₂ mag₂ dsí₅ a₂mi₅ ni₁ñi₁ 'nia₂.

14

Tsá₃ chi₂'íng₄ uig₅ ríng₂

* 13:9 Éxodo 20:13-15,17; Deuteronomio 5:17-19,21. † 13:9 Levítico 19:18.

1 Chi₂jua'₂ chan₂ dsa₂ 'uan₅₄ tē₂le₃ quian'₅₄ a₂'éin₂, qui₁guein₅₄ 'nia'₂, la₁ on₃jua'₅₄ ia₁jaun₂ qui₁tsín'₂ 'nia'₂ 'a₂ lia'₂ lě₅ ŋí'₂.

2 Chan₂ i₂lin₅₄ i₂'én₂ a₂lé₂ le₃gué'₃ ca₂le₃jě₃ jui₁'e₂ gué'₃, ton'₂ chan₂ guē'₂ táng₃ i₂lin₅₄ i₂'uan₅₄ dsí₅ 'a₂ lia'₂ 'éin₂, i₂gué'₅ jmá'₃ lia'₂ ca₂ne₅₄ mi₂ján'₅.

3 Jaun₂ lě₃ i₂gué'₅ lia'₂ 'ei₅ ne₄ ně₃, tsá₃ ca₂tíin₂ jmo₃ jua'₅₄ tsá₃ jein₅₄ i₂tín₂ dsí₅ gué'₅ jmá'₃ lia'₂ a₂lin₅₄ má₃; ton'₂ ján₃ guē'₂ le₂jaun₂ jui₁lia'₂ i₂tsá₃ gué'₅ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂gué'₅ le₃jě₃. Ia₁ ján₃ bá₄ ca₂guéi'₂ Diú₄ quió'₅ dsa₂ 'éi₂.

4 'Ne₂ guē'₂, ħ₂'ein₂ bá₄ líng'₅ jua'₅₄ a₂caun'₅₄ 'í₁ ja₁con₂ dsa₂ i₂jme₂ti₃ ne₄ i₂sián'₂? Ia₁ jui₅₄ bá₄ 'éi₂ i₂niog₅ ne₄ con₂ 'í₁ chi₂jua'₂ chén'₅ 'éi₂ rē₂, o₃ tē₁tsin'₅₄ 'lig'₅₄ 'e₂. Jaun₂ tē₃tsin'₅₄ bá₄ rē₂, ia₁ i₂qui'₅₄ jmi₄ Te₁gui'₅₄ jmo₃ a₂tē₃tsin'₅₄ dsa₂ 'éi₂.

5 Chan₂ guē'₂ i₂lin₅₄ táng₃ i₂jmo₅ dsí₅, 'nio₅ guē'₄ quen₅ a₂lin₅₄ jmi₄ lia'₂ con'₂ guē'₄ jmi₄ siá'₂; chan₂ guē'₂ i₂lin₅₄ i₂'én₂ jmo₂₃ dsí₅ a₂co₂rē₂ bá₄ ca₂le₃jě₃ jmi₄. Le₂jan₂ le₂jan₂ 'nió'₅ jmo₃ 'ei₅ caun₂ dsí₅ lia'₂ con'₂ lě₅ dsi₂ŋia₅ dsí₅ 'niog₅.

6 Jui₁lia'₂ dsa₂ i₂jme₂gó'₃ caun₂ jmi₄, le₃quió'₅ Te₁gui'₅₄ bá₄ jme₂gó'₃ jmi₄ jaun₂. Le₂ně₅ bá₄ jui₁lia'₂ dsa₂ i₂gué'₅ lia'₂ 'ei₅ ne₄ má₃, guē'₅ le₃quió'₅ Te₁gui'₅₄, ia₁ cuē'₅ ti₁'mag'₄ Diú₄. Ján₃ bá₄ le₂ně₅ quian'₅₄ jui₁lia'₂ i₂tsá₃ guē'₅ lia'₂ 'ei₅ ne₄ má₃, le₃quió'₅ Te₁gui'₅₄ bá₄ tsá₃ guē'₅; ján₃ bá₄ cuē'₅ ti₁'mag'₄ Diú₄.

7 Ia₁ 'i₁jan₂ jniog₄ tsá₃ lé₂ le₃chong₂ le₃quián₂ guio₅₄, on₃ guē'₂ lé₂ le₃dsióg₃ le₃quián₂ guio₅₄ ně₃.

8 Ia₁ tē₁lia'₂ chong₂ jniog₄, chong₂ le₃quió'₅ Te₁gui'₅₄ bá₄, ně₁jua'₂ ca₂dsau₃ guē'₂ ně₃, dsióg₃ le₃quió'₅ Te₁gui'₅₄ bá₄ ján₃. Le₂ně₅ bá₄, tē₁lia'₂ chong₂ o₃ jē₁ma₂dsau₃ 'e₂, lág₅ i₂quián₅ Te₁gui'₅₄ bá₄.

9 'Uig₅₄ jaun₂ ca₂jon₃ Cristo, ton'₂ ca₂jein'₅₄ táng₃: ia₁jaun₂ lēin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ ně₃.

10 La₁ 'ne₂ ně₃, ħ₂'e₂ 'uig₅₄ cáun'₂ 'í₁ ja₁con₂ ríng'₂? ħ₂o₃ 'e₂ lě₃ jing'₅₄ sion₅ ríng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁ŋia₅ ne₄ Diú₄ ia₁jaun₂ con₂ 'éi₂ 'í₁ quián₂.

11 Ia₁ ne₄ Si₂juá'₂:
Jui₁lia'₂ a₂dsón'₂ dsau₅ bá₄ a₂chan₂ jniá₂,
juá'₂ Te₁gui'₅₄,
le₂ně₅ bá₄ dsau₅ dsón'₂,
ca₂le₃jín₃ bá₄ qui₃jóin'₂ jne₅₄ ne₃ jniá₂,
jaun₂ ca₂le₃jín₃ bá₄ jmo₃ jág₁ quian'₅₄ mi₂'o₅₄
le₃ne₄ Diú₄.*

12 Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

Tsá₃ jmó'₂ jua'₅₄ qui₂nió₃ ríng'₂

13 Jaun₂ lě₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin'₅₄. Tē₂le₃ jmo₄ 'nia'₂ 'í₁, jmo₄ co₂ŋei'₅₄ tsá₃ 'e₂ jmó'₂ 'i₁caun₂ jua'₅₄ a₂qui₃nió₃ ríng'₂.

14 Guion₄ bá₄ jniá₂, 'ei₅ caun₂ dsi₃ le₃quió'₅ Te₁gui'₅₄, 'i₁caun₂ tsá₃ cha₂ jua'₅₄ tsá₃ le₁jě₃ con'₂ lě₅ 'niog₅. La₁ ně₁jua'₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jě₃, le₃quió'₅ 'niog₅ bá₄, tsá₃ le₁jě₃.

15 Ně₁jua'₂ ca₂jén'₃ qui₂ dsí₅ ríng'₂ o₄quió'₄ a₂quē'₂ 'ne₂, tsá₃ ma₃jmo'₂ a₂'nióg'₃ ríng'₂. Tsá₃ jmo₂ jua'₅₄ cuē'₁ jui₅ o₄quió'₄ a₂quē'₂, a₂dsi₂'én₂ jan₂ ríng'₂, ia₁ ca₂jon₃ Cristo o₄quió'₄ 'éi₂ ján₃.

16 Tsá₃ cuē'₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ě₃ jui₁lia'₂ a₂jmo'₂ 'au'₂ a₂dse₃.

* 14:11 Isaías 49:18; 45:23.

17 Ia₁ ju₁lia'₂ ja₁gon₂ Diú₄, tsá₃ lin₄ quen₅ ju₁lia'₂ a₂gué'₅ dsa₂, a₂qui₂'ín'₂ dsa₂ ně₃; a₂jaun₂ bá₄ a₂quen₅ gué'₄ lin₃: a₂gué'₁ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'ñió₃ o₂jñia₃ dsi₅ të₂le₃ quian'₅₄ Jme₂dsí₂ Jñió₅.

18 Ia₁ ju₁lia'₂ i₂jme₂ti₃ ta₁ ne₄ Cristo le₂ně₅, jmo₂₃ a₂'ñio₂ dsí₅ Diú₄, ton'₂ dse₃ 'ag₅ táng₃ dsa₂ mi₂güí₃.

19 Le₂ně₅ bá₄ jaun₂, caun₂ ju₁'niog'₅₄ jniog₄ jmá'₃ lia'₂ a₂cuē₅ ju₁ ja₁'ag₃ tei₄, a₂jme₂'o₅₄ dsi₃cau₅₄ jniog₄ të₂le₃ ju₁ jme₂dsí₂.

20 Tsá₃ lē₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jě₃ ca₂le₃jě₃ a₂niog₅ gué'₅ dsa₂. La₁ tsá₃ dse₃ ně₁ju₁' o₄quió'₄ a₂quē'₂ 'ne₂, tián'₂ dso₄ ríng'₂.

21 Ja₂lin₃ gué'₄ dse₃ a₂tsá₃ quíg'₂ ñí₅, on₃ gué'₂ 'ag'₅₄ vino, on₃ gué'₂ jmó'₂ ju₁'e₂ gué'₃ a₂lé₂ le₃qui₃nió₃ ríng'₂.

22 Ju₁lia'₂ a₂'én'₂ 'ne₂, a₂'én'₂ 'ne₂ 'ñiag'₂ bá₄ jaun₂ të₂le₃ ne₄ Diú₄. ¡'E₂ gué'₄ dsen₃ ju₁lia'₂ dsa₂ i₂con₂ 'í₁ ja₁con₂ 'ñiog₅, i₂tsá₃ qui₂dsi₂jñi₅ dsí₅ o₄quió'₄ a₂cuē₂₃ jmig₄ 'ñiog₅!

23 La₁ ju₁lia'₂ dsa₂ i₂gué'₅, i₂'ei₅ caun₂-tin₃ dsí₅, ma₂gue₃ uig₅, ia₁ tsá₃ ca₂gué'₃ të₂le₃ quian'₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lě₅ të₂le₃ quian'₅₄ a₂'éin₂, dso₄ bá₄ jaun₂.

15

Jmo₄ a₂'ñio₂ dsí₅ dsa₂ mi₂güí₃ ríng'₂, on₃ju₁' rē'₂ jmá'₃ a₂tē₅ 'au'₂ 'ñiag'₂

1 Jniog₄ i₂tióng₂ tiá₂ a₂'éin₂, ca₂tág₂ gué'₁ co₂'nió'₄ caun₂ lio₅₄ quián₂, 'a₂ lia'₂ qui₂ñí'₂ dsí₅ dsa₂ i₂'uan₅₄ 'a₂ lia'₂ 'éin₂, jaun₂ tsá₃ 'nió'₅ jmó₁ con'₂ a₂tē₅ dsi₅ guio₅₄.

2 Le₂jau₂ le₂jau₂ bá₄ jniog₄ ca₂tág₂ jmó₁ a₂tē₅ dsí₅ dsa₂ mi₂güí₃ rin'₅₄, a₂jmó₁ a₂lě₅ a₂dse₃ ja₁coin₂, ju₁lia'₂ ju₁ ja₁lé₂ qui₂dsi₃cóin₃ le₃quió'₅ jme₂dsí₂.

3 Ia₁ ca₂lia'₂ jñia'₅₄ 'ñiog₅ Cristo tsá₃ ca₂jmo₃ a₂tē₅ dsí₅ 'ñiog₅. Të₂le₃ ca₂iñi₂ ju₁lia'₂ juá'₂ ne₄ Si₂:

Ca₂le₃jě₃ jág₁ uig₅ a₂jme₁tsí'₅ dsa₂ 'nia'₂,

ne₃ jniá₂ bá₄ ca₂tē₁tsí'₅₄.*

4 Ia₁ ca₂le₃jě₃ con'₂ lě₅ jág₁ a₂ca₂i₃to'₅₄ ne₄ Si₂, a₂ca₂i₃to'₅₄ ia₁jaun₂ jme₁tag₅ jniog₄ rē₂ně₃, ia₁jaun₂ caun₂ chong₂ jniog₄ 'ín₂ dsi₅ le₃quió'₅ Diú₄, të₂le₃ quian'₅₄ a₂juin'₂ dsi₅, a₂lě₂ lián'₂ dsi₅ a₂cuē₅ jág₁ a₂já₅ ne₄ Si₂ jaun₂.

5 Ju₁jme₂'o₅₄ bá₄ Diú₄, i₂jmo₅ a₂juin'₂ dsí₅ dsa₂, i₂cuē₅ lián'₂ ně₃, ju₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lě₅ i₂nio'₅₄ 'nia'₂ ju₁ quió'₅ Cristo Jesús,†

6 ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jme₁ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁con₂ dsi₂nau₂

7 Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ ju₁lia'₂ ca₂gué'₁ Cristo guio₅₄ jniog₄, ia₁jaun₂ le₃juin'₂ Diú₄.

8 Ia₁ a₂juá'₅ jniá₂ juí₂ 'nia'₂, ca₂guan₃ I₂rē₂'ín₁ quián₅ Diú₄, ca₂jme₃ti₃ ja₁con₂ jnia'₅₄ con'₂ lág₅ dsa₂ judíos,‡ ia₁jaun₂ le₃ti₃ jág₁ ron₅ a₂ca₂ñi₂ dsa₂ can'₅₄ quián₂ jnia'₅₄ ma₂líg'₂. Jaun₂ le₂ně₅ bá₄ ca₂rē₃jniá₂ ně₃ i₂rē₂ti'₅₄ bá₄ Diú₄ jág₁ a₂cuē₂₃.

9 Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ñéi₂ dsí₅, ju₁lia'₂ rē₂ton₅ ne₄ Si₂:

'Uig₅₄ jaun₂ jme₁juin'₂ jniá₂ 'ne₂ jin₄ dsi₂nau₂;

* 15:3 Salmo 69:9. † 15:5 'Nio'₂ ja₁ton₅, Filipenses 2:5. ‡ 15:8 lit. "dsa₂ i₂rē₂uing₄ quió'₅."

'ë₅₄ jniá₂ ne'₅₄ 'ne₂ a₂jme₁juag'₂.§

10 Con'₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

quian'₅₄ dsa₂ juig₂ quiáin₅.*

11 Ja₁siá'₂ táng₃ juá'₂:

Jme₁juin'₂ 'nia'₂ Te₁gui'₅₄,

'nia'₂ ca₂le₃jín₃ dsi₂nau₂,

jui₁jme₂juag'₂ bá₄ ca₂le₃jě₃ juig₂.†

12 Ján₃ bá₄ juá'₂ Isaías:

'Nio₂ tsin₅ cho'₅₄ Isái,

jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;

le₃quió'₅ 'éi₂ bá₄ qui₃le₃'ín₂ dsi₅

le₂caun₂ le₂caun₂ juig₂.‡

13 Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, jui₁jme₂cain'₂ bá₄ 'au'₂ 'nia'₂, a₂chang'₂ jmó'₂ 'nia'₂ 'io'₂, 'ag₃ tei₄ a₂'éng'₂ le₃quió'₅, ia₁jaun₂ rě₂tsón₂ a₂le₁'ág₄ caun₂ 'au'₂ a₂'ín₂ 'au'₂ 'nia'₂ quian'₅₄ jui₅bí₂ quió'₅ Jme₂dsí₂ Jnió₅.

14 Caun₂ bá₄ 'ei₅ dsi₃ jniá₂, rin'₅₄ jniog₄, ma₂qui₂le₁rin₅ 'au'₂ 'nia'₂ a₂ñéi₂ 'au'₂ ríng'₂, ton'₂ qui₂le₁rin₅ 'au'₂ 'nia'₂ a₂tín'₂ 'nia'₂, jaun₂ qui'₅₄ 'nia'₂ jmig₄ tóng'₄ jág₁ ríng'₂ le₂jang'₂ le₂jang'₂.

15 A₂tiá₂ dsi₃ jniá₂ ma₂ně₂juá'₃ ja₁lin₅₄, ma₂ně₂tó'₃ jniá₂ jág₁ ne₄ si₂ la₂ ne'₅₄ 'nia'₂, ia₁jaun₂ tsá₃ dsi₃'én₂ 'au'₂ 'nia'₂, A₂'ua₁ dsi₅ bá₄ Diú₄ ma₂dsia₃ gu₃ ta₁ la₂,

16 a₂jme₂tí₁ ne₄ Jesucristo jě₄ quió'₅ dsi₂nau₂, a₂qui₂jen'₄ jniá₂ ne'₅₄ 'nia'₂ jág₁ dse₃ a₂lión₂ dsa₂, ia₁jaun₂ lé₂ qui₁jen'₄ 'nia'₂ i₂líng'₅ dsi₂nau₂, le₃ne₄ Diú₄, ně₂jag₄ bá₄ caun₂ a₂rě₂jen'₅₄ a₂guéi'₃, co₂'nió'₄ dsa₂ i₂ma₂rě₂tson₄, ca₂jmo₃ Jme₂dsí₂ Jnió₅.

17 Jaun₂ lě₃, jmo₅ jniá₂ táng'₅ le₃quió'₅ Cristo Jesús, quian'₅₄ ta₁ a₂jmo₅ jniá₂ ne₄ Diú₄;

18 on₃jua'₅₄ rě'₂ a₂tiá₂ dsi₃ jniá₂ le₃juá'₄ lě₅ guě₄ lia'₂ con'₂ guě₄ jui₁lia'₂ a₂ma₂qui₂ma₂jmo₃ Cristo tě₂le₃ quian'₅₄ jniá₂, a₂tsin'₅₄ jniá₂ dsi₂nau₂ ne₄ jui₅, quian'₅₄ jág₁ quió₃, quian'₅₄ ta₁ quió₃ ně₃, a₂le₃ne'₅₄ 'éi₂ ne₄ Diú₄.

19 A₂lě₅ ta₁ ně₅ tě₂le₃ quian'₅₄ jui₅bí₂ a₂'io₅ léi₄ juě'₂ a₂dsi₂gó'₃ dsi₅ dsa₂, tě₂le₃ quian'₅₄ jui₅bí₂ quió'₅ Jme₂dsí₂ Jnió₅ ně₃. Le₂ně₅ bá₄ ma₂ca₂jme₁ñiag₂₃ ta₁ ma₂qui₂ma₂'ě₃ jág₁ dse₃ quió'₅ Cristo, ca₂jme₁lióg₄ jniá₂ juig₂ Jerusalén, jaun₂ guě₄ ñeg₅₄ ta₁caun₂ jui₅ le₃lág'₃, ca₂lia'₂ ca₂dsióg₃ tě₂ 'uě₃ Ilírico.

20 Le₂ně₅ bá₄ ma₂ca₂jmo₃ dsen₅₄ dsi₃ ma₂qui₂ma₂'ě₃ jág₁ le₂tan₅₄ juig₂ ja₁'i₁cón'₂ tsá₃ jme₁ma₂nág₂ dsa₂ a₂'ín₅ dsa₂ Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia'₂ a₂ma₂ca₂jme₃lióg₃ i₂sián'₂.

21 La₁ jui₁lia'₂ juá'₂ ne₄ Si₂:

Jág₃ dsa₂ jín₃ 'éi₂

i₂tsá₃ jme₁ma₂gú'₃ jág₁ quió'₅;

jaun₂ le₃ñí'₂ dsi₅

jui₁lia'₂ i₂tsá₃ jme₁ma₂nág₂ a₂'ín₅ 'éi₂.§

Dsi₂jio₅ dsi₅ Pa₄ dsó₃ jui₅ Roma

22 'Uig₅₄ ně₅ ca₂jní₃ jniá₂ jui₅ 'lióng₂ ráun₂ lia'₂ con'₂ jme₁'nio₃ jme₁i₁jing₁₂ 'nia'₂.

23 La₁ ně₃ guě'₂ lia'₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂ ma₂ne₁ñó₄ bá₄ 'lióng₂ ñi₂ jme₁'ín₅ dsi₃ jme₁nei₅₄ i₁jing₁₂ 'nia'₂,

§ 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1. ‡ 15:12 Isaías 11:10. § 15:21 Isaías 52:15.

24 'in₂ dsi₃ jniá₂ ηi_g₅₄ jui₅ ja₁tion'₅₄ 'nia'₂ jē₁ma₂tě₂ rē₁nei₅₄ jui₅ España, ia₁jaun₂ lé₂ le₃tsag'₅₄ ne₄ jui₅ jaun₂, cang₂ jē₁ma₂ca₂mag'₂ dsi₃ jing₅₄ 'nia'₂.

25 La₁ rē₂ně₃ ně₃, 'eng₅₄ jui₅ nei₅₄ jui₅ Jerusalén, a₂jme₁ti₁ jniá₂ ta₁ ja₁con₂ dsa₂ quián₅ Diú₄ ja₁jaun₂.

26 Ia₁ i₂chan₂ Macedonia quian'₅₄ i₂chan₂ Acaya ně₃, ca₂jmo₃ dsi₅ ca₂cág'₃ cu₄ a₂chein₃ ne₄ rin'₅₄ jniog₄ i₂tě₂ηé₂ i₂chan₂ jui_g₂ Jerusalén.

27 A₂ηio₂ dsi₅ ca₂jmo₃ le₂jaun₂, ia₁ dsau₅ bá₄ jaun₂ riin₂ le₃quió'₅ 'éi₂. Ia₁ chi₂jua'₂ ma₂qui₂ma₂quen'₅₄ dsi₂nau₂ a₂gu₂dsi₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tíin₂ jme₃'o₅₄ quian'₅₄ a₂'nió'₅ le₃quió'₅ ni₁ηí₅.

28 Jaun₂ le₂ně₅, jē₁ma₂ca₂dsan₃ jáng'₅ jniá₂ ne₅₄ a₂ma₂ca₂cág'₃ dsa₂ jaun₂, jaun₂ guě₄ 'ú₄ jui₅ a₂nei₅₄ jui₅ España, a₂i₁jing₁₂ 'nia'₂ lia'₂ ma₂'eng₅₄ jui₅.

29 Jaun₂ caun₂ bá₄ 'ei₅ dsi₃, a₂jme₃gu'₅₄ bá₄ Cristo lia'₂ rē₂ηia₅ jē₁ma₂tě₂ rē₁dsióg₄ jniá₂ a₂i₁jing₁₂ 'nia'₂.

30 Rin'₅₄ jniog₄, mi₅ jniá₂ ja₁con'₂ 'nia'₂ lia'₂ con'₂ lě₅ 'éi'₃ quió'₅ Te₁gui'₅₄ Jesucristo quián₂ jniog₄, ton'₂ ia₁ a₂cuē₅ jme₂dsi₂ bí₂, a₂jme₁'nió₄ jniog₄ rin'₅₄: a₂jme₁quiong'₅₄ 'nia'₂ jniá₂, ne₄ 'nei₂ a₂chéng'₅, a₂chi₁len'₄ 'nia'₂ Diú₄ o₄quió₃.

31 Mi₄ 'nia'₂ ne₄ Diú₄ jui₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guě'₂ ján₃ jui₁gue₅₄ bá₄ rin'₅₄ jniog₄ jui_g₂ Jerusalén caun₂ dse₃ a₂i₁can₁₂ a₂jme₁'oin₁₂,

32 ia₁jaun₂ chi₂jua'₂ 'nio₃ Diú₄ a₂dsióg₄ jniá₂, i₁jing₁₂ 'nia'₂ a₂'io'₂ jmo₂₃, a₂tág'₄ jme₂dsi₂ quió₃ co₂dsia₅ quian'₅₄ 'nia'₂.

33 Jui₁quiong'₅₄ bá₄ Diú₄ i₂jmo₅ 'ei₅ tei₄, ca₂le₃jín'₃ 'nia'₂. A₂méi₃.

16

Cuin₂₃ Diú₄ le₂jan₂ le₂jan₂

1 Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂já₅ jme₂ti₃ ja₁con₂ guá'₅ chan₂ Cencrea.

2 Guein₅₄ bá₄ dse₃ o₄quió'₄ Te₁gui'₅₄, jmo₄ bá₄ con'₂ dsi₂ten₅₄ jmo₃ dsa₂ ja₁con₂ rin'₅₄ i₂'én₂, * ján₃ guě'₂ jme₁'oin₁₂ quian'₅₄ jui₁'e₂ guě₃ a₂ca₂rě₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂ 'ηiog₅ ma₂ca₂jme₃'oin₅₄ juin₅, ján₃ guě'₂ le₂jaun₂ ma₂ca₂jme₃'o₅₄ jniá₂.

3 Cuin₅₄ Diú₄ Priscila† quian'₅₄ Aquila, i₂lín₅ i₂quian'₅₄ jniá₂ jē₄ ta₁ a₂niog₅ quió'₅ Cristo Jesús.

4 'Éi₂ bá₄ ca₂jmo₃ tén'₂ dsi₅ o₄quió₃ jniá₂, o₁ηia'₅₄ ca₂quí'₃ dsa₂ dsi₂lag₅₄. Jaun₂ cuě₅ jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jín₃ dsi₂nau₂ i₂'én₂ cuě₂₃ ti₁'mag'₄ ján₃.

5 Ně₅ i₂cuíng'₅ Diú₄ ján₃ dsa₂ rin'₅₄ jniog₄ i₂ηi'₂ dsi₂néi₂ quió'₅ Priscila quian'₅₄ Aquila ně₃. Cuin₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rě₃'én₂ le₃quió'₅ Cristo 'uě₃ Acaya.‡

6 Cuin₅₄ co₂nio₄ Diú₄ María, ia₁ 'ηio₅ lín₃ ma₂jmo₃ ta₁ o₄quián'₂ 'nia'₂.

7 Cuin₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né₃ 'má₃; co₂'nió'₄ dsa₂ i₂lén₄ i₂cuig₅ guě₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄ le₃quió'₅ Cristo le₂jniá₅ guě₄ con'₂ guě₄ jniá₂.

8 Cuin₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

9 Cuin₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis ně₃ i₂lín₅ a₂mei₅₄ quiáng₃ i₂'nió₃ guě₄ lín₃.

10 Cuin₅₄ Diú₄ Apeles, i₂ma₂já₅ cuě₂₃ léi₄ a₂ηi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

* 16:2 lit. "dsa₂ jnió₅." † 16:3 griego: Prisca. ‡ 16:5 griego: Asia.

11 Cuin₅₄ Diú₄ Herodión, dsa₂ go₃ jniá₂, quian'₅₄ guë'₂ dsa₂ familia quián₅ Narciso i₂én₂ le₃quió'₅ Te₁gui'₅₄.

12 Cuin₅₄ bá₄ co₂nio₄ Diú₄ Trifena quian'₅₄ Trifosa ně₃, on₃ dsa₂ mí₂ i₂jmo₅ ta₁ quió'₅ Te₁gui'₅₄, quian'₅₄ guë'₂ 'io₅₄ rín'₅₄ jniog₄ Pérsida i₂'nió₄ guë'₄ lín₃, i₂ñí₄ ma₂jmo₃ ta₁ quió'₅ Te₁gui'₅₄ ján₃.

13 Cuin₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jing₅₄ ně₂jag₄ bá₄ cha₃ ján₃.

14 Cuin₅₄ Diú₄ Asíncrito, Flegonte, quian'₅₄ guë'₂ Hermas, Patrobas, Hermes ně₃, quian'₅₄ guë'₂ dsa₂ rín'₅₄ jniog₄ i₂quian'₅₄ ně₃.

15 Cuin₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo ně₃, quian'₅₄ 'io₅₄ rín'₅₄; cuin₅₄ 'nia'₂ Diú₄ Olimpás quian'₅₄ guë'₂ ca₂le₃jín₃ rín'₅₄ jniog₄ i₂én₂ § i₂tion'₅₄ quian'₅₄.

16 Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ * 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂ jág₁ a₂cuin₂₃ Diú₄ 'nia'₂.

17 Rín'₅₄ jniog₄, mí₅ jniá₂ ne'₅₄ 'nia'₂, rě₂ de'₂ quion₂ 'nia'₂ 'í₁, 'ein₂ dsia₅ mí'₅₄ jmo₅ le₁dson'₅₄ guá'₅, 'ein₂ chí'₅ juí₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lě₅ jág₁ a₂ma₂ca₂rě₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂.

18 Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ jñia'₅₄ jme₂ti₃ ne₄ a₂mí₅ ni₁ñi₁ guioin₅₄ bá₄, qui₂jme₂gain₂₃ dsí₅ juí₁lia'₂ dsa₂ i₂tsá₃ lín₄ ñí'₂ dsí₅, quian'₅₄ jág₁ 'ua₁, jág₁ rau₂ ně₃.

19 Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂ně₅ a₂lěng'₂ dsa₂ i₂tsá₃ 'e₂ dsi₂jñia₅ dsí₅ ne₄ a₂'lig'₅₄.

20 Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂sě₃dsen₃ o₄tag'₄ 'nia'₂. Juí₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

21 Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

22 Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuín₅ jniá₂ Diú₄ 'nia'₂ o₄quió'₄ Te₁gui'₅₄.

23 Gayo ně₃ dsiáin'₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Ján₃ bá₄ cuë₂₃ dsi₂néi₂ quió'₅ cuë'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂cu₄ quió'₅ dsa₂ juig₂ ně₃, dsiáin'₂ jág₁ a₂cuin₂₃ Diú₄ 'nia'₂ ján₃; i₂chen₂ Cuarto rín'₅₄ jniog₄ ně₃.

24 Juí₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

25 Ně₃ ně₃, juí₁jme₂juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁ quió'₅ a₂jme₁rě₂'ma₄ ca₃ma₂líg'₂ lín₃.

26 Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ jág₁ dsa₂ i₂chen₄ quián₅ ma₂líg'₂, jág₁ a₂ca₂tó'₂ 'éi₂ ne₄ Si₂, ia₁jaun₂ le₃ñi₅ dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ jág₁ jaun₂, le₃nei'₅₄ ně₃.

27 ¡Diú₄ i₂jan₂ tan₅₄, i₂tín₂, i₂ñi₅, juí₁le₂juin'₂ bá₄ tē₂le₃ quian'₅₄ Jesucristo ca₂lia'₂ co₂tan₅₄! A₂méi₃.

Co₂ně₅.

§ 16:15 lit. "dsa₂ jñiós." * 16:16 Caun₂ tag₄ a₂jme₂chí'₄ lia'₂ con'₂ ca₂jmo₃ Pa₄ si₂ la₂. † 16:24 Chog₅₄ si₂ a₂dse₃ guë'₄ tsá₃ chí₁ton₅

Si carta le 'uig⁵⁴ a ca²jmo³ San Pablo ne⁴ dsa² CORINTIOS

Jmo⁵ Pa⁴ si le 'uig⁵⁴ a²chein² ne⁴ Guá'⁵ i²chan² juig² Corinto

¹ Jniá² Pa⁴, co²në⁵ ca²rë³'ñi³ó³ dsi⁵ Diú⁴, ca²të³ 'éi² a²léng² dsa² i²chen⁴ quián⁵ Te¹gui'⁵⁴ Jesucristo; jnia'⁵⁴ co²dsia⁵ quian'⁵⁴ Sóstenes rin'⁵⁴ jniog⁴,

² jmo²³ si carta la² a²dsian'⁴ ja¹con² guá'⁵ quián⁵ Diú⁴, dsa² chan² juig² Corinto, dsa² i²ma²të⁵ Diú⁴ a²lén² dsa² i²le³chan² lë⁵ 'í¹ le³quió'⁵ Cristo Jesús; co²dsia⁵ bá⁴ quian'⁵⁴ ca²le³jín³ i²jme²juin'² Te¹gui'⁵⁴ Jesucristo ca²le²con² mi²güig³, a²lín⁵ 'éi² Te¹gui'⁵⁴ quián⁵, ju¹lia'² quián² jniog⁴ táng³:

³ Ju¹chan'² bá⁴ 'nia'² 'ei⁵ tei⁴, ju¹i²jme²gu'⁵⁴ bá⁴ Diú⁴ i²lín⁵ jmei² jniog⁴, ju¹i²jme²gu'⁵⁴ Te¹gui'⁵⁴ Jesucristo ján³.

Jme²gu'⁵⁴ Diú⁴ të²le³ quian'⁵⁴ Cristo

⁴ Ca²le³o³ jmi⁴ bá⁴ cuë⁵ jniá² ti¹'mag'⁴ Diú⁴ o⁴quián'² 'nia'², ia¹ ca²jme³gu'⁵⁴ bá⁴ Diú⁴ të²le³ quian'⁵⁴ Cristo Jesús.

⁵ Të²le³ ia¹ a²chan'² 'nia'² le³quió'⁵ Cristo, Diú⁴ bá⁴ ma²ca²jme³'o⁵⁴ 'nia'² ca²le³jë³ ne⁵⁴ a²dse³ quió'⁵, ju¹lia'² jág¹ a²'ña'² 'nia'², ju¹lia'² ca²le³jë³ a²tín'² 'nia'² në³.

⁶ Le²në⁵ bá⁴ ca²le³jë³ 'e² niog⁵ ca²jme¹tag⁵ jnia'⁵⁴ të²le³ quió'⁵ Cristo, ma²ca²rë³ti³ bá⁴ të²le³ quian'⁵⁴ 'nia'².

⁷ Jaun² lë³, tsá³ ma³'e² 'nió'⁵ quián'² 'nia'² jua'⁵⁴ a²cuë³ Diú⁴ caun² bí² a²gu²dsí², të¹lia'² jan'⁵⁴ 'nia'² a²'ín² 'au'² a²jme³jnia⁵ Te¹gui'⁵⁴ Jesucristo quián² jniog⁴.

⁸ 'Éi² bá⁴ jme³'o⁵⁴ náu'¹ 'nia'² tiá² ca²të² jmi⁴ jë¹ca²tó'², ia¹ jaun² tsá³ 'e² dso⁴ rin'² 'nia'² jë¹ma²ca²të² jmi⁴ quió'⁵ Te¹gui'⁵⁴ Jesucristo.

⁹ I²jme³ti³ bá⁴ Diú⁴ ca²le³jë³ jág¹ quió'⁵; 'éi² bá⁴ ma²ca²të³ 'nia'² 'ag³ caun² jág¹ quian'⁵⁴ Jesucristo ja¹ñi'⁵⁴, Te¹gui'⁵⁴ quián².

A²tsi²jín⁵ dsa² dsia²³ mi'⁵⁴ jmo²³ le²dsoin'⁵⁴

¹⁰ Rin'⁵⁴ jniog⁴, mi⁵ jniá² ja¹con'² 'nia'² quian'⁵⁴ 'éi'³ quió'⁵ Jesucristo Te¹gui'⁵⁴ quián², 'éi² 'nia'² caun² jág¹, tsá³ dsia² 'nia'² mi'⁵⁴ a²jmó'² le¹dsong'⁵⁴. Të²le³ ca²tín'² bá⁴ 'nia'² tóng'⁴ 'ei⁵ caun² jág¹ jen'² 'nia'², ju¹lia'² 'a² lia'² ñí'² 'nia'², a²dsi²jniog⁵ 'au'² në³.

¹¹ Juí² jniá² 'nia'² le²në⁵, rin'⁵⁴ jniog⁴, ia¹ ca²rë³chá³ jág¹ juá'² dsa² familia quián⁵ Cloé, 'a² lia'² lë⁵ tion'⁵⁴ 'nia'², a²niog⁵ mi'⁵⁴ jin'⁴ 'nia'².

¹² Co²'nió'⁴ le³jua'⁵⁴ jág¹, jma³quén⁵ bá⁴ ma²lë⁵ jag'⁵⁴ 'nia'² tiong'⁵⁴. I²lín⁵⁴ ma²juá'²: “I²quián⁵ Pa⁴ bá⁴ jniá²”; i²lín⁵⁴ guë'² juá'² táng³: “Jniá² guë'² líng⁵ i²quián⁵ Pe⁴”; sián'² guë'² juá'² táng³: “Jniá² guë'² líng⁵ dsa² i²quián⁵ Apolos”; i²lín⁵⁴ guë'² juá'² táng³: “Jniá² guë'² líng⁵ i²quián⁵ Cristo.”

¹³ ¿O³ bá⁴ le¹dso'⁴ ma²i²lë² quió'⁵ Cristo në¹jua'² le²jaun²? ¿O³ bá⁴ Pa⁴ i²ca²të¹ton⁵⁴ cróg⁴ o⁴quián'² 'nia'²? Le²jaun² guë'² ján³, ¿O³ bá⁴ lia'² con'² lë⁵ 'éi'³ quió'⁵ Pa⁴ ca²jñó'² 'nia'² jmi⁴?*

¹⁴ Ti¹'mag'⁴ Diú⁴ tsá³ jniá² ca²chóng³ jmi⁴† 'i¹jan'² 'nia'², jña'⁵⁴ lia'² Crispo quian'⁵⁴ Gayo,

¹⁵ con'² tsá³ lë⁵ jua'⁵⁴ a²dsia³ dsa² a²ca²chóin³ jniá² jmi⁴‡ lia'² con'² lë⁵ 'éi'³ quió³.

* **1:13** lit. “ca²i³tian'³ 'nia'² jmi⁴.” † **1:14** lit. “ca²tióg³ jmi⁴.” ‡ **1:15** lit. “a²ca²tiáin³ jniá² jmi⁴.”

16 (Jn_{ia}'₅₄ lia'₂ familia quián₅ Estéfan_{as} bá₄ ján₃, dsá₂ ds_i₃ ca₂chón₃ jniá₂ jmig₂. Jaun₂ tsá₃ ma₃dsá₂ ds_i₃ jua'₅₄ chan₂ gué₄ i₂sián'₂ ca₂chón₃ jniá₂ jmig₂.)[§]

17 Ia₁ tsá₃ ta₁ jaun₂ ca₂chei₃ Cristo jniá₂ jua'₅₄ a₂tsón₄ jniá₂ jmig₂ dsa₂, * con'₂ jn_{ia}'₅₄ lia'₂ a₂qui₁'_ě₄ jág₁ a₂tín'₄ dsa₂ bá₄, on₃jua'₅₄ qui₁ton₁ jág₁ jua'₅₄ a₂jmo₅₄ a₂ñ_i₄ t_{ing}₂, con'₂ tsá₃ lě₅ jua'₅₄ a₂tsá₃ ta₁ tí₄ a₂ca₂guen₃ Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

18 Jág₁ dse₃ la₂, 'a₂ lia'₂ ca₂jon₃ Cristo ne₄ cróg₄, lě₅ jág₁ co₄ tē₂le₃ ja₁con₂ dsa₂ i₂tion'₅₄ ju_i₅ ds_i₃'_{én}₂. La₁ tē₂le₃ quián₂ jniog₄ i₂tio'₅₄ ju_i₅ a₂tág'₄, lě₅ ju_i₅bí₂ quió'₅ Diú₄.

19 Ia₁ ju_i₁lia'₂ juá'₂ ne₄ Si₂:
Co₂dsia₅ 'én₄ jniá₂ ju_i₁lia'₂ a₂t_{in}₂ dsa₂

i₂ñ_i₄ lě₃ ñ_i₅ jmo₅,
ján₃ gué'₂ jmo₅₄ cau₅ jág₁ a₂ñ_i₂ ds_i₅
dsa₂ i₂jmo₅ a₂ñ_i₄ lě₃ 'ñioi₅₄.†

20 ¿'E₂ bá₄ ta₁ tén₄ ju_i₁lia'₂ dsa₂ i₂ñ_i₄ t_{in}₂ ně₃, ju_i₁lia'₂ tē₅, o₃ ju_i₁lia'₂ dsa₂ i₂ñ_i₄ ñ_i₅ dsia₃ ca₂le₃jě₃ 'a₂ lia'₂ niog₅ lě₅ mi₂güig₃ la₂? Ia₁ ca₂le₃jě₃ 'e₂ niog₅ ñ_i₂ dsa₂ mi₂güig₃ la₂, 'ñiog₅ bá₄ Diú₄ ma₂jmo₃ jág₁ jaun₂ a₂tsá₃ ta₁ tí₄.

21 Ia₁ ju_i₁lia'₂ ca₂'nau'₃ ds_i₅ Diú₄ jmo₃, tsá₃ ca₂rě₃cuig₅ dsa₂ mi₂güig₃ tē₂le₃ quian'₅₄ jág₁ a₂ñ_i₂ ds_i₅ guioin₅₄, a₂jaun₂ bá₄ ca₂rě₃'ñio₃ ds_i₅ Diú₄ a₂lióin₂ dsa₂ i₂'én₂ jág₁ quió'₅, tē₂le₃ quian'₅₄ jág₁ a₂ca₂'ě₂ dsa₂, caun₂ jág₁ a₂jmo₅ dsa₂ mi₂güig₃ ds_i₅ caun₂ jág₁ co₄.

22 Ju_i₁lia'₂ dsa₂ judíos ně₃, 'nio₃ tē₃ ne₅₄ léi₄ juě'₂, dsa₂ griego ně₃ 'no'₂ jág₁ a₂le₃ñ_i₂ ds_i₅,

23 Ia₁ia₁ jniá'₅₄ ně₃, qui₂'_ě₅ jág₁ 'ín₅ jniá'₅₄ Cristo i₂ca₂jon₃ tē₁ton₅₄ cróg₄. Jág₁ ně₅ ně₃, lě₅ caun₂ a₂jnág₅ ju_i₅ ja₁jme₁rě₂'_{én}₂ dsa₂ judíos, ján₃ bá₄ lě₅ caun₂ jág₁ co₄ tē₂le₃ quió'₅ ds_i₂nau₂.

24 La₁ tē₂le₃ quió'₅ dsa₂ i₂ma₂tē₅ Diú₄, lia'₂ dsa₂ judíos lia'₂ dsa₂ griegos táng₃, 'ín₅ jniá'₅₄ Cristo i₂lín₅ ju_i₅bí₂ quió'₅ Diú₄, i₂lín₅ jág₁ a₂ñ_i₂ ds_i₅ Diú₄ ně₃.

25 Ia₁ co₂'nió'₄ jág₁ co₄ quió'₅ Diú₄, juá'₂ dsa₂ mi₂güig₃, jág₁ ně₅ bá₄ a₂lě₅ a₂dsen₅₄ quen₅ gué₄ lia'₂ con'₂ gué₄ jág₁ a₂ñ_i₂ ds_i₅ dsa₂ mi₂güig₃. Ján₃ bá₄ ju_i₁lia'₂ a₂jmo₅ dsa₂ ds_i₅ a₂'uan₅₄ quió'₅ Diú₄, a₂jaun₂ gué₄ dsón'₂ a₂'io₅ gué₄ bí₂ lia'₂ con'₂ gué₄ bí₂ quió'₅ dsa₂ mi₂güig₃.

26 Rin'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tē₃ Diú₄ 'nia'₂. Tsá₃ juin'₅ 'nia'₂ i₂t_{in}₂ ñ_i₅ lia'₂ con'₂ lě₅ ñ_i₅ dsa₂ mi₂güig₃; ján₃ gué₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rě₃chán'₃ ju_i₁lia'₂ familia dsen₅₄ ně₃.

27 La₁ia₁ ma₂quió'₂ Diú₄ jág₁ a₂jmo₅ dsa₂ mi₂güig₃ ds_i₅ jág₁ co₄, a₂jmo₃ a₂tě₃tsin'₅₄ o₂guí'₃ dsa₂ i₂lín₂ ñ_i₂ gué₄ ds_i₅. Ján₃ bá₄ ma₂quió'₂ Diú₄ jág₁ a₂jmo₅ dsa₂ mi₂güig₃ ds_i₅ jág₁ 'uan₅₄, a₂jmo₃ a₂tě₃tsin'₅₄ o₂guí'₃ ju_i₁lia'₂ dsa₂ i₂lín₂ a₂'uain'₂.

28 Ma₂quióin'₂ Diú₄ ju_i₁lia'₂ dsa₂ i₂jín₂ dsa₂ mi₂güig₃ i₂tsá₃ 'e₂ quen₅, i₂sion₅ gué₄, i₂tsá₃ 'e₂ lín₅, a₂tón₂ 'uě₃ ju_i₁lia'₂ i₂ñ_i₄ lě₃ dsen₅₄ lín₂,

29 ia₁jaun₂ tsá₃ 'ein₂ lé₂ dsia₃ jág₁ tá'₅ le₃ne₄ Diú₄.

30 'Ñiog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ñ_i₂ ds_i₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂gwei₃ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄

§ 1:16 lit. "ca₂tián₃ jniá₂ jmig₂." * 1:17 lit. "a₂tián₄ jniá₂ jmig₂ dsa₂." † 1:19 Isaiás 29:14.

jág₂ Diú₄ jniog₄ dsa₂ le₁jín₃ i₂lě₅ 'í₁ quiáin₅; tē₂le₃ quian'₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian'₅₄ Diú₄.

³¹ Jaun₂ lě₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."‡

2

Jág₁ quió'₅ Cristo, a₂ca₂ñó₃ ne₄ cróg₄

¹ Rin'₅₄ jniog₄, lia'₂ con'₂ ñeg₅₄ ja₁con'₂ 'nia'₂, i₁chei₁₂ 'nia'₂ jág₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juíg₂ 'nia'₂ jág₁ ca'₅₄ jui₁lia'₂ jmo₅ dsa₂ i₂ñí₄ tin₂.

² Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ jág₁ siá'₂ jme₁'nio₃ le₃guion₅₄, jñia'₅₄ lia'₂ ca₂ne₅₄ jág₁ quió'₅ Cristo bá₄, i₂tē₁ton₅₄ cróg₄.

³ Ca₂dsióg₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ñio₅ lín₃.

⁴ Lia'₂ jme₁ca₂jme₁ting₂₃ 'nia'₂ jág₁ dse₃, tsá₃ ca₂jmo₃ jág₁ jui₁lia'₂ jmo₅ dsa₂ i₂tin₂; jmá'₃ lia'₂ quian'₅₄ jág₁ a₂jme₂jnia₅ jui₅bí₂ quió'₅ Jme₂dsí₂ Jñió₅ bá₄ ca₂'ě₂ jniá₂ jág₁,

⁵ ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lě₅ a₂'én'₂ 'nia'₂, on₃jua'₅₄ lia'₂ con'₂ lě₅ tin₂ dsa₂ mi₂güí₃.

Jme₂jnia₅ Diú₄ ja₁con₂ dsa₂ mi₂güí₃ tē₂le₃ quian'₅₄ Jme₂dsí₂ quiáin₅

⁶ La₁ia₁ dsia₂ bá₄ jnia'₅₄ jág₁ ca'₅₄ a₂tag₂ a₂ne₄ jin₄ rin'₅₄ i₂ma₂ron₂, la₁ on₃jua'₅₄ jág₁ ca'₅₄ a₂cha₂ mi₂güí₃ la₂, on₃ quē'₂ jág₁ ca'₅₄ quió'₅ dsa₂ i₂gon₂ mi₂güí₃ la₂, i₂qui₂dsi₃ñí₂.

⁷ Tē₂le₃ jág₁ a₂jme₁rē₂'ma₄ quió'₅ Diú₄ la₂ bá₄ 'ě₅ jnia'₅₄, qui₂chei₂ jnia'₅₄ dsa₂ ca₂le₃jě₃ a₂niog₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guě₄ a₂niog₅ mi₂güí₃.

⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅ 'éi'₃ mi₂güí₃ la₂ ma₂ca₂rē₃ñí'₂ jág₁ la₂; ia₁ jua'₅₄ mei'₂ guě₃ ca₂rē₃ñí'₂, tsá₃ jme₁tioin₃ ne₄ cróg₄ Te₁gui'₅₄ 'uan'₂ quián₂.

⁹ La₁ia₁, jui₁lia'₂ juá'₂ ne₄ Si₂:

Tsá₃ ne₄ dsa₂ ma₂tě₂,

on₃ guē'₂ ma₂nág₂,

on₃ guē'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃.*

¹⁰ La₁ tē₂le₃ quian'₅₄ Jme₂dsí₂ quiáin₅, Diú₄ bá₄ ma₂ca₂jme₃jnia₅ a₂jaun₂ ja₁con₂ jniog₄. Ia₁ Jme₂dsí₂ 'éi'₂ bá₄ téi₂ si₂ jág₁ juē'₂ a₂niog₅ cha₂ quió'₅ Diú₄ 'ñiog₅.

¹¹ Tē₂le₃ jin₄ dsa₂ mi₂güí₃ guoin₅₄ guē'₂ ně₃, ¿'ein₂ bá₄ qui'₅₄ jmig₄ le₃ñi₅ 'e₂ dsí₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅ 'ñiog₅ bá₄ dsa₂ a₂'i₄ tē₂dsí₅ ñi? Le₂jaun₂ bá₄ lě₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rē₃ñi₅ 'a₂ lia'₂ dsí₂jio₅ dsí₅ Diú₄; jñia'₅₄ lia'₂ 'ñiog₅ bá₄ Jme₂dsí₂ ñi₅.

¹² Tsá₃ jme₂dsí₂ quián₅ mi₂güí₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñí'₂ dsí₅ jniog₄ ca₂le₃jě₃ 'e₂ a₂ma₂cué₃ Diú₄ jniog₄ ia₁ a₂'ua₁ dsí₅.

¹³ Jniog₄ ně₃, le₂ně₅ lě₅ ca₂le₃jě₃ jág₁ a₂dsia₂ jniog₄ con'₂ lě₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lě₅ jág₁ a₂ñí'₂ dsí₅ dsa₂ mi₂güí₃. Le₂ně₅ bá₄ jme₂jniá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂.†

¹⁴ Jui₁lia'₂ dsa₂ i₂tsá₃ lín₅ i₂gu₂dsí₂ ně₃, tsá₃ guein₂₃ jág₁ quió'₅ Jme₂dsí₂, ia₁ lě₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñí'₂, ia₁ ca₂le₃jě₃ a₂ně₅ qui₃jio₅'₂ 'í₁ tē₂le₃ quian'₅₄ Jme₂dsí₂ bá₄.

‡ 1:31 Jeremías 9:24. * 2:9 Isaías 64:4. † 2:13 O₃, "qui₂chei₂ jnia'₅₄ dsa₂ a₂gu₂dsí₂."

15 La₁ dsa₂ i₂gu₂dsí₂ ně₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂.

16 Ia₁:
 ě₁'Ein₂ bá₄ 'éi₂ i₂ŋi₅
 'a₂ lia₂ dsi₂jio₅ dsí₅ Te₁gui₅₄,
 jua₅₄ lé₂ le₃jme₃tíin₂₃ 'éi₂?[‡]

La₁ jnio₄ ně₃ dsi₂jio₅ dsí₅ ju₁lia₂ dsi₂jio₅ dsí₅ Cristo.

3

Rin'₅₄ jnio₄ i₂jmo₅ ta₁ jme₂ti₃ ne₄ Diú₄

1 Rin'₅₄ jnio₄, tsá₃ ca₂lě₃ jua₅₄ ju₁ig₅₄ 'nia₂ ju₁lia₂ 'nia₂ dsa₂ i₂jio₅ con₂ lě₅ jme₂dsí₂, tē₂le₃ ju₁lia₂ 'nia₂ dsa₂ i₂jio₅ con₂ lě₅ ni₁ŋi₁ bá₄ ca₂ju₁ig₂ jniá₂ 'nia₂, ně₂jag₄ bá₄ guein₂ le₃quió₅ Cristo.

2 Jmá'₃ lia₂ jág₁ a₂tsá₃ ju₁'₅ bá₄ ma₂ca₂jme₁tin₅ jniá₂ 'nia₂, ně₂jag₄ bá₄ guein₂ bē₅₄ i₂'in₂ dsi₅₄ i₂tsá₃ ma₂lé₂ guē₃ má₃ bēn₂. Dsón₂ bá₄ jaun₂, tsá₃ ma₂lé₂ nág₁ 'nia₂ jág₁ bēn₂.

3 Ia₁ lia₂ lín₅ dsa₂ i₂jio₅ con₂ lě₅ ni₁ŋi₁ bá₄ guē₄ lín₅ 'nia₂. Ia₁ tē₁lia₂ tion₅₄ 'nia₂ le₂jaun₂ a₂uig₅ 'au₂ 'nia₂, a₂qui₂tsín₂ 'nia₂ ně₃, ě₁Tsa₁ i₂nio₅₄ 'nia₂ con₂ jio₅ ni₁ŋi₁? ě₁Tsa₁ i₂nio₅₄ 'nia₂ ju₁lia₂ i₂nio₅ dsa₂ mi₂güig₃?

4 Ia₁ chi₂jua₂ chan₂ jan₂ i₂juá₂: “Dsa₂ quián₅ Pa₄ bá₄ jniá₂”; i₂lín₅₄ guē₂ dsia₅ táng₃, juá₂: “Jniá₂ guē₂ lín₅ dsa₂ quián₅ Apolos”, ě₁on₁jua₅₄ lia₂ lín₅ dsa₂ mi₂güig₃ bá₄ lín₅ 'nia₂?

5 Jaun₂ ně₃, ě₁'ein₂ 'éi₂ Apolos? Le₂jaun₂ guē₂ ě₁'Ein₂ 'éi₂ Pa₄? Jnia'₅₄ lia₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂i₂nio₄ jme₂tín₁ dsa₂ ju₁lia₂ ca₂lě₃ jme₁ca₂rě₃'én₂ 'nia₂ tē₂le₃ quió₅ Te₁gui₅₄. Le₂jau₂ le₂jau₂ jnia'₅₄ ma₂ja₂náu₅ jmo₂ ta₁ con₂ lě₅ ma₂cuē₃ Te₁gui₅₄.

6 Jnia'₅₄ con₂ ca₂jan₃ jon₂ bá₄ jniá₂; Apolos guē₂ ca₂séi₂ jmig₂. La₁ia₁ 'ŋiog₅ bá₄ Diú₄ ca₂jmo₃ ca₂i₃cón₃.

7 Jaun₂ ně₃, dsa₂ i₂jne₅, quian'₅₄ guē₂ i₂séi₂ jmig₂, tsá₃ 'e₂ tin₂ 'éi₂; jnia'₅₄ lia₂ 'ŋiog₅ bá₄ Diú₄ jmo₂₃ a₂dsi₂cón₃.

8 Ju₁lia₂ dsa₂ i₂jne₅ quian'₅₄ guē₂ dsa₂ i₂séi₂ jmig₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia₂ con₂ lě₅ ta₁ quió₅.

9 Jme₁tí₁ jnia'₅₄ ne₄ Diú₄ quian'₅₄ rin'₅₄ jmo₂ ta₁; 'nia₂ bá₄ lín₅ co₂'nió₄ 'uē₃ ja₁nau₂ ja₁lě₂ ta₁. O₃ lé₂ le₃jua₅₄ ján₃, lín₅ 'nia₂ ně₂jag₄ caun₂ 'né₅ a₂chí₅ quió₅ Diú₄.

10 'Uig₅₄ ia₁ a₂'ua₁ dsí₅ Diú₄, ca₂cuē₃ ta₁ a₂tsi₅₄ 'uig₅₄ 'ia₂, co₂'nió₄ jan₂ tē₅'ia₂ bá₄ lín₅. I₂sián₂ guē₂ táng₃ ju₁'₂₃ ne₄ jaun₂. Le₂jan₂ le₂jan₂ i₂jui₅ ně₃, ca₂tíin₂ con₂ 'í₁ rē₂ chi₂jua₂ rē₂ bá₄ ju₁'₂₃ tío_{in}'₅₄.

11 Ia₁ 'i₁jan₂ tsá₃ ma₃'ein₂ lé₂ chí₃ 'uig₅₄ siá₂, jnia'₅₄ lia₂ con₂ caun₂ a₂ma₂chí₅ bá₄; a₂jaun₂ lín₅ Cristo 'ŋiog₅.

12 Ně₃ ně₃, ju₁lia₂ ja₁jui₅ dsa₂ ne₄ 'uig₅₄ jaun₂ quian'₅₄ cu₄nióg₄, cu₄tio_g₂, quian'₅₄ ni₁cang₁ táng₅ jlá₁, o₃ ju₁lia₂ ja₁jui₅ 'e₂ dsa₂ quian'₅₄ jau₅₄ 'ma₂ o₃ quian'₅₄ ni₁ŋei₂, ni₁'ma₂ ta₅ ně₃,

13 tion₅₄ bá₄ le₃jniá₂ ta₁ quió₅ le₂jan₂ le₂jan₂. Jmig₄ i₁jáun₃, si₂ bá₄ jme₃jnia₅ a₂jaun₂, jióg₂ 'í₁ ně₃ 'a₂ lia₂ lě₅ ta₁ quió₅ le₂jan₂ le₂jan₂.

14 Chi₂jua₂ ca₂jio_g₃ a₂ca₂chí₃ dsa₂ jaun₂, gue₃ bá₄ 'liain'₅₄;

15 la₁ ně₁jua₂ ca₂cáu₂ ně₃, dsi₃'én₂ bá₄ quió₅. La₁ jnia'₅₄ con₂ líoin₂ jmá₃ 'ŋiog₅, ně₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

‡ 2:16 Isaías 40:13.

16 ¿Tsa₁ŋi₅₄ 'nia'₂, guion'₅₄ bá₄ 'nia'₂ líng'₅ guá'₅ quió'₅ Diú₄, ton'₂ guá'₅ Jme₂dsí₂ quián₅ Diú₄ tē₂'au'₂ 'nia'₂?

17 Nē₁jua'₂ 'ein₂ ca₂'én₂ guá'₅ quió'₅ Diú₄, Diú₄ nē₃ co₂dsia₅ 'ein₂ dsa₂ 'éi₂. Ia₁ i₂ŋi₅ bá₄ guá'₅ quián₅ Diú₄, jaun₂ guion'₅₄ bá₄ 'nia'₂ líng'₅ guá'₅.

18 'I₁jan'₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín₂ 'ŋio₅ lín₃ ŋí'₂ dsí₅ lia'₂ con'₂ lē₅ ŋí'₂ dsí₅ dsa₂ mi₂güí₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ŋi₅, ia₁jaun₂ guē₄ dsióg₄ lēin₂ tē₃dsón'₂ dsa₂ i₂tin₂ i₂ŋi₅.

19 Ia₁ ca₂le₃jě₃ a₂ŋí₄ 'ŋio₅ tin₂ dsa₂ mi₂güí₃, ca₂le₃jě₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai₅₄ quió'₅ guioin₅₄.”*

20 Juá'₂ ne₄ Si₂ ján₃: “I₂ŋi₅ bá₄ Te₁gui'₅₄ 'a₂ lia'₂ qui₂dsi₂jio₅ dsí₅ dsa₂ i₂tin₂, a₂tsá₃ 'e₂ ta₁ tí₄.”†

21 Jaun₂ lē₃, 'i₁jan₂ tsá₃ jui₁dsia₁₂ jág₁ tá'₅ le₃quió'₅ dsa₂ mi₂güí₃. Ia₁ a₂ca₂tín'₂ 'nia'₂ bá₄ ca₂le₃jě₃ a₂cha₂.

22 Pa₄, Apolos, Pe₄, ‡ mi₂güí₃ a₂chong₂ jniog₄, 'mú₃, jmig₄ rē₂nē₃, jui₁la₂ jmig₄ 'ió₃ nē₃: ca₂le₃jě₃ bá₄ nē₅ lē₅ quián'₂ 'nia'₂.

23 Le₂jaun₂ guē'₂ ján₃, i₂quián₅ Cristo bá₄ 'nia'₂; Cristo guē'₂ lín₅ i₂quián₅ Diú₄.

4

Ta₁ a₂ca₂tín₂ dsa₂ i₂chen₄ quián₅ Cristo

1 Jaun₂ bá₄ nē₃, con'₂ ŋnia'₅₄ dsa₂ i₂jme₂ti₃ ta₁ ne₄ Cristo bá₄ ca₂tín₂ dsa₂ jág₂ ŋnia'₅₄, a₂niog₅ ne₄ ŋnia'₅₄ jág₁ a₂jme₁rē₂'ma₄ quió'₅ Diú₄.

2 Con'₂ siá'₂ táng₃, chi₂jua'₂ le₂nē₅, jaun₂ bá₄ tion₅₄ ca₂tín₂ jui₁lia'₂ dsa₂ i₂niog₅ gu₂ ta₁ le₂'éi₂, jme₂ti₃ quián'₅₄ ta₁ a₂ca₂ŋi₂.

3 Tē₂le₃ quió₃ ŋniá₂ nē₃, tsá₃ a₂nag₅₄ jaun₂ nē₁jua'₂ ca₂quion'₂ 'nia'₂ 'í₁ le₃ja₁cong₂, o₃ nē₁jua'₂ ca₂cáun₃ 'í₁ dsi₂tan₅₄ dsa₂ mi₂güí₃ 'e₂. Ca₂lia'₂ ŋnia'₅₄ 'ŋi₃, tsá₃ cáun₅ 'í₁ le₃ja₁cong₂ 'ŋi₃.

4 'I₁caun₂ tsá₃ 'e₂ dsi₂ŋi₅ dsi₃. La₁ on₃jua'₅₄ le₂nē₅ o₂'ag₅ jág₁ a₂tsá₃ 'e₂ rē₂cáng₄. 'Ŋiog₅ bá₄ Te₁gui'₅₄ i₂con₂ 'í₁ quió₃.

5 Jaun₂ tsá₃ lē₁cáun₂ de'₂ 'nia'₂ 'í₁ tē₃ŋniá₅. Jē₁ma₂guán'₅ Te₁gui'₅₄, téi₂ si₂ ne₄ a₂rē₂'ma₄ a₂jmo₅-dsá₅ dsa₂ jē₄ qui₁né'₃; jme₃ŋniai₂₃ ca₂le₃jě₃ a₂niog₅ qui₂dsi₂ŋnia₅ dsí₅ dsa₂. Jaun₂ guē₄ gue₃ dsa₂ 'liain'₅₄ a₂cuē₃ Diú₄ a₂'ŋio₂ dsí₅ quió'₅ le₂jain₂ le₂jain₂.

6 Rin'₅₄ jniog₄, a₂dse₃ quián'₂ bá₄ 'nia'₂ juá'₅ ŋniá₂ ca₂le₃jě₃ a₂nē₅, a₂'íng₅ Apolos quián'₅₄ guē'₂ 'ŋi₃ ŋniá₂. Juá'₅ le₂nē₅ ia₁jaun₂ tē₂le₃ quián'₅₄ jág₁ jáng'₅ léi₄ nē₅ quián₂ ŋnia'₅₄, le₃tin'₂ 'nia'₂, a₂tsá₃ jmó'₂ 'nia'₂ ŋag₅₄ guē₄ con'₂ lē₅ juá'₂ ne₄ Si₂, con'₂ tsá₃ ŋó₅ nē₁jua'₂ ca₂jmo₅₄ 'nia'₂ rón'₂ o₄quió'₄ jan₂, a₂ŋin'₅₄ 'nia'₂ sion₅ i₂sián'₂.

7 ¿'Ein₂ 'éi₂ 'ag₅ 'ne₂ a₂dseng'₃ guē₄ lia'₂ con'₂ guē₄ ríng'₂? ¿'E₂ bá₄ bí₂ 'au'₂ jua'₅₄ tsá₃ ma₂cuē₃ Diú₄ nē₃? ¿'E₂ guē'₂ lē₃ dsia'₂ jág₁ tá'₅ nē₂jag₄ bá₄ a₂ca₂jnag'₂ 'ŋiag'₂ a₂cha₂ quiáng'₂ jmo'₂?

8 Jmo'₂ 'nia'₂ 'au'₂ 'ŋio₅ lín₃ dse₃ ma₂chang'₂; ma₂cha₂ quián'₂ 'nia'₂ ca₂le₃jě₃. Ma₂jmo'₂ 'nia'₂ 'au'₂ ma₂tiáng'₅ can'₅₄ bá₄ 'nia'₂, tsá₃ ma₃quiong'₅₄ ŋnia'₅₄. ¡Jua'₅₄ mei'₂ guē₃ dsón'₂ dsi₂jó'₃ ma₂gon'₂ 'nia'₂! Jaun₂ bá₄ jme₁lē₂ gon₂ ŋnia'₅₄ co₂lē₅ quián'₅₄ 'nia'₂ jua'₅₄ mei'₂ guē₃ le₂jaun₂.

9 Ia₁ lín₂ ŋniá₂, lia'₂ lē₅ bá₄ tē₂le₃ jē₁ca₂tó'₂ bá₄ ma₂chei'₃ Diú₄ con'₂ ŋnia'₅₄ i₂lág₅ dsa₂ i₂chen₄ quián₅, a₂jág₂ dsa₂ lia'₂ ja₁ŋin₂ dsa₂ i₂ma₂'í₄ 'éi'₃ dsián₃. Ma₂ja₂lén₂

* 3:19 Job 5:13. † 3:20 Salmo 94:11. ‡ 3:22 griego: Cefas.

dsa₂ jág₂ jnia'₅₄ në₂jag₄ a₂lë₁'io'₂ tē₅ dsí₅ jág₃ ca₂lë₃jín₃ i₂chan₂, lia'₂ dsa₂ mi₂güig₃ lia'₂ ángeles në₃.

¹⁰ Dsa₂ co₄ bá₄ 'ag₅ dsa₂ jnia'₅₄ o₄quió'₄ Cristo; 'nia'₂ guë'₂ ma₂jmo'₂ 'nio₅ lin₃ ma₂ñí'₂ 'au'₂ ju₁lia'₂ tē₂le₃ quió'₅ Cristo. Ma₂jmo'₂ 'nia'₂ 'nio₅ lin₃ tiá₂ ma₂tióng'₂; jnia'₅₄ guë'₂ jag'₅₄ táng₃ në₂jag₄ dsa₂ 'uan₅₄. Jme₂gan₃ dsa₂ 'nia'₂; jnia'₅₄ guë'₂ në₃ tsá₃ jei₅₄ dsa₂.

¹¹ Ca₂lia'₂ jñi₂o₂ jmi₂g₄ në₃, ja₂náu₅ jnia'₅₄ a₂'ong₄, qui₂rē₂quein₂ dsí₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guë'₂, con'₂ lē₁co₂jmo₂g'₂.

¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Ju₁lia'₂ jme₂tē₂'o'₂ dsa₂, caun₂ jág₁ dse₃ bá₄ qui₁jein'₄ jniá₂ quió'₅. Ju₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsí₅.

¹³ Chan₂ guë'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuë'₂ táng₃ jnia'₅₄. Jág₂ dsa₂ në₂jag₄ ti₁'ñe'₅₄ a₂tsá₃ ta₁ tí₄, në₂jag₄ bá₄ jme₁qui₅ quió'₅ dsa₂ mi₂güig₃ në₃, ca₂lia'₂ jñi₂o₂ jmi₂g₄ në₃.

¹⁴ On₃jua'₅₄ ia₁jaun₂ cán'₁ 'nia'₂ o₂guí'₃ tó'₅ jniá₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jniá₅ ja₁cong'₂, në₂jag₄ bá₄ chi'₂-guein₂ quiáng₃ i₂'nió₃ guë'₄ lin₃.

¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ ju₁n₅ néi'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lin₃ jniá₂ néi'₅ 'nia'₂.

¹⁶ Jaun₂ lē₃, mi₅ jniá₂ ja₁con'₂ 'nia'₂, jaun₂ tón'₂ 'nia'₂ ju₁i₅ i₁nio'₄ 'nia'₂ ja₁ma₂ñi₃ jniá₂.

¹⁷ 'Uig₅₄ jaun₂ bá₄ tsín₂ jniá₂ Timoteo, i₂jmo₅ jniá₂ dsí₃ co₂'nió'₄ guein₂ quiáng₃ i₂'nió₃ guë'₄ lin₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsio₂g'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂'éng₂ le₃quió'₅ Cristo, lia'₂ con'₂ lē₅ jme₂tíng₁ guá'₅ ca₂le₂con₂ ja₁siá'₂.

¹⁸ I₂lin₅₄ 'nia'₂ ma₂i₂niog'₅₄ jmo'₂ 'nia'₂ róng'₂, a₂lín'₂ 'nia'₂ a₂tsá₃ ma₃dsió₄ jniá₂ i₁jñing₁₂ 'nia'₂.

¹⁹ La₁ ñi'₅₄ ta₁ la₂ bá₄ 'nio₃ dsió₄ i₁jág₃ në₁jua'₂ ca₂cuë₃ Te₁gui'₅₄ jmi₂g₄. Jmi₂g₄ jaun₂ le₃guion₅₄ jniá₂, on₃jua'₅₄ jmá'₃ jág₁ tá'₅ a₂dsia₅ dsa₂ jin'₄ 'nia'₂ tióin'₅₄, le₃guion₅₄ jniá₂ ján₃ 'a₂ con'₂ bí₂ 'io₂₃.

²⁰ Ia₁ ju₁lia'₂ ja₁gon₂ Diú₄, on₃jua'₅₄ a₂jñia'₅₄ dsí₂lé₂ jmá'₃ jág₁; a₂quian'₅₄ ju₁i₅bí₂ bá₄ ján₃.

²¹ ¿'E₂ 'niog'₂ 'nia'₂; a₂'i₁'ē₃ jniá₂ uig₅ jē₁ma₂dsió₃, o₃ a₂dsió₄ jniá₂ caun₂ dse₃ a₂'nió₃ jniá₂ 'nia'₂ a₂'ua₁ dsí₃ 'e₂?

5

Jau'₂ 'í₁ quió'₅ jan₂ dsa₂ i₂ca₂'náu₂ dso₄

¹ 'E₂ ca₂rē₃chá₃ jág₁, a₂chan₂ jan₂ jin'₄ 'nia'₂ 'no₂₃ dso₄, a₂jmo₂₃ a₂lē₅ quiáin₅ bá₄ dsa₂ mí₂ quián₅ jmei₂. Caun₂ dso₄ ca₂lia'₂ jñia'₅₄ dsa₂ i₂tsá₃ cuin₅ Diú₄ bá₄ guë'₄ tsá₃ jmo₂₃ le₂nē₅.

² jmo'₂ guë'₄ 'nia'₂ 'au'₂ a₂tióng'₅₄ dse₃ jmo'₂ róng'₂ tióng'₅₄! j'Nió'₄ jme₁tón'₂ 'nia'₂ qui'₁-áu'₂ 'lia'₂ 'au'₂! Dsa₂ i₂ca₂'náu₂ dso₄ në₅ ca₂tín₂ o₃'iin₅ bá₄ jin'₄ 'nia'₂ në₅.

³ O₁jñia'₅₄ tsá₃ quian'₅₄ jniá₂ 'nia'₂ dsí₁ne₁, la₁ 'eng₅₄ bá₄ ja₁nē₅ quian'₅₄ 'nia'₂ tē₂le₃ quian'₅₄ jme₂dsí₂; ma₂caun₃ jniá₂ 'í₁ ja₁con₂ dsa₂ i₂ca₂jmo₃ le₂nē₅, në₂jag₄ bá₄ a₂chéng'₅ 'ñi₃o₃ tē₃dsón'₂.

⁴ Tión'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá₂ tē₂le₃ quian'₅₄ jme₂dsí₂ quió₃, quian'₅₄ ju₁i₅bí₂ quió'₅ Te₁gui'₅₄ Jesús,

⁵ a₂jin'₅₄ 'nia'₂ dsa₂ 'éi₂ o₄gú₃ Satanás, ia₁jaun₂ qui₂dsí₃'én₂ ni₁ñi₁₂, ia₁jaun₂ tín'₂ jme₂dsí₂ quió'₅ jmi₂g₄ i₁jáun₃ quió'₅ Te₁gui'₅₄.

6 Tsá₃ dse₃ a₂dsia'₂ 'nia'₂ jág₁ tá'₅. ¿Tsa₁ ŋi'₅₄ 'nia'₂, “Quian'₅₄ ca₂juig'₄ bá₄ levadura guion'₂ ta₁jě₂ ti₁can₁”?

7 Jñiá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂nió'₄ ca₂míg₂ ti₁can₁ a₂tsá₃ levadura quian'₅₄, ju₁lia'₂ tē₃dsón'₂ lín'₅ 'nia'₂. Ia₁ 'ñiog₅ bá₄ Cristo ca₂join₃ ŋó₃ a₂rě₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmíg₄ Tě₂'in₅₄ quián₂.

8 Jaun₂ lě₃, jme₁go₃ jniog₄ Jmíg₄ jaun₂, on₃jua'₅₄ quian'₅₄ levadura gui'₅₄, on₃guě'₂ quian'₅₄ a₂líg'₅₄ qui₂dsi₂jñia₅ dsi₅ jniog₄ ja₁con₂ rin'₅₄, on₃guě'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ jág₁ tí₅ dsi₂jó'₃.

9 Ne₄ si₂ carta quió₃ a₂ca₂tsing₂ ne'₅₄ 'nia'₂ le₂jñiá'₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ jág₁ quian'₅₄ dsa₂ i₂tsá₃ lě₅ dsi₂i₂gu₂.

10 On₃jua'₅₄ jaun₂ rě'₂ juá'₅ jniá'₂ a₂qui₂dsi₃uín'₃ 'nia'₂ co₂dsia₅ co₂ñei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsi₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂ñei'₅₄ jme₁'uín'₃ 'nia'₂ mi₂güig₃ la₂, jua'₅₄ mei'₂ guě₃ le₂jaun₂.

11 A₂la₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'ñio₅ lín₃ 'ei₅ caun₂ jág₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ guě'₂ nió'₅ jág₁ quian'₅₄ i₂tsá₃ lě₅ dsi₂i₂gu₂, chi₂jua'₂ 'ua'₂ dsi₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ jág₁ uig₅, chi₂jua'₂ qui₂i₂nioi₅₄ le₁'ein₅, chi₂jua'₂ qui₂'ang₂₃ ně₃. On₃ guě'₂ ca₂tín'₂ 'nia'₂ quě'₅₄ quian'₅₄ dsa₂ le₂'éi₂.

12 Tsá₃ ca₂tín'₂ jniá'₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂.

13 La₁ia₁ 'nia'₂, ca₂tíng'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ ně₃: “Dsen₅₄ 'nia'₂ cau₅ dsa₂ 'lín'₅₄ i₂'en₅₄ jin'₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ riin'₅₄ ne₄ dsi₂tan₅₄ i₂tsá₃ 'én₂

1 Ju₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿a₂ bá₄ lia'₂ tiá₂ 'au'₂ o₁dsia'₄ dso₄ ne₄ ju₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄?

2 ¿Tsa₁ ŋi'₅₄ 'nia'₂ jua'₂ dsa₂ juig₂ quián₅ Diú₄ bá₄ guě'₂ i₂con₂ 'í₁ quió'₅ dsa₂ mi₂güig₃? Chi₂jua'₂ 'nia'₂ i₂cáun₂ 'í₁ quió'₅ dsa₂ mi₂güig₃ ně₃, ¿'en₁ jmá'₃ guě'₂ tsá₃ 'ein₂ i₂tin₂ chan₂ i₂lé₂ jme₃rě₃ ju₁lia'₂ mi'₅₄ me'₂?

3 ¿Tsa₁ ŋi'₅₄ 'nia'₂ jua'₂ le₂jñiog₅ ángeles bá₄ quiong₅₄ jniog₄ 'í₁ quió'₅? ¡'Ĕ₂ guě₄ bá₄ jaun₂ ca₂tág₂ jniog₄ jme₁rě₂ 'e₂ caun₂ o₂me'₅₄ dsi₅ rě₂cha₂ ne₄ gua'₅₄ 'uě₃ la₂!

4 Chi₂jua'₂ 'e₂ caun₂ mi'₅₄ cha₂ quián'₂ 'nia'₂, rin'₅₄ jniog₄, ¿'e₂ lě₃ o₂no₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quió'₅ guá'₅?

5 Juá'₅ jniá'₂ le₂ně₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin'₄ 'nia'₂ i₂qui'₅₄ jmíg₄ jme₃rě₃ mi'₅₄ a₂niog₅ jin₄ rin'₅₄?

6 ¿Rě₂ guě₄ dsióg₅, lín'₂ 'nia'₂, ju₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

7 Chi₂jua'₂ ma₂tion'₅₄ 'nia'₂ mi'₅₄ jin'₄ 'nia'₂, co₂dsia₅ ma₂tán'₂ bá₄ 'nia'₂ jág₁ chi₂jua'₂ le₂jaun₂. ¿Tsa₁ dse₃ guě₄ jmo₃ dsa₂ co₂ñei'₅₄ tió'₃ dsi₅ a₂caun₂ lě₁dsi₂ñi₂ jmóg'₂ riin'₅₄? ¿Tsa₁ dse₃ guě₄ guén₄ jniog₄ ju₁'ang₁₂ 'e₂ 'ang₃ quián₂?

8 La₁ 'nia'₂ ně₃, jmag'₅₄ dsa₂, 'ang'₂ quió'₅ dsa₂; ca₂tě₂ ja₁con₂ rin'₂ 'nia'₂ guiong'₅₄ jmo'₂ le₂ně₅.

9 ¿O₃ bá₄ tsá₃ ŋi'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuin₅ Diú₄? Tsá₃ cuin₅ 'nia'₂ jmíg₄ jua'₅₄ a₂le₃gang'₂, ia₁ ju₁lia'₂ dsa₂ i₂i₂nio₄ nió'₅ jág₁ quian'₅₄

* 5:13 Deuteronomio 17:7; 19:19; 21:21,24; 24:7.

dsa₂ i₂tsá₃ lě₅ dsi₂i₂gu₂, ju₁lia'₂ dsa₂ i₂qui₂jme₂juin'₂ diú₄ lag₄, ju₁lia'₂ dsa₂ ŋe'₂ i₂dsi₂ŋia₅ dsí₅ lia'₂ dsi₂ŋia₅ dsi₅ 'io₅₄,* ju₁lia'₂ dsa₂ ŋe'₂ i₂nió'₅ jág₁ quian'₅₄ dsa₂ ŋe'₂ riin'₅₄,

10 ju₁lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nio₄ 'en₅, dsa₂ i₂i₂nio₄ qui₂dsia₂₃ jág₁ tē₂jág₁, dsa₂ i₂lí'₂ cu₄ tē₂le₃ quian'₅₄ a₂'ŋioi₅₄ jme₂gain₂₃ riin'₅₄; dsa₂ le₂'éi₂ nē₃, tsá₃ ca₂tíin₂ ja₁gon₂ Diú₄.

11 Le₂nē₅ bá₄ jme₁chan'₂ i₂lin₅₄ 'nia'₂ le₂ŋiá₅. La₁ 'ŋiog₅ bá₄ Diú₄ ma₂qui₂ca₂rin'₃ jme₂dsí₂ quián'₂ 'nia'₂, ma₂lě₅ 'í₁ quiáin₅, ca₂guei₃ Diú₄ 'nia'₂ nē₂jag₄ bá₄ a₂tsá₃ 'e₂ dso₄ rin'₂ 'nia'₂, tē₂le₃ quian'₅₄ Te₁gui'₅₄ Jesús, quian'₅₄ guē'₂ Jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ ni₁ŋi₁₂

12 Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jě₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jě₃ 'e₂ 'nio₃ jmo₅₄”, la₁ia₁ tsá₃ cu₄in₄ jniá₂ jmig₄ jua'₅₄ co₂dsia₅ jin'₄ jniá₂ co₂ŋei'₅₄ ne₄ 'i₁caun₂.

13 Dsau₅ bá₄ ju₁lia'₂ juá'₂ dsa₂: “Lě₅ má₃ o₄quió'₄ rē₂tú'₅ dsa₂; rē₂tú'₅ guē'₂ dsa₂ lě₅ o₄quió'₄ má₃.” La₁ já₅ jmig₄ a₂'én₂ Diú₄ ta₁tin₃. La₁ tsá₃ ta₁ jaun₂ qui'₅ ni₁ŋi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂qui'₅ ni₁ŋi₁₂, a₂jme₃ti₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ nē₃ i₂cuē₅ bí₂ quió'₅ ni₁ŋi₁₂.

14 Ia₁ ju₁lia'₂ ca₂jme₃jen'₅₄ Diú₄ Te₁gui'₅₄ quian'₅₄ ju₁bí₂ quió'₅, le₂jaun₂ bá₄ jmo₃ a₂jein'₅₄ guē'₂ jniog₄ ján₃.

15 ¿Tsa₁ ŋi'₅₄ 'nia'₂ jaun₂ a₂tén₅ tē₂le₃ quió'₅ Cristo bá₄ ni₁ŋi'₁ 'nia'₂? ¿On₃ bá₄ lé₂ le₃tion₄ jniog₄ ju₁lia'₂ a₂tén₅ ni₁ŋi'₁ Cristo le₃ja₁con₂ ju₁lia'₂ jan₂ 'io₅₄ i₂'nag₅ quió'₅? ¡Tsá₃ ju₁le₅₄ bá₄ le₂jaun₂!

16 ¿Tsa₁ ŋi'₅₄ 'nia'₂, ju₁lia'₂ jan₂ dsa₂ ŋe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ŋi'₅ bá₄ lě₅ jē₁le₃oin₃ le₂jaun₂? Ia₁ ne₄ Si₂juá'₂: “Co₂'nió'₄ caun₂ ni₁ŋi'₅ lé₂ le₃oin₃ le₂jaun₂.”†

17 La₁ ju₁lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quian'₅₄.

18 Cu₂ng₄ 'nia'₂ ja₁con₂ a₂'lig'₅₄ ju₁lia'₂ a₂qui₂'no₅ dsa₂ dso₄ quian'₅₄ i₂sián'₂. Ju₁'e₂ guē₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ŋi₁₂ bá₄. La₁ ju₁lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ŋi'₁ 'ŋiog₅ bá₄.

19 ¿Tsa₁ ŋi'₅₄ 'nia'₂ a₂lě₅ ni₁ŋi'₁ 'nia'₂ caun₂ guá'₅ ja₁'en₅₄ Jme₂dsí₂ Jŋi₁₀ i₂ma₂cu₄in₃ Diú₄? Jaun₂ tsá₃ lě₅ jua'₅₄ a₂tén'₅ guion'₅₄ 'nia'₂;

20 ia₁ i₂ma₂ca₂lán₂ 'mu'₅₄ lin₃ Diú₄ 'nia'₂. Jaun₂ bá₄ lě₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ŋi'₁ 'nia'₂.

7

A₂to'₂ jág₁ dse₃ tē₂le₃ quió'₅ ju₁lia'₂ dsa₂ i₂jén'₂ gu₂

1 La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃.

2 Dsón'₂ bá₄ dse₃ jua'₅₄ mei'₂ guē₃ co₂ŋei'₅₄ tsá₃ jén'₂ dsa₂ ŋe'₂ gu₂; la₁ 'uig₅₄ ia₁ ŋí₄ lě₃ qui₂i₂nio₄ dsa₂ jmo₂₃ 'lig'₅₄ jmig₄ nē₃, jaun₂ bá₄ lě₃ co₂ŋei'₅₄ ju₁jen'₅₄ bá₄ dsa₂ mí₂ dsa₂ ŋe'₂ gu₂, ju₁le₂chan₂ bá₄ dsi₂i₂gu₂ le₂jain₂ le₂jain₂.

3 Dsa₂ ŋe'₂ guē'₂ nē₃ ca₂tíin₂ jme₃ti₃ ca₂le₃jě₃ con'₂ a₂ca₂tíin₂ jme₃ti₃ le₃ja₁con₂ dsa₂ mí₂ quiáin₅; le₂jaun₂ guē'₂ dsa₂ mí₂ nē₃ ca₂tíin₂ jme₃ti₃ táng₃ le₃ja₁con₂ dsi₂i₂gu₂ ca₂le₃jě₃ con'₂ a₂ca₂tíin₂ jme₃ti₃.

* 6:9 o₃, “dsa₂ ŋe'₂ i₂'nag₅ quió'₅.” † 6:16 Génesis 2:24.

4 On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quiáin₅ bá₄ ján₃. Ján₃ guë'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quiáin₅ bá₄ ján₃.

5 Tsá₃ lë₁jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, ñña'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lë₅ tin₃-ni₅ jmig₄ ia₁ a₂'niog'₂ jmó'₂ ca₂ne₅₄ chi₁lëng'₄ Diú₄, jme₂'ing'₄ të₁lia'₂ jmig₄ jaun₂. Jë₁ma₂ca₂ñí₂ jmig₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ në₁ca₂caun₃ táu₂ i₂së₃dsen₃ në₁jua'₂ tsá₃ ca₂tió'₃ 'au'₂ 'nia'₂.

6 Ca₂le₃jë₃ a₂juá'₅ jniá₂ në₅ cuë₅ jniá₂ 'nia'₂ jmig₄, on₃jua'₅₄ rë'₂ a₂ton'₂ jniá₂ 'nia'₂ caun₂ 'éi'₃.

7 Con'₂ juá'₅ jniá₂ 'ñió₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ líng₅ 'ñió₃; la₁ con'₂ në₅ tin₂ Diú₄ jma₃quén₅ ma₂cuë'₃ dsa₂ 'a₂ lia'₂ niog₅ lín₅ dsa₂ le₂jain₂ le₂jain₂.

8 Jui₁lia'₂ dsa₂ i₂tsá₃ gu₂ le₁jen'₂, jui₁lia'₂ dsa₂ mí₂ i₂ma₂'ní₂ në₃, juá'₅ jniá₂ 'e₂ guë'₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ jui₁lia'₂ chan₂ jniá₂ tsá₃ 'ein₂ gua₅₄ quiang'₅₄.

9 La₁ia₁ në₁jua'₂ tsá₃ qui'₅₄ jmig₄ jmo₃ tió'₃ dsí₅ në₃, jui₁jein'₅₄ gu₂, ia₁ ja₂lín₃ guë'₄ dse₃ bá₄ jéin'₂ co₂ñei'₅₄ gu₂, lia'₂ con'₂ guë'₄ a₂ñí₄ dsín'₂ 'ñiog₅.

10 La₁ juá'₅ jniá₂ juí₂ ca₂le₃jín₃ jui₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄ rín'₅₄ le₂jain₂ le₂jain₂. 'Éi'₃ në₅ on₃jua'₅₄ 'éi'₃ quió₃ jniá₂ 'ñió₃; 'éi'₃ quió'₅ Te₁gui'₅₄ 'ñiog₅ bá₄ në₅.

11 La₁ në₁jua'₂ chan₂ jan₂ dsa₂ mí₂ ca₂téin₂ dsí₂i₂gu₂, jui₁gua₂ bá₄ tei₄ 'ñiog₅; o₃ jui₁'ei₅₄ bá₄ táng₃ caun₂ jág₁ quian'₅₄ dsí₂i₂gu₂ 'e₂. Le₂në₅ bá₄ jui₁lia'₂ dsa₂ ñe'₂ táng₃, tsá₃ 'nió'₅ téin₂ dsa₂ mí₂ quiáin₅.

12 Juí₂ jniá₂ jui₁lia'₂ i₂sián'₂, (jág₁ quió₃ 'ñió₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quián₅ jui₁lia'₂ jan₂ dsa₂ 'én₂ rín'₅₄ jniog₄, la₁ në₁jua'₂ 'ñio₂ bá₄ dsí₅ dsa₂ mí₂ 'éi₂ guá₅ quiong'₅₄, tsá₃ 'nió'₅ téi₂ rín'₅₄ jniog₄ 'éi₂.

13 O₃ chi₂jua'₂ dsa₂ ñe'₂ i₂tsá₃ 'én₂ lín₅ dsí₂i₂gu₂ jan₂ dsa₂ mí₂ i₂'én₂, la₁ në₁jua'₂ 'ñio₂ bá₄ dsí₅ guá₅ quiain'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃.

14 Ia₁ jui₁lia'₂ dsí₂i₂gu₂ i₂tsá₃ 'én₂ në₃, ma₂jmo₅ bá₄ Diú₄ a₂lë₅ 'í₁ të₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ në₃, lë₅ bá₄ 'í₁ quián₅ Diú₄ të₂le₃ quian'₅₄ dsa₂ ñe'₂ i₂'én₂ rín'₅₄ jniog₄. Jua'₅₄ mei'₂ tsá₃ le₂jaun₂, 'uín₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂jñio₅ bá₄ 'éi₂.

15 La₁ jui₁lia'₂ dsa₂ ñe'₂ o₃ dsa₂ mí₂ i₂tsá₃ 'én₂ në₃, chi₂jua'₂ tion₅₄ 'nio₃ téin₂ rín'₅₄, jui₁tein₅₄ rín'₅₄. Tsá₃ lë₅ jua'₅₄ rë₂jnág₅ jui₅ quió'₅ dsa₂ i₂'én₂ rín'₅₄ chi₂jua'₂ le₂jaun₂.* Ia₁ ma₂të₃ Diú₄ jniog₄ a₂le₃chong₂ le₁'ág₄ tei₄ dsí₅.

16 Ia₁, ¿'a₂ lia'₂ ñi'₅₄ 'ne₂ dsa₂ mí₂, jua'₅₄ lé₂ long'₅₄ dsí₂i₂gog'₂? Le₂jaun₂ guë'₂ 'ne₂ dsa₂ ñe'₂, ¿'a₂ bá₄ lia'₂ ñi'₅₄ jua'₅₄ lé₂ long'₅₄ dsa₂ mí₂ quiáng'₂?

17 Ñña'₅₄ lia'₂ jui₁inio₄ dsa₂ le₂jain₂ le₂jain₂ jui₁lia'₂ niog₅ lë₅ jui₅ ma₂chei'₃ Te₁gui'₅₄, lia'₂ con'₂ lë₅ ma₂të₅ Diú₄. 'Éi'₃ në₅ cuë₅ jniá₂ ca₂le₃jín₃ guá'₅.

18 Chi₂jua'₂ i₂lín₅₄ ma₂le₁uñg₁ lo₄ lia'₂ con'₂ jme₁ca₂rë₃'éin₂ ca₂të₃ Te₁gui'₅₄, tsá₃ jui₁jme₂tsín₃ léi₄ jaun₂. O₃ chi₂jua'₂ 'ein₂ ca₂rë₃'éin₂ le₃quió'₅ Te₁gui'₅₄ të₃ tsá₃ rë₂uñg₄ quió'₅, tsá₃ jui₁guein₁₂ uñg₃ quió'₅.

19 Ia₁ tsá₃ 'e₂ dsen₅₄ ta₁ jua'₅₄ rë₂uñg₄ o₃ tsá₃ rë₂uñg₄ quió'₅ dsa₂ te₁nioi₅₄. A₂jme₃ti₃ 'éi'₃ quió'₅ Diú₄ bá₄ dsa₂ dsen₅₄ ta₁.

* 7:15 lit. "Tsá₃ chi₁'ñe'₅₄ dsa₂ i₂'én₂ rín'₅₄ chi₂jua'₂ le₂jaun₂."

20 Le₂jan₂ le₂jan₂ bá₄ dsa₂ ca₂tíin₂ le₃chain₂ lia'₂ con'₂ lín₅ 'ñiog₅ lia'₂ con'₂ jme₁ca₂të₃ Te₁gui'₅₄.

21 Chi₂jua'₂ jme₁lín₄ dsa₂ i₂jme₂ti₃ a₂tsá₃ 'liang'₅₄, lia'₂ con'₂ jme₁ca₂të₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chi₂jua'₂ ca₂cuin₃ jmig₄ a₂tsá₃ ma₃lén₄'₂ dsa₂ i₂jme₂ti₃ ta₁, ja₂lín₃ guë₄ dse₃ quio'₅₄ jui₅ jaun₂.

22 Jui₁lia'₂ dsa₂ i₂jme₁lín₄ i₂jme₂ti₃ ta₁ ne₄ dsa₂ lia'₂ con'₂ jme₁ca₂të₃ Te₁gui'₅₄, la₁ rë₂në₃ në₃ ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guë'₂ le₂jaun₂ jui₁lia'₂ dsa₂ i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂të₃ Te₁gui'₅₄ la₁ rë₂në₃ guë'₂ në₃, ma₂lín₅ dsa₂ i₂jme₂ti₃ ta₁ ne₄ Cristo.

23 I₂ca₂quín₁ 'mu'₅₄ lín₃ bá₄ 'nia'₂ ca₂láu₂ Cristo. Jaun₂ tsá₃ ma₃cuín₅ 'nia'₂ jmig₄ jua'₅₄ a₂jme₂ti₃ guë₄ ne₄ dsa₂ mi₂güí₃.

24 Le₂në₅ bá₄ jaun₂, 'nia'₂ rin'₅₄ jniog₄, jui₁tión'₂ bá₄ 'nia'₂ lia'₂ jme₁lín₄'₂ lia'₂ con'₂ jme₁ca₂të₃ Diú₄ 'nia'₂.

25 Në₃ në₃, jui₁lia'₂ dsa₂ mi₄ i₂tsá₃ dsa₂ ñe'₂ ma₂jio₅, tsá₃ 'e₂ 'éi'₃ ma₂ñi₂ jniá₂ ja₁con₂ Te₁gui'₅₄. La₂ cuë₅₄ jniá₂ jág₁ lia'₂ con'₂ ñí'₂ dsí₃, co₂'nió'₄ jan₂ i₂tí₅ jág₁ quió'₅ ia₁ a₂ñéi₂ dsí₅ Te₁gui'₅₄.

26 Jaun₂ lín₂, ja₂lín₃ guë₄ dse₃ jua'₅₄ co₂ñei'₅₄ guë₄ jui₁chan'₂ bá₄ 'nia'₂ 'a₂ lia'₂ lë₅ chang'₂, 'uig₅₄ ia₁ 'ñio₅ lín₃ cha₂ o₂me'₅₄ dsí₅ jmig₄ rë₂në₃.

27 Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chi₂jua'₂ tsá₃ ma₂jen'₂ guë'₂ gog'₂, tsá₃ lë₁'nág'₂ dsa₂ mí₂ i₂ne'₅₄ quiang'₅₄.

28 La₁ në₁jua'₂ ca₂jen'₂ guë'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ ñña'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsí₅ mi₂güí₃ la₂. A₂jaun₂ tsá₃ jme₁'nio₃ jniá₂ dsí₂ñí'₂ 'nia'₂.

29 A₂la₂ bá₄ 'nio₃ jniá₂ juá'₄, rin'₅₄ jniog₄. Tsá₃ ma₃uë₂ le₃'ag₄ a₂dsió₄ Jmig₄ quió'₅ Te₁gui'₅₄. 'Uig₅₄ jaun₂, juí₂ jniá₂ 'nia': në₃ tē₂le₃ ne₄ jui₅, ca₂le₃jín₃ i₂ma₂tián'₅ quian'₅₄ dsa₂ mí₂, jui₁le₂chain₂ në₂jag₄ bá₄ a₂tsá₃ dsa₂ mí₂ quiáin₅ chan₂.

30 Jui₁lia'₂ dsa₂ i₂chan₂ qui₂le₁qui'₂ dsí₅, jui₁jmo₁₂ bá₄ dsí₅ në₂jag₄ bá₄ a₂tsá₃ 'e₂ o₂i₁ dsí₅ chain₂. Le₂jaun₂ guë'₂ jui₁lia'₂ dsa₂ i₂jmo₅ 'io'₂, ca₂tíin₂ bá₄ jmo₃ në₂jag₄ bá₄ a₂tsá₃ dse₃ chain₂. Le₂jaun₂ guë'₂ ján₃ jui₁lia'₂ dsa₂ i₂qui₂lá₅ 'e₂ lá₅, jui₁jmo₁₂ bá₄ dsí₅ në₂jag₄ bá₄ on₃jua'₅₄ a₂quió'₅ 'e₂ ma₂lá₃.

31 Le₂jaun₂ guë'₂ jui₁lia'₂ dsa₂ i₂jmó'₂ ta₁ a₂cha₂ mi₂güí₃ la₂, jui₁jmo₁₂ bá₄ dsí₅ në₂jag₄ bá₄ a₂tsá₃ chi₂quiain₂₃ jmig₄ a₂jaun₂. Ia₁ ma₂ja₂quián₃ dsí₃ñí₂ bá₄ lia'₂ lë₅ mi₂güí₃ la₂.

32 Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsí₅. Ia₁ jui₁lia'₂ jan₂ dsa₂ ñe'₂ i₂con'₂ 'ñio'₂ i₂tsá₃ dsa₂ mí₂ quian'₅₄, 'i₅ dsí₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ñio₂ dsí₅ 'éi₂.

33 Ia₁ jui₁lia'₂ dsa₂ i₂jen'₂ gu₂ në₃, 'ñio₅ lín₃ guë₄ dsan₂ dsí₅ jui₁lia'₂ 'e₂ a₂niog₅ cha₂ mi₂güí₃, 'a₂ lia'₂ jmo₃ a₂'ñio₂ dsí₅ 'io₅₄ quiáin₅.

34 Jma₃quén₅ bá₄ dsí₂jio₅ dsí₅. Jui₁lia'₂ jan₂ 'io₅₄ i₂tsá₃ gu₂ ma₂rë₂jen'₂, o₃ jan₂ dsa₂ mi₄ 'e₂, 'ñio₅ guë₄ dsan₂ dsí₅ tē₂le₃ o₄quió'₄ Te₁gui'₅₄, a₂'nio₃ lén₂ 'í₁ le₃ja₁con₂ Diú₄, lia'₂ le₃quió'₅ ni₁ñi₁₂, lia'₂ le₃quió'₅ jme₂dsí₂ në₃. La₁ jui₁lia'₂ dsa₂ mí₂ i₂ma₂chan₂ dsí₂i₂gu₂ guë'₂ në₃, 'ñio₅ lín₃ guë₄ dsan₂ dsí₅ jui₁lia'₂ 'e₂ niog₅ cha₂ mi₂güí₃, 'a₂ lia'₂ jmo₃ a₂'ñio₂ dsí₅ dsa₂ ñe'₂ quiáin₅.

³⁵ A₂dse₃ quián'₂ bá₄ 'nia'₂ juá'₅ jniá'₂ le₂ně₅, on₃jua'₅₄ rě'₂ a₂jni₄ jniá'₂ quián'₂ 'nia'₂, të₂le₃ ia₁jaun₂ le₃chan'₂ 'nia'₂ lia'₂ con'₂ dsi₂ten₅₄, ia₁jaun₂ lé₂ jang'₅₄ 'nia'₂ 'au'₂ ne₄ Te₁gui'₅₄ të₃ tsá₃ jnág₅ cha₂.

³⁶ La₁ chi₂jua'₂ 'ein₂ chan₂ jan₂ dsa₂ mi₄ i₂jme₁ ma₂li'₅₄ já_{g1} a₂jéin'₂ gu₂ quiain'₅₄, ton'₂ ma₂ca₂ñí₂ jmi_{g4} i₁jéin'₂ gu₂, chi₂jua'₂ líin₂ a₂tsá₃ jmo₂₃ lia'₂ dsi₂ten₅₄ ja₁con₂ 'éi₂, chi₂jua'₂ le₂jaun₂ dsi₂ten₅₄ lé₂ a₂jéin'₂ gu₂, ju₁jmo₁₂ bá₄ 'a₂ lia'₂ 'ñio₂ dsí₅; lé₂ bá₄ qui₂jéin'₂ gu₂, ia₁ on₃jua'₅₄ 'e₂ dso₄ jaun₂.

³⁷ La₁ ju₁lia'₂ dsa₂ i₂ma₂'ei₅ caun₂ dsí₅, on₃jua'₅₄ a₂'nió'₅ 'ein₂ qui₂chi₂quióng₂ jmi_{g4}, të₂le₃ qui'₅₄ jmi_{g4} jmo₃ 'í₁ 'ñiog₅, a₂dse₃ bá₄ jaun₂.

³⁸ Jaun₂ le₂ně₅ bá₄, ju₁lia'₂ dsa₂ i₂jén'₂ gu₂, a₂dse₃ bá₄ jmo₂₃; la₁ia₁ ju₁lia'₂ i₂tsá₃ jén'₂ gu₂ ja₂lin₃ guě₄ dse₃ jmo₂₃.†

³⁹ I₄ 'éi'₃ jiog₃ dsa₂ mí₂ njia₃ dsi₂i₂gu₂ 'a₂ con'₂ njia'₅₄ jmi_{g4} chan₂ 'éi₂. Nē₁ca₂jon₃ dsi₂i₂gu₂ guě₄ 'ně₃, jaun₂ guě₄ le₃jii₅₄ guá₃ táng₃ jéin'₂ gu₂ chi₂jua'₂ 'ein₂ quiain'₅₄ 'nio₃, la₁ lē₃ jua'₅₄ lín₅ dsa₂ 'én₂ 'éi₂.

⁴⁰ La₁ ja₂lin₃ guě₄ dse₃ le₃chain₂ jua'₅₄ co₂ñei'₅₄ tsá₃ ma₃gu₂ jéin'₂ táng₃. Le₂ně₅ con'₂ lín₂ jniá'₂ bá₄. Qui₂dsi₂jio₅ dsí₃ con'₂ lē₅ jio₅ jme₂dsí₂ quián₅ Diú₄ bá₄, lín₂ jniá'₂.

8

Ju₁lia'₂ ñi₄ já'₂ a₂qui₂rě₂jen'₅₄ ne₄ diú₄ lag₄

¹ La₂ juá'₄ táng₃ ju₁lia'₂ cuente quió'₅ ñi₄ já'₂ a₂qui₂jén'₅ dsa₂ ne₄ diú₄ lag₄. Dsón'₂ bá₄ jaun₂ cha₂ a₂ne₄ jniog₄, ca₂le₃jág₃. Ju₁lia'₂ a₂ñi₅ dsa₂ 'ně₃, a₂jaun₂ bá₄ jmo₅ a₂róin₂; la₁ ju₁lia'₂ a₂'nio₃ dsa₂ riin'₅₄, a₂jaun₂ bá₄ jmo₅ a₂dsi₂cóin₃.

² Chi₂jua'₂ chan₂ i₂juá'₂ ma₂tñin₂, tsá₃ bá₄ guě₄ 'e₂ ma₂tñin₂ lia'₂ con'₂ dsi₂ten₅₄ le₃tñin₂.

³ Chi₂jua'₂ 'ein₂ të₃dsón'₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ 'ně₃, já_{g1} ju₁lia'₂ a₂qui_g'₂ dsa₂ ñí₅ a₂ma₂tē₁no₁ nē₂jén'₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ ju₁lia'₂ diú₄ lag₄ ne₄ gua'₅₄ 'uě₃ la₂, ia₁ njia'₅₄ lia'₂ jan₂ bá₄ Diú₄ chan₂.

⁵ Ju₁'a₂ guě₃ la₂ chan₂ i₂tě'₂ dsa₂ diú₄ guei'₅₄ i₂juí_{g3} quian'₅₄ ne₄ gua'₅₄ 'uě₃, (ia₁ të₃dsón'₂ lē₅ le₂jaun₂ 'ně₃, a₂niog₅ chan₂ juin₅ “diú₄”, já_{n3} guě'₂ le₂jaun₂ juin₅ i₂gon₂ já_{n3}),

⁶ la₁ të₂le₃ quián₂ jniog₄ 'ně₃, njia'₅₄ lia'₂ jan₂ bá₄ Diú₄ chan₂, i₂lín₅ jmei₂ jniog₄, i₂ca₂jmo₃ ca₂le₃jě₃ 'e₂ niog₅ cha₂. Le₂jaun₂ guě'₂ jniog₄ 'ně₃ chong₂ o₄quió'₄ 'éi₂. Njia'₅₄ lia'₂ jan₂ tan₅₄ bá₄ i₂gon₂, i₂lín₅ Jesucristo. Të₂le₃ ne₄ o₄quió'₄ 'éi₂ bá₄ ca₂lě₃ ca₂le₃jě₃ a₂cha₂, ca₂tě₂ jniog₄ guio₅₄ 'ně₃, chong₂ të₂le₃ quian'₅₄ 'éi₂.

⁷ La₁ tsá₃ ca₂le₃jín₃ ñi₅ a₂ně₅. I₂chan₂ bá₄ guě₄ i₂qui₂ma₂tñin₂ dsí₅ jme₂gain₃ diú₄ lag₄, jmo₂₃ bá₄ guě₄ dsí₅ ju₁lia'₂ jme₁qui_g'₂ ñí₅ a₂ma₂jáu'₅ ne₄ diú₄ lag₄, 'uig₅₄ ia₁ a₂'uan₅₄ jme₂dsí₂ quió'₅, tsá₃ caun₂ a₂qui₂dsi₂jéin₃ dsí₅, ma₂ca₂rě₃'iog₅ bá₄ jme₂dsí₂ quió'₅.

⁸ Dsón'₂ bá₄, on₃jua'₅₄ o₄quió'₄ má₃ ná_{u2} jniog₄ rě₂ ne₄ Diú₄. Ia₁ on₃jua'₅₄ a₂náu₂ rě₂ guě₄ ne₄ 'éi₂, nē₁jua'₂ ca₂que₅₄, on₃ guě'₂ jua'₅₄ a₂tsá₃ rě₂ tióg₂ nē₁jua'₂ tsá₃ ca₂que₅₄ guě'₂ táng₃.

† 7:38 o₃, “La₁ chi₂jua'₂ 'ein₂ chan₂ jan₂ ja₁mí_{g4} i₂jē₁ca₂ñi₅ ñi₂ a₂jéin'₂ gu₂, chi₂jua'₂ le₂jaun₂ lín₂ dsa₂ a₂dsi₂ten₅₄ guě₄, ju₁jmo₅₄ bá₄ 'a₂ lia'₂ 'ñio₂ dsí₅, lé₂ bá₄ cuin₃ ja₁mí_{g4} a₂jéin'₂ gu₂, ia₁ on₃jua'₅₄ 'e₂ dso₄ jaun₂. La₁ nē₁jua'₂ chan₂ guě'₂ i₂lín₂ on₃jua'₅₄ a₂'nió'₅ 'ein₂ qui₂chi₂quióng₂ jmi_{g4}, 'nio₃ a₂tsá₃ gu₂ jén'₂ bá₄ ja₁mí_{g4}, caun₂ bá₄ 'ei₅ dsí₅ a₂tē₂gua₄ ja₁mí_{g4} le₂jaun₂ të₃ tsá₃ gu₂ jéin'₂, a₂dse₃ bá₄ jaun₂. Jaun₂ le₂ně₅ bá₄, 'ein₂ qui₂cuin₃ ja₁mí_{g4} qui₂jen₂ gu₂, a₂dse₃ bá₄ jmo₂₃. Le₂jaun₂ guě'₂ ju₁lia'₂ i₂tsá₃ cuin₃ ja₁mí_{g4} a₂jen'₂ gu₂, ja₂lin₃ guě₄ dse₃ bá₄ já_{n3}.”

9 La₁ia₁ jag₄ de' ₂'nia' ₂, ia₁ con' ₂tsá₃ njó₅ nē₁qui₂ca₂sén' ₂jui₁lia' ₂i₂'uan₅₄, 'uig₅₄ ia₁ a₂rē₂na₄ jui₅ quián' ₂'nia' ₂a₂lé₂le₃quio' ₅₄.

10 Chi₂jua' ₂ñi' ₅₄'ne₂ rē₂ 'a₂ lia' ₂dsi₂ten₅₄ jmó' ₂, nē₁jua' ₂ca₂jág₂ jan₂ rin' ₅₄i₂'uan₅₄, i₂tsá₃ lin₄ rē₂ ñí' ₂dsí₅, a₂ñéi' ₂quē' ₂ja₁tión₂ diú₄ lag₄, ¿'e₂ bá₄ lé₂ nē₁jua' ₂ca₂tiá₂ dsí₅ 'éi₂ guē' ₃a₂ma₂rē₂jen' ₅₄ ne₄ diú₄ lag₄?

11 O₄quió' ₄a₂ñi' ₅₄'ne₂ jaun₂, dsi₃'én₂ ríng' ₂i₂'uan₅₄ guē₄ ně₃. Ca₂jon₃ Cristo o₄quió' ₄'éi₂ bá₄ ján₃.

12 Ia₁ nē₁jua' ₂jmo' ₂'nia' ₂a₂tsá₃ caun₂ a₂qui₂dsi₂jein₃ dsí₅ ríng' ₂i₂'uan₅₄, 'nau' ₂'nia' ₂dso₄ tē₂le₃ ne₄ Cristo.

13 Jaun₂ lē₃, chi₂jua' ₂léi₄ 'ñi₃ bá₄ jniá₂ jmo₂₃ a₂tan' ₂dso₄ ríng' ₃o₄quió' ₄'e₂ a₂guē' ₂, ja₂lin₃ guē₄ dse₃ o₁líg' ₂jmig₄ tsá₃ ma₃quig' ₅₄ ñí₅, ia₁jaun₂ tsá₃ ma₃tiáin' ₃dso₄.

9

Jui₁lia' ₂a₂ca₂tín₂jan₂ dsa₂ i₂chen₄ quián₅ Jesús

1 Dsón' ₂bá₄ rē₂na₄ jui₅ a₂ca₂tíng₂ ca₂le₃jě₃ con' ₂lě₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui' ₅₄ quián₂. Guion' ₅₄ bá₄ 'nia' ₂ně₃, líng' ₅co₂'nió' ₄ta₁ a₂rē₂jniá₂ quió₃, tē₂le₃ quió' ₅Te₁gui' ₅₄.

2 'An₁ chan₂ bá₄ i₂lín₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quián₅ Te₁gui' ₅₄. La₁ 'nia' ₂ně₃, ca₂tín' ₂bá₄ 'nia' ₂jmó' ₂'au' ₂, le₂ně₅ líng₅, ia₁ 'nia' ₂bá₄ líng' ₅i₂jáng' ₅léi₄ ta₁ quió₃, a₂tē₂dsón' ₂líng₅ jan₂ dsa₂ i₂chen₄ quián₅ Te₁gui' ₅₄.

3 Jui₁lia' ₂dsa₂ i₂con₂ 'í₁ ja₁con₂ jniá₂, le₂la₂ bá₄ lě₅ jág₁ a₂jein' ₅₄ jniá₂ quió' ₅:

4 ¿O₃ bá₄ tsá₃ ca₂tín₂ jniá₂ gue₅₄ ca₂le₃jě₃ 'e₂ cuē₅ dsa₂ a₂guē' ₅₄, o₃ 'e₂ cuē₅ dsa₂ a₂guē' ₅₄ ján₃?

5 ¿O₃ bá₄ tsá₃ ca₂tág₂ jnia' ₅₄ jniá₂ jan₂ dsa₂ mí₂ i₂'én₂ i₂jen' ₄ jnia' ₅₄ gu₂ quian' ₅₄, jui₁lia' ₂jmo₅ dsa₂ i₂chen₄ sián' ₂quian' ₅₄ guē' ₂chi' ₂rin' ₅₄ Te₁gui' ₅₄ 'ñiog₅, jui₁lia' ₂chan₂ Pe₄* ně₃?

6 ¿O₃ bá₄ lín' ₂'nia' ₂, jñia' ₅₄ lia' ₂jniá₂ quian' ₅₄ Bernabé ca₂tág₂ jmó₁ ta₁ a₂'nióg₂ a₂dsi₃ñág₂?

7 ¿'Ein₂ bá₄ 'lióg₂ jme₂ti₃ chi₂jua' ₂'ñiog₅ bá₄ quí₃ 'liain' ₅₄ a₂dsi₂ñí₂? ¿I₂'ein₂ bá₄ 'éi₂ i₂chéin' ₅ñi₁uín₂ uvas jua' ₅₄ tsá₃ guē' ₃guē' ₂míg₂ jaun₂? O₃ jui₁lia' ₂dsa₂ i₂jmo₅ ta₁ jme₂can' ₅₄ chein₄ lau₂, ¿ján₃ guē' ₂tsá₃ lé₂le₃'ín' ₂dsí' ₁já' ₂?

8 Tsá₃ o₁len' ₂'nia' ₂jua' ₅₄ jniá₂ a₂lě₁juá' ₅ con' ₂lě₂ dsi₃ 'ñi₃; ján₃ bá₄ le₂ně₅ juá' ₂ne₄ Si₂ 'Éi' ₃.

9 Ia₁ chi₁ton₅ ne₄ Si₂ 'Éi' ₃ quió' ₅ Moisés le₂la₂: “Tsá₃ tó' ₂'nia' ₂'nei₅₄ mi₂'o₄ ca₁jui₅ i₂jmo₅ ta₁ i₂chén₂ míg₂ trigo.”† ¿A₂'i₅ dsí₅ Diú₄ ca₁jui₅ a₂juá' ₂le₂jaun₂?

10 ¿O₃ a₂juá' ₂o₄quián₂ jniog₄ bá₄? Dsón' ₂bá₄ o₄quián₂ jniog₄ bá₄ ca₂i₃to' ₅₄'éi' ₃ně₅ ne₄ Si₂. Ia₁ le₂jaun₂ bá₄ lě₅ jui₁lia' ₂dsa₂ i₂quia' ₂'uē₃ quian' ₅₄ guē' ₂dsa₂ i₂cág' ₅míg₂ trigo. Tsá₃ a₁jaun₂ jua' ₅₄ a₂lě₁jmo₅ dsa₂ 'éi₂ ta₁ a₂jmo₂₃, jua' ₅₄ tsá₃ 'ín₂ dsí₅ a₂ca₂tíin₂ a₂cág' ₃jaun₂.

11 Jaun₂ le₂ně₅, chi₂jua' ₂jaun₂ ma₂jñí₁ jnia' ₅₄ jě₄ quián' ₂'nia' ₂caun₂ jon₂ a₂gu₂dsí₂, ¿a₁lín₃ 'ñio₅ lín' ₂'nia' ₂jua' ₅₄ a₂cag' ₄ca₂la₂ ja₁con' ₂'nia' ₂jui₁lia' ₂a₂dsi₃ñág₂ jnia' ₅₄ tē₂lia' ₂chong₂?

12 Chi₂jua' ₂ca₂tín₂ dsa₂ sián' ₂a₂jme' ₁oin' ₄'nia' ₂, 'ě₂ guē₄ bá₄ ca₂tág₂ jnia' ₅₄.

* 9:5 griego: Cefas. † 9:9 Deuteronomio 25:4.

La₁ tsá₃ 'e₂ ma₂ca₂chi₁quian₁ jnia'₅₄ 'nia'₂ jmig₄ jua'₅₄ a₂mi₂ a₂ca₂tág₂ jnia'₅₄ jaun₂. Ma₂jmó₁ bá₄ jnia'₅₄ tió'₃ dsi₅ ca₂le₃jě₃ ia₁jaun₂ tsá₃ lě₅ jua'₅₄ cha₂ jnág₅ a₂qui₂dsi₃'ag₅ jág₁ dse₃ quió'₅ Cristo.

13 ¿Tsa₁ ŋi'₅₄ 'nia'₂, ju₁lia'₂ dsa₂ i₂niog₅ ne₄ a₂ŋi₃ dsi₂néi₂ guá'₅, guě'₅ ju₁lia'₂ a₂cha₂ dsi₂néi₂ guá'₅; ju₁lia'₂ dsa₂ i₂tion'₅₄ qui₂jme₂ti₃ ne₄chei₂ ně₃, ján₃ guě'₂ quein'₅₄ gue₂₃ a₂jén'₅ ne₄chei₂?

14 Ján₃ bá₄ le₂jaun₂ ca₂jmo₃ Te₁gui'₅₄ 'éi'₃, ju₁lia'₂ dsa₂ i₂i₂nio₄ qui₂'ě₂ jág₁ dse₃, quian'₅₄ ta₁ jaun₂ le₃chain₂.

15 La₁ jniá₂ ně₃, tsá₃ 'e₂ ma₂ca₂chi₁quian₁ jniá₂ jmig₄ 'nia'₂ jua'₅₄ a₂tion'₅₄ lé₂ a₂ca₂tíng₂. On₃ guě'₂ jua'₅₄ jaun₂ jmo₅ jniá₂ si₂ la₂ ne'₅₄ 'nia'₂ jua'₅₄ a₂'ín₂ dsi₃ a₂jmó'₂ le₂jaun₂ quian'₅₄ jniá₂. ¡Tě₂le₃ quió₃ jniá₂, ja₂lin₃ guě'₄ dse₃ jua'₅₄ jóng₂, lia'₂ con'₂ guě'₄ ně₁jua'₂ 'ein₂ jné₅ ju₁5 a₂tsá₃ ma₃jme₁ti₁₂ guě'₄ ta₁ quió₃ a₂jmo₂₃ táng'₅!

16 La₁ia₁, ju₁lia'₂ jme₁'ě₅ jniá₂ jág₁ dse₃, tsá₃ ca₂tín₂ jniá₂ dsia₅₄ jág₁ tá'₅, ia₁tion'₅₄ 'nió'₅ ca₂tíng₂ bá₄ qui₂'ě₄ dsa₂ jág₁ dse₃. ¡'E₂ guě'₄ ju₁g₂ jniá₂ ně₁jua'₂ tsá₃ ma₃ca₂'ě₃ jniá₂ jág₁ dse₃!

17 Ia₁ ně₁jua'₂ 'ě₅ jniá₂ jág₁ dse₃ a₂'ŋi₀₂ dsi₃ 'ŋi₀₃, gue₅₄ bá₄ 'liang'₅₄. La₁ ně₁jua'₂ tsá₃ jmo₂₃ a₂'ŋi₀₂ dsi₃ 'ŋi₀₃, a₂lě₁jme₂tí₁ bá₄ jniá₂ ta₁ a₂niog₅ gu₃ jmo₅₄.

18 ¿Na₅ bá₄ 'lian'₅₄ jniá₂ jaun₂ ně₃? A₂jaun₂ bá₄ 'lian'₅₄ jniá₂: a₂lé₂ qui₁'ě₄ jniá₂ jág₁ dse₃ ja₁con₂ dsa₂, a₂tsá₃ 'lia'₅₄ can₅₄, on₃jua'₅₄ chi₁quiang₁₂ jmig₄ gue₅₄ a₂ca₂tíng₂.

19 O₁ŋia'₅₄ la₂ jin₅₄ jniá₂, on₃jua'₅₄ chan₂ 'ein₂ ne₄ jme₂tí₁, la₁ jmo₅₄ jniá₂ dsi₃ ně₂jag₄ bá₄ i₂ma₂rě₂'ŋe'₅₄ jniá₂ quián₅ ca₂le₃jín₃, ia₁jaun₂ lé₂ le₃léi₂ guě'₄ juin₅ dsa₂ tě₂le₃ quió'₅ Cristo.

20 Ju₁lia'₂ jme₁'eng₅₄ quiang'₅₄ dsa₂ judíos, jmo₂₃ dsi₃ ně₂jag₄ bá₄ líng₅ co₂'nió'₄ jan₂ dsa₂ judío, ia₁jaun₂ cuin₃ jmig₄ a₂jóin₄ jniá₂. Ju₁lia'₂ ja₁con₂ dsa₂ i₂tion'₅₄ 'Éi'₃ quió'₅ Moisés, jmo₅₄ jniá₂ dsi₃ ně₂jag₄ bá₄ a₂'eng₅₄ 'Éi'₃, ia₁jaun₂ jón₄ jniá₂ ju₁lia'₂ i₂tion'₅₄ 'Éi'₃, (o₁ŋia'₅₄ la₂ tsá₃ 'Éi'₃ jaun₂ 'eng₅₄ tě₃dsón'₂).

21 Tě₂le₃ quió'₅ guě'₂ ju₁lia'₂ dsa₂ i₂tsá₃ tion'₅₄ 'Éi'₃ ně₃, ján₃ bá₄ co₂ríng₂ quian'₅₄ dsa₂ 'éi₂ jmo₂₃ dsi₃, ia₁jaun₂ jóng₄ ju₁lia'₂ dsa₂ i₂tsá₃ tion'₅₄ 'Éi'₃, (o₁ŋia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂'eng₅₄ bá₄ 'éi'₃ quió'₅ Cristo).

22 Ju₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rě₂, ján₃ bá₄ le₂jaun₂ jmo₂₃ dsi₃ líng₅, ia₁jaun₂ jóng₄ ju₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ríng₂ quian'₅₄ ca₂lě₃jín₃, ia₁jaun₂ cuin₃ jmig₄ a₂lé₂ le₃lión₂ i₂lin₅₄.

23 Ca₂le₃jě₃ a₂ně₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tě₂le₃ quian'₅₄ jág₁ dse₃.

24 ¿Tsa₁ ŋi'₅₄ 'nia'₂ ju₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂niói₅₄, la₁ i₂jan₂ tan₅₄ ju₁lia'₂ i₂lí'₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio.

25 Ca₂le₃jín₃ dsa₂ i₂jme₂tin₅ ia₁ cha₂ ja₁lě₄ jág₁ a₂dsi₃cáu₂, jmo₂₃ 'í₁ 'niog₅, ia₁jaun₂ bá₄ lí'₂ caun₂ corona a₂jio₅ co₂'na₂. La₁ jniog₄ ně₃ quen'₂ bí₂ léi₂ caun₂ corona a₂jio₅ co₂tan₅₄ bá₄.

26 Jaun₂ le₂ně₅, 'ŋi₀₃ jniá₂ ně₃, on₃jua'₅₄ a₂lě₁i₂ŋi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lě₁dsi₂dsi₂ja'₂.

27 Tě₂le₃ jma'₄ cuě₅ uig₅ ŋi₃ 'ŋi₀₃, ně₂jag₄ bá₄ a₂rě₂'ŋe'₅₄, con'₂ tsá₃ ŋó₅ ně₁jua'₂ tě₁tsing'₄ 'lig'₅₄ 'ŋi₀₃, lia'₂ con'₂ jme₁ca₂jme₁tíng₅ i₂sián'₂.

10

To' jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua' ₅₄ a₂tsá₃ ŋi' ₅₄ 'nia' ₂ rín' ₅₄ jniog₄, a₂jme₁tion' ₅₄ dsa₂ can' ₅₄ quián₂ jnia' ₅₄ ma₂líg' ₂ né' ₃ jnei₅, jaun₂ guě₄ ca₂ŋí₃ ca₂le₃jín₃ Jmí₁ŋí' ₄ Guéin₂.

² Ca₂tón' ₂ dsa₂ co₂lě₅ ca₂le₃jín₃ quiain' ₅₄ Moisés jě₄ jnei₅ quian' ₅₄ jě₄ jmi₁ŋí' ₄ ně₃.

³ Le₂jaun₂ bá₄ ján₃, ca₂guě' ₃ co₂dsia₅ ca₂le₃jín₃ má₃ a₂gu₂dsí₂;

⁴ ca₂'in' ₃ jmig₂ a₂gu₂dsí₂ ján₃. Ia₁ ca₂'in' ₃ jmig₂ a₂ca₂'ia₂ dso' ₂ ni₁'lau₂ a₂gu₂dsí₂ jaun₂ a₂ca₂jme₃quiong' ₅₄ ca₂le₃jě₃ jmig₄ tioin' ₅₄ jui₅. Ni₁'lau₂ jaun₂ ně₃, Cristo bá₄ 'éi₂.

⁵ La₁ia₁, mei' ₂ tsá₃ le₃jín₃ dsa₂ 'éi₂ ně₃, tsá₃ ca₂jmo₃ a₂'ŋio₂ dsí₅ Diú₄. Jaun₂ ne₄ 'uig₅₄ jaun₂, qui₂lǝga' ₅₄ ni₁ŋí₁₂ 'uě₃ quein₂ co₂'ŋiog₅ jaun₂.

⁶ Ca₂le₃jě₃ a₂ně₅ ca₂lě₃ ia₁jaun₂ lě₅ caun₂ jág₁ a₂jáng' ₅ léi₄ quián₂ jniog₄ jmig₄ ně₃, ia₁jaun₂ tsá₃ jmó₁ jniog₄ 'ín₅ dsí₅ ja₁con₂ a₂'lig' ₅₄, jui₁lia' ₂ ca₂jmo₃ dsa₂ 'éi₂ 'ín₅ dsí₅.

⁷ Jaun₂ juíg₂ jniá₂ 'nia' ₂, tsá₃ jme₁gan' ₃ 'nia' ₂ diú₄ lag₄, jui₁lia' ₂ ca₂jmo₃ i₂lín₅₄ dsa₂ 'éi₂; jui₁lia' ₂ juá' ₂ ne₄ Si₂: "Ca₂tián' ₂ dsa₂ ca₂guě' ₃ qui₂ca₂'in' ₃ ně₃, jaun₂ guě₄ qui₂ca₂nau₂, ca₂co₃."*

⁸ Tsá₃ ca₂tág₂ jniog₄ 'nióg₁ dso₄ jua' ₅₄ nió' ₄ jniog₄ jág₁ quian' ₅₄ jui₁'ein₂ guě₃, jui₁lia' ₂ ca₂jmo₃ i₂lín₅₄ dsa₂ 'éi₂. Ne₄ 'uig₅₄ jaun₂, quian' ₅₄ co₂jmig₄ ca₂dsan₃ con' ₂ guióg₂-ni₅ mei₅ dsa₂ 'éi₂.

⁹ On₃ guě' ₂ ca₂tág₂ jniog₄ a₂quiong₅₄ táu₂ Te₁gui' ₅₄ jui₁lia' ₂ ca₂jmo₃ i₂lín₅₄ dsa₂ 'éi₂, jaun₂ qui₂ca₂dsain₃, qui₂ca₂cag' ₂ dsí₂mi' ₂.

¹⁰ On₃ guě' ₂ chi'ín' ₄ 'nia' ₂ uig₅ Diú₄, jui₁lia' ₂ ca₂jmo₃ i₂lín₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂ně₅ bá₄ ca₂lǝŋí₂ dsa₂ 'éi₂, ia₁jaun₂ jióg' ₂ 'í₁ lě₅ léi₄; ca₂lǝto' ₅₄ ne₄ Si₂ co₂'nió' ₄ caun₂ jág₁ a₂lǝ'ag₅₄ tě₃jniá₅, ia₁jaun₂ dsiog' ₂ dsí₅ jniog₄ jmig₄ ně₃, ia₁ ma₂ja₂quián₃ bá₄ le₃'ŋia₅ jmig₄ a₂le₂tǝ₃ a₂lě₅ dsí₅ Diú₄ jmo₃ ja₁con₂ jniog₄.

¹² Le₂ně₅ bá₄, chi₂jua' ₂ 'ein₂ lín₂ chéin' ₅ tiá₂ a₂'éin₂, jui₁jmo₁₂ 'í₁ ia₁jaun₂ tsá₃ tián' ₃.

¹³ Tsá₃ 'e₂ táu₂ ma₂lǝŋí' ₂ 'nia' ₂, jŋia' ₅₄ lia' ₂ a₂qui₂dsí₂ŋí₂ dsa₂ mi₂güí₃. La₁ i₂rě₂tǝ' ₅₄ bá₄ Diú₄, tsá₃ cuě₃ jmig₄ jua' ₅₄ ŋí₄ a₂qui₂dsí₁juin₅₄ 'a₂ con' ₂ jŋia' ₅₄ tiang' ₃. Tě₂le₃ 'ŋiog₅ bá₄ Diú₄ jmo₃ caun₂ jui₅ 'a₂ lia' ₂ lě₂ jmó' ₂ a₂tiang' ₃, jui₁'e₂ guě₃ caun₂ táu₂ já₅.

¹⁴ Jaun₂ juíg₂ jniá₂ 'nia' ₂ rín' ₅₄ jniog₄, quiá₂ 'nia' ₂ cau₅ ja₁jme₂juin' ₂ dsa₂ diú₄ lag₄.

¹⁵ Juíg₂ jniá₂ 'nia' ₂ dsa₂ i₂ŋí' ₂ dsí₅: quion₂ de' ₂ 'nia' ₂ caun₂ 'í₁ a₂juá' ₅.

¹⁶ Jui₁lia' ₂ jme₁quian' ₅₄ jniog₄ rín' ₅₄, 'ne' ₂ jniog₄ a₂'a₄ copa jŋió₅, cuě₂ ti₁'mag' ₄ Diú₄: ¿on₁jua' ₅₄ a₂quein' ₄ jniog₄ jmi₄ Cristo? Le₂jaun₂ bá₄ ján₃ jui₁lia' ₂ jme₁quian' ₅₄ jniog₄ rín' ₅₄ jmo₂ dsíóg₁ i₁ŋí' ₄: ¿on₁jua' ₅₄ a₂quein' ₄ jniog₄ ni₁ŋí₁ Cristo?

¹⁷ Jui₁lia' ₂ caun₂ bá₄ i₁ŋí' ₄ lě₅, ján₃ bá₄ le₂jaun₂ jniog₄ ně₃, o₁jŋia' ₅₄ la₂ juag₅ jniog₄ lě₂, la₁ caun₂ bá₄ ni₁ŋí₅ lág₅ jniog₄, ia₁ caun₂ i₁ŋí' ₄ bá₄ que₂ jniog₄.

¹⁸ Quion₂ de' ₂ 'nia' ₂ 'í₁ 'a₂ lia' ₂ lě₅ juig₂ Israel: ¿Tsa₁ lín' ₂ 'nia' ₂, jŋia' ₅₄ dsa₂ i₂guě' ₅ má₃ ŋí₄ já' ₂ a₂qui₂rě₂jen' ₅₄ ne₄chei₂, le₂jaun₂ bá₄ quein' ₅₄ guioin₅₄ ne₄chei₂ jaun₂?

¹⁹ Tsá₃ juíg₂ jniá₂ 'nia' ₂ jua' ₅₄ a₂cha₂ bí₂ 'io₅ diú₄ lag₄, on₃ guě' ₂ le₂jaun₂ ŋí₅ a₂te₁'i₁ ne₅₄.

* 10:7 Éxodo 32:6.

20 Tě₂le₃ juá'₅ jniá'₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rě'₂ ne₄ Diú₄ tě₃dsón'₂. Jaun₂ tsá₃ 'nio₃ jniá'₂ jua'₅₄ quen'₅₄ 'nia'₂ quian'₅₄ je₂na'₅₄.

21 Tsá₃ lé₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ ján₃ guě'₂ 'ag'₅₄ táng₃ copa quió'₅ je₂na'₅₄. On₃ guě'₂ lé₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ ján₃ guě'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

22 ¿'E₂ lé₂ ně₃? ¿O₃ bá₄ lé₂ le₃jmo₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ guě'₄ jniog₄ lia'₂ con'₂ guě'₄ 'éi₂?

'A₂ con'₂ jnia'₅₄ cuě₂₃ jmig₄ ia₁ a₂lág₅ jniog₄ dsa₂ quián₅ Cristo

23 Dsón'₂ bá₄ dsau₅: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua'₅₄ ca₂le₃jě₃ a₂jaun₂ jme₂'o₅₄; dsau₅ bá₄: “I₄ 'éi'₃ le₃jmo₃ dsa₂ ca₂le₃jě₃ 'e₂ 'nio₃ jmo₃”, la₁ia₁ tsá₃ jua'₅₄ ca₂le₃jě₃ a₂jaun₂ jmo₃ a₂dsi₃cón₃ dsa₂ tě₂le₃ quió'₅ jme₂dsí₂.

24 'Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rě'₂ jma'₃ lia'₂ a₂dse₃ ja₁coin₂ 'niog₅.

25 Qué'₂ bá₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lě₃ jua'₅₄ tsá₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jni₅ 'au'₂ 'nia'₂.

26 Ia₁: “Gua'₅₄ 'uě₃, quian'₅₄ guě'₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”†

27 Ně₁jua'₂ 'ein₂ dsa₂ i₂tsá₃ 'én₂ ca₂tě₃ 'nia'₂ a₂o₁qué'₂ ja₁quió'₄, ně₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jě₃ 'e₂ niog₅ dsia₃ dsa₂ ne'₅₄, lě₃ jua'₅₄ tsá₃ cáun'₂ 'í₁ o₄quió'₄ a₂qui₂dsi₂jni₅ 'au'₂ 'nia'₂.

28 La₁ ně₁jua'₂ chan₂ guě'₂ 'ein₂ juá'₂: “Má₃ a₂quě'₂ 'nia'₂ ně₅ a₂ma₂jáu'₅ jme₂rě₂jen'₅₄ ne₄ diú₄ lag₄ bá₄ ně₅”, co₂dsia₅ tsá₃ ma₃quě'₂ 'nia'₂, o₄quió'₄ i₂juá'₂ le₂ně₅, ján₃ bá₄ o₄quió'₄ a₂qui₂dsi₂jni₅ dsí₅ ně₃.‡

29 A₂qui₂dsi₂jni₅ dsí₅ dsa₂ 'éi₂ bá₄ guě'₂, on₃jua'₅₄ rě'₂ 'nia'₂.

La₁ chan₂ guě'₂ i₂le₃juá'₂ táng₃: “¿'E₂ 'uig'₅₄ qui₂con₂ dsa₂ 'í₁ tě₂le₃ jui₅ a₂tsá₃ jnág₅ quió'₃, o₄quió'₄ 'a₂ lia'₂ niog₅ ní'₂ dsí₅ i₂sián'₂?”

30 Chi₂jua'₂ cuě₅ jniá'₂ ti₁'mag'₄ o₄quió'₄ caun₂ má₃ a₂quen'₅₄ jniá'₂ jě₄ guě'₅ dsa₂, ¿'e₂ 'uig'₅₄ chi₂'ag₅ dsa₂ o₄quió'₄ a₂guě'₂ jaun₂, chi₂jua'₂ cuě₅ ti₁'mag'₄ ně₃?

31 Jaun₂ lě₃, chi₂jua'₂ quě'₂, 'ag'₂, ján₃ guě'₂ le₂jaun₂ chi₂jua'₂ 'e₂ guě'₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jě₃ a₂jaun₂.

32 La₁ tsá₃ cuě₂ 'nia'₂ jmig₄ jua'₅₄ ja₁lé₂ tsí₃sén'₂ dsa₂ judíos, on₃ guě'₂ dsa₂ griegos, on₃ guě'₂ dsa₂ i₂tén₅ le₃quió'₅ guá'₅ quián₅ Diú₄ ně₃.

33 Jniá'₂ 'nió₃ ně₃ quín'₅ bí₂ jmo₂₃ a₂tě₅ dsí₅ ca₂le₃jín₃, tsá₃ jmo₅ jniá'₂ dsí₃ a₂'náu'₅ jniá'₂ a₂dse₃ le₃ja₁cong₂ 'nió₃. Jmo₅ bá₄ jniá'₂ a₂dse₃ le₃ja₁con₂ i₂sián'₂, ia₁jaun₂ lióin₂.

11

1 Quian₂ 'nia'₂ jui₅ a₂ca₂can₃ jniá'₂, jui₁lia'₂ jniá'₂ ně₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ mí₂ jme₁tioin'₅₄ culto

2 Rin'₅₄ jniog₄, a₂'nió₂ dsí₃ lín₃ cuě₅ jniá'₂ ti₁'mag'₄ 'nia'₂, 'uig'₅₄ ia₁ a₂dsau'₂ bá₄ 'au'₂ jniá'₂, ia₁ chan'₅₄ bá₄ 'nia'₂ tiá₂ jág₁ con'₂ lě₅ ma₂ca₂jme₁tin₅ jniá'₂ 'nia'₂.

3 La₁ 'nio₃ jniá'₂ a₂le₃ni'₅₄ 'nia'₂: jui₁lia'₂ lín₅ Cristo mi₂dsi₄ le₂jan₂ le₂jan₂ dsa₂ ňe'₂, ján₃ guě'₂ le₂jaun₂ lín₅ dsa₂ ňe'₂ mi₂dsi₄ dsa₂ mí₂; jaun₂ lín₅ Diú₄ mi₂dsi₄ Cristo.

4 Jua'₅₄ mei'₂ guě'₃ jan₂ dsa₂ ňe'₂ jlě₂ dsi₅₄ jme₁chi₂lén'₂ Diú₄ jě₁le₁ni'₂ dsa₂, o₃ jme₁ňág₅ jág₁ a₂cuě₅ Diú₄, chein'₂₃ o₂gui'₃ mi₂dsi₅₄ chi₂jua'₂ le₂jaun₂.

† 10:26 Salmo 24:1. ‡ 10:28 A₂lín₅₄ chog₅₄ si₂ juá'₂ ján₃: “Ia₁ gua'₅₄ 'uě₃, quian'₅₄ guě'₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”

5 La₁ chi₂jua'₂ jan₂ guë'₂ dsa₂ mí₂ tsá₃ chi₁jlë₅ dsi₅₄ jme₁chi₂lén'₂ Diú₄, o₃ jme₁ñág₅ jág₁ a₂cuë₅ Diú₄, chein'₂₃ o₂guí'₃ mi₂dsi₅₄ chí₂jua'₂ le₂jaun₂ ján₃; co₂jaun₂ bá₄ dsió_{g5} nē₂jag₄ bá₄ rē₂chei₄ jñi₂ dsi₅₄.

6 Chi₂jua'₂ tsá₃ 'nio₃ jui₁lia'₂ jan₂ dsa₂ mí₂ jlë₂ dsi₅₄, co₂ñei'₅₄ o₁chéi₄ jñi₂ dsi₅₄. La₁ chi₂jua'₂ caun₂ o₂guí'₃ jaun₂, a₂chéi₃ jan₂ dsa₂ mí₂ jñi₂ dsi₅₄, o₃ a₂téi'₅ 'e₂, jui₁jlë₅₄ bá₄ mi₂dsi₅₄.

7 Tsá₃ ca₂tín₂ dsa₂ ñe'₂ jlë₂ dsi₅₄, ia₁ 'éi₂ bá₄ lín₅ co₂'nió'₄ nió'₄ quió'₅ Diú₄, i₂jme₂jnia₅ a₂jlá'₁ quió'₅ Diú₄. La₁ia₁ dsa₂ mí₂ ně₃, lín₅ i₂jlán'₁ quián₅ dsa₂ ñe'₂.

8 Le₂'uig₅₄ lia'₂ con'₂ jme₁ca₂jmo'₂ Diú₄ dsa₂ ñe'₂, ma₁ on₃jua'₅₄ quió'₅ dsa₂ mí₂ ca₂can₃ 'uig₅₄. Dsa₂ mí₂ bá₄ 'éi₂ ca₂já₃ ca₂lin₃ quian'₅₄ ni₁ñi₁ dsa₂ ñe'₂.

9 O₄quió'₄ dsa₂ ñe'₂ bá₄ ca₂jmo'₂ Diú₄ dsa₂ mí₂, jaun₂ on₃jua'₅₄ rē'₂ dsa₂ ñe'₂ ca₂lin₃ o₄quió'₄ dsa₂ mí₂.

10 'Uig₅₄ jaun₂ guë'₂ ně₃, o₄quió'₄ ángeles, ca₂tín₂ dsa₂ mí₂ cán₂ caun₂ léi₄ ne₄ mi₂dsi₅₄, a₂'ein₅₄ 'éi'₃.

11 La₁ tē₂le₃ quió'₅ Te₁gui'₅₄ ně₃, tsá₃ lé₂ le₃chan₂ dsa₂ ñe'₂ jua'₅₄ mei'₂ guë₃ tsá₃ dsa₂ mí₂ chan₂. Le₂jaun₂ guë'₂ ján₃ tsá₃ lé₂ le₃chan₂ dsa₂ mí₂ jua'₅₄ mei'₂ guë₃ tsá₃ dsa₂ ñe'₂ chan₂ táng₃.

12 Ia₁ jui₁lia'₂ ca₂já₃ dsa₂ mí₂ dsi₁con₂ dsa₂ ñe'₂, ján₃ bá₄ le₂jaun₂ guë'₂ ně₃ rē₂chan₂ dsa₂ ñe'₂ cáun₂ dsa₂ mí₂. La₁ ja₂lé₂ ca₂le₃jě₃ ja₁con₂ Diú₄.

13 Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ten₅₄ chi₁lén'₂ dsa₂ mí₂ Diú₄ jme₁le₁ñi'₂ 'nia'₂ tē₃ tsá₃ chi₁jlë₅ mi₂dsi₅₄?

14 ¿Tsa₁ léi₄, tsa₁ jág'₂ 'nia'₂ 'a₂ lia'₂ lē₅ dsi₁ten₅₄ i₂nio₄ dsa₂, caun₂ o₂guí'₃ bá₄ jaun₂ quió'₅ jui₁lia'₂ jan₂ dsa₂ ñe'₂, chí₂jua'₂ quian₅ jñi₂ dsi₅₄ jang₄?

15 La₁ dsa₂ mí₂ guë'₂ ně₃, jlá'₁ bá₄ tē₂le₃ quió'₅ 'éi₂ chí₂jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ñi₂ jñi₂ dsi₅₄ jang₄ co₂'nió'₄ caun₂ 'mi'₂ 'ñiá'₂.

16 Chi₂jua'₂ chan₂ guë'₂ i₂'nio₃ tsin₃ quió'₅ jág₁ nē₅, jaun₂ juá'₅ jniá₂, ca₂lia'₂ jñiá'₅₄ jniá'₅₄ guio₅₄, on₃ guë'₂ 'i₁caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂i₁juin₅₄ ñag₅₄ ca₂guë'₃ dsa₂ ja₁jmo_{g5} Má₃ quió'₅ Te₁gui'₅₄

17 La₁ ne₄ si₂ la₂, 'éi'₃ a₂nē₃ guë'₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂dse₃ tion'₅₄ 'nia'₂. Ia₁ jmo'₂ 'nia'₂ dain₅₄ jme₁ñig'₂, 'nió'₄ a₂jme₁jmo'₂ 'nia'₂ a₂dse₃.

18 Jē₁le₂'uig₅₄ juá'₅ jniá₂, ma₂guion₅₄ jág₁ a₂jmo'₂ 'nia'₂ le₁dsong'₅₄, lia'₂ jme₁ñi'₂ 'nia'₂. Mei'₂ tsá₃ tí₅ bá₄ ca₂la₂ jág₁ nē₅, líng₂.

19 Dsón'₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-nē₅, ia₁jaun₂ le₃jniá₂ jin'₄ 'nia'₂ jui₁lia'₂ dsa₂ i₂ma₂guei₃ Diú₄.

20 Jaun₂ lē₃, jme₁ñi'₂ 'nia'₂, tsá₃ ma₂lē₅ quió'₅ Te₁gui'₅₄, má₃ a₂quē'₂ 'nia'₂ jaun₂,

21 ia₁ jē₁ma₂ca₂tē₂ hora a₂quē'₅₄ 'nia'₂, jmo₅ dsa₂ i₂lin₅₄ jma₃quén₅ dsi₂jñiá₄ qui₂guë'₅. Chan₂ i₂lin₅₄ tion'₅₄ i₁cón'₅; tē₂lia'₂ tion'₅₄ i₂sián'₂ le₁'ein₅.

22 ¿Tsa₁ dsi₂néi₂ quián'₂ 'nia'₂ cha₂ ja₁lé₂ le₃qui₁quē'₅₄ qui₁'ag'₅₄ 'nia'₂ ně₃? ¿O₃ bá₄ ma₂jin'₅₄ 'nia'₂ sion₅ guá'₅ quián₅ Diú₄, ján₃ guë'₂ cuë'₂ 'nia'₂ o₂guí'₃ dsa₂ i₂tsá₃ 'e₂ cha₂ quió'₅? ¿'E₂ bá₄ juig₅₄ jniá₂ 'nia'₂? ¿A₁juá'₄ jniá₂ dse₃ lia'₂ tion'₅₄ 'nia'₂ ia₁ a₂jmo'₂ le₂jaun₂? ¡Dsón'₂ bá₄ tsá₃ le₂jaun₂!

Má₃ quió'₅ Te₁gui'₅₄

(Mateo 26:26-29; Marcos 14:22-25; Lucas 22:14-20)

23 Ia₁ a₂ca₂ñi₂ bá₄ jniá₂ a₂ca₂jme₃tag₅ 'ñiog₅ Te₁gui'₅₄ a₂ma₂ca₂jme₁tin₅ guë'₂ jniá₂ 'nia'₂; lia'₂ con'₂ le₃ca₂nei₂ jmi_{g4} jme₁ca₂jáng'₂ dsa₂, ca₂can₃ i₁ñí'₄.

24 Jme₁ma₂dsan₃ cuë'₅ ti₁'mag'₄ Diú₄, jaun₂ guë'₄ ca₂'niai₃ ca₂dsi₃ i₁ñí'₄, jaun₂ ca₂juá'₂: “Qué'₂ 'nia'₂; a₂la₂ bá₄ ñi₃ a₂rē₂'na₄ o₄quián'₂ 'nia'₂. Jmo₄ 'nia'₂ le₂la₂ a₂dsiog'₂ 'au'₂ jniá₂.”

25 Ján₃ bá₄ le₂ně₅, jme₁ma₂ca₂lě₃guě'₅ i₁ŋí'₄, ca₂can₃ táng₃ copa, jaun₂ ca₂juá'₂: "A₂'a₄ copa la₂, lě₅ jág₁ 'mí₂ a₂li'₅₄ tē₂le₃ quian'₅₄ jmí₃. * Lia'₂ co₂ráun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂."

26 Jaun₂ le₂ně₅ bá₄, lia'₂ co₂ráun₂ tón'₄ 'nia'₂ quē'₅₄ i₁ŋí'₄, 'ag'₅₄ 'nia'₂ a₂'a₄ copa, qui₂'ě'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂tě₂ jmí₃ i₁guain'₂ táng₃.

A₂ lia'₂ dsi₂ten₅₄ tón'₃ dsa₂ jmóg'₂ guě'₃ Má₃ quió'₅ Te₁gui'₅₄

27 Jaun₂ lě₃, chi₂jua'₂ 'ein₂ guě'₅ i₁ŋí'₄, 'ín'₂ a₂'a₄ copa jaun₂, on₃jua'₅₄ ia₁ a₂léi₄ dsan₂ dsí₅, a₂rě₂cán'₄ bá₄ 'éi₂ le₃ja₁con₂ ŋí₄ jmí₄ Te₁gui'₅₄.

28 'Uig₅₄ jaun₂ ně₃, né'₃ a₂guě'₃ jan₂ dsa₂ i₁ŋí'₄, né'₃ a₂'ín'₂ a₂'a₄ copa, jui₁quion₂ 'í₁ ja₁con₂ 'ŋiog₅.

29 Ia₁ ně₁ca₂guě'₃ ca₂'in'₃, tē₃ tsá₃ rě₂ŋí'₂ dsí₅, tsá₃ rě₂cuí'₅ ŋí₄ Te₁gui'₅₄, cuě'₅ uig₅ 'ŋiog₅ bá₄ ně₁ca₂guě'₃ ca₂'in'₃ le₂jaun₂.

30 Ne₄ 'uig₅₄ jaun₂, juí₅ 'nia'₂ i₂le₁dso'₅₄, i₂'uan₅₄ ně₃; i₂lín₅₄ guě'₂ ma₂qui₂ca₂dsain₃.

31 La₁ ně₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄.

32 Jme₁con₂ Te₁gui'₅₄ 'í₁ ja₁con₂ jniog₄, jme₂rě₃ jui₅ quián₂ jniog₄, ia₁jaun₂ tsá₃ guéi₁ uig₅ co₂lě₅ quian'₅₄ dsa₂ mi₂güí₃.

33 Jaun₂ le₂ně₅ bá₄, 'nia'₂ rín'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quē'₅₄ co₂dsia₅.

34 Chi₂jua'₂ chan₂ jan₂ i₁cón'₅, jui₁guě'₄ co₂ŋei'₅₄ ja₁quió'₄, ia₁jaun₂ tsá₃ 'ě₂ Diú₄ uig₅ jui₁lia'₂ jě₁ŋig'₂ 'nia'₂.

Jui₁lia'₂ jág₁ a₂'nió'₅ le₃rě₂, ně₅ bá₄ jme₁rě₂ jniá₂ jě₁ma₂tě₂ rě₁dsióg₄.

12

Jui₁lia'₂ ta₁ a₂tín₂ dsa₂ a₂cuě₅ Jme₂dsí₂ Jnió₅ cuě'₅ le₂jan₂ le₂jan₂ dsa₂

1 Ně₃ ně₃, rín'₅₄ jniog₄, jui₁lia'₂ tē₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ŋi'₅₄ 'nia'₂.

2 Ma₂ŋi'₅₄ bá₄ 'nia'₂, rín'₅₄ jniog₄, lia'₂ con₂ tsá₃ dsa₂ 'én₂ jme₁ma₂lín'₅ 'nia'₂, jme₁tē₁i₂nió'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁.

3 Jaun₂ ně₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con₂ jiog₅ Jme₂dsí₂ quián₅ Diú₄, tsá₃ juá'₂: "jui₁dsi₂'én₂ Jesús!" Ján₃ guě'₂ le₂jaun₂, 'i₁jan₂ tsá₃ lé₂ le₃juá'₂: "jjesús bá₄ i₂lín₅ Te₁gui'₅₄!" chi₂jua'₂ tsá₃ Jme₂dsí₂ Jnió₅ jiog₅ guě'₂.

4 'Lióng₂ bá₄ jui₅bí₂ cha₂ a₂lé₂ le₃ŋe₂ dsa₂, la₁ia₁ jan₂ bá₄ Jme₂dsí₂ i₂cuě₅.

5 'Lióng₂ ne₅₄ bá₄ ta₁ a₂cha₂ a₂lé₂ jme₃tí₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂.

6 Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jě₃ ta₁ jaun₂ ja₁con₂ ca₂le₃jín₃ dsa₂.

7 Ně₃ ně₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂.

8 Tē₂le₃ quian'₅₄ Jme₂dsí₂ bá₄ cuě₅ Diú₄ jui₅bí₂ cuě'₅ jui₁lia'₂ jan₂ dsa₂ a₂lé₂ le₃cuě₃ jág₁ a₂ŋí'₂ dsí₅. I₂sián'₂ guě'₂ ně₃, ŋei₂ bí₂ a₂tín₂ 'a₂ lia'₂ le₃ŋi₅ caun₂ jág₁, tē₂le₃ quian'₅₄ jan₂ Jme₂dsí₂ 'éi₂ bá₄.

9 Jui₁lia'₂ i₂sián'₂ guě'₂ ně₃, rě₂'éin₂ 'ŋio₅ lín₃, a₂jmo₅ 'ŋiog₅ Jme₂dsí₂ 'éi₂ bá₄ ján₃. I₂sián'₂ guě'₂ qui'₅₄ jmí₃ a₂lé₂ le₃jme₃ 'lióin₂ jui₁lia'₂ dsa₂ dso'₅₄ ně₃, tē₂le₃ quian'₅₄ jan₂ Jme₂dsí₂ 'éi₂.

* 11:25 'Nio'₂ ja₁ton₅, Mateo 26:28; Éxodo 24:8; 1 Corintios 10:16.

10 I₂lin₅₄ guë'₂ tin₅ jui₅bí₂ a₂jmo₃ léi₄ juë'₂; i₂lin₅₄ guë' i₂lé₂ le₃'ě₂ jág₁ a₂jme₂jnia₅ Diú₄ ne₅₄; i₂lin₅₄ guë'₂ nei₂ bí₂ a₂tin₂ con₂ 'í₁ a₂rë₂lí'₄ dsí₅ jin₄ jme₂dsí₂; i₂lin₅₄ guë'₂ nei₂ bí₂ a₂lé₂ le₃dsia₃ jág₁ jmei₅ siá'₂; i₂lin₅₄ guë'₂ i₂qui'₅₄ jmig₄ a₂juá'₂ 'e₂ jein₅ jág₁ jmei₅ jaun₂.

11 Ca₂le₃jě₃ jui₅bí₂ nē₅, jan₂ Jme₂dsí₂ quián₅ Diú₄ bá₄ cuë₅ a₂tin₂ dsa₂ le₂jain₂ le₂jain₂, lia'₂ con'₂ lě₅ 'ñio₂ dsí₅.

Ca₂le₃jág₃ bá₄jniog₄ lág₅ co₂'nió'₄ caun₂ bá₄ ñí₅

12 Ia₁, jui₁lia'₂ lě₅ caun₂ ni₁ñí₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñí₁₂ lě₅; ján₃ bá₄ le₂jaun₂ lě₅ le₃quió'₅ Cristo.

13 Ia₁ ca₂le₃jág₃ bá₄ jniog₄, lia'₂ con'₂ jme₁qui₂ca₂jñó₂* jmig₂, tē₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmig₂, ca₂lag₃ co₂'nió'₄ caun₂ ni₁ñí₅. Tsá₃ a₂lě₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄ jui₁lia'₂ i₂jme₂ti₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂jag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ nē₂jag₄ bá₄ jmig₂.

14 Ia₁ tsá₃ lé₂ le₃jmó₁ jniog₄ dsí₅, jui₁lia'₂ caun₂ ni₁ñí₁ dsa₂ mi₂güí₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅.

15 Ia₁ jua'₅₄ mei'₂ guë₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂tíng₂ téng₃ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅.

16 O₃ jua'₅₄ mei'₂ guë₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅.

17 Jua'₅₄ mei'₂ guë₃ ta₁caun₂ ni₁ñí₁ dsa₂ ca₂lě₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guë₃ ta₁caun₂ ni₁ñí₁ dsa₂ ca₂lě₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄?

18 La₁ 'ñiog₅ bá₄ Diú₄ nē₃, lia'₂ con'₂ lě₅ 'ñio₂ dsí₅, jma₃quén₅ qui₂ca₂jmo₃ ca₂tíong₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ñí₁ dsa₂.

19 Jua'₅₄ mei'₂ guë₃ ca₂ne₅₄ lě₅ quió'₅ dsa₂, ¿'a₂ lia'₂ lé₂ le₃juá'₂ dsa₂ caun₂ ni₁ñí₁₂?

20 La₁ lě₅ nē₃, jui₁'a₂ guë₃ la₂ lě₂ 'lióng₂ jma₃quén₅ a₂chei₂ quió'₅ dsa₂, caun₂ bá₄ ni₁ñí₁₂ lě₅.

21 Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió₃.” Ján₃ bá₄ le₂nē₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió₃.”

22 Tē₂le₃ 'ñio₅ guë₄ dsen₅₄ jui₁lia'₂ ja₁lín₂ dsa₂ a₂'uan₅₄ quió'₅.

23 Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guë'₂ 'ñio₅ guë₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rē₂jniá₂ quián₂ jniog₄, ja₁le₂jaun₂ bá₄ guë'₂ jmo₂ jniog₄ 'í₁,

24 la₁ ja₁dsi₂ten₅₄ rē₂jniá₂ guë'₂ nē₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ñia₅ Diú₄ ni₁ñí₅, a₂ca₂jme₃dsen₅₄ jui₁lia'₂ ja₁tsá₃ lín₄ dsen₅₄

25 ia₁jaun₂ tsá₃ lé₂ le₁dso'₅₄ ni₁ñí₅, tē₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂.

26 Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guë₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ jui₁lia'₂ ja₁rē₂dsen₅₄ quió'₅ dsa₂, le₂nē₅ bá₄ ján₃ lě₂ 'io'₂ ca₂le₂con₂ quió'₅ dsa₂.

27 Le₂nē₅ bá₄ jui₁lia'₂ 'nia'₂ nē₃: guion'₅₄ bá₄ 'nia'₂ caun₂ bá₄ ja₁téng'₄ ñí₄ Cristo; le₂jan'₂ le₂jan'₂ 'nia'₂, líng'₅ lia'₂ caun₂ ja₁tén₄ quió'₅.

28 Le₂nē₅ bá₄ ján₃, jma₃quén₅ lě₅ bí₂ ma₂cuë'₃ le₂jan₂ le₂jan₂ dsa₂ i₂tén₅ guá'₅ quián₅. Jē₁le₂'uig₅₄ ca₂'iin₃ dsa₂ i₂chen₄ quián₅; jē₁ca₂tē₂ tin₃, ca₂'iin₃ dsa₂ i₂'ě₂ jág₁ quián₅; jē₁ca₂tē₂ 'nag'₂, dsa₂ i₂jme₂tag₅ lín₅ tē₅; ñó₅ jaun₂, dsa₂ i₂'io₅ bí₂ jmo₃ léi₄ juë'₂; dsa₂ i₂qui'₅₄ jmig₄ jme₃'lióin₂ dsa₂ dso'₅₄; dsa₂ i₂jme₂'o₅₄

* 12:13 lit. “lia'₂ con'₂ jme₁i₂tiog₃ jmig₂.”

jme₂'oin₅₄ riin'₅₄; η₅ jaun₂, jui₁lia'₂ dsa₂ i₂cán₂ ne₄ ju₅; dsa₂ i₂dsia₅ 'lióng₂ ne₅₄ jág₁ jmei₅.

²⁹ Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ηi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tē₅ i₂jme₂tag₅? ¿O₃ bá₄ ca₂le₃jín₃ tin₂ jmo₃ léi₄ juē'₂?

³⁰ ¿Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmi_g₄ ca₂le₃jín₃ dsia₃ jág₁ jmei₅ siá'₂? ¿ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂.

³¹ Jmo₄ 'nia'₂ 'ín₅ 'au'₂ ju₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ ju₅ a₂dse₃ guě₄ lín₃.

13

Jui₁lia'₂ a₂jme₂'nio₃ dsa₂ riin'₅₄

¹ Jui₁'a₂ guě₃ la₂ ting₂ dsia₅₄ quian'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles ně₃, la₁ ně₃jua'₂ tsá₃ jme₂'nióg₄ guě'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Lín₅ ně₂jag₄ bá₄ caun₂ η₁ tē₂bong₅ a₂lē₁₂'ein₅₄, o₃ co₂'nió'₄ caun₂ ni₁η₁ tó'₅ mi'₅₄ bá₄.

² Jui₁la₂ qui'₅₄ jniá₂ jmi_g₄ a₂'ě₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rē₂'ma₄ le₂jniá₅, ján₃ bá₄ jui₁la₂ η₁'₂ dsi₃ jniá₂ ca₂le₃jě₃, jui₁la₂ 'éng₂ 'ηio₅ lín₃, ca₂lia'₂ qui'₅₄ jniá₂ jmi_g₄ le₃jniog'₅₄ ni₁má'₂ ně₃, la₁ ně₃jua'₂ tsá₃ jme₂'nióg₄ guě'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃ co₂η₁₂ quió₃ a₂jmo₂₃ a₂ting₂.

³ Jui₁la₂ qui₂ca₂dsio'₄ jniá₂ 'e₂ a₂cha₂ quió₃, quió'₅ dsa₂ ti₂ηé₂, o₁jnia'₅₄ la₂ ca₂cuíng₃ ni₁η₁₃ 'ηió₃ a₂dsi'₂, tsá₃ 'e₂ ta₁ 'i₄ co₂η₁₂ a₂jaun₂, ně₃jua'₂ tsá₃ jme₂'nióg₄ guě'₂ dsa₂ mi₂güig₃ ríng'₃.

⁴ Jui₁lia'₂ dsa₂ i₂tē₃dsón'₂ jme₂'nio₃ riin'₅₄, juin'₂ dsí₅ lín₅; ton'₂ 'ua₁ dsí₅ ně₃; tsá₃ uig₅ dsí₅ quian'₅₄ 'i₁jan₂, on₃ guě'₂ jmo₂₃ táin'₅ ja₁con₂ riin'₅₄; on₃ guě'₂ jmo₂₃ róin₂ ně₃.

⁵ Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ riin'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ηiog₅; tsá₃ con'₂ lē₁rē₂'nei₂, on₃ guě'₂ jmo₂₃ 'i₄ 'nei₂ dsí₅ ně₃.

⁶ Jui₁lia'₂ dsa₂ i₂jme₂'nio₃ riin'₅₄, tsá₃ jmo₂₃ tē₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tē₂le₃ jmo₂₃ 'io'₂ ja₁con₂ jág₁ tí₅.

⁷ Ca₂le₃jě₃ bá₄ jlě₂; ca₂le₃jě₃ bá₄ a₂'éin₂ ja₁con₂ riin'₅₄; ca₂le₃jě₃ bá₄ 'ín₂ dsí₅ a₂dsi₃η₁₂ riin'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmi_g₄ dsian₅ a₂jme₂'nio₃ dsa₂ riin'₅₄. Dsón'₂ bá₄ já₅ jmi_g₄ jē₁tsá₃ ma₃'ein₂ 'ě₂ jág₁ a₂ηi₂ cuě₅ Diú₄, jē₁tsá₃ ma₃dsia₃ dsa₂ jág₁ jmei₅ siá'₂, jē₁dsi₃η₁₂ le₃jě₃ a₂ηi₅ dsa₂ niog₅ dsi₅₄.

⁹ Ia₁ tsá₃ rē₂'ηia₅ a₂ne₄ jniog₄, jaun₂ tsá₃ rē₂'ηia₅ jág₁ a₂jme₂jnia₅ Diú₄ a₂qui₂'ě₅ jniog₄.

¹⁰ La₁ jē₁ma₂tē₂ jmi_g₄ a₂le₃'ηia₅ le₃jě₃, jaun₂ guě₄ dsi₃'én₂ bá₄ jui₁lia'₂ a₂tsá₃ rē₂'ηia₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsí₅ jan₂ chi'₂ bē'₅₄, ján₃ guě'₂ jme₁qui₂η₁₂ dsi₃, lia'₂ η₁'₂ dsí₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ juin'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂.

¹² Le₂jaun₂ bá₄ lē₅ jui₁lia'₂ jmi_g₄ ně₃: ne₂ jniog₄ ně₂jag₄ bá₄ caun₂ ni₁'₂ a₂jniá₂ lian₂. La₁ já₅ bá₄ jmi_g₄ a₂ne₅₄ jniog₄ dsi₁ne₁ lia'₂ lē₅. Rē₂ně₃ ně₃, tsá₃ rē₂'ηia₅

a₂cuí_g₅ jniá₂; la₁ já₅ bá₄ jmig₄ ja₁le₃cuí_g₅ lia'₂ rē₂'ñia₅, jui₁lia'₂ cui_g₅ ñiog₅ Diú₄ jniá₂.

¹³ Jaun₂ ně₃, 'ni₅ a₂la₂ lě₂ a₂jio_g₅ guě₄ uě₂: a₂'én₂ dsa₂; a₂'ín₂ dsí₅ dsa₂; a₂jme₂'nio₃ dsa₂ r'in'₅₄. La₁ 'ñio₅ lin₃ guě₄ dsen'₅₄ a₂jaun₂ a₂jme₂'nio₃ dsa₂ r'in'₅₄.*

14

Jui₁lia'₂ a₂dsia₅ dsa₂ já_g₁ jmei₅ siá'₂

¹ Quen'₂ 'nia'₂ bí₂ a₂dsan₂ 'au'₂ jme₁'nió₄ 'nia'₂ r'ing'₂, jaun₂ jmo₄ 'nia'₂ a₂'ín₅ 'au'₂ cuě₃ Diú₄ jui₅bí₂ a₂gu₂dsí₂, la₁ ja₂lin₃ guě₄ dsen'₅₄ a₂lé₂ le₃'ě'₄ 'nia'₂ já_g₁ a₂jme₂jnia₅ Diú₄.

² Ia₁ jui₁lia'₂ dsa₂ i₂dsia₅ já_g₁ jmei₅ siá'₂, tsí'₅ Diú₄ bá₄, on₃jua'₅₄ dsa₂ mi₂güig₃, ia₁ tsá₃ ñág'₂. Já_g₁ rē₂'ma₄ bá₄ dsia₂₃, tē₂le₃ quió'₅ Jme₂dsí₂.

³ La₁ jui₁lia'₂ dsa₂ i₂'ě'₂ já_g₁ tsí'₅ dsa₂ mi₂güig₃, dsia₂₃ já_g₁ a₂jme₃'o₅₄ a₂dsi₃cón₃ dsa₂ tē₂le₃ quió'₅ jme₂dsí₂, cuě'₅ bí₂ r'in'₅₄, cuě₂₃ lián'₂ dsí₅ ně₃.

⁴ Jui₁lia'₂ dsa₂ i₂dsia₅ já_g₁ jmei₅ siá'₂ ně₃, ñia'₅₄ jme₂'oin₅₄ 'ñiog₅ bá₄ a₂dsi₃cón₃, la₁ jui₁lia'₂ dsa₂ i₂'ě'₂ já_g₁ ně₃, jme₂'o₅₄ a₂qui₂dsi₃cón₃ guá'₅.

⁵ 'Nio₃ jniá₂ jua'₅₄ ta₁j'in'₂ bá₄ 'nia'₂ ting'₅₄ a₂lé₂ le₃dsiá'₁ 'nia'₂ já_g₁ jmei₅ siá'₂. La₁ ja₂lin₃ guě₄ dsen'₅₄ jua'₅₄ 'ě'₄ 'nia'₂ já_g₁ a₂cuě₅ Diú₄. Ia₁ jui₁lia'₂ dsa₂ i₂'ě'₂ já_g₁, dsen'₅₄ guě₄ lia'₂ con'₂ guě₄ dsa₂ i₂dsia₅ já_g₁ jmei₅ siá'₂, ně₁jua'₂ tsá₃ juá'₂ 'e₂ jein₅ já_g₁, ia₁jaun₂ jme₃'o₅₄ a₂dsi₃cón₃ guá'₅.

⁶ Ně₃ ně₃, 'nia'₂ r'in'₅₄ jniog₄, jui₁la₂ ca₂dsióg₃ jniá₂ ja₁con'₂ 'nia'₂, a₂ñia'₅₄ con'₂ i₁dsia₃ jniá₂ já_g₁ jmei₅ siá'₂, ħ'₂ e₂ bá₄ ta₁ tí₄ já_g₁ jaun₂, ja₁con'₂ 'nia'₂, ně₁jua'₂ tsá₃ i₂quian₅₄ caun₂ já_g₁ a₂jme₂jnia₅ Diú₄, o₃ já_g₁ a₂guion₅₄ jniá₂, o₃ a₂'ě'₄ jniá₂, o₃ a₂jme₂tág₂ 'e₂?

⁷ Jui₁lia'₂ ni₁ñí₁ a₂tsá₃ jme₂dsí₂ 'i₄, jui₁lia'₂ te₁fi₁, o₃ caun₂ tsi₁ton₅* 'e₂, ħ'₂ a₂ bá₄ lia'₂ lé₂ le₃ñi₅ dsa₂ chi₂jua'₂ 'e₂ son₅₄ jéi₂ dsa₂, o₃ tsá₅ 'e₂, chi₂jua'₂ tsá₃ jma₃quén₅ i₂'ein₅₄, cuě₅ léi₄ 'a₂ lia'₂ dsó₅?

⁸ Le₂jaun₂ bá₄ já_n₃ jui₁lia'₂ ne₄ 'nei₂. Ně₁jua'₂ tsá₃ ca₂né'₂ rē₂ i₂'ein₅₄ jéi₂ dsa₂ ñí₁ trompeta, ħ'₂ ein₂ bá₄ jmo₃ co₂jñia₅₄ quió'₅ a₂qui₁n'₂ ne₄ 'nei₂?

⁹ Le₂ně₅ bá₄ lě₅ jui₁lia'₂ quian'₅₄ 'nia'₂ táng₃. Ně₁jua'₂ tsá₃ ca₂ñág'₂ já_g₁ a₂'uě₂ mi₂'o₅₄ 'nia'₂, ħ'₂ a₂ bá₄ lia'₂ lé₂ le₃ñi₅ dsa₂ 'e₂ juá'₂ 'nia'₂? ¡A₂lě₁qui₂dsi₃dsí₂ dsí₃'én₂ já_g₁ jaun₂ quiáng'₂!

¹⁰ Mei'₂ tsá₃ 'líong₂ bá₄ já_g₁ jmei₅ cha₂ mi₂güig₃; la₁ tsá₃ cha₂ caun₂ jua'₅₄ tsá₃ já_g₁ jein₅.

¹¹ Ia₁ jua'₅₄ mei'₂ guě₃ jan₂ dsa₂ tság₃ jniá₂ quian'₅₄ já_g₁ jmei₅ quió'₅ a₂tsá₃ ñíg'₂, co₂'nió'₄ dsí₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió'₄ dsí₂nau₂ le₃ja₁con₂ 'éi₂.

¹² Le₂ně₅ bá₄ lě₅ jui₁lia'₂ quian'₅₄ 'nia'₂ táng₃. Ia₁ a₂ñí₄ lě₃ 'ín₅ 'au'₂ 'nia'₂ guéi'₁ a₂ting'₅₄ jui₅bí₂ a₂gu₂dsí₂, quen'₂ 'nia'₂ bí₂ a₂dsi₃tsón'₃ 'nia'₂ quian'₅₄ jui₅bí₂ a₂jme₂'o₅₄ a₂dsi₃cón₃ guá'₅.

¹³ 'Uig₅₄ jaun₂, jui₁lia'₂ i₂dsia₅ já_g₁ jmei₅ siá'₂, jui₁mi₁₂ ne₄ Diú₄ a₂lé₂ le₃juá'₂ 'e₂ jein₅ já_g₁ jaun₂.

¹⁴ Jua'₅₄ mei'₂ guě₃ mi₅ jniá₂ ne₄ Diú₄ quian'₅₄ já_g₁ jmei₅ siá'₂, jme₂dsí₂ quió₃ bá₄ chi₂lén'₂ Diú₄; la₁ a₂ñí'₂ dsí₃, tsá₃ 'e₂ ta₁ jmo₅.

¹⁵ ħ'₂ A₂ bá₄ lia'₂ jmo₅₄ jniá₂ jaun₂ ně₃? Ca₂ting₂ bá₄ chi₁leng'₄ Diú₄ jui₅ jme₂dsí₂ quió₃, la₁ já_n₃ bá₄ ca₂ting₂ chi₁leng'₄ Diú₄ a₂ñí'₂ dsí₃ ně₃. Le₂ně₅ bá₄ já_n₃, ca₂ting₂ 'ě₅₄ tē₂le₃ jui₅ jme₂dsí₂ quió₃, la₁ já_n₃ bá₄ ca₂ting₂ 'ě₅₄ a₂ñí'₂ dsí₃ ně₃.

* **13:13** 'Nio'₂ ja₁ton₅ Colosenses 3:14. * **14:7** griego: kithara.

16 Ia₁ chi₂jua'₂ jme₂juin'₂ 'ne₂ Diú₄ jmá'₃ tē₂le₃ jui₅ jme₂dsí₂ quiáng'₂, ¿'a₂ bá₄ lia'₂ lé₂, le₃quió'₅ jui₁lia'₂ jan₂ dsa₂ lē₁dsa₂ i₂'en₅₄, i₂tsá₃ nǐ'₂? ¿'A₂ lia'₂ lé₂ le₃juá'₂ a₂méi₃ jme₁cuē'₂ 'ne₂ ti₁'mag'₄, chi₂jua'₂ ján₃guē'₂ tsá₃ nǐ₅ 'e₂ juá'₂ 'ne₂?

17 Dsón'₂ bá₄ jaun₂ jlá'₁ a₂cuē'₂ 'ne₂ ti₁'mag'₄, la₁ia₁ tsá₃ jme₂'o₅₄ a₂jaun₂ a₂dsi₃cón₃ i₂sián'₂.

18 Cuē'₅ jniá'₂ ti₁'mag'₄ Diú₄ ia₁ a₂qui'₅₄ jniá'₂ jmǐg₄ le₃dsia₅₄ guē'₄ jág₁ jmei₅ siá'₂, lia'₂ con'₂ guē'₄ ca₂le₃jǐn'₃ 'nia'₂.

19 La₁ jui₁lia'₂ jme₁le₁nǐ'₂ dsa₂, ja₂lin₃ guē'₄ 'nio₃ juig₅₄ dsa₂ 'njiá'₂ jon₄ jág₁ a₂nǐg'₂, ia₁jaun₂ lé₂ jme₁tin₅ i₂sián'₂, lia'₂ con'₂ guē'₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ nǐ'₂.

20 'Nia'₂ rin'₅₄ jniog₄, tsá₃ ma₃jui₁dsi₂jio₅ 'au'₂ 'nia'₂ jui₁lia'₂ dsi₂jio₅ dsí₅ i₂bē'₅₄. Jmo₄ bá₄ a₂lǐng'₅ i₂bē'₅₄ tē₂le₃ ja₁con₂ a₂'lig'₅₄. La₁ jui₁qui₂le₂nǐ'₂ 'au'₂ 'nia'₂ co₂'nió'₄ dsa₂ can'₅₄.

21 Juá'₂ bá₄ ne₄ Si₂:

Juig₅₄ jniá'₂ dsa₂ juig₂ nación la₂

tē₂le₃ quian'₅₄ dsa₂ i₂dsia₅ jág₁ jmei₅ siá'₂,

le₃jui₅ mi₂'o₄ dsi₂nau₂ ně₃;

la₁ on₃ bá₄ guē'₂ le₂jaun₂ jua'₅₄ a₂qui₃tón'₂ dsa₂ jui₅ jág₁ quió'₃,

juá'₂ Te₁gui'₅₄†

22 Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua'₅₄ rē'₂ le₃quió'₅ dsa₂ i₂'én₂. La₁ jui₁lia'₂ jme₁'ē₂ dsa₂ jág₁ a₂jme₂jnia₅ Diú₄, jág₁ le₂jaun₂ ně₃ jǎng'₅ táng₃ caun₂ léi₄ le₃ja₁con₂ dsa₂ 'én₂ bá₄, on₃jua'₅₄ le₃ja₁con₂ dsa₂ i₂tsá₃ 'én₂.

23 Jaun₂ le₂nē₅ bá₄, jme₁le₁nǐ'₂ guá'₅, jua'₅₄ mei₂ guē'₃ ca₂le₃jǐn₃ dsa₂₃ jág₁ jmei₅ siá'₂, ně₁jua'₂ tē₃jē₄ jaun₂ ca₂dsi₃lén₂ jui₁lia'₂ dsa₂ i₂tsá₃ lin₄ nǐ₅, o₃ i₂tsá₃ 'én₂ ně₃, ¿tsa₁ lé₂ le₃juá'₂ 'éi₂: “Dsa₂ nǎ₅ bá₄ ně₅ tion'₅₄”, 'i_{in}₃ 'nia'₂?

24 La₁ ně₁jua'₂ ca₂dsi₃óg₃ jan₂ dsa₂ i₂tsá₃ ma₂'én₂, o₃ i₂tsá₃ lin₄ nǐ₅ 'e₂, tē₁lia'₂ tion'₅₄ ca₂le₃jǐn₃ 'ē₂ jág₁ a₂ma₂cuē'₃ Diú₄, jaun₂ guē'₄ le₃lí'₄ dsí₅ 'niog₅ 'a₂ lia'₂ chain₂ le₃jniá'₂ dsau₁, co₂'nió'₄ a₂con₂ 'í₁ jág₁ a₂nag₂₃ a₂'ē₂ dsa₂ tioen'₅₄.

25 Jaun₂ guē'₄ le₃jniá'₂ a₂rē₂'ma₄ jlē₅ a₂niog₅ dsí₅. Jaun₂ bá₄ chi₃jné₃ jme₃juin'₂ Diú₄, ton'₂ juá'₂: “Tē₃dsón'₂ bá₄ 'en₅₄ Diú₄ jǐn'₄ 'nia'₂”.

Jmo₄ bá₄ 'nia'₂ ca₂le₃jě₃ con'₂ dsi₂ten₅₄, dse₃ jniá'₂

26 ¿'E₂ bá₄ jaun₂ ně₃, rin'₅₄ jniog₄? Jē₁ma₂tē₂ rē₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁le₅₄ ca₂le₃jě₃ a₂nē₅ o₄quió'₄ a₂dsi₃cón₃ dsa₂ tē₂le₃ quió'₅ jme₂dsí₂.

27 Jē₁ma₂tē₂ rē₁dsia₃ 'ein₂ dsia₃ jág₁ jmei₅ siá'₂, jui₁dsia₁₂ on₃, chi₂jua'₂ nǐ₄ lē₃ ca₂juē'₃, ún₂ jniá'₄, tē₃ qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂.

28 La₁ ně₁jua'₂ tsá₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂, co₂dsia₅ jui₁jmo₁₂ tei₄ dsi₂néi₂ guá'₅, jui₁dsia₁₂ tē₂dsí₅ 'niog₅, jui₁chi₂lén'₄ Diú₄.

29 Le₂nē₅ bá₄ ján₃ jui₁lia'₂ i₂'ē₂ jág₁ a₂jme₂jnia₅ Diú₄: jui₁jua'₅₄ on₃-ún₂, la₁ ma₂tion'₅₄ i₂sián'₂ i₂con₂ 'í₁.

30 La₁ ně₁jua'₂ ca₂jme₃jnia₅ Diú₄ caun₂ jág₁ ne₄ jan₂ i₂guá'₅ jē₄ le₁nǐ'₂ dsa₂ jaun₂, jui₁jmo₅₄ i₂le₂'uig₅₄ 'éi₂ tei₄.

31 Ia₁ lé₂ le₃'ē₄ ca₂le₃jǐn'₃ 'nia'₂ jág₁ tē₃ qui₂jáng'₃, ia₁jaun₂ ca₂le₃jǐn₃ qui₃le₃tin₂, gue₃ lián'₂ dsí₅ ján₃.

† 14:21 Isaías 28:11-12; Deuteronomio 28:49.

- 32 Ca₂tín₂ dsa₂ i₂'ě₂ jág₁ a₂cuë₅ Diú₄ a₂qui' ₅₄ jmig₄ jme₃'uáin₂ jme₂dsí₂ quió' ₅.
- 33 Ia₁ jmo₅ Diú₄ a₂'ei₅ tei₄, on₃jua' ₅₄ rē' ₂ a₂gó₂.
Jui₁lia' ₂ lě₅ ca₂le₃jě₃ ja₁ŋi' ₂ dsa₂ rin' ₅₄ jniog₄,[‡]
- 34 ca₂tín₂ bá₄ dsa₂ mí₂ jmo₃ tei₄ dsi₂néi₂ guá' ₅. Tsá₃ 'i₄ 'éi' ₃ táun₂ jág₁, tē₂le₃ ca₂tín₂ nag₃ gau₂ bá₄, jui₁lia' ₂ juá' ₂ Si₂ 'Éi' ₃.
- 35 Chi₂jua' ₂ 'e₂ 'nio₃ le₃ŋi₅, ca₂tín₂ ŋi' ₃ dsi₂i₂gu₂ guioin₅₄, dsi₂néi₂ quió' ₅. Ia₁ caun₂ o₂guí' ₃ jaun₂, jua' ₅₄ mei' ₂ guě₃ dsa₂ mí₂ táun₂ jág₁ dsi₂néi₂ guá' ₅.
- 36 ¿O₃ bá₄ ca₂rē₃lióg₃ jág₁ quió' ₅ Diú₄ ja₁con' ₂ 'nia' ₂? ¿O₃ bá₄ jmá' ₃ lia' ₂ ja₁con' ₂ 'nia' ₂ ca₂dsióg₃ jág₁ dse₃?
- 37 Chi₂jua' ₂ chan₂ jan₂ i₂lín₂ lín₅ jan₂ i₂'ě₂ jág₁ a₂cuë₅ Diú₄, o₃ i₂'io₅ a₂tín₂ caun₂ jui₅bí₂ a₂gu₂dsí₂, jui₁le₂ŋi₅ bá₄ rē₂jiá₃ jág₁ a₂tó' ₅ jniá₂ ne₄ si₂ la₂ a₂juíg₂ jniá₂ 'nia' ₂, co₂ně₅ lě₅ 'éi' ₃ quió' ₅ Te₁gui' ₅₄ bá₄.
- 38 Chi₂jua' ₂ chan₂ guě' ₂ i₂tsá₃ tón' ₂ jui₅ jág₁ ně₅, tsá₃ ton' ₅₄ 'nia' ₂ jui₅ dsa₂ 'éi₂. §
- 39 Le₂ně₅ bá₄ jaun₂ 'nia' ₂ rin' ₅₄ jniog₄, quen' ₂ 'nia' ₂ bí₂ a₂lé₂ le₃'ě' ₄ 'nia' ₂ jág₁ dse₃ a₂já₅ le₃ja₁con' ₂ Diú₄. Tsá₃ jmo₂ 'nia' ₂ jua' ₅₄ a₂tsá₃ cuě' ₁ 'nia' ₂ jmig₄ a₂dsia₃ dsa₂ jág₁ jmei₅ siá' ₂.
- 40 La₁ia₁ jmo₄ 'nia' ₂ ca₂le₃jě₃ lia' ₂ con' ₂ dsi₂ten' ₅₄, lia' ₂ con' ₂ lě₅ ca₂tín₂ jmo₃ le₂jain₂ le₂jain₂.

15

Jui₁lia' ₂ a₂ca₂jen' ₅₄ Cristo

- 1 Ně₃ ně₃ rin' ₅₄ jniog₄, jmo₅ jniá₂ a₂dsiog' ₂ 'au' ₂ 'nia' ₂ 'a₂ lia' ₂ lě₅ jág₁ dse₃ a₂ma₂ca₂'ě₃ jniá₂ jin' ₄ 'nia' ₂, a₂ma₂ca₂gue' ₅₄ 'nia' ₂, a₂tión' ₂ 'nia' ₂ tiá₂.
- 2 Tē₂le₃ quian' ₅₄ jág₁ dse₃ la₂ bá₄ a₂lión' ₂ 'nia' ₂, chi₂jua' ₂ chan' ₅₄ 'nia' ₂ tiá₂ jág₁ a₂ma₂ca₂'ě₃ jniá₂ 'nia' ₂. Chi₂jua' ₂ tsá₃ le₂jaun₂ ně₃, tsá₃ ta₁ tí₄ a₂ma₂ca₂rē₃'én' ₂ 'nia' ₂.
- 3 Jē₁le₂'uig' ₅₄ juá' ₅, ca₂jáng' ₃ jniá₂ jág₁ a₂ma₂ca₂ŋi₂ jniá₂: a₂ca₂jón₃ I₂rē₂'ín₁ quián₅ Diú₄ 'uig' ₅₄ dsá₁ jniog₄, lia' ₂ con' ₂ lě₅ juá' ₂ ne₄ Si₂;
- 4 a₂ca₂'ó₂ dsa₂, a₂ca₂jein' ₅₄ táng₃ ja₁ŋá₁' ₄ 'ni₅ jmig₄, lia' ₂ con' ₂ lě₅ juá' ₂ ne₄ Si₂ bá₄ ján₃;
- 5 a₂ca₂jme₃jniai₂₃ ne₄ Pe₄; * jaun₂ guě₄ ca₂jme₃jniai₂₃ ne₄ chi' ₂ dsi₂guia₃-tín₂.
- 6 Cang₂ jaun₂, ca₂jág₂ co₂nio₄ lě₅ guě₄ ca₂jau₅₄ mei₅ dsa₂ rin' ₅₄ jniog₄; mei' ₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guě₄ jmig₄ ně₃, o₁jnia' ₅₄ la₂ ma₂dsan₃ i₂lín₅₄.
- 7 Cang₂ jaun₂, ca₂jme₃jniai₂₃ ne₄ Jacobo, ŋó₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quiáin₅.
- 8 Jē₁ca₂tó' ₂ guě₄ ně₃ ca₂jme₃jniai₂₃ ne₃ jniá₂, o₁jnia' ₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rē₃chán₃.
- 9 Ia₁ lín₅ jniá₂ i₂'uin₃ guě₄ jui₁lia' ₂ con' ₂ guě₄ ca₂le₃jín₃ dsa₂ i₂chen₄ quiáin₅, ca₂lia' ₂ jnia' ₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quiáin₅. Ia₁ qui₂ca₂co' ₃éng₃ dsa₂ 'én₂ le₂jniá₅.
- 10 La₁ 'uig' ₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ jui₁lia' ₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅ jua' ₅₄ a₂tsá₃ ta₁ tí₄. La₁ 'ŋio₅ lín₃ guě₄ ma₂jmo₃ jniá₂ ta₁ lia' ₂ con' ₂ guě₄ ca₂le₃jín₃ i₂chen₄ quiáin₅; ton' ₂ on₃jua' ₅₄ ca₂jmo₃ jniá₂ 'ŋió₃, a₂ma₂ca₂jme₃quiong' ₅₄ a₂'ua₁ dsí₅ Diú₄ bá₄ ma₂guio₃.

‡ 14:33 lit. “dsa₂ jnió₅,” § 14:38 A₂lín₅₄ chog₅₄ si₂ juá' ₂: “Chi₂jua' ₂ chan₂ guě' ₂ i₂tsá₃ tón' ₂ jui₅ jág₁ ně₅, tsá₃ lě₅ jui₁tióin' ₅₄ jui₅ guě' ₂ jaun₂.” * 15:5 griego: Cefas.

11 La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Jág₁ ně₅ bá₄ a₂ma₂ca₂nei'₂ ca₂rě₃'én'₂ guě'₂ 'nia'₂.

Ju₁lia'₂ a₂já₅ caun₂ jmig₄ a₂jen'₅₄ 'lag₄

12 La₁ chi₂jua'₂ ma₂qui₂rě₂'ě₂ jág₁ a₂ca₂jen'₅₄ bá₄ Cristo a₂jme₁rě₂'lin₅₄, ě'₂ a₂ bá₄ lia'₂ lě₅ a₂juá'₂ 'nia'₂ i₂lin₅₄ a₂tsá₃ jen'₅₄ 'lag₄?

13 Ně₃ ně₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jnia'₅₄ Cristo tsá₃ rě₂jen'₅₄ chi₂jua'₂ le₂jaun₂;

14 jaun₂ chi₂jua'₂ tsá₃ ca₂jen'₅₄ guě'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂.

15 Chi₂jua'₂ le₂ně₅, jnia'₅₄ ně₃ ma₂ja₂náu₅ jag'₅₄ 'nia'₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jen'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ ně₃ a₂jen'₅₄ 'lag₄.

16 Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guě'₂ ján₃, on₃ guě'₂ Cristo 'ñiog₅ ca₂jen'₅₄ ně₃;

17 ně₃tsá₃ guě'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ ně₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ ně₃.

18 Já₃ guě'₂ le₂jaun₂, ju₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂.

19 Jaun₂ jniog₄ ně₃, chi₂jua'₂ a₂jnia'₅₄ 'ín₂ ds₁5 jniog₄ le₃quió'₅ Cristo ju₁lia'₂ jmig₄ tē₁lia'₂ chong₂ la₂, 'e₂ guě₄ juig₂ jniog₄ con'₂ guě₄ ca₂le₃jín₃ dsa₂.

20 La₁ a₂tě₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂'lin₅₄; lín₅ co₂'nió'₄ mīg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃.

21 Le₂jaun₂ bá₄, ju₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güig₃, já₃ bá₄ 'uig₅₄ quió'₅ jan₂ dsa₂ ca₂rě₃liog₃ a₂jen'₅₄ 'lag₄.

22 Ia₁ ju₁lia'₂ lě₅ a₂dsan₂ ca₂le₃jín₃ ia₁ a₂lín₅ ts₁jon₂ Adán, já₃ bá₄ le₂ně₅ le₃chan₂ ca₂le₃jín₃ ia₁ a₂lín₅ i₂quián₅ Cristo,

23 Ia₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂ guě₄ 'éi₂, dsa₂ quián₅ Cristo, jē₁ma₂tě₂ rē₁guain'₂, ja₃te₅₄ 'éi₂ tē₂le₃ ja₁coin₂.

24 Jaun₂ guě₄ ně₃, jiá₃ jmig₄ jē₁dsian₅ ca₂le₃jě₃, jē₁ma₂tě₂ rē₁jáng'₃ ta₁ a₂lín₅ a₂goin₂, ne₄ Diú₄ Jmei₂, cang₂ jē₁ma₂ca₂'éin₂ ca₂le₃jě₃ 'éi'₃, ca₂le₃jín₃ ds₁tan₅₄, ca₂le₃jě₃ ju₁bí₂.

25 Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂tě₂ jmig₄ i₁guian'₃ Diú₄ o₄tag₁₂ ca₂le₃jín₃ i₂'iog₅₄.

26 Ia₁ i₂jē₁ca₂tó'₂ i₂'iog₅₄ i₂ds₁3'én₂, 'mú₃ bá₄ jaun₂.

27 Ia₁ Diú₄ bá₄ "ma₂ca₂guiog'₃ o₄tag₄ 'éi₂ ca₂le₃jě₃ ju₁bí₂."† Ně₃ ně₃, ju₁lia'₂ jme₁juá'₂ Si₂ a₂ca₂guiog'₃ ca₂le₃jě₃, jaun₂ nág'₂ rē₂jiá₃, tsá₃ quen'₅₄ Diú₄ ñiog₅ jin₄ dsa₂ i₂le₁gan'₅₄ o₄tag₄ Cristo, ia₁ 'ñiog₅ bá₄ Diú₄ ca₂guiog'₃.

28 Jē₁ma₂ca₂dsióg₃ jmig₄ jaun₂ a₂niog₅ ca₂le₃jě₃ o₄gú₃ Ja₁ñi'₅₄, jaun₂ guě₄ ně₃ 'ñiog₅ Ja₁ñi'₅₄ jín'₂ táng₃ o₄gú₃ i₁ca₂guiog'₃ 'éi₂, ia₁jaun₂ lén₂ Diú₄ juig₅₄ ca₂le₃jě₃, ne₄ ca₂le₃jě₃.

29 Ně₃ ně₃, ně₁jua'₂ tsá₃ jen'₅₄ 'lag₄, ě'₂ e₂ guě'₂ jmo₃ ju₁lia'₂ dsa₂ i₂ñó₂ jmig₂ o₄quió'₄ 'éi₂? Chi₂jua'₂ dsón'₂ rē'₂ dsau₅ a₂tsá₃ jen'₅₄ 'lag₄, ě'₂ e₂ guě'₂ lě₃ ñó₂ dsa₂ jmig₂ o₄quió'₄?

30 Ju₁lia'₂ jnia'₅₄ ně₃, ě'₂ e₂ bá₄ ta₁ jmo₃ i₁nió₄ jnia'₅₄ 'ei₅ gau₂ co₂tan₅₄?

31 Le₂o₃ jmig₄ bá₄ gue₅ jniá₂ 'mú₃. Dsón'₂ bá₄ jaun₂, r₁n'₅₄ jniog₄, ju₁lia'₂ dsón'₂ bá₄ jmo₅ jniá₂ táng'₅ o₄quián'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jniog₂.

† 15:27 Salmo 8:6.

32 Chi₂jua'₂ ca₂quín'₂ jniá'₂ quian'₅₄ dsa₂ tsau₂ dsí'₅ i₂chan₂ juig₂ Efeso, con'₂ dsí₂jio₅ dsí'₅ dsa₂ mi₂güig₃, ¿'e₂ a₂dsí'₂ quió'₃? Chi₂jua'₂ dsau₅ jaun₂ a₂tsá'₃ jen'₅₄ 'lag₄,

juí₁que₅₄ juí₁'en'₅₄ jniog₄,
ia₁ con'₂ tsá'₃ ηó₅ në₁jua'₂
ca₂dsau₃ bá₄ juí₁la₂ 'ióg₃.‡

33 Jaun₂ juí₂ jniá'₂ 'nia'₂, tsá'₃ lē₁jme₁gan₅ 'nia'₂ 'au'₂. Tsá'₃ i₂jmo₂ 'nia'₂ juí₁lia'₂ juá'₂ caun₂ jág₁ a₂cha₂: “Juí₁lia'₂ dsa₂ i₂jme₂quian'₅₄ dsa₂ i₂con'₂ lē₁lín₄, dsí₃'én₂ tag₄ a₂dse₃ a₂'io₂₃.”

34 Jaun₂ juá'₅ jniá'₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ juí₅ co₂dsau₅, tsá'₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá'₃ cuín₅ Diú₄. Juá'₅ jniá'₂ le₂nē₅ ia₁jaun₂ cán'₁ 'nia'₂ ca₂la₂ o₂guí'₃.

A₂ lia'₂ lé₂ a₂jen'₅₄ táng₃ 'lag₄

35 Chan₂ bá₄ i₂le₃ηag₃: “¿'A₂ bá₄ lia'₂ lē₅ jaun₂ a₂jen'₅₄ 'lag₄? ¿'A₂ lia'₂ lín₅, 'a₂ lia'₂ lē₅ ni₁η₁₂ jē₁ma₂ja₂lein₃?”

36 ¡Caun₂ jág₁ co₄ bá₄ në₅! Ia₁ juí₁lia'₂ jme₁jne₅ dsa₂ 'e₂ jon₂ jne₂₃, tsá'₃ 'ia₂ jua'₅₄ tsá'₃ dsí₃'én₂ jon₂ a₂dsí₂jnia₄.

37 Ia₁ juí₁lia'₂ jme₁jan'₂ 'e₂ jan'₂, on₃jua'₅₄ a₂jan'₂ tag₄ a₂lé₂ cang₂. Le₂jaun₂ lē₅ juí₁lia'₂ cui₂g₂, § juí₁'e₂ guē₃ jon₂ siá'₂ ján₃.

38 Le₂jaun₂ bá₄ jmo₅ Diú₄: cuē₂₃ cho'₅₄ lia'₂ con'₂ lē₅ 'ηio₂ dsí'₅; lia'₂ ca₂ne₅₄ míg₂ 'io₂₃ cho'₅₄ con'₂ a₂ca₂tín₂.

39 Le₂jaun₂ bá₄ lē₅ quian'₅₄ juí₁lia'₂ ni₁η₁₅: tsá'₃ le₃jē₃ lē₅ co₂rē₂. Jma₃quén₅ bá₄ lē₅ ni₁η₁ dsa₂ mi₂güig₃, quian'₅₄ ni₁η₁ já'₂ náu₂, juí₁lia'₂ quió'₅ i₁tan₅; juí₁lia'₂ guē'₂ quió'₅ i₁ju₁ ján₃.

40 Le₂nē₅ bá₄ lē₅ juí₁lia'₂ a₂cha₂ guei'₅₄ mi₂güig₃, quian'₅₄ a₂cha₂ ne₄ gua'₅₄ 'uē₃. Tsá'₃ co₂rē₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uē₃.

41 Le₂nē₅ bá₄ siá'₂ tág₅ quió'₅ 'iog₂, quian'₅₄ tsi'₂, quian'₅₄ guē'₂ nei₅ táng₃. Já'n₃ bá₄ siá'₂ tág₅ nei₅ jē₄ rin'₅₄.*

42 Le₂nē₅ bá₄ guē'₂ niog₅ lé₂ quian'₅₄ dsa₂, jē₁ma₂ca₂jein'₅₄. Dsi₃'o₃ caun₂ ni₁η₁₅ a₂niog₅ siá'₃; jaun₂ jen'₅₄ táng₃ caun₂ a₂tsá'₃ ton₅ jmig₄ siá'₃.

43 Dsi₃'o₃ caun₂ ni₁η₁₅ co₂'nió'₄ a₂lē₅ o₂guí'₃; jaun₂ náu₃ caun₂ ni₁η₁₅ jlá'₁. Dsi₃'o₃ caun₂ ni₁η₁₅ 'uan₅₄; la₁ jen'₅₄ táng₃ caun₂ a₂bén₂.

44 Dsi₃'o₃ caun₂ ni₁η₁₅ a₂lē₅ a₂ca₂tín₂ gua'₅₄ 'uē₃ la₂; jaun₂ guē'₄ jen'₅₄ táng₃ caun₂ ni₁η₁₅ a₂gu₂dsí₂.

45 Jaun₂ bá₄ lē₃ chi₁ton₅ ne₄ Si₂: “Ca₂lín₃ Adán le₂'uig₅₄ jan₂ dsa₂ i₂'i₄ jme₂dsí₂.”† La₁ i₂lín₅ Adán i₂co₂'nió'₄ jē₁ca₂tó'₂ guē'₂ ně₃, ca₂lín₃ jan₂ jme₂dsí₂ i₂to'₂ jme₂dsí₂ jniog₄.

46 La₁ on₃jua'₅₄ jme₂dsí₂ ca₂gua₃ de'₂ le₂'uig₅₄. A₂ca₂tín₂ gua'₅₄ 'uē₃ bá₄ ca₂lē₃ le₂'uig₅₄; cang₂ jaun₂ ca₂gua₃ a₂gu₂dsí₂.

47 Dsa₂ i₂le₂ne₁ 'éi₂ jme₁lín₄ quian'₅₄ ti₁gua'₅₄ quió'₅ 'uē₃ la₂; i₂jē₁ca₂tē₂ on₃ dsa₂ ně₃, i₂ca₂já₃ guei'₅₄ i₂juí₃ bá₄ 'éi₂.

48 Ca₂le₃jín₃ dsa₂ i₂chan₂ ne₄ gua'₅₄ 'uē₃, lín₅ juí₁lia'₂ jme₁lín₄ dsa₂ i₂ca₂lín₃ quian'₅₄ ti₁gua'₅₄ 'éi₂; já'n₃ bá₄ le₂jaun₂ lín₅ dsa₂ i₂tín₅ guei'₅₄ i₂juí₃, juí₁lia'₂ lín₅ i₂ca₂já₃ guei'₅₄ i₂juí₃.

‡ 15:32 Isaías 22:13. § 15:37 lit. “trigo.” * 15:41 Co₂'nió'₄ le₃jua'₅₄, cosa a₂tsá'₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25. † 15:45 Génesis 2:7.

49 Jui₁lia'₂ quióng₂ jniog₄ quió'₅ dsa₂ i₂ca₂lin₃ quian'₅₄ ti₁gua'₅₄ 'éi₂, ján₃ bá₄ le₂ně₅ quiong₅₄† jniog₄ lia'₂ jniá₂ i₂ca₂sión₃ guei'₅₄ i₂juíg₃.

50 Juíg₂ jniá'₂ 'nia'₂, rín'₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guě'₂ ca₂tín₂ jui₁lia'₂ a₂siá'₃, caun₂ ja₁tsá₃ ton₅ jmig₄ siá'₃.

51 Nei₂ 'nia'₂. La₂ 'ě₄ jniá₂ caun₂ jág₁ a₂jme₁rě₂'ma₄ le₂jñiá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₃tság₃,

52 con'₂ tiá₂, ně₂jag₄ bá₄ a₂'méi'₂ dsa₂ co₂ráun₂ jme₁ne₁₂, jě₁ma₂i₁'ein₅₄ ñí₂ trompeta jě₁ca₂tó'₂. Ia₁ dsi₃'ein₅₄ ñí₁ trompeta, jaun₂ guě₄ jen'₅₄ ca₂le₃jín₃ dsa₂ i₂ma₂dsan₃, jaun₂ guě₄ o₁líg'₂ jmig₄ tsá₃ ma₃dsiáin₃. Jaun₂ jniog₄ ca₂le₃jág₃ ně₃, qui₂le₃tság₃.

53 Ia₁ ca₂tín₂ qui'₃ a₂siá'₃ quian'₅₄ caun₂ a₂tsá₃ siá'₃; a₂quí'₃ a₂jón₂ quian'₅₄ caun₂ a₂tsá₃ líg'₂ jmig₄ jón₂.

54 Jě₁ma₂qui'₂ ni₁ñí₅ a₂siá'₃ la₂ quian'₅₄ a₂tsá₃ siá'₃, jě₁ma₂qui'₂ ni₁ñí₅ a₂jón₂ la₂ quian'₅₄ a₂tsá₃ líg'₂ jón₂, jaun₂ guě₄ le₃ti₃ jág₁ la₂ a₂tio'₅₄ ne₄ Si₂:

Co₂dsia₅ ca₂lí'₃ co₂ñei'₅₄ Te₁gui'₅₄ ne₄ 'mú₃. §

55 ¿A₂já'₄ bá₄ ñó₅ a₂jme₁lén'₂ 'ne₂, 'mú₃?

¿'E₂ bá₄ ca₂lě₃, 'ne₂ 'mú₃,

quian'₅₄ uig₅ a₂jme₁'ág'₁ jnia'₅₄?*

56 Ně₃ ně₃, jui₁lia'₂ uig₅ a₂jme₁'ág'₁ 'mú₃ jniog₄, dsá_u₁ bá₄ jniog₄ jaun₂; jui₁lia'₂ bí₂ a₂'io₅ dsá_u₁ jniog₄, Si₂ 'Éi'₃ bá₄ jaun₂.

57 ¡La₁ ti₁'mag'₄ Diú₄ i₂cuě₅ bí₂ a₂lág₂ jniog₄ tē₂le₃ quian'₅₄ Te₁gui'₅₄ Jesucristo quián₂ jniog₄!

58 Jaun₂ lě₃, 'nia'₂ rín'₅₄ jniog₄, i₂'nióg₃ guě₄ lín₃, nau₂ bá₄ 'nia'₂ tiá₂, tsá₃ cuín₅ 'nia'₂ jmig₄ jua'₅₄ 'ein₂ guě₃ jñióg'₂ 'nia'₂ cau₅; jui₁dsi₂tsón'₃ bá₄ 'nia'₂ quian'₅₄ ta₁ quió'₅ Te₁gui'₅₄. Ia₁ ma₂ñi'₅₄ bá₄ 'nia'₂ tsá₃ lě₅ jua'₅₄ a₂lě₁jmo'₂ can'₂ 'nia'₂ ta₁ le₃quió'₅ Te₁gui'₅₄.

16

Ca₂cág'₃ cu₄ a₂jme₃'oin₅₄ rín'₅₄

1 Ně₃ ně₃, tē₂le₃ quió'₅ guě'₂ cu₄ a₂cag'₄ 'nia'₂ jme₁'ong'₁ rín'₅₄ i₂'én₂,* le₂jaun₂ bá₄ jmo₄ 'nia'₂ ján₃ con'₂ lě₅ jág₁ ma₂cuě₃ jniá₂ guá'₅ i₂chan₂ 'uě₃ Galacia.

2 Le₂caun₂ do₂mei₅₄,† ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂ling'₃. A₂jaun₂ con'₂ quiog₂ 'ma₄ 'nia'₂, ma₂lě₅ co₂jñia₅₄ ia₁jaun₂ tsá₃ lě₅ jua'₅₄ jaun₂ guě₄ cag'₅₄ 'nia'₂ jě₁ma₂dsióg₃ jniá₂.

3 Jaun₂ bá₄, jě₁ma₂tě₂ rě₁dsióg₄ jniá₂, jaun₂ le₃chen₄ dsa₂ rín'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian₅ caun₂ si₂ a₂lě₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ ně₅ a₂jme₁'ong'₁ rín'₅₄ ja₁jaun₂.

4 Ně₁jua'₂ dsi₂ten₅₄ guě'₂ nei₅₄ 'ñi₃ ně₃, jme₃quiong'₅₄ 'éi₂.

Jmo₅ Pa₄ co₂jñia₅₄ a₂'l₂ juí₅

5 Jě₁ma₂tě₂ rě₁nei₅₄ i₁ñig₁₂ le₂tan₅₄ 'uě₃ Macedonia, jaun₂ guě₄ dsióg₄ ja₁con'₂ 'nia'₂.

6 Con'₂ tsá₃ ñó₅ ně₁ca₂jan₄ ca₂la₂ uě₂, o₃ ně₁ca₂lě₃ ñig₅ le₂tan₅₄ jein₂ güíg₂ quian'₅₄ 'nia'₂, ia₁jaun₂ lě₂ tsag'₅₄ 'nia'₂ juí₅ chi₂jua'₂ ja₁ca₂tín₂ jniá₂ nei₅₄.

7 Ia₁ tsá₃ 'nio₃ jniá₂ nei₅₄ tē₂ně₃, jua'₅₄ con'₂ ca₂ñig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uě₂ quian'₅₄ 'nia'₂, ně₁jua'₂ ca₂cuě₃ Te₁gui'₅₄ jmig₄.

† 15:49 A₂lín₅₄ chog₅₄ si₂ gui'₅₄ juá'₂: "juí₁quiong₅₄ jniog₄." § 15:54 Isaías 25:8. * 15:55 o₃, "¿'E₂ bá₄ ca₂lě₃, 'ne₂ 'mú₃, quian'₅₄ uig₅ a₂jme₁'ág'₁ jnia'₅₄? ¿A₂já'₄ bá₄ ñó₅ a₂jme₁lén'₂ 'ne₂, tau₂ 'ñi₃?" Oseas 13:14.

* 16:1 lit. "dsa₂ jñi₃ó₅." † 16:2 lit. "jmig₄ le₂'uig₅₄ quió'₅ semana."

8 La₁ i₁j₁nia₁ j₁niá₂ j₁uig₂ Efeso ca₂lia₂' ca₂tě₂ J₁mig₄ Tě₂láu₃-guiá₂.

9 Ia₁ 'nio₅ bá₄ cui₅ j₁mig₄ rě₂na₄ j₁u₅ lé₂ le₃i₁j₁mo₃ ta₁ quió'₅ Te₁gui'₅₄, a₂léi₄ a₂tě₃dsi₅₄ dsón'₂; ton'₂ le₂jaun₂ bá₄ ju₁n₅ dsa₂ i₂náu₃ 'io'₅₄ táng₃.

10 Ně₁jua'₂ ca₂dsióg₃ Timoteo rin'₅₄ j₁niog₄, jag₄ 'nia'₂ jaun₂, jaun₂ tsá₃ lě₅ jua'₅₄ a₂gó'₅ 'ein₅₄ jě₄ quián'₂ 'nia'₂, ia₁ ma₂já₅ 'éi₂ j₁mo₂₃ ta₁ quió'₅ Te₁gui'₅₄, ju₁lia'₂ j₁niá₂ ján₃.

11 Jaun₂ tsá₃ j₁mó'₂ 'nia'₂ 'au'₂ jua'₅₄ tsá₃ 'e₂ quein₅. Tě₂le₃ chéin'₂ 'nia'₂ j₁u₅ a₂'ag₃ tei₄ dsí₅, ia₁ jaun₂ já₃ ja₃jag₅₄ j₁niá₂. Ia₁ chi₁jain₁₂ j₁niá₂ quian'₅₄ rin'₅₄ j₁niog₄.

12 Ně₃ ně₃, ju₁lia'₂ Apolos rin'₅₄ j₁niog₄, j₁me₁chi₂quian'₅₄ j₁niá₂ j₁mig₄ a₂dsó₃ quian'₅₄ rin'₅₄ j₁niog₄ dsi₁j₁in₁₂ 'nia'₂. Co₂dsia₅ tsá₃ ca₂lě₃ dsí₅ dsó₃ rě₂ně₃, la₁ ně₅ bá₄ dsióg₄ líg'₂ ca₂cui₃ j₁mig₄ dsó₃.

Jág₁ a₂'ág'₃ jág₁ jě₄ca₂tó'₂

13 J₁mo₄ 'í₁, nau₂ 'nia'₂ tiá₂ a₂'én'₂ 'nia'₂. J₁mo₄ ma₂chang'₂ a₂lě₅ 'au'₂ ma₂ca₂cang'₅₄ ma₂ŋi'₅₄, tión'₁ 'nia'₂ a₂'uang'₂.

14 Ca₂le₃jě₃ 'e₂ niog₅ j₁mó'₂ 'nia'₂ ja₁con₂ ríng'₂, j₁mo₄ léi₄ a₂'nióg'₃ tě₃dsón'₂ ríng'₂.

15 Ně₃ ně₃, ju₁lia'₂ ma₂ŋi'₅₄ 'nia'₂, rin'₅₄ j₁niog₄: Estéfnas, quian'₅₄ dsa₂ dsi₂néi₂ quió'₅, ca₂lin₃ dsa₂ i₂le₂'uig₅₄ i₂ca₂rě₃'én₂ jág₁ dse₃ 'uě₃ Acaya. Dsa₂ rin'₅₄ 'éi₂ ně₃ ma₂ja₂léin₂ ca₂ne₅₄ j₁me₁j₁me₂ti₃ ja₁con₂ rin'₅₄ j₁niog₄ dsa₂ 'én₂ ja₁jaun₂. Chi₂quian'₅₄ j₁niá₂ 'nia'₂ j₁mig₄ jaun₂ ně₃,

16 j₁me₁gan'₃ 'nia'₂ ju₁lia'₂ dsa₂ le₂'éi₂, quian'₅₄ guě₄ ca₂le₃jín₃ rin'₅₄ ju₁lia'₂ i₂j₁me₂'o₅₄ quian'₅₄ ta₁ le₂jaun₂.

17 'Io'₂ j₁mo₅ j₁niá₂ ně₃, ia₁ ma₂guan₅ Estéfnas, Fortunato, quian'₅₄ Acaico; ma₂ca₂j₁me₃'ŋiai₂₃ ju₁lia'₂ a₂j₁me₁'nió'₅ ja₁con₂ j₁niá₂ 'uig₅₄ ia₁ a₂tsá₃ 'nia'₂ chan'₂ ja₁lá₃.

18 'Éi₂ bá₄ ma₂j₁mo₃ lián'₂ dsi₃ tě₂le₃ j₁u₅ j₁me₂dsí₂, le₂jaun₂ bá₄ ma₂qui₂ma₂j₁mo₃ lián'₂ 'au'₂ 'nia'₂ ján₃. Jaun₂ 'nió'₅ j₁me₁gan₃ j₁niog₄ dsa₂ le₂'éi₂.

19 Ca₂le₃jín₃ guá'₅ ja₁tén₄ le₂tan₅₄ 'uě₃ Asia, cui₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[‡] ně₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ ně₃, cui₂₃ Diú₄ 'ŋio₅ lin₃ 'nia'₂, le₃quió'₅ Te₁gui'₅₄.

20 Ca₂le₃jín₃ rin'₅₄ j₁niog₄ i₂tion'₅₄ ja₁lá₃, cui₂₃ Diú₄ 'nia'₂. Qui₁cui₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ Š jú'₅ ríng'₂, a₂lě₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

21 J₁niá₂ Pa₄, cui₅ Diú₄ 'nia'₂ ne₄ si₂ la₂, quian'₅₄ gu₃ 'nió₃.*

22 Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ ju₁dsi₂'éin₂. ŋiá'₅ 'ne₂, Te₁gui'₅₄†

23 Ju₁j₁me₂gu'₅₄ bá₄ Te₁gui'₅₄ Jesucristo i₂'ua₁ dsí₅.

24 Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡
Co₂ně₅.

‡ 16:19 griego: Prisca. § 16:20 Caun₂ tag₄ a₂j₁me₁chí'₄ lia'₂ con₂ j₁me₁ca₂j₁mo₃ Pa₄ si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † 16:22 griego: maranatha, jág₁ arameo a₂juá'₂ "Njá'₅ 'ne₂, Te₁gui'₅₄." ‡ 16:24 A₂lin₅₄ chog₅₄ si₂ tsá₃ chi₁ton₅ "A₂méi₃."

Si₂ carta jē₁ca₂tě₂ tin₃ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ jē₁ca₂tě₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂ně₅ 'éi'₃ ca₂jmo₃ 'ñiog₅ Diú₄, a₂líng₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lě₅ quian'₅₄ rín'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ guě₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uě₃ Acaya.

² Ju₁jme₂gu'₅₄ bá₄ Diú₄ 'nia'₂; ju₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo ně₃.

Ca₂ñág₃ uig₅ Pa₄

³ Ju₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂.

⁴ 'Éi₂ bá₄ i₂jmo₅ lián'₂ ja₁con₂ jniog₄ jě₄ ca₂le₃jě₃ 'e₂ o₂i₁ dsí₅ cha₂, le₂jaun₂ guě'₂ jniog₄ táng₃ lé₂ le₃jmó₁ lián'₂ dsí₅ ju₁lia'₂ i₂chan₂ o₂i₁ dsí₅ ñág₅ uig₅. Lé₂ le₃cuě₅₄ jniog₄ lián'₂ dsí₅ ju₁lia'₂ jmo₅ Diú₄ ja₁con₂ jniog₄ guio₅₄.

⁵ Ia₁ le₂ně₅ ju₁lia'₂ ñág₄ jniog₄ jmi₁uig₅ juě'₂ lín₃ a₂ca₂can₃ Cristo, ján₃ bá₄ le₂ně₅ táng₃ tě₂le₃ quian'₅₄ Jesucristo guéi'₁ jniog₄ lián'₂ a₂le₃chong₂ dse₃.

⁶ Jaun₂ ně₃, chi₂jua'₂ ñág₄ jnia'₅₄ uig₅ chong₂, le₂ně₅ le₃cha₂ lián'₂ ja₁con'₂ 'nia'₂ jaun₂ líon'₂ 'nia'₂ ně₃; o₃ chi₂jua'₂ guei'₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con'₂ 'nia'₂, jaun₂ lé₂ le₃jmó'₂ tió'₃ 'au'₂ 'e₂ uig₅ cha₂, ju₁lia'₂ jmo₂ jnia'₅₄.

⁷ Caun₂ bá₄ le₁'ág₄ dsí₅ jnia'₅₄ le₃ja₁con'₂ 'nia'₂ a₂jmó'₂ tió'₃ 'au'₂ a₂líon'₂ 'nia'₂ ně₃. Ia₁ ne₄ bá₄ jniog₄, ně₁jua'₂ quen'₅₄ 'nia'₂ ñág'₅₄ uig₅ a₂ñág₄ jnia'₅₄, ján₃ bá₄ le₂ně₅ guéi'₁ 'nia'₂ lián'₂ a₂guéi'₁ jnia'₅₄ a₂cuě₃ Diú₄.

⁸ Chei₂ jnia'₅₄ 'nia'₂ le₂ně₅, rín'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂lia'₂ lě₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uě₃ Asia. 'Ñio₅ lín₃ bá₄ uig₅ ca₂ñág₄ jnia'₅₄; 'ñio₅ lín₃ guei'₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂.

⁹ Con'₂ siá'₂ lág₂ jnia'₅₄ a₂tsá₃ ma₃jmig₄ cha₂ quián₂ jnia'₅₄, ně₂jag₄ bá₄ a₂ma₂'i₄ 'éi'₃ dsíó₃. La₁ tsá₃ a₂ñág₅₄, ia₁ ca₂le₃jě₃ a₂ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄.

¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ ju₁lia'₂ jmi₄ ně₃. Jaun₂ le₃ja₁con'₂ 'éi₂ bá₄ ma₂'éi₁ jnia'₅₄ caun₂ dsí₅ a₂lió₂ ne₄ ju₁5

¹¹ chi₂jua'₂ jme₁'o'₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cuě'₃ ti₁'mag'₄ Diú₄ ne₄ ca₂le₃jě₃ a₂dse₃ a₂jme₃'o₅₄.†

'E₂ lě₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ tě₅ dsí₅ jnia'₅₄ ton'₂ guio₅₄ jnia'₅₄ quiong₂ 'í₁ tě₂dsí₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uě₃ la₂, ju₁lia'₂ jme₂ti₃ Diú₄, la₁ 'ñio₅ lín₃ guě₄ le₃ja₂con'₂ 'nia'₂. Ia₁ a₂'ua₁ dsí₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂ně₅; on₃jua'₅₄ ia₁ a₂tag₂ jnia'₅₄ guio₅₄.

¹³ Ca₂le₃jě₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂.

* 1:1 lit. "dsa₂ jnió₅." † 1:11 A₂lín₅₄ chog₅₄ si₂: "o₄quián₂ 'nia'₂."

14 Jaun₂ 'ín₂ dsi₅ jnia'₅₄, jui₁lia'₂ ma₂ca₂rë₃ñig'₂ 'nia'₂ quián₂ jnia'₅₄ ja₁lin₅₄, ján₃ bá₄ le₂në₅ le₃ñí'₂ 'nia'₂ lia'₂ rë₂'ñia₅, ia₁jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ jág₁ tá'₅ o₄quián'₂ 'nia'₂ ján₃, jë₁ma₂ca₂të₂ jmig₄ quió'₅ Jesús Te₁gui'₅₄ quián₂.

15 'Uig₅₄ ia₁ caun₂ bá₄ 'ei₅ dsi₃ ca₂le₃jë₃ a₂në₅, jaun₂ jme₁ling₂ nei₅₄ i₁jing₁₂ de'₂ jniá'₅ 'nia'₂ a₂i₁jmo₃ lián'₂ 'au'₂ 'nia'₂ 'ñio₅ lin₃, ia₁ dsióg₄ i₁jing₁₂ 'nia'₂ ta₁tin₃ ráun₂.

16 Jme₁dsi₂jio₅ dsi₃ jme₁i₁ñig₁₂ ja₁tion'₅₄ 'nia'₂ lia'₂ ma₂'eng₅₄ jui₅ guio₃ ju₅ Macedonia; jë₁ma₂të₂ rë₁nég'₄ táng₃, jaun₂ i₁jing₁₂ táng₃ 'nia'₂. Ia₁ ling₂, 'nia'₂ bá₄ jme₁'o'₁ a₂lé₂ dsióg₄ jniá'₂ të₂ Judea.

17 ¿O₃ bá₄ lín'₂ 'nia'₂ a₂'ei₅ caun₂-tín₃ dsi₃ a₂juá'₅ le₂në₅? ¿O₃ bá₄ lín'₂ 'nia'₂ a₂lë₅ jág₁ quió'₃ lia'₂ lë₅ jág₁ quió'₅ dsa₂ i₂tsá₃ 'én₂ i₂lë₁qui₂co₅ jág₁ quió'₅, në₃ rë'₂ juá'₂ “ján₅,” në₃ guë'₂ “jan₂'ón₄” táng₃?

18 Tí₅ bá₄ jág₁ quián₂ jnia'₅₄, jui₁lia'₂ tí₅ jág₁ quió'₅ Diú₄; líg'₂ jmig₄ jua'₅₄ a₂lë₁cuë₂ jnia'₅₄ jág₁ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃.

19 Ia₁ Cristo Jesús i₂lín₅ Ja₁ñi'₅₄ Diú₄ i₂qui₂'ín₅ jnia'₅₄ i₂nio₄, chei₂ 'nia'₂ quian'₅₄ Silvano,† Timoteo në₃, 'éi₂ në₃ tsá₃ líg'₂ jmig₄ jua'₅₄ a₂lë₁qui₂ca₂co₃ jág₁ quió'₅ jua'₅₄ në₃ rë'₂ juá'₂ “ján₅,” në₃ cón₅ “jan₂'ón₄” táng₃. Të₂le₃ quian'₅₄ Cristo, a₂dsau₅ dsón'₂ bá₄ jág₁.

20 Ia₁ të₂le₃ quian'₅₄ 'éi₂ bá₄ rë₂ti₃ ca₂le₃jë₃ jág₁ a₂cuë₂₃ quió'₅ Diú₄. Jaun₂ të₂le₃ quian'₅₄ 'éi₂, jua'₂ jniog₄ a₂méi₃, ia₁ a₂dsau₅ dsón'₂. Jaun₂ le₂në₅ lé₂ le₃jme₁ju₁n'₂ jniog₄ Diú₄.

21 Jaun₂ 'ñiog₅ bá₄ Diú₄ jmo₂₃ të₂le₃ ja₁con₂ jnia'₅₄, quian'₅₄ guë'₂ le₃ja₁con'₂ 'nia'₂ në₃, a₂tióng₂ jniog₄ tiá₂ le₃quió'₅ Cristo. 'Ñiog₅ bá₄ Diú₄ ma₂ca₂'ag₃ jniog₄ në₃.

22 Ma₂ca₂jmóg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cu₁in₃ Jme₂dsi₂ Jñi₅ quiáin₅ të₂dsi₅ jniog₄, në₂jag₄ bá₄ cu₄ a₂ma₂ron₅ dsi₂jniá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁guéi₁ a₂cuë₃.

23 Chi₂jua'₂ tsá₃ ma₂ca₂lë₃ dsióg₄ juig₂ Corinto lia'₂ con'₂ lë₅ ma₂i₃jio₅ dsi₃, jág₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsi₅ a₂tsá₃ ca₂dsióg₃; ia₁ në₁jua'₂ tsá₃ le₂jaun₂, caun₂ bá₄ 'ei₅ dsi₃ o₁jñia'₅₄ 'mú₃ ca₂quín₂ quió'₃.

24 On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂ lia'₂ 'én'₂ 'nia'₂, ia₁ ma₂tión'₂ bá₄ 'nia'₂ tiá₂ a₂'éng'₂. Jñia'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ guë'₄ o₂'ñi₃ dsi₅ ja₁con'₂ 'nia'₂, ia₁ o₄quió'₄ a₂'én'₂ bá₄ 'nia'₂, tión'₂ 'nia'₂ tiá₂.

2

1 Jaun₂ ma₂ca₂dsia₃ jniá₂ dsi₃ a₂tsá₃ ma₃i₁jing₁₂ táng₃ 'nia'₂ të₃ 'lia'₂ dsi₃.

2 Ia₁ në₁jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ¿'ein₂ bá₄ i₂jmo₃ jéin₄ jniá₂ 'io'₂? Jñia'₅₄ lia'₂ 'nia'₂ bá₄ i₂ma₂në₂jmo₃ jniá₂ 'lia'₂ 'au'₂.

3 Jaun₂ lë₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsi₃ jë₁ma₂dsióg₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jë₁ma₂dsióg₃. Ia₁ caun₂ bá₄ 'ei₅ dsi₃ ja₁con'₂ 'nia'₂ a₂dsióg₄ 'ei₅ dse₃ dsi₃, le₂jaun₂ a₂'ei₅ rë₂ 'au'₂ 'nia'₂ ján₃.

4 Ia₁ a₂jme₁quian₄ o₂i₁ dsi₅, të₃ ca₂tán'₂ dsi₃, jme₁ca₂jmo₃ jniá₂ si₂ jaun₂, ca₂le₃jë₃ jme₁'o₅ jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ ján₃; të₂le₃ ia₁jaun₂ le₃ñi'₅₄ 'nia'₂ 'a₂ lia'₂ lë₅ dsi₃ a₂'nióg₃ 'nia'₂ 'ñio₅ lin₃.

Ca₂'én₂ dsá₁ ja₂ dsa₂ i₂ca₂'ná₂ dso₄

5 Në₁jua'₂ chan₂ i₂ma₂jmo₃ a₂cha₂ o₂i₁ dsi₅, on₃jua'₅₄ jmá'₃ ja₁con₂ jniá₂ ma₂jmo₃ quian₅₄ o₂i₁ dsi₅; le₂jio₅ ja₁con'₂ 'nia'₂ bá₄ ca₂jmo₃ ca₂la₂

† 1:19 Lia'₂ chen₂ Silvano co₂rë₂ quian'₅₄ Silas.

a₂ma₂ca₂quian' ₂ 'nia' ₂ o₂i₁ ds_{i5} ca₂le₃jíng' ₃. A₂juá' ₅ jniá₂ "a₂ca₂jmo₃ ca₂la₂," ia₁jaun₂ tsá₃ lín₄ uig₅ tin' ₅₄ 'nia' ₂ jág₁ nē₅.

⁶ Co₂'nió' ₄ uig₅ a₂ca₂cuē' ₅₄ 'nia' ₂ dsa₂ 'éi₂ jē₄ le₁ŋi' ₂ 'nia' ₂ ca₂le₃jíng' ₃, tió' ₅ bá₄ co₂nē₅.

⁷ Ca₂tín' ₂ bá₄ 'nia' ₂ nē₃ jmó' ₂ 'ua₁ 'au' ₂ 'éng' ₄ dsáu₁, jmó' ₂ táng₃ 'nia' ₂ lián' ₂ dsí₅, ia₁ con' ₂ tsá₃ ŋó₅ nē₃jua' ₂ ca₂tán' ₂ co₂ŋei' ₅₄ dsí₅.

⁸ Jaun₂ chi₂len' ₄ jniá₂ 'nia' ₂ a₂jme₁jniag' ₂ táng₃, a₂dsón' ₂ 'nió' ₃ 'nia' ₂.

⁹ Uig₅₄ jaun₂ bá₄ ma₂juá' ₃ bá₄ jniá₂ le₂jniá₅ quian' ₅₄ si₂ a₂ma₂tsíng₂ ne' ₅₄ 'nia' ₂, a₂jnia' ₅₄ con' ₂ ca₂caun₃ 'í₁ bá₄ quián' ₂ 'nia' ₂ o₁ne₄ nē₃jua' ₂ jmó' ₂ dsón' ₂ 'nia' ₂ con' ₂ lē₅ ca₂le₃jē₃ jág₁ a₂juá' ₅ jniá₂.

¹⁰ Jaun₂ nē₃, ju_{i1}'e₂ guē₃ 'a₂ lia' ₂ lē₅ dsáu₁ rín' ₂ 'nia' ₂ a₂'éng' ₄, ján₃ bá₄ le₂jaun₂ le₃jmo₅₄ jniá₂ dsí₃, 'én₄ bá₄ jniá₂ dsáu₁ dsa₂ 'éi₂. Ia₁ ju_{i1}lia' ₂ dso₄ a₂ma₂'én₃ jniá₂, chi₂jua' ₂ 'e₂ caun₂ dso₄ ma₂'éng₃, o₄quián' ₂ 'nia' ₂ bá₄ ma₂jmo₃, tē₃ne₄ Cristo.

¹¹ Jmo₅ jniá₂ le₂nē₅ ia₁jaun₂ tsá₃ jo₃ i₂sē₃dse₃, ia₁ a₂ne₄ rē₂ bá₄ jniog' ₄ 'a₂ lia' ₂ lē₅ mai' ₅₄ 'io₅ 'éi₂.

Tsá₃ rē₂ jme₁'ei₅ dsí₅ Pa₄ juig₂ Troas

¹² Jaun₂ jme₁ca₂dsióg₃ jniá₂ juig₂ Troas a₂'ě₄ jág₁ dse₃ quió' ₅ Cristo, 'ŋio₅ bá₄ jme₁rē₂na₄ ju_{i5} a₂jme₁jmo₅₄ ta₁ quió' ₅ Te₁gui' ₅₄ ja₁jaun₂.

¹³ La₁ tsá₃ tei₄ jme₁'ei₅ dsí₃, ia₁ tsá₃ ca₂dsáng' ₂ Tito rín' ₅₄ jniog₄. Ca₂'ág' ₃ bá₄ jniá₂ jág₁ rín' ₅₄ jniog₄ ja₁jaun₂, jaun₂ guē₄ guio₃ le₃uē₃ Macedonia la₂.

A₂léi₂ jniog₄ quian' ₅₄ Cristo

¹⁴ La₁ ti₁'mag' ₄ Diú₄ ia₁ co₂tan₅₄ bá₄ jiog₂₃ ju_{i5} a₂léi₂ jniog₄ le₃quió' ₅ Cristo Jesús, ia₁ tē₂le₃ quian' ₅₄ jniog₄ bá₄ jme₂jniai₂₃ jág₁ dse₃ la₂ quió' ₅, ia₁jaun₂ dsa₂ nē₃ le₃cuin₂₃ 'éi₂, co₂'nió' ₄ a₂ja₂dsí₂ ma₂juig₂ ca₂le₂con₂.

¹⁵ Ia₁ jniog₄ bá₄ lág₅ co₂'nió' ₄ chen₂ a₂cau₂ ja₂dsí₂ ma₂juig₂ ma₂ro₂ a₂jén' ₅ Cristo ne₄ Diú₄, a₂qui₂dsí₂'ag₅ jē₄ quió' ₅ dsa₂ i₂i₂nio₄ ju_{i5} a₂lióin₂, qui₂ja₂dsí₂ ján₃ jē₄ quió' ₅ i₂dsí₂'én₂ nē₃.

¹⁶ Tē₂le₃ ja₁con₂ dsa₂ i₂dsí₂'én₂ nē₃, chen₂ la₂ lē₅ a₂ja₂dsí₂ 'lig' ₅₄ a₂ma₂le₃dsiáin₃; la₁ tē₂le₃ quió' ₅ dsa₂ i₂tín' ₄ guē' ₂ nē₃, lē₅ caun₂ cosa a₂ja₂ ma₂juig₂ ma₂ro₂ a₂tín' ₂ jme₂dsí₂ quió' ₅. ¿'Ein₂ bá₄ 'éi₂ i₂qui' ₅₄ jmig₄ quian' ₅₄ ta₁ nē₅?

¹⁷ Jnia' ₅₄ bá₄ 'éi₂ i₂qui' ₅₄ jmig₄, ia₁ tsá₃ ta₁ jaun₂ i₂nio₄ jnia' ₅₄ jua' ₅₄ a₂jmó' ₁ 'ma' ₅₄ jág₁ dse₃ quió' ₅ Diú₄ ju_{i1}lia' ₂ jmo₅ i₂lín₅₄. Tē₂le₃ jág₅ bá₄ Diú₄, chei₂ jnia' ₅₄ dsa₂ lia' ₂ tí₅ jág₁, lág₅ jnia' ₅₄ dsa₂ quián₅ Diú₄ i₂juá' ₂ o₄quió' ₄ Cristo.

3

Jág₁ 'mí₂ a₂lí' ₅₄ quian' ₅₄ Diú₄

¹ ¿O₃ bá₄ lín' ₂ 'nia' ₂ a₂jnia' ₅₄ 'ín₅ dse₃ guio₅₄ bá₄ jnia' ₅₄ jme₁jua' ₂ le₂nē₅? ¿O₃ bá₄ 'niog' ₂ 'nia' ₂ a₂'ě₄ si₂ a₂jáng' ₅ jág₁ dsau₅ o₃ a₂mí₁ 'e₂ jnia' ₅₄ ne' ₅₄ 'nia' ₂ a₂cuē' ₁ caun₂ si₂ ju_{i1}lia' ₂ jmo₅ dsa₂ i₂lín₅₄?

² Jnia' ₅₄ lia' ₂ guion' ₅₄ bá₄ 'nia' ₂ ma₂cuē' ₂ jág₁ dsau₅ a₂ma₂léi₄ co₂'nió' ₄ caun₂ si₂ tē₂dsí₅ jnia' ₅₄ a₂lé₂ le₃con₂ dsa₂ sián' ₂ 'í₁ co₂'nió' ₄ a₂lé₂ le₃i₃ dsa₂ nē₃.

³ Guion' ₅₄ bá₄ 'nia' ₂ líng' ₅ co₂'nió' ₄ caun₂ si₂ a₂ca₂jmo₃ Cristo 'ŋiog₅, a₂ca₂dsia₃ gu₂ jnia' ₅₄. Caun₂ si₂, on₃jua' ₅₄ a₂léi₄ a₂qui₂rē₂tsáng₂ quian' ₅₄ jmí₁jnë₂; lē₅ léi₄ tē₂le₃ quian' ₅₄ Jme₂dsí₂ quián₅ Diú₄ i₂chan₂ dsón' ₂. Lē₅ caun₂ si₂ carta, on₃jua' ₅₄ a₂léi₄ rē₂ton₅ dso' ₂ ni₁cang₁; lē₅ léi₄ ju_{i5} tē₂dsí₅ dsa₂ mi₂güig₃ bá₄.

⁴ Caun₂ bá₄ le₁'ág₄ dsí₅ jnia' ₅₄ a₂'éin₂ jnia' ₅₄ le₂nē₅ le₃ja₁con₂ Diú₄ tē₂le₃ quian' ₅₄ Cristo.

5 On₃jua'₅₄ a₂tag₂ jnia'₅₄ guio₅₄ a₂jmo₂'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmig₄ quian'₅₄ ta₁ ně₅.

6 'Éi₂ bá₄ ma₂jmo₃ a₂qui'₅₄ jnia'₅₄ jmig₄ a₂i₂quian₄ jnia'₅₄ * jág₁ 'mí₂ a₂ma₂li'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsí₂ quián₅ Diú₄ bá₄. Ta₁ a₂qui'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ Jme₂dsí₂ quián₅ Diú₄ guē'₂ ně₃ to'₂ jme₂dsí₂ a₂chan₂ dsa₂.

7 'Éi'₃ jaun₂ ca₂tióng₃ Diú₄ dso'₂ ni₁cang₁ jē₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ uē₂ ne₄ Moisés, ia₁ a₂ñí₄ lē₃ co₂tág₅ co₂'né'₅ ca₂jnia₃, jui'₁e₂ guē₃ la₂ jē₂ca₂ag₂ si₂ jaun₂. La₁ chi₂jua'₂ le₂nē₅ 'ñio₅ jlá'₁ ca₂lē₃ jme₁ca₂lē₃ 'éi'₃ a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂,

8 j'ē₂ guē₄ dse₃ jlá'₁, jág₁ dse₃ a₂quian₅ Jme₂dsí₂ Jñio₅ a₂jmo₅ a₂chan₂ táng₃ dsa₂!

9 Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lē₃ jlá'₁ ca₂lē₃ 'a₂ lia'₂ ca₂cuē₃ Diú₄ 'Éi'₃ tē₂le₃ quian'₅₄ Moisés, 'éi'₃ a₂jme₁bóg'₂ dso₄ jaun₂, j'ē₂ guē₄ jlá'₁ ta₁b quián₂ jnia'₅₄ a₂i₂quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsáu₁ jniog₄ cha₂!

10 Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma₂'e₂ quen₅ ně₁ma₂ca₂quin₃ quian'₅₄ jág₁ jlá'₁ guē₄ a₂cha₂ rē₂ně₃.

11 Chi₂jua'₂ lág₂ jniog₄ a₂ñí₄ lē₃ jme₁jlá'₁ ta₁b quió'₅ a₂tsá₃ uē₂ tió'₅ jaun₂, j'ē₂ guē₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

12 'Uig₅₄ ia₁ caun₂ le₁'ág₄ dsi₅ jnia'₅₄ le₂nē₅, jua'₂ jnia'₅₄ co₂ñei'₅₄ rē₂jiá₃ jág₁.

13 Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlē₂ 'éi₂ ne₅₄ quian'₅₄ 'mí'₂ ia₁ jaun₂ tsá₃ jág₃ dsa₂ israelitas 'a₂ lia'₂ éi₃ a₂co₂tág₅ jaun₂.

14 La₁ tsá₃ ca₂rē₃ñí'₂ dsí₅ dsa₂ 'éi₂ ně₃, ia₁ cang₄ dsi₅₄. Ca₂lia'₂ jñio₄ jmig₄ ně₃ 'i₅ dsa₂ si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlē₅ ne₅₄, a₂tsá₃ ñí'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jnia'₃ a₂jlē₅ a₂ñí'₂ dsí₅ dsa₂ jaun₂.

15 Ca₂lia'₂ jñio₄ jmig₄ ně₃, jē₁ma₂tóin'₂ 'i₂₃ si₂ quió'₅ Moisés, jlin₅ ne₄ dsa₂, tsá₃ rē₂ñí'₂.

16 Ia₁ jui₁lia'₂ jan₂ dsa₂ i₂jén'₅ le₃quió'₅ Te₁gui'₅₄, jnia'₅ a₂jmo₅ a₂jlin₅ ne₄ dsa₂ jaun₂.

17 Te₁gui'₅₄ ně₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui'₅₄, jui₁lia'₂ tē₂dsí₅ dsa₂ i₂'én₂, ja₁ jaun₂ rē₂na₄ bá₄ jui₅.

18 Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia'₂ lē₅ ni₁'i₂ a₂jniá₂ a₂co₂tág₅ co₂'né'₅ a₂jlán'₁ Te₁gui'₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'₂ lín₅ Cristo 'ñiog₅, ia₁ lia'₂ caun₂ jmig₄ caun₂ jmig₄ bá₄ caun₂ i₂ne₁ca₂lag₃ jniog₄ jlán'₁ jui₁lia'₂ lín₅ 'éi₂. Ca₂le₃jě₃ a₂nē₅ jmo₅ Te₁gui'₅₄, i₂lín₅ Jme₂dsí₂.

4

1 'Uig₅₄ jaun₂, o₁líg'₂ jmig₄ tsá₃ tián'₃ dsí₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsí₅ ca₂dsia₃ gu₂ jnia'₅₄ ta₁ la₂.

2 Ma₂ca₂tí₄ jnia'₅₄ ca₂le₃jě₃ a₂'líg'₅₄ o₂gui'₃ a₂jmo₅-dsáu₅ dsa₂ jē₄ rē₂'ma₄; tsá₃ a₂nē₅ i₂nio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ guē'₂ jua'₅₄ jmo₂ jnia'₅₄ caun₂-tín₃ jág₁ jua'₅₄ a₂co₂güin'₄ jnia'₅₄ jág₁ dse₃ quió'₅ Diú₄. Jág₁ tí₅ dsón'₂ rē₂jiá₃ jág₁ bá₄ jme₂tín₁ jnia'₅₄ dsa₂, ne₄ Diú₄, ia₁ jaun₂ le₃lí'₄ tē₂dsí₅ dsa₂ a₂dsau₅ bá₄ jág₁ a₂i₂quian₄ jnia'₅₄.

3 Ně₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄.

* 3:6 griego: diákonous (ministros). † 3:11 griego: diakonía (ministerio).

⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rë₂jlin₅ dsí₅, në₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güí₃ la₂, ia₁jaun₂ tsá₃ tág₃ si₂ a₂le₃ñí'₂ dsí₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅.

⁵ Ia₁ on₃jua'₅₄ guio₅₄ jnia'₅₄ 'ín₅ jë₁ma₂të₂ rë₁'ë₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús.

⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güí₃: “Jui₁jnia₄ tág₅ jë₄ qui₁né'₃”.* Jaun₂ i₂'éi₂ bá₄ ma₂jmo₃ në₃ a₂tág'₄ si₂ të₂dsi₅ jnia'₅₄ ia₁jaun₂ jág₃ i₂sián'₂ si₂jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ të₂le₃ ne₄ Jesucristo.

A₂ lia'₂ 'nió'₅ le₃chan₂ dsa₂ ia₁ a₂'éin₂

⁷ Ca₂le₃jë₃ a₂jlá'₁ a₂quen₅ 'ñio₅ lín₃ në₅ në₃, a₂quian₄ jnia'₅₄ a₂lág₅ lia'₂ lë₅ ca₂míg₂ ni₁tí'₂ tsá₃ quen₅, jë₁rë₂'ma₄ cosa a₂quen₅ 'ñio₅, ia₁jaun₂ le₃jniá'₂ a₂já₅ ja₁con₂ Diú₄ bá₄ jui₅bí₂ juë'₂ lín₃ në₅, on₃jua'₅₄ a₂'niog'₂ jnia'₅₄ dsí₅ guio₅₄.

⁸ Le₂në₅ në₃, jui₁'a₂ guë'₃ la₂ të₁ja₂lé₂ o₂me'₅₄ dsí₅ jë₁chong₂ jnia'₅₄, la₁ tsá₃ lë₅ jua'₅₄ a₂tsá₃ dsian₅. Jui₁'e₂ guë'₃ já₅ caun₂ jui₅bí₂ a₂'i₅ dsí₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂l₁ dsí₅.

⁹ Jui₁'e₂ guë'₃ qui₂co₂'ein₅ dsa₂, la₁ tsá₃ guio₅₄ jnia'₅₄ tíong₂. Jui₁'e₂ guë'₃ ca₂guiog'₃ dsa₂ 'uë₃, la₁ tsá₃ ca₂dsau₃ guë'₄ jnia'₅₄.

¹⁰ Të₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá'₂ jui₅ ni₁ñi₁ jnia'₅₄ ján₃ a₂chan₂ Jesús.

¹¹ Ia₁ të₁lia'₂ chong₂ jnia'₅₄ la₂, le₂o₃ jmíg₄ bá₄ go'₂ a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá'₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús.

¹² Jaun₂ në₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ në₃ tíong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rë₃'éng₂, jaun₂ bá₄ lë₃ ca₂juá'₃.”† Le₂në₅ bá₄ jnia'₅₄ ján₃, ia₁ a₂'l₄ jme₂dsí₂ i₂cuë₅ bí₂ a₂'éin₂, jaun₂ bá₄ lë₃ 'éin₂ jnia'₅₄, jaun₂ bá₄ lë₃ jua'₂ jnia'₅₄ ján₃.

¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₁rë₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, të₂ co₂dsia₅ quian'₅₄ 'nia'₂ ja₁coin₂.

¹⁵ A₂dse₃ o₄quián'₂ 'nia'₂ bá₄ ca₂le₃jë₃ a₂ma₂ca₂lë₃ në₅, ia₁ në₁jua'₂ le₂jaun₂ juin₅ guë'₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ juin₅ guë'₄ dsa₂ lë₂ i₂cuë₃ ti₁'mag'₄ qui₂le₃juin'₂ Diú₄.

¹⁶ Jaun₂, o₁líg'₂ jmíg₄ tsá₃ qui₂'uán₂ dsí₅ jnia'₅₄. Tsá₃ a₂léi'₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsí₂ quián₂ në₃ caun₂ rë₂'mag'₄ bá₄ lia'₂ caun₂ jmíg₄.‡

¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia'₅₄ rë₂në₃, a₂ñi'₅₄ ta₁ dsí₃ñí₂, jmo₃ a₂të₃dsí₅₄ a₂léi₂ ñag₅₄ guë'₄ jnia'₅₄ ja₁jlá'₁ guë'₄ 'ñio₅ lín₃ a₂jio₅ co₂tan₅₄.

¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá'₂; a₂jaun₂ bá₄ tion'₂ jnia'₅₄ jui₅ jui₁lia'₂ a₂tsá₃ jniá'₂. Ia₁ ca₂le₃jë₃ a₂jniá'₂, tsá₃ uë₂ jio₅. A₂dsau₅ bá₄ a₂tsá₃ jniá'₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jniog₄, jë₁ma₂ca₂dsau₃ ca₂'en₃ ni₁ñi₁ jniog₄ la₂, a₂lë₅ co₂'nió'₄ caun₂ 'né₅ quián₂ të₁lia'₂ chong₂ mi₂güí₃ la₂, la₁ Diú₄ në₃ cuë₃ caun₂ ja₁'io₁ guei'₅₄ i₂juí₃ ja₁lë₄ co₂'nió'₄ caun₂ 'né₅ a₂tsá₃ ma₃ton₅ jmíg₄ dsí₃'én₂, on₃jua'₅₄ a₂ca₂jmo₃ dsa₂ mi₂güí₃.

* **4:6** Génesis 1:3. † **4:13** Salmo 116:10. ‡ **4:16** lit. “Tsá₃ a₂léi'₂ jaun₂ caun₂ ma₂ne₁ca₂dsa₃, quió'₅ dsa₂ le₂co'₅₄; la₁ dsa₂ le₂né₃ në₃ caun₂ rë₂'mag'₄ bá₄ lia'₂ caun₂ jmíg₄.”

² Dsón'₂ bá, tē, lia'₂ chong₂ jniog₄ jui₅ ni, ηᵢ₅ la₂, ca₂le₃jě₃ chon₂ jniog₄ dsi₅, a₂'ín₅ dsi₅ dsi'₁io₁ 'né₅ quián₂ guei'₅₄ i₂juíg₃,

³ ia₁jaun₂ jlě₂ quián₂ nē₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rē₂ḡag₅.

⁴ Tē, lia'₂ chong₂ jniog₄ quian'₅₄ ni, ηᵢ₁ la₂, ca₂le₃jě₃ chon₂ jniog₂ dsi₅ a₂le, quian₁ o₂i₁ dsi₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂ḡei'₅₄ ni, ηᵢ₁ a₂jón₂ la₂, quian'₅₄ ni, ηᵢ₁ 'mí₂ a₂le₃chan₂ co₂tan₅₄.

⁵ Diú₄ bá₄ dsón'₂ i₂ma₂jmo₃ co₂ḡia₅₄ jniog₄ i₂ma₂cuin₃ Jme₂dsí₂ quiáin₅, a₂lě₅ léi₄ a₂jme₃ti₃ jág₁ quió'₅.

⁶ Le₂nē₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, tē, lia'₂ chong₂ jui₅ ni, ηᵢ₁ la₂, tsá₃ 'io₁ 'né₅ ja₁guá₄ Te₁gui'₅₄.

⁷ La₁ i₂nio₄ jniog₄ ca₂le₃jág₃ a₂ḡia'₅₄ con'₂ 'éin₂ bá₄, on₃jua'₅₄ con'₂ a₂tē₅ ne₄ jniog₄.

⁸ La₁ caun₂ bá₄ le₁'ág₄ dsi₅, lág₂ jniog₄ 'e₂ guě₄ dse₃ jua'₅₄ nē₃ bá₄ 'uág₃ dsi₂néi₂ tsi'₁né₅ ni, ηᵢ₁ la₂, a₂dsau'₅₄ dsi'₁io₁ quian'₅₄ Te₁gui'₅₄.

⁹ Uḡ₅₄ jaun₂, co₂tan₅₄ quen'₂ jniog₄ bí₂ jmo₂ a₂tē₅ dsí₅ Te₁gui'₅₄, tē, lia'₂ chong₂ jui₅ ni, ηᵢ₁ la₂, o₃ nē₁tsá₃ ma₂chong₂ 'e₂.

¹⁰ Ia₁ le₃jág₃ bá₄ jniog₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tḡin₂, lia'₂ con'₂ lě₅ ca₂jmo₃ tē, lia'₂ jme₁chain₂ jui₅ ni, ηᵢ₁₂, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsí₅ dsa₂

¹¹ Uḡ₅₄ nē₅, ia₁ a₂ne₄ jnia'₅₄ a₂ḡi₄ lě₃ gau₂ lé₂ jē₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsí₅, gue₃ jág₁ dse₃. Jaun₂ ma₂ḡi₅ bá₄ Diú₄ 'a₂ lia'₂ lě₅ chong₂ jnia'₅₄; jaun₂ 'ín₂ dsi₃ jniá₂ a₂ḡi'₅₄ bá₄ 'nia'₂ tē₂'au'₂ ján₃.

¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rē₂ guio₅₄. Jnia'₅₄ lia'₂ cuē₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ḡi'₅₄ 'nia'₂ 'a₂ lia'₂ ḡag'₅₄ ne₄ jui₁lia'₂ dsa₂ i₂'nio₃ dsia₃ jág₁ tá'₅, i₂jnia'₅₄ dse₃ le₁'ág₄ o₁ne₁, on₃jua'₅₄ rē'₂ a₂dsi₂jó'₃ le₁jě₃ jme₂dsí₂ quió'₅.

¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ ḡá₅, lē₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ ḡá₅ nē₃, a₂dse₃ quián'₂ 'nia'₂ bá₄ jaun₂.

¹⁴ Ia₁ a₂ḡi₄ lě₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme₁'nió₄ dsa₂ mi₂güḡ₃ rin'₅₄ jui₁lia'₂ ca₂rē₃ 'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jín₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃.

¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jín₃, ia₁jaun₂ tsá₃ ma'nió'₅ le₃chain₂ jmá'₃ o₄quió'₄ guioin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃.

¹⁶ Jaun₂ tsá₃ ma'ein₂ jin₄ jnia'₅₄ nē₃ tē₂le₃ ne₄ jui₅ lia'₂ con'₂ lě₅ jág₂ dsa₂ mi₂güḡ₃. Jui₁'e₂ guě₃ le₂ḡiá₅ jme₁jin₄ jnia'₅₄ Cristo lia'₂ con'₂ lě₅ jág₂ dsa₂ mi₂güḡ₃, tsá₃ ma₂le₂jaun₂ jin₄ jnia'₅₄ 'éi₂.

¹⁷ Jaun₂ le₂nē₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jě₃ 'a₂ lia'₂ jme₁lě₄ le₂ḡiá₅, ca₂ḡi₂ bá₄ jaun₂. ¡Ma₂ca₂rē₃'mag'₄ bá₄ ca₂le₃jě₃!

¹⁸ Ca₂le₃jě₃ a₂nē₅, le₂nē₅ ma₂jmo₃ Diú₄ 'ḡiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ nē₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄.

¹⁹ Co₂'nió'₄ le₃jua'₅₄, tē₂le₃ quian'₅₄ Cristo bá₄ jme₁'ag₅ Diú₄ caun₂ jág₁ quian'₅₄ dsa₂ mi₂güḡ₃. Tē₂le₃ quian'₅₄ Cristo bá₄, jín₂ Diú₄ dsa₂ co₂'nió'₄ a₂tsá₃ ma'₃e₂ dso₄

rë₂cán'₄ dsa₂. Jaun₂ të₂le₃ quian'₅₄ Cristo bá₄ ma₂dsia₃ gu₂ jnia'₅₄ ně₃ a₂qui'_ě₄ jnia'₅₄ dsa₂ jág₁ dse₃ la₂, ia₁jaun₂ le₃ñi₅ a₂tsá₃ ma₃mi'₅₄ cha₂ quian'₅₄ Diú₄.

²⁰ Jaun₂ le₂ně₅ bá₄ lě₅ 'a₂ lia'₂ të₁i₂nio₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ñiog₅ bá₄ Diú₄ chi₂lén'₂ dsa₂ të₂le₃ quian'₅₄ jnia'₅₄. Jaun₂ jnia'₅₄ ně₃, chi₂lén'₄ jnia'₅₄ 'nia'₂ * quian'₅₄ jág₁ 'éi'₃ quió'₅ Cristo: “‘Éi₂ 'nia'₂ caun₂ jág₁ quian'₅₄ Diú₄.”

²¹ 'I₁caun₂ dso₄ tsá₃ 'e₂ ca₂'náu₂ Cristo; la₁ 'uig₅₄ dsáu₁ jniog₄ bá₄ ně₃, ca₂'ě'₃ Diú₄ uig₅ 'éi₂ ně₂jag₄ bá₄ a₂rë₂cáin'₄ dso₄, ia₁jaun₂ jniog₄ ně₃ jë₁ma₂ca₂rë₃quian'₅₄ Cristo, 'ě₂ Diú₄ jág₁ a₂tsá₃ 'e₂ dso₄ rë₂cáu₄.

6

¹ Jaun₂ le₂ně₅, jnia'₅₄ dsa₂ i₂jmo₂ ta₁ co₂lě₅ quian'₅₄ Te₁gui'₅₄, chi₂lén'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂.

² Ia₁ le₂la₂ juá'₂ Diú₄ ne₄ Si₂:
Ca₂rë₃chá₃ bá₄ jmi₄g₄ a₂ca₂jmo₃ 'ua₁ dsí₃,
ca₂nag₃ jág₁ quián'₂ 'nia'₂;
jmi₄g₄ a₂jme₁cuin₅ jmi₄g₄ lión'₂ 'nia'₂
jme₁ca₂jme₁'o₁ jniá₂.*

Jaun₂ rë₂ně₃ bá₄ 'ě₂₃, cuin₅ jmi₄g₄ a₂jmo₅ Diú₄ 'ua₁ dsí₅. Rë₂ně₃ bá₄ ján₃ cuin₅ jmi₄g₄ a₂lión₂ dsa₂.

³ 'I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄.

⁴ Të₂le₃ 'niog₂ jnia'₅₄ cuë₅₄ léi₄ jë₄ ca₂le₃jě₃, a₂lág₅ të₃dsón'₂ dsa₂ i₂jme₂ti₃ ta₁ ne₄ Diú₄; jë₄ a₂jmo₂ jnia'₅₄ tió'₅ dsí₅; jë₄ jmi₁uig₅ a₂ñag₄ jnia'₅₄ jë₄ jme₁dsi₂ñág₂ jnia'₅₄, a₂tsá₃ a₂ne₄ jnia'₅₄ jmó₁; jë₄ o₂i₁ dsí₅;

⁵ jë₄ qui₂bóg₂ dsa₂; jë₄ qui₂to'₂ dsa₂ né'₃ 'má₃; jë₄ mi'₅₄; jë₄ ta₁ 'ua'₂; jë₄ tsá₃ guag₂ jnia'₅₄; jë₄ jme₁'in₂ a₂que₅₄ jnia'₅₄;

⁶ jë₄ a₂le₁jě₃ jme₂dsí₂ quián₂ jnia'₅₄ ně₃; jë₄ jme₂juín'₁ dsí₅ ja₁con₂ rin'₅₄; jë₄ a₂'ua₁ dsí₅ jnia'₅₄; jë₄ a₂quiong'₅₄ jme₂dsí₂ Jnió₅; jë₄ a₂'nio₃ jnia'₅₄ rin'₅₄ të₃dsón'₂;

⁷ jë₄ quian'₅₄ jág₁ dsau₅ të₃dsón'₂; jë₄ quian'₅₄ jui₅bí₂ quió'₅ Diú₄; jë₄ quian'₅₄ jui₅ co₂dsau₅ a₂tsá₃ 'e₂ rë₂cáu₄, quian'₅₄ a₂ně₅ lion₄ jnia'₅₄ co₂'nió'₄ ñí₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ ně₃;

⁸ të₂le₃ quian'₅₄ a₂jme₂juag'₂ dsa₂; të₂le₃ quian'₅₄ a₂chei'₂ dsa₂ 'lig'₅₄; të₂le₃ quian'₅₄ jág₁ 'lig'₅₄ a₂qui₂'ag₅ dsa₂; të₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ jui₁'a₂ guě₃ la₂ quiong₅ dsa₂ jnia'₅₄ i₂të₂jín₁;

⁹ ně₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rë₂; ně₂jag₄ bá₄ a₂ma₂i₂dsióg₃ jnia'₅₄, la₁ jja₄! lia'₂ chong₂ jaun₂ bá₄ jnia'₅₄; qui₂jmóg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui₂ dsí₅,

¹⁰ la₁ i₂gú₃ bá₄ chong₂ jnia'₅₄ o₂'ñi₃ dsí₅; co₂'nió'₄ i₂të₂ñé₂, la₁ jmo₂ jnia'₅₄ a₂le₃chan₂ dse₃ juin₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jě₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂ně₂jua'₅₄ jnia'₅₄ rë₂jiá₃ jág₁, ně₂jag₄ bá₄ a₂ma₂rë₂nia₅₄ jnia'₅₄ të₂dsi₅ ja₁con₂ 'nia'₂.

¹² 'I₁caun₂ tsá₃ 'e₂ jnág₅ ma₂jmó₁ jnia'₅₄ ja₁con₂ 'nia'₂; guion'₅₄ bá₄ 'nia'₂ jmo₂ qui₂nióg₅ të₂'au'₂, jag'₅₄ jnia'₅₄.

¹³ 'Nia'₂ ně₃, jein'₅₄ 'au'₂ të₂le₃ ja₁con₂ jnia'₅₄: jaun₂ ně₃ chi₂lén'₄ jnia'₅₄ 'nia'₂ ně₂jag₄ bá₄ co₂'nió'₄ ñéi'₅ 'nia'₂ a₂na₅₄ 'nia'₂ të₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ të₃dsón'₂

* 5:20 o, “chi₂lén'₄ jnia'₅₄ dsa₂.” * 6:2 Isaías 49:8. † 6:3 griego: diakonía (ministerio).

14 Tsá₁ i₁nio'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ nē₁jua'₂ le₂jaun₂ nē₃, dsi₁nó'₅ 'nia'₂ léng'₂ jui₁lia'₂ on₃ dsi₂ca₁jui₅ i₂quia'₂ 'uē₃, i₂tsá₃ co₂rín₂.† Ia₁ tsá₃ a₁jaun₂ quín₃ dsi₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Ján₃ guē'₂ le₂jaun₂, o₁líg'₂ jmíg₄ tsá₃ lé₂ le₃jen'₂ ja₁tág₅ quian'₅₄ jui₁lia'₂ ja₁qui₁né'₃ táng₃.

15 ¿O₃ lín'₂ 'nia'₂, lé₂ le₃ag₃ caun₂ jág₁ Cristo quian'₅₄ i₂sē₃dsen₃ táng₃? O₃, ¿'e₂ bá₄ quen'₅₄ jui₁lia'₂ jan₂ dsa₂ 'én₂ quian'₅₄ jan₂ i₂tsá₃ 'én₂?

16 ¿O₃ bá₄ lé₂ le₃ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lē₅ jui₁lia'₂ ca₂juá'₂ Diú₄ 'ñiog₅:

Gua₅₄ ñi₅₄ quiang'₅₄ dsa₂.

Jniá₂ bá₄ léng₂ Diú₄ quián₅.

Dsa₂ 'éi₂ guē'₂ lén₂ dsa₂ jui₂g₂ quiáng₃.§

17 Jaun₂ lē₃:

Co₂dsia₅ 'uin'₂ 'nia'₂ jē₄ quió'₅ diú₄ lag₄ 'éi₂;

con'₂ nau₂ 'nia'₂, juá'₂ Te₁gui'₅₄;

Tsá₃ qui₂tí'₅ 'nia'₂ gog'₂ a₂tsá₃ le₁jē₃.

Jaun₂ bá₄ guen'₄ jniá₂ 'nia'₂,*

18 jaun₂ jan₂ jniá₂ bá₄ léng₂ ñéi'₅ 'nia'₂,

jaun₂ 'nia'₂ guē'₂ léng'₂ chí'₂-guein₂ quiáng₃.

juá'₂ Te₁gui'₅₄ i₂'uan'₂ guē'₄ lín₃.†

7

1 Le₂nē₅ bá₄, rín'₅₄ jniog₄, 'uig₅₄ ia₁ a₂ron₅ jág₁ a₂cuē₁ quió'₅ Diú₄ ja₁con₂ jniog₄, jaun₂ ca₂tág₂ jniog₄ chí₅₄ quián₂ ca₂le₃jē₃ a₂'lig'₅₄ a₂lé₂ le₃'iog₅ jme₂dsí₂ quián₂, le₂jaun₂ ñi₁ñi₁ nē₃. Jui₁le₂chong₂ bá₄ co₂ñei'₅₄ dsa₂ i₂lē₅ 'í₁ i₂jme₂gan₃ Diú₄.

'A₂ lia'₂ ca₂rē₃tsín₃ dsi₅ dsa₂ Corintios, ca₂can₃ táng₃ jui₅ dse₃

2 Jmo₄ 'nia'₂ 'au'₂ a₂jag'₅₄ dse₃ jnia'₅₄. Ia₁ tsá₃ 'e₂ 'lig'₅₄ ma₂jma'₅₄ 'i₁jan'₂ 'nia'₂, on₃ guē'₂ 'e₂ jág₁ ga₂ ma₂chéi₂ jnia'₅₄ 'i₁jan₂, on₃ guē'₂ jua'₅₄ ma₂ca₂jme₁gan₅ jnia'₅₄ 'i₁jan'₂ 'nia'₂ nē₃.

3 On₃ jua'₅₄ a₂juá'₅ jniá₂ ia₁ a₂bong'₅₄ 'nia'₂ dso₄. Lia'₂ ma₂juá'₅ jaun₂ bá₄ jniá₂, jing₅₄ 'nia'₂ ca₂le₃jē₃ dsi₃, a₂'nió₃ jniá₂ 'nia'₂. Caun₂ bá₄ 'ei₅ dsi₃ chang₂ co₂lē₅ quiang'₅₄ 'nia'₂, o₃ dsió₃ co₂lē₅ 'e₂.

4 Caun₂ bá₄ 'ei₅ dsi₃ jing₅₄ 'nia'₂, 'ñio₅ jmo₅ jniá₂ táng'₅ o₄quián'₂ 'nia'₂. Rē₂'ñia₅ a₂lián'₂ dsi₃, lia'₂ rē₂tsón₂ a₂'io'₂ jéin₂ jniá₂, jē₄ ca₂le₃jē₃ o₂i₁ dsi₅ a₂chong₂ jnia'₅₄.

5 Ia₁ lia'₂ con'₂ jme₁o₃ná₅ jnia'₅₄ 'uē₃ Macedonia la₂, tsá₃ ma₂ca₂rē₃jag₅₄ 'i₁ca₂jui₂g₄, ia₁ o₂me'₅₄ dsi₅ bá₄ ma₂ca₂rē₃chá₃ le₂con₂ tē₂le₃ la₂: mī'₅₄ bá₄ ca₂já₃ le₃lág'₃ ja₁tio'₅₄ jnia'₅₄, ca₂le₃jē₃ ca₂'í₃ gó'₅ dsi₅ jnia'₅₄.

6 La₁ Diú₄ i₂jmóg'₅ táng₃ dsi₅ dsa₂ i₂'lia'₂ dsi₅, ca₂jmóg'₃ bá₄ táng₃ dsi₅ jnia'₅₄ jme₁ca₂guan₃ Tito,

7 ton'₂ 'éi₂ 'ñiog₅ guē'₂ nē₃, 'ñio₅ lín₃ 'ei₅ dsi₅ o₄quián'₂ 'nia'₂. 'Éi₂ bá₄ dsia₅ nē₃ tság₅ jnia'₅₄, 'ñio₅ 'ín₅ 'au'₂ jag'₅₄ jniá₂. Dsia₂₃ a₂qui'₂ 'au'₂. Dsia₂₃ ján₃ a₂tion'₅₄ 'nia'₂ dsen₅₄ 'au'₂ o₄quió₃ jniá₂. Jaun₂ bá₄ tē₂le₃ lē₅ guē'₄ 'io'₂ jéin₅ jme₁ca₂rē₃guion₅₄.

8 Tsá₃ a₂nag₅₄ ca₂tión'₂ 'nia'₂ co₂'na₂ qui'₂ 'au'₂ quian'₅₄ si₂ carta a₂ca₂tsíng₂; la₁ tsá₃ dsi₂quén'₅ dsi₃ rē₂nē₃. Dsón'₂ bá₄ ca₂dsi₃quén'₅ dsi₃ co₂'na₂ le₂jñiá₅ ján₃ jme₁ca₂rē₃guion₅₄ o₄quió'₄ si₂ jaun₂, ca₂tión'₂ 'nia'₂ qui'₂ 'au'₂ co₂'na₂.

‡ 6:14 'Nio'₂ ja₁ton₅ Deuteronomio 22:10. § 6:16 Levítico 26:12; Jeremías 32:38; Ezequiel 37:27.

* 6:17 Isaías 52:11; Ezequiel 20:34-41. † 6:18 2 Samuel 7:14.

9 Jaun₂ ně₃ 'io'₂ jéin₅ bá₄ rě₂ně₃, on₃jua'₅₄ ia₁ a₂ca₂tión'₂ 'nia'₂ qui'₂ 'au'₂ jaun₂; a₂jaun₂ bá₄ ia₁ a₂ca₂rě₃tsín₃ bá₄ 'au'₂ 'nia'₂ ia₁ a₂ca₂tión'₂ 'nia'₂ qui'₂ 'au'₂. Ca₂quian'₂ 'nia'₂ o₂i₁ dsi₅ lia'₂ tē₅ dsí₅ Diú₄. Jaun₂ tsá₃ le₃jua'₅₄ a₂ca₂jma'₅₄ jnia'₅₄ dain₅₄ 'nia'₂.

10 Ia₁ jui₁lia'₂ a₂qui'₂ dsí₅ dsa₂ 'a₂ con'₂ 'nio₃ Diú₄, a₂jaun₂ bá₄ jmo₅ a₂rě₃tsín₃ dsí₅ dsa₂, a₂jio₅ jui₅ a₂lión₂ dsa₂. Jaun₂ tsá₃ cha₂ 'e₂ lě₃ jua'₅₄ dsi₁quén'₅ dsí₅ dsa₂. La₁ia₁ jui₁lia'₂ a₂qui'₂ dsí₅ dsa₂ lia'₂ con'₂ lě₅ a₂qui'₂ dsí₅ dsa₂ mi₂güig₃ ně₃, a₂jaun₂ bá₄ jio₅ jui₅ 'mú₃.

11 Jag₄ 'nia'₂ jaun₂, a₂la₂ bá₄ a₂tē₁dsi₅₄ quián'₂ 'nia'₂, ia₁ ca₂tión'₂ 'nia'₂ qui'₂ 'au'₂ jaun₂ lia'₂ con'₂ 'nio₃ dsí₅ Diú₄: 'e₁ bá₄ chi₂quian'₁ 'nia'₂ jmig₄; 'e₁ bá₄ dsan₂ 'au'₂ jme₁rě'₂ a₂jaun₂ jě₄ quián'₂ 'nia'₂; 'e₁ bá₄ ca₂i₃mé'₂ 'au'₂ ne₄ dso₄ jaun₂; 'e₁ bá₄ ca₂já₃ gó'₅ 'au'₂ 'nia'₂; 'e₁ bá₄ 'ín₅ 'au'₂ 'nia'₂ guě₄ lin₃; 'e₁ bá₄ dsen₅₄ 'au'₂ 'nia'₂ a₂jme₁'ě'₄ 'nia'₂ uig₅ ně₃. Jě₄ ca₂le₃jě₃ a₂ně₅ ma₂cuě'₅₄ bá₄ 'nia'₂ léi₄ a₂tsá₃ dso₄ rin'₂ 'nia'₂ a₂ca₂lě₃ le₂jaun₂.

12 Lia'₂ con'₂ ca₂tsíng₂ si₂ carta jaun₂, on₃jua'₅₄ jaun₂ ca₂tsíng₂ o₄quió'₄ i₂ca₂jmo₃ 'lig'₅₄, on₃ guě'₂ o₄quió'₄ i₂ca₂i₃ñí₂ ně₃. A₂jaun₂ bá₄ ca₂tsíng₂ ia₁jaun₂ le₂len'₄ 'nia'₂ tē₂le₃ ne₄ Diú₄ a₂dsan₂ 'au'₂ o₄quián₂ jnia'₅₄.

13 'Uig₅₄ jaun₂, 'io'₂ jein₂ bá₄ jnia'₅₄ ně₃, cha₂ lián'₂ dsi₅.

La₁ 'nio₅ lin₃ guě₄ 'io'₂ jmo₂ jnia'₅₄ jme₁guan₃ Tito, 'ei₅ dse₃ dsí₅ quion₂ jág₁ ia₁ ca₂le₃jín'₃ bá₄ 'nia'₂ ca₂jme₁'oin'₁, ca₂jmog'₅₄ dsí₅ tē₁lia'₂ ca₂i₁'i₅ quian'₅₄ 'nia'₂.

14 Jaun₂ tsá₃ jua'₅₄ a₂lě₁ca₂juíg₂ jág₁ tá'₅ jme₁ca₂juíg₂ 'io'₂ jéin₅ o₄quián'₂ 'nia'₂. Tsá₃ o₂guí'₃ chén'₅ jniá₂. Ia₁ le₂ně₅ bá₄ jui₁lia'₂ dsau₅ ca₂le₃jě₃ jág₁ a₂ma₂ca₂chéi₂ jnia'₅₄ 'nia'₂, ján₃ bá₄ le₂jaun₂ ca₂le₃jě₃ jág₁ a₂ca₂chei₅₄ jnia'₅₄ Tito 'a₂lia'₂ lě₅ tion'₅₄ 'nia'₂, ca₂rě₃ti₃ bá₄ lia'₂ lě₅ jaun₂.

15 Jaun₂ ně₃, tē₂le₃ 'nio₅ lin₃ guě₄ 'nioi₃ 'nia'₂ ia₁ juá'₂ ca₂jmo'₅₄ bá₄ 'nia'₂ ca₂le₃jě₃ 'e₂ ca₂mi₃, ca₂jmo'₅₄ bá₄ 'nia'₂ 'ua₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃.

16 Jaun₂ tē₅ bá₄ dsi₃; caun₂ bá₄ 'ei₅ dsi₃ quian'₅₄ 'nia'₂.

8

A₂cuě₃ dsa₂ 'e₂ cuě₃ 'a₂ con'₂ 'nio₂ dsí₅

1 Ně₃ ně₃, rin'₅₄ jniog₄, 'niog₂ jnia'₅₄ a₂le₃ñi'₅₄ 'nia'₂ 'a₂lia'₂ ma₂ca₂rě₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uě₃ Macedonia la₂.

2 Jui₁'a₂ guě₃ la₂ ma₂ja₂lén₂ quian₅ o₂i₁ dsi₅, tsá₃ caun₂ táu₂ dsi₂ñi₂, la₁ dse₃ bá₄ chain₂ tei₄ bá₄ le₁'ág₄ dsí₅. Jui₁'e₂ guě₃ la₂ te₂ñéi₂ chain₂, la₁ tson₂ guě₄ a₂ma₂cuě₃ con'₂ 'nio₂ dsí₅ con'₂ guě₄ dsa₂ i₂cha₂ quió'₅.

3 Jniá₂ jáng'₅ jág₁ dsau₅, a₂tē₃dsón'₂ bá₄ ma₂cuě₃ 'a₂ con'₂ tió'₅, tē₂le₃ lě₅ guě₄ ma₂cuě₃ 'a₂ con'₂ cha₂ quió'₅, ia₁ a₂'nio₂ dsí₅.

4 Ca₂tság₃ jnia'₅₄ tion₅₄-jan₃, a₂cuě₅₄ jnia'₅₄ jmig₄ a₂quein'₅₄ quian'₅₄ jnia'₅₄ ta₁ dse₃ a₂jme₁on₁₂ dsa₂ quián₅ Diú₄.*

5 Tē₂le₃ lě₅ guě₄ ca₂cuě₃ bá₄ lia'₂ con'₂ guě₄ jme₁lág₂ jnia'₅₄. Jniá₅ de'₂ o₄gú₃ Te₁gui'₅₄ ca₂dsia₃, jaun₂ guě₄ ca₂dsia₃ ne₄ jnia'₅₄, lia'₂ con'₂ 'nio₃ Diú₄.

6 Jaun₂ ma₂chi₁ca₂len'₄ jnia'₅₄ Tito jaun₂ jmo₃ dse₃ dsí₅ a₂jme₃'ñiai₂₃ ta₁ dse₃ ně₅ jin'₄ 'nia'₂ 'uig₅₄ a₂ma₂'ei₅ le₂jniá₅ 'a₂ con'₂ ca₂lě₃ 'au'₂ 'nia'₂ jme₁'o₁.

7 Ia₁ jui₁lia'₂ ma₂dsi₂jniá'₄ 'nia'₂ jě₄ le₂jě₃: a₂'én'₂ 'nia'₂, a₂'ñia'₂ 'nia'₂ jág₁ dse₃, a₂ñí'₂ 'au'₂ 'nia'₂, a₂dsen₅₄ 'au'₂, a₂'nióg'₃ jnia'₅₄ ně₃; ján₃ bá₄ le₂ně₅ ca₂tín'₂ 'nia'₂ dsi₃jniá'₄ quian'₅₄ a₂la₂, a₂jmo'₂ 'ua₁ 'au'₂.

* 8:4 lit. "dsa₂ jnió₅."

8 Tsá₃ o₁len'₂ 'nia'₂ jua'₅₄ a₂jmo₅ jniá'₂ 'éi'₃ ja₁con'₂ 'nia'₂. J₁nia'₅₄ lia'₂ 'nio₃ jniá'₂ cáun₄ 'í₁ të₂le₃ quian'₅₄ a₂dsen₅₄ dsí₅ i₂sián'₂ chi₂jua'₂ dsón'₂ bá₄ 'nióg'₃ ríng'₂ ján₃.

9 Ia₁ ma₂ñi'₅₄ bá₄ 'nia'₂ 'a₂ lia'₂ 'ua₁ dsí₅ Te₁gui'₅₄ Jesucristo quián₂. O₄quió'₄ a₂'noi₃ 'nia'₂, ca₂ñi₃ te₂ñé₂, o₁j₁nia'₅₄ la₂ jme₁chain₂ dse₃, ia₁jaun₂ le₃chan'₂ 'nia'₂ dse₃ të₂le₃ quian'₅₄ jui₅ te₂ñé₂ a₂ca₂can₃ 'éi₂.

10 Cuë₅ jniá'₂ jág₁ dse₃ a₂juig'₂ 'nia'₂, jui₁lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ca₂jme₁lióg'₄ ma₂ca₂ñi₂, a₂ca₂jme₁'o'₁ 'nia'₂, a₂'ño₂ 'au'₂ 'nia'₂ në₃:

11 jaun₂ në₃ në₃, jme₁'ñia₅ 'nia'₂ ta₁ jaun₂ a₂ca₂jme₁lióg'₂, ia₁jaun₂ le₃ti₃ a₂'ño₂ 'au'₂ 'nia'₂ jaun₂, lia'₂ con'₂ lě₅ cha₂ quián'₂ 'nia'₂.

12 Ia₁ jui₁lia'₂ a₂cuë₅ dsa₂ a₂'ño₂ dsí₅ të₃dsón'₂ 'e₂ 'nio₃ cuë'₃ Diú₄, a₂le₂jaun₂ bá₄ gue₅ Diú₄ 'ño₂ dsí₅, lia'₂ con'₂ lě₅ a₂cha₂ quió'₅ dsa₂, on₃jua'₅₄ lia'₂ con'₂ lě₅ a₂tsá₃ cha₂ quió'₅.

13 On₃jua'₅₄ a₂jaun₂ guë'₂ juá'₅ jniá'₂ ia₁jaun₂ tón'₃ dsa₂ 'éi₂ a₂rë₂tsón₂ ñag₅₄ quió'₅, ton'₂ të₂le₃ ja₁con'₂ 'nia'₂ guiong'₅₄ guë'₂ në₃ tsá₃ cha₂ lé₂.

14 Të₂le₃ ia₁jaun₂ dsióg₄ co₂rë₂ bá₄ lě₅ chan₂ dsa₂, 'nia'₂ cuë'₂ 'e₂ niog₅ tsá₃ tín'₂ quió'₅ ríng'₂ jmi₃g₄ në₃; jui₁la₂ 'ióg₃ guë'₂, 'éi₂ guë'₂ ma₂tión₂ jme₃'o₅₄ cuë'₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂në₅ bá₄ dsióg₄ co₂rë₂ bá₄ lě₅ chan₂ dsa₂.

15 Jaun₂ le₂ti₃ jui₁lia'₂ juá'₂ ne₄ Si₂ quió'₅ Diú₄: "I₂ca₂ro'₂ 'lióng₂ tsá₃ 'e₂ jua'₅₄ a₂ca₂chóng₃ quió'₅; le₂jaun₂ guë'₂ le₃ja₁con₂ i₂ca₂ro'₂ me'₂, tsá₃ 'e₂ ca₂lě₃ jua'₅₄ a₂tsá₃ ca₂tín'₂ quió'₅."†

Tito quiain'₅₄ rín'₅₄

16 Ti₁'mag'₄ Diú₄ ca₂jmo₃ a₂ca₂lě₃ dsí₅ Tito a₂ca₂'i₃ dsí₅ 'nia'₂ 'ño₅ lín₃, jui₁lia'₂ 'i₅ dsí₃ jniá'₂.

17 Ia₁ dsí₂jui₅ bá₄ ca₂gue₃ jme₁ca₂chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'ñiog₅ a₂dsó₃ dsí₃jñin₅₄ 'nia'₂ a₂'ño₂ dsí₅.

18 Jan₂ rín'₅₄ jniog₄ i₂'ei₅ jág₁ dse₃ quió'₅ le₂con₂ guá'₅ Macedonia la₂, 'éi₂ chen₅₄ jnia'₅₄ dsó₃ co₂lě₅ quiain'₅₄ Tito.

19 Rín'₅₄ i₂'ín₅ jnia'₅₄ në₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nió₁ jmó₁ ta₁ dse₃ a₂jme₁'on₁ jnia'₅₄ rín'₅₄ ia₁jaun₂ le₃jui₁'₂ Te₁gui'₅₄, ton'₂ ia₁jaun₂ léi₄ a₂dsen₅₄ dsí₅ jnia'₅₄ a₂jme₁'on₁ rín'₅₄.‡

20 Tsá₃ 'niog₂ jnia'₅₄ jua'₅₄ a₂chi₂'ag₃ dsa₂ o₄quió'₄ cu₄ a₂rë₂tsón₂ jaun₂ a₂niog₅ o₄gu₂ jnia'₅₄.

21 'Niog₂ jnia'₅₄ jmó₁ a₂le₁jě₃ jme₂dsí₂ quián₂ të₃ne₄ dsa₂ lia'₂ quian'₅₄ të₃ne₄ Te₁gui'₅₄ në₃.

22 Ján₃ guë'₂ chen₅₄ jnia'₅₄ jan₂ rín'₅₄ sián'₂ i₂ma₂cuë₃ léi₄ a₂dsen₅₄ dsí₅ 'ño₅ lín₃. La₁ në₃ në₃ 'ño₅ lín₃ guë'₂ jmo₂₃ a₂dsen₅₄ dsí₅ ia₁ a₂ñí₄ lě₃ caun₂ 'ei₅ dsí₅ o₄quián'₂ 'nia'₂.

23 Tito në₃, lín₅ jan₂ ríng'₃ i₂jmo₅ ta₁ co₂lě₅ quian'₅₄ jniá'₂ a₂jme₂ti₃ ta₁ ne'₅₄ 'nia'₂. Rín'₅₄ jniog₄ i₂quiain'₅₄ në₃, i₂chen₄ quián₅ guá'₅ i₂i₂nió₄ cuë₂₃ léi₄ a₂jlán'₁ Cristo.

24 Jaun₂ në₃, jme₁jnia₅ ne₄ dsa₂ në₅, lia'₂ le₃ne₄ ca₂le₃jín₃ guá'₅ në₃, qui₁jang'₅₄ 'nia'₂ léi₄ a₂dsón'₂ 'nióg'₃ 'nia'₂ dsa₂ 'én₂ ríng'₂, qui₁jang'₅₄ léi₄ ján₃, 'e₂ 'uig₅₄ a₂ñí₄ lě₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme₃'oin₅₄ rín'₅₄ ja₁siá'₂

† 8:15 Éxodo 16:18. ‡ 8:19 A₂lín₅₄ chog₅₄ si₂: "a₂dsen₅₄ 'au'₂ 'nia'₂ a₂jme₁'ong'₁ ríng'₂."

1 Jui₁lia₂ cu₄ a₂jme₂'on'₅₄ 'nia'₂ dsa₂ 'én₂ rin'₅₄, * tsá₃ ma₃tion₅₄ jua'₅₄ a₂qui₂juá'₄ gué₄ ne₄ si₂.

2 Ia₁ ma₂guion₅₄ bá₄ a₂le₁'ág₄ 'au'₂ 'nia'₂ a₂jme₁'o'₁; o₄quió'₄ a₂nē₅ jmo₅ jniá₂ táng'₅ jin₄ dsa₂ chan₂ 'uē₃ Macedonia. Ia₁ ma₂ca₂ηi₂ bá₄ jme₁ma₂chan₂ co₂jñia₅₄ dsa₂ chan₂ 'uē₃ Acaya, ton'₂ mei'₂ tsá₃ ca₂le₃jín₃ bá₄ ca₂lē₃ dsí₅ jme₃'o'₅₄ o₄quió'₄ a₂dsen₅₄ 'au'₂ 'nia'₂ jaun₂.

3 Ia₁jaun₂ tsá₃ lē₅ jua'₅₄ a₂lē₁ca₂cuē₃ jág₁ tá'₅ quió'₃, jaun₂ tsíng₂ rin'₅₄ la₂ dsi₃jág₂ ia₁ jág₁ jaun₂ ma₂lē₅, ma₂tión'₂ 'nia'₂ co₂jñia₅₄.

4 Ia₁ con'₂ tsá₃ ηó₅ nē₁ca₂lén₂ i₂lin₅₄ rin'₅₄ i₂chan₂ Macedonia quian'₅₄ jniá₂, jaun₂ tsá₃ lē₂ jua'₅₄ caun₂ dé₄ o₂guí'₃ tsá₃ co₂jñia₅₄ 'nia'₂ chang'₂ jē₁ma₂ca₂dsi₃náu₅ jnia'₅₄. Le₂jio₅ jniá₂ chēng'₅ 'lig'₅₄ (le₂jaun₂ 'nia'₂ táng₃) ia₁ ma₂juí₂ jniá₂ dsa₂ 'ηio₅ dsen'₃ 'nia'₂.

5 'Uig₅₄ nē₅ ma₂mí₃ jniá₂ ja₁con₂ rin'₅₄ jniog₂, ia₁ 'nió'₅ bá₄ líng₂, ia₁jaun₂ dsi₃lén₂ dsi₃jín₅₄ 'nia'₂ ia₁jaun₂ jme₃'o'₅₄ gué₄ rin'₅₄ cu₄, jág₁ a₂ma₂cuē'₅₄ 'nia'₂ quiáng'₂ le₂jñiá₅ a₂cuē'₁, ia₁jaun₂ ma₂lē₅ co₂jñia₅₄ 'a₂ con'₂ lē₅ 'ηio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmí₄.

6 Dsá₂ 'au'₂ 'nia'₂ jmo₄, jág₁ a₂juá'₄ la₂: ju₁lia₂ dsa₂ i₂jne₅ me'₂, me'₂ bá₄ a₂ráu₃ quió'₅; ju₁lia₂ dsa₂ i₂jne₅ 'líong₂ gué'₂ nē₃, ján₃ bá₄ 'líong₂ ráu₃ quió'₅.

7 Le₂jan₂ le₂jan₂ bá₄ ca₂tín₂ cuē₃ 'a₂ con'₂ ma₂ca₂lē₃ dsí₅ cuē₃, tsá₃ ca₂tín₂ dsa₂ cuē₃ jua'₅₄ a₂ma₂dsi₂mé'₃ dsí₅, on₃ gué'₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmí₄ tion₅₄. Ia₁ Diú₄ 'nio₃ dsa₂ i₂cuē₅ a₂'io'₂ jén'₅.

8 Diú₄ bá₄ i₂qui'₅₄ jmí₄ jme₃gu'₅₄ 'nia'₂ 'ηio₅ lin₃ ca₂lia₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jě₃ a₂'nió'₅ quián'₂ 'nia'₂, ia₁jaun₂ rē₂tsón₂ lē₂ le₃jme₁'on'₁ 'nia'₂ ríng'₂ ca₂le₃jě₃ jmí₄, quian'₅₄ ca₂le₃jě₃ ne₅₄ ta₁ dse₃.

9 Jaun₂ le₃tí₃ a₂juá'₂ ne₄ Si₂:

Ju₁lia₂ dsa₂ i₂jmo₅ dsióg₁,

cuē₂₃, jme₁'oin₅₄ dsa₂ i₂te₂ηé₂,

lia₂ co₂tan₅₄ bá₄ dsiog'₂ dsí₅ dsa₂

ca₂le₃jě₃ ne₅₄ a₂dse₃ a₂'ua₁ dsí₅ ca₂jmo₃.†

10 'Nio₅ bá₄ Diú₄ ca₂cuē₃ jon₂ a₂ca₂i₃jnia₄; ca₂jmo₃ ca₂rau₂ a₂quē'₅₄ 'nia'₂, ton'₂ jmo₃ ján₃ le₃cha₂ ca₂le₃jě₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jě₃ 'e₂ a₂ján'₄ 'nia'₂ nē₃, jmo₃ qui₂dsi₃cón₃ dsi₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo'₂.

11 Le₂nē₅ bá₄ le₃chan₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lē₂ le₃jme₁'ong'₁ gué₄ juin₅ dsa₂ te₂ηé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rin'₅₄ jniog₄ tē₂le₃ quian'₅₄ jnia'₅₄, jaun₂ juin₅ i₂lē₂ dsí₅ cué'₃ ti₁'mag'₄ Diú₄.

12 Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂'o'₅₄ cuē₃ a₂'nió'₅ quió'₅ rin'₅₄ jniog₄; ján₃ bá₄ jmo₅ ta₁ ia₁jaun₂ juin₅ i₂rē₂tsón₂ i₂cué'₃ ti₁'mag'₄ Diú₄.

13 Tē₂le₃ quian'₅₄ ta₁ a₂jme₂ti₄ jniog₄ ne₄ rin'₅₄ ja₁siá'₂ nē₅, cuē₂ jniog₄ léi₄ a₂tē₃dsón'₂ bá₄ jme₂ti₅₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ juin₅ dsa₂ i₂jme₃juin'₂ Diú₄.

14 Le₂nē₅ bá₄ lē₂ dsí₅ mí₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ηio₅ lin₃ o₄quián'₂ 'nia'₂, ia₁ ma₂rē₂jniá₂ le₃ja₁con₂ 'nia'₂ 'a₂lia₂ ma₂jmo₃ Diú₄ a₂'ua₁ 'au'₂ 'nia'₂.

15 i₁'E₁ gué₄ ti₁'mag'₄ Diú₄ ia₁ ma₂cuag₃ jniog₄ i₂dsen₃ i₂quen₅ gué₄ lin₃, ca₂lia₂ tsá₃ ne₄ 'a₂lia₂ le₃jua'₅₄!

* 9:1 lit. "dsa₂ jnió₅." † 9:9 Salmo 112:9.

10

A₂quen₅ jág₁ quió'₅ Pa₄ ia₁ a₂lín₅ i₂chen₄ quián₅ Cristo

¹ Jniá₂ Pa₄, mi₂₃ juí₂ 'nia'₂ quian'₅₄ jág₁ 'ua₁, ia₁ a₂'ua₁ dsí₅ Cristo. Cha₂ jág₁ a₂lín₅ jan₂ dsa₂ i₂quian₅ jág₁ 'ua₁ jme₁'eng₅₄ jë₄ quián'₂ 'nia'₂, la₁ jë₁ma₂'eng₅₄ ja₁siá'₂ 'ñio₅ bá₄ ma₂bén₂ jág₁ quió'₃.

² Jaun₂ mi₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsí₃ jë₁ma₂dsió₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ mi₂güí₃. Ia₁ caun₂ bá₄ ma₂'ei₅ dsí₃ a₂dsia₅₄ jág₁ quian'₅₄ dsa₂ i₂le₂'éi₂.

³ Dsón'₂ bá₄ jaun₂ dsa₂ mi₂güí₃ bá₄ lág₅ jnia'₅₄ të₁lia'₂ chong₂ la₂. La₁ tsá₃ cág'₂ jnia'₅₄ ju₁lia'₂ quín'₂ dsa₂ mi₂güí₃.

⁴ Ia₁ on₃jua'₅₄ quian'₅₄ ni₁ñí₁ cág'₂ jnia'₅₄, ju₁lia'₂ ni₁ñí₁ a₂qui₂jmo'₂ ta₁ dsa₂ mi₂güí₃, ju₁lia'₂ jë₁quín'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cág'₂ jnia'₅₄, a₂jaun₂ bá₄ 'nió'₄ ñí₁ quián₂ jnia'₅₄ a₂'io₅ bí₂ quió'₅ Diú₄ a₂qui₂le₃ju₁n₃ ca₂le₃jë₃ a₂bén₂ a₂niog₅ tíong₂ quió'₅ i₂së₃dse₃.

⁵ Le₂në₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jë₃ 'e₂ niog₅ 'ag₅ dsa₂ ja₁con₂ Diú₄, ju₁lia'₂ dsa₂ i₂jmo₅ rón₂, i₂tsá₃ 'nio₃ le₃cu₁n₅ Diú₄. Ján₃ bá₄ le₁te₁ jnia'₅₄ le₁'ñe₅ ca₂le₃jë₃ a₂dsi₂jio₅ dsí₅ dsa₂, ia₁jaun₂ le₃néi'₂ nag₃ gau₂ jág₁ quió'₅ Cristo.

⁶ Lia'₂ ma₂tíong₂ jaun₂ bá₄ jnia'₅₄, le₃'ë₅₄ jnia'₅₄ uig₅ ca₂le₃jín₃ i₂tsá₃ jág₁ cán₂ i₂tsá₃ ne'₅₄. Le₂jaun₂ bá₄ lé₂ jë₁ma₂rë₂'ña₅ a₂né'₂ 'nia'₂.

⁷ Caun'₅₄ 'nia'₂ 'í₁ a₂ma₂jniá₂ dsi₁ne₁, ju₁lia'₂ jág₁ a₂juá'₄ jniá₂ la₂: chi₂jua'₂ caun₂ 'ei₅ dsí₅ i₂lín₅₄ a₂lín₅ të₃dsón'₂ i₂quián₅ Cristo, ca₂tiín₂ le₃ñi₅, jnia'₅₄ guë'₂ ně₃ dsón'₂ bá₄ lág₅ i₂quián₅ Cristo ján₃.

⁸ Mei'₂ tsá₃ lín'₂ 'nia'₂ a₂juá'₅ jniá₂ ñag₅₄ ju₁lia'₂ con'₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ jág₁ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ñiog₅ bá₄ Te₁gui'₅₄ ma₂cuë₃ 'éi'₃ a₂qui₂jme₁'an₂ 'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsí₂ quián'₂ 'nia'₂. On₃jua'₅₄ rë'₂ të₂le₃ a₂lé₂ tsi₁rë₂jan'₅₄ 'nia'₂.

⁹ Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ juë'₅ 'nia'₂ quian'₅₄ si₂ a₂jmo₅ jniá₂.

¹⁰ Juá'₂ bá₄ i₂lín₅₄ 'ñio₅ bën₂ jág₁ quió'₃ tio'₅₄ ne₄ si₂, la₁ jan₂ dsa₂ 'uan₅₄ bá₄ lín₅ ju₁lia'₂ jme₁'eng₅₄ jë₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₄ jág₁ quió'₃ a₂dsia₂₃ dsi₁ne₁.

¹¹ Ju₁le₂ñí'₂ bá₄ dsa₂ i₂le₂'éi₂, ju₁lia'₂ lë₅ jág₁ quián₂ jnia'₅₄ a₂tio'₅₄ ne₄ si₂, ju₁'e₂ guë'₃ úing₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ ján₃.

¹² Ia₁ tsá₃ tiá₂ dsí₅ jnia'₅₄ 'ín₄ dse₃ guio₅₄, on₃ guë'₂ a₂quin₅₄ jnia'₅₄ quian'₅₄ i₂lín₅₄ i₂jme₂ju₁n'₂ guioin₅₄ le₂jaun₂. La₁ 'éi₂ ně₃ jme₁con₂ 'í₁ chi₂jua'₂ co₂rín₂, quin₂₃ guioin₅₄ quian'₅₄ rín'₅₄, tsá₃ 'an₂ dsí₅ chain₂.

¹³ Jaun₂ tsá₃ dsiá₁ jnia'₅₄ jág₁ tá'₅ ñag₅₄ guë'₄ con'₂ guë'₄ ja₁ca₂tág₂. Con'₂ jaun₂ bá₄ jmo₂ jnia'₅₄ con'₂ lë₅ 'éi'₃ ca₂cuë₃ Diú₄ a₂jmo₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ të₂go'₅₄ 'nia'₂.

¹⁴ Jaun₂ tsá₃ o₁len'₂ 'nia'₂ jua'₅₄ jnia'₅₄ i₂ñio₄ të₂ ja₁tsá₃ ma₃dsi₂ten₅₄ i₂ñio₁. Le₂në₅ jme₁lé₂ jua'₅₄ mei'₂ guë'₃ tsá₃ ma₂ca₂dsi₃náu₅ jnia'₅₄ ca₂të₂ ja₁tion₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ jág₁ dse₃ la₂ quió'₅ Cristo jin'₄ 'nia'₂.

¹⁵ Tsá₃ dsiá₁ jnia'₅₄ jág₁ tá'₅ ñag₅₄ guë'₄ quian'₅₄ ta₁ quió'₅ i₂sián'₂. Jnia'₅₄ lia'₂ a₂jaun₂ bá₄ 'ín₂ dsí₅ jnia'₅₄, jë₁ma₂'én'₂ guë'₄ 'nia'₂, jaun₂ 'ag₃ caun₂ jág₁ quian'₅₄ 'nia'₂, ia₁jaun₂ lé₂ dsí₃cón₃ guë'₄ ta₁ quián₂ jnia'₅₄, o₄quió'₄ Diú₄,

16 ia₁jaun₂ lé₂ le₃dsau₅₄ uíng₂ a₂ng₅₄ gué₄ ja₁tion'₅₄ 'nia'₂ qui₂dsi'_é4 jág₁ dse₃.
La₁ tsá₃ dsi₁jmó₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

17 La₁ jui₁lia'₂ juá'₂ ne₄ Si₂: "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅
le₃quió'₅ Te₁gui'₅₄."*

18 Ia₁ on₃jua'₅₄ dsa₂ i₂'in₅ dse₃ 'niog₅, chén'₅ dse₃, tē₂le₃ i₂'ín₁ dse₃ quió'₅ Te₁gui'₅₄
bá₄.

11

Juá'₂ Pa'₄ 'in₂₃ dsa₂ i₂jme₂tag₅ jág₁ jui₁gain₂

1 Jme₁'nio₃ jniá₂ jua'₅₄ jmó'₂ bá₄ 'nia'₂ tió'₃ 'au'₂ quian'₅₄ jág₁ quió'₅ la₂, a₂nē₃
gué₄ juá'₄, a₂lē₅ lia'₂ lē₅ jág₁ quió'₅ dsa₂ i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂
'au'₂.

2 Ia₁ 'nio₅ lin₃ dséi₅ jniá₂ quian'₅₄ 'nia'₂, a₂lē₅ dsí₃ dséi₅ o₄quió'₄ Diú₄. Ia₁ jniá₂
bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jē₃ jme₂dsí₂
quió'₅, ne₄ Cristo, jui₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lē₅
jág₁ i₂lé₂ dsí₂l₂gu₂.

3 La₁ gó₅ jniá₂ ia₁ con'₂ tsá₃ η₅ nē₁ca₂rē₃gán'₃ 'nia'₂ jme₃gau₅ dsa₂ quian'₅₄
mai₅₄ quió'₅, jui₁lia'₂ ca₁η₂ Eva ca₂jme₃gau₅ dsí₂mi'₂, nē₁ca₂l₃uín₂ cau₅ 'a₂ lia'₂
dsí₂jio₅ 'au'₂ 'nia'₂, a₂qui₂le₁jē₃ 'au'₂, a₂rē₂teng'₅₄ le₃quió'₅ Cristo.

4 Ia₁ ma₂ja₂nó'₅ 'nia'₂ qui₂guéng'₅ rē₂ dsa₂ i₂tē₁ja₂lén₂ jme₂tag₅, la₁ le₂siá'₂
bá₄ 'in₂₃ Jesús, tsá₃ lē₅ jág₁ quió'₅ lia'₂ con'₂ lē₅ jág₁ a₂ma₂gue'₅₄ 'nia'₂ le₂jñiá₅
quió'₅ Jesús. Jaun₂ le₂nē₅ bá₄ ma₂guen'₅₄ táng₃ 'nia'₂ jme₂dsí₂ sián'₂, on₃jua'₅₄
i₂quián₅ Diú₄ i₂jme₁ma₂guen'₅₄ 'nia'₂. ¡Dse₃ bá₄ jmo'₂ 'nia'₂ tió'₃ 'au'₂ quian'₅₄ jág₁
a₂rē₂tsín₄ gué₄, a₂tsá₃ lē₅ con'₂ lē₅ jág₁ dse₃ a₂lió₂ a₂jme₁ma₂nei'₂ 'nia'₂!

5 La₁ jniá₂ nē₃, tsá₃ líng₂ jua'₅₄ a₂me'₂ gué₄ quen₅ jniá₂, jua'₅₄ ca₂juig₄ gué₄, lia'₂
con'₂ gué₄ dsa₂ 'éi₂ i₂η₄ lē₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅
Cristo.

6 O₁jñia'₅₄ tsá₃ lín₄ dse₃ 'niag₂ jág₁, la₁ tsá₃ 'e₂ lē₅; la₁ niog₅ bá₄ dsi₃.
Ma₂ca₂jme₁jnia₅ bá₄ jniá₂ ca₂le₃jē₃ ja₁con'₂ 'nia'₂.

7 ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄
jniá₂ 'nia'₂ jme₁ca₂'é₃ jniá₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá₂?

8 Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá₂ cu₄ quió'₅, ia₁jaun₂
le₃jmó'₂ ta₁ a₂le₃ti₃ ta₁ ja₁con'₂ 'nia'₂.

9 Lia'₂ con'₂ jme₁eng₅₄ quian'₅₄ 'nia'₂, dsón'₂ bá₄ ca₂rē₃'nió'₅ quió₃ le₂jaun₂,
la₁ tsá₃ 'e₂ guei₂ ca₂cué₃ jniá₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂
Macedonia la₂ bá₄ ca₂i₁leín₅₄ juig₂ Corinto nē₅, ca₂i₁can₅ a₂tsá₃ cha₂ quió₃ lia'₂
con'₂ jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein'₂ 'nia'₂
cán'₁ guei₂ o₄quió₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂.

10 Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsí₃, juá'₅ jniá₂, 'i₁jan₂ tsá₃ lé₂
jnē₃ jua'₅₄ a₂tsá₃ lé₂ juá'₄ jniá₂ con'₂ 'nio₂ dsí₃ le₂tan₅₄ 'uē₃ Acaya.

11 ¿'E₂ lē₃ juá'₅ jniá₂ le₂nē₅, lín'₂ 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? Ní₅
bá₄ Diú₄, a₂'nióg₃ bá₄ 'nia'₂.

12 Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ jui₅ quió'₅ jui₁lia'₂
i₂i₂nio₄ nē₅ a₂'nio₃ dsia₃ jág₁ tá'₅ jmo₂₃ dsí₅ a₂lē₅ rē₂ ta₁ quió'₅, jui₁lia'₂ lē₅ ta₁
quián₂ jnia'₅₄.

13 Ia₁ dsa₂ i₂le₂'éi₂ nē₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jñia'₅₄
jme₂gau₂₃, a₂qui₂jmó'₂ a₂jmo₂₃ lín₅ dsa₂ i₂chen₄ quián₅ Cristo.

* 10:17 Jeremías 9:24.

14 On₃jua'₅₄ a₂dsi₂gó'₃ dsi₅, ia₁ le₂jio₅ 'nio₅ i₂sē₃dsen₃ qui₂jmóí'₂ a₂jmo₂₃ lín₅ jan₂ ángel i₂jniá₂ tá₅.

15 'Uig₅₄ jaun₂ ně₃, le₂jaun₂ bá₄ lě₅ jui₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmóí'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jě₁ca₂tó'₂ bá₄ dsi₃guéi₃ con'₂ lě₅ ca₂tín₂ co₂nio₅ lě₅ jmo₂₃.

'A₂ lia'₂ niog₅ lě₅ uig₅ ca₂ňág₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

16 Con'₂ siá'₂ juí₂g₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁nja'₅₄ 'ein₂ guē'₂ jmo₅ dsí₅ a₂líng₅ le₂ně₅, la₁ guei₅₄ jniá₂ ně₂jag₄ bá₄ a₂líng₅ dsa₂ co₄, ia₁ jaun₂ lé₂ dsia₅₄ ca₂la₂ já₁g₁ tá'₅.

17 Jui₁lia'₂ juá'₅ jniá₂, on₃jua'₅₄ lia'₂ con'₂ lě₅ 'nio₃ Te₁gui'₅₄, lia'₂ jě₁tě₂'i₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsi₃.

18 Jui₁lia'₂ ju₁n₅ lín₃ i₂chan₂ dsia₅ já₁g₁ tá'₅ quian'₅₄ cosa a₂cha₂ mi₂güí₃ la₂, já₁n₃ bá₄ le₂jaun₂ guē'₂, la₂ dsia₅₄ jniá₂ já₁g₁ tá'₅.

19 'Uig₅₄ ia₁ a₂ňag₅₄ ŋi'₅₄ bá₄ 'nia'₂, jaun₂ 'nio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄.

20 Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmi₄g₄ tion₅₄-jan₃, dsa₂ i₂guē'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ ně₃.

21 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂ně₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂líng₅ dsa₂ 'uan₅₄.

La₁ chi₂jua'₂ tiá₂ bá₄ guē'₂ dsí₅ i₂sián'₂ dsia₃ já₁g₁ tá'₅, já₁n₃ bá₄ tiá₂ dsi₃ jniá₂ jmo₅₄ le₂jaun₂. (La₁ juá'₅ jniá₂ lia'₂ ja₁juá'₂ jan₂ dsa₂ co₄.)

22 ¿'E₂? ¿Jmá'₃ dsa₂ 'éi₂ bá₄ i₂tín₂ dsia₃ já₁g₁ jmei₅ hebreo? Já₁n₃ bá₄ tín₂ jniá₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Já₁n₃ bá₄ 'éi₂ guē'₂ jniá₂ já₁n₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Já₁n₃ bá₄ 'éi₂ guē'₂ lín₅ jniá₂.

23 ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guē'₄ lín₅ jniá₂, ia₁ 'nio₅ lín₃ guē'₄ ma₂guio₃ jme₂ti₅₄ ja₁con₂ Cristo lia'₂ con'₂ guē'₄ dsa₂ 'éi₂. (A₂lě₁juá'₅ bá₄ jniá₂, lia'₂ lě₁tě₂'i₅ dsa₂ ŋá₅.) Ia₁ tson₂ lín₃ guē'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guē'₄ 'mi₅ ma₂qui₂ma₂can₃ jniá₂ lia'₂ con'₂ guē'₄ dsa₂ 'éi₂; ma₂qui₂ma₂'ú₃ 'lióng₂ lín₃ ráun₂ né'₃ 'má₃ ně₃; 'lióng₂ ráun₂ ma₂i₂ňíg₂ jnia'₅₄ mei'₂ tsá₃ ma₂jong₃.

24 Con'₂ 'niá₂ ráun₂ ma₂ca₂bóg₂ dsa₂ judíos jmá'₃ guióg₂-guia₃-né₂ ráun₂ lia'₂ co₂ráun₂.*

25 'Nag'₂ ráun₂ guē'₂ ma₂bóg₂ dsa₂ quian'₅₄ ni₁'ma₂; co₂ráun₂ guē'₂ ca₂cuē₃ cang₄ tioen'₅₄. 'Nag'₂ ráun₂ guē'₂ ne₄ jmi₁ňí'₄ ca₂i₃ňíg₂ ca₂'en₃ ni₁barco a₂jme₁'eng₅₄. Co₂ráun₂ guē'₂ ca₂ňig₅ co₂jmi₄g₄ co₂nei₅ dsi₂jo₂ jmi₁ňí'₄ ně₃.

26 'Lióng₂ ráun₂ dsi₂jui₅ ja₁ma₂qui₂i₁ňi₃, ma₂ca₂i₃ňíg₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rě'₂ a₂jo₅₄ dsa₂ go₃, a₂go'₂ jo₅₄ dsi₂nau₂, a₂go'₂ rě'₂ 'eng₅₄ ciudad, a₂go'₂ jě₁ma₂ňig₅ má'₂ ja₁co₂'nio₅, a₂go'₂ jě₁ma₂ňig₅ ne₄ jmi₁ňí'₄, a₂go'₂ rě'₂ quian'₅₄ dsa₂ i₂jui₁gan₂ i₂jmo₅ lín₅ rín'₅₄ jniog₄,

27 jě₄ ta₁ 'ua'₂ lín₃, jě₄ ma₂ca₂'ú₃ lín₃, jě₄ jme₁tsá₃ güíng₂₃, jě₄ i₁cón₅ rě₂quein₂ dsi₃, jě₄ jme₁'in₂ a₂tsá₃ cha₂ a₂guē'₅₄, jě₄ jein₂ güíng₂, jě₄ a₂tsá₃ 'e₂ cha₂ qui'₄ ně₃.

28 Cha₂ guē'₄ caun₂ siá'₂ táng₃ a₂chang₂ ca₂le₃jě₃ jmi₄g₄ a₂'i₅ dsi₃ o₄quió'₄ ca₂le₃jě₃ guá'₅.

29 ¿'Ein₂ 'éi₂ i₂'uan₅₄, jniá₂ guē'₂ tsá₃ 'uang₅₄? ¿'Ein₂ 'éi₂ i₂ca₂tán'₂ dso₄ a₂'uin₄ i₂sián'₂, jniá₂ guē'₂ tsá₃ 'e₂ i₂mé'₂ dsi₃?

30 Ně₁jua'₂ ca₂tíng₂ dsia₅₄ já₁g₁ tá'₅, jaun₂ dsia₅₄ jniá₂ já₁g₁ tá'₅ tē₂le₃ ne₄ ca₂le₃jě₃ a₂cuē₅ léi₄ a₂líng₅ jan₂ dsa₂ 'uan₅₄.

* 11:24 lit. "jmá'₃ tē₂láu₃ ráun₂ tsá₃ tí₅ caun₂, lia'₂ co₂ráun₂."

³¹ Diú₄ Jmei₂ Jesucristo Te₁gui'₅₄ quián₂ jniog₄ bá₄ i₂ca₂tín₂ jme₂juin'₂ dsa₂ co₂tan₅₄, 'éi₂ bá₄ ηi₅ a₂dsau₅ bá₄ jág₁ quió₃.

³² Lia'₂ con'₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄jui₅ ia₁ jme₁tsáun'₂ jme₁dsi₃tió₃ né'₃ 'má₃.

³³ La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ηi₃ tsí₁mi'₂ ca₂sió₂ të₂'ua₁ jui₅ dso'₂ ni₁'ia'₂ a₂rë₂juí₄ le₃lág'₃ juig₂; le₂në₅ bá₄ ca₂lóng₂ o₄gú₃ 'éi₂.†

12

Jui₁lia'₂ a₂ma₂ca₂jme₃jnia₅ Te₁gui'₅₄

¹ Tion₅₄ caun₂ dsia₅₄ jniá₂ jág₁ tá'₅. Jui₁'e₂ guë₃ tsá₃ ta₁ jmo₃, caun₂ juá'₄ jniá₂ jui₁lia'₂ a₂ca₂jéin₃ jniá₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ në₃.

² Cúing₅ jan₂ dsa₂ i₂'ei₅ caun₂ jág₁ quiaín'₅₄ Cristo, ma₂guia₃-quén₂ ηi₂ ca₂uíg₂ jui₅ guei'₅₄ ca₂të₂ ja₁guá₄ Diú₄.* (A₂jaun₂ bá₄ tsá₃ guion₄ jniá₂ jua'₅₄ a₂ηe₄ lia'₂ jma₃quian'₅₄ ni₁ηi₁₂, o₃ jmá'₃ jme₂dsí₂ quió'₅ 'e₂. La₁ jnia'₅₄ lia'₂ 'ηiog₅ bá₄ Diú₄ ηi₅.)

³ La₁ guion₄ jniá₂, chan₂ jan₂, (jnia'₅₄ lia'₂ a₂jaun₂ bá₄ tsá₃ guion₄ jniá₂ chi₂jua'₂ ca₂ηei₅₄ chi₁dsáin₃, o₃ jmá'₃ jme₂dsí₂ quió'₅ 'e₂ ca₂dsi₃óg'₃ ja₁jaun₂. Jnia'₅₄ lia'₂ 'ηiog₅ bá₄ Diú₄ ηi₅);

⁴ jan₂ i₂ca₂ron'₂ ca₂të₂ Ja₁jlá'₁† ja₁ca₂nág₂ jág₁ a₂tsá₃ lé₂ le₃jmog'₅₄ on₃ guë₄ 'i₄ 'éi'₃ dsia₃ dsa₂ mi₂güig₃.

⁵ O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá'₅, on₃jua'₅₄ o₄quió₃ 'ηi₃ jmo₂₃ táng'₅, jnia'₅₄ lia'₂ o₄quió'₄ a₂'uan₅₄ bá₄ jniá₂.

⁶ O₁jnia'₅₄ la₂ 'nio₃ jniá₂ dsia₅₄ jág₁ tá'₅, on₃jua'₅₄ dsa₂ co₄ lín₅ jniá₂, ia₁ jág₁ tí₅ dsón'₂ bá₄ a₂juá'₅ jniá₂. La₁ cáun₄ bá₄ dsi₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá₂ líng₅ ηag₅₄ guë₄ lia'₂ con'₂ niog₅ a₂ma₂nág₂ a₂qui₂ma₂të₂ ne₄ dsa₂ a₂jmo₅ jniá₂ 'e₂ jmo₂₃.

⁷ Jág₁ a₂ca₂rë₃jniá₂ jaun₂ lë₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá₂ róng₂ jua'₅₄ mei'₂ guë₃ le₂jaun₂. La₁ ca₂jéin₃ uig₅ në₂jag₄ bá₄ a₂i₃'i'₅₄ ni₁taun₅ ca₂lë₃ ni₁ηi₃, co₂'nió'₄ i₂chen₄ quián₅ i₂së₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ηag₅₄.

⁸ Ni₅ ráun₂ ma₂ca₂chi₁len'₄ jniá₂ Te₁gui'₅₄ a₂jme₃'lió₂ jnia'₄ jmi₁uig₅ a₂quian₅₄.

⁹ La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rë₂'ηia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con₂ jniá₂.

¹⁰ Jaun₂ të₅ bá₄ dsi₃ a₂'uang₅₄ quian'₅₄ ca₂le₃jë₃ a₂dsi₂ηíg₂: a₂juá'₂ dsa₂ uig₅, quian'₅₄ guë₄ ca₂le₃jë₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jë₃ guë₄ o₂i₁ dsi₅ a₂dsi₂ηíg₂ o₄quió'₄ Cristo. Ia₁ jui₁lia'₂ jme₁'uang₅₄, të₂le₃ 'uan'₂ bá₄ jniá₂ le₃ja₁con₂ Diú₄.

'Nio₅ lín₃ 't₅ dsí₅ Pa₄ o₄quió'₄ guá'₅ chan₂ juig₂ Corinto

¹¹ Ma₂në₂dsia₃ lia'₂ ja₁dsia₅ jan₂ dsa₂ co₄, ia₁ ma₂në₂'íng₃ dse₃ 'ηi₃, la₁ guion'₅₄ bá₄ 'nia'₂ chi₂quiong'₅₄ jmíg₄. Ia₁ 'nia'₂ bá₄ jme₁ca₂tíng'₂ jme₁'ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂ con'₂ guë₄ dsa₂ i₂chen₄ 'éi₂ i₂ηí₄ lë₃ jme₂can'₅₄ guion₅, jui₁'e₂ guë₃ tsá₃ 'e₂ quen₅ jniá₂.

¹² Dsón'₂ bá₄ ma₂ca₂rë₃jniá₂ léi₄ a₂líng₅ dsa₂ i₂chen₄ quián₅ Cristo jë₄ quián'₂ 'nia'₂, jë₄ ca₂le₃jë₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₅bí₂ jlá'₁ në₃.

† 11:33 'Nio'₂ ja₁ton₅ Hechos 9:25. * 12:2 lit. “ca₂të₂ guei'₅₄ i₂juíg₃, jë₁ca₂të₂ 'nag'₂.” † 12:4 griego: paradeiso (Paraíso).

13 Tsá₃ sion₅ ma₂jín₄ jniá₂ 'nia'₂ lia'₂ con'₂ guě₄ guá'₅ sián'₂, jñia'₅₄ lia'₂ jniá₂ 'ñió₃ tsá₃ 'e₂ guei₂ ma₂ca₂cuě₃ jniá₂ 'nia'₂. ¡'Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá₂ ja₁con'₂ 'nia'₂!

14 Ma₂chang₂ bá₄ co₂jñiag₅₄ a₂dsióg₄ i₁jñing₁₂ 'nia'₂ jë₁ca₂tě₂ 'nag'₂ ráun₂, jaun₂ tsá₃ lě₅ jua'₅₄ a₂i₁cuě₃ 'nia'₂ guei₂. Ia₁ tsá₃ ta₁ jaun₂ ñi₅ jniá₂ jua'₅₄ a₂ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá₂. Ia₁ guion'₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñi₂ quiain'₅₄ chi'₂-guein₂ quián₅, jaun₂ on₃jua'₅₄ rë'₂ chi'₂ ca₂tín₂ 'no₃ a₂dsi₃ñi₂ quiain'₅₄ chog₅₄-jmei₂.

15 Jaun₂ jniá₂ ně₃, 'ñio₂ bá₄ dsi₃ qui₁'eng₄ a₂cha₂ quió₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió₄ jme₂dsi₂ quián'₂ 'nia'₂. Chi₂jua'₂ jaun₂, ia₁ tē₂le₃ lě₅ guě₄ 'nió₃ jniá₂ 'nia'₂, ¿a₁tē₂le₃ me'₂ bá₄ 'nió₃ 'nia'₂ jniá₂ jaun₂ ně₃?

16 Jui₁'e₂ guě₃ dsau₅ a₂tsá₃ 'e₂ guei₂ ca₂cuě₃ jniá₂ 'nia'₂, la₁ 'ñio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quiain'₅₄ mai₅₄ quió₃.

17 ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quiain'₅₄ dsa₂ i₂ca₂tsing₂ ne'₅₄ 'nia'₂?

18 Ca₂mi₃ bá₄ jniá₂ ne₄ Tito a₂jmo₃ dse₃ dsí₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rín'₅₄ jniog₄ i₂quiain'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiain'₅₄, jmo₂ ta₁ co₂rë₂ quiain'₅₄, ton'₂ jan₂ bá₄ Jme₂dsí₂ i₂quiong'₅₄ táng₃?

19 'An₁ mei'₂ tsá₃ caun₂ lín'₂ bá₄ guě₄ 'nia'₂ a₂jñia'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁ jë₄ ca₂le₃jě₃ a₂ně₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió₅ jme₂dsí₂, 'nia'₂ rín'₅₄ jniog₄ i₂'nió₃ guě₄ lín₃.

20 Ia₁ gó₅ jniá₂ con'₂ tsá₃ ñó₅ ně₁jua'₂ tsá₃ dse₃ tion'₅₄ 'nia'₂ lia'₂ con'₂ lě₅ 'nió₃ jniá₂, jë₁ma₂ca₂dsióg₃, ján₃ bá₄ le₂jaun₂ ně₁jua'₂ tsá₃ ca₂jein'₂ 'nia'₂ jniá₂ lia'₂ con'₂ 'niog'₂ 'nia'₂ guě'₂ táng₃. Ia₁ gó₅ jniá₂ ně₁jua'₂ tion'₅₄ 'nia'₂ a₂tsá₃ jen'₂ 'nia'₂ quiain'₅₄ ríng'₂; ně₁jua'₂ tion'₅₄ 'nia'₂ uig₅ 'au'₂ jing'₅₄ ríng'₂; ně₁jua'₂ ca₂rë₃ 'né'₂ 'nia'₂ co₂tiá₂; ně₁jua'₂ 'ua'₂ 'au'₂ 'nia'₂ tiong'₅₄; ně₁jua'₂ qui₂tsín'₂ 'nia'₂ 'lig'₅₄ ríng'₂; ně₁jua'₂ qui₂chi₂'ín₅ 'nia'₂ ríng'₂; ně₁jua'₂ chan₂ i₂qui₂jmo₅ rón₂; ně₁jua'₂ tion'₅₄ 'nia'₂ mi'₅₄.

21 Ján₃ bá₄ gó₅ jniá₂ ně₁jua'₂ ca₂jmo₃ Diú₄ a₂tē₂tsín'₅₄ jniá₂ o₂guí'₃ o₄quián'₂ 'nia'₂ jë₁ma₂dsióg₃; go'₂ le₃jiá₃ tiá'₃ qui'₂ dsi₃ 'o₅₄ o₄quió₄ i₂ma₂qui₂ma₂náu₂ dso₄ le₂jñiá₅, ton'₂ tsá₃ 'e₂ ma₂ca₂dsi₃quén'₅ dsí₅ o₄quió₄ a₂'lig'₅₄ a₂jmo₅-dsáu₅; a₂nió₁'₅ jág₁ quiain'₅₄ dsa₂ i₂tsá₃ lín₅ dsi₂i₂gu₂; ca₂le₃jě₃ guě₄ a₂'lig'₅₄ o₂guí'₃ a₂qui₂ma₂jmo₃.

13

'Ág'₅ Pa₄ jág₁ ton'₂ 'ě₂ guě₄ jág₁ tē₃jñiá₅

¹ A₂dsióg₅ 'nag'₂ ráun₂ a₂i₁jñin₁₂ 'nia'₂ la₂. "Ca₂le₃jě₃ 'e₂ niog₅ lě₂ jióg'₂ 'í₁ tē₂le₃ quiain'₅₄ on₃-ún₂ dsa₂ i₂jáng'₃ jág₁ dsau₅."*

² Ma₂ca₂'ě₃ jniá₂ jág₁ tē₃jñiá₅ ne₄ dsa₂ i₂jme₁tián'₄ 'no₅ dso₄ le₂jñiá₅, ton'₂ ne₄ ca₂le₃jín₃ i₂sián'₂ ně₃, ján₃ bá₄ 'ě₅ jniá₂ jág₁ a₂'eng₅₄ uíng₂ ja₁con'₂ 'nia'₂, jui₁lia'₂ ca₂jmo₃ jniá₂ lia'₂ con'₂ ñeg₅₄ jë₁ca₂tě₂ tin₃ ráun₂ a₂i₁jñing₁₂ 'nia'₂: ně₁jua'₂ con'₂ siá'₂ ca₂dsióg₃ jniá₂ a₂i₁jñing₁₂ 'nia'₂, jaun₂ tsá₃ ma₃jmo₅₄ jniá₂ ñéi₂ dsi₃ ně₁jua'₂ chan₂ guě₄ i₂tsá₃ ma₂dsi₂quén'₄ dsí₅.

³ Le₂jaun₂ jmo₅₄ jniá₂ chi₂jua'₂ a₂jaun₂ 'niog'₂ 'nia'₂ a₂jáng'₄ jniá₂ léi₄, a₂dsón'₂ bá₄ juá'₂ Cristo tsí₅ 'nia'₂ quiain'₅₄ jág₁ a₂quiain₄ jniá₂. Tsá₃ jua'₅₄ a₂lín₅ 'uain₅₄ ja₁con'₂ 'nia'₂; 'nió'₄ tē₂le₃ jme₂jnia₅ bá₄ 'éi₂ a₂'io₂₃ jui₅bí₂ jë₄ quián'₂ 'nia'₂.

* 13:1 Deuteronomio 19:15.

⁴ Dsón'₂ bá₄ jaun₂ ca₂tion₃ cróg₄ dsa₂ nē₂jag₄ bá₄ a₂lín₅ jan₂ dsa₂ 'uan₅₄, la₁ rē₂nē₃ nē₃ chain₂ tē₂le₃ quian'₅₄ jui₅bí₂ quió'₅ Diú₄. Le nē₅ bá₄ jui₁lia'₂ jnia'₅₄ táng₃, quian₄ jui₅ jaun₂ a₂jmo₂ jnia'₅₄ 'uan₅₄ o₄quió'₄ 'éi₂, le₂jaun₂ bá₄ le₃chong₂ guē'₂ jnia'₅₄ ja₁con'₂ 'nia'₂ quian'₅₄ jui₅bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia'₂ jui₅ quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia'₂ guiong'₅₄. ¿Tsa₁ len'₄ 'nia'₂, a₂'en₅₄ bá₄ Jesucristo ja₁con'₂ 'nia'₂, jaun₂ bá₄ nē₁jua'₂ tsá₃ tē₂tsin'₅₄ 'nia'₂ 'lig'₅₄ nē₁ma₂ca₂quion'₂ 'nia'₂ 'í₁ jaun₂?

⁶ La₁ 'ín₂ dsi₃ jniá'₂ le₃len'₄ 'nia'₂ a₂tsá₃ le₂jaun₂ lág₅ jnia'₅₄ jua'₅₄ a₂tsá₃ dse₃ tē₃tsag'₅₄ jnia'₅₄ nē₁ma₂ca₂quion'₂ 'nia'₂ 'í₁, jua'₅₄ a₂tsá₃ dsau₅ a₂lág₅ jnia'₅₄ dsa₂ i₂chen₄ quián₅ Te₁gui'₅₄.

⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂ tsá₃ ma₃jmo₄-dsáu'₄ 'nia'₂ a₂'lig'₅₄. On₃jua'₅₄ ia₁jaun₂ tē₃tsag'₅₄ jnia'₅₄ dse₃, tē₂le₃ ia₁jaun₂ jmó'₂ 'nia'₂ a₂dse₃, jui₁'e₂ guē₃ chan₂ i₂lín₂ a₂tsá₃ dse₃ tē₃tsag'₅₄ jnia'₅₄.

⁸ Ia₁ tsá₃ lé₂ ná₂u₂ jnia'₅₄ quein₅ ja₁con₂ jág₁ tí₅, tē₂le₃ tióng₂ bá₄ jnia'₅₄ quian'₅₄ jág₁ tí₅.

⁹ Jaun₂ tē₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan₅₄, 'nia'₂ guē'₂ lín'₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂nei'₅₄.

¹⁰ Jaun₂ lē₃, jmo₂₃ si₂ carta la₂ tsíng₂ ne'₅₄ 'nia'₂ tē₂lia'₂ 'eng₅₄ úíng₂, ia₁jaun₂ tsá₃ 'nió'₅ jua'₅₄ a₂jmo₅₄ jniá'₂ tsau₂ dsi₃ jē₁ma₂dsióg₃, lia'₂ con'₂ lē₅ ta₁ a₂lín₅ a₂ca₂cuē₃ Te₁gui'₅₄, ia₁jaun₂ tē₂le₃ lei₂ bá₄ jme₂dsí₂ quián'₂ 'nia'₂, on₃jua'₅₄ tē₂le₃ qui₃jé'₂.

¹¹ Nē₃ nē₃, rin'₅₄ jniog₄, caun₂ jui₁le₂chan'₂ bá₄ 'nia'₂ dse₃ qui₂jmo'₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsí₂ quián'₂ 'nia'₂ nē₃; jui₁chan'₂ bá₄ 'nia'₂ rē₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jé₃ jmíg₄.

¹² Cu_{in}₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁† 'nia'₂ quió'₅ ríng'₂ a₂lē₅ léi₄ a₂ma₂'ei₅ caun₂ jág₁ a₂le₁jé₃ 'au'₂ quian'₅₄ ríng'₂.

¹³ Ca₂le₃jín₃ bá₄ rin'₅₄ jniog₄‡ ja₁lá₃ dsiáin'₂ jág₁ a₂cu_{in}₂₃ Diú₄ 'nia'₂.

¹⁴ Jaun₂ jui₁jme₂gu'₅₄ bá₄ Te₁gui'₅₄ Jesucristo; jui₁le₂jniá'₂ jē₄ quián'₂ 'nia'₂ a₂'nio₃ Diú₄ 'nia'₂; jui₁'ei₅ caun₂ jág₁ jin'₄ 'nia'₂ quian'₅₄ Jme₂dsí₂ Jnió'₅. A₂méi₃. Co₂nē₅.

† 13:12 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. ‡ 13:13 lit. "dsa₂ jnió₅."

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë'₂lin₅₄.

² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia.

³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, jui₁'ei₅ bá₄ tei₄ tion'₅₄ 'nia'₂.

⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃'ñió₃ dsí₅ Diú₄ quián₂ i₂lín₅ jmei₂ jniog₄.

⁵ ¡'Éi₂ bá₄ jui₁le₂juin'₂ co₂tan₅₄! A₂méi₃.

Tsá₃ ma₃jág₁ siá'₂ cha₂jua'₅₄ a₂lión₂ dsa₂

⁶ Dsi₂gó'₃ dsi₃ ia₁ ma₂'niog'₂ 'nia'₂ téng₃ cón'₂ Diú₄ i₂ca₂të₃ 'nia'₂ të₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂.

⁷ On₃jua'₅₄ a₂dsi₂jó'₃ a₂cha₂ guë'₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lin₅₄ i₂nio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsín₃ jág₁ dse₃ la₂ quió'₅ Cristo a₂tín'₄ dsa₂.

⁸ La₁ ně₁jua'₂ chan₂ i₂jme₂tin₅ 'nia'₂ caun₂ jág₁ a₂juá'₂ a₂tín'₄ dsa₂, la₁ ně₁jua'₂ tsá₃ lë₅ con'₂ lë₅ jág₁ a₂ma₂'ë₄ jnia'₅₄, dsa₂ 'éi₂ jui₁të₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁jnia'₅₄ guio₅₄ jnia'₅₄, o₃ o₁jnia'₅₄ jan₂ ángel i₂já₅ guei'₅₄ i₂juí₃.

⁹ Jui₁lia'₂ ma₂jua'₅₄ jnia'₅₄ ně₅, juá'₄ táng₃ siá'₂: ně₁jua'₂ chan₂ i₂'ë₂ jág₁ a₂ma₂rë₂tsín₄, a₂tsá₃ lë₅ con'₂ lë₅ a₂ma₂gue'₅₄ 'nia'₂, dsa₂ 'éi₂ jui₁të₂tsin'₅₄ náu₃ a₂dsi₃'éin₂.

¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e₂? Tsá₃ ma₃le₃jua'₅₄ a₂líng₅ guë'₄ dsa₂ i₂jme₂ti₃ ja₁con₂ Cristo, jua'₅₄ mei'₂ guë'₃ le₂jaun₂.

'A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ë₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güí₃ dsí₅.

¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Niog₅ bá₄ Te₁gui'₅₄ Jesucristo ca₂jme₃jniai₂₃ jág₁ ně₅ ja₁cong₂.

¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jniá₅, lia'₂ con'₂ jme₁'eng₅₄ guë'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ ně₃ a₂dséi₂ dsi₃ guë'₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂.

¹⁴ Ia₁ jniá₂ bá₄ i₂jme₁dsi₂jniág₄ 'ñio₅ lín₃ guë'₄ con'₂ guë'₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ guë'₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂.

¹⁵ La₁ lia'₂ con'₂ né'₃ a₂le₃chang₂, ca₂quió'₂ Diú₄. A₂'ua₁ dsí₅ guë'₄ lín₃ ca₂të₃ jniá₂. Ca₂rë₃'ñió₃ dsí₅,

16 ca₂jmo₃ ca₂rë₃cuíng₅ ca₂'in₃ Ja₁ñi'₅₄, ia₁jaun₂ qui₁'ë₄ jniá₂ jág₁ dse₃ quió'₅, jin₄ dsi₂nau₂. Jaun₂ tsá₃ jua'₅₄ ca₂ñeg₅₄ ca₂i'₁niag'₂ dsa₂ mi₂güüg₃ i₂to'₂ jág₁,

17 on₃ guë'₂ ca₂ñeg₅₄ juig₂ Jerusalén jua'₅₄ ca₂i₁jing₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ ñiá₅ guë'₄ lia'₂ con'₂ guë'₄ jniá₂. Dsi₂jui₅ bá₄ ca₂ñeg₅₄ le₂'uig₅₄ juí₅ 'uë'₃ Arabia. Cang₂ guë'₄ jaun₂ ca₂ñág'₃ juí₅ Damasco.

18 Jme₁ca₂dsin₃ 'ni₅ ñi₂ cang₂ jaun₂, jaun₂ guë'₄ ca₂ñeg₅₄ Jerusalén ca₂i₁dsia₂ jág₁ quian'₅₄ Pe₄. * Ja₁jaun₂ ca₂jan₅₄ guia₃-ñiá₂ jmig₄.

19 La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jing₅₄, ñiá'₅₄ lia'₂ jan₂ Jacobo dsó₂ rin'₅₄ Te₁gui'₅₄ bá₄.

20 Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ tē₂jíng₁.

21 Cang₂ jaun₂ guë'₄ ně₃, ca₂ñó₃ le₂tan₅₄ juig₂ ja₁tén₄ 'uë'₃ Siria quian'₅₄ Cilicia.

22 Rin'₅₄ jniog₄ quián₅ guá'₅ chan₂ 'uë'₃ Judea ně₃ i₂tión₂ le₃quió'₅ Cristo, tsá₃ jme₁ma₂cuig₂₃ dsi₁ne₁.

23 Jñia'₅₄ lia'₂ jme₁ma₂nág₂ bá₄ dsia₅ rin'₅₄ jniog₄ 'ag₂₃ juá'₂: “Dsa₂ i₂jme₁co₂'ein₅ jniog₄ le₂ñiá₅, la₁ rē₂ně₃ ně₃ ma₂ñi₂₃ ján₃ 'ë₂ jág₁ a₂jme₁'nio₃ jme₁'éin₂ le₂ñiá₅.”

24 Jaun₂ ca₂jme₃juin'₂ Diú₄ bá₄ o₄quió₃.

2

Dsa₂ i₂chen₄ sián'₂ guein₂₃ Pa₄

1 Jme₁ca₂ñi₂ guia₃-quén₂ ñi₂ cang₂, jaun₂ guë'₄ ca₂ñeg₅₄ táng₃ Jerusalén quiang'₅₄ Bernabé. Tito ně₃, ca₂jáng₂.

2 Ca₂ñeg₅₄ ja₁jaun₂ ia₁ ca₂jme₃ñia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jniá₂ ne₄ dsa₂ i₂tián'₅ Jerusalén 'éi₂ jág₁ dse₃ ně₅ a₂'ë₅ jniá₂ jin₄ dsi₂nau₂, la₁ jmá'₃ lia'₂ quian'₅₄ dsa₂ i₂lia'₂ lě₅ i₂quian₅ ne₄ juí₅ bá₄, jē₄ con'₂ jmá'₃ guio₅₄ bá₄ jñia'₅₄, ca₂dsiá₁ jág₁ ia₁jaun₂ tsá₃ lě₅ jua'₅₄ a₂lě₁ñi₅ jniá₂ jmo₂₃ ta₁ a₂tsá₃ ta₁ tí.

3 Ca₂lia'₂ jñia'₅₄ Tito, i₂jme₁quian'₅₄ jniá₂, tsá₃ ca₂chi₃quióng₂ dsa₂ jmig₄ jua'₅₄ a₂tion₅₄ jme₃ti₃ 'éi'₃ a₂jme₁ti₃ ni₁lo₁₂, o₁jñia'₅₄ jme₁lín₄ 'éi₂ griego.

4 Jág₁ ně₅ ca₂ñó₃ ia₁ i₂lín₅₄ dsa₂ i₂juí₁gan₂ i₂juá'₂ lín₅ rin'₅₄ jniog₄, ca₂i₃toin'₅₄ con'₂ tē₃co'₅₄ jē₄ quián₂ jñia'₅₄, a₂jme₁'nio₃ tiog₃ con'₂ 'í₁ 'a₂ lia'₂ lě₅ chong₂ jñia'₅₄ con'₂ dsa₂ ma₂lón₂ le₃quió'₅ Cristo Jesús, ia₁ tsá₃ ma₃tio'₅₄ jniog₄ 'éi'₃; la₁ 'éi₂ ně₃ jme₁'nio₃ jme₁to'₂ táng₃ 'éi'₃ guei₂ jaun₂.

5 La₁ tsá₃ 'ein₂ ca₂cuë₃ jñia'₅₄ jmig₄ jñia'₅₄ 'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jñia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

6 Juí₁lia'₂ dsa₂ i₂lia'₂ lě₅ lín₅ dsa₂ dsen₅₄ i₂juá'₅ jniá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guoin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂ lia'₂ jniá₂ dsa₂), juí₁lia'₂ dsa₂ 'éi₂ ně₃, tsá₃ 'e₂ ñag₅₄ jua'₅₄ a₂ca₂jme₃tag₂₃ guë'₄ con'₂ lě₅ jág₁ a₂'ë₅ jniá₂.

7 Ia₁ tē₂le₃ ca₂rë₃lí'₄ bá₄ guoin₅₄, co₂jaun₂ bá₄ ta₁ a₂ma₂cuë₃ Diú₄ a₂'ë₄ jniá₂ jág₁ dse₃ jin₄ dsi₂nau₂, * juí₁lia'₂ lě₅ ta₁ ma₂dsia₃ gu₂ Pe₄ a₂'ë₂ jág₁ dse₃ jin₄ dsa₂ judíos.†

8 Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guë'₂ Pe₄ a₂lín₅ 'éi₂ dsa₂ i₂chen₄ quián₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guë'₂ jniá₂ ján₃ a₂lín₅ i₂chen₄ quián₅ tē₂le₃ jin₄ dsi₂nau₂.

9 Jaun₂ lě₃, Jacobo, Pe₄,‡ quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rë₃lí'₄ bá₄ guoin₅₄, 'ñiog₅ bá₄ Diú₄ ma₂cuë₃ ta₁ ně₅, jaun₂ ca₂cuë₃ gu₂ a₂ca₂jmo₃ léi₄, jniá₂ quian'₅₄ Bernabé co₂'nió'₄ a₂'ei₅ caun₂ jág₁ quian'₅₄ a₂dsau₅₄

* 1:18 griego: Cefas. * 2:7 lit. “jin₄ dsa₂ i₂tsá₃ lo₄ rē₂uĩng₄.” † 2:7 lit. “jin₄ dsa₂ i₂rē₂uĩng₄ lo₄”; ján₃ bá₄ ‡ 2:9 griego: Cefas; ján₃ bá₄

jnia'⁵⁴ dsi₁jmó₁ ta₁ ja₁con₂ dsi₂nau₂. Guioin⁵⁴ guë'₂ táng₃ dsi₂jmó₂ ta₁ jin₄ dsa₂ judíos.

¹⁰ Jnia'⁵⁴ lia'₂ a₂jaun₂ bá₄ jág₁ a₂ca₂cuë₃ a₂jmó₁ jnia'⁵⁴ dsiog'₂ dsi₅ dsa₂ te₂ñé₂, a₂në₅ bá₄ guë'₂ a₂'ín₅ dsi₃ jniá₂ quín'₅ jniá₂ bí₂ jmo₂₃.

Ca₂jí Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ñe₄ Pe₄ juig₂ Antioquía, ca₂jéin₂ jniá₂ dsi₁ne₁, 'uig⁵⁴ ia₁ a₂jmo₂₃ a₂tsá₃ dsi₂ten⁵⁴ jmo₃.

¹² Ia₁ le₂jniá₅ jme₁guë'₅ co₂dsia₅ quiain'⁵⁴ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ guë'₄ ca₂jme₃lióg₃ ca₂ñó₃ cau₅, tsá₃ ma₃ca₂guë'₃ quiain'⁵⁴ dsa₂ 'éi₂, 'uig⁵⁴ ia₁ a₂gain₃ dsa₂ i₂ti₅ lo₄.

¹³ Jaun₂ dsa₂ judíos i₂'én₂ sián'₂ ca₂jme₃quiain'⁵⁴ bá₄ Pe₄ a₂lë₁co₂jmo₂₃ o₁ne₁ quiong'⁵⁴; ca₂lia'₂ le₂jio₅ Bernabé ca₂ñó₃ quiong'⁵⁴ ján₃.

¹⁴ La₁ jme₁ca₂jág₃ jniá₂ tsá₃ jmo₂₃ lia'₂ con'₂ lë₅ tí₅ dsón'₂ juá'₂ jág₁ dse₃, jaun₂ ca₂juig₂ jniá₂ Pe₄ tē₃nag₅ le₃jín₃ dsa₂:

—'Ne₂ guë'₂ líng'₅ jan₂ dsa₂ judío, le₂jaun₂ bá₄ guë'₂ chang'₂ jmo'₂ lia'₂ lë₅ chan₂ dsi₂nau₂, on₃juá'⁵⁴ rē'₂ con'₂ lë₅ jme₁jmó'₂ ia₁ a₂líng'₅ dsa₂ judío, ¿'a₂ bá₄ lia'₂ jaun₂ chi₁quiang'⁵⁴ jmig₄ dsi₂nau₂ a₂le₃chain₂ con'₂ lë₅ chan₂ dsa₂ judíos?

¹⁵ 'Lág₅ jniog₄ judíos con'₂ lë₅ chong₂, —ca₂juig₂ jniá₂ Pe₄—, on₃juá'⁵⁴ rē'₂ juí₁lia'₂ dsi₂nau₂ i₂qui₂rē₂cán'₄ dso₄.

¹⁶ Jaun₂, a₂ne₄ bá₄ jniog₄, 'i₁jan₂ tsá₃ 'ein₂ guén'₂ Diú₄ nē₂jag₄ i₂tsá₃ 'e₂ dso₄ rin₂, juá'⁵⁴ a₂jme₃ti₃ 'Éi'₃, jnia'⁵⁴ lia'₂ a₂le₃'én₂ bá₄ dsa₂ tē₂le₃ quió'₅ Jesucristo. 'Uig⁵⁴ jaun₂ ca₂tē₂ jniog₄ ján₃ ma₂ca₂rē₃'éin₂ tē₂le₃ quió'₅ Jesucristo ia₁jaun₂ bá₄ guéi'₂ Diú₄ jniog₄ nē₂jag₄ a₂tsá₃ ma₃'e₂ dso₄ rē₂cáu'₄, tē₂le₃ a₂jnia'⁵⁴ con'₂ 'éin₂ bá₄, on₃juá'⁵⁴ rē'₂ a₂'nió'₅ jme₁ti₁ ta₁ quí'₅ 'Éi'₃. Ia₁ 'i₁jan₂ tsá₃ 'ein₂ chén'₅ rē₂ ne₄ Diú₄ tē₂le₃ quian'⁵⁴ a₂jme₂ti₃ 'Éi'₃.

¹⁷ Nē₃ nē₃, chi₂juá'₂ 'niog₂ jniog₄ tē₃tsag'⁵⁴ dse₃ tē₂le₃ ne₄ Diú₄, 'uig⁵⁴ ia₁ a₂ma₂tíong₂ le₃quió'₅ Cristo, jaun₂ guë'₄ ca₂dsióg₃ rē₂jniá₂ a₂lág₅ jniog₄ dsa₂ i₂qui₂rē₂cán'₄ dso₄ bá₄ ján₃, ¿on₁ bá₄ 'nió'₄ le₃juá'⁵⁴ Cristo tē₂le₃ cuë₅ bí₂ bá₄ jniog₄ a₂caun₂ 'nióg₁ dso₄? ¡Dsón'₂ bá₄ on₃juá'⁵⁴ le₂jaun₂!

¹⁸ Ia₁ chi₂juá'₂ co₂dsia₅ ma₂ca₂'éng₃ caun₂ cosa, con'₂ siá'₂ guë'₂ 'nio₃ chog'⁵⁴ táng₃, jaun₂ guë'₄ dsón'₂ a₂jme₂jniág₁ 'ñióg₃, a₂ma₂ca₂i₁juing⁵⁴ 'éi'₃.

¹⁹ Tsá₃ 'io₅ bí₂ 'Éi'₃ juá'⁵⁴ a₂chei'₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi'₃ ia₁jaun₂ le₃chang₂ táng₃ tē₂le₃ ne₄ Diú₄.

²⁰ Jaun₂ co₂'nió'₄ ca₂tē₁ton⁵⁴ bá₄ jniá₂ co₂lë₅ quian'⁵⁴ Cristo ne₄ cróg₄; jaun₂ on₃juá'⁵⁴ 'ñióg₃ jniá₂ chang₂; 'ñiog₅ bá₄ Cristo i₂chan₂ juí₅ jme₂dsí₂ quió₃. Lia'₂ con'₂ lë₅ chang₂ ni₁ñí₅ la₂, chang₂ tē₂le₃ a₂jnia'⁵⁴ con'₂ 'éng₂ tē₂le₃ quió'₅ Ja₁ñi'⁵⁴ Diú₄, i₂ca₂rē₃'nio₃ jniá₂, ca₂jín'₂ 'ñiog₅ o₄quió₃ jniá₂.

²¹ Jaun₂ tsá₃ 'nio₃ jniá₂ juá'⁵⁴ a₂jmo₅₄ cau₅ a₂'ua₁ dsí₅ Diú₄; ia₁ juá'⁵⁴ mei'₂ guë₃ guion⁵⁴ dsa₂ lé₂ le₃jmo₃ a₂chein'₃ rē₂ ne₄ Diú₄ tē₂le₃ quian'⁵⁴ a₂jme₃ti₃ 'Éi'₃, tsá₃ 'e₂ ta₁ tí₄ a₂ca₂jon₃ Cristo juá'⁵⁴ mei'₂ guë₃ le₂jaun₂.

3

'A₂ lia'₂ guén'₂ Diú₄ dsa₂

¹ ¡'En₁ jmá'₃ tsá₃ rē₂'en⁵⁴ 'au'₂ 'nia'₂ dsa₂ gálatas! ¿'Ein₂ bá₄ je₂na'⁵⁴ i₂ca₂jme₃gau₅ 'nia'₂? Jua'₂ ma₂ca₂tē₂ bá₄ ne'⁵⁴ 'nia'₂ guiong'⁵⁴ a₂ma₂ca₂jme₁jnia₅ jnia'⁵⁴ tē₃dsón'₂ 'ñiog₅ Jesucristo i₂tē₁ton⁵⁴ cróg₄.

2 $\text{Nag}_4 \text{caun}_2 \text{'nia}'_2 \text{a}_2 \text{juá}'_4 \text{la}_2$: $\zeta \text{A}_2 \text{lia}'_2 \text{ca}_2 \text{guen}'_{54} \text{'nia}'_2 \text{Jme}_2 \text{dsí}_2 \text{quián}'_5 \text{Diú}'_4$? $\zeta \text{Ca}_1 \text{guein}'_{54} \text{'nia}'_2 \text{ia}_1 \text{a}_2 \text{ca}_2 \text{jme}_1 \text{ti}'_4 \text{ta}_1 \text{quí}'_5 \text{'Éi}'_3 \text{quió}'_5 \text{Moisés?} \zeta \text{O}_3 \text{bá}_4 \text{ca}_2 \text{guein}'_{54} \text{'nia}'_2 \text{jme}_1 \text{ca}_2 \text{rë}_3 \text{'éng}'_2 \text{jág}_1 \text{a}_2 \text{ma}_2 \text{nei}'_2 \text{'e}_2 \text{'nia}'_2$?

3 $\zeta \text{A}_2 \text{bá}_4 \text{lia}'_2 \text{ñí}_4 \text{tsá}_3 \text{rë}_2 \text{'en}'_{54} \text{'au}'_2 \text{'nia}'_2$? $\zeta \text{O}_3 \text{bá}_4 \text{'nú}'_2 \text{'nia}'_2 \text{'au}'_2 \text{a}_2 \text{jme}_1 \text{'ñiag}'_2 \text{quian}'_{54} \text{jui}_5 \text{bí}_2 \text{quiáng}'_2 \text{guióng}'_{54} \text{a}_2 \text{ma}_2 \text{ca}_2 \text{jme}_1 \text{lióg}'_4 \text{quian}'_{54} \text{Jme}_2 \text{dsí}_2$?

4 $\zeta \text{O}_3 \text{bá}_4 \text{tsá}_3 \text{'e}_2 \text{ta}_1 \text{tí}_4 \text{ca}_2 \text{le}_3 \text{jë}_3 \text{a}_2 \text{ma}_2 \text{ca}_2 \text{i}_3 \text{ñí}'_2 \text{'nia}'_2$? $\text{Jui}_1 \text{le}_{54} \text{bá}_4 \text{a}_2 \text{cha}_2 \text{ta}_1 \text{jmo}_3 \text{bá}_4 \text{ca}_2 \text{la}_2 \text{a}_2 \text{jaun}_2$.

5 $\text{Jë}_1 \text{ma}_2 \text{ca}_2 \text{cuin}_3 \text{Diú}'_4 \text{Jme}_2 \text{dsí}_2 \text{quiáin}'_5 \text{jmo}_{23} \text{léi}_4 \text{juë}'_2 \text{jín}'_4 \text{'nia}'_2$, $\zeta \text{'e}_2 \text{lë}_3 \text{jmo}_{23}$? $\text{On}_3 \text{jua}'_{54} \text{a}_2 \text{jaun}_2 \text{guë}'_2 \text{jmo}_{23} \text{ia}_1 \text{a}_2 \text{jme}_2 \text{ti}'_{54} \text{'nia}'_2 \text{'Éi}'_3$. $\text{A}_2 \text{jaun}_2 \text{bá}_4 \text{jmo}_{23} \text{léi}_4 \text{juë}'_2 \text{të}_2 \text{le}_3 \text{ia}_1 \text{a}_2 \text{ca}_2 \text{rë}_3 \text{'én}'_2 \text{'nia}'_2 \text{jág}_1 \text{a}_2 \text{ma}_2 \text{nei}'_2 \text{bá}_4$.

6 $\text{Ia}_1 \text{Abraham} \text{në}_3, \text{ca}_2 \text{rë}_3 \text{'éin}_2 \text{të}_2 \text{le}_3 \text{quió}'_5 \text{Diú}'_4$. $\text{A}_2 \text{ca}_2 \text{rë}_3 \text{'éin}_2 \text{jaun}_2, \text{ca}_2 \text{guéi}'_2 \text{Diú}'_4 \text{në}_2 \text{jag}_4 \text{bá}_4 \text{i}_2 \text{ca}_2 \text{rë}_3 \text{ti}'_{54} \text{'éi}'_3$.

7 $\text{Uig}_{54} \text{jaun}_2 \text{në}_3, \text{ca}_2 \text{tín}'_2 \text{'nia}'_2 \text{le}_3 \text{ñi}'_{54}$: $\text{jui}_1 \text{lia}'_2 \text{dsa}_2 \text{i}_2 \text{'én}_2, \text{i}_2 \text{'éi}_2 \text{bá}_4 \text{i}_2 \text{lín}'_5 \text{të}_3 \text{dsón}'_2 \text{co}_2 \text{'nió}'_4 \text{tsi}_1 \text{jon}_2 \text{Abraham}$.

8 $\text{Ne}_4 \text{Si}_2 \text{gui}'_{54} \text{jaun}_2 \text{ca}_2 \text{juá}'_2 \text{Diú}'_4 \text{të}_3 \text{jniá}'_5 \text{ca}_2 \text{tsí}'_3 \text{Abraham} \text{a}_2 \text{guein}_3 \text{le}_2 \text{jio}_5 \text{dsi}_2 \text{nau}_2 \text{të}_2 \text{le}_3 \text{jniá}'_{54} \text{con}'_2 \text{le}_3 \text{'éin}_2 \text{bá}_4, \text{co}_2 \text{'nió}'_4 \text{në}_2 \text{jag}_4 \text{bá}_4 \text{i}_2 \text{le}_3 \text{ti}'_{54} \text{'éi}'_3, \text{jme}_1 \text{ca}_2 \text{juá}'_2 \text{le}_2 \text{la}_2$: “ $\text{Ca}_2 \text{le}_3 \text{jë}_3 \text{jui}_2 \text{te}_1 \text{'i}_1 \text{gua}'_{54} \text{'uë}_3 \text{jme}_1 \text{gon}'_{54} \text{jniá}'_2 \text{të}_2 \text{le}_3 \text{quian}'_{54} \text{'ne}_2$.”†

9 $\text{Jaun}_2 \text{le}_2 \text{në}_5 \text{bá}_4 \text{në}_3, \text{jui}_1 \text{lia}'_2 \text{dsa}_2 \text{i}_2 \text{'én}_2 \text{në}_3, \text{i}_2 \text{'éi}_2 \text{bá}_4 \text{i}_2 \text{lín}'_5 \text{dsa}_2 \text{i}_2 \text{rë}_2 \text{gon}'_{54} \text{quián}'_5 \text{Diú}'_4 \text{co}_2 \text{dsia}_5 \text{quiain}'_{54} \text{Abraham} \text{i}_2 \text{ca}_2 \text{rë}_3 \text{'én}_2 \text{'éi}_2$.

10 $\text{Dsa}_2 \text{i}_2 \text{jmo}_5 \text{dsí}'_5 \text{a}_2 \text{tioin}'_{54} \text{'Éi}'_3 \text{tióin}_2 \text{jui}_5 \text{'éi}'_3 \text{a}_2 \text{dsi}_3 \text{'éin}_2$. $\text{Ia}_1 \text{juá}'_2 \text{ne}_4 \text{Si}_2$: “ $\text{Ca}_2 \text{le}_3 \text{jín}_3 \text{i}_2 \text{tsá}_3 \text{jme}_2 \text{ti}_3 \text{ca}_2 \text{le}_3 \text{jë}_3 \text{'éi}'_3 \text{a}_2 \text{tio}'_{54} \text{ne}_4 \text{Si}_2 \text{tioin}'_{54} \text{'éi}'_3 \text{a}_2 \text{dsi}_3 \text{'éin}_2$.”‡

11 $\text{Rë}_2 \text{bá}_4 \text{léi}_4 \text{jaun}_2 \text{në}_3, \text{'i}_1 \text{jan}_2 \text{tsá}_3 \text{'ein}_2 \text{lé}_2 \text{le}_3 \text{náu}_3 \text{rë}_2 \text{ne}_4 \text{Diú}'_4 \text{të}_2 \text{le}_3 \text{ia}_1 \text{a}_2 \text{jme}_3 \text{ti}_3 \text{'Éi}'_3$. $\text{Ia}_1 \text{ne}_4 \text{Si}_2 \text{juá}'_2$: “ $\text{Dsa}_2 \text{i}_2 \text{guén}'_2 \text{Diú}'_4 \text{co}_2 \text{'nió}'_4 \text{i}_2 \text{lín}'_5 \text{i}_2 \text{dsen}_3, \text{të}_2 \text{le}_3 \text{a}_2 \text{jniá}'_{54} \text{con}'_2 \text{a}_2 \text{'éin}_2 \text{bá}_4 \text{le}_3 \text{chain}_2$.”§

12 $\text{La}_1 \text{'Éi}'_3 \text{Juá}'_5 \text{quió}'_5 \text{Moisés} \text{në}_3, \text{on}_3 \text{jua}'_{54} \text{a}_2 \text{cha}_2 \text{ja}_1 \text{já}_4 \text{'uig}_{54} \text{a}_2 \text{'én}_2 \text{dsa}_2 \text{jaun}_2$. $\text{Ia}_1 \text{të}_2 \text{le}_3 \text{le}_2 \text{la}_2 \text{bá}_4 \text{juá}'_2$: “ $\text{Dsa}_2 \text{i}_2 \text{jmo}_5 \text{lia}'_2 \text{con}'_2 \text{lë}_5 \text{juá}'_2 \text{'Éi}'_3, \text{quian}'_{54} \text{'Éi}'_3 \text{jaun}_2 \text{le}_3 \text{chain}_2$.”*

13 $\text{Cristo} \text{ca}_2 \text{quí}_3 \text{ca}_2 \text{lió}_2 \text{jniog}_4 \text{uig}_5 \text{a}_2 \text{jme}_1 \text{ca}_2 \text{tág}_2 \text{guéi}_1 \text{con}'_2 \text{lë}_5 \text{'Éi}'_3$. $\text{Ia}_1 \text{ne}_4 \text{Si}_2 \text{juá}'_2$: “ $\text{Ma}_2 \text{rë}_2 \text{'ë}_2 \text{uig}_5 \text{ja}_1 \text{con}_2 \text{chi}_2 \text{jua}'_2 \text{'ein}_2 \text{i}_2 \text{të}_2 \text{ton}_{54} \text{guei}'_{54} \text{'ma}_2$.”†

14 $\text{Le}_2 \text{në}_5 \text{ca}_2 \text{quí}_3 \text{ia}_1 \text{jaun}_2 \text{a}_2 \text{dse}_3 \text{jaun}_2 \text{a}_2 \text{ca}_2 \text{jme}_3 \text{gon}'_{54} \text{Diú}'_4 \text{Abraham}, \text{ñag}_5 \text{le}_3 \text{ja}_1 \text{con}_2 \text{dsi}_2 \text{nau}_2 \text{të}_2 \text{le}_3 \text{quian}'_{54} \text{Cristo} \text{Jesús}$. $\text{Ca}_2 \text{quí}_3 \text{ia}_1 \text{jaun}_2 \text{guéi}_1 \text{jniog}_4 \text{ca}_2 \text{le}_3 \text{jág}_3 \text{të}_2 \text{le}_3 \text{ia}_1 \text{a}_2 \text{'éin}_2, \text{guén}_4 \text{Jme}_2 \text{dsí}_2 \text{Jnió}'_5 \text{a}_2 \text{ma}_2 \text{juá}'_2 \text{cuin}_3$.

Jui'lia'₂ 'Éi'₃ Juá'₅, quian'₅₄ jág₁ a₂ma₂cuë₃ Diú'

15 $\text{Rin}'_{54} \text{jniog}_4, \text{la}_2 \text{cuë}_{54} \text{jniá}_2 \text{caun}_2 \text{jág}_1 \text{jáng}'_5 \text{léi}_4 \text{'a}_2 \text{lia}'_2 \text{lë}_5 \text{jmo}_5 \text{dsa}_2 \text{mi}_2 \text{güig}_3$: $\text{Jui}_1 \text{lia}'_2 \text{jme}_1 \text{quiog}_2 \text{dsa}_2 \text{caun}_2 \text{si}_2 \text{ja}_1 \text{tio}'_{54} \text{jág}_1 \text{a}_2 \text{li}'_{54} \text{jaun}_2 \text{tio}'_{54} \text{firma} \text{quió}'_5, \text{jaun}_2 \text{'i}_1 \text{jan}_2 \text{tsá}_3 \text{'ein}_2 \text{lé}_2 \text{le}_3 \text{jmo}_3 \text{tsá}_3 \text{quen}_5 \text{si}_2 \text{jaun}_2, \text{on}_3 \text{guë}'_2 \text{ma}_3 \text{lé}_2 \text{jua}'_{54} \text{jmo}_3 \text{guë}_4 \text{ñag}_{54} \text{'i}_1 \text{caun}_2 \text{con}'_2 \text{lë}_5 \text{jaun}_2$.

16 $\text{Jaun}_2 \text{le}_2 \text{në}_5 \text{ca}_2 \text{cuë}_3 \text{Diú}'_4 \text{jág}_1 \text{quió}'_5 \text{ca}_2 \text{cuë}'_3 \text{Abraham} \text{quian}'_{54} \text{chi}'_2 \text{dsio}_4 \text{'éi}_2$. $\text{Ne}_4 \text{Si}_2 \text{quió}'_5 \text{tsá}_3 \text{juá}'_2 \text{jua}'_{54} \text{a}_2 \text{'iin}_{23} \text{“jui}_5 \text{tsi}_1 \text{jon}_2 \text{” 'éi}_2$. $\text{Ca}_2 \text{juá}'_2 \text{“tsi}_1 \text{jon}_2 \text{quiáng}'_2 \text{”} \text{,} \text{‡} \text{'iin}_{23} \text{jan}_2 \text{dsa}_2 \text{bá}_4$. $\text{I}_2 \text{jan}_2 \text{'éi}_2 \text{lín}'_5 \text{Cristo}$.

17 $\text{Le}_2 \text{la}_2 \text{bá}_4 \text{'ë}_5 \text{jniá}_2$: $\text{Ca}_2 \text{jmo}_3 \text{Diú}'_4 \text{caun}_2 \text{jág}_1 \text{quiain}'_{54} \text{Abraham}$. $\text{Jaun}_2 \text{jme}_1 \text{ca}_2 \text{gua}_3 \text{'Éi}'_3 \text{Juá}'_5 \text{në}_3, \text{quén}_2 \text{'ñiá}_2 \text{-láu}_2 \text{rë}_2 \text{dsí}_2 \text{guió}_2 \text{-guiá}_2 \text{(430) } \text{ñi}_2 \text{cang}_2 \text{jaun}_2, \text{la}_1 \text{tsá}_3 \text{le}_3 \text{jua}'_{54} \text{jua}'_{54} \text{a}_2 \text{tsá}_3 \text{quen}_5 \text{jág}_1 \text{a}_2 \text{li}'_{54} \text{Diú}'_4 \text{quiain}'_{54} \text{Abraham}, \text{on}_3 \text{guë}'_2 \text{le}_3 \text{jua}'_{54} \text{a}_2 \text{tsá}_3 \text{jma}_3 \text{quen}_5 \text{jág}_1 \text{ron}_5 \text{a}_2 \text{rë}_2 \text{cué}_1 \text{quió}'_5 \text{Diú}'_4$.

* 3:6 Génesis 15:6. † 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23. ‡ 3:16 Génesis 12:7; 13:15; 24:7.

18 Ia₁ jua'₅₄ mei'₂ guě'₃ lé₂ gue₃ dsa₂ a₂ca₂tín₂ a₂cuě₃ Diú₄ të₂le₃ ia₁ a₂jme₂ti₃ 'Éi'₃, jaun₂ tsá₃ ma₃le₃jua'₅₄ jua'₅₄ a₂gue₃ guě'₄ dsa₂ të₂le₃ ia₁ a₂ma₂cuě₃ Diú₄ jág₁ quió'₅. La₁ ca₂cuě₃ Diú₄ jág₁ quió'₅ ně₃ ca₂cuě'₃ Abraham a₂ca₂tín₂ gue₃ a₂lě₁gue₃ co₂ŋí₂ bá₄.

19 ¿'E₂ ta₁ qui'₅ 'Éi'₃ Juá'₅ jaun₂ ně₃? Cang₂ jaun₂ bá₄ ca₂já₃, a₂qui'₃ ta₁ a₂'ě₃ 'a₂ lia'₂ lě₅ qui₂i₁juin₅₄ dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃ "tsi₁jon₂ i₂jan₂ i₂'iin₂₃ 'éi₂" con'₂ lě₅ jág₁ ma₂cuě₃ Diú₄. 'Éi'₃ jaun₂ ně₃, ca₂tě₁ron₅₄ të₂le₃ quian'₅₄ ángel i₂ca₂'ě₂ jág₁. Ca₂tě₁tsin'₅₄ jan₂ dsa₂ i₂chén'₅ ne₄ jág₁.

20 La₁ jme₁ca₂dsia₃ Diú₄ jág₁ quiain'₅₄ Abraham le₂'uig₅₄, 'ŋiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂qui'₅ 'Éi'₃ Juá'₅

21 ¿O₃ bá₄ co₂'nió'₄ juá'₂ jaun₂ ně₃, a₂qui'₅ ta₁ 'Éi'₃ a₂'nio₃ 'éin₂ jág₁ a₂ma₂cuě₃ Diú₄? On₃ jua'₅₄ le₂jaun₂. Jua'₅₄ mei'₂ guě'₃ lé₂ le₃cuě₃ 'Éi'₃ Juá'₅ caun₂ jui₅ ja₁lé₂ le₃chan₂ jme₂dsi₂, jaun₂ bá₄ jme₁lé₂ le₃guen₃ Diú₄ dsa₂ të₂le₃ quian'₅₄ a₂jme₃ti₃ dsa₂ 'Éi'₃ jaun₂.

22 La₁ lia'₂ con'₂ lě₅ juá'₂ ne₄ Si₂, ca₂le₃jín₃ bá₄ dsa₂ tioen'₅₄ le₁'ŋei'₅₄ jui₅ ja₁'no₂₃ dso₄, ia₁ jaun₂ të₂le₃ a₂ŋia'₅₄ con'₂ 'éin₂ bá₄ të₂le₃ quió'₅ Jesucristo le₃gue₃ a₂ma₂juá'₂ Diú₄ cuě₃.

23 Né'₃ a₂guá'₂ jág₁ a₂le₃'én₂ dsa₂ ně₃, jme₁tio'₅₄ jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁ jniog₄, qui₂le₁ŋia₁ a₂le₃jniá₂ a₂le₃'éin₂ jaun₂.

24 'Uig₅₄ jaun₂ bá₄ ně₃, 'Éi'₃ ca₂jme₃góin₃ ne₄ quián₂ jniog₄, ně₂jag₄ bá₄ jan₂ të₅ i₂ca₂jio₃ ca₂tě₂ ja₁con₂ Cristo, ia₁ jaun₂ jě₁ma₂ca₂rě₃'éin₂ të₂le₃ quió'₅ 'éi₂, lé₂ le₃tě₃tsag'₅₄ jniog₄ rě₂ ne₄ Diú₄.

25 Jaun₂ rě₂ně₃ ně₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi'₃ jua'₅₄ a₂jaun₂ a₂jio₅ guě'₄ jniog₄, jmo₅ 'í₁.

26 A₂lín'₅ 'nia'₂ ca₂le₃jíng'₃ chi₂'guein₂ quián₅ Diú₄, të₂le₃ ia₁ a₂'én₂ 'nia'₂ le₃quió'₅ Cristo Jesús.

27 Jaun₂ ca₂le₃jín'₃ 'nia'₂ con'₂ i₂ma₂tion'₅₄ 'ei₅ caun₂ jág₁ quian'₅₄ Cristo lia'₂ con'₂ jme₁ca₂ŋóg'₂ jmíg₂, tión'₂ 'nia'₂ a₂rě₂jniág'₁ rě₂lín'₅₄ ně₂jag₄ bá₄ Cristo 'ŋiog₅.

28 Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁ŋia'₅₄ i₂lín₅ judíos, o₃ griegos, on₃ guě'₂ i₂lín₅ dsa₂ i₂jme₂ti₃ ta₁ ne₄ jui₅₄, on₃ guě'₂ dsa₂ i₂tsá₃ 'ein₂ ne₄ jme₂ti₃ ně₃; dsa₂ ŋe'₂, o₃ dsa₂ mí₂ 'e₂; ia₁ i₂co₂rín₂ bá₄ 'nia'₂ le₃quió'₅ Cristo Jesús.

29 Chi₂jua'₂ tén'₅ 'nia'₂ le₃quió'₅ Cristo, jaun₂ guě'₄ líng'₅ dsa₂ tsi₁jon₂ Abraham, jaun₂ ca₂tín'₂ 'nia'₂ guéi'₁ a₂lě₅ jág₁ a₂cuě₃ Diú₄.

4

1 A₂la₂ bá₄ juá'₅ jniá₂: Tě₁lia'₂ bin'₅₄ guein₂, i₂ca₂tín₂ gue₃ a₂lě₅ jág₁ a₂cuě₃ jmei₂, tsá₃ jua'₅₄ jma₃quén₅ lín₅ quian'₅₄ dsa₂ i₂'lian'₅₄ quián₅ jmei₂, o₁ŋia'₅₄ a₂dsau₅ jan₂ i₂'éi₂ bá₄ quió'₅ ca₂le₃jě₃.

2 Chan₂ dsa₂ i₂jmo₅ 'í₁ nio₅ gu₂ ca₂le₃jě₃ a₂cha₂ quió'₅ 'éi₂, ca₂lia'₂ ca₂tě₂ jmíg₄ a₂'ě₅ jmei₂.

3 Jaun₂ le₂ně₅ bá₄ lě₅ quian'₅₄ jniog₄. Tě₁lia'₂ con'₂ big'₅₄, jme₁chong₂ jniog₄ le₁'ŋei'₅₄ ne₄ 'éi'₃, tag₄ a₂jio₅ bí₂ ja₁con₂ dsa₂ mi₂güí₃.

4 La₁ jme₁ca₂dsin₃ jmíg₄, ca₂chen₃ Diú₄ Ja₁ŋi'₅₄, ca₂rě₃cháin₃ ca₂caun₃ jan₂ dsa₂ mí₂ dsa₂ mi₂güí₃, ca₂guain₃ lín₅ jan₂ dsa₂ i₂rě₂'en₅₄ ne₄ 'Éi'₃ Juá'₅.

5 Le₂ně₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂, ia₁jaun₂ guéi'₂ Diú₄ jniog₄ a₂ma₂lág₅ chí'₂-guein₂ quiáin₅.

6 Jaun₂, 'uig₅₄ ia₁ a₂lín'₅ 'nia'₂ chí'₂-guein₂ quiáin₅ ně₃, jaun₂ ca₂chein₃ Jme₂dsí₂ quián₅ Ja₁ŋi'₅₄ tē₂dsi₅ jniog₄, jaun₂ Jme₂dsí₂ ně₃ juá'₂: “¡Abba!* ¡Tia₅₄ quiáng₃!”

7 Le₂ně₅ jaun₂, tsá₃ ma₂lín'₅ 'ne₂ jan₂ i₂chi₁'ŋe'₅₄ ne₄ 'éi'₃; ma₂lín'₅ jan₂ ja₁ŋi'₅₄ bá₄. Jaun₂ chí₂jua'₂ lín'₅ jan₂ ja₁ŋi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuē₃.

T₅ dsí₅ Pa₄ o₄quió'₄ dsa₂ 'én₂

8 Le₂jniá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'ŋeg'₅₄ ja₁con₂ diú₄ lag₄ i₂tē₃dsón'₂ on₃jua'₅₄ i₂le₃jua'₅₄ diú₄ dsón'₂.

9 La₁ rē₂ně₃ ně₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin₅ Diú₄ 'nia'₂. Jaun₂ ně₃, ħ₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄?

10 Ia₁ jmo'₂ bá₄ guē₄ 'nia'₂ 'au'₂ a₂jme₂jué'₁ a₂lín₅₄ jmig₄, tsi'₂, ŋi₂, jein₂ ně₃.

11 'Ŋio₅ dsi₂gó'₃ dsi₃ ia₁ con'₂ tsá₃ ŋó₅ ně₃jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

12 Rin'₅₄ jniog₄, chí₂len'₄ jniá₂ 'nia'₂ ju₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsi₃ ján₃ a₂lín'₅ lia'₂ lín₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄ a₂ma₂jmog'₅₄ 'nia'₂.

13 Ia₁ ma₂ŋi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín'₄.

14 Dso₄ a₂ca₂jéin₃ jniá₂ jaun₂ ně₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guē₄ ca₂guei'₅₄ bá₄ 'nia'₂ jniá₂ ně₂jag₄ bá₄ jan₂ ángel quián₅ Diú₄, ně₂jag₄ bá₄ lín'₅ Cristo Jesús 'ŋiog₅.

15 ħ₂ E₂ bá₄ ca₂lě₃ quian'₅₄ a₂ŋí₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guē₃ lé₂, jme₁'uē'₄ 'nia'₂ mág₂ ne'₅₄ guiong'₅₄, a₂jme₁cuē'₁ jniá₂.

16 Jaun₂ ně₃, ħ₂ on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

17 Dsa₂ 'éi'₂ ně₃, 'ŋio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅. A₂'no'₂ ju₁ a₂téi'₄ 'nia'₂ jniá₂, ia₁jaun₂ le₃dsen₅₄ 'au'₂ a₂'éin'₄ guoin₅₄.

18 A₂dsón'₂ a₂dse₃ bá₄ jaun₂ a₂cuē'₅ dsa₂ bí₂ rin'₅₄, chí₂jua'₂ a₂jaun₂ bá₄ a₂dse₃ a₂dsi₂jio₅ dsí₅. La₁ ju₁jmo₁₂ le₂jaun₂ co₂tan₅₄, on₃jua'₅₄ rě'₂ jmá'₃ jme₁'en₅₄ jniá₂ quian'₅₄ 'nia'₂.

19 'Nia'₂ chí'₂-guein₂ quiáng₃, con'₂ siá'₂ táng₃ ma₂ŋag₅₄ uig₅ o₄quián'₂ 'nia'₂, lín'₅ ně₂jag₄ bá₄ jan₂ 'io₅₄ i₂chan₂ uig₅; caun₂ ŋag₅₄ uig₅ le₂ně₅ bá₄ ca₂lia'₂ ca₂lín'₃ 'nia'₂ a₂dsi₁nóg'₅ léng'₂ lia'₂ lín₅ Cristo.

20 ¡Jua'₅₄ mei'₂ bá₄ lé₂ le₃dsióg₄ jniá₂ tē₂ně₃ ja₁con'₂ 'nia'₂, ia₁jaun₂ jme₁tsíng₄ 'a₂ lia'₂ dsia₅₄ jág₁ quian'₅₄ 'nia'₂! Ia₁ 'ŋio₅ lín₃ tsá₃ guion₅₄ 'a₂ lia'₂ jmo₅₄ quian'₅₄ 'nia'₂.

Jág₁ jáng'₅ léi₄ ju₁lia'₂ Agar quian'₅₄ Sara

21 'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅, ŋag₄ caun₂ 'nia'₂ a₂juá'₄ jniá₂ la₂: ħ₂ Tsa₁ ma₂nei'₂ 'nia'₂ a₂juá'₂ 'Éi'₃ jaun₂?

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

22 Ia₁ juá'₂ Si₂ 'iin₂₃ Abraham, 'éi₂ ně₃ ca₂rě₃chán₃ on₃ ja₁ŋi'₅₄. Jan₂ i₂ca₂can₃ dsa₂ mí₂ i₂jme₁jme₂ti₃ ta₁ ne₅₄; jan₂ guë'₂ i₂ca₂can₃ dsa₂ mí₂ quiáin₅ dsón'₂ i₂tsá₃ 'ein₂ ne₄ dsa₂ sián'₂ jme₂ti₃.

23 Guein₂ i₂ca₂can₃ dsa₂ mí₂ i₂jme₂ti₃ ta₁ ne₄ Abraham, ca₂rě₃chán₃ con'₂ lě₅ rě₂chan₂ guein₂ lě₁guein₂, la₁ guein₂ i₂ca₂can₃ dsa₂ mí₂ quián₅ Abraham 'ŋiog₅ ně₃ ca₂rě₃chán₃ a₂ca₂rě₃ti₃ jág₁ a₂cuë'₁ quió'₅ Diú₄.

24 Jág₁ ně₅, lě₅ caun₂ jág₁ a₂jáng'₅ léi₄. Le₃on₃ 'io₅₄ ně₅ co₂'nió'₄ tĩn₃ jág₁ a₂li'₅₄ Abraham quian'₅₄ Diú₄. Caun₂ jág₁ ně₅ lě₅ co₂'nió'₄ Má'₂ Sinaí a₂jáng'₅ léi₄ tē₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁ ne₄ dsa₂.

25 Jaun₂ lín₅ Agar co₂'nió'₄ Má'₂ Sinaí, a₂chí'₅ 'uě₃ Arabia, a₂lě₅ caun₂ nió'₄ quió'₅ Jerusalén jmig₄ ně₃, ia₁ tion'₅₄ dsa₂ chan₂ ciudad jaun₂ jme₂ti₃ 'éi'₃ co₂dsia₅ quiaín'₅₄ chi'₂-guein₂ quiáin₅.

26 La₁ jui₁lia'₂ Jerusalén 'mí₂ quió'₅ guei'₅₄ ně₃, rě₂na₄ bá₄ jui₅; jaun₂ ja₁jaun₂ bá₄ lě₅ ně₂jag₄ bá₄ chog₅₄ jniog₄.

27 Ia₁ ne₄ Si₂ juá'₂:
 Quian₂ o₂'ŋi₃ dsi₅, 'ne₂ 'io₅₄ quen₂,
 'ne₂ dsa₂ mí₂ i₂tsá₃ guein₂ ma₂can₅,
 'ú₅ co₂mí'₅₄ guio'₅₄ a₂'io'₂ jéng'₂,
 'ne₂ i₂tsá₃ 'e₂ jme₁ma₂cuing'₂ 'e₂ jaun₂ a₂chang'₂ uig₅.
 Ia₁ tē₂le₃ juin₅ guë'₄ guein₂ le₃chan₂ bá₄
 quió'₅ dsa₂ mí₂ i₂ca₂téi₂ dsa₂,
 lia'₂ con'₂ guë'₄ dsa₂ mí₂ i₂chan₂ dsi₂i₂gu₂.†

28 Rin'₅₄ jniog₄, lín'₅ bá₄ 'nia'₂ jui₁lia'₂ Isaac; lín'₅ 'nia'₂ chi'₂-guein₂ con'₂ lě₅ jág₁ ca₂cuë'₃ Diú₄.

29 Le₂ně₅ bá₄ jui₁lia'₂ jmig₄ jaun₂, ja₁ŋi'₅₄ i₂ca₂rě₃chán₃ con'₂ lě₅ rě₂chan₂ ca₂le₃jín₃, qui₂ca₂co₃'ein₃ bá₄ ja₁ŋi'₅₄ Abraham i₂ca₂rě₃chán₃ con'₂ ta₁ quió'₅ jme₂dsi₂, le₂ně₅ bá₄ lě₅ rě₂ně₃ ján₃.

30 ¿La₁ 'e₂ juá'₂ ne₄ Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ ně₅ lia'₂ jma₃quiaín'₅₄ ja₁ŋi'₅₄, ia₁ lia'₂ o₁líg'₂ jmig₄ jua'₅₄ ja₁ŋi'₅₄ 'io₅₄ 'lian'₅₄ ně₅ ca₂tín₂ tĩn₅₄ a₂dse₃ a₂ca₂tín₂ ja₁ŋi'₅₄ 'io₅₄ i₂jĩn₅₄.”‡

31 Jaun₂ ně₃, rin'₅₄ jniog₄, tsá₃ lág₅ jniog₄ chi'₂-guein₂ quián₅ 'io₅₄ i₂co₂'nió'₄ chi'₁'ŋe'₅₄ 'éi₂. Lág₅ bá₄ jniog₄ chi'₂-guein₂ quián₅ 'io₅₄ i₂jĩn₅₄§ bá₄.

5

Tiá₂ nau₂ 'nia'₂ jui₅ rě₂na₄

1 Cristo ca₂chéi'₂ jniog₄, ia₁jaun₂ tsá₃ ma₃le₃chong₂ jua'₅₄ a₂le₁'ŋei'₅₄ guë'₄. Jaun₂ tiá₂ nau₂ 'nia'₂ jui₅ rě₂na₄, tsá₃ ma₃tón'₂ 'nia'₂ táng₃ uig₅ 'éi'₃ guei₂ co₂'nió'₄ a₂jmo₅ a₂rě₂'ŋe'₅₄ dsa₂.

2 Jaun₂ rě₂ nei₂ 'nia'₂. Jniá₂ Pa₄, juíg₂ 'nia'₂: Nē₁jua'₂ cuín'₅ 'nia'₂ a₂ti₃ dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂.

3 'Nio₃ jniá₂ juá'₄ táng₃: ně₁'ein₂ cuín₅ a₂ti₃ dsa₂ ni₁lo₁₂, ca₂tín₂ jme₃ti₃ ca₂le₃jě₃ 'éi'₃ qui'₅ Si₂ quió'₅ Moisés.

4 'Nia'₂ i₂'náu'₂ jui₅ a₂guéi'₂ Diú₄ a₂líg'₅ dsa₂ dsen₃ tē₂le₃ 'uig₅₄ ia₁ a₂rě₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂.

5 Ia₁ tē₂le₃ quian'₅₄ Jme₂dsi₂, tē₂le₃ jnia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsi₅ le₁jnia₁ a₂já₅ caun₂ jmig₄ jē₁léi₂ dsón'₂ jniog₄ dsa₂ dsen₃.

† 4:27 Isaías 54:1. ‡ 4:30 Génesis 21:10. § 4:31 o, “'io₅₄ i₂lon₄.”

6 Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jñia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₃dsón'₂ quen₅, a₂le₃jniá₂ tē₂le₃ quian'₅₄ a₂jme₁'nió₄ jniog₄ rīn'₅₄.

7 Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂jág₁ a₂tí₅ dsón'₂?

8 On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅.

9 Lē₅ jui₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ jui₁ levadura, jmo₃ ta₁ guion'₂ ca₂le₃jē₃ ti₁can₁.”

10 Caun₂ bá₄ 'ei₅ dsí₃ tē₂le₃ ja₁con₂ Te₁gui'₅₄, a₂tsá₃ ma₃dsi₃jiog₅ 'au'₂ 'nia'₂ le₂siá'₂; Diú₄ bá₄ 'ē₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lē₅ jaun₂ jui₁'ein₂ guē₃.

11 Tē₂le₃ quió'₃ guē'₂ rīn'₅₄ jniog₄, jua'₅₄ mei'₂ guē₃ η₁₅ jniá₂ te₁neg'₅₄ dsa₂ a₂ti₃ lo₅₄, ¿'e₂ guē'₂ lē₃ qui₂co₂'ein₅ dsa₂ jniá₂? Jág₁ dse₃ a₂rē₂'ē₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁ti₁n₃ jua'₅₄ mei'₂ guē₃ le₂jaun₂.

12 La₁ jui₁lia'₂ dsa₂ i₂cuē₅ o₂me'₅₄ dsí₅ 'nia'₂ a₂'ē₂₃ a₂ti₃ dsa₂ lo₅₄, ijua'₅₄ co₂nei₅₄ bá₄ ti₃ quió'₅ guioin₅₄!

13 Ia₁ 'nia'₂, rīn'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jñia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ guē₄ 'nia'₂ a₂mi₅ ni₁η₁'₁ ia₁ a₂lín'₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂.

14 Ia₁ quian'₅₄ ca₂jon₄ jág₁ bá₄ a₂rē₂'ñia₅ ca₂le₃jē₃ 'Éi'₃ Juá'₅: “Jme₁'nió₄ dsa₂ mi₂güig₃ ríng'₂ jui₁lia'₂ 'nió'₃ 'ñiag'₂.”*

15 La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₃ñi'₅₄ quián'₂ 'nia'₂ ia₁ con'₂ tsá₃ η₅ nē₁jua'₂ guion'₅₄ bá₄ 'nia'₂ qui₂co₂dsí₃'éng'₅.

A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güig₃ la₂

16 A₂la₂ bá₄ a₂juig₂ jniá₂ 'nia'₂: Ju₁le₂chan'₂ bá₄ 'nia'₂ con'₂ lē₅ jiog₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mi₅ ni₁η₁'₁.

17 Ia₁ ca₂le₃jē₃ a₂'ín₅ dsí₅ ni₁η₁'₁ dsa₂, 'io'₅₄ Jme₂dsí₂ quián₅ Diú₄. Ján₃ guē'₂ le₂jaun₂ a₂'ín₅ dsí₅ Jme₂dsí₂ 'io'₅₄ ni₁η₁'₅ táng₃. Tsá₃ jein'₂; lē₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'niog'₂.

18 Ia₁ nē₁jua'₂ jiog₅ Jme₂dsí₂, tsá₃ ma₃tiong'₅₄ 'Éi'₃ Juá'₅.

19 Ia₁ a₂rē₂jniá₂ dse₃ bá₄ 'a₂ lia'₂ lē₅ chan₂ dsa₂ i₂i₂nio₄ con'₂ lē₅ 'ñio₂ dsí₅ ni₁η₁'₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ñio₅ lē₁ 'ñioi₅ 'e₂ guē₃ a₂jmo₅-dsáu₅; tsá₃ con₂ dsí₅;

20 qui₂jme₂gain₃ diú₄ lag₄; jmo₂₃ mí₅ a₂chan₂ dsí₅;† i₂'ñia₅₄ dsa₂ mi₂güig₃ rīn'₅₄; i₂qui₂tsin₅ quian'₅₄ rīn'₅₄; i₂dsí₅ 'u₁n₅ dsí₅; i₂caun₂ lē₁rē₂'ne₂; i₂'ē₂ a₂cha₂ quió'₅; i₂dsia₅ mi₅ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ rīn'₅₄;

21 i₂uig₅ dsí₅; [i₂jme₂dsian₅ rīn'₅₄];‡ i₂i₂nio₄ lē₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'₅₄ nē₃. 'Lióng₂ bá₄ guē₄ a₂siá'₂ jmo₅ i₂lín₅₄ a₂mei'₂ tsá₃ co₂rē₂ ján₃. Jaun₂ 'ē₅ jniá₂ jág₁ tē₃jñiá₅, jui₁lia'₂ ma₂juá'₃ jniá₂ le₂jñiá₅ ma₂juig₂ 'nia'₂, ca₂le₃jín₃ dsa₂ i₂qui₂jmo₅-dsáu₅ a₂nē₅ o₁líg'₂ jmig₄ tsá₃ tíin'₄ ja₁gon₂ Diú₄.

22 La₁ le₂la₂ bá₄ chan₂ dsa₂ i₂jiog₅ Jme₂dsí₂: A₂'nioi₃ rīn'₅₄; chain₂ o₂'ñio₃ dsí₅; tei₄ le₁ág₄ dsí₅ nē₃, ton'₂ juin'₂ dsí₅ lín₅; 'ñio₂ dsí₅ quian'₅₄ rīn'₅₄; jmo₂₃ a₂dse₃ dsí₅ ja₁con₂ rīn'₅₄ nē₃; tí₅ jág₁ quió'₅ nē₁'e₂ jág₁ jmo₂₃ quian'₅₄ rīn'₅₄.

23 'Ua₁ dsí₅ lín₅ ja₁con₂ rīn'₅₄; η₁₅ 'a₂ lia'₂ jme₃'uáin₂ dsí₅ 'ñio₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅.

* 5:14 Levítico 19:18. † 5:20 griego: farmakeía. ‡ 5:21 A₂lín₅₄ chog₅₄ si₂ tsá₃, le₁,ton₅, jág₁, nē₅.

24 Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂lélé₂ ne₄ cróg₄ ca₂le₃jě₃ lia'₂ lě₅ jme₁lín₄ chain₂ mi₂güig₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsi₂jio₅ dsí₅ jmo₃ ně₃.

25 Le₂ně₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jio₅ Jme₂dsí₂.

26 Tsá₃ ca₂tág₂ jniog₄ jmó₁ táu'₅, on₃ guē'₂ dsiá₁ mi'₅₄ le₂jau₂ le₂jau₂, on₃ guē'₂ jmó₁ uig₅ dsí₅ quian'₅₄ rin'₅₄.

6

Jme₁'on₁ 'nia'₂ ríng'₂ le₂jang'₂ le₂jang'₂

1 Rin'₅₄ jniog₄, nē₁'ein₂ 'nia'₂ ca₂tán'₂ dso₄, 'nia'₂ guē'₂ con'₂ i₂ma₂jio₅ Jme₂dsí₂, ca₂tín'₂ 'nia'₂ jme₁'oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ŋó₅ nē₁le₂jio₅ 'ŋiag'₂ ca₂táng'₂ ján₃.

2 Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsí₅ guei₂ quian₅ ríng'₂, ia₁ le₂ně₅ bá₄ le₃ten'₅₄ 'nia'₂ 'éi'₃ a₂ca₂quiog₂ Cristo.*

3 Ia₁ nē₁jua'₂ chan₂ 'ein₂ lín₂ tīn₂ jmo₂₃, nē₁jua'₂ tsá₃ 'e₂ ta₁ téin₄ guē'₂ ně₃, jme₂gain₂₃ 'ŋiog₅.

4 Le₂jan₂ le₂jan₂ bá₄ dsa₂ ca₂tīn₂ con'₂ 'í₁ 'a₂ lia'₂ jŋia'₅₄ ma₂lě₅ chain₂ guioin₅₄. Nē₁jua'₂ ca₂rě₃lí'₄ rē₂ ma₂chain₂, tióin₂ dse₃ guioin₅₄ bá₄, on₃jua'₅₄ jŋia'₅₄ 'nio₃ chein'₃ dse₃ o₄quió'₄ i₂sián'₂.

5 Ia₁ i₂jma₃quén₅ cán₂ guei₂ o₂me'₅₄ dsí₅ guion₅₄ bá₄ dsa₂ le₂jain₂ le₂jain₂.

6 Jui₁lia'₂ dsa₂ i₂rě₂tīn₂ jág₁ quió'₅ Diú₄, ca₂tīn₂ jme₃'oin₅₄ tē₅ quián₅ quian'₅₄ ca₂le₃jě₃ ne₅₄ a₂dse₃ a₂cha₂ quió'₅.

7 Tsá₃ lē₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lé₂ lē₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅.

8 Jui₁lia'₂ jan₂ dsa₂ i₂jne₅ a₂'ín₅ dsí₅ ni₁ŋi₁ 'ŋiog₅, ju₁5 ni₁ŋi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, ju₁5 Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄.

9 Le₂ně₅ bá₄, tsá₃ lē₁o₁'ú'₄ dsí₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂'ág₂ caun₂-tīn₃ dsí₅ jniog₄, já₅ bá₄ jmig₄ tē₅₄ a₂ráu₃ quián₂.

10 Jaun₂ lě₃, lia'₂ co₂ráun₂ lé₂le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lín₃ guē'₄ le₃ja₁con₂ rin'₅₄ jniog₄ i₂'én₂.

'Ē₂ guē'₄ jág₁ tē₃jŋiá₅, jē₁'ág₅ jág₁

11 Jag₄ 'nia'₂ quian'₅₄ letras ca₁ca'₅₄ jmo₂₃ quian'₅₄ gu₃ 'ŋi₃,† si₂ a₂tsíng₂ ne'₅₄ 'nia'₂.

12 Dsa₂ i₂jŋia'₅₄ 'nio₃ le₃jŋia₂ tióin₂ dse₃, chi₂quián₂ jmig₄ 'nia'₂ a₂tí₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo.

13 Ca₂lia'₂ jŋia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jě₃ 'Éi'₃ Juá'₅ jaun₂. La₁ 'nio₃ ně₃ a₂tí₁ 'nia'₂ quiáng'₂, ia₁jaun₂ le₃jmo₃ táin'₅ ja₁con₂ ni₁ŋi₁ 'nia'₂.

14 La₁ jniá₂ ně₃, o₁líg'₂ tsá₃ 'nio₃ jmo₅₄ táng'₅, jŋia'₅₄ lia'₂ le₃quió'₅ 'mú₃ a₂ca₂i₃ŋi₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ŋi₂ bá₄ mi₂güig₃ ja₁con₂ jniá₂; ján₃ guē'₂ le₂jaun₂ co₂'nió'₄ ma₂jon₅ bá₄ jniá₂ tē₂le₃ ne₄ mi₂güig₃.

15 Jaun₂ ně₃, 'i₁caun₂ tsá₃ 'e₂ quen₅ a₂rě₂uŋg₄ o₃ a₂tsá₃ 'e₂ rě₂uŋg₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rě₃'mag'₂ tē₂dsí₅, a₂ně₅ bá₄ dsón'₂ a₂quen₅.

* **6:2** 'Nio'₂ja,ton, Juan 13:34. † **6:11** 'Nio'₂ja,ton, 1 Corintios 16:21; Colosenses 4:18; 2 Tesalonicenses 3:17; Filemón 19.

¹⁶ Tě₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lě₅ jág₁ ně₅, jui₁le'₁ág₄ bá₄ tei₄ 'au'₂ 'nia'₂, jui₁dsia₅₄ bá₄ Diú₄ ηéi₂ dsí₅ ja₁con'₂ 'nia'₂ i₂lín₅ 'tě₃dsón'₂ dsa₂ jui₂ quián₅.

¹⁷ Ně₃ ně₃, tě₂le₃ ne₄ jui₅ ja₁dsau₅₄ ně₅, 'i₁jan₂ tsá₃ 'ein₂ jui₁cuě₅₄ o₂me'₅₄ dsi₃, ia₁ ma₂quian₄ bá₄ jniá₂ 'ηió₃ léi₄ tio'₅₄ ni₁ηi₃ a₂jáng'₅ jág₁ dsau₅ a₂lín₅ 'tě₃dsón'₂ jan₂ dsa₂ quián₅ Jesús.

¹⁸ Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia'₂, rin'₅₄ jniog₄. A₂méi₃.
Co₂ně₅.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂ně₅ ca₂rě₃ 'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ guě₄ i₂én₂ le₃quió'₅ Cristo Jesús.

² Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo ně₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lin₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juí₃.

⁴ Lia'₂ con'₂ né'₃ a₂jmo₃ Diú₄ mi₂güí₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄,

⁵ ca₂quió'₂ ca₂le₂ñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con'₂ lě₅ ca₂i₃jio₅ dsí₅. Ia₁ le₂ně₅ ca₂rě₃'ñi₃ó₃ dsí₅ 'ñiog₅.

⁶ 'Uig₅₄ ně₅ ně₃ jme₂juin'₁ jniog₄ Diú₄ ia₁ 'ua₁ dsí₅ 'ñio₅ lin₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñí₄ 'nioi₃ lin₃.

⁷ 'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñí₄ lě₃ 'ua₁ dsí₅.

⁸ A₂dse₃ dsí₅ lin₃ bá₄ Diú₄ ca₂jmo₃ a₂le₃ñí'₂ dsí₅ jniog₄ a₂le₃tag₂ ca₂le₃jě₃,

⁹ a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rě₂'ma₄, a₂i₃jio₅ dsí₅ jmo₃, lia'₂ con'₂ lě₅ ca₂rě₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lě₃ dsí₅ jmo₃ le₃quió'₅ Cristo.

¹⁰ Lia'₂ con'₂ lě₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tě₂ jmi₃g₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juí₃ lia'₂ ne₄ gua'₅₄ 'uě₃.

¹¹ Ján₃ bá₄ le₂ně₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ tē₃ñiá₅ lia'₂ con'₂ lě₅ ta₁ quió'₅ a₂ma₂i₂jio₅ dsí₅ jmo₃ le₂ñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con'₂ lě₅ dsí₂jio₅ dsí₅ jmo₃.

¹² Le₂ně₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ juě'₂ a₂co₂tág₅ quió'₅.

¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rě₃'ě₂ jág₁ a₂lión₂ dsa₂, jaun₂ ca₂rě₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lin'₃ 'nia'₂ léi₄ a₂líng'₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó₅ i₂ma₂lě₅ jág₁ cuin₃ Diú₄.

¹⁴ Jme₂dsí₂ Jñi₃ó₅ 'éi₂ bá₄ ně₃ lín₅ co₂'nió'₄ caun₂ cu₄ a₂ma₂quiog₂ dsa₂ tē₃ñiá₅ co₂'nió'₄ a₂ma₂lě₅ chi₁quian₅ quián₂ jniog₄ a₂tē₃dsón'₂ guéi₁ a₂ca₂tág₂ a₂cuě₃ Diú₄ jē₁ma₂ca₂'ñia₅ a₂lión₂ dsa₂ quián₅, ia₁jaun₂ jme₃juě'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñí'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ ně₃, jme₁ca₂rě₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄,

* **1:1** lit. "dsa₂ jnió₅." † **1:1** A₂lin₅₄ chog₅₄ si₂ tsá₃ chi₁ton₅ "ciudad Efeso."

16 jaun₂ ně₃ ca₂le₃o₃ jmig₄ bá₄ tsá₃ lě₅ jua'₅₄ tsá₃ cuě₅ ti₁'mag'₄ o₄quián'₂ 'nia'₂, 'ín₅ jniá'₂ 'nia'₂ ne₅₄.

17 Caun₂ qui₂mi₅ jniá'₂ juig₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂, ju₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsi₄ tē₂le₃ quió'₅ jme₂dsí₂, a₂le₃ŋí'₂ 'au'₂ 'nia'₂ a₂jme₃jniai₂₃ ia₁jaun₂ le₃cuin'₂ guě₄ 'nia'₂ dse₃.

18 Mi₅ jniá'₂ ján₃, ju₁jme₂jnio₅₄ ne'₅₄ 'nia'₂, ia₁jaun₂ le₃ŋi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuě₃; a₂quen₅ lin₃ bá₄ ca₂le₃jě₃ a₂jlá'₁ a₂ca₂tín₂ dsa₂ i₂lě₅ 'í₁ quián₅;‡

19 mi₅ jniá'₂ ju₁le₂ŋi'₅₄ 'nia'₂ ján₃, 'e₂ guě₄ tson₂ juě'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Ju₁bí₂ ně₅ ně₃ a₂le₂jaun₂ bá₄ ně₅ ju₁lia'₂ a₂ca₂jme₃jnia₅ Diú₄.

20 jme₁ca₂jme₃jein'₅₄ Cristo ja₁jme₁rě₂'lín₅₄ a₂ca₂dsiog₃ jaun₂ ně₃ le₃gu₂ ne₁ quió'₅, guei'₅₄ i₂juig₃.

21 Ja₁jaun₂ ca₂dsiog₃ ca₂'ag₃ a₂lín₅ ta₁ juě'₂ lín₃ a₂goin₂ ne₄ quió'₅ ca₂le₃jě₃ 'éi'₃, ne₄ quió'₅ ca₂le₃jě₃ ju₁bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃ dsi₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃ bá₄ 'éi₂ juin'₂ ne₄ ca₂le₃jě₃ ne₅₄ ta₁ a₂lé₂ le₃lén₂ dsa₂, on₃jua'₅₄ jmá'₃ mi₂güig₃ la₂, ŋó₅ ně₅ jmo₂₃ 'éi'₃ le₂tan₅₄ mi₂güig₃ caun₂.

22 O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂, ca₂le₃jě₃ a₂cha₂ ně₃, jaun₂ 'ŋiog₅ guě'₂ Cristo ca₂'in₃ a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quián₅.

23 Jaun₂ guá'₅ quián₅ ně₃, lě₅ co₂'nió'₄ ni₁ŋi₁₂ 'ŋiog₅ a₂rě₂'ŋia₅ ta₁jain₂; jaun₂ Cristo 'ŋiog₅ bá₄ jme₃'ŋiai₂₃ ca₂le₃jě₃ guě₄ a₂'nió'₅ ca₂le₂con₂.

2

Ca₂rě₃chóng₃ jniog₄ le₃quió'₅ Cristo

1 'Nia'₂ ně₃, jme₁tiong'₅₄ le₂jniá'₅ líng'₅ 'lag₄ ne₄ 'uig₅₄ a₂jme₁i₂niog'₅₄ i₁juing'₅₄, le₁cáng'₄ dsáu'₂,

2 lia'₂ con'₂ jme₁chang'₂ tiong'₅₄ 'éng'₅ ju₁ con'₂ lě₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lě₅ 'ŋio₂ dsi₅ jme₂dsí₂ i₂gon₂ ne₄ 'éi'₃ a₂cha₂ jě₄ dsi₂, i₂jmo₅ ta₁ tē₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄.

3 Le₂ně₅ bá₄ jme₁i₂nio₄ jniog₄ ján₃, jmig₄ jaun₂, jme₁chong₂ jme₁jme₂tí'₁ 'a₂ con'₂ lě₂ dsi₄ guio₅₄, jme₁jme₂tí'₁ a₂mi₅ ni₁ŋi₁₂. 'Uig₅₄ lia'₂ con'₂ lě₅ jme₁lág₄ jniog₄ jme₁ca₂tag₂ guéi'₁ co₂rě₂ uig₅ gau₂ quió'₅ Diú₄, ju₁lia'₂ lě₅ tín₃ ca₂le₃jín₃ i₂sián'₂.

4 La₁ Diú₄ ně₃, 'uig₅₄ ia₁ a₂ŋí₄ lě₃ ŋéi₂ dsi₅ bá₄, ca₂rě₃'nio₃ lín₃ jniog₄.

5 Ca₂to'₂ jme₂dsí₂ ca₂jme₃jein'₅₄ jniog₄ co₂lě₅ quian'₅₄ Cristo, lia'₂ con'₂ jme₁lág₄ guě₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsi₅ Diú₄ 'ŋiog₅ bá₄ ma₂lón'₂ 'nia'₂.

6 Jaun₂ le₂ně₅ ca₂chó'₂ co₂lě₅ quian'₅₄ Cristo Jesús jaun₂ ma₂ca₂dsiog₃ co₂lě₅ quiong'₅₄ guei'₅₄ i₂juig₃. Le₂ně₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rě₂ně₃ le₃quió'₅ Cristo Jesús.

7 Le₂ně₅ ca₂cuě₃ léi₄ a₂'nio₃ jniog₄ 'ŋio₅ lín₃ ca₂le₃jě₃ jmig₄ ja₁já₄ ně₅, 'a₂ lia'₂ ŋí₄ lě₃ tson₂ a₂'ua₁ dsi₅ a₂ca₂jmo₃ dse₃ dsi₅ ia₁ a₂chong₂ le₃quió'₅ Cristo Jesús.

8 Ně₃ ně₃, tē₂le₃ ia₁ a₂'ua₁ dsi₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ ně₅ ně₃, on₃jua'₅₄ ia₁ 'e₂ cha₂ tín'₂ 'nia'₂ jua'₅₄ a₂ma₂jmo'₅₄ guiong'₅₄; a₂lě₁ca₂ŋi'₂ bá₄ 'nia'₂ ně₅ ca₂cuě₃ Diú₄.

9 On₃jua'₅₄ tē₂le₃ quian'₅₄ a₂jmo₅ dsa₂ guoin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅.

‡ 1:18 lit. "a₂ca₂tín₂ dsa₂ jnió₅."

¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ñiog₅; ca₂jmo₃'₂ jniog₄ le₃quió'₅ Cristo Jesús ia₁jaun₂ quián₁ jui₅ jmo₁ a₂dse₃, jui₅ a₂ma₂ca₂jmo₃ 'éi₂ co₂jñia₅₄ a₂i₁nio₁.

'Ei₅ tei₄ dsi₅ jniog₄ le₃quió'₅ Cristo

¹¹ Le₂në₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁líng'₄ le₂jñiá₅. 'Nia'₂ con'₂ i₂líng'₅ dsi₂nau₂ i₂tsá₃ rë₂u_{ing}₄ lo₄, quiong₅ dsa₂ i₂rë₂u_{ing}₄ lo₄, (ta₁ jaun₂ a₂jmo₅ dsa₂ mi₂güig₃ quian'₅₄ gu₂);

¹² jui₁dsiog'₂ 'au'₂ 'nia'₂; jmi₄g₄ jaun₂ lia'₂ con'₂ jme₁chang'₂ tsá₃ I₂rë₂'ín₁ quián₅ Diú₄ jme₁chan₂ ja₁con'₂ 'nia'₂; u_{ing}₂ bá₄ jme₁tióñ'₂ 'nia'₂ ja₁lë₄ juig₂ Israel, tsá₃ jme₁cuin'₂ 'nia'₂ jág₁ a₂jme₁li'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güig₃ la₂ tsá₃ Diú₄ chan₂ quián'₂ 'nia'₂ on₃ guë'₂ jme₁cha₂ jmi₄g₄ jua'₅₄ a₂jme₁tín'₄ 'nia'₂.

¹³ La₁ rë₂në₃ në₃, ma₂quian'₅₄ 'nia'₂ Cristo Jesús, 'nia'₂ i₂jme₁tióng'₂ u_{ing}₂ le₂jñiá₅. Quián₅ bá₄ ma₂tióng'₂ rë₂në₃ tē₂le₃ quian'₅₄ jmi₂ 'an₅₄ Cristo.

¹⁴ Le₂në₅ bá₄ ca₂dsióg₃: 'ñiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ në₃ ca₂chain'₃ co₂ñei'₅₄ jnia'₅₄ dsa₂ judíos quian'₅₄ 'nia'₂ dsi₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jñ₄ jniog₄.

¹⁵ Quian'₅₄ ni₁ñi₁₂ 'ñiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmi₄g₄ jmá'₃ 'éi'₃. Ca₂lë₃ bá₄ në₃ lia'₂ con'₂ lë₅ ca₂l₃jio₅ dsi₅, ca₂jmo₃ caun₂ juig₂ 'mí₂ quió'₅ 'ñiog₅, ca₂'ág₂ tei₄ quió'₅ dsa₂ le₃tin₃ juig₂.

¹⁶ Le₂në₅ bá₄ ca₂dsióg₃ ca₂lë₃ co₂'nió'₃ dsa₂ jë₁ca₂le₃jñin₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄.

¹⁷ Ca₂guan₃ Cristo quian'₅₄ jág₁ dse₃ a₂'ag₃ tei₄ quió'₅ ca₂le₃jñin₃: le₃quián'₂ 'nia'₂ dsa₂ i₂jme₁tióñ₂ u_{ing}₂, lia'₂ le₃quián₂ jnia'₅₄ dsa₂ judíos i₂jme₁tio'₅₄ quián₅.

¹⁸ Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂.

¹⁹ 'Uig₅₄ në₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rín'₅₄ jniog₄ i₂lë₅ 'í₁ quián₅ Diú₄;* tsá₃ ma₂lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rín'₅₄. Ma₂lín'₅ 'nia'₂ chí'₂-guein₂ quián₅ Diú₄ në₃.

²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ jáñ₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chí'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ë₂ jág₁ o₄quió'₄ Diú₄ ma₂líg'₂. 'Ñiog₅ guë'₂ Jesucristo lín₅ co₂'nió'₄ ni₁cang₁ a₂dsen₅₄ guë₄.

²¹ Le₃quió'₅ 'éi₂ në₃, tsau₂ ta₁ ta₁caun₂ tsi₁'né₅, lë₂ rë₂juí₄ rë₂, ca₂lia'₂ ca₂dsióg₃ lé₂ caun₂ guá'₅ a₂lë₅ 'í₁ quió'₅ Te₁gui'₅₄.

²² Le₃quió'₅ 'éi₂ në₃, 'nia'₂ bá₄ jáñ₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ë₂ jág₁ dse₃ ja₁con₂ dsi₂nau₂

¹ 'Uig₅₄ në₅ bá₄ në₃, jniá₂ Pa₄, jme₂juíng'₁ Diú₄, ton'₂ rë₂'eng₅₄ né'₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂líng'₅ dsi₂nau₂.

* 2:19 lit. "dsa₂ jñi₅."

² Lín₂ a₂ma₂le₁ŋi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂.

³ Ma₂ca₂rë₃ŋi'₅₄ bá₄ 'nia'₂ jág₁ a₂jme₁rë₂'ma₄ le₂jñiá₅, 'e₂ a₂nio₅ dsí₅ jmo₃; ca₂jmo₃ ca₂rë₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅.

⁴ Jë₁ma₂ca₂'í'₂ 'nia'₂ si₂ në₅, le₃len'₅₄ 'nia'₂ a₂ma₂ŋí'₂ dsí₃ jë₂ jág₁ a₂jme₁rë₂'ma₄ quió'₅ Cristo,

⁵ caun₂ jág₁ a₂tsá₃ 'ein₂ ca₂rë₃ŋi₅ ca₃ma₂líg'₂, la₁ rë₂në₃ në₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ë₂ jág₁ o₄quió'₄ në₃.

⁶ Jág₁ a₂ma₂ca₂rë₃jniá₂, a₂la₂ bá₄ jaun₂: të₂le₃ quian'₅₄ jág₁ dse₃ a₂lión₂ dsa₂, tñ₃ dsí₂nau₂ gue₃ a₂lë₅ jág₁ cuë₃ Diú₄ co₂rë₂ bá₄ quian'₅₄ a₂tñ₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ŋí₅, ján₃ guë'₂ tñ₃ 'nia'₂ jág₁ a₂ron₅ cuë₁ quió'₅ Diú₄ le₃quió'₅ Cristo Jesús.

⁷ Jág₁ në₅ ma₂chéng'₅ jmo₂₃ ta₁ a₂'ë₅ jág₁ dse₃, lia'₂ con'₂ lë₅ a₂lë₁ca₂cuë₃ Diú₄ a₂'ua₁ dsí₅, lia'₂ con'₂ lë₅ jmo₅ ta₁ jui₅bí₂ quió'₅.

⁸ O₁jñia'₅₄ la₂ lín₅ jniá₂ jan₂ i₂me'₂ guë₄ con'₂ guë₄ i₂tsá₃ 'e₂ quen₅ jë₄ quió'₅ ca₂le₃jín₃ i₂tén₅ le₃quió'₅ Diú₄,* la₁ 'éi₂ ma₂cuë₃ jniá₂ a₂dse₃ në₅ a₂'ë₄ jág₁ jñ₄ dsí₂nau₂, caun₂ jág₁ dse₃ a₂le₃chong₂ jniog₄ dse₃ guë₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ŋí'₂ dsí₅ dsa₂.

⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rë₂'ma₄, ca₂le₃ ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jë₃ 'e₂ a₂cha₂.

¹⁰ Ca₂i₃jio₅ dsí₅ jmo₃ të₂le₃ quian'₅₄ dsa₂ quián₅, jui₁le₂ŋi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ŋí'₂ dsí₅ Diú₄;

¹¹ jaun₂ jui₁le₂ŋi₅ bá₄, Diú₄ ca₂jmo₃ le₂në₅ con'₂ lë₅ i₃jio₅ dsí₅ jmo₃ co₂tan₅₄ të₂le₃ quian'₅₄ Te₁gui'₅₄ Jesucristo.

¹² Të₂le₃ quian'₅₄ Cristo cha₂ jui₅ quián₂ a₂lé₂ le₃jme₁quián₄ jniog₄ dsiá₁ tiá₂ dsí₅ ja₁con₂ Diú₄, caun₂ bá₄ le₁ág₄ dsí₅ 'uig₅₄ ia₁ a₂'éin₂ le₃quió'₅ 'éi₂.

¹³ Jaun₂ lë₃, chi₂len'₄ jniá₂ 'nia'₂ a₂tsá₃ 'ág'₂ caun₂-tñ₃ 'au'₂ 'uig₅₄ ia₁ a₂chang₂ ŋag₅₄ uig₅ o₄quián'₂ 'nia'₂, la₁ia₁ dse₃ të₂le₃ ja₁con'₂ 'nia'₂, ia₁ le₂në₅ bá₄ dsióg₅ a₂le₃juin'₂ 'nia'₂.

'A₂ lia'₂ tson₂ ca₂rë₃'nio₃ Cristo jniog₄

¹⁴ 'Uig₅₄ në₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo,

¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juíg₃ quian'₅₄ i₂chan₂ ne₄ gua'₅₄ 'uë₃.

¹⁶ Mi₅ jniá₂ ne₄ Tia₅₄ a₂jmo₃ të₂'au'₂ 'nia'₂, cuë₃ jui₅bí₂ bën₂ jlá'₁ quió'₅ të₂le₃ quian'₅₄ Jme₂dsí₂ quián₅,

¹⁷ ia₁jaun₂ të₂le₃ jñia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ të₂'au'₂ 'nia'₂. Le₂në₅ jë₁ma₂tión'₂ 'nia'₂ tiá₂ lé₂ co₂'nió'₄ quile₁'má₂ jmú₄ jí'₂ lín₃, jme₁'nió'₄ 'nia'₂ ríng'₂.

¹⁸ Mi₅ jniá₂ a₂lé₂ le₃ŋí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lë₅ 'í₁ quián₅,† a₂juë'₂ lín₃, ton'₂ a₂cu₂ lín₃, ton'₂ a₂ñei₅ lín₃, a₂jí'₂ lín₃ bá₄, 'a₂ lia'₂ 'nio₃ Cristo jniog₄.

¹⁹ Mi₅ jniá₂ ne₅₄, jui₁le₂cuin'₂ 'nia'₂ a₂në₅ a₂lë₅ a₂juë'₂ lín₃, on₃jua'₅₄ ia₁ a₂le₃cuí'₅ le₃ŋí'₂ dsí₅ dsa₂; mi₅ jniá₂ ia₁jaun₂ le₂në₅ tiáng'₄ le₃chang'₂ co₂ñei'₅₄ qui₂rë₂rín₅ të₂'au'₂ ca₂le₃jë₃ 'a₂ lia'₂ lín₅ Diú₄.

* **3:8** lit. "ca₂le₃jín₃ dsa₂ jñi₅." † **3:18** lit. "ca₂le₃jín₃ dsa₂ jñi₅."

20 Jaun₂ ně₃, ju_{i1}le₂juin'₂ bá₄ Diú₄, i₂lé₂ le₃jmo₃ tson₂ guě₄ lia'₂ con'₂ guě₄ a₂mi₂ jniog₄, lia'₂ con'₂ guě₄ dsi₂jio₅ dsi₅ ně₃, tē₂le₃ quian'₅₄ bí₂ a₂jmo₂₃ ja₁con₂ jniog₄.

21 ju_{i1}le₂juin'₂ bá₄ Diú₄ ja₁con₂ guá'₅ quiáin₅ tē₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃ tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ŋi₂ co₂tan₅₄! A₂méi₃.

4

Chong₂ jniog₄ 'ei₅ caun₂ jág₁ tē₂le₃ quian'₅₄ Jme₂dsí₂

1 U_ig₅₄ ně₅ bá₄ ně₃, rē₂jníg₅ né'₃ 'má₃ o₄quió'₄ Te₁gui'₅₄, chi₂len'₄ jniá₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂tě'₃ 'nia'₂.

2 Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nióg'₃ ríng'₂.

3 Dsen₅₄ 'au'₂ 'nia'₂ jmo₄ tiong'₅₄ 'ei₅ tián₂ caun₂ jág₁ tē₂le₃ quian'₅₄ Jme₂dsí₂ ŋjío₅, co₂'nió'₄ bá₄ chan'₂ 'nia'₂ qui₂rē₂queng'₅₄ quian'₅₄ ríng'₂ 'ei₅ tei₄.

4 Lág₅ jniog₄ caun₂ bá₄ ŋí₅ ta₁caun₂ nió'₃, ján₃ guě'₂ jan₂ bá₄ Jme₂dsí₂ táng₃, a₂tián'₄ 'nia'₂ le₂ně₅ bá₄ ma₂ca₂tě₃ Diú₄ caun₂ bá₄ jmig₄ a₂'ín₂ 'au'₂ 'nia'₂ chang'₂.

5 Jan₂ bá₄ Te₁gui'₅₄ i₂lín₅ juig₅₄ jniog₄ chan₂, caun₂ bá₄ a₂'éin₂ jniog₄, ján₃ guě'₂ ca₂le₃jág₃ bá₄ jniog₄ ca₂ŋó₂ jmig₂ le₃quió'₅ jan₂ bá₄ Te₁gui'₅₄.

6 Jan₂ bá₄ Diú₄ chan₂ i₂lín₅ Tia₅₄ quián₂ jniog₄ ca₂le₃jág₃. 'Éi₂ bá₄ i₂niog₅ gu₂ jniog₄ ca₂le₃jág₃; 'éi₂ bá₄ i₂jmo₅ ta₁ ja₁con₂ jniog₄ ca₂le₃jág₃; 'ein₅₄ ja₁con₂ jniog₄ ca₂le₃jág₃ ně₃.

7 La₁ le₂jau₂ le₂jau₂ bá₄ jniog₄ jma₃quén₅ lě₅ bí₂ a₂ma₂ca₂ŋag₂, lia'₂ con'₂ lě₅ ma₂ca₂dsi₃ Cristo quió'₅.

8 Jaun₂ lě₃ juá'₂ ne₄ Si₂:

Ca₂uíg₂ guei'₅₄ i₂juíg₃

te₂ le₁'ŋe'₅₄ ca₂le₃jín₃ i₂ca₂lí'₃,

jaun₂ ca₂dsi₃ bí₂ jma₃quén₅

ca₂cuě'₃ dsa₂ mi₂güíg₃. *

9 Jaun₂, ĸ'e₂ jág₁ dsau₅ jein₅ jág₁ "A₂ca₂uíg₂" ně₅ ně₃? ŋja'₅₄ lia'₂ juá'₂ le₂'uig₅₄ ca₂sióin₃ ja₁lě₄ ja₁'uin₃ guě₄ 'ŋio₅ lín₃ ne₄ gua'₅₄ 'uě₃.

10 I₂ca₂sióin₃ 'éi₂ bá₄ ján₃, i₂ca₂uíg₂ táng₃ ja₁lě₄ ja₁'ŋei₅ guě₄ guei'₅₄ i₂juíg₃, ia₁jaun₂ jme₃cain'₂ ca₂le₂con₂ quian'₅₄ Jme₂dsí₂ quiáin₅.

11 Jaun₂ jma₃quén₅ ca₂chein'₃ dsa₂ quiáin₅ ca₂cuě₃ bí₂ ca₂cuě'₃ le₂jan₂ le₂jan₂; i₂lín₅₄ ca₂chein'₃ a₂lén₂ i₂chen₄ quiáin₅; i₂lín₅₄ guě'₂ ca₂ŋi₂ bí₂ a₂lé₂ ŋág₃ jág₁ a₂guéi'₅ quió'₅ Diú₄; i₂lín₅₄ guě'₂ ca₂cuě'₃ bí₂ a₂qui₂dsi₃'ě₃ jág₁ dse₃ a₂lión₂ dsa₂; i₂lín₅₄ guě'₂ ca₂cuě'₃ bí₂ a₂lén₂ dsa₂ i₂'ě₂ jág₁ i₂jme₂tín₅ guá'₅.

12 Le₂ně₅ qui₂ca₂chein'₃ dsa₂ guá'₅ ia₁jaun₂ jmo₃ co₂ŋia₅₄ dsa₂ quiáin₅ a₂jme₃tí₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ŋi₅₄ 'ŋiog₅,

13 ca₂lia'₂ ca₂dsi₃náu₅ 'ei₅ caun₂ jág₁ quian'₅₄ rin'₅₄, 'éin₂ rē₂, ŋí'₂ dsi₅ le₃quió'₅ ja₁ŋi'₅₄ Diú₄. Le₂ně₅ bá₄ dsi₁náu₅ léi₂ dsa₂ i₂ma₂ca₂can'₅₄ co₂ŋei'₅₄ lia'₂ con'₂ lě₅ lín₅ Cristo 'ŋiog₅.

14 Jaun₂ tsá₃ ma₃léi₂ jniog₄ lia'₂ lín₅ i₂bě'₅₄ i₂caun₂ lě₁qui₂rē₂gan₂ tsá₃ uin₅ qui₂jme₂tsi_{in}₃; ně₂jag₄ bá₄ a₂qui₂tsag'₂ dsí₂ a₂caun₂ 'ŋio₂ dsí₅ bá₄ ju_{i1}'e₂ guě₃ a₂jme₂tag₅ dsa₂, qui₂sē₂sein'₂ jē₁jme₂gau₅ dsa₂ i₂ŋí₄ 'ŋio₅ 'io₅ mai₅₄, 'nio₃ jiog₃ ju_{i5} jē₁tsá₃ dsau₅.

* 4:8 Salmo 68:18; 'Nió'₂ ja₁ton₅ Colosenses 2:15.

15 Tě₂le₃ 'nió'₅ dsiá₁ jniog₄ jág₁ tí₅ a₂'nio₃ jniog₄ r̄in'₅₄. Ca₂tág₂ bá₄ jniog₄ qui₂dsi₃cau'₅₄ ne₄ ca₂le₃jě₃ le₃quió'₅ 'éi₂ i₂lín₅ m̄i₂dsi₄ quián₂ jniog₄, le₃quió'₅ Cristo bá₄ guě'₂.

16 Tě₂le₃ quian'₅₄ 'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ r̄in'₅₄. Lág₅ jniog₄ nē₂jag₄ bá₄ caun₂ ni₁ŋí₅ a₂qui₂rē₂tion'₅₄ rē₂ le₂caun₂ le₂caun₂ ja₁qui₂le₁chan'₂ quió'₅ dsa₂, jma₃quén₅ bá₄ lě₅ ta₁ quió'₅ qui₂jme₂'on₅₄ r̄in'₅₄, ca₂lia'₂ ca₂i₃cón₃ rē₂, dse₃ le₁'ág₄ dsí₅, 'nioi₃ riin'₅₄ ně₃.

Ju₁₅ 'm̄i₂ le₃quió'₅ Cristo

17 A₂la₂ bá₄, juá'₅ jniá₂ chi₂quiang₅₄ jmig₄ 'nia'₂ o₄quió'₄ Te₁gui'₅₄: tsá₃ ma₃ju₁le₂chan'₂ 'nia'₂ ju₁lia'₂ chan₂ dsa₂ i₂tsá₃ Diú₄ cuin₅, ia₁ 'éi₂ ně₃ chain₂ lia'₂ con'₂ lě₅ niog₅ dsi₅₄ tsá₃ 'e₂ ta₁ tí₄.

18 'Ni₀₅ tē₂le₃ jen₅ bá₄ ma₂ŋí'₂ dsí₅, uing₂ bá₄ chain₂ ja₁jme₁ca₂t̄in₂ le₃chain₂ le₃quió'₅ Diú₄, ia₁ lín₅ dsa₂ i₂co₂ŋei'₅₄ tsá₃ 'e₂ tin₂ tsá₃ 'e₂ ŋi₅ ia₁ a₂ma₂ca₂rē₃'uá'₃ dsí₅.

19 Tsá₃ ma₃lí'₄ 'e₂ jaun₂ o₂guí'₃, co₂dsia₅ ma₂ca₂j̄in'₂ bá₄ guioin₅₄ ne₄ ca₂le₃jě₃ jmá'₃ lia'₂ a₂mi₅ ni₁ŋí₁₂, caun₂ ma₂'ŋio₂ dsí₅ bá₄ jmo₂₃ ca₂le₃jě₃ ne₅₄ a₂lě₁'iog₅.

20 La₁ 'nia'₂ ně₃, tsá₃ le₂ně₅ ca₂rē₃t̄ing'₃ le₃quió'₅ Cristo.

21 Ia₁ dsón'₂ bá₄ ma₂ca₂nei'₂ 'nia'₂ le₃quió'₅ 'éi₂ lín₂ jniá₂, jaun₂ ca₂rē₃t̄ing'₃ bá₄ lia'₂ con'₂ lě₅ ca₂jme₃tag₅ 'éi₂, lia'₂ con'₂ lě₅ jág₁ tí₅ dsón'₂ a₂cha₂ ja₁con₂ Jesús.

22 Ca₂rē₃t̄ing'₃ a₂co₂dsia₅ jniá'₄ cau₅ lia'₂ con'₂ lě₅ jme₁l̄ing'₄ le₂jniá₅, nē₂jag₄ bá₄ dsa₂ i₂co₂ŋei'₅₄ jniá'₂ tsin'₅₄; a₂jme₁rē₂'én'₄ ne₄ a₂jme₁qui₂rē₂gáng'₃ ne₄ ca₂le₃jě₃ a₂jme₁'ín₅ 'au'₂ 'nia'₂, con'₂ lě₅ jme₁chang'₂.

23 Ca₂rē₃t̄ing'₃, a₂ca₂t̄in'₂ 'nia'₂ jme₁'mag'₂ lia'₂ lě₅ dsi₂jio₅ 'au'₂.

24 Ca₂rē₃t̄ing'₃ a₂jmog'₅₄ le₁l̄ing'₄ a₂l̄ing'₅ nē₂jag₄ bá₄ jan₂ dsa₂ 'm̄i₂ i₂ca₂rē₃chán₃ lia'₂ con'₂ lě₅ 'nio₃ Diú₄, a₂l̄eng'₂ dsa₂ dsen₃ dsón'₂ i₂jnió₅ quiáin₅.

25 Jaun₂ ně₃, jniá'₃ 'nia'₂ cau₅ jág₁ tē₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂gü₃ r̄ing'₂, ia₁ ca₂le₃jág₃ bá₄ jniog₄ téi₅ caun₂ ni₁ŋí₅.

26 "Chi₂jua'₂ ca₂rē₃'né'₃ 'nia'₂, tsá₃ lě₁'nau₂ 'nia'₂ dso₄";† tsá₃ cuě₂ 'nia'₂ jmig₄ jua'₅₄ 'í₁ 'nei₂ 'au'₂ tē₁ne₁ jmig₄, ca₂lia'₂ jnia'₅₄ lia'₂ ca₂r̄in₂ 'iog₂;

27 tsá₃ ná₂ 'nia'₂ ju₁₅ quió'₅ i₂sē₃dsen₃.

28 I₂jme₁'ang₅ guě'₂, tsá₃ ma₃o₁'ang₁₂, tē₂le₃ ju₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lě₂ jme₃'oin₅₄ ca₂la₂ dsa₂ i₂'nió'₅ quió'₅.

29 Tsá₃ lě₁'uě'₅₄ 'nia'₂ jág₁ 'lig'₅₄ mi₂'o₅₄; jme₁tin₅ 'nia'₂ dsiá'₁ jmá'₃ lia'₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ r̄ing'₂ i₂'nió'₅ quió'₅ le₃quió'₅ jme₂dsí₂, ton'₂ dse₃ quió'₅ i₂nag₅ ně₃.

30 Tsá₃ jmo₂ 'nia'₂ jén₂ dsí₅ Jme₂dsí₂ Jnió₅ quián₅ Diú₄, ia₁ tē₂le₃ quian'₅₄ 'éi₂ ma₂lín'₅ 'nia'₂ léi₄ i₂ma₂lě₅ 'í₁ quián₅ Diú₄ ca₂lia'₂ ca₂tē₂ jmig₄ i₁l̄i_{0n}'₂ 'nia'₂ co₂ŋei'₅₄.

31 Co₂dsia₅ jniá'₃ 'nia'₂ a₂dsi'₃ cha₂ tē₂'au'₂, ca₂le₃jě₃ guě₄ a₂dsén'₂ 'nia'₂, 'nei₂ a₂'i₄ 'au'₂ ně₃; ca₂le₃jě₃ a₂co₂mi'₅₄ co₂dsio'₅₄ a₂'ne'₂ 'nia'₂, ca₂le₃jě₃ guě₄ jág₁ uig₅ a₂qui₂'ín'₅ 'nia'₂ r̄ing'₂, ca₂le₃jě₃ ne₅₄ a₂'lig'₅₄ ně₃.

32 Tě₂le₃ jmo₄ 'nia'₂ a₂dse₃ ja₁con₂ r̄ing'₂ le₂jang'₂ le₂jang'₂, ju₁le₂cha₂ bá₄ a₂ŋéi₂ 'au'₂ 'nia'₂, 'én₃ 'nia'₂ dsáu₁ r̄ing'₂ le₂jang'₂ le₂jang'₂ ju₁lia'₂ ca₂'én₂ Diú₄ dsáu'₂ 'nia'₂ tē₂le₃ o₄quió'₄ Cristo.

5

'A₂ lia'₂ 'nió'₅ le₃chan₂ chi'₂-guein₂ quián₅ Diú₄

† 4:26 Salmo 4:4.

¹ Ia₁ a₂lín' ₅ 'nia' ₂ chí' ₂-guein₂ i₂'nió₁ quián₅ Diú₄, quen' ₂ 'nia' ₂ bí₂ léng' ₂ lia' ₂ lín₅ 'Éi₂.

² Jui₁le₂chan' ₂ 'nia' ₂ 'nióg' ₃ ríng' ₂, jui₁lia' ₂ ca₂rē₃'nio₃ Cristo jniog₄ jaun₂ ca₂jín' ₂ o₄quián₂ jniog₄ a₂lín₅ co₂'nió' ₄ já' ₂ cha' ₂ ηó₃ rē₂jen' ₅₄ ne₄ Diú₄ jain₂ ma₂juig₂ ma₂ro₂.

³ Ia₁ ma₂lín' ₅ 'nia' ₂ i₂tén₅ le₃quió' ₅ Diú₄, ca₂lia' ₂ njia' ₅₄ tsá₃ 'nió' ₅ le₃cha₂ jág₁ jín' ₄ 'nia' ₂ jua' ₅₄ chan₂ i₂nió' ₅ jág₁ quian' ₅₄ dsa₂ i₂tsá₃ lín₅ dsi₂i₂gu₂, on₃ guè' ₂ 'i₁caun₂ a₂siá' ₂ a₂lë₁'iog₅ nē₃, on₃ guè' ₂ ma₃'nió' ₅ le₃chan₂ guè₄ i₂'ua' ₂ dsí₅, ia₁ tsá₃ dsi₂ten₅₄ co₂ηí₂ jua' ₅₄ dsa₂ i₂ma₂lë₅ 'í₁ quián₅ Diú₄ jmo₃ guè₄ le₂nē₅.

⁴ Tsá₃ lë₁dsia₂ 'nia' ₂ jág₁ 'lig' ₅₄, on₃ guè' ₂ jág₁ ga₂, on₃ guè' ₂ jui₁lia' ₂ jág₁ ηág₄ lë₁'iog₅ nē₃. Ia₁ ca₂le₃jě₃ jág₁ le₂nē₅ tsá₃ dsi₂ten₅₄; ja₂lín₃ guè₄ dse₃ cuè' ₅₄ 'nia' ₂ ti₁'mag' ₄ Diú₄.

⁵ Tsá₃ jui₁dsi₂'én₂ 'au' ₂ 'nia' ₂ a₂la₂: 'i₁jan₂ jui₁lia' ₂ i₂nió' ₅ jág₁ quian' ₅₄ i₂tsá₃ lín₅ dsi₂i₂gu₂, on₃ guè' ₂ 'i₁jan₂ jui₁lia' ₂ i₂jmo₅-dsá₅ lë₁'iog₅, on₃ guè' ₂ jui₁lia' ₂ dsa₂ i₂'ua' ₂ dsí₅, (ia₁ i₂co₂rín₂ bá₄ dsa₂ i₂'ua' ₂ dsí₅ quian' ₅₄ jui₁lia' ₂ dsa₂ i₂jme₂juin' ₂ diú₄ lag₄), o₁lig' ₂ tsá₃ lë₂ le₃tiin₃ ja₁gon₂ Cristo quian' ₅₄ Diú₄.

⁶ 'I₁jan₂ tsá₃ 'ein₂ jui₁jme₂gau₅ 'nia' ₂ quian' ₅₄ jág₁ a₂tsá₃ ta₁ tí₄, ia₁ 'uig₅₄ nē₅ bá₄ já₅ uig₅ gau₂ quió' ₅ Diú₄ ne₄ quió' ₅ jaun₅ dsa₂ i₂tsá₃ ne' ₅₄.

⁷ Jaun₂ 'nia' ₂ nē₃, co₂dsia₅ tsá₃ lë₁tóng' ₂ quian' ₅₄ dsa₂ le₂'éi₂.

⁸ Ia₁ le₂jniá₅ jme₁tén' ₄ 'nia' ₂ caun₂ mi₂güig₃ qui₁né' ₃, la₁ rē₂nē₃ nē₃, ma₂tén' ₅ 'nia' ₂ le₃quió' ₅ Te₁gui' ₅₄ ja₁jniá₂ si₂. Jui₁le₂chan' ₂ 'nia' ₂ jaun₂, jui₁lia' ₂ ca₂tín₂ le₃chan₂ chí' ₂-guein₂ i₂tén₅ tē₂le₃ ja₁jniá₂ si₂.

⁹ Ia₁ ja₁jniá₂ si₂ nē₃, rē₂jniá₂ 'ua₁ dsí₅ dsa₂, tí₅ jág₁ quió' ₅ dsa₂, a₂rē₂chan₂ dsa₂ quian₅ caun₂ jui₅ co₂dsau₅.

¹⁰ Dsen₅₄ jme₁tín₅ 'nia' ₂ 'au' ₂ jmó' ₂ na₅ a₂tē₅ dsí₅ Te₁gui' ₅₄.

¹¹ Tsá₃ quen' ₅₄ 'nia' ₂ jë₄ 'e₂ a₂tsá₃ ta₁ tí₄ a₂niog₅ jmo₅-dsá₅ dsa₂ i₂tén₅ jë₄ qui₁né' ₃; ja₂lín₃ guè₄ dse₃ jme₁jnia₅ 'nia' ₂ a₂jaun₂ tē₂le₃ ja₁jniá₂ si₂.

¹² Ia₁ caun₂ lë₁o₂guí' ₃ bá₄, jua' ₅₄ la₂ dsia₃ dsa₂ a₂jmo₅ dsa₂ 'éi₂ jë₄ tē₃co' ₅₄.

¹³ La₁ ca₂le₃jě₃ bá₄ rē₂jniá₂ jë₁ma₂ca₂tág' ₃ si₂.

¹⁴ Ia₁ quian' ₅₄ si₂ bá₄ jmo₅ a₂rē₂jniá₂ ca₂le₃jě₃. 'Uig₅₄ jaun₂ guè' ₂ juá' ₂:

Jme₁jnio₂ ne' ₅₄, 'ne₂ i₂rē₂güín₃; nau₂, jú₅ jín₄ 'lag₄;
jaun₂ jmo₃ Cristo tág₅ si₂ quió' ₅ ja₁cong' ₂.

¹⁵ Jaun₂ lë₃, rē₂ de' ₂ quion₂ 'nia' ₂ 'í₁ 'a₂ lia' ₂ i₂niog' ₅₄. Jaun₂ tsá₃ ma₃i₁niog' ₄ jui₁lia' ₂ i₂nio₄ dsa₂ i₂tsá₃ 'e₂ ηí' ₂ dsí₅; jui₁i₂nio' ₄ bá₄ 'nia' ₂ a₂líng' ₅ dsa₂ i₂tín₂, i₂ηí' ₂ dsí₅.

¹⁶ Quen' ₂ 'nia' ₂ bí₂, nē₃ lia' ₂ cuin₅ jmig₄, a₂jmó' ₂ 'nia' ₂ a₂dse₃, ia₁ 'ηio₅ jui₁si ma₂'lín' ₅₄ dsa₂ jmig₄ rē₂nē₃.

¹⁷ Jaun₂ lë₃, tsá₃ jme₁con₅₄ 'nia' ₂ 'au' ₂; dsen₅₄ 'au' ₂ 'nia' ₂ jmo₄ jui₁le₂ηíg' ₂ na₅ a₂'ηio₂ dsí₅ Te₁gui' ₅₄.

¹⁸ Tsá₃ jui₁qui₂le₂'en' ₅ 'nia' ₂ quian' ₅₄ ti₁jmíg₃, ia₁ a₂nē₅ bá₄ jiog₅ jui₅ ja₁dsi₂'én₂ dsa₂; tē₂le₃ jui₁jme₂can' ₂ 'nia' ₂ quian' ₅₄ Jme₂dsí₂ Jnió₅.

¹⁹ Dsia₄ 'nia' ₂ le₂jang' ₂ le₂jang' ₂ qui₁juig' ₅₄ ríng' ₂ quian' ₅₄ salmos, quian' ₅₄ himnos, quian' ₅₄ son₅₄ a₂gu₂dsí₂, 'ë₄ 'nia' ₂ jmo₄ son₅₄ jui₅ tē₂'au' ₂ a₂jme₁juing' ₂ Te₁gui' ₅₄.

²⁰ Jui₁i₂nio' ₄ bá₄ 'nia' ₂ co₂tan₅₄ cuè' ₅₄ ti₁'mag' ₄ Diú₄ i₂lín₅ Tia₅₄ quián₂ o₄quió' ₄ ca₂le₃jě₃, lia' ₂ con' ₂ lë₅ bí₂ quió' ₅ Te₁gui' ₅₄ Jesucristo quián₂ jniog₄.

'A₂ lia' ₂ 'nió' ₅ le₃chan₂ dsa₂ 'én₂ ta₁caun₂ nió' ₃ lia' ₂ caun₂ dsi₂néi₂

- 21 Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂, ia₁ a₂gan'₃ 'nia'₂ Cristo.*
- 22 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, juí₁lia'₂ tion'₅₄ 'nia'₂ 'éi'₃ quió'₅ Te₁gui'₅₄.
- 23 Ia₁ dsa₂ ñe'₂ bá₄ i₂lín₅ mi₂dsi₄ quián₅ 'io₅₄, juí₁lia'₂ lín₅ Cristo mi₂dsi₄ quián₅ guá'₅. Cristo bá₄ ján₃ i₂lín₅ i₂ma₂lió₂ quián₅ guá'₅, ia₁ guá'₅ guë'₂ ně₃ lě₅ co₂'nió'₄ ni₁ñi₁₂ 'ñiog₅.
- 24 Le₂ně₅ juí₁lia'₂ guá'₅ tíoín'₅₄ 'éi'₃ quió'₅ Cristo, ján₃ bá₄ le₂ně₅ juí₁lia'₂ dsa₂ mí₂ ca₂tín₂ tóin'₃ 'éi'₃ quió'₅ dsi₂i₂gu₂ jě₄ ca₂le₃jě₃.
- 25 'Nia'₂ dsa₂ ñe'₂ guë'₂ ně₃, jme₁'nió₄ 'nia'₂ dsa₂ mí₂ quiáng'₂ juí₁lia'₂ ca₂jmo₃ Cristo ca₂jme'nió₃ guá'₅, ca₂le₃jě₃ ca₂guein'₃ 'mú₃ o₄ quió'₄ 'éi'₂.
- 26 Le₂ně₅ ca₂jmo₃ ia₁jaun₂ ma₂lě₅ 'í₁ Guá'₅ ca₂jme₃dse₃ ca₂ráng'₂ ně₂jag₄ bá₄ quian'₅₄ jmig₂ tē₂le₃ quian'₅₄ jág₁ quió'₅;
- 27 ia₁jaun₂ jme₃ñiog₂₃ chei'₃ ne₅₄ 'ñiog₅ a₂lág₅ guá'₅ i₂jlán'₁ i₂tsá₃ rē₂'ñió₄ 'i₁caun₂, on₃ guë'₂ cha₂ jua'₅₄ ja₁lě₄ qui₂lě₁tsín'₃ quió'₅, on₃ guë'₂ 'i₁caun₂ guë'₄ jua'₅₄ a₂siá'₂ lě₅, jaun₂ dsióg₄ lín₅ caun₂ guá'₅ i₂lě₅ 'í₁ quián₅ i₂dsen₃ guë₄ lín₃.
- 28 Le₂ně₅ bá₄ ján₃, ca₂tín₂ dsa₂ ñe'₂ jme'nió₃ dsa₂ mí₂ quián₅, juí₁lia'₂ 'nió₃ ñi₅₄ 'ñiog₅. I₂'nió₃ dsa₂ mí₂ quián₅, 'nió₃ 'ñiog₅ bá₄ ján₃.
- 29 Ia₁ 'i₁jan₂ tsá₃ jua'₅₄ 'io'₅₄ ni₁ñi₁₂ 'ñiog₅, tē₂le₃ jme₂tau₅₄, jmo₂₃ 'í₁, juí₁lia'₂ jmo₅ Cristo ján₃ quian'₅₄ guá'₅,
- 30 ia₁ le₂jau₂ le₂jau₂ jniog₄ téi₅ ni₁ñi₁† 'éi'₂.
- 31 “Jaun₂ bá₄ lě₃ ca₂tín₂ dsa₂ ñe'₂ qui₃tén₂ chog₅₄-jmei₂, con'₂ tian'₃ jme₃quian'₅₄ dsa₂ mí₂ quián₅, ia₁jaun₂ dsióg₄ lén₂ caun₂ bá₄ ñí₅ jě₁le₃oin₃ le₂jaun₂.”‡
- 32 Jág₁ ně₅ lě₅ caun₂ jág₁ juë'₂ a₂ma₂ca₂rě₃jniá₂. La₁ juá'₅ jniá₂ 'íng₅ Cristo quian'₅₄ guá'₅ quián₅.
- 33 La₁ ně₃ ně₃, le₂jan'₂ le₂jan'₂ 'nia'₂ jme₁'nió₄ dsa₂ mí₂ quiáng'₂, juí₁lia'₂ 'nióg'₃ guiong'₅₄; ján₃ guë'₂ le₂jaun₂ dsa₂ mí₂ ca₂tín₂ jme₃gain₃ dsi₂i₂gu₂.

6

- 1 'Nia'₂ i₂lín₅ chi'₂, ca₂tín₅'₂ le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-ñéi'₅ 'nia'₂, ia₁ le₂ně₅ bá₄ dse₃.
- 2 Le₂la₂ juá'₂ jě₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuë₃: “Jme₁gan'₃ 'nia'₂ chog'₂-ñéi'₅,
- 3 ia₁jaun₂ bá₄ dse₃ le₃chang'₂ ton'₂ uë₂ le₃chang'₂ ne₄ gua'₅₄ 'uë₃.”*
- 4 'Nia'₂ guë'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lě₁jmai'₅₄, ia₁jaun₂ tsá₃ uë₂ 'í₂ 'nei₂ dsi₅, tē₂le₃ 'nió'₅ tsin'₅₄ 'nia'₂ caun₂ juí₅ rē₂, a₂jme₁tín'₅ le₃quió'₅ Te₁gui'₅₄.
- 5 'Nia'₂ guë'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uë₃ la₂, juí₁le₂tín₂ 'au'₂ 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ ně₂jag₄ bá₄ a₂jme₂tí'₁ ta₁ ne₄ Cristo.
- 6 Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ juí₅ a₂jñia'₅₄ con'₂ tíong'₂ dse₃ quian'₅₄; jmo₄ 'nia'₂ a₂lín₅ i₂jme₂ti₃ ne₄ Cristo, jmo₄ 'nia'₂ a₂'nió₃ Diú₄ ca₂le₃jě₃ 'au'₂.
- 7 Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güí₃.

* 5:21 A₂lín₅₄ chog₅₄ si₂: “ia₁ a₂gan'₃ 'nia'₂ Diú₄.” † 5:30 A₂lín₅₄ chog₅₄ si₂: “quian'₅₄ mu₅ 'ein₅₄ ně₃.”

‡ 5:31 Génesis 2:24. * 6:3 Deuteronomio 5:16.

⁸ Ia₁ ma₂ŋi'₅₄ bá₄ 'nia'₂, cuë₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lě₅ a₂dse₃ a₂ma₂ca₂jmo₃, o₁ŋia'₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein₂ ne₄ jme₂ti₃ 'e₂.

⁹ 'Nia'₂ guë'₂ i₂lín₅ juig₅₄, le₂ně₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quian'₅₄ 'nia'₂ jué'₅. Ia₁ ma₂ŋi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juíg₃, i₂lín₅ Juig₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Ei₂ bá₄ tsá₃ jma₃quén₅ jín₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Ně₃ ně₃, jě₁ca₂tó'₂ juá'₅ jniá₂ juíg₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ juí₅bí₂ bėn₂ quió'₅.

¹¹ Qui'₂ 'nia'₂ ca₂le₃jě₃ 'e₂ a₂cuë₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ náu'₁ tiá₂ ne₄ mai₅₄ quió'₅ i₂sě₃dse₃.

¹² Ia₁ on₃jua'₅₄ quian'₅₄ dsa₂ mi₂güig₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂, quian'₅₄ jme₂dsí₂ i₂'io₅ juí₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guë'₄ 'lióg₂ 'lín'₅₄ gu₂dsí₂ i₂nió₄ gon₂ dsi₁güig₂ bá₄ cág'₂ jniog₄.

¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuë₅ Diú₄, ia₁jaun₂ bá₄ tian'₃ 'nia'₂ tióng'₂ tiá₂ jě₁ma₂tě₂ rě₁jmóg'₂ 'nei₂ i₂sě₃dse₃, ia₁jaun₂ cang₂ jě₁ma₂ca₂lín'₃ 'nia'₂ 'nei₂ ně₃, lia'₂ ma₂tión'₂ jaun₂ bá₄ 'nia'₂ tiá₂.

¹⁴ Nau₂ 'nia'₂ tiá₂ jaun₂ ně₃, co₂'nió'₄ a₂qui₂rě₂'ŋe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rě₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ juí₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ juí₁lia'₂ jan₂ 'lióg₂ i₂rě₂lióg₃ ŋí₁ le₁dsí₅.

¹⁵ Chan'₂ 'nia'₂ rě₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ ně₂jag₄ bá₄ jan₂ 'lióg₂ chén'₅ rě₂ján₁ rě₂lín'₅₄ ton₅ lau₂ tag₅₄.

¹⁶ Ne₄ ca₂le₃jě₃ a₂ně₅, juí₁le₂cha₂ 'én'₂ 'nia'₂ ia₁jaun₂ lě₅ ně₂jag₄ co₂'nió'₄ caun₂ ŋí₁ lí₂ a₂chan'₄ 'nia'₂ a₂rě₂quion'₅₄ 'nia'₂ a₂long'₅₄, co₅₄ a₂jaun₂ qui₂éi₃ 'ma₂chen'₂ le₁guí'₂ si₂ a₂qui₂jnáu'₂ i₂sě₃dse₃ jnái'₂ 'nia'₂.

¹⁷ Juí₅ ma₂lón'₂ 'nia'₂ chang'₂ ně₅, juí₁le₅₄ bá₄ juí₁lia'₂ lě₅ ŋí₁ 'i₄ dsi₄ 'lióg₂, lě₅ 'í₁; ton₂ quian₂ 'nia'₂ jág₁ quió'₅ Diú₄ a₂lě₅ ŋi₁tág₂ quió'₅ Jme₂dsí₂, a₂cuë'₅ 'nia'₂.

¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mí'₂ 'nia'₂ juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄.

¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ ně₃ a₂'ě'₄ jág₁ dse₃ a₂jme₁rě₂'ma₄ quió'₅ Diú₄.

²⁰ Diú₄ ma₂ca₂chei₃ jniá₂ a₂lín'₄ i₂chen₄ quián₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě'₄ jág₁ dse₃ la₂, lia'₂ con'₂ dsi₂ten₅₄ ca₂tín'₂ jmo₅₄.

Cuag₂₃ Diú₄ jě₁ca₂tó'₂

²¹ Tíquico, rin'₅₄ jniog₄ i₂'nióg₃ guë'₄ lín₃, i₂jme₂ti₃ i₂jme₂'o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ŋi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃.

²² Jaun₂ bá₄ lě₃ tsín₂ jniá₂ ja₁tion'₅₄ 'nia'₂, ia₁jaun₂ le₃ŋi'₅₄ 'a₂ lia'₂ lě₅ chong₂ jnia'₅₄ ia₁jaun₂ cuë'₅₄ 'nia'₂ lián'₂ 'au'₂.

²³ Juí₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tion'₅₄, 'nió'₃ 'nia'₂ rín'₂, 'én'₂ 'nia'₂ ně₃.

²⁴ Juí₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmig₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Si₂ carta a₂ ca₂ jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jniá'₅₄ i₂jme₂ti₃ ta₁ ne₄ Jesucristo; jmo₂ jniá'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quián'₅₄ ja₁con₂ dsa₂ i₂jme₂'o₅₄† nē₃.

² Ju₁i₁jme₂gu'₅₄ Diú₄, ju₁i₁'ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo nē₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsí₃ 'nia'₂.

⁴ Lia'₂ co₂ráun₂ chi₂len'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jén₅,

⁵ ia₁ co₂dsia₅ bá₄ ma₂ja₂ná₅ jniog₄ quen'₂ bí₂ o₄quió'₄ jág₁ dse₃ ca₃le₃ jmig₄ le₂'uig₅₄ ca₂lia'₂ jnió₂ jmig₄ nē₃.

⁶ Caun₂ bá₄ 'ei₅ dsí₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con'₂ 'nia'₂, jme₃'ñia₂₃ ca₂lia'₂ ca₂tě₂ jmig₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsí₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsí₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jñia'₅₄ ne₄ dsi₂tan₅₄ dsióg₄ jniá₂ ja₁lé₂ le₃long₅₄ jág₁ dse₃, ton'₂ lé₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁.

⁸ I₂ñi₅ dsí₂jó₃ bá₄ Diú₄ a₂ñí₄ lě₃ dsen₅₄ dsí₃ jniá₂ 'nia'₂ ca₂le₃jíng'₃, lia'₂ con'₂ lě₅ ñí₄ lě₃ Cristo.

⁹ Le₂la₂ bá₄ chi₂len'₄ jniá₂ Diú₄: a₂qui₂dsí₃jón₃ a₂jme₁'nió'₄ 'nia'₂ ríng'₂ 'ñio₅ lín₃, lia'₂ ma₂tě₂dsi₅₄ jaun₂ a₂qui₂rě₂ñí'₂ dsei'₂ 'nia'₂ a₂qui₂le₃quing'₅₄ 'nia'₂ jmig₄,

¹⁰ ia₁jaun₂ lé₂ le₃caun'₅₄ 'í₁ 'e₂ jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁ióg₄ jme₂dsí₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jē₁ma₂tě₂ rē₁tě₃ jmig₄ quió'₄ Cristo.

¹¹ Le₂ně₅ bá₄ ján₃, lé₂ ju₁i₅ a₂i₁nió'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tē₂le₃ quián'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ nē₃.

Tě₂le₃ quió₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₂ñíg₂, tě₂le₃ lě₅ guě₄ dsón'₂ cuě₂₃ bí₂ a₂dsí₃'ag₅ jág₁ dse₃.

¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ guě₄ ríin'₅₄ nē₃, a₂'eng₅₄ rē₂jníg₅ 'uig₅₄ ia₁ a₂'éng₂ le₃quió'₅ Cristo.

¹⁴ 'Uig₅₄ ia₁ a₂rē₂jníg₅ nē₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'ě₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lín₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ guě₂ i₂lín₅₄ dsia₂₃ a₂dse₃ dsí₅ 'iin₂₃ Cristo.

¹⁶⁻¹⁷ I₂le₂'éi₂ nē₃ jmo₂₃ ia₁ a₂'nio₃, ia₁ ñi₅ rē₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ nē₃, dsia₂₃ 'iin₂₃ Cristo cha₂ a₂'ín₅ dsí₅ a₂jñia'₅₄ con'₂ 'ín₂ dsí₅

* **1:1** griego: epískopos. † **1:1** griego: diákonous. 'Nio'₂ ja₁ton₅ Hechos 6:1-7; 21:8.

le₃chain₂ dse₃ guioin₅₄ bá₄, on₃jua'₅₄ rē'₂ a₂tē₃dsón'₂ lě₅ dsí₅; a₂'nio₃ jmóg'₂ jniá₂ cuē₃ o₂me'₅₄ dsí₅ tē₁lia'₂ 'eng₅₄ rē₂jní₅.

18 La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁'ē₅₄ dsa₂ já_{g1} quió'₅ Cristo, ca₂le₃jě₃ ne₅₄ 'a₂lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂,

19 ia₁ guion₄ bá₄ jniá₂ jaun₂, quian'₅₄ ca₂le₃jě₃ a₂ně₅, o₃ 'ing₅ a₂líong₂ con'₂ dse₃, tē₂le₃ ia₁ a₂mi'₂ 'nia'₂ ne₄ Diú₄ o₄quió₃, tē₂le₃ quian'₅₄ bí₂ a₂cuē₅ jme₂ 'o₅₄ Jme₂dsí₂ quián₅ Jesucristo ně₃.

20 Ia₁ chi₁jan₁ jniá₂ 'ín₂ dsí₃ a₂tsá₃ tē₃tsing'₅₄ o₂guí'₃ quian'₅₄ 'i₁caun₂, jaun₂ tē₂le₃ lě₅ guě₄ 'ag₃ caun₂ dsí₃, ia₁jaun₂ le₃jniá₂ a₂jlán'₁ Cristo jui₅ ni₁ñi₃ jniá₂, o₁jñia'₅₄ la₂ chang₂, o₃ jóng₂ 'e₂.

21 Ia₁ tē₂le₃ quió₃ jniá₂, o₄quió'₄ Cristo bá₄ chang₂, já_{n3} bá₄ a₂ca₂lág₃ co₂'nió'₄ a₂tē₁dsí₅₄ ně₁ca₂jong₃.

22 Ia₁ ně₁jua'₂ caun₂ chang₂ 'ñió'₃ ni₁ñi₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂ lě₃ tsá₃ guion₄ jniá₂ 'e₂ quio'₅₄.

23 'Nio₅ juí'₅ líng₂ na₅ bá₄ jaun₂ a₂quio'₄ jniá₂ jē₁le₃tín₃ le₂ně₅: tē₂le₃ ca₂ton₂, 'nio₃ jua'₅₄ jóng₂ né_{g4} i₁gua₃ quian'₅₄ Cristo, a₂ně₅ bá₄ ja₂lín₃ guě₄ dse₃ tē₂le₃ quió₃ jniá₂;

24 la₁ tē₂le₃ ca₂ton₂ guě'₂ ně₃, 'ñio₅ guě₄ dsen₅₄ ta₁ ja₁con'₂ 'nia'₂, 'nió'₅ le₃chang₂ 'ñió'₃ ni₁ñi₅ la₂.

25 Jaun₂ caun₂ bá₄ 'ei₅ dsí₃ líng₂ le₂ně₅, jaun₂ jan₅₄ bá₄ guě₄ jniá₂ quian'₅₄ 'nia'₂, ia₁jaun₂ lé₂ le₃jme₁'on₁ jniá₂ 'nia'₂ a₂náu'₁ tiá₂ a₂o₁nóg'₅ ne₄ jui₅ a₂jmó'₂ 'nia'₂ 'io'₂ guě₄ a₂'éng'₂,

26 ia₁jaun₂ dsí₃tsón₃ a₂jmó'₂ 'nia'₂ 'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁ a₂quian'₄ jniá₂ 'nia'₂.

27 Jñia'₅₄ lia'₂ cán₂ 'nia'₂ caun₂ jui₅ con'₂ dsí₂ten₅₄ lia'₂ con'₂ lě₅ já_{g1} dse₃ quió'₅ Cristo. Le₂ně₅ jaun₂, o₁jñia'₅₄ la₂ ca₂dsió₃ jniá₂ i₁jag₁₂, o₃ tsá₃ ca₂dsió₃, o₃ chi₂jua'₂ tē₂le₃ ca₂ñó₃ guě₄ uíng₂ 'e₂, la₁ 'nio₃ jniá₂ dsí₁lé₂ já_{g1} le₃guion₅₄ a₂chan'₂ 'nia'₂ tíong₂ tiá₂, 'ei₅ caun₂ já_{g1} le₃quió'₅ jme₂dsí₂, jme₂'ñió'₄ 'nia'₂ ca₂le₃jíng'₃ co₂dsia₅ o₄quió'₄ já_{g1} dse₃ a₂'éin₂ jniog₄.

28 Tsá₃ lě₁can₂ 'nia'₂ juě'₅ 'e₂ qui₂quiong₅ ju₁lia'₂ dsa₂ i₂'iog₅₄ 'nia'₂. Ia₁ a₂ně₅ jau'₂ 'í₁ rē₂ a₂lén₄ dsa₂ 'éi₂ a₂tioin'₅₄ jui₅ ja₁dsí₃'éin₂; la₁ le₂jaun₂ guě'₂ já_{n3} jau'₂ léi₄ rē₂ táng₃ a₂tion'₅₄ 'nia'₂ jui₅ ja₁tíng'₄; a₂ně₅ bá₄ a₂já₅ quió'₅ Diú₄.

29 Ia₁ 'uig₅₄ quió'₄ Cristo ca₂ñi'₂ 'nia'₂, on₃jua'₅₄ jmá'₃ le₃'én'₂ 'nia'₂ le₃quió'₅, já_{n3} guě'₂ le₂jaun₂ ñag'₅₄ uig₅ o₄quió'₄,

30 ia₁ co₂rē₂ bá₄ 'nei₂ dsí₂ñi'₂ 'nia'₂ jui₁lia'₂ ma₂tě₂ ne'₅₄ 'nia'₂ a₂dsí₂ñi'₂ jniá₂, con'₂ siá'₂ táng₃ rē₂ně₃ rē₂ñi'₅₄ 'nia'₂ lia'₂ ma₂dsí₂ñi'₂ jaun₂ bá₄.

2

'A₂ lia'₂ ca₂jmo₃ Cristo sioin₅, 'a₂ lia'₂ ca₂rě₃juin'₂ táng₃

1 Jaun₂ le₂ně₅, chi₂jua'₂ qui₂gue'₂ 'nia'₂ lián'₂ le₃quió'₅ Cristo, chi₂jua'₂ 'a₂lia'₂ 'nio₃ 'éi₂ 'nia'₂ qui₂'ag₂₃ bá₄ dse₃ 'au'₂, chi₂jua'₂ 'ei₅ caun₂ já_{g1} quian'₅₄ Jme₂dsí₂ quián₅, chi₂jua'₂ cha₂ a₂'ua₁ ñéi₂ 'au'₂ 'nia'₂ ríng'₂:

2 jme₁'ña₅ 'nia'₂ o₂'ñió₃ dsí₃ jniá₂, a₂tión'₂ 'nia'₂ 'ei₅ caun₂ já_{g1}, quian'₅₄ 'nia'₂ ríng'₂ 'nió'₃ 'nia'₂, tē₂le₃ quian'₅₄ jan₂ Jme₂dsí₂, ca₂ne₅₄ bá₄ ta₁ tión'₂ 'nia'₂.

3 'I₁caun₂ tsá₃ lě₁jmo₂ 'nia'₂ jua'₅₄ a₂jñia'₅₄ dse₃ ja₁con'₂ 'nia'₂ guiong'₅₄ on₃ guě'₂ jmo₂ 'nia'₂ róng'₂. Jmo₄ bá₄ 'nia'₂ meg'₂, jmo₄ 'nia'₂ 'au'₂ ja₂lín₃ guě₄ dsen₃ rín'₂ 'nia'₂ con'₂ guě₄ guion'₅₄ 'nia'₂.

⁴ I₁jan' ₂nia' ₂ tsá₃ ca₂ne₅₄ 'no' ₂jua' ₅₄ a₂jnia' ₅₄ con' ₂dse₃ ja₁con' ₂'nia' ₂guiong' ₅₄,
'nio' ₂bá₄ 'nia' ₂a₂dse₃ quió' ₅ ja₁con' ₂i₂sián' ₂ján₃.

⁵ Jui₁le₅₄ bá₄ 'au' ₂'nia' ₂jui₁lia' ₂ca₂lě₃ dsí₅ Cristo Jesús:

⁶ Ia₁o₁jnia' ₅₄ la₂lín₅ 'éi' ₂nió' ₄quió' ₅Diú₄,
on₃jua' ₅₄jaun₂ca₂jmo₃ dsí₅a₂ca₂tíin₂tion₅₄
a₂lén₂co₂rín₂quiain' ₅₄Diú₄,

⁷ tē₂le₃ca₂jmo₃ bá₄ 'éi' ₂cau₅a₂jme₁tíin₂ně₃,
ně₂jag₄bá₄a₂tsá₃'e₂quein₅,
ca₂can₃jui₅ca₂já₃a₂lín₅dsa₂i₂jme₂tí₃,
jme₁ca₂rě₃cháin₃a₂lín₅dsa₂mi₂güí₃.

⁸ Jme₁ma₂ca₂rě₃jniái₂a₂lín₅dsa₂ně₃,
ca₂jmo₃mei' ₂.

Jaun₂guě₄ca₂lín₃jan₂i₂ca₂rě₃ne' ₅₄,
ca₂jme₃tí₃ně₃,

ca₂le₃jě₃ca₂guein₃'mú₃,
ca₂lia' ₂jnia' ₅₄lia' ₂ca₂dsióg₃'mú₃tě₃toin₅₄cróg₄.

⁹ Uig₅₄jaun₂, Diú₄ně₃, ja₂lín₃guě₄nei₅ca₂jme₃juag' ₂,
ján₃guě' ₂ca₂dsiog₃a₂lín₅ta₁juě' ₂a₂goin₂
a₂quein₅guě₄'nio₅lín₃con' ₂guě₄ca₂le₃jín₃,

¹⁰ ia₁jaun₂tē₂le₃ne₄'éi' ₃a₂gon₂Jesús,
jui₁chi₂jnë₃ca₂le₃jín₃i₂tion' ₅₄guei' ₅₄i₂juí₃,
quian' ₅₄i₂tion' ₅₄gua' ₅₄'uě₃,
quian' ₅₄i₂tion' ₅₄le₃né' ₃'uě₃ně₃;

¹¹ ia₁jaun₂tion₃ca₂le₃jě₃le₁tsi' ₂dsa₂
a₂dsón' ₂bá₄lín₅Jesucristo Te₁gui' ₅₄,
jaun₂le₂ně₅le₃juin' ₂Diú₄Jmei₂.

Lín₅dsa₂quián₅Cristo ně₂jag₄bá₄si₂tē₂le₃ja₁con' ₂dsa₂mi₂güí₃

¹² Uig₅₄jaun₂ně₃, 'nia' ₂rín' ₅₄jniog₄, jui₁lia' ₂ma₂ja₂nóg' ₅ma₂rě₂ten' ₅₄tián₂
'nia' ₂lia' ₂con' ₂jme₁eng₅₄quian' ₅₄'nia' ₂, tē₂le₃'nio₅lín₃guě₄ca₂tín' ₂'nia' ₂
nág' ₁gau₂rě₂ně₃, tē₁lia' ₂'eng₅₄uíng₂. Jme₁le₅₄bá₄'nia' ₂guiong' ₅₄jui₁lia' ₂ta₁
a₂ma₂lóng' ₂, jmo₂'nia' ₂meg' ₂'ei₅gau₂.

¹³ Ia₁Diú₄bá₄i₂jmo₅ta₁ja₁con' ₂'nia' ₂, a₂qui₂lě₂'au' ₂'nia' ₂a₂dse₃, a₂qui₂lě₂ta₁
ján₃, lia' ₂con' ₂lě₅a₂'nio₂dsí₅.

¹⁴ Jmo₄ca₂le₃jě₃, la₁tsá₃jmo₂jua' ₅₄tsá₃dsáu₅'au' ₂'nia' ₂ríng' ₂a₂chi₂'ín' ₄'nia' ₂,
on₃guě' ₂jmo₂'nia' ₂mi' ₅₄,

¹⁵ ia₁jaun₂bá₄'i₁jan₂tsá₃'ein₂le₃bóg' ₂dso₄on₃guě' ₂jua' ₅₄cha₂a₂rě₂cán' ₄
'nia' ₂, jmo₄'nia' ₂a₂lín₅'chi' ₂-guein₂quián₅Diú₄i₂tsá₃'e₂rě₂cán' ₄, i₂tsá₃'e₂
rě₂'nio₄jě₄quió' ₄dsa₂'lín' ₅₄i₂rě₂gán₃dsí₅. 'Nia' ₂bá₄lín₅jui₁lia' ₂nei₅, a₂jmo' ₂
tág₅ne₄quió' ₅caun₂mi₂güí₃qui₁né' ₃,

¹⁶ ja₁o₂can' ₄'nia' ₂jág₁dse₃a₂le₃chan₂dsa₂. Le₂ně₅, jē₁ma₂tě₂rē₁guan' ₂Cristo,
lé₂le₃jmo₅₄jniá₂dsí₃ně₂jag₄a₂rě₃tan₅₄jniá₂o₄quián' ₂'nia' ₂, jē₁ma₂cha₂caun₂
léi₄a₂tsá₃jua' ₅₄a₂lě₁ca₂ñi₃co₂chi' ₅₄, on₃guě' ₂jua' ₅₄ca₂jmo₃ta₁a₂tsá₃'e₂ta₁tí₄.

¹⁷ La₁jui₁'a₂guě₃la₂ca₂quíng₂a₂lén₂rě₂jeng' ₅₄ne₄Diú₄, o₄quió' ₄a₂'én' ₂'nia' ₂,
'nio₅lín₃'io' ₂jéin₅jniá₂, quian' ₅₄bá₄jniog₄rín' ₅₄a₂jmo' ₁'io' ₂ca₂le₃jág₃.

¹⁸ Jmo₄'nia' ₂'io' ₂ján₃, jme₁quiong' ₅₄bá₄'nia' ₂jniá₂a₂jéin' ₅jniá₂'io' ₂.

Timoteo quian' ₅₄Epafrodito

19 Nē₁jua₂ 'nio₃ Te₁gui₅₄ Jesús, 'ín₂ dsi₃ jniá₂ tsing₅₄ ŋi₅₄ ta₁ Timoteo dsi₃jii_n₅₄ 'nia₂, ia₁jaun₂ 'ŋio₅ lín₃ gué₄ 'io₂ jmo₅₄ jē₁ma₂ca₂rē₃guion₅₄ jniá₂ 'a₂ lia₂ chan₂ 'nia₂.

20 Ia₁ 'i₁jan₂ i₂sián₂ tsá₃ chan₂ i₂lē₅ dsi₂jio_g₅ dsí₅ co₂rē₂ jui₁lia₂ dsi₂jio_g₅ dsi₃ jniá₂, jua₅₄ i₂'i₅ dsí₅ tē₃dsón₂ a₂dse₃ tē₂le₃ ja₁con₂ 'nia₂;

21 ia₁ ca₂le₃jín₃ bá₄ dsa₂ 'no₂ a₂dse₃ quió₅ guioin₅₄, tsá₃ dsa₂ dsí₅ a₂'ín₅ dsí₅ ja₁con₂ Cristo Jesús.

22 La₁ ca₂le₃jín₃ bá₄ 'nia₂ ma₂ŋi₅₄ 'a₂ lia₂ ma₂ca₂jme₃jnia₅ Timoteo a₂tiin₂ a₂ŋi₅ a₂ma₂ja₂náu₅ jnia₅₄ quaiain₅₄ a₂jme₂tí₁ a₂qui₂'ě₅ jág₁ dse₃, ma₂já₅ jme₂ti₃ co₂lē₅ ne₄ Te₁gui₅₄ jui₁lia₂ jan₂ chi₂ i₂jme₂'on₅₄ jme₁₂.

23 Le₂nē₅ 'ín₂ dsi₃ caun₂ jmig₄ a₂tsiin₅₄ dsi₁jii_n₁₂ 'nia₂ jē₁ma₂ca₂rē₃guion₅₄ 'a₂ lia₂ lē₅ tē₂le₃ quió₃ ja₁lá₃.

24 La₁ia₁ caun₂ bá₄ 'ei₅ dsi₃ ja₁con₂ Te₁gui₅₄, 'nio₃ bá₄ jniá₂ dsió_g₄ ŋi₅₄ ta₁ i₁jing₁₂ 'nia₂.

25 La₁ tion₅₄ 'nió₅ ján₃, lín₂ jniá₂, dsiang₅₄ Epafrodito, i₂lín₅ i₂quiang₅₄ jmo₂₃ ta₁ quen₂ jnia₅₄ bí₂ co₂dsia₅ quaiain₅₄, i₂ca₂chen₂ 'nia₂ guiong₅₄ o₃can₅ a₂'nió₅ quió₃.

26 'Éi₂ ně₃ 'ŋio₅ lín₃ 'ín₅ dsí₅ jii_n₂ ca₂le₃jín₃ 'nia₂, 'ŋio₅ 'i₅ dsí₅ ia₁ ca₂rē₃ŋi₅₄ bá₄ 'nia₂ a₂ca₂rē₃dso₅₄ 'éi₂.

27 Dsón₂ bá₄ jaun₂ ca₂rē₃dso₅₄, jnia₅₄ mei₂ tsá₃ ca₂join₃; la₁ ca₂dsia₃ bá₄ Diú₄ ŋéi₂ dsí₅ quió₅, on₃jua₅₄ rē₂ jmá₃ ja₁con₂ 'éi₂, ia₁ ca₂dsia₃ bá₄ ŋéi₂ dsí₅ jniá₂ ně₃, ia₁jaun₂ tsá₃ ŋí₄ lē₃ 'lia₂ dsi₃ tsá₃ len₅ 'a₂ con₂ ma₂chang₂ quian₅₄ o₂i₁ dsi₅.

28 'Uig₅₄ jaun₂ ně₃ 'ŋio₅ gué₄ lē₂ dsi₃ dsiain₅₄, ia₁jaun₂ jmó₂ 'nia₂ 'io₂ jii_n₅₄ táng₃, ia₁jaun₂ tsá₃ ŋí₄ lē₃ chang₂ 'i₅ dsi₃.

29 Guein₅₄ 'nia₂ ca₂lia₂ a₂'ŋio₂ 'au₂ gué₄ lín₃, a₂lín₅ 'éi₂ jan₂ rín₂ 'nia₂ tē₂le₃ ja₁con₂ Te₁gui₅₄, jme₁gon₃ bá₄ 'nia₂ jui₁lia₂ i₂lín₅ lia₂ lín₅ 'éi₂;

30 ia₁ ca₂jui_g₄ bá₄ mei₂ tsá₃ ca₂join₃ 'uig₅₄ ia₁ a₂jme₂ti₃ ta₁ ne₄ Cristo. Ca₂can₃ caun₂ jui₅ go₂ ja₁lé₂ le₃quin₃ jme₂dsí₂ quió₅ a₂jme₃'ŋiai₂₃ jme₃'o₅₄ a₂tsá₃ lé₂ le₃jme₁'o₁ 'nia₂.

3

Jui₅ a₂tē₃dsón₂ dsau₅

1 Nē₃ ně₃, 'nia₂ rín₅₄ jniog₄, jmo₄ 'nia₂ 'io₂ le₃quió₅ Te₁gui₅₄. Tē₂le₃ ja₁con₂ jniá₂, 'i₁ca₂jui_g₄ o₂me₅₄ dsi₅ tsá₃ cha₂ jua₅₄ a₂juá₄ táng₃ jniá₂ a₂ma₂juá₃ ne₄ si₂, ia₁ con₂ lē₅ co₂ŋia₅₄ tē₂le₃ ja₁con₂ 'nia₂.

2 Jmo₄ 'nia₂ 'í₁ quian₅₄ dsa₂ i₂chan₂ jmo₅ lín₅ lia₂ lín₅ dsi₂ji₅₄, i₂jmo₅ a₂'lig₅₄, dsa₂ i₂qui₂ti₅ ni₁ŋi₁₂;

3 ia₁ jniog₄ bá₄ i₂tē₃dsón₂ lág₅ dsa₂ co₂'nió₄ i₂ma₂qui₂rē₂u_{ing}₄ lo₄, jniog₄ con₂ i₂jme₂juín₁ Diú₄ a₂gu₂dsí₂. Jaun₂ o₂'ŋi₃ o₂ŋia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ jui₁lia₂ a₂jmo₅ dsa₂ co₅₄ ni₁ŋi₅,

4 o₁ŋia₅₄ jniá₂ rē₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂nē₅.

Chi₂jua₂ 'ein₂ lín₂ cha₂ 'uig₅₄ a₂'ín₂ dsí₅ ni₁ŋi₅, tē₂le₃ lē₅ gué₄ tson₂ bí₂ chan₂ jniá₂ 'uig₅₄ a₂jaun₂;

5 jme₁ca₂dsin₃ ŋia₃ jmig₄ lia₂ con₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ líng₅ dsa₂ tsi₁jon₂ israelitas, téng₅ le₃quió₅ co₂'nió₃ dsa₂ quián₅ tsi₁jon₂ Benjamín; líng₅ hebreo ia₁ ja₁jaun₂ chang₂ líng₅ chi₂ quián₅ dsa₂ hebreos. Fariseo bá₄ jme₁líng₄ lia₂ con₂ lē₅ jme₁ŋí₂ dsi₃ Si₂ 'Éi₃;

⁶ jui₁lia'₂ a₂dsen₅₄ dsi₃ guë'₂, ca₂lia'₂ qui₂ca₂co₃'én₃ jniá'₂ dsa₂ quián₅ guá'₅; ton'₂ lia'₂ con'₂ lë₅ jme₁chang₂ quian₅₄ jui₅ dse₃ lia'₂ con'₂ lë₅ 'Éi'₃ Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

⁷ La₁ ca₂le₃jě₃ a₂në₅ le₃jua'₅₄ jág₁ a₂të₁ dsi₅₄ le₃quió₃ jniá'₂, a₂jaun₂ jmo₅ jniá'₂ dsi₃ a₂ma₂i₃'én₂ le₃quió'₅ Cristo.

⁸ Dsón'₂ bá₄ jaun₂, të₂le₃ lë₅ guë'₄ jmo₅ jniá'₂ dsi₃ në₂jag₄ bá₄ a₂ma₂i₂'én₂ ca₂le₃jě₃, ia₁ tsá₃ quín₅ 'a₂ con'₂ quen₅ a₂ma₂ca₂rë₃cuíng₅ Cristo Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma₂i₂'én₂ jë₂ a₂jaun₂ quió₃. Jmo₅ jniá'₂ dsi₃ në₂jag₄ bá₄ jme₁qui₅ a₂jaun₂, ia₁ 'nio₃ jniá'₂ léi₂ ja₁con₂ Cristo;

⁹ 'nio₃ jniá'₂ dsió₄ ja₁con₂ 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂ting₂ 'ñió₃ lia'₂ con'₂ lë₅ 'Éi'₃ Juá'₅, të₂le₃ ia₁ a₂quian₄ jniá'₂ jui₅ co₂dsau₅ a₂cuë₅ Diú₄ cuë'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ të₂le₃ ia₁ a₂'én₂ bá₄ dsa₂.

¹⁰ A₂'nio₃ jniá'₂ le₃cuíng₅ Cristo bá₄, 'nio₃ jniá'₂ can₅₄ jui₅bí₂ a₂ca₂jein'₅₄; ján₃ guë'₂ can₅₄ jui₅ jmi₁uig₅ a₂ca₂can₃ 'éi₂, ján₃ guë'₂ a₂dsió₄ jniá'₂ léng₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃,

¹¹ ia₁jaun₂ caun₂ bá₄ 'ei₅ dsi₃ dsió₄ jniá'₂, chi₂jua'₂ lé₂, a₂jeng'₅₄ jin₄ 'lag₄.

Jui₅ ja₁ca₂tág₂ i₁no₁ ja₁lë₄ léi₄ dsi₁no₃

¹² On₃jua'₅₄ guë'₂ a₂ma₂ca₂dsió₃ jniá'₂, on₃ guë'₂ ma₂ca₂rë₃'ñia₅ quió₃. La₁ caun₂ nei₅₄ bá₄ ne₄ jui₅ jme₁'ñió'₄ a₂'ín₂ dsi₃, jui₁lia'₂ ca₂jme₃'ñió'₃ Cristo jniá'₂.

¹³ Rin'₅₄ jniog₄, tsá₃ jmo₅ jniá'₂ dsi₃ jua'₅₄ a₂ma₂ca₂jme₁'ñió'₄ jniá'₂ a₂jaun₂. La₁ia₁ caun₂ la₂ bá₄ jmo₅ jniá'₂: a₂qui₂dsi₃'én₂ dsi₃ a₂qui₂ma₂ñí₂, a₂quín'₄ bí₂ a₂tió₄ nei₅₄ le₃ne₄ jui₅,

¹⁴ a₂dsió₄ jniá'₂ ja₁lë₄ léi₄ ja₁ca₂ting₂ dsió₄, ja₁i₁gue₃ jniá'₂ premio a₂të₂ Diú₄ cuë₃ guei'₅₄ i₂juí₃ a₂cuë'₃ dsa₂ i₂tion'₅₄ le₃quió'₅ Cristo Jesús.

¹⁵ Ca₂le₃jág₃ bá₄ jniog₄ i₂ma₂le₁'ñia₅ quián₂, ca₂tág₂ dsi₃ñia₅ dsi₅ le₂jaun₂. Në₁jua'₂ cha₂ ja₁lín₅₄ a₂ñí'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃.

¹⁶ Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

¹⁷ Rin'₅₄ jniog₄, quian₂ 'nia'₂ jui₅ co₂lë₅ con'₂ lë₅ jui₅ ma₂guio₃ jniá'₂, jag₄ 'nia'₂ rë₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lë₅ ma₂ca₂jme₁tin₅ jnia'₅₄ 'nia'₂.

¹⁸ Ia₁ jui₁lia'₂ ma₂ca₂juí₂ jniá'₂ 'nia'₂ 'lióng₂ ráun₂, con'₂ siá'₂ juá'₅ bá₄ guë'₄ cón'₂ táng₃ ca₂le₃jě₃ dsá₂ jmíg₂ jme₁ne₃, ia₁ juín₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄.

¹⁹ Jë₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quiáin₅ co₂'nió'₄ a₂lag₃ në₁rë₂can'₂ tú'₅ bá₄, 'ñio₅ rón₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uë₃ la₂ bá₄ dsi₂jio₅ dsí₅.

²⁰ La₁ jniog₄ në₃ lág₅ dsa₂ i₂tén₅ guei'₅₄ i₂juí₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñió'₂ ja₁jaun₂ jan₂ i₂lió₂, i₂lín₅ Te₁gui'₅₄ Jesucristo.

²¹ 'Éi₂ bá₄ jme₃tsín₃ ni₁ñi₁ jniog₄ a₂dsi₃'én₂ la₂, ia₁jaun₂ lé₂ lia'₂ jlá'₁ ni₁ñi₁₂ 'ñiog₅. Jmo₃ bá₄ a₂jaun₂ të₂le₃ quian'₅₄ bí₂ a₂'io₂₃ a₂tiin₂ dsia₃ o₄gú₃ 'ñiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

¹ Jaun₂ lë₃, rin'₅₄ jniog₄, 'nia'₂ i₂'nió₃ guë'₄ lín₃, i₂ñí₄ lë₃ 'ín₅ dsi₃ jing₅₄; 'nia'₂ bá₄ líng₅ a₂ñí₄ dse₃ 'ei₅ dsi₃, 'nia'₂ bá₄ líng₅ co₂'nió'₄ premio quió₃, jui₁chan'₂ bá₄ 'nia'₂ le₂në₅ jaun₂ në₃, tión'₂ 'nia'₂ tiá₂ le₃quió'₅ Te₁gui'₅₄.

2 Chi₂len'₄ jniá'₂ Evodia quian'₅₄ Síntique ján₃, jmo'₄ 'nia'₂ caun₂ jág₁ jin₄ ríng'₂ o₄quió'₄ Te₁gui'₅₄.

3 Quian'₅₄ 'ne₂, rin'₅₄ jniog₄ i₂co₂dsia₅ jmo₂ ta₁, juíg₂ jniá'₂ 'ne₂ a₂jme'₁ong'₁ dsa₂ m₁í₂rin'₅₄ jniog₄ ně₅, ia₁ 'éi₂ ca₂quín'₃ bí₂i₂quian'₄ jniá'₂ jme₁ca₂'ě₃ jág₁ dse₃ a₂lión₂ dsa₂, quian'₅₄ Clemente ně₃ quian'₅₄ guě₄ rin'₅₄ sián'₂ ca₂jmo₃ ta₁ quian'₅₄ jniá'₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

4 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, 'io'₂ jmo₄ 'nia'₂!

5 Ju₁le₂jniá'₂ a₂'ua₁ 'au'₂ 'nia'₂ jě₄ quió'₅ le₃jin₃ dsa₂, ia₁ ma₂ja₂quián₃ guan'₂ Te₁gui'₅₄.

6 Tsá₃ jmo'₂ 'nia'₂ 'i₅ 'au'₂ 'i₁caun₂. La₁ chi₂jua'₂ 'e₂ lě₅, chilén'₄ 'nia'₂ Diú₄; m₁i₄ 'nia'₂ ne₄ 'éi₂ ton'₂ ján₃ guě'₂ cuě'₅₄ 'nia'₂ ti₁'mag'₄ 'éi₂.

7 Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ ně₃, tě₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ŋag₅₄ guě₄ lin₃ con'₂ guě₄ a₂lé₂ le₃ŋí'₂ dsa₂.

Ju₁dsi₂jio₅ 'au'₂ jmá'₃ a₂dse₃

8 Jaun₂ lě₃, rin'₅₄ jniog₄, ju₁dsi₂jio₅ 'au'₂ 'nia'₂ ju₁'e₂ a₂tí₅ dsón'₂, ju₁'e₂ a₂ca₂tín₂ jme₃gó'₃ dsa₂, ju₁'e₂ a₂dsi₂ten₅₄, ju₁'e₂ a₂le₁jě₃, ju₁'e₂ a₂'io'₂, ju₁'e₂ a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ ju₁dsi₂jio₅ 'au'₂ 'nia'₂.

9 Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂tě₂ ne'₅₄ ma₂jag'₅₄ 'a₂ lia'₂ jmo₅ jniá'₂: le₂jaun₂ jmo₄ 'nia'₂. Jaun₂ Diú₄ ně₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cuě₅ Pa₄ ti₁'mag'₄ cuě'₅ dsa₂ Filipenses

10 'E₂ guě₄ tě₅ dsi₃ 'io'₂ jéin₅ guě₄ lin₃ le₃quió'₅ Te₁gui'₅₄ 'a₂ lia'₂ lě₃ a₂ca₂dsáu'₃ táng₃ 'au'₂ 'nia'₂ jniá'₂. Tsá₃ 'nio₃ jniá'₂ juá'₄ jua'₅₄ a₂ma₂i₂én₂ 'au'₂ 'nia'₂ jniá'₂, tě₂le₃ ia₁ a₂tsá₃ ma₂cuin₃ jmig₄ jme₁'o'₁ bá₄.

11 On₃jua'₅₄ rě'₂ juá'₅ jniá'₂ ia₁ a₂ca₂rě'₃nió'₃ quió'₃; ia₁ jniá'₂ ně₃ ma₂ca₂rě₃tín₃ bá₄ jniá'₂ a₂'ei₅ dse₃ dsi₃ chi₂jua'₂ 'a₂ lia'₂ lě₅ a₂chang₂.

12 Ma₂guion₄ bá₄ jniá'₂ 'a₂ lia'₂ lě₅ jme₁rě₂chang₂ te₂ŋég₂, ján₃ guě'₂ guion₄ jniá'₂ 'a₂ lia'₂ lě₅ a₂qui₂rě₂tsón₂ quió'₃. Jaun₂ ma₂ca₂rě₃tíng₃ bá₄ a₂chéng'₅ tiá₂ ju₁lě₄ bá₄ 'a₂ lia'₂ lě₅ chang₂. Cha₂ jme₁lin₅₄ qui₂rě₂tang₅₄ dse₃ lin₃, o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rě₂tsón₂, o₃ a₂tsá₃ 'e₂ cha₂ mei'₂ 'e₂.

13 Ca₂le₃jě₃ bá₄ qui'₅₄ jniá'₂ jmig₄ tě₂le₃ quian'₅₄ Cristo i₂cuě₅ bí₂.

14 La₁ia₁, dse₃ bá₄ jaun₂ ca₂quen'₄ 'nia'₂ o₂i₁ dsi₅ a₂quian₄ jniá'₂.

15 Ju₁lia'₂ ma₂ŋi'₅₄ 'nia'₂, rin'₅₄ jniog₄ i₂chan₂ juig₂ Filipos, lia'₂ con'₂ jme₁ca₂jme₁lióg₄ jniá'₂ ca₂'ě₃ jág₁ dse₃ a₂lión₂ dsa₂, jme₁ca₂o₃'ín₃ jniá'₂ 'uě₃ Macedonia, 'i₁caun₂ guá'₅ tsá₃ ca₂jme₃quen'₄ tě₂le₃ quian'₅₄ cu₄; ŋia'₅₄ lia'₂ 'nia'₂ bá₄.

16 Ia₁ lia'₂ con'₂ jme₁'en₅₄ jniá'₂ juig₂ Tesalónica, on₃jua'₅₄ co₂ráun₂ ca₂jme₁'o'₁ 'nia'₂ jniá'₂, ca₂chen'₂ 'nia'₂ cu₄ 'uig₅₄ ia₁ a₂ca₂rě₃'nió'₃ quió'₃.

17 On₃jua'₅₄ rě'₂ a₂dsi₂jio₅ dsi₃ a₂ŋia'₅₄ caun₂ le₃cha₂ a₂ca₂tín₂ jniá'₂ a₂qui₁gue₅₄; a₂jaun₂ bá₄ 'nio₃ jniá'₂ a₂le₃cha₂ 'uig₅₄ a₂jme₃'mag'₂ Diú₄ quián'₂ 'nia'₂.

18 La₁ ma₂gue₃ bá₄ jniá'₂ le₃jě₃, tě₂le₃ lě₅ guě₄. Quian'₅₄ a₂ca₂chen'₂ 'nia'₂ tě₂le₃ quian'₅₄ Epafrodito, ma₂rě₂tsón₂ bá₄ quió'₃. A₂ca₂chen'₂ 'nia'₂ jaun₂ quió'₃, lě₅ ju₁lia'₂ lě₅ caun₂ a₂rě₂jen'₅₄ ne₄ Diú₄ a₂ja₂ m₁juig₂ a₂ŋio₂ dsí₅ Diú₄ guéi'₅.

19 Diú₄ quiáng₃ ně₃, 'éi₂ bá₄ cuě₃ ca₂le₃jě₃ a₂'nió'₅ quián'₂ 'nia'₂ lia'₂ con'₂ lě₅ a₂ŋí₄ lě₃ jlá'₁ a₂rě₂tsón₂ quió'₅, cuě'₃ 'nia'₂ tě₂le₃ quian'₅₄ Cristo Jesús.

20 Ju₁jme₂juin'₂ bá₄ dsa₂ Diú₄ Jmei₂ jniog₄ ca₂lia'₂ co₂tan₅₄! A₂méi₃.

21 Cuin₅₄ 'nia'₂ Diú₄ o₄ quió₃, ca₂ le₃ jín₃ i₂ tén₅ a le₃ quió'₅ Cristo Jesús. Dsa₂ rin'₅₄ *
i₂ quian'₄ jniá₂ ně₃, cuiin₂₃ Diú₄ 'nia'₂.

22 Cuin₅ 'nia'₂ Diú₄ ca₂ le₃ jín₃ dsa₂ jnió₅, la₁ ia₁ ja₂ lin₃ guě₄ dsen₅₄ cuag₅ Diú₄ dsa₂
i₂ tián'₅ dsi₂ néi₂ quió'₅ gui'₅₄ rag₅₄ emperador.

23 Jui₁ jme₂ gu'₅₄ bá₄ Te₁ gui'₅₄ Jesucristo jme₂ dsí₂ quián'₂ 'nia'₂. A₂ méi₃. †
Co₂ ně₅.

* 4:21 lit. “dsa₂ jnió₅.” † 4:23 A₂ lin₅₄ chog₅₄ si₂ tsá₃ chi₁ ton₅ “A₂ méi₃.”

Si₂ carta a₂ ca₂ jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má₃

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lě₅ quiang'₅₄ rín'₅₄ jniog₄ Timoteo,

² jmo₂₃ si₂ carta la₂ a₂dsiang'₅₄ ne'₅₄ 'nia'₂ rín'₅₄ jniog_{4a} i₂chang'₂ juig₂ Colosas, dsa₂ i₂lě₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂.

⁴ Ia₁ ma₂ca₂rě₃ne₄ bá₄ jnia'₅₄ 'a₂ lia'₂ lě₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lě₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄, *

⁵ ia₁ cha₂ a₂'ín₂ 'au'₂ 'nia'₂ a₂ma₂rě₂'ma₄ a₂lé₂ quián'₂ 'nia'₂ guei'₅₄ i₂juíg₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅,

⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rě₂rau₂ a₂rě₂'én₂ dsa₂, le₂jaun₂ qui₂dsi₂cón₃ jág₁. Lě₂ jui₁lia'₂ ma₂qui₂ma₂lě₅ quian'₅₄ 'nia'₂ ca₂le₃jmi₄g₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rě₃ñí'₂ 'au'₂ 'nia'₂ ně₃, 'a₂ lia'₂ lě₅ a₂tě₃dsón'₂ bá₄ dsau₅ 'ua₁ dsí₅ Diú₄.

⁷ A₂ně₅ ma₂ca₂rě₃tín'₃ 'nia'₂ ca₂jme₃tag₅ Epafras i₂'nióg₃ guě₄ lín₃, i₂ma₂já₅ co₂lě₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rě₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂.

⁸ 'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ Uig₅₄ jaun₂, jnia'₅₄ ně₃, ca₂le₃jmi₄g₄ jme₁ca₂rě₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chilén'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁quile₂'an₂ 'au'₂ ia₁jaun₂ qui₂le₃ñíg'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂,

¹⁰ ia₁jaun₂ bá₄ i₁'nio'₄ 'nia'₂ con'₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lě₅ 'ñio₂ dsí₅ 'éi₂. Jui₁le₂rau₂ bá₄ con'₂ dse₃ ca₂le₃jě₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuíng'₂ guě₄ dse₃ Diú₄.

¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñio₃ 'au'₂ ně₃.

¹² Mi₂ jnia'₅₄ ia₁jaun₂ bá₄ cuě'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lě₅ 'í₁† quián₅, i₂ca₂tín₂ le₃quen'₄ ja₁tág₅ si₂.

¹³ Ma₂ca₂lió₂ Diú₄ jniog₄ o₄gú₃ i₂gon₂jě₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lě₃ 'nioi₃.

¹⁴ 'Éi₂ Š bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rě₃chá₃.

¹⁶ Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juíg₃ quian'₅₄ gua'₅₄ 'uě₃, ca₂le₃jě₃ a₂jniá₂ quian'₅₄ guě₄ ca₂le₃jě₃ a₂tsá₃ jniá₂ ně₃: co₂'nió'₄

* **1:4** lit. "dsa₂jñiós." † **1:12** A₂lín₅₄ chog₅₄ si₂juá'₂: "ma₂jmo₃ ma₂léi₄ jniog₄." ‡ **1:12** lit. "dsa₂jñiós," § **1:14** A₂lín₅₄ chog₅₄ si₂juá'₂: "Quian'₅₄ jmi₂'an₅₄ 'éi₂."

a₂ca₂jmoí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂ně₅ ca₂lín₃ tē₂le₃ quian'₅₄ 'éi₂, ton'₂ o₄quió'₄ 'éi₂ ně₃.

17 'Éi₂ bá₄ i₂jme₁ma₂chan₂ lia'₂ con'₂ né'₃ guě₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rē₂ ca₂le₃jě₃.

18 'Éi₂ bá₄ lín₅ ján₃ mi₂dsi₄ ni₁ŋi₁₂, co₂'nió'₄ le₃jua'₅₄ guá'₅ quiáin₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jín₄ 'lag₄, ia₁jaun₂ lén₂ 'éi₂ i₂dsen₅₄ guě₄ ne₄ quió'₅ ca₂le₃jě₃.

19 Ia₁ ca₂rě₃'ŋi₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jě₃ 'a₂ lia'₂ lín₅ 'ŋiog₅;

20 ca₂rě₃'ŋi₃ dsí₅ ján₃, tē₂le₃ quian'₅₄ 'éi₂, ca₂'ág₂ táng₃ caun₂ jág₁ quiáin'₅₄ 'ŋiog₅, ca₂le₃jě₃ a₂cha₂: lia'₂ ta₁caun₂ guei'₅₄ mi₂güig₃ lia'₂ quian'₅₄ ne₄ gua'₅₄ 'uě₃, ca₂jmo₃ ca₂'ág₂ táng₃ tei₄ tē₂le₃ quian'₅₄ jmi₂ 'ain₅₄ a₂ca₂tein₃ ne₄ cróg₄.

21 'Nia'₂ ně₃, tsá₃ jág₁ jme₁nióg'₅ quian'₅₄ Diú₄ le₂ŋiá₅; tē₂le₃ jme₁'ŋiá'₅₄ bá₄ 'nia'₂, juí₅ 'a₂ lia'₂ jme₁qui₂dsi₂jio₅ 'au'₂, juí₅ 'a₂ lia'₂ jme₁jmo₂-dsá'₅ 'nia'₂ ně₃.

22 La₁ rē₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quiáin'₅₄, tē₂le₃ quian'₅₄ 'mú₃ a₂ca₂can₃ Cristo juí₅ ŋi₅₄. A₂ně₅ ca₂jmo₃ ia₁jaun₂ chein'₃ 'nia'₂ ne₅₄, jme₃jniá'₂₃ 'nia'₂ dsa₂ i₂ma₂lě₅ 'í₁,* i₂tsá₃ ma₃'e₂ rē₂'ŋi₄, on₃ guě₂ ma₂'e₂ dso₄ rin'₂ 'nia'₂.

23 A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, ně₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ tē₂le₃ quian'₅₄ jág₁ dse₃ a₂ma₂nei'₂ 'nia'₂. Jág₁ dse₃ ně₅ ma₂qui₂rē₂'ě₂ ne₄ le₂jan₂ le₂jan₂ i₂chan₂ ne₄ gua'₅₄ 'uě₃. Jniá₂ Pa₄, jaun₂ ně₃, lín₅ jan₂ i₂qui₂jme₂'o₅₄ dsí₂'ě₃ jág₁ jaun₂.

Jme₂ti₃ Pa₄ ja₁con₂ guá'₅

24 Ně₃ ně₃ 'io'₂ jéin₅ jě₄ dsi₂ŋíg₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ juí₅ a₂jme₁'ŋiag₅, quian'₅₄ ŋi₃ 'ŋi₃ a₂'nió'₅ guě₄ juí₁lia'₂ jmi₁uig₅ a₂ca₂i₃ŋí₂ Cristo o₄quió'₄ guá'₅ quiáin₅, a₂lě₅ ŋi₅₄.

25 A₂ma₂ca₂dsi₃óg₃ jniá₂ a₂lín₅ jan₂ i₂jme₂ti₃ ja₁con₂ guá'₅ ján₃, con'₂ lě₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'ě₄ jniá₂ lia'₂ qui₂rē₂'ŋiá₅ jág₁ quió'₅,

26 co₂'nió'₄ le₃jua'₅₄, jág₁ a₂tsá₃ jme₁ca₂rě₃jniá₂ a₂jme₁rē₂'ma₄ quió'₅ Diú₄ ca₂le₃ ma₂líg'₂ lín₃ ma₂qui₂ma₂ŋí₂ juín₅ lín₃ tsi₁jon₂ dsa₂ ně₃. La₁ rē₂ně₃ ma₂cuě₃ a₂le₃cuí'₅ dsa₂ i₂lě₅ 'í₁† quiáin₅.

27 Ja₁con₂ dsa₂ quiáin₅ 'éi₂ bá₄ ca₂rě₃'ŋi₃ dsí₅ Diú₄ ca₂jmo₃ a₂le₃cuí'₅ dsi₂nau₂ 'e₂ jaun₂ a₂jlá'₁ lín₃ jág₁ a₂jme₁rē₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jě₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂.

28 Jniá'₅₄ ně₃ qui₂'ě₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jniá'₅₄ jág₁, le₂jan₂ le₂jan₂ bá₄ dsa₂ qui₂jme₂tíin₁ ia₁jaun₂ le₃ŋí'₂, ia₁jaun₂ lé₂jme₁jniá₅ jniá'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo.

29 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con'₂ lě₅ ta₁ bén₂ a₂jmo₅ 'éi₂ ja₁cong₂.

2

1 Ia₁ 'nio₃ jniá₂ juí₁le₃ŋi'₅₄ 'nia'₂ 'a₂ lia'₂ ŋí₄ lě₃ quian₅ ta₁ a₂quín₅' bí₂ o₄quián'₂ 'nia'₂, quian'₅₄ o₄quió'₄ i₂chan₂ juig₂ Laodicea, o₄quió'₄ ca₂le₃jín₃ i₂tsá₃ cui₅ i₂tsá₃ jág₂ dsi₁ne₁ ně₃.

2 Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsí₅ 'éi₂, caun₂ 'ei₅ jág₁ jme₂'nioi₃ rin'₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsí₅ ia₁

* 1:22 lit. "dsa₂ jŋi₃ó₅." † 1:26 lit. "dsa₂ jŋi₃ó₅."

a₂qui₂ma₂'an₂ dsí₅; ton₂' ia₁jaun₂ le₃ñí₂' jág₁ a₂rë₂'ma₄ quió₅' Diú₄. Jág₁ jaun₂ në₃, Cristo 'ñiog₅ bá₄ 'éi₂.*

³ Ia₁ tē₂le₃ ja₁con₂' éi₂ bá₄ qui₂rë₂'ma₄ jē₂ jág₁ a₂quen₅ lin₃ a₂lé₂ le₃ñí₂' dsí₅ dsa₂, a₂lé₂ le₃ñi₅ dsa₂ nē₃.

⁴ A₂nē₅ juí₂'nia₂' ia₁jaun₂' i₁jan₂ tsá₃' ein₂ jui₁jme₂gau₅'nia₂' quian₅₄' jág₁ a₂'io₂' quió₅'.

⁵ Jaun₂ o₁ñia₅₄' la₂ tsá₃ quian₅₄' jniá₂'nia₂' dsi₁ne₁'ñió₃ dsón₂', la₁'eng₅₄ bá₄ quian₅₄'nia₂' tē₂le₃ quian₅₄' jme₂dsí₂, jmo₂₃'io₂', jág₅'a₂ lia₂' tiong₅₄' rē₂ con₂' dsi₂ten₅₄, ton₂' tíong₂' bá₄ tiá₂ a₂'éng₂' le₃quió₅' Cristo.

⁶ Jaun₂ lē₃, le₂nē₅ jui₁lia₂' ca₂guen₅₄'nia₂' Cristo Jesús† a₂lín₅ juí₂'nia₂', caun₂ jui₁i₂nio₄' bá₄'nia₂' le₃quió₅' 'éi₂;

⁷ jui₁tē₂ton₅₄' bá₄ jmú₄ jui₅ jme₂dsí₂ quián₂'nia₂' tē₂le₃ quió₅' 'éi₂, jui₁qui₂dsi₂cón₃' bá₄'nia₂' le₃quió₅' 'éi₂ tē₂le₃ ia₁ a₂'éng₂', lia₂' con₂' lē₅ a₂ca₂rē₂tín₃'nia₂', a₂rē₂tsón₂' tē₂'au₂' a₂cuē₅₄' ti₁'mag₄' Diú₄.

A₂le₃chan₂ dsa₂ caun₂ jui₅ 'mí₂ le₃quió₅ Cristo

⁸ 'Í₁ jmo₄'nia₂', ia₁ con₂' tsá₃ ñó₅ nē₃ ca₂tág₃ dsa₂† tē₂le₃ quian₅₄' jág₁ a₂jñia₅₄'ñí₂' dsí₅ dsa₂ mi₂güí₃, a₂jme₂gau₅, a₂tsá₃ ta₁ tí₄, lia₂' con₂' lē₅ tag₄ chí₅ quió₅' dsa₂, a₂cha₂'uig₅₄' a₂ con₂' jñia₅₄' lē₂ a₂cha₂ mi₂güí₃ la₂, on₃jua₅₄' rē₂'lia₂' con₂' lē₅ jág₁ quió₅' Cristo.

⁹ Ia₁ ja₁con₂ Cristo bá₄ tē₂gua₁ chi₁dsáin₃ ca₂le₃jē₃ lia₂' con₂' lē₅ ñiog₅ lín₅ Diú₄.

¹⁰ Jaun₂'nia₂' nē₃, ma₂le₁'ña₅'nia₂' le₃quió₅' 'éi₂, i₂lín₅ co₂'nió₄' mi₂dsi₄ ne₄ quió₅' ca₂le₃jín₃ i₂gon₂, ca₂le₃jín₃ i₂jio₅' 'éi₃ ján₃.

¹¹ Le₂jaun₂' bá₄ ján₃, ia₁ a₂quian₅₄'nia₂' Cristo, co₂'nió₄' bá₄ ma₂qui₂rē₂uing₄ quián₂'nia₂', ma₂lē₅ léi₄. La₁ on₃jua₅₄' rē₂'lia₂' lē₅ jmo₅ dsa₂ mi₂güí₃, tē₂le₃ a₂ma₂qui₂ma₂tí₃'nia₂' 'nau₄' dso₄ lia₂' 'ín₅ dsí₅ ni₁ñí₁'; ma₂qui₂le₁lín₅'nia₂' léi₄ le₃quió₅' Cristo.

¹² Ia₁ lia₂' con₂' jme₁ca₂qui₂ca₂jñó₂'nia₂' jmi₂g₂, § nē₂jag₄ bá₄ ca₂i₃'on₃'nia₂' co₂lē₅ quian₅₄' Cristo, ján₃ guē₂' le₂jaun₂ ca₂jen₅₄'nia₂' co₂lē₅ quian₅₄' 'éi₂, ia₁ ca₂rē₃'én₂'nia₂' jui₅bí₂ quió₅' Diú₄ a₂ca₂jme₃jein₅₄' ja₁jme₁rē₂'lín₅₄.

¹³ Lia₂' con₂' jme₁rē₂'lín₄'nia₂' le₃quió₅' jme₂dsí₂, jme₁qui₂le₁cán₂' jme₁qui₂le₁quian₄'nia₂' dsáu₂', nē₂jag₄ bá₄ a₂tsá₃ jme₁rē₂uing₄ lo₄'nia₂' jme₁chang₂'; la₁ Diú₄ nē₃ ma₂to₂' táng₃ jme₂dsí₂'nia₂' co₂lē₅ quian₅₄' Cristo, qui₂ca₂'éin₂ bá₄ jē₂ dsáu₂'nia₂'.

¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá₂' a₂jme₁rág₂ jniog₄, Si₂'Éi₃ jaun₂ a₂jme₁'liog₅' jniog₄; ma₂ca₂jñiá₂' cau₅ co₂ñei₅₄, nē₂jag₄ bá₄ a₂ca₂i₃ba₅₄ mi₂ñí₁ si₂ jaun₂ dso₂' cróg₄.

¹⁵ Le₂nē₅ co₂dsia₅ ca₂chein₃'uin₃ jme₂dsí₂ i₂jme₁gon₂, i₂jme₁jio₅' 'éi₃ nē₃, jaun₂ ca₂jio₃ cha₂ juí₃ tē₃ jág₅ ca₂le₃jín₃ dsa₂, jme₁ca₂tió₃' ca₂tian₃' 'éi₂ jág₁, ne₄ cróg₄.*

'Nio₂'nia₂' a₂cha₂ le₃quió₅ guei₅₄ i₂juí₃

¹⁶ Jaun₂ lē₃, i₁jan₂ tsá₃' ein₂ qui₂o₁'ag₅₄'nia₂' o₄quió₄' e₂ má₃ quē₂, o₃ jui₁lia₂' e₂ qui₂'ág₂'nia₂', o₃ quian₅₄' jui₁lia₂' jmi₂g₄ jme₁niog₅ jmi₂g₄, o₃ jui₁lia₂' jmi₂g₄ tsí₂' 'io₅₄,† o₃ jui₁lia₂' jmi₂g₄ sa₅₄ nē₃.

¹⁷ Ca₂le₃jē₃ a₂nē₅, lē₅ co₂'nió₄' caun₂'én₁ quió₅' a₂'i₄' 'éi₃ jiá₃ bá₄ jaun₂, la₁ia₁ jui₁lia₂' a₂tí₅ tē₃dsón₂', Cristo bá₄'éi₂.

* 2:2 A₂lín₅₄ chog₅₄ si₂: "jág₁ a₂rē₂'ma₄ quió₅' Diú₄ Jmei₂, quió₅' Cristo nē₃." † 2:6 o₃, "Jesucristo."

‡ 2:8 o₃, "nē₂ca₂'ang₃ a₂'én₂'nia₂." § 2:12 lit. "lia₂' con₂' jme₁ca₂i₃tian₃'nia₂' jmi₂g₂." * 2:15 'Nio₂' ja₁ton₅ Efesios 4:8. † 2:16 lit. "tsí₂' guen₂."

18 Tsá₃ cuë₂ 'nia'₂ jmig₄ jua'₅₄ 'liog'₃ dsa₂ cau₅ 'nia'₂, ju₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles ně₃. Qui₂tián₂ 'ñio₅ lín₃ a₂cha₂ tē₅ ne₅₄ a₂lë₁qui₂jág₅, † 'ñio₅ jme₂cain'₅₄ jmo₂₃ rón₂ a₂qui₂ñí'₂ dsí₅ guioin₅₄.

19 Dsa₂ i₂le₂'éi₂ ně₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jě₃ ja₁qui₂le₁tion'₅₄ quió'₅, jmo₂₃ qui₂dsi₂cón₁₃ ta₁caun₂ ni₁ñi₁₂, lia'₂ con'₂ lě₅ 'ñio₂ dsí₅ Diú₄.

20 Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig₅₄ lia'₂ ñí'₂ dsí₅ dsa₂ mi₂güig₃, ¿'e₂ guë'₂ 'uig₅₄ lě₃ ně₃, qui₂tián'₅ guë'₄ 'nia'₂ 'éi'₃ ně₂jag₄ a₂lín₅ bá₄ guë'₄ 'nia'₂ dsa₂ mi₂güig₃?

21 Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quë'₂ má₃ ó₃, tsá₃ i₂jma'₂ a₂ó₃ ně₃.”

22 Ta₁jě₂ bá₄ a₂ně₅ dsiá₃ ju₁lia'₂ jě₁jmo'₂ ta₁. Tě₂le₃ ia₁ con'₂ lě₅ 'éi'₃ a₂jme₂tag₅ dsa₂ mi₂güig₃ bá₄ jaun₂.

23 Jág₁ a₂le₃ñí'₂ dsí₅, jág₁ le₂ně₅, lé₂ le₃lín₂ dsa₂, ia₁ qui₂chi₂quióng₂ jmig₄ 'ñio₅ lín₃ a₂jmo₃ dsa₂ a₂ñí₄ cuiin₂₃ Diú₄, a₂qui₂jmo₂₃ mei'₂, a₂qui₂cuë'₅ uig₅ ni₁ñi₁₂ ně₃; la₁ 'i₁ca₂juig₄ tsá₃ 'e₂ ta₁ jmo₃ jua'₅₄ quian'₅₄ a₂ně₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ñi₁₂.

3

1 Le₂ně₅ bá₄ jaun₂, ia₁ a₂ma₂ca₂jen'₅₄ guë'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lě₅ le₃quió'₅ guei'₅₄ i₂juig₃, ja₁guá₄ Cristo tē₂le₃ gu₂ ne₁ quió'₅ Diú₄.

2 Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juig₃, on₃jua'₅₄ rē'₂ a₂ca₂tín₂ ne₄ gua'₅₄ 'uë₃.

3 Ia₁ ma₂dsan'₃ bá₄ 'nia'₂, jaun₂ ma₂rē₂'ma₄ a₂chan'₂ 'nia'₂ quian'₅₄ Cristo ja₁con₂ Diú₄.

4 Jě₁ma₂tě₂ rē₁jme₃jnia₅ Cristo ně₃, i₂lín₅ i₂jmo₅ a₂chong₂ jniog₄, jaun₂ ně₃, ján₃ guë'₂ le₂jaun₂ 'nia'₂ le₃jniág'₂ co₂lě₅ quian'₅₄ jě₄ co₂tág₅ co₂'né'₅ quió'₅.

Ju₁5 gui'₅₄, quian'₅₄ ju₁5 'mí₂

5 Jaun₂ lě₃, co₂dsia₅ jmo₄ 'nia'₂ ju₁dsian₂ gog'₂-tag'₅₄ a₂jmo₅-dsá_u5 ju₁lia'₂ a₂lě₂ gua'₅₄ 'uë₃ la₂: ju₁lia'₂ a₂nió'₅ dsa₂ jág₁ a₂tsá₃ dsi₂ten₅₄ nió'₃; ju₁lia'₂ a₂jmo₅ dsa₂ cosa lě₁'iog₅, ju₁lia'₂ a₂'ín₅ dsí₅ cosa 'lig'₅₄, ju₁lia'₂ a₂'ín₅ dsí₅ dsa₂ jme₃'ñi₁ó'₃ a₂ca₂tín₂ i₂sián'₂. Ia₁ a₂co₂jaun₂ bá₄ ně₅ ju₁lia'₂ a₂jme₂gan₃ dsa₂ diú₄ lag₄.

6 Ia₁ 'uig₅₄ quió'₄ a₂le₂ně₅ bá₄ já₅ uig₅ gau₂ a₂'ě₂ Diú₄ ne₄ quió'₅ jaun₅ dsa₂ i₂tsá₃ ne'₅₄.*

7 Ju₁5 le₂ně₅ jme₁i₂nio'₄ 'nia'₂ lia'₂ lě₅ jme₁chan'₂ 'nia'₂ le₂jñiá₅.

8 La₁ rē₂ně₃ ně₃, tí₃ ca₂le₃jě₃ a₂le₂ně₅: ju₁lia'₂ a₂'i₄ 'nei₂ 'au'₂ 'nia'₂, ju₁lia'₂ a₂lë₁qui₂rē₂'neg'₂, ju₁lia'₂ a₂'lig'₅₄ a₂qui₂dsi₂jñia₅ 'au'₂ 'nia'₂, ju₁lia'₂ a₂'ín₅ 'nia'₂ uig₅ ríng'₂, ju₁lia'₂ jág₁ ga₂ a₂'uë₂ mi₂'o'₅₄.

9 Tsá₃ ma₃dsia₂ 'nia'₂ jág₁ tē₂jág₁ quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅ dsa₂ 'ón₅ 'a₂ lia'₂ jme₁lín₄ 'nia'₂ le₂jñiá₅, quian'₅₄ guë'₄ ca₂le₃jě₃ a₂jme₁jmo₅-dsá_u5,

10 co₂'nió'₄ ma₂ca₂qui'₂ táng₃ 'nia'₂ caun₂ a₂'mí₂, co₂'nió'₄ a₂lín₅ dsa₂ 'mí₂; a₂caun₂ qui₂rē₂'mag'₂ 'nia'₂, ia₁jaun₂ dsi₁nóg'₅ ja₁le₃cuin'₂ 'nia'₂ dse₃ lín₃ Diú₄, ja₁le₃lén'₂ 'nia'₂ lia'₂ lín₅ 'éi₂ i₂ca₂jmo'₂ 'nia'₂.

11 Ja₁jaun₂ tsá₃ 'ein₂ jmo₅ jma₃quén₅ ju₁lia'₂ dsi₂nau₂ o₃ dsa₂ judíos 'e₂, ju₁lia'₂ dsa₂ i₂rē₂uig₄ o₃ tsá₃ rē₂uig₄ quió'₅ 'e₂, ju₁lia'₂ dsa₂ i₂chan₂ uig₂, o₃ i₂chan₂

† 2:18 A₂lín₅₄ chog₅₄ si₂ juá'₂: “qui₂tián₂ 'ñio₅ lín₃ ju₁lia'₂ a₂tsá₃ ma₂jág₃.”

* 3:6 A₂lín₅₄ chog₅₄ si₂ tsá₃ chi₁ton₅ jág₁: “ne₄ quió'₅ jaun₅ dsa₂ i₂tsá₃ ne'₅₄.”

má'₂ e₂, juí₁lia'₂ dsa₂ i₂jme₂tí₃ ta₁ ne₄ juí₅, o₃ i₂tsá₃ 'ein₂ ne₄ jme₂tí₃; la₁ Cristo bá₄ quen₅ ne₄ ca₂le₃jě₃, ton'₂ 'ein₅₄ ja₁con₂ ca₂le₃jín₃.

12 Jaun₂ lě₃, rín'₅₄ jniog₄, juí₁lia'₂ ca₂tín₂ jmo₃ dsa₂ i₂ma₂quió'₂ Diú₄, i₂ma₂lě₅ 'í₁ quiáin₅, i₂ñí₄ lě₃ 'nioi₃ 'éi₂: qui'₂ 'nia'₂ a₂rě₂ling'₅₄ a₂ñéi₂ 'au'₂, a₂'ua₁ 'au'₂, a₂jmo'₂ meg'₂, a₂jme₁gan'₃ 'nia'₂ ríng'₂, a₂juin'₂ 'au'₂ 'nia'₂ ně₃.

13 Jmo₄ 'nia'₂ tió'₃ 'au'₂ quian'₅₄ ríng'₂ le₂jang'₂ le₂jang'₂, ton'₂ 'én₃ 'nia'₂ dsáu₁ ríng'₂, ně₁jua'₂ chan₂ i₂dsia₅ dsáu₁ rín'₅₄. Juí₁lia'₂ ca₂'én₂ Te₁gui'₅₄ dsáu'₂ 'nia'₂ guiong'₅₄, le₂jaun₂ jmo₄ 'nia'₂ ján₃.

14 A₂dsen₅₄ guě₄ jě₄ ca₂le₃jě₃, qui'₂ 'nia'₂ quian'₅₄ a₂jme'nió'₄ 'nia'₂ ríng'₂,† a₂ně₅ bá₄ jmo₃ 'ag₃ co₂dsia₅ caun₂ jág₁ 'nia'₂.

15 Juí₁le₂gon₂ tě₂'au'₂ 'nia'₂ a₂'eí₅ tei₄ quió'₅ Cristo,‡ ia₁ ta₁ jaun₂ ma₂qui₂rě₂té₄ 'nia'₂ a₂lén'₂ caun₂ bá₄ ñí₅. Jaun₂ jmo₄ 'nia'₂ 'au'₂ cuě'₅₄ ti₁'mag'₄.

16 Juí₁tě₂gua₄ tě₂'au'₂ 'nia'₂ lia'₂ rě₂tsón₂ jág₁ dse₃ quió'₅ Cristo; quian'₅₄ ca₂le₃jě₃ a₂ñí'₂ dsí₅ Diú₄, jě₁jme₂tín'₂ 'nia'₂ ríng'₂, jě₁qui₂ton'₂ 'nia'₂ jág₁ ríng'₂ tě₂le₃ quian'₅₄ salmos, himnos, son₅₄ a₂gu₂dsí₂ ně₃, a₂qui₁'ě'₂ 'nia'₂ a₂cuě'₅₄ ti₁'mag'₄ Diú₄ juí₅ tě₂'au'₂ 'nia'₂.

17 Juí₁'e₂ guě₃ a₂jmo'₂, o₃ 'e₂ jág₁ dsíá'₁ 'nia'₂, jmo₄ 'nia'₂ ca₂le₃jě₃ o₄quió'₄ Te₁gui'₅₄ Jesús, qui₁cuě'₅₄ 'nia'₂ ti₁'mag'₄ Diú₄ Jmei₂ jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quiain'₅₄ ríin'₅₄

18 'Nia'₂ dsa₂ mí₂ i₂chan₂ dsí₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, juí₁lia'₂ dsi₂ten₅₄ ia₁ líng'₅ dsa₂ 'én₂ le₃quió'₅ Te₁gui'₅₄.

19 'Nia'₂ guě'₂ dsa₂ ñe'₂ i₂chan₂ dsa₂ mí₂ quián₅, jme'nió'₄ 'nia'₂ dsa₂ mí₂ quiáng'₂, tsá₃ jmo'₂ 'nia'₂ 'ua'₂ 'au'₂ ja₁coin₂.

20 'Nia'₂ chi'₂-guein₂, nei₂ 'nia'₂ gau₂ jág₁ quió'₅ chog'₂-ñéi'₅ jě₄ le₃jě₃, ia₁ a₂ně₅ bá₄ tě₅ dsí₅ Te₁gui'₅₄.

21 'Nia'₂ guě'₂ ně₃, jmei₂ chi'₂, tsá₃ tó'₂ 'nia'₂ 'nei₂ dsí₅ chi'₂-guein₂ quián'₂ 'nia'₂, ia₁jaun₂ tsá₃ jén₂ dsí₅.

22 'Nia'₂ dsa₂ i₂jme₂tí₃ ne₄ dsa₂, jme'tí₁ 'nia'₂ ca₂le₃jě₃ 'e₂ ta₁ ti₂néi'₂ juí'₂ i₂lín₅ juí'₂ tě₂le₃ ne₄ gua'₅₄ 'uě₃ la₂, on₃jua'₅₄ jmá'₃ jme₁jág₅ ia₁jaun₂ tě₃tsin'₅₄ 'nia'₂ dse₃ quiain'₅₄, la₁ jmo₄ bá₄ juí₅ tě₂'au'₂ a₂tí₅ tě₃dsón'₂, ia₁ tě₂le₃ a₂gang'₃ Te₁gui'₅₄.

23 Juí₁'e₂ guě₃ caun₂ a₂jmo'₂ 'nia'₂, jmo₄ 'nia'₂ a₂'ñio₂ 'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua'₅₄ le₃quió'₅ dsa₂.

24 Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuě₃ 'liang'₅₄ a₂ma₂lě₅ jág₁ ca₂tíng'₂. Ia₁ ne₄ Te₁gui'₅₄ Cristo jme'tí'₁ 'nia'₂ ta₁.

25 La₁ juí₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂ lě₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

1 'Nia'₂ dsa₂ i₂lín'₅ juí₅ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂tí₃ ne'₅₄. Juí₁dsiog'₂ bá₄ 'au'₂ 'nia'₂ a₂chan₂ jan₂ Juí'₂ 'nia'₂ ján₃ i₂guá₅ guei'₅₄ i₂juí₃.

2 Caun₂ chi₂len'₄ 'nia'₂ Diú₄ a₂léi₄ rě₂jnio₄ ne'₅₄ 'nia'₂, cuě'₅₄ ti₁'mag'₄.

3 Mí₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuě₃ Te₁gui'₅₄ juí₅ rě₂na₄ jnia'₅₄ ia₁jaun₂ lé₂ le₃qui'ě₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rě₂'ma₄ quió'₅ Cristo; 'uig₅₄ jág₁ ně₅ bá₄ 'eng₅₄ rě₂jníg₅.

† 3:14 'Nio'₂ ja₁ton, 1 Corintios 13:13. ‡ 3:15 o₃, "quió'₅ Diú₄."

4 Chi₂len' ₄ 'nia' ₂ Diú₄ ia₁jaun₂ lé₂ le₃'ě₄ lia' ₂ qui₂rě₂jiá₃ jág₁ lia' ₂ con' ₂ dsi₂ten₅₄ jmo₅₄.

5 Tián' ₂ 'nia' ₂ 'en₅₄ 'au' ₂ jmo₄ quian' ₅₄ ju₁lia' ₂ dsa₂ i₂tsá₃ 'én₂, 'ŋio' ₄ 'nia' ₂ jmo₄ a₂dse₃ jě₁cuin₅ jmig₄.

6 Jág₁ a₂dsia' ₂ 'nia' ₂ co₂tan₅₄ bá₄ ca₂tín' ₂ 'nia' ₂ dsiá' ₁ a₂'ua₁ 'au' ₂, jág₁ a₂'ŋio₂ dsi₅ a₂ja₂ mi₂juig₂. Ca₂tín' ₂ 'nia' ₂ ján₃ le₃ŋi' ₅₄ 'a₂ lia' ₂ qui₁jein' ₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jě₁ca₂tó' ₂

7 Tíquico rin' ₅₄ jniog₄ i₂'nióg₃ guě₄ lín₃, i₂ma₂já₅ jme₂'o₅₄ qui₂rě₂ti' ₅₄, jme₂ti₃ quian' ₅₄ jniá₂ ne₄ Te₁gui' ₅₄, 'éi₂ bá₄ dsia₃ ca₂le₃jě₃ 'a₂ lia' ₂ lě₅ chang₂.

8 'Uig₅₄ jaun₂ tsín₂ jniá₂ ja₁con' ₂ 'nia' ₂ ia₁jaun₂ dsia₃ 'a₂ lia' ₂ chong₂ jnia' ₅₄ ja₁lá₃, ton' ₂ ia₁jaun₂ cué' ₃ 'nia' ₂ lián' ₂;

9 quian' ₅₄ Onésimo ně₃, jan₂ rin' ₅₄ jniog₄ i₂rě₂ti' ₅₄, i₂lín₅ jan₂ i₂quian' ₄ 'nia' ₂: i₂ně₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

10 Aristarco, i₂quiong' ₅₄ jniá₂ né' ₃ má₃, dsiáin' ₂ jág₁ a₂cuin₂₃ Diú₄ 'nia' ₂, ján₃ bá₄ le₂jaun₂ Marcos, i₂lín₅ chi' ₂ rin' ₅₄ * Bernabé. Tě₂le₃ quió' ₅ Marcos 'éi₂ ně₃, ma₂gue' ₅₄ bá₄ 'nia' ₂ jág₁ 'a₂ lia' ₂ jmó' ₂; ně₁jua' ₂ ca₂dsióg₃ dsi₁jñin₁₂ 'nia' ₂, guein₅₄ bá₄ 'nia' ₂ dse₃.

11 Já₃ bá₄ cuag₅ Diú₄ i₂chen₂ Jesús i₂tě' ₂ dsa₂ Justo já₃. Jñia' ₅₄ lia' ₂ i₂ně₅ bá₄ lín₅ i₂ún₂ tan₅₄ i₂rě₂uñg₄ quió' ₅, i₂jmo₅ ta₁ quian' ₅₄ jniá₂ o₄quió' ₄ ja₁gon₂ Diú₄, i₂ma₂ja₂lén₂ jmo₅ lián' ₂ dsi₃.

12 Epafras ně₃ jan₂ i₂lín₅ rin' ₂ 'nia' ₂, dsiáin' ₂ jág₁ a₂cuin₂₃ Diú₄ 'nia' ₂, jan₂ rin' ₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén' ₂ 'éi₂ Diú₄ 'ŋio₅ lín₃ o₄quián' ₂ 'nia' ₂, ia₁jaun₂ tón' ₂ 'nia' ₂ rě₂'ŋiag' ₅, 'ei₅ caun₂ jág₁ 'nia' ₂ jě₄ ca₂le₃jě₃ 'a₂ lia' ₂ 'ŋio₂ dsi₅ Diú₄.

13 Lé₂ jáng' ₄ jniá₂ jág₁ dsau₅ 'a₂ lia' ₂ ma₂já₅ 'éi₂ dsan₂ dsi₅ 'nia' ₂, ján₃ bá₄ le₂jaun₂ o₄quió' ₄ i₂tián' ₅ juig₂ Laodicea quian' ₅₄ guě' ₂ i₂tián' ₅ Hierápolis já₃.

14 Lucas, i₂lín₅ tě₅mí₅ i₂'nió₄ guě₄ lín₃, cuin₂₃ Diú₄ 'nia' ₂; já₃ guě' ₂ le₂jaun₂ i₂tě' ₂ Demas.

15 Cuin₅₄ 'nia' ₂ Diú₄ rin' ₅₄ i₂tián' ₅ juig₂ Laodicea. Cuin₅₄ 'nia' ₂ Diú₄ já₃ 'io₅₄ Ninfas, quian' ₅₄ co₂nió' ₃ guá' ₅ i₂ŋi' ₂ dsi₂néi₂ quió' ₅ ně₃.

16 Jě₁ma₂ca₂' ₂ 'nia' ₂ si₂ la₂ jě₄ quián' ₂ 'nia' ₂, jaun₂ tsing' ₅₄ 'nia' ₂ guá' ₅ chan₂ Laodicea ia₁jaun₂ 'i₃ táng₃ rin' ₅₄ jniog₄ ja₁jaun₂; ton' ₂ já₃ guě' ₂ 'í₂ 'nia' ₂ si₂ a₂ca₂dsióg₃ ne₄ i₂chan₂ Laodicea.

17 A₂la₂ chei' ₅₄ Arquipo: “Tion' ₂ 'ne₂ ju₅ ta₁ a₂ma₂gue' ₅₄ a₂ma₂dsia₃ Te₁gui' ₅₄ gog' ₂, a₂jme₁ti' ₄ rě₂.”

18 Jniá₂ Pa₄, cúing₅ Diú₄ 'nia' ₂ quian' ₅₄ letra quió₃ 'ŋió₃.† Ju₁dsiog' ₂ bá₄ 'au' ₂ 'nia' ₂ a₂'eng₅₄ rě₂jñig₅. Ju₁jme₂gu' ₅₄ bá₄ Diú₄ 'nia' ₂.

Co₂ně₅.

* 4:10 o, “primo.” † 4:18 'Nio' ₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ dsa₂ TESALONICENSES

Pablo quiain'₅₄ r'in'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano, * Timoteo ně₃, jmo₂₃ si₂ la₂ a₂dsiang'₅₄ ne₄ dsa₂ i₂ma₂'én₂ le₃quió'₅ Jesús, i₂chan₂ juig₂ Tesalónica, dsa₂ i₂'ei₅ caun₂ jág₁ quian'₅₄ Diú₄, quian'₅₄ Te₁gui'₅₄ Jesucristo ně₃. Jui₁jme₂gu'₅₄ Diú₄ 'nia'₂. Jui₁'ei₅ bá₄ tei₄ tion'₅₄ 'nia'₂ quian'₅₄ 'éi'₃ quió'₅ Diú₄ Jmei₂ jniog₄, quian'₅₄ 'éi'₃ quió'₅ Te₁gui'₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jě₃ jmig₄ bá₄ cuë₂ jnia'₅₄ ti₁'mag'₄ Diú₄ o₄quían'₂ 'nia'₂ ca₂le₃jíng'₃. Jë₁ma₂tě₂ rë₁chi₁len'₄ jnia'₅₄ Diú₄, dsau'₂ bá₄ dsi₅ jnia'₅₄ 'nia'₂.

³ Dsau'₂ bá₄ dsi₅ jnia'₅₄ 'nia'₂ ne₄ Diú₄ Jmei₂ jniog₄, ia₁ 'ñio₅ lín₃ ma₂jmo'₅₄ 'nia'₂ ta₁ cha₂ léi₄ ja₁con'₂ 'nia'₂ ia₁ 'éng'₂, ia₁ 'ñio₅ lín₃ jme₂ti'₅₄ 'nia'₂ ta₁ ne₄ Te₁gui'₅₄ 'uig₅₄ ia₁ a₂'nió'₃ 'nia'₂. Jaun₂ caun₂ bá₄ le₁'ág₄ 'au'₂ 'nia'₂ a₂'ín₂ 'au'₂ le₃quió'₅ Te₁gui'₅₄ Jesucristo quían₂ jniog₄.

⁴ Rin'₅₄ jniog₄, 'nio₃ bá₄ Diú₄ 'nia'₂, ne₄ bá₄ jnia'₅₄ a₂ma₂quióin'₂ 'nia'₂.

⁵ Lia'₂ con'₂ jme₁ca₂jme₁tín₅ jnia'₅₄ 'nia'₂ jág₁ dse₃, on₃jua'₅₄ jmá'₃ quian'₅₄ jág₁ jaun₂ jme₁né₄. Ia₁ jme₁quian'₅₄ bá₄ jui₅bí₂ quió'₅ Jme₂dsí₂ Jñió₅ ján₃, ca₂'ě₄ jág₁ dse₃ la₂ jin'₄ 'nia'₂. Jaun₂ caun₂ bá₄ 'ei₅ dsi₅ jnia'₅₄ ia₁ Jme₂dsí₂ Jñió₅ bá₄ jmo₃ jme₂'uá₂ 'au'₂ 'nia'₂ a₂le₃'éng'₂. Ní'₅₄ bá₄ 'nia'₂ dse₃ 'a₂ lia'₂ ca₂tió'₄ jnia'₅₄ jin'₄ 'nia'₂ a₂dse₃ quían'₂ bá₄ 'nia'₂ jaun₂.

⁶ 'Nia'₂ ně₃, ca₂quian'₂ 'nia'₂ jui₅ a₂ca₂quían₁ jnia'₅₄, a₂ca₂can₃ Te₁gui'₅₄ ně₃. Ca₂gue'₅₄ bá₄ 'nia'₂ a₂'ñio₂ 'au'₂ jág₁ dse₃. Chan'₂ bá₄ 'nia'₂ o₂'ñio₃ o₂jñia₃ 'au'₂ a₂jmo₅ Jme₂dsí₂ quían₅ Diú₄, tsá₃ a₂nag₅₄ jaun₂ ca₂quín₂ a₂ca₂i₂ñí'₂ 'nia'₂ uig₅ 'ñio₅ lín₃ 'uig₅₄ jág₁ dse₃.

⁷ Jaun₂ le₂ně₅ bá₄ ca₂dsi₃nó'₅ 'nia'₂ ca₂cuë'₅₄ 'nia'₂ caun₂ jui₅ dse₃ jaun₂ ca₂caún₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uë₃ Macedonia quian'₅₄ le₂tan₅₄ 'uë₃ Acaya ně₃.

⁸ Jaun₂ le₂ně₅ ma₂ca₂'ě₅₄ 'nia'₂ dsa₂ jág₁ dse₃ quió'₅ Te₁gui'₅₄, on₃jua'₅₄ jmá'₃ dsa₂ chan₂ Macedonia quian'₅₄ Acaya ma₂qui₂ma₂'ě₅₄ 'nia'₂ jág₁, ia₁ ca₂le₂con₂ ja₁siá'₂ bá₄ ján₃ le₁ñi₅ dsa₂ a₂lín₂ 'nia'₂ dsa₂ i₂'én₂ quían₅ Diú₄. Jaun₂ tsá₃ ma₂'e₂ jua'₅₄ 'nió'₅ guë₄ chei₅₄ jnia'₅₄ 'i₁caun₂ 'nia'₂.

⁹ Të₂le₃ dsia₅ bá₄ 'éi₂ guoin₅₄ a₂ca₂guei'₅₄ 'nia'₂ dse₃ jnia'₅₄, dsia₂₃ 'a₂ lia'₂ ca₂tí'₃ a₂jme₁'éng'₂ të₂le₃ quió'₅ diú₄ lag₄, a₂ca₂rë₃'én₂ 'nia'₂ të₂le₃ quió'₅ Te₁gui'₅₄, ca₂jme₁ti'₄ ne₄ Diú₄ jén'₃ dsón'₂ i₂chan₂.

¹⁰ Dsia₂₃ bá₄ ján₃ 'a₂ lia'₂ tion'₅₄ 'nia'₂ le₁jan'₄ a₂jñió'₂ táng₃ jui₅ guei'₅₄ i₂juig₃ Jesús Ja₁ñi'₅₄ Diú₄ i₂ca₂jme₃jein'₅₄ jin₄ 'lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

¹ Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄ a₂lë₁ca₂i₁náu₄ jnia'₅₄ ca₂i₁jin₁ 'nia'₂.

* 1:1 Lia'₂ chen₂ Silvano, co₂rë₂ quian'₅₄ Silas.

² Ia₁ ma₂ŋi'₅₄ bá₄ 'nia'₂, tē₂le₃ ca₂jme'_{3o54} bá₄ Diú₄ ca₂nio₃ tiá₂ dsi₅, ca₂'ě₄ jnia'₅₄ ja₁con'₂ 'nia'₂ jág₁ dse₃ a₂lión₂ dsa₂, o₁ŋnia'₅₄ ca₂jmóg'₂ dsa₂ ca₂tē₂ca₂'o'₂ juig₂ Filipos le₂ŋjiá₅.

³ Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃ 'uig'₅₄ ia₁ a₂i₂gon₂ jnia'₅₄, on₃guē'₂ o₄quió'₄ ia₁ a₂dsi₂ŋia₅ dsi₅ a₂'lig'₅₄, on₃guē'₂ jua'₅₄ ia₁ a₂jme₂gán₁ jnia'₅₄ 'nia'₂.

⁴ Tē₂le₃ ia₁ Diú₄ bá₄ ca₂cáun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui'₁ě₄ jág₁ dse₃. Jaun₂ le₂nē₅ ju₁lia'₂ jág₁ a₂jua'₂ jnia'₅₄, on₃jua'₅₄ a₂jua'₂ ia₁jaun₂ 'ŋio₂ dsi₅ dsa₂ mi₂güig₃, tē₂le₃ ia₁jaun₂ 'ŋio₂ dsi₅ Diú₄ bá₄ i₂con₂ 'í₁ tē₂dsi₅ jniog₄.

⁵ ŋi'₅₄ bá₄ 'nia'₂, 'i₁cón'₂ tsá₃ jua'₅₄ ca₂dsiá₁ jnia'₅₄ jág₁ rau₂, on₃guē'₂ jua'₅₄ ca₂'má₂ jnia'₅₄ jág₁ a₂tsá₃ dsi₂ten₅₄ 'má₂ ia₁jaun₂ léi₂ cu₄. Jág₅ bá₄ Diú₄ ca₂le₃jě₃ a₂ca₂jmó₁.

⁶ Tsá₃ a₂jaun₂ 'niog₂ jnia'₅₄ jua'₅₄ a₂jme₃juag'₂ dsa₂ 'ŋio₅ lín₃, on₃guē'₂ 'nia'₂, on₃guē'₂ dsa₂ sián'₂ ně₃, o₁ŋnia'₅₄ jme₁ca₂tág₂ rē'₂ jnia'₅₄ jmó₁ 'éi'₃ jaun₂ ia₁ a₂lág₅ dsa₂ i₂chen₄ quián₅ Cristo.

⁷ Tē₂le₃ ca₂jmó₁ bá₄ jnia'₅₄ 'ua₁ dsi₅ ja₁con'₂ 'nia'₂, ju₁lia'₂ lín₅ jan₂ chog₅₄ chi'₂, a₂jme₂cain'₅₄ chi'₂ quián₅ qui₂jmo₂₃ 'í₁.

⁸ Jaun₂ lē₃ 'ŋio₅ lín₃ ca₂rē₃ 'nio₃ jnia'₅₄ 'nia'₂, ca₂lia'₂ ŋnia'₅₄ on₃jua'₅₄ jmá'₃ jág₁ dse₃ quió'₅ Diú₄ ně₅ ca₂tág₂ jnia'₅₄ cuē₁, le₂jniog₅ jme₂dsi₂ quián₂ jnia'₅₄ 'ŋio₂ dsi₅ cuē₁ ján₃. Ia₁ ma₂dsi₂nó'₅ 'nia'₂ léng'₂ dsa₂ i₂'nió₄ lín₃ quián₂ jnia'₅₄.

⁹ Jua'₂ jnia'₅₄ le₂nē₅, rin'₅₄ jniog₄, ia₁jaun₂ dsá₂ bá₄ 'au'₂ 'nia'₂ 'a₂ lia'₂ ca₂jmó₁ jnia'₅₄ ta₁ a₂ca₂lag₃ a₂que₅₄. Lia'₂ 'uē₂-jmi₂ bá₄ qui₂ca₂jmó₁ jnia'₅₄ ta₁, ia₁jaun₂ 'i₁jan'₂ 'nia'₂ tsá₃ jua'₅₄ 'ein₂ 'ŋio₅ guei₂ ca₂can₃ quian'₅₄ jnia'₅₄, tē₁lia'₂ ca₂tió'₄ ca₂'ě₄ jág₁ dse₃ quió'₅ Diú₄.

¹⁰ Ca₂tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂tió'₄ jnia'₅₄ quian'₅₄ 'nia'₂ dsa₂ i₂'én₂, a₂lág₅ jnia'₅₄ dsa₂ ŋi₅, dsa₂ dsen₃, i₂tsá₃ 'ein₂ lé₂ le₃bóg'₂ dso₄.

¹¹ ŋi'₅₄ bá₄ 'nia'₂ ján₃, ca₂jmó₁ jnia'₅₄ jn'₄ 'nia'₂ ju₁lia'₂ jmo₅ jan₂ jmei₂ dsa₂ jmá'₂ chi'₂ quián₅, qui₂ca₂cuē₅₄ jnia'₅₄ bí₂ 'nia'₂, ca₂tion'₅₄ jnia'₅₄ jág₁ 'nia'₂ jaun₂ náu'₁ tiá₂ ju₁ dse₃.

¹² Jaun₂ qui₂ma₂chei₅₄ bá₄ jnia'₅₄ 'nia'₂ a₂i₂niog'₄ lia'₂ con'₂ dsi₂ten₅₄ i₂nio₄ dsa₂ quián₅ Diú₄ i₂tē₂ a₂jme₁quiain'₄ 'nia'₂ ja₁jmo₂₃ 'éi'₃ guei'₅₄ i₂juig₃ ja₁lě₄ co₂tág₅ co₂'né'₅ quió'₅.

¹³ Jaun₂ lē₃, ca₂le₃jě₃ jmig₄ bá₄ cuē₂ jnia'₅₄ ti₁'mag'₄ Diú₄. Ia₁ le₂'uig'₅₄ jme₁ca₂nei'₂ 'nia'₂ jág₁ dse₃ quió'₅ Diú₄ a₂ca₂jua'₅₄ jnia'₅₄, ca₂gue'₅₄ bá₄ 'nia'₂ con'₂ lě₅ jág₁ dse₃ quió'₅ Diú₄, on₃jua'₅₄ con'₂ lě₅ jág₁ quió'₅ dsa₂ mi₂güig₃. Ia₁ dsón'₂ bá₄ jág₁ dse₃ quió'₅ Diú₄ ně₅, a₂jmo₃ léi₄ tē₂'au'₂ 'nia'₂ dsa₂ i₂'én₂.

¹⁴ Rin'₅₄ jniog₄, lia'₂ con'₂ ca₂ŋag'₅₄ 'nia'₂ uig₅ qui₂ca₂'ein₃ dsa₂ go'₄ 'nia'₂, ca₂i₃ŋi'₂ 'nia'₂ ju₁lia'₂ ca₂jmá'₂ dsa₂ guá'₅ quián₅ Diú₄ i₂tián'₅ Judea i₂ma₂lín₅ quián₅ Cristo Jesús. Le₂jaun₂ bá₄ ca₂qui₂co₂'ein₃ dsa₂ judíos dsa₂ go₅₄.

¹⁵ Dsa₂ judíos 'éi₂ bá₄ i₂ca₂ŋi'₃ Te₁gui'₅₄ Jesús, i₂ca₂jme₃dsian₅ dsa₂ i₂chen₄ quián₅ Diú₄ ně₃. Jaun₂ ca₂'uág'₂ bá₄ jnia'₅₄. Tsá₃ 'nioi₃ Diú₄. 'ŋia₁₅₄ bá₄ ca₂le₃jín₃ dsa₂.

¹⁶ Cha₂ jme₁lín₅₄ 'niog₂ jnia'₅₄ chei₅₄ jág₁ dsi₂nau₂, ia₁jaun₂ lión₂ 'éi₂ ján₃. La₁ 'éi₂ bá₄ jné₅ ju₁. Jaun₂ le₂nē₅ caun₂ dsi₂juē'₂ bá₄ dsáu₁. Co₂ŋei'₅₄ ma₂já₅ a₂'i₄ 'nei₂ dsi₅ Diú₄ ja₁coin₂.

Dsi₂jio₅ dsi₅ Pablo dsó₃ táng₃ ju₁ Tesalónica

¹⁷ Rin'₅₄ jniog₄, lia'₂ con'₂ jme₁ca₂tén₄ co₂'na₂ rin'₅₄, o₁ŋnia'₅₄ tsá₃ ně₅ jnia'₅₄ 'nia'₂, la₁ tion₅₄ bá₄ jme₁dsau'₂ dsi₅ jnia'₅₄, 'ŋio₅ lín₃ jme₁'niog₂ jnia'₅₄ dsau₅₄ táng₃ dsi₁né₄ 'nia'₂.

18 Jaun₂ dsón'₂ bá₄ jme'₁niog₂ jnia'₅₄ dsau₅₄ dsi₁jín'₁ 'nia'₂. Jniá₂ Pa₄ 'lióng₂ ráun₂ jme'₁ca₂quín'₃ bí₂ a₂nei₅₄. La₁ i₂sě₃dsen₃ bá₄ ca₂jné₃ juí₅.

19 Jaun₂ ě₂ jaun₂ a₂ín₂ dsi₅ jnia'₅₄ chong₂, a₂jmo₅ jnia'₅₄ 'io'₂, o₃ premio o₄quió'₄ a₂jmo₁ jnia'₅₄ táu'₅ jě₁ma₂tě₂ rě₁guan'₂ Jesús Te₁gui'₅₄ quián₂? ě₂On₁jua'₅₄ o₄quián'₂ 'nia'₂ bá₄?

20 Uig₅₄ quián'₂ 'nia'₂ bá₄ ňí₄ 'io'₂ jein₅ jnia'₅₄; o₄quián'₂ 'nia'₂ bá₄ jme₂go₃ dsa₂ sián'₂ ně₃

3

1 Jaun₂ ně₃, ia₁ tsá₃ ma₃tián₂ jnia'₅₄, ca₂rě₃ňi₃ó₃ bá₄ dsi₅ jnia₁ guio₅₄ juig₂ Atenas.

2 Jaun₂ ca₂chen₅₄ jnia'₅₄ Timoteo rin'₅₄ ca₂i₁jín₁₂ 'nia'₂, ia₁ i₂ma₂lín₅ quián₅ Diú₄ bá₄ 'éi₂, ia₁ jmo₂₃ ta₁ co₂lě₅ quian'₅₄ jnia'₅₄ a₂jme₂tin₂₃ dsa₂ jág₁ dse₃ quió'₅ Cristo. Lé₂ le₃juá'₂ 'éi₂ lia'₂ tí₅ jág₁ cuě'₃ bí₂ 'nia'₂ a₂le₃'én'₂ guě₄ 'nia'₂,

3 ia₁jaun₂ 'i₁jan'₂ 'nia'₂ tsá₃ dsi₃lén₂ cau₅ 'uig₅₄ a₂co₂'ein₅ dsa₂. Ia₁ ňi'₅₄ bá₄ 'nia'₂ guiong'₅₄, 'éi'₃ ně₅ tio'₅₄.

4 Lia'₂ con'₂ jme₁tio'₅₄ jnia'₅₄ quian'₅₄ 'nia'₂ le₂jníá₅, ca₂jua'₅₄ jnia'₅₄ a₂tion₅₄ niog₅ ňag₅₄ 'uig₅₄, jaun₂ le₂jaun₂ ca₂lě₃ ně₃, jaun₂ ma₂ňi'₅₄ bá₄ 'nia'₂.

5 Jaun₂ lě₃, ia₁ tsá₃ ma₃tió₅ 'i₅ dsi₃, ca₂tsing₂ dsa₂ ca₂i₁ňag₁₂ 'a₂ lia'₂ lě₅ ma₂'én'₂ 'nia'₂ tiong'₅₄, ia₁ con'₂ tsá₃ ňó₅ ně₁ca₂'liog'₃ i₂sě₃dsen₃ a₂jmo₂' 'nia'₂ cosa 'lig'₅₄. Tsá₃ ma₃ta₁ tí₄ ta₁ quián₂ jnia'₅₄, jua'₅₄ mei'₂ guě₃ le₂jaun₂.

6 La₁ ma₂guán'₅ bá₄ táng₃ Timoteo juig₂ Tesalónica, quion₂ jág₁ dse₃ 'én'₂ bá₄ 'nia'₂ jág₁ quió'₅ Diú₄, 'nió'₃ bá₄ 'nia'₂ ríng'₂ le₂jang'₂ le₂jang'₂. Juá'₂ bá₄ ján₃, jmo'₂ 'nia'₂ 'io'₂ a₂dsau'₂ 'au'₂ 'nia'₂ jnia'₅₄ ca₂le₃jě₃ jmig₄, a₂ín₅ 'au'₂ 'nia'₂ 'ňio₅ lín₃ jag'₅₄ jnia'₅₄, le₂jaun₂ bá₄ jnia'₅₄ ján₃ juí₁lia'₂ 'nia'₂ 'ín₅ dsi₅ jín₄ 'nia'₂.

7 Jaun₂ le₂ně₅, rin'₅₄ jniog₄, tě₃jě₄ uig₅ chong₂ 'i₅ dsi₅ jnia'₅₄, la₁ ca₂'ág₂ lián'₂ dsi₅ jnia'₅₄ jme₁ca₂rě₃ne₄ 'a₂ lia'₂ lě₅ a₂'én'₂ 'nia'₂.

8 'Io'₂ jein₅ jnia'₅₄ chong₂ jme₁ca₂rě₃ne₄ tión'₂ bá₄ 'nia'₂ tiá₂ tě₂le₃ quió'₅ Te₁gui'₅₄.

9 Ca₂lia'₂ tsá₃ ne₄ jnia'₅₄ 'a₂ lia'₂ cuě₅₄ ti₁'mag'₄ Diú₄ con'₂ dsi₂ten₅₄ o₄quió'₄ a₂'io'₂ jmo₂ jnia'₅₄ le₃ne₄ Diú₄ quián₂ o₄quián'₂ 'nia'₂.

10 Ca₂le₃jě₃ dsi₅ bá₄ jnia'₅₄ mi₂ lia'₂ 'uě₂-jmi₂ ne₄ Diú₄ a₂cuě₃ jmig₄ dsi₁jín₁ 'nia'₂, jaun₂ jme₁ňia₅ guě₄ jnia'₅₄ a₂'nió'₅ le₃tin'₂ guě₄ 'nia'₂ a₂le₃'éng'₂.

11 'Niog₂ jnia'₅₄, Diú₄ Jmei'₂ 'ňiog₅ quian'₅₄ Te₁gui'₅₄ Jesucristo, jme₃'o₅₄ cuě₃ jmig₄ dsi₁náu₅ dsi₁jing₅₄ 'nia'₂.

12 Ju₁jmo₅₄ bá₄ Te₁gui'₅₄ ju₁dsi₂cón₃ a₂jme₁'nió'₄ guě₄ 'nia'₂ ríng'₂ le₂jan'₂ le₂jan'₂ 'nia'₂ quian'₅₄ ca₂le₃jín₃ guě₄ ju₁'ein₂ guě₃ dsa₂ ju₁lia'₂ 'nio₃ jnia'₅₄ 'nia'₂.

13 Ju₁jmo₅₄ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lě₅ 'í₁ quián₅ i₂tsá₃ ma₃'e₂ dsá₁ cha₂ ne₄ Diú₄ Jmei'₂ jniog₄ jě₁ma₂tě₂ rě₁ňi₃ó'₂ Te₁gui'₅₄ Jesús quian'₅₄ ca₂le₃jín₃ i₂quián₅. *

4

'A₂ lia'₂ dsi₂ten₅₄ le₃chan₂ dsa₂ con'₂ 'ňio₂ dsí₅ Diú₄

1 Ně₃ ně₃ rin'₅₄ jniog₄, mi₂ jnia'₅₄ ne'₅₄ 'nia'₂ tě₂le₃ o₄quió'₄ Te₁gui'₅₄ Jesús, a₂i₁nió'₄ 'nia'₂ lia'₂ con'₂ 'ňio₂ dsí₅ Diú₄, ju₁lia'₂ ca₂jme₁tag₅ jnia'₅₄. Le₂jaun₂ caun₂ jmo₄ 'nia'₂ ca₂le₃jě₃ jmig₄.

2 ňi'₅₄ bá₄ 'nia'₂ 'a₂ lia'₂ lě₅ jág₁ ca₂jme₁tag₅ jnia'₅₄, 'éi'₃ ca₂cuě₃ Te₁gui'₅₄ Jesús.

3 A₂'nio₃ Diú₄ a₂i₁nió'₄ 'nia'₂ líng'₅ dsa₂ i₂ma₂lě₅ 'í₁ ca₂ne₅₄ i₂ma₂quián₅ 'ňiog₅; 'i₁jan₂ tsá₃ 'ein₂ ju₁nió'₄ jág₁ a₂tsá₃ dsi₂ten₅₄ nió'₃.

* 3:13 lit. "dsa₂ňi₃ó₅ quián₅."

4 Jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'₅₄ dsa₂ mí₂ quiáng'₂,
lě₅ 'í₁, jme₁gain'₃ 'nia'₂.*

5 On₃jua'₅₄ a₂lě₁qui₂dsi₂jjein₅ 'au'₂ 'nia'₂ 'lig'₅₄ jui₁lia'₂ jmo₅ dsi₂nau₂ i₂tsá₃ Diú₄
cuin₅.

6 Jaun₂ 'i₁jan₂ tsá₃ 'ein₂ jui₁qui₂dsi₂juin₅₄ jua'₅₄ jme₃gain₂₃ riin'₅₄, quian'₅₄
'i₁caun₂. Ia₁ Te₁gui'₅₄ bá₄ jéin'₃ uig₅ ca₂le₃jě₃ a₂le₂ně₅, jui₁lia'₂ ma₂chei₅₄ jnia'₅₄
'nia'₂ le₂ŋiá₅.

7 Ia₁ on₃jua'₅₄ jaun₂ ma₂tě₅ Diú₄ a₂qui₂dsi₂jjiog₅ dsi₅ 'lig'₅₄; a₂jaun₂ bá₄ ca₂tě₃
a₂le₃chong₂ jniog₄ ŋi₅ó₅.

8 Jaun₂ le₂ně₅, jui₁lia'₂ i₂tsá₃ gue₅ jág₁ a₂jme₂tág₁ jnia'₅₄ la₂, on₃jua'₅₄ dsa₂ tsá₃
guein₂₃; Diú₄ bá₄ tsá₃ guein₂₃, i₂ma₂cuin₃ jme₂dsi₂ ŋi₅ó₅ quiáin₅.

9 Tsá₃ 'e₂ tion₅₄ 'nió'₅ jua'₅₄ a₂juá'₄ jniá₂ tó'₄ ne₄ si₂ la₂, jua'₅₄ a₂juá'₄ jniá₂ 'a₂ lia'₂
dsi₂ten₅₄ jme₁'nió'₄ 'nia'₂ dsa₂ i₂'én₂ ríng'₂. Ia₁ ma₂ca₂jme₃tag₅ bá₄ Diú₄ 'ŋiog₅ 'a₂
lia'₂ jme₁'nió'₃ 'nia'₂ ríng'₂ le₂jang'₂ le₂jang'₂.

10 Jaun₂ le₂ně₅ bá₄ jmo'₂ 'nia'₂ ja₁con₂ rín'₂ 'nia'₂ i₂'én₂ i₂tián'₅ 'uě₃ Macedonia.
La₁ mí₂ jnia'₅₄ ja₁con₂ 'nia'₂, rín'₅₄ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂
ríng'₂.

11 Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tín'₂ 'nia'₂
jmó'₂ guiong'₅₄, jmo₄ 'nia'₂ ta₁ quiáng'₂ quian'₅₄ gog'₂-tag'₅₄, jui₁lia'₂ qui₂ma₂jua'₅₄
jniá₅₄ le₂ŋiá₅,

12 ia₁jaun₂ i₁nió'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃
lě₅ jua'₅₄ cha₂ a₂'nió'₅ quián'₂ 'nia'₂.

A₂ŋi₅ó'₂ Te₁gui'₅₄

13 Rín'₅₄ jniog₄, tsá₃ 'niog₂ jnia'₅₄ jua'₅₄ tsá₃ ŋi'₅₄ 'nia'₂ 'e₂ lé₂ quian'₅₄ dsa₂ 'én₂
i₂ma₂dsan₃, ia₁jaun₂ tsá₃ jmó'₂ 'nia'₂ 'lia'₂ 'au'₂ jui₁lia'₂ 'lia'₂ dsí₅ dsa₂ i₂tsá₃ jmig₄
cha₂ quió'₅ jua'₅₄ tíin'₄.

14 Jaun₂ le₂ně₅, jui₁lia'₂ 'éin₂ jniog₄ a₂ca₂jon₃ Jesús, a₂ca₂jjein'₅₄ táng₃ ně₃,
le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quian'₅₄ Jesús dsa₂
i₂ca₂dsan₃ i₂'én₂ le₃quió'₅.

15 Jaun₂ lě₃ chei₂ jnia'₅₄ 'nia'₂ jui₁lia'₂ ca₂jme₃tag₅ Te₁gui'₅₄, con'₂ jniog₄
i₂chong₂ ca₂lia'₂ ca₂tě₂ jmig₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃ŋiá₄
con'₂ guě₄ dsa₂ i₂ma₂dsan₃.

16 Ia₁ 'ŋiog₅ bá₄ Te₁gui'₅₄ sióin₃ guei'₅₄ i₂juíg₃ quió'₃ tiá₂ jmo₃ 'éi'₃, quian'₅₄ jág₁
quió'₅ ángel i₂'uan'₂ guě₄, dsi₃'ein₅₄ ŋi₁ trompeta quió'₅ Diú₄ ně₃. Jaun₂ guě₄
ca₂le₃jín₃ dsa₂ i₂'én₂ le₃quió'₅ Cristo i₂ma₂dsan₃, qui₃jjein'₅₄ le₂'uig₅₄.

17 Jaun₂ jniog₄ i₂chong₂ guě₄, i₂tě₁'ŋiá₄ guě₄ ně₃, chó'₂ co₂lě₅ jě₄ jnei₅ quian'₅₄
dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁gui₂. Jaun₂ le₂ně₅
dsi₁tió'₄ co₂tan₅₄ quian'₅₄ Te₁gui'₅₄.

18 Jaun₂ lě₃, cuě₅₄ 'nia'₂ lián'₂ ríng'₂ quian'₅₄ jág₁ la₂.

5

1 La₁ tsá₃ tion₅₄ jua'₅₄ a₂juá'₄ jniá₂ tó'₄ ne₄ si₂ 'e₂ 'i₅ó'₄ 'e₂ jmig₄ a₂lé₂ jaun₂.

2 Jaun₂ ma₂le₂ŋi'₅₄ bá₄ 'nia'₂ dse₃ guiong'₅₄, jmig₄ a₂ŋi₅ó'₂ Te₁gui'₅₄ con'₂ tsá₃
ján₅ bá₄ dsa₂, jui₁lia'₂ ja₁já₄ jan₂ dsa₂ 'ang₂ caun₂ 'uě₂.

3 Jě₁ma₂tě₂ rě₁juá'₂ dsa₂: “Ca₂le₃jě₃ lě₅ 'í₁, tei₄ bá₄ 'ei₅”, tě₃jě₄ jaun₂ 'én₂ con'₂ tiá₂
ne₄ quió'₅ dsa₂ 'éi₂. Lé₂ jui₁lia'₂ ja₁jén'₅ 'io₅₄ i₂quian₅ guein₂. Con'₂ tsá₃ rě₂jáin₁
jě₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ŋág₃ jmí₁uig₅ jaun₂.

* 4:4 o₃, “Jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ jme₁'uang'₅₄ ni₁ŋi'₁ guiong'₅₄, lě₅ 'í₁, con'₂ dsi₂ten₅₄.”

⁴ La₁ 'nia'₂ rɪn'₅₄ jniog₄, tsá₃ tion'₅₄ 'nia'₂ jë₄ qui₁né'₃, jaun₂ tsá₃ lë₅ jua'₅₄ jo₅₄ jmig₄ jaun₂ quián'₂ 'nia'₂, ju₁lia'₂ ja₁jo₅ jan'₂ ang₂.

⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quian'₅₄ a₂jmi₂ ně₃. Tsá₃ téi₅ jniog₄ a₂'uë₂, on₃ guë'₂ jë₄ qui₁né'₃.

⁶ Jaun₂ tsá₃ 'nió'₅ guág₃ jniog₄ ju₁lia'₂ güin₂ i₂lin₅₄. Le₁jnio₂ ne₄ bá₄ jniog₄ 'nió'₅ jmó₁, lei₅₄, 'en₅₄ dsi₅.

⁷ A₂'uë₂ bá₄ güin₂ dsa₂, ján₃ guë'₂ a₂'uë₂ bá₄ 'ín'₂ dsa₂ 'en₅.

⁸ La₁ jniog₄ ně₃, i₂téi₅ a₂jmi₂, 'nió'₅ lei₅₄, 'en₅₄ dsi₅. 'Nió'₅ qui₁jmó₁ 'í₁ quian'₅₄ a₂'éin₂ quian'₅₄ a₂jme₁'nió₄ rɪn'₅₄ ně₃, ně₂jag₄ bá₄ qui₂rë₂lióg₃ ɲí₁ le₁dsi₅, lë₅ 'í₁; a₂'ín₂ dsi₅ jniog₄ a₂tág'₄ ně₃, lë₅ co₂'nió'₄ ɲí₁ a₂'i₄ mi₂dsi₄ 'lióg₂, lë₅ 'í₁.

⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsi₅; a₂jaun₂ bá₄ ca₂'ag₃ a₂lió₂ jniog₄ të₂le₃ quian'₅₄ Te₁gui'₅₄ Jesucristo quián₂.

¹⁰ O₄quián₂ jniog₄ ca₂join₃ ia₁jaun₂ dsi₁'io₁ co₂lë₅ quian'₅₄, të₁lia'₂ chong₂, o₃ jë₁ma₂dsau₃ 'e₂.*

¹¹ Jaun₂ caun₂ dsia₄ 'nia'₂ tiá₂ 'au'₂, cuë'₅₄ bí₂ ríng'₂ le₂jang'₂ le₂jang'₂, ju₁lia'₂ ma₂jmo'₂ ně₅.

Ton'₂ Pablo jág₁ dsa₂ rɪn'₅₄

¹² Rɪn'₅₄ jniog₄, mi₂jnia'₅₄ a₂jme₁gang'₃ dsa₂ i₂jmo₅ ta₁ jë₄ quián'₂ 'nia'₂, i₂jio₅ ne₄ ju₁le₃quió'₅ Te₁gui'₅₄, i₂to'₂ jág₁ dse₃ ně₃.

¹³ Ca₂tín'₂ 'nia'₂ jme₁gain'₃ 'ɲio₅ lɪn₃, a₂jme₁'nió₄ ně₃, o₄quió'₄ ta₁ a₂jmo₂₃. Ju₁'ei₅ bá₄ tei₄ tion'₅₄ 'nia'₂ le₂jang'₂ le₂jang'₂.

¹⁴ Ján₃ guë'₂ le₂jaun₂ rɪn'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuë'₅₄ 'nia'₂ bí₂ dsa₂ i₂tsá₃ lɪn₄ niog₅ tiá₂ dsi₅, jme₁'on₁ 'nia'₂ dsa₂ 'uan₅₄, jme₁ju₁n'₂ 'nia'₂ 'au'₂ quian'₅₄ ca₂le₃jín₃ ríng'₂.

¹⁵ Jmo₄ 'nia'₂ 'í₁, ia₁jaun₂ 'i₁jan₂ tsá₃ jén₃ 'lig'₅₄ quió'₅ i₂jmóg'₂ 'lig'₅₄. Të₂le₃ caun₂ o₂nó'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rɪn'₂ 'nia'₂ le₂jang'₂ le₂jang'₂ quian'₅₄ guë₄ ca₂le₃jín₃ dsa₂.

¹⁶ Tián'₂ bá₄ 'nia'₂ 'io'₂ jéng'₂ co₂tan₅₄.

¹⁷ Chi₂len'₅₄ 'nia'₂ Diú₄ lia'₂ tsá₃ 'na₂.

¹⁸ Cuë'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂ně₅ bá₄ 'ɲio₂ dsi₅ Diú₄ të₂le₃ quián'₂ 'nia'₂ o₄quió'₄ Cristo Jesús.

¹⁹ Tsá₃ lë₁ag₂ 'nia'₂ si₂ quió'₅ Jme₂dsí₂ Jnió₅.

²⁰ Ně₁jua'₂ 'ein₂ 'ë₂ jág₁ a₂guéi'₅ quió'₅ Diú₄, tsá₃ lë₁jmo₂ 'nia'₂ jua'₅₄ a₂tsá₃ jeng'₅₄.

²¹ Quion₂ de'₂ 'nia'₂ 'í₁ ca₂le₃jě₃ a₂ně₅, jaun₂ chan'₂ bá₄ 'nia'₂ jmá'₃ a₂dse₃.

²² Co₂dsia₅ jmo₄ 'nia'₂ cau₅ ca₂le₃jě₃ ne₅₄ a₂'lig'₅₄.

²³ 'Niog₅ Diú₄ i₂jmo₅ 'ei₅ tei₄, ju₁i₁jmo₁₂ a₂lén'₂ 'nia'₂ dsa₂ jnió₅ co₂ɲei'₅₄; ju₁le₅₄ bá₄ 'í₁ 'nia'₂, ta₁jang': lia'₂ jme₂dsí₂, lia'₂ 'au'₂, lia'₂ ɲi'₄ 'nia'₂; ia₁jaun₂ tsá₃ 'ein₂ lë₂ le₃bóg'₂ dso₄ jë₁ma₂të₂ rë₁guan'₂ Te₁gui'₅₄ Jesucristo quián₂.

²⁴ I₂ma₂të₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂ně₅.

'Ág'₅ jág₁ jë₁ca₂tó'₂

²⁵ Rɪn'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

²⁶ Cu₁n₅₄ Diú₄ ca₂le₃jín₃ rɪn'₅₄ a₂qui₁chén'₁† 'nia'₂ quió'₅ ríng'₂, a₂lë₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂.

²⁷ Mi₅ jniá₂, lia'₂ con'₂ lë₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rɪn'₅₄.

* **5:10** lit. "chi₂jua'₂ le₁jnio₂ ne₄ jniog₄, o₃ le₁guág₃ 'e₂." † **5:26** Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

28 Jui_ijme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.
Co₂ně₅.

Si₂ carta jë₁ca₂të₂ tin₃ aca₂jmo₃ San Pablo ne₄ dsa₂ TESALONICENSES

Pablo quiain'₅₄ rin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

1 Jniá₂ Pa₄, quian'₅₄ Silvano,* quian'₅₄ Timoteo ně₃, dsian'₄ jnia'₅₄ si₂ la₂ ne'₅₄ 'nia'₂ rin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo.

2 Jui₁jme₂gu'₅₄ bá₄ Diú₄, jui₁jme₂gu'₅₄ Te₁gui'₅₄ Jesucristo ně₃, jmo₃ 'ua₁ dsí₅ ja₁con'₂ 'nia'₂, jui₁'ei₅ dse₃ 'au'₂, tiong'₅₄ 'ei₅ tei₄.

Ě₂ Diú₄ uig₅ ja₁con₂ dsa₂ i₂le₁cán'₄ dso₄ jë₁ma₂të₂ rë₁guan'₂ táng₃ Cristo mi₂güig₃

3 Rin'₅₄ jniog₄, ca₂le₃jě₃ jmig₄ bá₄ ca₂tag₂ jnia'₅₄ cuë'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rë₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'nio₅ lín₃ le₂jang'₂ le₂jang'₂.

4 Jaun₂ lë₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jin₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₁juing'₂ 'au'₂ a₂'én'₂ 'nia'₂ ne₄ ca₂le₃jě₃ a₂co₂'ein₅ dsa₂, a₂qui₂jmóg'₂ dsa₂ ně₃.

5 Jaun₂ le₂në₅ cuë'₅₄ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ŋag'₅₄ 'nia'₂ uig₅.

6 Ján₃ bá₄ le₂jaun₂ dsi₂ten₅₄, Diú₄ bá₄ jme₃rě₃ cuë'₃ uig₅ a₂ca₂tín₂ dsa₂ i₂ma₂jmá'₂ 'nia'₂.

7 Jaun₂ 'nia'₂ dsa₂ i₂qui₂ma₂ŋag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jë₁ma₂të₂ rë₁ŋi₂ó'₂ Te₁gui'₅₄ Jesús jui₅ guei'₅₄ i₂juig₃ jë₄ si₂ ca₂jo'₅₄, quiain'₅₄ ángeles i₂'uan'₂ quiáin₅.

8 Jñi₂ó'₂ a₂cuë'₃ uig₅ dsa₂ i₂tsá₃ cuin₅ Diú₄, ia₁ on₃ guë'₂ jui₅ ca₂tón'₃ jág₁ dse₃ quió'₅ Te₁gui'₅₄ Jesucristo.

9 Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ŋei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uing₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂.

10 Jmig₄ jaun₂, jë₁ma₂të₂ rë₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quiáin₅, † jaun₂ dsa₂ i₂'én₂ ně₃ qui₂dsi₃g₃' dsi₅ jág₃ jín₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rë₃'én'₂ 'nia'₂ jág₁ dsau₅ quián₂ jnia'₅₄.

11 'Uig₅₄ jaun₂ bá₄ ján₃, chilén₄ jnia'₅₄ Diú₄ ca₂le₃jě₃ jmig₄ o₄quián'₂ 'nia'₂, jui₁i₂nio'₄ 'nia'₂ con'₂ dsi₂ten₅₄ i₃nio₄ dsa₂ i₂ma₂të₂' quiáin₅; jui₁jme₂ti₃ të₂le₃ quian'₅₄ bí₂ quió'₅ ca₂le₃jě₃ a₂dse₃ a₂'nio₂ 'au'₂ 'nia'₂ jmó'₂, quian'₅₄ ca₂le₃jě₃ ta₁ a₂jmo'₂ 'nia'₂ ia₁ a₂'éng'₂.

12 Jaun₂ le₂në₅ bá₄ lé₂ le₃juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con₂ 'éi₂, lia'₂ con'₂ lë₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

1 Jaun₂ ně₃, 'nia'₂ rin'₅₄ jniog₄, jui₁lia'₂ jë₁ma₂të₂ rë₂guan'₂ Te₁gui'₅₄ Jesucristo, jë₁ma₂të₂ rë₁tió'₄ lo'₂ quiain'₅₄, mi₂ jnia'₅₄ chei₂ 'nia'₂, rin'₅₄ jniog₄,

2 a₂tsá₃ caun₂ lë₁jme₁tsín₄ 'nia'₂ a₂dsi₃jio₅ 'au'₂ le₂siá'₂, on₃ guë'₂ can₂ 'nia'₂ go₂'i₃, ně₁'e₂ guë₃ jág₁ a₂já₅ të₂le₃ quian'₅₄ jan₂ jme₂dsí₂, on₃ guë'₂ jág₁ a₂dsia₅

* 1:1 Lia'₂ chen₂ Silvano, co₂rë₂ quian'₅₄ Silas. † 1:10 lit. "dsa₂ jñi₂ó₅ quiáin₅."

dsa₂, on₃ guë'₂ nē'₁e₂ si₂ carta a₂chen₅ dsa₂ ne'₅₄ 'nia'₂ nē₂jag₄ bá₄ a₂jmo₂ jnia'₅₄, jē₁juá'₂ dsa₂ a₂ma₂ca₂tě₂* jmi₄g₄ quió'₅ Te₁gui'₅₄.

³Tsá₃ lē₁cuín₅ 'nia'₂ jmi₄g₄ a₂jme₃gau₅ dsa₂. Ia₁ né'₃ a₂te₅₄ jmi₄g₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂ jan₂ dsa₂ i₂tsá₃ 'e₂'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂.

⁴Dsa₂ 'éi₂ náu₃ quein₅ ne₄ ca₂le₃jě₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsióg₄ guá₃ tē₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

⁵¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅?

⁶Jaun₂ ně₃ ma₂ñi'₅₄ bá₄ 'nia'₂ 'ein₂ 'éi₂ i₂jné₅ juí₅, jaun₂ tsá₃ jme₃jniog₂₃ jñiá₅ né'₃ a₂tě₅₄ jmi₄g₄ quió'₅.

⁷La₁ tion₅₄ bá₄ ma₂jmo₅ i₂'lín'₅₄ 'éi₂ bí₂ rē₂'ma₄ quió'₅ ia₁ jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jñia'₅₄ lia'₂ chi₁jñia₂₃ a₂jñia'₃ i₂chén'₅ dsi₂jo₂ i₂jmo₅ jnág₅ juí₅.

⁸Jaun₂ guě₄ jme₃jnia₅ dsa₂ 'lín'₅₄ 'éi₂. Jaun₂ Te₁gui'₅₄ Jesús ně₃ jñag'₃ quian'₅₄ dsí₂ tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né'₅ quió'₅ ně₃ jē₁jñi₁ó'₂.

⁹Satanás bá₄ jmo₃ jiá₃ dsa₂ 'lín'₅₄ 'éi₂, ia₁ guáin₂ ján₃ quian'₅ bí₂ a₂o₂dsain₂ jmo₃ léi₄ juē'₂ jme₃gau₂₃.

¹⁰Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ juí₅ dsi₃'én₂ ia₁ tsá₃ guě'₂ ca₂rē₃'nio₃ gue₃ jág₁ tí₅ dsón'₂ a₂jme₁lió₂.

¹¹Jaun₂ bá₄ lē₃ cuě₃ Diú₄ jmi₄g₄ a₂le₃gain₂, ia₁ jaun₂ juí₁le₂'éin₂ co₂ñei'₅₄ jág₁ tē₂jág₁,

¹²ia₁ jaun₂ 'ě₂ Diú₄ uig₅ quió'₅ ca₂le₃jín₃ ia₁ tsá₃ guě'₂ ca₂rē₃'éin₂ jág₁ tí₅ dsón'₂, ia₁ ja₂lín₃ guě₄ tē₅ dsí₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³La₁ jnia'₅₄ ně₃, ca₂le₃jě₃ jmi₄g₄ bá₄ cuě₂ ti₁'mag'₄ Diú₄ o₄quián'₂ 'nia'₂, rín'₅₄ jniog₄, i₂'nió₄ quián₅ Te₁gui'₅₄. Jaun₂ lē₃ lia'₂ con'₂ jme₁ca₂rē₃lióg₃ jmi₄g₄ bá₄ ca₂qui₁ón'₂ Diú₄ 'nia'₂ ia₁ jaun₂ tñ'₄ 'nia'₂, lén'₂ 'nia'₂ dsa₂ i₂le₁jě₃ tē₂dsí₅ tē₂le₃ quian'₅₄ Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂ ně₃.

¹⁴Ta₁ jaun₂ ca₂tě₃ Diú₄ 'nia'₂ tē₂le₃ quian'₅₄ jág₁ dse₃ a₂ca₂jme₂tag₅ jnia'₅₄, ia₁ jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵Jaun₂ le₂ně₅, rín'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ juí₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃.

¹⁶Jaun₂ 'ñiog₅ Te₁gui'₅₄ Jesucristo quian'₅₄ Diú₄ Jmei₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ín₂ dsi₅ jniog₄ tág'₄ ně₃,

¹⁷juí₁cuě'₄ bí₂ tē₂'au'₂ 'nia'₂ ia₁ jaun₂ caun₂ bá₄ 'ag₃ 'au'₂ 'nia'₂, jē₁dsiá'₁ jág₁, jē₁jmó'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹Jē₁ca₂tó'₂ rín'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁ jaun₂ ma₂ně₃ cón'₅ dsióg₄ jág₁ dse₃ quió'₅ Te₁gui'₅₄ ca₂le₃jě₃ juig₂. Juí₁gue₅₄ bá₄ dsa₂ 'ñio₂ dsí₅ juí₁jme₂juē'₂ bá₄ dsa₂ jág₁ la₂ juí₁lia'₂ ca₂lě₃ quian'₅₄ 'nia'₂.

²Mi₄ 'nia'₂ o₄quián₂ jnia'₅₄ ján₃, ia₁ jaun₂ lió₂ jnia'₅₄ o₄gú₃ dsa₂ 'lín'₅₄ i₂jmóg'₂ mi'₅₄, ia₁ tsá₃ 'én₂ ca₂le₃jín₃.

³La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁ jaun₂ tsá₃ jmóg'₂ i₂sē₃dsen₃.

* 2:2 o₃, "a₂ma₂ja₂quián₃."

⁴Caun₂ bá₄ 'ei₅ dsi₅ jnia'₅₄ tē₂le₃ quió'₅ Te₁gui'₅₄, a₂jmo'₂ ton'₂ a₂jmo'₂ 'nia'₂ ně₃, ca₂le₃jě₃ 'e₂ a₂ma₂jua'₂ jnia'₅₄ jmó'₂ 'nia'₂.

⁵Ju₁i₁jio_g₅₄ bá₄ Te₁gui'₅₄ tē₂'au'₂ 'nia'₂ ja₁'nio₃ Diú₄, ja₁jme₁ju_{in}'₂ 'nia'₂ 'au'₂ ju₁lia'₂ ju_{in}'₂ dsí₅ Cristo ně₃.

Ca₂tín₂ bá₄ dsa₂ jmo₃ ta₁

⁶Rin'₅₄ jniog₄, cuē₂ jnia'₅₄ 'éi'₃ tē₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ ju₁'ein₂ guě₃ rin'₅₄ jniog₄ ju_{in}'₅ jmo₃ ta₁ on₃ guē'₂ jmo₂₃ con'₂ lě₅ a₂ca₂jme₁tín₅ jnia'₅₄ 'nia'₂.

⁷Jaun₂ ŋi'₅₄ bá₄ 'nia'₂ 'a₂lia'₂ 'nió'₅ tiáng'₄ a₂jmo'₂ con'₂ lě₅ 'a₂lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmo'₁ jnia'₅₄ ta₁ tē₂lia'₂ ca₂tió'₄ quian'₅₄ 'nia'₂,

⁸on₃ guē'₂ jua'₅₄ ca₂que₅₄ jnia'₅₄ a₂lě₅ ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Tē₂le₃ qui₂ca₂jmo'₁ bá₄ jnia'₅₄ ta₁ 'ŋio₅ lín₃ lia'₂ 'uē₂-jm_{i2} ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄.

⁹On₃jua'₅₄ ia₁ a₂tsá₃ ca₂tág₂ jnia'₅₄; a₂ŋnia'₅₄ lia'₂ ca₂quián₁ jnia'₅₄ caun₂ ju_{i5} ne₄ 'nia'₂, ia₁jaun₂ 'nia'₂ ně₃ cán'₁ ju_{i5} jaun₂ a₂ca₂quián₁ jnia'₅₄.

¹⁰Ia₁ lia'₂ con'₂ jme₁tió'₅₄ jnia'₅₄ quian'₅₄ 'nia'₂, ca₂cuē₁ 'éi'₃ la₂: Ju₁lia'₂ dsa₂ i₂ju_{in}'₅ jmo₃ ta₁, tsá₃ ju_{i1}guě'₄.

¹¹Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lín₅₄ tián'₅ tsá₃ ta₁ 'nio₃ jmo₃, 'ŋio₅ bá₄ tsá₃ jín₅₄ qui₂tián₂ ja₁tsá₃ ca₂tín₂.

¹²Jaun₂ dsa₂ 'éi'₂ ně₃ chei₂ jnia'₅₄ le₃quió'₅ Te₁gui'₅₄ Jesucristo quián₂, ju_{i1}jmo₁₂ ta₁ quió'₅ ia₁jaun₂ cha₂ a₂qui₂dsi₃ŋi₂.

¹³Rin'₅₄ jniog₄, tsá₃ jmo₂ 'nia'₂ a₂ca₂'ong'₃ jmo'₂ cosa dse₃.

¹⁴Chi₂jua'₂ chan₂ i₂tsá₃ tón'₂ ju_{i5} a₂jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi'₂ jaun₂ tsá₃ ma₃jme₁quian'₅₄ 'nia'₂, ia₁jaun₂ le₃gui'₅₄.

¹⁵La₁ tsá₃ jme₁'ŋia'₅₄ 'nia'₂, tē₂le₃ cuē'₅₄ tío_{in}'₂ 'nia'₂ já_{g1} dse₃ co₂'nió'₄ ríng'₂.

Ju₁jme₂gu'₅₄ bá₄ Diú₄: Já_{g1} jě₁ca₂tó'₂ quió'₅ Pa₄

¹⁶'Nio_g₅ Te₁gui'₅₄ i₂jmo₅ 'ag₅ tei₄ dsí₅ dsa₂, ju_{i1}jmo₁₂ le₁'ág₄ tei₄ 'au'₂ 'nia'₂ quian'₅₄ ca₂le₃jě₃ a₂jmo'₂ 'nia'₂. Ju₁'en₅₄ bá₄ Diú₄ quian'₅₄ ca₂le₃jín'₃ 'nia'₂.

¹⁷Jniá₂ Pa₄ jmo₂₃ si₂ la₂ quian'₅₄ gu₃* cuíng₅ Diú₄ 'nia'₂, co₂'nió'₄ léi₄ a₂tó'₅ jniá₂ ne₄ ca₂le₃jě₃ si₂ a₂jmo₂₃. Le₂la₂ lě₅ letra quió₃.

¹⁸Ju₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.

Co₂ně₅.

* **3:17** 'Nio'₂ ja,ton, 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄.

² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ nēi₂ dsí₅ ja₁cong'₂, a₂'ag₃ tei₄ 'au'₂ nē₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂ Efeso ia₁jaun₂ jui₂'₅₄ dsa₂ i₂lín₅₄ a₂tsá₃ jme₃tag₂₃ juá'₅ a₂tsá₃ dsau₅,

⁴ on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'ín₅ dsa₂ dsa₂ can'₅₄ i₂jme₁chan₂ ma₂líng'₂, jág₁ a₂tsá₃ líg'₂ jmi₂g₄ dsian₅. Jnia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃juá'₅₄ a₂lē₁jmo₂ a₂'éin₂ nē₃, jaun₂ gué₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂.

⁶ Ia₁ i₂lín₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄ jág₁ a₂tsá₃ ta₁ tí₄.

⁷ 'Nio₃ lén₂ tē₃juá'₅, la₁ jnia'₅₄ guioin₅₄ bá₄ tsá₃ nīl'₂ 'e₂ juá'₂ a₂jme₂tiin₂₃ dsa₂, n₂ag₅₄ rē'₂ 'ei₅ caun₂ dsí₅, nē₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ nē₁juá'₂ ca₂jmó'₂ dsa₂ ta₁ con'₂ dsi₂ten₅₄.

⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ nē₃;

¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ nē'₂ i₂nió'₅ jág₁ 'lig'₅₄ quian'₅₄ dsa₂ nē'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ gué₄ cosa a₂tsá₃ lé₅ con'₂ lé₅ juá'₅ dse₃.

¹¹ Juá'₅ dse₃ la₂, co₂rē₂ bá₄ quin₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jnió₅ o₄gu₃ jniá₂.

Ia₁ 'ua₁ dsí₅ Diú₄ jaun₂ cuē₅ Pa₄ ti₁'mag'₄

¹² Cuē₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuē₃ bí jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄.

¹³ Ca₂jmo₃ Cristo ca₂le₃jē₃ nē₅ ja₁con₂ jniá₂, o₁jnia'₅₄ jme₁dsia₅ jniá₂ 'lig'₅₄ jme₁'in₅ le₂jniá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsí₃ nē₃. La₁ ca₂dsia₃ Te₁gui'₅₄ nēi₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂.

¹⁴ Jaun₂ Te₁gui'₅₄ quián₂ jniog₄ 'nio₅ lín₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ gué₄ lín₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi'₂, jniá₂ líng₅ i₂le₂'uig₅₄ i₂rē₂cán'₄ gué₄ dso₄.

16 La₁ Diú₄ ca₂dsia₃ ñéi₂ dsí₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo ñéi₂ dsí₅ lióin₂ dsa₂ i₂ñí₄ rin₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ të₂le₃ quió'₅ Jesucristo ia₁jaun₂ le₃chain₂ co₂tan₅₄.

17 Jaun₂ lë₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmíg₄ jón₂, on₃ guë'₂ jniá₂, i₂jan₂ tan₅₄ Diú₄ i₂ñí₄ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jë₃ jmíg₄ ñi₂ a₂já₅. A₂méi₃.

18 Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lë₅ jág₁ dse₃ a₂ca₂cuë₃ Jme₂dsí₂ Jnió₅ ca₂cuë'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jniá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, të₂le₃ quian'₅₄ jág₁ a₂ca₂cuë₃ dsa₂ jaun₂:

19 a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ në₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂në₅ ca₂i₃'én₂ a₂'éin₂, në₂jag₄ bá₄ caun₂ ñi₁barco a₂ca₂lë₃ le₁juig₁ le₁dsog'₅₄ ne₄ jmi₁ñí'₄.

20 Le₂në₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂së₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ të₃'oin'₂ Diú₄.

2

Cuë₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

1 Jë₁le₂'uig₅₄, chi₁quian₅₄ jniá₂ jmíg₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuë'₅₄ 'nia'₂ ti₁'mag'₄ në₃, o₄quió'₄ ca₂le₃jín₃ dsa₂,

2 o₄quió'₄ jui₁lia'₂ rag₅₄, o₄quió'₄ ca₂le₃jín₃ jui₁lia'₂ dsi₂tan₅₄, ia₁jaun₂ bá₄ lë₂ le₃'io₄ jniog₄ 'ei₅ tei₄ tsá₃ mí'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jë₃ jme₂dsí₂ quián₂ ne₄ ca₂le₃jë₃, le₃ne₄ Diú₄.

3 Ia₁ le₂në₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂,

4 i₂'nio₃ líón₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅.

5 Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jë₄ quió'₅ Diú₄ quian'₅₄ dsa₂ mi₂güí₃. Dsa₂ 'éi₂ lín₅ Cristo Jesús.*

6 'Éi₂ në₃ ca₂jín'₂ 'ñiog₅ ca₂quí₃ 'lia'₅₄ ia₁jaun₂ líón₂ ca₂le₃jín₃ dsa₂. Jág₁ dsau₅ në₅ në₃, ca₂rë₃ñi₅ dsa₂ jme₁ca₂të₂ jmíg₄ a₂le₃ñi₅.

7 Ta₁ jaun₂ ca₂rë₃'ín₁ jniá₂ ia₁jaun₂ léng₂ jan₂ i₂'ë₂ jág₁, jan₂ i₂chen₄ quián₅ Jesús në₃, jan₂ të₅ i₂jme₂tín₅ dsi₂nau₂ jui₁lia'₂ 'a₂ lia'₂ lë₅ a₂'én₂ dsa₂, 'a₂ lia'₂ lë₅ jág₁ tí₅ në₃. Jág₁ dsau₅ bá₄ a₂juá'₅, † tsá₃ të₂jíng₁.

8 Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ quile₂jë₃ të₂dsí₅, on₃jua'₅₄ a₂'i₄ 'nei₂ dsí₅, on₃ guë'₂ a₂qui₂tsin₂₃ quian'₅₄ riin'₅₄.

9 'Io₅₄ guë'₂ në₃ 'nió'₅ quí'₃ tsin'₅₄ con'₂ dsi₂ten₅₄, dse₃ jniá₂, li'₅₄ quió'₅. Jui₁jmoi'₅₄ a₂rë₂lin₅₄, on₃jua'₅₄ quian'₅₄ a₂ñí₄ lë₃ jlá'₁ qui₂rë₂lag₄ dsi₅₄, on₃ guë'₂ quian'₅₄ cu₄nióg₄, on₃ guë'₂ quian'₅₄ míg₂ perlas a₂tó'₅ lag₅₄, on₃ guë'₂ quian'₅₄ tsin'₅₄ 'mu'₅₄ në₃;

10 të₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mí₂ i₂ma₂jín'₂ ja₁con₂ Diú₄.

11 Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jë₄ ca₂le₃jë₃.

12 Tsá₃ cuë₅ jniá₂ jmíg₄ jua'₅₄ a₂jme₂tag₅ 'io₅₄, on₃ guë'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄.

13 Ia₁ Adán bá₄ i₂le₂'uig₅₄ ca₂jmó'₂ Diú₄; cang₂ bá₄ ca₂jmói'₂ Eva.

* 2:5 o₃, "Jesucristo." † 2:7 A₂lin₅₄ chog₅₄ si₂juá'₂ ján₃: "le₃quió'₅ Cristo."

14 Jaun₂ on₃jua'₅₄ Adán i₂ca₂rë₃gán₃; 'io₅₄ bá₄ i₂ca₂rë₃gán₃ jaun₂ ca₂táin'₂ dso₄.
 15 La₁ia₁, líón₂ bá₄ 'io₅₄ nē₁jua'₂ jme₂cain'₅₄ chí₂-guein₂ quiáin₅, chí₂jua'₂ caun₂
 'éin₂ jág₁ quió'₅ Diú₄, caun₂ 'nioi₃ riin'₅₄, caun₂ chain₂ le₁jě₃ jme₂dsí₂ quió'₅, a₂li'₅₄
 quió'₅ ně₃.

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

1 Dsón'₂ bá₄ dsau₅ jág₁ la₂: chí₂jua'₂ 'éin₂ 'nia'₂ 'nio₃ cán₂ ne₄ jui₅ jñia₃ rin'₅₄,*
 ta₁ dse₃ bá₄ jaun₂ 'ín₅ dsí₅.

2 Jaun₂ lě₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅ jua'₅₄ cha₂ ja₁coin₂ a₂lé₂
 le₃bóg'₂ dsa₂ dso₄, jua'₅₄ a₂ag₃ 'lig'₅₄. Ján₃ guë'₂, jan₂ bá₄ 'io₅₄ quiáin₅ i₂guá₅
 quíain'₅₄; 'en₅₄ dsí₅ 'nió'₅ léin₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂
 dsi₂néi₂ quió'₅, qui'₅₄ jmi₄g₄ jme₂tiin₂₃ dsa₂.

3 Tsá₃ 'nió'₅ ñi₃ 'éin₅, on₃ guë'₂ qui₃'no₃ mi'₅₄, on₃ guë'₂ 'nió'₅ jmo₃ 'ín₅ dsí₅ jua'₅₄
 a₂lě₁'nio₃ lí'₂ cu₄ quió'₅ dsa₂. Tě₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄
 riin'₅₄, tsá₃ 'nió'₅ jmo₃ jua'₅₄ a₂ñi₄ lě₃ 'ín₅ dsí₅ cu₄.

4 'Nió'₅ ñi₅ 'a₂ lia'₂ jñia₃ dsa₂ dsi₂néi₂ quió'₅, 'a₂ lia'₂ co₂jéin'₂ chí₂ quiáin₅
 ia₁jaun₂ bá₄ jme₂go₃ chí₂ quiáin₅ ne₄ ca₂le₃jě₃.

5 Ia₁ nē₁jua'₂ tsá₃ ñi₅ 'a₂ lia'₂ jñia₃ dsa₂ dsi₂néi₂ quió'₅ ně₃, ĉ'a₂ bá₄ lia'₂ lě₂
 le₃jmo₃ 'í₁ guá'₅ quián₅ Diú₄?

6 Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂tě₂ca₂rë₃'én₂. Ia₁ con'₂ tsá₃ ñó₅
 nē₁jua'₂ 'ñio₅ ca₂jmo₃ róin₂, tiáin'₃ jui₁lia'₂ ca₂tán'₂ i₂sě₃dsen₃.

7 Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ ñó₅
 ně₁ca₂táin'₂ jág₁ lia'₂ chain₂, a₂tiáin'₂ tsi₁cág'₅ quió'₅ i₂sě₃dsen₃ ně₃.

'A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

8 Le₂ně₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄
 dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lě₁qui₂co₅ jág₁ quió'₅, on₃
 guë'₂ 'nió'₅ i₃ñioi₅₄ 'éin₅, tsá₃ 'nió'₅ jmo₃ 'ín₅ dsí₅ jua'₅₄ a₂lě₁'nio₃ lí'₂ cu₄ quió'₅ dsa₂.

9 'Nió'₅ jmo₃ 'í₁ jág₁ dse₃ a₂rě₂'ma₄ quió'₅ Diú₄ a₂'éin₂ jniog₄, a₂le₁jě₃ tě₂dsí₅.

10 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₂'o₅₄ nē₁jua'₂ 'a₂
 lia'₂ lín₅. Nē₁jua'₂ tsá₃ 'e₂ riin₂, jaun₂ guě₄ dsi₂ten₅₄ léin₂ dsa₂ i₂jme₂'o₅₄a quián₅
 guá'₅.

11 Jui₁lia'₂ dsa₂ mí₂ guë'₂ ně₃, ján₃ bá₄ le₂jaun₂ 'nió'₅ li'₅₄ quió'₅, tsá₃ 'nió'₅
 a₂lě₁bóg'₂ dso₄. 'Nió'₅ 'en₅₄ dsí₅ léin₂, rě₂ti'₅₄ jě₄ ca₂le₃jě₃ ně₃.

12 I₂jme₂'o₅₄ quián₅ guá'₅a 'nió'₅ jmo₃ ján₃, jan₂ bá₄ 'io₅₄ quiáin₅ i₂rě₂jen'₂ gu₂
 quiáin'₅₄. Jaun₂ 'nió'₅ ñi₅ 'a₂ lia'₂ co₂jéin'₂ con'₂ dsi₂ten₅₄ chí₂ quiáin₅, quian'₅₄
 dsa₂ dsi₂néi₂ quió'₅ ně₃.

13 Ia₁ jui₁lia'₂ dsa₂ i₂jme₂'o₅₄† i₂rě₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃
 quió'₅, ton'₂ ján₃ guë'₂ caun₂ guě₄ 'ag₃ dsí₅ a₂dsia₃ 'a₂ lia'₂ 'éin₂ tě₂le₃ quió'₅ Cristo
 Jesús.

Le₂la₂ lě₅ jág₁ quió'₅ Diú₄ a₂'éin₂ jniog₄

14 'In₂ dsi₃ jniá₂ nei₅₄ ñi'₅₄ ta₁ i₁jñing₁₂ 'ne₂. La₁ né'₃ a₂dsióg₄, jmo₂₃ si₂ la₂,

15 ia₁jaun₂ nē₁jua'₂ ca₂rě₃'ing₅₄, le₃ñi'₅₄ bá₄ 'a₂ lia'₂ ca₂tín₂ i₃ñio₄ dsa₂ dsi₂néi₂
 quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'ui₅₄ 'ia'₂, 'ma₂dsí₅ ně₃, quió'₅
 jág₁ tí₅.

16 Dsón'₂ bá₄ juë'₂ juá'₅ a₂'éin₂ jniog₄, a₂jme₁rě₂'ma₄ le₂jñiá₅:

* 3:1 griego: epískopos. † 3:13 griego: diákonous.

Ca₂guan₃ Diú₄ chi₁dsain₂;
 ca₂jme₃jniog₅ Jme₂dsí₂ a₂lín₅ i₂dsen₃;
 ca₂jág₂ ángeles;
 ca₂rë₃'ë₂ jág₁, ca₂'ag₃ dsa₂ jin₄ dsi₂nau₂;
 ca₂rë₃'én₂ dsa₂ mi₂güí₃ jág₁ quió'₅;
 ca₂guéi'₂ táng₃ Jmei₂ guei'₅₄ i₂juí₃ ně₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmig₄ jë₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂juí₁gan₂, jág₁ juá'₅ a₂já₅ quió'₅ je₂na'₅₄ ně₃,

² a₂jme₂tag₅ dsa₂ i₂jnia'₅₄ qui₂le₁'ág₄ dse₃ o₁ne₁, i₂co₂jmo₅ jág₁ të₂jág₁, i₂tsá₃ ma₃'e₂ qui₂dsi₂jñi₅ dsí₅ ia₁ ma₂lë₅ dsí₅ në₂jag₄ bá₄ a₂ma₂cáu₂ quian'₅₄ ni₁ñí₁ dséi'₂.

³ Jme₃tag₂₃ a₂tsá₃ ma₃jén'₂ dsa₂ gu₂; a₂lín₅₄ má₃ guë'₂ ně₃ tsá₃ ma₃cuë₃ jmig₄ jua'₅₄ a₂guë'₃ guë'₄ dsa₂, o₁jnia'₅₄ ca₂jmo₃ Diú₄ ca₂le₃jě₃ ne₅₄ cosa ia₁jaun₂ guë'₃ dsa₂ i₂'én₂ i₂cuí'₅ jág₁ dsau₅, a₂cuë₃ ti₁'mag'₄ ně₃.

⁴ A₂dse₃ jë₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuë₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁.

⁵ Ia₁ ma₂ron₅ jág₁ quió'₅ Diú₄, juá'₂ a₂le₁jě₃ bá₄ jaun₂. Jme₂jnió₃ bá₄ Diú₄ jme₁cuë₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rín'₅₄ jniog₄ le₂në₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rë₂tang'₅₄, rë₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃.

⁷ La₁ tsá₃ lë₁tón'₂ jui₅ jág₁ co₄ a₂lë₁dsia₅ dsa₂ mi₂güí₃, on₃ guë'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ të₂le₃ quió'₅ Diú₄.

⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi'₂ ni₁ñi₁₂ jui₁lia'₂ jme₁co₂₃. La₁ 'ñio₅ lín₃ guë'₄ dse₃ jme₃dsau₅ dsa₂ të₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂në₅ bá₄ cuë'₃ a₂dse₃ quián₂ jniog₄ mi₂güí₃ caun₂, on₃jua'₅₄ jmá'₃ ne₄ gua'₅₄ 'uë₃ la₂.

⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ të₃dsón'₂ bá₄ dsau₅.

¹⁰ A₂jaun₂ bá₄ lë₃ dsen₅₄ dsi₅ jmo₂ jniog₄ ta₁, qui₂jnú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsi₅ të₂le₃ quió'₅ Diú₄ jén'₃ të₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ të₂le₃ dsen₅₄ guë'₄ quián₅ dsa₂ i₂'én₂.

¹¹ Jág₁ ně₅ ca₂tíng'₂ juig'₅₄ dsa₂, jme₁tin'₂ ně₃.

¹² Tsá₃ lë₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Të₂le₃ 'ñio₅ lín₃ guë'₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'₂ 'a₂ lia'₂ lë₅ jág₁ quiáng'₂, jme₁dsia'₂ jág₁, jui₁lia'₂ 'a₂ lia'₂ chang'₂ ñi'₂, jui₁lia'₂ 'a₂ lia'₂ 'nió'₃ 'ne₂ dsa₂ ríng'₂, jui₁lia'₂ 'a₂ lia'₂ 'éng'₂, jui₁lia'₂ 'a₂ lia'₂ chang'₂ a₂le₁jě₃ të₂'au'₂ ně₃.

¹³ Të₁lia'₂ tsá₃ ma₂dsióg₃ jniá₂, 'í Si₂ quió'₅ Diú₄ jin₄ dsa₂; tioen'₂ jág₁ dse₃ jme₁tin₅ ně₃.

¹⁴ Tsá₃ jui₁dsi₂'én₂ 'au'₂ a₂ma₂cuë₃ Diú₄ a₂ma₂tíng'₂ a₂ca₂ñig'₂ të₂le₃ quian'₅₄ dsa₂ can'₅₄ rín'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂në₅, ia₁jaun₂ le₃lí'₄ dsa₂ a₂ma₂dsi₂jñiá'₄ a₂tíng'₂.

16 Jmo₄ 'í₁ 'ñiag'₂, ján₃ guë'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂në₅. Në₁jua'₂ ca₂jme₂ti'₄ ca₂le₃jě₃ a₂në₅, long'₅₄ 'ñiag'₂, ján₃ guë'₂ long'₅₄ ca₂le₃jín₃ i₂nag₅ jág₁ quiáng'₂.

5

A₂ lia'₂ 'nió'₅ jmo₃ jin₄ dsa₂ 'én₂ rin'₅₄

1 Tsá₃ lë₁të₂jén₅ ju₁lia'₂ dsa₂ ma₂guen'₂. Të₂le₃ 'nió'₅ tioin'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ guë'₂ le₂jaun₂ dsa₂ ñe'₂ chi'₂, jmo₄ 'au'₂ jin₅₄ lia'₂ ja₁jíng'₅₄ ríng'₂.

2 Ján₃ guë'₂ le₂jaun₂ ju₁lia'₂ dsa₂ mí₂ ma₂guen'₂ ně₃, jme₁'nió₄ ju₁lia'₂ 'nióg'₃ chog'₂. Le₂jaun₂ guë'₂ ju₁lia'₂ 'io₅₄ chi'₂, jin₅₄ jme₁'nió₄ ju₁lia'₂ ja₁'nióg'₃ 'io₅₄ ríng'₂ ján₃, a₂le₃jě₃ 'au'₂ co₂ñei'₅₄.

3 Ju₁lia'₂ 'io₅₄ 'nág₂ guë'₂ ně₃, jme₁'oin₅₄ në₁jua'₂ léi₄ a₂'nió'₅ dsón'₂ quió'₅.

4 La₁ në₁jua'₂ jan₂ dsa₂ mí₂ 'nág₂ chan₂ chi'₂ quiáin₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tín₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂në₅ bá₄ dse₃, 'ñio₂ dsí₅ Diú₄.

5 'Io₅₄ 'nág₂ i₂të₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂léin'₂ Diú₄ 'uë₂-jmi₂ mi₂₃ 'e₂ 'nió'₅ quió'₅.

6 La₁ në₁jua'₂ 'io₅₄ 'nág₂ i₂lë₁ñi₅ cuë'₅ o₂'ñio₃ o₂jñia₃ dsí₅ 'ñiog₅ ně₃, co₂'nió'₄ 'lag₄ bá₄ 'éi₂ chan₂.

7 Jaun₂ ca₂le₃jě₃ a₂në₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuin₃ jmig₄ 'ag₃ dsa₂ 'lig'₅₄.

8 Në₁jua'₂ chan₂ i₂tsá₃ ju₁ tón'₂ 'e₂ ta₁ chain₂ quiain'₅₄ i₂chan₂ quiáin₅, la₁ 'ñio₅ lín₃ guë'₄ në₁jua'₂ tsá₃ tón'₂ ju₁ i₂chan₂ dsi₂néi₂ quió'₅ 'ñiog₅ ně₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guë'₄ lia'₂ dsa₂ i₂tsá₃ 'én₂.

9 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lë₅ guë'₄ ma₂'nag'₂ ne₂guióg₂ ñi₂, i₂ma₂jñia₃ jan₂ bá₄ dsi₂i₂gu₂.

10 'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jë₁ma₂já₅, ju₁lia'₂ chi₂jua'₂ ma₂ca₂jme₃caín'₅₄ chi'₂-guein₂ quiáin₅, chi₂jua'₂ ma₂qui₂ma₂cuë₃ bá₄ 'ñio₂ dsí₅ dsi₂néi₂ quió'₅ ma₂qui₂ma₂jñia₃ dsa₂, chi₂jua'₂ ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ guë'₄ con'₂ guë'₄ rin'₅₄, chi₂jua'₂ ma₂ca₂jme₃'oin₅₄ bá₄ i₂chan₂ o₂i₁ dsí₅, chi₂jua'₂ ma₂jmo₃ ca₂le₃jě₃ ne₅₄ a₂dse₃ ně₃.

11 La₁ tsá₃ tē₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ guë'₄ ñi₂, ia₁ jë₁ma₂ca₂lë₃ dsí₅ 'ñio₅ lín₃ guë'₄ tón'₂ ju₁ a₂mi₅ dsí₅ con'₂ guë'₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃.

12 Le₂në₅ bá₄ rë₂cáin'₄ ia₁ tsá₃ ca₂rë₃ti'₅₄ jág₁ quió'₅ a₂ma₂cuë₃.

13 Ján₃ guë'₂ con'₂ tsá₃ ñó₅ në₁jua'₂ ca₂rë₃tín₃ dsí₅ jñia'₅₄ i₂nioi₅₄ tē₂juin₂ tsi₁jin₁₂. Ján₃ guë'₂ le₂jaun₂, on₃jua'₅₄ rë'₂ jñia'₅₄ tñin₂ i₂nioi₅₄ tsi₁jin₁₂, dsi₂léin₂ le₂'í₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tñin₂.

14 Jaun₂ lë₃ 'nio₃ jniá₂ co₂ñei'₅₄ jén'₂ táng₃ gu₂ ju₁lia'₂ 'io₅₄ 'nág₂ chi'₂, ju₁le₂chan₂ chi'₂-guein₂ quiáin₅, ju₁le₂in₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cuin₃ jmig₄ jmo₃ i₂së₃dsen₃ lé₂ dsí₅ dsa₂ 'ag₃ 'lig'₅₄.

15 Ia₁ i₂lín₅₄ ma₂lë₂léin₂ cau₅, 'ein₂₃ Satanás.

16 Chi₂jua'₂ chan₂ rin'₅₄ jniog₄ dsa₂ ñe'₂, o₃ dsa₂ mí₂ 'e₂,† chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ñí₄ lë₃ guei₂ cán₂

* 5:10 lit. "chi₂jua'₂ ma₂qui₂ma₂rang₃ mi₂tag₄ dsa₂ jñió₅." † 5:16 A₂lín₅₄ chog₅₄ si₂: "Chi₂jua'₂ chan₂ dsa₂ mí₂ rin'₅₄ jniog₄."

guá'₅, ia₁jaun₂ bá₄ cuin₃ jmiḡ₄ lé₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

17 Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lě₅ guě₄ 'nió'₅ jme₃go₃ dsa₂, jág₂ dsa₂ dse₃. La₁ 'ŋio₅ lín₃ guě₄ ca₂tín₂ dsa₂ jín₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃.

18 Ia₁ ne₄ Si₂ quió'₅ Diú₄ juá'₂: “Tsá₃ lě₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uíg₂ míḡ₂ trigo.” † Ján₃ guě'₂ le₂jaun₂ juá'₂ Si₂: “Ca₂tín₂ bá₄ dsa₂ i₂jmo₅ ta₁ gue₃ 'liain'₅₄.” §

19 Tsá₃ lě₁tón'₂ jui₅ nē₁jua'₂ chan₂ 'ein₂ dsia₅ dso₄ 'ni₂₃ jan₂ gui'₅₄ can'₅₄ nē₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅.*

20 La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₂jē₄ ja₁le₁ŋi'₂ 'nia'₂ ca₂le₃jǐng'₃, ia₁jaun₂ tē₃ ne₄ ca₂le₃jǐn₃ jaun₂ le₃gó'₃ ján₃.

21 O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jǐn₃ ángeles i₂ma₂quióin'₂, cuē₅ jniá₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jǐng'₅₄ jma₃quén₅ rǐng'₂ a₂jmó'₂ i₂lín₅₄ tē₂jéng'₄, i₂lín₅₄ guě'₂ tsá₃ tē₂jéng'₄. Co₂rē₂ bá₄ tē₂jéng'₄ con'₂ i₂ca₂tín₂ dsi₃jen₅₄.

22 Tsá₃ caun₂ lě₁ín₅† de'₂ tē₂le₃ dséi₂ dsa₂ i₂jiog₃ cán₂ ne₄ jui₅ guá'₅, con'₂ tsá₃ ŋó₅ nē₁jua'₂ le₃jiog₄ 'ne₂ ca₂rē₃cáng'₂ dsáu₁ i₂sián'₂. Jmo₄ 'í a₂chang'₂ le₁jě₃ tē₂'au'₂.

23 Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma'nió'₅ 'ag'₅₄ jmá'₃ jmiḡ₂; 'én'₂ ca₂la₂ vino ján₃.

24 Dso₄ a₂'no₅ dsa₂ i₂lín₅₄ a₂léi₄, jniá₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lín₅₄ guě'₂ tsá₃ léi₄ dsi₂jui₅. Cang₂ bá₄ rē₂léi₄.

25 Ján₃ guě'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá₂ bá₄. O₁jñia'₅₄ tsá₃ qui₂rē₂jniá₂ dsi₂jui₅, tion₅₄ bá₄ rē₂jniá₂ jui₁la₂ 'ióg₃.

6

1 Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'₅₄ 'iin₃ Diú₄, on₃ guě'₂ 'ě₃ dsa₂ 'lig'₅₄ 'e₂ jme₂tín₁ jniog₄ dsa₂.

2 Chi₂jua'₂ chan₂ juig₅₄ i₂'éñ₂ nē₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ guě₄ ia₁ lín₅ dsa₂ 'én₂ riin'₅₄. Co₂rē₂ bá₄ 'nió'₅ jme₃gan₃ dsa₂ riin'₅₄ con'₂ riin'₅₄ i₂'éñ₂ tē₂le₃ quió'₅ Cristo. Tē₂le₃ 'nió'₅ jme₃ti₃ guě₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ riin'₅₄ i₂'nió₄. Le₂nē₅ jme₁tín₅ dsa₂, tióin'₂ jág₁ nē₃.

Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

3 Chi₂jua'₂ chan₂ i₂jme₂tag₅ le₂siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁gui'₅₄ Jesucristo, on₃ guě₄ juá'₅ quió'₅ Diú₄ nē₃,

4 a₂jñia'₅₄ con'₂ jme₂rón₂ 'niog₅ bá₄ dsa₂ 'éi₂, 'i₁ca₂juig₄ tsá₃ 'e₂ ŋi'₂ dsí₅. Nē₂jag₄ bá₄ i₂dso'₅₄ bá₄ i₂le₂'éi₂, ia₁ a₂jñia'₅₄ 'nio₃ dsia₃ mi'₅₄ quian'₅₄ jág₁. 'Uig₅₄ jaun₂ ja₂ uig₅ dsí₅ dsa₂, qui₂tsin₅ dsa₂, qui₂jná'₂ dsa₂ jág₁ uig₅ riin'₅₄, tsá₃ 'e₂ dse₃ jín₂ dsa₂ riin'₅₄ nē₃.

5 Lě₅ bá₄ caun₂ jñia'₅₄ niog₅ mi'₅₄ tsá₃ dsian₅ lě₅ jín₄ dsa₂ i₂tsá₃ dse₃ qui₂dsi₂jiog₅ dsí₅. Tsá₃ ma'₅ e₂ jág₁ dsau₅ cuí'₅; lín₂ quian'₅₄ juá'₅ a₂jme₂tag₂₃, a₂tē₃dsi₅₄ quió'₅. [Co₂dsia₅ jñiag'₃ cau₅, tsá₃ lě₁'ú₅ quian'₅₄ dsa₂ i₂le₂'éi₂.]*

6 Dsau₅ bá₄ jaun₂ a₂quen₅ juá'₅, la₁ia₁ a₂tē₁dsi₅₄ guě₄ lín₃ le₃quió'₅ dsa₂ i₂le₁'ág₄ tei₄ dsí₅, i₂chan₂ ma₂dsáu₅ dsí₅ 'e₂ cha₂ quió'₅.

† 5:18 Deuteronomio 25:4. § 5:18 Lucas 10:7. * 5:19 'Nio'₂ ja₁ton₅, Números 35:30, Deuteronomio 17:6. † 5:22 lit. “Tsá₃ caun₂ dsiá'₁ gog'₂ de'₂ tē₂le₃ dséi₂.” * 6:5 A₂lín₅₄ chog₅₄ si₂ tsá₃, le₁ton₅ jág₁ nē₅.

7 Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mi₂güig₃ la₂, on₃ guë'₂ cha₂ jua'₅₄ a₂lé₂ le₃quiong₅₄ 'i₁caun₂ táng₃.

8 Ia₁ nē₁jua'₂ cha₂ bá₄ a₂que₅₄, cha₂ bá₄ tsin'₅₄ jniog₄ ně₃, co₂jaun₂ bá₄ guë'₂ jñia'₅₄ 'nió'₅ le₃'éi₁ jniog₄ tei₄ dsi₅ jmó'₁ 'io'₂.

9 La₁ jui₁lia'₂ dsa₂ i₂'ín₅ dsi₅ le₃cha₂ cu₄ ně₃, tsi₂séin'₂ dso₄, tsi₂séin'₂ 'ñio'₃ tsi₁cág'₅ quió'₅ i₂sē₃dsen₃, ne₄ ca₂le₃jě₃ a₂'ín₅ dsi₅ a₂tsá₃ ta₁ tí₄, a₂jmóg'₂ dain₅₄, a₂dsi₂'éin₂ ně₃.

10 Ia₁ a₂ñí₄ lě₃ 'ín₅ dsi₅ dsa₂ le₃cha₂ cu₄, 'uig₅₄ jaun₂ lé₂ le₃jio₃ ca₂le₃jě₃ ne₅₄ jui₅ 'lig'₅₄. Chan₂ i₂lín₅₄ ia₁ a₂'ín₅ dsi₅ a₂jaun₂, ma₂i₂léin₂ cau₅ jui₅ a₂jme'₁'éin₂; a₂'u₁in₅₄ guoin₅₄ ma₂chain₂ jmi₁uig₅ 'ñio₅ lín₃.

Dsa₂ i₂quín'₅ bí₂ ia₁ 'éin₂

11 La₁ 'ne₂, dsa₂ quián₅ Diú₄, co₂dsia₅ cuin'₅₄ ca₂le₃jě₃ a₂ně₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ tē₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme'₁nió₄ ríng'₂, jme₁jui₁'₂ 'au'₂, jmo₄ meg'₂ ně₃.

12 Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lióg₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan₅₄ jme₂dsi₂ quiáng'₂, ia₁ ta₁ jaun₂ ca₂tē₃ Diú₄. Ia₁ dse₃ bá₄ ma₂ñe'₃ jmo'₂ jín₄ dsa₂, a₂cuë'₂ léi₄ a₂'éng'₂.

13 Ně₃ ně₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅ bá₄ Jesucristo ně₃ i₂ca₂jáng'₃ dse₃ jág₁ dsau₅ ne₄ Poncio Pilato, juig₂ jniá₂ 'ne₂

14 a₂jme₁ti'₄ 'éi'₃ ně₅ tsá₃ qui₂rē₂'ióg₄ ia₁ jaun₂ tsá₃ cuin₅ jmi₄ jua'₅₄ tē₃jí₂ dsa₂ ca₂lia'₂ ca₂tē₂ jmi₄ i₁guan'₂ Te₁gui'₅₄ Jesucristo quián₂.

15 Jē₁ma₂ca₂tē₂ jmi₄ jaun₂, ia₁ jñia'₅₄ lia'₂ 'ñiog₅ bá₄ Te₁gui'₅₄ Diú₄ jmo₃. 'Ñiog₅ bá₄ lín₅ i₂jñio₅ i₂'uan'₂, i₂lín₅ Rag₅₄ quián₅ rag₅₄, Te₁gui'₅₄ quián₅ ca₂le₃jín₃ juig₅₄ can'₅₄ i₂chan₂ ne₄ gua'₅₄ 'uē₃ la₂.

16 Jñia'₅₄ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmi₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'₂ 'i₁jan₂ tsá₃ 'ein₂ qui'₅₄ jmi₄ jme₃quián₃, i₂tsá₃ 'ein₂ dsa₂ mi₂güig₃ ma₂jág₂, on₃ guë'₂ qui'₅₄ jmi₄ jág₂. ¡Ca₂tín₂ bá₄ Diú₄ ca₂le₃jě₃ bí₂! ¡Quió'₅ 'éi₂ bá₄ jme₃juag'₂ dsa₂ co₂tan₅₄! ¡A₂méi₃!

17 Jui₁lia'₂ i₂cha₂ cu₄ mi₂güig₃ la₂, chei'₅₄ tsá₃ lē₁jui₁jmo₁₂ róin₂, on₃ guë'₂ jui₁jmo₅₄ 'ín₂ dsi₅ le₃quió'₅ cu₄, ia₁ a₂lē₁lé₂ dsi₃'én₂ bá₄ cu₄. Co₂dsia₅ guë'₄ jmo₅ jui₁jmo₁₂ 'ín₂ dsi₅ tē₂le₃ quió'₅ Diú₄ jén'₃ i₂jén'₅ ca₂le₃jě₃ lia'₂ qui₂rē₂tsón₂ ia₁ jaun₂ jmó'₁ 'io'₂ le₃chong₂.

18 Chei'₅₄ jui₁jmo₁₂ a₂dse₃ 'ñio₅ lín₃, jui₁jmo₁₂ 'ñio₂ dsi₅ jui₁jme₂'oin₅₄ ríin'₅₄ quian'₅₄ 'e₂ a₂cha₂ ca₂la₂ quió'₅.

19 Jaun₂ le₂ně₅ qui₂dsi₃tsón₃ 'uig₅₄ ja₁náu₃ tiá₂ tē₂le₃ ne₄ jui₅ ja₁ñó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guë'₄ Timoteo jē₁ca₂tó'₂

20 'Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lē₁tón'₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güig₃ i₂tsá₃ 'én₂. Ní₂ dse₃, tsá₃ tón'₂ jui₅ jág₁ quió'₅ dsa₂ i₂ñí₄ lě₃ 'ñio₅ ñi₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂ lě₅ juá'₅ dse₃ dsón'₂.

21 Ia₁ i₂lín₅₄ dsa₂ i₂ca₂rē₃'én₂ jág₁ quió'₅ dsa₂ le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme'₁'éin₂.

Jui₁jme₂gu'₅₄ bá₄ Diú₄ quiáng'₂.

Co₂ně₅.

Si carta jē₁ca₂tē₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui₅₄ Jesucristo, cheng₅₄ con₂ nē₅ 'nio₃ Diú₄ bá₄, con₂ lē₅ jág₁ ca₂cuē₃ Diú₄ jniog₄ a₂le₃chong₂ tē₂le₃ quian₅₄ Cristo Jesús.

² Jmo₅ jniá₂ si₂ la₂ ne₅₄ 'ne₂ jón₃ quiáng₃ Timoteo, 'nio₃ jniá₂ jui₁chang₂ bá₄ ηéi₂ dsí₅ Diú₄, jui₁jme₂gu₅₄ bá₄, jui₁chang₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian₅₄ Te₁gui₅₄ Jesucristo quián₂.

'A₂ lia₂ dsi₂ten₅₄ jáng₃ dsa₂ jág₁ dsau₅ tē₂le₃ quió₅ Cristo

³ Dsau₂ dsi₃ co₂tan₅₄ bá₄ 'ne₂ jē₄ chi₂leng₅₄ Diú₄ lia₂ 'uē₂-jmi₂. Jaun₂ lē₃ cuē₅ jniá₂ ti₁'mag₄ jme₂tí₁ ta₁ ne₅₄ a₂ma₂le₁jē₃ a₂qui₂dsi₂jñi₅ tē₂dsi₃ jui₁lia₂ ca₂jmo₃ dsa₂ can₅₄ quiáng₃ ma₂líg₂.

⁴ Ca₂le₃jē₃ jmi₄ bá₄ dsau₂ dsi₃ lia₂ con₂ ca₂'o₅₄ le₂jaun₂, jaun₂ jme₁'nio₃ i₁jñing₁₂ táng₃ 'ne₂ ia₁jaun₂ jmo₅₄ 'io₂.

⁵ Dsau₂ bá₄ dsi₃, ia₁ 'éng₂ tē₃dsón₂. Chi₁'io₄ Loida quian₅₄ chog₂ Eunice, ján₃ bá₄ le₂nē₅ ca₂rē₃ 'éin₂ le₂'uig₅₄. Jaun₂ tē₃dsón₂ lín₂ jniá₂ ján₃ bá₄ le₂jaun₂ 'én₂ 'ne₂.

⁶ Jaun₂ lē₃ juá₅ jniá₂, cuē₅₄ bí₂ ca₂le₃jē₃ a₂ma₂cuē₃ Diú₄ tē₂'au₂, a₂lē₅ lia₂ lē₅ si₂ tē₂'au₂ a₂ca₂ñig₂ lia₂ con₂ jme₁ca₂co₃ jniá₂ gu₃ ne₄ quiáng₂.

⁷ Ia₁ on₃jua₅₄ jme₂dsí₂ i₂gó₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin₅₄, i₂jmo₃ a₂jme₂'uán₄ dsi₅ guio₅₄.

⁸ Tsá₃ lē₁jmo₂ gueng₅₄ ja₁jang₅₄ jág₁ dsau₅ o₄quió₄ Te₁gui₅₄ quián₂, on₃ guē₂ jmo₂ gueng₅₄ o₄quió₃ jniá₂ ia₁ 'eng₅₄ né₃ 'má₃ o₄quió₄ 'éi₂. Tē₂le₃ guen₅₄ bá₄ ján₃ jē₂ jmi₁uig₅ a₂já₅ o₄quió₄ jág₁ dse₃, con₂ lē₅ bí₂ a₂cuē₅ Diú₄

⁹ i₂ca₂lió₂ jniog₄ ton₂ ca₂tē₃ ia₁jaun₂ le₃chong₂ jniog₄ jñi₅. On₃jua₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lē₃ dsí₅ 'ñiog₅ ca₂jmo₃ 'ua₁ dsí₅ ca₂rē₃'nio₃ jniog₄ tē₂le₃ 'uig₅₄ o₄quió₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jñiá₅ lia₂ con₂ tsá₃ mi₂güí₃ ma₂jmo₃.

¹⁰ Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güí₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton₂ ca₂jme₃jnia₂₃ tē₂le₃ quian₅₄ jág₁ dse₃, 'a₂ lia₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rē₃ 'ín₁ jniá₂, ia₁jaun₂ qui₂i₁'ē₃ jág₁ dse₃ la₂, a₂leng₂ jan₂ tē₅ i₂chen₄ quián₅.*

¹² 'Uig₅₄ jaun₂ bá₄ a₂ñag₅₄ ca₂le₃jē₃ ne₅₄ uig₅ la₂. La₁ tsá₃ o₂guí₃ jéin₅ jniá₂, ia₁ guion₅₄ bá₄ 'ein₂ tē₂le₃ quió₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃,† ca₂lia₂ ca₂tē₂ jmi₄ jaun₂.

¹³ Caun₂ jmo₄ bá₄ jui₁lia₂ ma₂ca₂jme₁ting₂₃ 'ne₂. Jui₁chang₂ bá₄ 'éng₂, jme₁'nió₄ ríng₂ le₃quió₅ Cristo Jesús.

¹⁴ Quian₅₄ bí₂ quió₅ Jme₂dsí₂ quián₅ Diú₄ i₂jio₅ tē₂dsi₅ jniog₄, jmo₄ 'í₁ a₂ma₂dsia₃ Diú₄ gog₂.

¹⁵ Ma₂ñi₅₄ bá₄, ca₂le₃jín₃ bá₄ dsa₂ chan₂ 'uē₃ Asia ma₂ca₂téi₂ bá₄ jniá₂, i₂lín₅₄ 'éi₂ Figelo quian₅₄ Hermógenes nē₃.

* **1:11** A₂lín₅₄ chog₅₄ si₂ juá₂ ján₃: "a₂jme₁tin₂₃ dsi₂nau₂." † **1:12** o₃, "a₂jmo₃, 'í₁ a₂ma₂ca₂dsia₃ jniá₂ gu₂ 'éi₂."

16 Ju_i1 dsia₅₄ bá₄ Te₁gui'₅₄ ñéi₂ dsí₅ ca₂le₃jín₃ dsa₂ dsi₂néi₂ quió'₅ Onesíforo, ia₁ 'lióng₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rë₃güig'₂ jme₂dsí₂ quió₃. On₃jua'₅₄ a₂jaun₂ gui'₅₄ ja₃jag₅₄ ia₁ a₂'eng₅₄ né'₃ 'má₃.

17 Të₂le₃ ca₂o₃'niog'₂ bá₄ jniá₂ jme₁guain₃ Roma. Ca₂lia'₂ ca₂dsáu'₂ bá₄ ca₂jmo₃.

18 Ju_i1 dsia₅₄ bá₄ Te₁gui'₅₄ ñéi₂ dsí₅ ja₁coin₂ jë₁ma₂të₂ jmig₄ jaun₂. Dsá₂ bá₄ 'au'₂ 'ne₂, ca₂jme₃'o₅₄ 'ñio₅ lin₃ jniog₄ lia'₂ con'₂ jme₁tio'₅₄ juig₂ Efeso.

2

Jan₂ 'lióg₂ dsen₃ quián₅ Jesucristo

1 La₁ 'ne₂ në₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ të₂le₃ quian'₅₄ Cristo Jesús.

2 Ca₂le₃jë₃ a₂ma₂nei'₂ ma₂juá'₃ jniá₂ të₃jín₄ juin₅ dsa₂ i₂ca₂të₂ ne₄, jág₁ jaun₂ dsia₄ gu₂ dsa₂ i₂rë₂ti'₅₄ i₂qui'₅₄ jmig₄ jme₃tín₅ i₂sián'₂ táng₃.

3 'Ñiag'₂ guë'₂ në₃, tiang'₃ jmo₄ ñag'₅₄ uig₅ o₄quió'₄ Jesucristo, jmo₄ bá₄ ju_i1 lia'₂ ja₁jmo₅ jan₂ 'lióg₂ tió'₃ dsí₅ ju_i1 lia'₂ jme₁'ein₅₄ ne₄ 'nei₂.

4 'I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tiáin₂ tsi₃nei₃ jág₁ a₂ca₂tín₂ dsa₂ lë₁dsa₂, ia₁ jaun₂ bá₄ lé₂ jme₃ti₃ con'₂ 'ñio₂ dsí₅ juig₅₄.

5 Ján₃ bá₄ le₂jaun₂ ju_i1 lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ në₁jua'₂ tsá₃ ca₂quín'₃ bí₂ co₃ con'₂ dsi₂ten₅₄ qui'₅ 'éi'₃.

6 Ján₃ bá₄ le₂jaun₂ ju_i1 lia'₂ dsa₂ i₂jmo₅ ta₁ ja₁nau₂, ca₂tín₂ bá₄ gue₃ le₂'uig₅₄ con'₂ ca₂tín₂ jë₁ma₂rau₂.

7 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñig'₂ ca₂le₃jë₃.

8 Dsau'₂ 'au'₂ jmo₄, tsá₃ ju_i1 dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jin₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'ë₅ jniá₂.

9 'Uig₅₄ jág₁ dse₃ la₂ bá₄, jmo₅ jniá₂ tió'₅ dsí₃ ñag₅₄ uig₅. Rë₂'ñeg'₅₄ quian'₅₄ ñí₁ cadena co₂j móg'₂ dsa₂ ju_i1 lia'₂ ja₁jmá'₂ dsa₂ jan₂ dsa₂ i₂rë₂cán'₄ dso₄ juë'₂. La₁ jág₁ dse₃ quió'₅ Diú₄ në₃, tsá₃ rë₂'ñe'₅₄ quian'₅₄ ñí₁ cadena.

10 Jaun₂ bá₄ lë₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsí₃ ca₂le₃jë₃, ia₁ jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lë₄ co₂tág₅ co₂'né'₅ co₂tan₅₄.

11 Të₃dsón'₂ bá₄ dsau₅ a₂la₂:
Në₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quian'₅₄.

12 Në₁jua'₂ ca₂náu₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quian'₅₄.

Në₁jua'₂ tsá₃ tión₅ jniog₄ a₂cuin₅,
ján₃ bá₄ le₂jaun₂ tsá₃ 'ag₃ jniog₄ ján₃.

13 Në₁jua'₂ tsá₃ ca₂rë₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Ju_i1 lia'₂ dsa₂ i₂jme₂ti₃ dse₃ ta₁ ne₄ Diú₄

14 A₂la₂ chei'₅₄ dsa₂ i₂jme₂tíng'₁: dsá₂ dsí₅ ju_i1 jmo₁₂ o₄quió'₄ Te₁gui'₅₄ a₂tsá₃ tsiin₃ quian'₅₄ dsa₂, jág₁ a₂tsá₃ ta₁ tí₄, ia₁ në₁jua'₂ tsiin₅ dsa₂ në₃, tsá₃ 'e₂ a₂dse₃ jmo₂₃, jñia'₅₄ con'₂ jmo₂₃ a₂gon₃ a₂'én₂ dsa₂ i₂nag₅ bá₄.

15 Jmo₄ dsen₅₄ 'au'₂ a₂jme₁jñiag'₅ ne₄ Diú₄ a₂léi₄ ma₂ca₂tiang'₃ táu₂ a₂ma₂i₂ñíg'₂, a₂línng'₅ jan₂ dsa₂ i₂jmo₅ ta₁, i₂tsá₃ 'e₂ jua'₅₄ cha₂ a₂jéin'₂ o₂guí'₃, i₂jme₂tag₅ rë₂ jág₁ tí₅.

* 2:12 o, "Në₁jua'₂ ñag₄ jniog₄ uig₅."

16 Tsá₃ lè₁cuín₅ jmig₄ jua'₅₄ a₂dsiá'₁ jág₁ quió'₅ mi₂güig₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₂lén₂ ne₄ jui₅ jë₄ cosa 'lig'₅₄.

17 Cosa a₂jme₂tag₂₃ qui₂dsi₂jón₃ lia'₂ jë₁qui₂dsi₂jón₃ caun₂ dso₄ a₂jmo₅ a₂dsa₂ ni₁ñi₁ dsa₂. Le₂në₅ bá₄ ca₂lë₃ quian'₅₄ Himeneo quian'₅₄ Fileto në₃.

18 Ma₂i₃lén₂ të₂le₃ cau₅ ja₁tsá₃ tí₅ jág₁, a₂qui₂jme₂tiin₂₃ dsa₂ a₂juá'₂ ma₂ca₂të₂ bá₄ jmig₄ a₂jen'₅₄ 'lag₄, jmo₂₃ a₂qui₂nió'₅ i₂lín₅₄ 'a₂ lia'₂ 'éin₂.

19 La₁ Diú₄ ma₂chi'₃ caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂: “I₂cuín₅ bá₄ Te₁gui'₅₄ i₂lín₅ dsa₂ quiáin₅”; † jaun₂ në₃: “Ca₂le₃jín₃ i₂quian₅ lia'₂ chen₂ Cristo ‡ ca₂tiin₂ jmo₃ cau₅ ca₂le₃jë₃ ja₁jmo₅ dsa₂ cosa 'lig'₅₄.”

20 Jui₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa jlá'₁ a₂lë₅ quian'₅₄ cu₄nió₄ quian'₅₄ cu₄tiog₂ tio'₅₄, ia₁ ján₃ bá₄ tio'₅₄ cosa a₂lë₅ quian'₅₄ ni₁'ma₂, a₂lë₅ quian'₅₄ ti₁gua'₅₄ ján₃. A₂lín₅₄ a₂lë₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lín₅₄ guë'₂ qui₂jmó'₂ dsa₂ ta₁ lia'₂ 'ei₅ ne₅₄ cosa. §

21 Nè₃jua'₂ ca₂ñiá'₃ 'ne₂ ca₂le₃jë₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂ guë'₄ léng'₂ lia'₂ lë₅ caun₂ ni₁uing₅ jlá'₁ a₂lë₅ 'í₁, jaun₂ guë'₄ téng'₃ ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

22 Cuín'₅₄ 'ne₂ ca₂le₃jë₃ ne₅₄ cosa 'lig'₅₄ a₂ja₂ dsí₅ dsa₂ jmo₃ të₁lia'₂ mei'₂. Quian₂ caun₂ jui₅ co₂dsau₅ a₂'éng'₂, a₂'nióg'₃ ríng'₂, a₂'ei₅ tei₄ 'au'₂ quian'₅₄ ca₂le₃jín₃ dsa₂ i₂ma₂le₃jë₃ të₂dsí₅, i₂jme₂juin'₂ Te₁gui'₅₄.

23 Tsá₃ lè₁tón'₂ jui₅ 'e₂ jág₁ tsá₃ ta₁ tí₄ a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi'₅₄, a₂ñia'₅₄ dsio₅ mi'₅₄ bá₄ a₂jaun₂.

24 Jan₂ dsa₂ i₂jme₂ti₃ ta₁ ne₄ Te₁gui'₅₄ tsá₃ ca₂tiin₂ tsi₃nei₃ jë₄ mi'₅₄, të₂le₃ 'nió'₅ jme₃dsein₃ bá₄ quian'₅₄ ca₂le₃jín₃. 'Nió'₅ lén₂ jan₂ dsa₂ i₂qui'₅₄ jmig₄ jme₃tiin₂₃ dsa₂, juin'₂ dsí₅,

25 jmo₃ 'ua₁ dsí₅ jë₁chein'₃ jui₅ rë₂ jui₁lia'₂ dsa₂ i₂nau₂ quen₅, con'₂ tsá₃ ñó₅ në₃jua'₂ ca₂cuë₃ Diú₄ jmig₄ a₂le₃tsín₃ dsí₅ dsa₂ 'éi₂, ia₁jaun₂ le₂në₅ le₃cuí'₅ jág₁ tí₅;

26 ia₁jaun₂ lióin₂ 'uín₃ tsi₁cág'₅ quió'₅ i₂së₃dsen₃ i₂ca₂jo₃ ia₁jaun₂ jmo₃ a₂'ñio₂ dsí₅ 'éi₂.

3

'A₂ lia'₂ niog₅ lén₂ dsa₂ jmig₄ jë₁ca₂tó'₂

1 'Nió'₅ le₃ñi'₅₄ 'ne₂ ján₃, jë₁ma₂ja₂quián₃ jmig₄ jë₁ca₂tó'₂, 'ñio₅ lín₃ le₃gau₂, quian₅ ta₁ lë₂.

2 Jmig₄ jë₁ca₂tó'₂ le₃chan₂ dsa₂ i₂ñia'₅₄ 'nioi₃ guioin₅₄ bá₄ quian'₅₄ cú₁; le₃chan₂ dsa₂ i₂ñia'₅₄ jme₃jlán'₁ jmo₃ róin₂ guioin₅₄; le₃chan₂ dsa₂ i₂lë₁të₂'o'₂ të₂'oin'₂ ríin'₅₄; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog₅₄-jmei₂ në₃. Le₃chan₂ dsa₂ i₂tsá₃ 'e₂ ti₁'mag'₄ cha₂ ja₁coin₂, on₃ guë'₂ ma₃jme₃gó'₃ juá'₅ quió'₅ Diú₄.

3 Le₃chan₂ dsa₂ i₂tsá₃ 'nio₃ rín'₅₄, i₂tsá₃ ma₃'e₂ ñéi₂ dsí₅ dsa₂ mi₂güig₃ rín'₅₄; le₃chan₂ dsa₂ i₂tsá₃ ma₃jme₃ti₃ 'e₂ jág₁ lí'₅₄ quian'₅₄ ríin'₅₄; le₃chan₂ dsa₂ të₂jág₁ i₂lë₁qui₃'ni₃ rín'₅₄; le₃chan₂ dsa₂ i₂tsá₃ ñi₅, tsá₃ tiin₂ 'a₂ lia'₂ jme₃'uán₂ dsí₅; le₃chan₂ dsa₂ i₂lén₂ jui₁lia'₂ já'₂ tsau₂ dsí₅; le₃chan₂ dsa₂ i₂le₃'io'₅₄ ca₂le₃jë₃ cosa dse₃.

4 Le₃chan₂ dsa₂ i₂qui₃jín'₂ rín'₅₄; le₃chan₂ dsa₂ i₂tsá₃ 'en₅₄ dsí₅ jmo₃ të₂le₃ dséi₂ në₁'e₂ caun₂ cosa jmo₃ jui₁le₅₄ bá₄ 'e₂ ca₂lë₃; 'ñio₅ cain'₅₄ 'ñio₅ ñi₅ jmo₃; le₃chan₂ dsa₂ i₂'no'₂ jmá'₃ jui₅ ja₁le₃chain₂ o₂'ñio₃ o₂ñia₃ dsí₅ bá₄ 'nió'₄ jme₁'niai'₂ Diú₄.

† 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui'₅₄.” § 2:20 'Nio'₂ ja₁ton₅ Romanos 9:21.

⁵ Le₃chan₂ dsa₂ i₂jmo₃ a₂ñí₄ lë₃ cui_{in}₂₃ Diú₄, la₁ le₃léi₄ bá₄ 'a₂ lia'₂ tē_i₃nioi₅₄ le₃chain₂, tsá₃ 'e₂ bí₂ quió'₅ Diú₄ cha₂ ja₁coin₂.

Co₂dsia₅ jñiag'₃ cau₅, tsá₃ lë₁'ú₅ quian'₅₄ dsa₂ i₂le₂'éi₂.

⁶ Jë₄ quió'₅ dsa₂ le₂'éi₂, chan₂ i₂lin₅₄ i₂qui₂dsi₂ton'₅₄ tsi₁'né₅, qui₂jme₂gain₂₃ 'io₅₄ 'uan₅₄ i₂qui₂rë₂cán'₄ dsáu₁ 'ñio₅ lin₃, i₂ma₂lë₅ dsí₅ jmo₃ ca₂le₃jë₃ guë₄ cosa 'lig'₅₄.

⁷ Co₂tan₅₄ bá₄ jmo₂₃ lia'₂ jmo₅ dsa₂ i₂ñí₄ lë₃ 'nio₃ le₃tin₂ jág₁, la₁ tsá₃ a₁jaun₂ qui'₅₄ jmig₄ le₃cui'₅ jág₁ tí₅ dsón'₂.

⁸ Jui₁lia'₂ ca₂jmo₃ on₃ dsa₂ 'lin'₅₄ i₂jme₁chen₂ Janes quian'₅₄ Jambres ca₂rë₃'ñiai₅₄ Moisés, ján₃ bá₄ le₂jaun₂ 'io'₅₄ dsa₂ 'éi₂ jág₁ dsau₅ dsón'₂. Dsa₂ i₂le₂'éi₂ ně₃ co₂dsia₅ ma₂ñí'₂ tē₂le₃ jen₅ bá₄ dsí₅, 'uig₅₄ jaun₂ tsá₃ ma₂'e₂ tió'₅ a₂le₃ñí'₂ dse₃ dsí₅ jui₁lia'₂ ja₁ñí'₂ dsí₅ dsa₂ i₂'én₂.

⁹ La₁ tsá₃ jua'₅₄ ja₁uín₂ dsi₁lén₂, ia₁ ca₂le₃jín₃ bá₄ dsa₂ le₃cui₅ a₂lín₅ dsa₂ co₄, jui₁lia'₂ ca₂i₃ñí'₂ le₃on₃ i₂ca₂jme₃'ñia₅₄ Moisés.

Jág₁ jë₁ca₂tó'₂ a₂ca₂cuë₃ guë₄ Pa₄ ca₂tsí'₃ Timoteo

¹⁰ La₁ 'ne₂ ně₃ ma₂ca₂rë₃tín₃' bá₄ dse₃ jë₂ lia'₂ lë₅ juá'₅ a₂ca₂jme₁tag₅ jniá₂; ma₂ñi'₅₄ 'a₂ lia'₂ lín₅, chang₂ ma₂guio₃; ma₂cuín₂' bá₄ 'e₂ ta₁ ma₂guio₃ jniá₂ jmo₂₃; 'éng'₂ bá₄ ján₃ 'a₂ lia'₂ 'én₂ jniá₂; jme₂juín₁' bá₄ 'au'₂ jui₁lia'₂ ma₂ca₂jme₁juín'₂ jniá₂ dsí₃; jme₂'nióg'₃ bá₄ rín₂' jui₁lia'₂ ma₂jmo₃ jniá₂; tiang'₃ bá₄ ján₃ jui₁lia'₂ ca₂tió₃ jniá₂.

¹¹ Ma₂qui₂ma₂'ein₃ dsa₂, ma₂qui₂ma₂ñag₅₄ uig₅, jui₁lia'₂ ca₂i₃ñí₂ juig₂ ciudad Antioquía, juig₂ Iconio quian'₅₄ juig₂ Listra ně₃. Qui₂ca₂co₃'ein₃ dsa₂, la₁ ne₄ ca₂le₃jë₃ a₂në₅, ca₂lió₂ bá₄ Te₁gui'₅₄.

¹² Jaun₂ a₂dsón'₂ bá₄ jaun₂, ca₂le₃jín₃ i₂'nio₃ le₃chan₂ lë₅ 'í₁ quián₅ Cristo Jesús, tion₅₄ le₂jaun₂ dsi₃ñí₂ uig₅ co₂'ein₃ dsa₂.

¹³ La₁ dsa₂ 'lin'₅₄ ně₃ quiain'₅₄ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua'₅₄ le₃chain₂, ia₁ caun₂ le₃'lín'₅₄ bá₄, qui₂jme₃gau₂₃, qui₂rë₂gain₂ guioin₅₄ ně₃.

¹⁴ La₁ 'ne₂ ně₃, nau₂ tiá₂ a₂ma₂ca₂rë₃tín₃' bá₄ caun₂ bá₄ 'ei₅ 'au'₂ jág₁ a₂ma₂ca₂rë₃'éng'₂. 'Ñiag'₂ bá₄ ñi'₅₄ 'ein₂ ca₂jme₃tag₅.

¹⁵ Lia'₂ con'₂ bín₅₄ bá₄ ma₂ñe'₃ cuín₂' Si₂ jñi₅ quió'₅ Diú₄. Si₂ ně₅ bá₄ a₂jiog₃ quiáng'₂, a₂tín₄ tē₂le₃ quian'₅₄ Cristo Jesús ia₁ 'éng'₂.

¹⁶ Ca₂le₃jë₃ bá₄ Si₂ quió'₅ Diú₄ ca₂lë₃ tē₂le₃ quian'₅₄ Jme₂dsí₂ quiáin₅, a₂tí₅ ta₁ jme₃tag₅ a₂dse₃, tē₂jí₂, chein'₂ dsa₂ caun₂ jui₅ rë₂, jme₃tag₅ 'a₂ lia'₂ i₂'nio₄ dsa₂ jui₅ co₂dsau₅,

¹⁷ ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rë₂ rë₂qui₂rë₂'an₂ dsí₅, rë₂'ñia₅ ca₂le₃jë₃ a₂'nió'₅ quió'₅ jaun₂ jmo₃ ca₂le₃jë₃ ne₅₄ a₂dse₃.

4

¹ Jág₅ bá₄ Diú₄ quian'₅₄ Te₁gui'₅₄ Jesucristo ně₃ i₂lë₅ jág₁ jñi₅'₂ ja₃goin₂, i₂qui₃dsí₅ 'éi'₃ ne₄ quió'₅ i₂chan₂ lia'₂ i₂ma₂dsan₃ ně₃. Jaun₂ lë₃ chi₂quian₅₄ jniá₂ jmig₄ 'ne₂:

² 'Ě₃ jág₁ dse₃. Ma₂rë₂jáng'₁ 'nio'₂ jui₅ 'a₂ lia'₂ jme₁tín₂' dsa₂ jme₁cui₅ jmig₄ o₃ tsá₃ cui₅ jmig₄ 'e₂. Jmó'₂ jme₁'uang'₅₄ dsí₅ dsa₂, tē₂jén₃ dsa₂, tióin'₂ jág₁ dse₃, o₁líg'₂ jmig₄ jua'₅₄ a₂zmó'₂ a₂tsá₃ jme₁juín'₂ 'au'₂ quiain'₅₄ jë₁jme₂tín₂.

³ Ia₁ já₅ jmig₄ a₂tsá₃ ma₃jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lë₅ dsí₅ guioin₅₄ qui₃'nai'₂ juín₅ lin₃ tē₅ i₂jme₃tag₅ jmá'₃ a₂'ín₅ dsí₅ guioin₅₄ nag₃ bá₄.

⁴ Cau₅ bá₄ jéin'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ ně₃, tóin'₃ jui₅ dsí₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂.

⁵ La₁ 'ne₂ ně₃, 'en₅₄ 'au'₂ jmo₄, tiang'₃ jmo₄ ŋag'₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

⁶ Jniá₂ ně₃, ca₂tě₂ jmig₄ jë₁o₃'ing₅ mi₂güig₃ la₂, ia₁ ně₃ guě₄ ŋag'₃ dsa₂ jui₁lia'₂ ja₁ŋi'₂ dsa₂ já'₂ i₂jén'₂ dsa₂ ne₄ Diú₄.

⁷ Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ŋi₃ jniá₂ lia'₂ con'₂ lě₅ jui₅ quió'₅ Te₁gui'₅₄, ca₂dsióg₃ jniá₂ tē₂ jë₁ca₂tó'₂ jui₅; ma₂ca₂jmá'₃ tiá₂ a₂'éng₂.

⁸ Ně₃ guě₄ ně₃ ma₂lě₅ co₂ŋia₅₄ ja₁le₃chang₃ dse₃, co₂'nió'₄ caun₂ corona a₂cuë₃ Te₁gui'₅₄ jmig₄ jaun₂. Ia₁ Te₁gui'₅₄ 'éi₂ bá₄ i₂qui₃dsi₅ 'éi'₃ co₂rě₂ jmig₄ jaun₂, on₃jua'₅₄ a₂cuë₃ jmá'₃ jan₂ jniá₂ corona; a₂cuë'₃ ca₂le₃jín₃ i₂le₁ŋiog₅ 'ŋio₂ dsí₅ ca₂lia'₂ ca₂tě₂ jmig₄ jaun₂ a₂guain'₂ táng₃.

Cuě'₅ jág₁ riin'₅₄ con'₂ ca₂tín₂ guioin'₅₄

⁹ Jmo₄ dsen₅₄ 'au'₂ a₂i₁jag'₄ jniá₂ ŋi'₅₄ ta₁ la₂.

¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ŋio₅ lin₃ guě₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ŋó₅ jui₅ juig₂ Tesalónica. I₂chen₂ Crescente guë'₂ ně₃, ma₂ŋó₅ jui₅ 'uë₃ Galacia; Tito guë'₂ ně₃, ma₂ŋó₅ jui₅ Dalmacia.

¹¹ Jŋia'₅₄ lia'₂ jan₂ Lucas bá₄ i₂quian'₅₄ guě₄ jniá₂ ja₁lá₃. 'Nia'₂ Marcos ia₁jaun₂ jain'₅₄ ŋe'₅₄ quian'₅₄, ia₁ téin₅ ta₁ jme₃ti₃.

¹² Tíquico guë'₂ ně₃ ca₂tsín₂ jui₅ juig₂ Efeso.

¹³ Jë₁ma₂tě₂ rě₁ŋe'₅₄, quian₂ co₂nio₄ tsí₁'mi'₂ dsiog₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rě₂bín₅ quió₃. La₁ 'ŋio₅ guě₄ dsen₅₄ 'nió'₅ ni₁lo₁ já'₂ a₂lě₅ tsí₁mi₂si₂.

¹⁴ Alejandro i₂lín₅ tē₅ŋí₁ 'ŋio₅ lin₃ tsá₃ 'e₂ dse₃ ma₂jmóg'₂. Te₁gui'₅₄ bá₄ qui₃ quió'₅ lia'₂ con'₂ lě₅ a₂ma₂jmo₃.

¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ŋio₅ lin₃ ma₂nau₂ quein₅ a₂'io'₅₄ jág₁ dse₃ quián₂.

¹⁶ Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jë₁ca₂caun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ jui₁quion₂ bá₄ Diú₄ 'í₁ quió'₅ ia₁ ca₂jmóg'₂ le₂jaun₂.

¹⁷ La₁ 'ŋiog₅ bá₄ Te₁gui'₅₄ ca₂jme₃quiong'₅₄ ca₂cuë₃ bí₂ ia₁jaun₂ tē₂le₃ quian'₅₄ jniá₂ ca₂rě₃ti₃ ca₂jme₁ting₂₃ dsi₂nau₂, ca₂lia'₂ rě₂'ŋia₅ jág₁ dse₃. Jaun₂ le₂ně₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂.

¹⁸ La₁ Te₁gui'₅₄ bá₄ caun₂ lió₂ guě₄ ia₁jaun₂ tsá₃ dsi₃ŋig₂ ca₂le₃jě₃ cosa 'lig'₅₄, jaun₂ jniá₂ i₂lě₅ 'í₁ quiáin₅, tē₂ guei'₅₄ i₂juíg₃ ja₁goin₂. ¡Jui₁jme₂juag'₂ bá₄ dsa₂ co₂tan₅₄! ¡A₂méi₃!

'Ág'₅ jág₁ jë₁ca₂tó'₂, cuag₂₃ Diú₄ ně₃

¹⁹ Dsian'₄ jniá₂ jág₁ cúing₅ Diú₄ Priscila* quian'₅₄ Aquila ně₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo ně₃.

²⁰ Juig₂ Corinto bá₄ ca₂ŋia₃ Erasto. I₂chen₂ Trófimo guë'₂ ca₂tě₁'ŋiá₄ dso'₅₄ jme₁o₃'ing₃ juig₂ Mileto.

²¹ Quen'₂ bí₂ ŋe'₅₄ ŋi'₅₄ ta₁ né'₃ a₂tě₅₄ jein₂ güig₂. Eubulo quian'₅₄ Pudente, Lino quian'₅₄ Claudia ně₃ quian'₅₄ ca₂le₃jín₃ rín'₅₄ jniog₄ dsiáin'₂ jág₁ ne'₅₄ a₂cuin₂₃ Diú₄ 'ne₂.

²² Jui₁'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄ 'nia'₂.

Co₂ně₅.

* 4:19 griego: Prisca.

Si carta a ca jmo San Pablo ne TITO

Jmo Pa si a chein, ne Tito

¹ Jniá₂ Pa₄, líng₅ dsa₂ i₂jme₂tí₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quió₂' Diú₄, ia₁jaun₂ le₃cuí₅' jág₁ tí₅ a₂jio₅ juí₅ dse₃,

² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ të₂jín₁, ca₂cuë₃ jág₁ quió₅, a₂ca₂i₃jio₅ dsí₅ lia₂' con₂' né₃ guë₄ a₂nio₃ mi₂güig₃, a₂le₃chong₂ jnio₄ co₂tan₅₄.

³ Në₃ guë₄ në₃, ca₂të₂jmig₄ a₂le₃ne₄ jnio₄ jág₁ dse₃ të₂le₃ quián₅ jág₁ a₂'ë₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia₂' con₂' lë₅ 'éi₃ quió₅'.

⁴ Jmo₅ jniá₂ si₂ la₂ dsiang₅₄' ne₅₄' 'ne₂ Tito i₂líng₅' co₂'nió₄' jan₂ jón₃ quiáng₃ të₃dsón₂', ia₁'éin₂ jnio₄ le₃o₃. Juí₁jme₂gu₅₄' Diú₄' 'ne₂, juí₁'ei₅ tei₄' 'au₂', jmo₅ Diú₄ Jmei₂ jnio₄, jmo₅ Te₁gui₅₄' Jesucristo i₂ma₂ca₂lió₂ jnio₄ në₃.

Ta₁ quió₅ Tito a₂jmo₃ 'uë₃ Creta

⁵ Ca₂dsián₃ jniá₂ 'ne₂ 'uë₃ Creta ia₁jaun₂ jme₁rë₂' 'ne₂ a₂'nió₅ lé₂ guë₄ dse₃, a₂dsiáng₄ dsa₂ can₅₄'* i₂nio₃ ne₄ jmo₃ 'í₁ le₂caun₂ le₂caun₂ guá₅ lia₂' con₂' lë₅ jág₁ a₂ma₂juá₃' jniá₂,

⁶ juí₁lia₂' i₂chan₂ i₂tsá₃ cha₂ jua₅₄' lé₂ le₃bóg₂' dsa₂ dso₄, i₂'nio₅ jan₂ bá₄ dsa₂ mí₂, i₂'nio₅ chi₂' quián₅ i₂'én₂, i₂tsá₃ 'e₂ qui₂rë₂'ni₄ jua₅₄' a₂lë₁qui₂i₂nioi₅₄, jua₅₄' nau₂' nei₂ në₃.

⁷ Dsa₂ i₂nio₅ gu₂ guá₅'† ca₂tín₂ n₃ le₃ne₄ Diú₄ tsá₃ 'e₂ jág₁ cha₂ jua₅₄' lé₂ le₃bóg₂' dsa₂ dso₄, on₃jua₅₄' i₂tsá₃ jág₁ cán₂, on₃ guë₂' i₂caun₂ lë₁rë₂'ne₂, on₃ guë₂' 'nió₅ lén₂ jan₂ dsa₂ 'en₅, on₃ guë₂' dsa₂ i₂tín₂ dsí₅ 'no₅ mi₅₄, on₃ guë₂' dsa₂ i₂lë₁'nio₃ lí₂' cu₄ quió₅' dsa₂ në₃.

⁸ Të₂le₃ 'nió₅ qui₂guein₃ dsa₂ i₂dsi₁lén₂ quió₅'. 'Nió₅ lén₂ jan₂ dsa₂ i₂të₅ dsí₅ jmá₃' a₂dse₃, li₅₄' quió₅', i₂quian₅ caun₂ juí₅ rë₂, i₂njó₅, i₂con₂ dsí₅ në₃.

⁹ 'Nió₅ lén₂ jan₂ dsa₂ i₂chan₂' tiá₂ jág₁ tí₅ dsón₂' lia₂' con₂' lë₅ ca₂rë₃tín₃, ia₁jaun₂ bá₄ lé₂ le₃cuë₃' lián₂' dsí₅ dsa₂ sián₂' jmá₃' lia₂' con₂' lë₅ juá₅' dse₃, lé₂ le₃jme₃'uáin₂ dsí₅ dsa₂ i₂juá₂' 'lig₅₄' 'ë₂₃ jág₁ dse₃.

¹⁰ Ia₁ juí₅ bá₄ dsa₂ i₂tsá₃ ne₅₄, i₂dsia₅ jág₁ a₂tsá₃ ta₁ tí₄, i₂juí₁gan₂ në₃, të₂le₃ lë₅ guë₄ jë₄ quió₅' dsa₂ judíos.‡

¹¹ Dsa₂ i₂le₂'éi₂' en₄ jne₃ dsa₂ mi₂'o₄, ia₁ ta₁jma₃caun₂ cho₅₄' dsa₂ dsi₂néi₂ ma₂le₃gáin₃ ma₂le₁'ág₄ caun₂-tín₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tín₂ a₂jnia₅₄' 'nio₃ lí₂' cu₄ bá₄.

¹² Dsón₂' bá₄ dsau₅ juí₁lia₂' ca₂juá₂' jan₂ dsa₂ go₅₄ guioin₅₄ ma₂líg₂' jme₁ca₂juá₂': "Dsa₂ chan₂ Creta 'nio₅ lin₃ të₂jín₁, lín₅ juí₁lia₂' lín₅ já₂' tsau₂ dsí₅, juíin₅, jléin₂ në₃."

¹³ Jaun₂ tí₅ bá₄ jág₁ ca₂juá₂' 'éi₂. Jaun₂ lë₃ juá₅' jniá₂ të₂jéin₃ 'ne₂ 'nio₅ lin₃, ia₁jaun₂ náu₃ táng₃ tsán₂' tiá₂ jág₁ dse₃,

¹⁴ ia₁jaun₂ tsá₃ ma₃tón₂' juí₅ jág₁ a₂lë₁'no₂' dsa₂ judíos dsí₅ guioin₅₄, on₃ guë₂' 'nió₅ tón₂' juí₅ 'e₂ 'éi₃ cuë₅ dsa₂ i₂tsá₃ ji₅₄ jág₁ tí₅.

* 1:5 griego: presbíteros. † 1:7 griego: episkopos. ‡ 1:10 lit. "jë₄ quió₅' dsa₂ i₂rë₂uüing₄ lo₄."

15 Tě₂le₃ quió'₅ dsa₂ i₂le₁jě₃ tě₂dsí₅, ca₂le₃jě₃ bá₄ cosa ma₂le₁jě₃. La₁ tě₂le₃ quió'₅ i₂dsi₂jio₅ 'lig'₅₄ dsí₅, i₂tsá₃ 'én₂ ně₃, 'i₁caun₂ tsá₃ 'e₂ le₁jě₃. Ia₁ ma₂le₁ióg₄ a₂dsi₂jio₅ dsi₅₄, le₂jio₅ a₂qui₂dsi₂jñi₅ dsí₅ ně₃.

16 Juá'₂ bá₄ a₂cu₁in₂₃ Diú₄, la₁ tě₂le₃ quian'₅₄ a₂jmo₂₃ guě'₂ ně₃, jáng'₅ léi₄ a₂tsá₃ dsau₅. 'Lig'₅₄ lín₃ bá₄ jmo₂₃ ne₄ Diú₄, 'io'₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui'lia'₂ juá'₅ tí₅ dsón'₂

1 La₁ 'ne₂ ně₃, chei'₅₄ dsa₂ lia'₂ con'₂ lě₅ juá'₅ dse₃.

2 Jui'lia'₂ dsa₂ can'₅₄, jui₁jmo₁₂ 'en₅₄ dsí₅, tsá₃ caun₂ lě₁lín₅, jui₁jmo₁₂ li'₅₄ quió'₅, jui₁le₂'éin₂ bá₄ juá'₅ dse₃, jui₁jme₂'nioi₃ rñin'₅₄, jui₁jmo₁₂ bá₄ juin'₂ dsí₅.

3 Ján₃ guě'₂ le₂jaun₂ tě₂le₃ quió'₅ dsa₂ mí₂ ma₂can'₅₄, jui₁i₂nioi₅₄ jñió₅, tsá₃ jui₁i₁in₁₂ rñin'₅₄ jua'₅₄ a₂lě₁bóg'₂ dso₄, on₃ guě'₂ 'nió'₅ jme₂tñin₂₃ dsí₅ 'ín'₂ ti₁jmg₃, tě₂le₃ ca₂tñin₂ 'ě₃ caun₂ jui₅ dse₃,

4 ia₁jaun₂ lé₂ le₃jme₃tñin₂₃ jui'lia'₂ 'io'₅₄ chi'₂ 'a₂ lia'₂ jme₃'nioi₃ dsi₂i₂gu₂, a₂jme₃'nioi₃ chi'₂-guein₂ quiáin₅ ně₃,

5 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ma₂le₁jě₃ tě₂dsí₅, 'a₂ lia'₂ jmo₃ 'í₁ dse₃ dsi₂néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsi₂i₂gu₂ ně₃, ia₁jaun₂ bá₄ tsá₃ 'ein₂ juá'₂ 'lig'₅₄ 'ě₃ jág₁ quió'₅ Diú₄.

6 Ján₃ guě'₂ le₂jaun₂ chei'₅₄ dsa₂ ñe'₂ chi'₂ ca₂tñin₂ jmo₃ 'en₅₄ dsí₅.

7 Jñiá₅ de'₂ 'ne₂ ca₂tñing'₂ 'ě'₅₄ jui₅ dse₃ 'a₂ lia'₂ ca₂tñin₂ jmo₃: A₂jme₁tñin'₅ on₃jua'₅₄ a₂cha₂ 'e₂ 'ín₂ 'au'₂, on₃jua'₅₄ a₂caun₂ lě₁lín₄,

8 chei'₅₄ jmá'₃ lia'₂ quian'₅₄ jág₁ rě₂ a₂tsá₃ 'ein₂ lé₂ le₃'ě₃ 'lig'₅₄, ia₁jaun₂ le₃gui'₅₄ jui'lia'₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig'₅₄ jniog₄.

9 Jui'lia'₂ dsa₂ i₂jme₂ti₃ ne₄ juig₅₄, tioin'₂ jág₁ dse₃ jui₁jme₂ti₃ ca₂le₃jě₃ 'e₂ ta₁ te₂néi'₂ dsa₂ juig₅₄, jui₁jmo₁₂ bá₄ jě₂ a₂tě₅ dsí₅ juig₅₄, tsá₃ 'nió'₅ a₂caun₂ lě₁qui₂ñag₃ ne₄ 'éi₂.

10 Tsá₃ 'nió'₅ qui₃jñiá'₂ 'e₂ cha₂ quió'₅ juig₅₄. Ca₂le₃jě₃ bá₄ 'nió'₅ jmo₃ tí₅ jág₁ quió'₅ ia₁jaun₂ bá₄ rě₂ jñiá₂ qui₂rě₂lag₄ juá'₅ quió'₅ Diú₄ quián₂ jniog₄ i₂lió₂.

11 Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güig₃,

12 jme₂tag₂₃ a₂tí₄ jniog₄ ca₂le₃jě₃ a₂'lig'₅₄, ca₂le₃jě₃ a₂'ín₅ dsí₅ dsa₂ mi₂güig₃ la₂; a₂le₃chong₂ jniog₄ mi₂güig₃ la₂ 'en₅₄ dsí₅, quián₁ caun₂ jui₅ co₂dsau₅, qui₂rě₂jñin'₅₄ jniog₄ ja₁con₂ Diú₄ ně₃.

13 Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsí₅ a₂le₃ti₃ jág₁ jlá'₁ jaun₂, a₂le₃jñiá₂ a₂co₂tág₅ co₂'né₅ quió'₅ Diú₄ 'uan'₂, Cristo Jesús* i₂lió₂ jniog₄.

14 'Éi₂ ně₃, ca₂jñin'₂ 'ñiog₅ o₄quián₂ jniog₄, ca₂quí₃ ca₂lió₂ jě₄ ca₂le₃jě₃ a₂'lig'₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quiáin₅ 'ñiog₅, a₂dsen₅₄ dsí₅ jmó₁ jmá'₃ a₂dse₃.

15 Jág₁ ně₅ bá₄ dsia₄ tiá₂ 'au'₂ jmo₄ 'éi'₃ chei'₅₄ dsa₂ qui₁cuě'₅₄ bí₂, a₂tě₁jéin'₄ ně₃. Tsá₃ lě₁cuě₂ jmig₄ jua'₅₄ a₂tsá₃ jme₃go₃ dsa₂.

3

Jui'lia'₂ a₂ca₂tñin₂ dsa₂ i₂'én₂ jmo₃.

1 Chei'₅₄ 'ne₂ jui₁dsiog'₂ bá₄ dsí₅ jui₁tioin'₅₄ 'éi'₃ quió'₅ dsi₂tan₅₄ dsa₂ can'₅₄, jui₁nei₅₄ gau₂ jág₁ quió'₅, jui₁chain₂ co₂jñiai₅₄ a₂jmo₃ ca₂le₃jě₃ ne₅₄ ta₁ dse₃.

* 2:13 o, "Jesucristo."

² Tsá₃ jui₁'i_{in}₁₂ 'li_g'₅₄ 'i₁jan₂ dsa₂, tsá₃ 'e_{in}₂ 'e_n₄ jmá_i'₂ m_i'₅₄ ně₃. Jui₁lein₅₄ bá₄ dsa₂ ju_in'₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂ně₅ bá₄ jme₁lág₄ jniog₄ guio₅₄ le₂jníá₅ já_n₃, tsá₃ 'e_n₅₄ dsí₅, tsá₃ né'₂ jniog₄ ja₁con₂ Diú₄. I₂jme₁ma₂i₂cón'₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rě₂'ñei'₅₄ quian'₅₄ ca₂le₃jě₃ ne₅₄ cosa 'li_g'₅₄ jme₁'ín₅ dsí₅ jniog₄ jmó₁. 'Nio₅ 'lag'₅₄ jniog₄ jme₁chong₂. Jme₁uig₅ dsí₅ jniog₄, jme₁'iog₅₄ dsa₂ jniog₄, ton'₂ jme₁'ñia₅₄ jniog₄ rin'₅₄ le₂jau₂ le₂jau₂.

⁴ La₁ jme₁ca₂jme₃jnia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güí₃,

⁵ jaun₂ ca₂lió₂ jniog₄, on₃jua'₅₄ ia₁ 'e₂ dse₃ a₂ma₂jmó₁. Tě₂le₃ 'ñiog₅ bá₄ ca₂dsia₃ ñé₂ dsí₅ jniog₄ ca₂lió₂ tě₂le₃ quian'₅₄ a₂qui₂ca₂ché₂ jniog₄, a₂ca₂rě₃chóng₃ táng₃, a₂le₃chong₂ quián₁ caun₂ ju_i'mí₂, ca₂jmo₃ Jme₂dsí₂ Jñió₅

⁶ i₂ca₂tein₃ lia'₂ rě₂tsón₂ ne₄ quián₂ jniog₄ tě₂le₃ quian'₅₄ Jesucristo i₂lió₂.

⁷ Tě₂le₃ ia₁ a₂'ua₁ dsí₅ ma₂ca₂juá'₂ ně₃, dsa₂ ma₂le₁jín₃ bá₄ jniog₄, jaun₂ guéi'₂ bá₄. Jaun₂ le₂ně₅ bá₄ 'ín₂ dsí₅ jniog₄ guéi'₁ ja₁le₃chong₂ co₂tan₅₄.

⁸ Já_g₁ dsau₅ dsón'₂ bá₄ ně₅, jaun₂ 'nio₃ jniá₂ caun₂ 'éi₂ 'au'₂ caun₂ jme₁tiin'₅ já_g₁ ně₅, ia₁jaun₂ i₂'én₂ le₃quió'₅ Diú₄ quín'₃ bí₂ jmo₃ a₂dse₃. Ca₂le₃jě₃ cosa ně₅ dse₃, tí₅ ta₁ quió'₅ ca₂le₃jín₃.

⁹ La₁ tsá₃ lě₁cuě₂ jmi_g₄ jua'₅₄ a₂lě₁qui₃ñag₃ dsa₂ já_g₁ a₂tsá₃ 'e₂ ta₁ tí₄, ju_ilia'₂ já_g₁ a₂'in₅ dsa₂ dsa₂ i₂qui₂ma₂ñí₂ ma₂líg'₂, ju_ilia'₂ já_g₁ a₂tsin₅ dsa₂ a₂nio₅ m_i'₅₄, ju_ilia'₂ já_g₁ a₂já₅ o₄quió'₄ Si₂ 'Éi'₃ ně₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Ně₁jua'₂ chan₂ jan₂ i₂jmo₅ le₁dson'₅₄ dsa₂, te'₂ co₂ráun₂, tin₃ ráun₂, 'ě₃ já_g₁ chei'₅₄ tsá₃ dse₃ jmo₃ le₂jaun₂. Chi₂jua'₂ tsá₃ tón'₂ ju_i'jág₁ quiáng'₂, co₂dsia₅ dsein₅₄ jě₄ quián'₂ 'nia'₂.

¹¹ Jñia'₅₄ lia'₂ co₂ně₅ bá₄ ma₂ca₂rě₃ñi'₅₄ 'ne₂, dsa₂ i₂le₂'éi₂ ně₃ tsá₃ ma₃'e₂ dse₃ dsí₂jein₃ dsí₅, tě₂le₃ quian'₅₄ dsá_u₁ 'ñiog₅ bá₄ a₂'liog'₅ quió'₅.

Cuě'₅ já_g₁ rin'₅₄ con'₂ ca₂tiin₂ guioin₅₄

¹² Jě₁ma₂tě₂ rě₁tsin₅₄ jniá₂ i₂chen₂ Artemas ne'₅₄, o₃ i₂chen₂ Tíquico 'e₂, ně₅ i₂ñe'₂ dsí₂ju_i'i₁jag'₄ ju_i'Nicópolis, ia₁ ja₁jaun₂ ma₂i₂jniog₅ dsí₃ ñig₅₄ jein₂ güí₂.

¹³ Zenas i₂chén'₅ ne₄ já_g₁, quian'₅₄ Apolos ně₃, 'a₂ con'₂ lé₂ quiáng'₂ jme₁'oin₁₂ 'a₂ con'₂ jñia'₅₄ len₅ quió'₅ tioin'₅₄ ju_i'₅.

¹⁴ Ju_ile₂tin₂ bá₄ dsa₂ quián₂ jniog₄ jmo₃ a₂dse₃ jme₂'oin₅₄ rin'₅₄ ju_ilia'₂ jme₁'nió'₅, ia₁ con'₂ tsá₃ ñó₅ ně₁tsá₃ 'e₂ dse₃ ca₂rau₂ lia'₂ chain₂.

'Ág'₅ já_g₁ jě₁ca₂tó'₂, cuag₂₃ Diú₄ ně₃

¹⁵ Ca₂le₃jín₃ i₂quian'₅₄ jniá₂ ja₁lá₃ chein₂₃ já_g₁ a₂cuin₂₃ Diú₄ 'ne₂. Cuin₅₄ Diú₄ ca₂le₃jín₃ i₂'nio₃ jniog₄ i₂'én₂. Ju_ijme₂gu'₅₄ bá₄ Diú₄ 'nia'₂ ca₂le₃jíng'₃.

Co₂ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

1 Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rin₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁,

2 ne₄ 'io₅₄ rin₅₄ jniog₄ Apia, quian₅₄ Arquipo ně₃, co₂'nió₄ bá₄ jan₂ 'lióg₂ rin₅₄ jniog₄, quian₅₄ ne₄ guá₅ i₂ŋi₂ dsi₂néi₂ quiáng₂.

3 Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

A₂ lia₂ jme₁'nio₃ Filemón rin₅₄ ia₁ a₂'éin₂

4 Ca₂le₃jě₃ ráun₂ cuě₅ jniá₂ ti₁'mag₄ Diú₄, 'ín₅ jniá₂ 'ne₂ jě₁ma₂chi₁ca₂lein₄ jniá₂.

5 Ia₁ ma₂ca₂rě₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄.*

6 Mi₅ jniá₂ ján₃ a₂jmó₂ dsen₅₄ 'au₂ a₂quen₅₄ a₂'éng₂ jin₄ dsa₂ sián₂, ia₁jaun₂ le₃cuí₅ ca₂le₃jě₃ a₂dse₃ a₂cha₂ja₁con₂ jniog₄ o₄quió₄ Cristo Jesús.

7 'Nio₅ lín₃ 'io₂ jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rin₅₄ jniog₄, ma₂quile₁'ág₄ tei₄ dsi₅ dsa₂ i₂'én₂.†

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

8 Jaun₂ lě₃, o₁jñia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmó₂,

9 Ia₁ tē₂le₃ ia₁ a₂ŋi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús.

10 Mi₅₄ jmó₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chi₂ quiáng₃ dsi₂néi₂ 'né₅ 'má₃ la₂.

11 Le₂jñiá₅ ně₃ jme₁lín₄ Onésimo‡ jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃.

12 Jaun₂ dsiain₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñi₃.

13 O₁jñia₅₄ jme₁'ín₅ dsi₃ jme₁'í₂ guě₄ ja₁lá₃ jme₃ti₃ ta₁ ne₃ co₂'nió₄ bá₄ a₂jme₁jme₁ti₄ 'ne₂ tē₁lia₂ 'eng₅₄ guě₄ né₃ 'má₃ 'uig₅₄ quió₅ jág₁ dse₃,

14 Ia₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñi₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmig₄ a₂jmó₂ tion₅₄; jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂.

15 'An₁ Diú₄ bá₄ ca₂cuě₃ jmig₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄,

16 on₃jua₅₄ ma₃lín₅ ca₂ne₅₄ dsa₂ i₂lě₁jme₂ti₃ ta₁ ne₅₄, ton₂ tē₂le₃ dse₃ guě₄ ma₂lín₅ jan₂ ríng₂ i₂'niog₃ tē₂le₃ quian₅₄ jme₂dsi₂. Jniá₂ 'ñio₅ lín₃ 'nió₃, la₁ 'ne₂ ně₃ 'ñio₅ lín₃ guě₄ ca₂tíng₂ jme₁'nió₄ jaun₂ tsá₃ ma₃jín₅₄ jui₁lia₂ ja₁jíng₄ jan₂ dsa₂ lě₁dsa₂. Jiin₅₄ bá₄ jui₁lia₂ ja₁jíng₄ jan₂ ríng₂ tē₂le₃ quió₅ Te₁gui₅₄.

17 Le₂ně₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiang₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñi₃.

18 Chi₂jua₂ 'e₂ dain₅₄ ma₂jmóg₂, o₃ chi₂jua₂ cha₂ a₂rin₂, quió₃ jniá₂ mi₄.

* 1:5 lit. "ca₂le₃jín₃ dsa₂ jñi₃." † 1:7 lit. "dsa₂ jñi₃." ‡ 1:11 Jág₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ jág₁ jmei₅ griego.

19 Jniá₂ Pa₄ jmo₂₃ si₂ la₂ 'ŋi₃ tē₃dsón'₂ quian'₅₄ gu₃. § Jniá₂ bá₄ qui₄, jnia'₅₄ jme₁'nio₃ jniá₂ jmo₅₄ dsiog'₂ 'au'₂ a₂rīng'₂ quiáng'₂ 'ŋiag'₂ quió₃ ján₃.

20 Jaun₂ le₂nē₅ bá₄, 'ne₂ rīn'₅₄ jniog₄, jmo₄ dse₃ 'au'₂ quian'₅₄ jniá₂ ju₁lia'₂ dsi₂ten₅₄ jmo₃ dsa₂ i₂'én₂ le₃quió'₅ Te₁gui'₅₄, jmo₄ ju₁le₂gūig'₂ dsi₃ ju₁lia'₂ jan₂ rīng'₂ le₃quió'₅ Cristo.

21 Dsian'₄ jniá₂ si₂ la₂ ne'₅₄, ia₁ dsón'₂ bá₄ líng₂ jme₁ti'₄ bá₄ ca₂le₃jě₃, tē₂le₃ lě₅ guě₄ jmó'₂ con'₂ guě₄ a₂juá'₅.

22 Jmo₄ dse₃ 'au'₂, jmo₄ co₂jŋia₅₄ caun₂ dsi₂néi₂ ja₁i₁jŋia₁₂, ia₁ 'ín₂ dsi₃ jniá₂ a₂ŋág'₃ Diú₄ a₂mī'₂ 'nia'₂, jmo₃ bá₄ a₂dsióg₄ jniá₂ i₁jag₁₂.

'Ág'₅ jág₁ jě₁ca₂tó'₂, cuag₂₃ Diú₄ ně₃

23 Rīng'₃ i₂chen₂ Epafra₂ i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂.

24 Ján₃ bá₄ le₂jaun₂ Marcos, Aristarco, Demas quian'₅₄ Lucas ně₃ i₂jme₂'o₅₄ jmo₅ ta₁.

25 Ju₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂. Co₂ně₅.

§ 1:19 'Nio'₂ ja₁ton₅, 1 Corintios 16:21; Gálatas 6:11; Colosenses 4:18; 2 Tesalonicenses 3:17.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ tē₂le₃ quian'₅₄ Ja₁ñi'₅₄

¹ Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ě₂ tē₂le₃ quian'₅₄ dsa₂ i₂ca₂chein₃.

² La₁ jmig₄ jē₁ca₂tó'₂ rē₂ně₃ ně₃, ma₂ca₂juá'₂ tság₅ jniog₄ tē₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güig₃; ján₃ bá₄ o₄gú₃ 'éi₂ ma₂dsia₃ ca₂le₃jě₃.

³ 'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ tē₂dsón'₂ i₂jáng'₅ léi₄ 'a₂ lia'₂ lín₅ Diú₄. Já₃n₃ bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá'₂ guei'₅₄ i₂juíg₃ con₂ Diú₄ tē₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guě₄ lia'₂ con'₂ guě₄ ángeles

⁴ Ma₂ca₂lín₃ Ja₁ñi'₅₄ Diú₄ i₂juin'₂ guě₄ lia'₂ con'₂ guě₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guě₄ lia'₂ con'₂ guě₄ ángeles.

⁵ Tsá₃ líg'₂ ca₂juá'₂ Diú₄ ca₂tsí'₃ ángeles quiáin₅ 'i₁jan₂ le₂la₂:
Lín₅ 'ne₂ chi'₂-guein₂ quiáng₃;

jmig₄ ně₃ ma₂lín₅ jniá₂ ñéi'₅. *

On₃ guě₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guě'₂ lén₂ chi'₂-guein₂ quiáng₃. †

⁶ La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:
Jui₁jme₂juag'₂ ca₂le₃jín₃ ángeles quián₅ Diú₄. ‡

⁷ Jui₁lia'₂ tē₂le₃ quió'₅ ángeles guě'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsí'₅₄ si₂. §

⁸ La₁ jui₁lia'₂ tē₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

⁹ A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

ca₂jmo₃ Diú₄ a₂rē₂rín₅ 'au'₂ a₂jmo'₂ 'io'₂. †

¹⁰ Já₃n₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güig₃;

guei'₅₄ i₂juíg₃ guě'₂ ně₃,

ta₁ a₂ca₂lě₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jě₃ a₂ně₅,

la₁ 'ne₂ ně₃, con'₂ tan₅₄ bá₄ lín₅ 'ne₂;

rě₃'áu₂ a₂jaun₂ jui₁lia'₂ ni₁tsín'₅₄ dsa₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit.
"Quian'₅₄ 'ma₂'i₅₄ dsau₅." † 1:9 Salmo 45:6-7.

12 A₂jóng'⁵ a₂jaun₂ jui₁lia'₂ jë₁jón'₂ dsa₂ tsi₁'mi'₂.

La₁ 'ne₂ ně₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmig₄ dsiá₃ a₂chan'₂ 'ne₂.‡

13 Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá₂ të₂le₃ gu₃ ne₁,

ca₂lia'₂ ca₂të₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.§

14 Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

Tion₅₄ 'nió'₅ tón'₂ dsa₂ jui₅

1 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'ñio₅ lín₃ guë₄, jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

2 Ia₁ chi₂jua'₂ tion₅₄ jme₁jme₂ti₃ dsa₂ 'éi'₃ jaun₂ a₂ca₂quiog₂ Diú₄ ma₂líg'₂ të₂le₃ quian'₅₄ ángeles quiáin₅, jaun₂ chi₂jua'₂ qui₂ca₂gue₃ dsa₂ uig₅ 'a₂ con'₂ ca₂tín₂ jme₁ca₂'náu₂ dso₄,

3 ¿'a₂ bá₄ lia'₂ lé₂ le₃lió₂ jniog₄ në₁jua'₂ tsá₃ tion'₂ jniog₄ jui₅ jág₁ a₂ñí₄ lë₃ quen₅ a₂lió₂ jaun₂? Ia₁ 'ñiog₅ bá₄ Te₁gui'₅₄ 'éi₂ i₂ca₂juá'₂ le₂'uig₅₄ jág₁ a₂lió₂ jaun₂. Jaun₂ guë₄ qui₂ca₂cuë₃ jág₁ dsau₅ tság₅ jnia'₅₄ dsa₂ i₂ca₂nág₂.

4 Ján₃ bá₄ ca₂cuë₃ Diú₄ jág₁ dsau₅ të₂le₃ quian'₅₄ léi₄ a₂dsi₃gó'₃ dsí₅ dsa₂ ca₂jmo₃ 'lióng₂ ráun₂, ján₃ bá₄ të₂le₃ quian'₅₄ Jme₂dsí₂ Jñió₅ i₂ma₂qui₂ma₂cuin₃ jniog₄ le₂jau₂ le₂jau₂ lia'₂ con'₂ lë₅ a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

5 On₃jua'₅₄ o₄gú₃ ángeles ca₂dsia₃ mi₂güig₃ a₂já₅, a₂'ë₂ jnia'₅₄.

6 La₁ia₁ cha₂ bá₄ caun₂ ja₁ma₂cuë₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güig₃,

a₂ñí₄ lë₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güig₃,

a₂ñí₄ lë₃ tón'₂ 'ne₂ jui₅ 'éi₂?

7 Ca₂jmoi'₅₄ ca₂tiá₂ mei'₂ guë₄

con'₂ guë₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ guë₄,

[ca₂dsiain'₅₄ a₂nio₃ gu₂ a₂ca₂jmo'₅₄ 'ne₂ quian'₅₄ gog'₂]*

8 ma₂dsia'₅₄ 'ne₂ ca₂le₃jë₃ o₄tag₁₂.†

Jaun₂ ně₃, jme₁ca₂dsia₃ Diú₄ ca₂le₃jë₃ o₄tag₄ dsa₂ mi₂güig₃, tsá₃ ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rë₂ně₃ ně₃, tsá₃ ma₂léi₄ guë₄ a₂niog₅ gu₂ 'éi₂ le₃jë₃.

9 La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ guë₄ con'₂ guë₄ ángeles, ca₂rë₃juin'₂, ca₂lín₃ i₂dsen₅₄ guë₄ ně₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jín₃, ia₁ a₂'ua₁ dsí₅ Diú₄.

10 Quió'₅ Diú₄ bá₄ le₃jë₃; të₂le₃ quian'₅₄ 'éi₂ ca₂lë₃ le₃jë₃. Jaun₂ 'nio₃ Diú₄ chóin'₂ ca₂le₃jín₃ chi'₂-guein₂ quiáin₅, a₂lén₂ 'éi₂ jláin'₁ co₂lë₅ quiain'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ñia₅ Diú₄ ca₂jme₃'ñia₁₂₃ Jesucristo të₂le₃ quian'₅₄ jmi₁uig₅ a₂ca₂i₃ñí₂ jme₁ca₂niá₃ jui₅ a₂lióin₂ 'éi₂.

‡ 1:12 Salmo 102:25-27. § 1:13 Salmo 110:1.

* 2:7 Chog₅₄ si₂ a₂dse₃ guë₄ tsá₃ le₁ton₅ jág₁ a₂tio'₅₄

'ñió'₃ corchetes [le₂la₂]. † 2:8 Salmo 8:4-6.

11 Ia₁ jui₁lia'₂ i₂jme₂jñi₃ó₃ quian'₅₄ i₂rē₂jñi₃ó₃ ně₃, jan₂ bá₄ Jmei₂ chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tē'₂ dsa₂ 'éi₂ riin'₅₄.

12 Le₂la₂ juá'₂ ne₄ si₂;
'In₄ jniá'₂ 'ne₂ jin₄ ríng'₃,
te₂jē₄ ja₁le₁ñi'₂ dsa₂
'ē₅₄ jniá'₂ son₅₄ a₂jme₁juag'₂ quiáng'₂.‡

13 Ján₃ bá₄ juá'₂:
Caun₂ bá₄ 'ag₁₂ dsi₃ ja₁con₂ 'éi₂. §
Con'₂ siá'₂ táng₃ juá'₂;
ja₁lá₃ bá₄ chén'₅ jniá'₂,
ca₂lia'₂ ma₂quian'₅₄ chi'₂-guein₂
i₂ma₂cuin₃ Diú₄ jniá'. *

14 Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄,
ján₃ bá₄ le₂nē₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂
tē₂le₃ quian'₅₄ 'mú₃ quió'₅ lé₂ le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃juá'₅₄
i₂sē₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂ i₂nē₂jag₄ bá₄
i₂qui₂rē₂'ñe'₅₄, ia₁ ca₂le₃jē₃ jmi₄g₄ a₂chain₂, gó'₅ 'mú₃ quió'₅.

16 Ia₁ dsón'₂ bá₄ on₃juá'₅₄ jaun₂ ca₂guain₃ juá'₅₄ a₂jme₃'oin₅₄ ángeles; ta₁ jaun₂
bá₄ ca₂guain₃ a₂jme₃'oin₅₄ tsi₁jon₂ Abraham.

17 'Uig₅₄ jaun₂, tion₅₄ bá₄ ca₂lín₃ ca₂le₃jē₃ jui₁lia'₂ lín₅ dsa₂ mi₂güig₃ riin'₅₄,
ia₁jaun₂ dsió₄g₄ lén₂ jan₂ jme₂dsa₂ dsen₅₄ i₂ñéi₂ dsi₅, i₂rē₂ti'₅₄ ně₃, ia₁jaun₂ jniá'₂
dsáu₁ dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂nē₅ qui'₅₄
jmi₄g₄ jme₃'oin₅₄ jui₁lia'₂ dsa₂ i₂caun₂ dsa₂ táu₂.

3

Jesús bá₄ i₂dsen₅₄ guē₄ con'₂ guē₄ Moisés

1 Le₂jaun₂ 'nia'₂ riin'₅₄ jniog₄ i₂ma₂rē₂tson₄ quián₅ Diú₄, 'nia'₂ i₂ca₂tín₂ tē₂ Diú₄
guei'₅₄ i₂juig₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅
jme₂dsa₂ dsen₅₄ i₂'ín₅ jniog₄.

2 'Niog₅ Jesús ma₂ca₂rē₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ ně₅, jui₁lia'₂
ca₂jme₃ti₃ Moisés con'₂ ta₁ jme₁chéin'₄ ja₁con₂ ca₂le₃jín₃ chi'₂-guein₂ quián₅
Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guē₄ Moisés, jui₁lia'₂ quen₅ guē₄ dsa₂
i₂jmo₅ 'né₅ con'₂ guē₄ tsi₁'né₅ 'ñiog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jē₃
'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁
a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo ně₃, rē₂ti'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-
guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ ně₁juá'₂ chan'₂ jniog₄ tiá₂
a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂
bá₄ 'io'₂ jein₂ jniog₄.

7 'Uig₅₄ jaun₂, lē₅ jui₁lia'₂ juá'₂ Jme₂dsí₂ Jñi₃ó₅ ne₄ si₂:
Jmi₄g₄ ně₃ ně₁juá'₂ nag'₂ 'nia'₂ jág₁ quió'₅ Diú₄,

8 Tsá₃ lē₁jme₂'uá'₂ 'nia'₂ 'au'₂
jui₁lia'₂ ca₂jmo₃ i₂lín₅₄ ca₂nau₂ 'nei₂

‡ 2:12 Salmo 22:22. § 2:13 Isaías 8:17. * 2:13 Isaías 8:18.

ca₂cain₃ táu₂ Diú₄ 'uë₃ co₂'ñiog₅ jaun₂.

⁹Ja₁jaun₂ ca₂caun₃ táu₂ jniá₂
dsa₂ can'₅₄ quián'₂ 'nia'₂ ma₂líg'₂,
o₁jñia'₅₄ ma₂qui₂ma₂jág₃ ta₁ quió₃
ma₂të₂láu₃ ñi₂.

¹⁰'Uig₅₄ jaun₂ ca₂jén₂ dsi₃
quian'₅₄ dsa₂ i₂jme₁chan₂ jmi₄g₄ jaun₂,
jaun₂ ca₂juá'₃ jniá₂:
“Con'₂ tan₅₄ bá₄ i₂nio₄ dsa₂ në₅
qui₂dsi₂cón'₅ dsi₅,

tsá₃ 'nio₃ le₃cuí'₅ jui₅ quió₃.”

¹¹'Uig₅₄ jaun₂ ca₂'ín₃ jniá₂ 'ñió₃
jme₁ca₂'í₃ 'nei₂ dsi₃,

a₂tsá₃ dsi₁len₃ 'éi₂
jua'₅₄ a₂jñia₃ ja₁con₂ jniá₂.*

¹²Rin'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsi₅, jua'₅₄ a₂'nio₃
náu₃ cau₅ ja₁con₂ Diú₄ jén'₃ ia₁ tsá₃ 'éin₂ jág₁ quió'₅.

¹³Të₂le₃ cuë'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmi₄g₄, të₁lia'₂ jiog₅
“jmi₄g₄ në₃” a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂
'nia'₂ quian'₅₄ dso₄.

¹⁴Ia₁ i₂ma₂quián₅ Cristo bá₄ jniog₄, në₁jua'₂ ca₂tián₃ jniog₄ të₂ jë₁ca₂tó'₂ caun₂
bá₄ 'ei₅ dsi₅ jniog₄ jág₁ quió'₅ lia'₂ con'₂ lë₅ jme₁ca₂rë₃ 'éin₂ le₂'uig₅₄.

¹⁵Jui₁lia'₂ ma₂në₂juá'₂:
Jmi₄g₄ në₃, në₁jua'₂ ca₂nei'₂ 'nia'₂

jág₁ quió'₅ Diú₄,
tsá₃ jme₁'ua'₂ 'nia'₂ 'au'₂,
jui₁lia'₂ ca₂jmo₃ i₂lin₅₄
ca₂nau₂ 'nei₂ ne₄ Diú₄.†

¹⁶¿'Ein₂ 'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂?
Ca₂le₃jín₃ dsa₂ i₂ca₂'uín'₂ Moisés 'uë₃ Egipto, i₂'éi₂ bá₄.

¹⁷¿'Ein₂ quian'₅₄ ca₂rë₃ 'né₃ Diú₄ con'₂ të₂láu₃ ñi₂? Quian'₅₄ dsa₂ i₂ca₂'náu₂ dso₄
bá₄, i₂ca₂dsan₃ 'uë₃ co₂'ñiog₅ jaun₂.

¹⁸¿Ja₁con₂ 'ein₂ ca₂cuë₃ Diú₄ jág₁ quió'₅ a₂tsá₃ dsi₁lein₃ jua'₅₄ jñia₃ quiong'₅₄?
Ja₁con₂ dsa₂ i₂tsá₃ ca₂nág₂ gau₂ jág₁ quió'₅ bá₄.‡

¹⁹Jaun₂ ne₄ jniog₄, le₂jaun₂ bá₄ ca₂i₃ñí₂: tsá₃ a₁jaun₂ ca₂i₃toin'₅₄, 'uig₅₄ ia₁
a₂tsá₃ ca₂rë₃ 'éin₂.

4

¹'Uig₅₄ jaun₂, të₁lia'₂ ron₅ guë₄ jág₁ a₂ma₂cuë₃ Diú₄ a₂dsi₁no₃ jniog₄ ja₁dsi₁jñia₁
ja₁coin₂, 'nió'₅ jmó₁ jniog₄ 'í₁ con'₂ tsá₃ ñó₅ në₁jua'₂ 'ein₂ 'nia'₂ tsá₃ ca₂tíng'₂
ja₁jaun₂.

²Ia₁ ján₃ bá₄ le₂jaun₂ ma₂ca₂rë₃ 'ë₂ jág₁ alió₂ ja₁con₂ jniog₄ jui₁lia'₂
ma₂ca₂rë₃ 'ë₂ ja₁con₂ 'éi₂; la₁ia₁ tsá₃ ta₁ ca₂jmo₃ co₂ñí₂ a₂ca₂nág₂ jág₁, 'uig₅₄
ia₁ a₂tsá₃ ca₂'an₂ dsi₅ jág₁ jaun₂ jua'₅₄ a₂ca₂rë₃ 'éin₂.

³La₁ jniog₄ i₂ma₂ca₂rë₃ 'éin₂ në₃, dsi₁no₃ bá₄ jniog₄ dsi₁jñia₁₂ ja₁jaun₂ jui₁lia'₂
a₂ma₂juá'₂ Diú₄:

'Uig₅₄ jaun₂ ca₂'ín₃ jniá₂ 'ñió₃,
jme₁ca₂'í₃ 'nei₂ dsi₃,

* **3:11** Salmo 95:7-11. † **3:15** Salmo 95:7-8. ‡ **3:18** 'Nio'₂ ja₁ton₅ Números 14:22-23.

a₂tsá₃ dsi₁len₃ 'éi₂

jua'₅₄ jñia₃ ja₁con₂ jniá₂.*

La₁ia₁ ma₂ca₂'i₃ ta₁ quió'₅ Diú₄ ca₂le₃ ca₂'nio₃ mi₂güí₃.

⁴ Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂të₂ guio₃ jmig₄: “Ca₂jñia₃ Diú₄ jë₁ca₂të₂ guio₃ jmig₄, jme₁ca₂lë₃ ca₂le₃jë₃ ta₁ quió'₅.”†

⁵ Con'₂ siá'₂ táng₃ juá'₂ ne₄ Si₂: “Tsá₃ dsi₁lein₃ jua'₅₄ a₂jñia₃ ja₁con₂ jniá₂.”

⁶ La₁ jui₁lia'₂ chan₂ i₂lin₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂,

⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ të₂le₃ quian'₅₄ David 'lióng₂ ñi₂ cang₂ jaun₂ ca₂të'₃ “jmig₄ në₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅: Jmig₄ në₃ në₁juá'₂ ca₂nei'₂ 'nia'₂ jág₁ quió'₅ Diú₄,

tsá₃ lë₁jme₂'uá'₂ 'nia'₂ 'au'₂.‡

⁸ Ia₁ jua'₅₄ mei'₂ guë₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ë₃ jmig₄ siá'₂.

⁹ Jaun₂ lë₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₅ dsa₂ juig₂ quián₅ Diú₄.

¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ juí₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ juí₅ a₂ca₂i₁nió₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ në₃, 'ñio₅ chen'₂ con'₂ guë₄ caun₂ ñi₁tág₂ 'mu₃ le₃tin₃ ton₂, dsi₂tia₃ ca₂të₂ né'₃ jmo₅ le₁dso'₅₄ të₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ në₃, jme₂jnia₅ ca₂le₃jë₃ 'e₂ dsi₂jio₅ dsí₅ dsa₂, ca₂le₃jë₃ 'a₂ lia'₂ lín₂ dsa₂ në₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jë₃ bá₄ rë₂jniá₂ rë₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'₂

¹⁴ Jaun₂ në₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uí₂ guei'₅₄ i₂juí₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃juá'₅₄ a₂tsá₃ lé₂ dsia₃ ñéi₂ dsí₅ jme₂dsa₂ dsen₅₄ quián₂ jniog₄ jë₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jë₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ në₃ ma₃ jme₁quián₄ jniog₄ caun₂ bá₄ 'ei₅ dsi₅ ca₂të₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ ñéi₂ dsí₅, a₂jme₃'o₅₄ a₂'ua₁ dsí₅ jë₁ma₂ca₂rë₃'nió'₅ quián₂ jniog₄.

5

¹ I₂rë₂quion'₅₄ jin₄ dsa₂ mi₂güí₃ bá₄ le₂jan₂ le₂jan₂ jme₂dsa₂ dsen₅₄ a₂rë₂'iin₄ a₂chéin'₅ ne₄ jág₁ o₄quió'₄ dsa₂ mi₂güí₃ ne₄ Diú₄ ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsín'₂ já'₂ në₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güí₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ñi₅, jui₁lia'₂ dsa₂ i₂ma₂i₂nió₄ cau₅ juí₅ në₃.

³ 'Uig₅₄ ia₁ a₂lín₅ dsa₂ mi₂güí₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ñiog₅ lia'₂ o₄quió'₄ dsáu₁ dsa₂ juí₂ táng₃.

⁴ 'I₁jan₂ tsá₃ lé₂ le₃lén₂ ta₁ juë'₂ jaun₂ jua'₅₄ a₂le₃'iin₃ 'ñiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'iin₃ Aarón.*

* 4:3 Salmo 95:11; ján₃ bá₄ le₂në₃ † 4:4 Génesis 2:2. ‡ 4:7 Salmo 95:7-8. * 5:4 Aarón: 'Nió'₂ ja₁ton₅ Éxodo 4:14.

⁵ Ján₃ bá₄ le₂ně₅ lě₅ quian'₅₄ Cristo. Tsá₃ ca₂jme₃juin'₂ 'ñiog₅ jua'₅₄ ca₂'iin₃ 'ñiog₅ a₂lén₂jme₂dsa₂ dsen₅₄; Diú₄ bá₄ ca₂'ag₃ ta₁ jué'₂ jaun₂. Jaun₂ ca₂juá'₂ Diú₄: Lín'₅ 'ne₂ chí'₂-guein₂ quiáng₃;

Jmig₄ ně₃ ma₂lín₅ jniá₂ ñéi'₅.†

⁶ Ján₃ bá₄ le₂ně₅ juá'₂ ja₁siá'₂ táng₃: Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.‡

⁷ Lia'₂ con'₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

⁸ O₁ñja'₅₄ jme₁lín₄ Ja₁ñi'₅₄ Diú₄, ca₂rě₃tín₃ a₂nag₃ gau₂ tē₂le₃ quian'₅₄ uig₅ a₂ca₂i₃ñí₂.

⁹ Jaun₂ jme₁ca₂rě₃'ña₅ quió'₅, jaun₂ guě₄ ca₂lín₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅,

¹⁰ ia₁ Diú₄ bá₄ ca₂'ag₃ a₂lén₂ jme₂dsa₂ dsen₅₄ ca₂ne₅₄ lia'₂ jme₁lín₄ Melquisedec.

Go'₂ ně₃jua'₂ ca₂tí₂ dsa₂ a₂'éin₂

¹¹ 'Lióng₂ bá₄ jág₁ le₂ně₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tín₅ jnia'₅₄ 'nia'₂ jág₁ ně₅, ia₁ a₂ca₂lín₃ 'nia'₂ cang₄ dsei'₂.

¹² Ma₂líg'₂ bá₄ ca₂rě₃'én'₂ 'nia'₂ jág₁; rě₂ně₃ le₃jua'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₁tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, ně₂jag₄ bá₄ a₂'nió'₅ 'ag'₅₄ 'nia'₂ jmá'₃ dsi'₅₄, 'nió'₄ a₂jme₁quíng'₂ 'nia'₂ ñí₅.

¹³ Jaun₂ jui₁lia'₂ dsa₂ i₂'ín'₂ jmá'₃ dsi'₅₄, lín₅ jui₁lia'₂ lín₅ guein₂ i₂tsá₃ lín₄ tín₂ jág₁ quió'₅ jui₅ co₂dsau₅.

¹⁴ Jui₁lia'₂ má₃ quió'₅ dsa₂ can'₅₄ ně₃, lě₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rě₃tín₃ i₂ca₂rě₃ñi₅ na₂ jui₅ dse₃, na₂ jui₅ 'lig'₅₄ 'e₂.

6

¹ Jaun₂ ně₃, jui₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ jui₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ jui₁lia'₂ jē₁jme₂tsín₃ dsa₂ dsí₅ a₂tsá₃ ma₂jmo₂₃ jui₁lia'₂ a₂jio₂₃ jui₅ 'mú₃, jui₁lia'₂ 'a₂ lia'₂ rě₂'én₂ dsa₂ jág₁ quió'₅ Diú₄ ně₃;

² tsá₃ ma₃'nió'₅ jua'₅₄ caun₂ jme₁tag₅ jniog₄ jui₁lia'₂ a₂chon₅ dsa₂ jmig₂, jui₁lia'₂ a₂quiog₂ dsa₂ gu₂ ne₄ quió'₅ dsa₂, jui₁lia'₂ a₂jen'₅₄ dsa₂ jin₄ 'lag₄, on₃ guě₄ jui₁lia'₂ a₂qui₃dsí₅ Diú₄ 'éi'₃ co₂tan₅₄ ně₃.

³ Le₂jaun₂ jmó₁ bá₄ jniog₄, a₂dsau₅₄ ne₄ jui₅, chí₂jua'₂ jme₃'o₅₄ Diú₄.

⁴ Ia₁ jui₁lia'₂ dsa₂ i₂ma₂ca₂rě₃ñí'₂ dsí₅, dsa₂ i₂ma₂ca₂rě₃cuí'₅ 'a₂ lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jñió₅,

⁵ dsa₂ i₂ma₂ca₂rě₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rě₃cuí'₅ bí₂ quió'₅ mi₂güig₃ a₂jiá₃;

⁶ ně₃jua'₂ ca₂i₃lén₂ táng₃ cau₅ jui₅, * tsá₃ ma₃lé₂ dsi₁te₁ jniog₄ jaun₂ jéin'₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jin₄ dsa₂ ia₁jaun₂ cán₂ 'éi₂ o₂guí'₃.

⁷ A₂lín₅ dsa₂ 'éi₂ lia'₂ lě₅ gua'₅₄ 'uě₃ a₂'ín'₅ jmí₅ lia'₂ co₂ráun₂ téin₃ ne₄ quió'₅. Ně₃jua'₂ ca₂rau₂ dse₃ gua'₅₄ 'uě₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂ le₃jmó'₂ ta₁ 'a₂ con'₂ ca₂rau₂, jaun₂ jme₃gu'₅₄ bá₄ Diú₄.

† 5:5 Salmo 2:7. ‡ 5:6 Salmo 110:4. * 6:6 'Nio'₂ ja₁ton₅ 2 Pedro 2:21.

8 La₁ nē₁jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uē₃ jaun₂; go'₂ a₂'ě₂ Diú₄ uig₅. Jē₁ca₂tó'₂ jaun₂, dsí'₂ bá₄ dsa₂.

A₂'éin₂ bá₄ jniog₄ jmo₅ a₂tióng₂ tiá₂

9 Rin'₅₄ jniog₄, o₁jnia'₅₄ ma₂nē₂jua'₅₄ jnia'₅₄ le₂nē₅, caun₂ bá₄ 'ei₅ dsí₅ jnia'₅₄ a₂jmo'₂ 'nia'₂ dse₃ gué₄ con'₂ gué₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

10 Ia₁ dse₃ bá₄ dsí₅ Diú₄, tsá₃ jua'₅₄ a₂dsí₃'én₂ dsí₅ ca₂le₃jě₃ a₂ma₂jmo'₅₄ 'nia'₂, quian'₅₄ ca₂le₃jě₃ 'a₂ lia'₂ lě₅ a₂'nió₁'₃, a₂rě₂jniá₂ ia₁ a₂ma₂jme'_{on}'₅₄ 'nia'₂ dsa₂ rin'₅₄ jniog₄ i₂'én₂, ju₁lia'₂ caun₂ jmo'₂ 'nia'₂ rē₂ně₃.

11 'In₅ bá₄ dsí₅ jnia'₅₄ a₂jmo'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tě₂ jē₁ca₂tó'₂, ia₁jaun₂ lén'₄ 'nia'₂ co₂nei'₅₄ ca₂le₃jě₃ a₂'in₂ 'au'₂ 'nia'₂.

12 Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃ o₁nó'₅ 'nia'₂ ne₄ ju₁5 quió'₅ dsa₂ i₂ma₂'én₂ i₂ma₂juin'₂ dsí₅ ně₃ jaun₂ ca₂tin₂ a₂dse₃ lia'₂ con'₂ lě₅ jág₁ quió'₅ Diú₄ a₂ma₂cuē₃.

13 Lia'₂ con'₂ jme₁ca₂cuē₃ Diú₄ jág₁ quió'₅ ca₂cuē'₃ Abraham, ca₂'iin₃ 'niog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ gué₄ jua'₅₄ i₂'in₃.

14 Jaun₂ ca₂juá'₂: “Tě₃dsón'₂ bá₄ jme₁gu'₅₄ jniá₂ 'ne₂ 'nio₅ lin₃, jaun₂ cuín₄ jniá₂ 'ne₂ juin₅ tsi₁jon₂.”†

15 Juin'₂ bá₄ dsí₅ Abraham ca₂jnia₃, jaun₂ ca₂gue₃ bá₄ lia'₂ con'₂ lě₅ jág₁ a₂jme₁ma₂cuē₃ Diú₄.

16 Ju₁lia'₂ jē₁'in₅ dsa₂ mi₂güig₃ Diú₄, 'iin₂₃ ju₁lia'₂ i₂lín₅ i₂juin'₂ con'₂ gué₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂ně₅ bá₄ dsan₂ mi'₅₄ a₂nió₁'₅ quian'₅₄ riin'₅₄.

17 Ján₃ bá₄ le₂ně₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tín₂ gue₃ lia'₂ con'₂ lě₅ jág₁ a₂ca₂cuē₃, a₂tsá₃ jme₂tsín₃ 'a₂ lia'₂ dsí₂jio₅ dsí₅ jmo₃ ja₁coin₂. Ca₂'iin₃ 'niog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuē₃.

18 Jaun₂ ně₃, tē₂le₃ quian'₅₄ tin₃ ne₅₄ jág₁ ně₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ tē₂jín₁, (co₂'nió'₄ le₃jua'₅₄ jág₁ a₂ca₂cuē₃ Diú₄, quian'₅₄ jág₁ a₂ca₂'iin₃ 'niog₅), jaun₂ gué₁ bá₄ jniog₄ lián'₂ bēn₂ ju₁lia'₂ jniog₄ i₂ma₂cuing₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsí₅ jniog₄.

19 A₂bén₂ bá₄ jág₁ jaun₂ a₂jmo₅ a₂tióng₂ tiá₂ tē₂dsí₅ jniog₄, ju₁lia'₂ bēn₂ ni₁'lá'₂ quió'₅ ni₁barco jē₁ma₂ca₂quian₃ tiá₂ ca₂tě₂ 'uig₅₄ jmi₁ñí'₄. Jág₁ a₂'in₂ dsí₅ jniog₄ jaun₂, a₂'í₂ bá₄ ca₂tě₂ ja₁jñi₅ gué₄ ca₂tě₂ 'nió'₃ 'mi'₂ jñi₅,

20 ja₁ca₂'í₃ Jesús o₄quián₂ jniog₄, ca₂dsián'₃ ne₄ ju₁5 quián₂ jniog₄, ia₁ a₂ca₂lin₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

1 Melquisedec 'éi₂ ně₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ ně₃ quián₅ Diú₄ i₂juin'₂ gué₄ lin₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'ín₃ Melquisedec ca₂jme₃quiong'₅₄ ca₂jme₃gu'₅₄ quió'₅.

2 Ca₂cuē₃ Abraham ca₂cuē'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jē₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

† 6:14 Génesis 22:17.

³ Tsá₃ jág₁ cha₂ jua'₅₄ chan₂ jmei₂ on₃ guë'₂ chog₅₄, on₃ guë'₂ dsa₂ can'₅₄ quián₅; ján₃ bá₄ tsá₃ jág₁ cha₂ 'e₂ jmi_g₄ ca₂ rë₃ cháin₃, on₃ guë'₄ 'e₂ jmi_g₄ ca₂ join₃ ně₃. Jaun₂ caun₂ lín₅ jme₂ dsa₂ co₂ tan₅₄ lia'₂ lín₅ Ja₁ ŋi'₅₄ Diú₄.

⁴ Nē₃ ně₃, quion₂ 'nia'₂ 'í₁, 'ŋio₅ lín₃ jme₁ juin'₂ Melquisedec, ca₂ lia'₂ ŋia₅ 'ŋiog₅ Abraham, dsa₂ juin'₂ quián₂ jniog₄, ca₂ cuë'₃ 'éi₂ caun₂ qui'₅₄ a₂ guia₃ con'₂ tí₅ a₂ ca₂ lí'₃ quió'₅ rag₅₄ jë₄ 'nei₂.

⁵ Dsau₅ bá₄, lia'₂ con'₂ lë₅ 'Éi'₃ quió'₅ Moisés ně₃, ju₁ lia'₂ dsa₂ tsi₁ jon₂ Leví i₂ ca₂ lín₃ ta₁ quió'₅ jme₂ dsa₂, ca₂ tñin₂ cán₂ caun₂ qui'₅₄ a₂ guia₃ quió'₅ dsa₂ juig₂ ca₂ le₃ jë₃ a₂ jme₁ cha₂ quió'₅, o₁ ŋia'₅₄ jme₁ lín₄ dsa₂ tsi₁ jon₂ Abraham riin'₅₄, ju₁ lia'₂ lín₅ guoin₅₄ táng₃.

⁶ La₁ ia₁ Melquisedec ně₃, o₁ ŋia'₅₄ guë'₄ tsá₃ jme₁ lín₄ tsi₁ jon₂ Leví, ca₂ gue₃ caun₂ qui'₅₄ a₂ guia₃ quió'₅ Abraham, ca₂ jme₃ gu'₅₄ ně₃ quió'₅ i₂ jme₁ ma₂ ca₂ gue₃ jág₁ a₂ ma₂ cuë'₃ Diú₄.

⁷ Tsá₃ 'ein₂ lé₂ le₃ juá'₂ a₂ tsá₃ tí₅ jág₁ la₂: A₂ juin'₂ guë'₄ dsa₂ i₂ jme₂ gu'₅₄ con'₂ guë'₄ dsa₂ i₂ gue₅ a₂ jme₂ gu'₅₄ jaun₂.

⁸ Jaun₂ jin₄ jniog₄, ju₁ lia'₂ i₂ gue₅ caun₂ qui'₅₄ a₂ guia₃ lín₅ dsa₂ i₂ dsan₂; la₁ ia₁ tē₂ le₃ quió'₅ Melquisedec juá'₂ ne₄ Si₂ 'iin₂₃ 'éi₂ ně₂ jag₄ bá₄ jan₂ dsa₂ i₂ caun₂ chan₂.

⁹ Mei'₂ tsá₃ lé₂ le₃ jua'₅₄, ju₁ lia'₂ Leví quian'₅₄ le₃ jín₃ jme₂ dsa₂ tsi₁ jon₂ 'éi₂, ju₁ lia'₂ i₂ gue₅ qui'₅₄ a₂ guia₃ rē₂ ně₃, ján₃ bá₄ ca₂ qui₃ caun₂ qui'₅₄ a₂ guia₃ ja₁ con₂ Melquisedec jme₁ ca₂ qui₃ Abraham,

¹⁰ ia₁ co₂ 'nió'₄ a₂ jme₁ ma₂ lín₅ bá₄ Leví tsi₁ jon₂ Abraham o₁ ŋia'₅₄ guë'₄ tsá₃ jme₁ ma₂ chain₂, lia'₂ con'₂ jme₁ ca₂ cuë'₃ Abraham qui'₅₄ a₂ guia₃ ca₂ cuë'₃ Melquisedec.

¹¹ Ca₂ gue₃ dsa₂ juig₂ Israel 'Éi'₃ tē₂ le₃ quian'₅₄ jme₂ dsa₂ levitas, i₂ lín₅ tsi₁ jon₂ Aarón. Jaun₂ ně₃, jua'₅₄ mei'₂ guë'₃ 'éi₂ ca₂ tió'₃ jmo₃ a₂ ma₂ ron₂ dsa₂ tē₂ le₃ quian'₅₄ 'Éi'₃ jaun₂, jaun₂ tsá₃ jme₁ ma₂ 'nió'₅ jua'₅₄ a₂ jme₁ rē₃ jniá₂ táng₃ jan₂ jme₂ dsa₂ sián'₂ i₂ ca₂ ne₅₄ ju₁ lia'₂ Melquisedec, on₃ jua'₅₄ ju₁ lia'₂ Aarón.

¹² Ia₁ jē₁ rē₂ tsín₃ ta₁ quió'₅ jme₂ dsa₂, ján₃ bá₄ le₂ jaun₂ 'nió'₅ le₃ tsín₃ 'Éi'₃ ján₃.

¹³ Te₁ gui'₅₄ quián₂ jniog₄ ně₃, ju₁ lia'₂ juá'₂ Si₂ le₂ nē₅ 'iin₂₃ 'éi₂, a₂ tēin₅ tsi₁ jon₂ sián'₂, jaun₂ 'i₁ jan₂ i₂ tén₅ tsi₁ jon₂ 'éi₂ tsá₃ ma₂ lín₅ ta₁ quió'₅ ne₄ chei₂.

¹⁴ Ia₁ ne₄ bá₄ jniog₄, a₂ ca₂ rē₃ chán₃ Te₁ gui'₅₄ quián₂ jniog₄ a₂ lín₅ jan₂ tsi₁ jon₂ quián₅ Judá. La₁ tsá₃ 'e₂ ca₂ juá'₂ Moisés 'iin₂₃ tsi₁ jon₂ 'éi₂ jme₁ ca₂ dsia₃ a₂ 'ë₂₃ ju₁ lia'₂ ta₁ quió'₅ jme₂ dsa₂.

¹⁵ 'Ŋio₅ guë'₄ rē₂ léi₄ táng₃ jme₁ ca₂ rē₃ jniá₂ jan₂ jme₂ dsa₂ sián'₂ i₂ lín₅ ju₁ lia'₂ Melquisedec,

¹⁶ tsá₃ ca₂ lín₃ jme₂ dsa₂ 'uig₅₄ ia₁ a₂ qui'₅ 'Éi'₃ a₂ juá'₂ 'ein₂ tsi₁ jon₂ 'nió'₅ jiá₃, ŋia'₅₄ lia'₂ a₂ lín₅ jme₂ dsa₂ 'uig₅₄ bí₂ quió'₅ jme₂ dsí₂ a₂ tsá₃ lé₂ dsi₃ 'én₂.

¹⁷ Ia₁ le₂ la₂ bá₄ juá'₂ Diú₄ 'iin₂₃ 'éi₂:

lín'₅ 'ne₂ jme₂ dsa₂ con'₂ tan₅₄,

ca₂ ne₅₄ lia'₂ jme₁ lín₄ Melquisedec.*

¹⁸ Jaun₂ ně₃, co₂ ŋei'₅₄ ca₂ 'ná₂ 'Éi'₃ a₂ jme₁ lē₄ le₂ ŋiá₅, ia₁ a₂ tsá₃ jme₁ bēn₂, a₂ tsá₃ ta₁ tí₄ ně₃.

¹⁹ Ia₁ tsá₃ ca₂ tió'₃ 'Éi'₃ jua'₅₄ a₂ jme₃ ŋiai₂₃ ta₁. Tē₂ le₃ ca₂ rē₃ chá₃ quián₂ jniog₄ caun₂ jág₁ a₂ dse₃ guë'₄ a₂ 'ín₂ dsi₅ jniog₄, tē₂ le₃ quian'₅₄ a₂ lé₂ jme₁ quián₄ jniog₄ ja₁ con₂ Diú₄.

* 7:17 Salmo 110:4. Chog₅₄ si₂ a₂ dse₃, guë'₄ tsá₃, le₁ ton₅ jág₁, a₂ tió'₅₄ 'ŋió'₃, corchetes [le₂ la₂].

20 Tsá₃ ca₂cuë₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Jui₁lia'₂ jme₂dsa₂ le₂jñiá₅ ně₃, ca₂lín₃ ta₁ jaun₂ la₁ia₁ on₃jua'₅₄ chan₂'ein₂ ca₂'ín₃ Diú₄ jme₁ca₂'ag₃.

21 La₁ tē₂le₃ quió'₅ Te₁gui'₅₄ quián₂ jniog₄ ně₃, chan₂ jan₂ i₂ca₂'ín₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:

Ca₂'ín₃ Diú₄ 'ñiog₅,

jaun₂ tsá₃ lé₂ jme₃tsín₃ dsi₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

22 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂lī'₅₄ a₂dse₃ guē₄ jaun₂.

23 Jui₁lia'₂ jme₂dsa₂ i₂ca₂rē₃chán₃ gua'₅₄ 'uē₃ ně₃, juin₅ ca₂lín₃, ia₁ tsá₃ ca₂cuë₃ 'mú₃ jmig₄ jua'₅₄ caun₂ lín₅ ta₁ jaun₂.

24 La₁ 'uig₅₄ ia₁ a₂chan₂ Jesús co₂tan₅₄ ně₃, jaun₂ con'₂ tan₅₄ bá₄ lín₅ ta₁ jme₂dsa₂.

25 'Uig₅₄ jaun₂ lé₂ le₃lióin₂ co₂ñei'₅₄ le₃jín₃ i₂jme₂quián₃ ja₁con₂ Diú₄ tē₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

26 Jaun₂ ně₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂jñió₅, 'i₁caun₂ a₂'lig'₅₄ tsá₃ 'e₂ cha₂ ja₁coin₂, on₃ guē'₂ dso₄ rē₂cáin'₄, i₂rē₂jñia'₅₄ cau₅ tsá₃ quiaín'₅₄ dsa₂ i₂'no₅ dso₄, i₂ca₂ron'₂ guē₄ ñei₅ con'₂ guē₄ guei'₅₄ mi₂güig₃.

27 Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmig₄, o₄quió'₄ dsá_{u1} guioin₅₄ le₂jñiá₅, jaun₂ guē₄ o₄quió'₄ dsá_{u1} dsa₂juig₂. La₁ia₁ Jesús ně₃ co₂ráun₂ tan₅₄ bá₄ ca₂jmo₃ jme₁ca₂jén'₂ 'ñiog₅.

28 Jaun₂ Si₂ 'Éi'₃ quió'₅ Moisés ně₃, 'in₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄. La₁ cang₂ guē₄ jaun₂, ca₂cuë₃ Diú₄ jág₁ quió'₅ ca₂'iin₃ 'ñiog₅ jme₁ca₂'iin₃ Ja₁ñi'₅₄ a₂lén₂ 'éi₂ jme₂dsa₂ dsen₅₄ con'₂ tan₅₄ ia₁ ca₂jme₃'ñiai₂₃ co₂ñei'₅₄.

8

Jesús bá₄ i₂chén'₅ ne₄ jág₁ 'm₂ a₂lī'₅₄ quian'₅₄ Diú₄

¹ A₂la₂ bá₄ jág₁ dsen₅₄ guē₄ a₂ma₂ja₂náu₅ jnia'₅₄ jua'₂: a₂chan₂ bá₄ jan₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juig₃.

² Já₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá'₅ jñió₅ tē₃dsón'₂ a₂ca₂chi'₃ 'ñiog₅ Te₁gui'₅₄, on₃jua'₅₄ a₂ca₂jmo₃' dsa₂ mi₂güig₃.

³ Le₃jín₃ jme₂dsa₂ dsen₅₄ rē₂'iin₁ ia₁ jaun₂ qui₃jén'₃ 'e₂ cuē'₃ Diú₄, qui₃dsiín'₂ já'₂ ně₃ ne₄ Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄ 'éi₂.

⁴ Jua'₅₄ mei'₂ guē₃ 'éi₂ ně₃, 'ein₅₄ gua'₅₄ 'uē₃, on₃ guē'₂ jme₁lén₂ jme₂dsa₂, ia₁ chan₂ bá₄ guē₄ jme₂dsa₂ i₂qui₂jén'₅ 'e₂ cuē₃ lia'₂ con'₂ lē₅ quí'₅ Si₂ 'Éi'₃ quió'₅ Moisés.

⁵ Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá'₅, a₂lē₅ nió'₄ a₂rē₂'uin₄ quió'₅ ja₁jñió₅ a₂cha₂ guei'₅₄ i₂juig₃; a₂lē₅ co₂'nió'₄ 'en'₂ a₂cuē₅ léi₄ quió'₅ a₂ma₂já₅. Ma₂ne₄ bá₄ jniog₄ a₂rē₂'uin₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂ Diú₄: “Jag₄ de'₂ tion₂ jui₅ jmo₄ con'₂ lē₅ nió'₄ a₂ca₂'ē₃ jniá₂ ne₄ má'₂.”*

† 7:21 Salmo 110:4. Chog₅₄ si₂ a₂dse₃ guē₄ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂]. * 8:5 Éxodo 25:40.

6 La₁ia₁jme₂dsa₂dsen₅₄ quián₂jniog₄guë'₂ ně₃, ma₂ca₂'ió'₃ ta₁ a₂jlá'₁ guë'₄ lin₃.
Ján₃ bá₄ le₂ně₅ a₂jlá'₁ guë'₄ lin₃ jág₁ a₂li'₅₄ a₂chén'₅ 'éi'₂ ne₄, ia₁ a₂'io₅ 'uig'₅₄ bén₂
a₂dse₃ guë'₄ a₂lě₅ jág₁ a₂ma₂cuë'₃ Diú₄.

7 Ia₁jua'₅₄ mei'₂ guë'₃ jág₁ a₂jme₁li'₅₄ le₂'uig'₅₄ tsá'₃ 'e₂ jme₁'nió'₅, jaun₂ tsá'₃ 'uig'₅₄
cha₂ jua'₅₄ a₂jme₁lě₂ jág₁ jě₁ca₂tě₂ táng₃.

8 Ia₁ Diú₄ ně₃ ca₂dsó'₂ ja₁con₂ dsa₂ 'éi'₂ caun₂ a₂tsá'₃ rě₂'ñia₅, jaun₂ ca₂juá'₂:
Jiá₃ caun₂ jmig₄, juá'₂ Te₁gui'₅₄,
a₂jmo₅₄ jniá₂ caun₂ jág₁ 'mí'₂
a₂li'₅₄ quian'₅₄ dsa₂ juig₂ Israel
quian'₅₄ dsa₂ juig₂ Judá ně₃.

9 On₃jua'₅₄ a₂lě₂ lia'₂ lě₅ jág₁
jme₁ca₂jmo₃ jniá₂ quian'₅₄ dsa₂ can'₅₄ quián₅
lia'₂ con'₂ jmig₄ jme₁ca₂tě₅₄ jniá₂
ca₂jmá'₃ gu₂ ca₂'uín'₅₄ 'uë'₃ Egipto.

La₁ tsá'₃ ca₂jme₃ti₃ con'₂ lě₅ jág₁ quió'₃
a₂jme₁ca₂jmo₃ jniá₂ quián'₅₄.

'Uig'₅₄ jaun₂ bá₄ ca₂téin₃ jniá₂,
juá'₂ Te₁gui'₅₄.

10 Jág₁ a₂jmo₅₄ jniá₂ quian'₅₄ dsa₂ juig₂ Israel
jě₁ma₂ñí₂ jmig₄ jaun₂ lě₂ le₂la₂, juá'₂ Te₁gui'₅₄:

Co₅₄ jniá₂ 'éi'₃ quió'₃ ja₁'i₄ dsi₄ dsa₂.

Ján₃ bá₄ le₂jaun₂ taun₅₄ jniá₂ né'₃ tě₂dsí₅.

Jaun₂ guë'₄ lén₂ jniá₂ Diú₄ quián₅,
dsa₂ 'éi'₂ guë'₂ ně₃ lén₂ dsa₂ juig₂ quiáng₃.

11 Tsá'₃ 'nió'₅ jua'₅₄ jme₃ti₂₃
le₂jan₂ le₂jan₂ dsa₂ go₅₄, on₃ guë'₂ riin'₅₄,
ia₁jaun₂ le₃cuin₂₃ Te₁gui'₅₄,

ia₁ le₃jín₃ bá₄ le₃cuig₅ jniá₂
lia'₂ i₂me'₂ guë'₄ lia'₂ i₂juin'₂ ně₃.

12 Jniá₂ ně₃ a₂ñéi₂ dsi₃ 'éng₄
le₃jě₃ a₂'lig'₅₄ a₂qui₂rě₂cáin'₄,

lia'₂ o₁líg'₂ jmig₄ tsá'₃ ma₃dsiog'₂ dsi₃
dsá_{u1} dsa₂,†

13 Jui₁lia'₂ jě₁'ě₅ Diú₄ jág₁ 'mí'₂ a₂li'₅₄, co₂'nió'₄ a₂jmo₂₃ a₂tsá'₃ ma₃ta₁ tí₄
jág₁ a₂jme₁li'₅₄ le₂'uig'₅₄. Jui₁lia'₂ a₂tsá'₃ ta₁ tí₄ ně₃, a₂ma₂'ei₅ ne₄ lě₂ gui'₅₄,
a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uë'₃ la₂, quian'₅₄ guá'₅ a₂cha₂ guei'₅₄ i₂juig₃

1 Ně₃ ně₃, jui₁lia'₂ jág₁ a₂jme₁li'₅₄ le₂'uig'₅₄, jme₁quian'₅₄ 'éi'₃ jui₁lia'₂ 'a₂ lia'₂
jme₃ti₃ dsa₂ ne₄ Diú₄, ján₃ bá₄ jme₁cha₂ caun₂ ja₁jñió₅ a₂ca₂jmo₃ dsa₂ mi₂güig₃.

2 Jui₁lia'₂ guá'₅ tabernáculo jaun₂: dsi₂néi₂ le₂'uig'₅₄ jaun₂ jme₁chí'₄ ni₁ñí₁
a₂le₁dsi₅₄ tag₄ ja₁le₁gui'₂ si₂, quian'₅₄ ni₁mesa ja₁niog₅ i₁ñí'₄ jñió₅; “ja₁jñió₅”
jme₁chei₂ dsi₂néi₂ le₂'uig'₅₄ jaun₂.

3 Le₃co'₅₄ 'mi'₂ cortina ja₁ca₂tě₂ táng₃, jme₁lě₄ ja₁chei₂ Ja₁jñió₅ Lin₃ Guë'₄.

4 Ja₁jaun₂ jme₁chí'₄ caun₂ ne₄chei₂ a₂lě₅ jmá'₃ quian'₅₄ cu₄nióg₄ ja₁qui₂dsi'₂
chen₂, quian'₅₄ tsi₁gu₅ quió'₅ jág₁ a₂li'₅₄ quian'₅₄ Diú₄. Rě₂lióg₃ ta₁caun₂ tsi₁gu₅
quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁ cu₄nióg₄ a₂jme₁tio'₅₄ i₁ñí'₄

† 8:12 Jeremías 31:31-34.

maná, quian'⁵⁴ 'ma²'i⁵⁴ quió'⁵ Aarón a²ca²'ia² tsin⁵ ně³. Ján³ bá⁴ jme¹tio'⁵⁴ ni¹cang¹ 'í² a²le¹ton⁵ jág¹ a²lí'⁵⁴ quian'⁵⁴ Diú⁴.

⁵ Ne⁴ tsi¹gu⁵ jaun² jme¹tió² le¹jnë⁵ querubines, co²'nió'⁴ léi⁴ a²tág⁵ co²'né'⁵ quió'⁵ Diú⁴. Jme¹le¹jnë⁵ qui²rě²jlě⁵ quian'⁵⁴ tsi¹rě²cu⁵ ja¹'én² Diú⁴ dsáu¹ dsa². La¹ia¹ tsá³ jě⁴ jua'⁵⁴ le³jua'⁵⁴ guě⁴ jnia'⁵⁴ jág¹ 'lióng² jui¹lia'² ca²le³jě³ a²ně⁵, ne⁴ si²la².

⁶ Jme¹ma²lě⁵ co²jnia⁵⁴ le³jě³ a²jaun² ně³, jaun² guě⁴ qui²dsi²ton'⁵⁴ i²gú'³ jme²dsa² dsi²néi² le²'uig⁵⁴ qui²dsi²jmó² lia'² con'² lě⁵ ta¹ a²lín⁵.

⁷ La¹ia¹ jě¹ca²tě² táng³ dsi²néi², dsi²'í² jnia'⁵⁴ lia'² jme²dsa² dsen⁵⁴ co²ráu²lia'² caun² nj², la¹ tsá³ 'í² jua'⁵⁴ tsá³ quian'⁵⁴ jm⁴ já'² a²qui²dsi³jen'⁵⁴ o⁴quió'⁴ dsáu¹ 'njog⁵ quian'⁵⁴ dsáu¹ dsa² juig² a²ca²'náu² tě³ tsá³ nj⁵.

⁸ Le²ně⁵ jme¹jme²jniá² Jme²dsi² Jnió⁵, a²tsá³ jme¹ma²rě²na⁴ guě⁴ jui⁵ ja¹dsi³ton'⁵⁴ dsa² ja¹jnió⁵ lín³ guě⁴, tě¹lia'² jme¹chí'⁴ guě⁴ guá'⁵ le²'uig⁵⁴.

⁹ Co²'nió'⁴ a²jáng'⁵ léi⁴ a²la², jui¹lia'² quió'⁵ jmig⁴ rě²ně³, ia¹ le³jě³ a²cuě'³ dsa² Diú⁴, quian'⁵⁴ le³jín³ já'² a²qui²jén'⁵ dsa² ne⁴ Diú⁴ ně³, tsá³ a¹jaun² tió'⁵ le³'nja⁵ dsa² jua'⁵⁴ a²jniá'² a²qui²dsi²jni⁵ dsí⁵.

¹⁰ Jnia'⁵⁴ lia'² jaun² bá⁴ ta¹ quí'⁵ le³jě³ a²jaun² jui¹lia'² 'a² lia'² lě⁵ má³ a²guě'⁵ dsa², a²'ín² dsa², quian'⁵⁴ le³jě³ guě⁴ 'e² a²jmo²³ a²le¹jín³, jmá'³ 'éi'³ quió'⁵ le³co'⁵⁴, jaun² quen⁵ ca²tiá², ca²lia'² jme³rě³ Diú⁴ le³jě³.

Ta¹ a²quí'⁵ jm⁴ Cristo

¹¹ La¹ia¹ ma²guan⁵ Cristo, jaun² 'éi² bá⁴ ma²lín⁵ jme²dsa² dsen⁵⁴ i²quió'⁵ le³jě³ a²dse³ a²ma²o²lé². Ma²ca²'í³ guá'⁵ jlá'¹ guě⁴ a²rě²'nja⁵, on³jua'⁵⁴ a²ca²jmo³ dsa² mi²güí³. Co²'nió'⁴ le³jua'⁵⁴, on³jua'⁵⁴ quió'⁵ mi²güí³ la².

¹² On³jua'⁵⁴ a²ca²'í³ tě²le³ quian'⁵⁴ jm⁴ chein⁴ lau² on³ guě⁴ quian'⁵⁴ jm⁴ guein² ca¹jui⁵ ně³, la¹ tě²le³ quian'⁵⁴ jm⁴ 'ain⁵⁴ 'njog⁵ bá⁴ ca²'í³ ja¹jnió⁵ guě⁴ co²ráu² tan⁵⁴, jaun² le²ně⁵ bá⁴ ca²'náu² a²lió² jniog⁴ co²tan⁵⁴.

¹³ Dsón'² bá⁴ dsau⁵ quí'⁵ ta¹ jui¹lia'² jm⁴ ca¹jui⁵, quian'⁵⁴ jm⁴ chein⁴ lau², quian'⁵⁴ ti¹juá³ quió'⁵ guein² ca¹jui⁵ i²qui²dsin'² ne⁴chei², a²qui²rě²séi² ne⁴ quió'⁵ dsa² i²tsá³ le¹jín³. Quí'⁵ ta¹ a²jme³jnió³ jui¹lia'² dsa² i²ma²le¹jín³ le³co'⁵⁴.

¹⁴ La¹ ja²lín³ guě⁴ quen⁵ jm⁴ Cristo i²ca²jén'² 'njog⁵ ne⁴ Diú⁴ tě²le³ quian'⁵⁴ Jme²dsi² i²chan² co²tan⁵⁴, ca²join³ tě³ tsá³ 'e² rě²cáin'⁴. Quian'⁵⁴ jui⁵ bí² jm⁴ Cristo a²jmo⁵ le³jě³ tě²dsi⁵ jniog⁴, a²tsá³ ma³jmo² jniog⁴ a²jiog⁵ jui⁵ 'mú³ ia¹jaun² lě² jme¹ti¹ jniog⁴ ne⁴ Diú⁴ jén'³.

¹⁵ 'Uig⁵⁴ jaun², Jesucristo bá⁴ lín⁵ i²chén'⁵ ne⁴ jág¹ 'mí² a²lí'⁵⁴ * quian'⁵⁴ Diú⁴, ia¹jaun² jui¹lia'² i²ma²ca²tág³ Diú⁴, lě² le³gue³ a²ca²tiín² a²jiog⁵ co²tan⁵⁴ con'² lě⁵ jág¹ a²ma²cuě³ Diú⁴ a²cuě³. Ia¹ quian'⁵⁴ 'mú³ quió'⁵ Cristo, ca²lón² dsa² i²ca²'náu² dso⁴ lia'² con'² jme¹lí'⁵⁴ guě⁴ jág¹ le²'uig⁵⁴.

¹⁶ Jui¹lia'² ja¹ron⁵ jág¹ a²ma²quiog² dsa² né'³ guě⁴ a²jóin², tion⁵⁴ 'nió'⁵ con² dsa² jág¹ dsau⁵ chi²jua'² ma²jon⁵ bá⁴ dsa² i²ca²jmo³, ia¹jaun² bá⁴ lě² le³ti³ jág¹ a²ca²quiog² jaun².

¹⁷ Jaun² lě³, tsá³ ta¹ tí⁴ jág¹ le²jaun² tě¹lia'² ně⁵ bá⁴ chan² dsa² i²ca²jmo³; jnia'⁵⁴ lia'² jě²ma²ca²join³ bá⁴ quí'⁵ ta¹.

¹⁸ 'Uig⁵⁴ jaun², jág¹ a²jme¹lí'⁵⁴ ně³, tsá³ ca²quí'³ ta¹ jua'⁵⁴ tsá³ ca²tang² jm⁴.

¹⁹ Ia¹ cang² jme¹ma²ca²'ě² Moisés ca²le³jě³ jág¹ quió'⁵ 'Éi'³ Juá'⁵ ca²'ě³ dsa² juig², jaun² guě⁴ ca²can³ ni¹jni² guéin² quió'⁵ já'² cha'², quian'⁵⁴ caun² ni¹gu'² ni¹'ma² hisopo, jaun² ca²jme³jlě'³ quian'⁵⁴ jm⁴ guein² ca¹jui⁵ quian'⁵⁴ jm⁴

* **9:15** 'Nio'² ja¹,ton⁵, Mateo 26:28, Marcos 14:24, Lucas 22:20, 1 Corintios 11:25.

chein₄ lau₂ a₂rē₂cón'₅ quian'₅₄ jmig₂,† jaun₂ guě₄ ca₂séi₂ lia'₂ ne₄ si₂ a₂rē₂bin₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ ně₃.

20 Jaun₂ guě₄ ca₂tsí'₃ dsa₂ juig₂: “A₂la₂ bá₄ jmí₂ quió'₅ já₁ a₂ma₂li'₅₄ quian'₅₄ Diú₄, lia'₂ con'₂ lě₅ 'éi'₃ a₂ma₂jmo₃ Diú₄ quián'₂ 'nia'₂.”‡

21 Ján₃ bá₄ ca₂séi₂ Moisés quian'₅₄ jmí₂ jaun₂, guá'₅ tabernáculo quian'₅₄ le₃jě₃ guě₄ a₂jmó'₂ dsa₂ ta₁ guá'₅.

22 Dsón'₂ bá₄ jaun₂, con'₂ lě₅ ta₁ quí'₅ Si₂ 'Éi'₃, mei'₂ tsá₃ le₃jě₃ bá₄ 'nió'₅ qui₂le₃chí₂ quian'₅₄ jmí₂. Jaun₂ tsá₃ o₂'én₂ dso₄ cha₂ jua'₅₄ tsá₃ qui₂l₂'o₅₄ jmí₂.

Jmí₂ a₂ca₂jén'₃ Cristo bá₄ jniá'₂ dsá_{u1} dsa₂

23 Jaun₂ lě₃, tion₅₄ bá₄ qui₂le₃chí₂ le₂ně₅ quian'₅₄ jmí₄ já'₂ ca₂le₃jě₃ a₂jaun₂ a₂qui₂rē₂'uin₄ jui₁lia'₂ quió'₅ guei'₅₄ i₂juíg₃. La₁ia₁ ca₂le₃jě₃ a₂ně₅ a₂cha₂ guei'₅₄ i₂juíg₃ ně₃, tion₅₄ 'nió'₅ séi₂ quian'₅₄ jmí₂ a₂dse₃ guě₄ con'₂ guě₄ a₂jaun₂.

24 Ia₁ on₃jua'₅₄ a₂ca₂'í₃ Cristo dsi₂néi₂ ja₁jnió₅ jaun₂ a₂rē₂lag₄ quian'₅₄ gu₂-tag₄ dsa₂ mi₂güí₃, a₂rē₂'uin₄ quió'₅ ja₁jnió₅ 'niog₅ dsón'₂, la₁ tē₂le₃ co₂dsau₅ guei'₅₄ i₂juíg₃ 'niog₅ dsón'₂ bá₄ ca₂'í₃, ja₁qui₂jme₂jniai₂₃ jmig₄ rē₂ně₃ ne₄ Diú₄ o₄quián₂ jniog₄.

25 Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jéin'₂ 'niog₅ jui₁lia'₂ dsi₂'í₂ jme₂dsa₂ dsen₅₄ ja₁jnió₅ guě₄ lia'₂ caun₂ ni₂ a₂qui₂dsi₂jen'₅₄ jmí₄ i₂sián'₂.

26 Jua'₅₄ mei'₂ guě₃ le₂jaun₂ ně₃, tion₅₄ bá₄ jme₁'nió'₅ jóin₂ 'lióng₂ ráun₂ ca₂le₃ ca₂nio₃ mi₂güí₃. La₁ia₁ le₂la₂ bá₄ lě₅ jui₁lia'₂ rē₂ně₃, a₂jē₁ma₂ca₂dsin₃ jmig₄, ca₂jme₃jniá₂ Cristo co₂ráun₂ tan₅₄ bá₄ ia₁jaun₂ lé₂ le₃jniá'₂ dsá_{u1} dsa₂ tē₂le₃ quian'₅₄ a₂ca₂jéin'₂ 'niog₅.

27 Jaun₂ jui₁lia'₂ co₂ráun₂ bá₄ ca₂tín₂ dsa₂ mi₂güí₃ dsiáin₃, jaun₂ cang₂ jaun₂ jiá₃ jmig₄ jē₁tě₃dsi₅₄ 'éi'₃,

28 ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsá_{u1} dsa₂ mi₂güí₃. Cang₂ guě₄ jaun₂ jme₃jniai₂₃ jē₁ca₂tě₂ táng₃, la₁ on₃jua'₅₄ 'uig₅₄ dsá_{u1} dsa₂, a₂ja₃lioin₅₄ jui₁lia'₂ i₂qui₂le₁jniog₅ bá₄.

10

1 Ia₁ Si₂ 'Éi'₃ quió'₅ Moisés ně₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂, on₃jua'₅₄ rē'₂ 'a₂ lia'₂ lě₅ dsón'₂. 'Uig₅₄ jaun₂, lia'₂ o₁líg'₂ jmig₄ tsá₃ tió'₅ 'Éi'₃ jaun₂ jua'₅₄ a₂jme₃'niai₂₃ jui₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂ qui₂jén'₃ jmí₄ já'₂ le₂jaun₂, lia'₂ 'í₂ ni₂.

2 Jua'₅₄ mei'₂ guě₃ tió'₅ le₂jaun₂, †_{tsa1} jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂ 'nia'₂? Ia₁ tsá₃ ma₃'e₂ qui₂dsi₂jni₅ dsí₅ dsa₂ dsá_{u1} i₂jme₂ti₃ le₂jaun₂ jē₁ma₂ca₂rin'₂ jme₂dsí₂ quió'₅.

3 Tē₂le₃ qui₂dsau₂ 'dsí₅ bá₄ dsa₂ lia'₂ 'í₂ ni₂ a₂jéin'₂ já'₂ a₂qui₂rē₂cáin'₄ dso₄,

4 ia₁ tsá₃ lé₂ jniá'₂ dsá_{u1} dsa₂ jui₁lia'₂ jmí₄ ca₁jui₅ quian'₅₄ jmí₄ chein₄ lau₂.

5 'Uig₅₄ jaun₂, lia'₂ con'₂ jme₁ca₂'í₃ Cristo mi₂güí₃, ca₂juá'₂ ca₂tsí'₃ Diú₄:

Tsá₃ 'niog'₂ a₂qui₃jén'₂ dsa₂ já'₂ ne'₅₄,

on₃ guě'₂ 'niog'₂ 'e₂ jme₁cuě'₅ dsa₂ 'ne₂.

La₁ ca₂jmo'₅₄ co₂jnia₅₄ quió'₃

caun₂ ni₄ dsa₂ mi₂güí₃.

6 Tsá₃ ca₂tě₂ 'au'₂ a₂qui₂dsín'₂ dsa₂ já'₂,

on₃ guě₄ ca₂tě₂ 'au'₂ 'e₂ a₂qui₂ca₂cuě'₃ dsa₂ 'ne₂

o₄quió'₄ dsá_{u1} dsa₂.

7 'Uig₅₄ jaun₂ ca₂juá'₃:

† 9:19 'Nio'₂ ja₁ton₅, Juan 19:34. ‡ 9:20 Éxodo 24:8.

“Jag₄ la₂ guio₃ jmo₅₄ a₂ηio₂ 'au'₂ 'ne₂,
 Diú₄ quiáng₃,
 jui₁lia'₂ chi₁ton₅ ne₄ si₂ a₂rē₂bin₅,
 a₂'ag₂₃ jniá₂.”*

⁸ Le₂'uig₅₄ juá'₂: “Tsá₃ 'nio₃ Diú₄ on₃ guē'₂ tē₅ dsí₅ a₂qui₃jén'₂ dsa₂ já'₂ ne₅₄, on₃ guē'₂ jui₁lia'₂ a₂jme₁cué'₅ dsa₂ Diú₄ o₄quió'₄ dsáu₁ dsa₂”, (o₁jñia'₅₄ jén'₃ dsa₂ lia'₂ con'₂ qui'₅ 'Éi'₃ a₂'nió'₅ jmo₃ dsa₂).

⁹ Jaun₂ ně₃, cang₂ guē₄ jaun₂, juá'₂: “La₂ guio₃ jmo₅₄ a₂ηio₂ 'au'₂ 'ne₂, Diú₄ quiáng₃.” Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ jág₁ jē₁ca₂tē₂ táng₃.

¹⁰ Uig₅₄ ia₁ a₂ca₂jmo₃ Jesucristo a₂ηio₂ dsí₅ Diú₄ jaun₂, ma₂ca₂rē₃jñio₄ jniog₄ jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄.

¹¹ Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂ tsá₃ tió'₅ guē'₂ 'éin₂ dsáu₁ dsa₂.

¹² La₁ Jesucristo ně₃, jme₁ma₂ca₂jén'₂ 'ñiog₅ co₂ráun₂ tan₅₄ jaun₂ o₄quió'₄ dsáu₁ dsa₂, jaun₂ guē₄ ca₂guá₂ tē₂le₃ gu₂ ne₁ Diú₄.

¹³ Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

¹⁴ Ia₁ tē₂le₃ quian'₅₄ a₂ca₂jén'₂ co₂ráun₂ jaun₂, ca₂rē₃'ñia₅ co₂tan₅₄ dsa₂ i₂lē₅ 'í₁ quiáin₅.

¹⁵ Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jñio₅. Ca₂juá'₂ le₂'uig₅₄:

¹⁶ Jág₁ a₂jmo₅₄ jniá₂ a₂li'₅₄ quian'₅₄ dsa₂ 'éi₂
 cang₂ jmig₄ jaun₂,
 lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ tē₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

¹⁷ Cang₂ guē₄ jaun₂ juá'₂ táng₃:

Lia'₂ o₁líg'₂ jmig₄ tsá₃ ma₃dsiog'₂ dsi₃ jniá₂
 dso₄ a₂jme₁rē₂cáin'₄,
 on₃ guē'₂ 'e₂ a₂'lig'₅₄ a₂ma₂jmo₃.‡

¹⁸ Jaun₂ ně₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ guē₄ dsa₂ o₄quió'₄ dsáu₁.

Ma₃ jme₁quián₄ jniog₄ ja₁ con₂ Diú₄

¹⁹ Jaun₂ lē₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂tē₂ ja₁jñio₅ lin₃ guē₄ tē₂le₃ quian'₅₄ jm₁₄ Jesucristo,

²⁰ tē₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ ně₂jag₄ bá₄ tē₂le₃ quian'₅₄ 'mí'₂ cortina, co₂'nió'₄ le₃jua'₅₄ tē₂le₃ quian'₅₄ ni₁ñi₁₂ 'ñiog₅,

²¹ ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂niog₅ gu₂ dsa₂ quián₅ Diú₄,

²² 'uig₅₄ jaun₂ ně₃, ma₃ jme₁quián₄ jniog₄ ja₁ con₂ Diú₄ ca₂le₃jē₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, ně₂jag₄ bá₄ a₂ma₂qui₂le₁chí₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ñi₁ jniog₄ quian'₅₄ jmig₂ le₃jē₃.

²³ Jui₁náun₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tin₃ dsi₅ jui₁lia'₂ jág₁ a₂'ín₂ dsi₅. Ia₁ i₂rē₂ti'₅₄ bá₄ Diú₄ i₂ma₂cuē₃ jág₁ quió'₅.

²⁴ Ján₃ bá₄ jui₁'niog'₅₄ jniog₄ dsi₅ 'a₂ lia'₂ tion'₅₄ jniog₄ jág₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmó₁ jniog₄ a₂dse₃.

* **10:7** Salmo 40:6-8. † **10:16** Jeremías 31:33. ‡ **10:17** Jeremías 31:34.

25 Tsá₁ jui₁tí₄ jniog₄ a₂ṅag₂' jniog₄ co₂lě₅, jui₁lia'₂ ma₂tín₂ i₂lin₅₄, tē₂le₃ 'nió'₅ cuē'₅₄ jniog₄ bí₂ rín'₅₄ le₂jau₂ le₂jau₂, tē₂le₃ lě₅ guě₄ ia₁ ma₂léi₄ a₂ma₂ja₂quián₃ jmig₄ jaun₂.

26 Ia₁ nē₁jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ jág₁ dsau₅, jaun₂ tsá₃ ma₂'e₂ cha₂ guě₄ jua'₅₄ lé₂ le₃jen'₄ jniog₄ o₄quió'₄ dsáu₁.

27 Jñia'₅₄ lia'₂ a₂jaun₂ bá₄ 'ei₅ guě₄ a₂jñia₅ jniog₄ a₂'ei₅ gau₂ jē₁qui₃dsi₅ Diú₄ 'éi'₃, jui₁lia'₂ jē₁cau₂ si₂ a₂quión₃ i₂'iog₅₄ quió'₅ Diú₄.

28 Jui₁lia'₂ dsa₂ i₂tsá₃ dsáu₅ dsí₅ 'Éi'₃ quió'₅ Moisés, tion₅₄ bá₄ jón₂ tsá₃ o₂'én₂ dso₄ cha₂ quió'₅, 'uig₅₄ jág₁ dsau₅ a₂jáng'₅ on₃-ún₂. §

29 Jaun₂ ně₃, ċ'e₂ guě₄ uig₅ ca₂tín₂, lín'₂ 'nia'₂, jui₁lia'₂ dsa₂ i₂qui₂tsón'₁ Ja₁ñi'₅₄ Diú₄, jui₁lia'₂ dsa₂ i₂tsá₃ ji'₅₄ jmi₄ 'éi₂ a₂ca₂lí₃ jág₁ a₂con'₂ ca₂chein'₃ 'éi₂, jui₁lia'₂ dsa₂ i₂tē₂'on'₂ Jme₂dsí₂ quián₅ Diú₄ i₂'ua₁ dsí₅?

30 Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'ě₄ uig₅ dsa₂; ján₃ bá₄ jniá₂ qui₄.” * Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ juig₂ quián₅.” †

31 i₂A₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

32 La₁ dsá₂ 'au'₂ 'nia'₂ jmo₄ jmig₄ le₂jñiá₅, lia'₂ con'₂ le₂'uig₅₄ jme₁ca₂rě₃ñí'₂ 'au'₂ 'nia'₂, ján₃ bá₄ 'a₂lia'₂ juñ'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o₂i₁ dsi₅ quian'₅₄ uig₅ a₂ca₂i₃ñí'₂.

33 I₂lin₅₄ 'nia'₂ qui₂ca₂jnaú'₂ dsa₂ jág₁ qui₂ca₂jmóg'₂ tē₃jín₄ dsa₂ juig₂. I₂lin₅₄ guě'₂ ca₂jme₃quiong'₅₄ ca₂jme₃quian'₅₄ dsa₂ i₂qui₂ca₂ṅág₃ uig₅ le₂ně₅.

34 'Nia'₂ ně₃ ca₂dsia'₅₄ ṅéi₂ 'au'₂ i₂jme₁tion'₅₄ né'₃ 'má₃. Já₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂jñiá'₂ dsa₂ le₃jě₃ 'e₂ a₂jme₁cha₂ quián'₂ 'nia'₂. Ia₁ ñi'₅₄ bá₄ 'nia'₂ a₂cha₂ guei'₅₄ i₂juig₃ caun₂ a₂dse₃ guě₄ a₂jiog₅ co₂tan₅₄ a₂ca₂tíng'₂.

35 Jaun₂ lě₃, tsá₃ lě₁dsia₂ cau₅ a₂caun₂ 'ei₅ 'au'₂, ia₁ 'ñio₅ lín₃ bá₄ quen₅ a₂quí₃ Diú₄ 'lia'₅₄ a₂'éng'₂.

36 Ia₁ 'nió'₅ quián'₂ 'nia'₂ a₂jmó'₂ tió'₃ 'au'₂, ia₁jaun₂ lé₂ le₃jmó'₂ 'nia'₂ a₂'ñio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cuě₃.

37 Ia₁ ñi'₅₄ ta₁, 'ñio₅ ñi'₅₄ ta₁:

Jiá₃ i₂ma₂lě₅ jág₁ jiá₃,

tsá₃ le₃'in₅₄.

38 La₁ dsa₂ i₂ñi₅ jui₅ co₂rě₂ ia₁ a₂'éin₂,

'éi₂ bá₄ le₃chan₂, ‡

Jaun₂ nē₁jua'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂. §

39 La₁ jniog₄ ně₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅. Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂ně₅ bá₄ tín'₄ jme₂dsí₂ quián₂.

11

Jui₁lia'₂ a₂'én₂ dsa₂

1 Nē₃ ně₃, jui₁lia'₂ dsa₂ i₂'én₂ ně₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; já₃ bá₄ jáng'₅ léi₄ a₂'éin₂, a₂cha₂ tē₃dsón'₂ jui₁lia'₂ a₂tsá₃ jniá₂.

2 Ia₁ le₂ně₅ bá₄ ca₂rě₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

§ 10:28 'Nio'₂ ja₁ton₅ Números 35:30; Deuteronomio 17:6. * 10:30 Deuteronomio 32:35. † 10:30 Deuteronomio 32:36; Salmo 135:14. ‡ 10:38 o₃, “La₁ tē₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ ně₂jag₄ bá₄ dsa₂ dsen₃.” § 10:38 Habacuc 2:3-4.

3 Tē₂le₃ a₂'éin₂ bá₄ jniog₄, ŋág'₂ jniog₄ a₂ca₂jmo₃ Diú₄ bá₄ mi₂güí₃ tē₂le₃ quian'₅₄ jág₁ quió'₅. Jaun₂ lē₃, ju₁lia'₂ a₂jniá₂ rē₂nē₃ ca₂lē₃ tē₂le₃ quian'₅₄ a₂tsá₃ jme₁rē₂jniá₂.

Tē₂le₃ a₂'én₂ dsa₂

4 Tē₂le₃ a₂'én₂ bá₄ Abel,* ca₂jén'₃ ne₄ Diú₄ caun₂ a₂dse₃ guē₄ con'₂ guē₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ nē₃, o₁jñia'₅₄ guē₄ ma₂rē₂jon₅₄ Abel, nē₂jag₄ bá₄ a₂caun₂ jáng'₅ jág₁ dsau₅ rē₂nē₃, ia₁ a₂ca₂rē₃'éin₂.

5 Tē₂le₃ a₂'én₂ bá₄ Enoc,† ca₂ŋái'₃ mi₂güí₃ caun₂ tē₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né'₃ guē₄ a₂tē₂, ia₁ lia'₂ con'₂ jme₁chain₂ ca₂jmo₃ a₂ca₂tē₂ dsí₅ Diú₄.

6 La₁ia₁ lia'₂ o₁líg'₂ jmig₄ tsá₃ lé₂ le₃jmo₃ dsa₂ a₂jme₂'ŋio₂ dsí₅ Diú₄ nē₁juá'₂ tsá₃ 'éin₂, ia₁ ju₁lia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, ján₃ bá₄ 'nió'₅ le₃'éin₂ a₂quí₅ Diú₄ 'lian'₅₄ ju₁lia'₂ i₂'nau'₂ a₂dsen₅₄ dsí₅.

7 Tē₂le₃ a₂'én₂ bá₄ Noé,‡ lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, ju₁lia'₂ a₂tsá₃ jniá₂ guē₄, ca₂tón'₃ bá₄ ju₁ a₂ca₂juá'₂ Diú₄, ca₂jmo₃ bá₄ ni₁barco ja₁lióin₃ le₂jio₅ dsa₂ dsí₂néi₂ quiáin₅ nē₃. Jaun₂ le₂nē₅ nē₂jag₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güí₃, jaun₂ le₂nē₅ bá₄ ca₂tíin₂ a₂lió₂ Diú₄ co₂'nió'₄ dsa₂ dsen₃, tē₂le₃ a₂'éin₂ bá₄ ján₃.

8 Tē₂le₃ a₂'én₂ Abraham,§ lia'₂ con'₂ jme₁ca₂tē₃ Diú₄, ca₂nág₂ bá₄. Ca₂o₃'íin₃ ca₂'í₃ ju₁ a₂dsó₃ ja₁juá'₂ Diú₄ cuē₃ caun₂ 'uē₃ a₂ca₂tíin₂ lé₂ quió'₅. Ca₂o₃'íin₃ 'uē₃ go₅₄ tē₃ tsá₃ ŋi₅ a₂já'₄ ŋó₃.

9 'Uig₅₄ ia₁ a₂jme₁'éin₂, ca₂guá₂ gua'₅₄ 'uē₃ a₂ca₂juá'₂ Diú₄ cuē₃, co₂'nió'₄ a₂líin₅ dsí₂nau₂ jē₄ 'uē₃ siá'₂. Ca₂guá₂ tsí₁'né₅ a₂lē₅ quian'₅₄ tsí₁'mí'₂; ján₃ bá₄ le₂jaun₂ ca₂jmo₃ Isaac quian'₅₄ Jacob nē₃, ia₁ ján₃ bá₄ ca₂tíin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuē₃.

10 Ia₁ jme₁chi₁jñia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'náu'₃ dsí₅ jmo₃, ján₃ bá₄ i₂ca₂jmo₃'g₃.

11 Ján₃ bá₄ tē₂le₃ a₂'én₂ 'ŋiog₅ Sara,* tē₃ ma₂guein'₂ a₂le₃chan₂ guein₂ quiáin₅, ca₂gue₃ bá₄ ju₁bi₂ a₂léin₂ chog₅₄ guein₂ ia₁ líin₂ i₂rē₂ti'₅₄ bá₄ Diú₄ i₂ma₂cuē₃ jág₁ quió'₅.

12 Jaun₂ nē₃ Abraham, o₁jñia'₅₄ a₂ma₂i₁jóin₂, ca₂rē₃chán₃ bá₄ guē₄ tsí₁jon₂ i₂juin₅ guē₄ lin₃ ju₁lia'₂ nei₅ a₂jniá₂ guei'₅₄ mi₂güí₃, ju₁lia'₂ mi₂tsag₄ a₂cha₂ chei'₅₄ jmi₁ñí'₄ a₂tsá₃ lé₂ le₃'i₃ dsa₂.

13 Ca₂dsan₃ bá₄ le₃jín₃ 'éi₂ tē₃ tsá₃ ca₂gue₃ ju₁lia'₂ a₂jme₁ca₂juá'₂ Diú₄ cuē₃. La₁ia₁ jme₁'éin₂ bá₄, jaun₂ nē₂jag₄ bá₄ a₂ca₂jág₃ tē₂ uíng₂ a₂jaun₂ a₂'éin₂, tē₅ bá₄ dsí₅ a₂ca₂jág₃. Jaun₂ le₂nē₅ bá₄ ca₂jmo₃ jág₁ a₂líin₅ dsí₂nau₂ i₂con'₂ ca₂ŋi₅ mi₂güí₃ la₂.

14 Jaun₂ ju₁lia'₂ i₂dsia₅ jág₁ le₂nē₅, jáng'₅ léi₄ a₂l₂nioi₅₄ bá₄ guē₄ a₂qui₂'no'₂ caun₂ juig₂ jē₁tian'₃.

15 Jua'₅₄ mei'₂ guē₃ caun₂ qui₂dsau'₂ bá₄ guē₄ dsí₅ gua'₅₄ 'uē₃ ja₁ca₂'u₁in₂, jme₁lé₂ bá₄ jme₁dsí₂lein₃ táng₃ ja₁jaun₂.

16 La₁ tē₂le₃ jme₁'ín₂ dsí₅ caun₂ 'uē₃ a₂dse₃ guē₄, co₂'nió'₄ a₂'ē₂₃ 'uē₃ a₂cha₂ guei'₅₄ i₂juí₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂jñia₅₄ caun₂ juig₂ ciudad quió'₅ 'éi₂.

* 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24. ‡ 11:7 Noé: 'Í₂ Génesis 6 - 9. § 11:8 Abraham: 'Í₂ Génesis 12 - 25. * 11:11 Sara: 'Í₂ Génesis 18:1-15; 21:1-7.

17 Të₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac† quiáin₅, ne₄ Diú₄. Jme₁ma₂chéin'₅ co₂jñia₅₄ a₂jme₁jñi'₃ ja₁ñi'₅₄ i₂jan₂ tan₅₄ quiáin₅,

18 o₁jñia'₅₄ jme₁ca₂juá'₂ Diú₄ cuag₃ a₂ca₂juá'₂: “Të₂le₃ quian'₅₄ Isaac le₃chan₂ tsi₁jon₂ quiáng'₂.”‡

19 Ca₂l₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jin₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ñi'₅₄, nē₂jag₄ bá₄ a₂ca₂jein'₅₄ táng₃ jin₄ 'lag₄.

20 Të₂le₃ a₂'én₂ Isaac, ca₂jme₃gu'₅₄ quió'₅ Jacob quian'₅₄ Esaú, ca₂cuē₃ jág₁ quió'₅ a₂cuē₃ Diú₄ a₂dse₃ të₂le₃ ne₄ jui₅jmig₄ a₂le₃chain₂.§

21 Ján₃ bá₄ të₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chi'₂ ja₁ñi'₅₄ José. Jaun₂ ca₂jme₃juin'₂ Diú₄, a₂chéin'₅ rē₂dsín₂ ne₄ 'ma₂'i₅₄ quió'₅.

22 Të₂le₃ a₂'én₂ José,† lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂ juig₂ Israelitas a₂'uín₃ cang₂guē₄ jaun₂ 'uē₃ Egipto, jaun₂ ca₂quiog₂ 'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

23 Të₂le₃ a₂'én₂ bá₄ chog₅₄-jmei₂ Moisés, jme₁ca₂rē₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lē₅ 'éi'₃ quió'₅ rag₅₄ a₂jñag'₃ quió'₅.‡

24 Të₂le₃ a₂'én₂ bá₄ Moisés,§ lia'₂ con'₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quián₅ ja₁míg₄ rag₅₄ quián₅ Egipto.

25 Co₂ñei'₅₄ guē₄ ca₂'náu'₃ dsí₅ ñág₃ uig₅ quian'₅₄ dsa₂ juig₂ quián₅ Diú₄, con'₂ guē₄ a₂le₃chain₂ o₂'ñio₃ dsí₅ ca₂tiá₂ a₂'no₃ dso₄.

26 'Nio₅ guē₄ quen₅, lín₂, a₂ñág₃ uig₅ a₂tē₃'o'₂ dsa₂, lia'₂ te₃'on'₂ I₂rē₂'ín₁ quián₅ Diú₄, con'₂ guē₄ quen₅ ca₂le₃jē₃ cu₄nió₄ a₂rē₂'ma₄ 'uē₃ Egipto. Ia₁ 'liain'₅₄ a₂cuē₃ Diú₄, co₂dsau₅ jaun₂ bá₄ ca₂jág₃.

27 Të₂le₃ a₂'én₂ Moisés, ca₂o₃'ín₃ 'uē₃ Egipto,* tsá₃ ca₂rē₃gó'₅ a₂'ne₂ rag₅₄; ca₂nau₂ bá₄ tiá₂ nē₂jag₄ bá₄ a₂jñin₂ Diú₄ i₂tsá₃ jniá₂.

28 Të₂le₃ a₂'én₂ Moisés, ca₂jmo₃ Jmig₄ Të₂'in₅₄,† ca₂tsáng₂ jmi₂ o₄'né₄ nē₃, ia₁jaun₂ i₂niog₅ ne₄ jme₃dsiain₂₃ jui₁lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Të₂le₃ a₂'én₂ dsa₂ juig₂, ca₂ñí₃ Jmi₁ñi'₄ Guéin₂,‡ ne₄ 'uē₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Të₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó,§ jme₁ma₂ca₂lēs i₂niói₅₄ guio₃ jmig₄ le₁lág'₃ quió'₅.

31 Ján₃ bá₄ të₂le₃ a₂'én₂ 'io₅₄ Rahab* i₂jme₁'nag₅ quió'₅ nē₃, tsá₃ ca₂join₃ co₂lēs quian'₅₄ dsa₂ i₂tsá₃ ca₂né'₂,† ia₁ ca₂guein₃ bá₄ rē₂ dsa₂ israelitas i₂jme₁i₂nió₄ tiog₅.

32 ¿'E₂ guē₄ juá'₄ jniá₂? Tsá₃ jē₄ jmig₄ jua'₅₄ juá'₄ jniá₂ a₂'íng₄ Gedeón,‡ quian'₅₄ Barac,§ Sansón,* Jefté,† David,‡ Samuel,§ quian'₅₄ dsa₂ i₂jme₁'ē₂ jág₁ quián₅ Diú₄ nē₃.

† 11:17 Isaac: 'Í₂ Génesis 21 - 22. ‡ 11:18 Génesis 21:12. § 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ ja₁ton₅ Génesis 50:24-26. ‡ 11:23 'Nio'₂ ja₁ton₅ Éxodo 2:1-10. § 11:24 Moisés: 'Í₂ Éxodo 2 - 11. * 11:27 Noé: 'Í₂ Génesis 6 - 9. † 11:28 Egipto, Jmig₄ Të₂'in₅₄: 'Í₂ Éxodo 12 - 13. ‡ 11:29 Ján₃ bá₄ chei₂ “Jmi₁ñi'₄ 'Ma₂ta₅.” § 11:30 Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃, “dsa₂ i₂tsá₃ ca₂rē₃'én₂.” ‡ 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32 Sansón: 'Í₂ Jueces 13 - 16. † 11:32 Jefté: 'Í₂ Jueces 11 - 12. ‡ 11:32 David: 'Í₂ 1 Samuel 16 - 31 quian'₅₄ 2 Samuel. § 11:32 Samuel: 'Í₂ 1 Samuel.

33 Tè₂le₃ a₂'éin₂ bá₄ ján₃, ca₂lí₃ juig₂ siá'₂ ja₁gon₂ rag₅₄, rē₂ bá₄ ca₂qui₃dsi₂₃ 'éi'₃ ně₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lě₅ jág₁ a₂ca₂cuē₃ a₂jme₃'o₅₄. Ján₃ bá₄ le₂ně₅ ca₂jnéi₃ i₂lin₅₄ 'o₄ dsi₂'ia'₂,

34 ca₂ei₃ si₂ cau₂ ca₂jo'₅₄, qui₂ca₂lón₂ i₂lin₅₄ a₂jme₁dsiáin₃ quian'₅₄ 'o₄ ŋi₁tág₂ ně₃. Ján₃ bá₄ le₂jaun₂ ca₂quín'₃ bí₂ dsa₂'uan₅₄ ca₂jme₃'uáin'₃, ján₃ bá₄ ca₂rě₃béin₂ quín'₂ ja₁niog₅'nei₂, jaun₂ ca₂tió'₃ bá₄ jme₁ca₂quín'₂ quian'₅₄ 'lióg₂ dsa₂ i₂'iog₅₄ quió'₅.

35 Ján₃ bá₄ le₂ně₅ chan₂ dsa₂ mǐ₂ ca₂guein₃ táng₃ 'lag₄ quiáin₅ jme₁ca₂jein'₅₄ táng₃. I₂sián'₂ guē'₂ qui₂ca₂jmóg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guē₄ dse₃.

36 I₂sián'₂ guē'₂ ca₂ŋág₃ le₃jě₃ jág₁ qui₂ca₂jnáu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ŋi₁ cadenas, ca₂to'₂ dsa₂ né'₃ 'má₃ ně₃.

37 I₂lin₅₄ guē'₂ ca₂dsan₃ qui₂ca₂jnáu'₂ dsa₂ cang₄, i₂sián'₂ ně₃ ca₂ti₃ dsa₂ ca₂'nói₁ quian'₅₄ ŋi₁ chi₁jan₁,* ca₂jme₃dsiog₅ dsa₂ quian'₅₄ ŋi₁tág₂ ně₃. Qui₂i₁nioi₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ ně₃; tē₂ŋéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂jmóg'₂ dsa₂.

38 Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uē₃ co₂'ŋiog₅, le₂con₂ má'₂ ně₃, né'₃ cang₄ tē₂'lau₂, né'₃ tau₂ a₂niog₅ né'₃ 'uē₃ ně₃.

39 Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuē₃.

40 Jme₁ma₂i₃jio₅ dsí₅ Diú₄ jmo₃ co₂ŋia₅₄ caun₂ a₂dse₃ guē₄ quián₂ jniog₄, ia₁jaun₂ tsá₃ le₃'ŋia₅ dsa₂ 'éi₂ jua'₅₄ tsá₃ le₃'ŋiai₂₃ co₂lě₅ quian'₅₄ jniog₄.

12

Jin₄ jniog₄ Jesús

1 Jaun₂ lě₃, ia₁ ŋi₄ lě₃ juin₅ dsa₂ qui₂le₁lio₃ jniog₄ i₂ma₂ca₂jme₃ŋia₅ a₂'éin₂, jaun₂ dsiá'₁ jniog₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂ně₅ ju₁lia'₂ dso₄ a₂qui₂nió₅ jniog₄ ně₃, jaun₂ dsau₅₄ jniog₄ ne₄ ju₁ a₂juin'₂ dsi₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

2 Jaun₂ ně₃, né₄ jniog₄ Jesús, i₂ca₂niá₃ ju₁ a₂'éin₂ jniog₄, ján₃ bá₄ i₂jme₂'ŋia₅ a₂'éin₂ jniog₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ ju₁ a₂o₂guí'₃ a₂ca₂can₃, ia₁ jme₁ma₂ŋi₅ bá₄ a₂cán₂ o₂'ŋió₃ dsí₅ a₂'io'₂ jén'₅ cang₂ guē₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

3 'Nió'₂ 'nia'₂ 'au'₂ jaun₂, 'a₂lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rě₂cán'₄ dso₄, ja₁coin₂, ia₁ con'₂ tsá₃ ŋó₅ ně₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

4 Ia₁ tsá₃ guē₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

5 Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ ju₁lia'₂ jan₂ chi'₂-guein₂ quiáin₅. Le₂la₂ juá'₂ ne₄ Si₂:

Tsá₃ lě₁o₁le₅₄, jón₃,

jua'₅₄ tsá₃ ton'₅₄ 'ne₂ ju₁
jme₁chei'₅ Te₁gui'₅₄ caun₂ ju₁ dse₃,
on₃ guē'₂ tsá₃ lě₁o₁'ag₅₄ i₁tín₄ 'au'₂
jme₁cuē₂₃ uig₅.

6 Ia₁ jme₂rě₃ Te₁gui'₅₄ ju₁
quió'₅ ju₁lia'₂ i₂'nioi₃,

* 11:37 A₂lin₅₄ chog₅₄ si₂ chi₁ton₃, ján₃: "ca₂can₃ dsa₂ táu₂."

ján₃ bá₄ cuë₂₃ uig₅ quió'₅ ca₂le₃jín₃ i₂guein₂₃
 jui₁lia'₂ jan₂ chi'₂-guein₂ quiáin₅.*

⁷ Tiang'₃ 'nia'₂ jmo₄ ca₂le₃jě₃ uig₅ a₂ṅag'₅₄ ia₁ le₂jaun₂ jme₂tag₅ Diú₄ jme₂tin₂₃
 'nia'₂ jui₁lia'₂ jan₂ chi'₂-guein₂ quiáin₅. ¿Ein₂ bá₄ ja₁ṅi'₅₄ chan₂ i₂tsá₃ jme₂tag₅
 jmei₂?

⁸ Chei'₅ Diú₄ caun₂ jui₅ rē₂ chein'₂₃ ca₂le₃jín₃ chi'₂-guein₂ quiáin₅. Jaun₂ ně₃,
 jua'₅₄ mei'₂ guě₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅
 'nia'₂ chi'₂-guein₂ quiáin₅ tē₃dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂
 chi'₂-guein₂ i₂lē₁ca₂rē₃chán₃.

⁹ Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂
 chog₅₄-jmei₂ jniog₄ i₂chan₂ gua'₅₄ 'uē₃. Jaun₂ jme₁jme₂gain₃ bá₄ jniog₄ ně₃. ¿Tsa₁
 dse₃ né₁ jniog₄ gau₂ ja₁con₂ Diú₄? Tē₂le₃ 'ē₂ guě₄ 'nió'₅ jme₁gan₃ bá₄ jniog₄ Diú₄
 Jmei₂ jniog₄ tē₂le₃ quió'₅ jme₂dsí₂, ia₁jaun₂ le₂nē₅ bá₄ le₃chong₂.

¹⁰ Jme₁ca₂cuë₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uē₃, lia'₂ con'₂ lē₅
 ca₂i₃jio₅ dsí₅ a₂dse₃. La₁ia₁ Diú₄ ně₃ cuë₂₃ jniog₄ uig₅ a₂dse₃ quián₂ jniog₄ guio₅₄,
 ia₁jaun₂ quein'₅₄ jniog₄ a₂jñi₅ a₂lín'₅ 'éi₂.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsi₅ jniog₄, tē₂le₃ 'ṅio₅ uig₅ bá₄
 lág₂ jniog₄. La₁ia₁ cang₂ guě₄ jaun₂, jui₁lia'₂ i₂rē₂tin₂ tē₂le₃ quian'₅₄ uig₅ a₂ṅág₅,
 ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rē₂jniá₂ tē₂le₃ 'a₂ lia'₂ dse₃
 chain₂ 'ei₅ tei₄ dsí₅.

A₂go'₂ a₂tí₁ dsa₂jág₁ quió'₅ Diú₄

¹² Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂
 tiá₂ mi₂jne'₅₄ a₂jlen₅.

¹³ “Jmo₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄,”† ia₁jaun₂ tsá₃ 'e₂
 qui₃nió₃ i₂sián'₂ jui₁lia'₂ i₂guian'₅₄, tē₂le₃ 'lói₂ bá₄.

¹⁴ Quen'₂ 'nia'₂ bí₂ a₂i₁nió'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂
 jñi₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃ Te₁gui'₅₄ ně₁jua'₂ tsá₃ jñi₅.

¹⁵ Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tin₃ a₂jme₃gu'₅₄ Diú₄
 a₂'ua₁ dsí₅, ia₁jaun₂ tsá₃ 'iá₃ jin'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂
 i₂quian₅ o₂me'₅₄ dsí₅ jmo₅ dain₅₄ a₂rē₂'lín'₅₄ juin₅.

¹⁶ Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nió₄ lia'₂ con'₂ lē₅ mi₅ ni₁ṅi₁₂, on₃ guě'₂
 i₃nió₅₄ jua'₅₄ a₂tsá₃ tón'₂ jui₅ jág₁ quió'₅ Diú₄. Le₂nē₅ bá₄ ca₂jmo₃ Esaú.‡ O₄quió'₄
 caun₂ má₃ bá₄ ca₂'nag₃ ca₂le₃jě₃ a₂jme₁ca₂tín₂ a₂lín₅ chi'₂ dsa₂ ṅe'₂ i₂ne₅₄.

¹⁷ Ma₂ṅi'₅₄ bá₄ 'nia'₂, cang₂ guě₄ jaun₂ lia'₂ con'₂ jme₁'nió₃ táng₃ Esaú gue₃
 a₂jme₁ca₂tín₂, a₂jme₃gu'₅₄ jmei₂, tsá₃ ca₂guéi'₂ jmei₂. Jaun₂ ně₃, tsá₃ ma₃ca₂dsó'₂
 'a₂ lia'₂ tñin'₄ táng₃ jui₁lia'₂ a₂jme₁ca₂tín₂, o₁jñia'₅₄ ca₂'náu'₃ 'ṅio₅ lñ₃ ca₂le₃jě₃
 ca₂'o₃.

¹⁸ Quion₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ṅei₅
 jaun₂ a₂jñiá₂, a₂cau₂ quian'₅₄ si₂, ja₁lě₄ qui₁né'₃ 'ei₅ nei₂, dsí₂ ně₃, qui₃lě₂ gau₂
 'ṅio₅ lñ₃.

¹⁹ On₃ guě'₂ ca₂nei'₂ 'nia'₂ a₂i₂'ein₅₄ ṅi₁ trompeta, on₃ guě'₂ jág₁ quió'₅ Diú₄
 a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂
 'éi₂ jág₁.

²⁰ Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Nē₁jua'₂ jan₂ já'₂ ca₂'ē₃ má'₂
 jaun₂, 'nió'₅ jói₂ qui₃dsag₅ dsa₂ cang₄.”§

* 12:6 Proverbios 3:11-12. † 12:13 Proverbios 4:26. ‡ 12:16 Esaú: 'Í₂ Génesis 25:27-34. § 12:20
 Éxodo 19:12-13.

21 'Uig₅₄ ia₁ a₂ñí₄ lē₃ gau₂ a₂jniá₂ ja₁jaun₂, ca₂lia' ηiog₅ Moisés ca₂juá'₂, “Nio₅ lin₃ jlen₅ jniá₂ a₂gó₅.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lióng₂ lin₃ mei₅ ángeles i₂ñi'₂ jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₃juin'₂ Diú₄, quian'₅₄ ca₂le₃jín₃ chi'₂-guein₂ quián₅ Diú₄ i₂ca₂tín₂ ca₂le₃jě₃ lia'₂ jě₁ca₂tín₂ ja₁ñi'₅₄ i₂ne₅₄, i₂ma₂qui₂le₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅ 'éi'₃ quió'₅ ca₂le₃jín₃, ja₁con₂ jme₂dsi₂ quió'₅ dsa₂ dsen₃ i₂ma₂qui₂le₁ñia₅,

24 quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅ guě₄ a₂jáng'₅ léi₄ a₂'ua₁ dsí₅ con'₂ guě₄ quen₅ jmi₄ Abel.

25 Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chi₂jua'₂ tsá₃ ca₂lón₂ ju₁lia'₂ i₂tsá₃ ca₂guén'₂ i₂'éi₂ i₂ca₂'ě₂ jág₁ gua'₅₄ 'uě₃ lā₂, 'ě₂ guě₄ bá₄ jniog₄ tsá₃ lé₂ le₃lió₂, ně₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

26 Jmíg₄ jaun₂, ca₂i₁bi₅₄ 'uě₃ jme₁ca₂juá'₂ Diú₄. La₁ia₁ rē₂ně₃ ně₃, ma₂cuě₃ jág₁ quió'₅, a₂juá'₂: “jmo₅₄ guě₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uě₃, le₂jio₅ guei'₅₄ dsi₂güig₂ bá₄ ján₃.”†

27 Ju₁lia'₂ a₂juá'₂, “con'₂ siá'₂”, dsi₂jein₃ jág₁ a₂ñiá'₂ ca₂le₃jě₃ a₂jniá₂ a₂dsi₂bi₅₄ a₂lé₂ qui₂le₃ñia'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ guě'₂ lé₂ le₃ñia'₃.

28 Jaun₂ 'uig₅₄ ia₁ a₂tsá₃ ma₂lé₂ qui₂dsi₃bi₅₄ ja₁gon₂ Diú₄, ja₁cuě₃ jniog₄, jaun₂ cuě'₅₄ jniog₄ ti₁'mag'₄ jaun₂ ně₃, o₄quió'₄ ca₂le₃jě₃ a₂la₂, jme₁ti₁ jniog₄ ne₄ Diú₄ ně₃ 'a₂ lia'₂ 'ñio₂ dsí₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

29 Ia₁ lín₅ Diú₄ quián₂ jniog₄ lia'₂ lē₅ caun₂ si₂ a₂'éin₂ le₃jě₃.‡

13

'A₂ lia'₂ jmo₃ a₂tē₅ dsí₅ Diú₄

1 Tsá₃ lē₁tí₅ 'nia'₂ a₂'nióg'₃ le₂jang'₂ le₂jang'₂ ju₁lia'₂ ríng'₂ 'nia'₂.

2 Tsá₃ ju₁dsi₂'én₂ 'au'₂ 'nia'₂ a₂guéng'₄ dsi₂néi₂ quiáng'₂ ju₁lia'₂ dsa₂ i₂chan₂ ja₁siá'₂, ia₁ le₂ně₅ bá₄ ma₂jmo₃ i₂lin₅₄ ma₂ca₂guein₃ ángeles tē₃ tsá₃ lí'₄.

3 Dsau'₂ 'au'₂ 'nia'₂ jmo₄, ju₁lia'₂ dsa₂ i₂tion'₅₄ né'₃ 'má₃, ně₂jag₄ bá₄ a₂tion'₅₄ 'nia'₂ guiong'₅₄ co₂lě₅ quai₂n'₅₄. 'Nio'₂ 'au'₂ ju₁lia'₂ i₂ñí₄ lē₃ qui₂ma₂jmóg'₂ dsa₂, ia₁ ján₃ bá₄ dsa₂ chi₁dsán'₃ bá₄ 'nia'₂ i₂lé₂ le₃ñág₃ uig₅.

4 Ju₁jme₂gó'₃ bá₄ le₃jín₃ ju₁lia'₂ a₂jén'₂ dsa₂ gu₂, ján₃ bá₄ ju₁le₅₄ bá₄ 'í₁ ju₁lia'₂ ja₁tian'₃ dsi₂i₂gu₂ co₂lě₅, ia₁ qui₃dsi₅ bá₄ Diú₄ 'éi'₃ ja₁con₂ dsa₂ i₂qui₂'no₅ dso₄, ju₁lia'₂ i₂nió'₅ jág₁ quian'₅₄ i₂sián'₂ on₃jua'₅₄ dsi₂i₂gu₂.

5 Tsá₃ ju₁chan'₂ 'nia'₂ a₂qui₂chi₁'ñeg'₁ 'nia'₂ jua'₅₄ a₂ñí₄ lē₃ 'ín₅ 'au'₂ 'nia'₂ cu₄. Dsau₅ 'au'₂ 'nia'₂ jmo₄ lia'₂ con'₂ tí₅ a₂cha₂ quián'₂ 'nia'₂, ia₁ ma₂ca₂juá'₂ Diú₄:

lia'₂ o₁líg'₂ jmíg₄ tsá₃ tón₂ jniá₂ 'nia'₂,

on₃ guě'₂ tén₄ jniá₂ 'nia'₂.*

6 Jaun₂ ně₃ lé₂ le₃jua'₅₄ a₂ma₂'ei₅ caun₂ dsi₅:

Te₁gui'₅₄ bá₄ i₂jme₂'o₅₄ jniá₂;

tsá₃ gó₅ ju₁lia'₂ 'e₂ lé₂ le₃jmóg'₂

dsa₂ mi₂güig₃.†

* 12:21 Deuteronomio 9:19. † 12:26 Haggeo 2:6. ‡ 12:29 Deuteronomio 4:24. * 13:5 Deuteronomio 31:6. † 13:6 Salmo 118:6-7.

7 Dsá₂ 'au'₂ 'nia'₂ jmo₄, jui₁lia'₂ dsa₂ i₂ma₂jio₃ ne₄ jui₅, i₂ma₂juá'₂ jág₁ quió'₅ Diú₄ ca₂tsí'₃ 'nia'₂. Quion₄ 'nia'₂ 'í'₁ 'a₂lia'₂ lě₅ ca₂dsióg₃ jui₅ a₂chan₂ dsa₂ 'éi'₂, jaun₂ 'én'₄ 'nia'₂ jui₅ jaun₂ jui₁lia'₂ 'én₂ 'éi'₂.

8 Lia'₂ ma₂lín₅ jaun₂ bá₄ Jesucristo, dsióg₂, jmig₄ ně₃, lia'₂ con'₂ tan₅₄ bá₄ lín₅.

9 Tsá₃ lě₅cuē₂ 'nia'₂ jmig₄ jua'₅₄ jio₃ i₂sián'₂ i₂jme₂tag₅ 'lióng₂ ne₅₄ juá'₅ siá'₂, a₂tsá₃ lě₅ con'₂ lě₅ juá'₂ jág₁ quió'₅ Diú₄. Co₂hei'₅₄ gué₄ dse₃ a₂gue₃ tē₂dsi₅ jnio₄ jui₅bí₂ tē₂le₃ quian'₅₄ a₂'ua₁ dsí₅ Diú₄, con'₂ gué₄ tē₂le₃ quian'₅₄ 'éi'₃ jui₁lia'₂ 'a₂lia'₂ 'nió'₅ gué₃ dsa₂. Ia₁ tsá₃ ta₁ tí₄ 'éi'₃ jaun₂ jua'₅₄ a₂jme₃'o₅₄ quió'₅ jui₁lia'₂ dsa₂ i₂i₂nio₄ le₂jaun₂.

10 La₁ia₁ cha₂ bá₄ caun₂ ne₄chei₂ quián₂ jnio₄ ja₁tsá₃ ca₂tín₂ gué'₃ jui₁lia'₂ i₂jme₂ti₃ ta₁ guá'₅ tabernáculo.

11 Ia₁ ne₄ bá₄ jnio₄, a₂dsi₂can₅ jme₂dsa₂ dsen₅₄ jmi₄ já'₂ dsi₂néi₂ ja₁jnió₅ lín₃ gué₄, a₂jén'₄ o₄quió'₄ dsá_{u1} dsa₂. La₁ia₁ ni₁ñi₄ já'₂ 'éi'₂ qui₂dsí'₂ dsa₂ 'ni'₂ ja₁tián'₄ dsa₂ jui₂ Israel.

12 Ján₃ bá₄ le₂jaun₂ ca₂ñág₃ Jesús uig₅ 'ni'₂ jui₂, ia₁jaun₂ qui₂jme₃jnió₃ dsa₂ jui₂ quián₅ tē₂le₃ quian'₅₄ jmi₄ 'ñio₅.

13 Dsi₁náu₄ jnio₄ jaun₂ ně₃ ja₁con₂ Jesús, co₂'nió'₄ cau₅ ja₁tión₂ dsa₂ jui₂ Israel, a₂quian₂ jnio₄ o₂guí'₃ o₄quió'₄ Jesús.

14 Ia₁ mi₂güig₃ la₂, 'i₁caun₂ jui₂ tsá₃ cha₂ quián₂ jnio₄ jua'₅₄ a₂jio₅ co₂tan₅₄, la₁ a₂jaun₂ bá₄ 'niog'₂ jnio₄ ciudad jaun₂ a₂ně₃ gué₄ jíá₃.

15 Tē₂le₃ quian'₅₄ Jesucristo jaun₂ ně₃, ma₃ jme₁juin'₂ jnio₄ Diú₄ co₂tan₅₄, co₂'nió'₄ a₂jen'₄ jnio₄ ne₄ 'éi'₂ jág₁ a₂'uē'₂ mi₂'o₄ jnio₄ con'₂ dsi₂ten₅₄ jmo₃ dsa₂ i₂tión₂ le₃quió'₅ 'éi'₂.

16 Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuē'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂tē₅ dsí₅ Diú₄.

17 Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi'₂. Ia₁ jmo₂₃ 'í'₁ jme₂dsí₂ quián'₂ 'nia'₂, a₂lín₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi'₂ ia₁jaun₂ jmo₃ 'io'₂, on₃jua'₅₄ 'lia'₂ dsí₅, ia₁ tsá₃ ta₁ tí₄ ja₁con₂ 'nia'₂ ně₁jua'₂ le₂jaun₂ ca₂'lia'₂ dsí₅.

18 Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsí₂ quián₂, ia₁ 'niog₂ bá₄ jnia'₅₄ qui₂i₁ni₁lia'₂ dsi₂ten₅₄ jě₄ ca₂le₃jě₃.

19 Ja₂lín₃ gué₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con₂ 'nia'₂ ñi'₅₄ ta₁.

'Ág'₅ jág₁ jě₁ca₂tó'₂, cui_{in23} Diú₄

20 Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂ jnio₄ ja₁jme₁rē₂ 'lín₅₄, dsa₂ juin'₂ 'éi'₂ jui₅₄ já'₂ cha'₂,

21 jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rē₂'ñia₅ jě₄ ca₂le₃jě₃ a₂dse₃ ia₁jaun₂ jmó'₂ a₂'ñio₂ dsí₅ 'éi'₂. Ján₃ bá₄ jui₁jmo₅₄ 'éi'₂ 'e₂ 'nio₃ jmo₃ quian'₅₄ ca₂le₃jág₃ jnio₄ tē₂le₃ quian'₅₄ Jesucristo. Jui₁le₂juin'₂ bá₄ 'éi'₂ lia'₂ co₂tan₅₄. A₂méi₃.

22 Rin'₅₄ jnio₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ñí₄ lě₃ 'lióng₂ jág₁ ma₂ně₂táun₂ jniá₂ ne₄ si₂.

23 Jui₁le₂ñi'₅₄ 'nia'₂ jág₁ jui₁lia'₂ rin'₅₄ jnio₄ Timoteo: ma₂dsei₅ bá₄ dsa₂ né'₃ 'má₃. Ně₁jua'₂ ca₂guáin₂ ñi'₅₄ ta₁, jaun₂ jain₅₄ jniá₂ jě₁ma₂tě₂ rē₁nei₅₄ jniá₂ i₂jing₁₂ 'nia'₂.

24 Cui_{in54} 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ gué'₂ dsa₂ jui₂ quián₅ Diú₄. † Rin'₅₄ jnio₄ i₂chan₂ Italia cui_{in23} Diú₄ 'nia'₂.

† 13:24 lit. "dsa₂ jnió₅."

²⁵ Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃. §
Co₂ně₅.

§ 13:25 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si carta a cajmo SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ ts₁rē₂jan₅₄ uíng₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cúing₅ Diú₄ ta₁guia₃-tín₂ nió'₃ ts₁jón₂ dsa₂ juig₂ Israel i₂tián'₅ ts₁rē₂jan₅₄ ta₁caun₂ mi₂güí₃.

Ju₁lia'₂ jme₁jau'₂ 'í₁ a₂dsi₂ñí₂ dsa₂ 'én₂ 'e₂ niog₅ dsi₂ñí₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ gué₄ lín₃, jme₁dsi₂ñí'₂ 'nia'₂ ca₂le₃jé₃ ne₅₄ táu₂ a₂jau'₂ 'í₁ ja₁con'₂ 'nia'₂.

³ Ia₁ ma₂ñi'₅₄ bá₄ 'nia'₂ jē₁ma₂ca₂jáu'₃ 'í₁ 'a₂lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂.

⁴ La₁ cuin'₅₄ 'nia'₂ jmig₄ a₂le₃'ñia₅ a₂nē₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rē₂'ñia₅ lia'₂ ñí'₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñí'₂ dsí₅, ju₁mi₁₂ ja₁con₂ Diú₄, jaun₂ 'éi₂ bá₄ cué₃. Ia₁ Diú₄ i₂'ua₁ dsí₅ jmo₂₃ qui₂rē₂tín₂ ca₂le₃jín₃, on₃jua'₅₄ a₂tē₂jí₂.

⁶ La₁ ca₂tín'₂ 'nia'₂ a₂mí'₁ a₂'éng'₂ tē₃dsón'₂ on₃jua'₅₄ a₂'ág'₁ 'nia'₂ caun₂-tín₃ 'au'₂; ia₁ ju₁lia'₂ dsa₂ i₂'ag₅ caun₂-tín₃ dsí₅, lín₅ ju₁lia'₂ lē₅ jmig₂ a₂qui₂ráun₂ ne₄ jm₁ñí'₄, a₂qui₂ñá'₅ can₂ dsí₂ ca₂taun₂ ca₂taun₂.

⁷ Dsa₂ i₂lín₅ le₂jaun₂, tsá₃ ju₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄.

⁸ Ia₁ ju₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jé₃ gué₄ 'e₂ a₂jmo₂₃, o₃ 'e₂ jág₁ quió'₅ cué₂₃.

⁹ Dsa₂ rin'₅₄ jniog₄ i₂te₂ñé₂, ca₂tín₂ jmo₃ dsí₅ 'io'₂ jén'₅, ia₁ tē₃dsón'₂ bá₄ quein₅ le₃ja₁con₂ Diú₄.

¹⁰ Ju₁lia'₂ i₂cha₂ cu₄ gué'₂, ca₂tín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ ju₁lia'₂ lē₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₃ñí₂ bá₄ 'éi₂ ju₁la₂ 'ió₃.

¹¹ Jē₁ma₂ca₂'ia₂* 'iog₂ dséi₅ 'ñio₅ lín₃ rē₂juing₅ bá₄ ni₁nau₂, rē₂quein₂, ta'₂ bá₄ lí₁ ján₃, 'én₂ bá₄ 'a₂lia'₂ jlá'₁ jme₁jniá₂. Le₂nē₅ bá₄ lē₅ quian'₅₄ dsa₂ cha₂ cu₄: qui₂dsi₃ñí₂ bá₄ tē₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ gué₄ dsen₃ dsa₂ i₂tió'₅ jmo₅ juin'₂ dsí₅ jē₁ma₂qui₂ñí₂ 'e₂ táu₂ i₂ñí₂; ia₁ jē₁ma₂ca₂ñi₅ jaun₂, gue₃ ja₁le₃chain₂ dse₃, a₂lē₅ nē₂jag₄ bá₄ caun₂ corona a₂cué₃ Diú₄ cué'₃ ca₂le₃jín₃ i₂'nio₃ quió'₅.

¹³ Chi₂jua'₂ chan₂ i₂lín₅₄ qui₂ja₂ bí₂ 'lig'₅₄ dsí₅, tsá₃ ju₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui'₅₄ jmig₄ jua'₅₄ a₂cáin₂ táu₂ Diú₄, on₃ gué'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄.

¹⁴ Le₂la₂ bá₄ lē₅: guion₅₄ bá₄ dsa₂ tsi₂cuin'₂ ju₁ ja₁'ín₅ dsí₅ jmo₃ a₂'lig'₅₄, ja₁tiáin'₃ dso₄, lín₅ nē₂jag₄ bá₄ ju₁lia'₂ jan₂ i₁ju₁ i₂nág'₅ mi₂cu₄.

¹⁵ Ne₄ ja₁'ín₅ dsí₅ jmo₃ a₂'lig'₅₄ nē₃, tē₂le₃ ne₄ ja₁ñó₄ jaun₂ rē₂jniá₂ dso₄ bá₄ ja₁coin₂; jē₁ma₂ca₂'ñia₅ dso₄ nē₃, rē₃cha₂ 'mú₃.

¹⁶ 'Nia'₂ rin'₅₄ jniog₄ i₂'nióg₃, tsá₃ ju₁le₂gan'₂ 'nia'₂,

* **1:11** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄, 'Nio'₂ ja₁ton₅ Salmo 8:3; Romanos 1:25.

17 ia₁ ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂jua'₅₄ a₂qui₂rě₂tsín₃, jui₁la₂ qui₂rě₂tsín₃ si₂ le₁'ág₄ guei'₅₄, 'ag₅ 'en'₂.

18 Lia'₂ ma₂lě₅ jaun₂ bá₄ con'₂ lě₅ ma₂ca₂rě₃'ñió₃ dsí₅ 'ñiog₅, ma₂ca₂jmo₃ a₂ma₂ca₂rě₃chóng₃ jniog₄ tē₂le₃ quian'₅₄ já₁dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

Jui₁lia'₂ jě₁'én₂ dsón'₂ dsa₂ co₂dsau₅

19 Jui₁le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂ rě₂jáng'₁ a₂ñia'₅₄ nág'₁ de'₂, tsá₃ 'nió'₅ jua'₅₄ a₂ma₂tē₂chan'₅₄ 'nia'₂ já₁a₂ñag'₅₄ dsi₂jui₅, on₃ guē'₂ 'nió'₅ tñ'₃ 'nia'₂ dséng'₂ ně₃ cón'₅.

20 Ia₁ jui₁lia'₂ quian'₅₄ a₂dsén₂ dsa₂ tsá₃ lé₂ le₃jmo₃ a₂'ñio₂ dsí₅ Diú₄.

21 Jaun₂ lě₃, tí₃ 'nia'₂ ca₂le₃jě₃ a₂'lig'₅₄ a₂lě₅ dso₄ a₂ñí₄ 'ñio₅ cha₂ jmig₄ ně₃, jmo₄ 'nia'₂ meg'₂ guen'₅₄ co₂ñei'₅₄ já₁dse₃ a₂ma₂ñia₄ tē₂'au'₂ 'nia'₂; ia₁ já₁dse₃ ně₅ bá₄ a₂'io₅ jui₅bí₂ a₂lió₂ jme₂dsí₂ quián'₂ 'nia'₂.

22 La₁ jui₁le₂chan'₂ 'nia'₂ lia'₂ con'₂ lě₅ já₁, on₃jua'₅₄ rě'₂ a₂ñia'₅₄ 'nió'₅ nág'₁ 'nia'₂. Ia₁ ně₁jua'₂ tsá₃ jme₂tí'₁ 'nia'₂, guion'₅₄ bá₄ 'nia'₂ jme₂gáng'₁.

23 Ia₁ jui₁lia'₂ dsa₂ i₂ñia'₅₄ tē₅ dsí₅ nag₂₃, tsá₃ jmo₂₃ guē'₂ a₂nag₂₃, lín₅ lia'₂ lín₅ jan₂ dsa₂ i₂jín₂ 'ñiog₅ ne₄ ni'₁'i₂;

24 Ia₁ jě₁ma₂ñó₅ cau₅ ně₃, dsí₂'én₂ bá₄ táng₃ dsí₅ 'a₂ lia'₂ jniái₂.

25 La₁ 'e₂ guē'₄ dse₃ dsa₂ i₂tsá₃ dsí₂'én₂ dsí₅ 'e₂ nag₂₃ tē₂le₃ 'ñio₅ lín₃ guē'₄ tón'₂ jui₅ rě₂ já₅ 'éi'₃ dse₃ a₂lión₂ dsa₂. Ia₁ jme₃gu'₅₄ bá₄ Diú₄ chi₂jua'₂ jmo₅ dsa₂ 'e₂ ta₁ qui'₅ 'éi'₃ jaun₂, caun₂ nau₂ tiá₂ bá₄.

26 Chi₂jua'₂ chan₂ i₂lín₅₄ lín₂ 'ñio₅ lín₃ jme₂ti₃ ne₄ Diú₄, la₁ ně₁jua'₂ tsá₃ con₂ guē'₂ dsí₅ 'a₂ lia'₂ dsia₂₃ já₁ ně₃, já₃ bá₄ guion'₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄.

27 Jui₁lia'₂ dsa₂ i₂'én₂ tē₃dsón'₂ lia'₂ dsi₂ten₅₄ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂'oin₅₄ chi'₂ 'nág₂ quian'₅₄ 'io₅₄ 'nág₂ ně₃, 'e₂ caun₂ o₂i₁ dsí₅ chan₂'éi₂, ton'₂ jmo₂₃ 'í₁ a₂tsá₃ jme₃'ñioi₂₃ quian'₅₄ a₂'lig'₅₄ cha₂ mi₂güig₃.

2

1 Rin'₅₄ jniog₄, i₂'én₂ le₃quió'₅ Te₁gui'₅₄ Jesucristo i₂jlán'₁ quián₂ jniog₄, tsá₃ ca₂tñ'₂ 'nia'₂ jing'₅₄ jma₃quén₅ i₂la₂ i₂ó₃.

2 Jui₁lia'₂ tē₃jě₄ tion'₅₄ 'nia'₂ le₂ñig'₂, dsió₄jan₂ dsa₂ cha₂ cu₄ i₂'i₄ anillo cu₄nió₄ gu₂, i₂chén'₅ jlá'₁, la₁ ně₁jua'₂ já₃ guē'₂ tē₃jě₄ jaun₂ dsió₄jan₂ dsa₂ te₂ñé₂ i₂chén'₅ 'lig'₅₄,

3 ně₁jua'₂ ca₂guen'₅₄ 'nia'₂ rě₂ lín₃ i₂qui'₂ tsín'₅₄ jlá'₁, ně₁jua'₂ ca₂chei'₅₄ 'nia'₂: “Ñia₅ i₂né₂ ja₁dse₃ la₂”, la₁ i₂te₂ñé₂ guē'₂ ně₃ jui₅g'₅₄ 'nia'₂: ““Ne₂ jó₄ nau₂”, o₃ “ja₁lá₃ i₂né₂ 'uē₃ cau₅ ja₁tióng₂ tag₃”;

4 ně₁jua'₂ le₂ně₅ jmo'₂ 'nia'₂, ma₂jing'₅₄ jma₃quén₅ ríng'₂, ma₂qui₂caun'₂ 'nia'₂ 'í₁, a₂ma₂dsi₂jio₅ 'lig'₅₄ 'au'₂.

5 'Nia'₂ rin'₅₄ jniog₄, nei₂ 'nia'₂ a₂la₂: Diú₄ ma₂ca₂quióin'₂ i₂lín₅ i₂te₂ñé₂ mi₂güig₃ la₂, ia₁jaun₂ léin₂ dsa₂ jlán'₁ quian'₅₄ a₂'éin₂, ia₁ tñ₃ ja₁gon₂ Diú₄ ja₁ma₂lě₅ já₁ cué'₃ ca₂le₃jín₃ i₂'nio₃ quió'₅.

6 La₁ 'nia'₂ ně₃ tē₂le₃ o₂guí'₃ bá₄ tsíng'₂ dsa₂ te₂ñé₂. ¿Ia₁ on₃jua'₅₄ dsa₂ cha₂ cu₄ guē'₂ i₂jmóg'₂ 'ang₂ quián'₂ 'nia'₂, qui₂tsin'₂ 'nia'₂ dsi₂chei'₂ ne₄ dsi₂tan₅₄ ně₃?

7 ¿On₃jua'₅₄ dsa₂ le₂'éi₂ guē'₂ i₂táun₂ 'lig'₅₄ jmá'₅ 'in₂₃ i₂chen₂ jlán'₁, i₂le₃quió'₅ ja₁tén'₄ 'nia'₂?

8 Nē₁jua'₂ dsi₂jó'₃ jme₂tí'₁ 'nia'₂ 'éi'₃ dse₅₄ lia'₂ con'₂ lě₅ juá'₂ ne Si₂: “Jme₁'nió'₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂”, * dse₃ bá₄ nē₁jua'₂ jmo'₂ 'nia'₂ le₂jaun₂.

9 La₁ nē₁jua'₂ jin'₄ 'nia'₂ jma₃quén₅ i₂la₂ i₂ó₃, 'nau'₂ 'nia'₂ dso₄, ia₁ ma₂tē₁ dsi₅₄ 'Éi'₃ ja₁con'₂ 'nia'₂ guiong'₅₄; ma₂tē₁tsin'₅₄ 'nia'₂ ma₂le₁cáng'₄ bá₄.

10 Ia₁ jui₁lia'₂ dsa₂ i₂jme₂ti₃ ca₂le₃jě₃ 'Éi'₃, la₁ nē₁jua'₂ ca₂'liain'₂ caun₂ 'éi'₃ tio'₅₄ ně₃, ja₁jaun₂ ca₂rě₃cáin'₂ ca₂le₃jě₃ bá₄ 'éi'₃ a₂tio'₅₄ ne Si₂ jaun₂.

11 Ia₁ Diú₄ 'éi'₂ bá₄ i₂ca₂juá'₂ jme₁ca₂juá'₂: “Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsi₂i₂gog'₂”, † ján₃ bá₄ i₂'éi'₂ ca₂juá'₂: “Tsá₃ jñig'₄ dsa₂ mi₂güig₃ ríng'₂.” ‡ Jaun₂ le₂ně₅ chi₂jua'₂ tsá₃ ca₂táng'₂ guē'₂ dso₄ quian'₅₄ i₂tsá₃ lín₅ dsi₂i₂gog'₂, la₁ nē₁jua'₂ ca₂jñig'₃ guē'₂ dsa₂ mi₂güig₃ ríng'₂ ně₃, ja₁jaun₂ ca₂rě₃cáng'₂ bá₄ ta₁jě₂ 'Éi'₃.

12 Ca₂tín'₂ 'nia'₂ jmó'₂ ton'₂ dsiá'₁ jui₁lia'₂ dsa₂ i₂ně₃ guē'₄ tē₃ dsi₅₄ 'éi'₃ quió'₅ con'₂ lě₅ 'éi'₃ a₂lió₂.

13 Ia₁ jui₁lia'₂ dsa₂ i₂tsá₃ ca₂dsia₃ nēi₂ dsí₅ rin'₅₄, ján₃ bá₄ le₂jaun₂ tsá₃ nēi₂ dsí₅ Diú₄ dsia₃ ja₁con₂ 'éi'₂ jē₁ma₂tē₂ rē₁tē₃ dsi₅₄ 'éi'₃ quió'₅; la₁ jui₁lia'₂ i₂ca₂dsia₃ nēi₂ dsí₅ rin'₅₄, a₂nēi₂ dsí₅ jaun₂ bá₄ lí₂ jē₁ma₂tē₂ rē₁tē₃ dsi₅₄ 'éi'₃ quió'₅.

'Nió'₅ le₃jniá'₂ a₂'én₂ dsa₂

14 'Nia'₂ rin'₅₄ jniog₄, ¿'e₂ bá₄ ta₁ jmo₃ nē₁jua'₂ chan₂ i₂juá'₂ ma₂'éin₂, nē₁jua'₂ tsá₃ guē'₂ 'e₂ a₂'ua₁ dsí₅ jmo₂₃? ¿Lé₂ le₃jua'₅₄ jniog₄ a₂tín'₄ dsa₂ le₂'éi₂ quian'₅₄ a₂'éin₂ le₂jaun₂?

15 Jua'₅₄ mei'₂ guē'₃ chan₂ jan₂ dsa₂ ne'₂, o₃ jan₂ dsa₂ mí₂ rin'₅₄ jniog₄, 'in₂ tsin'₅₄, 'in₂ a₂guē'₃, 'oin₅₄ nē₂₃ le₂o₃ jmig₄;

16 nē₁jua'₂ chan₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuē'₅₄ guē'₂ 'nia'₂ a₂dse₅₄ a₂'nió'₅ quió'₅ ni₁nē₁₂, ¿'e₂ bá₄ ta₁ jmo₃ a₂'én₂ 'nia'₂ le₂ně₅?

17 Le₂ně₅ bá₄ lě₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rě₂jniá'₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lě₅ caun₂ co₂'nió'₄ a₂'lag₄ bá₄ jaun₂.

18 An₁ chan₂ bá₄ i₂juá'₂ ně₃: “'Én'₂ bá₄ 'ne₂, la₁ jniá₂ guē'₂ jmo₂₃ a₂dse₃.” Jniá₂ juá'₅: 'Ě₄ a₂'éng'₂, on₃jua'₅₄ quian'₅₄ a₂dse₃ a₂jmo'₂, jaun₂ jniá₂ ně₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃.

19 'Én'₂ bá₄ 'ne₂ a₂chan₂ jan₂ Diú₄; ¿'e₂ a₂dse₃ jmo'₂ nē₁jua'₂ le₂jaun₂? Ján₃ bá₄ le₂ně₅ guē'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄.

20 La₁ 'ne₂ ně₃ dsa₂ co₄, ¿'niog'₂ cuē'₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rě₂jniá'₁ jmo₂₃?

21 ¿On₁jua'₅₄ ca₂tē₁tsin'₅₄ rē₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniai₂₃ lia'₂ con'₂ jme₁ca₂jéin'₂ Isaac ja₁nē₁ quíain₅ ne₄ Diú₄ a₂jme₁jñag'₃ ne₄ ne₄chei'₂?

22 Rē₂ de'₂ quion₂ 'nia'₂ 'í₁ 'a₂lia'₂ ca₂lě₃ quian'₅₄ Abraham: ja₁jaun₂ ca₂rě₃jniá₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂'ñia₅ a₂'éin₂ tē₂le₃ quian'₅₄ a₂ca₂rě₃jniá₂ a₂ca₂jmo₃ jaun₂.

23 Le₂ně₅ bá₄ ca₂rě₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rě₃'én₂ Abraham ja₁con₂ Diú₄; a₂ca₂rě₃'éin₂ le₂jaun₂ ně₃, ca₂guéi'₂ Diú₄ tē₁tsin'₅₄ lín₅ dsa₂ dse₃.” § Jaun₂ Diú₄ ně₃ ca₂caun₃ ca₂lín₃ 'éi₂ a₂mei₅₄ quíain₅.

24 Ja₁ně₅ bá₄ rē₂jniá₂ jaun₂ ně₃, 'a₂lia'₂ tē₂tsin'₅₄ dsa₂ rē₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃jua'₅₄ rē₂ a₂jñia'₅₄ 'nió'₅ juá'₂ a₂'éin₂.

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17. § 2:23 Génesis 15:6; Romanos 4:3-22.

25 Ján₃ bá₄ le₂ně₅ ca₂lě₃ quian'₅₄ Rahab_{i2}jme₁'nag₅ quió'₅* ca₂tě₁tsin'₅₄ rě₂ ne₄ Diú₄ tě₂le₃ quian'₅₄ a₂dse₃ a₂ca₂jmo₃; ca₂cuě₃ dsi₂ně₁ quió'₅ ca₂jnia₃ dsa₂ quián₅ Diú₄, ján₃ guě'₂ ca₂jme₃'oin₅₄ dsa₂ 'éi₂ ca₂'uág'₂ jui₅ siá'₂.

26 Jaun₂ le₂ně₅ bá₄ jui₁lia'₂ ni₁ñí₅ a₂tsá₃ jme₂dsi₂'i₄, lě₅ caun₂ ni₁ñí₅ 'lag₄, ján₃ bá₄ le₂ně₅ lě₅ a₂'én₂ dsa₂, ně₂jag₄ bá₄ 'lag₄ ján₃ ně₁jua'₂ tsá₃ rě₂jniá₂ a₂dse₃ a₂jmo₂₃.

3

Jui₁lia'₂ le₁tsi'₂ dsa₂

1 Rin'₅₄ jniog₄, tsá₃ 'nió'₅ jua'₅₄ jui₅ i₂lén₂ tě₅ jin'₄ 'nia'₂, ia₁ ma₂ñi'₅₄ bá₄ 'nia'₂, 'ñio₅ guě'₄ bėn₂ 'éi'₃ tě₃dsi₅₄ ja₁con₂ jniog₄ con'₂ lág₅ i₂jme₂tín₁ rin'₅₄.

2 Ia₁ ca₂le₃jág₃ bá₄ jniog₄ co₂dsi₂'éin'₅ ne₄ 'lióng₂ ne₅₄. Ně₁jua'₂ chan₂ i₂tsá₃ ma₃dso₄ 'no₅ 'i₁ca₂jui_g₄ ja₁dsia₂₃ jág₁, dsa₂ le₂'éi₂ lín₅ dsa₂ rě₂'ñia₅, i₂'io₅ bí₂ ne₄ ni₁ñi₁₂ 'ñiog₅, ta₁jain₂.

3 Jui₁lia'₂ jme₁tó'₅ dsa₂ ni₁ñí₁ mi₂'o₄ dsi₂cua₁ ia₁jaun₂ jme₃ti₃, lě₂ jėin'₂ dsa₂ ta₁jain₂ 'a₂ jui₅ 'nio₃ dsa₂ jiog₃.

4 Ní₂ de'₂ 'nia'₂ ján₃ jui₁lia'₂ ni₁barco jui₁'a₂ guě'₂ lia'₂ ca'₅₄ pa₁ lín₃, qui₂'lia'₂ dsi₂tiá₂, dsa₂ i₂quian₅ ně₃ lě₂ le₃cán₂ 'a₂ jui₅ 'nio₃, quian'₅₄ caun₂ timón pí'₁ bá₄.

5 Le₂ně₅ bá₄ lě₅ quian'₅₄ le₁tsi'₂ dsa₂ ján₃; le₁tsi'₂ dsa₂ lě₅ caun₂ ni₁ñí₅ pí'₁ ton₅ ni₁ñi₁ dsa₂; 'e₂ bá₄ lín₂ lě₂ le₃jmo₃ 'lióng₂ jág₁ ca'₅₄. jñí₂ de'₂ 'nia'₂ ján₃, 'e₂ guě'₄ pa₁ 'ñá₁ má'₂ lě₂ le₃dsi'₂ quian'₅₄ ca₂míg₂ si₂ pí'₁!

6 Jaun₂ le₁tsi'₂ dsa₂ ně₃, lě₅ co₂'nió'₄ caun₂ si₂ a₂quian'₅₄ quió'₅ dsa₂. A₂lě₅ co₂'nió'₄ caun₂ mi₂güig₃ 'lig'₅₄ a₂ton₅ ni₁ñi₁ jniog₄, a₂jmo₅ ta₁ a₂qui₂rě₂'ñio₅ dsa₂ ta₁jain₂. Quian'₅₄ jág₁ dséi₂ a₂'ñiog₂ jniog₄, ně₂jag₄ bá₄ a₂gui'₂ si₂ le₁tsi'₂ jniog₄ jui₅ quián₂ tě₁lia'₂ chong₂, lě₅ ně₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂jás₅ guio₃-juíg₃.

7 Qui'₅₄ jmig₄ dsa₂ mi₂güig₃ jme₃'uáin₂ dsi₅ ca₂le₃jě₃ ne₅₄ já'₂ i₂tsau₂ dsi₅, já'₂ i₂'in₅, já'₂ i₂tsé'₅ quió'₅, já'₂ i₂chan₂ jmi₁ñí'₄ ně₃,

8 la₁ 'i₁jan₂ dsa₂ tsá₃ 'ein₂ ma₂tió'₃ jme₃'uáin₂ le₁tsi'₂ guioin₅₄. Lě₅ caun₂ a₂'lig'₅₄ a₂tsá₃ tei₄ lě₂ le₃jmo₃, qui₂rě₂can'₂ jág₁ dséi₂ ně₂jag₄ bá₄ mí₅ 'lig'₅₄ a₂dsan₂ dsa₂.

9 Quian'₅₄ le₁tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jmei₂ jniog₄, ton'₂ ján₃ guě'₂ 'ín₅ 'lig'₅₄ dsa₂ mi₂güig₃ i₂ma₂ca₂jmó'₂ Diú₄ lia'₂ lě₅ nió'₄ quió'₅ 'ñiog₅.

10 Quian'₅₄ mi₂'o₄ jniog₄ la₂, 'uě₂ jág₁ a₂jme₂juín'₁ Diú₄, ján₃ guě'₂ 'uě₂ jág₁ 'lig'₅₄ a₂'ín₅ dsa₂ rin'₅₄. Rin'₅₄ jniog₄, tsá₃ dsi₂ten₅₄ le₂ně₅.

11 ¿A₂ bá₄ lia'₂ chi₂jua'₂ caun₂ o₄tu₁ jmig₂ lě₂ le₃'iá₃ jmig₂ ráu₂ lia'₂ jmig₂ dsi'₃ ně₃?

12 'Nia'₂ rin'₅₄ jniog₄, ¿lě₂ le₃lě₂ jua'₅₄ caun₂ ni₁'ma₂ a₂'ag₅ míg₂ higo, jua'₅₄ a₂jaun₂ 'ag₃ táng₃ míg₂ aceitunas? O₃, ¿lě₂ le₃lě₂ jua'₅₄ ca₂cho'₅₄ uing₂ uvas, a₂jaun₂ 'ag₃ táng₃ míg₂ higos? Ján₃ bá₄ le₂ně₅, 'i₁caun₂ tu₄ jmig₂ ja₁'ia₂ jmig₂ ñi'₅₄ tsá₃ lě₂ le₃'iá₃ jmig₂ ráu₂ ně₃.

Le₂la₂ dsón'₂ bá₄ lě₅ a₂dse₃ lia'₂ con'₂ dsi₂ten₅₄ le₃ñí'₂ dsi₅ dsa₂

13 Ně₁jua'₂ chan₂ jě₄ quián'₂ 'nia'₂ jan₂ i₂ñí'₂ dsi₅, jui₁jme₂jniai₂₃ jui₅ dse₃ 'a₂ lia'₂ ñi₂₃ tě₂le₃ quian'₅₄ a₂jmo₃ a₂dse₃, a₂jmo₃ mei'₂ lia'₂ con'₂ lě₅ ñí'₂.

14 La₁ ně₁jua'₂ tion'₅₄ 'nia'₂ jmo'₂ uin₅ 'au'₂ cha₂ a₂dsi'₃ tě₂'au'₂ 'nia'₂, tiong'₅₄ cha₂ a₂ma₂'ín₅ 'au'₂ guiong'₅₄; ně₁jua'₂ le₂ně₅, tsá₃ ca₂tín'₂ 'nia'₂ jmó'₂ táng₅, on₃ guě'₂ jmó'₂ tě₂jíng'₁ quian'₅₄ jág₁ tí₅.

* 2:25 'Nio'₂ ja,ton, Josué 2:1-21; 6:17.

15 Ia₁ a₂ñí'₂ dsí₅ dsa₂ le₂ně₅, on₃jua'₅₄ a₂já₅ guei'₅₄ ně₅; quió'₅ mi₂güig'₃ bá₄. A₂lě₂ dsí₅ ni₁ñi'₁ dsa₂ guoin'₅₄, ta₁ quió'₅ je₂na'₅₄ bá₄ ně₅.

16 Ia₁ jui₁lia'₂ ja₁tion'₅₄ dsa₂ uin'₅ dsí₅ quian'₅₄ rin'₅₄, ton'₂ co₂tan'₅₄ cha₂ a₂ma₂'in'₅ dsí₅ dsa₂ a₂lí'₂ jmá'₃ guoin'₅₄, ja₁le₂jaun'₂ tsá₃ 'e₂ dse₃ chí'₅ tion'₅₄ dsa₂, ton'₂ jmo₅-dsá₅ dsa₂ ca₂le₃jě₃ ne₅₄ a₂'lig'₅₄.

17 La₁ jui₁lia'₂ ja₁ñí'₂ dsón'₂ dse₃ dsí₅ dsa₂ a₂já₅ guei'₅₄ i₂juig'₃, jě₁le₂'uig'₅₄ de'₂ chan₂ dsa₂ quian'₅ caun₂ jui₅ le₁jě₃; ñó₅ jaun₂ táng₃ 'no'₂ jui₅ ja₁'ag₃ tei₄; 'en'₅₄ dsí₅ dsa₂ lín₅ ně₃; caun₂ dsá₅ dsí₅ bá₄ 'e₂ caun₂ a₂lě₂; chain₂ néi₂ dsí₅ dsa₂ mi₂güig'₃ rin'₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ ně₃.

18 Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁ton'₅ dsa₂ 'én₂ jmo₂₃ ján₃ a₂jmo₅ dsa₂ mi₂güig'₃

1 ¿'A₂ jui₅ já₅ mi'₅₄ 'nei₂ a₂cha₂ jin'₄ 'nia'₂? ¿On₁jua'₅₄ 'uig'₅₄ ia₁ a₂'niog'₂ 'nia'₂ le₃chang'₂ o₂ñi₃o₃ o₂ñia₃ 'au'₂, cuē₅ 'nei₂ ni₁ñi'₁ 'nia'₂?

2 Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin'₅ 'au'₂ 'nia'₂ lín'₅. Ia₁ tsá₃ le₃lén'₂ 'nia'₂ a₂'in'₅ 'au'₂. Jmo'₂ 'nia'₂ mi'₅₄, dsia'₂ 'nia'₂ 'nei₂ ně₃, la₁ tsá₃ cha₂ quián'₂ 'nia'₂ ně₃, ia₁ tsá₃ mi'₂.

3 Jui₁lia'₂ jme₁mi'₂ guē'₂ 'nia'₂, la₁ tsá₃ ñi'₂ guē'₂ 'nia'₂ 'uig'₅₄ ia₁ tsá₃ mi'₂ 'nia'₂ con'₂ dsi₂ten'₅₄, ia₁ a₂ñia'₅₄ 'niog'₂ 'nia'₂ 'éng'₄ a₂le₃chang'₂ o₂ñi₃o₃ o₂ñia₃ 'au'₂ bá₄.

4 ¡'E₂ guē₄ lín'₅ 'nia'₂ jui₁lia'₂ lín'₅ dsa₂ mí₂ i₂tsá₃ jen'₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ ñi'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güig'₃, i₂le₂'éi₂ tē₂tsin'₅₄ lín'₅ i₂ñia₅₄ Diú₄ bá₄? Jaun₂ lě₃, jui₁'ein₂ guē₃ i₂jen'₂ quian'₅₄ mi₂güig'₃, i₂ñia₅₄ Diú₄ bá₄ 'éi₂.

5 ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein'₅ jág₁ a₂juá'₂ ne₄ Si₂: "Jme₂dsí₂ i₂ma₂cuin'₃ i₂'en'₅₄ jě₄ quián₂ jniog₄, dsí'₅ 'ñio₅ lín₃ ia₁ a₂'nio₃ jniog₄?"*

6 La₁ tē₂le₃ 'ñio₅ guē₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig'₅₄ jaun₂ juá'₂ ne₄ Si₂:

Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂.†

7 Tión'₂ 'nia'₂ o₄gú₃ Diú₄. Tsá₃ lě₁cuín₅ 'nia'₂ i₂sě₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂.

8 Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rě₂cán'₄ dso₄, rang₂ 'nia'₂ gog'₂; jmo₄ 'nia'₂ le₁jě₃ tē₂'au'₂, 'nia'₂ dsa₂ i₂le₁'ág₄ caun₂-tin₃ dsí₅.

9 Tión'₂ 'nia'₂ quian₂ o₂i₁ dsí₅, qui₂'-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui₂'-áu'₂ 'nia'₂; ján₃ guē'₂ le₂ně₅ ně₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂.

10 Jmo₄ 'nia'₂ meg'₂ tē₂le₃ ne₄ Te₁gui'₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í₁

11 Rin'₅₄ jniog₄, tsá₃ 'in'₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂'in'₅ 'lig'₅₄ jan₂ rin'₅₄, o₃ ñi₂₃ qui₂con₂ 'í₁, co₂'nió'₄ 'lig'₅₄ bá₄ 'ě₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃. Ia₁ ně₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo₂ 'au'₂ ján₃ a₂lín'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ñiag'₂.

* 4:5 'Nio'₂ ja₁ton₅ Éxodo 20:5. † 4:6 Proverbios 3:34.

¹² Jan₂ tan₅₄ bá₄ i₂chan₂ i₂ca₂tín₂ cuë₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'ñiog₅ bá₄ 'éi₂ ně₃ lé₂ le₃lió₂ o₃ 'liog'₃ 'e₂. La₁ ħ₂'ein₂ bá₄ 'ne₂? ħ₂E₂ lë₃ cáun'₂ 'í₁ quió'₅ dsa₂ mi₂güig₃ ríng'₂?

¹³ Nē₃ ně₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad ně₅, o₃ ciudad ó₃; ja₁ jaun₂ dsí₁ñag₅₄ caun₂ ñi₂ dsí₁'nág₁ dsí₁jmo₁ 'ma'₅₄ jaun₂ léi₂ cu₄.”

¹⁴ La₁ 'i₁ca₂juig₄ tsá₃ jaun₂ ñi'₅₄ 'nia'₂ 'e₂ lé₂ 'ióg₃, dsí₂juí₅ ja₁o₁nóg₅. Ia₁ juí₁lia'₂ lë₅ caun₂ bē'₅₄ jnei₅ tei₂ bá₄ lín'₅ 'nia'₂, ně₃ jniá₂ 'ei₅, ně₃ cón'₅ tsá₃ ma₃cha₂ táng₃.

¹⁵ 'Nió'₄ a₂jme₁dsiá'₂ 'nia'₂ jág₁ le₂nē₅, le₂la₂ bá₄ ca₂tín'₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsí₁jmo₁ a₂la₂ a₂ó₃.”

¹⁶ La₁ 'nia'₂ ně₃, tñng'₂ dsia'₂ jág₁ tá'₅ jmo'₂ 'nia'₂ róng'₂; ca₂le₃jě₃ a₂dsia₅ dsa₂ jág₁ le₂nē₅, 'lig'₅₄ bá₄.

¹⁷ Jaun₂ ně₃, dsa₂ i₂ñi₅ a₂dse₃ a₂lé₂ le₃jmo₃, la₁ ně₁jua'₂ tsá₃ ca₂jmo₃ ně₃, dso₄ bá₄ jaun₂ le₃quió'₅ 'éi₂.

5

A₂rë₂ 'ě₂ jág₁ ja₁con₂ dsa₂ cha₂ cu₄

¹ ħ₂Nei₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂-o₄, guio'₅₄ 'nia'₂ o₄quió'₄ ca₂le₃jě₃ ne₅₄ jmi₁uig₅ a₂dsi₁ñí'₂ 'nia'₂.

² Ca₂le₃jě₃ a₂cha₂ quián'₂ 'nia'₂ ma₂'áu₁, le₂jaun₂ guë'₂ 'mí'₂ a₂quí'₂ 'nia'₂ ma₂quí'₅ i₁cá₁.

³ Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₁g₄ jáng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁ñi'₁ 'nia'₂ guiong'₅₄, lé₂ ně₂jag₄ bá₄ si₂. Ia₁ 'ñio₅ lín₃ qui₂ma₂dsia'₅₄ 'nia'₂ le₁má'₂ ca₂le₃jě₃ ne₅₄ a₂cha₂ quiáng'₂, jmi₁g₄ jë₁ca₂tó'₂ la₂.

⁴ ħ₂Jag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guio'₅ 'o₂₃; le₂jaun₂ guë'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂.

⁵ Ia₁ 'ñio₅ lín₃ dse₃ jlá'₁ ma₂ca₂rë₃chán₃ 'nia'₂ ne₄ gua'₅₄ 'uë₃ la₂, ma₂qui₂ma₂quian'₂ 'nia'₂ o₂'ñi₃ o₂ñia₃ dsí₅. Ma₂ca₂jme₁'on'₁ 'nia'₂ lia'₂ 'on'₅₄ ca₁juí₅; la₁ já₅ jmi₁g₄ ja₁dsián'₃ 'nia'₂ juí₁lia'₂ dsan₂ ca₁juí₅.

⁶ 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ħ₂tsa₁ lín'₂ 'nia'₂ jñia'₅₄ dsa₂ 'éi₂ mi₃ tē₃dsi₅₄ 'éi'₃ jmi₁g₄ jaun₂?*

A₂chan₂ dsa₂ juín'₂ dsí₅ lín₅ caun₂ chi₁ñia₂₃ a₂jéin'₃ Diú₄ 'e₂ ma₂mi₃

⁷ Jaun₂ ně₃, rin'₅₄ jniog₄, jmo₄ 'nia'₂ juín'₂ 'au'₂ ca₂lia'₂ ca₂tě₂ jmi₁g₄ i₁guan'₂ Te₁gui'₅₄. Juí₁lia'₂ jan₂ dsa₂ i₂jmo₅ ta₁ ja₁nau₂ chi₁ñia₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juín'₂ dsí₅ bá₄ chi₁ñia₂₃ a₂guá₂ le₂'uig₅₄ jmí₅ tiá₄, a₂tě₅₄ jein₂ jmí₅ ně₃.

⁸ Le₂nē₅ bá₄ 'nia'₂ ján₃, jmo₄ 'nia'₂ juín'₂ 'au'₂, caun₂ 'éi₂ 'nia'₂ 'au'₂, ia₁ ja₂quián₃ bá₄ jmi₁g₄ a₂guan'₂ Te₁gui'₅₄.

⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui₁'ní₄ guë₄ 'nia'₂ ríng'₂ le₂jang'₂ le₂jang'₂, ia₁ jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ jué₄ i₂qui₃dsí₅ 'éi'₃ ně₂jag₄ i₂ma₂chén'₅ o₄'né₄ bá₄ 'éi₂.

¹⁰ 'Nia'₂ rin'₅₄ jniog₄, quian₂ 'nia'₂ juí₅ juí₁lia'₂ juí₅ a₂ca₂can₃ dsa₂ i₂ca₂'ě₂ jág₁ quián₅ Te₁gui'₅₄ ma₂líg'₂. Ca₂rë₃juín'₃ dsí₅ ne₄ ca₂le₃jě₃ jmi₁uig₅ a₂ca₂lñí₂.

¹¹ Jag₄ jaun₂, jmo₂ jniog₄ dsí₅, 'e₂ guë₄ dsen₃ dsa₂ i₂ca₂nau₂ tiá₂ 'éi₂. Ján₃ bá₄ ñi'₅₄ 'nia'₂ 'a₂ lia'₂ ca₂rë₃juín'₃ dsí₅ Job, ca₂nau₂ tiá₂, ton'₂ ñi'₅₄ bá₄ 'nia'₂ ján₃ 'a₂

* 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

lia'₂ ca₂jme₃gu'₅₄ táng₃ Te₁gui'₅₄ quió'₅ 'éi₂ jē₁ca₂tó'₂. Ia₁ le₂nē₅ bá₄ jau'₂ 'í₁ i₂'ua₁ dsí₅ lín₃ bá₄ Te₁gui'₅₄, ton'₂ nēi₂ dsí₅.

12 Le₂nē₅ bá₄, jmo₄ 'nia'₂ ne₄ ca₂le₃jě₃, rín'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lē₁'ē₂ 'nia'₂ guei'₅₄ i₂juíg₃, on₃ guē'₂ 'ē₂ 'nia'₂ gua'₅₄ 'uē₃, on₃ guē'₂ 'i₁caun₂ cosa siá'₂ a₂lē₁'ē'₁ 'nia'₂ jua'₅₄ a₂'ing'₄ Diú₄. Jē₁ma₂tě₂ rē₁dsiá'₁ 'nia'₂ jág₁, jua'₅₄ 'nia'₂ “ján₅”, jui₁le₂ti₃ bá₄ “ján₅” jaun₂; ján₃ bá₄ le₂nē₅ jui₁lia'₂ jme₁jua'₂ 'nia'₂ “jan₂'ón₄”, jui₁le₂ti₃ bá₄ “jan₂'ón₄” jaun₂, ia₁jaun₂ tsá₃ tē₃dsi₅₄ 'éi'₃ ja₁con'₂ 'nia'₂.

13 Nē₁jua'₂ 'ein₂ 'nia'₂ chan₂ o₂i₁ dsí₅, jui₁chi₁lén'₂ ne₄ Diú₄. Nē₁jua'₂ 'ein₂ guē'₂ chan₂ i₂'eis dse₃ dsí₅, jui₁'ē₁₂ son₅₄ a₂rē₂juin'₂ Diú₄.

14 Nē₁jua'₂ chan₂ 'ein₂ i₂dso'₅₄, ca₂tín₂ tē₂ dsa₂ can'₅₄ quián₅ guá'₅,† ia₁jaun₂ chi₁lén'₂ 'éi₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lē₅ 'éi'₃ quió'₅ Te₁gui'₅₄.

15 Ia₁ jē₁chi₂lén'₂ dsa₂ Diú₄ a₂'én₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nē₁jua'₂ 'e₂ dso₄ ma₂táin'₂ nē₃, 'én₂ bá₄ dsáu₁.

16 Jaun₂ lē₃, jme₁jnia₅ 'nia'₂ ne₄ ríng'₂ 'e₂ ma₂qui₂ma'lian'₂ 'nia'₂, ján₃ guē'₂ chi₂lén'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rē₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄.

17 Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jē₄ chi₂lén'₂ Diú₄ a₂co₂nei'₅₄ tsá₃ ma₃tén₃ jmí₅, jaun₂ 'ni₅ ηi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uē₃.

18 Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uē₃.

19 'Nia'₂ rín'₅₄ jniog₄, nē₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, nē₁jua'₂ jan₂ guē'₂ i₂ca₂jéin'₂ táng₃,

20 dsá₂ 'au'₂ 'nia'₂ jmo₄ a₂la₂: jui₁'ein₂ guē₃ i₂jén'₂ jan₂ dsa₂ i₂rē₂cán'₄ dso₄ jui₅ 'lig'₅₄ a₂jme₁ma₂ηó₅, lión₂ jme₂dsí₂ quió'₅ 'éi₂ ne₄ 'mú₃, jaun₂ le₂nē₅ jlě₂ 'lióng₂ dso₄ dsí₂'én₂ nē₃.

Co₂nē₅.

† 5:14 griego: presbíteros.

Si carta le 'uig⁵⁴ a ca²jmo³ SAN PEDRO

Jmo⁵ Pe⁴ si² a²chein³ ne⁴ dsa² 'én² i²tián⁵ ts¹rē²jan⁵⁴ uíng²

¹ Jniá² Pe⁴, líng⁵ dsa² i²chen⁴ quián⁵ Jesucristo jmo²³ si² la² tsíng² ne⁴ ca²le³jín³ dsa² i²tsi¹rē²jan⁵⁴ i²ma²lín⁵ co²'nió⁴ dsi²nau² i²tián⁵ uíng², le²tan⁵⁴ 'uē³ Ponto, quian⁵⁴ Galacia, Capadocia, Asia, Bitinia ně³,

² ne⁴ ca²le³jín³ dsa² i²ma²quion⁵⁴ quián⁵ Diú⁴ Jmei² jniog⁴ lia² con² lē⁵ ma²i³jio⁵ dsí⁵ ca²le²jñiá⁵. Ca²quió² Diú⁴ tē²le³ quian⁵⁴ ta¹ quió⁵ Jme²dsí² quián⁵ ia¹jaun² ma²lē⁵ 'í¹ 'nia², ia¹jaun² le³chang² jme¹ti⁴ ne⁵⁴, chan² 'nia² qui²le³jē³ jme²dsí² quiáng² ně³, rē²jñióg⁴ le¹séng⁵ jmi² 'an⁵⁴ Jesucristo. Jaun² juá⁵ jniá², jui¹chan² bá⁴ 'nia² dse³ ne⁴ ca²le³jē³ ne⁵⁴ a²dse³ jme²gu⁵⁴ Diú⁴, 'ei⁵ tei⁴ ja¹con² 'nia² ca²le³jíng³.

'A² lia² chan² dsa² caun² bá⁴ a²le¹'ág⁴ dsí⁵ a²ma²rē²'én⁴ dsáu¹, tíin⁴ guei⁵⁴ i²juíg³

³ Jui¹le²juin² bá⁴ Diú⁴ Jmei² Te¹gui⁵⁴ Jesucristo quián², ia¹ ca²dsia³ ñéi² dsí⁵ 'ñio⁵ lin³ jniog⁴, ca²cuē³ jme²dsí² 'mí², ma²jmo³ bá⁴ a²ma²ca²rē³chóng³ táng³ jniog⁴ tē²le³ quian⁵⁴ jui⁵bí² a²ca²jen⁵⁴ táng³ Jesucristo jin⁴ 'lag⁴. 'Uig⁵⁴ ně⁵ bá⁴ a²chong² jniog⁴ caun² bá⁴ qui²le¹'ág⁴ dsí⁵ a²dsi¹no³ tág⁴ guei⁵⁴ i²juíg³.

⁴ Ton² jmo³ a²guei¹ 'nia² a²ma²lē⁵ jág¹ a²tíng⁵⁴ cuē³ Diú⁴, a²lē⁵ caun² a²tsá³ ton⁵ jmig⁴ dsí³'én², on³ guē² lé² le³'lig⁵⁴, on³ guē² ton⁵ jmig⁴ le³juing⁵ ně³. Ca²le³jē³ a²nē⁵ ma²lē⁵ co²jñia⁵⁴ rē²'ma⁴ guei⁵⁴ i²juíg³ quián² 'nia².

⁵ Tē²le³ ia¹ a²'én² 'nia² ma²jmo²³ 'í¹ quian⁵⁴ jui⁵bí² quió⁵ a²dsi¹no³ 'nia² tíng⁴ a²le³jniá² jmig⁴ jē¹ca²tó² i¹lión² 'nia².

⁶ 'Uig⁵⁴ ně⁵ bá⁴ ně³ jui¹chan² 'nia² qui²le¹'ág⁴ dse³ 'au², 'io² jéng², tsá³ a²léi² jui¹la² 'lióng² táu² a²qui²dsi³ñí² 'nia² co²'na².

⁷ Ia¹ lia² lē⁵ cu⁴nióg⁴ bá⁴ lē⁵ 'én² 'nia²: jaun² tion⁵⁴ 'nió⁵ cáu³, ñag⁵ si², jióg² 'í¹ le³léi⁴ chi²jua² tē³dsón² bá⁴ dse³. Jui¹lia² jau² 'í¹ cu⁴nióg⁴ tē²le³ quian⁵⁴ si², ján³ bá⁴ le²nē⁵ jióg² 'í¹ a²'én² 'nia² tē²le³ quian⁵⁴ uig⁵ a²niog⁵ qui²dsi²ñí². Ia¹ a²'én² 'nia² ně⁵, quen⁵ guē⁴ 'ñio⁵ lin³ lia² con² guē⁴ cu⁴nióg⁴, ia¹ cu⁴nióg⁴ ně³, a²dsi²'én² bá⁴ jaun². Jaun² ně³ jē¹ma²ca²o³'ág³ jág¹ a²'én² 'nia² tē³dsón², jaun² guē⁴ 'ag³ Diú⁴, 'én² bá⁴ 'nia² dse³ lin³, ton² qui²jme³go³ bá⁴ dsa², jaun² guéin² bá⁴ 'nia² guei⁵⁴ i²juíg³ jē¹ma²ca²rē³jniá² Jesucristo.

⁸ 'Nió³ bá⁴ 'nia² Cristo jui¹la² tsá³ ma²ca²tē² ne⁵⁴ 'nia². Caun² bá⁴ qui²le¹'ág⁴ 'au² 'nia² le³quió⁵ 'éi², jñia⁵⁴ la² tsá³ ma²ca²jñin⁵⁴ 'nia² dsón² dsi¹ne¹ la¹ 'ñio⁵ lin³ bá⁴ 'io² jén² 'nia² ca²lia² tsá³ ne⁴ 'a² lia² le³jua⁵⁴,

⁹ ia¹ le²nē⁵ bá⁴ ma²lín² 'nia² jui⁵ ja¹ma²lón² jme²dsí² quiáng²; ia¹ ja¹jaun² dsi¹no³ dsón² bá⁴ 'nia² lia² con² lē⁵ 'éng².

¹⁰ Jui¹lia² jág¹ a²lió² Diú⁴ ně⁵, lia² con² lē⁵ jme¹'ē² dsa² quián⁵ Diú⁴ jág¹ ma²líg², ca²juá² tē³jñiá⁵ 'a² lia² jmo³ 'ua¹ dsí⁵ jme³goin⁵⁴ 'nia², jaun² dsa² 'éi² ně³ ca²'náu³ jág¹ dsau⁵ ca²cáun³ 'í¹ rē² lin³,

¹¹ 'ein² dsón² 'éi², o³ 'e² 'ió⁴ a²ñág³ uig⁵, a²le³juin² táng³ cang² jaun². Ca²jmo³ bá⁴ dsa² 'éi² ně³ lia² con² lē⁵ ca²'ē³ Jme²dsí² quián⁵ Cristo jui⁵ tē²dsí⁵.

¹² Ca²jme³jñia⁵ Diú⁴ jág¹ a²qui²ca²ñí² dsí⁵ dsa² 'éi², la¹ on³jua⁵⁴ a²dse³ ja¹coin² guoin⁵⁴, a²dse³ tē²le³ ja¹con² 'nia² bá⁴ a²ca²jme³ti³ 'éi² lia² con² jme¹ca²'ē² jág¹, co²rē² bá⁴ lia² con² lē⁵ jág¹ a²ma²ca²rē³'ē² ja¹con² 'nia² tē²le³ quian⁵⁴

Jme₂dsí₂ Jñi₅ i₂chen₄ já₅ guei'₅₄ i₂juí₃. Ca₂le₂jio₅ ángeles ně₃, jme₁'ín₅ dsí₅ tē₃ ne₅₄ ca₂le₃jě₃ a₂ně₅.

Diú₄ ma₂ca₂tě₃ jniog₄ a₂le₃chong₂ le₁jě₃ jme₂dsí₂ quián₂

13 Jaun₂, rē₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₁jan'₄ a₂jme₃gu'₅₄ Diú₄ jmig₄ jē₁ma₂tě₂ rē₁jme₃jnia₅ Jesucristo.

14 La₁ ju₁ilen'₅₄ 'nia'₂ chi'₂-guein₂ dsen₃ quián₅ Diú₄ i₂qui₂rē₂tí'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jñia₅ guě₄ 'lig'₅₄ 'au'₂, lia'₂ jme₁líng'₄ le₂jñiá₅ lia'₂ con'₂ tsá₃ 'e₂ jme₁ma₂ñi'₅₄ 'nia'₂ le₃quió'₅ Diú₄.

15 Tē₂le₃ ju₁le₂chan'₂ bá₄ 'nia'₂ qui₁le₁jě₃ tē₂'au'₂ qui₂rē₂jñi₄ co₂ñei'₅₄ jme₂dsí₂ quiáng'₂ quián'₅₄ ca₂le₃jě₃ guě₄ a₂jmo'₂ 'nia'₂. Ia₁ i₂jñi₅ lín₃ bá₄ Diú₄ i₂ma₂ca₂tě₃ 'nia'₂.

16 Ia₁ juá'₂ ne₄ Si₂: “Ju₁le₂jñi₄ bá₄ 'nia'₂, ia₁ i₂jñi₅ bá₄ jniá₂ 'ñi₃.”*

17 Chi₂jua'₂ tē'₂ 'nia'₂ “Tia₅₄” i₂qui₂con₂ 'í₁ quió'₅ le₂jan₂ le₂jan₂ dsa₂ lia'₂ con'₂ lě₅ ma₂jmo₃, la₁ tsá₃ jma₃quén₅ jñin₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jě₃ jmig₄ tē₁lia'₂ chan'₂ 'nia'₂ líng'₅ ně₂jag₄ bá₄ dsi₂nau₂ ne₄ gua'₅₄ 'uě₃ la₂.

18 Ia₁ ma₂ñi'₅₄ bá₄ 'nia'₂, on₃jua'₅₄ a₂ca₂qui₃ quián'₅₄ cosa a₂tsá₃ uě₂ jio₅, quián'₅₄ ju₁lia'₂ cu₄nióg₄ cu₂tio₂ a₂ca₂lióin₂ 'nia'₂ ne₄ ju₁ a₂tsá₃ ta₁ tí₄ a₂jme₁le₁quian'₄ 'nia'₂, a₂ca₂rē₂tíng'₃ ca₂ñág₃ dsa₂ can'₅₄ quiáng'₂.

19 Ca₂quín'₂ 'nia'₂ tē₂le₃ quián'₅₄ jmi₂ 'an₅₄ Cristo a₂quen₅ guě₄ lín₃, a₂ca₂ñó₃ qui₂rē₂jein'₅₄ ne₄ Diú₄ ně₂jag₄ bá₄ já'₂ cha'₂ i₂tsá₃ 'e₂ 'lig'₅₄ lín₅ 'i₁caun₂.

20 Ia₁ lia'₂ con'₂ né'₃ a₂nio₃ mi₂güí₃, jme₁ma₂rē₂'ín₁ bá₄ a₂lióin₂ dsa₂ mi₂güí₃. Ia₁ ma₂ca₂rē₃jniá₂ jmig₄ jē₁ca₂tó'₂ rē₂ně₃, a₂dse₃ o₄quián'₂ 'nia'₂.

21 Ia₁ tē₂le₃ quián'₅₄ 'éi₂ bá₄ 'én'₂ 'nia'₂ le₃quió'₅ Diú₄ i₂ca₂jme₃jen'₅₄ Cristo ja₁jme₁rē₂'lín₅₄, jaun₂ ca₂jme₃jláu'₁ ně₃. 'Uig₅₄ jaun₂, ju₁le₁'ág₄ 'au'₂ 'nia'₂ 'éng'₂ tē₂le₃ quió'₅ Diú₄.

22 Ně₃ ně₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ tē₃dsón'₂ bá₄ ma₂'nió'₃ 'nia'₂ ríng'₂, jme₁'nió₄ 'nia'₂ ríng'₂ le₂jang'₂ le₂jang'₂ jaun₂ ně₃ ca₂le₃jě₃ 'au'₂.†

23 Ia₁ ma₂ca₂rē₃chán'₃ 'nia'₂ táng₃, la₁ on₃jua'₅₄ lia'₂ lě₅ rē₃chan₂ jaun₅ dsa₂ i₂dsan₂. A₂ca₂líng'₃ jaun₅ Diú₄ bá₄ i₂tsá₃ líg'₂ jmig₄ dsián₃. Ca₂rē₃cháng'₃ tē₂le₃ quián'₅₄ jág₁ jén'₃ quió'₅ Diú₄ bá₄ a₂jio₅ co₂tan₅₄.

24 Ia₁ ne₄ Si₂ juá'₂:

Ca₂le₃jín₃ dsa₂ mi₂güí₃

lín₅ ju₁lia'₂ lě₅ ni₁nau₂,

ca₂le₃jě₃ 'a₂ lia'₂ jláin'₁

lě₅ lia'₂ lě₅ lí₁ jlá'₁ quió'₅ ni₁nau₂.

Jē₁ma₂ca₂rē₃quén₃ ni₁nau₂,

ca₂tá'₂ bá₄ lí₁ ján₃.

25 La₁ jág₁ quió'₅ Te₁gui'₅₄ jio₅ co₂tan₅₄ bá₄.‡

Jaun₂ jág₁ dse₃ a₂lión₂ dsa₂ ně₅ ma₂ca₂rē₃ 'ě₂ jin'₄ 'nia'₂.

2

1 Jaun₂ ně₃, co₂dsia₅ tí₃ 'nia'₂ ca₂le₃jě₃ ne₅₄ a₂'lig'₅₄, quián'₅₄ 'a₂ lia'₂ lě₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jě₃ guě₄ a₂lě₁chi₂dsia'₂ 'nia'₂ 'íng'₅ ríng'₂.

* 1:16 Levítico 11:14,45; 19:2; 20:7. † 1:22 A₂lín₅₄ chog₅₄ si₂: “a₂le₁jě₃ 'au'₂.” ‡ 1:25 Isaías 40:6-8.

2 Jmo₄ 'nia'₂ nē₂jag₄ bá₄ guein₂ pí'₁ i₂'ín₅ dsí'₅ 'ín'₂ dsi'₅₄ jmá'₅ a₂gu₂dsí'₂, jaun₂ tē₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'ñia₅ i₁lión'₂ 'nia'₂,

3 chi₂jua'₂ tē₃dsón'₂ bá₄ ma₂ca₂rē₃len'₄ 'nia'₂ jmá'₂ a₂dse₃ dsí'₅ Te₁gui'₅₄. *

Cristo bá₄ i₂lín₅ ni₁'lau₂ jén'₃

4 Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güig₃ nē₃ tsá₃ ca₂rē₃jei₅₄, la₁ tē₂le₃ quió'₅ Diú₄ nē₃ lē₅ ni₁cang₁ rē₂quio'₅₄ a₂jlá'₁ a₂quen₅ gué₄ lín₃.

5 Le₂nē₅ bá₄ 'nia'₂ ján₃, jmo₄ 'nia'₂ 'au'₂ a₂lín₅ co₂'nió'₄ ni₁cang₁ jén'₃ a₂jmó'₂ Diú₄ ta₁ a₂ju₁i₂3 jmóg'₅ caun₂ 'né₅ a₂gu₂dsí'₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lē₅ 'í₁ quiáin₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí'₂ a₂lē₅ a₂'ñio₂ dsí'₅ 'éi₂ gue₂₃ tē₂le₃ quian'₅₄ Jesucristo.

6 Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tín₃ dsí'₅.†

7 Tē₂le₃ quián'₂ 'nia'₂ i₂'éng'₂, ni₁'lau₂ jaun₂ lē₅ a₂quen₅ 'ñio₅ lín₃. La₁ tē₂le₃ quió'₅ i₂tsá₃ 'én₂ nē₃, rē₂ti₃ ju₁lia'₂ juá'₂ ne₄ Si₂:

Ni₁cang₁ a₂tsá₃ ca₂rē₃ji'₅₄ dsa₂ i₂jme₁jmóg'₅ 'né₅,

ca₂lē₃ ni₁cang₁ a₂dse₃ gué₄ quió'₅ qui'₅₄ 'ia'₂.‡

8 Rē₂ti₃ ján₃ ja₁juá'₂ ne₄ Si₂:

ni₁cang₁ a₂qui₂nió₅ dsa₂,

ni₁'lau₂ a₂jmo₅ a₂dsi₂gan'₅₄ dsa₂.§

'Uig₅₄ ia₁ a₂tsá₃ 'nio₃ jme₂ti₃ jág₁ dse₃, qui₂nió₅ ju₁lia'₂ ma₂'i₄ 'éi'₃ dsi₃ñí₂.

Dsa₂ i₂tén₅ le₃quió'₅ Diú₄

9 Ma₂lín₅ bá₄ 'nia'₂ nē₃, jon₂ dsa₂ i₂rē₂quion'₅₄ quián₅ Diú₄. Lín₅ co₂'nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ jñió₅, dsa₂ juig₂ quián₅ Diú₄ 'ñiog₅. Ca₂le₃jē₃ a₂nē₅ lín₅ 'nia'₂, ia₁jaun₂ qui₂jme₁jnia'₅ 'nia'₂, ca₂le₃jē₃ a₂jlá'₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín₂ 'nia'₂ jē₄ qui₁né₃, ca₂tág₃ tē₂le₃ ja₁jniá₂ si₂jlá'₁ quió'₅.

10 Le₂jñiá₅ nē₃, tsá₃ dsa₂ juig₂ jme₁lín₄ 'nia'₂; la₁ rē₂nē₃ nē₃ ma₂ca₂dsi₃nó'₅ 'nia'₂ ma₂lín₅ dsa₂ juig₂ quián₅ Diú₄. Ca₂le₂jñiá₅, 'i₁jan₂ tsá₃ 'ein₂ jme₁ñéi₂ dsí'₅ 'nia'₂; la₁ rē₂nē₃, Diú₄ ma₂ca₂tá'₂ ñéi₂ dsí'₅.

Tián'₂ 'nia'₂ a₂jme₁ti'₄ ne₄ Diú₄

11 'Nia'₂ rín₅₄ jniog₄ i₂'nióg₃, 'nia'₂ i₂tiáng₅ úng₂ i₂ma₂lín₅ nē₂jag₄ bá₄ dsi₂nau₂, chilēn'₄ jniá₂ 'nia'₂ co₂dsia₅ tí₃ 'nia'₂ ca₂le₃jē₃ a₂'lig'₅₄ a₂'ín₅ dsí'₅ ni₁ñi'₁ a₂jmo₅ 'nei₂ ja₁con₂ jme₂dsí₂ quián'₂ 'nia'₂.

12 I₂nio₄ bá₄ 'nia'₂ con₂ dsi₂ten₅₄ jñ₄ dsi₂nau₂ juig₂ ja₁tiáng₄, ia₁jaun₂ ju₁la₂ 'ag₂₃ 'iin₂₃ 'nia'₂ 'lig'₅₄ a₂jág₂ jñin₂ 'nia'₂ nē₂jag₄ bá₄ dsa₂ i₂le₁cán₄ dso₄, la₁ jē₁ma₂ca₂tē₂ ne₅₄ a₂dse₃ jmo₂ 'nia'₂, jme₃juin₂ bá₄ Diú₄ jē₁ma₂tē₂ rē₁tē₃dsi₅₄ 'éi'₃.

13 Ia₁ a₂gan₃ 'nia'₂ Te₁gui'₅₄, tión'₂ 'nia'₂ ca₂le₃jē₃ 'éi'₃ qui'₅ ju₁'ein₂ gué₃ dsi₂tan₅₄ i₂dsián₁ quián₅ dsa₂ ne₄ gua'₅₄ 'uē₃ la₂; tión'₂ 'nia'₂ 'éi'₃ qui'₅ ju₁lia'₂ gui'₅₄ dsi₂tan₅₄ emperador

14 lia'₂ 'éi'₃ quió'₅ i₂lín₅ dsi₄má'₂ i₂dsián₁ quiáin₅, a₂cué'₃ uig₅ dsa₂ i₂jmo₅ 'lig'₅₄, la₁ dse₃ 'iin₃ dsa₂ i₂jmo₅ a₂dse₃.

* 2:3 Salmo 34:8. † 2:6 Isaías 28:16. ‡ 2:7 Salmo 118:22. § 2:8 Isaías 8:14.

15 Ia₁ a₂nē₅ bá₄ a₂'nio₃ Diú₄; a₂jmo'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅ 'lig'₅₄ 'nia'₂ ia₁ a₂tsá₃ ŋi₅.

16 I₂nio'₄ bá₄ 'nia'₂ jaun₂, lia'₂ jē₁i₂nio₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃ o₁leng'₅₄ jua'₅₄ a₂ma₂rē₂na₄ jui₅ ia₁jaun₂ 'náu'₁ dso₄. Jui₁le₂chan'₂ 'nia'₂ a₂lín₅ dsa₂ i₂jme₂ti₃ ta₁ ne₄ Diú₄.

17 Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ ríng'₂ ně₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsi₂tan₅₄ dsa₂ juin'₂.*

Caun₂ jág₁ dsau₅ 'a₂ lia'₂ lě₅ jmi₁uig₅ a₂ca₂i₃ŋi₂ Cristo

18 'Nia'₂ guē'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jě₃ 'e₂ te₂néi'₂ juig'₂ 'nia'₂. Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄ le₂jio₅ ne₄ dsa₂ i₂tsau₂ dsí₅ ně₃.

19 Ia₁ ja₂lin₃ guē'₄ dse₃ tē₂tsin'₅₄ dsa₂ ne₄ Diú₄ jme₁jmo₂₃ tió'₃ dsí₅ ŋág₅ uig₅ on₃jua'₅₄ a₂cha₂ riin₂, ne₄ ia₁ a₂lí'₄ dsí₅ a₂ŋio₂ dsí₅ Diú₄ bá₄.

20 Ia₁ nē₁jua'₂ jmo'₂ 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, ¿'e₂ a₂dse₃ a₂lé₂ le₃guéi'₁ 'nia'₂ nē₁jua'₂ le₂jaun₂? La₁ nē₁jua'₂ ŋag'₅₄ 'nia'₂ uig₅ ne₄ 'uig₅₄ a₂dse₃ a₂jmo'₂, ton'₂ jmo'₂ 'nia'₂ tió'₃ 'au'₂, ia₁ le₂nē₅ bá₄ dsió₄ tē₃tsin'₅₄ 'nia'₂ dse₃ ne₄ Diú₄.

21 Ia₁ ta₁ jaun₂ ma₂ca₂rē₃tě₄ 'nia'₂, ia₁ ján₃ bá₄ ca₂ŋág₃ Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂nē₅ i₁nio'₄ 'nia'₂ ju₁lia'₂ ca₂ŋi₃ 'ŋiog₅.

22 'I₁caun₂ dso₄ tsá₃ 'e₂ ca₂'náu₂,

on₃ guē'₂ 'i₁ca₂míg₂ jág₁ a₂ju₁gain₂ ca₂o₃'ág₃ mī₂'o₅₄;†

23 jme₁qui₂ca₂jnaú'₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quiain₃ dsa₂ jué'₅. Tē₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsi₅ 'éi'₃ lia'₂ tí₅.

24 Le₂nē₅ bá₄ ca₂caún₃ Cristo jui₅ ni₁ŋi₁₂ 'ŋiog₅ dsáu₁ jniog₄ jme₁ca₂ŋó₃ ne₄ cróg₄ ia₁jaun₂ dsió₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂.

25 Ia₁ le₂ŋiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅;‡ la₁ rē₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁§ jme₂dsí₂ quián'₂ 'nia'₂.

3

'A₂ lia'₂ dsi₂ten₅₄ le₃chan₂ dsa₂ i₂le₂jen'₂ gu₂

1 Le₂nē₅ bá₄ ján₃, 'nia'₂ dsa₂ mī₂ i₂le₂jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ nē₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'lióng₂, tē₂le₃ quian'₅₄ jui₅ 'a₂ lia'₂ lě₅ i₂nio'₄ bá₄ 'nia'₂,

2 ia₁ tē₃ ne₅₄ a₂ma₂lín'₂ 'nia'₂ dsa₂ i₂le₁jě₃ dsí₅, i₂ŋi₅ 'a₂ lia'₂ jme₃go₃.

3 Tsá₃ ju₁le₅₄ jua'₅₄ a₂ŋia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ ju₁lia'₂ a₂ŋi₄ jlá'₁ qui₂rē₂lag₄ dsei'₂, o₃ a₂qui₂le₁lín'₄ 'nia'₂ ju₁lia'₂ quian'₅₄ mīg₂ cu₂nióg₄, tsín'₂ jlá'₁ ně₃.

4 Qui₁jmo'₅₄ bá₄ 'nia'₂ jláng'₁ tē₂le₃ quian'₅₄ a₂rē₃'ma₄ tē₂'au'₂ 'nia'₂, a₂rē₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rē₃lín₄ dsa₂ le₂nē₅ bá₄ lě₅ caun₂ a₂jlá'₁ a₂tsá₃ líg'₂ jmíg₄ dsi₃'én₂, ton'₂ quen₅ 'ŋio₅ lín₃ tē₂le₃ ja₁con₂ Diú₄.

5 Ia₁ le₂nē₅ bá₄ jme₁qui₂le₁lín₄ dsa₂ mī₂ i₂jme₁lě₄ 'í₁ quián₅ Diú₄ ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅ Diú₄, ton'₂ tióin'₅₄ 'éi'₃ quió'₅ dsi₂i₂gu₂.

* 2:17 lit. "jme₁gan₃ 'nia'₂ rag₅₄." † 2:22 Isaías 53:9. ‡ 2:25 'Nio'₂ ja₁ton₅ Isaías 53:5,6. § 2:25 griego: epískopos.

⁶ Ján₃ bá₄ le₂ně₅ jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂tě₃ "Gui'₅₄ quiáng'₃". Le₂ně₅ bá₄ dsi₁nó'₅ 'nia'₂ léng'₂ ju₁lia'₂ jme₁lín₄ 'éi₂, ně₂jag₄ bá₄ chi'₂ quiáin₅ bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ já₃ 'au'₂ 'nia'₂.

⁷ Le₂ně₅ bá₄ ján₃, 'nia'₂ dsa₂ ŋe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ m₁2 quiáng'₂, ju₁ŋei₂ bá₄ a₂ca₂tín₂ jme₁gain'₃ 'nia'₂, ia₁ lín₅ i₂'uan₅₄ guě₄ lia'₂ con'₂ guě₄ guiong'₅₄, lín₅ co₂'nió'₄ caun₂ ni₁vaso a₂go'₂ guě₄; ia₁ co₂rě₂ bá₄ lín₅ 'nia'₂ dsa₂ i₂rě₂gon₅₄ i₂ca₂tín₂ le₃chan₂ dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂ rě₁chi₁len'₄ 'nia'₂ Diú₄.

Dsa₂ i₂ŋág₅ uig₅ ne₄ ia₁ a₂jmo₂₃ a₂dse₃

⁸ Jě₁ca₂tó'₂ rín₅₄ jniog₄, ju₁chan'₂ bá₄ 'nia'₂ ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió'₄ 'nia'₂ ríng'₂; ju₁chan'₂ 'nia'₂ ŋéi₂ 'au'₂; jmo₄ 'nia'₂ meg'₂ ně₃.

⁹ Tsá₃ lě₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ tē₁'óng'₁ dsa₂ i₂tě₂'o'₂. Tě₂le₃ jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂ 'nia'₂ a₂ma₂ca₂tě₃, ia₁jaun₂ bá₄ tín₃ 'nia'₂ jme₃gu'₅₄ Diú₄.

¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tín₂ jmo₃ 'í₁ le₁tsi'₂

jaun₂ tsá₃ 'ŋiái₃ jág₁ 'lig'₅₄,

on₃ guě'₂ 'nió'₅ 'uě'₃ jág₁ tē₂jág₁ mi₂'o₅₄.

¹¹ Co₂dsia₅ 'nió'₅ quiá'₂ dsa₂ cau₅

ju₁lia'₂ ju₁'lig'₅₄, jmo₃ ca₂ne₅₄ a₂dse₃;

'nió'₅ 'no'₂ dsa₂ ju₁ja₁'ei₅ tei₄,

jaun₂ ju₁jaun₂ 'en₃.

¹² Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,

ton'₂ rě₂jáin₁ nag₂₃ 'e₂ chi₂léi'₂ dsa₂ quiáin₅,

la₁ tē₂le₃ quió'₅ i₂jmo₅ a₂'lig'₅₄,

le₂cau₅ bá₄ jéin'₅ ne₅₄.*

¹³ ¿I₂'ein₂ bá₄ lé₂ le₃jmóg'₂ ně₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃?

¹⁴ La₁ ju₁'a₂ guě₄ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ guě₄ dsen'₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ guě'₂ cán'₁ 'nia'₂ juě'₅.†

¹⁵ Tě₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂ i₂ŋi₁ó₅, a₂lě₅ 'í₁ tē₂'au'₂ 'nia'₂. Chan'₂ 'nia'₂ rě₂jáng'₁, a₂jein'₅₄ jág₁ quió'₅ dsa₂ i₂'nio₃ le₃ŋi₅ 'a₂ lia'₂ lě₅ a₂'ín₂ 'au'₂ 'nia'₂. Jŋia'₅₄ lia'₂ jmo₄ a₂ně₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ ně₃, a₂qui₂le₁jě₃ a₂qui₂dsi₂jŋi₅ 'au'₂,

¹⁶ ia₁jaun₂ le₃gui'₅₄ dsa₂ i₂chi₂'ag₅ 'lig'₅₄ o₄quió'₄ ju₁dse₃ a₂i₂'nio₄ 'nia'₂ le₃quió'₅ Cristo.

¹⁷ Ně₁jua'₂ le₂jaun₂ 'nio₃ Diú₄, ja₂lín₃ guě₄ dse₃ a₂ŋág₅ dsa₂ uig₅ ne₄ ia₁ a₂jmo₂₃ a₂dse₃, lia'₂ con'₂ guě₄ ne₄ a₂jmo₂₃ a₂'lig'₅₄.

¹⁸ Ia₁ le₂ně₅ bá₄ ján₃, co₂ráun₂ bá₄ ca₂jon₃ Cristo‡ jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ŋ₂ bá₄ 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tē₂ ja₁con₂ Diú₄. Ca₂join₃ ju₁ni₁ŋ₁₂, ton'₂ ca₂jein'₅₄ bá₄ táng₃ tē₂le₃ quian'₅₄ Jme₂dsi₂.

¹⁹ Jaun₂ le₂ně₅, ca₂ŋei₅₄ ca₂i₁'ě₄ jág₁ ja₁con₂ jme₂dsi₂ i₂jme₁tion'₅₄ le₁jní₅

* **3:12** Salmo 34:12-16. † **3:14** Isaías 8:12. ‡ **3:18** A₂lín₅₄ chog₅₄ si₂: "ca₂ŋág₅ Cristo uig₅."

20 i₂tsá₃ ca₂nág₂ gau₂ jmig₄ ma₂líg' ₂ jaun₂ lia' ₂ con' ₂ jme₁chan₂ Noé. Uě₂ bá₄ ca₂jmo₃ Diú₄ juin' ₂ dsí₅ ca₂jñia₃ të₂lia' ₂ lě₂ ni₁barco.Š Jñia₃ tan₅₄ dsa₂ bá₄ lě₂ i₂ca₂lón₂ quian' ₅₄ a₂jaun₂ jme₁ca₂'a₃ jmig₂ mi₂güí₃.

21 A₂jaun₂ jáng' ₅ caun₂ léi₄ jme₁chó₅ jniog₄ jmig₂ jmig₄ rě₂ně₃, a₂ma₂ca₂lag₃ jniog₄ dsa₂ i₂ma₂ca₂lón₂; on₃jua' ₅₄ a₂jñia' ₃ a₂'lian₅₄ dsa₂, të₂le₃ a₂jang' ₂ jniog₄ caun₂ léi₄ a₂quián₁ jniog₄ caun₂ jui₅ a₂le₁jě₃ jme₂dsí₂ quián₂ të₂le₃ ne₄ Diú₄ bá₄, ton' ₂ ca₂ló₂ jniog₄ të₂le₃ quian' ₅₄ jui₅bí₂ a₂ca₂jen' ₅₄ Jesucristo.

22 Ca₂uíg₂ táng₃ ñái' ₃ guei' ₅₄ i₂juí₃; ja₁jaun₂ guá₅ të₂le₃ gu₂ne₁ Diú₄; 'éi' ₃ quió' ₅ 'éi₂ bá₄ tion' ₅₄ ca₂le₃jín₃ ángeles quian' ₅₄ ca₂le₃jín₃ i₂lín₅ ta₁, ca₂le₃jín₃ guě₄ i₂'io₅ jui₅bí₂ ně₃.

4

A₂jme₂ti₃ dsa₂ lia' ₂ con' ₂ lě₂ jui₅bí₂ a₂ma₂cuě₃ Diú₄

1 Jaun₂ lě₃, ia₁ ca₂ñág₃ Cristo uig₅ jui₅ ni₁ñi₁₂, le₂ně₅ bá₄ 'nia' ₂ ján₃ chan' ₂ 'nia' ₂ rě₂lín₅ ₅₄ caun₂ 'éi' ₂ 'nia' ₂ 'au' ₂ a₂cán' ₁ jmi₁uig₅. Ia₁ jui₁lia' ₂ dsa₂ i₂ma₂ca₂ñág₃ uig₅ jui₅ ni₁ñi₁₂, co₂dsia₅ ma₂tí₂ bá₄ jui₅ jě₁jme₁'no₂₃ dso₄.

2 A₂le₃chain₂ táng₃ të₂le₃ ne₄ jui₅ ja₁ñó₄, a₂jme₃ti₃ a₂'nio₃ Diú₄ bá₄, tsá₃ ma₃le₃chain₂ jua' ₅₄ a₂cuě' ₃ guě₄ o₂'ñi₃ o₂jñia₃ dsí₅ con' ₂ niog₅ mi₅ ni₁ñi₁₂.

3 Tió' ₅, a₂ma₂ca₂ñí₂ juin₅₄ qui₂ma₂jmo' ₅₄ 'nia' ₂ ja₁ma₂ja₂nóg' ₅, lia' ₂ con' ₂ lě₅ jmo₅-dsá_u₅ ca₂le₃jín₃ dsa₂ i₂tsá₃ cuin₅ Diú₄. Ia₁ jme₁chan' ₂ 'nia' ₂ tsá₃ caun₂ a₂jme₁'ín₅ 'au' ₂; tsá₃ caun₂ a₂'lig' ₅₄ a₂jme₁qui₂lě₂ 'au' ₂ 'nia' ₂ ně₃; jme₁qui₂i₂niog' ₅₄ qui₂le₁'eng' ₅; jme₁qui₂quě' ₂ 'nia' ₂ tóng' ₂ chí' ₅ co₂mi' ₅₄ niog₅ jmig₄. Jme₁'ág' ₂ 'nia' ₂ ca₂lia' ₂ tsá₃ cuente niog₅; jme₁jme₂juin' ₂ 'nia' ₂ diú₄ lag₄, caun₂ a₂'io' ₅₄ Diú₄.

4 Dsi₂gó' ₃ dsí₅ dsa₂ 'éi₂ a₂tsá₃ jme₂quian' ₅₄ 'nia' ₂ jě₄ ca₂le₃jě₃ a₂i₂juin₅₄ a₂'lig' ₅₄ a₂jmo₅-dsá_u₅, jaun₂ 'lig' ₅₄ bá₄ 'ag₂₃.

5 La₁ já₅ bá₄ jmig₄ ja₁jáng' ₃ cuenta quió' ₅ ne₄ i₂ma₂lě₅ co₂jñia₅₄ con' ₂ 'í₁ lia' ₂ quió' ₅ i₂chan' ₂ lia' ₂ quió' ₅ i₂ma₂dsan₃ ně₃.

6 'Uig₅₄ ně₅, ca₂rě₃'ě₂ jág₁ dse₃ ca₂lia' ₂ ja₁con₂ dsa₂ i₂ma₂dsan₃; ia₁jaun₂ tě₃dsi₅₄ 'éi' ₃ le₃quió' ₅ ni₁ñi₁₂, lia' ₂ con' ₂ lě₅ dsi₂jio₅ dsí₅ dsa₂ mi₂güí₃, ia₁jaun₂ guě₄ le₃chain₂ jui₅ jme₂dsí₂ ně₃, lia' ₂ con' ₂ lě₅ dsi₂jio₅ dsí₅ Diú₄.

7 La₁ja₂quián₃ bá₄ jmig₄ jě₁dsian₅ ca₂le₃jě₃. Jaun₂ ně₃ len' ₅₄ 'nia' ₂ chang' ₂, 'en₅₄ 'au' ₂, ia₁jaun₂ lě₂ chí₁lén₄ Diú₄.

8 La₁ a₂dsen₅₄ guě₄ 'ñio₅ lín₃, 'nió' ₅ a₂jme₁'nió' ₄ 'nia' ₂ ríng' ₂ 'ñio₅ lín₃ le₂jang' ₂ le₂jang' ₂. Ia₁ ja₁'nio₃ dsa₂ rín' ₅₄, 'líong₂ o₂'én₂ dso₄ cha₂ ja₁con₂ rín' ₅₄ dsa₂.*

9 Guen₅₄ 'nia' ₂ ríng' ₂ i₂qui₂dsi₂jag₅₄ dsi₂néi₂ quiáng' ₂, on₃jua' ₅₄ a₂qui₂dsi₂mé' ₂ 'au' ₂ quian' ₅₄.

10 Le₂jan' ₂ le₂jan' ₂ 'nia' ₂ ca₂tíng' ₂ jme₁'ong' ₁ ríng' ₂ lia' ₂ con' ₂ lě₅ ma₂ca₂rě₃tíng' ₃ a₂'líong₂ ne₅₄ a₂ma₂ca₂jme₃gu' ₅₄ Diú₄, a₂niog₅ gog' ₂ 'nia' ₂ jmó' ₂.

11 Ně₁jua' ₂ 'ein₂ 'nio₃ te₂néi' ₂ jág₁, jui₁te₂néi' ₂ bá₄ quian' ₅₄ jág₁ quió' ₅ Diú₄. Ně₁jua' ₂ chan' ₂ guě' ₂ 'ein₂ 'nio₃ jme₃'o₅₄ jui₁jme₂'o₅₄ bá₄ lia' ₂ con' ₂ lě₅ jui₅bí₂ a₂ma₂cuě₅ Diú₄, ia₁jaun₂ le₂ně₅ bá₄ le₃juin' ₂ Diú₄ ne₄ ca₂le₃jě₃ të₂le₃ quian' ₅₄ Jesucristo. 'Éi₂ bá₄ ca₂tín₂ ñe₂ ca₂le₃jě₃ ti' ₂mag' ₄, ca₂le₃jě₃ jui₅bí₂, ca₂le₃jě₃ jmig₄ co₂tan₅₄. ¡A₂méi₃!

A₂ñág₅ dsa₂ uig₅ ne₄ 'uig₅₄ ia₁ a₂'éin₂

12 'Nia' ₂ rín' ₅₄ jniog₄ i₂'nióg₃, tsá₃ lě₂jmo₂ 'nia' ₂ go₂'i₃ jme₁dsi₂ñíg' ₂ táu₂ a₂lě₅ lia' ₂ lě₅ si₂ dséi₂ ja₁con' ₂ 'nia' ₂, jua' ₅₄ a₂le₃jmó' ₂ 'nia' ₂ 'au' ₂ jua' ₅₄ a₂tsá₃ ma₂cuin' ₂ 'nia' ₂, 'a₂ lia' ₂ lě₅ dsi₂ñíg' ₂.

Š 3:20 Noé: 'Í₂ Génesis 6 - 9. * 4:8 'Nio' ₂ ja₁ton₅ Proverbios 10:12.

13 Të₂le₃ jmo₄ 'nia'₂ 'io'₂, ia₁ le₂në₅ bá₄ can'₂ 'nia'₂ ján₃ jmi₁ uig₅ jui₁ lia'₂ a₂ca₂i₁ñí₂ Cristo, ia₁ jaun₂ bá₄ cán'₁ 'nia'₂ ján₃ o₂ñio₃ 'au'₂ 'nio₅ lín₃ jë₁ma₂të₂ rë₁jme₃jniai₂₃ 'a₂lia'₂ jláin'₁.

14 'E₂ guë₄ dsen'₃ 'nia'₂ jme₁të₂'o'₂ 'ein₂ të₂'o'₂ o₄quió'₄ Cristo, ia₁ le₂në₅ bá₄ të₂ñiá₄ Jme₂dsí₂ quián₅ Diú₄ i₂tág₅ co₂'né'₅ ne₄ quián'₂ 'nia'₂.

15 Chi₂jua'₂ 'ein₂ 'nia'₂ dsi₂ñí₂ uig₅, la₁ lag₃ në₁jua'₂ tsá₃ lë₅ dso₄ 'ang₂, o₃ a₂ca₂jñi'₃ dsa₂, o₃ chan₂ i₂ca₂cuë'₃ dsa₂ mi₂güig₃ rñin'₅₄, o₃ a₂qui₂tiáin₂ caun₂ ja₁tsá₃ ca₂tín₂.

16 La₁ në₁jua'₂ ñag'₅₄ 'nia'₂ uig₅ ca₂ne₅₄ ia₁ a₂lín₅ dsa₂ "cristianos", tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

17 Ia₁ ma₂të₂ jmi₄g₄ a₂të₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, ç'a₂ bá₄ lia'₂ dsióg₄ dsi₁ñí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄?

18 Chi₂jua'₂ quian₅ ta₁ lín₃ a₂tín₅ dsa₂ dsen₃, "ç'ë₂ guë₄ bá₄ dsióg₄ dsi₁ñí₂ dsa₂ i₂tsá₃ Diú₄ cuin₅, i₂le₁cán'₄ dso₄?"†

19 Jaun₂ në₃, i₂ñág₅ uig₅ lia'₂ con'₂ lë₅ 'ñio₂ dsí₅ Diú₄, ca₂tín₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rë₂ti'₅₄ në₃.

5

Toin'₂ jág₁ dse₃ dsa₂ 'én₂

1 Jaun₂ në₃, jág₁ la₂ cuë₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂në₅ bá₄ jniá₂ 'ñio₃ ján₃ lín₅ jan₂ dsa₂ juin'₂ i₂niog₅ ne₄ guá'₅, ton'₂ lín₅ jan₂ i₂ca₂të₂ ne₄ 'a₂lia'₂ lë₅ jmi₁uig₅ a₂ca₂i₁ñí₂ Cristo. Jaun₂ le₂në₅ bá₄ ján₃, lín₅ jan₂ i₂jme₃quian'₅₄ jë₁ma₂të₂ rë₁jme₃jniai₂₃ a₂jláin'₁. Jág₁ la₂ juíg₂ jniá₂ 'nia'₂:

2 Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ në₅ a₂ñio₂ 'au'₂, lia'₂ con'₂ lë₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmi₄g₄, on₃ guë'₂ jmo₂ 'nia'₂ 'au'₂ jua'₅₄ a₂ñí₄ 'ín₅ 'au'₂ cu₄ në₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂.

3 Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tín₅ jmó'₂ gong'₂ ne₄ quió'₅ guá'₅ i₂niog₅ gog'₂, të₂le₃ ca₂tín'₂ bá₄ 'nia'₂ cuë'₅₄ caun₂ jui₅ dse₃ já'₂ cha'₂ quián₅ Diú₄.

4 Jaun₂ bá₄ jë₁ma₂të₂ jmi₄g₄ i₁jme₃jnia₅ i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ñe'₂ 'nia'₂ jma₃caún₃ corona a₂tsá₃ líg'₂ jmi₄g₄ le₃juing₅.

5 Le₂në₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rë₂lín₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁: Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂oin₅₄ a₂'ua₁ dsí₅ dsa₂ i₂jmo₅ me'₂.†

6 Jaun₂ në₃, le₂në₅ jmo₄ 'nia'₂ meg'₂ o₄gú₃ bën₂ quió'₅ Diú₄ ia₁ jaun₂ bá₄ chó'₂ 'éi₂ jmi₄g₄ jaun₂ quió'₅.

7 O₄gú₃ 'éi₂ dsia₄ 'nia'₂ ca₂le₃jë₃ 'e₂ o₂i₁ dsí₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

8 'En₅₄ 'au'₂ 'nia'₂ jmo₄, chang'₂ rë₂jáng'₁, ia₁ i₂së₃dsen₃ i₂ñia₅₄ 'nia'₂ ñi₂₃ lín₅ lia'₂ lín₅ 'ia'₂ i₂ñi₅ i₂jme₂'ne₅₄ 'ñióg₂ a₂'nai'₂ 'ein₂ i₂'nio₃ quian'₂.

9 Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ñi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ñí₂ ríng'₂ jmi₁uig₅ le₂në₅ ján₃.

† 4:18 Proverbios 11:31. * 5:1 griego: presbíteros. † 5:5 Proverbios 3:34.

10 Ia₁ jĕ₁ma₂ca₂ŋi'₂ 'nia'₂ co₂'na₂ uig₅ le₂nĕ₅, 'ŋiog₅ bá₄ Diú₄ i₂'ua₁ dsí₅ lín₃ chei'₃ táng₃ rĕ₂ a₂jme₃'ŋiai₂₃ a₂'nió'₅ guĕ₄ quián'₂ 'nia'₂, cuĕ₃ bí₂ náu'₁ 'nia'₂ tiá'₂. Jme₃gu'₅₄ bá₄ 'éi₂ jniog₄ ne₄ ca₂le₃jĕ₃ ne₅₄ a₂dse₃. Ia₁ ma₂ca₂tĕ₃ jniog₄ le₃quió'₅ Cristo Jesús, a₂jme₁quiain'₄ jniog₄ co₂tan₅₄ ja₁co₂tág₅ co₂'né'₅ quió'₅.

11 'Éi₂ bá₄ ca₂tín₂ jui₅bí₂ ca₂le₃jĕ₃ jmig₄ co₂tan₅₄. A₂méi₃.

Cuag₂₃ Diú₄ jĕ₁ca₂tó'₂ jĕ₁'ág'₅ jág₁

12 Tĕ₂le₃ quian'₅₄ Silvano[‡] i₂jing₅₄ lia'₂ ja₁jing₁₂ jan₂ ríng'₃ i₂rĕ₂ti'₅₄, ma₂jmo₃ si₂ la₂ ja₁juá'₅ tĭn₃-'ni₅ jon₂ jág₁ a₂cuĕ₃ bí₂ 'nia'₂. Jág₁ a₂ma₂nĕ₂juá'₃ jniá₂ nĕ₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ nĕ₅.

13 Guá'₅ i₂chan₂ ja₁tĕ'₂ dsa₂ juig₂ “Babilonia” la₂, dsa₂ i₂ma₂ca₂quió'n'₂ Diú₄ jui₁lia'₂ ma₂ca₂quió'n'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ nĕ₃.

14 Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.
Co₂nĕ₅.

‡ 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃, Pe₄ si₂ la₂.

Si₂ carta jë₁ca₂të₂ tin₃ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton₂ líng₅ jan₂ i₂chen₄ quián₅. Jmo₂₃ si₂ carta la₂ a₂tsíng₂ ne₅₄ 'nia₂ i₂ma₂ca₂rë₃'éng₂. Ia₁ të₂le₃ a₂ñí₄ lë₃ dsen₃ Diú₄ quián₂ jniog₄ quiain₅₄ Jesucristo i₂ma₂ca₂lió₂, ma₂ca₂ñí₂ 'nia₂ jág₁ dse₃ jlá₁ a₂ca₂rë₃'éng₂ jui₁lia₂ 'éin₂ jnia₅₄.

² Jui₁chan₂ bá₄ 'nia₂ jme₂gu₅₄ Diú₄, ton₂ jui₁jmo₁₂ bá₄ 'ei₅ tei₄lia₂ qui₂rë₂tsón₂ të₂le₃ ia₁ a₂ma₂ca₂rë₃cuin₂ 'nia₂ 'a₂lia₂ lín₅ Diú₄ quian₅₄ Jesucristo Te₁gui₅₄ quián₂ jniog₄.

'A₂lia₂ dsi₂ten₅₄ lén₂ dsa₂ 'én₂

³ Diú₄ ma₂cuë₃ quian₅₄ bí₂ quió₅, ca₂le₃jë₃ a₂'nió₅ quián₂ jniog₄ le₃chong₂, a₂léi₂ jniog₄ dsa₂ jnió₅ ně₃, ton₂ ma₂jmo₃ ján₃ a₂ma₂ca₂rë₃cuin₂ 'nia₂ 'a₂lia₂ lín₅. Ma₂ca₂të₃ jniog₄ të₂le₃ quian₅₄ jui₅bí₂ jlá₁ quió₅, 'uig₅₄ ia₁ a₂ñí₄ dse₃ dsí₅.*

⁴ Le₂në₅ ma₂ca₂quiog₂ 'lióng₂ jág₁ ca₅₄ a₂quen₅ 'ñio₅ lín₃ quió₅, ia₁jaun₂ të₂le₃ quian₅₄ jág₁ a₂ma₂cuë₃ jaun₂ dsi₁nó₅ 'nia₂ líong₂ jui₅ ja₁tión₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton₂ dsi₁nó₅ 'nia₂ léng₂ lia₂ lín₅ Diú₄.

⁵ Jaun₂ lë₃, quen₂ 'nia₂ bí₂ ne₄ ia₁ a₂'éng₂, quian₂ 'nia₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len₅₄ 'nia₂ dsa₂ i₂ñí₂ dsí₅;

⁶ ne₄ ja₁ñó₄ jaun₂ táng₃, jui₁le₂ñí₂ 'au₂ 'nia₂ 'a₂lia₂ jme₁'uang₅₄ 'au₂ guiong₅₄; ne₄ ja₁ñó₄ jaun₂ táng₃, jui₁len₅₄ 'nia₂ dsa₂ i₂juin₂ dsí₅; ne₄ jui₅ ja₁ñó₄ jaun₂ táng₃, jui₁len₅₄ 'nia₂ dsa₂ i₂qui₂rë₂jín₅₄ ne₄ Diú₄;

⁷ ja₁ñó₄ jaun₂, jmo₄ 'nia₂ 'ua₁ 'au₂; jë₁ca₂tó₂ guë₄ ně₃, jme₁'nió₄ 'nia₂ ríng₂.

⁸ Ia₁ në₅ jua₂ quian₅₄ 'nia₂ jui₅ le₂në₅, dsí₂cang₅₄, tsá₃ lë₅ jua₅₄ a₂tsá₃ ta₁ tí₄ 'a₂lia₂ niog₅ chan₂ 'nia₂, tsá₃ jua₅₄ a₂lë₁ma₂ca₂rë₃cuin₂ 'nia₂ Te₁gui₅₄ Jesucristo quián₂.

⁹ Ia₁ jui₁lia₂ dsa₂ i₂tsá₃ jme₂tin₅ dsí₅ le₃chain₂ lia₂ con₂ lë₅ jág₁ në₅, lín₅ në₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ úing₂ jnió₅, ia₁ ma₂ca₂l₃'én₂ bá₄ dsí₅ a₂jme₁ma₂le₁chí₄ quió₅, ca₂le₃jë₃ dso₄ a₂jme₁rë₂cáin₄ le₂ñí₄.

¹⁰ Jaun₂ ně₃ 'nia₂ rin₅₄ jniog₄, dsen₅₄ 'au₂ 'nia₂ cuë₅₄, ia₁jaun₂ bá₄ chi₁dse₃ ta₁ a₂ma₂ca₂të₃ Diú₄ a₂ma₂quióin₂ 'nia₂. Ia₁ në₅ jua₂ ca₂tión₂ 'nia₂ quian₅₄ jui₅ në₅, o₁líg₂ tsá₃ ma₃tsi₃sén₂ 'nia₂.

¹¹ Ia₁ le₂në₅ bá₄ tin₃ 'nia₂, caun₂ dse₃ ja₁o₁tong₄ co₂tan₅₄ guei₅₄ i₂juíg₃ ja₁gon₂ Te₁gui₅₄ Jesucristo quián₂ i₂lió₂.

¹² Jui₁la₂ ma₂ñi₅₄ 'nia₂, la₁ co₂tan₅₄ bá₄ ca₂tín₂ jniá₂ juá₄ ia₁jaun₂ bá₄ dsiog₂ 'au₂ 'nia₂ náu₁ tí₄ jui₅ dsau₅ a₂ma₂tión₂ 'nia₂ ja₂nóg₅.

¹³ Ia₁ lín₂ jniá₂ 'ñio₃, 'ñio₅ lín₃ dsi₂ten₅₄, a₂juig₅₄ jniá₂ 'nia₂ të₂lia₂ chang₂ guë₄ ni₁ñi₃ la₂, jaun₂ dsiog₂ 'au₂ jág₁ në₅.

¹⁴ Ia₁ a₂ma₂ca₂rë₃guion₅₄, ñi₅₄ ta₁ bá₄ tí₄ ni₁ñi₃† lia₂ con₂ lë₅ ma₂ca₂jme₃jnia₅ Jesucristo Te₁gui₅₄ quián₂ jniog₄.

¹⁵ La₁ quín₅ jniá₂ bí₂ juá₅ ia₁jaun₂ dsiog₂ 'au₂ 'nia₂ co₂tan₅₄, jë₁ma₂jong₂₃, ca₂le₃jë₃ jág₁ në₅ ca₂juá₃.

Dsa₂ i₂qui₂ca₂të₂ ne₄ 'a₂lia₂ lë₅ jui₅bí₂ quió₅ Cristo

* **1:3** A₂lín₅₄ chog₅₄ si₂: “Ma₂ca₂të₃ jniog₄ a₂jme₁jnia₅ jui₅bí₂ jlá₁ quió₅ 'ñiog₅.” † **1:14** lit. “tabernáculo la₂.”

16 Ca₂le₃jě₃ a₂ma₂ca₂jme₁tag₅ jnia'₅₄ 'a₂ lia'₂ lě₅ jui₅bí₂ quió'₅ Te₁gui'₅₄ Jesu-cristo, 'a₂ lia'₂ lé₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂líng'₂ jág₁ la₂ a₂lě₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂tě₂ ne₄ ton'₂ ca₂néi₄ jnia'₅₄ 'a₂ lia'₂ lě₅ jui₅bí₂ a₂ca₂jme₃jniai₂₃ a₂jláin'₁.

17 Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ juě'₂ quió'₅ jme₁ca₂juá'₂: "I₂la₂ bá₄ jón₃ quiáng₃ i₂ñí₄ lě₃ 'nióg₃ guě₄ lín₃; 'e₂ bá₄ 'ñio₂ dsi₃ quiain'₅₄." †

18 Le₂ně₅ ca₂néi₁ jnia'₅₄ guio₅₄ jág₁ ně₅ a₂ca₂já₃ guei'₅₄ i₂juíg₃, lia'₂ con'₂ jme₁quiain'₅₄ jnia'₅₄ ne₄ má'₂ jñio₅ jaun₂.

19 Le₂ně₅ bá₄ lě₅ chi₁dse₃ 'ñio₅ lín₃ bá₄ jág₁ ron₅ quió'₅ dsa₂ i₂jme₁'ě₂ jág₁ quián₅ Diú₄ ma₂líg'₂. Jaun₂ 'nia'₂ ně₃, dse₃ lín₃ bá₄ dsi₁nóg'₅ ně₁jua'₂ ca₂tion'₂ 'nia'₂ jui₅, ia₁ lě₅ lia'₂ lě₅ caun₂ ni₁tsí₅ chi₁guí'₂ si₂ tág₅ jě₄ qui₁né'₃, ca₂lia'₂ ca₂jnia₃ ca₂lia'₂ ca₂'nja₂ Nei₅ 'Ióg₁Š i₂jmo₃ tág₅ tē₂'au'₂ 'nia'₂.

20 La₁ ne₄ ca₂le₃jě₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rě₂'ě₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioin₅₄.

21 Ján₃ bá₄ guě'₂ le₂jaun₂, tsá₃ jág₁ cha₂ jua'₅₄ ca₂rě₃lióg₃ 'uig₅₄ con'₂ 'ñio₂ dsí₅ dsa₂ mi₂güí₃. Dsa₂ 'éi₂ ně₃, tē₂le₃ ca₂dsia₃ bá₄ o₄quió'₄ Diú₄ lia'₂ con'₂ lě₅ ca₂jio₃ Jme₂dsi₂ jñio₅.

2

Dsa₂ i₂jme₂tag₅ jág₁ a₂tsá₃ tí₅ (Judas 4–13)

1 Le₂ně₅ bá₄ ca₂rě₃chán₃ dsa₂ i₂jui₁gan₂ ján₃ i₂ca₂'ě₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂ně₅ bá₄ qui₃'uín₃ jě₄ quián'₂ 'nia'₂ rě₂ně₃ tē₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₃ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃jí'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ uě₂ le₃léi₄ dsi₃'éin₂ bá₄ guioin₅₄.

2 Ju₁n₅ lín₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsáu₅ lia'₂ lě₂ dsí₅, jaun₂ 'éi₂ bá₄ 'uín₄ ně₃ a₂qui₃táun₂ dsa₂ 'lig'₅₄ juí₅ tí₅.

3 Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioin₅₄, a₂con'₂ jnia'₅₄ lě₁'nio₃ lí'₂ quián'₂ 'nia'₂. La₁ ma₂l₁jáun₃ bá₄ ma₂lě₅ co₂jnia₅₄ jág₁ a₂ma₂tioin'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'én₂; tion₅₄ bá₄ dsi₃'éin₂.

4 Chi₂jua'₂ le₂ně₅ tsá₃ ca₂'én₂ Diú₄ dsáu₁ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃léin₂ le₁'ñei'₅₄ jě₄ qui₁né'₃, ja₁jaun₂ tioin'₅₄ lě₅ co₂jnia₅₄ jmig₄ i₁tě₃dsi₅₄ 'éi'₃ quió'₅;

5 ján₃ bá₄ le₂ně₅ chi₂jua'₂ tsá₃ ca₂'én₂ Diú₄ dsáu₁ dsa₂ i₂jme₁chan₂ mi₂güí₃ gui'₅₄ ma₂líg'₂, tion₅₄ bá₄ ca₂jme₃cain'₂ jmig₂ ca₂'éin₂ ca₂le₃jín₃ dsa₂ i₂tsá₃ Diú₄ cuín₅, jnia'₅₄ lia'₂ Noé bá₄ i₂ca₂lióin₂ i₂jme₁'ě₂ jág₁ a₂'ě₂₃ caun₂ jui₅ co₂dsau₅, quian'₅₄ guě₄ guion₃ dsa₂;

6 chi₂jua'₂ le₂jaun₂ bá₄ ján₃, ca₂'én₂ Diú₄ le₃tín₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lě₃ jua₂ li₁, jaun₂ le₂ně₅ jáng'₅ caun₂ jág₁ dsau₅ co₂'nió'₄ a₂rě₂'ě₂ jág₁ ja₁con₂ dsa₂ i₂tsá₃ Diú₄ cuín₅ i₂qui₂le₃chan₂ cang₂;

7 chi₂jua'₂ le₂ně₅ ca₂lióin₂ bá₄ jan₂ Lot, i₂jme₁lín₄ guě₄ dsa₂ dsen₃ jme₁chain₂ quian₅ o₂i₁ dsí₅ ia₁ jme₁tě₅ ne₅₄ 'a₂ lia'₂ lě₅ jui₅ le₁quian₅ dsa₂ 'lín'₅₄ jmig₄ jaun₂,

8 (jaun₂ jme₁ta'₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jě₃ jmig₄ bá₄ jme₁tě₅ ne₅₄, jme₁nag₂₃ ně₃ ca₂le₃jě₃ ne₅₄ cosa 'lig'₅₄ a₂jme₁jmo₅-dsáu₅ dsa₂ juig₂ ja₁jme₁guá₄);

† 1:17 Mateo 17:5; Marcos 9:7; Lucas 9:35. § 1:19 Nei₅ 'Ióg₁ lě₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

9 chi₂jua'₂ le₂ně₅, jaun₂ ŋi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsi₂ŋi'₂, ton'₂ ŋi₅ 'a₂ lia'₂ toin'₂ dsa₂ 'lin'₅₄ lě₅ 'í₁ ca₂lia'₂ ca₂tě₂ jmig₄ i₁gue₃ uig₅ i₁tě₃dsi₅₄ 'éi'₃ quió'₅.

10 A₂ně₅ ně₃, lě₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ ju₁lia'₂ dsa₂ i₂i₂nio₄ jme₂tí₃ a₂'lig'₅₄ a₂mí₅ ni₁ŋi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂nioi₅₄ 'ŋio₅ lin₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'ŋio₅ lin₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'in₂₃ ju₁lia'₂ i₂jlán'₁ chan₂ quián₅ Diú₄,

11 ju₁lia'₂ ángeles i₂'io₅ guě₄ bí₂, i₂'uan'₂ guě₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ni₃ dsa₂ 'éi₂ ne₄ Te₁gui'₅₄.

12 La₁ dsa₂ 'éi₂, lín₅ ju₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ ŋi'₂ dsí₅ 'e₂ jmo₅-dsáu₅, rě₂chain₂ a₂ŋia'₅₄ con'₂ tsáun'₂ dsa₂ jme₃dsiog₂₃. Tě₃ŋiá₅ bá₄ ma₂'ě₂₃ 'lig'₅₄ 'e₂ a₂tsá₃ ma₂ŋi'₂. La₁ le₂jaun₂ bá₄ dsiáin₃ ján₃ ju₁lia'₂ dsan₂ já'₂ náu₂.

13 Le₃chain₂ ŋág₃ uig₅ co₂'nió'₄ 'liain'₅₄ ju₁lia'₂ qui₂ma₂jmái'₂ i₂sián'₂. Jmo₂₃ dsí₅ 'ŋio₅ lin₃ dse₃ chain₂ lín₂ ia₁ cuě'₅ o₂'ŋi₃ o₂ŋia₃ dsi₅ o₁ŋia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rě₂ 'ióg₄ a₂quian₅ o₂guí'₃ jě₄ quián'₂ 'nia'₂, 'ŋio₅ tě₅ dsí₅ cuě'₅ o₂'ŋi₃ dsi₅ a₂jme₂gau₂₃ tóin'₅ jmo₂₃ jmig₄ jín'₄ 'nia'₂.

14 Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jě₁ma₂ca₂jín₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ŋio₅ lin₃ 'io₂₃ mai₅₄ ŋi₅ 'a₂ lia'₂ jme₃gain₂₃ dsí₅ ju₁lia'₂ dsa₂ 'uan₅₄ i₂tsá₃ tiá₂ tión₂; 'ŋio₅ lin₃ tiin₂ ŋi₅ táng₃ 'a₂ lia'₂ jme₃'ŋi₃ 'e₂ caun₂ 'nio₃ jme₃'ŋi₃; ia₁ lín₅ jaun₅ i₂ma₂tion'₅₄ ju₁ dsí₃ 'én₂.

15 Ma₂qui₂ma₂tí₄ ju₁ co₂dsau₅, ton'₂ ma₂i₂cóin'₅, ma₂qui₂le₁quian₅ ju₁ quió'₅ Bala'am* ja₁ŋi'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃.

16 Jan₂ dsi₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ŋia₂ jág₁ lia'₂ lě₅ jag₄ dsa₂ mi₂güí₃. Ca₂ŋé₃ ju₁ co₄ quió'₅ dsa₂ i₂'ě₂ jág₁ quián₅ Diú₄ 'éi₂.

17 Dsa₂ 'éi₂ lín₅ ju₁lia'₂ lě₅ caun₂ o₄tu₁ jmig₂ a₂tsá₃ 'e₂ jmig₂ cha₂; o₃ le₃jua'₅₄ lín₅ ju₁lia'₂ lě₅ ti₁jnei₅ a₂lě₁qui₂ŋag₅ tiá₂ quian'₅₄ dsí₂. Ma₂tioin'₅₄ ju₁ a₂dsi₁lein₅ jě₄ qui₁né'₃ 'ŋio₅ lin₃, ja₁ma₂lě₅ co₂ŋia₅₄ quió'₅.†

18 Ia₁ qui₂'uě'₅ mi₂'o₅₄ jág₁ tá'₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃tí₃ a₂'ín₅ dsí₅ ni₁ŋi₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ ju₁ a₂ma₂i₂cóin'₅.

19 Qui₂cuě₂₃ jág₁ a₂juá'₂ a₂lió₂, la₁ guioin₅₄ guě'₂ ně₃ i₂nioi₅₄ le₁'nei'₅₄ ju₁ ja₁dsi₃'éin₂. Ia₁ le₂jaun₂ dsón'₂ lě₅ bá₄, lé₂ le₃jua'₅₄ chi₁'ŋe'₅₄ dsa₂ ne₄ ju₁'e₂ caun₂ ju₁ 'lig'₅₄ a₂quian₅, ia₁ dso₄ jaun₂ ca₂lě₃ juig₅₄ bá₄ dsa₂. Ia₁ a₂jaun₂ jio₅ jmo₅ 'éi'₃ ja₁coin₂.

20 La₁ ju₁lia'₂ dsa₂ i₂ma₂ca₂rě₃cuin₅ Te₁gui'₅₄ Jesucristo i₂lín₅ i₂ma₂ca₂lió₂ quió'₅ ne₄ ju₁ lě₁'iog₅ a₂le₁quian₅ dsa₂ mi₂güí₃, la₁ ně₁jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ ně₁jua'₂ ca₂jme₃gón₃ táng₃ a₂'lig'₅₄ jaun₂ tě₂dsí₅, dsi₁lein₅ tsón₂ guě₄ le₃'lín'₅₄ con'₂ guě₄ le₂ŋiá₅.‡

21 Ju₁lia'₂ dsa₂ le₂'éi₂, ja₂lin₃ guě₄ dse₃ jua'₅₄ co₂'nei'₅₄ bá₄ tsá₃ ca₂rě₃cuí'₅ ju₁ co₂dsau₅, lia'₂ con'₂ guě₄ a₂ma₂ca₂rě₃ŋi₅, ně₁jua'₂ cang₂ jaun₂ ca₂tí₂ bá₄ táng₃ 'éi'₃ jŋi₃ a₂jme₁ma₂ŋi₂.§

* 2:15 Bala'am: 'Í₂ Números 22 - 24. † 2:17 Niog₅ a₂lin₅₄ chog₅₄ si₂ a₂juá'₂: "ja₁ma₂lě₅ co₂ŋia₅₄ ja₁dsi₁toin'₄ co₂tan₅₄." 'Nio'₂ ja₁ton₅ Judas 13. ‡ 2:20 'Nio'₂ ja₁ton₅ Mateo 12:45; Lucas 11:26. § 2:21 'Nio'₂ ja₁ton₅ Hebreos 6:4-6.

22 La₁ ja₁jaun₂ rē₃ti₃ quian'₅₄ dsa₂ le₂'éi₂ jui₁lia'₂ lě₅ caun₂ jag₄ dsa₂ jme₁juá'₂: “Guě'₅ táng₃ dsi₂ji'₅₄ te₁ŋi₅₄ quió'₅”,* con'₂ siá'₂ táng₃: “Jui₁lia'₂ i₂ŋi₅ i₂lia'₂ ma₂ně₂sei₃ dsa₂, dsó₅ qui₂ba₂lín'₂ táng₃ jě₄ ti₁jéin₃.”

3

Jmīg₄ i₁ŋi_ó'₂ Te₁gui'₅₄

1 'Nia'₂ rin'₅₄ jniog₄ i₂'nióg₃, jě₁ca₂tě₂ tin₃ si₂ bá₄ la₂ tsing₂ ne'₅₄ 'nia'₂. Jě₁le₃tin₃ si₂ ně₅ ma₂ca₂jme₁jnio₂ jniá₂ ne'₅₄, ma₂ca₂jmo₃ dsá₂ 'au'₂ a₂dsi₃jio₅ 'au'₂ jmá'₃ lia'₂ a₂le₁jě₃.

2 Jui₁dsiog'₂ 'au'₂ 'nia'₂ ca₂le₃jě₃ jág₁ a₂qui₂ca₂juá'₂ dsa₂ jnió₅ i₂jme₁'ě₂ jág₁ quián₅ Diú₄ ma₂líg'₂ quian'₅₄ guě₄ 'éi'₃ a₂ca₂quiog₂ Te₁gui'₅₄ i₂ma₂lió₂ jniog₄, a₂ma₂ca₂ŋag₅ ja₁con'₂ 'nia'₂ tē₂le₃ quian'₅₄ dsa₂ i₂chen₄ quián₅.

3 Jě₁le₂'uig₅₄ jmo₄ 'nia'₂ dsá₂ 'au'₂ a₂juá'₅ jniá₂ la₂. Jmīg₄ jě₁ca₂tó'₂ tē₁ja₃lén₂ dsa₂ i₂caun₂ lě₁qui₃táun₂ 'lig'₅₄, le₃chain₂ jmá'₃ lia'₂ jnia'₅₄ con'₂ lě₂ 'ín₅ dsí₅ guoin₅₄.

4 Dsa₂ 'éi₂ ŋag₃, juá'₂: “Ķ'E₂ ca₂lě₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jniog₄, jua'₂ lia'₂ ma₂lě₅ jaun₂ bá₄ mi₂güig₃ lia'₂ con'₂ lě₅ jme₁ca₂nio₃ le₂'uig₅₄.”

5 La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le_{ŋi}'₂, a₂ca₂lě₃ tē₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güig₃ ma₂líg'₂, quian'₅₄ gua'₅₄ 'uě₃, quian'₅₄ jmīg₂ a₂ca₂jmo₃ jma₃quén₅ gua'₅₄ 'uě₃ quian'₅₄ jmīg₂ ně₃.

6 Ton'₂ quian'₅₄ jmīg₂ bá₄ ján₃, ca₂'én₂ Diú₄ mi₂güig₃ jmīg₄ jaun₂.

7 Ján₃ bá₄ le₂ně₅, tē₂le₃ quian'₅₄ jág₁ quió'₅ 'ŋiog₅ bá₄ Diú₄, dsi₄ guei'₅₄ quian'₅₄ gua'₅₄ 'uě₃, ron₅ ma₂lě₅ co₂ŋia₅₄ a₂cáu₃ jě₁ma₂tě₂ jmīg₄ i₁qui₃dsi₅ Diú₄ 'éi'₃ i₁'éin₂ co₂ŋei'₅₄ dsa₂ i₂tsá₃ Diú₄ cuin₅.

8 Con'₂ siá'₂ rin'₅₄ jniog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lě₅ caun₂ jmīg₄ co₂'nió'₄ caun₂ mei₅ ŋi₂; ton'₂ caun₂ mei₅ ŋi₂ guě'₂, lě₅ co₂'nió'₄ caun₂ jmīg₄.

9 La₁ tsá₃ o₁lei₅₄ jniog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsí₅.

10 Ia₁ jmīg₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rē₂ján₁, lě₂ jui₁lia'₂ ja₁'í₂ jan₂ 'ang₂. Jaun₂ guě₄ tē₃tsi'₅₄ co₂mi'₅₄ gau₂ lín₃ lě₂ dsi₃'én₂ dsi₄ guei'₅₄; qui₂dsi₃'én₂ ca₂le₃jě₃ a₂cha₂ qui₃jmág₂ quian'₅₄ si₂; lia'₂ rē₂cuá'₃* gua'₅₄ 'uě₃ lě₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

11 Chi₂jua'₂ le₂ně₅ dsi₃'én₂ ca₂le₃jě₃, j'e₂ guě₄ 'ŋio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jnió₅, a₂'nióg'₃ Diú₄!

12 Jmo₄ 'nia'₂ co₂ŋiag'₅₄ rē₂jáng'₁ ia₁jaun₂ ŋi'₅₄ ta₁ guá₂ jmīg₄ jaun₂ quió'₅ Diú₄. Jmīg₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jě₃ 'e₂ a₂cha₂ qui₃jmág₂ jě₁ma₂ca₂dséi₃ 'ŋio₅ lín₃.

13 La₁ jniog₄ ně₃, le₁jnia₁ dsi₁no₃ caun₂ guei'₅₄ i₂juig₃ 'mí₂ quian'₅₄ caun₂ gua'₅₄ 'uě₃ 'mí₂ ja₁ma₂lě₅ jág₁ cuě₃ Diú₄, ja₁tē₂'ŋiá₄ jmá₃ a₂jnió₅.

14 Le₂ně₅ jaun₂ ně₃ rin'₅₄ jniog₄, tē₂lia'₂ tsá₃ ma₂tě₂ jmīg₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lě₅ qui₂rē₂'ióg₄ jme₂dsi₂ quiáng'₂, jua'₅₄ a₂rē₂cán'₄ 'nia'₂ dso₄.

15 Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmīg₄ líon'₂ 'nia'₂. Le₂ně₅ bá₄ ján₃, Pa₄ rin'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lě₅ ma₂ŋí'₂ dsí₅ a₂ma₂ca₂cuě₃ Diú₄.

* 2:22 Proverbios 26:11. * 3:10 A₂lín₅₄ chog₅₄ si₂: “qui₂dsi₃'én₂ cáu₃.”

16 Jë₄ ca₂le₃jě₃ Si₂ quió'₅, ma₂ca₂tsí'₃ 'nia'₂ já_n₃ ca₂le₃jě₃ a₂ně₅, o₁ñia'₅₄ la₂ juí'₅ le₃ñág'₂ a₂lin₅₄; 'uig₅₄ jaun₂ dsa₂ i₂tsá₃ lin₄ ñí'₂ dsí'₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, já_n₃ bá₄ le₂jaun₂ ca₂le₃jě₃ guě₄ rin'₅₄ Si₂ quió'₅ Diú₄ ně₃, la₁ a₂'uiin₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

17 Jaun₂ lě₃ 'nia'₂ rin'₅₄ jniog₄, ia₁ tē₃jñiá'₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁ jaun₂ tsá₃ qui₃tsag'₂ dsa₂ 'lin'₅₄ i₂jme₂gau₅, jaun₂ tsá₃ sēn'₂ 'nia'₂ juí₅ ja₁tióng'₂ tiá₂.

18 La₁ juí₁dsi₂can'₅₄ bá₄ 'nia'₂ juí₅ ja₁'ua₁ dsí'₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guě₄ dse₃. 'Éi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃!
Co₂ně₅.

Si₂ carta le₂'uig₅₄ a₂ca₂jmo₃ SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jě₃ a₂cha₂, ja₁'ín₅ jnia'₅₄ jan₂ i₂qui₂ma₂né₁ jnia'₅₄ jág₁ quió'₅, ma₂ca₂né₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Tě₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂.

² I₂chan₂ 'éi₂ ně₃ ca₂jme₃jniai₂₃ 'ñiog₅ jě₄ quió'₅ dsa₂ mi₂güí₃. Jaun₂ jnia'₅₄ ně₃, ca₂né₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ě₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quian'₅₄ Jmei₂, ton'₂ ma₂ca₂jme₃jniai₂₃ jě₄ quián₂ jnia'₅₄.

³ Jaun₂ 'ě₅ jnia'₅₄ jág₁ jui₁lia'₂ a₂ma₂ne₅₄ a₂ma₂né₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃.

⁴ Jaun₂ bá₄ lě₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jě₃ jág₁ la₂, ia₁jaun₂ rě₂'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ě₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né₃ tsá₃ cha₂ ja₁coin₂.

⁶ Nē₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ nē₁jua'₂ i₂nio₄ guē'₂ jniog₄ jě₄ qui₁né₃, jmo₂ jniog₄ tē₂jág₁; tsá₃ jui₅ dsau₅ chong₂.

⁷ La₁ nē₁jua'₂ qui₂i₂nio₄ jniog₄ ja₁jniá₂ si₂, jui₁lia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rín₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ñi'₅₄ qui₂chéi₂ ca₂le₃jě₃ dsáu₁ jniog₄.

⁸ Nē₁jua'₂ jua'₂ jniog₄ tsá₃ 'e₂ dso₄ le₁cáu₄, jme₂gán₁ jniog₄ guio₅₄, tsá₃ tí₅ jág₁ quián₂.

⁹ La₁ nē₁jua'₂ jmo₂ jniog₄ jág₁ dsau₅ a₂rě₂cáu₄ dso₄, rě₂ti'₅₄ bá₄ Diú₄, rě₂ bá₄ qui₂dsi₂₃ 'éi'₃, 'éi₂n₂ bá₄ dso₄ quián₂ jniog₄, qui₃chéi₂ ca₂le₃jě₃ a₂'lig'₅₄.

¹⁰ La₁ nē₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ tē₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chí'₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jě₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃.

² 'Éi₂ bá₄ i₂ca₂ñó₃ rě₂jen'₅₄ ne₄ Diú₄ 'uig₅₄ dsáu₁ jniog₄. On₃jua'₅₄ rě'₂ jmá'₃ 'uig₅₄ dsáu₁ jniog₄, 'uig₅₄ dsáu₁ ca₂le₃jín₃ dsa₂ mi₂güí₃ bá₄ ján₃.

³ Nē₁jua'₂ jme₂tí₁ 'éi'₃ quió'₅ ně₃, jaun₂ le₂ně₅ bá₄ ne₄ a₂ma₂ca₂rě₃cuin₅ jniog₄.

⁴ La₁ nē₁jua'₂ chan₂ i₂juá'₂: “Cuín₅ jniá₂ Diú₄”, la₁ nē₁jua'₂ tsá₃ jme₂ti₃ guē'₂ 'éi'₃ quió'₅, i₂'éi₂ lín₅ dsa₂ tē₂jág₁, tsá₃ 'i₄ jág₁ tí₅ ja₁coin₂.

⁵ La₁ tē₂le₃ quió'₅ jui₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guē'₂ dsón'₂ rě₂'ñia₅ a₂'nioi₃ Diú₄. Jaun₂ le₂ně₅ bá₄ ne₄ jniog₄ chong₂ a₂'ei₅ caun₂ jág₁ quian'₅₄.

⁶ Jui₁lia'₂ i₂juá'₂ tén₅ le₃quió'₅ Diú₄, 'nió'₅ i₃nioi₅₄ jui₁lia'₂ ca₂ñi₃ Jesucristo.

* 1:4 A₂lín₅₄ chog₅₄ si₂: “a₂'io'₂ jén'₂ 'nia'₂.”

Caun₂ 'éi₃ mí₂

7 'Nia₂ rin₅₄ jniog₄ i₂'nióg₃, on₃jua₅₄ 'éi₃ 'mí₂ la₂ tó₅ jniá₂ ne₄ si₂ juíg₂ 'nia₂. A₂le₂jaun₂ bá₄ la₂ jui₁lia₂ 'éi₃ a₂jme₁ma₂cha₂ ja₁con₂ 'nia₂ ca₂le₃ jmi₄ le₂'uig₅₄ jme₁ca₂rē₃'én₂ 'nia₂. 'Éi₃ gui₅₄ la₂ lě₅ jág₁ a₂ma₂nei₂ 'nia₂.

8 La₁ia₁ a₂tó₅ jniá₂ ne₄ si₂ la₂ a₂tsíng₂ ne₅₄ 'nia₂, lě₅ co₂'nió₄ caun₂ 'éi₃ 'mí₂, a₂dsau₅ tē₃dsón₂ quió₅ Cristo, ján₃ guē₄ dsau₅ tē₂le₃ ja₁con₂ 'nia₂ ně₃. Ia₁ ma₂ca₂η₂ bá₄ jē₄ qui₁né₃, ma₂tág₅ si₂ a₂dsau₅ tē₃dsón₂.

9 Chi₂jua₂ chan₂ i₂juá₂ chain₂ ja₁jniá₂ si₂, la₁ nē₁jua₂ 'η₁ai₅₄ bá₄ guē₂ rīin₅₄ ně₃, i₂le₂'éi₂ 'ein₅₄ bá₄ guē₄ jē₄ qui₁né₃.

10 La₂ i₂'nio₃ rin₅₄ guē₂ ně₃, tē₂'η₁ai₅₄ ja₁jniá₂ si₂, ton₂ 'i₁caun₂ tsá₃ 'e₂ cha₂ jua₅₄ jmo₃ a₂qui₃nió₁'₃.

11 La₁ i₂'η₁ai₅₄ rin₅₄ guē₂ ně₃, 'ein₅₄ jē₄ qui₁né₃. Tsá₃ η₁ 'a₂ jui₅ dsó₃, ia₁ co₂'nió₄ tein₅₄ bá₄ η₁23 jē₄ nei₂.

12 Tsín₂ jniá₂ si₂ la₂ ne₅₄ 'nia₂ i₂líng₅ chi₂-guein₂ quiáng₃, ia₁ ma₂rē₂'én₄ bá₄ dsáu₂ 'nia₂, ma₂ca₂'én₂ bá₄ Diú₄ tē₂le₃ o₄quió₄ Jesucristo.

13 'Nia₂ dsa₂ i₂chan₂ chi₂ quián₅, tsín₂ jniá₂ si₂ la₂ ne₅₄ 'nia₂ ia₁ ma₂ca₂rē₃cuin₂ bá₄ 'nia₂ i₂jme₁ma₂chan₂ lia₂ con₂ jme₁ca₂rē₃lióg₃ ca₂le₃jě₃. 'Nia₂ dsa₂ chi₂, tsíng₂ si₂ la₂ ne₅₄ 'nia₂ ia₁ ma₂ca₂tian₃ bá₄ 'nia₂ ne₄ quió₅ i₂sě₃dsen₃.

'Nia₂ guein₂ quiáng₃, jmo₅ jniá₂ si₂ la₂ tsíng₂ ja₁con₂ 'nia₂ ia₁ ma₂ca₂rē₃cuin₂ 'nia₂ Diú₄ Jmei₂ jniog₄.

14 'Nia₂ dsa₂ i₂chan₂ chi₂ quián₅, tsín₂ jniá₂ si₂ la₂ ne₅₄ 'nia₂ ia₁ ma₂ca₂rē₃cuin₂ 'nia₂ i₂jme₁ma₂chan₂ lia₂ con₂ jme₁ca₂rē₃lióg₃ ca₂le₃jě₃. Ján₃ bá₄ tsín₂ jniá₂ si₂ la₂ ne₅₄ 'nia₂ dsa₂ chi₂, ia₁ 'uan₂ bá₄ 'nia₂, ia₁ jág₁ dse₃ quió₅ Diú₄ ma₂'i₄ 'au₂ 'nia₂, ia₁ ma₂ca₂tian₃ 'nia₂ ne₄ quió₅ i₂sě₃dsen₃.

15 Tsá₃ lē₁jmo₂ 'nia₂ 'ín₅ 'au₂ jua₅₄ a₂le₃chang₂ i₁niog₄ juí₅ ja₁nió₄ dsa₂ mi₂güí₃, on₃ guē₂ jmó₁ 'nia₂ 'ín₅ 'au₂ 'e₂ niog₅ cha₂ mi₂güí₃. Chi₂jua₂ chan₂ i₂'ín₅ dsí₅ a₂jén₅ mi₂güí₃, i₂le₂'éi₂ tsá₃ tē₃dsón₂ 'nioi₃ Diú₄ Jmei₂.

16 Ia₁ ca₂le₃jě₃ a₂jén₅ mi₂güí₃, jui₁lia₂ ca₂le₃jě₃ a₂'lig₅₄ a₂mi₅ ni₁η₁ dsa₂, a₂'ín₅ dsí₅ dsa₂ jmo₃ ca₂le₃jě₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió₅ tē₁lia₂ chain₂: Ca₂le₃jě₃ a₂ně₅, on₃jua₅₄ já₅ quió₅ Diú₄ Jmei₂ jniog₄; a₂já₅ quió₅ mi₂güí₃ bá₄ jaun₂.

17 La₁ a₂jē₁ca₂η₂ bá₄ mi₂güí₃, quian₅₄ ca₂le₃jě₃ 'e₂ 'lig₅₄ a₂'ín₅ dsí₅ dsa₂ chain₂ ne₄ gua₅₄ 'uē₃. La₁ i₂jmo₅ a₂'η₁o₂ dsí₅ Diú₄, le₃chain₂ co₂tan₅₄.

Jui₁lia₂ 'a₂ lia₂ lě₅ jág₁ dsau₅ dsón₂, 'a₂ lia₂ lě₅ jág₁ tē₂jág₁ táng₃

18 'Nia₂ chi₂-guein₂ quiáng₃, jmi₄ jē₁ca₂tó₂ bá₄ la₂ chong₂ jniog₄. Ma₂nei₂ bá₄ 'nia₂, já₅ jan₂ i₂'η₁ai₅₄ Cristo. Rē₂ně₃ ně₃, juin₅ bá₄ i₂ma₂ca₂rē₃jniá₂ i₂'η₁ai₅₄ Cristo. Jaun₂ bá₄ lě₃ ne₄ jniog₄ a₂ja₂quián₃ jmi₄ jē₁ca₂tó₂.

19 I₂ca₂'uin₂ jē₄ quián₂ jniog₄ bá₄ 'éi₂. Dsón₂ bá₄ dsau₅, on₃jua₅₄ i₂quián₂ jniog₄ 'éi₂, ia₁ jua₅₄ mei₂ guē₃ lín₅ i₂quián₂ jniog₄, jme₁η₁ia₃ bá₄ quian₅₄ jniog₄. La₁ le₂ně₅ ca₂lě₃ ia₁jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄.

20 La₁ 'nia₂ ně₃, ma₂ca₂guen₅₄ bá₄ 'nia₂ Jme₂dsí₂ Jnió₅, jaun₂ cuíng₂ bá₄ 'nia₂ ca₂le₃jíng₃* jág₁ tí₅.

21 Jaun₂ tsíng₂ si₂ la₂ ne₅₄ 'nia₂, on₃jua₅₄ ia₁ a₂tsá₃ cuin₂ 'nia₂ jág₁ tí₅, tē₂le₃ ia₁ a₂cuin₂ 'nia₂. Jaun₂ ma₂le₁η₁ bá₄ 'nia₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jē₄ jág₁ dsau₅.

* 2:20 o, "ca₂le₃jě₃."

22 ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ñia₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ñi'₅₄ ně₃.

23 Ca₂le₃jín₃ i₂tsá₃ jen₅₄ Ja₁ñi'₅₄ Diú₄, ján₃ bá₄ le₂jaun₂ tsá₃ quiain'₅₄ Diú₄ Jmei₂. La₁ jui₁lia'₂ i₂jme₂ñia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quiain'₅₄ Jmei₂ ně₃.

24 Jaun₂ lē₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ ně₁jua'₂ ma₂tē₁'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quiain'₅₄ Jmei₂ ně₃.

25 Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

26 Jaun₂ tsín₂ jniá₂ si₂ la₂ ne'₅₄ 'nia'₂ ja₁'ing₅ jui₁lia'₂ i₂'nio₃ jniog₃ cau₅.

27 La₁ quiain'₅₄ bá₄ 'nia'₂ Jme₂dsí₂ Jñi₅ i₂ma₂tē₁'ñiá₄ tē₂'au'₂ 'nia'₂ i₂ma₂cuin₃ Cristo. Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñi₅ jme₃tiin₂₃ 'nia'₂ ca₂le₃jě₃ con'₂ lē₅ jág₁ tí₅ dsón'₂, on₃jua'₅₄ jág₁ tē₂jág₁.

28 Jaun₂ ně₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiain'₅₄, ia₁ jaun₂ caun₂ bá₄ le₁'ág₄ dsi₅ jniog₄ jē₁ma₂tē₂ jmig₄ i₁jme₃ñiai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅.

29 Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'₂-guein₂ quián₅ Diú₄

1 Jag₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ ně₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rē₃cuin₂₃ Diú₄.

2 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁jñia'₅₄ la₂ tsá₃ ma₂ne₄ guē₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃ñia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄ jniog₄ ton'₂ le₃cuin₅ jniog₄ 'a₂ lia'₂ jniái₂.

3 Ca₂le₃jín₃ i₂'ín₂ dsí₅ jág₁ ně₅, jmo₂₃ le₁jě₃ tē₂dsí₅, jui₁lia'₂ le₁jín₃ 'éi₂.

4 Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ guē₃ i₂ca₂i₁juin₅₄ con'₂ lē₅ 'Éi'₃, dso₄ bá₄ jaun₂.

5 Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ñiog₅.

6 Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ guē₄ dso₄. La₁ jui₁lia'₂ i₂caun₂ i₂'nio₄ 'no₅ dso₄ ně₃, tsá₃ ma₂ca₂jág₂, on₃ guē'₂ ma₂ca₂rē₃cui₂₃ ně₃.

7 'Nia'₂ chi'₂-guein₂ quiáng₃, tsá₃ 'ein₂ jui₁jniog₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ñiog₅.

8 La₁ jui₁lia'₂ i₂caun₂ 'no₅ dso₄, i₂quián₅ i₂sē₃dse₃ bá₄ 'éi₂, ia₁ i₂sē₃dse₃ ně₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ ně₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dse₃.

9 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ guē₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄.

10 Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dse₃ ně₃. Ia₁ jui₁'ein₂ guē₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Juijme₁'nió₄ jniog₄ rin'₅₄ le₂jau₂ le₂jau₂

11 Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂.

12 Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂sě₃dsen₃, jaun₂ ca₂jñi'₃ dsó₂ rin'₅₄. ¿'E₂ lě₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'ñiog₅; rin'₅₄ guë'₂ ně₃, a₂dse₃ bá₄ jme₁jmo₂₃.

13 Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ ně₁jua'₂ 'iog₅₄ dsa₂ mi₂güig₃,

14 ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rě₃chóng₃ táng₃ jniog₄ jě₁le₃chong₂ co₂tan₅₄. Ne₄ jniog₄ a₂ně₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂.

15 Ca₂le₃jín₃ jui₁lia'₂ i₂ñia₅₄ rin'₅₄, i₂rě₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsi₂ a₂chain₂ co₂tan₅₄.

16 Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄.

17 Jui₁lia'₂ i₂cha₂ quió'₅ ne₄ gua'₅₄ 'uě₃ la₂, ně₁jua'₂ chan₂ jan₂ rin'₅₄, i₂ñi₅ 'in₂ quió'₅, ně₁jua'₂ tsá₃ ca₂dsia₃ guë'₂ ñéi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tě₁ñiá₄ tě₂dsí₅ a₂'nio₃ Diú₄?

18 'Nia'₂ guein₂ quiáng₃, on₃jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme₁'nió₄ tě₃dsón'₂ rin'₅₄, tě₂le₃ quian'₅₄ a₂léi₄ a₂qui₂rě₂jniá₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tě₂le₃ quió'₅ Diú₄

19 Le₂ně₅ bá₄ ne₄ jniog₄ a₂těi₅ le₃quió'₅ jui₅ dsau₅, jaun₂ guě₄ le₃'éi₁ jniog₄ caun₂ dsi₅ ne₄ Diú₄.

20 La₁ ně₁jua'₂ cha₂ a₂qui₂dsi₂ñi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guě₄ lia'₂ con'₂ guě₄ 'e₂ a₂qui₂dsi₂ñi₅ dsi₅; 'éi₂ bá₄ ñi₅ ca₂le₃jě₃.

21 Le₂ně₅ jaun₂ rin'₅₄ jniog₄ i₂'nióg₃ guě₄ lín₃, chi₂jua'₂ lei₅₄ jniog₄ tě₂dsi₅ guio₅₄ tsá₃ 'e₂ rě₂cáu'₄, caun₂ bá₄ lé₂ le₃'éi₁ jniog₄ dsi₅ ne₄ Diú₄,

22 jaun₂ cuě₃ bá₄ 'éi₂ ca₂le₃jě₃ 'e₂ a₂mi₂, tě₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tě₅ dsí₅.

23 A₂la₂ bá₄ 'éi'₃ quió'₅; a₂le₃'éin₂ jniog₄ tě₂le₃ quió'₅ Jesucristo Ja₁ñi'₅₄, ton'₂ ján₃ guë'₂ jme₁'nió₄ jniog₄ rin'₅₄ le₂jau₂ le₂jau₂. Con'₂ ně₅ bá₄ lě₅ 'éi'₃ quió'₅ ca₂tság₃ jnia'₅₄.

24 Ca₂le₃jín₃ i₂jme₂ti₃ 'éi'₃ ně₅ ně₃, chain₂ le₃quió'₅ 'éi₂; ján₃ guë'₂ le₂jaun₂ 'éi₂ 'ñiog₅ chain₂ ja₁con₂ 'éi₂ ně₃. Le₂ně₅ bá₄ ne₄ jniog₄ a₂guá₅ 'éi₂ tě₂dsi₅ jniog₄: tě₂le₃ quian'₅₄ Jme₂dsi₂ i₂ma₂cuin₃.

4

Jme₂dsi₂ quián₅ Diú₄ quian'₅₄ jme₂dsi₂ i₂'ñia₅₄ Cristo

1 'Nia'₂ guein₂ quiáng₃ i₂'nióg₃ guě₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsi₂ quián₅ Diú₄. Rě₂ de'₂ quion₂ 'nia'₂ 'í₁ quió'₅, chi₂jua'₂ tě₃dsón'₂ lín₅ i₂quián₅ Diú₄. Ia₁ juin₅ dsa₂ jui₁gan₂ ma₂i₂nio₄ qui₂'ě₂ jág₁ mi₂güig₃ la₂.

2 Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsi₂ quián₅ Diú₄: ca₂le₃jín₃ jme₂dsi₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güig₃ la₂, i₂le₂'éi₂ bá₄ lín₅ i₂quián₅ Diú₄.

3 La₁ jui₁'ein₂ guě₃ jme₂dsi₂ i₂tsá₃ jmo₅ jág₁ le₂ně₅ 'iin₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'ñia₅₄ Cristo bá₄ i₂le₂'éi₂, i₂ma₂nei'₂ 'nia'₂ jág₁ a₂jiá₃, i₂ma₂'en₅₄ mi₂güig₃ rě₂ně₃.

⁴ 'Nia₂ chi₂-guein₂ quiáng₃, lín₅ bá₄ 'nia₂ i₂quián₅ Diú₄; ia₁ ma₂ca₂tian₃ bá₄ 'nia₂ dsa₂ i₂tē₂jín₁. Ia₁ i₂'uan₂ lín₃ guě₄ bá₄ Jme₂dsí₂ i₂quian₅₄ 'nia₂, lia₂ con₂ guě₄ i₂quian₅₄ dsa₂ mi₂güí₃.

⁵ Dsa₂ mi₂güí₃ bá₄ 'éi₂, jaun₂ jmá₃ lia₂ ca₂ne₅₄ a₂cha₂ mi₂güí₃ bá₄ jme₂tag₂₃. Jaun₂ lě₃ dsa₂ mi₂güí₃ ně₃ nag₂₃ jág₁ a₂jme₂tag₅ dsa₂ 'éi₂.

⁶ La₁ dsa₂ quián₅ Diú₄ bá₄ lág₅ jniog₄; jaun₂ lě₃, juí₁lia₂ dsa₂ i₂cuín₅ Diú₄ ně₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂ně₅ bá₄ rě₂cuín₅ jniog₄ juí₁lia₂ i₂jniog₅ Jme₂dsí₂ quió₅ jág₁ tí₅. Ján₃ guě₂ le₂jaun₂ rě₂cuín₅ jniog₄ juí₁lia₂ i₂jniog₅ jme₂dsí₂ i₂juí₁gan₂.

Diú₄ bá₄ i₂'nio₃ jniog₄

⁷ Rín₅₄ jniog₄, juí₁jme₁'nió₄ jniog₄ rín₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin₅₄. Ca₂le₃jín₃ i₂'nio₃ rín₅₄ ca₂rě₃cháin₃ tē₂le₃ quió₅ Diú₄, ton₂ cuín₂₃ Diú₄.

⁸ I₂tsá₃ 'nio₃ rín₅₄ ně₃, tsá₃ ma₂ca₂rě₃cuín₂₃ Diú₄, ia₁ Diú₄ lín₅ i₂'nio₃.

⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi₅₄ i₂jan₂ tan₅₄ 'éi₂ mi₂güí₃ la₂.

¹⁰ Le₂la₂ bá₄ lě₅ a₂'nio₃ Diú₄: on₃jua₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'Nio₃ bá₄ Diú₄ ca₂dsia₃ ñéi₂ dsí₅ ca₂rě₃'nio₃. Jaun₂ ca₂chein₃ Ja₁ñi₅₄ ia₁jaun₂ 'éi₂ qui₃ a₂rag₂ jniog₄.

¹¹ Rín₅₄ jniog₄, chi₂jua₂ le₂ně₅ ca₂rě₃'nio₃ Diú₄, ján₃ bá₄ le₂ně₅ ca₂tág₂ jniog₄ jme₁'nió₄ rín₅₄ le₂jau₂ le₂jau₂.

¹² 'I₂jan₂ tsá₃ 'ein₂ ma₂jín₂ Diú₄. La₁ ně₁jua₂ 'nio₃ jniog₄ rín₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton₂ qui₂rě₂'ñia₅ bá₄ tē₂dsi₅ a₂'nio₃ Diú₄.

¹³ Le₂ně₅ bá₄ jau₂ 'í₁ a₂téi₅ jniog₄ tē₂le₃ quió₅ Diú₄, ton₂ 'ein₅₄ tē₂dsi₅ jniog₄ ně₃: ia₁ ma₂cuín₃ Jme₂dsí₂ quián₅.

¹⁴ Jnia₅₄ guio₅₄ ca₂néi₄, jaun₂ jang₂ 'jnia₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi₅₄ a₂ca₂o₃lioin₅₄ dsa₂ mi₂güí₃.

¹⁵ Juí₁'ein₂ guě₃ i₂'ín₅ Jesús, a₂lín₅ 'éi₂ Ja₁ñi₅₄ Diú₄, quian₅₄ bá₄ Diú₄, ton₂ guá₅ bá₄ Diú₄ quiong₅₄ táng₃.

¹⁶ Le₂ně₅ ma₂ca₂rě₃ne₄, ma₂ca₂rě₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rín₅₄ ně₃, chain₂ le₃quió₅ Diú₄, ton₂ chan₂ Diú₄ ja₁coin₂ ján₃.

¹⁷ Le₂ně₅ bá₄ rě₂'ñia₅ ja₁con₂ jniog₄ a₂jme₁'nió₄ jniog₄ rín₅₄, ia₁jaun₂ jē₁ma₂ca₂tē₂ jmíg₄ i₁qui₃dsi₅ Diú₄ 'éi₃, lé₂ le₃'éi₁ jniog₄ caun₂ dsí₅. Ia₁ lág₅ jniog₄ chong₂ mi₂güí₃ la₂ lia₂ lín₅ Jesucristo.

¹⁸ Juí₁lia₂ jē₁'nio₃ dsa₂ riin₅₄, tsá₃ 'e₂ gau₂ cha₂. La₁ juí₁lia₂ jē₁'nio₃ dsa₂ riin₅₄ lia₂ rě₂'ñia₅, quian₅₄ a₂ně₅ jñia₅ a₂gó₅ dsa₂. Ia₁ juí₁lia₂ a₂gó₅ dsa₂, caun₂ jmí₁uig₅ bá₄ jaun₂ rě₂'ě₄ ja₁coin₂. Ia₁ juí₁lia₂ i₂gó₅, tsá₃ ma₂ca₂rě₃'ñia₅ ja₁coin₂ 'a₂lia₂ jme₃'nio₃ riin₅₄.

¹⁹ 'Nio₃ jniog₄ Diú₄ ia₁ 'ñiog₅ de₂ le₂'uig₅₄ ca₂rě₃'nio₃ jniog₄.

²⁰ La₁ ně₁jua₂ chan₂ i₂lín₅₄ juá₂: “Nió₃ jniá₂ Diú₄”, la₁ ně₁jua₂ 'ñia₅₄ bá₄ guě₂ riin₅₄ ně₃, jan₂ dsa₂ tē₂jág₁ bá₄ 'éi₂. Ia₁ ně₁jua₂ tsá₃ 'nio₃ dsa₂ riin₅₄ i₂jín₂, ĉ₂ a₂ bá₄ lia₂ lé₂ jme₃'nio₃ Diú₄ i₂tsá₃ ma₂jín₂?

²¹ 'Nio₃ bá₄ Diú₄ ma₂cuě₃ 'éi₃ la₂: I₂'nio₃ Diú₄, ca₂tíin₂ jme₃'nio₃ riin₅₄ ján₃.

5

Ca₂tían₃ jniog₄ ne₄ cosas 'lig₅₄ a₂jén₅ mi₂güí₃

¹ Ca₂le₃jín₃ i₂'én₂ a₂lín₅ Jesús tē₃dsón₂ I₂rě₂'ín₁ quián₅ Diú₄, lín₅ chi₂-guein₂ quián₅ Diú₄. Juí₁lia₂ ja₁'nio₃ dsa₂ jan₂ dsa₂, ján₃ bá₄ 'nio₃ chi₂ quián₅ dsa₂ 'éi₂.

² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅.

³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ ně₃, on₃jua'₅₄ 'e₂ ŋí₄ guei₂.

⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₄ ne₄ cosas a₂jén'₅ mi₂güig₃.

⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Jñia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ñi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ñi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂jñó₂ jmig₂ ca₂cuē₃ léi₄. Jme₁ca₂jon₃ Jesús, jme₁ca₂i₃'o₅₄ jmí₂ 'ain₅₄ ně₃, ca₂cuē₃ léi₄ táng₃. Quian'₅₄ le₃tín₃ léi₄ ně₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅.

⁷ Ún₂ i₂lín₅ i₂jáng'₅ jág₁ dsau₅ ně₅:

⁸ Jme₂dsí₂ Jñiós₅ i₂jñia₄ jniog₄ tē₂dsí₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmig₂, 'ñiog₅ Jesús ně₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jmí₂ 'ain₅₄. Le₃ún₂ i₂nē₅ caun₂ bá₄ jág₁ lě₅ quió'₅.*

⁹ Guén₅ bá₄ jniog₄ jui₁lia'₂ 'e₂ caun₂ jág₁ dsau₅ jáng'₅ dsa₂ mi₂güig₃, la₁ 'ñio₅ lín₃ gué₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ ně₃, ca₂'ē₃ 'ein₂ lín₅ Ja₁ñi'₅₄.

¹⁰ I₂'én₂ tē₂le₃ quió'₅ Ja₁ñi'₅₄ Diú₄, 'i₄ jág₁ dsau₅ ně₅ tē₂dsí₅. I₂tsá₃ 'én₂ tē₂le₃ quió'₅ Diú₄ ně₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ñi'₅₄.

¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ñi'₅₄.

¹² Dsa₂ i₂quian'₅₄ Ja₁ñi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄ Ja₁ñi'₅₄ Diú₄, tsá₃ jéin'₃.

Toin'₂ jág₁ rñin'₅₄ jē₁ca₂tó'₂

¹³ Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.†

¹⁴ Caun₂ 'ei₅ dsí₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ ně₁jua'₂ 'e₂ caun₂ a₂mi₂ jniog₄ lia'₂ con'₂ lě₅ 'ñio₂ dsí₅, nag₃ bá₄ jág₁ quián₂.

¹⁵ Chi₂jua'₂ ne₄ jniog₄, a₂nag₂₃ jág₁ a₂chilein'₅₄ jniog₄, ne₄ bá₄ jniog₄ ján₃, ně₂jag₄ bá₄ a₂ma₂nē₂guéi₁ 'e₂ mi₂.

¹⁶ Ně₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ ně₁jua'₂ tsá₃ lě₅ dso₄ a₂jio₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂.

¹⁷ Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, jui₁lia'₂ i₂ca₂rē₃chán₃ le₃quió'₅ Diú₄, tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄; ia₁ Ja₁ñi'₅₄ Diú₄ bá₄ jmo₅ 'í₁,‡ jaun₂ tsá₃ téi₂ i₂sē₃dsen₃ gu₂.

* **5:8** A₂lín₅₄ chog₅₄ si₂ a₂ca₂lě₃ cang₂ quian'₅₄ jág₁ jmei₅ latín, juá'₂ le₂la₂: "i₂jáng'₅ jág₁ dsau₅ ně₅ guei'₅₄ i₂juig₃: Diú₄ Jmei₂, Ja₁ñi'₅₄ i₂lín₅ jág₁ quió'₅, quian'₅₄ Jme₂dsí₂ Jñiós. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃." † **5:13** A₂lín₅₄ chog₅₄ si₂ a₂ca₂lě₃ cang₂ gué₄, juá'₂ ján₃: "ton'₂ ia₁jaun₂ le₃'éng₂ le₃quió'₅ Ja₁ñi'₅₄ Diú₄." ‡ **5:18** o₃, "jui₁lia'₂ i₂ca₂rē₃chán₃ le₃quió'₅ Diú₄, jmo₂₃ 'í₁ 'ñiog₅."

19 Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rë₂'i₄ bí₂ quió'₅ i₂së₃dsen₃ ta₁caun₂ mi₂güí₃.

20 Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi'₅₄ Diú₄ a₂jme₃tag₂₃ ia₁jaun₂ le₃ñág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ñi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuë₅ a₂le₃chan₂ dsa₂ co₂tan₅₄.

21 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂në₅.

Si₂ carta jë₁ca tẽ₂ tin₃ a ca jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme'₃ nio₃ dsa₂ rin'₅₄

¹ Jniá₂ i₂ling₅ gui'₅₄ juin'₂ quián₅ guá'₅ jmo₂₃ si₂ la₂ tsing₂ ne'₅₄ 'ne₂ 'io₅₄* rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂nióg₃ gué₄ lin₃. On₃jua'₅₄ jmá'₃ jniá'₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅.

² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂tẽ₁ 'ñiá₄ tẽ₂dsi₅ jniog₄, ton'₂ jiog₅ co₂tan₅₄ ja₁con₂ jniog₄.

³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, jui₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'noi₃ 'nia'₂.

⁴ 'Ñio₅ tẽ₅ dsi₃ ia₁ ma₂jing₅₄ i₂lin₅₄ chi'₂ quiáng'₂ tián'₅ bá₄ lia'₂ con'₂ lẽ₅ jág₁ tí₅, lia'₂ con'₂ lẽ₅ juá'₂ Diú₄ Jmei₂ jniog₄, 'éi'₃ a₂ma₂cuẽ₃.

⁵ Nẽ₃ nẽ₃ 'io₅₄ rin'₅₄ jniog₄, mi₅ jniá₂ juig'₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄.

⁶ Le₂nẽ₅ bá₄ jme₁'nió₄ jniog₄ rin'₅₄: a₂i₂nió₄ jniog₄ lia'₂ con'₂ lẽ₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güig'₃ bá₄ i₂nió₄ juin₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'ñia₅₄ Cristo nẽ₃.

⁸ Jmo₄ 'nia'₂ 'í₁ ia₁ jaun₂ tsá₃ lẽ₅ dsi₃ 'én₂ ta₁ quián'₂ 'nia'₂ a₂jmo₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuẽ₃ Diú₄.

⁹ Ia₁ jui₁'ein₂ guẽ₃ i₂dsi₂ñiá₄ jmo₂₃ ñag₅₄ guẽ₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lẽ₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guẽ'₂ quian'₅₄ bá₄ Ja₁ñi'₅₄ Diú₄ nẽ₃.

¹⁰ Nẽ₃ jua'₂ chan₂ i₂ca₂dsióg₃ ja₁con'₂ 'nia'₂, la₁ nẽ₃ jua'₂ tsá₃ jme₂tag₂₃ lia'₂ con'₂ lẽ₅ jág₁ nẽ₅, tsá₃ lẽ₁guéin₅ 'nia'₂ dsi₂néi₂ quiáng'₂, ca₂lia'₂ ñia₅₄ Diú₄ tsá₃ 'nió'₅ cuíin'₄ 'nia'₂.

¹¹ Ia₁ nẽ₃ jua'₂ chan₂ i₂ca₂cuin₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsáu₅ 'éi₂.

Jág₁ jë₁ca₂tó'₂

¹² 'Lióng₂ bá₄ jág₁ a₂'nió₃ jniá₂ juig'₅₄ 'nia'₂, la₁ tsá₃ 'nió₃ jniá₂ jua'₅₄ a₂juá'₄ tẽ₂le₃ quian'₅₄ si₂, on₃ guẽ'₂ quian'₅₄ jmi₁jnë₂. Ia₁ 'ín₂ dsi₃ jniá₂ dsióg₄ bá₄ 'ñió₃ ia₁ jaun₂ dsiá₁ jniog₄ jág₁ dsi₁ne₁, ia₁ jaun₂ le₃ 'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuin₂₃ Diú₄ 'nia'₂.

Co₂nẽ₅.

* **1:1** I₂lin₅₄ tẽ₅sí₃ ñí'₂ dsí₅ jui₁lia'₂ jág₁ nẽ₅, co₂'nió'₄ tẽ₂ guá'₅ nẽ₃ jag₄ bá₄ jan₂ 'io₅₄; chi'₂ quián₅ guẽ'₂ nẽ₃, co₂'nió'₄ dsa₂ i₂tén₅ guá'₅.

Si₂ carta jë₁ca tẽ₂ 'ni₅ a₂ca₂jmo₃ SAN JUAN

Dsia₅ dsa₂ dse₃ 'in₂₃ Gayo

¹ Jniá₂ gui₅₄ juin₂ quián₅ guá₅, jmo₂₃ si₂ tsíng₂ ne₅₄ 'ne₂ Gayo a₂mei₅₄ quiáng₃, ia₁ tẽ₃dsón₂ bá₄ 'nióg₃ 'ne₂.

² Chi₁len₄ jniá₂ Diú₄ o₄quián₂ 'ne₂ rin₅₄ jniog₄, ia₁jaun₂ jmo₃ le₃chang₂ dse₃. Jui₁'ei₅ bá₄ dse₃ 'au₂ ján₃, jui₁lia₂ 'ei₅ 'au₂ tẽ₂le₃ quian₅₄ jme₂dsí₂ quiáng₂.

³ 'Nio₅ lin₃ 'io₂ jéin₅ jniá₂ jme₁ca₂o₃lén₂ i₂lin₅₄ rin₅₄ jniog₄. 'Éi₂ ně₃ ca₂dsia₃ 'a₂lia₂ dse₃ ma₂chang₂ rẽ₂teng₅₄ lia₂ con₂ lẽ₅ jág₁ tí₅.

⁴ 'Icaun₂ a₂siá₂ tsá₃ cha₂ jua₅₄ a₂lé₂ le₃jmo₃ 'ag₃ dse₃ dsí₃ 'io₂ jéin₅, jñia₅₄ lia₂ a₂le₃guion₅₄ a₂i₂nio₄ bá₄ chi₂-guein₂ quiáng₃ lia₂ con₂ lẽ₅ jág₁ tí₅.

⁵ A₂mei₅₄ quiáng₃, caun₂ a₂rẽ₂tí₅₄ bá₄ jaun₂ a₂jmo₂ 'ne₂ jme₁cuẽ₂ 'gog₂-tag₅₄ o₄quió₄ rin₅₄ jniog₄, o₁jñia₅₄ tsá₃ cuiin₂.

⁶ Tẽ₃ ja₁le₁ñi₂ guá₅, ma₂ca₂jáng₃ 'éi₂ jág₁ dsau₅ 'a₂lia₂ ñi₄ lẽ₃ 'nió₁'₃. Jmo₄ dse₃ 'au₂ jme₁oin₁₂ a₂'nió₅ quió₅, ia₁jaun₂ caun₂ dsí₃lén₂ bá₄ ne₄ jui₅ ja₁tioin₅₄ jui₅ dsí₁lén₂. Jmo₄ a₂tẽ₅ dsí₅ Diú₄.

⁷ Ia₁ tioin₅₄ jui₅ i₂lén₂ dsí₃jmo₂ ta₁ quió₅ Jesucristo, la₁ tsá₃ 'e₂ ma₂gue₃ 'i₁caun₂ quió₅ dsa₂ i₂tsá₃ 'én₂.

⁸ Jaun₂ lẽ₃, jniog₄ ně₃ ca₂tág₂ dsia₁ gu₂, jme₁oin₁₂ a₂dsí₁lén₂ ja₁tioin₅₄ jui₅ dsí₃ 'ẽ₃ jág₁ tí₅ quió₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá₅. La₁ Diótrefes tsá₃ gue₂₃ 'éi₃ quián₂ jnia₅₄, ia₁ 'nio₃ jme₃góin₃ 'ñiog₅ jmo₃ juin₂ cán₂ ne₄ jui₅ quió₅ guá₅.

¹⁰ Jaun₂ lẽ₃, ně₁jua₂ ca₂ñó₃ jniá₂, i₁jéin₂ ia₁ 'e₂ lẽ₃ jmo₂₃ jág₁ tẽ₂jág₁ 'ag₂₃ jnia₅₄. Tsá₃ mag₂ bá₄ guẽ₄ dsí₅ a₂jaun₂, ia₁ ján₃ bá₄ tsá₃ guein₂₃ rin₅₄ jniog₄ i₂dsí₂lén₂ ně₃; qui₂jné₅ bá₄ ně₁jua₂ chan₂ guẽ₂ i₂'nio₃ guei₃, 'uñin₂ bá₄ 'éi₂ jẽ₄ quió₅ guá₅.

¹¹ Rin₅₄ jniog₄, tsá₃ can₂ 'nia₂ jui₅ 'lig₅₄ quió₅ 'éi₂. Jmo₄ 'nia₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig₅₄ ně₃, tsá₃ ma₂ca₂rẽ₃cuiin₂₃ Diú₄.

Caun₂ jui₅ dse₃ a₂rẽ₂jniá₂ ñi₅ Demetrio

¹² Ca₂le₃jín₃ bá₄ juá₂ dse₃ 'in₂₃ Demetrio. Ia₁ rẽ₂jniá₂ bá₄ 'a₂lia₂ ñi₂₃. Le₂nẽ₅ bá₄ jnia₅₄ ně₃, dsia₂ jág₁ dse₃ 'in₅ 'éi₂, jaun₂ ñi₅₄ 'nia₂, dsau₅ bá₄ jág₁ a₂jang₂ jnia₅₄.

Jág₁ jẽ₁ca₂tó₂

¹³ 'Lióng₂ bá₄ jág₁ 'nio₃ jniá₂ juá₄, la₁ tsá₃ 'nio₃ jmo₅₄ quian₅₄ jmi₁jné₂ on₃ guẽ₂ quian₅₄ pluma;

¹⁴ ia₁ 'in₂ dsí₃ jniá₂ jag₅₄ dsí₁ne₁ ñi₅₄ ta₁ la₂ ia₁jaun₂ dsia₁ jág₁.

¹⁵ Jui₁chang₂ bá₄ 'ei₅ tei₄ 'au₂. Dsa₂ a₂mei₅₄ quiáng₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁nẽ₅.

Co₂nẽ₅.

Si carta a ca jmo JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂tě₄ i₂'nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo.

² Jui₁le₂tsón₂ bá₄ ja₁con'₂ 'nia'₂ a₂ηéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tějág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nióg₃, lě₂ dsí₃ 'ηio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quin'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅.*

⁴ Ia₁ ma₂ca₂i₃ton'₅₄ i₂lín₅₄ con'₂ tē₃co'₅₄ jě₄ quián'₂ 'nia'₂, dsa₂ i₂ma₂ja₂lén₂ rě₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuin₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsá₅ a₂'lig'₅₄ a₂ja₂ dsí₅; tsá₃ tioen₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ηi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsiog'₂ 'au'₂, ia₁ lia'₂ con'₂ jme₁ca₂'uín'₂ Te₁gui'₅₄† dsa₂ juig₂ Israel ma₂líg'₂ lia'₂ con'₂ jme₁tioin'₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃.

⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂lí'₃ ta₁ a₂jme₁lín₄, tě₂le₃ ca₂tí₂ bá₄ ja₁jme₁tiáin'₄. 'Éi₂ ně₃ rě₂ně₃ tioen'₅₄ le₁jní₅ jě₄ qui₁né'₃, ja₁ma₂le₁ηei'₅₄ co₂tan₅₄ quian'₅₄ ηi₁ cadenas, lě₅ 'í₁ quió'₅ Jmig₄ Juè'₂ jaun₂.

⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jě₃ guě₄ juig₂ i₂jén₂ ma₂quián₅ jaun₂, ca₂jín'₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂l₃lén₂ chi₁co'₅₄ quió'₅ a₂'ín₅ dsí₅ ni₁ηi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ηág₅ jě₄ si₂ a₂jio₅ co₂tan₅₄ a₂ca₂gue₃ jaun₂, 'ě₂ jág₁ ja₁con₂ dsa₂ i₂chan₂ jmig₄ ně₃.

⁸ Le₂ně₅ bá₄ ján₃, tě₂le₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ió₃ ni₁ηi₁ guioin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄.

⁹ Ia₁ ca₂lia'₂ ηia'₅₄ ángel Mi₂gue₅₄ i₂lín₅ i₂dsen₅₄ guě₄ quián₅ Diú₄, lia'₂ con'₂ jme₂ca₂tsíin₂ quian'₅₄ i₂sě₃dsen₃ ne₄ o₄quió'₄ ni₁ηi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tě₂le₃ ca₂juá'₂: “Te₁gui'₅₄ bá₄ jui₁qui₂dsí₅ 'éi'₃ ja₁cong'₂.”

¹⁰ La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, tě₃ tsá₃ ma₂ηi₅ rě₂; jmo₂₃-dsá₅ lia'₂ ja₁jmo₅ já'₂ náu₂ i₂tsá₃ 'e₂ ηi'₂ dsí₅, ia₁ jui₁lia'₂ a₂cuí'₅ con'₂ lě₅ a₂ηi'₂ dsí₅ guioin₅₄ a₂cha₂ mi₂güig₃ la₂, quian'₅₄ a₂jaun₂ bá₄ dsí₃'éin₂.

¹¹ ¡E₂ guě₄ juig₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁nioi₁₂ tě₂le₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂l₃'éin₂ jui₁lia'₂ ca₂l₃'én₂ Coré‡ jme₁ca₂nau₂ quein₅.

* 1:3 lit. “dsa₂ jnió₅.” † 1:5 A₂lín₅₄ chog₅₄ si₂ a₂gui'₅₄ guě₄: “Jesús.” ‡ 1:11 Core: 'Í₂ Números 16.

12 Co₂'nió'₄ caun₂ 'mé'₅ a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ quē'₂ jmo'₂ 'nia'₂ jmig₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂guē'₅ qui₂'ín'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jñia'₅₄ con'₂ dse₃ jme₂tain₅₄ guioin₅₄ bá₄. Lín₅ jui₁lia'₂ lē₅ jnei₅ a₂lē₁qui₂ñag₅ quian'₅₄ dsí₂ tsá₃ 'e₂ jmí₅ cha₂ guē'₂; o₃ lín₅ táng₃ jui₁lia'₂ ni₁'ma₂ a₂lē₁le₁dsi₅₄ tó'₅ lí₁ jein₂ quió'₅, la₁ tsá₃ 'e₂ mīg₂ cha₂ guē'₂ jaun₂ ně₃. Lín₅ co₂'nió'₄ ni₁'ma₂ a₂ma₂ca₂cang₅ le₂jio₅ jmú₄, le₃jua'₅₄ a₂ma₂quian₅ tin₃ ne₅₄ 'mú₃.

13 Lín₅ jui₁lia'₂ lē₅ jmig₂ a₂lē₁qui₂jñá'₅ tiá₂ ne₄ jmi₁ñí'₄ a₂ráun₂ quian'₅₄ dsí₂, quile₁'ág₄ ne₄ jan₅ ca₂le₃jě₃ a₂lē₁'iog₅ o₂guí'₃ quió'₅. Tioin'₅₄ jui₅ i₂nioi₅₄ lín₅ jui₁lia'₂ lē₅ nei₅ a₂lē₁ma₂i₂nio₄, tsá₃ ma₃jui₅ co₂dsau₅ le₁quian₅. Ma₂tioin'₅₄ jui₅ a₂dsi₁lein₃ jē₄ qui₁né'₃ 'ñio₅ lín₃, ja₁ma₂lē₅ co₂jñia₅₄ ja₁dsi₁toin'₄ co₂tan₅₄.

14 Le₂jaun₂ bá₄ Enoc ján₃, dsa₂ i₂jē₁ca₂tē₂ jñé₂ tsi₁jon₂ Adán i₂ca₂rē₃chán₃; 'éi₂ ca₂'ē₂ jág₁ tē₃jñiá₅ ca₂'iin₃ dsa₂ le₂'éi₂ jme₁ca₂juá'₂: "Ca₂jñing₅₄ Te₁gui'₅₄ jóin'₅ ca₂sióin₃ quiain'₅₄ tē₂le₃ mei₅ bá₄ i₂jñi₅ quiain₅,

15 a₂qui₃dsi₂₃ 'éi'₃ ne₄ quió'₅ ca₂le₃jín₃, a₂'liain'₃ ca₂le₃jín₃ dsa₂ 'lín'₅₄, ne₄ 'uig₅₄ ca₂le₃jě₃ ne₅₄ a₂'lig'₅₄ a₂qui₂ma₂jmo₃, ne₄ ca₂le₃jě₃ jág₁ lē₁'iog₅ a₂qui₂ma₂'iin₃ Diú₄ ně₃."

16 Dsa₂ le₂'éi₂ ně₃ ca₂le₃jě₃ bá₄ 'i₄ dsí₅ jmo₂₃, qui₂'no'₂ dsáu₁ dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guioin₅₄ bá₄ 'no'₂. Tñin₂ dsia₃ jmá'₃ lia'₂ jág₁ tá'₅, ton'₂ 'ñioi₅₄ 'a₂ lia'₂ jme₃'uáin₂ dsí₅ dsa₂ ia₁jaun₂ lí'₂ 'e₂ a₂'nio₃.

Ě₂ guē₄ jág₁ tē₃jñiá₅ tsí₅ dsa₂ 'én₂

17 La₁ 'nia'₂ ně₃ rin'₅₄ jniog₄, jui₁dsiog'₂ 'au'₂ 'nia'₂, ca₂le₃jě₃ jág₁ a₂ma₂cuē₃ dsa₂ i₂chen₄ quián₅ Te₁gui'₅₄ Jesucristo quián₂ jniog₄,

18 ca₂juá'₂ ca₂tsí'₃ 'nia'₂: "Jmig₄ jē₁ca₂tó'₂ le₃chan₂ dsa₂ i₂jñia'₅₄ lē₁qui₃táun₂ 'lig'₅₄, a₂le₃chain₂ tiain'₃ con'₂ lē₅ mī₅ dsí₅ guioin₅₄, ia₁ tsá₃ Diú₄ cui₂₃."

19 Dsa₂ le₂'éi₂ bá₄ i₂jmo₃ le₁dson'₅₄ 'nia'₂; i₂nioi₅₄ con'₂ dsí₂jio₅ dsí₅ guioin₅₄, tsá₃ Jme₂dsí₂ quián₅ Diú₄ quiain'₅₄.

20 La₁ 'nia'₂ ně₃ rin'₅₄ jniog₄, caun₂ jui₁dsi₂cón'₃ bá₄ 'nia'₂ quian'₅₄ a₂'éng'₂ a₂lē₅ a₂jñi₅ guē₄ lín₃. Chi₁len'₅₄ 'nia'₂ Diú₄ con'₂ lē₅ jio₅ Jme₂dsí₂ Jñi₅.

21 Jui₁chan'₂ bá₄ 'nia'₂ lē₅ 'í₁ ja₁'nio₃ Diú₄ 'nia'₂; quile₁jan'₄ a₂dsia₃ ñéi₂ dsí₅ Te₁gui'₅₄ Jesucristo quián₂, ca₂lia'₂ ca₂tē₂ jmig₄ i₁cuē₃ ja₁le₃chan'₂ 'nia'₂ co₂tan₅₄.

22 Dsia₄ 'nia'₂ ñéi₂ 'au'₂ ja₁con₂ jui₁lia'₂ dsa₂ i₂quile₁'ág₄ caun₂-tñ₃ dsí₅,

23 lion₅₄ 'nia'₂ i₂lín₅₄ ně₂jag₄ bá₄ a₂'uain'₅₄ jē₄ si₂. Dsia₄ 'nia'₂ ñéi₂ 'au'₂ ja₁con₂ i₂sián'₂, tē₃ gang'₃, tē₃ 'ñiag'₅₄ ca₂le₂jio₅ ni₁tsin'₅₄ a₂rē₂'ió₄ quian'₅₄ ni₁ñi₁₂.

Jág₁ a₂rē₂juñ'₂ Diú₄ jē₁ca₂tó'₂

24 Ně₃ ně₃, tē₂le₃ quió'₅ i₂qui'₅₄ jmig₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jñiai₂₃ 'nia'₂ ján₃, ja₁jlá'₁ lín₃ ja₁guá₄ Diú₄ a₂tsá₃ ma₂'e₂ dso₄ rē₂cáng'₄, ja₁jíá₃ 'au'₂ 'nia'₂ 'io'₂ jén'₂ guē₄ lín₃,

25 le₃quió'₅ Diú₄ i₂jan₂ tan₅₄ [i₂ñí'₂ dsí₅]§ i₂li₂o₂ jniog₄, i₁'éi₂ bá₄ i₂ca₂tñ₂ ca₂le₃jě₃ ti₁'mag'₄, ca₂le₃jě₃ a₂jme₂juag'₂ dsa₂, ca₂le₃jě₃ guē₄ jui₅bí₂, ca₂le₃jě₃ 'éi'₃ ně₃, [tē₂le₃ quian'₅₄ Jesucristo Te₁gui'₅₄ quián₂ jniog₄],* ca₂le₃jě₃ jmig₄ ja₁ma₂já₅, jmig₄ rē₂ně₃, lia'₂ co₂tan₅₄ ně₃! i₂A₂méi₃!

Co₂ně₅.

§ 1:25 Chog₅₄ si₂ a₂dse₃ guē₄ tsá₃ le₁ton₅ jág₁ ně₅.

* 1:25 A₂lín₅₄ chog₅₄ si₂ tsá₃ le₁ton₅ jág₁ ně₅.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄.

² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₁ jág₁ a₂chi₁ton₅, ia₁ ma₂ja₂quián₃ jmig₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmig₄ ně₃, i₂jme₁lín₄ tián₂ le₂jniá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsi₂ i₂tion'₅₄ le₃ne₄ ne₄ ta₁ ja₁guá₄;

⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃ 'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ŋiog₅;

⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tíin₂ jme₃juag'₂ dsa₂, ca₂tíin₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güig₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jaun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂güig₃

⁹ Jniá₂ Juan₅₄, lín₅ rín'₂ 'nia'₂, ia₁ quein'₅₄ jniog₄ co₂dsia₅ ŋag₄ uig₅, le₂jaun₂ chi₁jnia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsí₅ le₃quió'₅ Jesús. Jme₁'eng₅₄ rě₂jní₅ caun₂ 'uě₃ a₂rě₂quí'₅ jě₄ jmi₁ŋí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ě₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuě₃ jniá₂ jág₁ dsau₅ 'íng₅ Jesucristo.

¹⁰ Co₂ráun₂ ně₃ co₂jmig₄ quió'₅ Te₁gui'₅₄ ja₁'eng₅₄ jaun₂, ca₂lě₃ a₂jme₁'en₅₄ jniá₂ le₃quió'₅ Jme₂dsí₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jě₁i₂'ein₅₄ ŋí₁ trompeta,

¹¹ ca₂juá'₂ tság₅ jniá₂:

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

—Jniá₂ bá₄ 'éi₂ i₂líng₅ le₂'uig₅₄ jui₁lia'₂ letra Alfa jē₁ca₂rē₃lióg₃; jniá₂ bá₄ 'éi₂ i₂líng₅ jē₁ca₂tó'₂ ně₃ jui₁lia'₂ letra Omega. Ne₄ si₂ rē₂bín₅, tióng₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uē₃ Asia, co₂'nió'₄ le₃jua'₅₄ quió'₅ guá'₅ i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹² Ca₂jen'₄ jniá₂ jaun₂ ně₃, a₂jing₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂.

¹³ Jē₄ ta₁guio₃ mi₂tag₄ si₂ jaun₂ ně₃, jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃, † i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rē₂jén'₅ le₁dsí₅ guē'₂ ně₃, jme₁lě₄ jmá'₃ cu₄nióg₄.

¹⁴ Jni₂ dsi₅₄ guē'₂ ně₃, jme₁tiog₂ lia'₂ ja₁tiog₂ njí₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guē'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂.

¹⁵ Mi₂tag₅₄ guē'₂ ně₃ jme₁jniá₂ tág₅ lia'₂ lě₅ jmá'₃ ni₁ni₁ nióg₂ a₂rē₂ta₄ a₂ma₂jmág₂ né'₃ táu₃ si₂. Jág₁ quió'₅ guē'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. §

¹⁶ Gu₂ ne₁ guē'₂ ně₃ jme₁chan'₂ guio₃ nei₅; mi₂'o₅₄ guē'₂ ně₃ jme₁jniá₂ 'ia₂ lia'₂ lě₅ caun₂ ni₁tág₂ chen'₂ a₂'mu₃ le₃tín₃ ton₂. Ne₅₄ guē'₂ ně₃ tág₅ jmá'₅, jui₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió'₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jē₁ca₂tó'₂.

¹⁸ Jniá₂ bá₄ 'éi₂ i₂chan₂; jme₁rē₂'lín₄ bá₄ jniá₂, la₁ jja₄! ma₂chang₂ bá₄ táng₃ ca₂le₃jě₃ jmig₄, ca₂lia'₂ co₂tan₅₄. * Jniá₂ bá₄ chan'₄ ní₁ llaves quió'₅ 'mú₃ quian'₅₄ guē'₂ tau₂ 'nio₅. †

¹⁹ Jaun₂ lě₃, ne₄ si₂, tióng₅ jui₁lia'₂ 'e₂ a₂ně₂jag'₅₄, 'a₂ lia'₂ niog₅ lě₅ rē₂ně₃ quian'₅₄ guē'₂ a₂ně₃ guē'₄ niog₅ lě₂.

²⁰ A₂la₂ bá₄ jág₁ dsau₅ a₂jme₁rē₂'ma₄ le₂jniá₅: jui₁lia'₂ guio₃ nei₅ a₂ně₂jag'₅₄ chi₁chan'₄ gu₃ ne₁, quian'₅₄ guē'₂ ta₁guio₃ tag₄ a₂lě₅ quian'₅₄ cu₄nióg₄ ja₁le₁guí'₂ si₂. Jáng'₅ jág₁ ta₁guio₃ nei₅ co₂'nió'₄ guion₃ dsa₂ i₂l₃quian₄ jág₁ † quián₅ ta₁guion₃ guá'₅; guio₃ tag₄ ja₁le₁guí'₂ si₂ guē'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅: Jág₁ a₂no₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian'₅₄ gu₂ ne₁, i₂ni₅ jē₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂:

² Guion₄ bá₄ jniá₂ ca₂le₃jě₃ ta₁ 'ua'₂ a₂jmo₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ ján₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ ján₃ 'a₂ lia'₂ ma₂quion'₂ 'í₁ ja₁con₂ dsa₂ i₂ni₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guē'₂ lín₅. Ma₂ca₂jme₁jniai'₂ a₂lín₅ dsa₂ tē₂jín₁.

³ Juin'₂ bá₄ 'au'₂ líng₅ ma₂ja₂nóg₅ qui₂ngag'₅₄ uig₅ jmo'₂ ta₁ 'nio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guē'₄ caun₂ ja₁cong'₂, a₂tsá₃ tē₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁.

⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Jui₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ ně₁juá'₂ tsá₃ le₂jaun₂ ně₃,

‡ **1:13** 'Nio'₂ ja₁ton₅ Daniel 7:13. § **1:15** o₃, "lia'₂ né'₂ 'lióng₂ jmig₂." * **1:18** A₂lín₅₄ chog₅₄ si₂ juá'₂ ján₃, "A₂méis." † **1:18** griego: hades, co₂'nió'₄ a₂juá'₂, ja₁quió'₄ 'lag₄. ‡ **1:20** griego: ángeles, co₂'nió'₄ i₂quian₅ jág₁. 'Nio'₂ ja₁ton₅ "ángel" ne₄ glosario.

ŋi' 54 ta 1 la 2 dsióg 4 i 1jñiá' 3 tag 4 si 2 quiáng' 2 ja 1 chí' 4, nē 1jua' 2 tsá 3 ca 2jme 1 tsíng' 4 'au' 2.

⁶ Jñia' 54 lia' 2 caun 2 a 2dse 3 la 2 bá 4 cha 2 ja 1 cong' 2: a 2'ñia' 54 'nia' 2 'a 2 lia' 2 lě 5 jmo 5-dsá 5 dsa 2 nicolaítas, a 2jaun 2 bá 4 'io 4 guē' 2 jniá 2 ján 3.

⁷ Jui 1 lia' 2 i 2le 1 dsi 54 rē 2 gua 4, jui 1 nei 54 a 2juá' 2 Jme 2 dsí 2 tsí' 5 ca 2le 3jín 3 guá' 5. Jui 1 lia' 2 i 2ca 2tió' 3, ŋei 2 guē' 3 míg 2 'ma 2 a 2chan 2 dsa 2 co 2tan 54, a 2chí' 5 Ja 1jlá' 1* quió' 5 Diú 4.

Jág 1 a 2ñó 3 ne 4 guá' 5 chan 2 Esmirna

⁸ Jmo 4 si 2 ne 4 dsa 2 i 2'ě 2 jág 1 guá' 5 i 2chan 2 juig 2 Esmirna chei' 54 le 2la 2:

Le 2la 2 juá' 2 i 2le 2'ui 54, i 2lín 5 jē 1ca 2tó' 2 guē' 2 táng 3; i 2ca 2jon 3 'éi 2, i 2ma 2ca 2jen' 54 guē' 2 táng 3:

⁹ Guion 54 bá 4 ca 2le 3jē 3 'a 2 lia' 2 lě 5 chang' 2 ŋag' 54 uig 5, ton' 2 a 2te 2ñég' 2 guē' 2 ján 3. La 1 on 3jua' 54 a 2dsi 2jó' 3 te 2ñég' 2 jme 1né 4, ia 1 chang' 2 bá 4 dse 3 ján 3. Guion 54 bá 4 ján 3 'a 2 lia' 2 'ag 5 'lig' 54 dsa 2 i 2juá' 2 lín 5 judíos, la 1 tsá 3 guē' 2 lín 5. Dsa 2 i 2tén 5 guá' 5 sinagoga quió' 5 Satanás bá 4 'éi 2.

¹⁰ Tsá 3 jmo 2 'nia' 2 gang' 3 'e 2 niog 5 a 2dsi 1ñíg' 2, ia 1 tsáun' 2 i 2sē 3dsen 3 toin' 2 né' 3 'má 3 i 2lín 54 'nia' 2 co 2'nió' 4 a 2caun 2 táu 2, jaun 2 ŋag' 54 'nia' 2 uig 5 guia 3 jmig 4. La 1 tiá 2 nau 2 'nia' 2 o 1jñia' 54 ca 2quín 2 'mú 3, ia 1 jniá 2 bá 4 cuē 54 ja 1le 3chan' 2 'nia' 2 co 2tan 54 co 2'nió' 4 caun 2 corona.

¹¹ Jui 1 lia' 2 i 2le 1 dsi 54 rē 2 gua 4, jui 1 nei 54 a 2juá' 2 Jme 2 dsí 2 tsí' 5 ca 2le 3jín 3 guá' 5. Jui 1 lia' 2 i 2ca 2tió' 3, 'i 1caun 2 uig 5 tsá 3 jén' 4 jē 1ca 2tē 2 tin 2 'mú 3.

Jág 1 a 2ñó 3 ne 4 guá' 5 chan 2 Pérgamo

¹² Jmo 4 si 2 ne 4 dsa 2 i 2'ě 2 jág 1 guá' 5 i 2chan 2 juig 2 Pérgamo, chei' 54 le 2la 2:

Le 2la 2 juá' 2 i 2'io 5 ŋi 1tág 2 'mu 3 le 3tin 3 ton 2:

¹³ Guion 4 bá 4 jniá 2 ja 1tián' 5 'nia' 2, † ja 1lě 4 ne 4ta 1 ja 1gon 2 Satanás. La 1 lia' 2 tion' 2 jaun 2 bá 4 'nia' 2 tiá 2 quian' 54 jág 1 quió 3. Tsá 3 ma 2tí' 3 a 2'éng' 2 le 3quió 3, ca 2lia' 2 jñia' 54 jmig 4 lia' 2 con' 2 jme 1ca 2jñi' 3 dsa 2 Antipas, dsa 2 i 2rē 2ti' 54 quiáng 3 i 2jme 1jáng' 5 jág 1 dsau 5, ca 2lě 3 jē 4 quián' 2 'nia' 2, caun 2 juig 2 ja 1guá 4 Satanás.

¹⁴ La 1ia 1 cha 2 a 2lín 54 ja 1cong' 2, a 2tsá 3 tē 5 dsi 3: jē 4 nē 5 quián' 2 'nia' 2 tion' 54 i 2lín 54 i 2tsá 3 tí 2 a 2'lig' 54 lia' 2 jme 1jmo 5 Bala'ama a 2ca 2toin' 2 jág 1 ca 2tsí' 3 Balac ‡, ca 2jmo 3 ca 2tsi 1sén' 2 dso 4 dsa 2 israelitas a 2ca 2guē' 3 má 3 a 2rē 2jen' 54 ne 4 diú 4 lag 4 quián 5; ca 2jmo 3 ca 2can 3 dsa 2 'éi 2 jui 5 qui 2ca 2nió' 3 jág 1 'lig' 54.

¹⁵ Le 2nē 5 bá 4 ján 3, tion' 54 jē 4 quián' 2 'nia' 2 i 2lín 54 i 2jme 2tag 5 jág 1 quió' 5 dsa 2 nicolaítas.

¹⁶ Jui 1 dsi 2quén' 5 'au' 2 jaun 2 nē 3; ia 1 nē 1jua' 2 tsá 3 ca 2tion' 2 'nia' 2 jui 5, ŋi' 54 ta 1 la 2 dsióg 4 jniá 2 ja 1cong' 2 i 1quíng' 3 quian' 54 dsa 2 'éi 2 quian' 54 ŋi 1tág 2 a 2'ia 2 mi 2o 3.

¹⁷ Jui 1 lia' 2 i 2le 1 dsi 54 rē 2 gua 4, jui 1 nei 54 a 2juá' 2 Jme 2 dsí 2 tsí' 5 ca 2le 3jín 3 guá' 5. Jui 1 lia' 2 i 2ca 2tió' 3, ŋei 2 maná a 2rē 2'ma 4, ton' 2 ŋei 2 jma 3ca 2míg 2 ni 1cang 1 tiog 2 ja 1chi 1ton 5 jág 1 'mí 2 'a 2 lia' 2 chein 2, a 2tsá 3 'ein 2 cuí' 5; jmá' 3 lia' 2 con' 2 i 2gue 3 bá 4 ŋí' 2.

Jág 1 a 2ñó 3 ne 4 guá' 5 chan 2 Tiatira

¹⁸ Jmo 4 si 2 ne 4 dsa 2 i 2'ě 2 jág 1 guá' 5 i 2chan 2 juig 2 Tiatira, chei' 54 le 2la 2:

Le 2la 2 juá' 2 Ja 1ñi' 54 Diú 4 i 2tág 5 jme 1ne 12 lia' 2 tág 5 jo' 54 si 2, i 2lě 5 mi 2tag 4 lia' 2 lě 5 ŋí 1 níog 2 a 2rē 2ta 4:

* **2:7** griego: paradeiso (Paraíso). † **2:13** A 2lín 54 chog 54 si: "Guion 54 bá 4 ca 2le 3jē 3 'e 2 a 2jmo' 2, ján 3, bá 4 guion 54 ja 1tián' 5 'nia' 2." ‡ **2:14** Bala'am, Balac: 'Nio' 2 ja 1ton 5, Números 23 - 24.

19 Guion₅₄ bá₄ ca₂le₃jě₃ 'e₂ a₂jmo'₂, 'a₂ lia'₂ 'nióg'₃ ríng'₂, 'a₂ lia'₂ lě₅ a₂'éng'₂ ně₃, ta₁ quiáng'₂ a₂jme₂tí'₁, juin'₂ bá₄ 'au'₂ chang'₂ ně₃; guion₄ bá₄ jniá₂, 'nio₅ guě₄ jmo'₂ 'nia'₂ lia'₂ con'₂ guě₄ le₂ne₁.

20 La₁ia₁ cha₂ guě₄ caun₂ ja₁cong'₂ a₂tsá₃ tē₅ dsi₃: ia₁ cuě'₂ 'nia'₂ jmi₃g₄ 'en₅₄ jin'₄ 'nia'₂ 'io₅₄ Jezabel i₂juá'₂ i₂'ě₂ jág₁ o₄quió'₄ Diú₄. Jme₂tag₂₃ a₂ñia'₅₄ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂ ju₅ jmo₃ dsá₃ qui₃nió'₃ jág₁ 'lig'₅₄, ia₁jaun₂ ján₃ guě₄ qui₃guě'₃ má₃ a₂rě₂jen'₅₄ ne₄ diú₄ lag₄ quiáin₅.

21 Ma₂cuě₃ jniá₂ 'io₅₄ 'éi₂ jmi₃g₄ ne₄ tsa₁ dsi₁quén'₅ dsi₅ 'lig'₅₄ a₂jmo₂₃, la₁ tsá₃ 'nio₃.

22 ¡Jag₄! Toin₂ jniá₂ ne₄ tsi₁cama jaun₂ le₃dso'₅₄, ján₃ guě'₂ jmo₅₄ ñág₃ uig₅ dsa₂ i₂qui₂'no₅ dso₄ quiain'₅₄, ně₁juá'₂ tsá₃ ca₂dsi₃quén'₅ dsi₅ a₂jmo₅-dsá₅ 'io₅₄ 'éi₂,

23 ton'₂ jme₁dsian₅ jniá₂ chi'₂ quián₅ 'io₅₄ 'éi₂ ně₃. Jaun₂ bá₄ le₃ñi₅ ca₂le₃jín₃ guá'₅, jniá₂ i₂con₂ 'í₁ 'a₂ lia'₂ lě₅ jme₂dsi₂ quió'₅ dsa₂, ca₂le₃jě₃ a₂qui₂dsi₂jio₅ dsi₅ dsa₂ ně₃; jaun₂ jniá₂ bá₄ cuě₄ 'lian'₅₄ 'nia'₂ lia'₂ con'₂ lě₅ qui₂ca₂jmo'₅₄.

24 La₁ juí₂g₂ jniá₂ ca₂le₃jín₃ guě₄ 'nia'₂ i₂tián'₅ juí₂ Tiatira i₂tsá₃ ma₂gue₃ jág₁ a₂jme₂tag₅ 'io₅₄ 'éi₂, on₃ guě'₂ cuí'₅ a₂tě₂ dsa₂ 'éi₂ jág₁ ca'₅₄ a₂rě₂'ma₄ quió'₅ Satanás: co₂ně₅ bá₄ guei₂ a₂cuě₄ jniá₂ 'nia'₂.

25 Ñia'₅₄ lia'₂ caun₂ jmo'₂ 'nia'₂ a₂dse₃ a₂ma₂ja₂nóg'₅ jmo'₂, ca₂lia'₂ ca₂tě₂ jmi₃g₄ i₁dsióg₄ táng₃.

26 Ju₁lia'₂ i₂ca₂tió'₃, i₂qui₂jmo₅ 'a₂ con'₂ 'nio₃ jniá₂ lé₂, ca₂lia'₂ i₁ca₂tě₂ jmi₃g₄ jě₁ca₂tó'₂, cuě₄ jniá₂ bí₂ jaun₂ jmo₃ 'éi'₃ ne₄ juí₂g₂ a₂te₁ 'i₁ gua'₅₄ 'uě₃.

27 Goin₃ ne₄ quió'₅ quián'₅₄ 'ma₂'i'₅₄
a₂lě₅ quián'₅₄ ni₁ñí₁;

qui₃dsia₃ le₁juí₁g₁ ně₂jag₄ bá₄ ni₁ti'₂, Š

28 lia'₂ con'₂ lě₅ ma₂gue₃ jniá₂ 'éi'₃ ma₂cuě₃ Ñe'₃. Cuín₄ jniá₂ ján₃ Nei₅ 'Ióg₁.*

29 Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅.

3

Jág₁ a₂ñó₃ ne₄ guá'₅ chan₂ Sardis

1 Jmo₄ si₂ ne₄ dsa₂ i₂'ě₂ jág₁ guá'₅ i₂chan₂ juí₂g₂ Sardis, chei'₅₄ le₂la₂:

Le₂la₂ juá'₂ i₂jio₅ ta₁guion₃ jme₂dsi₂ quián₅ Diú₄, i₂chan'₂ guio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rě₂'lin'₄ bá₄ 'nia'₂.

2 Jme₁jnio₂ ne'₅₄, tiong'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄ a₂rě₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃.

3 Dsiog'₂ 'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, ju₁dsi₂quén'₅ 'au'₂. La₁ ně₁juá'₂ tsá₃ ca₂jme₁jnio'₂ ne'₅₄, ñi'₅₄ ta₁ dsióg₄ jniá₂ ja₁cong'₂ con'₂ tsá₃ rě₂jáng'₁, ně₂jag₄ bá₄ jan₂ 'ang₂, ca₂lia'₂ ñia'₅₄ tsá₃ ñi'₅₄ 'nia'₂ 'e₂ hora dsióg₄.

4 La₁ chan₂ bá₄ guě₄ i₂lin₅₄ jin'₄ 'nia'₂ guá'₅ Sardis ně₅ i₂tsá₃ ma₂ca₂jme₃'ióg₃ tsin'₅₄; i₂'éi₂ ně₃ jme₃quiong'₅₄ jniá₂ i₃nioi₅₄ le₁qui'₂ 'mi'₂ tiog₂, ia₁ le₂jaun₂ ca₂tiín₂.

5 Ju₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá₂ 'éi₂ jme₁jniai₂₃ jniá₂ ne₄ Ñe'₃, ne₄ ángeles quiáin₅ ně₃.

6 Ju₁lia'₂ i₂le₁dsi₅₄ rě₂gua₄, ju₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

§ 2:27 Salmo 2:9. * 2:28 Nei₅ 'Ióg₁ lě₅ caun₂ 'a₂ lia'₂ chen₂ Jesús. 'Nio'₂ ja₁ton₅ 2 Pedro 2:21; Apocalipsis 22:16.

7 Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Filadelfia, chei'₅₄ le₂la₂:
Le₂la₂ juá'₂ 'éi₂ i₂jñi₅, i₂tě₃dsón'₂ tí₅ jág₁ quió'₅, i₂'io₅ ñí₁ llave quió'₅ Rag₅₄
David. Ju₁lia'₂ a₂niá'₅ 'éi₂, 'i₁jan₂ tsá'₃ lé₂ jnéi₃; ján₃ guë'₂ le₂jaun₂, ju₁lia'₂ a₂jnéi₅
'éi₂, tsá'₃ 'ein₂ lé₂ le₃niá'₃ táng₃.

8 Guion₅₄ bá₄ jě₂ a₂jmo'₂. ¡Jag₄! Caun₂ o₄'né₄ a₂rě₂na₄ ma₂ca₂tsí'₂ jniá'₂ ne'₅₄;
'i₁jan₂ tsá'₃ 'ein₂ lé₂ le₃niéi₃. O₁jñia'₅₄ la₂ tsá'₃ ma₃lin₄ béng'₂,* ma₂ca₂tion'₂ ju₁
jág₁ quió'₃, on₃jua'₅₄ jaun₂ a₂tsá'₃ ma₂'ag'₅₄ jniá'₂.

9 ¡Jag₄! Ju₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅
judíos la₁ tsá'₃ guë'₂ lín₅, jmo₅₄ jniá'₂ chi₃jné₃ 'éi₂ ne'₅₄, ia₁jaun₂ le₃ñi₅ a₂'nió'₃ jniá'₂
'nia'₂.

10 Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió'₃ a₂tion'₅₄ 'nia'₂ juin'₂ 'au'₂, jmo₅₄ bá₄
jniá'₂ 'í₁ 'nia'₂ a₂tsá'₃ jióg'₂ 'í₁ ja₁cong'₂ ju₁lia'₂ a₂dsi₃ñí₂ dsa₂ i₂chan₂ ta₁caun₂ gua'₅₄
'uë₃.

11 Ñi'₅₄ ta₁ bá₄ guióng₄. Jmo₄ 'í₁ a₂ma₂tíng'₂ ia₁jaun₂ tsá'₃ 'ein₂ jñiá'₂ corona
quiáng'₂.

12 Ju₁lia'₂ i₂ca₂tió'₃, jmo₅₄ jniá'₂ a₂lén₂ nē₂jag₄ bá₄ ni₁dsi₅ a₂chí'₅ dsi₂néi₂ guá'₅
templo quió'₅ Diú₄ quiáng₃. O₁líg'₂ jmig₄ tsá'₃ ma₃'uí₃ ja₁jaun₂. Ne₄ quió'₅
'éi₂, taun₅₄ lia'₂ chen₂ Diú₄ quiáng₃, quian'₅₄ guë'₂ 'a₂ lia'₂ chei₂ juig₂ quió'₅ Diú₄
quiáng₃ ně₃: juig₂ Jerusalén 'mí₂ a₂sió'₃ guei'₅₄ i₂juíg₃ quió'₅ Diú₄ quiáng₃. Já₃
guë'₂ le₂jaun₂ taun₅₄ jniá'₂ ne₄ 'éi₂ jág₁ 'mí₂ lia'₂ cheng₂.

13 Ju₁lia'₂ i₂le₁dsi₅₄ rě₂gua₅₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó'₃ ne₄ guá'₅ chan₂ Laodicea

14 Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:
Le₂la₂ juá'₂ i₂lín₅ tē₃dsón'₂, † i₂jáng'₅ jág₁ dsau₅ i₂rě₂ti'₅₄, i₂lín₅ juig₅₄ ne₄ ca₂le₃jě₃
a₂ca₂jmo₃ Diú₄:

15 Guion₅₄ bá₄ jniá'₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá'₃ güíng'₂,
on₃ guë'₂ dséng'₂ ně₃. ¡Jua'₅₄ co₂ñei'₅₄ bá₄ guë'₂ güíng'₂, o₃ co₂ñei'₅₄ bá₄ guë'₂
dséng'₂!

16 La₁ 'uig₅₄ ia₁ a₂jñia'₅₄ dsi₅ón'₂ 'nia'₂, ia₁ tsá'₃ güíng'₂ guë'₂ co₂ñei'₅₄, on₃ guë'₂
dséng'₂ ně₃, jaun₂ ráun₂ i₁ñí₄ jniá'₂ 'nia'₂ ju₁ mī₂'o₃.

17 Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lióng₂ rě₂má'₂,
ton'₂ tsá'₃ 'e₂ 'nió'₅ quiáng'₂; la₁ tsá'₃ jaun₂ len'₅₄ 'nia'₂ a₂lín₅ dsa₂ i₂lě₁ñéi₂ dsi₅,
i₂te₂ñé₂, i₂ten₄, i₂rě₂cuán'₃ ně₃.

18 Uig₅₄ jaun₂ ton'₂ jniá'₂ jág₁ 'nia'₂, i₂nó'₅ 'nia'₂ ja₁con₂ jniá'₂ i₂liá₃ cu₄nióg₄
a₂rě₂lag₄ quian'₅₄ si₂, ia₁jaun₂ guë'₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂
a₂qui₁qui'₅₄, ia₁jaun₂ tsá'₃ le₃jniá'₂ a₂o₂guí'₃ a₂rě₂cuáng'₃. I₂liá₃ mī₅ 'ág'₄ jme₁ne'₄
ia₁jaun₂ jnio₂, lé₂ jag'₅₄.

19 Tě₂jén₅ jniá'₂ tsíng'₂ táng₃ ju₁ dse₃ ca₂le₃jín₃ i₂'nióg₃. Ju₁len'₅₄ bá₄ 'nia'₂ dsa₂
i₂dsen₅₄ dsi₅ jaun₂ ně₃, ju₁dsi₂quén'₅ 'au'₂.

20 ¡Jag₄! La₂ chén'₅ jniá'₂ o₄'né₄ tě₅; chi₂jua'₂ chan₂ i₂ca₂nág₂ jág₁ quió'₃, niá'₅
o₄'né₄ ně₃, jaun₂ bá₄ 'ú₄ dsi₂néi₂ quió'₅, guë'₅₄ co₂lě₅ quian'₅₄.

21 Ju₁lia'₂ i₂ca₂tió'₃, cuě₄ jma₃caun₂ ja₁tiain'₃ cau₅ quió'₃ ne₄ta₁ ja₁gua₄ jniá'₂,
ju₁lia'₂ ca₂tió'₃ jniá'₂, jaun₂ ca₂gua₃ con₂ Ñe'₃ ne₄ta₁ quió'₅.

22 Ju₁lia'₂ i₂le₁dsi₅₄ rě₂gua₅₄, ju₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rě₂juin'₂ Diú₄ guei'₅₄ i₂juíg₃

* 3:8 o₃, "tsá'₃ lin₄ juin'₅ 'nia'₂." † 3:14 lit. "Le₂la₂ juá'₂ ju₁lia'₂ i₂tě₂ A₂méi₃."

1 Cang₂ guě₄ jaun₂, ca₂jág₃ táng₃ jniá₂ caun₂ o₄'né₄ rě₂na₄ guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂ ně₂jag₄ bá₄ jě₁i₂'ein₅₄ ŋí₁ trompeta, ca₂juá'₂ tság₅ jniá₂:

—Uíg₂ ja₁lá₃, jaun₂ 'ě₅₄ ca₂le₃jě₃ a₂niog₅ lé₂ cang₂ guě₄ jě₁ma₂lě₅ a₂ma₂ně₂jag'₅₄ ně₅.

2 Jaun₂ ca₂lě₃ jme₁'en₅₄ jniá₂ le₃quió'₅ Jme₂dsí₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá₄ jan₂ dsa₂.

3 Dsa₂ i₂jme₁guá₄ 'éi₂ ně₃, jme₁jniá₂ tág₅ 'ŋio₅ lín₃ ně₂jag₄ bá₄ ni₁cang₁ tág₅ jaspe₀3 cornalina. Le₃lág'₃ ne₄ta₁ ja₁guá₄ jaun₂ jme₁jniá₂ mi₂jo'₅₄ si₂ a₂tág₅ lín₃, ně₂jag₄ bá₄ ni₁cang₁ esmeralda.

4 Le₃lág'₃ ne₄ta₁ ja₁guá₄ dsa₂, ca₂jág₃ con'₂ guě₄ guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lín₁ le₁qui'₂ jmá'₃ 'mi'₂ tiog₂, tio'₅₄ coronas a₂lě₅ jmá'₃ cu₄nióg₄ dsi₅₄.

5 Ja₁chí'₄ ne₄ta₁ jaun₂, qui₂lě₂ si₁ŋí'₃, chí'₅ co₂mi'₅₄, quia'₂ ŋí'₃ ně₃. Ne₄ ja₁chí'₄ ne₄ta₁ jaun₂, jniá₂ guio₃ si₂ ni₁tsí₅ a₂cau₂. A₂jaun₂ ně₃ lě₅ ta₁guion₃ jme₂dsí₂ quián₅ Diú₄.

6 Tě₂le₃ ne₄ juí₅ ne₄ta₁ ně₃, jniá₂ táng₃ lia'₂ lě₅ jmi₁ŋí'₄ a₂lě₅ ui'₂ lín₃ juí₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá₂ táng₃ quén₂ i₂lín₅ lia'₂ lín₅ já'₂ i₂rě₂can'₂ jmá'₃ mi₂ne₁ lia'₂ le₃ne₅₄ lia'₂ le₃co'₅₄ lag₁₂ ně₃.

7 Jě₁le₂'uig₅₄ já'₂ quén₂ 'éi₂ ně₃, jniái₂ lia'₂ jniá₂ dsi₂'ia'₂ león. Jě₁ca₂tě₂ on₃, jme₁lín₄ lia'₂ lín₅ jan₂ guein₂ ca₁juí₅. Jě₁ca₂tě₂ ún₂, jniá₂ dsi₂ne₅₄ lia'₂ jniá₂ dsi₂ne₄ dsa₂ mi₂güí₃. I₂jě₁ca₂tě₂ quén₂ ně₃, jniái₂ lia'₂ jniá₂ i₁mi₂g₂ i₂'en₅ güí₂.

8 Jě₁le₃quén₂ le₂jaun₂ ně₃, le₁dsi₅₄ jma₃ŋéi₂ tsí₁rě₂cu₅ le₂jain₂ le₂jain₂. Qui₂rě₂lióin₃ mi₂ne₁ le₃co'₅₄ lia'₂ le₃né'₃ ně₃. Lia'₂ 'uě₂-jmi₂ bá₄ tsá₃ 'na₂ i₁juá'₄: Jŋió₅ bá₄, jŋió₅ bá₄, jŋió₅ bá₄,

Te₁gui'₅₄ Diú₄ i₂'uan'₂ guě₄ lín₃,

i₂jme₁lín₄, i₂lín₅ rě₂ně₃,

i₂lén₂ co₂tan₅₄ bá₄ ján₃.

9 Lia'₂ co₂ráun₂ cuě₅ já'₂ 'éi₂ cuě'₅ ti₁'mag'₄ jme₂juin'₂ guě₄ lín₃ i₂guá₅ ne₄ ne₄ta₁, i₂chan₂ co₂tan₅₄ ně₃,

10 jaun₂ guě₄ qui₂tón₂ 'uě₃ ta₁guión₂-quén₂ gui'₅₄ can'₅₄ 'éi₂, ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄ ne₄ta₁, juá'₂:

11 Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, juí₅bí₂ ně₃.

Ia₁ co₂jaun₂ ca₂rě₃'ŋió₃ 'au'₂

a₂ca₂rě₃chá₃ ca₂le₃jě₃ a₂cha₂.

5

Si₂ a₂rě₂bin₅ quian'₅₄ guě'₂ Guein₂ Já'₂ Cha'₂

1 Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rě₂bin₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bě'₅₄ mi₄cuíng₅.

2 Jaun₂ ca₂jíng₅₄ jan₂ ángel i₂'uan'₂ lín₃ quián₅ Diú₄, jniái₂ chéin'₅ ŋag₂₃ juá'₂ tiá₂:

—ǎ₁Ein₂ 'éi₂ i₂ca₂tín₂ niá₃ si₂ ně₅, qui₃choin₃ mi₄cuíng₅ quió'₅ ně₃?

3 La₁ on₃ guě'₂ guei'₅₄ i₂juíg₃, on₃ guě'₂ ne₄ gua'₅₄ 'uě₃, on₃ guě'₂ le₃né'₃ guě₄ gua'₅₄ 'uě₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guě'₂ ca₂tín₂ jág₃.

4 'Nio₅ lin₃ ca₂'o₃ jniá₂ 'uig₅₄ ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂, * on₃ guè'₂ a₂jág₃.

5 Jaun₂ ně₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lē₁'au₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lin₃ cho'₅₄ Rag₅₄ David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅ quió'₅ ně₃.

6 Jaun₂ ja₁lě₄ dsi₂jo₂ ne₄ta₁, jě₄ quió'₅ le₃quén₂ já'₂ 'éi₂, jě₄ quió'₅ gui'₅₄ can'₅₄ ně₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lén₄ ně₂jag₄ i₂ca₂jon₃ ca₂jñag'₃ dsa₂. Le₁dsi₅₄ guio₃ mi₂juí₁, guio₃ guè'₂ mi₂ne₅₄. Mi₂ne₅₄ jaun₂ ně₃ co₂'nió'₄ guion₃ jme₂dsí₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uě₃.

7 I₂lín₅ Guein₂ Já'₂ Cha'₂ 'éi₂ ně₃, ηó₃ ca₂tín₂ mi₂si₂ rě₂bin₅ a₂jme₁chi₁chan'₂ le₂gu₂ ne₁ i₂guá₅ ne₄ta₁.

8 Jme₁ca₂can₃ mi₂si₂, jaun₂ qui₂ca₂tón₂ 'uě₃ le₃quén₂ já'₂ 'éi₂, quian'₅₄ guè'₂ ta₁guión₂-quén₂ gui'₅₄ can'₅₄ ně₃, ca₂tóin₂ ne₄ Guein₂ Já'₂ Cha'₂. Le₂jan₂ le₂jan₂ 'éi₂ ně₃ le₁chan'₂ jma₃cáun₃ tsi₁ton₅ arpa,† le₁chan'₂ jma₃cáun₃ guè'₂ ni₁uing₅ jī'₂ a₂lě₅ jmá'₃ cu₄nióg₄, a₂le₁can'₂ chen₂, a₂co₂'nió'₄ já₁ a₂qui₂rě₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡

9 Tioin'₅₄ 'ě₂₃ caun₂ canto 'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,
a₂chóng'₄ mi₄cuing₅ quió'₅;
ia₁ 'ne₂ bá₄ i₂ca₂jñag'₃ dsa₂.
Quian'₅₄ jmi₂ 'ang'₅₄ a₂ca₂tein'₅₄,
ca₂liáng'₃ dsa₂ mi₂güig₃ le₃quió'₅ Diú₄:
ca₂le₃jín₃ ne₅₄ dsa₂ i₂chan₂,
ca₂le₃jě₃ já₁ jmei₅,
ca₂le₃jě₃ juig₂ te₁'i₁ mi₂güig₃,
ca₂le₃jě₃ tsi₁jon₂ ně₃.

10 Ma₂ca₂jmoi'₅₄ rag₅₄, jme₂dsa₂ ně₃,
le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uě₃.

11 Jaun₂ jme₁ca₂jág₃, ca₂nag₃ jniá₂ já₁ quió'₅ juin₅ ángeles, i₂lě₂ tě₂le₃ mei₅, i₂lě₂ ca₂lia'₂ juin₅ lin₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guè'₂ já'₂ quén₂ 'éi₂, gui'₅₄ can'₅₄ ně₃,

12 i₁juá'₄ tiá₂ lin₃:

i₂ca₂tín₂ Guein₂ Já'₂ Cha'₂ i₂ca₂jñag'₃ dsa₂,
a₂le₂goin₂₃, 'io₃ ca₂le₃jě₃ a₂jlá'₁,
a₂tiin₂ a₂ñí'₂ dsí₅,
a₂gue₃ jui₅bí₂, a₂jme₃juag'₂ dsa₂,
a₂lén₂ tág₅ co₂'né'₅, a₂jme₃go₃ dsa₂!

13 Ca₂nag₃ jniá₂ ján₃, ca₂le₃jín₃ i₂chan₂ i₂ca₂jmó'₂ Diú₄ guei'₅₄ mi₂güig₃ quian'₅₄ gua'₅₄ 'uě₃, quian'₅₄ le₃né'₃ 'uě₃; ne₄ jmi₁ñí'₄, i₂chan₂ le₃né'₃ jmi₁ñí'₄ ně₃, i₁juá'₄:

i₂Le₃quió'₅ i₂guá₅ ne₄ ne₄ta₁,
le₃quió'₅ Guein₂ Já'₂ Cha'₂ ně₃,
jui₁jme₂go₃ dsa₂ jui₁jme₂juag'₂ dsa₂;
jui₁gue₁₂ a₂tág₅ co₂'né'₅,
jui₁gue₁₂ jui₅bí₂ ně₃

ca₂lia'₂ co₂tan₅₄!
14 Jaun₂ ca₂juá'₂ le₃quén₂ já'₂:

* 5:4 A₂lin₅₄ chog₅₄ si₂juá'₂ ján₃: “on₃ guè'₂ 'i₃.” † 5:8 griego: kithara. ‡ 5:8 lit. “dsa₂ jñiós.”

—jA₂méi₃!

Ta₁guión₂-quén₂ gui'₅₄ can'₅₄ ně₃ qui₂ca₂tóin₂ 'uě₃ qui₂ca₂jme₃juag'₂.§

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jě₁le₂ 'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ riin'₅₄ i₂quén₂ já'₂ 'éi₂. Né'₂ lě₅ jág₁ quió'₅ ně₂jag₄ bá₄ jě₁quia'₂ ŋí'₃, a₂juá'₂:

—jŋia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ni₁'ma₂ cág'₅. Jaun₂ ca₂ŋi₂ caun₂ corona, jaun₂ ca₂o₃'in₃ ŋó₃ ne₄ 'nei₂ a₂tió'₃ a₂lí'₂ 'nei₂.

³ Jme₁ca₂niá₃ Guein₂ Já'₂ Cha'₂ jě₁ca₂tě₂ tin₃ mi₄cuing₅, jaun₂ ca₂nag₃ i₁juá'₄ jě₁ca₂tě₂ on₃ já'₂ 'éi₂:

—jŋia₅, jaun₂ jag'₅₄!

⁴ Jaun₂ ca₂jnia₃ ca₂o₃'in₃ táng₃ jan₂ dsi₂cua₁ guén₂; dsa₂ i₂jme₁co₂dsag₅₄ guě'₂ ně₃, ca₂ŋi₂ bí₂ a₂lé₂ jmo₃ a₂jnia'₃ a₂'ei₅ tei₄ ta₁caun₂ gua'₅₄ 'uě₃, ia₁jaun₂ jme₃dsian₅ dsa₂ riin'₅₄. Jaun₂ 'éi₂ ně₃ ca₂ŋi₂ caun₂ ŋi₁tág₂ juě'₂.

⁵ Jme₁ca₂niá₃ Guein₂ Já'₂ Cha'₂ jě₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—jŋia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁ lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂ cua'₅₄ 'éi'₃.

⁶ Jaun₂ ca₂né'₂ jág₁ jě₄ quió'₅ le₃quén₂ já'₂, a₂juá'₂:

—Caun₂ kilo cui₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂'én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jě₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jě₁ca₂tě₂ quén₂ já'₂:

—jŋia₅, jaun₂ jag'₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guě'₂ ně₃ já₅ jan₂ i₂tě'₂ Tau₂ 'Ŋio₅.^{*} Le₃on₃ 'éi₂ ně₃ ca₂ŋi₂ bí₂ ne₄ quió'₅ gua'₅₄ 'uě₃ caun₂ qui'₅₄ quió'₅ quén₂, a₂jme₃dsian₂₃ dsa₂ quian'₅₄ ŋi₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí₅ ně₃, i₂chan₂ gua'₅₄ 'uě₃.

⁹ Jme₁ca₂niá₃ Guein₂ Já'₂ Cha'₂ jě₁ca₂tě₂ 'ŋiá₂ mi₄cuing₅, ca₂jág₃ jniá₂ né'₃ ne₄chei₂ ja₁tion'₅₄ jme₁dsí₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃.

¹⁰ Jaun₂ tiá₂ né'₂ jág₁ quió'₅ 'éi₂, i₁juá'₄:

—¿Con₂ je₂líg'₂ caun'₅₄ 'í₁, Te₁gui'₅₄ i₂ŋi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uě₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ŋi₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jnia₃ guě'₄ co₂'na₂, tē₁lia'₂ le₃'ŋia₅ riin'₅₄ i₂jme₂ti₃ ta₁ ne₄ Cristo, i₂'i₄ 'éi'₃ dsián₃ guě'₄, ju₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jě₁ca₂tě₂ jŋéi₂ mi₄cuing₅, ca₂jág₃ jniá₂ ca₂i₁bi₅₄ 'uě₃ tiá₂ lin₃. Ca₂tě₁tsi'₅₄ qui₁né'₃, ca₂rě₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁ŋi₂, a₂quí'₅ dsa₂ ja₁ron₅ 'lag₄. Tsi'₂ guě'₂ ně₃ ca₂jnia₃ guéin₂, lia'₂ jniá₂ jmi₂.

§ 5:14 A₂lin₅₄ chog₅₄ si₂ juá'₂: “qui₂ca₂jme₃juin'₂ i₂chan₂ co₂tan₅₄.”

* 6:8 griego: hades, co₂'nió'₄

a₂juá'₂, ja, quió'₄ 'lag₄.

13 Nei₅ guë'₂ ně₃ qui₂tsi₂ca₂séi'₂ 'uë₃ ně₂jag₄ bá₄ tsi₂séi'₂ mīg₂ higo rē'₂ jē₁ma₂ca₂guiong'₃ dsí₂ tiá'₂.

14 Guei'₅₄ dsi₂güig₂ ně₃ co₂dsia₅ ca₂i₃'én₂ ca₂bīn₃ lia'₂ ja₁bīn₅ mī₂si₂. Ca₂le₃jě₃ ni₁má'₂, ca₂le₃jě₃ 'uë₃ le₁quí'₅ jē₄ jmi₁ñí'₄ ně₃, qui₂ca₂jñióg'₃ cau₅ ja₁jme₁niog₅.

15 Jaun₂ qui₂ca₂'ma₃ jui₅ né'₃ tau₂ 'lau₂, jui₅ jē₄ ni₁'lau₂ cha₂ má'₂, jui₁lia'₂ rag₅₄ i₂gon₂ gua'₅₄ 'uë₃, jui₁lia'₂ dsa₂ dsen₅₄, jui₁lia'₂ dsa₂ juig₅₄ 'lióg₂, jui₁lia'₂ dsa₂ i₂cha₂ cu₄, jui₁lia'₂ dsa₂ 'uan'₂, ca₂le₃jín₃ jui₁lia'₂ i₂jme₂ti₃ ta₁ ne₄ juig₅₄, jui₁lia'₂ dsa₂ i₂tsá₃ 'ein₂ ne₄ jme₂ti₃ ně₃;

16 qui₂ca₂juá'₂ ca₂tsí'₃ má'₂, ni₁'lau₂:

—Sen'₅₄ 'nia'₂ ne₄ quián₂ jnia'₅₄, 'mog₅₄ jnia'₅₄ ia₁jaun₂ tsá₃ jág₂ i₂guá₅ ne₄ta₁ ó₃, tsá₃ cuë₂ jmi₄ a₂'ě₂ Guein₂ Já'₂ Cha'₂ ó₃ uig₅ a₂'nei₂.

17 Ia₁ ně₃ guë'₄ dsón'₂ gua₅ jmi₄ a₂'ñio₅ jaun₂ a₂'ě₂ uig₅ a₂'nei₂. ĆEin₂ bá₄ qui'₅₄ jmi₄ tió'₅?

7

Dsa₂ tsi₁jon₂ Israel i₂lín₅ léi₄

1 Jme₁ma₂ca₂lě₃ jaun₂, ca₂jing₅₄ quén₂ ángeles, tióin₂ le₃quén₂ qui'₅₄ mī₂güig₃, a₂jné₅ le₃quén₂ dsí₂ quió'₅ gua'₅₄ 'uë₃, ia₁jaun₂ tsá₃ ma₃lé₂ 'ag₃ dsí₂ ta₁caun₂ ne₄ gua'₅₄ 'uë₃, on₃ guë'₂ ne₄ jmi₁ñí'₄, on₃ guë'₂ ne₄ 'i₁caun₂ ni₁'ma₂.

2 Jaun₂ guë'₄ ca₂jing₅₄ jan₂ ángel sián'₂, já₅ tē₂le₃ ja₁'ia₂* 'iog₂, já₅ 'éi₂ quian₅ sello quió'₅ Diú₄ jén'₃. Ángel 'éi₂ guë'₄ ně₃ ca₂tsí'₃ le₃quén₂ ángeles i₂jme₁ma₂ñi₂ bí₂ a₂jmo₃ dain₅₄ 'uë₃ quian'₅₄ guë'₂ jmi₁ñí'₄, ca₂juá'₂ tiá₂ lín₃:

3 —'A₃ lē₁jmo₂ de'₂ dain₅₄ 'uë₃, on₃ guë'₂ jmi₁ñí'₄, on₃ guë'₂ ni₁'ma₂ a₂cha₂ ně₃, ca₂lia'₂ ca₂tiong₅₄ jnia'₅₄ léi₄ quian'₅₄ sello ne₄ chi₁quí₃ dsa₂ i₂jme₂ti₃ ne₄ Diú₄ quián₂.

4 Jaun₂ ca₂nag₃ jniá'₂ 'a₂ con'₂ tén₅ i₂ca₂lín₃ léi₄ 'éi₂; lě₂ caun₂ 'ñiá₂-láu₂ rē₂dsí₂ tē₂láu₃-quén₂ mei₅ (144,000), jmá'₃ dsa₂ tsi₁jon₂ dsa₂ juig₂ Israel.

5 Guia₃-tín₂ mei₅ dsa₂ i₂ca₂lě₃ lén₄ dsa₂ tsi₁jon₂ Judá;

guia₃-tín₂ mei₅ dsa₂ tsi₁jon₂ Rubén;

guia₃-tín₂ mei₅ dsa₂ tsi₁jon₂ Gad;

6 guia₃-tín₂ mei₅ dsa₂ tsi₁jon₂ Aser;

guia₃-tín₂ mei₅ dsa₂ tsi₁jon₂ Neftalí;

guia₃-tín₂ mei₅ dsa₂ tsi₁jon₂ Manasés;

7 guia₃-tín₂ mei₅ dsa₂ tsi₁jon₂ Simeón;

guia₃-tín₂ mei₅ dsa₂ tsi₁jon₂ Leví;

guia₃-tín₂ mei₅ dsa₂ tsi₁jon₂ Isacar;

8 guia₃-tín₂ mei₅ dsa₂ tsi₁jon₂ Zabulón;

guia₃-tín₂ mei₅ dsa₂ tsi₁jon₂ José;

guia₃-tín₂ mei₅ dsa₂ tsi₁jon₂ Benjamín ně₃.

Dsa₂ i₂juin₅ lín₃ le₁qui'₂ 'mi'₂ tiog₂

9 Jme₁ca₂lě₃ jaun₂, ca₂jág₃ táng₃ jniá'₂, jaun₂ ca₂jnia₃ juin₅ lín₃ dsa₂, ca₂lia'₂ 'i₁jan₂ tsá₃ 'ein₂ qui'₅₄ jmi₄ 'i₃ quió'₅: dsa₂ chan₂ ca₂le₃jě₃ juig₂, ca₂le₃jě₃ tsi₁jon₂, ca₂le₃jě₃ go₄ dsa₂, ca₂le₃jě₃ jág₁ jmei₅ ně₃. Tióin₂ 'uig₅₄ ne₄ta₁ quian'₅₄ ne₄ Guein₂ Já'₂ Cha'₂, i₂le₁qui'₂ 'mi'₂ tiog₂, i₂le₁chan'₂ jma₃ca₂nei'₅₄ mog'₅₄ 'ma₂tsín₅.

10 Tióin'₅₄ co₂mi'₅₄ juá'₂:

Jui₁lia'₂ a₂lión₂ dsa₂,

* 7:2 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

já₅ quió'₅ Diú₄ quián₂ bá₄ jniog₄ i₂guá'₅ ne₄ta₁;
já₅ quió'₅ Guein₂ Já'₂ Cha'₂ ně₃.

11 Jme₁tión₂ ca₂le₃jín₃ ángeles le₃lág'₃ ne₄ta₁, le₃lág'₃ quió'₅ gui'₅₄ can'₅₄ quian'₅₄ guë'₂ já'₂ quén₂ 'éi₂. Jaun₂ qui₂ca₂tóin₂ 'uë₃ rë₂ 'éin₂ co₂ñei'₅₄, ca₂jme₃juin'₂ Diú₄,

12 a₂juá'₂:

¡A₂méi₃!

Le₃quió'₅ Diú₄ quián₂ bá₄ ca₂tín₂
ca₂le₃jě₃ a₂jme₃go₃ dsa₂,
ca₂le₃jě₃ a₂léin₂ tág₅ co₂'né'₅,
ca₂le₃jě₃ a₂ñí'₂ dsí₅,
ca₂le₃jě₃ ti₁'mag'₄,
ca₂le₃jě₃ a₂jme₃juag'₂ dsa₂,
ca₂le₃jě₃ a₂le₃goin₂,
ca₂le₃jě₃ jui₅bí₂,

ca₂lia'₂ co₂tan₅₄. A₂méi₃.

13 Jaun₂ ně₃, jan₂ gui'₅₄ can'₅₄ 'éi₂ ca₂ñag₃ jniá₂ ca₂juá'₂:

—¿'Ein₂ bá₄ i₂le₁qui'₂ tsin'₅₄ tiog₂ tión₂ ně₅? ¿Já'₄ ja₂léin₂?

14 Jaun₂ ca₂ñag₄ jniá₂:

—Ñi'₅₄ bá₄ 'ne₂, gui'₅₄.

Jaun₂ ca₂ñag₃ táng₃ gui'₅₄ 'éi₂:

—I₂në₅ bá₄ 'éi₂ i₂ma₂ñi₅ Jmi₁uig₅ Juë'₂; ma₂qui₂ca₂rang₃ tsin'₅₄, ma₂jmo₃ tiog₂ ně₃ tē₂le₃ quian'₅₄ jmi₂ 'an₅₄ Guein₂ Já'₂ Cha'₂.

15 'Uig₅₄ jaun₂ ně₃,

tión₂ ne₄ta₁ ně₅ quió'₅ Diú₄,
jme₂ti₃ ne₅₄ lia'₂ 'uë₂-jmi₂ dsi₂néi₂ guá'₅ ně₅ quió'₅;
i₂guá'₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁
ně₂jag₄ a₂qui₃jlín₂ dsa₂ quian'₅₄ 'mi'₂ 'én'₁ quió'₅.

16 Tsá₃ ma₃qui₂i₁cón'₅ lé₂,

on₃ guë'₂ ma₃qui₃le₃quein₂ dsí₅, i₁'ín'₂ jmi₂g₂,

on₃ guë'₂ ma₃qui₃ñág₂ guë'₄ uig₅

jua'₅₄ a₂dséi₂ 'iog₂.

17 Ia₁ Guein₂ Já'₂ Cha'₂

i₂guá'₅ dsi₂jo₂ ne₄ta₁ ně₅ bá₄

jmo₃ 'í₁

ně₂jag₄ dsa₂ i₂jmo₅ 'í₁ já'₂ cha'₂ quián₅,

jiog₃ jui₅ tu₁ jmi₂g₂ ja₁'ia₂ jmi₂g₂ jén'₃.

Jaun₂ qui₃chí₃ Diú₄ jme₁ne₁₂

ca₂le₃jě₃ jmi₂g₂ a₂le₁'ág₄.

8

Mi₄cuing₅ jě₂ca₂tě₂ guio₃

1 Jme₁ca₂niá₃ guë'₂ táng₃ Guein₂ Já'₂ Cha'₂ jě₁ca₂tě₂ guio₃ mi₄cuing₅ quió'₅ mi₂si₂ a₂rë₂bin₅, jaun₂ ca₂tě₁tsi'₅₄ tei₄ guei'₅₄ i₂juig₃ con'₂ ca₂jau₅₄ hora.

2 Ján₃ bá₄ ca₂jín₄ jniá₂ ta₁guion₃ ángeles i₂tión₂ ne₄ Diú₄. 'Éi₂ guë'₂ ně₃ ca₂ñii₂ guio₃ ñí₂ trompetas.

3 Cang₂ jaun₂ ca₂já₃ táng₃ jan₂ ángel ca₂o₃ná₄ ne₄chei₂, chi₁chan'₂ caun₂ ñí₁ tó'₅ chen₂, a₂lě₅ jmá'₃ cu₄nióg₄. Jaun₂ ca₂ñi₂ 'lióng₂ chen₂, jaun₂ jén'₃ co₂dsia₅ quian'₅₄ jág₁ a₂chi₂lí'₂ ca₂le₃jín₃ dsa₂ i₂tén₅ le₃quió'₅ Diú₄,* dsia₃ ne₄ ne₄chei₂ a₂lě₅ cu₄nióg₄ a₂chí'₅ 'uig₅₄ ne₄ta₁.

* 8:3 lit. "ca₂le₃jín₃ dsa₂ jnió₅."

⁴Jaun₂ ca₂jñá_u₂ jme₁ñ₁ chen₂ lia'₂ jma₃quian'₅₄ já_g₁ a₂chi lí'₂ dsa₂ quián₅ Diú₄, qui₂ca₂'uë₂ o₄gú₃ ángel le₃ne₄ Diú₄.

⁵Jaun₂ ca₂tín₂ ángel ñ₁ a₂tó'₅ chen₂, jaun₂ ca₂jme₃cain'₂ mīg₂ si₂tá'₃ tio'₅₄ ne₄chei₂, jaun₂ ca₂guia'₃ jaun₂ ně₃, ne₄ gua'₅₄ 'uë₃. Jaun₂ ca₂lě₃ gau₂ ca₂quia'₂ ñ₁'₃, ca₂tě₁tsi'₅₄ co₂mi'₅₄, qui₂ca₂'né'₃ si₁ñ₁'₃, ca₂i₁bi₅₄ 'uë₃ ně₃.

Ní, trompetas

⁶Jaun₂ ně₃, le₃guion₃ ángeles i₂le₁chan'₂ ñ₁ trompetas, ca₂jmo₃ co₂jñia₅₄ a₂jéi₂ ñ₁ quió'₅.

⁷Jaun₂ ca₂jéi₂ jě₁le₂'uig₅₄ ángel ñ₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄ mīg₂ si₂tá'₃ a₂qui₂rě₂cón'₅ jmi₂, ca₂tang₂ ne₄ gua'₅₄ 'uë₃. Jaun₂ guě₄ ca₂cáu₂ ca₂qui'₅₄ quió'₅ 'ni₅ quió'₅ gua'₅₄ 'uë₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ñ₁a₁; qui₂ca₂cáu₂ guě₄ ca₂le₃jě₃ nau₂ rě'₂.

⁸Jaun₂ ca₂jéi₂ jě₁ca₂tě₂ on₃ ángel ñ₁ quió'₅, jaun₂ ca₂jñia₃ ñó₃ ca₂qui'₃ a₂lě₅ lia'₂ lě₅ má'₂ ne₄ jmi₁ñ₁'₄, jniá₂ chi₁guí'₂ si₂ ñó₃. Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ñ₁'₄.

⁹Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ñ₁'₄, jaun₂ ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos já₃.

¹⁰Jaun₂ ca₂jéi₂ jě₁ca₂tě₂ ún₂ ángel ñ₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jě₃ cuá₃, ne₄ ca₂le₃jě₃ o₄tu₁ jmi₂ ně₃.

¹¹Nei₅ jaun₂ chei₂ Nei₅† Dsi'₃. Jaun₂ ca₂lě₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂ cha₂ gua'₅₄ 'uë₃. Jaun₂ jui₅ lin₃ dsa₂ i₂ca₂dsan₃ ia₁ ca₂'in'₃ jmi₂ dsi'₃ jaun₂, 'uig₅₄ ia₁ a₂ca₂lě₃ dsi'₃ jmi₂.

¹²Jaun₂ ca₂jéi₂ jě₁ca₂tě₂ quén₂ ángel ñ₁ quió'₅, jaun₂ ca₂i₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsi'₂, ca₂qui'₅₄ quió'₅ 'ni₅ jui₁lia'₂ nei₅ ně₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jě₃ a₂jaun₂, ia₁jaun₂ tsá₃ ma₃jñia₃ ca₂qui'₅₄ quió'₅ 'ni₅ a₂jmi₂, já₃ bá₄ le₂jaun₂ a₂'uë₂.

¹³Jaun₂ ca₂jág₃ jniá₂ táng₃, ca₂jñing₅₄ jan₂ i₁mig₂ i₂ñ₁'en₅ dsi₂güig₂, ca₂né'₂ tiá₂ já_g₁ quió'₅, i₁juá'₄:

—jui₂g₂! jui₂g₂! jui₂g₂ guě₄ lin₃ jui₁lia'₂ i₂chan₂ ne₄ gua'₅₄ 'uë₃, 'uig₅₄ ñ₁ trompetas a₂ně₃ guě₄ dsi₃'ein₅₄ a₂jéi₂ le₃ún₂ ángeles i₂'nió'₅ guě₄ 'éi₂!

9

¹Jaun₂ ca₂jéi₂ jě₁ca₂tě₂ 'ñiá₂ ángel ñ₁ quió'₅, jaun₂ ca₂jñ₄ jniá₂ jan₂ nei₅ i₂ca₂tán'₂ guei'₅₄ i₂juig₃ ca₂tě₂ gua'₅₄ 'uë₃.* Ca₂ñi₂ ñ₁ llave a₂ca₂tín₂ quió'₅ ja₁ca₂jein₃ chi₁dsio₅₄.

²Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñ₁ 'ñei₂ jui₁lia'₂ jme₁ñ₁ a₂'uë₂ tau₂ si₂ pa₁ lin₃ ja₁jme₂jmag₂ dsa₂ ni₁ñ₁. Jaun₂ co₂dsia₅ ca₂lě₃ qui₁né'₃ 'iog₂, dsi₄ mi₂güig₃ ně₃ quian'₅₄ jme₁ñ₁ a₂ca₂'ia₂ ja₁jaun₂.

³Jě₄ jme₁ñ₁ jaun₂ ca₂'uin₂ i₁ni'₂ ca₂i₁nioi₁₂ tsi₁co₂jě'₂ 'uë₃. I₁ni'₂ 'éi₂, ca₂ñi₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uë₃.

⁴Jaun₂ ca₂ñi₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uë₃, on₃ guě'₂ 'i₁caun₂ a₂rě'₂ jui₁lia'₂ mog'₅₄ 'ma₂ a₂cha₂ ně₃. Bí₂ jaun₂ bá₄ ca₂ñi₂, a₂jmo₃ dain₅₄ já₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁qui₃.

⁵La₁ tsá₃ 'éi'₃ jaun₂ ca₂ñi₂ jua'₅₄ a₂co₂dsia₅ jme₃dsiain₂₃ dsa₂; a₂jñia'₅₄ con'₂ 'ë₃ jmi₁uig₅ ca₂lia'₂ ca₂dsin₃ 'ñiá₂ tsi'₂. Uig₅ a₂cuë₂₃ jaun₂ lě₅ lia'₂ lě₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂.

† **8:11** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃, Diú₄. 'Nio'₂ ja₁ton₅ Salmo 8:3; Romanos 1:25. * **9:1** 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

6 Jmīg₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'In₅ dsí₅ jua'₅₄ dsiáin₃ bá₄ co₂ñei'₅₄, la₁ 'mú₃ ně₃, cuing₃ ja₁coin₂.

7 I₁ni'₂ 'éi₂ ně₃, jme₁lín₄ lia'₂ lín₅ dsi₂cua₁ i₂lě₅ co₂ñia₅₄ dsi₃lén₂ ne₄ 'nei₂. Mi₂dsi₅₄ guë'₂ ně₃ jme₁le₁quian₅ a₂lě₅ lia'₂ lě₅ coronas a₂lě₅ cu₄nióg₄. Dsi₂ne₄ guë'₂ jme₁lě₄ lia'₂ lě₅ dsi₂ne₄ dsa₂ mi₂güí₃.

8 Jñi₂ dsi₅₄ guë'₂ ně₃, jme₁lě₄ lia'₂ lě₅ jñi₂ dsi₄ dsa₂ mí₂. Mi₂jan₅₄ guë'₂ jme₁lě₄ lia'₂ lě₅ mi₂jan₄ 'ia'₂ león.

9 Guion₅₄ guë'₂ já'₂ qui₂rě₂lióin₃ rě₂, lě₅ 'í₁ quian'₅₄ a₂lě₅ lia'₂ lě₅ ni₁ñí₁. Mi'₅₄ a₂tó'₅ tsi₁rě₂cu₅ jě₁ma₂'ín₂ ně₃, jme₁lě₄ ju₁lia'₂ lě₅ mi'₅₄ a₂tó'₅ 'lióng₂ ñí₁ carretas a₂'ín₅ dsi₂cua₁ co₂'ei₅ ne₄ 'nei₂.

10 Ne₁con₅ a₂le₁dsi₅₄ guë'₂ ně₃, jme₁lě₄ ju₁lia'₂ lě₅ ne₁con₅ i₁'né₅ le₁dsi₅₄ táun₂. Ju₁nei'₅₄ con₅ jaun₂, 'io₅ bí₂ a₂le₃jmaí'₂ dain₅₄ dsa₂, con'₂ 'ñiá₂ tsi'₂.

11 Ne₄ i₁ni'₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ já₁g₁ jmei₅ hebreo. Le₃quian'₅₄ já₁g₁ jmei₅ griego guë'₂, chein₂ Apolión, co₂'nió'₄ i₂té'₂ I₂qui₂'én₂.

12 Le₂'uig₅₄ jmi₁uig₅ ma₂ca₂ñag₅; la₁ 'ei₅ guë'₄ con'₂ guë'₄ tin₃, a₂ně₅ guë'₄ ñág₃ dsa₂.

13 Jaun₂ ca₂jéi₂ jě₁ca₂tě₂ jñé₂ ángel ñí₁ quió'₅. Jaun₂ ca₂nag₃ já₁g₁ a₂'ia₂ jě₄ ta₁quén₂ gua₄ a₂le₁dsi₅₄ ne₄chei₂ a₂lě₅ cu₄nióg₄ a₂chí'₅ ne₄ Diú₄.

14 Ca₂juá'₂ ca₂tsí'₃ ángel i₂jě₁ca₂tě₂ jñé₂ 'éi₂, i₂chan'₂ ñí₁ trompeta, ca₂juá'₂:

—'Uin'₅₄ le₃quén₂ ángeles i₂le₁'ñe'₅₄ cau₅ cuá₃ juë'₂ Eufrates.

15 Jaun₂ qui₂ca₂'uin'₂ le₃quén₂ ángeles 'éi₂ i₂jme₁lě₄ 'í₁ o₄quió'₄ hora la₂, jmīg₄ ně₃, tsi'₂ la₂, ñi₂ la₂ ně₃, i₂jme₁lě₄ co₂ñia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ ju₁lia'₂ dsa₂ mi₂güí₃.

16 Jmá'₃ lia'₂ 'lióg₂ i₂co₁dsin₅₄ cua₁, tén₅ tin₃ 'ñiá₂-lón₂ millón. Ca₂nag₃ bá₄ jniá₂ 'a₂ con'₂ téin₅ lě₂.

17 Le₂ně₅ bá₄ ca₂jág₃ a₂lě₁ca₂jág₃ jaun₂, qui₂ca₂jing₅₄ cua₁ quian'₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃caún₃ a₂lě₅ 'í₁ a₂jniá₂ guéin₂, a₂lian₂, quian'₅₄ guë'₂ a₂nióg₂ lia'₂ nióg₂ azufre. Mi₂dsi₄ dsi₂cua₁ guë'₂ ně₃, jniá₂ lia'₂ jniá₂ mi₂dsi₄ 'ia'₂ león. Ju₁mi₂'o₅₄ guë'₂ ně₃ 'ia₂ si₂, 'ia₂ jme₁ñi₁, azufre ně₃.

18 Jaun₂ ca₂dsan₃ ca₂qui'₅₄ quió'₅ 'ni₅ ju₁lia'₂ dsa₂ mi₂güí₃ quian'₅₄ 'ni₅ jmi₁uig₅ a₂qui₂ca₂'uë'₂ mi₂'o₄ dsi₂cua₁ 'éi₂: a₂lě₅ si₂, jme₁ñi₁, quian'₅₄ azufre ně₃.

19 Ia₁ bí₂ a₂jme₁le₁quian₅ dsi₂cua₁ jme₁'io₂₃ ju₁mi₂'o₅₄ quian'₅₄ ju₁ne₁con₅ ně₃. Ia₁ jme₁lě₄ nei'₅₄ con₅ 'éi₂ lia'₂ lín₅ dsi₂mi₂, a₂qui₂le₁dsi₅₄ mi₂dsi₅₄. Quian'₅₄ a₂jaun₂ jmo₂₃ dain₅₄.

20 Dsa₂ i₂ca₂chón₂, i₂tsá₃ ca₂dsan₃ quian'₅₄ jmi₁uig₅ a₂qui₂ca₂lě₃ jaun₂, tsá₃ jua'₅₄ jaun₂ qui₂ca₂tí₂ 'e₂ jmo₅-dsá₅ gu₂-tag₅₄, jua'₅₄ a₂tsá₃ ma₃chi₂lén₂ je₂na'₅₄, on₃ guë'₂ qui₂ca₂tí₂ a₂tsá₃ ma₃jme₂juin₂ diú₄ lag₄ i₂lín₅ quian'₅₄ cu₄nióg₄ quian'₅₄ cu₄tiog₂, quian'₅₄ ni₁ñí₁ nióg₂, quian'₅₄ ni₁cang₁, quian'₅₄ ni₁'ma₂ ně₃; on₃ i₂lě₂ ñi₃, on₃ i₂lě₂ dsia₃ já₁g₁, on₃ i₂lě₂ já₁g₃, on₃ guë'₂ lě₂ nag₃ ně₃.

21 On₃ guë'₂ qui₂ca₂tí₂ jua'₅₄ a₂tsá₃ ma₃jme₃dsiain₂₃ dsa₂ mi₂güí₃ riin'₅₄, on₃ guë'₂ qui₂ca₂tí₂ ta₁ a₂jme₁jmo₂₃ mí₅ a₂chan₂ dsí₅.† On₃ guë'₂ qui₂ca₂tí₂ jua'₅₄ tsá₃ ma₃nió'₅ já₁g₁ a₂tsá₃ dsi₂ten₅₄ nió'₃, on₃ guë'₂ qui₂ca₂tí₂ jua'₅₄ a₂tsá₃ ma₃'ang₃ ně₃.

10

Mi₂si₂ pí'₁ rě₂bin₅

† 9:21 griego: farmakeía.

¹ Jaun₂ ca₂jɪŋ₅₄ táng₃ jan₂ ángel sián'₂, i₂'uan'₂ lin₃, ca₂jniai₃ já₅ ca₂sióin₃ guei'₅₄ i₂juíg₃, rē₂lióin₃ jnei₅ rē₂lag₄ lí₁ lia'₂ jniá₂ mi₂jo'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ guē'₂ ně₃, jme₁lē₄ lia'₂ lē₅ tag₄ dsi₅ ni₁'ia'₂, a₂tág₅ si₂.

² Jme₁chi₁chan'₂ caun₂ mi₂si₂ pí'₁ a₂rē₂bin₅, a₂rē₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ñí'₄, tag₅₄ jen₅ guē'₂ ca₂chi'₃ ne₄ 'uē₃.

³ Jaun₂ ca₂guió'₃ tiá₂, lia'₂ jē₁'ñióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta₁guió₃ ñí'₃, qui₂ca₂'uē'₃ jág₁ quió'₅.

⁴ Jme₁ma₂nē₂dsia₃ jág₁ ta₁guió₃ ñí'₃, jaun₂ guē'₄ jme₁ma₂taun₅₄ ne₄ si₂. La₁ ca₂né'₂ jág₁ a₂já₃ guei'₅₄ i₂juíg₃, ca₂juá'₂ tság₅ jniá₂:

—Ma₄ jág₁ a₂nē₂juá'₂ guio₃ ñí'₃ ně₅, 'a₃ lē₁taun₂ de'₂ ne₄ si₂.

⁵ Jaun₂ ángel i₂ca₂jɪŋ₅₄, i₂chén'₅ chí'₅ caun₂ tag₅₄ ne₄ jmi₁ñí'₄ caun₂ guē'₂ tag₅₄ ne₄ 'uē₃, ca₂chóg'₃ gu₂ ne₁ jui₅ guei'₅₄ i₂juíg₃.

⁶ Jaun₂ ca₂juá'₂ ca₂'iin₃ i₂chan₂ co₂tan₅₄, i₂ca₂jmo₃ ca₂dsia₃ mi₂güí₃, quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güí₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ñí'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uē'₂ le₃'ag₄.

⁷ La₁ jē₁ma₂tē₂jmi₄ jē₁ma₂ca₂jéi₂ ángel i₂ca₂tē₂guion₃ 'éi₂ ñí₁ trompeta quió'₅, jmi₄ jaun₂ dé₄ dsón'₂ le₃ti₃ jág₁ a₂rē₂'ma₄ quió'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁ quiáin₅, i₂ca₂jme₁ti₃ ta₁ ne₅₄.

⁸ Jaun₂ jág₁ a₂ca₂nag₃ a₂já₅ guei'₅₄ i₂juíg₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rē₂na₄ a₂chi₁chan'₂ ángel i₂chén'₅ ne₄ jmi₁ñí'₄, ne₄ gua'₅₄ 'uē₃.

⁹ Jaun₂ ñó₃ jniá₂ ja₁chén'₄ ángel, jaun₂ ca₂juíg₂ jniá₂ a₂cuē₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ ně₅, la₁ jē₁ma₂dsióg₃ tē₂'au'₂, le₃dsi'₃ bá₄.

¹⁰ Jaun₂ ca₂tíng₂ si₂ a₂ca₂cuē₃ ángel 'éi₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñio₅ lin₃, lē₅ lia'₂ lē₅ jmi₁tá'₄. La₁ jme₁ma₂nē₂nág'₃ jniá₂ ně₃, ca₂rē₃léi₄ 'e₂ bá₄ dsi'₃ ca₂dsióg₃ tē₂dsi₃.

¹¹ Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

¹ Jaun₂ ca₂ñig₂ ca₂'nau₅₄ 'ma₂ta₅ a₂lě₅ lia'₂ lē₅ ni₁'ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂.

² Tsá₃ cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ jnió₅ jaun₂ con'₂ ca₂dsin₃ tē₂láu₃-tin₃ tsi'₂.

³ Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quió₃, a₂qui₃'ě₂ jág₁ caun₂ mei₅ rē₂dsi₂ tin₃ 'ñiá₂-láu₂ rē₂dsi₂ 'nag'₂ ne₂guióg₂ (1260) jmi₄, le₁qui'₂ 'mi'₂ lia'₂ jui₁lia'₂ a₂quí'₅ dsa₂ ja₁ron₅ 'lag₄.

⁴ Co₂'nió'₄ dsa₂ on₃ i₂jáng'₅ jág₁ dsau₅, lē₅ co₂'nió'₄ tin₃ ni₁'ma₂ olivos, quian'₅₄ guē'₂ tin₃ tag₄ ja₁le₁guí'₂ si₂, a₂tióng₂ ne₄ Te₁gui'₅₄ i₂lín₅ juig₅₄ gua'₅₄ 'uē₃.

⁵ Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uě'₅ 'o₄ bá₄ 'éi₂ co₂dsia₅ dság'₂ dsín'₂ ca₂le₃jín₃ i₂'iog₅₄. Jaun₂ le₂nē₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄ 'éi₂.

⁶ I₂jáng'₅ já_g₁ dsau₅ 'éi₂ ně₃ 'io₃ bí₂ a₂lé₂ jnéi₂ guei'₅₄ mi₂güig₃ ia₁jaun₂ tsá₃ ma₃lé₂ téin₃ jmí₅ ca₂le₃jě₃ jmig₄ tē₁lia'₂ tē₂i₃noi₅₄ qui₃'ě₂ já_g₁ o₄quió'₄ Diú₄. Jaun₂ 'io₃ bí₂ ján₃ a₂lé₂ le₃jmo₃ lé₂ jmi₂ jui₁lia'₂ jmig₂, a₂lé₂ qui₃cuě₃ ca₂le₃jě₃ ne₅₄ jmi₁uig₅ ne₄ gua'₅₄ 'uě₃ i₂gú'₃ ráun₂ 'a₂ con'₂ jnia'₅₄ 'nio₃.

⁷ La₁ jē₁ma₂dsan₃ ta₁ quió'₅ 'éi₂ ně₃ a₂qui₃jáng'₃ já_g₁ dsau₅, jaun₂ guě₄ o₃'in₅ Já'₂ 'Lin'₅₄* ja₁ca₂jein₃ chi₁dsio₅₄. 'Éi₂ guě₄ cuě₃, jo₅₄, jme₃dsiog₂₃.

⁸ Jē₄ calle juig₂ dsen₅₄ jaun₂, le₁gain'₅₄ le₁'lin₁₂ lé₂, co₂'nió'₄ ja₁chei₂ quian'₅₄ já_g₁ jáng'₅ léi₄, Sodoma quian'₅₄ Egipto, ján₃ bá₄ ja₁ca₂tion₃ dsa₂ cróg₄ Te₁gui'₅₄ quián₅.†

⁹ Con'₂ 'ni₅ jmig₄ rē₂tón₂ con'₂ dsi₃ñí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jě₃ ne₅₄ jag₄ dsa₂, já_g₃ jín₂ 'lag₄ 'éi₂. La₁ tsá₃ 'ein₂ η₂ jmig₄ jua'₅₄ a₂dsi₃ó₃.

¹⁰ Ca₂le₃jín₃ dsa₂ i₂chan₂ guě₄ gua'₅₄ 'uě₃, 'nio₅ tóin'₃ jmo₃ 'io'₂ o₄quió'₄ 'éi₂, jmo₃ jmig₄ a₂cha₂ qui₂dsi₃can₅ cuě'₃ rīn'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'nio₅ lin₃ jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uě₃.

¹¹ La₁ jme₁ca₂dsin₃ 'ni₅ jmig₄ tón₂ con'₂ dsi₃ñí'₃ jaun₂, Diú₄ ně₃ ca₂tó'₂ táng₃ jme₂dsí₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂ ca₂i₃gó'₃ dsí₅ 'nio₅ lin₃ dsa₂ i₂ca₂jág₂.

¹² Jaun₂ qui₂ca₂nág₂ já_g₁ tiá₂ a₂já₅ jui₅ guei'₅₄ i₂juig₃ a₂ca₂juá'₂:
—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ jui₅ guei'₅₄ i₂juig₃ rē₂lióin₃ jnei₅, tē₃ já_g₅ jaun₂ dsa₂ i₂jme₁'iog₅₄.

¹³ Hora jaun₂ dé₄ ca₂i₁bi₅₄ 'uě₃ tiá₂ lin₃. Jaun₂ qui₂ca₂gon₃ ca₂qui'₅₄ quió'₅ guia₃ juig₂ ciudad. Guio₃ mei₅ dsa₂ i₂ca₂dsan₃ jme₁ca₂jě'₂ 'uě₃. Dsa₂ i₂ca₂chón₃ guě₄ ně₃, qui₂ca₂can₃ juě'₅ dsí₅ 'nio₅ lin₃. Ca₂jme₃juin'₂ Diú₄ i₂guá₅ guei'₅₄ i₂juig₃.

¹⁴ Jaun₂ co₂nē₅ ca₂lě₃ jē₁ca₂tě₂ tin₃ jmi₁uig₅ a₂ca₂i₃ñí₂ dsa₂ jaun₂. La₁ ñi'₅₄ ta₁ jiá₃ táng₃ jē₁ca₂tě₂ 'ni₅.

Jē₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jē₁ca₂tě₂ guion₃ ángel ñí₁ quió'₅, jaun₂ qui₂ca₂né'₂ já_g₁ guei'₅₄ i₂juig₃ qui₂i₁juá'₄ tiá₂ lin₃:

Ja₁gon₂ dsa₂ mi₂güig₃ ne₄ gua'₅₄ 'uě₃,
ma₂ca₂lě₃ ja₁gon₂ Te₁gui'₅₄ quián₂ jniog₄,

ja₂gon₂ dsa₂ Irē₂'ín₁ quián₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₂guión₂-quén₂ i₂lín₅ dsa₂ can'₅₄ i₂tián₅ ne₄ta₁ quió'₅ ne₄ Diú₄, qui₂ca₂tóin₂ tē₂ 'uě₃ rē₂'éin₂ co₂ñei'₅₄, ca₂jme₃juin'₂ Diú₄,

¹⁷ qui₂ca₂juá'₂:

Cuě₂ jnia'₅₄ ti₁'mag'₄ 'ne₂,

Te₁gui'₅₄ Diú₄ i₂'Uan'₂ guě₄ lin₃,

'ne₂ bá₄ i₂lín₅, 'ne₂ i₂jme₁lín₄,‡

ia₁ ma₂ca₂jme₁'ñió'₂ 'ne₂ bí₂ juě'₂ quiáng'₂,

ma₂ca₂jme₁lióg'₄ gong'₂.

¹⁸ Jme₁qui₂nau₂ 'nei₂ juig₂ gua'₅₄ 'uě₃,

la₁ ně₃ guě₄ já₅ 'nei₂ a₂'i₄ 'au'₂,

* **11:7** 'Í Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lin₅₄ chog₅₄ si₂: "Te₁gui'₅₄ quián₂." ‡ **11:17** A₂lin₅₄ chog₅₄ si₂ juá'₂ ján₃: "'ne₂ bá₄ i₂lén'₂ ján₃."

ia₁ ma₂ca₂tě₂ jmig₄ a₂qui₁dsi'₂ 'éi'₃ ja₁con₂ 'lag₄.
 Ton'₂ ca₂tě₂ jmig₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃ti₃ ta₁ ne'₅₄
 i₂qui₂ma₂'ě₂ jág₁ quiáng'₂.

Le₂jaun₂ guë'₂ i₂jme₂go₃ 'a₂ lia'₂ lín'₅ 'ne₂
 lia'₂ dsa₂ can'₅₄, lia'₂ dsa₂ me'₂.
 Ján₃ guë'₂ ca₂tě₂ jmig₄ a₂'éng'₄
 jui₁lia'₂ i₂qui₂'én₂ ne₄ gua'₅₄ 'uë₃.

¹⁹ Jaun₂ guë'₄ ca₂niá₃ dsi₂néi₂ guá'₅ quió'₅ Diú₄ guei'₅₄ i₂juíg₃. Ca₂jnia₃ tsi₁gu₅
 quió'₅ jág₁ a₂li'₅₄ quian'₅₄ Diú₄ dsi₂néi₂ guá'₅ quió'₅. Tě₃jě₄ jaun₂ qui₂ca₂lě₃ si₁ní'₃,
 qui₂ca₂né'₂ jág₁, qui₂ca₂quia'₂ ní'₃, qui₂ca₂i₁bi₅₄ 'uë₃, qui₂ca₂séi'₂ dsi₅ ca'₅₄.

12

Jan₂ dsa₂ mí₂ quian'₅₄ cua₁ dragón

¹ Jaun₂ ca₂jnia₃ guei'₅₄ i₂juíg₃ caun₂ léi₄ juë'₂ a₂dsi₃gó'₃ dsi₅: jan₂ 'io₅₄ i₂rě₂lión₃
 co₂tág₅ lia'₂ jniá₂ 'iog₂. Le₃né'₃ ja₁chéin'₄ ton₅ tsi'₂. Caun₂ guë'₂ corona 'i₄ dsi₅₄,
 le₁ton₅ guia₃-tín₂ nei₅.

² 'Io₅₄ 'éi₂ quian₂₃ guein₂, a₂guió'₅ co₂mi'₅₄ a₂chain₂ uig₅ a₂le₃chan₂ guein₂.

³ Jaun₂ guë'₄ ca₂jnia₃ léi₄ siá'₂ táng₃ guei'₅₄ i₂juíg₃: jan₂ cua₁ dragón* guén₂
 i₂pan₅₄ lín₃ i₂quian₅ guio₃ mi₂dsi₄ quian'₅₄ guia₃ mi₂juí₁. Jma₃cáun₃ corona tio'₅₄
 lia'₂ ca₂míg₂ mi₂dsi₅₄.

⁴ Quian'₅₄ ne₁con₅ já'₂ 'éi₂ qui₂ca₂tsě'₃ ca₂qui'₅₄ quió'₅ 'ni₅ jui₁lia'₂ nei₅
 i₂jme₁le₁ín₄ guei'₅₄, jaun₂ qui₂ca₂guiain'₃ ne₄ gua'₅₄ 'uë₃. Jaun₂ ca₂nau₂
 cua₁ dragón ne₄ 'io₅₄ i₂jě₁ca₂rě₃chán₃ guein₂, ia₁jaun₂ quín'₂ guein₂ dsi₂juí₅
 jě₁ma₂ca₂rě₃chán₃.

⁵ Ca₂rě₃chán₃ rě'₂ guein₂ quiáin₅, jan₂ guein₂ dsa₂ ŋe'₂ i₂'i₄ 'éi'₃ gon₃ ne₄
 ca₂le₃jě₃ juig₂ quian'₅₄ 'ma₂'i'₅₄ a₂lě₅ ni₁ní₁ 'ua'₂.† Jaun₂ ca₂jñia'₃ bá₄ guein₂ 'éi₂
 ca₂tág₃ Diú₄ i₃guá₃ ne₄ta₁ quió'₅.

⁶ Jaun₂ ca₂cuing₃ 'io₅₄ jui₅ 'uë₃ quein₂ co₂'ñiog₅ ja₁ma₂lě₅ co₂jñia₅₄ quió'₅ Diú₄,
 ia₁jaun₂ le₃tain₅₄ ca₂lia'₂ ca₂dsin₃ caun₂ mei₅ rě₂tón₂ tin₃ 'ñiá₂-láu₂ rě₂dsí₂ 'nag'₂
 ne₂guióg₂ (1260) jmig₄.

⁷ Jaun₂ ca₂lě₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄ quian'₅₄ ángeles
 quiáin₅, ca₂quíin'₂ ca₂cuě'₃ cua₁ dragón. Ján₃ guë'₂ le₂jaun₂ ca₂jéin'₃ dragón
 quian'₅₄ ángeles quiáin₅.

⁸ La₁ tsá₃ ca₂tió'₃, jaun₂ tsá₃ ma₃ja₁ca₂rě₃chá₃ guë'₄ ja₁cuin₅ jmig₄ tóin'₃ guei'₅₄
 i₂juíg₃.

⁹ Jaun₂ ja₁jaun₂ ca₂jñia'₃ cau₅ dragón juin'₂ 'éi₂, dsi₂mi'₂ gui'₅₄ i₂jme₁chan₂
 ma₂líg'₂, i₂tě'₂ i₂sě₃dsen₃, i₂chen₂ Satanás ně₃, i₂jme₂gan₅ dsa₂ ta₁caun₂ mi₂güíg₃.
 Ca₂i₃gain'₅₄ ca₂tě₂ gua'₅₄ 'uë₃, lia'₂ jma₃quian'₅₄ ángeles quiáin₅.‡

¹⁰ Jaun₂ ca₂né'₂ jág₁ tiá₂ guei'₅₄ i₂juíg₃, i₁juá'₄:
 Ně₃ guë'₄ ca₂tě₂ jmig₄ quió'₅ Diú₄ a₂lión₂ dsa₂,
 ca₂dsióg₃ jmig₄ ja₁lé₂ jui₅bí₂ 'éi'₃ quió'₅ Diú₄ quián₂
 a₂gon₂ 'éi₂ quian'₅₄ I₂rě₂'ín₁ quiáin₅.
 Ia₁ ca₂guiain'₃ 'uë₃ i₂jme₁bóg'₂ dso₄ quió'₅ rín'₅₄ jniog₄
 le₃ne₄ Diú₄ lia'₂ 'uë₂-jmí₂.

¹¹ Ca₂tió'₃ bá₄ 'éi₂
 tě₂le₃ quian'₅₄ jmí₂ 'an₅₄ Guein₂ Já'₂ Cha'₂,

* **12:3** griego: drakón (dsi₂mi'₂). † **12:5** 'Nio'₂ ja₁ton₅ Salmo 2:9. ‡ **12:9** 'Nio'₂ ja₁ton₅ Isaías 14:12-15; Lucas 10:18; Apocalipsis 9:1.

tē₂le₃ quian'₅₄ jág₁ dsau₅ ně₃
 a₂ma₂qui₂ma₂jáng'₃ 'éi₂;
 ia₁ tsá₃ ca₂dsán₃ dsí₅ jme₂dsí₂ quió'₅
 o₁jñia'₅₄ ca₂dsain₃.

¹² Jaun₂ lě₃, 'io'₂ jmo₄ 'nia'₂ i₂juíg₃,
 quian'₅₄ guě'₂ 'nia'₂ i₂tian'₅ ja₁jaun₂.
 ¡La₁ 'e₂ guě'₄ juíg₂ jui₁lia'₂ i₂chan₂ gua'₅₄ 'uě₃,
 quian'₅₄ guě'₂ i₂chan₂ né'₃ jmi₁ñí'₄!
 Ia₁ ma₂sión₃ i₂sě₃dsen₃ ja₁con'₂ 'nia'₂;
 ma₂'i₄ 'nei₂ dsí₅, ia₁ ma₂ñi₅ rě₂ bá₄,
 ca₂juig₄ jmá'₅ jmig₄ cha₂ guě'₄ quió'₅.

¹³ Jme₁ca₂rě₃lí'₄ dragón a₂ma₂ñó₅ jui₅ gua'₅₄ 'uě₃, jaun₂ 'éi₂ ně₃ ca₂'ein₃ 'io'₅₄
 i₂ca₂rě₃chán₃ guein₂ dsa₂ ñe'₂ quián₅.

¹⁴ La₁ 'io'₅₄ 'éi₂ ně₃, ca₂ñi₂ tsi₁rě₂cu₅ ca₁ca'₅₄ a₂lě₅ lia'₂ lě₅ tsi₁rě₂cu₅ i₁mig₂,
 ia₁jaun₂ 'iin₃ jui₅ ja₁quió'₄, ja₁lě₄ 'uě₃ quein₂ co₂ñiog₅, ja₁lě₄ 'í₁ 'ni₅ ñi₂ tē₂ ca₂jau₅₄
 le₃ne₄ dsi₂mi'₂.

¹⁵ Jaun₂ ca₂'uě'₃ dsi₂mi'₂ jmig₂ jui₅ mi₂'o₅₄, ně₂jag₄ bá₄ caun₂ cuá₃ juě'₂, ia₁jaun₂
 dsi₃ñi₃ 'io'₅₄ 'éi₂ quian'₅₄ jmig₂.

¹⁶ La₁ ca₂jme₃'o₅₄ gua'₅₄ 'uě₃, ca₂jme₃'oin₅₄ 'io'₅₄, ca₂niá₃ 'uě₃ ca₂nág'₃ jmig₂ cuá₃
 jaun₂ a₂ca₂'uě'₃ dragón jui₅ mi₂'o₅₄.

¹⁷ Jaun₂ ca₂rě₃'né₃ dragón le₃ja₁con₂ 'io'₅₄, jaun₂ ñei₅₄ i₁quain'₅₄ quaiain'₅₄
 tsi₁jon₂ i₂ca₂chón₃ quián₅ 'io'₅₄, co₂'nió'₄ i₂jme₂ti₃ 'éi'₃ quió'₅ Diú₄ i₂le₁quian₅ jág₁
 dsau₅ quió'₅ Jesús ně₃.

¹⁸ Jaun₂ ca₂nau₂ 'éi₂ chei'₅₄ jmi₁ñí'₄. Š

13

Le₃on₃ Já'₂ 'Lin'₅₄

¹ Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅, i₂le₁dsi₅₄ guio₃
 mi₂dsi₄, guia₃ guě'₂ mi₂juí₁. Ne₄ mi₂juí₁ ně₃, jme₁le₁dsi₅₄ guia₃ coronas. Ne₄
 mi₂dsi₅₄ ně₃, jme₁le₁ton₅ jág₁ lia'₂ chein₂ a₂jmo₂₃ a₂lín₅ Diú₄.

² Jme₁lín₄ já'₂ i₂ca₂jing₅₄ 'éi₂ lia'₂ lín₅ dsi₂'ia'₂ leopardo. Le₁dsi₅₄ mi₂tag₅₄ lia'₂
 lě₅ gu₂-tag₄ oso. Mi₂'o₅₄ guě'₂ lě₅ lia'₂ lě₅ mi₂'o₄ 'ia'₂ león. Ca₂cuě₃ dragón jui₅bí₂
 ca₂cuě'₃ já'₂ 'éi₂ lia'₂ jma₃quian'₅₄ ne₄ta₁ quió'₅ ně₃, a₂qui₃dsi₂₃ 'éi'₃ a₂'uain'₂ lín₃.

³ Ca₂míg₂ mi₂dsi₄ Já'₂ 'Lin'₅₄ 'éi₂, lě₅ lia'₂ lě₅ a₂rě₂cuí'₃ 'ñio₅ lín₃, lě₅ ně₂jag₄ bá₄
 a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güí₃ bá₄ ca₂l₃gó'₃ dsí₅ dsa₂,
 ca₂'ein₃ Já'₂ 'Lin'₅₄ 'éi₂.

⁴ Jaun₂ ca₂jme₃juag'₂ dsa₂ ca₂jme₃juin'₂ dragón, ia₁ ca₂cuě₃ 'éi'₃ ca₂cuě'₃ Já'₂
 'Lin'₅₄. Ca₂jme₃juin'₂ Já'₂ 'Lin'₅₄ ně₃, qui₂ca₂juá'₂ ca₂tóin'₂:

—¿'Ein₂ chan₂ i₂lín₅ lia'₂ lín₅ i₂ně₅? —'iin₂₃ Já'₂ 'Lin'₅₄ 'éi₂—. ¿'Ein₂ bá₄ tió'₅ jmo₃
 'nei₂ ja₁coin₂?

⁵ Ján₃ bá₄ ca₂ñi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ ně₃
 a₂qui₃dsi₂₃ 'éi'₃ con'₂ tē₂láu₃-tín₃ tsi'₂.

⁶ Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quió'₅ Diú₄. Ca₂ton₃ rě'₂ 'lig'₅₄ ca₂'ě₃
 ja₁guá₄ Diú₄; ca₂'iin₃ rě'₂ ca₂lia'₂ i₂tion'₅₄ guei'₅₄ i₂juíg₃ ně₃.

⁷ Ca₂ñi₂ bá₄ jmig₄ a₂jmo₃ 'nei₂ ja₁con₂ dsa₂ i₂tén₅ le₃quió'₅ Diú₄, * a₂jo₃ ně₃;
 ca₂ñi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jě₃ tsi₁jon₂, ca₂le₃jě₃ go₄ dsa₂, ca₂le₃jě₃
 jág₁ jmei₅, ca₂le₃jě₃ juig₂ ně₃.

Š **12:18** A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ñí'₄”,
 a₂chi₁ton₅ jě₁le₂'uig₅₄ Capítulo 13. * **13:7** lit. “ja₁con₂ dsa₂ jñi₅.”

8 Jme₃juag'₂ ca₂le₃jín₃ dsa₂ i₂chan₂ gua'₅₄ 'uë₃ jme₃juin'₂ Já'₂ 'Lin'₅₄ 'éi₂: ca₂le₃jín₃ i₂con'₂ tsá₃ le₁ton₅ ne₄ si₂ rë₂bín₅ a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃ mi₂güí₃.

9 Në₁jua'₂ 'ein₂ le₁dsi₅₄ rë₂gua₄, rë₂jui₁nei₅₄.

10 Jui₁lia'₂ i₂jñia₅ dsa₂ jui₅ né'₃ má₃,
ján₃ bá₄ jui₅ né'₃ má₃ dsi₃léin₂;

jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,
quian'₅₄ ñi₁tág₂ dsiáin₃.†

'Uig₅₄ në₅ në₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uín₂ a₂'éin₂.

11 Cang₂ jaun₂ ca₂jñ₄ táng₃ jniá₂ jan₂ já'₂ 'lin'₅₄ sián'₂, ca₂ñioi₂ ne₄ gua'₅₄ 'uë₃. 'Éi₂ në₃ jme₁le₁dsi₅₄ tñ₃ mi₂juí₁ lia'₂ lë₅ mi₂juí₁ jan₂ guein₂ já'₂ cha'₂. La₁, lia'₂ lë₅ jág₁ quió'₅ dragón bá₄, jme₁lë₄ jág₁ quió'₅.

12 Co₂jaun₂ bá₄ jme₁'io₂₃ bí₂ ján₃, jui₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmig₄ jme₃juag'₂ ta₁caun₂ mi₂güí₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rë₂cuín'₃ 'éi₂.

13 'Lióng₂ léi₄ juë'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güí₃ në₃, ca₂jmo₃ të₃ne₄ dsa₂ mi₂güí₃.

14 Të₂le₃ quian'₅₄ léi₄ juë'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uë₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rë₂cuín'₃ quian'₅₄ ñi₁tág₂ i₂ca₂'lón₂ 'éi₂.

15 Ca₂ñi₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂.

16 Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ñé₂, lia'₂ dsa₂ i₂jme₂ti₃ ta₁ ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ në₃, a₂guein₃ léi₄ dso'₂ gu₂ ne₁, o₃ chi₁quí₃ 'e₂.

17 Jaun₂ tsá₃ ma₃lé₂ lá₃ 'i₁jan₂, on₃ guë'₂ ma₃lé₂ 'nag₃, jua'₅₄ tsá₃ líin₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂.

18 Le₂la₂ bá₄ jág₁ a₂ñí'₂ dsí₅: jui₁lia'₂ dsa₂ i₂'i₄ jág₁, jui₁chein'₄ cuentas 'a₂ lia'₂ lë₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güí₃ bá₄ jaun₂. Le₂la₂ lë₅ número quió'₅: jñéi₂ 'ñiá₂-láu₂ rë₂dsí₂ 'nag'₂ ne₂guióg₂ rë₂dsí₂ jñéi₂ (666).

14

Canto a₂ca₂'ë₃ caun₂ 'ñiá₂-lón₂ rë₂dsí₂ të₂láu₃-quén₂ mei₅ (144,000) dsa₂

1 Cang₂ jaun₂ ca₂jñg₅₄ táng₃ Guein₂ Já'₂ Cha'₂ jniá₂ chéin'₅ ne₄ Má'₂ Sión, quian'₅₄ caun₂ 'ñiá₂-lón₂ rë₂dsí₂ të₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ në₃.

2 Jaun₂ guë'₄ ca₂nag₃ caun₂ mi'₅₄ a₂já₅ guei'₅₄ i₂juí₃, a₂lë₅ në₂jag₄ bá₄ caun₂ la'₅₄ juë'₂ lin₃, * ton'₂ në₂jag₄ bá₄ ja₁dein₅ quia'₂ tiá₂ lin₃ ñí'₃. Mi'₅₄ a₂ca₂nag₃ jaun₂ ca₂né'₂ jui₁lia'₂ ja₁jmo₅ dsa₂ son₅₄ quian'₅₄ tsi₁ton₅ arpas † quió'₅.

3 Qui₂i₁'ë₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ në₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tñ₂ son₅₄ a₂'ë₅ dsa₂ jaun₂, jmá'₃ lia'₂ dsa₂ 'ñiá₂-lón₂ rë₂dsí₂ të₂láu₃-quén₂ mei₅ i₂rë₂'lian'₅₄ ne₄ gua'₅₄ 'uë₃ 'éi₂ bá₄.

4 Ca₂le₃jín₃ dsa₂ 'éi₂ i₂tsá₃ ca₂rë₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rë₃cháin₃ ja₂léin₂ le₁jñin₃. Quian'₅₄ bá₄ Guein₂ Já'₂ Cha'₂ jui₁'a₂ guë'₃

† 13:10 o₃, “Chi₂jua'₂ chan₂ i₂'i₄ 'éi'₃ jnéi₂ dsa₂, jui₅ né'₃ 'má₃ bá₄ dsó₃; chi₂jua'₂ chan₂ i₂'i₄ 'éi'₃ jñag'₃ dsa₂ quian'₅₄ ñi₁tág₂, quian'₅₄ ñi₁tág₂ guë'₂ jñag'₃ dsa₂.” * 14:2 o₃, “lia'₂ né₂ 'lióng₂ jmig₂.” † 14:2 griego: kithara.

ja₁dsó₃ 'éi₂. Qui₁le₁'liain₅₄ tē₂le₃ jīn₄ dsa₂ mi₂güig₃, co₂'nió'₄ i₂le₂'uig₅₄ i₂rē₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ ně₃.

⁵ 'I₁caun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃ dso₄ qui₂rē₂cáin'₄.‡

Jág₁ quió'₅ le₃ún₂ ángeles

⁶ Jaun₂ ca₂jing₅₄ táng₃ jan₂ ángel sián'₂ a₂ñi₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ě₃ ja₂chi'₅₄ dsa₂ i₂tián'₅ ne₄ gua'₅₄ 'uē₃: ca₂le₃jě₃ juig₂, ca₂le₃jě₃ tsi₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂;

⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi'₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uē₃, jmi₁ñí'₄ ně₃, quian'₅₄ guē₄ ca₂le₃jě₃ o₄tu₁ jmig₂.

⁸ Chi₁quín₃ guē₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

—Ma₂ca₂i₃'én₂, ma₂ca₂i₃'én₂ Babilonia juē'₂, 'uig₅₄ ia₁ a₂ca₂jmo₃ a₂qui₂ca₂'in'₃ ca₂le₃jě₃ juig₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

⁹ Jaun₂ ca₂guan₃ táng₃ jē₁ca₂tē₂ ún₂ ángel, ján₃ guē'₂ tiá₂ ca₂juá'₂:

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ ně₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃ 'e₂,

¹⁰ ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rē₂cón'₅ 'ñi₃ copa a₂cha₂ 'uig₅₄ a₂le₃'nei₂; qui₃ñág₃ uig₅ quian'₅₄ si₂ quian'₅₄ azufre tē₃ne₄ ángeles jñi₅ quián₅ Diú₄ quian'₅₄ guē'₂ le₃ne₄ Guein₂ Já'₂ Cha'₂.

¹¹ Jme₁ñi₁ a₂tsá₃ ja₁ñág₃ uig₅ ně₃, dsi₅₄ co₂tan₅₄ lé₂, on₃ guē'₂ 'uē₂-jmi₂ bá₄ lé₂ jua'₅₄ a₂le₃jñia₃ a₂tsá₃ ñág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ ně₃.

¹² Ja₁nē₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús ně₃.

¹³ Jaun₂ ca₂né'₂ táng₃ jág₁ a₂já₅ guei'₅₄ i₂juig₃, ca₂juá'₂ tság₅ jniá₂:

—Jmo₄ si₂ tióng₅ ca₂le₃jě₃ a₂nē₅ a₂juá'₂: “E₂ guē₄ 'ñio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsi₂, ia₁jaun₂ jñia₃ ca₂le₃jě₃ ta₁ quió'₅, jaun₂ qui₃le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uē₃

¹⁴ Jaun₂ ca₂jág₃ táng₃ ca₂jñia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂ corona a₂lě₅ jmá'₃ cu₄nióg₄ mi₂dsi₅₄, chi₁chan'₂ caun₂ ñí₁ hoz a₂'mu₃.

¹⁵ Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ñí₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uē₃.

¹⁶ Jaun₂ ca₂tiá₂ hoz ne₄ gua'₅₄ 'uē₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷ Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juig₃; ján₃ bá₄ chi₁chan'₂ caun₂ ñí₁ hoz a₂'mu₃.

¹⁸ Jaun₂ ca₂o₃'ín₃ táng₃ ne₄chei₂ jan₂ ángel sián'₂ guē₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ñí₁ hoz 'mu₃, ca₂juá'₂:

—Tiá₃ ñí₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂qui₂le₁'ág₄ ni₁uing₂ a₂cha₂ gua'₅₄ 'uē₃, ia₁ ma₂ca₂juig₂ míg₂ uvas quió'₅.

‡ 14:5 A₂lín₅₄ chog₅₄ si₂ juá'₃ ján₃: “le₃ne₄ ne₄ta₁.” § 14:12 lit. “dsa₂ jñi₅.” * 14:14 'Nio'₂ ja₁ton₅ Daniel 7:13.

¹⁹ Jaun₂ ca₂tiá₂ 'éi₂ hoz quió'₅ ne₄ gua'₅₄ 'uë₃, ca₂cág'₃ mīg₂ uvas quió'₅ gua'₅₄ 'uë₃. Ca₂tó'₂ caun₂ ja₁juë'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄.

²⁰ Jaun₂ ca₂rë₂tso'₄ a₂jaun₂ 'ni'₂ juig₂, ca₂'io₂ jmi₂. Jmi₂ jaun₂ në₃ ca₂i₃'o₅₄ a₂ji'₂ con'₂ 'ei₅ rë₂'o₄ dsi₂cua₁, a₂juë'₂ ja₁ca₂'a₃ tí₅ con'₂ 'ni₅ 'ñiá₂-láu₂ (300) kilómetro.

15

Guion₃ ángeles i₂le, quian₅ guio₃ jmi₁uig₅ jë₁ca₂tó'₂

¹ Ca₂jág₃ jniá₂ guei'₅₄ i₂juíg₃ caun₂ léi₄ juë'₂ a₂dsi₂gó'₃ dsi₅: guion₃ ángeles i₂quian₅ guio₃ guë'₄ jmi₁uig₅ ja₁con₂ dsa₂. Co₂'nió'₄ a₂jaun₂ guë'₄ lë₅ jë₁ca₂tó'₂, ia₁ co₂jaun₂ ca₂'ñia₅ a₂'i₄ 'nei₂ dsí₅ Diú₄.

² Jaun₂ ca₂jág₃ jniá₂ jui₁lia'₂ caun₂ jmi₁ñí'₄ a₂lë₅ ni₁'i₂ a₂rë₂cón'₅ quian'₅₄ si₂. Ne₄ jmi₁ñí'₄ a₂lë₅ ni₁'i₂ jaun₂, jme₁tió₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ në₃. Qui₂le₁chan'₂ tsi₁ton₅ arpas* a₂ca₂cuë'₃ Diú₄.

³ Tió₂ 'ë₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ guë'₄ juë'₂ a₂jlá'₁ lin₃ ca₂le₃jë'₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guë'₄ lin₃.

A₂dsau₅, a₂tí₅ lin₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jë'₃ juig₂.

⁴ ¿'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

¿'Ein₂ bá₄ i₂tsá₃ jme₃juag'₂ guë'₂ ján₃?

Ia₁ jan'₂ 'ne₂ bá₄ líng'₅ i₂jñiós.

Ca₂le₃jë'₃ juig₂ qui₂ja₃léin₂ qui₂jme₃juin'₂ 'ne₂,

ia₁ ma₂ca₂rë₃jniá₂ 'éi'₃ a₂qui₂dsí'₂ 'ne₂.

⁵ Cang₂ jaun₂ ca₂jág₃ jniá₂ guei'₅₄ i₂juíg₃, ca₂niá₃ guá'₅, co₂'nió'₄ le₃jua'₅₄ ja₁jñiós guë'₄, ja₁rë₂'ma₄ jág₁ dsau₅ a₂li'₅₄ quian'₅₄ Diú₄.

⁶ Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lin₃. A₂jme₁rë₂jén'₅ le₁dsí₅ guë'₂ në₃, jme₁lë₄ jmá'₃ cu₄nióg₄.

⁷ Jaun₂ guë'₄ jan₂ já'₂ quén₂ i₂tió₂ ne₄ ne₄ta₁, ca₂cuë'₃ le₂jan₂ le₂jan₂ ta₁guion₃ ángeles jma₃cáun₃ ni₁uing₅ ji'₂ a₂lë₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄.

⁸ Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rë₃'ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ë₂ Diú₄

¹ Jaun₂ ca₂nag₃ jniá₂ jág₁ tiá₂ lin₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uë₃ 'nei₂ a₂'i₄ dsí₅ Diú₄ a₂le₁'a₁ ni₁uing₅ në₅.

² Jaun₂ ca₂o₃'ín₃ jë₁le₂'uig₅₄ ángel, jaun₂ ca₂jein₃ a₂chi₁'a₄ ni₁uing₅ quió'₅ ne₄ gua'₅₄ 'uë₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lin'₅₄, i₂jme₂juin'₂ nió'₄ quió'₄ në₃, qui₂ca₂'ñia₂ 'mé'₅ 'lig'₅₄ a₂qui'₂ guë'₄ lin₃.

³ Jaun₂ ca₂jen₃ jë₁ca₂të₂ on₃ ángel a₂'a₄ ni₁uing₅ quió'₅ ne₄ jmi₁ñí'₄. Jaun₂ ca₂lë₃ jmi₂, në₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

* 15:2 griego: kithara. † 15:3 canto quió'₅, Moisés: 'Nio'₂ ja₁ton₅, Éxodo 15; Deuteronomio 32.

4 Ján₃ bá₄ le₂jaun₂ ca₂jen₃ jë₁ca₂të₂ ún₂ ángel a₂'a₄ ni₁u_{ing}₅ quió'₅, ne₄ jmi_g₂ cuá₃, ne₄ o₄tu₁ jmi_g₂ ně₃; jaun₂ jmá'₃ jmi₂ bá₄ qui₂ca₂lë₃ ján₃.

5 Jaun₂ ca₂nag₃ juá'₂ ángel i₂niog₅ gu₂ jmi_g₂, ca₂juá'₂:

Rë₂ bá₄ cáun'₂ 'ne₂ 'í₁, Diú₄ Jnió₅;

'ne₂ i₂lín₅, i₂jme₁lín₄,*
ia₁ a₂në₂qui₁dsi'₂ 'éi'₃ le₂në₅.

6 Ia₁ ca₂tein₃ 'éi₂ jmi₂ a₂jme₁'an₅₄
dsa₂ i₂jme₁tén₄ le₃quiáng'₂,
dsa₂ i₂jme₁qui₂ca₂'ë₂ jág₁ quiáng'₂ ně₃.

Në₃ guë₄ ně₃, në₂'ein'₅₄ jmi₂,
ia₁ le₂në₅ 'en₄ quió'₅ bá₄.

7 Ca₂nag₃ jniá₂ ján₃ jë₄ ne₄chei₂, i₁juá'₄:
Dson'₂ le₂në₅, Te₁gui'₅₄ Diú₄ i₂'Uan'₂ guë₄ lin₃,
dsón'₂ bá₄ qui₂dsi'₁ 'ne₂ 'éi'₃ lia'₂ con'₂ dsi₂ten₅₄.

8 Jaun₂ ca₂jen₃ jë₁ca₂të₂ quén₂ ángel a₂'a₄ ni₁u_{ing}₅ quió'₅ ne₄ 'iog₂, jaun₂ ca₂ηi₂
'iog₂ bí₂ a₂dsiin'₂ dsa₂ mi₂güí₃ quian'₅₄ si₂.

9 Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lin₃. Jaun₂ qui₂ca₂'ag₃
dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁u_{ig}₅ jaun₂. Tsá₃ ca₂jme₃tsín₃ dsí₅,
jua'₅₄ ca₂jme₃juin'₂ 'éi₂.

10 Jaun₂ ca₂jen₃ jë₁ca₂të₂ 'niá₂ ángel a₂'a₄ ni₁u_{ing}₅ quió'₅ ne₄ ne₄ta₁ quió'₅ Já'₂
'Lin'₅₄, jaun₂ ca₂të₁tsi'₅₄ qui₁né'₃ ja₁goin₂ jaun₂. Dsa₂ ně₃ qui₂ca₂quig'₂ le₁tsi'₂
a₂ca₂jme₃uí'₃.

11 Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juí₃, ne₄ 'uig'₅₄ a₂le₁quian₂₃
jmi₁u_{ig}₅, 'uig'₅₄ ia₁ a₂lín₅ 'mé'₅ ně₃. La₁ tsá₃ ca₂dsi₃quéin'₅ dsí₅ jua'₅₄ ca₂tí₂
a₂jmo₂₃-dsáu₅.

12 Jaun₂ ca₂jen₃ jë₁ca₂të₂ jné₂ ángel a₂'a₄ ni₁u_{ing}₅ quió'₅ ne₄ cuá₃ juë'₂ Eufrates.
Jaun₂ co₂dsia₅ ca₂rë₃quéin₃ cuá₃ jaun₂, ia₁jaun₂ ma₂lë₅ co₂ηia₅₄ caun₂ jui₅
quein₂ ja₁i₃nio₄ rag₅₄ i₂ja₃lén₂ të₂le₃ ja₁'ia₂† 'iog₂.

13 Jaun₂ ca₂jág₃ ca₂'uin₂ ún₂ jme₂dsí₂ 'lin'₅₄, i₂jniá₂ lia'₂ jniá₂ i₁jë'₅, ca₂'u_{iin}₂
jma₃ján₃ jui₅ mi₂'o₄ já'₂ dragón, mi₂'o₄ Já'₂ 'Lin'₅₄, quian'₅₄ mi₂'o₄ i₂të'₂ dsa₂ i₂'ë₂
jág₁ a₂ju₁gain₂ ně₃.

14 Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ juë'₂, i₂qui₂dsi₃lén₂ u_{ing}₂
ja₁con₂ rag₅₄ quián₅ dsa₂ i₂chan₂ ta₁caun₂ mi₂güí₃, ia₁jaun₂ chi₃lo'₃ a₂dsia₃ 'nei₂
jmi₄ juë'₂ jaun₂ quió'₅ Diú₄ i₂'Uan'₂ guë₄ lin₃.

15 “Rë₂ján'₁ 'nia'₂ ia₁ guión'₄ jniá₂ con'₂ tiá₂, në₂jag₄ bá₄ jan₂ 'ang₂. 'E₂ guë₄
dsen₃ jui₁lia'₂ i₂rë₂jnio₄ ne₄, i₂lë₅ 'í₁ tsin'₅₄, con'₂ tsá₃ ηó₅ në₁jua'₂ i₃ηi₅₄ rë₂ηi₅ të₃
jág₅ dsa₂ o₂qui'₃ quió'₅.”

16 Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ jág₁ jmei₅
hebreo.

17 Jaun₂ ca₂jen₃ jë₁ca₂të₂ guion₃ ángel a₂'a₄ ni₁u_{ing}₅ quió'₅, ca₂'éin₂ dsi₂güig₂.
Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juí₃, jág₁ a₂juá'₂ tiá₂, a₂já₅ ne₄ta₁,
i₁juá'₄:

—jMa₂ca₂lë₃ bá₄‡

18 Jaun₂ qui₂ca₂lë₃ si₁ηí'₃, ca₂të₁tsi'₅₄ co₂mi'₅₄, ca₂quia'₂ ηí'₃. Ta₁caun₂ gua'₅₄
'uë₃ qui₂ca₂jë'₂ ca₂i₁bi₅₄ 'uë₃ tiá₂ lin₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄
'uë₃ ca₂le₃ ca₂rë₃chán₃ dsa₂ ne₄ gua'₅₄ 'uë₃, ia₁ a₂ηí₄ lë₃ gau₂ ca₂lë₃.

* 16:5 A₂lin₅₄ chog₅₄ si₂ chi₁ton₅ ján₃: “i₂lén₂ co₂tan₅₄.” † 16:12 Co₂'nió'₄ le₃jua'₅₄, caun₂ cosa a₂tsá₃, 'i₁
jme₂dsí₂, a₂ca₂jmo₃ Diú₄, 'Nio'₂ ja₁ton₅, Salmo 8:3; Romanos 1:25. ‡ 16:17 'Nio'₂ ja₁ton₅, Juan 19:30.

19 Ca₂lě₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂i₃lé₂ jui₅ 'uē₃ ca₂le₃jě₃ jui₂ ciudad jme₁te₁'i₁ mi₂güig₃. Jaun₂ guē₄ ca₂dsáu'₃ dsí₅ Diú₄ Babilonia juē'₂; ca₂cuē'₃ copa a₂'a₄ vino a₂'i₄ 'nei₂ dséi₂ dsí₅.

20 Jaun₂ qui₂ca₂cuing₃ ca₂le₃jě₃ 'uē₃ a₂qui₂le₁quí'₅ jě₄ jmi₁ñí'₄; ca₂le₃jě₃ ni₁má'₂ ně₃, co₂dsia₅ ca₂i₃có'₂.

21 Qui₂ca₂tang₂ ne₄ quió'₅ dsa₂ mi₂güig₃ dsí₅ ca₁ca'₅₄ 'ñio₅ lin₃, a₂guei₂ jma₃tě₂láu₃ kilo lia'₂ ca₂míg₂. Š Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'iin₂₃ Diú₄, 'uig₅₄ ia₁ a₂ca₂séi'₂ dsí₅ jaun₂, ia₁ a₂ñí'₄ lě₃ ca₂i₃juin₅₄ gau₂ jmi₁uig₅ a₂ca₂lě₃.

17

Jě₁ca₂i₃'én₂ 'io₅₄ juin'₂ i₂'nag₅ quió'₅

1 Jaun₂ ca₂já₃ jan₂ ángel i₂lě₂ guion₃ i₂jme₁le₁chan'₂ ni₁uig₅ 'éi₂, ca₂tság₃ jniá₂: —Nia₅, la₂ 'ě₅₄ 'a₂ lia'₂ lě₅ jmi₁uig₅ a₂'ě₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmi₂.

2 Ca₂le₃jín₃ bá₄ rag₅₄ i₂chan₂ ne₄ gua'₅₄ 'uē₃ ma₂qui₂ca₂nió'₄ jág₁ quian'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rě₃'en₅ dsa₂ i₂tián'₅ ne₄ gua'₅₄ 'uē₃, quian'₅₄ vino a₂co₂'nió'₄ dso₄ a₂ca₂jmo₃-dsáu'₅ 'io₅₄ 'éi₂.

3 Jaun₂ ca₂jiog₃ ángel, tě₁lia'₂ 'eng₅₄ le₃quió'₅ Jme₂dsí₂, caun₂ 'uē₃ quein₂ co₂'ñiog₅. Ja₁jaun₂ ca₂tě₂ ne₃ ca₂jing₅₄ jan₂ 'io₅₄, co₂dsiin₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, gua₃ guē'₂ mi₂juí₁, i₂jme₁quian₅ 'lióng₂ jág₁ 'lig'₅₄ lia'₂ chein₂ a₂jmo₂₃ a₂lín₅ Diú₄ ně₃.

4 'Io₅₄ 'éi₂ ně₃ rě₂lín₅₄ qui'₂ tsin'₅₄ guén₂ si₂, quian'₅₄ a₂'ui'₃. A₂lě₅ jlá'₁, tio'₅₄ cu₄nióg₄, ni₁cang₁ jlá'₁ quian'₅₄ mīg₂ perlas ně₃. Ján₃ guē₄ chi₁chan'₂ caun₂ copa a₂lě₅ jmá'₃ cu₄nióg₄, rě₂'a₄ a₂'lig'₅₄ a₂jmo₅-dsáu'₅, quian'₅₄ jág₁ 'lig'₅₄ a₂nió'₅.

5 Le₁ton₅ jág₁ ne₄ chi₁quí₃, a₂juá'₂: JÁG₁ A₂RĚ₂'MA₄ BABILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĚ₃ NE₅₄ A₂LI₁'IOG₅ NE₄ GUA'₅₄ 'UĚ₃.

6 Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quió'₅ Diú₄,* quian'₅₄ guē'₂ jmi₂ 'an₅₄ i₂ma₂jáng'₃ jág₁ dsau₅ le₃quió'₅ Jesús. Jaun₂ ca₂i₃gó'₃ dsí₃ guē₄ lin₃ jme₁ca₂tě₂ ne₃ a₂jaun₂.

7 Jaun₂ ca₂juá'₂ ángel tság₅ jniá₂:

—¿'E₂ lě₃ dsí₂gó'₃ 'au'₂? La₂ juá'₄ jniá₂ jág₁ rě₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guē'₂ léi₄ jáng'₅ táng₃ Já'₂ 'Lin'₅₄ i₂jiog₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ ně₃.

8 Já'₂ 'Lin'₅₄ i₂ně₂jing'₅₄ ně₅, jme₁chan₂ le₂jñiá₅, rě₂ně₃ ně₃ tsá₃ ma₃chain₂. La₁ jě₁ma₂o₃'iin₅ uíg₂ ja₁ca₂jein₃ chi₁dsio₅₄, jaun₂ dsíóg₄ ja₁dsi₃'éin₂. Dsi₃gó'₃ dsí₅ dsa₂ i₂chan₂ ne₄ gua'₅₄ 'uē₃, ca₂le₃jín₃ i₂con'₂ tsá₃ le₁ton₅ ne₄ si₂ ca₂le₃ ca₂nio₃ mi₂güig₃, mi₂si₂ a₂rě₂bin₅ a₂le₃chan₂ dsa₂; dsí₂qui₂dsi₃gó'₃ dsí₅ jě₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rě₂ně₃, la₁ia₁ a₂guáin₂ táng₃.

9 Jág₁ la₂ cha₂ a₂lé₂ le₃ñí'₂ jui₁lia'₂ dsa₂ i₂ñí'₂ dsí₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsí₂con'₂ ja₁guá₄ 'io₅₄ 'éi₂.

10 Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ñiá₂ rag₅₄ 'éi₂; jan₂ bá₄ i₂gon₂ rě₂ně₃; jan₂ guē'₂ i₂tsá₃ ma₂guan₅ guē₄. Jě₁ma₂tě₂ rě₁guá₃ 'éi₂ guē'₂ ně₃, ca₂tiá₂ bá₄ ca₂tiin₂ guá₃.

11 Já'₂ 'Lin'₅₄ i₂jme₁chan₂, i₂tsá₃ chan₂ rě₂ně₃ 'éi₂ guē'₂ ně₃, lén₂ i₂gon₂ i₂ca₂tě₂ jñia₃ i₂co₂'nió'₄ rin'₅₄ i₂guion₃ 'éi₂ bá₄. Ján₃ bá₄ dsíóg₄ ja₁dsi₃'éin₂.

Š 16:21 lit. "a₂guei₂ caun₂ talento lia'₂ ca₂míg₂."

* 17:6 lit. "quian'₅₄ jmi₂ 'an₅₄ dsa₂ jñi₂."

12 'A₂lě₅ guia₃ mi₂juí₁ a₂ně₂jag'₅₄ ně₃, co₂'nió'₄ guan₃ rag₅₄ i₂tsá₃ ma₂ŋi₂ ja₁le₃goin₂. La₁ ŋei₃ bí₂ 'éi'₃ ca₂tiá₂ le₂jaun₂, ně₂jag₄ caun₂ hora, lia'₂ ma₂quiain'₅₄ Já'₂ 'Lin'₅₄.

13 Tóin'₃ caun₂ ta₁ co₂dsia₅, 'ei₅ caun₂ jág₁, ton'₂ qui₃cuě₃ jui₅bí₂ quian'₅₄ 'éi'₃ quió'₅ cuě'₃ Já'₂ 'Lin'₅₄.

14 Qui₃jmo₃ 'nei₂ quíin'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ Juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ ně₃, lín₅ i₂ma₂quióin'₂ i₂ma₂tě'₃ Diú₄, tióin₂ lín₅ dsa₂ i₂rě₂ti'₅₄ quián₅.

15 Jaun₂ ca₂tság₃ jniá₂:

—Jui₁lia'₂ a₂lě₅ 'lióng₂ jmi₂g₂ ja₁guá₄ 'io₅₄ 'lin'₅₄ a₂ně₂jag'₅₄ ně₅, co₂'nió'₄ ca₂le₃jě₃ go₄ dsa₂, ca₂le₃jě₃ nió'₃ dsa₂, ca₂le₃jě₃ juig₂, ca₂le₃jě₃ jág₁ jmei₅ ně₃.

16 Jaun₂ jme₃'iog₅₄ dsa₂ i₂co₂'nió'₄ a₂lě₅ guia₃ mi₂juí₁ i₂ně₂jag'₅₄, jme₃'iog₅₄ Já'₂ 'Lin'₅₄ guě'₂ ně₃, jme₃'ŋiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tē₃tsin'₅₄ rě₃ŋi₅; qui₃quí₃'₃ ni₁ŋi₁₂, jaun₂ guě'₄ dság'₂ quian'₅₄ si₂.

17 Ia₁ Diú₄ ně₃ ma₂jmo₃ dsí₅ dsa₂ 'éi₂ jui₁jmo₁₂ ca₂le₃jě₃ 'e₂ niog₅ dsí₅ jmo₃, ia₁jaun₂ jmo₃ caun₂ jág₁ a₂cuě₃ jui₅bí₂ a₂goin₂, cuě'₃ Já'₂ 'Lin'₅₄, ca₂lia'₂ ca₂dsióg₃ jmi₂g₄ a₂le₃ti₃ jág₁ quió'₅ Diú₄ a₂ma₂ron₅.

18 'Io₅₄ i₂ně₂jing'₅₄ ně₃, co₂'nió'₄ ciudad juě'₂ ja₁o₂'ag₅ 'éi'₃ ne₄ quió'₅ ca₂le₃jín₃ rag₅₄ i₂chan₂ mi₂gú₃.

18

Jě₁ca₂ŋó₃ 'uě₃ bí₂ quió'₅ Babilonia

1 Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄ i₂juíg₃ i₂'io₅ bí₂ 'éi'₃ a₂'uain'₂ lín₃. Ta₁caun₂ mi₂gú₃'₃ bá₄ ca₂tág'₃ a₂co₂tág₅ co₂'né'₅ quió'₅.

2 Quian'₅₄ jág₁ tiá₂ lín₃, ca₂juá'₂:

Ma₂ca₂i₃'én₂, ma₂ca₂i₃'én₂ Babilonia juě'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lě₃;

'né₅ 'má₃ ja₁ŋi'₂ ca₂le₃jín₃ ne₅₄ jme₂dsí₂ 'lin'₅₄,

ca₂le₃jín₃ ne₅₄ i₁tan₅ 'lin'₅₄ lě₁'ŋio₅.

3 Ia₁ ma₂qui₂ma₂'in'₃ ca₂le₃jě₃ juig₂

vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uě₃

quiain'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,

ma₂qui₂ca₂rě₃chá₃ cu₄ 'ŋio₅ lín₃

tě₂le₃ quian'₅₄ jui₅bí₂ a₂ma₂i₁juin₅₄ ŋag₅₄

a₂jlá'₁ jmo₂₃ róin₂.

4 Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:

'Uin'₂ 'nia'₂ jě₄ juig₂ ně₅,

con'₂ 'nia'₂ i₂lín₅'₅ dsa₂ juig₂ quiáng₃,

ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ ně₅,

on₃ guě'₂ tin'₃ 'nia'₂ jmi₁uig₅ a₂já₅ ja₁coin₂.

5 Ia₁ 'lióng₂ lín₃ dsáu₁ 'io₅₄ ně₅ ma₂rě₂juí₄,

ně₂jag₄ bá₄ ma₂tě₂ ca₂tě₂ guei'₅₄ i₂juíg₃.

Jaun₂ Diú₄ ně₃ ma₂dsáu'₅ dsí₅

ca₂le₃jě₃ a₂'lig'₅₄ a₂ma₂rě₂cáin'₄.

6 A₂le₂jaun₂ cuě'₅₄ 'nia'₂ 'io₅₄ ně₅

jui₁lia'₂ lě₅ a₂ma₂qui₂ma₂cuě'₃ dsa₂ 'ηiog₅.

Qui'₄ 'nia'₂ tin₃ ju'₂

lia'₂ con'₂ guě₄ a₂ma₂jmo₃.

Co₂gün'₅₄ 'nia'₂ tin₃ ráun₂ a₂'ηio₅ guě₄

ηió'₂ copa quió'₅ 'ηiog₅,

con'₂ guě₄ a₂ma₂cuě'₃ i₂sián'₂.

⁷ Jui₁lia'₂ a₂ηí₄ lě₃ ma₂qui₂ma₂chain₂ jlá'₁ a₂róin₂,

co₂jaun₂ cuě'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ tē₂dsí₅:

“La₂ gua₅₄ a₂líng₅ jan₂ 'io₅₄ rag₅₄,

tsá₃ dsa₂ 'nág₂ líng₅.

Tsá₃ o₁líg'₂ ηag₅₄ uig₅ le₃qui'₂ dsí₃.”

⁸ Uig₅₄ jaun₂ ně₃,

co₂nio₄ co₂jmi₄g₄ bá₄ ja₃lé₂ jmi₁uig₅ ja₁coin₂;

'mú₃, qui'₃-o₃, le₃'oin₅₄ ně₃;

jaun₂ guě₄ dsin'₂ co₂ηei'₅₄.

Ia₁ i₂'uan'₂ lin₃ bá₄ Te₁gui'₅₄ Diú₄

i₂qui₃dsi₅ 'éi'₃ ja₁coin₂ jmi₄g₄ jaun₂.

⁹ Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uě₃ i₂qui₂ca₂nió'₄ jág₁ quiaín₅₄ 'io₅₄ 'éi₂, i₂qui₂ma₂ca₂rě₃cháin₃ jlá'₁ quiaín₅₄, jě₁ma₂ca₂jág₃ tsau₂ jme₁ηi₁ guei'₅₄ a₂ma₂qui₂cau₂ quió'₅ 'io₅₄.

¹⁰ La₁ uíng₂ bá₄ qui₂dsi₃ná_{u3}, qui₃jág₃ gó'₃ 'ηio₅ lin₃, jaun₂ juá'₂:

i'E₂ guě₄ juíg'₂, 'e₂ guě₄ juíg'₂,

'ne₂ ciudad juě'₂,

'ne₂ Babilonia i₂jme₁'uang'₂ lin₃ ně₃!

iQuian'₅₄ ca₂tiá₂ co₂lág₂ bá₄

gua₅ uig₅ a₂rě₂'ě₂ ja₁cong'₂!

¹¹ Cán₂ go₂'i₃, qui'₃-o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄ 'uě₃, o₄quió'₄ 'éi₂;

ia₁ tsá₃ ma₂'ein₂ le₃chan₂ qui₃lág₃ guě₄ 'e₂ lio₅₄ i₂quian₅₄:

¹² lio₅₄ a₂lě₅ cu₄nióg₄, cu₄tiog₂, cang₄ jlá'₁, míg₂ perlas, ca₂le₃jě₃ ne₅₄ jui₁lia'₂ 'mi'₂ jlá'₁, jui₁lia'₂ lino quian'₅₄ seda a₂'lióng₂ ne₅₄ jniá₂, a₂'ui'₃, a₂guéin₂ ně₃; ca₂le₃jě₃ ne₅₄ 'ma₂ jlá'₁ ně₃ a₂ja₂ mi₂juig₂ ma₂ro₂; líóng₂ ne₅₄ cosas jlá'₁ ně₃, jui₁lia'₂ a₂lě₅ ni₁mu₅, a₂lě₅ ni₁'ma₂ jlá'₁ a₂'mu'₅₄, a₂lě₅ ni₁η₁'ua'₂, a₂lě₅ ni₁η₁ níóg₂ ně₃, ni₁cang₁ mármol táng₃;

¹³ lio₅₄ canela, ca₂le₃jě₃ guě₄ a₂ja₂ mi₂juig₂ ma₂ro₂ jui₁lia'₂ chen₂, mirra, no'₅₄ mi₂juig₂ ně₃; vino quian'₅₄ no'₅₄ olivo; cui₂g₂ dse₃ quian'₅₄ trigo; já'₂ ně₃, jui₁lia'₂ ca₁jui₅, já'₂ cha'₂ quian'₅₄ cua₁; ni₁η₁ carrozas ně₃. Ca₂le₂jio₅ dsa₂ mi₂güí₃ rin'₅₄ dsa₂ i₂jme₂ti₃ ta₁ ne₅₄.

¹⁴ La₁ jmi₄g₄ jaun₂ guě₄ ně₃, juá'₂ tsí'₃ ciudad jaun₂:

iMa₂ca₂jnia'₃ ja₁cong'₂, míg₂ jlá'₁

a₂ηí₄ lě₃ jme₁'ín₅ 'au'₂ quě'₅₄!

iA₂co₂dsia₅ ca₂l₃'én₂ jaun₂ bá₄

ca₂le₃jě₃ a₂jlá'₁

a₂jme₁quen₅ cu₄ a₂jme₁cha₂ quiáng'₂!

Tsá₃ ma₃o₁líg'₂ jmi₄g₄ dsiang'₂.

¹⁵ 'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃ cu₄ 'ηio₅ lin₃ tē₂le₃ quian'₅₄ 'io₅₄ 'éi₂, qui₂dsi₃ná_{u3} uíng₂, qui₃jág₃ gó'₃ 'uig₅₄ jmi₁uig₅ a₂go₂'i₃ jaun₂.

¹⁶ Jaun₂ juá'₂ tiá₂:

i'E₂ guě₄ juíg'₂, 'e₂ guě₄ juíg'₂,
 'ne₂ ciudad juë'₂!
 ¡Ia₁ jme₁lě₄ jui₁lia'₂ lín₅ jan₂ 'io₅₄ jlán'₁
 i₂jme₁qui'₂ tsin'₅₄ jlá'₁ lín₃
 a₂jme₁jniá'₂ 'ui'₃ quian'₅₄ a₂guéin₂,
 i₂jme₁rě₂lín₄ jlán'₁ quian'₅₄ cu₄nióg₄,
 ni₁cang₁ jlá'₁, mǐg₂ perlas ně₃!
 17 ¡Quian'₅₄ ca₂tiá'₂ co₂lág₂ bá₄,
 qui₂ca₂dsa₃ ca₂ag₂ a₂jlá'₁ a₂quen₅ 'lióng₂ lín₃!
 'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ guě₄ dsa₂ i₂i₂nio₄ ne₄ jmi₁ńí'₄,
 ca₂le₃jín₃ guě₄ dsa₂ i₂'no₅ a₂dsi₂ńí₂ ne₄ jmi₁ńí'₄, qui₂dsi₃ná₃ uíng₂,
 18 jě₁ma₂ca₂jág₃ jme₁ńi₁ a₂ma₂qui₂cau₂ quió'₅, qui₃juá'₂ tiá'₂ tóin'₃:
 —¿'E₂ bá₄ ciudad lé₂ le₃quin₃ quian'₅₄ ciudad juë'₂ ně₅?
 19 Jaun₂ qui₂tó'₃ ti₁jui₁ ne₄ mi₂dsi₅₄ guioin₅₄, qui₂'-o₂₃, a₂juá'₂ tiá'₂:
 i'E₂ guě₄ juíg'₂, 'e₂ guě₄ juíg'₂
 ciudad juë'₂ ně₅!
 Quian'₅₄ ca₂le₃jě₃ a₂jme₁cha₂ quió'₅,
 ca₂rě₃chá₃ cu₄ ca₂le₃jín₃ dsa₂
 i₂qui₂le₁'io₅ barcos ne₄ jmi₁ńí'₄.
 ¡Quian'₅₄ ca₂tiá'₂ co₂lág₂ bá₄ ca₂'en₃ jě₂!
 20 La₁ 'nia'₂ ně₃,
 i₂chan'₂ guei'₅₄ i₂juíg'₃,
 jmo₄ 'nia'₂ 'io'₂ ne₄ quió'₅ juig₂ jaun₂.
 Ca₂le₃jín'₃ guě'₂ 'nia'₂ i₂tén₅ le₃quió'₅ Diú₄,
 i₂chen₄ quiáin₅, i₂qui₂'ě₂ jág₁ quió'₅ ně₃.
 Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,
 ma₂ně₂jme₃rě₃ ca₂le₃jě₃ a₂ma₂jmái'₂ 'nia'₂ jaun₂.
 21 Jaun₂ ca₂chóg'₃ jan₂ ángel 'uan'₂ ca₂mǐg₂ ni₁cang₁ pa₁, a₂lě₅ jui₁lia'₂ lě₅
 ni₁cang₁ éi'₅ cui₂'í₅; ca₂ton₃ ne₄ jmi₁ńí'₄, ca₂juá'₂:
 Quian'₅₄ 'nei₂ uig₅ le₂ně₅ bá₄
 dsó₃ 'uě₃ ján₃,
 Babilonia ciudad juë'₂,
 tsá₃ ma₃a₁jaun₂ jua'₅₄ le₃cha₂.
 22 O₁líg'₂ jmi₃g₄ tsá₃ ma₃qui₂né'₂ a₂jmo₃ dsa₂ son₅₄
 jui₁lia'₂ jě₄ calle quiáng'₂:
 jui₁lia'₂ son₅₄ tsí₁ton₅ arpas,*
 son₅₄ 'ma₂, son₅₄ ńí₁ trompeta ně₃.
 Tsá₃ ma₃le₃chan₂ tě₅
 i₂tín₂ ta₁ 'i₁jan₂, ja₁cong'₂;
 tsá₃ ma₃qui₃né'₂ mi'₅₄
 ni₁cang₁ éi'₅ cui₂'í₅, ja₁cong'₂;
 23 si₂ nng'₂;
 jág₁ quió'₅ 'io₅₄,
 quió'₅ dsa₂ ńe'₂ i₂jen'₂ gu₂,
 tsá₃ ma₃o₁líg'₂ qui₃né'₂ ja₁cong'₂.
 Ia₁ dsa₂ dsen₅₄ jin₄ dsa₂ mi₂güí₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juig₂

* 18:22 griego: kithara.

tē₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rē₂cán'₄ jm_{i2}'an₅₄
 ca₂le₃jín₃ dsa₂ i₂tén₅ le₃quió'₅ Diú₄,
 i₂ma₂'ě₂ já_{g1} quió'₅ ně₃,
 quian'₅₄ ca₂le₃jín₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ já_{g1} quió'₅ juin₅ lin₃ dsa₂ i₂tion'₅₄ guei'₅₄ i₂juíg₃,
 i₁juá'₄ co₂mí'₅₄:

¡Aleluya!*

Te₁gui'₅₄ Diú₄ quián₂ bá₄ jniog₄ i₂lió₂,

i₂ca₂tín₂ gue₃ a₂jme₃juag'₂ dsa₂,

i₂ca₂tín₂ jui₅bí₂ a₂náu₃ ne₄ 'éi'₃.

2 Ia₁ dsau₅, ton'₂ dsi₂ten₅₄ bá₄ lě₅

a₂qui₂dsi₂₃ 'éi'₃.

Ia₁ ma₂ně₂qui₂dsi₂₃ 'éi'₃

ja₁con₂ 'io₅₄ 'lin'₅₄ juin'₂,

i₂ma₂ca₂jme₃'ióg₃ ta₁caun₂ mi₂güí₃

quian'₅₄ já_{g1} 'lig'₅₄ a₂ma₂qui₂ma₂nió'₃.

Jaun₂ 'niog₅ bá₄ Diú₄ ma₂ně₂quion₃ 'ma'₅₄

ja₁con₂ 'io₅₄ 'éi₂,

ne₄ quió'₅ jm_{i2}'an₅₄ ca₂le₃jín₃ dsa₂ quián₅ Diú₄

i₂jme₂ti₃ ta₁ ne₅₄.

3 Con'₂ siá'₂ táng₃ ca₂juá'₂:

¡Aleluya!

Tsau₂ jme₁ni₁ a₂con₂ 'io₅₄ 'éi₂

ca₂lia'₂ co₂tan₅₄.

4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂ le₃quén₂ já'₂ i₂tión₂
 le₃ne₄ ne₄ta₁, qui₂ca₂tóin₂ 'uě₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:

—¡A₂méi₃! ¡Aleluya!

5 Jaun₂ guě₄ ca₂né'₂ já_{g1} tē₂ ne₄ta₁, i₁juá'₄:

Jme₁juin'₂ 'nia'₂ Diú₄ quián₂

ca₂le₃jín'₃ 'nia'₂ i₂jme₂ti₃ ne₅₄

ca₂le₃jín'₃ 'nia'₂ i₂juin'₂ i₂me'₂

i₂go₃ gain₃ 'éi₂.

Jmíg₄ ja₁jen'₂ gu₂ Guein₂ Já'₂ Cha'₂

6 Jaun₂ ca₂nag₃ jniá₂ co₂mí'₅₄ a₂né'₂ lia'₂ né'₂ já_{g1} ja₁i₁tion'₅₄ dsa₂ juin₅, lia'₂ né'₂
 ja₁ta'₂ la'₅₄ pa₁ lin₃, * ju_{i1}lia'₂ tē₂tsi'₅₄ co₂mí'₅₄ quia'₂ ní'₃ tiá₂ lin₃, i₁juá'₄:

¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄

i₂'Uan'₂ guě₄ lin₃.

7 ¡Ju_{i1}jmó₁ jniog₄ 'io'₂

o₂'nió₃ o₂jñia₃ dsi₅,

ju_{i1}jme₁juin'₂ jniog₄ 'éi₂!

Ia₁ ca₂té₂ hora a₂jen'₂ gu₂

Guein₂ Já'₂ Cha'₂.

Dsa₂ mí₂ i₂jen'₂ gu₂ quiain'₅₄ ně₃

ma₂chain₂ co₂jñiai₅₄.

* 19:6 o, "lia'₂ né'₂ 'lióng₂ jmíg₂."

8 Ma₂ŋi₂ tsi₁'mi₂ lino jlá'₁

a₂tág₅, a₂le₁jě₃ lin₃, a₂rě₂lin₅₄.

(Ia₁ jui₁lia'₂ tsi₁'mi₂ lino jlá'₁ ně₃, co₂'nió'₄ jui₅ dsau₅ a₂ma₂quian₅ dsa₂ i₂tén₅ le₃quió'₅ Diú₄.)†

9 Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ guě₄ dsen₃ ca₂le₃jín₃ dsa₂ i₂tě₄ jmig₄ ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ tē₃dsón'₂ bá₄ la₂ quió'₅ Diú₄.

10 Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂ jniá₂. La₁ ca₂juá'₂ ně₃:

—A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄, quian'₅₄ i₂tón'₂ jui₅ jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂. Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsí₂ quió'₅ jui₁lia'₂ i₂'ě₂ jág₁ o₄quió'₄ Diú₄.

Dsa₂ i₂ŋó₅ co₁dsin₅₄ cua₁ tion₂

11 Jaun₂ ca₂jág₃ jniá₂ rě₂na₄ guei'₅₄ i₂juíg₃, jaun₂ ca₂jnia₃ jan₂ dsi₂cua₁ tion₂. Dsa₂ i₂co₂dsag₅₄ guě'₂ chen₂ I₂rě₂ti'₅₄, I₂dsau₅ ně₃. Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂.

12 Tág₅ jme₁ne₁₂ lia'₂ tág₅ si₂; tio'₅₄ 'lióng₂ coronas mi₂dsi₅₄ ja₁le₁ton₅ lia'₂ chein₂, jñia'₅₄ lia'₂ 'ŋiog₅ bá₄ ŋí'₂, tsá₃ 'ein₂ i₂sián'₂ ŋí'₂.

13 Qui'₂ caun₂ 'mi₂ chen'₅₄ a₂ně₂jag₄ bá₄ ma₂i₂tia₃ jmi₂; a₂chen₂ 'éi₂ guě'₂ ně₃ Jág₁ quió'₅ Diú₄.‡

14 Chi₁co'₅₄ quió'₅ 'éi₂, tē₁ja₂lén₂ juin₅ lin₃ 'lióg₂ quián₅ guei'₅₄ i₂juíg₃. Ca₂le₃jín₃ le₁qui'₂ jmá'₃ 'mi₂ lino tiog₂ jlá'₁ a₂le₁jě₃, a₂ca₂'uin₂ qui₂co₂dsin₅₄ cua₁ tion₂.

15 Mi₂'O₄ 'éi₂ dsi₅₄ caun₂ a₂lě₅ lia'₂ lě₅ ŋi₁tág₂ 'mu₃ lin₃ a₂jmái'₂ ca₂le₃jín₃ juig₂ ne₄ gua'₅₄ 'uě₃. “Goin₃ ne₄ 'éi₂ quian'₅₄ 'ma₂'i'₅₄ a₂lě₅ ni₁ŋí'₁ 'ua'₂.”§ Qui₃tsó'₃ ně₂jag₄ bá₄ míg₂ uvas a₂'i₄ 'nei₂ dséi₂ dsí₅ Diú₄ 'Uan'₂.

16 Ne₄ tsi₁'mi₂ chen'₅₄, ne₄ mi₂qui₅₄ ně₃, chi₁ton₅ 'a₂ lia'₂ chein₂: RAG₅₄ QUIÁN₅ CA₂LE₃JÍN₃ RAG₅₄ JUIG₅₄ CA₂LE₃JÍN₃ JUIG₅₄.

17 Jaun₂ ca₂jing₅₄ jan₂ ángel chéin'₅ dsi₂jo₂ 'iog₂. 'Éi₂ ně₃ ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂:

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuě₃ Diú₄,

18 ia₁jaun₂ tón'₄ 'nia'₂ quě'₅₄ jmá'₃ ŋí₅: ŋi₄ rag₅₄, ŋi₄ ca₂le₃jín₃ juig₅₄ 'lióg₂, ŋi₄ ca₂le₃jín₃ guě₄ dsa₂ bėn₂ ně₃. Ca₂lia'₂ ŋi₄ cua₁ ně₃, ŋi₄ dsa₂ i₂jme₁co₂dsag₅₄ ně₃; ŋi₄ ca₂le₃jín₃ guě₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

19 Jaun₂ ca₂jing₅₄ i₂tě'₂ Já'₂ 'Lin'₅₄, quiaín'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uě₃, quiaín'₅₄ ca₂le₃jín₃ 'lióg₂ quiáin₅. Ca₂liaín'₃ riin'₅₄ ca₂jmo₃ caun₂ jág₁ a₂quín'₂ quiaín'₅₄ i₂co₂dsin₅₄ cua₁ quiaín'₅₄ ca₂le₃jín₃ 'lióg₂ i₂quiaín'₅₄ ně₃.

20 Já'₂ 'Lin'₅₄ ně₃ ca₂'néi'₃ bá₄ co₂dsia₅ quiaín'₅₄ dsa₂ i₂'ě₂ jág₁ a₂jui₁gain₂ i₂ma₂jmo₃ 'lióng₂ léi₄ juě'₂ o₄quió'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅ 'éi₂ ně₃. Le₃on₃ 'éi₂ co₂dsia₅ bá₄ ca₂tē₁dsin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂juě'₂ lia'₂ juě'₂ jmí₁ŋí'₄.

† 19:8 lit. “a₂ma₂quian₅ dsa₂ jñi₁ó'₅.” ‡ 19:13 'Nio'₂ ja₁ton₅ Juan 1:1-14. § 19:15 Salmo 2:9.

21 Ca₂le₃jín₃ guě₄ rin'₅₄ 'éi₂ ně₃ ca₂dsain₃ quian'₅₄ ŋi₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guě₄ qui₂ca₂guě'₃ ca₂le₃jín₃ já'₂ i₂'in₅, lia'₂ mag'₂ dsí₅, ŋi₄ i₂ca₂dsan₃ 'éi₂.

20

Caun₂ mei₅ ŋi₂

1 Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ ní₁ llave quió'₅ ja₁ca₂jein₃ chi₁dsio₅₄, caun₂ guě'₂ cadena pa₁ quian₅.

2 Jaun₂ ca₂ŋai'₃ i₂tě'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sě₃dsen₃ i₂chen₂ Satanás, jaun₂ ca₂'néi'₃ caun₂ mei₅ ŋi₂.

3 Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guě₄ juig₂ a₂cha₂ ne₄ gua'₅₄ 'uě₃, ca₂lia'₂ ca₂dsin₃ caun₂ mei₅ ŋi₂. Cang₂ jaun₂ jě₁ma₂ca₂dsin₃ caun₂ mei₅ ŋi₂, jaun₂ guě₄ chein'₂ táng₃ co₂'na₂.

4 Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂ŋi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsí₂ quió'₅ dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄quió'₄ jág₁ quió'₅ Diú₄ ně₃. Tsá₃ ca₂jme₃juin'₂ Já'₂ 'Lin'₅₄, on₃ guě'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ guě'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂, ca₂rě₃goin₂ quian'₅₄ Cristo caun₂ mei₅ ŋi₂.

5 (La₁ ca₂le₃jín₃ guě₄ 'lag₄ sián'₂ guě'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ŋi₂.) Co₂'nió'₄ a₂jaun₂ bá₄ le₃juá'₅₄ jě₁le₂'uig₅₄ a₂jen'₅₄ 'lag₄.

6 i'_{E2} guě₄ dsen₃, 'e₂ guě₄ ŋi₁ó₅, ju₁lia'₂ dsa₂ i₂quen'₄ jě₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guě₄ ně₃ tsá₃ ma₃jui₅bí₂ 'io₃ jě₁ca₂tě₂ táng₃ 'mú₃. Dsa₂ 'éi₂ guě₄ ně₃ léin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quian'₅₄ 'éi₂ caun₂ mei₅ ŋi₂.

7 Jě₁ma₂ŋi₂ caun₂ mei₅ ŋi₂ jaun₂, jaun₂ guě₄ chen'₂ táng₃ Satanás ja₁rě₂ŋi₅,

8 a₂o₃'iin₅, dsi₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uě₃: ca₂tě₂ ja₁chei₂ Gog quian'₅₄ Magog.* Ja₁jaun₂ guě₄ ně₃ chi₁liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lín₃ lě₂, lia'₂ ja₁lě₄ mi₂tsag₄ a₂cha₂ chei'₅₄ jmi₁ŋi'₄.

9 Jaun₂ ca₂i₃léin₂ ta₁caun₂ jui₅ con'₂ lě₅ 'í₂ gua'₅₄ 'uě₃, jaun₂ ca₂jě₂li'₅₄ le₃lág'₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juíg₃, ca₂dsin'₂ co₂ŋei'₅₄.

10 Jaun₂ i₂sě₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'iin₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quian'₅₄ dsa₂ i₂'ě₂ jág₁ a₂jui₁gain₂, a₂ŋág₃ uig₅ lia'₂ 'uě₂-jmi₂ ca₂lia'₂ co₂tan₅₄.

Jě₁tě₃dsi₅₄ 'éi'₃ ne₄ta₁ tiog₂ a₂juě'₂

11 Jaun₂ ca₂jág₃ táng₃, ca₂jnia₃ caun₂ ne₄ta₁ juě'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uě₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂.

12 Ja₁jaun₂ guě₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniái₂ tióin₂ ne₄ Diú₄. Jaun₂ qui₂ca₂niá₃ mi₂si₂ rě₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂tě₁dsi₅₄ 'éi'₃ ja₁con₂ 'lag₄ lia'₂ con'₂ lě₅ ca₂jmo₃ le₂jain₂ le₂jain₂ con'₂ lě₅ le₁ton₅ ne₄ mi₂si₂ jaun₂.

13 Ca₂jín'₂ jmi₁ŋi'₄ ca₂jín'₂ 'lag₄ i₂jme₁tion'₅₄ jě₄ jaun₂; qui₂ca₂jín'₂ 'Mú₃ quian'₅₄ guě'₂ Tau₂ 'Nio₅₄ a₂qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂tě₁dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lě₅ a₂ca₂jmo₃.

* 20:8 o, "Magog ja₁gon₂ Gog". 'Nio'₂ ja₁ton₅ Ezequiel 38:2 - 39:16.

14 Jaun₂ qui₂i₃gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lě₅ jě₁ca₂tě₂ táng₃ 'mú₃.

15 Ju₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'ín₃.

21

Caun₂ gua'₅₄ 'uě₃ 'mí₂, quian'₅₄ caun₂ dsi₄ 'mí₂

1 Cang₂ jaun₂, ca₂jág₃ táng₃ jniá₂ caun₂ gua'₅₄ 'uě₃ 'mí₂, caun₂ dsi₄ 'mí₂ táng₃, ia₁ jě₁le₂'uig₅₄ dsi₄ quian'₅₄ guě'₂ le₂'uig₅₄ gua'₅₄ 'uě₃ co₂dsia₅ ca₂i₃'én₂ bá₄ jaun₂, on₃ guě'₂ jmá'₃ jmi₁ñí'₄ ma₃cha₂ ně₃.

2 Jaun₂ ca₂jág₃ jniá₂* Juig₂ Ciudad Jñio₅, Jerusalén 'mí₂, a₂ca₂jnia₃ ca₂sio₃ guei'₅₄ i₂juíg₃ ne₄ Diú₄. Jniá₂ ma₂lě₅ co₂jñia₅₄ jlá'₁ lin₃, ně₂jag₄ bá₄ jan₂ dsa₂ mí₂ i₂rě₂lin₄ quián₅ dsa₂ ñe'₂ i₂li'₅₄ jág₁ quian'₅₄.

3 Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quián₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quián₅,

4 Jaun₂ qui₃chí₃ jme₁ne₁ 'éi₂ ca₂le₃jě₃ jmi₂ a₂le₁'ág₄. Tsá₃ ma₂le₃cha₂ guě'₄ 'mú₃, on₃ guě'₂ jua'₅₄ ně₅ qui₃tón'₃ guě'₄ dsa₂ qui'₂-o₂₃, on₃ guě'₂ ně₅ i₃noi₅₄ guě'₄ chain₂ o₂i₁ dsi₅, on₃ guě'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jě₃ 'e₂ a₂jme₁cha₂ le₂jñiá₅.

5 Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jě₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rě₂ti'₅₄ bá₄ la₂.

6 Jaun₂ ca₂tság₃ jniá₂:

—Ca₂lě₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jě₁ca₂tó'₂ ně₃. Ju₁lia'₂ i₂rě₂quein₂ dsi₅, cuě₅₄ jniá₂ a₂'ín'₂ 'éi₂ jmi₂ a₂'ia₂ o₄tu₁ jmi₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂.

7 Ju₁lia'₂ i₂ca₂tió'₃, a₂lě₁ñei₃ cuě₅₄ jniá₂ ca₂le₃jě₃ a₂ně₅, jaun₂ jniá₂ bá₄ léng₂ Diú₄ quián₅, 'éi₂ guě'₂ lén₂ chi'₂-guein₂ quiáng₃.

8 La₁ ju₁lia'₂ dsa₂ i₂tén'₅, ju₁lia'₂ dsa₂ i₂tsá₃ 'én₂, ju₁lia'₂ i₂li₁'ñio₅, ju₁lia'₂ i₂jme₂dsian₅ rin'₅₄, ju₁lia'₂ i₂nió'₅ jág₁ a₂tsá₃ dsi₂ten₅₄ nió'₃, ju₁lia'₂ i₂tin₂ mí₅ a₂chan₂ dsi₅, ju₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ tē₂jág₁ ně₃; ca₂le₃jín₃ dsa₂ ně₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lě₅ jě₁ca₂tě₂ táng₃ 'mú₃.

Caun₂ Jerusalén 'mí₂

9 Jaun₂ ca₂guan₃ jan₂ ángel i₂lě₂ i₂guion₃ i₂jme₁le₁chan'₂ guio₃ ni₁uig₅ le₁can'₂ le₃guio₃ jmi₁uig₅ jě₁ca₂tó'₂ 'éi₂, ca₂juá'₂ ca₂tság₃ jniá₂:

—Ñia₅, la₂ 'ín₄ jniá₂ dsa₂ mí₂ i₂lě₂ dsi₂i₂gu₂ Guein₂ Já'₂ Cha'₂.

10 Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂tě₂ ja₁lě₄ má'₂ juě'₂ a₂ñei₅. Ja₁jaun₂ ca₂'ě₃ Juig₂ Jñio₅, Jerusalén, a₂sio₅ guei'₅₄ i₂juíg₃ ne₄ Diú₄.

11 A₂jniá₂ tág₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né'₅ ju₁lia'₂ jniá₂ ni₁cang₁ jlá'₁, ju₁lia'₂ ni₁cang₁ Jasje a₂rě₂jě₃ lia'₂ lě₅ ni₁'i₂.

12 Le₃lág'₃ juig₂ jaun₂, chí'₅ caun₂ ni₁'ia'₂ pa₁ lin₃ a₂ñei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel.

† 20:14 griego: hades, co₂'nió'₄ a₂juá'₂, ja₁quió'₄ 'lag₄.
Juan₅₄, ca₂jág₃.”

* 21:2 Cha₂ a₂lin₅₄ chog₅₄ si₂ me'₂, a₂juá'₂: “jniá₂,

13 'Ni₅ o₄'né₄ le₁dsi₅₄ tē₂le₃ ja₁'ia₂†'iog₂, 'ni₅ guē'₂ tē₂le₃ ca₂ton₂ norte, 'ni₅ guē'₂ tē₂le₃ ca₂ton₂ sur, 'ni₅ guē'₂ táng₃ tē₂le₃ ja₁rin₂'iog₂.

14 Jme₁lě₂ guia₃-tín₂'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂.

15 Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quiog₂ dsa₂'éi'₃, a₂lě₅ jmá'₃ cu₄nióg₄, a₂qui₃quióg₃'éi'₃ juig₂ jaun₂, ca₂le₃jě₃ o₄'né₄ quió'₅, dso'₂ ni₁'ia'₂ ně₃.

16 Ta₁caun₂ juig₂ jaun₂ lě₅ cha₂ qui'₅₄, co₂jaun₂ bá₄ í₂ con'₂ cu₂. Ca₂quiog₂'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂tē₁ron₅₄'éi'₃, ca₂dsióg₃ tin₃ mei₅ rē₂dsí₂ tin₃ 'ñiá₂-lá_u₂ (2,200) kilómetros con'₂ tē₂le₃ jang₄ juig₂. Con'₂ jaun₂ bá₄ ján₃, ca₂dsióg₃ tē₂le₃ í₂ quian'₅₄ guē'₂ tē₂le₃ ñei₅ niog₅ juig₂.

17 Jaun₂ ca₂quiog₂'éi'₃ jmá'₃ ni₁'ia'₂. Jaun₂ ca₂dsióg₃ caun₂ 'ñiá₂-lá_u₂ rē₂dsí₂ tē₂lá_u₃-quén₂ (144) lě₂, 'éi'₃ quió'₅ dsa₂ mi₂güí₃, 'éi'₃ a₂jmó'₂ ángel ta₁.‡

18 Ni₁'ia'₂ ně₃, jme₁lě₄ jmá'₃ quian'₅₄ ni₁cang₁ jaspe; ta₁caun₂ ciudad guē'₂ ně₃, jmá'₃ cu₄nióg₄ jmá'₅, a₂tág₅ lia'₂ tág₅ ni₁'i₂ rē₂jě₃.

19 'Uig₅₄ ni₁'ia'₂ ciudad ně₃, qui₂rē₂lag₄ quian'₅₄ ca₂le₃jě₃ ne₅₄ ni₁cang₁ jlá'₁.

Jē₁le₂'uig₅₄ rē₂lag₄ quian'₅₄ jaspe;

jē₁ca₂tě₂ tin₃ ně₃, quian'₅₄ zafiro;

jē₁ca₂tě₂ 'ni₅ ně₃, quian'₅₄ ágata;

jē₁ca₂tě₂ quén₂ guē'₂, quian'₅₄ esmeralda;

20 jē₁ca₂tě₂ 'ñiá₂ rē₂lag₄ quian'₅₄ ónice;

jē₁ca₂tě₂ jñéi₂ guē'₂ ně₃, quian'₅₄ cornalina;

jē₁ca₂tě₂ guio₃ táng₃, quian'₅₄ crisólito;

jē₁ca₂tě₂ jñia₃ ně₃, quian'₅₄ berilo;

jē₁ca₂tě₂ ñi₃ ně₃, quian'₅₄ topacio;

jē₁ca₂tě₂ guia₃ guē'₂ ně₃, quian'₅₄ crisoprasa;

jē₁ca₂tě₂ guia₃-cáun₃ ně₃, quian'₅₄ jacinto;

jē₁ca₂tě₂ guia₃-tín₂ guē'₂ ně₃, rē₂lag₄ quian'₅₄ amatista.

21 Ta₁guia₃-tín₂ o₄'né₄ ně₃, jme₁lě₄ míg₂ perlas, ia₁ jma₃cáun₃ o₄'né₄ jme₁lě₄ jma₃ca₂míg₂ perla. Calle dsen₅₄ dsi₂jo₂ juig₂ ciudad jaun₂, jme₁lě₄ cu₄nióg₄ a₂le₁jě₃ ně₂jag₄ bá₄ ni₁'i₂ rē₂jě₃.

22 Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jě₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ guē'₄ lín₃, 'éi'₂ bá₄, quiain'₅₄ Guein₂ Já'₂ Cha'₂, lín₅ guá'₅ quió'₅.

23 Tsá₃ si₂ quió'₅ 'iog₂ on₃ guē'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guē'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅.

24 Jaun₂ qui₂in_{io}₄ ca₂le₃jě₃ juig₂ § ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uě₃, qui₂le₁quian₅ a₂jlá'₁ quió'₅ jě₄ jaun₂.

25 Lia'₂ o₁líg₂ jmig₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uě₂ le₃cha₂.

26 Ja₁jaun₂ qui₂dsi₃to'₅₄ ca₂le₃jě₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uě₃.

27 La₁ ja₁jaun₂ tsá₃ qui₂dsi₃to'₅₄ 'i₁caun₂ a₂lě₁'iog₅, on₃ guē'₂ 'i₁jan₂ dsa₂ i₂qui₂jmo₅ a₂o₂gui'₃, i₂juí₂gan₂ ně₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

† 21:13 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 21:17 o₃, "'éi'₃ quió'₅ dsa₂ mi₂güí₃, co₂'nió'₄ 'éi'₃ quió'₅ ángel." § 21:24 A₂lín₅₄ chog₅₄ si₂: "ca₂le₃jě₃ juig₂ a₂ma₂lón₂."

22

Cuá₃ ja₁ŋi₅ jmig₂ a₂chan₂ dsa₂

¹ Jaun₂ ca₂'ě₃ ángel caun₂ cuá₃ ja₁ŋi₅ jmig₂ a₂chan₂ dsa₂, a₂rě₂jě₃ lia'₂ lě₅ ni'₁i₂; a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂,

² a₂ŋi₅ dsi₂j_o₂ jě₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá₃ ně₃, dsi₅₄ ni'₁ma₂ a₂chan₂ dsa₂; * a₂'ag₅ guia₃-tín₂ ne₅₄ míg₂, jma₃ca₂ne₅₄ míg₂ le₂'í₁ tsi'₂, † Mog'₅₄ guě'₂ ně₃, jmo₅ ta₁ a₂lón₂ ca₂le₃jě₃ juig₂.

³ Ia₁ ja₁jaun₂ guě₄ ně₃, tsá₃ ma₃jág₁ uig₅ le₃cha₂. Jě₄ juig₂ ciudad tě₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅ ne₅₄.

⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃.

⁵ Tsá₃ ma₃a₂'uě₂ cha₂ ja₁jaun₂; le₂jaun₂ guě'₂ táng₃ ju₁lia'₂ i₂tián'₅ ja₁jaun₂ tsá₃ ma₃si₂ ni₁tsí₅ 'nió'₅ quió'₅, on₃ guě'₂ si₂ quió'₅ 'iog₂. Ia₁ 'ŋiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rě₂ti'₅₄ bá₄ la₂ a₂juíg₂ jniá₂ 'ne₂. 'Niog₅ bá₄ Te₁gui'₅₄, i₂lín₅ Diú₄ i₂cuě₅ bí₂ jme₂dsí₂ quió'₅ dsa₂ i₂qui₂'ě₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃, a₂ca₂jme₃jniai₂₃ ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lé₂ ŋi'₅₄ ta₁.

Ni'₅₄ ta₁ guan'₂ bá₄ Te₁gui'₅₄ Jesucristo

⁷ —jJag₄! ŋi'₅₄ ta₁ la₂ bá₄ guióng'₄! i'₂E₂ guě₄ dsen₃ i₂tón'₂ ju₁i₅ jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂!

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa ně₅. Jaun₂ jme₂ma₂ně₂jág₃ ma₂ně₂nag₃, jaun₂ ca₂tón₂ jniá₂ 'uě₃ ja₁tión₂ mi₂tag₄ ángel, a₂jme₁jme₁juin'₂.

⁹ La₁ jaun₂ ca₂tság₃ jniá₂:

—A₃ jmo₂ le₂ně₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'ě₂ jág₁ o₄quió'₄ Diú₄, quian'₅₄ i₂tón'₂ ju₁i₅ jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá₂:

—Tsá₃ lě₁'ma₂ tei₄ jág₁ a₂rě₂'ě₂ quió'₅ Diú₄ a₂tio'₅₄ mi₂si₂ rě₂bin₅ la₂. Ia₁ ma₂ja₂quián₃ jmig₄ jaun₂.

¹¹ Ju₁lia'₂ i₂jmo₅ a₂'lig'₅₄, caun₂ ju₁jmo₂₃ a₂'lig'₁₂; ju₁lia'₂ i₂rě₂'ŋió₄, caun₂ ju₁jme₂'ŋiói₃. Le₂jaun₂ guě'₂ táng₃, ju₁lia'₂ i₂ŋi₅ ju₁i₅ co₂dsau₅, ju₁ŋi₁₂ lia'₂ ma₂ŋi₂₃ jaun₂, ju₁i₅ co₂dsau₅; jaun₂ ju₁lia'₂ i₂lín₅ i₂ŋjó₅, caun₂ ju₁lein₅₄ bá₄ rě₂ŋjó₅.

¹² —jDsón'₂ bá₄ ŋi'₅₄ ta₁ guióng'₄! Quion₅₄ 'lia'₅₄ premio quió₃; dsió'₄ cuě₄ le₂jan₂ le₂jan₂ lia'₂ con'₂ lě₅ ma₂jmo₃.

¹³ Jniá₂ bá₄ líng₅ Alfa quian'₅₄ Omega; i₂le₂ne₁, i₂jě₁ca₂tó'₂ ně₃; i₂le₂'uig₅₄, i₂jě₁ca₂dsan₃ táng₃.

¹⁴ 'E₂ guě₄ dsen₃ ju₁lia'₂ i₂ma₂le₁jě₃ tsin'₅₄, ia₁jaun₂ bá₄ ŋei₃ bí₂ a₂tiin₃ ni'₁ma₂ a₂le₃chan₂ dsa₂, a₂tiin₃ dsi₃toin'₅₄ le₃o₄'né₄ juig₂ ciudad ně₃.

¹⁵ Ca₁'né₄ bá₄ tion'₅₄ ju₁lia'₂ i₂lín₅ lia'₂ lín₅ dsi₂jí'₅₄, ju₁lia'₂ i₂tin₂ mí₅ a₂chan₂ dsí₅, ‡ ju₁lia'₂ i₂qui₂nió'₅ jág₁ 'lig'₅₄, ju₁lia'₂ i₂jme₂dsian₅ rín'₅₄, ju₁lia'₂ i₂jme₂juin'₂ diú₄ lag₄, ca₂le₃jín₃ guě₄ i₂tě₅ dsí₅ qui₂jme₂gan₅ rín'₅₄, a₂qui₂jmo₂₃ jág₁ tě₂jág₁ ně₃.

* **22:2** o₃, “a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂j_o₂ jě₄ calle dsen₅₄ quió'₅ ciudad jaun₂, con'₂ guě'₂ lia'₂ ca₂ton₂ jmig₂ cuá₃ ně₃, dsi₅₄ ni'₁ma₂ a₂chan₂ dsa₂.” † **22:2** o₃, “a₂'ag₅ míg₂ guia₃-tín₂ ráun₂, co₂ráun₂ le₂'í₁ tsi'₂.” ‡ **22:15** griego: farmakeía.

16 'Jniá₂ Jesús, ma₂ca₂tsíng₂ ángel quiáng₃, a₂jáng'₃ jág₁ dsau₅ në₅ ja₁con'₂ 'nia'₂ ne₄ ca₂le₃jín₃ guá'₅. Jniá₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Ióg₁ i₂tág₅ quió'₅.

17 Jme₂dsí₂ Jñió₅, quian'₅₄ dsa₂ mí₂ quián₅ Guein₂ Já'₂ Cha'₂ juá'₂:

—Nia₅.

Le₂jaun₂ guë'₂ jui₁lia'₂ i₂nag₅ juá'₂ i₂në₅, jui₁jua'₅₄:

—Nia₅.

Chi₂jua'₂ 'ein₂ i₂rë₂quein₂ dsí₅, jui₁jia₂; chi₂jua'₂ 'ein₂ 'nio₃, jui₁ja₂'én'₃ jmig₂ a₂le₃chain₂, on₃jua'₅₄ cha₂ quin₃ 'i₁caun₂.

18 Ca₂le₃jín₃ i₂nag₅ jág₁ dse₃ a₂rë₂'ë₂ quió'₅ Diú₄, a₂tio'₅₄ mi₂si₂ la₂, 'ë₅ jniá₂ jág₁ dsau₅ la₂: chi₂jua'₂ 'ein₂ ca₂jmo₃ ñag₅₄ con'₂ lë₅ jág₁ a₂ma₂tio'₅₄, Diú₄ bá₄ jme₃juë'₂ jmi₁uig₅ quió'₅ lia'₂ con'₂ lë₅ le₁ton₅ ne₄ mi₂si₂ la₂.

19 Në₁jua'₂ 'ein₂ guë'₂ ca₂jñiá'₂, ca₂jmo₃ me'₂ jág₁ a₂rë₂'ë₂ ne₄ si₂ la₂, Diú₄ bá₄ jñiá'₂ a₂jme₁ca₂tín₂ quió'₅ ni₁'ma₂ a₂chan₂ dsa₂, quian'₅₄ guë'₄ quió'₅ ciudad jñió₅ a₂le₁ton₅ ne₄ si₂ la₂.

20 I₂jáng'₅ jág₁ dsau₅ la₂ juá'₂:

—Dsón'₂ bá₄ ñi'₅₄ ta₁ guióng'₄.

A₂jaun₂ guë'₂ dsón'₂. jñiá'₅ 'ne₂, Te₁gui'₅₄ Jesús!

21 Jui₁jme₂gu'₅₄ bá₄ Te₁gui'₅₄ Jesucristo ca₂le₃jín'₃ 'nia'₂.

Co₂në₅.